

Urumelenḡö Buḡa Kimbi Jöhöjöhö Dölökḡi

Somba-Siawari Bible

This Bible is copyrighted by the Bible Society of Papua New Guinea (papuanewguinean.bible) and is produced at cost by the Digital Bible Society (dbs.org). This translation is made available to you under the terms of the Creative Commons Attribution-Noncommercial-No Derivatives license 4.0.

This Bible

Jenesis	4
Rut	60
Jona.....	65
Matyu	68
Mak.....	111
Luk	136
Jon.....	180
Aposol	214
Rom	258
1 Korint.....	279
2 Korint.....	298
Galesia.....	313
Efesus	321
Filipai	329
Kolosi.....	335
1 Tesalonaika.....	341
2 Tesalonaika.....	346
1 Timoti	349
2 Timoti	356
Taitus	361
Filemon	364
Hibru.....	366
Jeims	382
1 Pitö	388
2 Pitö	395
1 Jon.....	400
2 Jon.....	406
3 Jon.....	408
Juda.....	410
Indelindel.....	413

Jenesis

Jim-asa-asari

Buk kianön kösohot kewöni jiza: Anutunön suep, gölme, mietkö yuainjiri pakpak aka ambazip miwikñaim engi-iga singisöndoknön et etkuiga lömböt sihimbölönambuk mi gölme dop neŋgö qaknine öngöyök. Mewö et neŋguiga Anutunön oyaenköyaen aka malbingö köna denöwöni mi arengöba miwikñaiyök. Letotletot (Jenesis) buk kiangö uruŋe likepni yahöt kewö ahözahot:

1) Boŋ 1-11 Kösohot könakhahiji: Anutunön suep aka gölme miwikñaim etkiiga ambazip yeŋgö malmalñine mutuk miangöreŋ denöwö asuhuyök. Adam aka Iw, Kein aka Abel yeŋgö kösohotñini. Noagö nalöŋe göulu ketanjan asuhuba gölme turuyök. Babilon miangöreŋ miri köröpni kötökni meget.

2) Boŋ 12-50 Israel yeŋgö bömön jalöurupni yeŋgö kösohotñini: Mutuk Abrahamnön Anutu möt nariba keuŋi tem köla maliga keuŋi jim teköiga solaniyök. Yanğö andöŋe nahönñi Aisak, isiŋi Jeikob qetŋi alaŋi Israel aka yanğö nahönurupni 12 miengö kösohotñini könaŋi könaŋi. Azi 12 mi Israel könagesögö kambu 12 miengö bem bömönñina aket. Bem bömön Josefö kösohotni mi tandökni kun. Denöwö asuhuiga Josefnön mutuk Ijpt aniga yanğö andöŋe iwiŋi Jeikob aka darumunurupni pakpak yeŋön mewöyök saiwaurupni yembuk Ijpt kantrinön anda kiana malget.

Buk kianön ambazip yeŋgö malmalñinanğö kösohotni gwötpuk jizapmö, Anutunön denöwö ak engiyöhi, mi-anön kösohot miengö likepni bohonni akza. Malmalgö kösohot pakpak miengö ahakmeme azi bohonni mi Anutu. Könakhahije suep, gölme aka mietkö yuainjiri pakpak miwikñaim engiiga singisöndoknön et etkuiga pöndaŋ Iwiŋini ölni mala bölöŋamñini kewöta keuŋini jim teköba likepni melen engii qaknine öngöi malget. Tosatjan Anutugö keu bapŋe angeri, i ölöpñanök köyan köla enğuangiri malmalñinan miangö dop uteköba asuhuyök. Noagö nalöŋe saiwaŋi 8 yeŋön qahöpmö, ambazip tosati pakpak yeŋön kömuget. Könaŋep jöhöjöhö keuŋi mi Abraham aka gwölönarökurupni könaŋep asuhugeri, yeŋgöra engiyök. Jöhöjöhö keu miengö dop Anutunön könagesöurupñan oyaenköyaen akingöra galöm köl enğiiga mala kota mal öngöme. Ambazipnön mönöwök denöwö Anutu möt narim waŋgigeri, kösohot tömbuŋi miengön mönö nalö kewöŋe mewöyök mötnaripninan guliba köhöimapköra bauköm neŋgimakze.

Buk kiangö bahöŋi bohonni 10 mi kewö:

- 1) Suep, gölme aka yuai pakpak miwikñaiyök.
- 2) Singisöndökö lömböt sihimbölönambuk könahiyök.
- 3) Adamgö nalöŋeyök könahiba Noagöreŋ kaŋgorök.
- 4) Noagö nalöŋe o göulu ketanjan asuhuyök.
- 5) Babilon miri köröpni kötökni meget.
- 6) Semgö nalöŋeyök könahiba Abramgöreŋ kaŋgorök.
- 7) Bömön jalö karöbut Abraham, Aisak aka Jeikob
- 8) Isogö gwölönarökurupni mi kewö:
- 9) Josef aka yanğö darumunurupni
- 10) Israel könagesö yeŋön Ijpt malget.

Anutunön jim kutuiga yuai pakpak letotket.

1 Könakhahije Anutunön Suep aka gölme miwikñaim etkiyök. ² Miwikñaim etkiiga gölme mi gwamönñi aka kizik-kazukñambuk ahöyök. Ahöiga o diginñambuk mi söŋaupnön turuiga tarök. Mewö tari-ga Anutugö Uŋa Töröŋan o miengö qakñine anda ka-ba malök. ³ †Mewö maliga Anutunön kewö jim ku-

tuyök: "Asakñan mönö asuhum tiŋgitma." Mewö jim kutuiga miri mönö asariyök. ⁴ Asarii ehi miangön mönö ölöwahiga asakñi pandamanöhök mendeŋ etkiyök. ⁵ Asakñanğö qetŋi wehön asakñi aka pandamangö qetŋi suŋgem mewö etkoholök. Mewö etkoholiga wehön mutukni teköiga miri söŋauba gianjiyök.

⁶ Gianjiiga Anutunön kewö jim kutuyök: "Mönö o sutñine suepkö jabö köhöikni asuhuba o mendeŋniga euke aka emuke ahömahot." ⁷ Mewö jim kutuba suepkö jabö köhöikni miwikñaiiba miangön o mendeŋniga

† 1.3.2 Kor 4.6; 2 Pitö 3.5

tingita jabö qakne euke aka jabö bapne emuke ahöyohot. Mewö asuhuiga ⁸ suepkö jabö köhöikni eukeangö qetnji suep qerök. Mewö qeriga wehön yahötjni teköiga miri kunbuk söñauba gianjiyök.

⁹ Gianjiiga Anutunöj kewö jim kutuyök: “O suep bapne ahözei, mi mönö qezakögetka kambu mohot aiga gölme örönñi asuhuma.” Mewö jim kutuiga mönö mewö asuhuyök. ¹⁰ Mewö asuhuiga örönñangö qetnji gölme qeta o kambu tokogeri, mianjö qetnji köwet etkoholök. Etkohola etkehiga mianjön mönö ölöwahök. ¹¹ Ölöwahiga kewö jim kutuyök: “Gölme qakne mönö yuai görökni (töngönñi) pakpak kewö asuhuba wahötme: Gwözözak yuai kötninambuk mi mönö asuhuba wahöta kötnini kunguba söhömakne. Ip kösö tandökñini könañi könañi mönö gölmenöñ asuhuba ölni kötninambuk kunguba söhömakne.” Mewö jim kutuiga mönö kewö asuhuyök: ¹² Gölme qakne yuai görökni (töngönñi) pakpak asuhuba wahötket. Gwözözak yuai kötninambuk tandökñini könañi könañi mi asuhuget. Ip kösö tandökñini könañi könañi mi gölmenöñ asuhuba ölni kötninambuk kungum söhöget. Mewö asuhuiga Anutunöj engehiga mianjön mönö ölöwahök. ¹³ Wehön karöbutnji teköiga miri kunbuk söñauba gianjiyök.

¹⁴ Gianjiiga Anutunöj kewö jim kutuyök: “Suepkö jabö köhöikne mönö asakni asakni asuhuba wehön aka sunjem mi menderj etkiba kinda (yara) yambu, kömunjanj kie nalö aka wehön nalö, gwani nalö aka silim mohot mohotkö aiwesökñina ahöme. ¹⁵ Mienjön mönö suepkö jabö köhöikni mianjöreñ asakni asakni aka gölme mem asarime.” Mewö jim kutuiga mönö kewö asuhuget: ¹⁶ Anutunöj asakni ketanji yahöt miwikñaim etkiyök: Asakñangö galömñi wehön jeni kininga mianjö eretnji köñ mi sunjemgö galömña kinda ahöm öngömahot. Senjelau mi mewöñanök miwikñaim engiyök. ¹⁷ Anutunöj mi suepkö jabö köhöikne mianjöreñ gölme mem asarimegöra al engiyök. ¹⁸ Mi gölme mem asariba wehön aka sunjem galömñina kinda asakni aka pandamanñi menderj etkimegöra al engiyök. Mewö asuhuiga Anutunöj engehiga mianjön mönö ölöwahök. ¹⁹ Wehön 4:ñi teköiga miri kunbuk söñauba gianjiyök.

²⁰ Gianjiiga Anutunöj kewö jim kutuyök: “O köwet mienjö urunine mönö yuai isikusukñinambuk asuhuba dop köla o qeba ölölangöba lanj anda kaba malme. Mewöñanök neiñi neiñi gölme qakne könakemba bölbölgöba kutuba anda kaba malme.” ²¹ Mewö jiba köwetkö sömbupñi ketanji ketanji aka yuai isikusukñinambuk tandökñini könañi könañi o qeba ölölangöba qeqelanlanj anda kamakzei, mi miwikñaim engiyök. Mewöyök nei tandökñini könañi könañi ginginñinambuk mi miwikñaim engiyök. Miwikñaim engiba engehiga mianjön mönö ölöwahök. ²² Ölöwahiga kötuëtköm engiba keu kewö jiyök: “Inini mönö köt moröñinambuk jul sehiba o köwet dop köla malme aiga nei inini mönö mewöñanök gölme qakne ahum sehime.” ²³ Keu mewö jiiiga wehön 5:ñi teköiga miri kunbuk söñauba gianjiyök.

²⁴ Gianjiiga Anutunöj kewö jim kutuyök: “Gölme qakne mönö yuai pakpak malmalñinambuk tandökñini könañi könañi asuhume. Mirigö sömbupñi, yuai bapñinan köla ölölangömakzei aka arökñangö sömbupñi tandökñini könañi könañi, mi mönö asuhume.” Mewö jim kutuiga mönö kewö asuhuget: ²⁵ Anutunöj arökñangö sömbupñi tandökñini könañi könañi mi miwikñaim engiyök. Mirigö sömbupñi tandökñini könañi könañi mi miwikñaim engiyök aka yuai pakpak bapñini gölmenöñ köla ölölangömakzei, tandökñini könañi könañi mi miwikñaim engiyök. Miwikñaim engiba engehiga mianjön mönö ölöwahök. Mewö.

Anutunöj azi aka ambi miwikñaim etkiyök.

²⁶ †Mianjö andöñe Anutunöj kewö jiyök: “Ayop, nini mönö azi nanine tandökö dop meinga kaisorñgolomni ewö aka yuai pakpak galöm köñ engiba malma. Yuai pakpak mi köwetkö sörañi, suepkö neiñi aka mirigö sömbupñi, gölme körek aka yuai pakpak bapñini gölmenöñ köla ölölangömakzei, mönö mienjö galömñina aka malma.” ²⁷ ††Mewö jiba nanñi kaisorñgolomñangö dop azi miwikñaiyök. Anutugö kaisorñgolomñi ewö malmakpöra i miwikñaim wanjiyök. Azi aka ambi malmahotköra i miwikñaim etkiyök. ²⁸ Miwikñaim etkiba i kötuëtköba kewö jim kutum etkiyök: “Iniri mönö ahum sehiba gwölöñarökpuk malohotka gölme dop köla malme. Mewö mala gölme tonji akne. Mewö aka köwetkö sörañi, könakembagö neiñi aka sömbup mokoleñ laigisip gölmenöñ anda kamakzei, mönö mi pakpak galöm köñ engiba malme.” ²⁹ Mewö jiba keu kewö jiyök: “Mötket, nöñön yöha könañi könañi gölme pakpak dop köla asuhuba wahöta kötnini kungum söhömakzei aka ip kösö pakpak öñ kötninambuk kungum söhömakzei, mi numbu nenenini akñapköra al engizal. ³⁰ Arökñangö sömbupñi pakpak, könakembagö neiñi pakpak aka yuai pakpak gölmenöñ anda kamakzei aka tosatñi pakpak söñgöörö ösumñini örömakzei, yengöra gwözözak görökni (töngönñi) könañi könañi mi nenenamñini akñapköra al engizal. “Keu mewö jiiiga mönö mewö asuhuyök. ³¹ Asuhuiga Anutunöj yuai pakpak miwikñaiyöhi, mi ehiga mönö ölöp kötköñi aiga urusösöngai mörök. Wehön 6:ñi teköiga miri kunbuk söñauba gianjiyök. Mewö.

Anutunöj kendon tarök.

2 Gianjiiga suepkö jakeni jakeni, gölme aka mietkö yuainiri aködamunñinambuk pakpak mi lök miwikñaim engim teköyök. ² †Anutunöj nupñi mi mei teköiga wehön 7 mianjöreñ kendon tarök. Nupñi pakpak meyöhangöra wehön 7 mianjöreñ luhut meyök. ³ Miwimiwikñai nupñi pakpak meyöhangöra aka wehön mianjöreñ luhut meyök. Mianjöra wehön 7:ñi mi kendon jiba kötuëtköba jim kömbuhiyök. Mewö.

† 1.26 1 Kor 11.7; Mat 19.4; Mak 10.6 †† 1.27 Jen 5.1-2 ‡ 2.2 Hib 4.4, 10; Eks 20.11

Oyaenƙoyaeŋ miri qetŋi Eden

⁴ Anutunönj suep gölme miwikŋaim etkiiga asuhuy-ohoraŋgö kösohotŋi mi mewö. Kembu Anutunönj suep aka gölme miwikŋaim etkiyöhi, nalö miangöreŋ ⁵ Kembu Anutugö jitsihitköra gölme qakŋe kie qahö yöhöiga nup kölkömötköra azi kun kude malökmö, gölme uruŋeyök bedunönj miyök kota gölme qakŋi dop köla mem samuruyök. Miangöra arökŋaŋgö ip kösö kun me sombengö gwözözak yuai kun mi gölmenönj qahö asuhum tiŋgita ahöyök.

⁷ †Nalö miangöreŋ Kembu Anutunönj gölme sömsöm memba miangön azi mem yaköba malmalgö numbu ösumŋi söŋgörorŋe ui geiga öröba guliba malmalgö uŋaŋambuk ahök. Mewö.

⁸ Mewö aiga Kembu Anutunönj wehön kotkotŋe göröken miri qetŋi Eden miangöreŋ oyaenƙoyaeŋ nup kömöta azi miwikŋaiyöhi, i miangöreŋ al waŋgiyök. ⁹ Al waŋgiba jiiga gölmenöhök ip tandökŋini könaŋi könaŋi asuhaba wahötket. Ip mi eksihimŋinambuk aiga ölni neneŋi mi nahömŋinambuk. Oyaenƙoyaeŋ nup bibiŋe malmal köhöikŋaŋgö ipŋi aka mötkutukutugö ipŋi mi mohotŋe jim kutuiga asuhuyohot. Mötkutukutugö ipŋaŋgö könaŋi kewö: Ölni namba miangön ölpŋi aka bölönj mietkö könaŋiri mi möt kutubahotpuk.

¹⁰ Ip mewö wahötketka o töwatŋi kun mi Edenök könahiba oyaenƙoyaeŋ miri mem kelita miangöreŋök eta jula o börönj töwatŋi 4 aka anget. ¹¹ O töwatŋi mutukŋaŋgö qetŋi Pison, mi Hawila gölme körek liliköba ahöba anja. Gölme miangöreŋ goul ahöza. ¹² Gölme miangö goulŋi mi ölpŋi kötökŋi akza. Sileqösösök umköhöwakŋambuk qetŋi bedelion aka köt ölnambuk qetŋi oniks mi mewöyök miangöreŋ ahözahot. ¹³ O börönj töwatŋi jaŋgö 2 miangö qetŋi Gihon. Mi (Mesopotemiagö) gölme qetŋi Kus mi körek liliköba ahöba anja. ¹⁴ O börönj töwatŋi karöbutŋi qetŋi Taigris. Mi Asiria gölme wösöŋe wehön kotkotŋe göröken geba anja. O börönj töwatŋi jaŋgö 4 miangö qetŋi mi Yufreit.

¹⁵ Mewö aiga Kembu Anutunönj azi waŋgita oyaenƙoyaeŋ miri Eden kölmöta ek galöm akŋapaköra jiba al waŋgiyök. ¹⁶ Al waŋgiba kewö jiba jim kutum waŋgiyök: “Oyaenƙoyaeŋ nup uruŋe ip pakpak kin anjei, miengö ölni mi ölp amqeba mem namba malman. ¹⁷ Mimö, mötkutukutugö ipkö ölni mi mönö kude neman. Mi namba ölpŋaŋgö könaŋi aka bölöŋaŋgö könaŋi möt kutuman ewö, gi mönö wehön miangöreŋök kömum köhöiman. Miangöra mi mönö kude neman.”

¹⁸ Mewö jiba Kembu Anutunönj jiyök: “Azinönj nanjök maliga ölp qahö akza. Miangöra nöŋön mönö nanj tandökŋaŋgö dop alabaukŋi miwikŋaimam.” ¹⁹ Mewö jiba arökŋaŋgö sömbupŋi pakpak aka könakembagö neiŋi pakpak mi gölmenönj miwikŋaim engiba azigö kösutŋe enguaŋgita azinönj qetŋini denöwö qetmawi, mi eka mötmapköra jaŋgöreŋ al engiyök. Al engiiga

† 2.7 1 Kor 15.45; Ind 2.7; 22.2, 14; Mat 19.5; Mak 10.7-8; 1 Kor 6.16; Ef 5.31 †† Hawila mi Babilonia gölmegö jabö kösutŋe ahöza.

azinönj yuai malmalŋinambuk pakpak miengö qetŋini mohok mohok qeriga Anutunönj mewö mia ahömapköra jim köhöiyök. ²⁰ Mewö aiga azinönj mirigö sömbupŋi pakpak, könakembagö neiŋi pakpak aka arökŋaŋgö sömbupŋi pakpak mi qetŋini engim teköyök. Engim teköyökmö, nanj tandökŋaŋgö dop alabaukŋi malmaköra kun qahö miwikŋaiyök.

²¹ Qahö miwikŋaiiga Kembu Anutunönj mi eka azi mem lömböriiga gaun lömbötŋi ahöyök. Ahöiga maröm sihitŋi kun öröba dumdumŋi busuŋan mem gwözöŋök. ²² Gwözöŋda azinöhök maröm sihitŋi meyöhi, miangön ambi meyök. I memba azigöreŋ waŋgita kayök. ²³ Waŋgita kaiga azinönj i eka kewö jiyök:

“Ye! Ki nani tandöha. Yaŋgö sihit busuŋi mi nani sihit busunöhök asuhuza.

Anutunönj i azigö sile kitipŋeyök mei letota azi tandök ewö maljawaŋgöra qetŋi mönö ambi (azigö alaŋi) qetme. ‡

²⁴ Mewö jiiga Anutunönj kewö jim kutum etkiyök:

“Mewö aiga azinönj mönö iwinamŋi etkömosöta anömŋaŋgöreŋ qekötahöba silemohot aka malmahot.”

²⁵ Azi miangön anömŋambuk opo sörorŋiri qahö aukŋe malohotmö, töndup nanjiraŋgö gamuŋiri qahö möta malohot. Mewö.

Adam aka Iw Anutugö keuŋi qetala et etkuyök.

3 ‡Kembu Anutunönj gölmegö sömbup malmalŋinambuk pakpak miwikŋaim engiyöhi, miengö sutŋine mokoleŋnön isimkakalek mötmötnön sömbup pakpak mi engongita öngöyök. Mewö öngöba ambigöra kewö jiyök: “Oyaenƙoyaeŋ mire ip pakpak kin anjei, miengö ölni kun kude nemahotköra Anutunönj ölna jim kutum etkiyök me qahö?”

² Mewö jiiga ambinönj melenŋa mokoleŋgöra kewö jiyök: “Oyaenƙoyaeŋ mire ip tosatŋi kin anjei, miengö ölni mi ölp nembitköra jiyök. ³ Mimö, miri bibiŋe ip kun kinjawi, miangö ölni mi namba kömumbitpuköra mönö kewö jiyök: ‘Mi mönö kude nemahot. Mia kude misirimahot.’ Mewö jim kutum netkii maljit.”

⁴ Mewö melenŋa jiiga mokoleŋnön ambigöra kewö jiyök: “Mi saumbaŋ! Injiri kude kömumahot. ⁵ Mimö, ip miangö ölni mi neyohotka wehön miangöreŋök mönö jeŋiran tohoiga Anutu ewö aka ölpŋaŋgö könaŋi aka bölöŋaŋgö könaŋi möt tekömahot. Anutunönj keu mi möta mewö asuhabapuköra keuŋi mewö jiyök.”

⁶ Mewö jiiga ambinönj ip mi uba ehiiga ölni ölpŋi neneŋaŋgö dop ahök. “Mi eksihimŋambuk kiniga mötkutukutu ketanŋi awamŋanök niŋgima,” mewö mötmöriiba ölni kun meköba neyök. Namba apŋi yambuk malöhi, i tok waŋgiiga neyök. ⁷ Neiga jeŋiran mönö miangöreŋök tohoiga silenŋiri aukŋe malohori, mi angek kutuyohot. Mewö angek kutuba kinda fig ipkö sinŋi mumburatiba opo sörorŋiri uba lata malohot.

‡ Inŋlis keu eknön: man aka woman keu yahöt mi örörönj tandök akzahot. †† 3.1 Ind 12.9; 20.2; 2 Kor 11.3; 1 Tim 2.14

⁸ Malohotka wehön jeŋi geiga miri löwöriiga Kembu Anutunön oyaenköyaen mire tiba kaiga köna ötönji mörohot. Mi möta awanöm yetkön Kembu Anutugö jemesoholŋeyök mömölaköba oyaenköyaen mirigö ip uruŋine anda asambörohot. ⁹ Asambörohotmö, Kembu Anutunön azigö qeta kewö jiyök, “Gi mönö denike maljane?”

¹⁰ Mewö qeta jiiga kewö melenök: “Gi oyaenköyaen miri uruŋe tiba kanöŋga köna ötönji möta sileni aukŋe maljalangöra keŋgötŋi mötzal. Miangöra mömölaköba asamböta maljal.”

¹¹ Mewö melenŋiga kewö jiyök: “Gi sile aukŋe maljani, mi mönö daŋön jii mötzan? Nöŋön ip kungö kötnji nembanbukö soŋgo al gihiali, göŋön miangöreŋök kun nezan me?”

¹² Mewö jiiga azinön kewö jiyök: “Ambi nömbuk malmaköra niŋginöŋi, yanön mönö ip miangö kötnji niŋgiiga nezal.”

¹³ Mewö jiiga Kembu Anutunön ambi kewö qesim waŋgiyök: “Göŋön wuanöŋgöra mewö akzane?” Qesim waŋgiiga kewö melenök: “Mokoleŋnön mönö tilip-köm niŋgiiga nezal.”

Anutunön likepŋi melenä lömböt enŋimapkö jiyök.

¹⁴ Mewö melenŋiga Kembu Anutunön mokolenŋöra kewö jim waŋgiyök: “Mewö akzanangöra aka gi mönö mirigö sömbupŋi pakpak aka arökŋangö sömbupŋi pakpak yengö sutŋine kewö jim qesuahöm gihibiga malman: Göŋön mönö gölmenön malmanangö dop bapkan köla anda kaba sömsöm uruŋe mala nesak yuai nemakŋan. ¹⁵ †Mewö namba ambibuk sutŋire kerök al etkibiga mi möta malman. Kerök mi göhö gwölönarökurupki aka yanŋö gwölönarökurupŋi yengö sutŋine toroqeba ahöm öŋgöi kewö asuhuma: Yengöreŋök azi kunön mönö göhö nöropki tölölahöiga göŋön yanŋö köna gwakötnji yöhösulmakŋan.”

¹⁶ Toroqeba ambi kewö jim waŋgiyök: “Göŋön gölömgabuk aka malnöŋga sihimbölönji ketanji al gihibiga masö ahum gihiiga möta morö mem enŋimakŋan. Mi töndup sihimgan mönö apkahöra ahöm gihiiga yanŋön galömgöi aka malma.”

¹⁷ Toroqeba azi kewö jim waŋgiyök: “Nöŋön ip kungö ölnji nembanbuköra ‘Mia kude neman,’ jiba soŋgo al gihialmö, göŋön mi töndup anömgahö keuŋi wuatangöba nezan. Miangöra nöŋön gölme mi göhöra aka saiköbiga ahöma. Mewö ahöiga göŋön gölmenön malmanangö dop mönö sileqeŋe aka nup gwötpuk memba sihimbölö möta nenegi miwikŋaiba malman.

¹⁸ Nup memba malnöŋga göhö nene nupnön nuŋgakal, koururuk (köwörörök) yuai mi asuhuiga arökŋangö yöha yuai mi memba malman. ¹⁹ Mewö mala mesoholge nöŋgöp ariba nup memba tup yakagi mewö memba mala gölmenön mem gihiali, gölme miangöreŋ mönö kunbuk liliŋgöba geman. Silégi gwakömnön mem gihibiga mala öŋgöbagun mönö kunbuk gwaköm akŋan. “Mewö jim waŋgiyök.

† 3.15 Ind 12.17; Hib 6.8

²⁰ Azinön anömnji yuai pakpak malmalŋinambuk maljei, miengö namŋini aiga azinön qetŋi Iw (Ewa) qerök. ††²¹ Kembu Anutunön sömbup sileŋan opo söro memba Adam anömnjet lat etkiiga malohot.

Anutunön Adam aka Iw Eden miangöreŋök közöl etkiyök.

²² †Mewö malohotka Kembu Anutunön kewö jiyök: “Ye! Ambazip mi neŋgöreŋök kungö dop aka ölöpnji bölöŋi mietkö könanjiri lök mender etkibitkö mötzahot. Mewö aiga malmal köhöikŋangö ip kötnji kude nemahotköra soŋgo alalmö, yetkön nalö kewönje toroqeba börönjiri böranda mi mewöyök mem namba mewö mianŋön qahö kömumba tetekönji qahö köhöikŋanök mal öŋgöbahotpak.” ²³ Mewö jiba miangöra oyaenköyaen nup Eden miangöreŋök közöl etkiba gölmenöhök mem etkiyöhi, mönö gölme miangöreŋök kölkömöt nup memahotköra melaim etkiiga yaigep geba anohot. ²⁴ Ambazip mewö közöl etkiba oyaenköyaen miri Edengö likepŋe wehön kotkotŋe göröken zerubim garata tosatŋi al enŋiiga malmal köhöikŋangö ip miangö könanji utuba galöm kölget. Yengö börönjine bimö souŋi ketanji aliga mianŋön könöp bölam ewö gilikbilikŋambuk jeba andönje wösönje liliköba biliksikö dop aiga kinda galöm köla malget. Mewö.

Keinön Abel qei kömuyök.

4 Azi Adamnön anömnambuk mala amiyohotka Iwnön (Ewa) gölöm ala Kein (Kain) meyök. Memba Kein qetköra kewö jiyök: “Anutunön bauköm niŋgiiga nahöni mezal.” ² Iwnön könanŋep Adamgö nahönŋi Abel, Keingö munŋi meyök. Abelnön mala qariba lama galömnjina aiga Keinön kölkömöt azia aka malök. ³ Mewö malohotka nalö kunön Keinön nupkö nene tosatŋi memba kaba Kembugöra jöwöwöl ohom waŋgiyök. ⁴ †Abelnön mewöyök lama kambuŋangö mutuk asuasuhunji tosatŋi meköba enŋguba kitipŋi kelökŋinambuk memba kaba Kembugö jöwöwöl ohoyök. Ohoiga Kembunön Abel nanŋi aka jöwöwölŋi etkeka möri ölöwahök. ⁵ Ölöwahökmö, Kembunön Kein aka yanŋö jöwöwölŋi mi ek tököyök. Mewö aiga Keingö irimŋi sehöliiga kömbuhiba jemesoholŋan bosoliyök. ⁶ Bosoliiga Kembunön Keingöra kewö jii mörök: “Irimŋi mönö wuanöŋgöra sehöliiga jemesoholŋan bosoliza? ⁷ Gi yuai ölöpnji aknöŋga möt anŋön köl gihibiga ölöpnji jemesoholgi öhal (hak) akŋan me qahö? Yuai ölöpnji qahö aknöŋga siŋgisöndökö Tonjan mönö urugahö naŋguŋe kinda göhöra ak gihiba mönömakza. Mewö mönömakzapmö, göŋön mönö miangö soŋgo ala galöm memba luhut alman.”

⁸ Kembunön Keingöra mewö jii mörökmö, Keinön töndup munŋi Abelnön kewö jiyök: “Mönö nanirök nupnön anbit. “Mewö jiiga nupnön anda mala Keinön

†† Iw keu miangö könanji mi ‘Malmal maljei, miengö namŋini.’

‡ 3.22 Ind 22.14 †† 4.4 Hib 11.4

luhuba munñi Abel qelanjiba memba qeba qei kö-muyök. †

⁹ Kömuiga Kembunöñ Kein kewö qesim wañgiyök: “Mungi Abel mi denike malja?” Qesim wañgiiga kewö melenök: “Ni qahö mötzal. Ni munangö jegalöma qahö akzal.”

¹⁰ Mewö meleniga Kembunöñ jiyök: “Gi wani yuaia akzan? Mötnöñ, mungahö sepñan mönö gölmenöhök qeriga mötzal. ††11 Gölmé kiañgö numbuñan añañjiba mungahö sep börögeyök mezawi, nöñön mönö ki-añgörenök közöl gihibi anman. Joramörahö mi mönö göhö qake albi öñgöza. ¹² Közöl gihibiga kölkömöt nup menöñga gölmenöñ möriamñañgö öññi añañön köñ gi-hiiga gölmé dop mömölaköba kekelolo aka öññi köla lañ anda kaba malman.”

¹³ Mewö jiiga Keinöñ Kembugöra kewö jiyök, “Keunangö likepñi melenöñga qakne öñgözawi, miaññön mönö ösumni oñgiri lömböriiga bisimamgö osimam.

¹⁴ Mötnöñ, gi merak ni nupqege gölmenöhök nu-atangönöñga jemesoholgeyök mömölaköba gölmé dop kekelolo aka öññi köla lañ anda kaba malmam. Miañgöra kunñan ni neka öññi nupñi kömumbilenbuk.”

¹⁵ Mewö jiyökmö, Kembunöñ kewö jii mörök: “Mewö qahö. Kunñan Kein qei kömuma ewö, miañgö likepñi mönö yañgö qakñe öñgöiga ambemñi 7 akña. “Mewö jiba kunñan Kein miwikñaiba i qei kömumbapuköra silenje aiwesök kulem kun alök. ¹⁶ Mi aliga Kembugö jemesoholñi mosöta anda anda gölmé qetñi Lanlan lilikqilik (Nod) miañgören añañota malök. Gölmé mi Edenök wehön kotkotñe göröken ahöza. Mewö.

Keingö gwölönarökurupñi

¹⁷ Keinöñ anöññambuk mala amiyohotka gölöm ala Henok meyök. Keinöñ taon kun memba nahöññañgö qetñi Henok qet wañgiyök. ¹⁸ Henökö nahöññi qetñi Irad. Iradkö nahöññi Mehujael. Mehujaelgö nahöññi Metusael. Metusaelgö nahöññi Lamek. Mewö asuhuget. ¹⁹ Lameknöñ ambi yahöt etkömeyök: Kun qetñi Ada, kun qetñi Zila. ²⁰ Adanöñ gölöm ala Jabal meyök. Yaññön ambazip opo seri koumñine ahöba mala bau bulmakau galöm köñ engiba maljei, yengö bömönñini ahök. ²¹ Jabalgö munñañgö qetñi mi Jubal. Yaññön ambazip gita kulele qeba awölop uba maljei, yengö bömönñini ahök. ²² Zilanöñ mewöyök nahöññi qetñi Tubal-Kein meyök. Yaññön qariba börögö tulsñi aka bimqeqegö yuainñi könañi könañi mi bras aka ainöñ ohoi kolkolgöi qekötahöba mezapma. Tubal-Keingö nenñi qetñi Nama.

²³ Lameknöñ nalö kunöñ anömyahötñi mi kewö jii mörohot,

“Ada aka Zila anömyahötñi, inñiri mönö kezap ala keuni ki mötmahot: Kunñan nupñum kuziriga uzinañgö ki tipñañgöra mönö azi kun qebi kömuma. Kunñan nupñum miziriga gurusep (gulibambam) löpötñañgö kitiñañgöra mönö azi gwabö kun qebi kömuma.

† 4.8 Mat 23.35; Luk 11.51; 1 Jon 3.12 †† 4.10 Hib 12.24

²⁴ †Kunñan Kein qeiga likepñi yañgö qakñe öñgöiga ambemñi 7 akña, kunñan Lamek ni nupñuiga miañgö likepñi mönö yañgö qakñe öñgöiga ambemñi 77 akña. “Mewö.

Set aka Enos

²⁵ Azi mutukñi Adam yaññön kunbuk anöññambuk mala amiyohotka nahöññiri kun memba kewö jiyök: “Keinöñ Abel qei kömuyöñañgöra Anutunöñ Abelgö salupñe nahöni kun niñgiza. “Miañgöra qetñi Set (Niñgiza) qerök. ²⁶ Setkö nahöññi mewöyök asuhuiga qetñi Enos qerök. Mewö.

Nalö miañgören ambazip yaññön könahiba Kembugö qetñi köuluköba malget. Mewö.

Adamgö gwölönarökurup yengö qet areñini

¹ Hist 1.1-4

5 †Adamgö isimorö aka amböisikurupñi yengö qet areñi papiñi ki. Anutunöñ azi miwikñaiyöhi, yaññön mi nanñi kaisoñgolomñañgö dop meyök.

² Mewö memba azi ambi malmahotköra miwikñaaim etkiba nalö miañgören qetñiri ambazip † qeta kötuatköm etkiyök. ††3 Adamnöñ mala yambuñi 130 aiga nahöññi kun asuhuyök. Mi Adam nanñi kaisoñgolomñi aka tandökñañgö dop maliga qetñi Set qerök. ⁴ Set asuhuiga nalö miañgörenök Adamnöñ toroqeba yambu 800 mala mala maliga nalö sutñe miañgören nahöñböratñi tosatñi asuha öñgöget. ⁵ Adamnöñ mewö mala öñgöba yambuñi mindiriba 930 meköba kömuyök.

⁶ Kömuiga nahöññi Set yaññön yambuñi 105 aiga nahöññi Enos asuhuyök. ⁷ Enos asuhuiga nalö miañgörenök Setnöñ toroqeba yambu 807 mala mala maliga nalö sutñe miañgören nahöñböratñi tosatñi asuha öñgöget. ⁸ Öñgögetka Setnöñ mala mala öñgöba yambuñi mindiriba 912 meköba kömuyök.

⁹ Kömuiga nahöññi Enos yaññön yambuñi 90 aiga nahöññi Kenan asuhuyök. ¹⁰ Kenanöñ asuhuiga nalö miañgörenök Enosnöñ toroqeba yambu 815 mala mala mal öñgöiga nalö sutñe miañgören nahöñböratñi tosatñi asuha öñgöget. ¹¹ Öñgögetka Enosnöñ mala mala öñgöba yambuñi mindiriba 905 meköba kömuyök.

¹² Kömuiga nahöññi Kenan yaññön yambuñi 70 aiga nahöññi Mahalalel asuhuyök. ¹³ Mahalalel asuhuiga nalö miañgörenök Kenanöñ toroqeba yambu 840 mala mala mal öñgöiga nalö sutñe miañgören nahöñböratñi tosatñi asuha öñgöget. ¹⁴ Öñgögetka Kenanöñ mala mala öñgöba yambuñi mindiriba 910 meköba kömuyök.

¹⁵ Kömuiga nahöññi Mahalalel yaññön yambuñi 65 aiga nahöññi Jared asuhuyök. ¹⁶ Jared asuhuiga nalö miañgörenök Mahalalelnöñ toroqeba yambu 830 mala mala mal öñgöiga nalö sutñe miañgören nahöñböratñi tosatñi asuha öñgöget. ¹⁷ Öñgögetka Maha-

† 4.24 Mat 18.22 †† 5.1 Jen 1.27-28 †† Ambazip mi Hibru keunöñ adam. ††† 5.2 Mat 19.4; Mak 10.6

lalelnön mala mal öngöba yambuñi mindiriba 895 meköba kömuyök.

¹⁸ Kömuiga nahönñi Jared yañon yambuñi 162 aiga nahönñi Enok asuhuyök. ¹⁹ Enok asuhuiga nalö mi-anğöreñök Jarednön toroqeba yambu 800 mala mala mal öngöiga nalö sutje miangöreñ nahönböratñi tosatñi asuhaba öngöget. ²⁰ Öngögetka Jarednön mala mala mal öngöba yambuñi mindiriba 962 meköba kömuyök. ²¹ Kömuiga nahönñi Enok yañon yambuñi 65 aiga nahönñi Metusela asuhuyök.

²² Metusela asuhuiga nalö miangöreñök Enoknön yambu 300:gö dop uruñi Anutubuk jöhöba anda kaba maliga nalö sutje miangöreñ nahönböratñi tosatñi asuhaba öngöget. ²³ Öngögetka Enoknön mala mal öngöba yambuñi mindiriba 365 meköyök. ²⁴ Meköba uruñi Anutubuk jöhöba anda kaba maliga Anutunön öne wañgiriga ataton (jiataton) kölok. †

²⁵ Ataton köliga nahönñi Metusela yañon yambuñi 187 aiga nahönñi Lamek asuhuyök. ²⁶ Asuhuiga nalö miangöreñök Metuselanön toroqeba yambu 782 mala mal öngöiga nalö sutje miangöreñ nahönböratñi tosatñi asuhaba öngöget. ²⁷ Öngögetka Metuselanön mala mala mal öngöba yambuñi mindiriba 969 meköba kömuyök.

²⁸ Kömuiga nahönñi Lameknön yambuñi 182 aiga nahönñi kun asuhuyök. ²⁹ Asuhuiga qetñi Noa (kölalep) qeta kewö jiyök: "Anutunön gölme saitköiga nini börönanan nup köl kömöta sileqege aka sihimbölo möta malinga morö kianön mönö ölop urukölalep neñgimakña." ³⁰ Noa asuhuiga nalö miangöreñök Lameknön toroqeba yambuñi 595 aiga nalö sutje miangöreñ nahönböratñi tosatñi asuhaba öngöget. ³¹ Öngögetka Lameknön mala mala mal öngöba yambuñi mindiriba 777 meköba kömuyök.

³² Lameknön kömuiga nahönñi Noa yañon yambuñi 500 aiga nahönurupñi karöbut qetñini Sem, Ham aka Jafet asuhuget. Mewö.

Gölme ambazipnön böliba aᅅgöjörakñinambuk aket.

6 ††Ambazip gölme qakñe malgetka qötöñinan könahiba qariiga böraturupñini mi mewöyök asuhuget. ² Asuhugetka nalö miangöreñ Anutugö nahönurupñi yañon ambazip yengö böraturupñini engekgetka eksihimñinambuk aketka engek soriger-aᅅgö dop mi pakpak enğömegetka anömurupñini aket. ³ Mewö aketka nalö miangöreñ Kembunön keu kewö jiyök: "Gölme ambazipnön silebuk nalö tetekönji qahö mal öngömemö, yañon mönö kömume. Arenjini mewö al enğizal. Nalö kewöñeyök könahiba malmalñini mönö yambu 120 jaᅅgö mi qahö onğita mal öngöme." ⁴ Anutugö nahönurupñi yañon gölme ambazip yengö böraturupñini enğömegetka morö mem enğigetka nalö miangöreñ aka könaᅅgep mewöyök azi weliwelipñinambuk mönö asuhaba qariba gölmenön malget. Möpᅅaᅅgö möpᅅeyök bemurup qetbuᅅañinambuk malgeri, yañon mönö mia aket. ‡

⁵ Gölme ambazip yengö bölöᅅamñini mi keta bölökñi aiga uruñinaᅅgö mötmöt arenjini pakpak mi nalö dop qösösök (qörörök) bölöᅅanök pakpak aka malgeri, mi Kembunön ehök. ⁶ Mi eka ambazip miwikñaim enğiiga gölmenön malgeri, miangöra Anutunön möt bölim aᅅguiga wösöbiriknön uruñi kokolak qeiga sihimbölo möta malök. ⁷ Mewö möta mala keu kewö jiyök: "Ambazip miwikñaim enğiali, nöᅅon mönö mi gölmenöhök qeteköm enğimam. Ambazip, mirigö sömbupñi, yuai bapñinan köla ölöᅅöᅅmakzei aka könakembagö neiñi mi miwikñaim enğialaᅅgöra möt bölim aᅅguba mi mönö qeköm enğimam." ⁸ Mewö jiyökmö, azi yañon Kembugö jeñe ak-kömukömu miwikñaiyök.

⁹ Noagö gwölönarökurupñi miengö kösohotñini mi kewö: Nahönurupñi karöbut qetñini Sem, Ham aka Jafet mi asuhuget. Noanön ambazip sutñine azi solanji köpösihitkö keuñi qahö mala uruñi Anutubuk jöhöba anda kaba malök. ¹¹ Noanön mewö malökmö, ambazip tosatñi pakpak yañon Anutugö jeñe goᅅgiba bölim tekögetka ambazip ayuhum enğienᅅi mi gölme körek dop köla ahöyök. ¹² Ambazip pakpak gölmenön anda kaba malmalñini mem bölim tekögetka miri gölme pakpak yengö ahakmemeñini mi goᅅgiba aᅅgöjörakñinambuk aiga Anutunön gölme uba tandökñini mi mewö ehök.

Waᅅge memegö arenji

¹³ Mewö eka Anutunön Noagöra keu kewö jii mörök: "Ambazip yengöra aka ayuhum enğienᅅi mi gölme körek dop köla ahöza. Miangöra nöᅅon ambazip pakpak mem kömum teköm enğimamgöra mönö keuni jöhöyal. Mötnön, nöᅅon mönö onön gölme melenᅅi geiga yuai pakpak isikusukñinambuk mi kömum teköme. ¹⁴ Miangöra göᅅon mönö suman ip köla mi-aᅅñon nangahöra waᅅge kun meman. Miangö uruñi kutunönᅅa uruñi morömorö asuhume. Waᅅgegö uruñi aka silenᅅi mi qandöᅅnön me gisak marasinön kösiba ohom teköman. ¹⁵ Waᅅge mi kewö meman: köröᅅᅅamñi 133 mita (450 fit), andipñi 22 mita (75 fit) aka köᅅgeᅅñi 13 mita (45 fit) mewö meman. ¹⁶ Borji muhungöba sel aka bo sutñire liliköba jeᅅgenañ tinji 44 sentimita (18 ins) mi mosöta kötohoman. Waᅅgegö uruñi mösöᅅnönᅅa uruñi qakñi, kemañi aka dutñi karöbut asuhume. Waᅅge naᅅguñi mi namᅅe alman. ¹⁷ Mötman! Nöᅅon mönö jibiga göulu ketaᅅan kota gölme jömukñi köl turuiga ambazip aka yuai malmal-gö ösumñinambuk pakpak suep bapᅅe maljei, mienön mönö o nempa nemulahöba kömume. Mewö kömumba gölmegö yuai pakpak mi mönö qahöwak teköme.

¹⁸ Mewö asuhumapmö, nöᅅon göbuk jöhöjöhö arenᅅ kewö akzal: Gi mönö waᅅgenön öᅅgöman. Gi, anöᅅgi aka nahöniranurupki enön mönö mohotᅅe waᅅgenön öᅅgöme. ¹⁹ Öᅅgöba mala yuai malmalñinambuk pakpak mi qahöwak teköbepuköra yengöreñök yahöt yahöt azinᅅi aka ambinᅅi mi dopñine enᅅuaᅅᅅitnönᅅa göbuk mohotᅅe waᅅgenön öᅅgöme. ²⁰ Nei tandökñini könañi könañi, mirigö sömbupñi tandökñini könañi

† 5.24 Hib 11.5; Jud 14 †† 6.1 Job 1.6; 2.1 ‡ 6.4 Jan 13.33

†† 6.8 Mat 24.37; Luk 17.26, 1 Pitö 3.2 ‡† 6.9-10 2 Pitö 2.5

könanji aka gölmegö mokolej, lolohom yuai tandökjni ni könanji könanji körek yengörenök yahöt yahöt mi mönö kömumbepuköra enguanjitrönga göhöreñ kanjotketka öngöme. ²¹ Mewöyök nanjini aka nei, sömbup yuai pakpak yeñön nemeangö dop mönö numbu nene könanji könanji miwikñaiba otoñ qezaköba wañgenöñ alnönga kahaimök ahöma." ²² †Anutunöñ Noa mewö akñapkö jim kutum wañgiiga miangö dowök mönö tem köla mi pakpak ahök. Mewö mia aka mem teköyök.

Ambazip aka sömbup pakpak mi wañgenöñ öngöget.

7 Noanöñ wañge mem teköiga Kembunöñ keu kewö jii mörök: "Gi ambazip kambu kienjö sutjine solanji aka maljan. Nöñön göhö könanjamgi mewö miwikñaizal. Mianjöra gi aka saiwaurupki pakpak injini mönö wañgenöñ öngöme. ² Sömbup nenenji, dönqizininji qahö mi pakpak yeñgörenök sewen sewen, aziñi 7 aka ambiñi 7 dopdop engömenöñga göhöreñ kanjotme. Mewöyök sömbup dönqizininjambuk pakpak yeñgörenök yahöt yahöt aziñi aka ambiñi mewö engömenöñga göhöreñ kanjotme. ³ Toroqeba nei könanji könanji pakpak yeñgörenök mewöyök sewen sewen, aziñi 7 aka ambiñi 7 mi enguanjitrönga göbuk wañgenöñ öngöme. Mewö aknöñga sömbup aka nei tandökjni könanji könanji pakpak mi kude qahöwakñemö, toroqeba gölmenöñ ahumsehip aka malme. ⁴ Öngögetka wehön 7 teköiga jim kutubiga kie römbum ketanjan mönö gölmenöñ eta yöhöiga sunjem silim 40:gö dop toroqeba yöhöm teköma. Mewö yöhöiga yuai isikusukñinambuk pakpak miwikñaim engjali, mi mönö mohotñe jim teköbiga gölmenöhök qahöwakñe." ⁵ Kembunöñ Noa mewö akñapkö jim kutum wañgiiga miangö dowök mönö tem köla mi pakpak ak teköyök.

⁶ Mewö mia aka meiga yambuñi 600 aiga göulu ketanjan gölme qakñe kanjorök. ⁷ ††Kanjotmapkö aiga Noa anömñet aka nahöñiranurupñiri yeñön mohotñe gölunöñ kömumbepuköra ölöñ köla wañgenöñ öngöget. ⁸ Mewöyök sömbup nenenji, dönqizininjini qahö aka sömbup dönqizininjambuk aka nei aka yuai pakpak bapñinan köla ölöñgömakzei, ⁹ mi yahöt yahöt pakpak aziñi aka ambiñi mi dopdopñine wañgenöñ öngöba Noagöreñ kaget. Anutunöñ Noa jim kutum wañgiyöhi, mi mönö mianjö dop asuhuyök. Mewö.

Göulunöñ ambazip turum engii kömuget.

¹⁰ Mewö asuhuiga wehön 7:göra jiyöhi, mi teköiga göulu ketanjan gölme qakñe kanjorök. ¹¹ †Noanöñ yambuñi 600 aiga yambu mianjö köinji 2 mianjö wehöññi jañgö 17 silim mianjöreñ o jeñi pakpak, o diginjinambuk mienjö namñini pakpak mi emuyök qariba qariba kotket. Mewöyök euyangöreñ könakembagö onji onji mienjö numbuñini mi ananjiget. ¹² Kie römbum

† 6.22 Hib 11.7 †† 7.7 Mat 24.38-39; Luk 17.27 ‡ 7.11 2 Pitö 3.6

ketanji mi gölmenöñ eta yöhöba yöhöba sunjem silim 40:gö dop ahöyök. ¹³ Kienöñ könahimapköra aiga wehöñ mianjöreñ Noa aka nahöñurupñi Sem, Ham aka Jafet, Noagö anömñet aka iranurupñiri karöbut yeñön mohotñe wañgenöñ öngöm teköget. ¹⁴ Toroqeba arökñangö sömbupñi aka mirigö sömbupñi pakpak, yuai pakpak bapñinan köla ölöñgömakzei, nei pakpak aka yuai ginginjinambuk pakpak mi ambazip yembuk mohotñe wañgenöñ öngöm teköget. ¹⁵ Anutunöñ yuai pakpak malmalgö ösumñinambuk miwikñaim engiyöhi, mienjöreñök yahöt yahöt (2-2) mi Noagöreñ kanjota wañgenöñ öngöm teköget. ¹⁶ Anutunöñ Noa jim kutum wañgiyöhañgö dop yuai isikusukñinambuk pakpak wañgenöñ öngöm tekögeri, mi aziñi aka ambiñi ahot. Körekñan öngöm tekögetka Kembunöñ nanjak Noagö andöñe wañgegö nanjunji kölöök.

¹⁷ Nanjunji köliga mianjöreñök göulu ketanjan könahiba sunjem asak 40:gö dop toroqeba gölmenöñ kanjoriga o yeñön qariba qariba gölme köl turuba öngöba wañge gölmenöhök koañgetka wahöta öngöyök. ¹⁸ Öngöiga o yeñön gölme qakñe qariba qariba öngögetka wañgenöñ o qakñe nanjök öne lan anda kaba ahöyök. ¹⁹ Mewö aiga onöñ gölme qakñe kunbuk qariba öngöyök. Mewö kundunji köröpñi köröpñi suepkö bapñe kin anjei, mi pakpak mönö musulungöm engiyök. ²⁰ Musulungöm engiba öngöba öngöba kundunji bohonñi bohonñi mi köl turuba 8 mita (25 fit) mianjö dop engongita ahöyök.

²¹ Mewö ahöiga yuai isikusukñinambuk pakpak gölme qakñe anda kaba malgeri, mienjöñ o nembra nemulahöba kömum teköget. Yuai pakpak mi nei me mirigö sömbupñi me arökñangö sömbupñi me mokolej, gisip aka yuai pakpak kambunini köla gölmenöñ qeqelanlan anda kamakzei aka ambazip pakpak mi mohotñe qahöwak teköget. ²² Yuai pakpak gölme örönñe mala malmalgö ösumñi söñgöröñine öröba malgeri, mi körekñanök kömum teköget. ²³ Yuai malmaljinambuk pakpak gölmenöñ malgeri, mi Anutunöñ engum teköyök. Yuai pakpak mi ambazip, sömbup me yuai bapñinan köla ölöñgömakzei me könakembagö neiñi neiñi mi mönö Anutunöñ engum teköyök. Noa aka saiwaurupñi wañge uruñe malgeri, miyök mönö engehoriba anjön köla gou köl engiyök. ²⁴ O göulu mianjöñ gölme köl turuba qahö öröba geyökmö, wehön 150:gö dop ahöyök.

Göulunöñ öröba eriga gölmenöñ öröniyök.

8 Wehön 150 mi teköiga mianjöreñ Anutunöñ Noagö aka arökñangö mirigö sömbupñi aka yuai pakpak yambuk wañgenöñ malgeri, mi mötmörim engiba luhut ketanji röja aliga gölme qakñe qeiga onöñ könahiba öröba erök. ² Anutunöñ emune o diginjinambuk yeñgö jeñini aka euyangöreñ könakembagö onji onji mienjö numbuñini mi qaliba sonjo aliga kienöñ tinqita tömböriba suepnöhök kunbuk qahö erök. ³ Qahö eriga o ketanjan könahiba gölme qakñe ahöahöñeyök lilingöba öröba eta geyök. Wehön

150:gö dop o mienön öröba eta geba ahöget. ⁴ Mewö ahögetka wanjenön köinj 7 miangö silimnji 17 miangörej kundunji qetnji Ararat miangö bohonji kunön mekötahöba köhöiba tarök. ⁵ Miangörej tariga o miangön toroqeba öröba eta eta anök. Anda köinj 10 miangö silimnji mutuknji miangörej kundunji mienjö bohonjni mi auknje asuhum tiŋgitket.

⁶ Tiŋgitketka wehön 40 teköiga Noanön wangegö jengenani mutuk memenji mi metalök. ⁷ Metala koekoe nei kun melaiiga könakemba laŋ bölbölgöba anda kaba qahö lilingöba maliga gölmegö onji miangön jöpköyök. ⁸ Miangö andöje Noanön kembö kun melaiiga anök. Gölmek qaknje onön öröba geyök me qahö, miangö könanji mötmamgöra mi melaiiga anök. ⁹ Kembönön anda kaba onön toroqeba gölmek köreknanök turuba ahöyöhangöra luhut memenjangö tatatnji qahö miwiknjaiba wangegörej lilingöiga Noanön böronji böranja wange uruje wangiriga öngöyök. ¹⁰ Öngöiga wehön 7:gö dop toroqeba mamböt mala miangörej kembö mi kunbuk wangenöhök melaiiga anök. ¹¹ Anda mare miangörej lilingöba oil ipkö sinji gwölögwölö kun mi meteköba numbuŋan yöhösaŋda Noagörej kayök. Mewö kaiga Noanön mi eka kewö möt asariyök: Onön mönö öröba eriga gölmenön asuhum teköza. ¹² Mi möt asariba kunbuk wehön 7:gö dop mamböta kinda kembö mi kunbuk melaiiga bölbölgöba anök. Anökmö, nalö miangörej mi yangörej kunbuk qahö lilingöba kayök.

¹³ Noagö malmal yambuŋi 601 miangö köinj mutukjangö silimnji mutuknji miangörej onön gölmek qaknje jöpköba öröniba ahöyök. Mewö aiga Noanön wangegö bonji mei aniga kewö uba ehök: Gölmek qaknan mönö öröniba ahöyök. ¹⁴ Mi ehi kunbuk öröniba köinj yahötjangö silimnji 27 miangörej örönim teköba ahöyök.

¹⁵ Anutunön Noagöra keu kewö jiba jii mörök: ¹⁶ "Gi, anömgji aka nahöniranurupki injini mönö wange mosöta etket. ¹⁷ Eta sömbup yuai malmalŋinambuk pakpak göbuk wanjenön maljei, mi neiŋi neiŋi, mirigö sömbupni aka mokoleŋ yuai pakpak bapŋini gölmenön köla ölölöngömakzei, mi mönö körek enġuangita etket. Mewö aknöŋga ölop gölmenön ahum sehiba gwölönarökpkuk aka denġa gölmek dop köla malme."

¹⁸ Mewö jii möta Noa anömŋet aka nahöniranurupni yeŋön mohotŋe wange mosöta etket. ¹⁹ Etketka arökŋangö sömbupni pakpak, mokoleŋ yuai pakpak, nei pakpak aka yuai pakpak gölmenön anda kamakzei, mienön mönö mewöŋanök isikŋinangö dop wange mosöta awatangöba et teköget. Mewö.

Noanön Anutugöra jöwöwöl ohoba saiwap jiyök.

²⁰ Et tekögetka Noanön Kembugöra jöwöwöl alta kun memba mirigö sömbupni dönqizininji qahö mi pakpak aka nei dönqizininji qahö mi pakpak yeŋgörejök tosatnji enġömembra alta qaknje ala miangön Anutugöra jöwöwöl ohoyök. ²¹ Ohoiga Kembunön wöron umköhöwaknji nahömŋambuk mi möri dop köliga uruŋan keu kewö jiyök: "Ambazip yeŋgö

uruŋinangö mötmöt areŋinan mönö moröŋineyök könahiba bölonji akzemö, töndup gölmek mi nalö kunön ambazipköra aka kunbuk kude qesuahömam. Yuai pakpak malmalŋinambuk maljei, nöŋön mi lök qahöwak teköm enġialmö, miangö dop nalö kunön kunbuk qahö jim teköba ak enġimam. ²² Gölmek onji ahöm öngömawangö dop mönö gölmenön kölmökötketka ölnji asuhui megetka miangön mönö kude qahöwak teköma. Miri amöriiga saŋgenji mörakŋe aka könöpŋambuk aiga könöwiba mörakŋe. Kömunjan kie nalö aka wehön nalö, sunġem aka asaknji mi nalöŋi nalöŋi lilikqilik aka awatanj ahöba anmahot. Mi pakpak tetekönji qahö ahöm öngöiga malme. Mewöŋan mönö mewö toroqeba ahöma. "Mewö".

Anutunön Noabuk jöhöjöhö areŋ alök.

⁹ [†]Mewö jiba Anutunön Noa aka nahönurupni kewö jiba kötuetköm enġiyök: "Inini mönö ahum sehiba gwölönarökpkuk mala gölmek dop köla malme. ² Mewö aketka gölmegö sömbupni pakpak, könakembagö neiŋi pakpak, yuai pakpak bapŋinan gölmek köla ölölöngömakzei aka köwetkö söraŋi pakpak mi mönö enġö böronjine al enġibi enön mi galöm kölmek enġiba malgetka yeŋön enġöra keŋgöt mötmöt aketka jönömŋini unduiga malme. ³ Yuai pakpak isikusukŋinambuk anda kaba maljei, mi enġö neneya aka ahöma. Mutuk yöha yuai görökŋi (töŋgönŋi) nenenjina al enġiala merak yuai pakpak ki mewöyök al enġizal. ⁴ Mohok-kun mi mönö kude neme. Mi sömbup seŋambuk. Sep mi malmalgö söpsöpŋi akzawangöra aka songo ki al enġizal. ^{††5} Nanŋini seŋini mi kunŋan kun kude mokoma. Kunŋan mi mokomawi, miangö likeŋan mönö nanŋi qakŋe öngöma. Sömbup kunŋan me ambazip kunŋan ambazip kun qeiga malmalŋangö söpsöpŋi mokomawi, miangö likeŋan mönö nanŋi qakŋe öngöiga kömuma. ⁶ Anutunön ambazip nanŋi kaisongolomŋi tandök meyöhangöra aka kun danön ambazip kun qei kömumawi, kunŋan mönö i mewöŋanök qei kömuma. [‡]

⁷ Inini mönö ahum sehiba gwölönarökpkuk aka malme. Mewö gölmek qakŋe ahum sehigetka qötöŋinan qarim öngöma." ^{‡†}

⁸ Anutunön toroqeba Noa aka nahönurupni yambuk malgeri, yeŋgöra keu kewö jiyök: ⁹ "Nöŋön merak injini aka enġö gwölönarökurupŋini könanġep asuhumei, embuk jöhöjöhö areŋ akzal. ¹⁰ Mewöŋanök yuai malmalŋinambuk pakpak, mi mirigö me arökŋangö nei sömbupni pakpak göbuk mala wanjenöhök etkeri, mönö gölmegö öroyuai malmalŋinambuk pakpak yembuk jöhöjöhö areŋ kewö akzal: ¹¹ Nöŋön jöhöjöhö areŋni mi embuk kewö al köhöizal: Nöŋön o gölunön öroyuai isikusukŋinambuk pakpak mi kunbuk kude enġubi qahöwakŋe. O gölu mi gölmek ayuhumapköra kunbuk qahö albi kama." ¹² Anutunön toroqeba keu kewö jiyök: "Nöŋön mönö jöhöjöhö areŋ ki mi nani aka injini aka öroyuai malmalŋinambuk pakpak embuk

† 9.1 Jen 1.28 †† 9.4 Jen 17.10-14; Lew 19.26; Dut 12.16, 23; 15.23 ‡ 9.6 Jen 1.26; Eks 20.13 †† 9.7 Jen 1.28

maljei, nenngö sutnine albige teteköñji qahö köhöiba ahöm öngöma. Jöhöjöhö areñ mianngö aiwesökñji mi kewö:

¹³ Nöñön nani marilonloñni mi kousunöñ albige ahöma. Nöñön nani aka gölmenöñ maljei, nenngö sutnine jöhöjöhö areñ akzali, marilonloñ mianngö mönö mianngö aiwesökñji aka ahöma. ¹⁴ Nöñön nalö kunöñ kousunji kousunji gölme qakñe öröm engibi eta tokogetka marilonloñan kousunöñ asuhumawi, ¹⁵ nalö mianngöreñ nöñön jöhöjöhö areñni mi mötmörimam. Mi nani aka inñini aka öroyuai malmalñinambuk pakpak tandökñini könani könani nenngö sutñine ahali, mönö mianngö mötmörimam. Mianngöra o mienñön kunbuk mewö kude qariba yuai isikusukñinambuk pakpak ayuhumegöra göulu ketanji qahö akña.

¹⁶ Nalö kunöñ marilonloñan kousunöñ asuhumawi, nöñön mi eka mianngöreñök jöhöjöhö areñni mi mötmörimam. Mi teteköñji qahö nani aka öroyuai malmalñinambuk pakpak tandökñini könani könani gölme qakñe maljei, nenngö sutnine al köhöibi ahöza." ¹⁷ Anutunöñ Noagöra mewö jiba toroqeba kewö jiyök: "Nöñön jöhöjöhö areñ ki mi nani aka gölmegeg öroyuai malmalñinambuk pakpak nenngö sutnine al köhöizal. Jöhöjöhö areñ mianngö aiwesökñji mi mewö."

Noagö nahönurupñi

¹⁸ Noagö nahönurupñi wanngenhök etkeri, yengö qetñini mi Sem, Ham aka Jafet. [†] Ham mi Keinangö iwiña. ¹⁹ Yenñön Noagö nahönurupñi karöbut aket. Ambazip pakpak denqennda gölme dop köla maljini, nini yengöreñök asuhuin.

²⁰ Noanöñ kölkömöt azia aka wain kösö nup mutukñji kömörök. ²¹ Mi kömörökmö, nalö kunöñ wain o tosatñji memba neiga urunji enjololoñ aiga nanñi opo seri koum urunje oponji qeköba sile aukñe ahöyök.

²² Keinangö iwiñi Ham yanñön iwiñan sile aukñe ahöyöhi, mi eka yaigep geba darumunyahötñi jii mörohotka iwiñi mewö gamu qem wanngiyök. ²³ Sem aka Jafet yetkön mi mörohotmö, maluku kun memba awötñire ala andöandö öngöba iwiñiran sile aukñe ahöyöhi, mi esuhuyohot. Jenñiri kungen uyohorangöra aka iwiñiran aukñe ahöyöhi, mi qahö ehot. ²⁴ Noanöñ enjololoñ aiga imbiñi törörök möta wahöta nahönñi moröñan silik ak wanngiyöhi, mi mörök. ²⁵ Mi möta urunji öngöiga Hamgöra kewö jiyök:

"Keinan mi jim suehöm wanngizal. Yanñön mönö darumunyahötñi yetkö welenqeqeurupñiri yengö welenqeqenñini omanji aka malma."

²⁶ Toroqeba kewö jiyök:

"Anutu, Semgö Kembunji, ia mönö möpöseizal. Keinanöñ mönö Semgö welenqeqenji omanji aka malma.

²⁷ Anutunöñ mönö Jafetkö gölmenji mem qariiga Semgö opo seri koumñine malme.

Keinan yanñön mönö Sem yengö welenqeqeurupñini omanji aka malme."

† Jafet sehiza

²⁸ Göulu ketanjan teköiga Noanöñ toroqeba (yara) yambu 350:gö dop mal öngöyök. ²⁹ Malmalñangö yambunji mi mindiriba 950 mianngö dop mala kota kömuyök. Mewö.

Noagö nahönurup yengö gwölönarökurup areñini

¹ Hist 1.5-23

10 Noagö nahönurupñi Sem, Ham aka Jafet yengö gwölönarökurupñini göulu teköiga asuhugeri, yengö qet areñini kewö:

Jafetkö gwölönarökurupñi

² Jafetkö nahönurupñi yengö qetñini mi Gomer, Magog, Madai, Jawan, Tubal, Mesek aka Tiras. ³ Gomergö nahönurupñi yengö qetñini mi Askenas, Rifat aka Togarma. ⁴ Jawangö nahönurupñi yengö qetñini mi Elisa, Tarsis aka Saiprus könagesö aka Dodan könagesö.

⁵ Yengö isimoröurupñini mi jula denqennda Sutñire Köwetkö jitre aka mianngö gölme jöhanñi jöhanñi mianngöreñ nanñini gölmenjine anda malje. Yenñön isikñini dop, kambunji dop aka keunñini dop nanñini gölmenjine anda malje. Jafetkö könagesöñi mewö.

Hamgö gwölönarökurupñi

⁶ Hamgö nahönurup yengö qetñini mi Kus, ^{††} Ijpt, Libia aka Keinan. ⁷ Kugö nahönurupñi yengö qetñini mi Seba, Hawila, Sabta, Rama aka Sabteka. Ramagö nahönurahötñi yetkö qetñiri mi Seba aka Dedan. ⁸ Kugö nahönñi kun qetñi Nimrod asuhuyök. Yanñön qariba wahöta bimqeqegö suahö azi köhöikñi kötökñi aka gölmenöñ malök. ⁹ Yanñön Kembugö jemesoholje börojñ azi köhöikñi malohangöra aka keu sainji kewö jimakze: "Kunöñ Nimrod ewö Kembugö jemesoholje börojñ azi köhöikñi akza." ¹⁰ Nimrodkö bemtohonji mi gölme kewöñe mianngöreñ könahiget: Babel, Ere, Akad aka Kalne. Taon 4 mi Babilonia (Sinar) gölmenöñ ahöze. ¹¹ Nimrodnöñ Babilonia gölme mosöta Asiria anda miri ketanji ketanji qetñini Niniwe, Rehobotir aka Kala mi mem wahörök. ¹² Mewöyök Resen mi Niniwe aka siti ketanji qetñi Kala yetkö sutñire mem wahörök.

¹³ Ijptkö gwölönarökurupñi yanñön Libia könagesö, Anam könagesö, Lehab könagesö aka Naftu könagesö akze. ¹⁴ Mewöyök Patrus, Kaslu aka Krit. Krit mi Filistia könagesö yengö bömönñini ahök.

¹⁵ Keinangö nahönñi mutukñi mi Saidon. Yanngö andöñe Keinanöñ könagesö kewöñi yengö bömönñini ahök: Hit könagesö, ¹⁶ Jebus könagesö, Amor könagesö, Girgas könagesö, ¹⁷ Hiwi könagesö, Arka könagesö, Sini könagesö, ¹⁸ Arwad könagesö, Zemar könagesö aka Hamat könagesö. Keinanöñ körek pakpak yengö iwi bömönñini aiga yanñön könangep jula denqenget.

¹⁹ Mewö denqengetka Keinan könagesö yengöreñ gölme göranji mi miri qetñi Saidon mianngöreñök könahiba anda Gerar mire anda Gaza mianngöreñ teköza. Mewöyök Sodom göröken anda Gomora anda Adma

†† Kus mi Sudan kantrigö qetñi.

aka Zeboim anda Lasa miangören teköza. ²⁰ Hamgö nahönurupji mi isikñini dop, keunji dop, gölmenji dop aka könagesö kambunji dop mewö malje.

Semgö gwölönarökurupji

²¹ Jafetkö datñi Sem yangö nahönurupji mewöñanök asuhuget. Semnön mewö Ebergö nahönurup pakpak yangö bömönñini ahök. ²² Semgö nahönurupji yangö qetñini mi Elam, Asur, Arfaksad, Lidia (Lud) aka Aram. ²³ Aramgö nahönurupji yangö qetñini mi Uz, Hul, Geter aka Mas. Mewö malget. ²⁴ Arfaksadkö nahönñi Sela asuhuiga yangö nahönñi Eber asuhuyök.

²⁵ Ebergö nahönyahötñi yahöt asuhuyohot. Kunön asuhaba mala koröhi, nalö miangören gölme ambazipnön jula denqenget. Miangöra yangö qetñi Peleg (Denqen) qetket. Munñangö qetñi mi Joktan. ²⁶ Joktangö nahönurupji kewö asuhuget: Almodad, Selef, Hazarmawet, Jera, ²⁷ Hadoram, Uzal, Dikla, ²⁸ Obal, Abimael, Seba, ²⁹ Ofir, Hawila aka Jobab. Azi pakpak mi Joktangö nahönurupña. ³⁰ Yangö tatat malmal gölmenji mi miri qetñi Mesa miangörenök könahiba miri qetñi Sefar miangören göröken anda wehön kotkotñangö gölme kundunambuk miangören teköza. ³¹ Semgö nahönurupji mi isikñini dop, keunji dop, gölmenji dop aka könagesö kambunji dop mewö malje.

³² Noagö isimoröurupji mi isikurup areñini, könagesönñini aka gölmenji dop mewö aket. Yeñon jul sehiba denqenda könagesö kambunji kambunji aketka göulu ketanjan teköiga anda gölme dop köla malget. Mewö.

Anutunön ambazip yangö keunji mendenök.

11 Mutuk miangören gölmenji gölmenji pakpak yeñon keu mohot jigetka mianön mindirim engji malget. ² Mewö mala mosöta wehön kotkotñe göröken anda Babilon uruñe gölme körönji ketanji kun miwikñaiba miangören mirinji memba tatket. ³ Miangören tata nanñinök kewö eraum-mötket: "Mönökaget. Nini mönök birik mem mözözömgöba könöpnön ohoinga köhöikñi akñe. "Mewö jiba miri selñi mendingöra köt jamönñiñ qahöpmö, birik ala sutñine gölme sapösapö qandön ewö algetka mianön birik mi mekötahöm engiyök. ⁴ Nup mewö memba kunbuk kewö jiget: "Mönökaget. Nini mönök naninañgöra siti kun memba miangören miri körönji kötökñi (taua) meinga boñan suep oseima. Mewö oseiga qahö denqenda gölme pakpak dop köla lañ anda malbinbuköra mönök nanini qetbuñaninambuk akin."

⁵ Mewö jiba nup megetmö, Kembunön ambazip siti aka miri körönji megeri, mi ekñamgöra erök. ⁶ Eta mi eka kewö jiyök: "Yeñon simbisembel qahöpmö, uru-mohot könagesö aka keunji mohot jiba kinda yuai ki könahiba meze ewö, könangep i me wai mendingö areñini albeak, mi mönök miangöra qahö osiba qaköme. ⁷ Ayop, nini mönök gölmenön geba keunji

mem sohoinga kambu kun yeñon kambu tosatñi yangö keunji qahö möt asariba malme."

⁸ Kembunön mewö jiba ambazip miangören mendenqenden engiiga gölme körek dop köla anda kaba siti memegö nupñi jöhöba mosötket. ⁹ Kembunön ambazip pakpak yangö keunji mem sohöyöhi, miangöra miri miangö qetñi Babel (enjololon siksauk) ahök. Miangörenök Kembunön i mendenqenden engiiga denqenda gölme pakpak dop köla anget. Mewö.

Qet areñ Semgörenök könahiba Abramgören anja.

¹ Hist 1.24-27

¹⁰ Semgö gwölönarökurup yangö qet areñini ki. Göulu andönje yambu yahöt teköiga Semnön yambuñi 100 aiga nalö miangören nahönñi Arfaksad asuhuyök.

¹¹ Arfaksadnön asuhuiga miangö andönje Semnön toroqeba yambu 500 maliga nalö sutñe miangören nahönböraturupji tosatñi asuhuget.

¹² Arfaksadnön yambuñi 35 aiga nahönñi Sela asuhuyök. ¹³ Selanön asuhuiga miangö andönje Arfaksadnön toroqeba yambu 403 maliga nalö sutñe miangören nahönböraturupji tosatñi asuhuget.

¹⁴ Selanön yambuñi 30 aiga nahönñi Eber asuhuyök. ¹⁵ Ebernön asuhuiga miangö andönje Selanön toroqeba yambu 403 maliga nalö sutñe miangören nahönböraturupji tosatñi asuhuget.

¹⁶ Ebernön yambuñi 34 aiga nahönñi Peleg asuhuyök. ¹⁷ Pelegnön asuhuiga miangö andönje Ebernön toroqeba yambu 430 maliga nalö sutñe miangören nahönböraturupji tosatñi asuhuget.

¹⁸ Pelegnön yambuñi 30 aiga nahönñi Reu asuhuyök. ¹⁹ Reunön asuhuiga miangö andönje Pelegnön toroqeba yambu 209 maliga nalö sutñe miangören nahönböraturupji tosatñi asuhuget.

²⁰ Reunön yambuñi 32 aiga nahönñi Serug asuhuyök. ²¹ Serugnön asuhuiga miangö andönje Reunön toroqeba yambu 207 maliga nalö sutñe miangören nahönböraturupji tosatñi asuhuget.

²² Serugnön yambuñi 30 aiga nahönñi Nahor asuhuyök. ²³ Nahornön asuhuiga miangö andönje Serugnön toroqeba yambu 200 maliga nalö sutñe miangören nahönböraturupji tosatñi asuhuget.

²⁴ Nahornön yambuñi 29 aiga nahönñi Tera asuhuyök. ²⁵ Teranön asuhuiga miangö andönje Nahornön toroqeba yambu 119 maliga nalö sutñe miangören nahönböraturupji tosatñi asuhuget. ²⁶ Teranön yambuñi 70 aiga nahönñi Abram, Nahor aka Haran asuhuget.

Teragö gwölönarökurupji.

²⁷ Teragö gwölönarökurup yangö qet areñini ki. Teragö nahönurupji Abram, Nahor aka Haran asuhuget. Harangö nahönñi Lot asuhuyök. ²⁸ Haranön Kaldia yangö gölmenön mala nanñi ahuahuh mirinji qetñi Ur miangören kömuiga Harangö iwinji Teranön toroqeba malök.

²⁹ Abram aka Nahor yetkön örörön ambi meyohot. Abramgö anönñi qetñi Sarai aiga Nahorgö anönñi

qetnji Milka. Milkanöj Harangö böratña ahök. Haranöj Milka aka Iska yetkö iwinjiri ahök. ³⁰ Sarainöj ambi köpina moröj qahöpmö, öne malök.

³¹ Teranöj nahönñi Abram, isiñi Lot Harangö nahönñi aka iranñi Sarai, nahönñi Abramgö anömñi mi enġuangiriga mohotñe Kaldia gölmegö miri qetnji Ur mosöta Keinan gölmenöj anbingöra anget. Mewö angetmö, Haran miri gölmenöj kaba kinda miangören mirinini memba tatket. ³² Tatketka Teranöj yambuñi 205 aiga Haran miri miangören tata kömuyök. Mewö.

Anutunöj Abram oholök.

12 [†]Kembunöj Abramgöra kewö jiyök: “Gi gölmegi, könagesögi aka iwigahö miri yuaini mosöta gölme kondel gihimami, mönö miangören anman. ² Nöñön ahumsehip gihibiga gwölönarökurupkan könagesö ketanji akñe. Nöñön kötuetköba nañgöm gihibiga qetbuñagan qariba ketanji akña. Mewö aiga Anutunöj göhöra aka könagesö tosatñi kötuetköm enġiba malma.

³ Denike yeñön gi kötuetköm gihimei, nöñön mönö i kötuetköm enġiba malmam.

Denike yeñön gi jim suehöm gihimei, nöñön mönö i mewöyök jim suehöm enġiba malmam.

Göhöra aka nöñgö kötümötuetnan mönö gölmegö könagesö kambuñi pakpak yeñgö qakñine öñgöiga oy-aenkyoaeñ akñe.” ^{††}

⁴ Mewö jiiga Abramnöj Kembunöj jiyöhangö dop Haran miri mosöta aniga Lotnöj yambuk anohot. Abramnöj yambuñi 75 aiga miangören Haran miri mosöta anök. ⁵ Anmam jiba anömñi Sarai, behötñi Lot, sukinapñi pakpak qezakögetka sehüyöhi aka welenqe-qe ambazip Haran mirinöj mala enġömegeri, mi memba enġuangita mosöta Keinan gölmenöj anbingöra anda mala miangören anġotket.

⁶ Abramnöj gölme miangören anda mala mala miri qetnji Sekem miangören kañgota in ip ketanji qetnji More miangö kösutñe koumñi qeba tarök. Nalö miangören Keinan ambazip yeñön lök gölme miangören malget. ⁷ Mewö malgetka Kembunöj Abramgören asuħuba kewö jiyök: “Gölme ki mi mönö göhö gwölönarökurupki yeñgö buñaya qem enġimam. “Mewö jiiga Abramnöj Kembu yeñgören asuhüyöhi, yeñgöra jöwöwöl ohohogö altañi kun miangören meyök. [‡]

⁸ Miangörenök mosöta toroqeba Betel mirigö wehön kotkotñe göröken gölme kundunambuk miangören anda opo seri koumñi möröreñgöba kuñgui kinök. Mewö kiniga Betel miri miangören wehön gegeñe göröken tariga Ai taonöj wehön kotkotñe göröken tarök. Mewö tarohotka sutñire kinda Kembugö jöwöwöl altañi kun miangören memba Kembugö qetnji qeta köuluköm wañgiyök. ⁹ Miangö andöñe gölme mi mosöta toroqeba Saut göröken anda distrik qetnji Negew miangören tata malget. Mewö.

Abramnöj Ijpt kantrinöj anda malök.

¹⁰ Nalö miangören Keinan gölmenöj bödi (buörö) asuħuiga miangören köhöiba lömbötñi aiga Abramnöj Ijpt kantrinöj kusukñanök malbingöra anget. ¹¹ Könanöj anda Ijpt dopdowigetka Abramnöj miangören anömñi Saraigöra keu kewö jiyök: “Mötnöj, göñön ambi eksihimgabuk akzani, mi mötza. ¹² Mewögöra Ijpt azi yeñön gi geka kewö jime: ‘Ki yeñgö anömña.’ Mewö jiba ni nuñguget kömumam-mö, gi gehorigetka malman. ¹³ ^{††}Miangöra göñön mönö kewö jiman: ‘Ni yeñgö nenña.’ Mewö jinöñga göhöra aka ölpöñanök ak niñgiba nöñgö malmalni gou kölgetka malmam.”

¹⁴ Abramnöj Ijpt kaiga Ijptkö ambazipñi yeñön Sarai eketka ambi eksihimñambuk qetpuk ahök. ¹⁵ Miangörenök Farao kiñ kembangö pom jembonurupñi yeñön i ekerangöra Farao kiñgören anda Saraigö silenji möpöseigetka mörök. Mi möta jiiga Sarai wañgita kiñ kembangö jakömbuak miri uruñe öñgöget. ¹⁶ Öñgögetka Farao kiñnöj Saraigöra aka Abram ölpöñanök ak wañgiyök. Mewö ak wañgiiga yuai kewöñi mi Abramgö buñaya ahök: lama, bulmakau, doñki aziñi aka ambinji, welenqe-qe azi aka ambi aka kamel jesöñgöñi mi Abram wañgiiga buñaya qem anġuyök.

¹⁷ Mi buñaya qem anġuyökmö, Kembunöj Abramgö anömñi Sarainöj Farao kiñgö mire malöhangöra aka jiiga kawöl bölöñi kötökñan Farao kiñ aka ambazip yeñgö jakömbuak mire malgeri, yeñgö qakñine öñgöyök. ¹⁸ Mi öñgöiga Farao kiñnöj Abram köl öröi kaiga kewö qesim wañgiyök: “Göñön mönö wani kimbia ak niñginöñ? Wuanöñgöra ‘Mi anömna,’ mewö qahö jinöñga möral? ¹⁹ Wuanöñgöra ‘I mi nena,’ jinöñ? Mewö jinöñga nöñön i anömna akñapköra wañgiral? Anömgi ki. Mönö i wañgita anohot.”

²⁰ Mewö jiba aziurupñi jim kutum enġiiga Abram wañgita könanöj anda al enġigetka anömñi aka öroyuaini pakpak ahöm wañgiyöhi, mi memba enġuangita anget. Mewö.

Lot aka Abram yetköñ dennohot.

13 Abramnöj Ijpt gölme mosöta anömñi aka bau inap yuaini pakpak memba enġuangita Lotpuk mohotñe lilingöba anda Keinan gölmegö Saut likepñi qetnji Negew miangören kañgotket. ² Abramgören lama bulmakau aka goul silwö mi lömbötñi ahöm wañgiiga azi kindinbirik malök. ³ Mewö mala Negew distrik uruñe tata mosöta kusukñanök rowoñqeqeñine ahöba wahöta anda mala Betel mire kañgotket. Opo seri koumñi mutuk Betel aka Ai miri mietkö sutñire kuñgui kinöhi, mönö miangören kañgotket. ⁴ Mutuk jöwöwöl alta meyöhi, mönö miangören kañgota Kembugö qetnji qeta köuluköyök.

⁵ Lotnöj Abrambuk tata mosöta malöhi, yeñön mewöñanök lama bulmakau kambuñi kambuñi aka opo seri koumñi koumñi mi gwötpuk memba malök.

⁶ Mewö mala sömbup sukinap yuainjiri gwötpuk ketanji

† 12.1 Apo 7.2-3; Hib 11.8 †† 12.3 Gal 3.8 ‡ 12.7 Apo 7.5; Gal 3.16

†† 12.13 Jen 20.2; 26.7

ahöm etkiiga gölmenöñ qahö dop kölök. Mi öröröñ gumohom enjienjigö dop qahö ahöiga mohotje tata malmalgö lömböröba osiyohot. ⁷ Osiba Abram aka Lot yetköreñ sömbup galömurupñiri yengö sutñine gölmegö anjururuk asuhuyök. Nalö miangöreñ Keinan könagesö aka Periz könagesö yeñön gölme miangö tonji aketka yembuk mohotje malget.

⁸ Mewö mala Abramnöñ Lotköra kewö jii mörök: "Niri mönö iwi moröya maljit. Miangöra ni aka gi sutnire me sömbup galömurupñiri yengö sutñine anjururuk kude ahöma. ⁹ Miangöra ölop denbit. Gölme pakpak mönö göhö jemesoholge aukje ahöm anjawi, mi ölop ekzan. Mewö aiga göñön qaninire göröken anmam jiman ewö, nöñön ölop ölnire göröken anmam. Me göñön ölnire göröken anmam jiman ewö, nöñön ölop qaninire göröken anmam."

¹⁰ †Mewö jiiga Lotnöñ uba wahöta Jordangö gölme köröñi ketanji pakpak ehiga Anutunöñ mi ölop mem kelöriga Kembangöreñ oyaenköyaen arö kelökñambuk ewö ahök. Mi Ijpt yengö gölme ewö ahöba Zoar miri göröken anök. Mutuk Kembunöñ Sodom aka Gomora qahö ayuhum etkiiga nalö miangöreñ gölme mi mewö ahöyök. ¹¹ Mewö ahöiga Lotnöñ mi ek kewöta Jordangö gölme köröñi ketanji pakpak mi möwölöhöba wehön kotkotje göröken anök. Mewö aka dennohot.

¹² Dennda Abramnöñ Keinan gölmenöñ anda malökmö, Lotnöñ gölme köröñi ketanjangö taonñi taonñi yengö sutñine anda kaba malök. Mewö mala opo seri kounñi meköba memba kuñguba anda kinda teteköñe Sodom kösutje angota malök. ¹³ Miangöreñ malökmö, Sodom könagesö yeñön könagesö tandök bölöñi aka Kambu qetala singisöndok keta bölökñi aka memba malget.

Abramnöñ Hebron gölmenöñ anda tata malök.

¹⁴ Lotnöñ Abram umbula aniga nalö miangöreñ Kembunöñ Abramgöra keu kewö jiyök: "Mönö jegi ötok ala mesoholge uba wahöta elennda andöge uba mewöyök wehön kotkotje aka wehön gegeñe göröken unöñ.

¹⁵ ††Gölme pakpak ki ekzani, mi mönö gi aka göhö gwölönarökurupki engö buñaya qebi nalö teteköñi qahö buñajina ahöm öngöma. ¹⁶ Nöñön gwölönarökurupki ahumsehip gwötpuk engibiga qötöñinan qariba gölmegö sakösakñi (sakösiñi) ewö akña. Kun danön sakösiñ köñi miengö jañgöñini oyoñbawak, yañön ölop gwölönarökurupki yengö jañgöñini mema. ¹⁷ Nöñön gölme ki mönö göhö buñaya qem gihizal. Miangöra ölop wahöta anda kaba gölme pakpak ki bahöbahö euke emuke ek kutuba malman."

¹⁸ Mewö jiiga Abramnöñ wahöta opo seri kounñi qeköba memba kuñguba anda Hebron gölmenöñ kaba Mamre mire in ip ketanji kin angeri, miengö kösutñine tarök. Miangöreñ tata Kembangöra jöwöwöl al-ta kun meyök. Mewö.

Abramnöñ Lot mi kerök yengö böröñineyök meköyök.

¹⁴ Nalö miangöreñ Babilongö (Sinargö) kinji qetnji Amrafel, Elargö kinji qetnji Ariok, Elargö kinji qetnji Kedorlaomer aka Goimgö kinji qetnji Tidal malget. ² Yeñön kinj kewö miembuk könahiba bim auget: Sodom taongö kinji qetnji Bera, Gomora taongö kinji qetnji Birsa, Adma taongö kinji qetnji Sinab, Seboim taongö kinji qetnji Semeber aka Bela (qetnji alañi Zoar) taon miangö kinji. ³ Kinj pakpak kieñön örue (ruerue) qetnji Sidim miangöreñ tokoba kukösumñini mindiriba jöhöjöhö aket. Sidim örueñön nalö kewöñe Sihi Köwet Köhömuñi mi ahöza. ⁴ Yeñön yambu 12:gö dop Kedorlaomergö jimkutukutu bapñe mala kota yambu 13 miangöreñ yañgö keu bapñe anbingö qetala karim aka yarö gilget.

⁵ Mewö aketka yambu 14 miangöreñ Kedorlaomer aka kinj tosatñi yambuk jöhöjöhö aka malgeri, miengön kaba könagesö kewöñi yembuk bim qeba luhut alget: Refa könagesö mi Asterot Karnaim mire enguba luhut alget. Zuzi könagesö mi Ham mire aka Eme könagesö mi Kiriataim miri miangöreñ enguba luhut alget. ⁶ Hor könagesö mi Seir gölme kundunambuk miangöreñ enguba enguatangöba anda anda El Paran miri miangöreñ angota luhut al engiget. El Paran mi gölme qararankölköñangö göräñe ahöza. ⁷ Luhut al engiba miangöreñök lilingöba En Mispal (qetnji alañi Kades) miangöreñ kaba Amalek könagesö luhut al engiba gölmenini pakpak anjön kölget. Amor könagesö Hazezon Tamar gölmenöñ malgeri, mi mewöñanök enguba luhut al engiget.

⁸ Mewö asuhuiga Sodomgö kinji, Gomoragö kinji, Admagö kinji, Zeboimgö kinji aka Bela (qetnji alañi Zoar) miangö kinji yeñön wahöta asasaitiba Sidim örueñön angota kinj kewö miembuk bim qebingö jaböñi ala aröñda kinget: ⁹ Elargö kinji Kedorlaomer, Goimgö kinji Tidal, Babilongö (Sinargö) kinji Amrafel aka Elargö kinji Ariok. Kinj 4 miengön kinj 5 yembuk aröñget.

¹⁰ Mewö aröñgetmö, Sidim gölme örue miangöreñ löm dodoho sapösapöñambuk miangön kokolak qeba tarök. Mewö tariga Sodom aka Gomora taon mietkö kinjiran yarö aziurupñiri yembuk unjurata angaitketka azi tosatñan löm miangöreñ tötohoba geba enguyök. Mewö enguiga alaurupñini tosatñi pakpak yeñön ölöñ köla unjurata gölme kundunambuk miangöreñ öngöget. ¹¹ Öngögetka kinj 4 miengön Sodom aka Gomora anda sukinapñini aka numbu neneñini pakpak mi kiom köla memba tököba anget. ¹² Abramgö behötñi Lot yañön Sodom malöhangöra aka i mewöñanök sukinapñambuk wangita anget.

¹³ Mewö angetka azi kunñan ölöñ köla misingöba kaba miangö buzup keunji mi Hibru (kian) azi Abramgöra jii mörök. Nalö miangöreñ Abramnöñ Amor azi qetnji Mamre yañgöreñ in ip ketanji ketanji miengö kösutñine malök. Mamrenöñ munyahötñi qetñiri Eskol aka Aner yetpuk mohotje Abrambuk jöhöjöhö aka malget.

¹⁴ Abramnöñ behötñi Lot wangita angeri, miangö

keunji möta aziurupni 318 nanji mire asuhaba möt-möt möta bimqege köl guliba malgeri, mi enggohol tokoba kerök kambu enguatangöba Not göröken anda mala Dan mire angotket.

¹⁵ Abramnön aziurupni mendej enggiiga yejön sungem miangörenj közöla kerök kambu qeraköm enggimemba luhut al enggiget. Luhut al enggiba enguatangöba anda mala Damaskusgö Not likepne miri qetnji Hoba miangörenj angotket. ¹⁶ Miangörenj angota sukinap pakpak kiom qeba memba angeri, mi miwiknaiget. Behötjni Lot aka yanggö öröyuaingi mi memba wanggita lilingöba kayök. Sodom aka Gomora yenggö ambimoröurupnini aka ambazip tosatnji mi tok löknanök engguanngita kaget.

Melkizedeknön Abram kötuetköm wanggiyök.

¹⁷ Abramnön mewö Kedorlaomer aka kiñ tosatnji yambuk jöhöjöhö aka malgeri, mi engguba luhut al enggiba lilingöba kaiga Sodomgö kiñi yangön Sawe örue (qetnji alañi Kingö örue) miangörenj miwiknaiba eknamgöra anök. ¹⁸ †Nalö miangörenj Melkizedek Salemgö kiñi miangön bered aka wain o memba kayök. Yangön Anutu öngöngöngangö jike nup galömni ahök. ¹⁹ Mewö aka Abram kötuetköm wanggiba keu kewö jiyök: "Anutu öngöngöngan suep gölme miwiknaim etkiyöhi, yangön mönö Abram gi kötuetköm gihii malman. ²⁰ Anutu öngöngöngan kerökurupki göhö böröge al enggiyöhi, mönö i möpöseizin. "Mewö jiiga Abramnön öröyuaingi pakpak mendejniga kambu ten asuhuiga miengörenjök mohot mohot (10%) memba naluha wanggiyök.

²¹ Mi wanggiiga Sodomgö kiñan Abramgöra kewö jiyök: "Ambazipurupni mia ningimanmö, sukinap mia mönö nangi buñaya akña."

²² Mewö jiyökmö, Abramnön Sodomgö kiñangöra kewö jiyök: "Keuni köhöimapköra nöñön böröni Kambu Anutu öngöngöngi Suep gölme miwiknaim etkiyöhi, yangörenj göröken memba wahöta jöjöpañ keu kewö jizal: ²³ Nöñön göhörenj yuai kun mi qahö kötökñi memam. Möt kösögahö kitipñi me köna esugahö kösöñi mi mewöñanök qahö memam. Mewö akiga göñön könañgep kewö jibanbuk: 'Nöñön Abram yuai wanggibiga yangön azi pomñi qetbuñangambuk aka malja.' Göñön mönö mewö jimamgö osiba malman.

²⁴ Nöñön yuai kun qahö toroqeba memam-mö, aziurupnan wani yuaia negeri, mi lök neñgigetka dop köl teköza. Mewöyök azi alaurupni Aner, Eskol aka Mamre nömbuk kageri, yejön mönö töwa jijiñinangö dop meme. "Mewö.

Anutunön Abrambuk jöhöjöhö areñ ahök.

15 Mewö asuhuiga Abramgö jeñi melenjiga imut ehiga Kambunön keu kewö jii kaiga mörök, "Abram, gi kenngötki kude mötman. Nöñön göhö sumanga akzal. Göhö töwagi mönö keta bölöknji aka ahöma."

† 14.18 Hib 7.1-10

² Keu mewö kayökmö, Abramnön kewö jiyök, "O Kambu ketanjamni, ni nahönböratni qahö malbiga töwa niñginönga miangön mönö denöwö bauköm niñgibawak? Nöñön kömumbiga Damaskus azi Eliezer yangön nöngö sukinapnangö tonji akña." ³ Mewö jiba toroqeba kewö jiyök, "Göñön gwölönarökni kun qahö niñginöñangöra nup azini bohonñan nöngö mire maljawi, yangön mönö nöngö öröyuaini pakpak buña qem anguma."

⁴ Mewö jiiga Kambugörenj keu jit kun mi yangörenj kewö kaiga mörök, "Azi miangön sukinapakahö tonji qahö akñapmö, nangi silegeyök morö nahön kun asuhumawi, yangön mönö göhö öröyuaigi pakpak buña qem anguma." ⁵ ††Keu mewö kaiga Anutunön Abram wanggita gumnönj geba keu kewö jii mörök, "Mönö suepnönj unönj öngöiga señgelau oyoñ engimanangö dop akña ewö, mi mönö ölop oyoñ enggiman. "Mewö jiba kewö toroqeba jiyök, "Göhö gwölönarökurupki yenggö qötöñinan mönö miangö dop akña."

⁶ Mewö jiiga Abramnön Kambu möt narim wanggiiga mötnaripñi ehi dop köliga keunji jim teköiga solaniyök. ‡

⁷ Kambunönj toroqeba keu kewö jii mörök, "Nöñön Kambu akzal. Gi Kaldia gölmegö miri qetnji Ur miangörenj malnöñga goangita ki kait. Gölime ki gihibi buña qem angumangöra aka gi goangita ki kait."

⁸ Mewö jiyökmö, Abramnön kewö jiyök, "O Kambu ketanjamni, gölime kianön nöngö buñaya akñawi, mi mönö wani aiwesöha eka möt kutumam?"

⁹ Mewö jiiga Kambunönj yangöra kewö jiyök, "Gi mönö anda bulmakau ambi seramñi yambuñi karöbut, meme (noniñ) ambini yambuñi karöbut aka lama azini yambuñi karöbut aka kembö kun aka kembö supsup dölokunñi kun mi memba nöngörenj kaman."

¹⁰ Mewö jiiga Abramnön anda mi pakpak körek memba kaba sömbup mi bibiñine qesiñ enggiba likepñi likepñi mi arengöiga köna likep likep aröñnön ahöget. †† Mewö ahökmö, nei mi qahö qesiñök. ¹¹ Qahö qesiñda qamötñini likep likep arengöñgöm enggiiga nei kalñi yejön kaba qamöt yenggö qakñine eta kölgetmö, Abramnön mi közöl enggiiga anget.

¹² Wehön jeñi teköba gemamgö aiga nalö miangörenj Abramnön jeñi eta meiga gaun lömbötñi ahöyök. Mewö ahöiga pandaman göjiwinangö kanjamñi miangön kaba turum wanggiyök. ††† Turum wanggiiga Kambunönj kewö jii mörök, "Keu ki mönö ölña mötman: Göhö gwölönarökurupkan mönö nanñini gölmeñini mosöta kantri kunönj anda kiana mala mal öngöme. Mewö mala yenggö welenqequeurupñini omanji aketka i yambu 400:gö dop tulumgöm enggiba malme. †††

¹⁴ Mewö malmemö, nöñön kantri welenqequeurupñini omanji aka malmei, yenggö keunji mi mewöyök jim teköba likepñi melenbiga qakñine öngöma. Mewö mi öngöiga pösat enggigetka kantri mi mosöta sukinapñini

†† 15.5 Rom 4.18; Hib 11.12 ‡ 15.6 Rom 4.3; Gal 3.6; Jei 2.23 †† Nalö miangörenj jöhöjöhö areñ aka mi sillik mewöñi miangön mem köhöizema. Azinön sömbup likepñi yahöt mietkö sutñire kinda mindirim etkiba jöhöjöhö mi tönguba galöm kölñapma. †† 15.12 Job 4.13, 14 ††† 15.13 Eks 1.1-14; Apo 7.6

gwötpuk memba lilingöba kame. ^{†15} Nöñön Amor kö-nagesö mi gölme kiangörej zilar qahö enjuatangö-mam. Mutuk singgisöndoknji singgisöndoknji aka bölümqölim tekögetka likepni törörök melenj engima-mangö nalöñan akñawi, nalö miangörej mönö i enjuatangömam. Miangöra göhö isurupki yengö isurupñinan asuhuba malmei, ^{††} nalö miangörej göhö gwölönarökurupkan mönö lilingöba ki kame. (15) Yeñön mewö kamemö, nangak mutuk yambugahö nalöñi ölmö kömuiga luainöñ iwiasaurupki yengörej anöñga löm köl gihime.”

¹⁷ Kembunöñ mewö jiiga wehön jeñan teköba geiga pandaman meiga yuai kewö asuhuiga ehök: Kimbut kungö uruñe könöp bölamñan kökobilikbilikñambuk jeba asariiga köwak köndumñambuk pukpuköyök. Yuai miangöñ asuhuba sömbup qamöt qesinqesinji miengö sutñine kinda anda kayök.

¹⁸ Kembunöñ mewö sömbup likepni likepni miengö sutñire anda kaba sömañ miangörej Abrambuk jöjöhö areñ aka (kaisöpsöpñan mi mem köhöiba) keu kewö jii mörök, “Nöñön gölme ki mi göhö gwölönarökurupki yengö buñaya qem engimam. Miangö jaböñi mi Ijptkö o töwatñi (Nail) miangörejök könahiba kaba ki ongita anda o töwatñi ketanji qetñi Yufreitisi miangörej teköma. ^{†19} Nalö kewöñe mi könagesö kewö yengö gölmeñina ahöza: Kin könagesö, Kenas könagesö, Kadmon könagesö, ²⁰ Hit könagesö, Periz könagesö aka Refaim könagesö, ²¹ Amor könagesö, Keinan könagesö, Girgas könagesö aka Jebus könagesö. Yengörej gölme pakpak mi mönö körekñanök memba dop köla anme. “Mewö.

Hagar aka Ismael

16 Abramgö anömñi Sarainöñ köpin mala morö qahö meyökmö, Saraigö welen ambi qetñi Hagar malök. Mi Ijpt ambia. ² Yañön malöhangöra Sarainöñ Abramgöra kewö jiyök: “Kembunöñ songo jöhöm niñgiiga morö qahö mealangöra gi mönö welen ambini menöñga gölöm ala morö kun meiga nöñgö buñaya asuhubawak. “Mewö jiiga Abramnöñ Saraigörej keugöra urumohot ahök. ³ Abramnöñ Keinan gölmenöñ yambu 10 mal teköiga nalö miangörej Sarai Abramgö anömñan Ijptkö welen ambiñi Hagar memba apñangö anömñi akñapköra wangiyök. ⁴ Mewö wanggiiga memba maliga gölöm alök. Gölmö ala mi möta galöm ambiñi Sarai könahiba jijiwilit ak wangiyök.

⁵ Mewö ak wanggiiga Sarainöñ Abramgöra kewö jiyök: “Urunan bölüiga sihimbölo mörakzali, miangö keñan mönö göhö qake öñgöba ahöma. Nöñön welen ambini göhö böroge albige gölöm ala mi möta miangörejök könahiba jijiwilit ak niñgiba malja. Mi-

angöra Kembunöñ mönö ni aka gi netkö sutñire keu kewöta jim teköma.”

⁶ Mewö jiiga Abramnöñ kewö jiyök: “Welen ambi miangöñ nange böroge maljawangöra wania mötnöñga dop köljawi, mönö miangö dop i ak wangiman. “Mewö jiiga Sarainöñ Hagar lañ örömureim ak wanggiiga mosöta tököba ölöñ köla anök.

⁷ Aniga Kembugörej garata kunöñ gölme qararañkölkölñe o jeñi kungö kösutñe miwikñaim wangiyök. O jeñi mi Sur mire anangö köna jitñe miangörej ahöza. ⁸ Miangörej miwikñaim wangiba kewö jiyök: “Hagar, Saraigö welen ambiñi, gi mönö denikeyök kazana denike anman?” Mewö jiiga kewö melenñök: “Ni galöm ambini Saraigörejök asamböta ölöñ köla kazal.”

⁹ Mewö jiiga Kembugörej garatanöñ Hagar kewö jim kutum wangiyök: “Gi mönö kunbuk Saraigörej anda welenñi qeba yangö keu bapñe malman.” ¹⁰ Keu mi toroqeba kewö jii mörök: “Hagar, nöñön mönö göhö gwölönarökurupki ahum sehim engibige qötöñini oyonyongö dop qahö aiga malme.”

¹¹ Kembugörej garatanöñ kunbuk toroqeba Hagar kewö jiyök: “Gi moröbuk akzana nahöñgi me-man. Dölki tapötkokorok möta sahötnöñga mi mönö Kembugö kezapñe geiga mötza. Miangöra morögö qetñi Ismael qetman. (Ismael Anutunöñ kezapñan mötza.) ¹² Yañön azi doñki bau kömböt ewö aka (nanñi imbi-imbi qakñe lañ anda kaba) malma. Yañön böroñan ambazip pakpak qetal engiiga ambazip pakpak yeñön i qetal wangiba malme. Yañön munurupñi pakpak yembuk kerök-kerök aka nanñök kekelolo malma.”

¹³ Mewö jiiga Hagarnöñ kewö jiyök: “Nöñön mönö dölki kunöñ ni nehakzawi, i ekzal. “Miangöra Kembu yangöra keu jiyöhi, yangö qetñi kewö qet wangiyök: “Gi Kembu ni nehakzananöñ akzan. “Qetñi mewö qerök. ¹⁴ Könanji miangöra aka o löm miangö qetñi mi Ber Lahai Roi (Malmalñambuk mala nehakzawangö o lömñi) qetketka ahöza. O löm mi toroqeba miri yahöt qetñiri Kades aka Bered mietkö sutñire ahöza.

¹⁵ ^{††}Hagarnöñ Abramgö morö nahöñni meyök. Abramnöñ nanñi moröñi Hagar meyöhi, yangö qetñi Ismael qerök. ¹⁶ Abramnöñ yambuñi 86 aiga Hagarnöñ Ismael morö mi Abramgöra meyök. Mewö.

Jöhöjöhö areñgö aiwesökñi mi sile yandiyandi.

17 Abramnöñ yambuñi 99 aiga Kembunöñ asuhum wangiba keu kewö jiyök: “Nöñön Anutu kukösum pakpakö Toñi akzal. Miangöra gi mönö nöñgö keuni tem köla pöndañ ahakmeme diñdiñi wu-atangöba malman. ² Nöñön jöhöjöhö areñ mi gi aka ni netkö sutñire ahali, mi mem köhöiba ahumsehip gihibi gwölönarökurupki yengö jañgöñinan mönö keta bölöknji akña.”

³ Mewö jiiga Abramnöñ simin köla bamgöiga Anutunöñ yangöra keu kewö jiyök: ⁴ “Mötman, nöñön jöhöjöhö areñni göbuk kewö akzal: Göñön könagesö

† 15.14 Eks 12.40-41; Apo 7.7 †† Yambu 430 nalö mi kewö oyonyonet: Liwainöñ malmal yambuñi 137 miangörejök yambu 80 mi Ijpt malök. Yangö andöñe azi kewöñan yambuñini kewö Ijpt malget: Kehat 133, Amram 137, Moses 80. (Miangö andöñe Mosesnöñ Ijpt mosöta toroqeba yambu 40 malök.) Mi mindiriba yambu 430 ahök. Ex 6.16, 18, 29 Dut 34.7 † 15.18 Apo 7.5

†† 16.15 Gal 4.22

gwötpuk yengö iwi bömönñina akñan. Keu mewö jim jöhöbi ahöma. ⁵ †Göhö qetki Abram mi qahö toroqeba qetketka ahömapmō, göñon könagesö gwötpuk yengö iwi bömönñina akñangöra kuñgum gihizali, mi-angöra qetki mönō Abraham qetketka ahöma.

††6 Nöñon ahumsehip gihibiga gwölönarökurupki mi önöñi qahö asuhume. Yeñon jula denđa könagesö kambuñi kambuñi gwötpuk akñe. Göhö gwölönarökurupki yengöreñök tosatñan kiñ kembuñi kembuñi akñe.

⁷ Nöñon mönō jöhöjöhö areñni mi nani aka gi, göhö gwölönarökurupki göhö andöge toroqeba asuhum öngömei, neñgö sutnine al köhöibiga teköteköñi qahö ahöm öngöba ahöma. Nöñon göhö Anutuği aka gwölönarökurupki göhö andöge asuhum öngömei, mönō yengö Anutuğina aka malmam. ⁸ Gi Keinan gölmenöñ kiana maljani, nöñon gölme mi jömukñanök gi aka göhö gwölönarökurupki engö buñaya qem engibi-ga buñañini teteköñi qahö ahöm öngöba ahöma. Mewö ahöiga nöñon mönō yengö Anutuğina aka malmam. ††

⁹ Anutunöñ Abrahamgöra mewö jiba toroqeba keu kewö jiyök: “Mewö malmam-mö, göñon mönō nöñgö jöhöjöhö areñnangö keuñi mi tem köla wuatangöba malman. Göhö gwölönarökurupki göhö andöge toroqeba asuhum öngömei, yeñon mönō mewöñanök mi tem köla wuatangöba mala mal öngöme. ¹⁰ Gi aka göhö gwölönarökurupki embuk jöhöjöhö areñni aka mi wuatangömegöra jizali, miangö aiwesökñi mi kewö: Engö sutñine azi pakpak yengö silenine mönō nöñgö aiwesökni yandime. †††1 Nöñgö aiwesökni mönō silenine yandime. Miangöñ jöhöjöhö areñ ni aka engö sutnine albi ahözawi, miangö aiwesökña ahöm öngöma.

¹² Nalö kewöñeyök könahiba azi pakpak engö sutñine toroqeba asuhum öngömei, yengö silenine mönō sömañini 8 aiga miangöreñ nöñgö aiwesökni yandiba malme. Nanñine miri uruñe nanñini aka welenqeqeurupñini yengöreñ morönahönurupñini asuhumei, mi mönō öröröñ ak engiba malme. Welenqeqe tosatñi mi kian yengöreñök moneñnöñ bohonñini megetka yengö morö nahönñini asuhume. Yeñon nanñini gwölönarökurupñini qahö akzemö, mi töndup nöñgö aiwesökni mi mönō yengö silenine mewöñanök yandiba malme. ¹³ Welenqeqe tosatñan nanñine miri uruñe asuhugetka welenqeqe tosatñi mi moneñnöñ bohonñini megetka yengö morö nahönñini asuhume. Nöñgö aiwesökni mi mönō yengö silenine mewöñanök yandiba malme. Nöñgö jöhöjöhö areñnangö aiwesökñi silenine yandime, mi mönō jöhöjöhö areñ teteköñi qahö ahöm öngömapköra jim köhöizal. ¹⁴ Azi kun danön nöñgö aiwesökni silenine qahö yandi-getka öne malmawi, yeñon mönō nöñgö jöhöjöhö areñni onğita qetalakza. Miangöra azi mewöñi mi

mönō nanñi ambazip kambu engö sutñineyök yakörim wangigetka yaigep eta malma.”

¹⁵ Anutunöñ toroqeba Abrahamgöra kewö jiyök: “Gi anömgahö qetñi Sarai mi kude toroqeba qeta malmanmō, yengö qetñi mönō Sara (jembon ambi) qeta malman. †††16 Nöñon Sara kötuetsköm wangibiga yeñon göhöra morö nahön kun mema. Nöñon kötuetsköm wangibiga yeñon ambazip kambuñi kambuñi gwötpuk yengö nam bömönñina akña. Yengö gwölönarökurupñi yengöreñök tosatñan könagesö kambu yengöreñ azi kembuñi kembuñi akñe.”

¹⁷ Kembunöñ mewö jiiga Abrahamnöñ mi möta simin köla bamgöba uruñan kewö mötmöriba miangöra gön kölökö, “Azi yambuni 100 akiga morö nahönan mönō denöwö asuhubawak? Mewöyök Saranöñ yambuñi 90 aiga mönō denöwö morö membawak?” ¹⁸ Abrahamnöñ mewö mötmöriba welipköba Anutu kewö qesim wangiyök: “Göñon ölop Ismael kuñgum wanginöñga qetki bisiiga nöñgö gwölönarökurupni mi yengöreñök asuhume.”

¹⁹ Mewö qesiiga Anutunöñ kewö melenñök, “Anömgı Saranöñ mönō göhö morö nahönğı mema. Mi meiga qetñi Aisak (gön kölja) qetman. Nöñon Aisakpak aka yengö gwölönarökurupñi yembuk jöhöjöhö areñni mi al köhöibiga teteköñi qahö ahöm öngöma. ²⁰ Ismael kötuetsköm wangimangö qesim ningizani, mi mewöyök ölop möt gihiba kötuetsköm wangimam. Yeñon azi kembu 12 miengö iwi bömönñini akña. Nöñon ahumsehip wangibiga gwölönarökurupñi yengö jañgöñinan mönō keta bölököñi akña. Yeñon sehiba könagesö kambu ketanji akñe.

²¹ Mewö akñemö, Saranöñ nahönğı Aisak mi yambu euneangö nalö kewöñe memawi, nöñon mönō nani jöhöjöhö areñni mi yambuk al köhöimam.” ²² Anutunöñ Abrahambuk keu jiyohori, mi teköiga i mosöta wahöta öngöyök.

²³ Wehön miangöreñök Abrahamnöñ Anutugöreñ keu tem köla nanñi nahönñi Ismaelgö silenine Anutugö aiwesökñi yandiyök. Mewöyöhök welenqeqeurupñi nanñi miri uruñe asuhugetka tosatñi moneñnöñ bohonñini meiga malgeri, azi pakpak mi yengö miri uruñe tatkeri, i mönō körek mewöñanök ak engiyök. ²⁴ Abrahamnöñ yambuñi 99 aiga silenine aiwesök mi yandiget. ²⁵ Nahönñi Ismael mi yambuñi 13 aiga silenine mi yandiget. ²⁶ Abraham aka nahönñi Ismael yetkö silenine aiwesök mi sömañ mohot miangöreñök yandiget. ²⁷ Azi pakpak Abrahamgö miri uruñe tatkeri, tosatñan nanñi miri uruñe asuhugetka tosatñi mi kian yengöreñök bohonñini meiga malgeri, körek yengö silenine aiwesök mi mewöñanök yandiget. Mewö.

Saranöñ azi morö memawangö keuñi Anutunöñ jiyök.

18 Abrahamnöñ Mamre mire in ip ketanji ketanji miengö sutñine maliga Kembunöñ asuhum wangiyök. Silim miangöreñ wehön jitñi sihitñi köhöikñi qeiga Abrahamnöñ opo seri koumñangö numbuñe

† 17.5 Rom 4.17 †† Abram mi iwi öngöñgöñi. Abraham mi könagesö gwötpuk yengö iwi bömönñini. † 17.7 Luk 1.55 †† 17.8 Apo 7.5 †† 17.10 Apo 7.8; Rom 4.11

††† Qetñi kewögöra uteköyök: Yeñon ambazip kambuñi kambuñi gwötpuk aka kiñ kembu tosatñi yengö nam bömönñina akña.

tarök. ²†Tata uba wahöta ehiga azi karöbutñan wösörje kinget. Kingetka engeka opo seri kouw num-buneyök wölañ wahöta jömjölonjini jiba enguangit-mamgöra kiñkiñgöba anök. Anda waikñini memba simin köla gölmenöñ bamgöba geyök.

³ Geba kewö jiyök: “O Kembu-urupni, nöñön engö welenqeqeñini aka engö jenine kalem möriam mi-wikñaiba maljal ewö, iñini mönö ni kude nongita anme. ⁴ Ni engö welenqeqeñini aka ölop o moröñi kun memba kaba enggibiga könañini sanjonña ip kiangö aumñe tata luhut meme. ⁵ Nöñön ölop nene moröñi kun memba kaba enggibiga neme. Mianñön mem köhöim enñiiga ölop köna kunbuk toroqeba anme. Nöñön kewöröpni malbiga iñini ni göda qem niñgiba kazeañgöra ölop welen qem enñimam. “Mewö jiiga melenña kewö jiget: “Saiwap, jizanañgö dop mewö ölop akin.”

⁶ Mewö jigetka Abrahamnöñ ösumñan kiñkiñgöba seri kouw uruñe anda öñgöba Saragöra kewö jiyök: “Mönö ösumok plaua ölop kötokñi amae (dis) karöbutkö dop memba melenña yanñgöra bered ohoman.” ⁷ Mewö jiba ösumñan bulmakau kambunöñ anda bulmakau dömnji busunji löwötñi möwölöhöba welenqeqeñi kun wanñiiga könahiba ösumok qeba möhamgöba ohoyök. ⁸ Mi möhamgöba ohom teköiga mi, kelök kosökñi aka juju o tosatñi memba anda azi tatkerañgö bapñine alök. Bapñine aliga neme tatketka nanñi nalö miangöreñ kösutñine ip könañe galömnina kinök.

⁹ Kiniga kewö qesim wanñiget: “Anömgj Sara mi denike?” Qesim wanñigetka jiyök: “I opo seri kouw uruñe endu tatta.”

¹⁰ Mewö jiiga azi yanñgöreñök kunñan kewö jiyök: “Yambu mohotkö dop teköiga nöñön ölna lilingöba ki kabiga anömgj Saranöñ mönö morö nahönñambuk aka malma. “Mewö jiyökmö, Saranöñ opo seri kouwngö numbuñe apñañgö andöñe kinda keu mi kezapñe geiga mörök. ††11 Abraham aka Sara yetköñ lök ambazip namñi ahotka yambuñiran gwötpuk ketanji aiga malohot. Saranöñ köingö anñeka malöhi, miangö nalöñan lök onñit teköyök. ¹² Miangöra Saranöñ mi möta uruñan kewö mötmöriba gön kölok: “Nöñön lök ambi namñi sohoholiñi akiga apni azi kembunan mewöñanök azi namñi aiga yambuk ahöahögö sihimnan kunbuk asuhubawak me qahöpto?” ‡

¹³ Mewö mötmörriiga Kembunöñ Abraham qesim wanñiba kewö jiyök: “Saranöñ wanigöra gön köla kewö mötmöriza: ‘Nöñön ambi namñi kötokñi aka ölna morö membilenñak me?’ ¹⁴ Kembunöñ mönö yuai kungöra qahö kötokñi qakömakza. Miangöra jizali, ‘Yambu mohotkö dop teköiga nöñön ölna lilingöba ki kabiga Saranöñ mönö morö nahönñambuk aka malma.’” ‡

¹⁵ Saranöñ kenñgötñi möta mi köyatiba kewö jiyök: “Ni gön qahö köljaj. “Mewö jiyökmö, Kembunöñ kewö jiyök: “Qahö, gi gön ölna köljaj. “Mewö.

Abrahamnöñ Sodom taongöra köuluköyök.

¹⁶ Mewö jiiga azi karöbut yanñön wahöta etkömosöta Sodom taonöñ göröken elenña anbingö aket. Abrahamnöñ mewöñanök i engubulmamgöra yembuk mohotñe anget. ¹⁷ Kembunöñ nanñañgöra kewö jiyök: “Ni yuai akñamgö mötzali, mi alani Abrahamgöra ölop qahö asambötmmam. ¹⁸ Kewögöra mi asambötmmamgö osizal: Abrahamnöñ nöñgö alani qainñi kun aka ahumsehip aiga könagesö ketanji kukösumñinambuk aka malme. Nöñgö kötumötuetnan mönö yanñgöra aka gölmegö könagesö kambunji pakpak yanñgö qakñine öñgöiga oyaenñkoyaen akñe. ¹⁹ Nöñön i kewögöra möwölöhöm wanñial: Yanñön nahönböraturupñi aka gwölöñarökurupñi yanñgö andöñe asuhuba mal öñgömei, yanñgöra Kembugöreñ köna kondela ahakmeme diñdiñi dop kölakzawi, mi wuatañgömegöra jim kutum enñgiba malma. Mewö maliga tem köla wuatañgöba malme ewö, Kembu nöñön Abrahamgöra yuai asuhumapkö jim jöhöyali, mianñön mönö ölnambuk pakpak ahakña.”

²⁰ Kembunöñ nanñök mewö jiba toroqeba Abrahamgöra kewö jiyök: “Sodom aka Gomora yanñön siñgisöndok lömbötñi lömbötñi aka malgetka kahasililij öñgöngöñi ketanji asuhuiga gwötpukñan miangöra qeta sahörakze. Miangöra yanñgö siñgisöndokñinangö keunñan mönö qariba qariba keta bölokñi akza. ²¹ Miangöra nöñön mönö yanñgöreñ geba könañamñini ekñam. Kahasililij akerañgöra aka gwötpukñan nöñgö jene qeta sahöta malgeri, mi pakpak ölna aket me qahö, mi nöñön kewöta mötmamgö mötzal.”

²² Mewö jiiga azi yahötñan elenña Sodom göröken anohotmö, Abrahamnöñ toroqeba Kembugö jemesoholñe kinök. ²³ Kinda Kembugö kösutñe anda kewö qesim wanñiyök: “Gi ambazip solanñi aka ambazip anñgöjörakñinambuk mi mohotñe ayuhum enñimamgöra jizan me? ²⁴ Taon miangöreñ ambazip solanñi 50 malje ewö, gönön i ölna ayuhum enñimamgö jizan me? Taon mi yanñgöra aka enñehoribanak me qahö? ²⁵ Gönön mewö akñangö osibanak. Mi yapmake! (qahöpmahöp!) Gönön ambazip solanñi mi ambazip anñgöjörakñinambuk yembuk mohotñe mindiriba enñunöñga qahö dop kölbapuk. Mewö öröröñ kömumbepuk. Gönön gölme ambazip pakpak yanñgö keunñini jim tekömakzani, miangöra mönö nanñi könañi diñdiñi wuatañgönöñga dop kölma.”

²⁶ Abrahamnöñ mewö jiiga Kembunöñ melenña kewö jiyök: “Nöñön Sodom taonöñ ambazip solanñi 50 miwikñaim enñimam ewö, yanñgöra aka taon pakpak mi ölop enñehorimam.”

²⁷ Mewö jiiga Abrahamnöñ kunbuk kewö jiyök: “Kembu, ni nesak sömsöm omanji ewö akzalmö, töndup keu köhöikñi Kembunañgöra kuñguba jizal. Mi kude dop köljapmö, mi töndup ölop ni möt niñgiman. ²⁸ Taon miangöreñ ambazip solanñi 50 qahöpmö, 45 miyök malbeak ewö, gönön ambazip 5 yanñgöra aka taon pakpak mi töndup ayuhum enñimam me qahö?” Mewö jiiga Kembunöñ kewö jiyök: “Nöñön ambazip solanñi 45 mi-

† 18.2 Hib 13.2 †† 18.10 Rom 9.9 ‡ 18.12 1 Pitö 3.6 †† 18.14 Luk 1.37

angöorej miwikñaim engimam ewö, taon mi mönö qahö ayuhumam."

²⁹ Abrahamnönj dumñe kunbuk keu kewö jiyök: "Ambazip solanji 40 miyök miangöorej miwikñaim engiman ewö, mönö denöwö akanak?" Mewö jiiga kewö melenök: "Ambazip 40 yengöra aka taon mi qahö ayuhumam."

³⁰ Mewö jiiga jiyök: "O Kembu, urugi öngöbapukmö, ni kunbuk keu jimamgö mötzal. Ambazip solanji 30 miyök miangöorej miwikñaim engiman ewö, mönö denöwö akanak?" Mewö jiiga kewö melenök: "Ambazip solanji 30 miangöorej miwikñaim engimam ewö, nöñön mönö taon mi qahö ayuhumam."

³¹ Abrahamnönj toroqeba kewö jiyök: "Kembu, ni keu köhöikñi Kembunangöra kunquba jizal. Mi kude dop köljapmö, mi töndup ölop möt niñgiman. Ambazip solanji 20 miyök miangöorej miwikñaim engiman ewö, mönö denöwö akanak?" Mewö jiiga kewö melenök, "Ambazip 20 yengöra aka taon mi qahö ayuhumam."

³² Mewö jiiga Abrahamnönj kunbuk kewö qesiyök: "O Kembu urugi öngöbapukmö, ni kunbuk sömanji mohot-töp ki keu jimamgö mötzal. Ambazip solanji 10 miyök miangöorej miwikñaim engiman ewö, mönö denöwö akanak?" Mewö jiiga kewö melenök, "Ambazip 10 yengöra aka taon mi qahö ayuhumam."

³³ Mewö eraum-mörohot teköiga Kembunönj Abraham mosöta aniga yanön kunbuk lilingöba miriñe kayök. Mewö.

Sodom aka Gomora yengö angjöörak malmalñini

19 Sup garata yahöt mi Abraham mosöta anda mare aiga Sodom angorohot. Angorohotka Lot azi mianön taon miangö kiripo nangune tarök. Tata etkeka wahöta jömjölönjiri jiba enguangitmamgöra anda gölmenönj simin köla bamgöba geyök. ² Geba kewö jiyök: "O kembuyahötni, iñiri ölop welenqeqenñiri nöngö mire kaba könanñiri sanqonña mohotñe sunqem ahöbin. Ahöba wahöta ölop söñanök köna toroqeba anmahot. "Mewö jiyökmö, yetkön kewö jiyohot: "Qahö, niri ölop qenjarök sombem kunönj anda ahöbit."

³ Mewö jiyohotmö, Lotnönj kapan köhöikñi köla jiba etkuangita nanñi miriñe anda öngöget. Öngöba welenqeqeurupñi jim kutum engiiga bered yistñi qahö ohoget. Mewöyök numbu nene nahömñambuk möhamgöba ohoba etkigetka neyohot.

⁴ Mi namba gaun ahöbitkö ahotka miangöoreñök Sodom ambazipnönj kaba miri mi liliköget. Sodom taongö bahönji pakpak miangöoreñök ambazip namñi aka sepgwölö mi totnönj totnönj lömbötñambuk öröba kanqotket. ⁵ Kanqota Lotköra kewö qetket: "Azi yahöt mare göhöoreñ kazahori, mi denike? Azi nini yetpuk sero akingöra mötzin. Miangöra mönö i etkuangita nenqöoreñ etme." †

⁶ Mewö qetketka Lotnönj nanggu metala yengöoreñ geba andöñe nanggu kölök. ⁷ Nanggu köla kewö jiyök: "Alaurupni, mewö qahö. Silik bölönji mi kude akñe.

⁸ Mötket. Nöngö böratni yahöt seram mala nalö kunönj azibuk qahö ahöyohot. I ölop engöra etkuangita etpiga wanat yuaia akingö mötzei, mi ölop sihimñini meköme. Mewömö, nöngö miri boñan azi yahöt etkualönña sel jöhöm etkizawi, ia mönö yuai bölönji kun qahöpmañöp ak etkime."

⁹ Mewö jiyökmö, yanön kewö melenña terinña qetket: "Mönö kesalnönj. Göñön ki kaba kiana mala nangahöra niñia jiba mötnönj öngöiga ninia pöñan jim kutum nenqimamgö mötzan? Yetkön qahö kama-hot ewö, mönö nangak nenqöoreñ kanöñga mönö kahasililij keta bölökñi nangi ak gihibin. "Mewö jiba Lot utalgetka kököndöt aniga öngöba miri nangunji qesinbingö aka kinget.

¹⁰ Mewö aka kingetmö, azi yahöt mietkön böronñiri böranña Lot öröm gilohotka miri uruñe öngöiga nanggu kölohot. ¹¹ Nanggu köla kinda azi ketanji morönji miri nangunje yaigep kingeri, mi jiyohotka keu jitrñiran engualönñiga jenini gömöliiga jipjap kota nanggu miwikñainbingö mezanqezan aka jaruba osiget. Mewö. ††

Lotnönj Sodom gölme mosörök.

¹² Azi yahöt yetkön Lotköra kewö jiyohot: "Gi nahönu-rupki, qingiböraturupki aka tinilosomurupki tosatñi pakpak taon kiangöoreñ maljei, i mönö enguangitnönjga taon ki mosöta anme. ¹³ Nini taon ki ayuhuba köndenmönöñbin. Könagesö kienqö kahasililingöra gwötpukñan Kembangö jeñe önönji qahö qeta sahöta malget. Miangöra yanön melaim netkiiga gölme ki ayuhuba köndenmönöñbitköra ki kazit."

¹⁴ Mewö jiyohotka möta Lotnönj anda qingji buña yahöt böratyahötñi etkömembitkö jiiga malohori, yetköra kewö jiyök: "Iñiri mönö ösumok wahörohotka miri ki mosöta anbin. Kembunönj taon ki ayuhuba köndenmönöñmamgö akza. "Mewö jiiga yetkön keu mi mörohotka göngönahit tandök ahök.

¹⁵ Miri wangaran suruiga Sup garata yahöt yetkön Lot öröm kunqum wangiba kewö jiyohot: "Anutunönj Sodom yengö singisöndokñinangö likeñji melenña taonñini köndenmönöñma. Göñön yembuk mohotñe ayuhubanbuköra mönö zilanj wahöta anömgi aka böratyahötñi göbuk tatzahori, mi enguangita taon ki mosötket."

¹⁶ †Mewö jiyohotka Lotnönj toroqeba eksekpeksek aiga azi yahöt yetkön Lotkö böronñi melanjiba memba anömñi aka böratyahötñi yengö böronñini mewöñanök melanjiba memba enguangita taon silenje anget. Kembunönj mewö ak kömum engiyök. ¹⁷ Taon silenje angetka azi yahöt yetköreñök kunönj keu kewö jiyök: "Malmalñini angön kölmegöra mönö ösumok misinngöba angaitme. Andönjine kude lilingöba uba anda gölme körönje endu angota miangöoreñ mewöyök dörok kude alme. Ayuhubepuköra mönö kundunje eu öngöba misinngöba angaitme."

¹⁸ Mewö jiyökmö, Lotnönj kewö jii mörohot: "O Kembuni, göñön mewö akingöra kude jiman. ¹⁹ Göñön malmalnanqö bohonñi jöhöba ak-kömükömu ketanji kon-

† 19.5 Kemb 19.22-24

†† 19.11 2 Kiñ 6.18 † 19.16 2 Pitö 2.7

delnõnga göhö jege õlña kalem möriam miwikñaiba welenqeqegi akzalmö, mötnõn, nõñõn kundunje eu misiñgõba angaitmamgö osimam. Köndenmõnden ki-anjõn nõngö qakne õngõiga kõmumbilenbukõra kenngõtñi mötzal. ²⁰ Mötnõn, taon morõni kun endu ahõi ekzani, mianjõn kõrõpñi qahõpmö, õlõp anbi-nañgö dop akza. Mianjõra õlõp jinõnga mianjõren misiñgõba angaita õlõwaka malbin. Miri morõrõkñi mi eknõnga dowe ahõiga mianjõren õlõp anda malmalinanagö bohonñi jõhöbin.”

²¹ Mewö jii mörohotka kunõn kewö melenjõk: “Mi õlõp! Keu jizani, mianjõra mewöyök õlõp imbi kõl gihi-mam. Taon morõnangõra jizani, mi qahõ ayuhumam. ²² Mi qahõ ayuhumam-mö, injini mönõ õsumok mi-anjõren misiñgõba angaitme. Mianjõren qahõ anj-gotketka nalõ sutñi kewõnje nõñõn yuai kun akñamgö osimam. Injini mutuk mianjõren anjgotketka mianjõ andõnje õlõp jim kutubiga kõndenmõnden asuhuma. “Lotnõn taongõra ‘morodõkñi’ jiyõhangõra aka taon mianjõ qetñi mi Zoar (morodõkñi) qetketka ahõza.

Kembunõn Sodom aka Gomora kõndenmõndenjõk.

²³ Wehõnõn lõk koriga Lotnõn Zoar taonõn kan-gorõk. ²⁴ †Kangoriga Kembunõn jiiga suepnõhõk Kembugö mireyök salfa köt kõnõpñambuknõn mi kie ewö Sodom aka Gomora yengö qakñine eta turum enjyõk. ²⁵ Turum enjiba mianjõn taon yahõt mi aka gölme kõrõnñi pakpak kõsutñire ahõzawi, ambazip kõrek mianjõren malgeri aka ip kõsõ yuai görõkñi (tõngõnñi) gölme mianjõren ahõgeri, mi ayuhum enjim tekõyök. ²⁶ Lotkõ anõmñan apñi wuatangõba anda kunbuk elenja andõnje uba mianjõrenjõk letota sihi köt aka tandõ ewö kinõk. ††

²⁷ Abrahamnõn sõñanõk wahõta mutuk Kembugö jemesohõlñe kinda keu eraum-mõrohoru, mianjõren anõk. ²⁸ Mianjõren anda kinda Sodom, Gomora aka gölme kõrõnñi ketanñi pakpak mianjõren görõken ui aniga gölme mianjõren kõwak injanñi ketanñan tokoba koriga ehõk. Mi kõnõp ketanñi ohogetka kõwak ketanñi wahõrakzawi, mianjõ dop ahõk. ²⁹ Anutunõn gölme kõrõnñi mianjõ taonñi taonñi ayuhuba kõndenmõndennda nalõ mianjõren Abraham mötmõrim wangiyõk. Behõtñi Lotnõn taon mianjõren maliga mienjõn melenjñi gebingö aketka Anutunõn nalõ mianjõrenjõk jim kutuiga Lot kõndenmõnden mianjõ uruneyõk wangita kaget. Mewö.

Moab aka Amon kõnagesõ yengö kõnanjini

³⁰ Lotnõn Zoar taonõn malmamgö kenngõtñi mörõk. Mianjõra bõratyahõtñi etkuangita Zoar mosõta gölme kundunambuk mianjõren anda tatket. Bõratyahõtñi yahõt yetpuk banjet urunje ahõm wahõt aka malget. ³¹ Mianjõren mala bõratñi ketanñan nalõ kunõn munñangõra kewö jiyõk: “Naniri iwiniran lõk azi namñi akza. Ambazipnõn gölme dop mianjõren amimba

nahõnbõrat miwikñaim enjimakzemö, gölme ki-anjõren azi kun netkõmemapköra qahõ malja. ³² Mianjõra õlõp kaba iwiniri wain o wangizi nembra urunji enjololõn aiga yambuk ahõba gölõm ala gwõlõnarõk miwikñaiziga kõnagesõninan toroqeba malme.”

³³ Mewö jiba sunjem mianjõrenjõk iwiniri wain o wangiyohotka neyõk. Nembra urunji enjololõn aiga datñan anda yambuk ahõyõk. Wani nalõnõn qõhõrõnje kayõk aka wani nalõnõn wahõrõhi, mi iwinan qahõ mörõk.

³⁴ Ahõba wahõta bõratñi ketanñan munñangõra kewö jiyõk: “Nõñõn uran sunjem iwinambuk ahõyal. Õlõp merak sunjem mewöyök wain o kunbuk wangizi nembra urunji enjololõn aiga göñõn mönõ anda yambuk ahõmahot. Mewö ahõba iwinirangõrenjõk gölõm ala gwõlõnarõk miwikñaiziga kõnagesõninan toroqeba malme.”

³⁵ Mewö jiba sunjem mianjõren mewöyök iwiniri wain o wangiyohotka neyõk. Nembra urunji enjololõn aiga munñan anda yambuk ahõyõk. Wani nalõnõn qõhõrõnje kayõk aka wani nalõnõn wahõrõhi, mi iwinan qahõ mörõk.

³⁶ Mewö ahotka mianjõra mohotñamñire iwinirangõrenjõk gölõm alohot. ³⁷ Bõratñi ketanñan morõ azia memba qetñi Moab (iwinangõrenjõk) qerõk. Moab yangõ gwõlõnarõkurupñan ahumsehip aka kotketka nalõ kewõnje mewöyök qetñini Moab kõnagesõ qer-akzin. ³⁸ Bõratñi morõñan mewõñanõk morõ azia memba qetñi Ben Ami (kõnagesõnanagö nahõnñi) qerõk. Azi mianjõ gwõlõnarõkurupñan ahumsehip aka kotketka nalõ kewõnje mewöyök qetñini Amon kõnagesõ qerakzin. Mewö.

Abraham aka Abimelek.

20 Abrahamnõn Mamre miri mosõta toroqeba Saut görõken distrik qetñi Negew mianjõren anda miri qetñiri Kades aka Sur mietkõ sutñire malõk. Mianjõ andõnje toroqeba taon qetñi Gerar mianjõren anda kusukñanõk malõk. ² †Mianjõren mala ambazip mienjõra kewö jii mötket: “Sara mi nena. “Mewö jiiga Gerargõ kinñi Abimelek yanñõn keu ali aniga Sara wangita jakõmbuak mirinje kaget.

³ Mewö aketmõ, Anutunõn sunjem kunõn Abimelekõren kaba gaunõn kewö jiyõk: “Ambi buña qem anjuzani, mi azi kungõ anõmña. Mianjõra gi mönõ yangõra aka kõmupkõ buñaya akñan.”

⁴ Mewö jiyõkmö, kinñi Abimeleknõn Sara qahõ meyõhangõra aka kewö jiyõk: “Kembu, ni siñgisõndokõ keuni qahõ. Mianjõra göñõn ni aka kõnagesõrupni nini õne tõhõn ayuhum nenjibanbuk. ⁵ Abrahamnõn mönõ nanñak nõngõra kewö jiyõk: ‘Ambi mi nena.’ Ambinõn mewöyök kewö jiyõk: ‘Abraham mi nena.’ Mianjõra urune geñmon qahõ ahõiga ambi mi jibi kaiga bõronan yuai tõlokñi kun qahõ ahal.”

⁶ Mewö jiiga Anutunõn gaunõn likepñi kewö jii mörõk: “Keu jizani, mi õlña. Göhö uruge geñmon kun qahõ ahõiga göhören kayõhi, mi mötzal. Mianjõra

† 19.24 Mat 10.15; 11.23-24; Luk 10.12; 17.29; 2 Pitõ 2.6; Jud 7

†† 19.26 Luk 17.32

‡ 20.2 Jen 12.13; 26.7

göñön ambi mi misiriba nöngö jene siñgisöndok akanbuköra sel jöhöm gihiba malal. ⁷ Mewögöra ambi mi mönö kunbuk melenđa apñañgöreñ wañgiman. Azi mi kezapqetok azia aka ölop göhöra köuluköiga qahö kömuman. I kunbuk qahö wañgiman ewö, keu ki mönö ölna mötman: "Gi aka tinitosolomurupki injini mönö körek kömume."

⁸ Keu mi jii kiñnön möta söñanök wahöta pom jembonurupji pakpak enggohol tokom enggiba Kembunön keu pakpak jiyöhi, mi jii möta töwöratiba keñgötñini gwötpek mötket. ⁹ Mewö mötketka kiñ Abimeleknön Abrahamgöra keu ali öñgöiga kewö jiba qesim wañgiyök: "Gi mönö wani kimbria ak neñginön? Nöñön wani bölöñi kun ak gihibiga göñön kondotnönğa siñgisöndokö keu lömbötñan mönö ni aka könagesöni nöngö sel tohoñ uruñe maljei, neñgö qaknine öñgö-mamgö akza? Göñön yuai qahö ahakñangö dop mia soñgo walönđa ak niñginön. ¹⁰ Göñön mönö könani wuanönğöra silik mi aknöñe?" Kiñ Abimeleknön Abraham mewö qesim wañgiiga

¹¹ kewö melenök: "Nöñön keu mi kewö mötmöriba jial: 'Gölme kiangö könagesö enön Anutugö jitrji ongit-pinbuköra keñgötñini qahö mötpeak. Mianğöra ni anömnangöra aka nuñguget kömumbilenbuk.'

¹² Yañön ölna neni, iwinangö böratñi akza. Namnangö böratñi qahö akzawangöra i anömnana meal. ¹³ Anutunön Iwinangö miriñi mosöta kungen anmangö jiyöhi, nöñön nalö mianğöreñ Saragöra kewö jial: 'Niri denike denike anbiri, mianğöreñ nöngöra nena jiman. Mewö aka mianğön ni urukalem kondel niñgiba malman.'

¹⁴ Mewö jii möta Abimeleknön Abrahamgö anömñi Sara melenđa wañgiyök. Mewöñanök lama bulmakau aka welenqeçe azi aka ambi mi mohotñe i wañgiyök.

¹⁵ Wañgiba keu kewö jiyök: "Mötnön. Nöngöreñ gölme ki wösöge ahözawi, mianğöreñ mönö nangi sihimgahö dop malman." ¹⁶ Mewö jiba Saragöra kewö jiyök: "Mötnön. Nöñön moner silwö köt 1000:gö dop nengi wañgibiga mianğön töwagi akza. Töwa mianğön könañamgi kondeliga ambazip körek göbuk maljei, yeñön mi eka kewö jiba möt yaköme, 'Siñgisöndokö keuñi mi Saragöreñ qahö ahöza.'" Mewö jiyök.

¹⁷ Abrahamgö anömñi Saragöra aka Kembunön ambi pakpak kiñ Abimeleko miri uruñe malgeri, yengö morö memegö könani jöhöyök. Mianğöra Abrahamnön Anutu köuluköiga Abimelek mem ölöwahök. Mewöyök anömñi aka welenqeçe ambiurupji mem ölöwak enggiga kunbuk moröñinambuk aket. Mewö.

Aisak asuhuyök.

21 Kembunön Sara kalem möriam wañgimamgö keuñi jim jöhöi ahöyöhi, mianğö dop i ek galöm ak wañgii malök. Keu jiyöhi, mianğö dop i kewö ak wañgiyök: ² Saranön gölöm aliga Abrahamnön azi namñi aiga töndup yañgö morö nahönñi meyök. Anutunön morö nahön asuhumapkö keuñi qeljine jim jöhöyöhangö dop mi mönö nalö mianğöreñök asuhuyök. ¹³ Saranön Abrahamgö morö nahönñi

meiga qetñi Aisak (gön kölja) qerök. ⁴ Qeriga Aisaknön wehönñi 8 aiga nalö mianğöreñ Anutugö aiwesökñi sileñe yandiyök. Anutunön keu jim kutui ahöyöhangö dop mi yandiyök. ¹⁵ Abrahamnön yambuñi 100 aiga nahönñi Aisak asuhuyök. ⁶ Asuhuiga Saranön keu kewö jiyök: "Anutunön gönkölköl miwikñaim niñgiyök. Mianğöra denike yeñön nöngö kösohotni mötmei, yeñön mönö nömbuk gön kölme." ⁷ Mewö jiba toroqeba kewö jiyök: "Saranön morö galömkölkölña akñawi, dañön keu mi qeljine möta Abrahamgöra jibawak? Mewö qahöpmö, nalö kewöñe yañön azi namñi aiga nöñön töndup yañgö nahönñi meal." Mewö. ⁸ Aisaknön qariba juzu mosöriğa wehön mianğöreñök Abrahamnön nene lömbuan ketani alök.

Saranön Hagar aka Ismael közöl etkiyök.

⁹ Ijpt ambi Hagarnön Abrahamgö morö nahönñi Ismael meyöhi, yañön nalö kunön munñi Aisak ilita mepaiköba gönawöt ak wañgiiga Saranön mi ehök.

¹⁰ Mewö eka Abrahamgöra kewö jiyök: "Welen ambigö nahönñan mönö nöngö nahöni Aisakpuk göhöreñ öryuai mi qahö mendenđa buña qem angumahot. Welen ambi mi aka nahönñi mi mönö közölnönğa anmahot." ¹¹ Saranön keu mi jiyöhi, mianğön Abrahamgö uruñi qeiga Ismael mi nahönñi ahöhangöra aka urueret möriğa uruñi mötökömbuk ahök.

¹² Mewö ahiga Anutunön yañgöra keu kewö jiyök: "Nahöngi aka welen ambigi Hagar yetköra mönö urugoro ketani kude mötman. Aisakö gwölönarökurupji yeñönök mönö göhö qetbuñagi bisiba malme. Mianğöra Saranön keu göhöra jizawi, mi pakpak mönö möta tem kölman. ¹³ Welen ambigahö nahönñan göhö gwölönaröki akzawangöra nöñön i mewöñanök ahumsehip wañgibiga gwölönarökurupñan könagesö ketani akñe."

¹⁴ Mewö jii möta Abrahamnön ahöba söñan kötökñe wahöta nene tosatñi memba o uu (ou huhu) lama sileñan memerji mianğön o uba kaba Hagargö qamböñe ala mindingöba nahönñambuk melaim etkiiga mosöta anohot. Anda Berseba gölme qararankölkölña angota liliköba malohot. ¹⁵ Malohotka lama sileñe o memba anöhi, mianğön qahöwahiga nahönñi mi böñban ip köhöñi kungö bapñe ali ahöyök. ¹⁶ Ali ahöiga kinda kewö mötmöriyök: "Nahönan jeni qakñe kömumawi, mi ekñamgö osiba jemöron akzal." Mewö mötmöriba pokom mulget anakzawangö dop tikep anda tata silata sahöt gigilahöyök.

¹⁷ Morö sahöröhi, mi Anutunön möriğa garatanan suepnöhök Hagargö qeta kewö jiyök: "Hagar, gi wani lömbötkö uruñe maljan? Keñgötki kude mötnön. Morönön endu ahöba sahötzawi, Anutunön sahötñi mi lök mötza. ¹⁸ Mönö wahöta morö nahöngi gölmenöhök kököbihinön wahöriğa böronje memba mökökölim wañgiman. Nöñön i könangep ahumsehip wañgibiga gwölönarökurupñan sehiba könagesö ke-

† 21.2 Hib 11.11 †† 21.4 Jen 17.12; Apo 7.8 ‡ 21.10 Gal 4.29-30 †† 21.12 Rom 9.7; Hib 11.18

tañi qetbuñaninambuk akña." 19 Suep garatanön mewö jiiga Anutunön jeñi metohoiga uba o lömñi kun ehök. Mi eka lama silenji memba anda mianjón o uba kaba nahönñi wañgiiga neyök. 20 Anutunön Ismaelbuk kiniga qariba gölme qararañkölkölñe mala erim nembia zia ahök. 21 Gölme qararañkölkölñi qetñi Paran mi-añgöreñ maliga namñan Ijpt kantrinöhök ambi kun memba anömña wañgiyök. Mewö.

Abraham aka Abimelek yetkón urujöhöhöhö ahot.

22 †Nalö miangöreñ Abimelek aka yañgö yarö kambuñangö suahö galömñi qetñi Fikol yetkón Abrahamgöra kewö jiyohot: "Göñön öröyuaia pakpak aka memakzani, Anutunön mönö miangöreñ göbuk kinakza. 23 Miangöra göñön mönö merak kiangöreñ Anutugö jeñe jöjopañ keu kewö jiba jim köhöiman: 'Nöñön gi, moröurupki aka gwölönarökurupki embuk isimkakalek kun kude aka malmam.' Mewö jim köhöiba nöñön ak kömum gihiba malali, miangö dop göñön mönö mewöñanök gölme ki aka ni ak kömum netkiba malman. Gi gölme kiangöreñ kiana aka maljan."

24 Mewö jiyohotka Abrahamnön kewö jiyök: "Nöñön jöjopañ keu mi ölop jiba jim köhöimam."

25 Mewö jiyökmö, Abimelekö welenqequeurupñan o löm kun nanñinañgöra añañön kölgeri, Abrahamnön miangöra Abimelek jim wañgiyök. 26 Jim wañgiyökmö, Abimeleknön kewö melenña jiyök: "Dañön silik mi ahöhi, mi nöñön qahö mötzal. Nangak miangö keunji kun mutuk qahö jinön möta mala merak-kun keu mi mötzal."

27 Mewö melenña jiiga Abrahamnön anda lama aka bulmakau memba kaba Abimelek wañgiiga nalö miangöreñök sutñire jöhöhöhö aka alohot. 28 Mi ala Abrahamnön lama kambuñineyöhök lama ambiñi moröñi 7 meköm enñgiba al enñgii nanñinök kinget.

29 Mewö kingetka Abimeleknön Abraham kewö qesim wañgiyök: "Lama ambiñi moröñi 7 kewöta endu al enñginöñga nanñinök kinjei, mi könañi wuanöñgöra?"

30 Qesim wañgiiga kewö melenñök: "Nöñön o lömñi ki esiali, keu mi jibiga mi möt narizan ewö, lama moröñi 7 ki mönö nöñgö böröneyök buña qem añañgöñga nöñgö keunañgö dangununji akña." 31 Mewö melenña azi yahöt mi gölme miangöreñ kinda jöjopañ keunji jiba jim jöhöm añañyohot. Miangöra miri miangö qetñi Berseba qerakze. ††

32 Berseba mire jöhöhöhö mewö ahot teköiga Abimelek aka yañgö yarö kambuñangö suahö galömñi Fikol yetkón wahöta lilingöba Filistin yengö gölmenön anohot. 33 Anohotka Abrahamnön berem ip kun Berseba miri miangöreñ kömöta Kembu Anutu bem koñkon yañgö qetñi qeta köuluköyök. 34 Köuluköba kinda Filistin yengö gölmenön nalö köröñji kiana aka malök. Mewö.

Anutunön Abraham esapköm wañgiyök.

22 Yuai mi asuhuiga nalö tosatñi teköiga Anutunön Abraham esapköm wañgiyök. Qetñi "Abraham!" qeriga yañön "Ni ki kinjal," jiba melenñök. †

2 Mewö melenñiga kewö jiyök: "Aisak nahöñgi nanñi mohotsirik urugan jöpaköm wañgimakzani, i mönö wañgita Moria gölmenön anda kundunji kun kondel gi-himami, miangöreñ öñgöba i nöñgö jöwöwöla ohoman." ††

3 Mewö jiiga Abrahamnön ahöba söñan kötökñe wahöta doñki qakñe dum tatatñi möhamgöba welenqeceñi yahöt aka nahönñi Aisak enñguañgirök. Jöwöwölgö könöñji dopñe köl teköba börangöba ala enñguañgita Anutunön gölme jiyöhi, miangöreñ anök. 4 Anda mala wehön karöbutñi miangöreñ jeñan uba wahöta gölme mi ehiga köröwen ahöyök. 5 Mi eka welenqece yahötñi yetköra kewö jiyök: "Inñi doñkibuk ki tarohotka ni aka morö nahön netkón endu anda Anutu waikñi memba möpöseiba kunbuk lilingöba etköreñ kabit."

6 Abrahamnön mewö jiba jöwöwöl ohohogö könöp böranñi memba nahönñi Aisakö qamböñe ali öñgöiga nanñak könöp jit aka sou meyök. Mewö meiga mohotñamñire anohot. 7 Mewö anda Aisaknön añañ ala iwiñi Abrahamgöra kewö jiyök: "Iwini!" Mewö jiiga kewö melenñök: "Nahöni, wania?" Mewö melenñiga kewö qesiyök: "Könöp jitiñi aka könöp mia ki memba kazitmö, jöwöwöl ohohogö lamaanji mi denike?"

8 Mewö qesiiga iwiñan kewö melenñök: "Nahöni, Anutu nanñak mönö jöwöwöl ohohogö lamaanji kun miwikñaiba netkima. "Mewö melenñiga toroqeba mohotñamñire anohot.

9 Anda Anutunön gölme jiyöhañgöreñ añañgota kinda jöwöwöl ohohogö altañi kun memba könöp miangö qakñe ala areñgöyök. Areñgöba nahönñi Aisak jöhöba altanön könöp qakñe al wañgiyök. ††10 Al wañgiba nahönñi umamgöra böröñi böranña sou memba atöññök. 11 Atöññiga miangöreñök Kembugöreñ garatanön Suepnöhök Abrahamgöra kewö qerök: "Abraham, Abraham!" Mewö qeriga "Ni ki kinjal," jiba melenñök.

12 Mewö melenñiga kewö jiyök: "Börögan mönö morögö qakñe kude alman. Yañgö qakñe yuaia kun kude akñan. Göñön nahöñgi mohotsirik mi nöñgöra qahö añañön köljanañgöra könañamgi merak kewö möt yaközal: Gi Anutugö keu jitiñi onñgitpanbuköra kenñgötöki mörakzan."

13 Mewö jiiga miangöreñök uba wahöta ehiga lama aziñi kun ilitñan böñbañ ip köhösonönñi gili geiga kinök. Mi eka anda memba kaba nahönñañgö salupñe lama mianjón jöwöwöl ohoyök. 14 Miangöra Abrahamnön gölme miangö qetñi mi 'Kembunön miwikñaiba netkima,' jiba qerök. Nalö kewöñe mewöñanök keu kewö jimakze: "Kembunön mi kundunje miwikñaiba netkima."

15 Kembugö garatanñan Abrahamgöra Suepnöhök kunbuk kewö qeriga yahöt ahök: 16 "Kembu nöñön

† 21.22 Jen 26.26 †† Berseba keu miangö könañi yahöt: sewengö o lömñi aka jöjopañ keugö o lömñi.

‡ 22.1 Hib 11.17-19 †† 22.2 2 Kor 3.1 †† 22.9 Jei 2.21

kewö jizal: Nanak nani qetni qeta jöjöpañ keu kewö jiba jim köhöizal: Göñön silik ki aka nahöngi mohotsirik mia nöngöra qahö angön köljani, ¹⁷ miangöra nöñön ölna gi kötuetköba ahumsehip gihibiga gwölönarökurupki yeñön önöñi qahö sehime. Sehiyetka qötöñinan mönö suep könakembagö senjelauñi ewö akña aka köwet jitñe sakösiñ ahöm anjei, miangö dop akña. Göhö gwölönarökurupki yeñön mönö köhöiba kerökurupñini enguba luhut ala siti gölmenjini enguangita angön köla malme. ^{† ††18} Göñön nöngö keuni tem köljani, miangöra göhö gwölönarökurupki yeñgöreñök kungöra aka nöngö kötümötuetnan mönö gölmegö könagesö kambuñi pakpak yeñgö qakñine öngöiga oy-aenkoyaeñ akñe.” [‡]

¹⁹ Kembangö garatañan mewö jiiga Abrahamnöñ morönambuk lilingöba welenqeqeyahötñi yetköreñ anda aitongöba mohotñe Berseba mire anget. Abrahamnöñ Berseba miri miangöreñ opo seri koumñi möröreñgöba malök. Mewö.

Nahorgö gwölönarökurupñi

²⁰ Nalö tosatñi teköiga buzup keu kun kewö jigetka Abrahamgöreñ kayök: “Milkanöñ mewöñañök nama akza. Yañön mungi Nahorgö nahönurupñi tosatñi engömeyök.” ²¹ Moröñi mutukñangö qetñi mi Uz, yañgö munñi Buz aiga yañgö könaje Kemuel, Aramgö iwiñi. ²² Kemuelgö könaje Kesed, Hazo, Pildas, Jidlaf aka Betuel. ²³ Betuelnöñ Rebekagö iwiña ahök. Milkanöñ Abrahamgö munñi Nahorgö nahönurupñi 8 mi engömeyök. ²⁴ Nahorgö anömñi bohonñi qahö memerñi qetñi Reuma yañön mewöñañök nahönurupñi tosatñi engömeyök. Yeñgö qetñini mi Teba, Gaham, Tahas aka Maka. Mewö.

Saranöñ kömuyök.

23 Saranöñ mala mal öngöiga yambuñi 127 ahök. Saranöñ miangö dop malök. ² Mala Keinan gölmenöñ miri qetñi Kiriya Arba, qetñi alanñi Hebron qerakzei, miangöreñ kömuyök. Kömuiga Abrahamnöñ miangöreñök anömñangöra jinñen köla sahötmanögöra anök.

³ Anda sahöt teköba wahöta anömñangö qamötñi mosöta anda kinda Hit ambazip yeñgöra keu kewö jiyök: ^{4 ††}“Ni engö sutñine kiana kaba qandak (kusuk) maljal. Miangöra inñi mönö gölmenjanangö bahöñi kun kiangöreñ ningigetka bohonñi membiga qaksirini aiga alaurupni yeñgö qamötñini miangöreñ ala löm kölmengimam.”

⁵ Keu mewö jiiga Hit yeñön melenja kewö jiget: ⁶“O azi kembu, gi ölop neñgöreñ keu ki mötnöñ. Gi neñgö sutnine Anutugö azi jembonñi maljanangöra aka qaksirigi sihimgan denike ek soroköba memangö mötzani, miangöreñ mönö ölop qamötki löm kölman. Göñön qamötki esim kölmam jinönga neñgöreñök kunñan mi qahö angön kölm gihima.”

⁷ Mewö jigetka Abrahamnöñ wahöta gölme tourupñi Hit ambazip yeñgö wösöñine geba sipköm engiyök.

⁸ Sipköm engiba kinda yeñgöra keu kewö jiyök: “Nöñön qamötñi esim kölmangö ölop jime ewö, mönö nöngöreñ keu ki möta Zohargö nahönñi Efron yañgöreñ anda keu jitni ki toroqeba jiba kungum wangime. ⁹ Kungum wangigetka möta banjet qetñi Makpela yañgö buñaya aka nupñangö imbiñe göröken ahözawi, mönö mia jim teköiga söngöröñi memam. Mönö qesigetka bohonñi jömuk jim teköiga söngöröñi membiga nöngö qaksirini engö sutñine ahöma.”

¹⁰ Mewö jiiga Efronöñ alapurupñi Hit könagesö pakpak taonñinangö kiripo nañgunje kaba sombemnöñ tokogeri, yeñgö sutñine tariga keu kezap ala mötketka Efronöñ Abrahamgöra kewö melenja wangiyök: ¹¹“O azi kembuni, mewö qahöpmö, mönö nöngöra kezap alnöñ. Nöñön gölme köröñi mi aka banjet miangöreñ kinjawi, mi kalema gihizal. Nani könagesöurupni yeñgö jeñine kinda mi gihibiga ekze. Qamötki mi ölop miangöreñ esim löm kölman.”

¹² Mewö jiiga Abrahamnöñ gölme tourupñi yeñgö wösöñine kunbuk geba sipköm engiyök. ¹³ Sipköm engiba kinda yeñgö jeñine Efrongöra kewö jiiga mötket: “Nöngöreñ keu ki mönö kezap ala mötnöñ. Göñön ölop mewö akanakmö, nöñön mönö gölme köröñi miangö bohonñi mi gihimam. Mi ölop jiba töwa menönga nöñön qamötñi miangöreñ esim löm kölmam.”

¹⁴ Mewö jiiga mötketka Efronöñ Abrahamgöra kewö melenja wangiyök: ¹⁵“O azi kembuni, nöngöreñ keu ki mönö kezap ala mötnöñ. Gölmie miangö bohonñi mi 400 silwö kötni (50 kilogram). Ala-ala akzirangöra aka miangön mönö netkö sutnire yuai omani akza. Miangöra qamötki ölop esim löm kölman.”

¹⁶ Mewö melenja wangiiiga möta Abrahamnöñ gölme bohonñangö jañgöñi Efronöñ Hit könagesö yeñgö jeñine jiiga mötkeri, miangö urumohot ahök. Jañgöñi silwö kötni 400 mi kölköl-örörö ambazipnöñ nalö miangöreñ bohonñangö dopñi jiget ahöyöhi, miangö dop moneñ mi kewöta wangiyök.

¹⁷ Mewö wangiiiga Efrongöreñ gölme köröñi Mamre kösutñe Makpela miangöreñ ahöyöhi, banjet miangöreñ kinöhi aka ip pakpak gölme miangö jabö uruñe kingeri, miangö keuñi teköyök. ¹⁸ Keuñi teköiga Abrahamgö buñaya ahök. Hit könagesö pakpak taonñinangö kiripo nañgunje kaba sombemnöñ tokogeri, yeñön töwañi mi eketka buñani ahök.

¹⁹ Miangö andöñe Abrahamnöñ anömñi Saragö qamötñi mi Keinan gölmegö banjetñe esim löm kölök. Banjet mi Mamre qetñi alanñi Hebron miangö kösutñe gölme köröñi qetñi Makpela miangöreñ ahöza.

²⁰ Mewö asuhuiga gölme köröñi aka banjet miangöreñ kinjawi, mi Hit könagesö yeñön Abrahamgö buñaya qem wangigetka qaksirini ahök. Mewö.

Aisakö anömñi Rebeka mi wangita kaget.

24 Abrahamnöñ azi namñi ahiga Anutunöñ yuai pakpak aka meyöhi, miangöreñ i kötuetköm

† 22.17 Hib 6.13-14 †† 22.17 Hib 11.12 ‡ 22.18 Apo 3.25
 †† 23.4 Hib 11.9, 13; Apo 7.16

wanjii mala korök. ² Mewö ahiga nalö kunön mir-
iñangö welenqege jembonji bohonji, mirinji uruñe
öröyua ahöm wanjiyöhi, miangö galömñi yangöra
keu kewö jiyök, “Gi mönö keugi jim köhöimangöra
börögi nöngö tambuni bapñe alman. ³ Mewö ala Kem-
bu, Suep aka gölme mietkö Anutuñirangö qetñe jöjöp-
pañ keu kewö jiman: Nöñön Keinan könagesö yengö
sutñine ki maljalmö, göñön mönö nahöñangö anömñi
mi yengö nen bōratñina kun kude memba wanjiman.
⁴ Mewö qahöpmö, gi mönö nane kantrinön anda tini-
tosolomurupni yengörenjök nahöni Aisakö anömña
wanjita kaman.”

⁵ Mewö jiiga welenqege jembonñ kewö qesim
wanjiyök: “Anda jibiga ambi miañön nömbuk gölme
kiangörenj kamangö tököma ewö, nöñön mönö
denöwö akñam? Nahöngi wanjita kantri
kanöñangörenj kunbuk lilingöba anbit me qahö?”

⁶ Mewö qesim wanjiiga Abrahamnön kewö
melenjök: “Qahöpmahöp! Gi nöngö nahöni wanjita
miangörenj kunbuk kude anmahot. ⁷ Suepkö Kembuñi
Anutunön ni iwinangö miri aka ahuahua kantrineyök
keu kewö jii mötpiga jöjöpñ keunön jöhöba noañgiri
kayal: ‘Nöñön gölme ki mönö göhö gwölönarökurupki
yengö buñaya qem engimam.’ Miangöra yañön mönö
Suep garatanji melaiiga mutuk aniga göñön ölop nahö-
ñangö anömñi mi miangörenjök wanjita kaman. ⁸ An-
da jinöñga ambi miañön göbuk kamangö tököma
ewö, jöjöpñ keugi kianñön mönö qahö toroqeba
jöhöm gihima. Nöngö nahöni mi mönö qahö kötökñi
wanjita miangörenj lilingöba anmahot.”

⁹ Mewö jiiga welenqege jembonñ keu mi jim
jöhöm wanjiba jöjöpñ keunön jim köhöimangöra
börönji ketañamñi Abrahamgö tambuñi bapñe alök.

¹⁰ Mewö jim köhöiba kinda ketañamñangörenj kamel
10 aka yangö köweneyök yuai aködamunñinambuk
könañi könañi mohotñe meyök. Mi memba mosöta
Not Mesopotemia (Aram Naharaim) † kantrinön anda
Nahornön taon malöhanjögörenj angorök. ¹¹ Angota
taon yaigepñe o lömñi kinöhanjögö kösutñe kamelu-
rupñi al engiiga siminñini mösököba geba luhut
meget. Wehön jeñi gemangö aiga taongö ambiñi
yeñön o ubingö o lömñe kaka nalöñini mi ahök. ¹² Mi-
angörenj kinda kewö köuluköyök: “O Kembu, ketañam-
ni Abrahamgö Anutuñi, gi mönö merak töhötmöriam
niñgiba ketañamni Abrahamgöra keu jim jöhönöñi,
miangö ölnji asuhuma. ¹³ Mötnön, ni o löm kösutñe ki-
angörenj kinbiga taongö ambi seramurupñini yeñön o
ubingö kame.

¹⁴ Kagetka kewö asuhumapköra köuluközal: Nöñön
ambi seram kungöra kewö jimam: ‘Gi ölop köurañengi
möñgoninöñga (mondokönöñga) o nembilenjak.’
Mewö jibiga yañön kewö melenja jima: ‘Ölop nenöñga
kamelurupki mewöyök o gumohom engimam.’ Mewö
jimawi, ambi seram ia göñön welenqege azigi Aisakö
buñaya qenöñi, yañön mönö mia akña. Mewö

† Aram qet mi nalö kewöñe Siria qerakze. Naharaim o töwatñi
yahöt (Yufreitis aka Tigris) mietkö sutñire.

asuhuiga göñön ketañamñangöra keu jim jöhönöñi,
miañön ölnambuk akza, mewö mötmam.”

¹⁵ Köuluk mi qahö köuluköm teköiga miangörenjök
ambi kun qetñi Rebeka yañön köurañen qamböñe
anjuba miangörenj kangörök. Yañön Abrahamgö
munñi Nahor aka anömñi Milka, yetkö nahönñiri qetñi
Betuel yangö bōratña ahök. ¹⁶ Ambi miangö kaisor-
golomñi mi eksihimñambuk kötökñi aiga ambi seram
jömukñi azinön qahö memenja malök. Yañön eta o
lömnön geba o uba korök. ¹⁷ Koriga miangörenjök we-
lenqege jembonñ ösumñan yangö kösutñe anda
kewö jiyök: “Gi ölop köurañengeyök o kun niñginöñga
nembilenjak.”

¹⁸ Mewö jiiga kewö melenjök: “O kembuni, ölop ne-
man. “Mewö jiba ösumok köurañenñi böröñan memba
eta moñgongoniiga (mondoköiga) o neyök. ¹⁹ Mi neiga
kewö jiyök: “Nöñön kamelurupki yengöra mewöyök o
uba engibi memba anda bikñini enguiga mosötme.”

²⁰ Mewö jiba ösumok köurañenñi mokoi o körek jout-
nön geiga kunbuk diñdingöba o lömnön o umangöra
geba kamelurupñi pakpak yengöra o dopñine uyök.

²¹ Mewö ahiga welenqege jembonñ görön kinda i
törörök eka kewö möta mötmöriyök: “Ölna, Kem-
bunön köna köröpñi ki kayalangö möriamñi mi mönö
kewö kondori asuhuza me denöwö?”

²² Mewö mötmöriiba kiniga kamel yeñön o nem
tekögetka welenqege jembonñ pinjim (möpöñ) goul-
nön memenji kun lömbötñi 5 gram mi memba ambi
serangö söñgöronje ala böröjenjenj goulñön memenji
yahöt lömbötñiri 110 gram mi böröñe mei öñgöyök.

²³ Mei öñgöiga kewö qesim wanjiyök: “Gi dagö
bōratña? Iwigahö miri uruñe neñön sunjem ahöbi-
nakö tiñi kun ahöza me qahö, mi ölop jinön möt-
pileñak.”

²⁴ Mewö qesim wanjiiga kewö melenj wanjiyök: “Ni
Betuelgö bōratña. Abu asani qetñiri Milka aka Nahor.”

²⁵ Mewö jiba toroqeba kewö jiyök: “Neñgörenj luplup
aip aka kamel yengö gwözözak nenenji mi gwötñuk
ahöza aka sunjem gaun ahömegö tiñi mi mewöyök
ölop kinja.”

²⁶ Mewö jiiga welenqege jembonñ gölmenñ geba
bamgöba Kembugö waikñi memba möpöseiyök.

²⁷ Möpöseiba kewö jiyök: “O Anutu, ketañamni Abra-
hamgö Kembuñi, nöñön gi möpöseim gihizal. Göñön
ketañamñangöra kalem möriamgö keugi jim jöhönöñi,
mi törörök wuatangönöñga qahö sörauyök. Miangö
dop Kembu göñön noañgitröñga köna köröpñi ki ka-
ba mala ketañamñangö tinitosolomurupñi yengö mire
kangotzal.”

²⁸ Mewö asuhuiga ambi seramnön ösumñan kin-
kingöba anda miangö kösohotñi mi namñangö saiwau-
rupñi miriñe malgeri, yengöra jiiga mötket. ²⁹ Rebe-
kagö nenñi qetñi Laban malök. Yañön mi möta Abra-
hamgö welenqege jembonñi ekñamgöra ösumñan
yaigep o lömñe kinkingöba anök. ³⁰ Nenñangö böröñe
goul böröjenjenj aka söñgöronje goul pinjim tari ehiga
nenñi Rebekeñön welenqege jembonñ keu jiiga
möröhi, miangö kösohotñi jii möta yangörenj anök. An-

da o lömne angota azi mi ehiga miangören kamelurupni yengö qöhöröjine kinök. ³¹ Kiniga kewö jiyök: “Kembunöj kötuatköm gihii maljani, gi mönö kanöjga mirinöj anbit. Yaigep kiangören kude kinman. Nöjön nanjini ahömeangö mirinji aka kamelurupki yengö dumjini tok möwölöhözal.”

³² Mewö jiiga welenqege jembonöj mire kaiga kamel qaknjine sukinap taröhi, mi Labanöj musula mei eri jiiga kamel yengöra lulup aip aka gwözözak nene memba kaba engiget. Welenqege jembon aka yengö aziurupnan könanjini sanjonmeangö onji mi tok motnje uba kaba engiget. ³³ Miangö andöje nene welenqege jembongö wösöje kölgetmö, yanön kewö jiyök: “Mutuk keu memba kazali, mi jibi mötketkun mönö nene ki nemam. “Mewö jiiga Labanöj kewö jiyök: “Mi ölop jinöj mötpin.”

³⁴ Mewö jiiga kewö jiyök: “Nöjön Abrahamgö welenqege azia akzal. ³⁵ Kembunöj ketajamni önöj qahö kötuatköm wanggiiga azi öngöngöj sukinapuk aka malja. Kembunöj lama aka bulmakau, silwö aka goul, welenqege azi aka ambi aka kamel, donki mi gwötpuk wanggiiga malja. ³⁶ Ketajamnanjö anömni Sara yanön ambi namni kötökni aka nalö miangören ketajamnanjöra nahönni kun meyök. Iwinan sukinapni pakpak mi nahönnanjöra buja qem wangii malja.

³⁷ “Ketajamnan nöjön jöjöpän keu kewö jimamgö jim kutum ningiyök: ‘Nöjön Keinan yengö gölmenöj ki maljalmö, göjön mönö nahönangö anömni mi Keinan yengö nen börtanjina kun kude memba wangiman. ³⁸ Mewö qahöpmö, gi mönö iwinangö mire nani tinitosolomurupni yengören anda nahönangö anömni mi miangörenök wangita kaman.’

³⁹ “Mewö jiiga ketajamni mi kewö qesim wangial, ‘Nöjön anda jibiga ambi miangön nömbuk qahö kama ewö, nöjön mönö denöwö akjam?’ ⁴⁰ Mewö qesim wangibiga kewö melenök: ‘Nöjön Kembugö jeje anda kaba aka memba malali, yanön mönö Supgaratanji melaiiga göbuk aniga köna anmani, miangön töhötmöriamnjambuk akja. Mewö nani iwinangö mire anda tinitosolomurupni yengörenök nahönangö anömni mi memba kaman. ⁴¹ Nöjögö tinitosolomurupni yengören anda jöjöpän keu nöjögöra jinöj, miangön mönö miangö andöje qahö toroqeba jöhöm gihima. Ambi kun qahö gihime ewö, göjön töndup jöjöpän keu miangö kösönöhök lolohoman.’

⁴² “Mewö jiiga merak o lömne kangota kinda kewö köuluközal: ‘O Anutu, ketajamni Abrahamgö Kembunji, ni köna köröpni kazali, mi mönö jitsihitkahö dop mötnöngö töhötmöriamnjambuk akja. ⁴³ Eknöj, nöjön o löm kiangö kösutnje kinjal. Kewö kinbiga ambi seram kunjan o umamgö kaiga nöjön yangöra kewö jimam: “Gi ölop köuraengeyök o moröj kun ninginöngö nembilenjak?”

⁴⁴ Mewö jibiga yanön kewö melenja jima: “Ölop nenöngö kamelurupki yengö o mewönanök uba engimam. “Mewö melenja jima ewö, nöjön miangöra kewö mötmam: Kembu göjön i ketajamnanjö nahönnanjö anömna aknapköra möwölöhözan.’

⁴⁵ Uruneyök köuluk mi qahö köuluköm teköbiga miangörenök Rebeka yanön köuraenen qamböje anguba miangören kangotza. Kangota o lömne geba o uiga nöjön yangöra kewö jizal: ‘Ölop o kun ninginöngö nembilenjak.’

⁴⁶ “Mewö jibiga yanön zilañ köuraenji qamböneyök mei eriga kewö jiza: ‘Ölop nenöngö kamelurupki yengö o mewönanök engibiga neme.’ Mewö jii nembiga kamelurupni mi mewöyök o gumohom engiza.

⁴⁷ Gumohom engiiga kewö qesim wangizal, ‘Gi dagö börtanja?’ Qesim wangibiga kewö melenja: ‘Ni Betuelgö börtanja. Abu asani qetjiri Milka aka Nahor.’ Mewö melenjiga nöjön pinjim söngöröje möndöba börtjenjen börtje membi öngöza. ⁴⁸ Nalö miangörenök gölmenöj geba bamgöba Kembugö waikni memba möpöseizal. Anutu ketajamni Abrahamgö Kembunjan mönö köna diñdini noangiri ketajamnanjö munjanjö mire kaba isinji nahönnanjö anömna aknapköra miwiknaizal. Miangöra Kembu möpöseim wangizal.

⁴⁹ “Mewö kaba ki kinjal. Miangöra injini ketajamni ek soriba sepkitip akzeangö keunji pöndan wuatangöba ak kömum wangize ewö, mi mönö kondela jigetka mötmam. Mewö qahö akje ewö, keu mi tok jigetka mötmam. Mi möta kungen elenja anmamgö mötmörimam.”

⁵⁰ Mewö jim teköiga Laban aka Betuel yetkөн kewö melenja jiyohot, “Keu ki Kembugörenök kaza. Miangöra netkөн keu mewö me mewö jibirangö dop qahö. ⁵¹ Mötnöj, Rebekanöj ki kinja. Kembunöj jimqindij akzawangö dop ölop i wangita anda ketajamgahö nahönni wanginöngö anömni akja.”

⁵² Mewö jiyohotka keunjiri möta Abrahamgö welenqege jembonjan eta Kembugö jeje gölmenöj geba bamgöyök. ⁵³ Bamgöm teköiga wahöta gösöneyök goul aka silwö aködamunji eksihimnjambuk aka opo maluku kulemjambuk ujeta Rebeka wangiyök. Mewönanök kalem yuai tosatni söngöröjini ketañi mi nam nenji etkiyök.

⁵⁴ Etkiba i aka aziurupni yambuk kageri, yanön nene kulur nembra tata mala sunjem aiga ahöget. Ahöba söjan wahötketka kewö jiyök: “Ölop melaim ningigetka ketajamnanjören anmam.”

⁵⁵ Mewö jiyökmö, nam nenji yetkөн kewö melenjohot, “Ölop nenbörtaniri mösötnöngö toroqeba nalö tosatni silim ten mewö nembuk malma. Miangö andöje ölop i wangita anme.”

⁵⁶ Mewö melenjohotmö, welenqege jembonöj kewö melenja jii mötket, “Welen könanani kazali, mi Kembunöj kötuatköiga töhötmöriamnjambuk akza. Miangöra nalöni mönö kude qekorime. Mönö melaim ningigetka ölop könanani lilingöba anda ketajamnanjören angotmam.”

⁵⁷ Mewö jii möta kewö jiyohot, “Ölop ambi seram mi qetzi kaiga nanjanjöra qesim wangibin.” ⁵⁸ Mewö jiba Rebeka qerohot kaiga kewö qesim wangiyohot, “Gi azi kiambuk anmamgö mötzan me qahö?” Qesim wangiyohotka “Ölop anmam,” jiyök.

⁵⁹ Mewö jiiga kinda nenböratniri mi welen ambijambuk melaim etkigetka Abrahamgö welenqege jembon aka yangö aziurupnji yeñon i etkuangita anbingö aket. ⁶⁰ Anbingö aketka miangörej iwinam nenmunurupñan Rebeka kötuetkóm wangiba kewö jiget,

“O nen börtatnini, Kembunöñ ölop ahumsehip gihiiga göñon gwölönarökurupki milyönñi milyönñi yeñgö bömön jalönjina akñan.

Yeñon mönö köhöiba kerökurupñini enguba luhut ala siti gölmenjini enguangita angön köla malme.”

⁶¹ Mewö jiget teköiga Rebekanöñ welenqegeambiurupnji yembuk wahöta kamel qakñine öngöba tata welenqege jembonñi uatangöba anget. Jembon yeñon Rebeka wangiriga mosöta köna lilingöba anget. ⁶² Anda kaba mala mala Keinan gölmenöñ kangotket. Aisaknöñ gölme miangö Saut likepñe distrik qetñi Negew miangörej mala nalö miangörejök o löm qetñi Ber Lahai Roi † mi mosöta gölme qararangkölkölñe kaba malök. ⁶³ Kaba mala miri söñau-mangö aiga miangörej kounñi mosöta gölme körönji ketanj miangörej anda liliköba keu mötmöröiba uba wahöta ehiga tosatñan kamel qakñine tata yangö kösutñe kabingö kaget.

⁶⁴ Mewö kagetka Rebekanöñ uba wahöta Aisak eka kamel qakñe taröhi, miangörejök ösumok luhuba gölmenöñ erök. ⁶⁵ Eta welenqege jembongöra qesiba kewö jiyök, “Azi gölme körönje endu kinda mesohol kölengeba kazawi, mi danön?” Mewö jiiga kewö melenñök, “Yeñon mönö ketanmanangö nahönñi akza. “Mewö melenñiga möta nörop kawöseñi (kawaseñ) öröba jemesoholñi esuhuyök.

⁶⁶ Esuhuiga aitonngögetka welenqege jembonöñ yuai pakpak aka memba malöhi, miangö kösohotñi mi Aisaköra jii mörök. ⁶⁷ Möri teköiga Aisaknöñ Rebeka wangiriga namñi Saragö opo seri kounñe öngöba maliga könanjep mei anömñi aiga uruñan jöpaköm wangiba malök. Aisakö namñan kömuiga wösöbirik uruñe malöhanngöra aka urukölalepñi mewö miwikñaiyök. Mewö.

Abrahamgö isamböurup tosatñi

¹ Hist 1.32-33

25 Aisaknöñ ambi meiga iwinji Abrahamnöñ anömñi kun qetñi Ketura meyök. ² Meiga Keturanöñ Abrahamgö moröurupñi kewö engömeyök: Zimran, Joksan, Medan, Midian, Isbak aka Sua. ³ Joksanöñ nahönyahötñi qetñiri Seba aka Dedan yetkö iwinjira ahök. Dedan yeñon Asur könagesö, Letus könagesö aka Leum könagesö yeñgö bömönñini ahök. ⁴ Midiangö nahönurupñi mi Efa, Efer, Hanok, Abida aka Elda. Mi pakpak Keturagö isiurupñi aka malget. Mewö.

⁵ Abrahamnöñ sukinapñi pakpak mi nahönñi Aisak bunja qem wangiyök. ⁶ Mi wangiyökmö, anömurupñi bohönñini qahö memenji yeñgö nahönurupñini yeñgöra kalem yuai toto qeba mendenja engiyök. Mendenj engiba jebuk mala melaim engiiga datñini

† Malmalñambuk mala nehakzawangö o lömñi

Aisak mosöta gölme wehön kotkotñe göröken miangörej anget. Mewö.

Abrahamnöñ kömuiga löm kölget.

⁷ Abrahamnöñ mala koriga yambuñi mindiriba 175 aiga kömuyök. ⁸ Malmal yambuñangö qötönjan öngöñgönji aka dop köliga öliba azi namñi aka söngörö ösum kondikñi öröba nöñ qeba kömuiga Anutunöñ wangiri tinitosolomurupñan kömugeri, yeñgörej anda toroqeyök. ⁹ Kömuiga nahönyahötñi Aisak aka Ismael yetkön iwinjirangö qamötñi memba anda Makpela banjetnöñ löm kölohot. Banjet mi Hit azi Efron Zohargö nahönñi yangö gölme körönje Mamre miri gölmenöhök wehön kotkotñe göröken ahöza. ¹⁰ ††Abrahamnöñ gölme körönji mi Hit könagesö yeñgörejök bohönñi meyöhi, miangörej i aka anömñi Sara mi löm köl etkiget. ¹¹ Abrahamnöñ kömuiga Anutunöñ nahönñi Aisak kötuetkóm wangiba malök. Yeñon Negew gölmenöñ o löm qetñi Ber Lahai Roi (Malmalñambuk mala nehakzawangö o lömñi) miangö kösutñe tata malök. Mewö.

Ismaelgö könagesöurupñi

¹ Hist 1.28-31

¹² Ijpt ambi Hagar yeñon Saragö welen ambia maliga Abrahamnöñ meiga gölöm ala nahönñi Ismael meyök. Ismaelgö nahönurupñi yeñgö qet areñini kewö: ¹³ Ismaelgö nahönurupñi yeñgö qetñini aka asuhugerangö areñini mi kewö: Nahönñi mutukñi qetñi Nebaiot. Yangö könanje Kedar, Adbel, Mibsam, ¹⁴ toroqeba Misma, Duma aka Masa, ¹⁵ Hadad, Tema, Jetur, Nafis aka Kedema. ¹⁶ Ismaelgö nahönurupñan mewö asuhuba kambuñinangö dop pomñini 12 aka mala kotket. Pomñini qetkeri, miangö dop opo koun tambönjini aka jike mirinñini mewöyök qeta memba mala kotket.

¹⁷ Ismaelnöñ mala koriga yambuñi mindiriba 137 aiga kömuyök. Mewö azi namñi aka söngörö ösum kondikñi öröba nöñ qeba kömuiga Anutunöñ wangiri tinitosolomurupñan kömugeri, yeñgörej anda toroqeyök. ¹⁸ Ismaelgö gwölönarökurupñi yeñon köröpken köröpken denja anda mala gölme qetñiri Hawila aka Sur mietkö sutñire gölme memba malget. Gölmenjini mi Ijpt kantrigö jabönneyök könahiba wehön kotkotñe Asiria göröken angeri, köna miangö kösutñe miangörej ahöza. Ismaelgö gwölönarökurupñi yeñon Abrahamgö gwölönarökurupñi tosatñi pakpak mi kerök-kerök ak engiba malget. Mewö.

Iso aka Jeikob yetkön asuhuyohot.

¹⁹ Abrahamgö nahönñi Aisak yangö gwölönarökurupñi yeñgö qet areñini mi kewö: Abrahamgö nahönñi Aisak. ²⁰ Aisaknöñ yambuñi 40 aiga Mesopotemia (Padan Aram) kantrigö Aram azi qetñi Betuel yangö börtatñi Rebeka anömñi meyök. Rebekagö nennji mi Aram azi qetñi Laban. ²¹ Aisaknöñ anömñan köpin ma-

†† 25.10 Jen 23.3-16

liga yangöra aka Kambu köuluköm wangiyök. Köuluköm wanggiiga köulukni möriga Rebekanöñ gölöm alök. ²² Gölöm aliga moröyahöt yetkön namjirangö körö uruñe utal anguyohot. Mi möta kewö jiyök: "Yuai kewöñi mi mönö wuanöñgöra asuhum niñgiza?"

Mewö jiba anda miangöra Kembugö qesim wangiyök. ²³ †Qesim wanggiiga kewö jii mörök:

"Göhö körö uruge kambu yahöt mietkö bömönñiri ahözahot.

Yetköreñök könagesö yahöt asuhuba denña malme. Ambazip kambu kunöñ kambu alañi engonggita ösum köhöikni akñe.

Datñan munñi welen qem wanggiba malma."

²⁴ Morö meme nalöñan kam kuñguiga köröñi uruñe morö nahön siwisiwi yahöt ahöyohot. ²⁵ Mutuk köröñeyök asuhuyöhi, yangö silenjan pisikpisik aiga sile jupñan silenji körek dop köla ahöyök. Mianggöra qetñi Iso (jupñambuk) qetket. ²⁶ Mianggö könañe munñan Isogö köna gwakötñe böröñan memba asuhuyök. Mianggöra yangö qetñi Jeikob qetket. (Jeikob keu mianggö könañi yahöt: gwaköt aka tilipköza.) Aisakñöñ yambuñi 60 aiga nalö mianggöreñ Rebekanöñ moröyahötñi yahöt mi etkömeyök. Mewö.

Isonöñ börösamot memapkö qet keuñi mi qeapköyök.

²⁷ Morö nahön yahöt mietköñ asuhuba qariba ketañi ahotka Isonöñ böröñan nupkö könañi törörök möt yaköba pöñdan jölömnöñ malmamgö mörökmö, munñan azi böñjöñi aka kapañ köla mire malök.

²⁸ Aisakñöñ arökñangö sömbupñi nemamgö möta malök. Mianggöra uruñan Iso gwötpuk jöpaköm wanggiba malökmö, Rebekanöñ urukönömñan Jeikob gwötpuk jöpaköm wanggiba malök.

²⁹ Nalö kunöñ Jeikobñöñ koziñ memba nanñanggöra nene kulun ohoi tariga datñan jölömnöhök kaba silenji lömbörii wösöñi gwötpuk alök. ³⁰ Mewö aiga Jeikobköra kewö jii mörök: "Sileni lömbörii wösöni gwötpuk aljawanggöra mönö zilañ koziñ kulunji pisikpisik mi niñginöñga nemi. "Mianggöra qetñi Edom (pisikpisik) qetket.

³¹ Mewö jii möta Jeikobñöñ jiyök: "Datni, gi mutuk asuhunöñga mianggö qetbuñagi mi mönö mutuk tököm niñginöñga nene kulunji mi ölop gihibi neman." ††

³² Mewö jiiga keu kewö melen wangiyök: "Muni mötnöñ, ni mönö kömumamgö akzal. Mianggöra mutuk asuhuyalañgö qetbuñanan mönö denöwö bauköm niñgibawak?"

³³ †Mewö melen wanggiiga kewö jiyök: "Mianggö keuñi mi mönö mutuk jöjöpañ keunöñ jim köhöinöñga mötpi. "Mewö jiiga mi jöjöpañ keunöñ jim köhöim wanggiba mutuk asuhuyohangö qetbuñanji mi Jeikob tököm wanggiiga nenenöñ bohonñi meyök. ³⁴ Bohonñi memba

bered aka koziñ kulunji Iso wanggiiga memba wahöta kinda mosöta anök. Isonöñ mutuk asuhuyohangö qetbuñanji mi mianggö dop möriga eretñi ahök. Mewö.

Aisakñöñ Gerar taonöñ malök.

²⁶ Mutuk Abrahamgö nalöñe bödi asuhuyök. Mewöyök Aisakö nalöñe mi kunbuk asuhuba gölme dop köla ahöyök. Mi asuhuiiga Aisakñöñ mosöta Filistin yengö kiñ kambu qetñi Abimelek yangö miriñi qetñi Gerar mianggöreñ anök. ² Anda maliga Kembunöñ asuhum wanggiba kewö jiyök: "Gi Ijijt gölmenöñ kude anman. Gölmeki buñagi akñapkö jim kutuyali, mönö kianggöreñ tata malman.

³ Nöñön iwigi Abrahamgöra jöhöjöhö keu wanggiba mi jöjöpañ keunöñ jim köhöiyali, mi mönö galöm kölbige öñambuk akña. Nöñön gölme pakpak ki mi gi aka göhö gwölöñarökurupki yengö buñaya qem enggimam. Mianggöra ölop gölme kianggöreñ tata kian malnöñga nöñön göbuk mala kötuetköm ghibiga malmam. ^{†4} Nöñön gwölöñarökurupki ahumsehip enggibiga qötöñinan suepnöñ könakembagö senjelau tat anjei, mönö mienggö dop akña. Mewö aketka gölme pakpak ki mi yengö buñaya qem enggimam. Göhö gwölöñarökurupki yenggöreñök kungöra aka nöñgö kötumötuetnan mönö gölmegö könagesö kambuñi pakpak yengö qakñine öñgöiga oyaenköyaen akña.

⁵ Nöñön kewögöra mewö akñam: Abrahamñöñ nöñgö keuni tem köla malök. Jöjöpañ keuni, jimkutukutu keuni aka köna keuni wanggiali, yanñon mi pakpak wuatañgöba malök."

⁶ Anutunöñ mewö jiiga Aisakñöñ toroqeba Gerar taonöñ tata malök. ⁷ Maliga gölme mianggö aziñi yanñon anömñangö qesim wanggetka kewö jiyök, "I mi nena. "Mewö jiba uruñan kewö mötmöriyök: "Rebekagö kaisongolomñan eksihimñambuk akzawanggöra azi miengñon mönö yanggöra aka ni nuñguget kömumbilenbuk. "Mewö mötmöriba "I anömma," mewö jii mamgö kenggötñi möta malök. ^{†8} Aisakñöñ mianggöreñ nalö köröpñi mala kota nalö kunöñ anömñambuk susuhuba angum anguyohotka Filistin yengö kiñini Abimelek yanñon jengenañöhök yaigep ui geiga i etkehök. ⁹ Etkeka Aisak oholi kaiga kewö jii mörök: "Mötnöñ, yanñon mönö göhö anömgika akza. Mönö wuanöñgöra 'I mi nena, 'jinöñ?" Mewö möta kewö melen wangiyök: "Ni yanggöra aka nuñguget kömumbilenbuköra mötmöriba mewö jial."

¹⁰ Melen wanggiiga kiñ Abimeleknöñ kewö jiyök: "Göñön mönö wani kimbiana ak nenñinöñe? Nöñgö aziurupni yenggöreñök kunñan mönö amqeba göhö anöm-gabuk ahöbawak. Mewö asuhuiiga göñön kondotñöñga siñgisöndökö keu lömbötñan mönö nenñgö qaknine öñgöbawak." ¹¹ Mewö jiba könagesö kambuñi pakpak yanggöra jimkutukutu kewö al enggiyök: "Kunñan kun azi ki me yanggö anömñi mem bölim etkimawi, i mönö kömupkö buñaya jim teköinga kömuma. "Mewö.

¹² Aisakñöñ gölme mianggöreñ nene nup köñ kömöri-ga Kembunöñ kötuetköm wanggiiga yambu mianggöreñ

† 25.23 Rom 9.12 †† Mutuk asuhuyöhi, yanñon munurupñi yengö sutñine bohonñini aiga göda qeba qetbuñan wanggiba kalemñi kalemñi wanggiba malget. Iwinamñinan kömuyohotka buñanñiri mendengeri, nalö mianggöreñ mutuk asuhuyohangö börösamotñi mi sömañi yahöt toroqeba wangget. ‡ 25.33 Hib 12.16

†† 26.3 Jen 22.16-18 ‡† 26.7 Jen 12.13; 20.2

kötñi kömöri, mi 100:kö dop sehiba asuhuyök. ¹³ Mewö asuhuiga töhötmöriam ketanji ketanji miwikñaiba maliga sukinapñan toroqeba qariba öngöiga kindinbirik azi qetbuñañambuk ahök. ¹⁴ Yanğörej lama, meme (nonin) aka bulmakau kambunji kambunji mi asuhuba sehiget. Mewöñanök welenqequeurupñi gwötpuk engömeiga malget. Mianğöra Filistin yeñon mi eka könahiba körogisigisi aka andöqege keu jiget. ¹⁵ Andöqege keu jiba iwinji Abrahamgö welenqequeurupñan o löm yanğö nalöñe esigeri, mi pakpak gölmenöñ qem turum teköget.

¹⁶ Mewö asuhuiga kiñ Abimeleknöñ Aisaköra kewö jiyök: "Gi kukösumgabuk aka gwötpuk neñgon-gizanañğöra mönö kölolohoba neñğomosöta kungen anman." ¹⁷ Mewö jii möta gölme mi mosöta Gerar öruenöñ (rueruenöñ) anda geba opo seri koumñi mörörengöba kuñguba mianğörej tata malget. ¹⁸ Tata mala o löm iwinji Abrahamgö nalöñe esigetmö, Abraham kömuiga Filistin yeñon qem turugeri, mi Aisaknöñ jiiga kunbuk esim luluñda möhamgöget. Möhamgögetka iwinjan o löm qetñini qeröhi, Aisaknöñ mi mewö kunbuk qerök.

¹⁹ Mewö qeriga welenqequeurupñan öruenöñ o löm esiba mala o löm kun onji sarakñi soksoköyöhi, mi miwikñaiget. ²⁰ Mi miwikñaigetmö, Gerar yeñğö lama bulmakau galömninan Aisakö lama bulmakau galömurupñi yembuk könahiba anğururuk aka keu kewö jiget, "O mi neñğöreña!" Nanñambuk anğururuk keu mewö jigeranğöra aka Aisaknöñ o löm mianğö qetñi Esek (Anğururuk) qerök. ²¹ Mianğö andöñe o löm kun kunbuk esigetka mianğöra mewöyök anğururuk aket. Mewö akeranğöra aka o löm mianğö qetñi Sitna (Kerök-kerök) qerök.

²² Mewö qeta gölme mi mosöta anda o löm kun kunbuk jii esiget. O löm mianğöra anğururuk keu qahö asuhuiga mianğöra qetñi Rehobot (Tiñi ölöpnji) qeta keu kewö jiyök: "Merak Kembunöñ tiñi ölöpnji neñgiiga ölöpnji gölme kianğörej mala ahumsehip akin."

²³ Mewö jiba mianğörej mala mosöta Berseba mire anök. ²⁴ Berseba aniga sunğem mianğörej Kembunöñ asuhum wañgiba kewö jiyök: "Nöñon iwigi Abrahamgö Anutunji akzal. Nöñon göbuk mala kötuetköm gihiba malmam. Mianğöra keñğötki kude mötman. Nöñon nup azini Abrahamgöra aka göhö gwölönarökurupki ahumsehip engibiga qötöñinan öngöñgöñi akña."

²⁵ Mewö jiiga Aisaknöñ jöwöwöl alta kun mianğörej memba Kewbugö qetñi qeta köuluköyök. Köuluköba opo koumñi mörörengöba kuñguba tata malget. Mala jiiga welen aziurupñan o löm kun mianğörej esiget. Mewö.

Aisak aka Abimelek yetköñ sutñire jöhöjöhö ahot.

²⁶ †Aisaknöñ Berseba maliga nalö kunöñ kiñ Abimelek yanğon Gerar taon mosöta yanğörej kayök. Gorojiji alañi Ahuzat aka yarö kambuñanğö suahö galömnji Fikol yetköñ yambuk mohotñe kaget.

²⁷ Kagetka Aisaknöñ kewö qesim engiyök: "Inini kerök

† 26.26 Jen 21.22

möt niñgiba gölmenineyök közöl niñgigetka töndup mönö wuanöngöra nöngörej ki kaze?"

²⁸ Qesim engiiga kewö melenget: "Kembunöñ göbuk kinjawi, nini mi aukñe ek kutuba mötzin. Mianğöra kewö mötmörizin: 'Neñon göbuk jöhöjöhö akingö sihimnini mötzin. Ölöpnji gi aka neñğö sutnine jöhöjöhö aka mi jöjöpñan keunöñ jim köhöninga kewö ahöma: ²⁹ Nini kahasililiñ kun qahö ak gihimnö, nalö dop ölöpnji ak gihiba gömosöringa luainöñ mirigi mosöta anda kaba malnöñ. Mianğö dop göñon mewöñanök nini yuai bölöñi kun kude ak neñgiba malman.' Nalö kewöñe Kembunöñ kötuetköm gihiga maljan."

³⁰ Mewö jigetka Aisaknöñ közölömbuan mözözömgöba ohoba aliga nene kulun nembra tatket. ³¹ Tata ahöba söñan ömandiñe wahöta jöhöjöhöñini jöhöm anğuba mi jöjöpñan keunöñ jim köhöiget. Jim köhöigetka Aisaknöñ i melaim engiiga luai qakñe mosöta anget.

³² Angetka wehön mianğörejök Aisakö welen azi yeñon kaba o löm kun esigeri, mianğö kösohotñi i jigetka kewö mörök: ³³ "Nini o miwikñaizin. "Mewö jigetka möta o löm mianğö qetñi Siba qerök. †† Mianğöra taon mianğö qetñi mi nalö kewöñe mewöyök toroqeba Berseba qerakzin. Mewö.

Isonöñ kian ambi yahöt etkömeyök.

³⁴ Isonöñ yambunji 40 aiga Hit ambi yahöt anömyahötña etkömeyök. Qetñiri Judit, iwinji qetñi Beri aka Basemat, iwinji qetñi Elon. ³⁵ Ambi mietköñ Aisak aka Rebeka urukömbuk aka wösöbirik keta bölöknji miwikñaim etkiba malohot. Mewö.

Aisaknöñ Jeikob kötuetköm wañgiyök.

27 Aisaknöñ mala kota azi namñi aiga jeni ömun köliga yuai kunbuk ek kutumamgö osiyök.

Mewö osiba nahönñi mutukñi Iso köl öröm wañgii kaiga kewö jii mörök: "Nahöni mötnöñ. "Mi möta kewö melen wañgiyök: "Iwini, ni ki kinjal."

² Melen wañgiiga kewö jii mörök: "Mötnöñ, ni azi namñi aka wani nalöñöñ kömumami, mi qahö mötzal. ³ Mianğöra göñon ölöpnji timbi lingipki aka kesarek gösögi memba jölömnöñ anda sömbupkö börojan memba qeba nöngörej kaman. ⁴ Kaba nene nahömñambuk sihimnanğö dop ohoba mözözömgöba memba kaba niñginöñga nemam. Mi memba kinda kötumötuet gihimam. Mi mutuk gihibi teköiga nöñon mianğö andöñe ölöpnji kömumam."

⁵ Aisaknöñ nahönñi Isogöra keunji mewö jiiga Rebekanöñ mi kezap ala mörök. Möriga Isonöñ mosöta sömbup börojan memba qeba iwinji wañgimamgöra jölömnöñ anök. ⁶ Aniga Rebekanöñ nahönñi Jeikobköra keu kewö jii mörök: "Nahöni mötnöñ, Iwigan datki Isogöra keu kewö jiiga mötzal: ⁷ 'Gi mönö sömbup memba kaba niñgiba nene nahömñambuk ohoba mözözömgöba niñginöñga nemam. Nembagun Kewbugö jemesoholñe kötumötuet gihimam. Mi mu-

†† Siba keu mianğö könanji yahöt: jöjöpñan keu aka sewen. Jen 21:31

tuk gihibi teköiga mianğö andöje ölop kömumam.'

⁸ Mianğöra nahöni, kezap ölopñanök ala mötnöj. Keu dölki jim kutum gihimami, gi mönö mianğö dop akñan. ⁹ Mönö meme kambunöj anda mianğöreñök meme (noniñ) döñji kelökñambuk yahöt memba kaba niñginöñga nöñön mianğön iwighöhö sihimñanğö dop numbu nene nahömñambuk ohoba mözözömgö-mam. ¹⁰ Ohoba mözözömgöbiga memba anda iwiği wañginöñga memba kötümötuet gihibawak. Mianğö andöje ölop kömuma."

¹¹ Mewö jii möta namñi Rebekagöra kewö jiyök: "Namni mötnöj, datni Isonöj sile jupñambuk akzap-mö, nöñgö silen an solanñi akza. ¹² Iwinan ni nömisiriba mötpawak ewö, ni yanğö jemesoholñe tilipqilip azi tandök asuhubiga möt niñgibapuk. Mewö möt niñgiga kötümötuet qahöpmö, jimquesuak öröbi nani qakne öñgöbapuk."

¹³ Mewö jiiga namñan kewö jii mörök: "Nahöni, jimquesuak gihibawahi, mianğön mönö ölop nöñgö qakne öñgöma. Göñön mönö töndup keu jizali, mi möt tem köla anda yuai mi memba kanöj."

¹⁴ Mewö jiiga anda meme (noniñ) yahöt memba kaba namñi wañgiyök. Wañgiiga nene nahömñambuk iwiñan sihimñi möröhi, mianğö dop ohoba mözözömgöyök. ¹⁵ Ohoba nahöññi mutukñi Isogö opo malukunji ölop kötökñi opo köweñe galöm kölöhi, mi memba nahöññi könañgeñi Jeikob wañgiiga löñgöörök. ¹⁶ Löñgööriga meme (noniñ) silenji mi memba böröñi köpeiba jölñi solanñi esuhuyök. ¹⁷ Esuhuba nene nahömñambuk aka bered ohoyöhi, mi memba Jeikobkö böröñe alök.

¹⁸ Aliga memba iwiñanğöreñ anda "Iwini!" jiyök. Jiiga kewö melenök: "O nahöni, gi dañön?"

¹⁹ Mewö melenñiga iwiñanğöra kewö jii mörök: "Ni nahöñgi mutukñi Iso. Jim kutum niñginöñji, ni mönö mianğö dop ak teközal. Ölop wahöta tata sömbupni memba kazali, mi memba kötuetköm niñgiman."

²⁰ Mewö jii möta nahöññi kewö qesim wañgiyök: "Nahöni, mi mönö denöwö könöpuk miwikñaizan?" Qesim wañgiiga kewö melenök: "Anutu, göhö Kembugan mönö bauköm niñgiiga mi zilañ miwikñaizal."

²¹ Mewö melenñiga Jeikobköra kewö jiyök: "Nahöni, gi ölna nahöni Iso akzan me qahö, mi mötmamğöra mönö ölop kösutne ki kanöñga gömisirimam."

²² Mewö jiiga iwiñi Aisakö kösutñe aniga misirim möta kewö jiyök: "Imbi jölğan Jeikobkö imbia akzapmö, börögan Isogö böröñi ewö." ²³ Böröñi jupñambuk datñi Isogö börö tandök ewö ahöhangöra Aisaknöj i qahö möt kutum wañgiba kötuetköm wañgimamğöra ahök. ²⁴ Töndup kunbuk kewö qesim wañgiyök: "Gi ölna nahöni Isoya me qahö?" Qesim wañgiiga kewö melenök: "Ni mönö Isoya."

²⁵ Mewö melenñiga kewö jiyök: "Nahöni, ölop sömbupki tosatñi niñginöñga memba kötümötuetni gihimam. "Mewö jiiga mi wañgii neyök. Neiga wain o tosatñi mohotñe mokoba wañgii neyök. ²⁶ Memba kin-da nahöñanğöra kewö jii mörök: "Gi ölop kösutne kaba numbuni yöhötüm neman."

²⁷ Mewö jii möta kösutñe anda numbuñi yöhötüm neyök. Neiga opo malukunğö wöröññi möta kötuetköm wañgiba kewö jiyök: "Aha nahöni, Kem-bunöj urukisigö jölömñi kötuetköi ahözawi, nöñgö nahönanğö sile qösösökñi ölopñan mönö mi ewö aiga mötzal. ²⁸ Anutunöj mönö suepkö umjijilñi aka gölmegö töhötmöriamñi tököm gihiiga yaka yöhagi, sehoñ padigi aka wain o yuaigi mi önöñi qahö asuhum sehime. ²⁹ Kantriñi kantriñi yeñön mönö welen qem gi-hiba malme. Könagesö kambuñi kambuñi yeñön mönö simin köl gihibam. Göñön mönö nani nahönurupni mi kembu ak enggiba malman. Namgahö nahönurupñan mönö simin köl gihibam. Kunñan qesuahöm gihimawi, qesuaknöj mönö yanğö qakñe öñgöma. Kunñan kötuetköm gihimawi, kötümötuet-nöj mönö yanğö qakñe öñgöma. "Mewö. ††

Isonöj iwiñan kötuetköm wañgimapköra ulerök.

³⁰ Aisaknöj Jeikob kötuetköm wañgim teköiga iwiñanğö miri urunji mosöta yaigep aniga wölañ mi-anğöreñök datñi Isonöj böröñan mali teköiga mire kayök. ³¹ Kaba yanğön mewöyök nene nahömñambuk ohoba mözözömgöba memba kaba iwiñi wañgiba kewö jiyök: "Iwini, ölop wahöta tata sömbupni tosatñi memba kötümötuetki niñgiman."

³² Mewö jiiga iwiñi Aisaknöj kewö qesim wañgiyök: "Gi dañön?" Qesim wañgiiga kewö melenöda jiyök: "Ni nahöñgi mutukñi Iso." ³³ Mewö jiyöhöngöra Aisaknöj töwöratiba sile jönömñi gwötpuk unduiga kewö jiyök: "Gi qahö kanöñga mianğöreñ böröñan azi kunöñ sömbup memba kaba niñgiyöhi, mi mönö dañön? Yanğön mi niñgiiga memba kötümötuetni lök wañgim teközal. Mi wañgim teközalangöra mianğön mönö ölna yanğö qakñe ahöm öñgöma."

³⁴ Isonöj iwiñanğö keu jitñi mi möta urukömbuk aka amburereñ memba silata sahöta iwiñanğöra kewö ulerök: "Iwini, nia mönö mewöyök kötuetköm niñginöñ."

³⁵ Mewö ulerökmö, iwiñan melenöda jiyök: "Mungan mönö tilipqilip qakñe kaba göhö kötümötuetki taköba memba anja."

³⁶ Mewö jiiga Isonöj kewö jiyök: "Munan mönö in-dimñi yahöt tilipköm niñgiiga maljal: Yanğön mutuk asuhuyalañgö qetbuñanji mi mutuk noañgit teköyök aka merak nöñgö kötümötuetni mi mewöyök taköba noañgita meza. Mianğöra qetñi Jeikob (tilipqilip azi) qerakzini, mi mönö dopñe akza. Kötümötuet kun mönö nöñgöra ahöm gihiiza me qahö?" †

³⁷ Mewö jiiga iwiñan Isogöra kewö melenök: "Mötnöj, nöñön mungi göhö azi kembugi malmapköra kuñgum wañgizal. Tinitosolomurupñi pakpak yeñön i welen qem wañgiba malmegöra jim kutum engizal. Yaka yöha, sehoñ padi aka wain o yuai mi lök jim teközalawa Anutunöj mi wañgiba malma. O nahöni, wanat kötümötuetna kun toroqeba ahöm niñgizawa mia gihibileñak? Mi mönö osizal."

³⁸ Mewö melenjiga iwiñangöra kewö jiyök: “O iwini, kötümötuet mohok-kun miyök mönöhöm gihiza me denöwö? O iwini, mönöhöm nia kun kötuetköm niñginöh. “Mewö jiba könahiba silata sahörök. †

³⁹ Sahöriga iwiñan kewö melenjiga jiyök:

“Mötnöh, göñöh mönöh gölme töhötmöriamñambuk mosöta köröwen anda malman.

Miangörenj suepkö umjijilñi mi könakembayök qahö erakña.

⁴⁰ Gi bimgö sou ketanji mianñöh ambazip lanj enguba malmalgi angön köla mungahö welenqeqenji eretñi aka malman.

Mewö malmanmö, kekelolo aka qetal wanjiba nalö miangörenj karim aka yangö galöm kölkölñi qeköba yaköriba nangi kinkin malman.” †† ‡

⁴¹ Iwiñan Jeikob kötümötuetñi wanjiyöhi, Isonöh miangöra aka könahiba munñi uruñöh möt wanjiba malök. Nanñi uruñan mewö möta alanji kungöra kewö jiyök: “Iwinirangö kömupñangö nalöñan töriza. Yanñöh kömuiga sahöt jingereñ nalöñe miangörenj ölop muni Jeikob qebi kömuma.”

⁴² Isogö mötmötñe mewö ahuiga kunöh miangö buzupñi möta Rebekagörenj anda jii möta nahöññi könanjereñi Jeikobköra keu ali anda wanjita kaiga kewö jiyök: “Mötnöh, datki Isonöh mönöh likepñi melenji qake öngöiga guhui kömumangö mötmöriza.

⁴³ Mewögöra nahöni, nöñöh keu jimami, mi mönöh tem kölman. Mönöh dölkö wahöta öloh köla Haran mire neni Labangörenj anman. ⁴⁴ Anda yambuk nalö tosatñi toroqeba malnöñga datkahö urupikñan amörima.

⁴⁵ Uruñöhñi amöriba eriga yuai ak wanjinöhñi, mi ölum qeigun nöñöh miangö andöhñe göhöra keu albi kaiga goanjita kame. Yanñöh guhui kömunöhñga kunñan i qei kömumbapuk. Mönöh wanigöra nalö mohok miangörenj öroröh qahöwahotka etkömosöt-pileñbuk. “Mewö.

Aisakñöh Jeikob melaiiga Labangörenj anök.

⁴⁶ Rebekañöh apñi Aisakörenj anda kewö jiyök: “Nöñöh iranyahötni Hit ambi yetköra aka toroqeba malmamgö ölan nöhöi sihibölöh mörakzal. Jeikobñöh mewöyök Hit yangö böraturupñini yangörenjök kun iranyahötniri ewö anömñga membapuk. Gölme kiangörenj asuhgeri, yangö silikñinan mönöh mewöyök ahöza. Mewöñi kun memba kabapuk ewö, nöñöh mönöh malmalni wuanöhñgöra toroqeba malbilenjak? Sihibölöhnan mönöh toroqeba önöhñi qahö akapuk. “Rebekañöh mewö jiyök.

28 Mewö jiiga Aisakñöh Jeikob köl öröi kaiga kötuetköba kewö jim kutum wanjiyök: “Nahöni, gi Keinan yangö nenböratñini yangörenjök kun anömgi kude meman. ² Mewö qahöpmö, mönöh wahöta Mesopotemia (Padan Aram) gölmenöh anda namgahö iwiñi Betuel yangö mire angöta ehongji Labangö böraturupñi yangörenjök kun anömga meman.

³ Anömgi menöhñga Anutu, kukösum pakpakö Tonjan

mönöh gi kötuetköba ahum sehip gihiga gwölönarökurupki yangö qötöhñinan sehiiga könagesö kambu gwöt-puk miengö iwi bömöhñina akñan. ⁴ ††Anutunöh mönöh gi aka gwölönarökurupki inñini Abrahamgö kötümötuetñi mi toroqeba engima. Mewöyök gölme asagi Abraham wanjiiga göñöh miangörenj kian aka maljani, mi buña qem angume.”

⁵ Mewö jiba Jeikob melaiiga mosöta Mesopotemia (Padan Aram) gölmenöh Labangörenj anmamgöra anök. Laban mi Aram azi Betuelgö nahöñña aka Jeikob aka Iso yetkö namñiri Rebeka yangö nenña malök. Mewö.

Isonöh kakasun ambi kun meyök.

⁶ Aisakñöh Jeikob kötuetköba anömñi memamgöra Mesopotemia gölmenöh melaiyöhi, mi Isonöh mörök. Kötuetköm wanjiba kewö jim kutum wanjiyök: “Gi Keinan yangö nenböratñini yangörenjök kun anömgi kude meman.”

⁷ Mewö jim kutuiga iwinamñi yetkö keu jit tem köla mosöta Mesopotemia (Padan Aram) gölmenöh anöhi, Isonöh mi mewöyök mörök. ⁸ Mi möta iwiñi Aisakñöh Keinan ambi tököba möt bölim anguba malöhi, Isonöh mi eka möt kutuyök. ⁹ Mi möt kutuba iwiñangö jere dop kölmapköra asanji Abrahamgö nahöññi Ismaelnöh kömuiga yangö mire anda böratñi Malahat, Nebaiotkö nenñi mi meiga anömurupñi karöbut aket. Mewö.

Jeikobñöh Suepkö döpnji gaunöh ehök.

¹⁰ Jeikobñöh mewö Berseba miri mosöta Haran mire anmamgö anök. ¹¹ Anda mala gölme kunöh angöta wehön jeni geyöhangöra aka miangörenj köt tatkeri, miengörenjök kun memba nörop qömböhñi qeba sunjem gaun ahöyök. ¹² Gaun ahöba miangörenj imut kun kewö ehök: Döp kungö kitipñi gölmenöh algetka qak kitipñi mi Suepnöh öngöba kunguba kiniga Anutugö garataurupñi yanñöh miangörenj tiba öngöm et aket. ‡

¹³ Mewö aketka Kembunöh yangö kösutñe kindu keu kewö jii mörök: “Nöñöh Kembu, asagi Abrahamgö Anutunji aka iwiñi Aisakö Anutunji akzal. Gölme ki ahözani, nöñöh mi gi aka göhö gwölönarökurupki engö buñaya qem engimam. †††¹⁴ Göhö gwölönarökurupki yanñöh ahumsehip aketka jangöhñinan gölmegö sömsöm ewö akña. Mewö aiga jula denja gölme wehön kotkotñe aka gegenje, Saut likep aka Not likep, eu aka emu miangörenj göröken dop köla anda malme. Göhöra aka göhö gwölönarökurupki yangörenjök kungöra aka nöñöh kötümötuetñan mönöh gölmegö könagesö kambunji pakpak yangö qakñine öngöiga oayerkoyaen akñe. †††¹⁵ Mötnöh, nöñöh göbuk mala denike denike anda kaba malmani, miangö dop mönöh sel jöhöm gihiba mal öngöba goanjitpiga gölme kiangörenj kunbuk lilingöba kaman. Nöñöh gi qahö gö-

† 27.38 Hib 12.17 †† 27.40 Hib 11.20 ‡ 27.40 Jen 36.8; 2 Kirj 8.20

†† 28.4 Jen 17.4-8 ††† 28.12 Jon 1.51 ††† 28.13 Jen 13.14-15 ††† 28.14 Jen 12.3; 22.18

mosöta keu jim jöhöm gihiali, miangö dop akiga ölni asuhum teköma."

¹⁶ Mewö jiiga Jeikobnön gaun uruñeyök imbiñi möta wahöta kewö jiyök: "Kembunön mönö ölna gölme ki-angörej maljapmö, nöñön mi mutuk qahö mötzal."

¹⁷ Mewö jiiga jönömñi unduiga keu kewö jiyök: "Gölme ki mönö kömbukñi aka kenjötmötmötñambuk akza. Kiañön mönö ölna Anutugörej tatat dundumñi aka Suepkö nanñunñi akza."

¹⁸ Mewö jiba miri gianjiiga söñanök wahöta köt qöm-böñi qeba ahöyöhi, mi memba wahöta jabö mötök ewö kuñguba qakñe kelök o mokoba miriyök. ¹⁹ Miriba gölme miangö qetñi Betel (Anutugö miriñi) qerök. Mutuk taon miangö qetñi mi Luz qeta malget. ²⁰ Jeikobnön gölme miangö qetñi dölköñi Betel qeta keu kewö jim jöhöba jöjöpñ keunönñ jim köhöiyök: "O Anutu, göñön nömbuk mala köna ki anda malmami, mi-angörej nek galöm ak niñgiba numbu nenenamni aka silenangö esunji miwikñaim niñginöñga ²¹ ölop luai qakñe iwinangö mire kunbuk liliñgöba kamam ewö, nöñön mönö göhö jitsihitki tem köla malbiga göñön nöñgö Kembu Anutuni aka malman."

²² Köt ki memba wahöta jabö ewö mötök kuñguzali, miangön mönö göhö tatat dundumñi ahöiga yuai pakpak tököm niñgiba malmani, nöñön mi ölna menderbiga kambu 10 aketka miengörejök mohok mohok memba kalema gihiba malmam. "Mewö."

Jeikobnön Labangö mire angorök.

²⁹ Jeikobnön mewö jiba mosöta könañi toroqeba anda wehön kotkotñangö könagesö yengö gölmenön angorök. ² Miangörej angota gölme köröñe o löm kun ehök. Miri tonji yeñön lama kambuñi enñuagita miangörej o enggiba malget. Nalö mi-angörej o löm miangö kösutñe lama kambu karöbut ahögetka o löm numbuñangö köñi ketanji mi qahö metalget. ³ Lama galöm yeñön mutuk lama kambuñi pakpak miangörej tokom enggiba köt mi o löm numbuñeyök gwililöñgöba lamaurupñi o enggiget negetka köt mi kunbuk dundumñe köla malget.

⁴ Jeikobnön lama galöm mi kewö qesim engiyök: "Azi alaurupni, inini denikegöra?" Qesim engiiga "Nini Harangöra," mewö melenñ wañgiget.

⁵ Melenñ wañgigetka kewö qesim engiyök: "Inini Nahorgö isinji Laban möt wañgize me qahö?" Qesim engiiga "Ölop möt wañgizin," jiget.

⁶ Jigetka kewö qesim enggiba jiyök: "I ölop malja me qahö?" Mewö jiiga kewö jiget: "I ölop malja. Eknön, yanñ böratñi Reizölnön mönö endu lama enñuagita kaza."

⁷ Mewö jigetka Jeikobnön jiyök: "Eket, wehön ketanji ahöiga lama mi sunñgemgöra tokom enggibingö nalöñan qahö töriza. Miangöra ölop lamanini o enggiget negetka kunbuk enñuagita malmalñine anda al enggigetka nenenamñini neme."

⁸ Mewö jiiga kewö melenñet: "Mewö ölop qahö akin. Mutuk lama kambu pakpak tokom enggiba köt mi o

löm numbuñeyök gwililöñgöbagun mönö lamaurupni- ni o enñiinga neme."

⁹ Jeikobnön yembuk keu mewö eraum-möta kingetka miangörejök Reizölnön iwinangörej lama kambuñi enñuagita kayök. Reizöl yanñön lama galöm nup memba malök. ¹⁰ Kaiga Jeikobnön ehonñangö böratñi Reizöl aka ehonñangö lama kambuñi enñeaka o löm numbuñe anda köt mi metala ehonñi Labangö lamaurupñi o engiyök. ¹¹ Enñim teköba Reizöl numbu yöhöt- tim memba könahiba köhöikñi qeta sahörök.

¹² Sahöta Reizölgöra jiyök: "Ni göhö iwigahö tinitosolomñi akzal. Ni Rebekagö nahönña. "Mewö jiiga Reizölnön möta ösumñan kiñkiñgöba iwinangörej anda buzup mi jii mörök. ¹³ Labanön nenñangö nahönñi Jeikobkö buzupñi möta i ösumök miwikñaimangöra anök. Anda miwikñaiiba eka angöm wañgiba numbuñi yöhöt- tim memba wañgita miriñe öñgöyohot. Öñgöba yuai pakpak asuhuyöhi, Jeikobnön miangö kösohotñi jii mörök. ¹⁴ Mi möta kewö jiyök: "Ölop, göñön nani sepkitipni akzan. "Mewö jiiga köñi mohotkö dop yambuk tata malök. Mewö."

Jeikobnön Lea aka Reizöl anömyahötña etkömeyök.

¹⁵ Mewö maliga Labanön Jeikob kewö jii mörök: "Gi tinitosolomni maljanangöra töwagi qahö öne welen qem niñgibanbuk. Mi qahö dop kölma. Miangöra töwagi dawik memangö mötzani, mi ölop jinöñga möt- mam." ¹⁶ Labangö böratyahötñi yahöt malohot. Ketanñangö qetñi Lea. Munñangö qetñi Reizöl. ¹⁷ Leagö jeñan eksihimñambuk ahökmö, Reizölgö silenangö kaisongolomñi aka jemesoholñi mi körek eksihimñambuk kötökñi ahök.

¹⁸ Jeikobkö urusihimñi mi Reizölgörej ahöyöhangöra aka keu kewö jiyök: "Nöñön böratki könanñepñi Reizöl memamgöra ölop yambu 7 welen qem gihiba malmam."

¹⁹ Mewö jiiga kewö jiyök: "I azi murutñi kun wañgibi- ga qahö dop kölbapukmö, gi gihibiga dop kölma. Mi- angöra ölop nömbuk ki malman." ²⁰ Mewö jiiga Reizöl memamgöra yambu 7 welen qem wañgiba malök. Urusihimñan Reizölgöra ahöhangöra aka yambu miengö möriga wehön awamñi tandök ahök. Mewö.

²¹ Yambu 7 teköiga Jeikobnön ehonñi Laban kewö jii mörök: "Nöñgö nup meme nalönan lök teköza- wañgöra ölop anömni Reizöl niñginöñga yambuk ahö- ba malmam." ²² Labanön keu mi möta miri tonji pakpak öröm tokom enggiba lömbuan aliga nem söñgaip aket. ²³ Mi aket teköiga miri söñauiga Labanön böratñi Lea wañgita anda Jeikob wañgiiga miri uruñe öñgöba mo- hotñe ahöyohot. ²⁴ Labanön welen ambiñi qetñi Zilpa mi böratñi Leagö welenqeqeña malmapköra wañgiyök. ²⁵ Mohotñe ahöyohotka miri gianjiiga Jeikob- nön anömñi eka möri Reizöl qahöpmö, i Lea aiga yöwöñangörej anda kewö jim wañgiyök: "Gi mönö wani kimbia ak niñgizane? Ni Reizöl memamgöra welen qem gihiba malalmö, gi mönö wuanöñgöra tilip- köm niñgizan?"

²⁶ Mi möta melenja kewö jiyök: "Gölme kiangören datnji öne maliga munjan azi memapkö ahakmemeñi mi nenngören qahö ahöza. ²⁷ Miangöra ölop maren sösöngai mi Leabuk sonda mohotkö dop mal sön-gainön teköiga munji mewöyök gihimam. I me-mangöra mönö mewöyök yambu 7 toroqeba welen qem ningiba malman."

²⁸ Mewö jiiga urumohot aka Leabuk maren sösöngai nalö mi sonda mohotkö dop mali teköiga Labanön börtatnji Reizöl mewöyök anömñi akñapköra wangiyök. ²⁹ Labanön welen ambinji qetnji Bilha mi börtatnji Reizölgö welenqeqeña malmapköra wangiyök. ³⁰ Jeikobnön Reizöl i mewöyök anömña meyök. Urusihimjan Reizölgöra ahöyohangöra aka Reizöl mi Lea ongita jöpaköm wangiba malök. Miangöra yambu 7 toroqeba Laban welenñi qem wangiba malök. Mewö.

Jeikobkö moröurupñi asuhuget.

³¹ Jeikobkö urujan Leagö gwötpuk qahö ahöiga boromdökñi tököiga Kembunön ehi qahö dop köliga Lea gölöm almapköra bauköm wangiyökmö, munñi Reizölnön köpinña malök. ³² Leanön köröbuk aka mala morö azia memba keu kewö jiyök, "Kembunön tapötkokorokni ehiga apnan ölop könahiba jöpaköm ningiba malma. "Mewö jiba qetnji miangö dop Ruben qerök. (Ruben Tapötkokorokni ehök.) ³³ Könanjep kunbuk körö ala morö azi kun memba keu kewö jiyök: "Apnan boromdökñi jöpaköm ningiiga Kembunön mi möta morö ki mewöyök ningiza. "Mewö jiba qetnji miangö dop Simeon qerök. (Simeon Kezapñan mörök.)

³⁴ Miangö andöñe kunbuk körö ala morö azi kun memba keu kewö jiyök: "Ni nahönurupñi karöbut apnanğöra mealanğöra yanön mönö könahiba uruji nömbuk jöhöma. "Mewö jiba qetnji miangö dop Liwai qerök. (Liwai Urunji jöhöma.) ³⁵ Miangö andöñe dumñe kunbuk körö ala morö azi kun memba keu kewö jiyök: "Nönjön nalö kewöñe Kembu möpöseizal. "Miangöra qetnji miangö dop Juda (möpöseip) qerök. Miangö andöñe morö kunbuk qahö meyök. Mewö.

30 Reizölnön köpinñi mala Jeikobköra nahönbörat kun qahö memba nanñi könani mewö eka datnji Lea andö qeba urujan mututqutut möta Jeikobköra keu kewö jiyök: "Gi mönö morö qiwikñainön. Mi qahö qiwikñainönğa nönjön mönö malmamgö osiba kömumam."

² Mewö jiiga Jeikobnön irimñi seholliga uruönön möt wangiba kewö jiyök: "Ni mönö morö denöwö qiwikñabileñak? Anutunön gi morö memangö jöhöm gi-hiba malökmö, nönjön Anutuya qahö."

³ Mewö jiiga Reizölnön kewö jiyök: "Nönğö welen ambini Bilha mi ki. Ölop yambuk ahönönğa nönğöra morö mema. Yanön nam köliga nönjön mewöyök yanğörenök nahönbörat miwikñaim engiba namñini aka malmam." ⁴ Mewö jiba welen ambinji Bilha wangiga anömña memba yambuk ahöyök. ⁵ Ahöiga Bilhanön gölöm ala Jeikobkö nahönñi meyök. ⁶ Nahönñi meiga Reizölnön kewö jiyök: "Anutunön kewöt ningii dop kölbiga köuluk keuni möta morö azia ningiza. "Mi-

angöra qetnji Dan qerök. (Dan Kewöt ningii dop köljäl.) ⁷ Reizölgö welen ambinji Bilha yanön kunbuk gölöm ala Jeikobkö nahönñi kun meiga yahöt ahök.

⁸ Mewö meiga Reizölnön kewö jiyök: "Datnambuk gwötpuk aum-möröiba luhut aljal. "Mewö jiba miangö dop morö qetnji Naftali (Aum-möröial) qerök. ⁹ Leanön kunbuk gölöm qahö ala mi eka miangöra nanñi welen ambinji qetnji Zilpa memba Jeikob wangii anömña ahök. ¹⁰ Anömña aka Jeikobkö morö azia meyök. ¹¹ Meiga Leanön "Simbawon!" jiba qetnji Gad (simbawon) qerök. ¹² Zilpa, Leagö welen ambinji mianön Jeikobkö nahönñi kun kunbuk meiga yahöt ahök.

¹³ Mewö aiga Leanön keu kewö jiyök: "Nönjön uruölöwak ketanji mötzal. Ambi yanön mönö nönğöra oyaenğoyaen qeta malme. "Mewö jiba miangö dop morö qetnji Aser qerök. (Aser Oyaenğoyaen qetme.) ¹⁴ Witnön öliiga yandiyandi nalöñe sömanji kunön Rubenön yaigep anda gölme köröñe asagwalim amöt † miwikñaiyök. Amöt mi miwikñaiiba memba kaba namñi Lea wangiyök. Wangiiga Reizölnön datnanğöra kewö jiyök: "Göhö nahöngan amöt memba kazawi, miangö tosatnji mönö ninginönğa nemi."

¹⁵ Mewö jiiga Leanön kewö jiyök: "Gönjön apni noanğitnönğa dop kölmapkö mötmöröialmö, gi mönö nahönanğören asagwalim amöt ki mewöñanök noanğitmamgö mötzan. Mi qahö dop kölja. "Mewö jiiga Reizölnön kewö jiyök: "Ölop! Nahöngahören amöt mi ningiman ewö, mönö ölop Jeikobbuk sunğem ki ahömahot."

¹⁶ Mewö jiiga Jeikobnön mare mianğören nup mosöta kaiga Leanön anda miwikñaim wangiba kewö jiyök: "Nönjön nahönanğören asagwalim amöt mianön lök göhö söngörögi mezal. Mianğöra mönö nömbuk ahöbit. "Mewö jiiga Jeikobnön sunğemñi mianğören yambuk ahöyohot.

¹⁷ Yambuk ahöyohotka Anutunön Leagören keu köulukñi möriga gölöm ala Jeikobkö nahönñi 5:ñi meyök.

¹⁸ Mi memba keu kewö jiyök: "Nönjön welen ambini mi apni wangialanğöra Anutunön miangö töwanji ki niñgiza. "Mewö jiba miangö dop qetnji Isakar (töwa) qerök. ¹⁹ Miangö andöñe Leanön kunbuk gölöm ala Jeikobkö nahönñi 6:ñi meyök. ²⁰ Mi memba keu kewö jiyök: "Anutunön kalem qetpuk ningiza. Apni Jeikobkö nahönurupñi 6 mealanğöra yanön mönö pöndan nömbuk mala qetbuña ningiba malma. "Mewö jiba miangö dop morö qetnji Zebulun qerök. (Zebulun qetbuña) ²¹ Nalö tosatnji teköiga Leanön morö börat memba qetnji Daina qerök.

²² Anutunön dumñe Reizöl mewöyök mötmörim wangiba keu köulukñi möta gölöm almamgö bauköm wangiyök. ²³ Bauköm wangiiiga gölöm ala morö nahön kun memba keu kewö jiyök: "Anutunön gamuni meköza."

²⁴ Mewö jiba toroqeba kewö jiyök: "Kembunön mönö nahöni kun toroqeba ningima. "Mewö jiba miangö dop morö qetnji Josef (Toroqeba ningima.) qerök. Mewö.

† *Ambi yanön asagwalim amöt memba amqeba gölöm albingö akeri, mewö möt nariget.*

Jeikobkö lama kambuñan sehiyök.

²⁵ Reizölnön nahönñi Josef meiga miangö andönje Jeikobnön Labangöra kewö jiyök: “Ni nani miri gölmene anmamgö mötzal. Miangöra ölop melaim ninginönga lilingöba anmam. ²⁶ Anöm moröurupni kienögöra aka göhö weleni qeba malali, mönö i ninginönga mohotñe köna anbin. Nöñön nup gwötpuk ketanj memba malali, mi nangak ölop mötzan.”

²⁷ Mewö jiiga Labanön kewö jiyök: “Gi möt ölowak ningizan ewö, mönö ölop ki malman. Kembunön göhöra aka ni kötuatköm ningiba malöhi, nöñön unju qebiga keu mewö asuhui mötzal.”

²⁸ Mewö jiba toroqeba kewö jiyök: “Mönö nupkahö töwanangö janögñi jinönga söngöröñi mi ölop gihi-mam.” ²⁹ Mewö jiiga Jeikobnön kewö jiyök: “Nöñön göhö weleni denöwö qeba mala göhö mirigö sömbup kambuñi kambuñi galöm köl enggibiga qarigeri, mi nangak ölop mötzan. ³⁰ Mutuk ni ki qahö kabiga miangören sömbup yuaigi gwötpuk qahö ahöm gihiyökmö, miangön mönö ni kabiga nalö miangören sehiba jesöngö akze. Ni denike denike anda kayali, miangören Kembunön kötuatköm gihiiga malnön. Mewö malnönmö, ni mönö wani nalönön ölop nani kö-nagesöurupni nangöm enggimangöra aka nup yuai kö-nahiba membileñak?”

³¹ Mewö jiiga Labanön kewö qesiyök: “Ni mönö wania gihibileñak?” Mewö qesiiga Jeikobnön melenđa kewö jiyök: “Yuai kun kude ningimanmö, yuai mohot ki nöngöra akñan ewö, ni ölop toroqeba göhören lama kambuñi kambuñi mi köyan köla jegalöm ak enggiba malmam. ³² Ni ölop göhören lama aka meme kambuñi pakpak mi merak enggek kewötmam. Mi kewöta lama moröñi baröm pakpak aka meme (noniñ) dömjñi tiktokñinambuk aka kulemjñi diriweñ, soño me korombonñi mi pakpak mendenđa nanñini tokom enggiman. Miangön ölop nup memba malalangö töwani akñe.

³³ Könanğep nupnanğö töwani, lama aka meme mi enggek kewötmangöra kabanak, nalö miangören uruni diñdiñangö könanñi mi amqeba kewö miwikñaiman: Meme (noniñ) tiktokñini qahö aka diriweñ, soño me korombonñi qahö mi pakpak aka lama baröm qahö pakpak nöngö kambunön kinmei, mi nöñön yongoro meal, mewö möt kutuman.”

³⁴ Mewö jiiga Labanön kewö melenñök: “Ni ölop uru-mohot akzal. Keu jizan ewö köna mi ahöma.” ³⁵ Mewö melenđa silim miangörenök Labanön meme (noniñ) aziñi kulemjñi jinjalalan aka diriweñ soño me korombonñi aka meme ambiñi pakpak kulemjñi tiktokñinambuk aka diriweñ soño me korombonñi me sile jupñine yuai tuatñi taröhi, mi pakpak aka lama moröñi baröm pakpak mi kewöta meköm enggiba nanñi nahönurupñi yengö böröñine al enggiyök. ³⁶ Labanön mi al enggiba yembuk Jeikobkören lama aka meme kambu mi engguanğita silim karöbut anangö dop anda miangören malget. Körowen mewö malgetka Jeikobnön toroqeba Labangören lama aka meme kambuñi kambuñi mi galöm köl enggiba malök.

³⁷ Mewö mala sau, kömin aka kuñgam ip miengö böröñini gwölögwölö kutuba memba silenñi jölan-jölan (jöranjöran) köndölatiiga sutñe sutñe tuariiga jinjalalan ahök. †

³⁸ Mewö aiga ip böröñini köndököndölatiñi mi memba sömbup yengö o joutñini pakpak miangören aliga o nembangöra kagetka wösöñineyök ahöyök. Mewö ahöiga lama aka meme kambu yengön aziñan enggualöñmegö sihim köñöpñi möta o nembangöra kaba miwikñaiaba eket. ³⁹ Mewö eka meme aziñi yengön ip böröñi miengö kösutñine ambiñi enggualöñget. Mewö enggualöñgetka gölöm ala malgerangöra moröurupñini jinjalalan, tiktokñinambuk aka diriweñ, soño me korombonñi mi enggömembra malget.

⁴⁰ Mewö malgetka Jeikobnön lama aka meme (noniñ) moröñi mewöñi mi kewöta menden enggiba nanñök nanñök kambu köl enggiyökmö, sömbup ketanj mi arengöm enggiiga jeñini Labangören sömbup baröm aka kimbiñini tiktokñinambuk yengören göröken uba kinget. Mewö aka nanñangöra lama aka meme (noniñ) kambuñi kambuñi meköba miwikñaim enggiyök. Mi miwikñaiaba jöhöm enggiiga Labangö lama kambunön qahö anda toroqem enggiget.

⁴¹ Sömbup ambiñi köhöikñi yengön aziñan enggualöñmegö sihim köñöpñi mötketka Jeikobnön nalö dop miangören ip böröñi mi o joutnön alök. Miangöra sömbup aziñi yengön kaba mi wösöñine miwikñaiaba eka kösutñe miangören ambiñi mi enggualöñda malget.

⁴² Mewö malgetmö, sömbup ambiñan ösumñini eretñi aket ewö, yanğon ip böröñi mi yengö wösöñine qahö ala malök. Mewö aka maliga sömbup ösumñini eretñi miangön Labangören kambunön toroqeggetka ösumñini köhöikñi yengön Jeikobkö kambunön anda toroqegget. ⁴³ Jeikobnön mewö aka kindiñbirik azi qetbuñanambuk aka töhötmöriam miwikñaiyök. Lama aka meme kambu gwötpuk buña qem angguba welen-qeqe ambazip engguanğiriga kamel aka doñki kambuñi kambuñi asuhum sehigetka tonñini ahök. Mewö.

Jeikobnön Laban mosöta ölöñ köla anök.

31 Labangö nahönurupñan keu kewö jigetka Jeikobkö kezapñe geiga mörök: “Iwininan yuai buña qeba malöhi, Jeikobnön mi pakpak kalöpköba könjörata angön kölök. Iwininanğö sukinapñi galöm köla miangörenök inapñi pakpak mi nanñangöra miwikñaiaba kindiñbirik akza.” ² Keu mi mörök aka yöwönanğö jemesoholñi eka kewö möt asariyök: “Labanön mutuk ala ölopñi ak ninggiba mala korökmö, mewö qahö toroqeba aka malja.”

³ Mewö möt asariiga Kembunön Jeikob kewö jii mörök: “Göñön mönö lilingöba iwiasaurupki yengö gölmenön anda tinitosolomurupki yembuk malman. Anda malnönga nöñön göbuk kinda malmam.”

† Ip böröñi mi selgöra qahö alök. Mewöyök tiripqözölqözöl me jinan akñamgöra qahö. Anutunön yauer aka suña jinan akingöra qahö jiyökmö, Jeikobkö uruñan diñgiiga tem köla malöhanğöra töhötmöriamgö könanñi mewö kusum wanğiyök.

⁴Jeikobnönj keu mi möta Reizöl aka Lea yetköra keu ali aniga gölme köröje lama kambunji kambunji galöm köl engiyöhi, miangöreñ kayohot. ⁵Kayohotka kewö jii mörohot: "Nönön iwinirangö jemesoholñi eka kewö möt asarizal: Yañön mutuk ala ölöpnji ak niñgiba mala korökmö, mewö kunbuk qahö aka malja. Iwinangö Anutuñan mönö töndup nömbuk kinda mala korök.

⁶Ni ösumni pakpak qezaköba miangö dop iwinjiri weleñ qem wangiba mala koral, injiri mi ölop mötzahot.

⁷"Mewö malalmö, yañön isimkakalek qakñe ak niñgiba mala nupnangö töwanji mi sömanji 10:gö dop utekutek ala malök. Mewö ak niñgiba malökmö, Kembunönj angön köl wanggiiga geñmorororñ kun qahö ak niñgiiga malal. ⁸Nalö kunönj kewö jiyök, 'Lama aka meme (noniñ) tiktokñinambuk asuhumei, mi mönö göhö nup töwagi akñe.' Mewö jiiga sömbup kambu jömukñi yeñön moröñini tiktokñinambuk engömeget. Nalö kunönj kewö jiyök, 'Lama aka meme (noniñ) jinjalalanj asuhumei, mi mönö göhö nup töwagi akñe.' Mewö jiiga sömbup kambu jömukñi yeñön moröñini jinjalalanj engömeget. ⁹Anutunönj mewö aiga asuhuiga iwinirangö kambuneyök sömbup könjörata enguangita niñgiiga sehiyök.

¹⁰"Sömbup aziñan ambiñi engualönjda malgeri, nalö kun miangöreñ gaun kunönj jeni uba wahöta ekiga meme (noniñ) aziñan ambiñi engualönjda kingeri, yeñgö silenini mi jinjalalanj, tiktokñinambuk aka diriweñ, soño me korombonji pakpak aket. ¹¹Nönön gaun ekiga miangöreñ Anutugö garata kunñan nöngöra 'Jeikob!' qerök. Mewö qeriga 'Ki kinjal,' jiba melenjal. ¹²Melenjiga kewö toroqeba jiyök: 'Labanönj yuai pakpak ak gihimakzawi, nöñön mi eka mötzal. Miangöra ölop jegi uba wahöta eknönj: Meme (noniñ) aziñi pakpak ambiñi engualönjda kinjei, yeñgö sileninan jinjalalanj, tiktokñinambuk aka diriweñ, soño me korombonji akza. ¹³†Nönön Betel miangöreñ asuhum gihibiga köt dangunu kun kuñguba miriba nöngöra keu jöhöba jöjopañ keunönj jim köhöinönj. Nönön Anutu mi aka göhöra keu kewö jizal: Gi mönö dölkki wahöta kantri ki mosöta nangi ahuahü gölmege kunbuk lilinggöba anman."

¹⁴Jeikobnönj keunji mewö jiiga Reizöl aka Lea yetköñ kewö melenj wangiba jiyohot: "Iwinirangö mire börösamotkö bahönji kun mi nengöreñ qahö toroqeba tatza. ¹⁵Yañön azi netkiiga söngöröniran kaiga mi nanñangörök memba gil teköyök. Miangöra niri mönökian tandök ak netkiiga mala korit. ¹⁶Miangöra Anutunönj iwinirangö kambuneyök sukinap öroyuai könjörata wangiri sehiyöhi, mi pakpak mönö ölña nanine aka nahönböaturupnini nengö buñaya akza. Miangöra Anutunönj jim kutum gihiyöhi, göñön mönö mi pakpak tem köla wuatangöman."

¹⁷Mewö jiyohotka wahöta mem mözözöm aka anömmoröurupñi kököbihim enggiiga kamel qakñine öngöget.

¹⁸Mirigö sömbup kambunji pakpak közöl enggiiga mutuk anget. Sukinap yuaiñi (merömbunji) pakpak

Mesopotemia (Padan Aram) gölmenönj mala miwikñaim sehiyöhi, mi körebörek kölolohoba iwinji Aisaköreñ anbingöra Keinan gölmenönj göröken anget. ¹⁹Nalö miangöreñ Labanönj lama jupñini mitimangö aniga Reizölnönj iwinangöreñ miri domlopionj morörökñi yongorö meyök. ²⁰Yongorö meiga Jeikobnönj toroqeba yöwönji Aram azi Laban i kewö tilipköm wangiyök: Anbingö keunji mi qahö jii mörökmö, mönö ölöñ mosöta anget. ²¹Mewö ölöñ angetka kamel yeñön öroyuaiñi pakpak mem bisiget. Anda Yufreitis o kutuba Gilead gölme kundunambuk miangöreñ göröken anget. Mewö.

Labanönj Jeikob wuatangöba anök.

²²Angetmö, silim karöbut aiga miangöreñ keu kewö jigetka Labanönj mörök, "Jeikobnönj mönö tököba ölöñ köla anök." ²³Mi möta wahöta tinitosolom aziurupñi engömembra wehön 7:gö dop enguatangöba anda mala Gilead gölme kundunambuk miangöreñ miwikñaiiba engömeget. ²⁴Engömembra sunjem miangöreñök Anutunönj Aram azi Labangöra gaunönj asuhuba keu kewö jii mörök: "Göñön Jeikobköra kötumötuet me qesuk keu kun jibanbuköra mönö möt kutuba galöm mem anguman." ²⁵Engömegetka Jeikobnönj opo seri koumñi Gilead gölme kundunambuknönj mörörengöba kuñguiga Laban aka aziurupñi yeñön mewöyök opo seri koumñini miangöreñ kuñguba ahöget.

²⁶Ahöba wahöta qingñi Jeikobköreñ anda kewö jii mörök: "Gi mönö wani kimbua ak niñginönje? Gi tilipköm niñgizan. Kerök yeñön yarö gila ambi yongorö örömakzei, mönö miangö tandök nöngö böratyahötni ölöñ etkuangita kanön. ²⁷Gi wuanöngöra isimkakalek ak niñgiba ösumok ölöñ köla nömosöta kanön? Gi mönö wuanöngöra keu kun qahö jinönj mötpi lanj kanön? Mi mötpileñak ewö, nöñön ölop liñet gwawet albi kömam köla gita kulele qegetka sösongai qakñe gumbulbi könanönj kabeak.

²⁸"Mi mötpileñak ewö, mönö ölop isiurupni aka böratyahötni numbunini yöhötim nembra yaizökzökñini jibileñak. Gi mönö uruqahö kimbua aknönj. ²⁹Nönön kukösumnambuk kaba ölop ayuhum gihibileñakmö, sunjem ahöbiga iwigahö Anutuñan keu kewö jii mötzal: 'Göñön Jeikobköra kötumötuet me qesuk keu kun jibanbuköra mönö möt kutuba galöm mem anguman.' ³⁰Miangöra muat, nangi iwigahö miri gölmeñe lilingömangö urusihimgi ketanji möta malagun lök mosöta könanönj kaba maljan. Miangöra ölop anmanmö, nöngö domlopionjurupni mi mönö wuanöngöra yongorö memba kanön?"

³¹Labanönj mewö jiiga Jeikobnönj kewö melenj wangiyök: "Göñön böratyahötki yarö ösum qakñe noangitpanbukö mötmöriba keñgötni möta ölöñ köla kain. ³²Kainmö, kunñan domlopionjurupki meiga miwikñaimani, i ölop qenönnga kömuma. Öroyuai pakpak memba maljali, mi ölop tinitosolomurupniri yeñgö jeñine ek kewöta kinda göhöreñ yuaigi kun miwikñaiiba eka mi ölop meman. "Jeikobnönj mewö jiyökmö,

† 31.13 Jen 28.18-22

anömñi Reizölnön domlopion mi yongorö meyöhi, apñan mi qahö mörohangöra mi tönpin jiyök.

³³ Mewö jiiga qingini Jeikobkö opo seri kounñe öngöba qezanña jaruba Leagö opo seri kounñe öngöba toroqeba welen ambiyahöt mietkö opo seri kounñe öngöba qezanña jaruba yuai kun qahö miwikñaiyök. Leagö kounñi mosöta miangö andöñe Reizölgö kounñön öngöyök. ³⁴ Öngöyökmö, Reizölnön domlopionurup mi memba gösönön löngöta kamel qakñe tatatkö dum uruñe ala qakñe öngöba qelanjim engiba tarök. Mewö tariga iwiñan opo kounñangö uruñi körek qezanñökmö, mi qahö miwikñaiyök.

³⁵ Reizölnön iwiñi kewö jii mörök: “Ketanamni, ni köiñnön nehiga tatzalangöra aka göhö jemesoholge ölop qahö wahötмам. Miangöra uruñön kude möt niñgiman. “Mewö jiiga miriñangö domlopionurupñi miengöra jaruyökmö, mi qahö miwikñaiyök.

³⁶ Qahö miwikñaiiga kinda Jeikobnön irimñi seholiiga tembula Laban kewö jim wañgiba qesim wañgiyök: “Nöñön wani könaya ak siñgial? Mönö wani silik bölöñi ak gihialangöra kahasililñnön böroñan suhum niñgizan? ³⁷ Nöñgö sukinapni pakpak qezan teköbagun mönö wanat yuaia kun miwikñainöñga nangi mirigahö buñaya akawak? Mi ölop memba yuhu kaba tinitosolomurupñi yengö jeñine alnön eketka sutnire keu lömböt ahöiga mi kewöta jim teköba mindingöm netkime.

³⁸ “Nöñön göbuk lök yambu 20 mala koral. Nalö miangö uruñe nupki membiga göhöreñ lama aka meme (noniñ) yeñön morö membingö pömsöm qahö qegetmö, ölopñanök ahumsehip aka malget. Mewöyök lama aziñi kun göhö sömbup kambunöhök qahö qem Neal.

³⁹ Nalö tosatñe sömbup kalñan lama qeba yöhöqöhötüyöhi, mi qahö memba kaba gihiba malalmö, miangö kitipñi mi nani kambunöhök memba salupñe ala malal. Lamagi sunñemñe me asakñe yongorö memba malbeahi, mi töndup miangö salupñi al-mamgö jimkutukutu alnöñga mi wuatangöba malal.

⁴⁰ “Silimnön miri könöñan nohotiriiga sunñemñön amötñan nuñguiga sanñenñi möta malal. Nalö gwöt-puk gaun guli mem niñgiiga malal. ⁴¹ Yambu 20:gö dop mewö göhö mire mala kotpi teköza. Yambu 14 mi böratyahötki etkömamangöra welen qem gihiba malal. Miangö andöñe yambu 6 mi lama bulmakau miwikñaimangöra göhöreñ nup memba malal. Mewö malalmö, göñön nup memegö töwani mi sömañi 10:gö dop utekutek ala malnön.

⁴² “Asani Abrahamgö Anutuñi iwini Aisaknön waikñi memba möpöseimakzawi, yañön andöñe awörök qahö aka kötöngöm niñgibawak ewö, göñön mönö börobörak melaim niñginöñga köna anbilanñak. Mewö ak niñgibanakmö, Anutunön nöñgöreñ sihimbölo kahasililñ möriga nup böronan sileqeqe aka memba malali, mi eka merak sunñem nöñgö keuni kewöta jim teköiga mötzan. “Mewö.

Jeikob aka Laban yetkön jöhöjöhö ahot.

⁴³ Jeikobnön mewö jiiga Labanön kewö melen wañgiyök: “Ambi yahöt ki mönö nöñgö böratyahötña.

Yetkö nahönböratuñurupñi mi nöñgöreña. Lama bulmakau kambuñi kambuñi ki mi nöñgöreña. Yuai pakpak ki ekzani, mi körek nöñgö buñayök akza. Mewömö, muat nöñön merak böratyahötñi ki aka nahönböratuñurupñi engömeyohori, yeñön anmegö keuñi jigetka mi qeapkömamgö lömbörizal. ⁴⁴ Miangöra ölop kaba gou köl anguba sutnire jöhöjöhö ak-it. Mi qendenbitpuköra mötmörim netkiba dangunu ewö sutnire ahöma.”

⁴⁵ Mewö jiiga Jeikobnön köt kun memba kuñguiga timbetuat ewö dangunu jaböññi aka kinök. ⁴⁶ Miangön kiniga Jeikobnön tinitosolomurupñi yengöra köt memba tokomegöra jiyök. Mewö jiiga köt memba qaknön qaknön ala tokoget öngöiga miangö kösutñe nene lömbuan ohoba neget. ⁴⁷ Labanön köt kambu miangö qetñi Jegar Sahaduta qeri Jeikobnön qetñi Galed qerök. †

⁴⁸ Mewö qerohotka yöwöñan qingini Jeikob kewö jii mörök: “Köt kambu ki mönö merak netkö sutnire dangununira ahöma. “Miangöra Jeikobnön miangö qetñi Galed qerök. ⁴⁹ Labanön keu toroqeba kewö jiyök: “Kembunön mönö denña malbiri, nalö miangöreñ sutnire jeñan netkek tiba galöm mem netkiba malma. “Miangö dop gölme miangö qetñi kun Mizpa qerök. (Mizpa Galöm meme miri köröñi.)

⁵⁰ Labanön keu mi toroqeba kewö jiyök: “Göñön böratyahötñi öröm ureim ak etkiman me toroqeba kakasun ambi tosatñi engömeman ewö, mönö keu ki möta malman: Gölme azi kunñan kösutnire qahö mala netkehiga Anutunön mönö töndup ölop netkeka sutnire jöhöjöhö ahözawangö keuñi mi nañgöba jiba malma.”

⁵¹ Mewö jiba kunbuk toroqeba kewö jiyök: “Qingini mötnön, köt kambu ki aka mötök ki kuñguzali, mi-etkön mönö netkö sutnire dangunu ewö tat öngömahot. ⁵² Köt kambu ki mönö dangununira aka tat öngöma aka mötök ki mi mewöyök dangununira aka tat öngöma. Mietkön jöhöjöhönirangöra kewö mötmörim netkiba tat öngömahot: Nöñön mem bölim gihi-mamgö möta köt kambu ki qahö ongita göhöreñ kamam. Göñön mewöñanök mem bölim niñgimangöra möta köt kambu aka mötök ki qahö etkongita nöñgöreñ kaman. ⁵³ Abraham, Nahor aka yetkö iwiñi yengö bemñi Anutu yañön mönö keu sutnire asuhuiga mi kewöta jim teköm netkima. “Labanön mewö jiiga Jeikobnön keu mi jöhöba Anutugö qetñe jöjöpañ keunön jim köhöiyök. Iwiñi Aisaknön Anutu miangö waikñi memba möpöseiba malök.

⁵⁴ Jeikobnön mewö aka gölme kundunñe sömbup qeba miangön jöwöwöl ohoba tinitosolomurupñi öröm engiiga lömbuanñön kaget. Kaba nene memba sunñem liñet unduba kundunñe miangöreñ ahöget. ⁵⁵ Ahögetka miri asariiga Labanön söñanök wahöta isi-urupñi aka böratyahötñi numbuñi yöhötim memba kötuatköm engiba yaizözköñi jiyök. Mi jiba engömosöta liliñgöba miriñe anök. Mewö.

† Dangunu köt kambu mi Hibru keunön Galed aka Arameik keunön Jegar Sahaduta.

Jeikobnön Isobuk aitonögöbitkö jörömqöröm ahök.

32 Yöwöñan aniga Jeikobnön mewöyök könanön aniga Anutugö garataurupñi tosatñan miwikñaim wañgiget. ² Miwikñaim wañgigetka engeka kewö jiyök: "I Anutugöreñ yarö kambuya akze. "Miangö dop gölme miangö qetñi Mahanaim (yarö kambu yahöt) qerök.

³ Jeikobnön könanön anda mala kolek aziurupñi tosatñi mutuk melaim engii Edom kantrigö gölme qetñi Seir miangöreñ datñi Iso ekingöra anget.

⁴ Melaim engiba kewö jim kutum engiyök: "Iñini mönö anda dat kembuni Iso kewö jigetka mötma: 'Ketanamni mötnön, ni welen azigi Jeikob. Ni ehoniri Labanbuk mala kota mal teköba nalö kewöñe i mosöta kazal.

⁵ Miangöreñ mala bulmakau, donki, lama, meme (noniñ) kambuñi kambuñi aka welenqeçe ambazip miwikñaiba engömembra könanön kazal. O azi kembuni, nöñön göhö jege ak-kömukömu miwikñaimamgöra möta keu buzupni ki mutuk albi göhöreñ kaza."

⁶ Mewö jim kutum engiiga anda lilingöba kaba kewö jigetka mörök: "Nini datki Isogöreñ anin. Yanön mönö aziurupñi 400 engömembra könanön kaba göbuk aitonögöbingö jöjöröba malje." ⁷ Mewö jigetka möta awöwöliba köñjiliñ ketanñi mörök. Mewö möta kinda könagesöurupñi yambuk kageri, mi aka lama meme kambuñi kambuñi, bulmakau kambuñi kambuñi aka kamelurupñi mi mendeñ engiiga kambu yahöt aket. ⁸ Kewö mötmörriba mewö ahök: "Isonön kaba yarö gila kambu kun engum ayuhuma ewö, kambu kun yeñön mönö ölop ölöñ köla anbeak."

⁹ Mewö mötmörriba kewö jiba köuluköyök: "O Anutu, asani Abrahamgö aka iwini Aisakö bemñiri, göñön ölop möt niñgiman. Kembu, gi nangok keu kewö jinön möral: 'Gi mönö wahöta nangi gölmenön lilingöba nangi tinitosolomurupki yeñgöreñ anman. Endu anöñga nöñön töhötmörriam gihibiga malman.' Mewö jinön möral. ¹⁰ Mönöwök nani öröpnanök memba Jordan o töwatñi ki kutuba analmö, ölop ahum sehiba merak lilingöba kambu yahöt aka ki kazal. Ni welen azigi etqe-qeñi aka malalmö, göñön töndup keugi pöndañ wu-atangöba ak-kömukömugi pakpak kondel niñgiba malnön. Ni eretñi aka urukalemgi mi buña qem angumamañgö dop qahö aka malal.

¹¹ "Datni Isonön könanön kaba nani, nam aka moröurupñini nini neñguba ayuhum neñgibapuköra nöñön keñgötni mötzal. Miangöra göñön mönö bauköm neñgiba yanğö böröñeyök meköm neñgiman. ¹² †Gi nangok keu kewö jinönğa möral: 'Nöñön töhötmörriam gihiba gwölönarökurupki ahumsehip enggibiga qötöñinan qariba köwetkö sakösiniñ ahözawangö dop akña. Mi gwötpuk ketanñi ahömawangöra aka oyoñoy-onyö dop qahö. Keu mi ölna."

¹³ Mewö köuluköba sunğemñi mi gölme miangöreñ ahöyök. Ahöbagun sömbup kambuñi kambuñi miengöreñök datñi Iso kalem wañgimamgöra sömbup kewö kewöt mendeñ engiba nanñinök al engiyök:

¹⁴ Meme (noniñ) ambiñi 200, aziñi 20, lama ambiñi 200, aziñi 20, ¹⁵ kamel 30 moröurupñini juzunön, bulmakau ambiñi 40, aziñi 10, donki ambiñi 20, aziñi 10.

¹⁶ Kambu mewö mewö kewöt mendeñda kambu nanñök nanñök mi welenqeçeupñi yeñgö böröñine al engiba kewö jii mötket: "Iñini ölop mutuk anda sömbup kambuñi kambuñi kiengö sutñine tiriñ kutuba enguanğita awatañ anme."

¹⁷ Mewö jiba kambu mutukñi anmeañgö galömñi kewö jim kutum wañgiyök: "Könanön angetka datni Isonön miwikñaim engiba kewö qesim gihima: 'Gi dagö welenqeçe azia akzan? Gi denike anmam jiba kaza? Sömbup wösöge anjei, mi dagöreña?' ¹⁸ Mewö qesim ghiiga kewö jiman: 'Mi welen azigi Jeikobköreña. Mi ketanamñi Iso kalem wañgimamgöra al engii kaze. Nanñak mönö andönine könanön kaza."

¹⁹ Mewö jim kutum wañgiba sömbup kambu 2:ñi, kambu 3:ñi aka sömbup kambu tosatñi pakpak yeñgö galömñini andönine kageri, i mewöyök jim kutum engiiga kewö mötket: "Iñini datni Iso miwikñaime, mönö keu tandökñi miyök jigetka mötma." ²⁰ Mewö jim kutum engiba kewö mötmörriyök: "Nöñön esapköba uruñi memba eta ala kalem wañgimamgöra sömbup kambuñi kambuñi melaim engibi mutuk anme. Datnan mi engeka uruñi böñjön köliga amöribawak. Uruñi amöriiga ölop nanak yanğö jemesoholñe ösön anğotpi siñgisöndokni mosöta ala ak niñgibawak. "Mewö mötmörriba toroqeba kewö jiget mötmapkö jiyök: "Göhö welen azigi Jeikobnön mönö andönine ösön kaza."

²¹ Mewö jiba kalemñi al engii mutuk könanön angetmö, nanñak sunğem mi opo koumnön tatmam jiba miangöreñ tarök. Mewö.

Jeikobnön Suep garatabuk aum-mörriyohot.

²² Sunğem miangöreñ Jeikobnön wahöta anömyahötñi, welen ambiyahötñi aka morönahönurupñi 11 mi enguanğiriga anda Jabok o sakñi qöle-qöleleini kutubingö aket. ²³ Enguanğiri o kutuba anda sukinap yuaini pakpak buñanñi ahöyöhi, mi mewöyök memba an teköget.

²⁴ An tekögetmö, Jeikobnön nanñök o likepñe miangöreñ kunbuk tarök. Nanñök tariga azi kunñan kaiga yambuk sunğem aum-mörriba malohotka miri gi-anjiyök. ††²⁵ Azi mianñön luhut al wañgimamgö osiba eka mianğöra Jeikob mi ikinñe qeyök. Qeiga mohotñe aum-mörriba malohotka miangöreñ Jeikobkö ikin sihitñan sulök. ²⁶ Sihitñan suliga azi mianñön kewö jiyök: "Miri gianjimamgö akzawangöra mönö ölop nömosöt-nöñga anmam. "Mewö jiyökmö, Jeikobnön kewö melen wañgiyök: "Ni qahö kötuettöm niñgiman ewö, nöñön mönö gi qahö gömosötpi anman."

²⁷ Mewö melen wañgiiga "Gi qetki niñi?" jiba qesim wañgiiga "Jeikob," jiyök.

²⁸ Mewö jiiga keu kewö jiyök: "Gi Anutu aka ambazip yembuk aum-mörriba mala luhut al enğinön. Mianğöra

† 32.12 Jen 22.17

†† 32.24 Hos 12.3-4

göhö qetki mönö kunbuk Jeikob qahöpmö, Israel qetme. "(Israel Anutubuk aum-möriyök.) †

²⁹ Mewö jiiga kewö jiyök: "Gi ölop qetki qetnonga mötmam. "Mewö jiyökmö, garatanöj mianjön kewö melenj wanjiyök: "Gi denöwögöra nöngö qetnangöra qesizan?" Mewö melenj wanjiba mianjörenj kinda kötuetköm wanjiyök. ††

³⁰ Kötuetköm wanjiiga Jeikobnönj kewö jiyök: "Ni Anutubuk mesohol köl anguba jeni törörök ekzalmö, töndup nehoriiga jebuk maljal. "Mewö jiba mianjöra gölme mianjögö qetnji Penuel qerök. (Penuel Anutugö jemesoholnji) ³¹ Wehön jenan lök koriga Jeikobnönj Penuel gölme mi mosöta onjita kaba ikinji sulöhangöra aka timkorik anök. ³² Azi mianjön Jeikobkö ikin sihit toroqeqenjangö ginimuramnje (bidororo) qeyöhangöra aka Israel könagesö yenjön nalö kewöje mewöyök sömbup nempa mianjörenj ikin sihit toroqeqenjangö ginimuramnji mi tököba qahö nemakze. Mewö.

Jeikobnönj Isobuk aitonjögöyohot.

33 Jeikobnönj jeni uba wahöta Isonönj aziurupnji 400 yembuk mohotje könanönj kageri, mi engehök. Mianjöra nahönböraturupnji mendenj engiba Lea, Reizöl aka welen ambiyahötjni yengö börönjine al enjgiyök.

² Mewö al enjgiba kewö arengöm enjgiyök: Welen ambiyahötjni yetkön nahönböraturupnjiri enjguangita mutuk anget. Yengö andönjine Leanönj nahönböraturupnji yembuk angetka Reizöl aka nahönnji Josef yetkön qöndökni anohot.

³ Saiwanji mewö arengöm enjgiba nanjak yengö wösönjine mutuk anda simin köla gölmenönj bamgöba wahöriga indimnji 7 aiga anda datjangö jemesoholje angörök. ⁴ Angörökmö, Isonönj munji eknamgöra ösumnan kinjingöba kaba suhumgöm wanjiba börönan imbiñe gili geiga numbuñi yöhötüm neiga urusahöt auyohot. ⁵ Isonönj jeni uba wahöta Jeikobkö anöm-moröurupnji engeka munji qesim wanjiyök: "Ki denike yenjön göbuk kaze?" Qesim wanjiiga kewö melenjök: "Anutunönj kalem möriamnji qakñe nahönbörat ki welen azigi ni ninjiyök."

⁶ Mewö melenjiga welen ambiyahötjni yetkön nahönböraturupnjiri yembuk dowe kangota simin köla gölmenönj bamgöget. ⁷ Mianjögö andönje Lea aka nahönböraturupnji yenjön mewöjanök dowe kangota simin köla gölmenönj bamgöget. Tetekönje Josef aka Reizöl yetkön dowe kangota simin köla gölmenönj bamgöyohot.

⁸ Mewö aketka Isonönj kewö qesim wanjiyök: "Azi aka sömbup kambu pakpak könanönj miwikñaim enjgizali, mi könanji denöwögöra melaim enjinönjga kaze?" Mewö qesim wanjiiga kewö jiyök: "O azi kembuni, nöñön mi göhö jege ak-kömükömu miwikñaimangöra aka melaim enjgial."

⁹ Mewö jiyökmö, Isonönj keu kewö jiyök: "O muni, mi nöñgörenj gwötpuk lök dopne ahöze. Mianjöra mi ölop toroqeba nangi buñaya aka ahöma."

¹⁰ Mewö jiiga Jeikobnönj kewö jiyök: "Mewö qahö. Göñön neksihim aka ala ölopñji ak ninjinönjga göhö jemesoholgi ekiga Anutugö jemesoholnji ewö akza. Mianjöra nöñön göhö jege ak-kömükömu miwikñajizal ewö, mönö kalemni ki ölop buña qem anguman.

¹¹ Anutunönj kalem möriam kondel ninjiiga mala kotpiga yuai pakpak osimakzali, mi pakpak ölop ahöm ninjiza. Mewögöra uruölöwak kalemni memba kageri, mi ölop meman. "Mewö jiba kapanj köla malöhangöra Isonönj uruölöwak kalemni mi buña qem anguyök.

¹² Buña qem anguba kewö jiyök: "Mönö ölop mosöta köna anbin. Nöñön köiputñini akiga enjön ölop nömbuk kagetka anbin."

¹³ Mewö jiyökmö, Jeikobnönj kewö jiyök: "Azi kembuni, mötnönj. Nahönböraturupni yenjön ösumnjini eretnji akze aka lama namñi aka bulmakau namñi morönjini juzu enjgimakzei, nöñön mi köyan köl enjgimakzal. Mewö aiga i köna anmegöra wehön mohotkö dop köñöpuk enjguatangöbinak ewö, yenjön mönö ösumnjini eriga kambu körek pakpak kömumbeak.

¹⁴ Mewögöra azi kembuni, gi ölop mutuk anönjga welen azigi nöñön ösönjösönj andöge guatangöba kamam. Sömbup enjguatangöbi wösöne mutuk anmei aka nahönböraturupni ösumninangö dop ösönjösönj kaba mala mala bianj Seir mire ketanjamni göhörenj kangotpin."

¹⁵ Mewö jiiga Isonönj kewö jiyök: "Mewö aiga nöñön ölop aziurupni tosatñi enjgömosötpiga göbuk ösönj kame. "Mewö jiiga Jeikobnönj kewö qesiyök: "Gi mönö wuanönjgöra mewö akanak? O azi kembuni, ni göhö jege ak-kömükömu miwikñajibiga lök dop köl ninjim teköza."

¹⁶ Mewö jiiga Isonönj wehön mianjörenjök lilingöba anda Seir miriñe angörök. ¹⁷ Jeikobnönj Sukot mire anda mianjörenj nanñi miriñi esiba sömbupurupnji yengöra koumñi koumñi qeyök. Mewögöra miri gölme mianjögö qetnji Sukot (Koumkoum) qerakze. Mewö.

¹⁸ Jeikobnönj mewö Mesopotemia (Padan Aram) gölme mosörök. Mosöta kaba Keinan gölmegö taon qetnji Sekem mianjörenj ölopñanök ölüp kangörök. Kangota opo seri koumñi taon kösutñe gölme körönje mörörengöba kunguba tatket. ¹⁹ Opo seri koumñi gölme körönje kunguyöhi, yanjön gölme kitipñi mi Sekemgö iwiñi Hamor yangö nahönurupnji yengörenjök silwö kötnji 100 mianjön bohönji meyök. ²⁰ Bohönji memba mianjörenj jöwöwöl alta kun memba qetnji "El, Israelgö bem Anutunji," mewö qerök. (El bem)

Sekem yenjön Daina mem bölim wanjiget.

34 Leanönj Jeikobkö böratñi Daina meyöhi, yanjön nalö kunönj Keinan ambi seram enjgekñamgöra anök. ² Aniga gölme mianjögö azi kembuñi Hamor yanjön Hiwi könagesögö azia malök. Yangö nahönñi

† 32.28 Jen 35.10 †† 32.29 Kemb 13.17-18

‡ 33.19 Jos 24.32; Jon 4.5

Sekem yañon Daina eka miangöörenök eksihim möta öröba mem bölim wañgiyök. ³ Sekemnönj wölbötñi Jeikobkö börtatñi Dainagöra pöröraköiga jöhöba urukalemñan jöpaköm wañgiba kelök keuñan jiba tu-tuhum wañgiba malök. ⁴ Tutuhum wañgiba mala iwiñi Hamor kewö jii mörök: "Iwini, gi ölop ambi seram ki nöngö anömna akñapaköra keu nup meman."

⁵ Nalö miangöörenj Jeikobkö nahönurupñi yeñon gölme köröñe anda mirigö sömbupurupñini galöm köl engiba malgetka Sekemnönj Daina mem böliiga iwiñi Jeikobnönj börtatñangö keu buzupñi mi mewö mörök. Mi mörökmö, mi mösamböta nahönurupñan mire kañgotmegöra keu bök mamböta tarök. ⁶ Mamböta tariga Sekemgö iwiñi Hamor yañon keu nup memangöra Jeikobköreñ kayök. ⁷ Kaba tariga Jeikobkö nahönurupñan gölme köröñeyök kañgotket. Kañgota miangöörenök yuai asuhuyöhangö kösohotñi mi kewö mötket: Sekemnönj Jeikobkö börtatñi mem böliba Israel könagesö sutñine silik gamuñambuk ahök. Silik mi kude ahakñangö dop ahök. Mi möta uruñinan kömbuhiiga wösöbirik möta urupik aket.

⁸ Urupik aketmö, Hamornönj kewö jii mötket: "Nahöni Sekemgö uruwölbötñangö sihimñi mi engö nenbörtatñiangöreñ mösölatiba tatza. Miangöra ölop jim tekögetka Dainanönj yañgö anömñi akawak. ⁹ Ölop nembuk nenbörtaturupñini utekutek aka anguin anda kaiga malbin. Mewö ölop qenaqena aka malbin. ¹⁰ Mewö aka ölop neñgö sutñine tata malme. Nini gölmenini ki mi qahö angön kölbinmö, inñini ölop miangöreñ lañ anda kaba sihimñiangö dop gölme kitipñi kitipñi buña qem anguba miriñini memba nembuk angumnep-qangumnep aka malbin."

¹¹ Mewö jiiga Sekemnönj Dainagö iwinenurupñi yeñgöra kewö jiyök: "Nöñon engö jeñine ak-kömükömu miwikñaimangö möta qesim engizal. Miangöra i me waigö qesim niñgimei, nöñon mi ölop engimam. ¹² Ambi bohonñi aka kalem memba kaba engimami, miangö qötöñi mi ölop sihimñiangö dop memba öngöme. I me waigö qesim niñgimei, nöñon mi ölop engimam. Keuni kötni ki: Enñon mönö jim teköba nenbörtatñini niñgigetka nöngö anömna akña."

¹³ Sekemnönj nenñini Daina mem böliyöhangöra aka Jeikobkö nahönurupñi yeñon isimkakalek qakñe Sekem aka iwiñi Hamor melerj etkiba ¹⁴ keu kewö jigetka mötket: "Azi kungö silenje Anutugö aiwesökñi qahö yandigeri, nini nenbörtatñini azi mewöñi ölop qahö wañgibin. Mewö ahinga gamumamusumnönj qaknine öngöbapuk. Miangöra nini i wañgibingö osizin. ¹⁵ Inñini silik mohok-kun kewö aketka neñon urumohot akin: Mutuk Anutugö aiwesökñi mi aziurupñini pakpak engö silenje yandiget teköiga nini maljin ewö akñe ewö, mönö nenbörtatñini ölop engibin. ¹⁶ Mewö aketka ölop embuk nenbörtaturupñini utekutek aka anguin anda kaiga malbin. Mewö ölop engö sutñine tata könagesö kambu mohok aka malbin. ¹⁷ Mewö malbinmö, Anutugö aiwesökñi silenje yandibingö urumohot qahö akñe ewö, nini mönö nenbörtatñini wañgita kungen anbin."

¹⁸ Keu mewö jigetka Hamor aka nahönñi Sekem yetköñ keu mewöñi miangöra mörohotka dop kölök.

¹⁹ Mewö mörohotka azi gwabö Sekemnönj iwiñangö saiwaurupñi yeñgö sutñine tosatñi engongita qetbuña ketatñi memba malök. Yañgö urusihimñan Jeikobkö börtatñiangöra gwötpuk ahöyöhangöra aka keu jigeri, mi wuatangömamgö eksekpeksek qahö aka nalö qahö qem körii öngöyök.

²⁰ Mewö aiga Hamor aka nahönñi Sekem yetköñ Sekem taongö azi alaurupñi yembuk keu jibingöra taongö nañgu kösutñe totoko sombemñine anda kewö jiyohot: ²¹ "Azi kienñon nembuk ala ölopñi ak angumakze. Miangöra nini ölop jim teköinga yeñon neñgö gölmenönj tata lañ anda kaba miriñini memba nembuk angumnep-qangumnep aka malbin. Yeñon gölme kitipñi memegöra tiñi gwötpuk ahöza. Nini ölop yembuk nenbörtaturupñini utekutek aka anguin anda kaiga malbin. ²² Nini silik mohok-kun kewö ahinga azi mieñon nembuk malbingö urumohot akñe: Anutugö aiwesökñi mi azi mieñgö silenje yandiget ahözawi, miangö dop mi mutuk körek neñgö silenine mewöyök yandiin teköiga nini ölop yembuk könagesö kambu mohot aka malbin.

²³ "Mewö ahinga yeñgöreñ mirigö sömbup kambuñini aka sukinap yuaiñini pakpak mi mönö nanini buñaya akñe. Miangöra keu jigeri, mi ölop möta imbi kölinga yeñon neñgö sutñine tatat dundumñini miwikñaiiba malme."

²⁴ Mewö jiyohotka taongö kiripo nañguñe kaba tokogeri, yeñon körek Hamor aka nahönñi Sekem yetkö keugöra urumohot aka jigetka Anutugö aiwesökñi mi Sekem taongö azi pakpak yeñgö silenje yandim teköget.

²⁵ Yandim tekögetka wehön 3:ñi aiga miangöörenj uziñiangö sihimbölönji mi tok toroqeba möta tatketka Jeikobkö nahönñi yahöt Simeon aka Liwai, Dainagö nenyahötñi yetköñ bimgö souñiri ketatñi memba taon miangöörenj sangabanga anda tihitñini qahö möta tatketka wölañ bim qeba azi pakpak qaurapañ enguyohotka kömum teköget. ²⁶ Hamor aka nahönñi Sekem mi mewöñanök bimgö sou ketatñan etkuyohotka kömuyohot. Kömuyohotka Sekemgö mireyök nenñiri Daina mi öröba eta wañgita anohot.

²⁷ Mewö ahotka Jeikobkö nahönurupñan Sekemnönj nenñini mem bölim wañgiyöhangöra aka taonönj kiñk-ingöba anda azi qamötñini engeka taongö sukinap yuaiñi kiom qeba yongorö meget. ²⁸ Lama, meme, bulmakau aka donki kambuñi kambuñi aka öroyuaiñini pakpak taon uruñe aka gölme köröñe ahögeri, mi pakpak kalöpköba mem teköget. ²⁹ Sukinap yuaiñini pakpak otongda ambimoröurupñini körek enguangita miriñine yuaiñini tosatñi ahöyöhi, mi mönö kölolohoba kiom qeba yongorö memba tököba anget.

³⁰ Mewö aketka Jeikobnönj Simeon aka Liwai kewö jii mörohot: "Inñiri mewö ahotka kahasililij ketatñangö keuñan mönö nöngö qakne öngöiga malmam. Gölme kiangö tonji Keinan könagesö aka Periz könagesö yeñon mönö kazik möt niñgiba malme. Nöngö kö-

nagesöni nini awamdökni maljin. Miangöra yejön yarö aziurupni tokom engiba qetala bim yarö gil ningime ewö, yejön mönö ölop qaurapan nunguba ni aka könagesöni ayuhum nengime.”

³¹ Jeikobnön mewö jii mörohotmö, yetkön keu kewö jiyohot: “Kunön neנגö nenini köna ketanji ambi tandök ak wangiyöhi, nini mönö miangö likepni melenj engiinga dop kölja. “Mewö.

Jeikobnön Betel ani Anutunön kötuetköm wangiyök.

35 Anutunön Jeikob keu kewö jii mörök: “Gi mönö wahöta Betel mire anda tatat dundumgi mi-wikñaiba miangöreng Anutugöra jöwöwöl alta kun meman. Datki Isogöra ölöng köla anönga Anutunön nalö miangöreng asuhum gihiyöhi, mönö yangöra alta mi meman.” †

² Mewö jii möta Jeikobnön saiwanji aka ambazip pakpak yambuk malgeri, i kewö jim kutum engiyök: “Lopion bem yuai tömbunji sutnjine ahözei, mi mönö qeköba gilget geiga köl könjörat mem anguba silenji sanjon da opo malukunji uteköme. ³ Ni könjilij urunje mala Anutu köuluköbiga melenj niנגiyök aka denike denike anda kaba malali, yanön miangöreng nömbuk mala korök. Miangöra injini mönö kagetka Betel mire anbin. Nöngön miangöreng Anutugöra jöwöwöl alta kun memam.” ⁴ Mewö jim kutum engiiga böröngine lopion yuai tömbunji pakpak ahögeri aka kezapnjine jenjen möndögeri, mi qeköba kölolohoba Jeikob wangiget. Wangigetka anda in ip kun Sekem mire kinöhi, miangö könae gölmenön esim löm kölöc.

⁵ Mewö aka wahöta angetka taonji taonji liliköba tatkeri, Anutunön könagesönjini miengö urunji kunguiga waekanjam möta elemnjini eri Jeikob aka nahönurupji mi qahö enguatangöget. ⁶ Mewö anda mala Jeikobnön könagesönji pakpak yambuk malgeri, mi enguangita Luz mire angotket. Luz qetnji alanji Betel mi Keinan gölmenön ahöza. ⁷ Miangöreng angota Jeikobnön jöwöwöl alta kun meyök. Datnjangöra ölöng köla anöhi, nalö miangöreng Anutunön gölme miangöreng asuhum wangiyök. Miangöra Jeikobnön miri gölme miangö qetnji El-Betel qerök. (El-Betel Betelgö Bemnji.) ⁸ Betel miangöreng malgetka Rebekagö welen ambiñi Debora yanön kömuyök. Kömuiga Betel miri bapne qerema ip kungö könae löm kölget. Jingen qeta sahötkerangöra aka qerema ip miangö qetnji Jingen sahötkö qeremanji mewö qetket.

⁹ Jeikobnön Mesopotemia (Padan Aram) gölmenöhök lilingöba kaiga Anutunön kunbuk asuhum wangiba kötuetköm wangiyök. ¹⁰ Kötuetköm wangiba kewö jii mörök: “Göhö qetki Jeikob (tilipqilip azi) qerakzemö, mewö toroqeba kude qeta malme. Merak könahiba öngöba qetki mi Israel ahöma. “Kembunön mewö jiba qetnji Israel qerök. (Israel Anutubuk aum-möriyohot.) ††

¹¹ Qetnji mewö qeta toroqeba Jeikob kewö jii mörök: “Nöngön Anutu kukösum pakpakö Tonji akzal. Gi ölop ahumsehip aknönga gwölönarökurupki yeנגö qötöninan mönö qarim öngöma. Göhörengök könagesö gwöt-

puk aka könagesö kambunji kambunji asuhume. Gi kinji kinji yeנגö bömön jalönjina aknan. ¹² Nöngön gölme Abraham aka Aisak buña qem etkiali, mi mönö göhö buñaya qemam aka göhö andöge gwölönarökurupki yeנגö buñaya mewöyök aknapköra mi qemam.” †

¹³ Anutunön keu mewö jii möriaga Jeikob mosöta miri miangörengök öngöyök. ¹⁴ Anutunön keunji jii möröhi, Jeikobnön gölme miangöreng mötök köt kun memba wahöta kunguba mi wain o naluknan miriba miangö qakne oil ipkö kelökni moko geyök. ¹⁵ Anutunön yambuk keu jiyöhi, Jeikobnön miri gölme miangö qetnji Betel (Anutugö mirinji) qerök. Mewö. ††

Reizölnön kömuyök.

¹⁶ Miangö andöge Jeikobnön saiwaurupji enguangita Betel miri mosöta anda mala Efrata miri dopdowigetka Reizölgö morö meme nalöngan kam kunguiga masö keta bölöknji qeyök. ¹⁷ Masö qönsihimjambuk ketanjan qeyöhi, nalö miangöreng anjömeme ambinön keu kewö jii mörök: “O Reizöl, kengötki kude mötnön. Gi mönö nalö kewöngewö mewöyök morö azia kun kunbuk meman.”

¹⁸ Mewö jiiga morö memba kömumamgö aka timotnji mem kungui ahöba qetnji miangöra Benoni qerök. (Benoni sihimbölönangö nahöni) Mewö qerökmö, iwiñan qetnji Benjamin qerök. (Benjamin Simbawon nahöni)

¹⁹ Reizölnön mewö kömuiga Efrata köna töwokne Betlehem miangöreng löm kölget. ²⁰ Löm kölgetka Jeikobnön mötök köt kun memba Reizölgö qaksirinön kunguyök. Reizölgöreng mötök köt mi nalö kewöngewö mewöyök toroqeba kinja.

²¹ Mewö asuhuiga Israelnön miri mi mosöta toroqeba anda mala Eder miri †† köröpnangö likepne angota opo seri koumji miangöreng mörörengöba kunguyök. Mewö. ²² ††† Jeikobkö saiwaurupji yejön gölme miangöreng tata mala nahönji mutukni Ruben yanön iwiñangö anömni bohonji qahö memenji Bilha yangöreng anda mohotne ahöyohotka iwiñi Israelnön miangö buzupni mörök.

Jeikobkö nahönurupji

1 Hist.2.1-2

²³ Jeikobkö nahönurupji 12 mi kewö: Leagö nahönurupji Ruben mi Jeikobkö nahönji mutukni. Yangö andöge Simeon, Liwai, Juda, Isakar aka Sebulun.

²⁴ Reizölgö nahönyahötñi qetñiri Josef aka Benjamin.

²⁵ Bilha Reizölgö welen ambigö nahönyahötñi mi Dan aka Naftali. ²⁶ Zilpa Leagö welen ambigö nahönyahötñi mi Gad aka Aser. Jeikobkö nahönurupji mewö mi Mesopotemia (Padan Aram) gölmenön asuhuget. Mewö.

† 35.1 Jen 28.11-17 †† 35.10 Jen 32.28

‡ 35.12 Jen 17.4-8 †† 35.15 Jen 28.18-19 †† der lama kambugö jegalöm meme miri köröpnji ††† 35.22 Jen 49.4

Aisaknõj kõmuyök.

²⁷ †Jeikobnõj anda mala Kariat Arba (qetnji alanji Hebron) miangö kösutnje Mamre mire iwinji Aisakõrenj angorök. Asanji Abraham aka iwinji Aisak yetkõn mutuk gölme miangõrenj kian aka malohot. ²⁸ Iwinji Aisakõ malmal nalõnji mi yambu 180 aiga kõmuyök. ²⁹ Azi namnji aiga yambuñan õliiga nõj qeba kõmumba ambõsakonurupnji yengõrenj toroqeyök. Nahõnyahõtñi Iso (Esau) aka Jeikob yetkõn qamõtñi mi lõm kõlohot. Mewö.

Isogö gwölõnarökurupnji

¹ Hist 1.34-36

36 Iso qetnji alanji Edom yanggö gwölõnarökurupnji yengö qet arenjini kewö: ² Isonõj Keinan ambi karõbut engimeyõhi, miengö qetñini kewö: Ada mi Hit azi Elon yanggö bõratña, Oholibama mi Hiwi azi Zibeongö nahõnnji Ana yanggö bõratña. ^{†3} Basemat mi Ismaelgö bõratñi Nebaiotkõ nenni. ⁴ Adanõj Isogö nahõnnji Elifaz meiga Basematnõj yanggö nahõnnji Reuel meyök. ⁵ Oholibamanõj Jeus, Jalam aka Kora engõmeyök. Isogö nahõnurupnji mewö mi Keinan gölmenõj asuhuget.

⁶ Jeikob aka Iso yetkõrenj mirigö sömbup kambunji kambunji gwõtputuk ahõgerangõra gölme kiana malohori, miangõn qahö dop kõlök. Sukinapñiran keta bölökñi aiga mohotnje tata malbingö osiget. (6) Miangõra Isonõj anõmurupnji, nahõnbõraturupnji aka kõnagesõurupnji pakpak yanggö mire malgeri, mi enguangirök. Mi enguangita lama bulmakau kambunji kambunji, donki kamelurupnji aka sukinap yuainji pakpak Keinan gölmenõj mala miwikñaiyõhi, mi memba munji Jeikob mosõta gölme kunõj anök. ⁸ Iso qetnji alanji Edom yanggõn mewö aka Seir gölme kundunambuk miangõrenj anda malget.

⁹ Isonõj Seir gölme kundunambuk miangõrenj mala Edom kõnagesö yengö bõmõn jalõjini ahõhi, yanggö gwölõnarökurupnji yengö qet arenjini kewö: ¹⁰ Isogö nahõnurupnji yengö qetñini kewö: Anõmñi Ada yanggö nahõnnji qetñi Elifaz. Anõmñi Basemat yanggö nahõnnji qetñi Reuel. ¹¹ Elifazkõ nahõnurupnji 5 mi Teman, Omar, Zefo, Gatam aka Kenaz. ¹² Isogö nahõnnji Elifaz yanggö anõmñi bohõnnji qahö memeni qetñi Timna yanggõn Elifazkõ nahõnnji Amalek meyök. Isogö anõmñi Ada yanggö isi aziurupnji mi mewö. ¹³ Reuelgö nahõnurupnji 4 mi Nahat, Zera, Sama aka Miza. Isogö anõmñi Basematkõ isi aziurupnji mi mewö.

¹⁴ Isogö anõmñi Oholibama yanggõn Isogö nahõnurupnji karõbut engõmeiga qetñini Jeus, Jalam aka Kora qetket. Oholibama mi Zibeongö nahõnnji Ana yanggö bõratñi ahök.

¹⁵ Isogö gwölõnarökurup kambunji kambunji yengö azi kembunjinini mi kewö: Isogö nahõnnji mutukñi Elifaz yanggö nahõnurupnji mi azi kembu qetñini Teman, Omar, Zefo, Kenaz, ¹⁶ Kora, Gatam aka Amalek. Eli-

fazkõ gwölõnarökurupnji azi kembu Edom gölmenõj asuhugeri, mi mewö. Mi Isogö anõmñi Ada yanggö isiurupnji aket.

¹⁷ Isogö nahõnnji Reuel yanggö nahõnurupnji mi azi kembu qetñini kewö: Nahat, Zera, Sama aka Miza. Reuelgö gwölõnarökurupnji azi kembu Edom gölmenõj asuhugeri, mi mewö. Mi Isogö anõmñi Basemat yanggö isiurupnji aket.

¹⁸ Isogö anõmñi Oholibama yanggö nahõnurupnji mi azi kembu qetñini kewö: Jeus, Jalam aka Kora. Azi kembu mi Isogö anõmñi Oholibama, Anagö bõratñi yanggö nahõnurupnji aket. ¹⁹ Iso (Esau) qetñi alanji Edom yanggö nahõnurupnji mewö aka yengö kõnagesõurup mienjgö azi kembunjinini mi mewö.

Seir kõnagesögö qet arenji

¹ Hist 1.38-42

²⁰ Hor kõnagesögö azi Seir yanggö nahõnurupnji mutuk Edom gölmenõj malgeri, yengö qetñini kewö: Lotan, Sobal, Zibeon, Ana, ²¹ Dison, Ezer aka Disan. Seirgö nahõnurupnji mi mutuk Edom gölmenõj Hor kõnagesö yengö azi kembunjinina malgetka Isonõj kõnanjep kayök.

²² Lotangö nahõnyahõtñi yahöt mi qetñiri Hori aka Heman. Lotangö nenni qetñi Timna.

²³ Sobalgö nahõnurupnji qetñini kewö: Alwan, Manahat, Ebal, Sefo aka Onam.

²⁴ Zibeon yanggö nahõnyahõtñi yahöt qetñiri Aia aka Ana. Anagö kõsohotñi kewö: Yanggõn iwinji Zibeongö donkinji gölme qararankõlkõlñe galõm kõl engii nene jaruba negetka miangõrenj o jeni jeni kõnõpñinambuk miwikñaiyök. ²⁵ Anagö nahõnbõratyahõtñi yahöt mi nahõnnji Dison aka bõratñi Oholibama. ²⁶ Disongö nahõnurupnji qetñini kewö: Hemdan, Esban, Itran aka Keran.

²⁷ Ezergö nahõnurupnji qetñini kewö: Bilhan, Zawan aka Akan.

²⁸ Disangö nahõnyahõtñi yahöt qetñiri Uz aka Aran.

²⁹ Hor kõnagesõnji kõnagesõnji yengö azi kembu urupñini yengö qetñini mi Lotan, Sobal, Zibeon, Ana, ³⁰ Dison, Ezer aka Disan. Hor kõnagesõnji kõnagesõnji yengö azi kembu urupñini mi arenjanjgö dop Seir gölmenõj mewö malget. Mewö.

Edom yengõrenj kiñ kembu arenji

¹ Hist 1.43-54

³¹ Israel kõnagesö yengõrenj kiñ kembu kun qahö galõm kõl engiiga qeljine nalõ miangõrenj kiñ kembu kewõnan lõk Edom gölme miangõrenj galõm kõl engiba malget: ³² Beorgö nahõnnji Bela yanggõn Edom yengö kiñ kembunjinini ahök. Yanggö sitiñanjgö qetñi Dinhaba.

³³ Belanõj kõmuiga Bozra mirigö azi qetñi Jobab, Zeragö nahõnnji yanggõn Belagö salupnje kiñ aka malök.

³⁴ Jobabnõj kõmuiga Teman gölmegö azi qetñi Husam yanggõn salupnje kiñ aka malök. ³⁵ Husamnõj kõmuiga Hadad, Bedadkõ nahõnnji yanggõn salupnje kiñ aka malök. Hadadnõj Moab gölmenõj anda Midian azi yembuk yarö gila enguba luhut alök. Yanggö sitiñanjgö

qetnji mi Awit. ³⁶ Hadadnöh kömuiga Masreka mirigö azi qetnji Samla yañön salupje kiñ aka malök.

³⁷ Samlanöh kömuiga Saul yañön salupje kiñ aka malök. Yangö miriñ Rehobot mi Yufreitis o töwatñangö kösutje ahöyök. ³⁸ Saulnöh kömuiga Balhanan, Akborgö nahönñi yañön Saulgö salupje kiñ aka malök. ³⁹ Akborgö nahönñi Balhanan kömuiga Hadarnöh salupje kiñ aka malök. Yangö sitiñangö qetnji mi Pau. Anömñangö qetnji Mehetabel. I Matredgö bōratñi aka Mezahabgö isiñi malök.

⁴⁰ Isogö gwölōnarōkurupñi yengö azi kembu qet arenji mi isikñinañgö dop aka miri gölmeninañgö dop kewö ahök: Timna, Alwa, Jetet, ⁴¹ Oholibama, Ela, Pinon, ⁴² Kenaz, Teman, Mibzar, ⁴³ Magdiel aka Iram. Azi mi Edom könagesögö azi kembu-urupñina malgetka qetjinañgö dop miri gölmeninañgö qetjini qetket. Edom qetnji alañi Iso yañön mutuk gölme memba tata mala Edom könagesögö bōmōñ jalōñi ahök. Mewö.

Josef aka darumunurupñi

37 Aisaknöh Keinan gölmenöh kian aka maliga nahönñi Jeikobnöh miangören toroqeba malök. ² Jeikobkö gwölōnarōkurupñi miengö kösohotñi kewö: Josefnöh azi gwabö yambuñi 17 aiga darumunurupñi, iwiñangö anōmyahōtñi bohōñiri qahō memeri Bilha aka Zilpa yetkö nahōnurupñi yembuk lama aka meme (noniñ) kambuñi kambuñi galōm köl enggiba malget. Mewö mala darumunurupñan silik ak-eri, miangö kösohotñi bölōñi bölōñi mi iwiñangö jii möta malök.

³ Jeikobnöh azi namñi aiga nahönñi Josefnöh asuhuyōhi, miangöra iwiñan i nahōnurupñi tosatñi pakpak engongita uruñan jōpakōm wañgiba malök. Nalō kunöh maluku körōpñi ekjeritñambuk bōrōñi körōpñi mi memba Josef wañgiyök. ⁴ Iwiñan i darumunurupñi pakpak engongita uruñan jōpakōm wañgiba malōhi, yangö darumunurupñan mi eka kōnahiba kazik ak wañgiba yambuk ala-alagö keunji kun qahō er-aurum-mōta malget.

⁵ Sungem kunöh Josefnöh gaun kun eka miangö kösohotñi mi darumunurupñi jiiga mötket. Mi mötketka uruñinan öngōiga kazik gwōtpuk ak wañgiba malget. ⁶ Kösohotñi mi kewö jiiga mötket: "Mötket, ni gaun kun ekzali, mi kewö: ⁷ Nini nupnöh mala wit padi bōranini jōhōbingö tandök akzin. Mewö ahinga nōngören wit padi bōrani miangōñ wahōta kōñgep kini-ga engören bōran miengōñ mönō nōngören bōran lilikōba sökōba kiñje."

⁸ Mewö jiiga möta darumunurupñan Josefkōra kewö jiget: "Gi nēngören kiñ kembuya akanak me? Gi öñga galōm köl nēngimamgōra mötzan me?" Josefnöh gaunñi eka miangö kösohotñi jiyōhi, miangöra yengö uruñinan kunbuk toroqeba öngōiga kazik keta bölōkñi möt wañgiba malget.

⁹ Miangö andōñje gaun kun kunbuk eka miangö kösohotñi darumunurupñi kewö jiiga mötket: "Nōñōñ gaun kun ekiga miangören wehōñ, kōiñ aka señgelau 11 miengōñ nōngōra sipköget."

¹⁰ Kösohotñi mi iwiñi aka darumunurupñi jii mötketka iwiñan tembula kewö jim wañgiyök: "Gi gaun tandökñi mewōñi mi denōwōgōra ekzane? Ni, namgi aka darumunurupki neñōñ mönō denōwō aka göhōren kaba jemesoholge simin kōla gölmenöh bamgōbinak?" ¹¹ †Mewö asuhuiga darumunurupñan uruñinan mututqutut (jelös) möt wañgiba malgetmō, iwiñan keu mi uru könōmñje ali ahōiga mötmōriba malök. Mewö.

Josef bohōñi memba wañgita Ijpt gölmenöh anget.

¹² Nalō kunöh Josefkō darumunurupñi yeñōñ iwiñinañgören lama kambu-urupñi galōm köl enggingōra Sekem miri kösutje anda malget. ¹³ Miangören malgetka Israelnöh Josef kewö jii mörök: "Nahōni, göhō darumunurupkan Sekem kösutje lama kambunini galōm köl enggiba maljei, mi mötzan. Ölöp kanōñga melaim gihibi yengören anman. "Mewö jiiga möta "Ölöp anmam," jiyök.

¹⁴ Jiiga kewö jii mörök: "Gi mönō anda darumunurupki aka lama kambunini enggeka denōwō maljei, miangö keu kösohotñi mi memba lilingōba kaba jinōñga mötmam. "Mewö jii möri Hebron öruerneyök (ruerneyök) melaim wañgiiga anda mala Sekem gölmenöh añgorök.

¹⁵ Sekem gölmenöh añgota gölme körōñje kōna jaruba lañ anda maliga azi kunñan miwikñaiiba eka kewö qesim wañgiyök: "Gi wani yuaia jaruba maljan?"

¹⁶ Qesim wañgiiga kewö meleñnök: "Ni darumunurupni yengōra jaruzal. Yeñōñ denikeangören mala lamaurupñini galōm köl enggizei, mi ölöp jinōñga mötmam."

¹⁷ Mewö meleñniga kewö jiyök: "Yeñōñ lök gölme ki mosōta anget. Dotan mire anbingōra jigetka möral. "Mewö jiiga möta darumunurupñi yengö kōnañine enguatangōba mala Dotan miri kösutje anda miwikñaim enggiyök.

¹⁸ Miwikñaim enggiba kösutjine qahō añgorōkmō, tikep endu kaiga darumunñan i eka tokoba Josef qebingö añgōnañ alget. ¹⁹ Añgōnañ ala nanñinök kewö eraum-mötket: "Eket, gaun ehek azi miangōñ mönō endu kaza. ²⁰ Ayop, mönō kagetka anda qein kömuiga qamōtñi o lömñi kunöh gilin geiga kewö jibin: 'Sōmbup kalñan mönō i qei kōmuyök.' Gaunñangö öñjan denōwō asuhumawi, mi mönō miangö andōñje ekin."

²¹ Mewö eraum-mötketka Rubenöh mi möta Josef bōrōñineyök meköba malmalñi jōhōmamgōra möta kewö jiyök: "I mönō kude qeinga kōmuma." ²² Toroqeba kewö jii mötket: "Sepñi mönō kude mokome. Gölmē qararañkōlkōlñe o löm ki kinjawi, i ölöp miangören gilgetka gemapmō, bōrōñinan mönō yangö silēñje kude misiriba qeme. "Rubenöh Josef bōrōñineyök meköba añgōñ kōla wañgita iwiñangören lilingōba anbitkōra möta keu mewö jiyök.

²³ Mewö jii möta kingetka Josefnöh darumunurupñi yengören kañgorök. Kañgoriga malukuñi körōpñi ekjeritñambuk bōrōñi körōpñi wōta kayōhi, mi lañ örōba

munjurata qeköget. ²⁴ Mi qeköba munjini qeraköba memba anda o lömnöñ gilgetka geyök. O löm mi onj qahöpmö, gwamönña kinök.

²⁵ Mewö aka nene nemingö eta tatket. Eta tata jeni- ni uget aniga Ismael könagesögö kölköl-örörö azi tosatñan Gilead miri mosöta kamelñini totnöñ totnöñ al engiba awatanj kagetka engek. Yeñon kamel qakñine gipmi bakötök, sile mirimirigö kelökñi aka marasin ip tokunji qetñi mör gipit mi algetka bisiba Ijpt kantrinöñ anbingöra kaget.

²⁶ Mewö engeka Judanöñ darumunurupñi kewö jii mötket: "Nini munini qein kömuiga sepñangö keunji köyatiba asambötpin ewö, miañon mönö denöwö bauköm nenngibawak? ²⁷ Yañon nanini munini aka nanini sepkitipnini akzawangöra mönö böröñinan silenje kude misiriba qebinmö, ölop kagetka anda Ismael azi mieñon i söngöröñi memegöra engibin. "Mewö jiiga darumunurupñan mi möta urumohot aka imbi kölget.

²⁸ [†]Mewö aketka Midian gölmegö Ismael könagesögö kölköl-örörö azi mieñon kaba kanjuta engongitpingö aket. Mewö aketka munjini Josef mi o lömnöhök öröget koriga silwö kötnji 20:nöñ söngöröñi memegöra al wangiget. Al wangigetka Ismael azi mieñon i bohonñi memba wangita Ijpt kantrinöñ anget.

²⁹ Angetka Rubenöñ kungenök lilingöba o lömnöñ kaiga Josefnöñ miangörej kunbuk qahö kiniga eka wösöñi juliga wösöbirikñi kondela malukunji munjurarök. ³⁰ Malukunji munjurata munurupñi yeñgörej lilingöba kaba kewö jiyök: "Morö gwabönöñ mönö denike ayapköba sohoza? Ye! Miangö keunjan nöñgö qakne öngögiga mönö denöwö akilenjak?"

³¹ Mewö jiiga meme (noniñ) aziñi kun memba qeget kömuiga Josefkörej malukunji memba meme miangö sepñan kundumgöba membiliget. ³² Membiliba malukunji köröpñi ekjeritñambuk böröñi köröpñi mi memba mire anda iwiñi kondela kewö jiget: "Nini ki miwikñazin. Mi nahöngi Josefköreña me qahö, mi ölop ek kewötman."

³³ Mewö jigetka ek kewöta kewö jiyök: "Ki mi nahönanğörej malukuya. Sömbup kalñi kunñan mönö yaijapaleleñ qei kömuiga gwahörök. Ölna, Josef mi yöhöqöhötiiga boromborom ahök." ³⁴ Mewö jiba amburereñ aka wösöbirikñi kondela malukunji munjurata silenje gölmenöñ membiliba nahöñangö nalö köröpñi jingereñ köla sahöta malök. ³⁵ Mewö maliga nahönböraturupñi pakpak yeñon kaba urukölalep memwangibingö aketmö, yañon mi qetala tököba urukondumök möta kewö jiyök: "Qahö! Nöñon mönö jingereñ köla sahöta mala kömumba uñem mire nahönanğörej gemam. "Mewö jiba Josefköra sahöta malök.

³⁶ Mewö maliga nalö miangörej Midian gölmegö kölköl-örörö azi yeñon Josef wangita Ijpt kantrinöñ angota bohonñi memegöra algetka Farao kingö jembonñi kun qetñi Potifar, kingö malmalñangö sikiriti yeñgö suahö galömñina malöhi, yañon i söngöröñi meiga welenqeqenji omanji ahök. Mewö.

Juda aka Tamar

38 Nalö miangörej Judanöñ darumunurupñi engömosöta yagömanñe Adulam mire geba azi kun qetñi Hira yambuk tata malök. ² Miangörej mala Judanöñ Keinan azi kun qetñi Sua yañgö böratñi eka anömña meiga mohotñe ahöyohot. ³ Mohotñe ahöyohotka anömñan gölöm ala morö nahön memba qetñi Er qerök. ⁴ Mewö qeta kunbuk gölöm ala morö nahön kun memba qetñi Onan qerök. ⁵ Miangö bapñe dumñe kunbuk morö nahön kun memba yañgö qetñi Sela qerök. Morö nahön mi Kezib mire mala miangörej meyök.

⁶ Mewö malgetka Judanöñ nahönñi mutukñi Er yañgöra ambi kun qetñi Tamar wangiiiga anömña ahök. ⁷ Anömña ahökmö, Judagö nahönñi mutukñi Er yañon Kembugö jeñe bölöñi aka memba malöhi, miangöra Kembunöñ jim teköm wangiiiga kömuyök. ⁸ Kömuiga Judanöñ nahönñi Onangöra kewö jiyök: "Gi ölop datkahö malöñi memba qambötñi akzangö köna keunji wuatangöba yambuk ahöba datkahöra gwölöñarök qiwikñaiman."

⁹ Mewö jiyökmö, Onanöñ gwölöñarök mi yañgö buñaya qahö akñawi, mewö möta silik kewö aka malök: Datñangöra gwölöñarök qiwikñaiwapuköra yañgö anöm malöñambuk ahöba malöhi, nalö miangörej nalö dop morö qiwikiwikñaiğö sile onji mi öne gölmenöñ qokoba malök. ¹⁰ Silik mewö aka malöhi, mi Kembugö jeñe bölöñi ahök. Miangöra Kembunöñ i mewöyök jim teköm wangiiiga kömuyök. ¹¹ Kömuiga Judanöñ iranñi Tamargöra kewö jiyök: "Gi mönö iwigahö mire lilingöba anda malöya mala malnongga nahöni Selanöñ qariba ketanji akagun gi gömima. "Keñgötñi kewö mötmöriba mewö jiyök: Selagö datyahötñan kömuyohotka yañon miangö dop mala mewöyök kömumbapuk. Mewö mötmöriba Tamargöra jiiga iwiñangö mire lilingöba anda miangörej tata malök.

¹² Miangörej tata maliga nalö köröpñi teköiga Suagö böratñi, Judagö anömñi yañon kömuyök. Kömuiga jingereñ köla sahöta mali teköiga Judanöñ miri gölme qetñi Timna miangörej azi tosatñan nanñi lamaurupñi yeñgö jupñini mitigeri, i engekñamgöra öngöyök. Adulam mirigö azi alañi Hira yambuk mohotñe miangörej öngöyohot. ¹³ Öngöyohotka Tamargöra buzup kewö jigetka mörök: "Mötnöñ, göhö azi irangan mönö lamaurupñi yeñgö jupñini mitimamgöra aka Timna miri gölmenöñ anja."

¹⁴ Mewö jigetka mörök. Judagö nahönñi Selanöñ lök qariba ketanji aiga töndup i anömñi akñapköra qahö wangiyök. Miangöra Tamarnöñ malö malmamgö malukunji qeköba nörop kawöseññöñ nörop jeni esuhuba turum anguyök. Mewö aka Timna anangö könanöñ anda taon qetñi Enaim miangörej angota kiripo nanju kösutñe tarök.

¹⁵ Tariga Judanöñ kaba eka jemesoholñi esuhuyöhangöra i qahö ek kutuba mi köna ketanji ambia mewö mötmöriyök. ¹⁶ Iranña taröhi, mi qahö möt ku-

† 37.28 Apo 7.9

tuyöhangöra aka köna jitje yangören anda kewö jiyök: "Ölöp kanönga nöñon göbuk ahöbit. "Mewö jiiga möta kewö qesiyök: "Nömbuk ahömanangö töwanji mönö wani yuaia niñgiman?"

¹⁷ Mewö qesiiga kewö jiyök: "Ni nani kambunöhök meme moröñji gwaböñji kun albi göhöreñ kama. "Mewö jiiga kewö qesiyök: "Mi mutuk qahö kaba kañgoriga keugahö ölni akñawangö yuai kun mi niñgiman me qahö?"

¹⁸ Mewö qesiiga kewö jiyök: "Nöñgö keunangö ölni akñawangö yuai kun mi mönö wani yuaia gihibileñak?" Mewö jiiga kewö melenök: "Köpep supapkan qetki mekötahömakzani, mi, miangö kösö wötñji aka öröpki börögan memba kinjani, mönö mia niñgiman. "Mewö melenöña yuai mi wangiba yambuk ahöiga gölöm alök. ¹⁹ Yambuk ahöba wahöta miriñe anda nörop kawösenji luluñda qeköba malö malmangö malukunji mi kunbuk löngöta malök.

²⁰ Mewö maliga Judanöñ nalö kunöñ Adulam mirigö azi alañji Hira melaiba kewö jiyök: "Gi mönö meme (noniñ) moröñji gwaböñji memba anda ambi mi wanginöñga nöñgö keunangö ölni akñawangö yuaiñji mi melen gihiiiga memba kaman. "Nup mewö memapköra Hira melaiba anökmö, Hiranöñ ambi mi qahö miwikñaiyök. ²¹ Qahö miwikñaiiba Enaim azi tosatñji kewö qesim engiba jiyök: "Jöwöwöl jikegö köna ketañji ambinöñ Enaim kiangören köna görañe taröhi, mi denike?" Mewö jiiga kewö melenñda jiget: "Ambi mewöñji kun mi kiangören qahö malök."

²² Mewö jigetka Hiranöñ öne lilingöba Judagören kaba jiyök: "Nöñon anda ambi mi qahö ehal. Miri miangö tonji yeñon mewöyök keu kewö jigetka möral: "Jöwöwöl jikegö köna ketañji ambijnji kun mi kiangören qahö malök."

²³ Mewö jiiga Judanöñ kewö jiyök: "O alani, muat! Yañon yuai mi ölöp memba malma. Yuai kun akirak, mönö gön köl netkigetka gamunöñ turum netkibapak. Nöñon meme moröñji gwaböñji ki mi ölöp albiba anökmö, göñon ambi mi qahö miwikñainöñ."

²⁴ Mewö jiiga köiñ karöbutkö dop teköiga tosatñjan Judagöra buzup keu kewö jigetka mörök: "Göhö irangi Tamarnöñ mönö serowilin aka gölöm ala malja. "Mewö jigetka Judanöñ mi möta Mosesgö köna keugö dop jimkutukutu kewö alök: "I mönö wangita örörahöba könöpnöñ gilgetka geba jema."

²⁵ I wangita örörahöba angetka iranñan Judagöra keu kewö aliga anök: "O irani, yuai kienjö tonjan mönö nömeiga gölöm ala maljal. Miangöra köpep supap ki, miangö kösö wötñji aka öröp ki mönö ek kewöta tonji miwikñaiman."

²⁶ Keu mewö ali aniga möta nanñji yuaiñji mi ek kewöta kewö jiyök: "Yañon keu mi ölna jiza. Nöñon i nahöni Selagö anömñji akñapköra qahö wangial. Miangöra yañon mönö ni noñgita ambi diñdijnji aka keu mi jiza. "Mewö jiba ambi miambuk kunbuk qahö ahöyök.

²⁷ Könañgep morö memangö nalöñan kam kuñguiga morö gösöñangö uruñe siwisiwi azi moröñji yahöt tarohot. ²⁸ Tarohotka morö memangö aiga

kunöñ böröñji suluiga erök. Eriga anjö meme ambinöñ mi eka möt kösö pisikñji pötpöt memba böröñe jöhöba kewö jiyök: "Yañon mutuk asuhuza."

²⁹ Mewö jiyökmö, morö mianöñ böröñji kunbuk öroi öñgöiga alañan mutuk asuhuyök. Yañon asuhuiga anjö meme ambinöñ kewö jiyök: "O mönö mewö aka könañi munjurata asuhuzan. "Mewö jiiga qetñji Perez qetket. (Perez Könañi munjuratza.) ³⁰ Miangö andöñe alañangö böröñe möt kösö pisikñji pötpöt ahöyöhi, yañon asuhuiga qetñji Zera qetket. (Zera pisikñji pötpöt) Mewö.

Josef aka Potifargö anömñji

39 Nalö sutñe miangören Ismael könagesögö kölköl-örörö azi yeñon Josef wangita Ijpt kantrinöñ angota bohonñji memegöra alget. Algetka Ijpt azi kun qetñji Potifar, Farao kingö jembonñji kun aka malmalñangö sikiriti yeñgö suahö galömñjina malöhi, yañon i söñgöröñji meiga welenqeqeñji omanñji ahök.

² Mewö aka maliga Kembunöñ Josefpuk kiniga yuai pakpak aka memba malöhi, miangören mönö töhötmöriam miwikñaiyök. Yañon tonji Ijpt azi yangö mire malök. ³ Mewö maliga Kembunöñ Josefpuk kinda kondot wangiiiga yuai pakpak böröñan memba malöhi, miangöñ mönö töhötmöriamñambuk ahök. Mewö aiga tonjan mi ehök. ⁴ Tonjan mi ehi ölöp dop köliga yangö jene eksihim miwikñaiiga jiiga nanñji malmalñangö galömñji ahök. Potifarnöñ Josef kuñgum wangiiiga miriñangö yuai pakpak galöm köliga sukinap buñañji pakpak yangö böröñe aliga köyan köla malök. ⁵ Miriñangö yuaiñji aka sukinap buñañji mi pakpak Josefnöñ galöm kölmapköra böröñe ala malöhi, Kembunöñ nalö miangörenök könahiba Ijpt azi miangö miri yuaiñji mi Josefköra aka kötuatköba malök. Potifargö miriñe aka nupñe öroyuaiñji pakpak ahöyöhi, mi mönö kötumötuet qakñe ahöyök. ⁶ Mewö ahöiga Potifarnöñ öroyuaiñji ahöm wangiyöhi, mi pakpak Josefkö böröñe al teköba kinda nanñak i me wai miangö waimañatñji kun qahö mörök. Yañon nene nemangöra mohot mötkurumkurum aka malök. Josefkö silenji öndölböndöl qariiga kaisöñgolomñan eksihimñambuk ahöiga malök.

⁷ Mewö maliga nalö tosatñji teköiga Potifargö anömñjan Josef eka eksihimñji möta kewö jiyök: "Gi mönö kanönga nömbuk ahöbit."

⁸ Mewö jiyökmö, yañon mi tököba tonñangö anömñji kewö jii mörök: "Qahö! Mötnöñ, toni nanñak miriñe öroyuai ahözawangö waimañatñji qahö ahakzäpmö, sukinap buñañji pakpak mi mönö nöñon galöm köla malmangöra nöñgö böröñe al teköiga ahöza.

⁹ Mewö ahöiga miri kiangö uruñe i aka ni netkö kukösumniran mönö öröröñ ahöza. Göñon anömñji akzangöra gi angöñ köl niñgiyökmö, yuai tosatñji kun mi nöñgöra qahö angöñ kölok. Miangöra nöñon denöwögöra aka ahakmeme bölöñji kötokñji mewöñji mi aka miangöñ Anutu qetala siñgisöndök akilenak?"

¹⁰ Mewö jii möta keu mewönji mi wehön dop Josefköra jiba malökmö, yanön töndup mi qetala mala yangö ahöahö dumnöy anda yambuk ahöbitkö imbi qahö kölok. Mewö yambuk mohotne malbitkö mewöyök tököyök.

¹¹ Mewö tököba maliga wehön kunön mirigö welenqeceurupnji yengörenök kunnan miri urune qahö maliga Josefnön nupnji jijiñi memamgöra miri urune öngöyök. ¹² Öngöiga ambi mianön Josefkö malukuñe qelanjiba memba kewö jiyök: "Gi mönö kanönga nömbuk ahöbit. "Mewö jiyökmö, Josefnön malukuñi mi yangö böröñe mosöta ölöñ köla diñdingöba sombemñe silene erök. ¹³ Malukuñi yangö böröñe mosöta ölöñ köla sombemñe eröhi, ambi mianön mi ehök.

¹⁴ Mi eka mirigö welenqeceurupnji engoholi kagetka yengöra kewö jiyök: "Mötket, apnan Hibru azi mi wangita mirinine kayöhi, yanön mönö göngönahit ak nenggiba malja. Yanön nömbuk ahöbitköra nöngöreñ kotzapmö, nöñön qet gigilahözal. ¹⁵ Qet gigilahöbiga möta malukuñi nöngö wösöne mosöta ölöñ köla diñdingöba silene geza."

¹⁶ Mewö jiba Josefkö malukuñi kösutne ali ahöi Josefkö toñan lilingöba kamapkö mamböta tari kayök.

¹⁷ Kaiga kösohotnji mewöyöhök jii möriga kewö jiyök: "Hibru welenqece azi mi wangitnöngga nengöreñ kayöhi, yanön mönö nömbuk göngönahit aknamgöra nöngöreñ kotza. ¹⁸ Kotzapmö, nöñön qet gigilahöbiga möta malukuñi nöngö wösöne mosöta ölöñ köla diñdingöba silene geza."

¹⁹ Mewö jiiga Josefkö toñan anömnan kösohot mewö jii möriga kewö jiyök: "Göhö welenqecegan mönö mewö ak niñgiza. "Mewö jii möta irimñi seholiiga urunji könöp jeyök. ²⁰ Urunji könöp jeiga jiiga Josef memba Farao kingö kösö mirinön azi galöm köl enggiba malgeri, mönö kösö miri miangöreñ alget geba ahöba malök. ²¹ Josefnön kösö miri miangöreñ malökmö, Kembunön Josefpuk kinda kötuatköba ak kömum wangiba mali kösö mirigö galöm bohonnan mi eka yangöra eksihim mörök. ²² Eksihim mörohangöra azi pakpak kösö mire tatkeri, mi Josefnön galöm köl enggimapköra yangö böröñe al enggyök. Yuai pakpak miangöreñ aka memba malgeri, mi Josefnön jim kutum enggyöhöngö dop aka memba malget.

²³ Kembunön Josefpuk kinda kötuatköm wangiba kondoriga yuai pakpak aka memba malöhi, mi töhötmöriamñambuk asuhaba ahöyök. Miangöra kösö mirigö galöm bohonnan Josefnön yuai pakpak denöwö galöm köla jim kutum enggiba malöhi, miangö waimanjatni kun qahöpmaöhöp möta malök. Mewö.

Josefnön azi yahöt yetkö gaunñirangö könani jiyök.

40 Nalö tosatni teköiga Ijptkö kiñ kumbuñangö wain o qambigö galömñi aka bered ohohogö galömñi yetköñ ketañamñiri Ijptkö kiñi qetala köna siñgiyohot. ² Mewö ahotka Farao kiññön jembonñi yahöt, wain o qambigö galömñi bohonñi aka bered ohohogö galömñi bohonñi yetköra aka irimñi se-

holiyök. ³ Irimñi seholiiga jiiga etkuangita kingö malmalñangö sikiriti yengö suahö galömñinangö kösö mire yangö böröñe al etkigetka geyohot. Josefnön kösö miri miangöreñök malök. ⁴ Sikiriti yengö suahö galömñinan Josef jim kutum wanggiiga i welen qem etkiba malök. Mewö maliga nalö tosatni toroqeba kösö mire malget.

⁵ Mewö mala malgetka Ijpt kingö wain o qambigö galömñi aka bered ohohogö galömñi yetköñ sungem mohot miangöreñök gaunñiri inannök inannök ehot. Gaunñirangö könani mi inannök inannök. ⁶ Mi ehotka Josefnön söñanöhök yetköreñ öngöba etkehi urueret aka bosoliba tarohot.

⁷ Mewö tarohotka Farao kingö jembon yahötñi yetköñ Josefkö ketañamñangö kösö mire yambuk mohotne tarohori, i kewö qesim etkiyök: "Inñiri merak denöwögöra jemesoholñiri wösöbirikjeje uba tatzahot?"

⁸ Qesim etkiiga kewö melenja jiyohot: "Niri nanñök nanñök gauniri ekzitmö, mietkö könani mi danön jii mötpirak?" Mewö jiyohotka Josefnön kewö jiyök: "Anutunön mönö gaungö könani jiji Toñi akzapmö, ölop töndup gaunñiri jiyohotka mötmam."

⁹ Mewö jiiga wain o qambigö galöm bohonnan gaunji ehöhi, miangö kösohotnji mi Josef kewö jii mörök: "Nöñön gauni urune wain ip kun mi nöngö wösöne kiniga ekzal. ¹⁰ Wain ipkö böröñi karöbut kingetka könahiba söñi jula kota kuñguzawi, nalö miangöreñök jurani kota tuliga kanñeni kanñeni asuhaba öligetka öñangö köñi pisihi. ¹¹ Pisihiyetka ni Farao kingö qambiñi mi börönan memba kinda öñangö köñi memba mözöhöbiga onji Farao kingö qambiñön geiga kingö böröñe aljal."

¹² Mewö jii möta Josefnön kewö jii mörök: "Gaungahö könani mi kewö: Ip böröñi karöbut mi wehön karöbutkö söpsöpñi akza. ¹³ Wehön karöbut teköiga Farao kiññön göhö nöropki mem wahöta pösat gihiba kunbuk nupke al gihima. Gi mutuk yangö wain o qambigö galömña mala qambi Farao kingö böröñe ala malnöñi, miangö dop mönö kunbuk aka malman.

¹⁴ Mewö malmanmö, sösongai qakne malmani, nalö miangöreñ mönö ni mötmöriiba ak kömum niñgiba nöngö kösohotni Farao kingöra jinöngga mötma. Mewö aka bauköm niñginöngga kösö miri ki mosöta etpileñak. ¹⁵ Mötnön, ni Hibru könagesögö gölmenöhök ösum-mumu qakne yongoro noangitketka kaba kiangöreñ mewöyök yuai bölöñi kun kösö miri kiangö dutne al niñgigerangö dop mi qahö ahal."

¹⁶ Josefnön mewö jii möriga bered ohohogö galöm bohonnan alañangö gaunñangö könani ölopñi jim asariyöhi, mi eka kewö jii mörök: "Nöñön mewöyök gauni ekiga miangöreñ bered könde karöbut nöngö nöropne kunduta kazal. ¹⁷ Kaba könde qakne eu tatzawi, miangöreñ bered yuai nahömñinambuk könani könani Farao kingöra ahözapmö, neiñi neiñi yanön kanñegota könde kunduta kazali, miangöreñök mi nem teköze."

¹⁸ Mewö jii möta Josefnöŋ kewö melenŋa jiyök: “Gaungahö könaŋi mi kewö: Könde karöbut mi wehön karöbutkö söpsöpŋi akza. ¹⁹ Wehön karöbut teköiga Farao kiŋnöh jiiŋa liŋgipnöh geriba qetohom gihiba nöropki aka qamötki mem wahöta ipnöh möndögetka neiŋi neiŋi yeŋön kaŋgota busugi nem teköme.”

²⁰ Mewö melenŋa jiiŋa wehön karöbut teköiga Farao kiŋgö ahuahu nalöŋan kam kuŋguiga jembonurupŋi pakpak i nene lömbuanŋ ohoba engiyök. Mi ohoba engiba wain o qambigö galöm bohonŋi aka bered ohohogö galöm bohonŋi yetkö nöropŋiri mi jembonurupŋi yeŋgö jeŋine memba wahörök. ²¹ Wain o qambigö galömŋan mutuk nupŋi memba malöhi, mi toroqeba memapköra kuŋgum waŋgiiga dumŋe kunbuk qambi mi Farao kiŋgö böröŋe ala malök.

²² Mewö malökmö, kiŋnöh bered ohohogö galöm bohonŋaŋgö keuŋi jim teköiga Josefnöŋ gaunŋiraŋgö könaŋi jii mörohoranŋgö dop i liŋgipnöh eriba qetohoba nöropŋi aka qamötki mi mem wahöta möndöget.

²³ Mianŋgö andöŋe wain o qambigö galöm bohonŋan Josef qahö mötmörim waŋgiyökmö, i ölum qeiga laŋ malök. Mewö.

Kiŋnöh gaunŋi ehiga Josefnöŋ könaŋiri jim asariyök.

41 Yambu yahöt teköiga Farao kiŋnöh gaun kun kewö ehök: Yeŋön Nail o töwatŋaŋgö göräŋe kiniga ² bulmakau döŋŋi 7 ölop sorokŋi kelök busuŋi-nambuk mi o töwatŋi mianŋgöreŋök kota jejepözan sutŋine kinda tembam keuqan neget. ³ Mienŋgö andöŋine bulmakau tosatŋi 7 sihitqarambuŋinanök kaisongolomŋini piromŋi mi o töwatŋi mianŋgöreŋök kota bulmakau mutukŋi mienŋgö kösutŋine anda o töwatŋaŋgö göräŋe kinget. ⁴ Bulmakau piromŋi sihitqarambuŋinanök mienŋön bulmakau döŋŋi ölop sorokŋi kelök busuŋinambuk 7 mi gwahöt engiget. Farao kiŋnöh gaun mi eka mianŋgöreŋök imbiŋi möta wahörök. ⁵ Wahöta gaunŋaŋgö kunbuk möta gem anda ahöba gaun kun kewö ehök: Wit padi ip mohotkö kembraŋe ölni kötŋi ketanŋi ketanŋi kaŋgeŋinambuk 7 ölop kötökŋi mi loŋkam gili eta kinget.

⁶ Mienŋgö andöŋine ölni kaŋgeŋinambuk 7 mi kunbuk loŋkam gili eta kingetka gölme qararaŋkölkölnaŋgö luhut könöpŋan mi engohotiriiga soholiba gilipitŋi (ambetakŋi) aket. ⁷ Ölni morömorö kaŋgeŋinambuk mi ölni kaŋgeŋinambuk kötŋini ketanŋi ketanŋi kuŋgukuŋguŋi mi gwahöt engiget. Farao kiŋnöh mianŋgöreŋök imbiŋi möta wahöriga ölni qahöpmö, mi gauna ahök. ⁸ †Miri asariiga Farao kiŋnöh gaunŋaŋgö mötkurumkurum möta Ijpt kantrigö tiripqözölpqözöl aka mötkutukutu azi pakpak öröm engii yanŋgö jemesoholŋe kaŋgotket. Kaŋgotketka gaun ehöhanŋgö kösohotŋi mi jii mötketmö, körek yeŋön gaunŋaŋgö könaŋiri mi Farao kiŋgöra jim asaribingö osiget.

⁹ Osigetka wain o qambigö galöm bohonŋan kinda Farao kiŋ kewö jii mörök: “O kiŋ, nöŋön köna ŋiŋgiali, mianŋgö keuŋan dölkü urune kaŋgoriga mötmörizal. ¹⁰ Nalö kunöh Farao kiŋnöh jembonurupŋi nenŋöra

aka irimŋi seholiiga nömemba malmalŋaŋgö sikiriti yeŋgö suahö galömŋaŋgö kösö mire al niŋgiyök. Ni aka bered ohohogö galöm bohonŋi mi nömbuk nanŋi kösö miriŋe al netkiiga tarit.

¹¹ “Mianŋgöreŋ tata mala netkön suŋgem mohot mianŋgöreŋök gauniri inanŋök inanŋök ehit. Gauniraŋgö könaŋi mi inanŋök inanŋök. ¹² Gauniri ekziga Hibru azi gwabö kunöh mianŋgöreŋ netpuk malök. Yeŋön sikiriti yeŋgö suahö galömŋaŋgö welenqeqeŋi maliga niri gauniri yanŋgöra jizi mörök. Yeŋön gauniraŋgö könaŋiri mi inanŋök inanŋök jim asarim netkiyök. ¹³ Könaŋiri jii möriŋaŋgö dop ölni mönö törörök kewö asuhuyök: Nöŋön nupni mutuk memba malali, Farao kiŋnöh ni nup mianŋgöreŋ kunbuk al niŋgiyökmö, alani bered ohohogö galömŋaŋgö keuŋi jim teköiga liŋgipnöh eriba qetohoba nöropŋi aka qamötki mi mem wahöta möndöget.”

¹⁴ Mewö jiiŋa Farao kiŋnöh möta Josefnöŋ jemesoholŋe kaŋgotmapköra jim kutuba tosatŋi melaim engiiga anda kösö mirigö dutŋeyök zilaŋ waŋgita kaget. Kagetka jiiŋa nörop jupŋi mitigetka opo malukuŋi uteköba Farao kiŋgö jemesoholŋe kaŋgorök. ¹⁵ Kaŋgoriga Farao kiŋnöh Josefköra kewö jiyök: “Nöŋön gaun kun ekiga köreŋan mianŋgö könaŋi jibingö osizemö, kunöh göhö könagi kewö jiiŋa mötzal: ‘Kunŋan göhöra gaunŋi jii möta göŋön mianŋgö könaŋi ölop jim asarimakzan.’”

¹⁶ Mewö jiiŋa Josefnöŋ Farao kiŋgöra kewö melenŋ waŋgiyök: “O Farao kiŋ, nöŋön qahöpmö, Anutunöh mönö gaungahö könaŋi jim asariba keu ölopŋi gihiiga urugan ölowakŋa.”

¹⁷ Mewö melenŋ waŋgiiga Farao kiŋnöh kewö jiyök: “Nöŋön gauni ekzali, mianŋgö uruŋe nanak Nail o töwatŋaŋgö göräŋe kinjal. ¹⁸ Mianŋgöreŋ kinbiga bulmakau döŋŋi 7 ölop sorokŋi busuŋini kelökŋinambuk mi o töwatŋi mianŋgöreŋök kota jöjöpözan sutŋine kinda tembam keuqan neze. ¹⁹ Mienŋgö andöŋine bulmakau tosatŋi 7 sihitqarambuŋinanök kaisongolomŋini piromŋi kötökŋi mi o töwatŋi mianŋgöreŋök kotze. Nöŋön bulmakau bölöŋi kötökŋi mewöŋi mi nalö kunöh Ijpt gölme pakpak kianŋgöreŋ qahö enggehal. ²⁰ Bulmakau sihitqarambuŋinanök kaisongolomŋini piromŋi mienŋön bulmakau döŋŋi busuŋini kelökŋinambuk 7 mutuk kotzei, mi gwahöt enggize.

²¹ “Mi gwahöt enggizemö, mi töndup kaisongolomŋinan gwahöt enggizeanŋgö dop utekutek qahö aiga enggekzalmö, mutuk kaisongolomŋinan piromŋi kötökŋi kota kinjei, yeŋön mewöŋanök tok kinje. Ni gaun mewö eka imbini möta wahötzal. ²² Wahöta kunbuk ahöba gaun kun kewö ekzal: Wit padi ip mohotkö kembraŋe ölni kötŋi ketanŋi ketanŋi kaŋgeŋinambuk 7 ölop kötökŋi mi loŋkam gili eta kinje.

²³ “Mienŋgö andöŋine ölni kaŋgeŋinambuk tosatŋi 7 mi sötni jula kota loŋkam gili eta kingetka gölme qararaŋkölkölnaŋgö luhut könöpŋan mi engohotiriiga soholiba moröŋi aka gilipitŋi (ambetakŋi) akze. ²⁴ Ölni morömorö gilipitŋi kaŋgeŋinambuk mi ölni kaŋgeŋinambuk ölop sorokŋi mi gwahöt enggize. Nöŋön gaun

yahöt mi eka tiripqözölqözöl aziurupni jibi mötzemö, yeñon körek mietkö könajiri jim asarim niñgibingö os-ize.”

²⁵ Farao kiñnön mewö jiiga Josefnön keu kewö jiyök: “O Farao kiñ, göhö gaunyahötki mietkö könajiri mi mohok akza. Anutunön yuai könangep akñamgö mötzawi, yañon mi Farao kiñ göhöra indelja. ²⁶ Bulmakau dömnji 7 ölop sorokni mi yambu 7:gö söpsöpni akze. Wit padi ölnji kañgeninambuk ölop kötökni 7 mi mewöyöhök yambu 7:gö söpsöpni akze. Könajiri mi örörön aka mohok akzahot.

²⁷ “Bulmakau sihitqarambuñinanök kaisongolomñini piromni 7 könangep kotzei, mi yambu 7:gö söpsöpni akze. Wit padi ölnji kañgeninambuk 7 gölme qararañkölköñangö luhut könöpñan engohotiriiga soholiba gilipitni (ambetakni) akzei, mi bödi (buöro) malalgö yambu 7 miangö söpsöpni akze. ²⁸ Anutunön yuai könangep akñamgö mötzawi, yañon mi göhöra indela kondelja. Farao kiñgöra keu dölki mewö jizali, mi mönö mewögöra aka jizal. ²⁹ O kiñ, yambu 7:gö dop nene möriam keta bölökni asuhuba Ijpt gölme pakpak dop köla ahöma.

³⁰ “Mi ahömapmö, yambu 7 miengö andöñine bödigö yambu 7 asuhuba ayuayuhu ketanji kondoriga Ijpt kantrinön bölima. Miangön asuhuiga nene möriam mutuk Ijpt gölmenön ahöyöhi, mi gölme dop yeñon ölum engum teköma. ³¹ Bödi mi köhöikni kötökni ahömawangöra aka gölme dop ambazip yeñon nene möriamgö yambuñi 7 mutuk Ijpt gölmenön ahöyöhi, miangö keuñi mi kunbuk qahö möta malme. ³² Anutunön gaun könaji mohot mi indimni yahöt gihii ekzani, mi könaji kewögöra: Anutunön keu mi lök jöhöba jim köhöiba alök. Mi jim köhöiba alöhi, miangöra miangön mönö zilarñ asuhuma.

³³ “Miangöra Farao kiñ göñon ölop mötkutukutu azi kun keu törörök kewörakzawi, mi möwölöhöba kuñgunönga Ijpt kantri ki galöm köla malma.

³⁴ Mewöñanök kiap bohonni bohonni kuñgum enginönga gölme dop köla galömñina malme. Yeñon nene möriamgö yambuñi 7 miengö uruñine nene ölnj-nambuk Ijpt gölmenön asuhumei, miangöra jiiga mendengetka bahöñini 5 asuhugetka miengöreñök mohot mohot memba gawmangö köwenön tokoba malme.

³⁵ “Yeñon mönö kinda jimkutukutu algetka yambu ölopni 7 asuhumei, miengö uruñine nene ölnjini körek pakpak tokoba kewöta malme. Mewö aka wit padi mi Farao kiñgö köwe miriñi miriñi miangöreñ qezaköba malme. Mi taon dop gawmangö köwe miriñi miriñi miangöreñ qezaköba galöm köla malgetka könangepkö neneña ahöma. ³⁶ Nene mewö tokoba malmei, mi mönö gawmangö köwe miri dop galöm kölgetka kahaimök ahöiga könangep bödigö yambu 7 Ijpt gölme dop asuhumawi, nalö miangöreñ mi ölop memba mendennda memba malme. Mewö aketka kantrigö könagesö neñon bödi miangö nalöñe nenegö qahö kömumba gororöngöbin. “Mewö.

Farao kiñnön Josef Ijptkö azi kembuya kuñguyök.

³⁷ Josefnön keu mewö jiiga Farao kiñ aka jembonurupni pakpak yeñon areñ miangöra mötket dop köliga sihimni mötket.

³⁸ Mewö mötketka Farao kiñnön jembonurupni kewö jii mötket: “Azi kiangö uruñe bem yeñgö unañan kini maljawi, nini i ewö azi kun ölop qahö miwikñaabin.”

³⁹ Mewö jii mötketka Josefköra kewö jiyök: “Anutunön keu areñ pakpak ki indel gihazawi, miangöra gi ewö mötkutukutu azi keu törörök kewötpawak, mi kun qahö malja. ⁴⁰ Miangöra göñon mönö jakömbuak mirinangö galömni bohonni aka malman. Göñon nöngö könagesöurupni pakpak jim kutum enginönga yeñon mönö göhöreñ keu tem köla keugi bapñe malme. Nöñon jakömbuak dum tatatnön tarakzali, miyök mötmöriba miangöra aka gi gongita ketanjamgi aka malam.” †

⁴¹ Mewö jiba toroqeba kewö jiyök: “Mötnön, nöñon gi Ijpt kantri pakpak kiangö azi kembuya malmangöra kuñgum gihazal.” ⁴² Mewö jiba böro kesötñangö jenjenji miangön supap köpew ewö qetñi mekötahöba malöhi, mi qeköba Josefkö böro kesötñe löngörök. Opo maluku eksihimñambuk opo tuatñan memenji mi löngöt wangiba sorom goulñon memenji kun mi memba Josefkö imbiñe kölok. ††

⁴³ Mewö aka hos kare qetpuk sorokni nanñi karenangö qorembini mi yangöra jim teköiga miangöreñ öngöiga hosnön örogetka anda kaba malök. Mewö anda maliga kiñgö sikiriti yarö azi kunön mutuk anda göda qem wangibingöra kewö qeri qetketka malök: “Kezap! Mönö kesalget!” Mewö ak wangiba Ijpt kantri pakpakö azi kembuya kuñgum wangiyök.

⁴⁴ Farao kiñnön Josefköra kewö jiyök: “Nöñon Farao kiñ akzalmö, Ijpt kantri pakpak kiangöreñ kunñan kun mönö göhö jitki qetala böronji me könaji mi kude mem wahötma.”

⁴⁵ Mewö jiba Josefkö qetñi dölökni (Ijpt keunön) Zafenat-Panea qerök. Mewö qeta Heliopolis taongö jike nup galöm qetñi Potifera yangö boratñi Asenat mi anömña akñapköra wangiyök. Mewö kantrigö azi kembuya aka Ijpt kantri ekñamgöra anda liliköyök.

⁴⁶ Josefnön yambuñi 30 aiga miangöreñ Farao Ijptkö kiñi yangö jakömbuak nupni könahiba meyök. Mi memba Farao kiñgö sitiñi mosöta Ijpt uruñe dop köla liliköba malök.

⁴⁷ Nene möriamgö yambuñi 7 miangö nalöñe gölmenjine nene önöñi qahö asuhum engiyök. ⁴⁸ Nene möriamgö yambuñi 7 kam kuñgugeri, miangö nalöñe Josefnön jiiga nene könaji könaji Ijpt gölme asuhugeri, mi tokoba taonñine dop anda gawmangöra alget. Gölme köröñi taon dop liliköba tat angeri, miangöreñ nene ölni asuhugetka mi memba taonñine dop anda qenjarök köwe miriñine alget. ⁴⁹ Josefnön jiiga wit padiñi padiñi mi qenjarök köwe miriñine önöñi qahö tokoba alget. Mi sakösiñ köwet jitñe ahözawangö dop öngöba kinök. Nene möriam sesegilgil

asuhuba toroqeba ahöyöhangöra nene toruñini mi toroqeba oyoñ bibihigetka lömböriiga osiba mosötket.

⁵⁰ Bödi nalöñan qahö kam kuñguiga qeljine mi-angörej anömñi Asenatnön Josefko nahönyahötñi yahöt etkömeyök. Asenat mi Heliopolis taongö jike nup galöm qetñi Potifera yangö börtatja. ⁵¹ Nahönñi mutukñi asuhuiga Josefnön keu kewö jiyök: "Anutunön bauköm niñgiiga kahasililiñ waimanjatni pakpak aka iwinangö mirigö yuaini pakpak mi lök ölum nuñgui maljali, miangöra. "Mewö jiba nahönñangö qetñi Manase (Ölum nuñguza.) qerök. ⁵² Nahönñi könangepñi asuhuiga Josefnön keu kewö jiyök: "Ni sihimbölonangö gölmeñe malbiga Anutunön ahumsehip niñgizawi, mi-angöra. "Mewö jiba qetñi Efraim qerök. (Efraim Ahumsehip niñgiza.)

⁵³ Nene möriam ketañangö yambuñi 7 Ijpt gölme dop köla kam kuñgugeri, mi ahöm kota teköget. ⁵⁴ Yambu mi tekögetka Josefnön keu jiyöhangö dop bödigö yambuñi 7 mi könahiba kam kuñguget. Bödi mi gölme tosatñi pakpak dop köla asuhuba ahöyök-mö, Ijpt gölmenön nene mi miri dop köweñine ahöyök. ⁵⁵ Ijpt könagesö körek pakpak yeñön könahiba bödi möta Farao kiñgö qeta nene engimapköra uletket. Uletketka möta Farao kiñnön körek yeñgöra kewö jiyök: "Inini mönö Josefkörej angetka yuai mi me mi akñegö jim kutum engimawi, mi mönö tem köla ahakñe." ††

⁵⁶ Bödinön kantri jömukñi dop köla ahöba Ijptkö miriñi miriñi pakpak miengörej toroqeba gwötpuk lömböriyök. Mewö asuhuiga Josefnön jiiga qenjarök köwe miriñi miriñi miengö nañgunini öröba nene mi Ijpt yeñön söngörönji memegöra alget. ⁵⁷ Bödi mi gölme pakpak dop köla lömböriba ahöyöhangöra ambazipnön gölme dop miangörejök Ijpt kaba Josefkörej kangota nene söngörönji memba malget. Mewö.

Josefko daturupñan Ijpt gölmenön anget.

42 Ijpt miangörej nene ahöyöhi, keu mi Keinan gölme miangörej jigetka Jeikobnön möta nahönurupñi kewö jii mötket: "Inini mönö wuanöngöra silekmalak aka kuruk je angetka malje? ² Ijpt miangörej wit padi ahözawi, nöñön keu mewö möral. Nini qahö kömumba malmal toroqeba malbingöra inini mönö wahöta Ijpt geba miangörej nene tosatñi bohönñi memba kagetka namba malbin." †

³ Mewö jii möta Josefko daturupñi 10 yeñön miriñini mosöta nene bohönñi memingöra Ijpt gölmenön anbingö aket. ⁴ Iwiñini Jeikobnön Josefko munñi Benjamingö qakñe ayuayuhu kun öngöbapuköra keñgötñi möröhangöra i daturupñi yembuk qahö melaim wañgiiga anget.

⁵ Keinan gölmenön bödi mi mewöñanök ahöyöhangöra Israelgö nahönurupñi yeñön Keinan azi tosatñan angeri, yeñgö sutñine wit padi bohönñi memingöra mohotñe anget. ⁶ Angetmö, Josefnön Ijpt kantrigö azi kembunini tata malök. Yanñon wit padi

mi könagesönji pakpak yeñön bohönñi memegöra ali-ga yangörej kangota malget. Miangöra daturupñan kageri, yeñön kangota miangörejök yangö wösöñe simin köla gölmenön bamgöget. ⁷ Mewö bamgögetka Josefnön daturupñi engeka möt kutum engiyökmö, könañamñi köyatim engiba kian azigö tandök ak engiba örömureim keu könöpñambuk jiba kewö qesim engiyök: "Inini mönö denikepköra kazeye?" Qesim engiiga kewö melenget: "Nini Keinan gölmenöhök nene söngörönji memingöra kazin."

⁸ Mewö melengetka Josefnön daturupñi möt kutum engiyökmö, yeñön i qahö möt kutum wañgiget. ⁹ Qahö möt kutum wañgigetka Josefnön mönöwök gaunñi yeñgöra ehöhi, mi mötmötñe kanjoriga mötmöröba jhip je suñini mitiba kewö jii mötket: "Ye! Inini mönö kegwek asia akze. Nini kantrinini denikeangörej göröken awörök aka yarö gilbingö lömbörizini, inini mi ek kewöta mötpingöra ki kaze." ††

¹⁰ Mi möta kewö melen wañgiget: "Azi kembunini, mewö qahö. Welenqequeurupki nini mönö nene söngörönji memingöra kazin. ¹¹ Nini körekñanök azi mohotkö nahönurupñi akzin. Nini azi diñdini mala muneñ qahö jimakzin. Göhö welenqequeurupki neñön mönö gölme ek-kewötkö yarö asia qahö aka maljin."

¹² Melen wañgigetka "Qahö!" töhörej qeta kewö toroqeyök: "Nini kantrinini denikeangörej göröken awörök aka yarö gilbingö lömbörizini, inini mi ek kewöta mötpingöra ki kaze."

¹³ Mi möta kewö melen wañgiget: "Welenqequeurupki nini Keinan gölmegö aziñi mohotkö nahönurupña, darumun 12 akzin. Munini qöndökñan nalö kewöñe iwininambuk mire tariga kunñan qahö toroqeba malja."

¹⁴ Mewö melen wañgigetka kewö jim engiyök: "Mewö aiga inini ölña gölme ek-kewötkö yarö asia akzei, mi lök jibi mötze.

¹⁵ Mewö maljeangöra nöñön kewö esapköm engimam: Farao kiñnön jebuk maljawi, nöñön keu öl töhöññi miangö dop jöjöpañ keu kewö jim köhöizal: Munñini qöndökñan ki qahö kama ewö, inini mönö gölme ki qahö mosöta anme. ¹⁶ Inini keu ölñi jize me qahö, nöñön mi esapkömangöra kewö jizal: Inini mönö sutñineyök kun melaigetka anda munñini qöndökñi wañgita ki kamahot. Tosatñi inini mönö ki mamböta kösö mire tata malme. Mewö qahö akñe ewö, inini mönö ölña gölme ek-kewötkö yarö asia akze. Farao kiñnön jebuk malja ewö, nöñön keu öl töhöññi miangö dop jöjöpañ keu mi jim köhöizal."

¹⁷ Mewö jim engiba jiiga kösö miriñe al engigetka wehön karöbutkö dop tatket. ¹⁸ Wehön karöbut aiga Josefnön kaba keu kewö jii mötket: "Jeñinambuk toroqeba malbingö mötze ewö, inini mönö yuai jimami, mi aketka nöñön ölöp malmalñini jöhömam. Nöñön mewöyök inini ewö Anutugö jitñi ongitpilenbuköra keñgötñi mörakzal. Miangöra inini mönö kewö akñe: ¹⁹ Inini azi diñdini muneñini qahö malje ewö, darumun engörejök mönö kunñan kösö miri kiangörej toroqe-

† 41.54 Apo 7.11 †† 41.55 Jon 2.5 ‡ 42.2 Apo 7.12

†† 42.9 Jen 37.5-10

ba tariga tosatnji injini ölop wit padi memba mirinjine lilingöba anme. Mianğoreñ anda mirinjine könagesöurupñinan bödi aka maljei, mi nene engime. ²⁰ Injini mönö mewö anda munñini qöndökñi wañgita nöngöreñ kame. Kagetka keunjanğö ölnan mewö asuhuiga eka möt kutuba qahö engubi kömume. "Keunji mewö jiiga mönö mianğö dop aket.

²¹ Yeñon nanñini Hibru keunöñ sutñine keu kewö eraum-mötket: "Nini munini silik ak wañgiini, mianğö likepñi bölöñan mönö ölna qaknine öngöza. Yañon malmalñi jöhöba ak kömum wañgibingöra uleta kuñgum neñgiiga kahasililinj ketanji ehinmö, yañö keunji möta mi qahö wuatañgöin. Mianğöra kahasililinj lömbötñambuk kianğon neñgö qaknine öngöza."

²² Mewö eraum-mötketka Rubenöñ kewö jiyök: "Nöñon kewö jibi mötket: 'Injini azi gwabö mi silik bölöñi kude ak wañgime.' Mewö jialmö, injini nöngö keuni mi möta silekmalet aket. Mötket, nalö kewöñe yañgö sepñanğö keugö likepñan mönö qaknine öngöiga kahasililinj mötzin." †

²³ Mewö eraum-mötketka Josefnöñ yembuk Ijpt keunöñ keu jiiga kunöñ mi melenök. Mianğöra yeñon keunji jigetka ölop möt asariyöhi, mi daturupñan qahö möt kutuget. ²⁴ Josefnöñ keunji möt asariba lilingöba sahörök. Sahöta kunbuk lilingöba engeka yembuk keu jiyök. Yembuk keu jiba Simeon sutñineyök memba jiiga yeñgö jeñine jöhöget. Mewö.

Josefkö daturupñan Keinan gölmenöñ lilingöget.

²⁵ Josefnöñ jimkutukutu kewö alök: "Welenqeçe injini mönö azi miengö toru gösöñine wit padi löngötketka numbuñe kotketka mohot mohot yeñgö moner esuñi mi totoñine inanñik inanñik toruñine alme aka köna anangö nene semönñi mi tok engime. "Mewö jim kutum enñgiiga mianğö dop ak enñgiget. ²⁶ Mewö ak enñgigetka wit padi toruñini mi donki qakñine ala mosöta anget. ²⁷ Anda mala gaun ahöbingöra miri kunöñ anğota darumun yeñgöreñök kunñan donkiñi gumohomamğöra aka toru kösöñi pösata moner esuñi mi toru numbuñe nene qakñe kiniga ehök. ²⁸ Mi eka darumunñi kewö jii mötket: "Eket, nöngöreñ moner mi mönö melenđa torune utketka kinja. "Mewö möta wösöñini juliga aurum tililingöba angeka kewö jiget: "Anutunöñ mönö wani yuaia ki ak neñgizawe?"

²⁹ Anda mala Keinan gölmenöñ iwiñini Jeikobköreñ anğota yuai asuhum enñgiyöhi, mianğö kösohotñi mi körek kewö jigetka mörök: ³⁰ "Kantri mianğö azi kembuñi yañon örömureim keu könöpuk jiba gölme ek-kewötkö yarö azia akinak, mianğö tandök ewö ak neñgiyök.

³¹ "Mewö ak neñgiyökmö, nini yañgöra kewö jii: 'Nini azi diñdiñi muneñini qahö mala gölme ek kewötpingöra aka qahö kazin. Qahöpmañöp! ³² Nini azi mohotkö nahönurupña, darumun 12 aka maljin. Kunñan qahö toroqeba maliga munini qöndökñan nalö kewöñe Keinan gölmenöñ iwininambuk mire tatza.'

† 42.22 Jen 37.21-22

³³ "Mewö jiinga gölme mianğö azi kembuñan neñgöra keu kewö jiyök: 'Injini azi diñdiñi me muneñi maljei, mi kewö kewöt enñgiba mötmam: Engöreñöhök darumunñini kun i mönö mosötketka nömbuk ki tariga tosatnji injini ölop wit padi memba lilingöba anme. Anda mirinjine könagesöurupñinan bödi aka maljei, mi nene engime. ³⁴ Injini gölme ek-kewötkö yarö azia qahöpmö, azi diñdiñi muneñini qahö maljei, mi kewö kewöt enñgiba mötmam: Injini mönö anda munñini qöndökñi mi wañgita nöngöreñ kame. Mewö kagetka darumunñini melen enñgibiga ölop gölme kianğöreñ anğumnep-qanğumnep aka malme."

³⁵ Mewö jiba toru gösöñineyök nene köweñine mokogetka moner esuñini monerñinambuk mi toruñine mohot mohot totoñine kini miwikñaget. Moner esuñini miwikñaba eka i aka iwiñini mohotñe auruba keñgötkotkot mötket. ³⁶ Mewö mötketka iwiñini Jeikobnöñ kewö jii mötket: "Injini nahönurupni körek pakpak noañgitpingö mötze: Josefnöñ qahö malja. Simeon nembuk qahö malja. Benjamin mi mewöñanök noañgita wañgita anbingö jize. Sihimbölö pakpak mianğon mönö nöngö qakne öngöza."

³⁷ Mewö jii möta Rubenöñ iwiñanğöra keu kewö jiyök: "Ni Benjamin qahö wañgita lilingöba kaba gihi-mam ewö, gi ölop nani nahönyahötni yahöt mi etkunöñga kömumahot. Benjamin mi ölop nöngö börone alnöñga i mönö galöm köla anda mala wañgita lilingöba kaba gihi-mam."

³⁸ Mewö jiyökmö, Jeikobnöñ melenđa jiyök: "Nahönyahötni qöndökñi yahöt yetköreñök datñan kömuiga munñan mohot malja. Injini könanöñ anbingö mötzei, mianğöreñ ayuayuhu kunñan yañgö qakñe öngöma ewö, injini mönö kondotketka wösöbirik öngöñgöñan nöngö qakne öngöiga kömumba nörop jupni yañgonambuknöñ uñem mire gemam. Mianğöra nöngö nahönan mönö nömosöta embuk qahö anma. "Mewö.

Josefkö darumunurupñan lilingöba Ijpt anget.

43 Keinan gölmenöñ bödi lömbötñambuk mi toroqeba ahöyök. ² Jeikobkö könagesöurupñan wit padi Ijpt kantrinöhök memba kageri, mi körek nem tekögetka qahöwahiga iwiñinan nahönurupñi mi kewö jii mötket: "Injini mönö kunbuk lilingöba anda neneñamnini tosatnji söngöröñi meme."

³ Mewö jii mötketka Judanöñ kewö jiyök: "Azi mianğon mönö kapañ köla neñgöra galöm meme keu köhöikñi kewö jiyök: 'Munñinan embuk qahö kama ewö, injini mönö nöngö jemesoholne kunbuk kañgotpingö osime.' ⁴ Mianğöra göñon munini melainöñga nembuk kama ewö, neñon ölop gömosöta neneñamnini söngöröñi mbingöra anbin. ⁵ Azi mianğon keu kewö jii mörin: 'Munñinan embuk qahö kama ewö, injini mönö nöngö jemesoholne kunbuk kañgotpingö osime.' Mianğöra göñon Benjamin anğon kölman ewö, nini qahö anbin."

⁶ Mewö jiiga Israelnöj kewö jiyök: “Inini mönö wanigöra munjini kun maljawi, keu mi azi miangö jiget möröhangöra ni urulömböt ketanji ningize?”

⁷ Mewö jiiga kewö melenđa jiget: “Azi miangön nini aka könagesourupnini engöra törörök qeqesi könaji könaji nengiba kewö jiyök, ‘Iwininan jebuk malja me qahö? Darumunjini kun malja me qahö?’ Mewö jiyöhangöra qeqesiji mi nejön öljanök jiba melenjin. Yanön könangep munini wangita kamegöra jibawak, mi mönö qeljije nalö miangörej denöwö mötpinak?”

⁸ Mewö jigetka Judanöj iwinji Israelgöra kewö jiyök: “Miangöra azi gwabö mi nöngö böröne ala melainöngga mohotje anbin. Mewö aknöngga amqeba zilañ gömosöta könanöj aninga nini, gi aka anöm-moröurupnini nejön qahö kömum gororongöbin. ⁹ Benjamingö malmalhangö sohopnji miangö keujan mönö nöngö böröne ahöiga lilingöba kaba gihimamgö jim köhöizal. Nöjön i qahö wangita lilingöba ki kaba göhö jemesoholge qahö almam ewö, miangö keu lömbötjan mönö nöngö qakne öngöiga göhö jege bisiba malbiga gölmenöj malmalnan teköma. ¹⁰ Nalö köröpnji eksekpeksek aka qahö mambötpinak ewö, nejön lök endu anda lilingöba ki kainga ambemnji yahöt akawak.”

¹¹ Mewö jiiga iwinjini Israelnöj kewö jii mötket: “Mewö akza ewö, injini mönö kewö akje: Gölme kiangö töhötmörriamnji ölop kötökni tosatnji kewöni mi memba toru gösöjine löngöta anda azi mi kalema wangime: Sile mirimirigö kelökni tosatnji, moron onji tosatnji, gipmi bakötök, marasin ip tokunji qetnji mör gipit, kömin, kungam aka saugö alanji almond miengö ölnjini. ¹² Silwö monej walji toru gösöjinañgö numbuñine algetka memba kageri, mi aka miangö dop qakje toroqeba ala mindirigetka jangöñan qariba 2:kö dop aiga mi memba lilingöba anda wangime. Tosatjan köpösihira aka mi gösöjine alget me denöwö? ¹³ Munjini mewöyök wangita zilañ wahöta azi miangörej kunbuk lilingöba anget. ¹⁴ Anutu kukösum pakpakö Toñan mönö azi miangö jeñe ak-kömukömunji engiiga yanön darumunjini kun aka Benjamin mi embuk mire lilingöba kamegöra imbi kölma. Nöngö moröurupnan tönbirin akje ewö, nöjön mönö öne töhön malmam.”

¹⁵ Mewö jiiga kalem yuai mi memba silwö monej memba kageri, miangö dop qakje toroqeba ala mindirigetka jangöñan qariba 2:kö dop ahök. Mi memba Benjamin mohotje wangita wahöta ösumñinan Ijpt anda Josefkö jeñe angotket. ¹⁶ Angotketka Josefnöj Benjamin mi yengö sutñine eka miangörejök mirinañgö galömñi kewö jim kutum wangiyök: “Gi mönö azi ki enguangita nani mire anda al enginöngga tatme. Tatketka anda sömbup kun qeba ohoba silimgö neneñi mözözömgönöngga yanön ölop nömbuk mohotje nene nembin.” ¹⁷ Josefkö mirinañgö galömñan jim kutum wangiyöhängö dop azi mi enguangiriga Josefkö mire anget.

¹⁸ Enguangiriga Josefkö mire anda jönömñini unduiga kenjötnjini möta kewö mötmörriba sutñine jiget: “Mutuk kainga monejnini melenđa toru gösöjine algetka memba anini, miangöra yanön mönö

nenjuangita kaba ki al nengigetka tatzin. Yanön mönö qeraköba nengum ureiba luhut al nengiba nengömegetka welenqeqeurupnji omanji ahinga donji-urupnini kalöpköba angön köl engibepuk.” ¹⁹ Mewö jiba kinda Josefkö mirigö galömñi yangörej öngöba angetka miri nangunje kiniga yangöra keu kewö jiget: ²⁰ “O ketañamnini, nini nalö mutukña nene bohonji mbingöra ki kain. ²¹ Kaba nene bohonji memba kunbuk lilingöba anda könanöj miri kunöj anda ahöbingöra tata toru gösöjinañgö kösöñi pösata monejnini totonine mi körekñanök gösöjini nanjökö numbuñine nene qakje ahöiga ehin. Miangöra monej mia merak kunbuk melenđa memba kazin. ²² Silwö monej mi danön toru gösöjine melenđa kunbuk alöhi, mi nejön qahö mötzin. Nejön mi aka silwö monej tosatnji mi qakje juhuköba nene söngöröñi kunbuk mbingöra gösöjine ala memba kazin.”

²³ Mewö jigetka miri galömñan kewö jiyök: “Waimanjat kude mötme. Nannjini aka iwininañgö Anutuñan mönö kungö urunji kunguiga silwö monej mi toru gösöjine aliga miwikñaget. Nöjön engörej silwö monej mi lök meal. Miangöra kenjötnjini kude möta urubönjöñ tatme. “Mewö jiba Simeon wangita yengörej kayohot.

²⁴ Kayohotka mohotje enguangita Josefkö mire öngögetka könajini sangonmegöra o engiyök aka donkiñini gwözözak neneñini miangön gumohom engiyök. ²⁵ Yanön silimgö neneñi Josefkö mire mohotje nemeangö keunji mötket. Miangöra Josefnöj silimnöj miriñe kangotmapköra mamböta kalem yuainjini mi aukje arengöba tatket. ²⁶ Tatketka Josefnöj mire kaiga kalem yuainjini memba kaba miriñe öngögeri, mi wangiba wösöñe simin köla gölmenöj bamgöget. ²⁷ Bamgöba wahötketka jölönjini jiba denöwö maljei, qesim engiba kewö jiyök: “Iwinjini azi namñangö jigeri, yanön denöwö malja? Toroqeba jebuk malja me qahö?”

²⁸ Mewö jiiga kewö melenjet: “Göhö welenqeqegi, nengö iwininan mönö ölop malja. Mönö toroqeba jebuk malja. “Mewö melenđa göda qem wangiba simin köla gölmenöj bamgöget.

²⁹ Mewö aketka jeñan ui anda kaiga munji Benjamin, nanji namñangö nahönñi mi eka kewö qesim engiyök: “Munjini qöndökñangö jigetka mörali, yanön mönö ki akza me denöwö?” Qesim engiba toroqeba kewö jiyök: “Nahöni, Anutunöj mönö ak kömum ghiiga malman.”

³⁰ Mewö jiba munji eka wösöñi pöröraköiga jeni asöliiga sahötmamgö möta miangörejök wölañ lilingöba engömosöta ösumñan miri urunji ölöni kunöj öngöba nanjökö mala sahörök. ³¹ Sahöt teköba je imbilñi sangonda miri urunji ölöni mi mosöta kaba törörök mökösonda kinda nanji galöm köl anguba numbu nene kölmegöra jiyök. ³² Ijpt yanön Hibru ambazip yembuk mohotje nene nemingö mötketka imbilonjonambuk akzawangöra mi osimakze. Miangöra Josefkö neneñi mi inanjök köl wangigetka tari darumunurupnji yengö mi inanjök köl engiget tatketka

Ijpt ambazip yambuk nene nemingö kaba tatkeri, yengö nenenini mi inanöök kölgetka tatket. ³³Josefnöñ jiiga darumunurupji mi ahugerangö dop arengöm engigetka mutukñan qaikñe tariga bezupñinan qöndökñe tariga Josefnöñ mesohol köl engiba tarök. Mewö tata nanñini angek kutuba welipköba tatket.

³⁴Mewö tatketka Josefnöñ jiiga nanñi teibolnööhök nene tosatñi mendenja memba kaba köl engigetka munñi Benjamingöra ambemñi 5:gö dop toroqeba kölgetka neyök. Mewö memba Josefpuk közölömbuanñ ala awamñanök o köhöikñi memba sösongai qakñe tatket. Mewö.

Josefnöñ darumunurupji qambigö esapköm engiyök.

44 Miangö andöñe Josefnöñ mirinangö galömñi jim kutum wangiba kewö jiyök: "Gi mönö azi miengö toru gösöñine wit padi mi sirimeangö dop löngötnöñga numbuñine kotme. Mewöñanök mohot mohot yengö moneñ esunñi mi nanñök nanñök toto qeba toru gösöñinangö numbuñine alman. ² Munñini qöndökñi yangö toru gösöñangö numbuñe miangöreñ nane qambi silwönöñ memeni mi wit padigö moneñi memba kayöhi, miambuk almam. "Mewö jim kutum wangiiiga miangö dop ahök.

³Miri asariiga söñanök azi mi melaim engigetka donkiñini enguangita könanöñ anget. ⁴Anda siti mosöta körowen qahö angetka Josefnöñ mirinangö galömñi kewö jim kutum wangiyök: "Gi mönö zilañ wahöta azi mi enguatangöba anda miwikñaim engiba engeka kewö qesim engiman: 'Azi kembunöñ ölöpnji ak engiiga inñi mönö wuanöñgöra miangö kitipñi bölöñi melenñ wangiba kaze? ⁵Nöñgö ketañamnan qambineyök kuluñ nemakzawi aka qambini mianñon unji aka keu asa-asambötñangö könanñi miwikñaimakzawi, inñi qambi mi mönö wuanöñgöra yongorö memba kaze? Inñi mönö silik mi bölöñi kötkña akze.'"

⁶Josefnöñ mirinangö galömñi mewö jim kutum wangiiiga anda miwikñaim engiba keunji mi jiyöhangö dop jii mötket. ⁷Jii mötketka kewö melenñ wangiget: "Ketañamninan keu tandökñi mewöñi mi mönö wuanöñgöra jiza? Göhö welenqeurupki neñon silik bölöñi mewöñi mi qahöpmahöp akzin. Mi yapmakek! ⁸Mötnöñ, nini toru gösöñinangö numbuñine silwö moneñ esu miwikñainini, mi mewöyök Keinan gölmenöhök memba kaba gihiin. Nini mönö wuanöñgöra silwö me goul mi ketañamgahö mireyök yongorö membinak? ⁹Welenqeurupki neñgöreñök kungö toru gösöñe silwö qambi mi miwikñaiman ewö, yanñon mönö kömupkö buñaya aiga tosatñi neñon ketañamnini, göhö welenqege omanñi aka malbin."

¹⁰Mewö melenñ wangigetka kewö jiyök: "Mewö mianñon ölop. Jizeangö dop mi ölop akin. Kungö toru gösönöhök silwö qambi mi miwikñaimami, yanñon mönö nöñgö welenqeqeni omanñi akñapmö, tosatñi engö silenñe keu qahö ahöiga ölop nanñinök mirinñe anme." ¹¹Mewö jii möta körekñan gösöñini nanñök nanñök ösumok qeköba memba eta gölmenöñ ala numbuñinangö kösöñi pösatket. ¹²Pösatketka Josefkö

mirinangö galömñam datñini mutukñangö toru gösöñeyök könahiba qezanña jaruba anda anda munñini qöndökñi Benjamingö toru gösöñe teteköñe eka qambi mi miangöreñ miwikñaiyök. ¹³Mi miwikñai-iga yanñon urunñi kot gwözöñniga wösöbirikñini konda mala kuñini munjukunjuratket. Mewö aka suki- napñini donki qakñine ala kunbuk lilingöba sitinöñ anget.

¹⁴Juda aka darumunurupji yanñon lilingöba Josefkö mire angetka yanñon tok mirineyök tarök. Tariga wösöñe angota simin köla gölmenöñ bamgöget.

¹⁵Bamgögetka Josefnöñ kewö jiyök: "Inñi mönö wani siliha mi akze? Azi ni ewöñan mönö ölop unju memba yuai yongorö megetka mi miwikñaimakzali, inñi mi qahö mötze me?"

¹⁶Mewö jiiga Judanöñ kewö melenñök: "O ketañamni, nini mönö wani keuya göhöra jibinak? Nini keugö jaruzin. Neñon yuai bölöñi qahö ahini, mi kondel gihibinangö dop qahö. Anutanöñ mönö welenqeurupki, neñgö pinjtkö keunji indeli aukñe ahöza. Miangöra kungö toru gösöñeyök qambi mi miwikñaiyawu aka tosatñi neñon mewöyök mönö azi kembunangö welenqeurupñi omanñi aka malbin."

¹⁷Mewö melenñökmö, Josefnöñ kewö jiyök: "Nöñon yuai mewöñi mi qahö ak engimam. Mi saumbanñ! Azi dagö toru gösöñe qambi mi miwikñaiyawu, yanñon mönö nöñgö welenqeqeni aka malmappmö, tosatñi inñi ölop luai qakñe lilingöba iwininangöreñ mire anme."

Judanöñ Benjamingöra Josef ulet wangiyök.

¹⁸Mewö jiiga Judanöñ Josefkö wösöñe anda keu kewö jiyök: "O azi kembuni, ölop imbi kölnöñga welenqeqegi nöñon keu tosatñi azi kembuni göhöra jibileñak. Göñon Farao kiñ nanñambuk öröröñ akzammö, töndup welenqeqegi nömbuk kazik kude ak ningiman. ¹⁹Azi kembuni göñon welenqeurupki nini mutuk kainga kewö qesim neñginöñ: 'Engö iwinini aka darumunñini kun maljahot me qahö?'

²⁰"Mewö qesim neñginöñga neñon azi kembuni göhöra kewö melenñin: 'Neñgö iwinini azi namñi aka munini azi gwaböya kun mire tatzahot. Munini mianñon iwininan lök azi namñi aiga nalö miangöreñ asuhuyök. Namñan azi morö yahöt etkimeiga datñan kömuiga nanñök töhöñ malja. Yanñon mönö iwinangö wölböt (jojopañ) nahöññi akza.' ²¹Mewö melenñinga göñon welenqeurupki neñgöra keu kewö jinöñ, 'Inñi mönö munñini mi wangita nöñgöreñ ki kagetka i ölop nani jenan uba ekñam.'

²²"Mewö jinöñga neñon azi kembunini göhöra kewö melenñin: 'Azi gwabö mi iwinñi mosötmamgö osima. Iwinñi mosötpawak ewö, iwinñan mönö kömumbawak.'

²³Mewö melenñinmö, göñon welenqeurupki neñgöra keu kewö jim kutunöñ: 'Munñini qöndökñan embuk ki qahö kama ewö, inñi mönö nöñgö jemesoholne kunbuk kude asuhume.'

²⁴"Mewö jim kutunöñga mirinine lilingöba anda nöñgö iwinini, göhö welenqeqegi yangöra azi kembuni göhö keugi mi jiinga mörök. ²⁵Mi jiinga möta iwininan

könangep kewö jiyök: 'Injini mönö kunbuk anda neנגöra nene tosatni söngöröni memba kame.'

²⁶ "Mewö jiyökmö, nini kewö jiin, 'Neñon naninök anbingö osibin. Munini qöndökñan nembuk mohotje anmapkö jiman ewö, mönö ölop anbin. Munini bezupni qahö wañgita anbin ewö, neñon mönö azi miangö jemesoholje asuhubingö osibin.'

²⁷ "Mewö jiinga nöngö iwini göhö welenqeqegi yañon kewö jiyök: 'Anömni Reizölnön nahönyahötni yahöt etkimeyök. Mi nanjini ölop mötze. ²⁸ Datñan nömosöta anda sohoiga kewö jial, "Sömbup kalñan mönö yöhöqöhöi kömumbawak me denöwö?" Nalö miangörenök könahiba i qahö ehal. ²⁹ Merak munni ki mewöyök noañgita angetka könanön ayuayuhu kunñan yañgö qakñe öngöma ewö, injini mönö kondotketka wösöbirik öngöngöñan nöngö qakne öngöiga könjiliñ möta kömumba nörop jupni yañgonambukñon uñem mire gemam."

³⁰ Judanön toroqeba keu kewö jiyök: "O azi kembuni, nöñon munini azi gwabö mi qahö wañgita anda iwini, göhö welenqeqegi yañgö mire aņgotpilenak ewö, iwininan mönö ayuhubapuk. Yañon mönö urunji pakpak nahönñi bezupni yañgören jöhöiga malmaljiri mohot maljahot. ³¹ Mianğöra azi gwabö mi qahö wañgita aninga iwininan mi eka mönö kömup miwikñabapuk. Göhö welenqeqeurupki neñgören mewö asuhuiga nini mönö kondoringa wösöbirik öngöngöñan iwinini göhö welenqeqegi yañgö qakñe öngöiga kömumba nörop jupni yañgonambukñon uñem mire gema. ³² Göhö welenqeqegi nöñon azi gwabönön qahö ayuhumapkö keunji mi iwinangöra jim jöhöba kewö jial: 'I qahö wañgita göhören lilingöba kamam ewö, miangö keu lömbötñan mönö göhö jege nöngö qakne öngöba ahöiga gölmenön malmalni mewö mal öngöm tekömam.' ³³ Mianğöra göñon ölop jim tekönönga nöñon azi gwabö yañgö salupñe azi kembuni göhö welenqeqegi omanji aka ki malbiga yañon daturupñi yembuk lilingöba miriñine anme.

³⁴ "Azi gwabö mianğon nömbuk qahö kama ewö, nöñon mönö denöwö aka iwinangören anbilenaq? Wösöbirik öngöngöñan iwinangö qakñe öngöbawak, nöñon mönö mi ekñamgö tököm köhöizal. Mianğöra i mönö kude jöhöman."

Josefnön nanji könañi indelök.

45 Judanön mewö jiiga ambazip liliköm enggiba kin-da engekero, Josefnön körek yengö jeñine toroqeba könañi köyatiba nanji galöm köl aņgumamgö lömböriba osiyök. Mianğöra Josefnön kewö silata qerök: "Eñon mönö körekñanök nömosöta denget. "Mewö jiiga dengetka Ijpt azi kunñan kösutñine qahö kiniga Josefnön nanji könañi mi darumunurupñi yengöra kewö indelök: ¹² Yañon amburereñ aka ötömbepuk qei sahöriga Ijpt ambazip gumñon malgeri, yengon mi möta Farao kingö jakömbuak mire anda buzup keunji mi jigetka mötket.

³ Josefnön sahöta kinda darumunurupñi mi kewö jii mötket: "Ni Josef! Iwinan tok jebuk malja me qahö?" Mewö jii mötketmö, darumunñan urunñan kot gwözöñniga aurum tililingöba jeñe öne kinda keu kun qahö mötmöriba melen wañgibingö osiget. ⁴ Osiba kingetka Josefnön yengöra kewö jiyök: "Eñon mönö nöngö kösutne ki kaget. "Mewö jii kagetka kewö jiyök: "Ni Josef, darumunñini bohoni memegöra algetka Ijpt kayali, mönö mia.

⁵ "Mönö uruköñjiliñ kude mötme. Anutunön eñon kömumbepuköra ni mutuk melaim niñgiiga qeljiñe ki kabiga injini kaze. Ni bohoni memegöra al niñgigetka ki kayali, mianğöra mönö nanjinangöra irimsesewöl kude möt aņgume. ⁶ Bödi kianğon lök yambu yahötkö dop gölme dop köla ahöza. Mi toroqeba kunbuk yambu 5:gö dop ahöiga nalö mianğö uruñe gölme qem kömöt qahö aka nene ölnji qahö miwikñaiiba tokoba malbin.

⁷ "Anutunön mönö köna wewelipköñambuk wu-atangöba engö malmalnangö bohönñi jöhöiga toroqeba jebuk mala gwölönarök miwikñaim enggiba gölme qakñe malmegöra mötza. Mianğöra aka ni mutuk melaim niñgiiga qeljiñe ki kabiga injini kaze. ⁸ Mianğöra eñon qahö melaim niñgiget tandök akzapmö, Anutunön mönö ölnja melaim niñgiiga ki kayal. Yañon kungum niñgiiga Farao kingö jembonñi mutukñi aka jakömbuak miriñe wanat nup memakzei, körek yengö ketanmanjina akzal. Mewö akiga Anutunön Ijpt kantri jömukñanök mi nöngö börone aliga azi kembunina akzal.

⁹ "Injini mönö dölkü wahöta ösumñinan iwinangören lilingöba anda keu kewö jigetka mötma: 'Göhö nahöngi Josef yañon keu kewö jiza: Anutunön ni kungum niñgiba Ijpt kantri jömukñanök nöngö börone aliga azi kembunina akzal. Mianğöra göñon mönö nalö kude qem körimanmö, zilañ nöngören kaman. ¹⁰ Ki kaba ölop tatat dumdunggi Gosen gölmenön möhamgöba nane kösutne malman. Gi aka isimöröurupki, göhören lama bulmakau kambunji kambunji aka öroyuai pakpak bunagi ahözawi, mi mönö memba kölolohoba kame.

¹¹ "Bödi kianğon mönö kunbuk toroqeba yambu 5:gö dop ahöm öngöma. Nalö mianğö uruñe gi, mirigahö saiwaurupki me tinitosolomurupki tosatni yengörenök kunñan bödi mala nenegö mözöqözöröm aka kömum gororongöbapuk. Mianğöra mönö Gosen gölmenön kaba mala wani yuaigöra osimeï, nöñon mi enggiba malmam.' Iwininangöra keu mi mönö mewö jigetka mötma. ^{††}

¹² "Ni nanak ölnja ki kinda engöra keu jizali, mi ölop nanjini jeñinan nek kutuze aka muni Benjaminön mewöyök ni nek kutuza. ¹³ Mianğöra injini mönö iwinangören anda Ijpt kantrinön qetbunja ketanji pakpak niñgigetka maljali aka yuai pakpak ekeri, mianğö kösohotñi mi iwini jigetka mötma. Mi möriga mönö ösumok wañgita eta ki kame."

† 45.1 Apo 7.13

†† 45.11 Apo 7.14

¹⁴ Mewö jiba böröni munji Benjamingö imbiñe gili geiga sahöriga Benjaminöñ mewöñanök anğöm wañgiba sahörök. ¹⁵ Toroqeba böröni daturupñi körek yengö imbiñine gili geiga sahöta numbuñini yöhötüm neyök. Mianğö andöñe darumunurupñan yambuk keu eraum-mötket. ¹⁶ Josefko darumunurupñan kageri, mianğö buzupñan Farao kiñgö jakömbuak mire aniga Farao kiñ aka jembonurupñi pakpak yengön mi möta uruölöwak mötket.

¹⁷ Mewö möta Farao kiñnön Josefköra kewö jiyök: "Darumunurupki mönö jinöñga kewö akñe: 'Sukinapñini mönö donki qakñine ala kunbuk lilingöba miriñine Keinan gölme anme. ¹⁸ Anda iwiñini aka saiwurupñini enguangita lilingöba nöñgöreñ kame. Ki kagetka nöñön gölme ölop kötökñi Ijpt kantri uruñeyök möwölöhöba enggibiga ölop mianğö kelökñi miwikñai-ba nem söñgaip aka malme.'

¹⁹ "Mewöyök kewö jim kutum enginöñga akñe: 'Ijpt kianğöreñök mönö hosgö karenji tosatñi memba anda anöm-moröurupñini mianğöreñ al enggiba iwiñini wañgita mohotñe ki kame. ²⁰ Miriñinangö yuainji tosatñi Keinan gölmenöñ mosötmei, mianğö waiman-jatñi kude akñe. Nöñön mianğö salupñe Ijpt kantri jömuk kianğö yuainji ölop kötökñi mi enggibiga bunñini akñe.'"

²¹ Farao kiñnön mewö jiiga Israelgö nahönurupñan mianğö dop aket. Josefñöñ Farao kiñgö jimkutukutu keunji wuatangöba hosgö karenji tosatñi enggiyök. Mewöyök köna anangö nene semön tosatñi enggiyök.

²² Mi enggibagun daturupñi mohot mohot yengö opo malukuñini dölökñi totoñine enggiyökmö, munji Benjamingöra opo maluku dölökñi börö kun wañgiba moneñ silwö köt 300 wañgiyök. ²³ Iwiñangöra Ijpt kantrigö yuai ölop sorokñi jesöñgö memba donki ten mienğö qakñine aliga anget. Mewöñanök donki ambiñi ten mienğö qakñine wit padi, bered aka nene tosatñi iwiñangö köna semöna aliga bisiba anget.

²⁴ Angetka Josefñöñ darumunurupñi melaim engii anbingö aketka keu kewö jii mötket: "Injini könanöñ anda anğururuk kude akñe."

²⁵ Mewö jiiga Ijpt mosöta anda Keinan gölmenöñ iwiñini Jeikobköreñ anğotket. ²⁶ Anğota iwiñinangöra keu kösohot kewö jiget: "Josefñöñ mönö toroqeba jebuk malja. Ijpt kantri jömukñanök mi yangö böröreñ ahöiga azi kembunñina aka malja. "Mewö jigetka keu mi qahö möt nariyöhangöra urunji toroqeba amöriiga tarök.

²⁷ Mewö tarökmö, Josefñöñ keu pakpak jiyöhi, mi jiget mörök aka hosgö karenji tosatñi i wañgita Ijpt anmapköra ali kayöhi, iwiñini Jeikobnön mi eka kinda uru silenñan köleñni könöpkönöp ahök. ²⁸ Könöpkönöp aka kewö jiyök: "O mi alakña! Mi möt köhöizal. Nahöni Josefñöñ mönö toroqeba jebuk malja. Nöñön mönö anda i ekagun könanğep ölop kömumam. "Mewö.

Jeikobnön könagesöurupñi yembuk Ijpt anget.

46 Israelnön sukinap yuainji pakpak kölolohoba memba wahöta köna anök. Anda Berseba mire

anğota kinda mianğöreñ iwiñi Aisakö Anutuñangöra umjövöwöl ohoyök. ² Mi ohoba sunğem ahöiga jenji meleşniga imut eka mianğöreñ Anutunöñ Israelgöra keu jiba qetñi "Jeikob, Jeikob!" qeriga "Ni ki," jiba meleşnök.

³ Meleşniga kewö jiyök: "Ni Anutu, göhö iwigahö be-mñi. Gi Ijpt gemamgö keñgötki kude mötman. Nöñön mianğöreñ kötuatköm gihibiga könagesö kambu ketanji akñe. ⁴ Nöñön mönö göbuk Ijpt gemam aka mewöyök gwölöñarökurupki mianğöreñök enguangit-piga kunbuk lilingöba kame. Göñön kömunöñga Josef nanji böröñan mönö göhö je jupki kusui etma."

⁵ Mianğö andöñe Jeikobnön Berseba miri mosötpin jiiga Israelgö nahönurupñan iwiñini aka anöm-moröurupñini mi közözhom enggigetka hosgö karenöñ öñgöget. Farao kiñnön hosgö kare mianğön enggömembra kamegöra jiba ali memba anget. ⁶ Sukinapñini aka miri sömbupñini pakpak Keinan gölmenöñ mala bunja qeba memba malgeri, mi tok mohotñe memba anget. Jeikob aka gwölöñarökurupñi pakpak mienğön mewö Ijpt anget. ⁷ Gwölöñarökurupñi pakpak, isimoröurupñi azi aka ambi mi körek enguangita Ijpt anget.

⁸ Israel qetñi alanji Jeikob aka yangö gwölöñarökurupñi Ijpt angeri, yengö qetñini kewö: Jeikobkö nahönñi mutukñi Ruben. ⁹ Rubengö nahönurupñi qetñini Hanok, Palu, Hezron aka Karmi. ¹⁰ Simeongö nahönurupñi qetñini Jemuel, Jamin, Ohad, Jakin, Zohar aka Saul. Saulgö namñi mi Keinan ambi kun. ¹¹ Liwaigö nahönurupñi qetñini Gerson, Kohat aka Merari.

¹² Judagö nahönurupñi qetñini Er, Onan, Sela, Perez aka Zera. (Er aka Onan yetkön lök Keinan gölmenöñ kömuyohot.) Perezkö nahönyahötñi mi Hezron aka Hamul. ¹³ Isakargö nahönurupñi qetñini Tola, Puwa, Jasub aka Simron. ¹⁴ Zebulungö nahönurupñi qetñini Sered, Elon aka Jalel. ¹⁵ Jeikobkö nahönurupñi anömñi Leanöñ Mesopotemia (Padan Aram) gölmenöñ enggömeyöhi, yengö qetñini mewö. Böraññiri Daina mi mewöyök meyök. Jeikob aka Lea yetkö isimoröurupñiri mi mewö oyoñda mindirigetka 33 ahök.

¹⁶ Gadkö nahönurupñi qetñini Zefon, Hagi, Suni, Ezbon, Eri, Arodi aka Areli. ¹⁷ Asergö nahönurupñi qetñini Imna, Iswa, Iswi aka Beria. Nenñinangö qetñi Sera. Beriagö nahönyahötñi qetñiri Heber aka Malkiel. ¹⁸ Labanöñ ambi qetñi Zilpa boraññi Leagö welen ambia malmapköra wañgiyöhi, yanñon Jeikobkö nahönurupñi mewö enggömeyök. Jeikob aka Zilpa yetkö isimoröurupñiri mi mewö oyoñda mindirigetka 16 ahök.

¹⁹ Jeikobkö anömñi Reizölgö nahönyahötñi mi Josef aka Benjamin. ²⁰ Josefko nahönyahötñi Ijpt kantrinöñ asuhuyohori, mi qetñiri Manase aka Efraim. Namñiri qetñi Asenat mi Heliopolis (On) taongö jike nup galöm qetñi Potifera yangö boraññi. ^{††21} Benjamingö nahönurupñi qetñini Bela, Beker, Asbel, Gera, Naman, Ehi, Ros, Mupim, Hupim aka Ard. ²² Jeikobkö nahönyahötñi Reizölnöñ etkömeyöhi, yetkö qetñiri mewö. Jeikob aka Reizöl yetkö isimoröurupñiri mewö oyoñda mindirigetka körekmakörek 14 ahök.

† 46.6 Apo 7.15 †† 46.20 Jen 41.50-52

²³ Dangö nahönñi qetñi Husim. ²⁴ Naftaligö nahönu-rupñi qetñini Jaziel, Guni, Jezer aka Silem. ²⁵ Labanön ambi qetñi Bilha börtatñi Reizölgö welen ambia malmaköra wañgiyöhi, yañön Jeikobkö nahönurupñi mewö engömeyök. Jeikob aka Bilha yetkö isimoröu-rupñiri mi mewö oyoñda mindirigetka körekmakörek 7 ahök.

²⁶ Jeikobkö isimoröurupñi diñdiñi töhön yambuk Ijpt angeri, miengö jañgöñini oyoñda mindirigetka körekñanök könagesö 66 aket. Nahönurupñi yengö anömñini mi jañgö miangörej qahö toroqeget. ²⁷ Josefkö nahönyahötñi Ijpt kantrinön asuhuyohori, mi yahöt. Jeikobkö könagesöurupñi Ijpt angeri, miengö jañgöñini mi mewö oyoñda mindirigetka 70 ahök. Mewö. †

Jeikob könagesöurupñi yembuk Ijpt angotket.

²⁸ Könanön anda mala Jeikobnön Juda mutuk melai-ba kewö jiyök: “Gi mönö Josefkörej anda Gosen gölmenön anangö könañangöra qesim wañgiman. “Mewö jii möta anda kaiga Gosen prowinsnön angotket. ²⁹ Josefnön angotkerangö buzupñi möta jiiga hos karenön jöhöba mözözmögögetka qakñe öngöba iwiñi Israelbuk aitongöbitkö Gosen gölmenön anök. Anda eka yañgö jeñe angota böröñi imbiñe gili geiga añgum wañgiba nalö köröpñi titipepeñi memba urusahöt qeyök. ³⁰ Israelnön Josef kewö jii mörök: “Göñön toroqeba jebuk maljani, mi nanak gekzala nalö kewöñe ölop jöjöröba kömumam.”

³¹ Mewö jiiga Josefnön darumunurupñi aka iwiñangö könagesöñi kewö jii mötket: “Nöñön mönö Farao kiñgörej öngöba keu kewö jibi mötma: ‘Darumunurupni aka iwiñangö könagesöñi Keinan gölmenön malgeri, yeñön lök nöngörej kaze. ³² Darumunurupni miengön lama bulmakau galömnini aka mi galöm köl engiba maljeangöra kabingö aka lama kambuñini, bulmakau kambuñini aka sukinap öroyuaiñini pakpak mi enguangita kaze.’ ³³ Miangöra Farao kiññön engoholi jemesoholñe angotketka kewö qesim engima: ‘Iñini wani nuwa memakze?’

³⁴ “Mewö qesim engiiga iñini kewö melen wañgime: ‘Welenqeaurupki neñön mönö abu asaurupni mutuk memba malgerangö dop moröröpnineyök lama bulmakau galöm kölköl nupñi memba mala maljin.’ Mewö melen wañgigetka yañön ölop Gosen prowinsnön tatat dumduñini möhamgömegöra oñ jiiga malme. Ijpt ambazip yeñön lama bulmakau galöm kölköl ambazip pakpak yengöra mötketka imbilonñi-nambuk ahakze. “Josefnön keunji mewö jii mötket.

Josefnön kiñgö jeñe korök.

47 Josefnön anda Farao kiñgöra kewö jiyök: “Nöngö iwi darumunurupni yeñön lama bulmakau kambuñini aka sukinap öroyuaiñini pakpak memba Keinan gölme mosöta kaba mala dölkö Gosen gölmenön kañgota malje.” ² Yañön darumunurupñi

† 46.27 Apo 7.14

yengörejök azi 5 enguangita Farao kiñgö jeñe öngöba kingetka engehök.

³ Engeka kewö qesim engiyök: “Iñini wani nuwa memakze?” Mewö qesim engiiga kewö melen wañgiget: “Welenqeaurupki neñön iwiurupninan mutuk malgerangö dop lama bulmakau galöm kölköl nupñi memba mala maljin.”

⁴ Mewö jiba toroqeba kewö jiget: “Keinan gölmenön bödi lömbötñambuk ahözawangöra welenqeaurupki neñön lama bulmakau kambunini yengöra nene qahö miwikñainin. Miangöra neñön gölme kiangörej kusuk malbingöra kain. Mewö aiga welenqeaurupki ölop oñ jiba jim teköm neñginöñga nini Gosen prowins miangörej tatat dumduñini möhamgöbin.”

⁵ Mewö jigetka Farao kiññön Josef kewö jii mörök: “Iwi darumunurupkan göhörej kaget. ⁶ Ijpt kantri ki aukñe göhö jeñe ahözawangöra ölop iwi darumunurupki gölme bahöñi kelökñi ölopñi miangörej al enginöñga malme. Ölop Gosen prowinsnön malme. Sutñine nup qetpuk meme azi tosatñi maljei, mi möt engiman ewö, ölop nöngö mirigö sömbup kambuni mi yengö böröñine al enginöñga galöm köl engiba malme.”

⁷ Mewö jii möta Josefnön iwiñi Jeikob Farao kiñgö jeñe wañgita kaiga ehi Farao kiñ mi kötuetköm wañgiyök. ⁸ Kötuetköm wañgiiga kewö qesim wañgiyök: “Göhö yambugi dawik akza?”

⁹ Qesim wañgiiga kewö melenök: “Nöñön yambu 130:gö dop gölmenön liliköba mala kota maljal. Nöngö malmalñangö yambuñi pakpak mi awamdökñi aka osikosinambuk aket. Iwiurupnan yambu sehisehiñi gölmenön liliköba malgeri, nöngö yambu qötönan yengörejambuk dop mohot qahö akza.”

¹⁰ Mewö jiba Farao kiñ mi kunbuk kötuetköm wañgiba jemesoholñeyök eta anök. ¹¹ Josefnön iwi darumunñi mi Farao kiññön jim kutuyöhangö dop Ijpt kantrinön al engiba Ijptkö gölme bahöñi kelökñi ölopñi kun mi Rameses prowins (Gosen) miangörej engiyök. ¹² Josefnön mewöyök iwi darumunurupñi aka iwiñangö könagesöurupñi pakpak mi neneñini anöm-moröurupñini malgeri, qötö miangö dop dopñine engiba malök.

Bödi nalöñi lömbötñambuk.

¹³ Bödi ketanji mi lömbötñambuk ahöiga nenenön gölme dop qahöwahiga Ijpt aka Keinan kantri mietkö könagesöñiran mönö nenegö kömum soholip aka malget.

¹⁴ Mewö mala Josefkörej kaba wit padi söngöröñi megetka yañön moneñ pakpak Ijpt aka Keinan kantri uruñe ahöyöhi, mi tokoba memba Farao kiñgö jakömbuak mirigö köweñe alök. ¹⁵ Ijpt könagesö aka Keinan könagesö yengörej moneñ qahöwak teköiga Ijpt körek yeñön Josefkörej kaba kewö jiget: “Moneñninan qahöwak teközawangöra göñön mönö nene neñgiman. Nene qahö neñgiman ewö, neñön mönö göhö jemesoholñe kömumbin.”

¹⁶ Mewö jigetka Josefnöŋ kewö jiyök: “Moneŋinan qahöwawkawangöra engöreŋ lama aka bulmakau ahözei, mönö mi memba kaba niŋgigetka nöŋön nene engimam.”

¹⁷ Mewö jiiga anda lama bulmakaunini enguangita kaba Josef wangiget. Yeŋön hosŋini, lamaanini, memenini, bulmakaunini aka doŋkiŋini mi enguangita kaba nenegö söŋgööröŋa Josef wangiba nene memba malget. Lama bulmakaunini pakpak mi Josef wangigetka yaŋön nene engiba mewö mianŋön yambu mohotkö uruŋe malmalŋini naŋgöiga qahö kömuget.

¹⁸ Qahö kömugetka yambu mianŋön teköyök. Teköiga yambu döläkŋe dumŋe kunbuk yaŋgöreŋ kaba kewö jiget: “Azi kembunini, moneŋnini qahöwawkawangöra könaŋamnini öŋi mi göhö jege öläp qahö köyatibin. Neŋgöreŋ lama bulmakaunini mi mewöyök gihiinga göhö buŋaya ak teköza. Nini mi pakpak azi kembunini gi gihim teköinaŋgöra nanini aka gölmenini miyök ahöm neŋgiza. Miangöra mönö wania kun gihibinak?”

¹⁹ Nini mönö könaŋi wuanöŋgöra göhö jege töndup kömumbinak? Nanini kömuinga gölmeninan mönö wuanöŋgöra öne ahöba apopam köla bölibawak? Miangöra mönö nanini aka gölmenini bohonini memba mianŋön numbu nene neŋginöŋga nini öläp Farao kiŋgö welenqeŋe omaŋi ahinga gölmeninan mewöyök yaŋgö buŋaya akŋa. Neŋön toroqeba jebuk mala kömumbinbuköra mönö nene kötŋi neŋgiman. Neŋginöŋga gölme nup wangiiinga öne qahö ahöba gönjaŋ akŋa.”

²⁰ Bödi köhöikŋi kötökŋi mianŋön Ijpt könagesö yembuk ahöyöhaŋgöra yeŋön körek mohot mohot nup gölmeŋini köroŋi mi bohoninaŋgöra algetka Josefnöŋ Ijpt gölme pakpak mi söŋgööröŋi meiga Farao kiŋgö buŋaya ak teköyök. ²¹ Josefnöŋ Ijpt könagesö miri dop kantrigö jabö teteköŋi uruŋe malgeri, mi pakpak engömeiga gawmangö welenqeŋe omaŋi aka malget. ²² Farao kiŋnöŋ jike nup galöm yeŋgö fotnait töwaŋini engiiga memba mianŋön malmalŋini naŋgöba malget. Mewö aiga neneŋinaŋgöra qahö lömböriiga gölmeŋini Josefnöŋ söŋgööröŋi memapköra qahö alget. Miangöra jike nup galöm yeŋgöreŋ gölme mianŋön mohot kiŋ Faraogö buŋaŋi qahö aket.

²³ Josefnöŋ könagesö yeŋgöra kewö jiyök: “Mötket, nöŋön nanŋini aka gölmeŋini söŋgööröŋini mem teköbiga Farao kiŋgö buŋaya akze. Miangöra nöŋön nene kötŋi engibiga mi öläp memba gölmenöŋ kömötme. ²⁴ Kömötketka öŋi asuhuiga mi mönö kewötketka kambu 5 asuhugetka miengöreŋök mohot mohot mi Farao kiŋgöra ala wangiba malmemö, kambu 4 mi kunbuk gölmenöŋ kömötmeaŋgöra aka neneŋinaŋgöra ahöma. Mi nanŋini, anöm-morö-rupŋini aka tosatŋi miriŋine maljei, mönö engö neneŋina ahöma.”

²⁵ Mewö jiiga kewö jiget: “Göŋön neŋgö malmalnini bödinöhök mekönöŋ. Miangöra azi kembuninaŋgö jeŋe ak-kömukömu miwikŋaibin ewö, neŋön öläp Farao kiŋgö welenqeŋe omaŋi aka malbin.” ²⁶ Josefnöŋ Ijpt yeŋgö gölmegöra jimkutukutu ali ahöba kota ki

ohozali, nalö kewöŋe mewöyök toroqeba ahöza. Jimkutukutu mi kewö: Nene nupkö öŋiŋi mi mönö mendeŋgetka kambu 5 aiga miengöreŋök mohot mohot mi Farao kiŋgö buŋaya akŋapköra ala malme. Jike nup galöm yeŋgöreŋ gölme mianŋön mohot Farao kiŋgö buŋaŋi qahö aket.

Jeikobnöŋ qamötŋangöra Josef qesiiga oŋ jiyök.

²⁷ Israel yeŋön Ijpt gölmegö prowins qetŋi Gosen miangöreŋ tatat dundumŋini memba gölme angön köla malget. Miangöreŋ mala ahumsehip aketka qötöŋinan gwötŋuk qariyök. ²⁸ Jeikobnöŋ malmalŋi yambu 17 mi Ijpt gölmenöŋ malök. Malmalŋi jö-mukŋangö yambuŋi mi mindiriba 147 ahök.

²⁹ †Israelgö kömup nalöŋan dopdowiiga nahöŋŋi Josef jii kaiga kewö jii mörök: “Nöŋön göhö jege ak-kömukömu miwikŋaizal ewö, göŋön mönö döŋki urukalem kondela keu kewö pöndaŋ wuatangöba mem yakömamgö jiba böroŋi nöŋgö tambuni bapŋe ala kewö jim jöhöman: Nöŋön kömumbiga qamötŋi mi mönö Ijpt gölme kiangöreŋ kude löm kölman.

³⁰ Nöŋön kömumba iwi asani yembuk luhut memba ahömami, nalö miangöreŋ nöŋgö qamötŋi mi mönö Ijpt kantrinöhök memba anda iwi asani löm köl engigeri, yeŋgö qaksiriŋine nesim kölman. “Mewö jiiga kewö jiyök: “Jizanangö dop mi öläp akŋam.”

³¹ Mewö jiiga iwiŋan kewö jiyök: “Keu mi mönö jöjöpäŋ keunöŋ jim köhöim niŋgiman. “Mewö jiiga Josefnöŋ mi jöjöpäŋ keunöŋ jim köhöiiga Jeikobnöŋ mi möta bilipköba nöroŋŋi memba geba öroŋŋangö ki-tiŋe ala nariba Anutugö waikŋi memba möpöseyök. Mewö.

Jeikobnöŋ Manase aka Efraim kötuatköm etkiyök.

48 Nalö tosatŋi teköiga Jeikobnöŋ kawöl miwikŋai-iga keu mi Josefköra jigetka mörök. Mi möta nahönyahötŋi yahöt Manase aka Efraim mi etkuangita iwiŋangöreŋ anök. ² Aniga tosatŋan Jeikobköra kewö jigetka mörök, “Nahöŋgi Josefnöŋ mönö gi gekŋamgöra kaza. “Israelnöŋ keu mi möta ösumŋi ahöyöhi, mi qezaköba ahöahö dumŋeyök wahöta tarök. ³ Wahöta tata Josefköra kewö jiyök: “Anutu kukösum pakpakö Toŋi yaŋön Keinan gölmegö Luz miri miangöreŋ nöŋgöreŋ asuhiba kötuatköm niŋgiba ⁴ kewö jiyök: “Nöŋön ahumsehip gihibiga gwölö-narökurupki yeŋgö qötöŋinan mönö qariba qariba öŋgöiga göŋön könagesö kambuŋi kambuŋi gwötŋuk yeŋgö bömön jalöŋina akŋan. Gwölönarökurupki kö-nage asuhum öŋgömei, nöŋön gölme ki mi i buŋa qem engibiga yeŋgö buŋaŋina teteköŋi qahö ahöm öŋgöma.” †

⁵ Anutunöŋ mewö jiyök. Mutuk nöŋön Ijpt gölmenöŋ göhöreŋ qahö kayalaŋgöreŋ anömŋan nahönyahötki yahöt Ijpt kiangöreŋ etkömeyöhi, yetköŋ mönö nöŋgö buŋaya akŋahot. Manase aka Efraim yetköŋ mönö Ruben aka Simeon ewö nöŋgö

† 47.29 Jen 49.29-32; 50.6 †† 48.4 Jen 28.13-14

buñaya akñahot. ⁶ Mewö ahotka könangep gölme mesin da yetköra distrik yahöt etkime. Efraim aka Manase yetkö bapñire nahönböratu rupki tosatñi asuhugeri, mienjön mönö nange buñaya akñe. Yeñön gölme bahöñini buña qem angumei, mi mönö Efraim aka Manase yetkö distrik yahötñiri mietkö uruñe ahögetka bohon tonjiri ahotka datyahötñiri yetkö nembö bapñire malme. ⁷ Nöñön Mesopotemia (Padan Aram) mosöta lilingöba Keinan gölmenöñ kaba Efrata taon dopdowibiga anömmi Reizölnöñ kömuiga wösöbirik ketanji ahum niñgiyök. Kömuiga qamötñi mi Efrat anangö köna töwokñe löm kölal. Efrat mirigö qetñi alanji mi Betlehem.” †

⁸ Israelnöñ mewö jiba Josef kö nahönyahötñi etkeka kewö qesim wañgiyök: “Azi moröñi yahöt ki dañön dañön?”

⁹ Qesim wañgiiga Josefñöñ iwiñangöra kewö jiyök: “Nöñgö nahönyahötñi Anutunöñ Ijpt kiangören niñgiyöhi, i mönö mia. “Mewö jiiga Israelnöñ jiyök: “Nöñön kötuatköm etkimamañgöra i ölop etkuangitnönña nöñgö kösutne kamahot.” ¹⁰ Mewö jiiga Josefñöñ nahönyahötñi etkuangita kösutñe kagetka böröñi giliga imbiñire geiga numbuñiri yöhötim neyök. Israelnöñ azi namñi aiga jeñi ömuñ köliga yuai kun ek kutumamgö tönpin aka osiyök. ¹¹ Numbuñiri yöhötim nembra Josef köra kewö jiyök: “Nöñön mutuk göhö jemesoholgi kunbuk gekñamgöra qahö al mamböta malalmö, Anutunöñ köna mesariga döliki nangi aka nahönyahötñi mewöyök engekzal.”

¹² Mewö jiiga Josefñöñ nahönyahötñi iwiñangö tambuñeyök etkömembra simin köla bamgöba geyök.

¹³ Bamgöba geba wahöta nahönyahötñi böröñire memba etkuangiriga nanñi iwiñangö wösöñe kayohot. Efraim mi böröñi ölnan memba Israelgö böröñi qaniñe ala Manase mi böröñi qaniñan memba Israelgö böröñi ölna alök. ¹⁴ Mewö al etkiyökmö, Efraim munñi aiga asañan töndup böröñi ölnan böranda yangö nöropñe alök. Manasenöñ Josef kö nahöñi mutukñi ahökmö, asañan töndup böröñi qaniñan yangö nöropñe alök. Mewö aka böröñi maripom ewö al kutuba nöropñire alök. ¹⁵ Mewö ala tata Josef kötuatköm wañgiba kewö jiyök:

“Asani Abraham aka iwini Aisak yetkön Anutugö jeñe anda kaba aka memba malohot. Nöñön asuhuba mala korali,

Anutunöñ mönö nalö miangören pöndañ köyan köli niñgiba mala korök.

¹⁶ Suep garatanöñ ni bölöñi pakpak miangörenjök meköba angön köli niñgiba malöhi, yanön mönö azi gwabö yahöt ki kötuatköm etkiba malma.

Ambazipnöñ yetkö qetñiri qetketka miangön mönö ni aka iwi asani Aisak aka Abraham neñgö qetbuñanini bisiba malmahot.

Yetkö könagesöñiran mönö gölme qakñe önöñi qahö sehiba malme.”

¹⁷ Mewö jiyökmö, Josefñöñ iwiñan böröñi ölnan Efraimgö nöropñe ali mi ehi dop qahö köliga miangöra

möt bölöba iwiñangö böröñi ölna memba Efraimgö nöropñeyök meköba Manasegö nöropñe almamgö ahök. ¹⁸ Mewö aka iwiñangöra kewö jiyök: “Iwini, mewö kude akñöñ. Morö kianön nahöni mutukñi akza. Miangöra börögi ölnan mönö yangö nöropñe alnöñ.”

¹⁹ Mewö jiyökmö, iwiñan mi akñamgö qetala Josef kewö jii mörök: “Nahöni, mi ölop mötzal. Nöñön mi mötzal. Manasenöñ mewöyök qetbuñangambuk aiga yangö gwölönarökurupñan mewöyök ahumsehip aka könagesö ketanji akñemö, Efraimgö qetbuñan mönö Manasegören qetbuña ongita ahöma. Yangö gwölönarökurupñan mönö ahumsehip ketanji aka könagesö kambuñi kambuñi gwötupuk aka malme.”

²⁰ Mewö jii möriga silim miangörenjök kötuatköm etkiba kewö jiyök: “Israel yeñön mönö etkö qetñiri qeta könagesöñini kötuatköm enñgiba kewö jime: Anutunöñ mönö oyañkoyañ ak enñgiiga enñön Efraim aka Manase ewö akñe. “Mewö jiba Manase mi Efraimgö nembö bapñe alök. ††

²¹ Israelnöñ kötuatköm enñgi teköiga Josef köra keu kewö jiyök: “Mötnöñ, nöñön kömumamgö akzalmö, Anutunöñ embuk mal öngöma. Yanön mönö enñguangiriga iwi asaurupñini yeñgö gölmenöñ lilingöba anme. ²² Miangören anda sutñine gölme mesin getka nöñön göhö gölmeji toroqeba Sekem gölme kelökñambuk mi gihizal. Nöñön kukundu gölme mi Amor könagesö yembuk bim qeba nani timbi aka bimgö sou ketanji miangön yeñgörenjök meal. Josef gi darumunurupki yeñgö bohonñini akzanangöra mi darumunurupki yeñgöra qahöpmö, göhö buñaya jim teköbi ahöma. “Mewö.

Jeikobnöñ nahönurupñi kötuatköm enñgiyök.

49 Miangö andöñe Jeikobnöñ nahönurupñi enñgoholi kagetka keu kewö jiyök: “Inini mönö öröm tokogetka nöñön malmalñine könangep denöwö asuhumawi, miangö kezapqetok keuñi indela jibi mötme.

² Jeikob kö nahönurupñi, inini mönö kaba tokoba iwiñini Israelgören keu kezap ala mötket.

³ O Ruben, göñön nani nahöni mutukñi akzan. Göñön nöñgö ösum-mumuni aka ambi membiga ösumnañgö ölni mutukñi asuhunöñ.

Qetbuñagahö aködamunñi aka kukösumñi miangön mönö munurupki yeñgören enñgongitza.

⁴ Luhutnöñ köwet siri kunduriga kalöpmalöp anda kamakzawi, göhö urugan mönö miangö dop wahöri kalöpköba lañ anda kamakzan.

Göñön iwiñi nöñgö ahöahö dumne öngöba qömböñne qeba anömnambuk ahönöñga dum miangön mönö angöjörakñambuk aka tölohoyök.

Miangöra göhö qetbuñagahö aködamunñan mönö munurupki qahö toroqeba enñgongita ahöma.

⁵ Simeon aka Liwai yetkö darumuna akzahot.

Yetkö timbi lingip nupñiran mönö kegwek kahasililij kondorakza.

† 48.7 Jen 35.16-19

†† 48.20 Hib 11.21

⁶ Yetkôn irimsesewöl qakŋe azi enguyohot kömuget-ka öne töhöñ sihimŋaŋgöra bulmakau aziŋi mienggö köna börö yuainjini laŋ engum yandiyohotka porij aket.

Miaŋgöra yetkôn keu goro jöhömakzahori, nöññön mi-ambuk urumohot qahö ahakzal.

Totoko almahori, nöññön miaŋgöreñ yetpuk qahö toroqeba tatmam.

⁷ Urukazikŋiran könöpŋambuk akzawaŋgöra i jim gesuahöm etkizal.

Urusingokŋiran kanjamŋambuk akzawaŋgöra i jim jörahöm etkizal.

Nöññön könagesöñjiri köñdeñ engibiga yeññön jeikobkö gölme dop köla anme.

Nöññön mendeñ engibiga yeññön Israel sutñine laŋ lalöpköba malme.

⁸ O Juda, göhö darumunurupkan gi möpöseim gihibamalme.

Göhö börögan möñö kerökurupki yeññö imbi jölñine tatma.

Iwigahö nahönurupñi yeññön möñö göhöra geba simin köla malme.

⁹ †O Juda, göññön laion gwaböñji ewö maljan.

O nahöni, gi böröjañ suhuba sömbup qem nemala miaŋgöreñök lilingöba kazan.

Yaññön laion ewö silenji al kötöteiba laion ambiñi ewö eta köla ahömakza.

Körekŋan i suahö aka utuba möñdöbingö keñgötñjini mörakze.

¹⁰ Kukösumgö aiwesökñi mi kunñan Juda yeññö böröñjineyök qahö enguaŋgitma.

Azi kembugö öröpñan köñañi sutñjire kiniga kunñan mi qahö qeköma.

Nanñi aka gwölöñarökurupñan jakömbuak dumŋe tata mal öñgögetka köñañgep kunöñ asuhuiga kö-nagesö kambunji kambunji yeññön yaññö jitiñi tem köla malme.

¹¹ Yaññön doñkiñi wain ip kembañe jöhöi kinma.

Doñkiñi moröñji mi wain kösö sutñjire gwaröhöiga ahöma.

Yaññön oponji mi wain oñan sañgoñma.

Malukunji mi wain kötñañgö sepnje kusahöla közöhölma.

¹² Wain o neiga jeñan wain onji ewö pisihiba injañ kölma.

Juzu onji neiga jitiñan juzu onji ewö tuarima.

¹³ Zebulun könagesö yeññön köwet jitiñe malme.

Yeññö gölmenöñ wañgeñi wañgeñi surumakŋe.

Gölmeñinañgö jaböñi miaññön möñö Saidon taonöñ göröken anda ahöma.

¹⁴ Isakar mi doñki sihitñi kotkotñi miaññö dop akka.

Doñki qakŋe dum tatatkö gösöñji yahöt mietkö sutñjire al kötöteiba lololiba sölonđa ahömakza.

¹⁵ Lololiba sölonđa luhut memba ahöiga dum miriñi mi ölop dop köliga gölmeñan sihim kötökñi akña.

Mi eka andöñji yuai lömbötñi aŋgumamgöra sipköba geiga tosatñan welenqege nup memapköra kuñguba jöhöm wañgime.

¹⁶ Tosatñan Dangö könagesöurupñi mulumgöm engigetka Dan yaññön möñö awörök aka keu diñdiñañgöra bim qeba malma.

Dan kambu yeññön Israelgö kambu tosatñi i ewö aka malme.

¹⁷ Dan yaññön qatö mokoleñ ewö könanöñ ahöba hosgö gwakötñe yöhöiga töwöratiba giliga qakŋe tatmawaññön möñö tala andöandö gölmenöñ gema.

¹⁸ O Kembu, göññön ni kösö gwarönöhök meköba aŋñön köl niñgimangöra uba mambörakzal.

¹⁹ Kegwek kahasililiñ kambu yeññön Gad könagesö engum ohoba malmemö,

Gad yeññön möñö melenđa köñañine eñguatañgöba nanñjini engum ohoba malme.

²⁰ Asergö gölmenöñ nene möriam gwötñuk asuhumakña.

Kiñ yeññön nene nahömñinambuk nemakzei, yaññön möñö nene mewöñji mi gölmeñe kömöt sehiba miaññön tosatñi bauköm enggiba malma.

²¹ Teunöñ sihimŋañgö dop ösumñan laŋ lalöpkö-makzawi,

Naftalinöñ möñö miaññö dop aka moröurupñi engeksihimñinambuk engömemba malma.

²² Wain ip o jeñañgö kösutñe kömötketka kötñi gwötñuk kuñguba böröñi giliga anda sel qösököba yaigep anakzawi,

Josefnöñ möñö miaññö dop akka.

²³ Yaññö kerökurupñan timbi jaugemñjini memba urukönöp qakŋe Josefkö kambu mi eñguatañgöba eñgeriba engum ohoba malme.

²⁴ Mewö malmemö, Jeikobkö bemñi Anutu kukösumŋambuk yaññö böröñan möñö mem köhöim wañgiiga

yaññön timbi töhöñji qahö mosöta börö sihitñi kakñi qahö qeiga malma.

Anutu yaññön möñö urugö lama galömñi aka Israelgö aŋgönkölköl Toñji akka.

²⁵ Iwigahö Anutuñan möñö bauköm gihibamalma.

Bem kukösum pakpakö Toñan möñö kewö kötuetsköm gihiiga malman:

Kiegö kötumötuetñan möñö köñakembayök göhöreñ eriga gölme dutñi emuyañgö oñan göhöreñ koriga nahöñbörat aka sömbup gwötñuk miwikñaim enggiba malman.

²⁶ Kunduñi kundunji mienggö kötumötuetñinan nalöñi nalöñi ambazip dop köl engii mala kotket.

Kunduñañgö sörokŋe yambu dop nene nupñjini memba malgetka nene möriam asuhui mala kotket-

mö,

göhö iwigahö kötumötuetñan möñö mi pakpak ongitza.

Kötumötuet mienñön möñö Josefkö nörop qakŋe öñgöme.

Darumun sutñjine pom jembon tök-kutukutuñi akzawañgö malmalñe mi pakpak möñö ahöm öñgöme.

† 49.9 Jan 24.9; Ind 5.5

²⁷ Benjamin mi kiam kalni ewö akza.

Sönan dop böröjan suhuba sömbup enguba nem gwahöt engimakza.

Silimnön yuai kiom qemakzawi, mi sunjem dop mendenmakza. "Mewö.

²⁸ Israelgö kambu pakpak janngöni 12 mi mewö. Iwiñinan kötuetköm engiba keu mewö mewö jiiga mötket. Kötümötuetjini murutni murutni mi nanjök nanjök mendennda körek kötuetköm engiyök. Mewö.

Jeikobnön kömuyök.

²⁹ Kötuetköm engiba kinda keu kewö jim kutum engiyök: "Anutunön mönön noanjiri nöñön isik alaurupnan kömugeri, yembuk toroqemangö akzal. Nöngö qamötni mi mönön iwiurupni yengö qöhöröñine banjet Hit azi Efrongö gölme köröñe ahözawi, mi angöreñ löm köl niñgime. ³⁰ Banjet mi Keinan gölmenön Makpela gölme köröñe Mamre kösutñe ahöza. Abrahamnön gölme köröñi banjetñambuk mi isikni nanngö qaksirinji ahömapköra Hit azi qetnji Efron yangöreñök söngöröñi meyök. †

³¹ Abraham aka anömni Sara mi banjet miangöreñ löm köl etkiget. Mewöyök Aisak aka anömni Rebeka mi miangöreñ löm köl etkiget. Nöñön toroqeba Lea miangöreñ löm köl wangial. ††³² Abrahamnön gölme köröñi banjetñambuk mi mutuk Hit yengöreñök bohonji meiga ahöza." ³³ Jeikobnön nahönurupni keu mewö jim kutum engim teköba könayahötñi öröi ahöahö dumnön öngöiga nöñ qeba kömuiga Anutunön wangiri isik alaurupni yengöreñ toroqeyök. Mewö. ‡

Jeikob löm kölget.

50 Jeikobnön kömuiga Josefnön luhuba iwiñi kepölaköm wangiba lipköba anda imbinji gili geiga numbuñi yöhötüm neyök. ² Miangö andöñe Josefnön doktaurupni jimkutukutuñangö bapñe malgeri, mi iwiñangö qamötñi sile mem köhököhöi kelöknön mirimegöra jim kutum engiyök. Jim kutum engiiga yengön Israelgö qamötñi mewö ak wangiget. ³ Nup mi memba malgetka wehön 40 jömuk teköyök. Qamötñini kelöknön mirizema, miangö nupni mi nalö köröñi mewö memba maljema. Ijpt könagesö yengön Jeikobköra wehön 70:gö dop jingey köla sahöta malget.

⁴ Sahöta jingey köla wösöbirik malgerangö nalöñi miangön teköiga Josefnön Farao kingö jakömbuak mire nup memba malgeri, yengöra keu kewö jiyök: "Nöñön engö jenine ak-kömükömu miwikñaijal ewö, injini mönön nöngö jitne memba Farao kingöra keu kewö jigetka mötma: ⁵ †Iwinan jebuk mala keu kewö jöhöba jöjopañ keunön jim köhöimamgöra jim kutum niñgiyök: 'Nöñön kömumangö akzal. Ni nanangöra köt köten Keinan gölmenön esibi kinjawi, nöngö qamötni mi mönön miangöreñ anda löm kölman.' Miangöra ölop

merak jinönga nöñön miangöreñ anda iwiñangö qamötñi löm kölagun kunbuk lilingöba kamam."

⁶ Mewö jii jigetka Farao kingöñ mi möta kewö jiyök, "Gi iwigahöra keu jöhöba jöjopañ keunön jim köhöinönji, miangö dop ölop anda iwigahö qamötñi löm kölman."

⁷ Mewö jiiga Josefnön iwiñangö qamötñi löm köl-mamgöra öngöyök. Farao kingö jembonurupni qet-buñanambuk pakpak, jakömbuak miriñangö aka Ijpt kantrigö jitñe memeurupni qetbuñanambuk mi körek yambuk mohotñe anget. ⁸ Josefkö mirigö sai-waurupni körek pakpak, yangö darumunurupni aka iwiñangö könagesöurupni yengön mewöyök mohotñe anget. Anöm-moröurupni, lama, meme aka bulmakau kambuñi kambuñi miyök mönön engömosötketka Gosen gölmenön tatket. ⁹ Hosgö karenji karenji aka azi hos qakñine tatkeri, mi mewöyök anget. Mewö mindiriba kambu keta bölöknji anget.

¹⁰ Anda mala Jordan o kutuba likepñe toroqeba anda Atad mire wit padigö ölnji aka kamböñi mendennda kewötkeri, miri gölme miangöreñ angota köhöikñanök jingey köla silata sahöt bölöba malget. Josefnön iwiñangöra wehön 7:gö dop jingey köla sahöta malök. ¹¹ Atad mire jingey köla sahötketka gölme tonji Keinan könagesö yengön mi eka möta kewö jiget, "Ijpt yengön jingey sahötkö arenji öngöngöñi alje. "Mewö jigetka miri gölme miangö qetnji mi könahiba Abel Mizraim ‡ qetket. Mi Jordan ogö wehön kotkotñe ahöza.

¹² Jeikobnön nahönurupni jim kutum engiyöhi, yengön miangö dop mewö ak wangiget. ¹³ †††Yengön qamötñi anguba Keinan gölmenön anda Mamre kösutñe Makpela gölme köröñe banjet ahözawi, miangöreñ anda löm kölget. Abrahamnön mutuhök gölme köröñi banjetñambuk mi qaksirinji ahömapköra Hit azi Efron yangöreñök söngöröñi meyök. ¹⁴ Josefnön iwiñangö qamötñi löm köli teköiga nanji, darumunurupni aka tosatñi pakpak yambuk iwiñangö qamötñi löm kölbingö angeri, mienön kunbuk Ijpt gölmenön lilingöba kaget. Mewö.

Josefnön likepñi qahö melenmamgö kunbuk jiyök.

¹⁵ Josefkö darumunurupñan iwiñinan kömuiga mi eka tata kewö mötmöröba jiget: "Josefköra silik bölöñi pakpak ak wangiiini, yangön miangöra urukondum möt nengiba nalö kewöñe könahiba likepñi melen nengiba-puk." ¹⁶ Mewö jiba Josefköra keu jit kewö algetka anök, "Iwigan kömumangö aka nengöra keu kewö jim kutuyök: ¹⁷ 'Injini mönön Josefköra keu kewö jigetka mötma: Darumunurupkan silik bölöñi aka ayuhum gihibingö akeri, göñön mönön yengö siñgisöndokñini aka kahasililiñini mi mosötman. Miangöra göñön ölop iwigahö Anutuñangö welenqeueurupni nengö siñgisöndokñini mosötman. "Yengön keu jit mi algetka Josefköreñ kaiga möta mönön qeta sahörök.

¹⁸ Miangö andöñe Josefkö darumunurupñan nanjinak kaba gölmenön tala wösöñe sipköba eta kewö

† 49.30 Jen 23.3-20 †† 49.31 Jen 25.9-10 ‡ 49.33 Apo 7.15
†† 50.5 Jen 47.29-31

‡† Abel Jingen sahötkö arenji. Mizraim Ijpt. Hibru keu mewö.
††† 50.13 Apo 7.16

jiget: "Mötnöñ, nini göhö welenqeaturupki omanji akzin."

¹⁹ Mewö jigetmö, Josefnöñ melenđa kewö jiyök: "Mönö keñgötñini kude mötme. Nöñön Anutugö salupñe qahö kinjal. ²⁰ Ölna, eñön silik bölöñan ayuhum niñgibingöra kapan köla aketmö, Anutunöñ mi möñaiiga salupñe yuai ölopñi asuhumapköra kapan köla ahök. Mewö aka kondota kuñgum niñgiiga könagesö gwötpuk eñgö malmalñini jöhöbiga miangö ölnan nalö kewöñe aukñe asuhiiga ek kutuzin. ²¹ Miangöra mönö keñgötñini kude mötket. Nöñön mönö nanñini aka anöm-moröurupñini eñgö malmalñini körek nañgöm eñgiba malmam. "Mewö jiba bölöñamñinanğö likepñi qahö melenmamğö kunbuk jim köhöiba guñböñjönñ ak eñgiyök. Mewö.

Josefnöñ kömuyök.

²² Josefnöñ iwiñanğö könagesöurupñi yembuk toroqeba Ijpt gölmenöñ malget. Josefnöñ mal öngöiga yambuñi 110 aiga kömuyök. ²³ Josefnöñ isi amböu-

rupñi Efraimgöreñök asuhugetka mi eñgehök. Mewöyök Manasegö nahönñi Makir yanğö nahönböraturupñi asuhugetka Josefkö tambuñe al eñgigetka dohongöm eñgiyök.

²⁴ Miangö andöñe Josefnöñ darumunurupñi yengöra keu kewö jii mötket, "Nöñön kömumamğö akzalmö, Anutunöñ mönö köyan köñ eñgiiga malme. Yanñ inini gölme kiangöreñök eñguanğita gölme Abraham, Aisak aka Jeikob yanğö buñanina akñapköra jim teköba jöjöpaj keunöñ jim köhöiyöhi, mönö miangöreñ anda malme."

²⁵ †Mewö jii mötketka Israelgö nahönurupñan keu jim jöhöba jöjöpaj keunöñ kewö jim köhöimegöra jim kutum eñgiyök: "Anutunöñ köyan köñ eñgii malgetka nöñön kömumbiga nöñgö sihitni mi mönö gölme kiangöreñök anğuba Keinan gölmenöñ anme." ²⁶ Mewö jiba yambuñi 110 aiga kömuyök. Kömuiga Ijpt miangöreñ qamötñi mi sile mem köhököhöigö kelökñan miriba qamöt bokisnöñ algetka ahöyök. Mewö.

† 50.25 Eks 13.19; Jos 24.32; Hib 11.22

Rut

Zöm-asa-asari

Aiwi kembu yengö nalöne Israel yengö malmalñini mihi öngöwa hetananguk. Uruñini melengetka oyaenköyaen malgetnön, miangö andöne silekmalek malgetka heta heta sohoiga lömböt uruñe simbisembel malget. Mala miangö andöne uruñini melenget. Mewö mewö hala malget. Rutnön nalö miangören luaikö könani kundelök. Moab anbi yangön Israel aiwia meyök. Aiwi miangön komuiga Rutnön iranji Israel anbi yanguk pöndan örörön jöhöwa Israelkö Anutuñi törörök qekötahöwa malök. Mewö mala kantrinji Moab mosota Israel uruñe kamba teteköne apñi mutukñangö tinitosolomurupñi yengö sutñineyök aiwi dölökñi kun miwikñaiwa meyök. Yetkö gulinarökñiri kunön kiñ Deiwidkö amböñi halök. Deiwid yangön Israel yengö kiñini qetbuñani öngöngöñi malök. Deiwidkö gulinarökñi kun mihi Jisös. Rutnön yambu 1110-1100 bifo Kraist malök. Aiwi kembu buk miangö sundutñi mienön malmalkö könani miewö kundelget: Anbazipnön Anutu andö qegetka nalö miangören kahasililiñ köndermönöñ ketanñan qakñine öngöget. Rutkö sundutñan köna miewö kundelja: Kian anbi yangön uruñi Israelkö Anutukören melenña mötnarip könagesönön toroqeiga kötümötuetnön qakñe öngöga oyaenköyaen halök.

Buk muyangö bahöñi bohonñi 3 miñgi miewö:

- 1) Naominön Rutkuk Betlehem lilingöyöwöt.
- 2) Rutnön Boazkuk aitongöyöwöt.
- 3) Boaznön Rut mihi anömña meyök.

Elimelek hala saiwaurupñi yengön Moab anget.

1 Walahok Israel uruñe kiñ kun qahö maliga aiwi kembu yengön könagesö galim köl engiwa malget. Nalö miangören bödi hikñaiwa balön patpat söp köla ahöyök. Bödi nalö miangören Juda aiwi kunön anömñi hala nahönweitñi engangita taonñini Betlehem mosota kantri qetñi Moab miangören anda dum tatatñini möhamgöwa kiana malget. ² Aiwi qetñi Elimelek, anömñi qetñi Naomi hala nahönweitñiri qetñiri Malon hala Kilion. Balönñini qetñi Efrata. Yengön taonñini Betlehem mosota Moab balönñön anda miangören malget. [†]

³ Miangören malgetka Naomikö apñi Elimeleknön komuyök. Komuiga Naominön anbi malöya hala nahönweitñe malget. ⁴ Nahönweitñi yetkön mala qariwa Moabkö anbi weit qetñiri Orpa hala Rut ^{††4} miewö malget: Tamar, Rahab, Rut hala Batseba. Mat 1,3-6 etkömeyöwöt. Etkömeyöwötka toroqemba Moab balönñön yambu 10:gö söp mala kutket. ⁵ Mala kuta nahönweitñi weit Malon [‡] hala Kilion yetkön mewöyök komuyöwöt. Komuyöwötka namönñiri Naomi yangön apmerönji qahö nanjök malök. Mewö.

[†] Efrata mihi balön Betlehem liliköwa ahözawi, miangö qetñi. Rut 4:11; Jen 35:19; 1 Sml 16:18; Mai 5:2 ^{††} Rut keu miangö könani mihi 'ala-ala'. Jisöskö ambösakonurupñi yengö sutñine anbi [‡] Malon keu miangö könani mihi 'osumeret aiwi'

Naomi hala Rut yetkön Betlehem lilingöyöwöt.

⁶ Naominön nanjök Moab kantrinön mala nalö kunön buzup keu miewö zöget mörök: 'Kembunön könagesönji bauköm engiwa Israel miangören numbu nene ölip miwikñaim engimamja.' Mewö möta Moab mosota Israel balöne lilingöwa anmamgöra mem mözözöm hali iranweitñi yetkuk wahötket. ⁷ Wahöta köhöm balön malöhi, mihi mosota Juda balönñön lilingöwa anmamgöra haliga iranweitñi yetkuk mohotñe könanön anget.

⁸ Könanön andaga Naominön iranweitñi miewö etkezöyök: "Anbiweit, etkön mönö lilingöwa namönweitñiri yetkö köhömnön anda malmawöt. Etkön nöngö apmeröni komugeri hala ni nengöra ölipñanök ala hal nengiwa malöwötka Kembunön mönö miangö söp likepñi melenña ölipñanök hal komum etkiiga malme. ⁹ Kembunön ölip köna meiga inñiri aiwi kunduk etkömimba malmal tatatñiri yetkö köhömnön miwikñaiwa urusösöngai qakñe malmawöt." Mewö zöm-ba numbuñiri etköhötüm neyöknön, yetkön amburereñ hala silata sahöröwöt.

¹⁰ Sahöta miewö zöyöwöt: "Qahöwi! Niri mönö gowuk lilingöwa göhö könagesö kiripki yengören anbin."

¹¹ Mewö zöyöwötka melenña miewö etkezöyök: "O iranweitni, mönö nöpaköra nonguk kambitkö halza-

wöt? Nöngön kunduk merö nahönweit membiga qariyöwötka etkömembawörak me? Mewö römöngöwawörak ewö, mianjön qahö söpköza. Qahöpmahöp! Mönö dölmuhu lilingöwa anmawöt. ¹² Ni anbi namönñi halzalañgöra aiwi kunñan qahö nömima. O iranweitni, etkön mönö lilingöwa köhömjire anöwöt. Ni kunduk aiwi memamgö römöngöwa erap sunjem aiwi kunguk ahöwa köriguk hala nahönweitni etkömembilenjak ewö, tondup mihi lömböriza.

¹³ Merö mietkön qariyöwötka apweitñira etkimamgö mamböta malmawörak me qahöpto? Yetköra hala aiwi memekö könañiri jöhöm anjuwa nalö köripñi sutñi mihi mönö in malmawötkuk. Miñgi qahö söpköza. O iranweitni, mewö qahö. Kembunön birinji börañda qeköm niñgiiga anpan komuiga mianjöra malmalninan lömböriiga nöngön etköra wösöjijñiñi mötzal."

¹⁴ Mewö zöiga dumñe kunduk silata sahöröwöt. Sahöröwöt teköiga Orpanön iranñangö yaizözökñi zömba numbuñi yöhötüm nempa elenja köhömjire anök. Orpanön anöknön, Rutnön kapañ köla sele kapañ mösölatiyök. ¹⁵ Mewö mösölatiiga Naominön miewö ezöyök: "Mötnön, kasungan anja. Yangön nanñi bemñi hala nanñi anbazip kiripñi yengören anja. Gi mönö mewöñanök elenja köhömjire anöñ."

¹⁶ †Mewö zöyöknön, Rutnön tondup miewö melenjök: "Ni gi gomosotmamgö de kapañ köla zöman. Ölip zönöngga gowuk anbit. Gi denike denike anmani, nöngön mönö mewöyök gowuk mianjören anmam. Gi denike denike malmani, nöngön mönö mewöyök mianjören malmam. Göhö anbazip kiripki miñgi mönö nöngö anbazip kiripna halgetka göhören Anutu mihi mönö nöngören Anutuya hali malmam.

¹⁷ Gi denikeangören komumani, nöngön mönö mewöyök mianjören mohok komumbi löm köl ningimeköra mötzal. Keu mihi miewö zöm köhöimam: Komup mohotnön mönö mender netkima. Iwai mörötñi kunön mender netkima ewö, Kembunön ölip mianjögö likepñi melenjiga nöngö qakne öngöma."

¹⁸ Mewö zömba yanguk anmamgö köhöikñanök kapañ köliga ekta möt qitiwa mianjögö keuñi kunduk qahö zöyöknön,

¹⁹ mohotñamñire anda mala Betlehem taonön kaurowöt. Kauröwötka taongö anbazip patpat yengön i etkeкта sösongai ketanji möta tokoget. Anbi yengön qeta Naomikö yaizözökñi miewö zöget: "Hei! I halakña Naomiya me denöwö? Oe oe oe!"

²⁰ Mewö zögetka Naominön miewö zöyök: "Nöngö qetni Naomi miñgi in de qetme. Ni urusösöngai anbia qahö. Anutu kukosum Touñan mönö kondot niñgiiga urukombuk möta malzal. Mianjöra nöngö qetni Mara qetketka söpköma. ††²¹ Nöngören iwai kombunji ahöiga mutuk taon muhu mosota analnön, erap Kembunön nanñiriga biribörak lilingöwa omañe kazal. Kambu kukosum Touñan keuni kewöta mem kirehöm niñgiiga

könjilij qakñe malzal. Mianjöra qetni Naomi mihi in de qetme." Mewö.

²² Naomi hala iranñi Rut, Moab anbi mianjön Moab mosota Betlehem taonön kayöwöri, nalö mianjören anbazipnön könahiwa padikö alañi bali miñgi nupñine koholget.

Rutnön Boazkö nupnön bali qendañök.

2 Naomikö apñi Elimelekö isik uruñe tinitosolomñi aiwi qetbuñanguk kun qetñi Boaz malök.

² †Nalö kunön Moab anbi Rut yangön iranñi Naomikö miewö ezöyök: "Ölip zöm tekönöngga nöngön nup kunön anda anbazip bali ipñi kohola iriremönñi mosoramjei, mihi qendañda tokomam. Ni ölip aiwi kungö jeñe eksihim miwikñaiwiga 'Oñ!' zöiga ölip yangö andönje anda mihi tokomam." Mewö zöiga Naominön zöyök: "O böratni, ölip anman."

³ Mewö zöiga mosota nup kun dahören nuwa, mihi qahö mötaga tondup lañ anda kinda bali koholgetka yengö andönjine anda ipñi mohok mohok qeqelañlañ heta ahögeri, mihi qendañda qendañda anök. Nup köriñe anöhi, mihi Boaz, iranñi Elimelekö isiknöhök kun yangören nuwa ahöyök.

⁴ Yangön dölmuhu Betlehemök kauta nup anbazipñi engeikta yaizözökñini miewö zöyök: "Bönjön! Kembunön enguk malma." Mewö zöiga melenja miewö qetket: "Kembunön mönö kötuettöm gihima."

⁵ Mewö qetketka Boaznön nup galimñi miewö qesiyök: "Anbi mihi dahön?"

⁶ Mewö qesiiga miewö melenjök: "Anbi mihi köriwengöra. I Naomiguk Moab kantrinöhök kayöwöt.

⁷ Yangön söñan hömandiñe kamba qesim niñgiiga ölip zömbiga nup anbazip yengö könañine engohorata bali ipñi qendañda tokoza. Nup pöndañ memba malzawa döldimuhu koumnön endu anda luhut memba tatza."

⁸ Mewö melenjiga Boaznön Rutköra miewö zöyök: "Böratni mötnön, nöngön keu goroya kun gihimam: Gi nup muhu de mosota tosatñi yengö nupñine qahö anda bali memba tokoman. Mönö nöngö welenqeqe anbiurupni yenguk mohotñe muyangören qendañda malman. ⁹ Ni nup aiwiurupnan gömisiriwekuköra soñgo halzal. Nup denike denike anda padi koholmei, gi mönö mianjögö jegalim hala yengö andönjine anda anbi yenguk malman. Ougangö mötman ewö, welenqeqe yengön ou köwörañgenön huzei, ölip mianjören anda ou neman."

¹⁰ Mewö zöiga Rutnön mihi möta balöñnön gewa bamgöwa Boazköra miewö zöyök: "Ni denöwököra kian mala tondup göhö jege halkomukomu miwikñaiwiga mewö köyan köl niñgizan?"

¹¹ Mewö zöiga miewö melenjök: "Nöngön göhö ambamemegangö sundutñi mihi körek zögetka mötzal. Göhön apkan komuiga irangi ölip galim köla mala kutnön. Göhön namönmamgi hala hikñaihikñai kantrigi mihi mosota anbazip walak qahö möt nenginönji, nengö sutñine kamba malzan. ¹² Göhön saiwaurupki ölipñi hal enginöngga Anutu Israel nengö Kembuninan

† 1.16 Rut 2.11-12; 2 Kiñ 2.2-6 †† Qet weit mihi Hibu keu könañiranguk. Naomi urusösöngai. Mara urukombuk.

‡ 2.2 Lew 19.9-10; Dut 24.19

mönö miangö töwanji gihima. Kuruknön ginginjan merourupnji kölközizip hal engimamjawi, miangö söp göhön Anutukö aumnje malmamgöra muhu kanöj.”

¹³ Mewö zöiga Rutnön muewö melenök: “Ketanjamni, ni göhö nup meme anbiurupki yengö söp qahöpnön, göhön tondup ölipnji hal ningizan. Göhön keu nungunöngga seleni pösatza.” Mewö melenök.

¹⁴ Numbu nene nalönan kaiga Boaznön Rutköra muewö zöyök: “Ölip muhu kamba bered munju memba kasaknön kundumgöwa neman.” Mewö haliga nup anbazip yenguk tariga Boaznön bali ohomqitiqitini mihi wanjiyök. Mihi wanjiiga neiga tomenji juliga nene tosatni mosota tarök. ¹⁵ Tata wahöta anda toroqemba bali ipnji qendañniga Boaznön nup aiwiurupnji muewö zöm qitim engiyök: “Yangön bali ipnji mihi böran miengö sutnjine miangöreñ mewöyök qendañda tokoma ewö, injini mönö keu töhöreñ de zöm wanjime. ¹⁶ Mewö qahöpnön, bali ipnji tosatni mihi böranjineyök mewöyök hörowa halget heriga kamba nanjanjöra mem tokoma. Injini i de zöm wanjime.”

¹⁷ Mewö zöm qitim engiiga Rutnön bali ipnji qendañda tokoi öngöiga hölnji hala kamböni mender etkimangö sapak kerinjanjuknön humba qörörengöwa gösiiga hölnji gösö karömbötkö söp (36 lita) haliga köhöm siñsingöwa kayök. ¹⁸ Mewö haliga bali hölnji mihi memba taonön lilingöwa kamba dawik qendañda malöhi, mihi iranji kundel wanjiyök. Miangö andöñe nene söpñe memba tosatni mosoröhi, mihi mewöyök ujeta wanjiyök.

¹⁹ Mihi wanjiiga muewö qesim wanjiyök: “Gi erap denike anda bali qendañda memba malzan? Dahö nup urunje nup memba malzan? Aiwi galim köl gihizawi, Anutunön mönö i kötuatköm wanjime.” Mewö zöiga dahö nupnön nup memba malöhi, yangö sundutni Naomiköra zöm muewö zöyök: “Ni erap aiwi kunguk nup memba malzali, yangö qetnji mihi Boaz.”

²⁰ †Mewö zöiga Naomikö elemnji heriga muewö zöi mörök: “Kembunön mönö Boaz kötuatköm wanjime. Kembunön hal komum nengimangö keu jöhöyöhi, miangö söp mönö pondañ apmerourupnan komugeri hala nini erap muhu malzini, nengöra halkomukomunji qahö jöhöwa malza.” Toroqemba keu muewö zöyök: “Aiwi mihi nanini tinitosolomnina hala isikninañgö sohopnji meme aiwia. Miangöra yangön mönö ölip galim köl nengima.”

²¹ Mewö zöi möta Moab anbi Rutnön muewö zöyök: “Keu kun toroqemba muewö zöi mötzal: ‘Gi mönö nöngö nup meme anbazip yenguk nömtik malnöngga nöngöreñ bali patpat mihi kohol teköme.’”

²² Mewö zöiga Naominön muewö zöyök: “O böratni, mihi ölip. Gi tosatni yengö nup köriñine anöngga silik kirekñi hal gihiwekuk. Miangöra gi ölip Boazkö nup meme anbi yenguk anda nup memba malman.”

²³ Mewö zöiga Rutnön Boazkö nup meme anbi yengö kösutnjine nömtik mala hölnji qendañda tokowa maliga bali hala wit mietkö koholkohol nalöñiran teköyök. Teköiga toroqemba iranji Naomiguk malöwöt. Mewö.

Rut hala Boaz yetkön bali nupnön aitongöyöwöt.

3 Nalö tosatni teköiga Naominön iranji Rutkö muewö zöyök: “O böratni, ni ölip aiwi kun batököwa miwikñaiwiga galim köl gihiiga yanguk sösongai qakñe köhömgö nangöhök tatman. ² Gi nup meme anbi yenguk mösölatiwa malnöñi, yengö galimñini Boaznön mönö nanini tinitosolomnina halza. Mötnön, yangön erap sunjem baliqeqe sombemnön gewa bali hölnji hala kamböni mender etkimangöra sapak kerinjanjuknön humba qörörengöwa kewötma.

³ Miangöra gi mönö dölmuhu ou ariwa selegi kelök umköhöwakñanjuknön miriwa opo sirigi löngöta baliqeqe sombemnön geman. Emu gemanön, mutuk tikep malnöngga numbu nenenji hala ougisipnji nem dariga miangö andöñe ölip yangö jeñe hikñainöngga geikma. ⁴ Gawöngö möta heta denike höl köla ahömawi, mönö miñgi ekta miangöreñ anman. Kölközizip gihimapköra qesimani, miangö kaisöpsöpñi mönö muewö halman: Gi yangö qöhöröñe anda könaje göröken esu kitipnji menön wahöriga gewa ahöman. Mewö ahönöngga miwikñaim gihiwa denöwö halmani, mihi gezöiga mötman.”

⁵ Iranjan muewö zöiga Rutnön muewö melenök: “Keu patpat zözani, nöngön mihi ölip hal datmam.”

⁶ Mewö melenja baliqeqe sombemnön gewa iranjan zöm qitim wanjiyöhangö söwök muewö hal teköyök: ⁷ Boaznön sunjem numbu nenenji hala ougisipnji nem dari kip seleni mem kolihiga wahöta bali kirip kungö görane gewa gawön ahöyök. Miangöreñ ahöiga Rutnön ölöñ zañ qemba anda könaje göröken esu kitipnji mei wahöriga miangöreñ gewa ahöyök. ⁸ Ahöiga sunjem hömbiwiñe iwai kungöra outupñe tiiga imbiñi möta elenja anbi kun könaje ahöyöhi, mihi miwikñaiwa ekta hauruyök.

⁹ Hauruwa qesim wanjiyök: “Gi dahön?” Qesim wanjiiga muewö melenök: “O ketanjamni, ni Rut, göhö welenqeqe anbia. Göhön nangi isikangö sohopnji meme aiwia halzan. Miangöra Juda engö ambamemenjini wuatangöwa ni ölip galim köl ningiwa esugan turum ningiman.”

¹⁰ Mewö melenjiga muewö zöyök: “O böratni, Kembunön mönö kötuatköm gihima. Gi ölip aiwi wanapnji me pomñi sukinapñinanjuk yengö andöñine anbanaknön, mewö qahö halzan. Gi walahok isikurupni ölip nanjöm enjiwa malnöña erap mihi ongita silik ölip sorokñi halzan. ¹¹ O böratni, gi mönö torok de hala böñjön malman. Gi anbi ölip sorokñi halzani, miñgi taongö anbazip köreknan ölip mötze. Miangöra gi ikö me waikö qesim ningimani, nöngön mihi ölip hal teköm gihimam. ¹² ††Ni göhö tinitosolomgi hala galim köl gihimangö söp halzal. Keu miñgi hölnjanñön, aiwi kunön nöngö isiknangö sohopnji meme aiwi bohönji halza. Nöngön yangö qerembenji miyök malzal. ¹³ Mewököra ölip sunjem muhu muewö ahöman. Sohop meme aiwi bohönjan uran bohongi memangö zömbawak ewö, mihi ölipnön, bohongi memangö

† 2.20 Lew 25.25

†† 3.12 Rut 2.20

qahö mötma ewö, nöngön ölip bohongi memam. Keu mihi jöhöwa Kembukö qetne jöjopañ keunöñ zöm köhöizal. Mianğöra ölip böñjöh ahönöñga söñan halma.”

¹⁴ Boaznöñ mewö zömbe anbi kunöñ baliqeçe sombemnöñ yangöreñ heröhi, kunñan mihi möt-paküköra mörök. Mianğöra Rutnöñ Boazkö könañe heta ahöyöknöñ, wañgerañ suluiga nalö mianğöreñok kunñan i qahö ek qitiiga ölöñ anmapköra wahörök.

¹⁵ Wahöriga Boaznöñ mewö zöyök: “Mönö malukugi selegeyök meköwa merereñğöwa memba kinöñ.” Mewö zöiga meköwa memba kiniga bali köñji 25 kilogramgö söp kewöta mokoï geyök. Geiga memba köbibihwa Rutkö hawötñe haliga hañguwa lilingöwa taonöñ anök.

¹⁶ Rutnöñ mewö taonöñ anda iranñangöreñ añgoriga mewö qesiyök: “O böratni, denöwö mala kazan?” Mewö qesiiga Boaznöñ yangö iwai patpat halöhi, mianğö sundutñi zöi mörök.

¹⁷ Möriğa mewö toroqemba zöyök: “Gi iran-gangöreñ biribörak de anman, zömbe bali muñgu niñgiza.”

¹⁸ Mewö zöiga Naominöñ mewö zöyök: “O böratni, aiwi mianjön erap in luhut qahö memapnöñ, keugi galim köla maliga mihi mindiñgöget teköiga mianğö andöñe ölip tata luhut mema. Mianğöra gi mönö ösöñ mamböta tata keugi denöwö zögetka hikñaimawi, mihi mötman.” Mewö.

Boaznöñ Rut anömña meyök.

4 Boaznöñ taongö kiripo nañguñe anda qenjarök sombemnöñ heta tarök. Tariga isikñangö sohop meme aiwiköra keu zöyöhi, yangön kamba oñgitmamgö haliga yangöra mewö qerök: “O alani, gi ölip muhu kamba heta tatman.” Mewö qeriga kamba mianğöreñ heta tarök. ² Tariga Boaznöñ taonöhok jötñe meme aiwi 10 engömiiga kagetka tatmeköra zöiga mohotñe heta tatket.

³ Tatketka Boaznöñ isikñangö sohop meme aiwiköra mewö zöyök: “Nalö mewöñe Naominöñ Moab kantri mosota lilingöwa kayöhi, yangön datnini Elimeleköreñ balöñ kitipñi mihi bohonñi memeköra halza. ⁴ Mianğöra nöngön mewö römöngözal: Göhön keu mihi mötmangöra göhöra zözal. Göhön isiknirangö sohop meme aiwia halnöñga nöngön göhö qeremberñgi halzal. Sohop meme aiwi mörötñi kun qahö malja. Mianğöra göhön mihi bohonñi memangöra kuñgum ghizal. Göhön miñgi bohonñi memamgö sihimñi mötman ewö, mihi ölip bohonñi memanöñ, mihi tököman ewö, ölip mihi mewöyök zönöñga mötmam. Mihi ölip aiwi muhu tatzei, yengö jeñine zöman. Mihi könagesö kiripnangö jötñe meme muñgu yengö jeñine zöman.” Boaznöñ mewö zöiga aiwi alañan mewö zöyök: “Nöngön mihi ölip bohonñi memam.”

⁵ Mewö zöiga Boaznöñ zöyök: “Göhön Naomiköreñ balöñ köriñi miñgi söñgöronñi memani, nalö mianğöreñ mönö Moab anbi Rut, aiwi komuyöhañgö malöñi miñgi mohok bohonñi meman. Mewö hala aiwi

komuyöhañgö qetñan mönö birisamot balöñ mianğöreñ ahömapköra mihi galim köla malman.”

⁶ Mewö zöiga sohop meme aiwi bohonñan mewö meleñnök: “Mewö haliga nöngön mihi bohonñi memamgö osizal. Rutnöñ nani nahönböratni yenguk mohotñe birisamotni mendengetka mohot mohot yengön balöñ kitipñi merömerö miyök buña qem añguwekuk. Nöngön mewö halmamgö osizal. Mianğöra göhön ölip mihi söñgöronñi menöñga nangi buñaya halma.” Mewö meleñnök.

⁷ †Walahok Israel uruñe kunñan balöñ iwai bohonñi meiga buñaji haliga mianğö keuñan köhöimapköra yengön silik mewö hala malget: Keu zöm teköwa jöjöhö halget teköiga yetköreñök kunöñ köna esuñi qeköwa alañi wañgizapma. Israel yengön iwai bohonñi memekö keuñan teköyöhi, mihi silik mewö mianjön kundelzema.

⁸ Mianğöra aiwi mianjön Boazköra mewö zöyök: “Göhön mihi ölip söñgöronñi menöñga buñagi halma.” Mewö zömbe köna esuñi qeköwa Boaz wañgiyök. ⁹ Mihi wañgiiga Boaznöñ jötñe meme aiwi hala könağösö patpat yengöra mewö engezöyök: “Nöngön Elimelek, Kilion hala Malon yengöreñ iwai patpat miñgi Naomiköreñök söñgöronñi mezal. Inini mihi erap jeqawa suluwa ölip nañgöwa zömeañgö söp halze.

¹⁰ ††Nöngön Moab anbi Rut, Malongöreñ malöya i mewöñanök bohonñi membi nöngö anömna halma. Mewö hala aiwi komuyöhañgö qetñan birisamot balöñ mianğöreñ ahömapköra mihi galim köla malmam. Qetñan mewö qahö ayapkömapnöñ, gulinarökurupñan Elimelekö qetñi ölüm enguwaküköra mihi ölip taon ofiskö bukñöh ahöm öñgöma. Inini mihi erap jeqawa suluwa ölip nañgöwa zömeañgö söp halze.”

¹¹ †Boaznöñ mewö zöiga jötñe meme aiwi hala könağösö taongö kiripo nañguñe sombemnöñ tatkeri, yengön körek mewö zöget: “Nini mihi jeqawa suluwa nañgöwin. Kembunöñ ölip anömgi göhö köhömgö kamawi, i kötuetsköm wañgiiga yangön Reizöl hala Lea yetkö söp halma. Yetköñ Jeikobkö nahönböratuñe kombunñi engömeyöwötka Israel könagesöñinan hikñaiyök. Göhön ölip Efrata balöñnöñ jötñe meme aiwi pomñi hala Betlehem taonöñ qetbuñaganguk malman. ¹² ††Kembunöñ anbi malö ramikñi mianğöreñök gulinarök gihimawi, göhöreñ könagesö yengön mönö Juda hala Tamar yetkö nahönñiri Perez yangö saiwakö söp hala malme.” Mewö.

Boazkö gulinarökurupñi yengö qet areñ

¹³ Mewö hala Boaznöñ Rut wañgita köhömgöñe anda anömña meiga Kembunöñ kötuetsköm wañgiiga köri hala nahönña meyök. ¹⁴ Nahönña meiga anbi yengön Naomiköra mewö zöget: “Nini Kembu möpöseizin. Yangön erap isikñangö sohop meme aiwia ghizawa yangön ölip galim köl ghihiwa malma. Merö mianjön mönö Israel uruñe qetbuñananguk halma.

† 4.7 Dut 25.9 †† 4.10 Dut 25.5-6 ‡ 4.11 Jen 29.31 †† 4.12 Jen 38.27-30

¹⁵ Göhö irangan jöpaköm gihimamja. Göhö nahönu-rupki 7 malweak ewö, yangön mönö i patpat engongita bauköm gihiwa malök. Yangön erap isiga gihiiga yangön mönö malmalgi kölönjaiwa uruöliwam qem gihiwa malma. Könangep anbi namönñi halnönnga yangön ölip galim köl gihiiga malman.” ¹⁶ Mewö zögetka Naominön merö mihi memba dohongöwa galim köl wangiwa malök.

¹⁷ Anbi kösutnje malgeri, yengön miewö zöget: “Naomiköreñök isi nahönña hikñaiza.” Mewö zömba

qetñi Obed qetket. Obedkö nahönñi Jesi, isiñi kiñ Deiwid.

¹⁸ Qet areñ muhu mei Perezköreñök könahiwa kinda Deiwidköreñ öngöza: Perezkö nahönñi Hezron, ¹⁹ Hezrongö nahönñi Ram. Ramgö nahönñi Aminadab. ²⁰ Aminadabkö nahönñi Nason. Nasongö nahönñi Salmon. ²¹ Salmongö nahönñi Boaz. Boazkö nahönñi Obed. ²² Obedkö nahönñi Jesi. Jesikö nahönñi kiñ Deiwid. Mewö.

Jona

Jim-asa-asahi

Buk kianjön kezapqetok keu murutnji akzap. Mi Jonagörap denöwe asuhuyöhi, miangöt kösohotnji akzap. Anutunöj keu kewö jim kutum wangiyök: Gi mönö Asiria kantrigöt siti bohonji qetnji Niniwe miangörej anda urukungukungu nup meman. Asiria yejön kahasililiñini ketaunji ahöiga Israel yejön kerök miangörap kömumbepukörap keñgötñini möta malget. Anutunöj Jona mewö jim kutum wangiyökmö, yanjön mi esapköba qetala Anutugöt koleknöj miangörej anmamgöt tököyök. Mi kewögörap tököyök: Anutunöj siti mi ayuhumamgöt galöm meme keu jiyökmö, yanjön miangöt dop ölna akñapkö qahöp möt köhöiyök.

Jonanöj tököba qetaliga lömböt öngöngöñi qakñe öngögetka miangöt andöñe nanñi imbi-imbiñi memba et ala tem köla anök. Anda urukungukungu nup meiga Niniwe sehisehiñi yejön uruñini ölnap melenget. Miangörap Anutugöt uruñan amöriiga qahöp ayuhum engiyök. Miangörap Jonagöt uruñan böliba kömbuhiba nanñak kömumamgöt mörök. Kiñ kunöj yambu 782-753 bifo Kraist galömñina maliga Jonanöj nalö miangörej nupñi meyök. Miriñi Gat Hefer mi Nazaret kösutñe, 5 kilomita anangö dop. Niniwe mi köröwen, 500-600 kilomita anangö dop.

Könanjep Israel yejön nanñinak kezapqetok ambazip yeñgörej keu möta kude tem kölgetka Anutunöj jiiga Asiria yejön kaba enguba enguangötketka mewö nanñini kinkinñini mi mosötket. Buk kianjön Anutugöt könanji yahöt kewö kondeljab: Körek nejön Anutugöt jitsihitji törörök tem kölbinangöt dop akzin. Mewö qahöp akzin ewö, lömbötnöj mönö ölnap qaknine öngömap. Könanji bohonji kun mi ak-kömukömu aka urujöpak. Yanjön nanñi kerök kambunji Asiria yeñgöt siñgisöndokñini mewöyök mosöta ayuayuhunöhök meköm engjimapköt kapar kölakzap. Likepñi bölöñi qakñine öngöbapuköt möt köhöiba urunini melenbingöt kuñgum neñgimapakzap.

Buk kiangöt bahöñi bohonji 4 mi kewö:

- 1) Anutunöj Jona oholiga yanñisen ahök.
- 2) Jonanöj uruñi melengetda söranöhök lolohoyök.
- 3) Jonanöj Niniwe könagesö uruñini kuñguyök.
- 4) Uruñini melengetka Anutunöj ak kömum engiyök.

Jonanöj Kembu qetala mömölaköyök.

¹ Israel miangörej Kembugörej keu mi Amitaigöt nahöñji Jona yanñörej kewö asuhuyök: ² "Asiria kantrigöt siti ketaunji Niniwe mi wehön kotkotñe ahöza. Yejön bau jegömöl aka bölöñamñini memba malakze. Miangöt keu mi nöngöt jemesoholne öngöiga mötzal. Miangörap göñön möp wahöta eu anda nöngöt buña keuni jiba miangön uruñini kuñguman."

³ Mewö jiyökmö, Jonanöj möp Kembugöt jemesoholneyök ölöñ köla wehön geñeñe göröken anmamgörap wahörök. Wahöta miri qetnji Jopa (Jaffa) miangörej geba wanñe kun miwikñaiba "Ölöp yembuk Tarsis mire Spein kantrinöñ anmam," jiba köna söñgöronji memba wanñenöñ öngöyök. Mewö öngöba Kembugöt jemesoholneyök mömölaköba anök.

⁴ Mewö anökmö, Kibunöñ möp luhut köhöikñi melaii köwetnöñ anda qeiga siridimbom ketaunji asuhuiga wanñenöñ miangörap jömgömamgöt ahök.

⁵ Mewö aiga wanñe böro azi yejön keñgötñini möta nanñini bemurupñinangöt dop nanñök nanñök köuluköm engiget. Mewö aka wanñenöñ amgömapkörap miangöt inap yuainji mi körek gilgetka köwetnöñ gem teköyökmö, Jonanöj wanñe dutñangöt uruñe geba miangörej öl köla gaun lömbötñi ahöyök.

⁶ Miangörej ahöiga wanñe galömñan yanñörej kaba kewö jiyök: "Gi möp wuanöngörap ki gaun ahözane? Möp wahöta nangi bemgi qeta köulukönöñga yanjön mötmörim neñgiiga kude ayuhubinak." Mewö jiyök.

⁷ Mewö jiiga sutñine kewö jiget: "Ayop möp kaget! Nini möp unju qeba azi dagöt siñgisöndokörap ayuayuhu ki neñgöt qaknine öngözawi, miangöt könanji mewö miwikñaibin." Mewö jiba unju qegetka Jonanöñ asuhuyök. ⁸ Asuhuiga jiget kaiga kewö qesim wanñiget: "Ayuayuhu ki mi dagöt siñgisöndokörap aka neñgöt qaknine öngözawi, gi möp miangöt könanji jinöñga mörin. Gi wanat nuwa memakzan? Gi waniñeyök kazan? Göhörej kantri mi waniñe aiga göhörej könagesöurupki mi waniñe malje?"

† 1.1.2 Kiñ 1 4.25

⁹ Mewö qesim wanjigetka kewö melenök: "Ni Israelgöt Hibru azia akzal. Ni Kembu, Suepkö Anutunji waiknji memba möpöseimakzal. Yanjön köwet aka gölme örönji miwikñaim etkiyök. ¹⁰ Yanjön börö osikosibuk niñgiiga nöñon mi tököba Kembugöt jemesoholneyök ölöñ köla kazal."

Mewö melenjiga azi yanjön mi möt yaköba gwötpuk awöwöliba kewö jiba jim wanjiget: "Ye! Gi möp wuanöngöröp mewö akzane?" ¹¹ Köwet mi toroqeba bölim köhöiba ahöyök. Mianjöröp yanjön kewö qesim wanjiget: "Nini möp denöwewö ak gihiinga köwetnön giñ qebawak?"

¹² Mewö qesim wanjigetka yanjöröp kewö melenök: "Siridimbom ketaunji kianjön möp nöngöröp aka engöt qakñine öngöba qezawi, nöñon mi ölop mötzal. Mianjöröp inji möp nömimba köwetnön gilgetka gemam. Gilget gebiga köwetnön ölop giñ gemap. Mewö jizal."

¹³ Mewö jiiga börö azi yanjön töndup wanje kunbuk gölme oronje angotmapköröp lökuatnön nanjöröp qeba qegetmö, köwetnön bölim teköyöhanjöröp aka mi osiget. ¹⁴ Osiba Israelgöt Kembunji yanjöt qeta köuluköba kewö jiget: "O Kembu, gi nangak keu jtkahöt dop mi wuatangöba yuai ki akzan. Mewögöröp Kembu, azi kianjön kömumapköröp aiga mianjöröp nini kude ayuhum nengiman. Sepnanjöt keunji mi nengöt qaknine kude alnönnga öngömap. Keu mi ölnap."

¹⁵ Mewö köuluköba anda Jona memba gilgetka köwetnön geyök. Geiga köwetkö kukñan ösumok bököiga giñ qeyök. ¹⁶ Giñ qeiga azi yanjön Kembugöröp euam awöwöliba naluk ketaunji ala Kembu jöwöwöl ohom wanjiba keunji kewö jöhöget: "Nini möp Kembugöt keunji tem köla kude qetalbin."

¹⁷ †Jonanön köwetnön geiga Kembunön söra ketaunji kun melaiiga anda Jona gwahörök. Gwahöriga söra mianjöt urunje sunjem silim karöbut ahöba malök. Mewö.

Jonanön gajugaju kömgokñe ahöba köuluköyök.

2 Jonanön söra urunje ahöba Kembu Anutunji köuluköm wanjiba kewö jiyök: ² "Nöñon wahöjalij urunje Kembu köuluköm gihibiga göñon ölop keuni mötzan.

Ni unjem senjom kömgokñe ahöba uleralga göñon ölop uletni mötzan. ³ Göñon köwet röndum ketaunje tötal niñginönnga gezal.

Göñon köwet söñsöñauñangöt dutñe tuapkönön eralga göulu ketaunjan esuhum niñgizap.

Göhöreñ qölgöl-söutsöt pakpak mi musulungöm niñgizap.

Göhöreñ siri pakpak mi qeba turuba nem ulahöm niñgizap. ⁴ Mia möta kewö mötmörizal: Göñon ni göhöt jemesoholgeyök közöl niñginönnga maljal. Mi töndup nöñon möp kunbuk göhöreñ jöwöwöl jike kömbukñe göröken jenan ubi anma. Mi kunbuk kude

ekilenjahak kun. ⁵ O aka omanjaret mi nöngöt qakne öngöba turum niñgim teközap.

Röndumnöhök möp liliköm niñgim teközap.

Köwetköt kumburereñ mianjön möp nörop jupni köpeiba esuhuzap. ⁶ Ni kundunangöt röndañ könanangöt dop yuhuyangöreñ eral. Röndañöt botñi mianjön möp nöngöt qakne jöhöm qözönnda jöhöm qözön köhöizap.

Yuhu maljalmö, o Kembu Anutuni, göñon möp neka röndañ dutñeyök kunbuk öröm niñginönnga malmal-nön kotmam. ⁷ Nöngöt malmalnan qahöwakñangöt aiga nöñon nalö mianjöreñ Kembu, gi mötmörim gihibiga köuluknan öngöba göhöt Suep jike kömbukñe euyangöreñ öngöba göhöreñ angotmap. ⁸ Ambazip kopa-bemlopion omanji göda qem engimakzei, yanjön mewö aka kalem möriam Tonji gi andö guhumakze.

⁹ Andö mewö guhumakzemö, nöñon möp möpömöpö-sei löñet omsa köla naluk ala jöwöwöl ohom gihi-mangöt mötzal.

Nöñon yuaigöt keunji jim jöhözali, mianjöt dop möp ak sorokömakñam.

O Kembu, gi mohotnön nöngöt malmalnañgöt bohoni jöhömangöt köhöizan. Keu mi ölnap."

¹⁰ Mewö köuluköm teköiga Kembunön möp söra mi jim kutum wanjiiga kaba kota Jona loñniga gölme oronje erök. Mewö.

Jonanön Anutugöt nup mi Niniwe urunje meyök.

3 Gölme oronje eriga Kembugöreñ keu ki mi kunbuk Jonagöreñ asuhuyök: ² "Göñon möp wahöta siti ketaunji Niniwe mianjöreñ anda buña keu gihimami, mi jiba urunji kunguman." ³ Keu mewö asuhuiga Jonanön wahöta Kembugöt keu jit tem köla Niniwe anök. Niniwegöt dopñi mi kewö: Gi gorañeyök könahiba anda malnönnga wehön karöbut teköiga likepñe endu angotman. ⁴ †Jonanön könahiba siti urunje anda maliga wehön mohot teköiga buña keu qeta kewö jiyök:

"Wehön 40 kun ahözap. Mi teköiga Niniwe siti kianjön möp melenji gemap."

⁵ Keu mewö qeta jiiga Niniwe könagesö yanjön Anutugöreñ keu möt nariba urunji melenjida nene singi malbingöt nalö ala jim köhöiget. Mi jim köhöiba ambazip ketaunji morönji yanjön lökñanök imbi melenjöt samot meget silenine öngöiga kau ariget.

⁶ Mewö aketka mianjöt buzup keunji mi Niniwegöt kiñ (praim ministra) yanjöreñ angorök. Angoriga möta jakömbuak dum tatatñeyök eta malukunji köteköba samot memba at-turuba kau utuba ariba tarök. ⁷ Tata jim kutukutu kewö aliga Niniwe siti dop köl teköba anök: "Inji möp kiñ aka jembonurupñi yanjöreñ jim kutukutu ki mötme: Kunñan kun möp nene kulun kude nemap. Ambazip me bau kuruk-lama bulmakau-inji nene kulun kun nemegöt kude möt engime.

⁸ Nene singi mewö mala samot mem teköba Anutu köhöikñanök sahöt köuluköm wanjiba nanjök nanjök könanamñini bölönji aka ambazip ayuayuhu

† 1.17 Mat 1 2.40

†† 3.4 Mat 1 2.41; Luk 1 1.32

börönjini töwötpuk meget ahözawi, mi möp andö qem teköba mosötme.

⁹ Mewö ahinga Anutugöt uruñan kunbuk eriga wösöñi möt neñgiba kukñangöt könöpñi qeraköba siñgisöndoknini mosötpawak. Mi mosöriга kude ayuhubinak. Mewö jizin."

¹⁰ Mi möt asahiba könañamñini bölöñi andö qeba uruñini melengetka Anutunöñ ahakmemenini mi eka wösöñi möt engiba mötmötñi liliñgöiga siñgisöndokñi-nañgöt likepñi melen engimapkö ahöhi, mi mosörök. Uruñan mewö eriga kude mem bölim engiyök. Mewö.

Jonanöñ tembula irimñi sehohiyök.

4 Mewö asuhuyökmö, Jonanöñ miangörap urubölö ketauñi möta irimñi sehohiyök. ² †Irimñi sehohiiga Kambu ulet wañgiba kewö jiyök: "Aek Kambu, gi ak-kö-mukömugöt bemñi mala ölop neñgehorimakzan. Göhöreñ kuki mi öñsöñ aiga kalem möriamgi mi önöñi qahöp ahöza. Mewö urugi zölañ amöröiga wösögi mö-ta könagesö kun mem bölöm engimamgöt kude mörakzan. Mia nane gölmenöñ mala lök möt yaköba jiali, mia ölum guhuza me qahöp? Könañi mewögörap aka nalö miangöreñ Tarsis anmam jiba ösumok mömölaköba anda malal. ³ ††Merak malmalgöt tököba kömupköt möralga ölöwakzap. Miangörap Kambu, göñön möp malmalni dölki noañgötnöñ. Keu mi ölnap."

⁴ Mewö ulerökmö, Kambunöñ kewö melen wañgiyök: "Jona, gi ak-kömukömugörap irimsesewöl mötzani, mi dop köljap me qahöp?"

⁵ Mewö jiiga Jonanöñ siti mosöta eta wehön kotkotñe göröken anda köna töwokñe endu koum qeba mi-añgöt aumñe tarök. Tata sitigörap mewö me mewö asuhumawi, mi ekñamqörap uba tarök.

⁶ Mewö tarökmö, Kambu Anutunöñ Jona uruölöwak ak wañgimamgörap jiiga ölunölun kun asuhuba köriba kota Jonagöt nöropñi aum köl wañgiyök. Aum köl wañgiiga ölunölungörap uruölöwak ketauñi möta tarök. ⁷ Tata suñgem kun ahöiga miri gianjiiga mi-añgöreñ Anutunöñ taröñ kun melaiiga kaba ölunölun mi yöhöröñgöiga sinñi sohohiyök. ⁸ Wehönöñ koriga Anutunöñ jiiga luhut könöpñambuk kötokñi mi miri jeñi kotkotñeyök qeiga wehön jeñan nöropñe qei qei uruñi öngöba duhuiga kömumamgöt möt teköba kö-luköba kewö jiyök: "Nöñön malmalgöt tököba kömup-köt möralga ölöwakzap. Keu mi ölna."

⁹ Mewö jiyökmö, Anutunöñ Jonagörap kewö jiyök: "Gi ölunölungörap irimñi sehohizawi, mi dop köljap me qahöp?" Mewö jiiga kewö melen wañgiyök: "Irimni sehohizawi, mi möp dop köljawa. Nöñgöt irimsesewölmi mi ketauñi aiga urunan kude amörimap. Miangörap ölop kömumam. Keu mi ölnap."

¹⁰ Jonanöñ mewö jiiga Kambunöñ kewö jiyök: "Gi ölunölungöt böröñi kun kude memba mi kunde galöm kölnöñga köriyök. Mi suñgem mohotkö uruñe asuhuyök aka suñgem mohotkö uruñe sohohiba kö-muyök. Töndup göñön nangak yuai omanñi mewöñi mi-añgörap sahöta waimanjat mötzan.

¹¹ Mewö aiga nöñön möp denöwögörap siti ketauñi kiangöt könagesöñi yengörap waimanjat kude möt-pilenjak? Miangöt uruñe morö namande 1 20.000 (handöt twenti tausen) jañgö mi ongöta maljei, mi ölopñangöt aka bölöñangöt könañiri kude möt kewöt etkimakzei aka bau kuruk yuai mi tok gwötpuk malje. Mi ambazip ketauñi yembuk mohok mem bölim engi-bilenjbukörap nöñön möp sihimnan Niniwe enge-horizal." Mewö.

† 4.2 Eks 34.6 †† 4.3 1 Kiñ 1 9.4

Matyu

Jim-asa-asari

Matyu qet mianğö kōnañi mi Kembugōreñ kalem. Qetñi alañi Liwai. Rom gawmangō takis meme azia malök. Nup mi memba maliga Jisōsnōñ kaba oholiga uruñi melenđa gwarek 12 yeñğö sutñine malök. Ölöwak Buña ki Jisōsgö kōnañi nanñe Juda kōnagesö yeñğōra jim asarim eñgimamğōra aka ohoyök. Keu kötñi bohonñi kewö, "Jisōs Kraistnōñ Amötqeqe Tonini aka Kiñnini akza." Juda ambazip yeñğōra keu mi qahö dop köli uruñinan bölü qaköget. Mianğōra Matyunōñ Jisōs nupñanğö kōnañi mi aukñe jim asariba törörök kusum eñgiyök. Jöhöjöhö Walñe amötqeqegö jöhöjöhö keu (promis) ahözawi, mi pakpak mönö Jisōsgōra aka aukñe ahum kuwuleiba öñambuk ahök. Amötqeqe Tonji mi Hibru keunōñ Mesaia aka Grik keunōñ Kraist. Jisōsnōñ urugö nup bahōñi karöbut memba malök: Yañön Ölöwak Buña ambazip kusum eñgiba uruñini mi-añön kuñguba kawölñini mem ölöwaka malök. Mewö memba aniga añğöletot asuhugetka mala maripom ip-nōñ öñğöba kömuiga löm kölgetka kunbuk wahörök. Mewö mianğön Anutu bemtohoñanğö kōnañi kondel neñgiyök. Mewö aiga nini letota Anutugö nahönböraturupñi akingö kōnañi asuhuyök. Jisōsgö lesan bohonñi 5 mi kewö: 1) Boñ 5-7, 2) Boñ 10, 3) Boñ 13, 4) Boñ 18 aka 5) Boñ 24-25

Buk kianğö bahōñi bohonñi 7 mi kewö:

Jisōsgö ambōsakonurupñi aka ahuahunji
Jon O-melun azinōñ urugö nup meyök
Jisōs o melun meiga Satanōñ esapköyök
Jisōsnōñ Galili uruñe qenjarök nup meyök
Jisōsnōñ Galili mosöta Jerusalem anök
Sonda qöndökñi Jerusalem mala kömuyök
Kömupnöhök wahöta mala Suepnōñ öñğöyök

Jisōs Kraistkö ambōsakon yeñğö qet aren

Luk 3.23-38

1 Jisōs Kraistkö ambōsakon yeñğö qet arenini kewö: Abrahamgö gwölōnarökñi kun Deiwid. Deiwidkö gwölōnarökñi kun Jisōs.

² Abrahamgö nahōññi Aisak. Aisakö nahōññi Jeikob. Jeikobkö nahōnurupñi Juda aka yanğö darumunurupñi. ³ Judagö nahōnyahötñi Perez aka Zera, namñiri Tamar. Perezgö nahōññi Hezron. Hezrongö nahōññi Ram. ⁴ Ramgö nahōññi Aminadab. Aminadabkö nahōññi Nason. Nasongö nahōññi Salmon.

⁵ Salmongö nahōññi Boaz, namñi kantri kungö ambiñi Rahab. Boazgö nahōññi Obed, namñi kantri kungö ambiñi Rut. Obedkö nahōññi Jesi. ⁶ Jesigö nahōññi kiñ Deiwid. Deiwidkö nahōññi Solomon, namñi mutuk Uriagö anömña malök. Juda kiñ pakpak mi Deiwidkö gwölōnarökurupñi aka malget.

⁷ Solomongö nahōññi Rehoboam. Rehoboamgö nahōññi Abiya. Abiyagö nahōññi Asa. ⁸ Asagö nahōññi Jehosafat. Jehosafatkö nahōññi Jehoram. Jehoramgö nahōññi Usia. ⁹ Usiagö nahōññi Jotam. Jotamgö nahōññi Ahaz. Ahazgö nahōññi Hezekia. ¹⁰ Hezekiagö nahōññi Manase. Manasegö nahōññi Amon. Amongö

nahōññi Josia. ¹¹ Josiagö nahōnurupñi Jekonia aka yanğö darumunurupñi. Nalö mianğōreñ Babilon yeñön Israel kōnagesö eñguanğitketka Babilon anda kōsö mire malmal ewö tandök welenqeqerjina malget.

¹² Babilon kōsö mire malmal ewö tandök mala mi-anğōreñ Jekoniagö nahōññi Sealtiel asuhuyök. Sealtielgö nahōññi Jerubabel. ¹³ Jerubabelgö nahōññi Abiud. Abiudkö nahōññi Eliakim. Eliakimgö nahōññi Azor. ¹⁴ Azorgö nahōññi Jadok. Jadokö nahōññi Akim. Akimgö nahōññi Eliud. ¹⁵ Eliudkö nahōññi Eleazar. Eleazargö nahōññi Matan. Matangö nahōññi Jeikob. ¹⁶ Jeikobkö nahōññi Josef, Mariagö apñi. Marianōñ Jisōs meiga qetñi Kraist Amötqeqe Tonji qerakzin.

¹⁷ Nalö Abrahamgōreñök kōnahiba mala kotketka Deiwid asuhuyöhi, isik miengö janğö areni mi 14. Kunbuk kiñ Deiwidköreñök kōnahiba mala kotketka Israel kōnagesö eñguanğitketka Babilon anda kōsö mire malmal ewö tandök malgeri, isik miengö janğö areni mi mewöyök 14. Babilon kōsö mire malmal ewö tandök malgeri, nalö mianğōreñök kōnahiba mala kotketka Kraist asuhuyöhi, isik miengö janğö areni mi mewöyök 14.

† 1.11 2 Kiñ 24.14-15; 2 Hist 36.10; Jer 27.20

Jisös Kraist mi kewö asuhuyök:

Luk 2.1-7

¹⁸ †Jisös Kraist asuhuyöhangö kösohotnji kewö: Yangö namnji Maria mi Josefbuk buñabuña mala mindimindiri qahö aka malohotka nalö miangöreñ Uña Töröñan mem letot wanggiiga köröbuk mali könañi mewö miwikñaiget. ¹⁹ Mewö miwikñaigetka azi buñañi Josef yanön malmal diñdini malöhangöra Mariagö könañi aukñe asuhui gamuñambuk akapüköra tököyök. Mewö tököba uruñan i ölöñ mosötmamgö mötmöt areñi alök.

²⁰ Mewö mötmörriba ahöiga Kembangö garata kunñan gaunöñ asuhum wanggiba kewö jiyök, "Josef Deiwidkö gwölönarökñi, Uña Töröñan mönö Maria letot wanggiiga köröñambuk malja. Miangöra gi mönö i örönöñ mirige kaba anömgi akñapkö kengetki kude mötman. ²¹ ††Marianöñ mönö morö nahön mema. Azi mianjön könagesöñi siggisöndokñineyök amöt qem enggiiga solanime. Miangöra göñon qetnji Jisös qetman." Mewö jiyök.

²² Kembangöñ kezapqetok azi kun sölölohöiga keu kun jiyöhi, mianjön öljambuk akñapköra yuai pakpak mi asuhuyök. Kezapqetok keu mi kewö, ²³ ††Ambi seram jömukñi kunöñ gölömñambuk aka morö azia meiga qetnji Imanuel qetme." Qet miangö könañi kewö, "Anutunöñ nembuk malja."

²⁴ Josefnöñ imbiñi möta wahöta Kembangö garatanöñ jim kutum wanggiyöhi, mönö miangö dop aka Maria anömñi akñapköra wanggita miriñe anök. ²⁵ ††Anda malohotmö, nalö sutñe miangöreñ mohotñe qahö ahöyohot anda nahönñi meiga Josefnöñ qetnji Jisös qerök. Morö meiga miangö andöñe awanöm malohot. Mewö.

Mötkutukutu azi wehön kotkotñeyök kaget.

2 Jisösnöñ kiñ kembu Herodkö nalöñe Judia prowinsgö taon qetnji Betlehem asuhuyök. Asuhuyöhi, nalö miangöreñ sengelaugö mötmöt azi wehön kotkotñeyök Jerusalem sitinöñ kaget. ² Kaba kewö qesiget, "Juda engöreñ kiñ kembu akñawi, morö mi asuhuba denike ahöza? Nini wehön kotkotñe mala yangöreñ undi asuhui eka könañi mewö möta waikñi memba möpöseibingöra kazin."

³ Mewö qesigetka kiñ kembu Herod aka Jerusalem könagesö yambuk malgeri, yeñon körek pakpak keu mi möta aurugot. ⁴ Aurugotka kiñ Herodnöñ keu ala könagesögö jike nup galöm bohonñi aka Köna keugö böhi pakpak kö lörom engii kaget. Kaba tokogetka kewö qesim engiyök, "Amötqeqe Tonji Kraistnöñ mönö denike asuhumapköra jigetka ahöza?"

⁵ Qesim enggiiga kewö melenj wangiget, "Yanön mönö Judia prowinsgö taon qetnji Betlehem miangöreñ asuhuma. Miangö keuñi mi kezapqetok azi Maikanöñ kewö ohoi ahöza,

⁶ ††O Betlehem könagesö Juda gölmenöñ maljei, engö sutñineyök kembu ketañi asuhuba nani Israel kö-

nagesö mindingöba köyan köl nengima. Miangöra injini Juda gölmegö jitñememe yeñgö sutñine malgetka qetbuñañinan eretñi qahöpmañöp akza."

⁷ Mewö melenj wangigetka mötkutukutu azi mi ölöñ enggoholi kagetka kewö qesim engiyök, "Undiñi mönö wani nalönöñ asuhui könahiba eket?" Miangö könañi törörök mötmamgö möta mewö qesim engiyök. ⁸ Miangö keuñi möta melaiba kewö jim kutum engiyök, "Injini mönö Betlehem anda morö mi törörök qesiba miwikñaiba miangöreñök buzup keu algetka nöñgöreñ kama. Nöñon mi möta mewöñanök anda i waikñi memba möpöseim wangimam."

⁹ Kiñnöñ mewö muneñ jiba jim kutum enggiiga möta könanöñ anget. Anda undi wehön kotkotñe mala ekერი, mianjön nöñöñine mutukmutuk ani mötötei-get Betlehem anda miri morö nahön ahöyöhi, mönö miangöreñ kinök. ¹⁰ Undi mi kini eka söñöngai keta bölöknji aket. ¹¹ Söñöngai aka miri uruñe öngöba morö aka namñi Maria etkeket. I etkeka simin köla sipköba waikñi memba möpöseim wangiget. Möpöseim wanggiba bayangösöñini qeanda miangöreñök goul, jiniñ paura aka sanda qetnji mör mi uzeta kalem wangiget.

¹² Sungem kun ahöget-ka Anutunöñ gaun kondela kiñ Herodköreñ kunbuk anbebukö qetal engiyök. Miangöra köna kungenök nanñini miri gölmenjine lilingöba anget. Mewö.

Herodköra asamböta Josef anöm-moröñi Ijijpt anget.

¹³ Mötkutukutu azi mienjön angetka Josefnöñ gaun ehiga Kembangöreñ garata kunñan asuhum wanggiba kewö jii mörök, "Herodnöñ morö qei kömumapkö jarum wanggima. Miangöra mönö wahöta morö aka namñi etkuanggita ölöñ köla Ijijpt kantrinöñ anme. Miangöreñ anda malgetka bian nanak kamegö nalö jimami, miangöreñ mönö lilingöba kame."

¹⁴ Mewö jii möta wahöta sungem miangöreñök morö nahön aka namñi etkuanggita Ijijpt anget. ¹⁵ ††Ijijpt anda malgetka kiñ Herodnöñ kömuiga nalö miangöreñök lilingöba kaget. Mutuk Kembangöñ kezapqetok azi Hosea sölölohöiga keu kewö jii ahöza, "Nöñon nahöni oholbiga Ijijpt gölme mosöta kayök." Kezapqetok keu mianjön mönö mewö asuhuiiga öljambuk ahök. Mewö.

Morö azi Betlehem gölmenöñ engugot kömuget.

¹⁶ Mötkutukutu azi mienjön Juda gölme ölöñ mosöta angetka Herodnöñ miangö könañi eka "Tilipköm ningiget," jiba irimñi gwötpuk sehöliiga jimkutukutu kewö alök, "Yarö azi, injini Betlehem aka gölme pakpak mi liliköba ahözawi, mönö miangöreñ anda azi morö (yara) yambunini yahöt aka miangö bapñe akzei, mi körek engugot kömume." Mötkutukutu azi undi asuhuyöhangö nalögöra törörök qesim enggiiga jiget möröhi, miangö dop morö azi yambunjanangöra jimkutukutu mi alök.

† 1.18 Luk 1.27 †† 1.21 Luk 1.31 † 1.23 Ais 7.14 †† 1.25 Luk 2.21 †† 2.6 Mai 5.2

††† 2.15 Hos 11.1

¹⁷ Kezapqetok azi Jeremaianöŋ keu kun jii ahözawi, mianjön mönö mewö asuhuiga ölŋambuk ahök. Keu mi kewö,

¹⁸ †Silat mi Betlehem kösutŋeyök miri qetŋi Rama mi-angörenök mötketka sahöt gigilahöze. Reizöl ambigö gwölönarökurup yeŋön moröurupŋini qahöwaketka urureŋ meze. Miangöra sahötketka urukölalep mem engbingö aketka urukondumök mörakze.” Mewö.

Ijpt mosöta Josef anöm-moröŋi Nazaret lilingöget.

¹⁹ Josefnöŋ Ijpt maliga kiŋ Herodnöŋ kömuiga mi-angörenök Kembugöreŋ garata kunŋan gaunöŋ asuhum waŋgiba ²⁰ kewö jiyök, “Morö qeget kö-mumapkö mönögeri, yeŋön lök kömuget. Miangöra mönö wahöta morö aka namŋi etkuangita lilingöba Israel gölmenöŋ anme.” ²¹ Mewö jiiga Josefnöŋ wahöta morö aka namŋi etkuangita lilingöba Israel gölmenöŋ anget.

²² Könanöŋ anda keu kewö mörök, “Herodkö nahönŋi Arkelausnöŋ iwiŋangö salupŋe Judia prowins galöm köla malja.” Mewö möta miangöreŋ anmamgö keŋgötŋi mörök. Möta mali Anutunöŋ gaunöŋ Galili prowinsnöŋ anmegö jim kutum waŋgiiga wahöta mi-angöreŋ anget. ²³ ††Galili prowinsnöŋ aŋgota taon qetŋi Nazaret miangöreŋ malget. Mewö malgetka kezapqetok azi yeŋön Amötqeqe Toŋangöra keu jigeri, mianjön ölŋambuk ahök. Keu mi kewö, “Yaŋgö qetŋi mi Nazaret azi qeta malme.” Mewö.

Jon O-melun azinöŋ Jisösgö köna mesarök.

Mak 1.1-8; Luk 3.1-18; Jon 1.19-28

3 Yambu tosatŋi teköiga Jon O-melun azinöŋ kaba Judia prowinsgö gölme qararaŋkölkölŋe liliköba ambazip uruŋini Buŋa keunöŋ kuŋguba kewö jiba malök, ² †Suep Toŋan bemtohoŋi almawaŋgö nalöŋan lök kam kuŋguza. Miangöra mönö uruŋini melenŋa miangöreŋ aŋgotket.” ³ ††Jongöra kezapqetok azi Aisaianöŋ keu kun kewö jiba ohoyök, “Kolek garata kunöŋ gölme qararaŋkölkölŋe qeta maliga anda jölŋi kewö mötme, ‘Kembunöŋ kamawo! Miangöra mönö jöjöröba könaŋi mesatket. Mönö uruŋini mindiŋgöba könaŋi köl diŋgiba qölöleiget.”

⁴ ††Jongöreŋ maluku mi kamel juŋŋan memenŋi aiga kemaŋe örigit sömbup sileŋan memenŋi mi jöhöba malök. Neneŋamŋi mi gawöt jinam aka arökŋangö moroŋ onŋi. Mi pakpak kezapqetok azi Elaija (Elia) yaŋgö dowa. ⁵ Jonöŋ nupŋi meiga ambazip kambuleleme yeŋön Jerusalem siti aka Judia prowinsgö miri tosatŋi pakpak miengöreŋök yaŋgöreŋ öröba kaget. Mewöŋanök Jordan o likeplikep miri pakpak tat angeri, miengöreŋök kaget. ⁶ Kaba kaŋgota siŋgisöndokŋini jim miwikŋaigetka Jonöŋ i Jordan o töwatŋe o melun mem engiyök.

⁷ †††Mem engiyökmö, Farisi (Köna keugö kapaŋkölköl) aka Sadyusi (Jike nupkö kapaŋkölköl) ambazip gwöt-

† 2.18 Jer 31.15 †† 2.23 Mak 1.24; Luk 2.39; Jon 1.45 † 3.2 Mat 4.17; Mak 1.15 †† 3.3 Ais 40.3 †† 3.4.2 Kiŋ 1.8 ††† 3.7 Mat 12.34; 23.33

pukŋan o melun mem engimapköra kagetka engeka yeŋgöra kewö jiyök, “O qatö moröŋi, iŋini uruŋini qahö melenŋetka Anutugö irimŋan seholiiga likepŋi melen engimamgö akza. Mi ölön kölbingö goro keuŋi mi mönö daŋön jii möta sömbuŋini möta ki kaze? ⁸ Mi-angöra mönö ölŋanök uruŋini melenŋe. Bölöŋamŋineyök lilingögetka ölŋi asuhui mi mönö ahakmemeŋinan aukŋe kondela malme.

⁹ †††Uruŋine möndömöndö keu kewö jibingö kude mötmörime, ‘Neŋön mönö Abrahamgö gwölönarökŋa malinga Anutunöŋ qahö ayuhum neŋgima.’ Mewö jiba töptöpŋine qemakzemö, ölŋi mi qahö ahakze. Nöŋön miangöra kewö jibi mötket, Anutunöŋ köt ki ölöp jim kutum engiiga letota Abrahamgö gwölönarökurupŋi aka Anutu möpöseimakŋemö, iŋini denöwö?

¹⁰ ††Uruŋini qahö melenŋe ewö, Anutunöŋ mönö iŋini ip ewö teŋgöri etpingö akze. Ip pakpak köŋŋi ölöpŋi qahö kuŋgumakzei, mi mönö köli etket könöpnöŋ gili geme. Ip mewöŋi kölmamgö kesinŋi lök jitŋi saŋe ala ip könaŋe ali jöjöröba ahöza. Anutunöŋ mönö bölöŋamŋinaŋgö likepŋi melenŋe engima.

¹¹ “Nöŋön iŋini uruŋini melenŋeangöra o töhönonŋ melun mem engizalmö, nöŋgö andöne azi kukösumŋi köhöikŋi kun kama. Yaŋgö kukösumŋi öŋgöŋgöŋan mönö nöŋgöreŋ oŋgitma. Yaŋön azi öŋgöŋgöŋi akŋawaŋgöra nöŋön yaŋgö köna esuŋi bauköba gösönöŋ löŋgöta teŋgömamgö qötötangömam. Yaŋön mönö Uŋa Töröŋi uruŋine ali könöp bölamŋan köl könjörat engiiga mewö mianjön melun mem engi-

ma. ¹² “Yaŋön ölŋi aka kamböŋi mendeŋ etkimamgö sapakŋi memba kaŋgota uba qöröreŋgöba kewötma. Kewöta wit köŋŋi tokoba köweŋe almapmö, kamböŋi aka gwaugulapŋi mi mönö usuŋniga könöpnöŋ geba teteköŋi qahö jema.” Mewö.

Jonöŋ Jisös o melun mem waŋgiyök.

Mak 1.9-11; Luk 3.21-22

¹³ Nalö miangöreŋ Jisösnöŋ Galili prowins mosöta Jordan o töwatŋe Jongöreŋ kaba o melun mem waŋgimapköra qesiyök. ¹⁴ Qesiyökmö, Jonöŋ qetal waŋgiba kewö jiyök, “Göŋön ölöp ni o melun mem niŋgibanakmö, göŋön siŋgisöndok qahö aka mönö denöwögöra nöŋgöreŋ kazan?”

¹⁵ Mewö jiiga Jisösnöŋ kewö melenŋök, “Nalö kewöŋe mi ölöp akŋan. Mewö akziga mianjön Anutunöŋ ahakmeme diŋdiŋi wuatangöbingö keu jiyöhi, miangö ölŋi asuhuiga dop kölma.” Mewö jiiga Jonöŋ möri dop köli-ga urumohot ahök.

¹⁶ Urumohot aka o melun mem waŋgii teköiga mi-angörenök onöhök koriga kewö asuhuyök: Suepnöŋ aŋaŋiiga Jisösnöŋ uba ehiga Anutugö Uŋa Töröŋan melenŋa kembö nei ewö aka Jisösgö qakŋe eta meyök. ¹⁷ †††Eta meiga Suepnöhök qet kun kewö asuhuyök, “Yaŋön mönö nani wölböt nahöna aiga köroni ölöwahiga eknahöm ak waŋgizal.” Mewö.

††† 3.9 Jon 8.33 § 3.10 Mat 7.19 †† 3.17 Jen 22.2; Sum 2.7; Ais 42.1; Mat 12.18; 17.5; Mak 1.11; Luk 9.35

Satanöj Jisös esapköba malök.

Mak 1.12-13; Luk 4.1-13

4 †Miangö andöje Uşa Törönan Jisös kuḡum waḡgiiga gölme qararaḡkölkölhe Bölöḡaḡö Toḡan esapköm waḡgimapköra aka anök. ² Miangöreḡ anda suḡgem asak 40 Anutugöra nene siḡgi mala nenegö kömuyök. ³ Nenegö kömuiga öme bohonḡini qetḡi esapesap Toḡi yaḡön asuḡba kewö jiyök, “Gi Anutu Nahönḡa akzan ewö, mi mönö kondela köt ki jim kutunöḡga letota beret aketka neman.”

⁴ †Mewö jiyökmö, Jisösnöḡ keu kewö melenḡök, “Qahö! Buḡa Kimbinöḡ keu kun kewö ohoget ahöza, ‘Nenenöhök ambazip malmal qahö nenḡimakzapmö, Anutugö jitrḡeyök keu kamakzawi, mi pakpak tem kölinga miangön mönö gumohom nenḡiiga köhöiba maljin’.”

⁵ Mewö jiiga Bölöḡaḡö Toḡan Jisös waḡgita Jerusalem siti töröḡe anda jöwöwöl jikegö boḡe eu-yaḡgöreḡ öḡgöba ali kinök. ⁶ †Mewö kiniga kewö jii mörök, “Gi Anutugö Nahönḡa akzan ewö, mönö ki-aḡgöreḡök luhuba emu geman. Buḡa Kimbinöḡ keu kun kewö ohoget ahöza, ‘Anutunöḡ göhöra aka garataurupḡi jim kutum enḡiiga ölop kököbihigetka geba kötnöḡ könage qahö guhum qizit akḡa.’ Miangöra geba kude ayuḡuman.”

⁷ †Mewö jiiga kewö melenḡök, “Qahö! Buḡa Kimbinöḡ keu kun mewöyök kewö ahöza, ‘Gi mönö Kembugi Anutu kude esapköm waḡgiman.’”

⁸ Mewö jiiga Bölöḡaḡö Toḡan kunbuk waḡgita kundunḡi köröp tiḡtiḡi kunöḡ öḡgöba gölme pakpak yeḡgö kantri toḡonḡi toḡonḡi aka miengö inap yuainḡi akö-damunḡinambuk pakpak kondel waḡgiyök. ⁹ Kondel waḡgiba kewö jiyök, “Göḡön simin köl niḡgiba waikni memba möpöseim niḡgiman ewö, nöḡön öryuai pakpak ki mönö tököm giḡibi buḡa qem aḡguba galöm köl enḡiman.”

¹⁰ †Mewö jiiga Jisösnöḡ kewö jii mörök, “Qahö! Satan gi mönö kesalnöḡ. Buḡa Kimbinöḡ keu kun kewö ohoget ahöza, ‘Gi mönö Kembugi Anutu, ia mohot simin köl waḡgiba waikḡi memba möpöseiman’.”

¹¹ Mewö jiiga Bölöḡaḡö Toḡan miangöreḡök Jisös mosöta kesalök. Mewö aiga garata yeḡön kaba Jisös bauköm waḡgiget. Mewö.

Jisösnöḡ könahiba Galili uruḡe urugö nup meyök.

Mak 1.14-15; Luk 4.14-15

¹² †Miangö andöje Jon O-melun azi kösö mire † al-get tari Jisösnöḡ mi möta Judia prowins mosöta Galili anök. ¹³ †Anda prowins miangöreḡ mirinḡi Nazaret mosöta Kaperneam anda malök. Kaperneam siti mi Zebulun aka Naftali gölmenöḡ Galili o aḡgö qöhöröḡe ahöza. ¹⁴ Miangöreḡ mala nupḡi meiga Anutunöḡ keu

kun kezapqetok azi Aisaia sölölohöiga jiyöhi, miangön öḡḡambuk ahök. Keu mi kewö,

¹⁵ †Ambazip Zebulun gölmenöḡ aka Naftali gölmenöḡ Jordan likeḡḡe malgetka sutḡine köna namḡi köwetnöḡ göröken anda kinjawi aka Juda qahöpmö, kambu tosatḡan Galili prowinsnöḡ maljei,

¹⁶ könagesö miengön söḡaunpöḡ mala asakḡi ketanḡi ekḡe. Kömupnöḡ ambazip aum köl enḡiiga pandaman gölmenöḡ maljei, yeḡgöra mönö miri waḡgaraḡ suruma.”

¹⁷ †Jisösnöḡ Kaperneam mala nalö miangöreḡök könahiba Buḡa keunḡi jim asariba ambazip uruḡini kuḡguba kewö jiba malök, “Suep Toḡan bemtoḡonḡi al-mawaḡgö nalöḡan mönö kam kuḡguza. Miangöra mönö siḡgisöndok malmalḡini mosöta uruḡini melenḡet.” Mewö.

Jisösnöḡ gwarekurupḡi mutukḡi enḡoholök.

Mak 1.16-20; Luk 5.1-11

¹⁸ Mewö jiba liliköba mala Galili o aḡgöḡö göräḡe mötöteiba anda darumun yahöt Saimon qetḡi alaḡi Pitö aka munḡi Andru etkehök. Yetköḡ söra örorö azia mala mösakḡiri o aḡgönöḡ söra örobitköra gila malohot. ¹⁹ Jisösnöḡ etkeka kewö jiyök, “Aziyahöt, inḡiri mönö ni nuataḡgöba kayohotka kusum etkibi ambazip söra ewö örom enḡimakḡahot.” ²⁰ Mewö jiiga mi-aḡgöreḡök mösakḡiri mosöta könahiba Jisös wuataḡgöba anohot.

²¹ Jisösnöḡ yetḡuk borom kun toroqeba anda kunbuk darumun yahöt Zebedigö nahönyahötḡi Jeims aka Jon etkehök. Yetköḡ iwinḡiri Zebedibuk waḡgenöḡ tata mösakḡini möhamgöba jöhöba malgetka enḡeka etkoholök. ²² Mewö enḡeka etkoholiga miangöreḡök wahöta waḡḡe aka iwinḡiri mosöta könahiba Jisös wuataḡgöba andöḡe anohot. Mewö.

Jisösnöḡ ambazip kusum enḡiba mem ölöwak enḡiyök.

Luk 6.17-19

²³ †Jisösnöḡ anda Galili prowins uruḡe lökḡanök liliköba köuluk mirinḡine öḡgöba bemtoḡonḡö Ölöwak Buḡanḡi jim asariba uruḡini kuḡguba kusum enḡiba malök. Mewö aka sutḡine ambazip kawöl aka jepajerepe könanḡi könanḡi enḡöhöi malgeri, mi mem ölöwak enḡiba malök.

²⁴ Mewö memba maliga Jisösgö qetbuḡaḡan sehiba Siria kantri dop köl teköba anök. Mewö ani mi möta kawöl ambazip pakpak enḡuaḡgita yaḡgöreḡ kaget. Tosatḡan uzi kawöl aka jepajerepe könanḡi könanḡi enḡöhöi malget. Tosatḡan ömewörömenöḡ uruḡine geiga töḡöt me kölköljinḡinḡbuk malget. Tosatḡan tala eta enḡuiga bözok mitiba semben auba malget. Tosatḡan silenḡinaḡgö likeḡḡi kömukömuḡi malget. Mewö mewöḡi miengön Jisösgöreḡ kagetka mem ölöwak enḡiyök.

²⁵ Mewö ak enḡiiga ekeranḡöra ambazip könagesö ketanḡi yeḡön Jisösgö andöḡe wuataḡgöba kaget. Kam-

† 4.1 Hib 2.18; 4.15 †† 4.4 Dut 8.3 † 4.6 Sum 91.11-12
 †† 4.7 Dut 6.16 †† 4.10 Dut 6.13 ††† 4.12 Mat 14.3; Mak 6.17; Luk 3.19-20 †††
 ††† Kij Herodnöḡ ambi kun ölöḡ meiga Jon O-melun azinöḡ i miangöra jim waḡgiiga irimḡi sehölii jiiga opotöröp yeḡön Jon jöhöba kösö mire alget tarök. † 4.13 Jon 2.12

†† 4.15 Ais 9.1-2 ††† 4.17 Mat 3.2 †† 4.23 Mat 9.35; Mak 1.39

bu ketanji ketanji mi Galili prowins aka Ten Taon distriknöhök kaget. Kambu tosatnjan Jerusalem siti aka Judia prowinsgö miri tosatneyök kaget. Kambu tosatnjan Jordan o likepneyök kaget. Mewö.

Jisösnöñ kunduje kinda kusum engiyök.

5 Jisösnöñ ambazip kambu ketanji engeka kunduje öngöba tariga gwarekurupnjan kanjuta liliköm wangiget. ² Liliköm wangigetka könahiba ambazip kambunji kambunji kusum engiba kewö jiyök.

Denike yeñön simbawon akze?

³ “Denike yeñön Anutugö jeñe etqeñe tandök mötzei, yeñön Suepkö bemtohoñi buña qem angumeangöra mönö simbawon akze.

⁴ †Denike yeñön jinger köla sahötzei, Anutunöñ i urukölalep engimapköra mönö simbawon akze.

⁵ †Denike yeñön gunböñjönjön malakzei, Anutunöñ gölme ki mi yeñgöra engii buñanina akñapköra yeñön mönö simbawon akze.

⁶ †Denike yeñön Anutugö jeñe solanibingöra kapan köla mi nene aka ogö ewö kömumba qemjeñ qeba maljei, Anutunöñ mönö sihimñini mi gumohom engima. Miangöra yeñön mönö simbawon akze.

⁷ Denike yeñön tosatñi ak kömum engimakzei, Anutunöñ i ak kömum engimapköra yeñön mönö simbawon akze.

⁸ †Denike yeñgö uruñinan sarakñi akzawi, yeñön ölop Anutu ekñe. Miangöra yeñön mönö simbawon akze.

⁹ Denike yeñön luai qemakzei, yeñgö qetñini mi Anutugö nahönböratuñi qetme. Miangöra yeñön mönö simbawon akze.

¹⁰ †Anutunöñ keunji jim teköi solanizeangöra sesewerowo ak engimakzei, yeñön Suepkö bemtohoñi buña qem angume. Miangöra yeñön mönö simbawon akze.

¹¹ ††Ambazipnöñ inini nöngöra aka uruqeñe keu töhöreñ jim engiba sesewerowo aka keu bölöñi könanji könanji silenine ala muneñmuneñ jimakzei, eñön mönö simbawon akze.

¹² ††Mötkeñ, Anutunöñ töwanini öngöngöñi Suep mire ali ahözawangöra mönö gönköirañ ala sösoñgai aka malme. Mi kewögöra: Kezapqetok ambazip mutuk malgeri, mi sesewerowo tandökñi mewöñanök ak engigetka eñön yeñgö andöñine asuhaba yembuk örörön malje.” Mewö.

Inini gölmegö sihi aka kiwa ewö akze.

Mak 9.50; Luk 14.34-35

¹³ Jisösnöñ jiyök, “Inini gölme ambazip yeñgö howe tandök akzemö, howe nahömñan piahima ewö, mi mönö denöwö möhamgöinga kunbuk nahömñambuk akawak? Miangö könanji kun qahö. Toroqeba yuai

† 5.4 Ais 61.2 †† 5.5 Sum 37.11 † 5.6 Ais 55.1-2 †† 5.8 Sum 24.3-4 †† 5.10 1 Pitö 3.14 ††† 5.11 1 Pitö 4.14 ††† 5.12 2 Hist 36.16; Apo 7.52

kungöra qahö dop kölmapmö, mi nesak ewö gilget geiga ambazipnöñ mi könanjan tiahöme.

¹⁴ ††Inini gölmeñi gölmeñi yeñgö kiwa tandök ewö aka malje. Siti kun kunduje öngöba meget tatzawi, mianjön tölapñe tatmamgö osimakza. ¹⁵ ††Kunñan kiwa ohotiriba kumbut bapñe qahö almapmö, kiwagö dum tatatñe ali tatma. Mewö tata asariiga ambazip miri uruñe maljei, mönö körek yeñgö jeñini kunjuiga asakñi ehakñe.

¹⁶ †††Mewöñanök mönö engö asakñini kondelgetka ambazip sutñine asariiga ehakñe. Amba-zipnöñ ahakmemeñini ölopñi eka miangöra Iwinini Suep mire maljawi, mönö i möpöseiba malme.” Mewö.

Jisösnöñ Köna keugö könanji kusum engiyök.

¹⁷ “Nöñön Mosesgöreñ Köna Keu aka kezapqetok ambazip yeñgö Buzup Kimbiñini mi qeapkömamgöra aka qahö kaba maljal. Mewö lañ kude mötmörime. Nöñön qeapkömamgöra qahöpmö, keu mi tem köl teköbi mieñgö ölnjan pöndañ asuhamapköra aka kaba maljal. ¹⁸ ††Nöñön keu ölni kun kewö jibi mötket, Mosesgö Köna keunöhök kulem moröñi morö közömñi kun me kirifi ohohogö jönbölanñi mohok-kun mi qahö kötökñi ayapkömapmö, keu pakpak mi mutuk ölninambuk asuheetka Suep gölme yetköñ göröñ gemahot.

¹⁹ “Miangöra kunñan Köna keugö jimkutukutu morörökñi mieñgöreñök keu kun koyonaniba ambazip mewö kusum engimakzawi, yeñön Suepkö bemtohoñe angoriga qetñi morörökñi bezup qetme. Mewö qetmemö, kunñan mi tem köla wuatangöba ambazip mewö kusum engimakzawi, yeñön Suepkö bemtohoñ uruñe angoriga qetñi ketanjanini qetme.

²⁰ “Nöñön miangö dop kewö jibi mötket: Engö ahakmemeñini solanñi mianjön mönö Köna keugö böhi aka Farisi (Köna keugö kapankölköl) yeñgö silikñini tandök ewö örörön akapuk. Silikñinan yeñgö silikñini gwötpuk qahö ongitma ewö, eñön mönö Suepkö bemtohoñ uruñe qahö angotme.” Mewö.

Yom kazik aka enguget kömukömugö könanji.

²¹ ††Jisösnöñ toroqeba jiyök, “Eñön möpneyök keu kun kewö jiget mötzema, ‘Ambazip kun kude qeget kömuma aka kunñan kazikñi qei kömumawi, i mönö distrikö keu jakeñe algetka keunji jim teköme.’

²² “Mewö jiget mötketmö, nöñön keu mi kewö jim tuaribi mötme: Kunñan alañambuk angururuk aka irimñan sehooli yom kazik akzawi, i mönö mewöyök distrikö keu jakeñe al wangiget keunji jim tekömeangö dop akza. Mewöñanök kunñan alañi jijiwilit keunöñ jim böliba ‘Gi uruqahö akzan,’ jizawi, i mönö kantrigö jike kaunsöl yeñgö jeñine al wangiget keunji jim tekömeangö dop akza. Kunñan alañi lösö keunöñ jim böliba ‘Gi angöjörakabuk akzan,’ jizawi, yeñön mönö köñöp sianöñ gemawangö dop akawak.

§ 5.14 Jon 8.12; 9.5 †† 5.15 Mak 4.21; Luk 8.16; 11.33 ††† 5.16 1 Pitö 2.12 †† 5.18 Luk 16.17 ††† 5.21 Eks 20.13; Dut 5.17

²³ “Miangöra göñon kalem naluki memba kaba al-tanön almamgö aknönnga miangörej keu kewöñan mötmötke kangotpawak: Alagahö uruñe keu ahöi yañon kazik ak gihimamgö mötza. Keu mewöñi möt-möriman ewö, ²⁴ kalemgi mi mönö alta wösönje ala mutuk alagahörej anda yambuk keuñiri jim solaniba urumohot aka miangö andönje kunbuk kaba kalem naluki Anutugöra alman.

²⁵ “Kerökan silege ala keu jakeñe öröm gihimamgö aiga komitigörej anda köna namñe miangörej mönö kapañ köla imbi mohot aka keuñiri jim solanimahot. Mewö qahö akñahot ewö, kerökan ölop örörahöm gi-hiiga (jas, majistreit) jimtekötekö toñangö jeñe angot-nönnga möta jii opotöröpkö börönje genönnga kösö mire al gihibapuk. ²⁶ Nönñon keu ölni kewö jibi mötnön, Gi miangörej töwagi pakpak almanangö dop qaköba tat-man. Toiyagi kondikñi mewöyök al teköbagun mönö töwagi memba etman.” Mewö.

Sero yonñorögö könañi

²⁷ †“Keu kun kewö jiget mötzema, ‘Sero yonñorö kude akñan.’ ²⁸ Mewö jiget mötketmö, nönñon keu mi kewö jim tuaribi mötme: Kunñan serogö sihim kömbönañi qakñe ambi uba ekzawi, yañon lök uruñan yambuk sero yonñorö akza.

²⁹ ††“Jegi ölnan singisöndok akñangö kölgorom ak gi-hima ewö, mi mönö qözöla gilnön anma. Sile kitipki kunñan ayuhui mewö Suepnön öngönönnga dop kölmapmö, silegi jömukñi malnönnga gil gihigetka köñöp sianön geba ayuhubanbuk. ³⁰ †Börögö ölnan singisöndok akñangö kölgorom ak gi-hima ewö, mi mönö yandiba gilnön anma. Sile kitipki kunñan ayuhui Suepnön öngönönnga dop kölmapmö, silegi jömukñi mala köñöp sianön geba ayuhubanbuk.” Mewö.

Awanöm angömosötmosötkö könañi

³¹ ††“Keu kun kewö jiget ahöza, ‘Kunñan anömñi mosötmawi, yañon mönö angömosötmosöt papia ohoba anömñi wangima.’ ³² ††Mewö jiget ahözapmö, nönñon kewö jibi mötme: Kunñan anömñi qesabulum aiga mosötpawakmö, könañi kungöra anömñi mosötmawi, mewö miangön mönö anömñan qesabulum akñapkö kondota singisöndokö keuñambuk akña. Mewö aiga azi kunbuk meiga azi dölokñi miangön mönö mewöyök qesabulum akña.” Mewö.

Keuñini jöjöpañ keunön kude jim köhöime.

³³ †††“Keu kun mi mewöyök möpñeyök kewö jiget mötzema, ‘Keuñini jöjöpañ keunön jim köhöigeri, mi mönö kude onñitme. Kembugöra yuai akingö keuñini jöjöpañ keunön jim jöhögeri, mi mönö wuatangögetka ölnambuk akña.’

³⁴ †††“Mewö jiget mötketmö, nönñon keu mi kewö jim tuaribi mötme: Keuñini mönö jöjöpañ keunön qahöpmañ jim köhöime. Suep mi Anutugö jaköm-buak dumñi akzawangöra aka keu kewö kude jime, ‘Keu ölni qahö jimam ewö, Suep Toñan ölop likepñi meleñni qakne öngöma.’

³⁵ ††“Gölme mi Anutugö könañangö döpnji akzawangöra aka keu kewö kude jime, ‘Keu ölni qahö jimam ewö, gölmenön ölop tingita turum ninggima.’ Jerusalem mi Kiñ Tök-kutukutuñangö sitiñi akzawangöra aka keu kewöñi mi mewöyök kude jime, ‘Keu ölni qahö jimam ewö, Kiñ Ketañi yañon ölop qemasolokepñangö likepñi meleñni qakne öngöma.’ ³⁶ Gi nörop jupki injañi menön tuatñi akñapkö osiman aka nörop jupki tuatñi menön injañi akñapkö osiman. Mi-angöra keu kewö kude jiman, ‘Keu ölni qahö jimam ewö, Anutunön ölop nöropni qeiga jupñangö mundañan uteköma.’ ³⁷ Jöjöpañ keu kude jimemö, on-keugöra mönö ‘On!’ jime aka qahö-keugöra ‘Qahö!’ jime. Keu diñdiñi miangörej keu yuai toroqemei, mi mönö Bölönangö Toñan sölölohöm engii asuhuma.” Mewö.

Jinön jibi aknön aki mi kude akñe.

Luk 6.29-30

³⁸ ††“Keu kun kewö jiget mötzema, ‘Kunñan jegi qösökömawi, gi mönö kitipñi meleñda yañgö jeñi qösököman. Kunñan jitki kumburati-mawi, gi mönö kitipñi meleñda yañgö jitñi kumburati-man.’

³⁹ “Mewö jiget mötketmö, nönñon keu mi kewö jim tuaribi mötme: Kunñan bölönji ak engimawi, i mönö kude qetala tuarenjoñ ak wangime. Mewö qahöpmö, nuñgulumgi ölni qekötahöma ewö, mönö nuñgulumgi likepñi mewöyök qekötahömapköra meleñman.

⁴⁰ Kunñan ‘Sileötangji memam,’ jiba keunön al gihi-mangö mötza ewö, mönö mosöta malukugi qakñi mewöyök wanginönnga buña qem anguma.

⁴¹ “Mewöyök kunñan gösönji kilomita (mail) mohotkö dop siriba anmangö kuñgum gi-hima ewö, mönö ölop tem köla kilomita (mail) yahötkö dop siriba yambuk anman. ⁴² Kunñan göhörej yuai kungöra qesim gihi-mawi, mi mönö wangiman. Kunñan ‘Yuai niñginönnga kitipñi bian meleñmam,’ jiba qesim gihimawi, i mönö andö kude qeman.” Mewö.

Kazikurupki mönö urugan jöpaköm engiman.

Luk 6.27-28, 32-36

⁴³ †††“Keu kun kewö jiget mötzema, ‘Ambazip kö-sutñine mala alaurupñini akzei, mi jöpaköm engi-makñemö, kazikurupñini mönö meleñda kazik ak engi-ba malme.’

⁴⁴ “Mewö jiget mötketmö, nönñon keu mi kewö jim tuaribi mötme: Injini mönö kazikurupñini jöpaköm engi-ba kinda sesewerowero ak engimakzei, yengöra mönö köuluköba malme. ⁴⁵ Mewö ahakñe ewö, mewö mi-

† 5.27 Eks 20.14; Dut 5.18 †† 5.29 Mat 18.9; Mak 9.47 †
5.30 Mat 18.8; Mak 9.43 †† 5.31 Dut 24.1-4; Mat 19.7; Mak 10.4
‡ 5.32 Mat 19.9; Mak 10.11-12; Luk 16.18; 1 Kor 7.10-11 †††
5.33 Lew 19.12; Jan 30.2; Dut 23.21

‡‡‡ 5.34 Jei 5.12; Ais 66.1; Mat 23.22 § 5.35 Ais 66.1; Sum
48.2 §† 5.38 Eks 21.24; Lew 24.20; Dut 19.21 §†† 5.43 Lew
19.18

añon Iwininan Suep mire maljawi, mönö yangö könanj kondela nahönböratu rupni aka malme. Yangö könanj kewö: Yanñon wehönni qahö angön köliga kota ambazip ölöpnj aka bölöni mewöyök mem asarim engiba kie aliga ambazip diñdijni aka gonjonj yengö nupnini mewöyök mem kelörakza.

⁴⁶“Enñon mönö niñginöñ gihibigö tandökni ongita Anutugö könanj kondela ahakñe. Takis tilipqilipñinambuk megetka sisitñjini memakzei, yeñon alaurupñinan jöpaköm engigetka i melenja jöpaköm engimakze. Mi urumelenjö silikñi qahö. Inñini yengö silik miyök wu-atangöba ahakñe ewö, Anutugöreñ tosa kun qahö ahuiga yanñon mönö silikñinanjö likepnj qahö engiiga töwa kun qahö buña qem angume. Mianjöra mönö ambazip körek pakpak jöpaköm engiba malme.

⁴⁷“Urumelenjö kopa ambazipnönj mewöyök sutñine jölönjini jim anguba maljemö, mi urumelenjö ai-wesökñi qahö. Inñini yengö dop alaurupñini engö sutñineyök jölönjini jim angumakñe ewö, mewö mönö kopa ambazip ewö akze. Kopa ambazip yengö silikñini mönö ongita qetpuk sorokñi aka malme? ⁴⁸†Engö Suep Iwininan aködamun sorokñi akzawi, enñon mönö mianjö dop aködamun sorokñinambuk aka malme.” Mewö.

Mözöqözörönj ambazip mi kalem engimakñe.

6 ††Jisösnönj kewö kusum engiyök, “Mönö kewögöra galöm mem anguba malme: Ahakmemenini solanñi diñdijni mi ambazipnönj eka engöra mötket öngömapköra aka kude ahakñe. Mewö ahakñe ewö, engö Iwinini Suepnönj maljawanñon mönö silikñinanjö likepnj qahö engiiga töwa qahö buña qem angume.

²“Mianjöra ‘Mözöqözörönj ambazip kalem engimam,’ jiba mi qenjaröknönj kömam tömunbuk uba kolek almegöra kude akñan. Urumelenjö silesile ambazip yeñon ambazipnönj miwidimgöm (mem biwim) engimegöra möta köuluk mire aka köna namñe anda ambazip engeka mewö ahakze. Nönjön keu öl töhönni kun kewö jibi mötme, Yeñon mönö silikñinanjö töwanj pakpak lök buña qem angugetka Suep Toñan mi qahö toroqema.

³“Gönjön mewö kude akñanmö, ‘Mözöqözörönj ambazip kalem engimam,’ jiba börögi ölñan denöwö akzawi, börögi qaniñan mi kude mötma. ⁴⁴Kalemgi mi-añon tölapñe ahöiga Iwigan ahakmeme tölapñi ehakzawi, yanñon mönö töwa gihima.” Mewö.

Köuluk nupkö könanj kewö:

Luk 11.2-4

⁵††“Mianjöra Anutugö köulukömei, mi mönö urumelenjö silesile ambazip yengö dop kude akñe. Yeñon ambazipnönj engekñegöra möta sihimñinan köuluk mire aka köna soñanönj kinda köulukökmañe.

† 5.48 Lew 19.2; Dut 18.13 †† 6.1 Mat 23.5 ‡ Börögi qaniñan mi kude mötma, keu mianjö könanj kewö: Mi mönö tölapñe akñöñga wölböt alagan mewöyök mi kude mötma. Anutunönj sölölohöm gihiiga nup ölöpnj amqeba memakzani, mi mönö nangak ölum guhumakza. †† 6.5 Luk 18.10-14

Nönjön keu öl töhönni kun kewö jibi mötme, Yeñon mönö silikñinanjö töwanj pakpak lök buña qem angugetka Suep Toñan mi qahö toroqema.

⁶“Gönjön mewö kude akñanmö, ‘Anutugö köulukö-mam,’ jiba mönö nangi miri urunñi moröñe öngöba nanju köla Iwigi tölapñe maljawi, i köuluköm wangiman. Mewö akñöñga Iwigan ahakmeme tölapñi ehakzawi, yanñon mönö töwa gihima.

⁷“Köulukömei, mianjöreñ mönö urumelenjö kopa ambazip yengö tandök ewö † keu oyondewetdewet mi kude jiba malme. Yeñon keu jit sehisehiñi jigetka Anutunönj mianjöra aka kezap ala möt engimapkö mötmörimakze. ⁸Mönö kewögöra yengö dop kude aka malme: Inñini wani yuaigöra osiba mözöqözörönj akzei, Iwininan mi qahö köulukögetka qeljine lök mötza.

⁹Mönö kewö köulukökmañe:

“Nengö Iwinini, gi Suepnönj maljan. Göhö qetki mönö törönj ahöma.

¹⁰Mönö galöm köl nenginöñga bemtohongahö ölñi asuhuma.

Göhö jitsihitki Suepnönj tem kölakzei, mewöñanök mönö gölmenönj asuhuma.

¹¹Merakö neneñi mönö dopnime nengiman.

¹²Tosatñi yengöreñ tosa nengöreñ ahözawi, nini mi mosöt engizin ewö, gi mönö mianjö dop nengö tosanini sanjonman.

¹³Esapesapnönj et nengubapuköra mönö angön köl nengiba Bölöni Toñanjö böröñeyök †† meköm nengiman. (Gi nangak bemtohorj Toñi, kukösom Toñi aka asakmararaj Toñi mi nalönj nalönj mala kota malnönj aka tetekönj qahö mal öngöman. Mi ölña.)

¹⁴††Inñini ambazip yengö singisöndokñini mosötme ewö, engö Suep Iwininan mönö mewöyök engö singisöndokñini mosötma. ¹⁵Mosötmapmö, ambazip yengö singisöndokñini qahö mosötme ewö, engö Iwininan mönö mewöyök engö singisöndokñini qahö mosötma.” Mewö.

Nenegö siñgi malmal mi kewö ahakñe:

¹⁶“Nenegö siñgi malmei, mianjöreñ mönö urumelenjö silesile ambazip ewö kukbosole kude aka malme. Yeñon Anutugöra nene siñgi malakzei, ambazipnönj mi ekñegöra aka zolonj örögetka jemesoholñinan mölmölimakza. Nönjön keu öl töhönni kun kewö jibi mötme, Yeñon mönö silikñinanjö töwanj pakpak lök buña qem angugetka Suep Toñan mi qahö toroqema.

¹⁷“Gönjön mewö kude akñanmö, Anutugöra nenegö siñgi mala mianjöreñ mönö sinim jupukñönj me saipenönj jemesoholgi sanjonnda nörop jupki qeba malman. ¹⁸Mewö aka nenegö siñgi malnönjga ambazipnönj qahöpmö, Iwigi tölapñe maljawanñon mi

†† Kian kantri yeñon Anutu qahö möt wangiba bemñini murutñi murutñi köuluköba keu omanj oyondewetdewet mi lañ jiba malje. ††† “Bölönj Toñanjö böröñeyök meköm nengiman,” tosatñan keu mi kewö melenje: bölöñeyök meköm nengiman. ††† 6.14 Mak 11.25-26

ekña. Mewö aknönnga Iwigan ahakmeme tölapnji ehakzawi, yanön mönö töwa gihima." Mewö.

Söngörönji ketanji yuai mi mönö Suepnönj tokome.

Luk 12.33-34

¹⁹ "Monej inap yuai mi mönö gölmenönj ahöm engimapköra kude tokome. Mewö tokogetka mi-angörenj jijilukut kezaplonjonönj mi yöhötigetka kahawet töromnönj (ros, ufeñ) mem böliiga kegwek-kahasililiñ yeñön miri qesiñda öngöba yongorö memakze.

²⁰ "Gölmenönj qahöpmö, Anutugö jitsihitnji tem kölgetka qetbuñanjan qarimapköra mönö kapan kölme. Mewö aketka guli dötnamñini qainji kun mi Suep mire ahöiga gurem jijilukutnönj mi qahö yöhötigetka kahawet töromnönj (ros, ufeñ) mi qahö mem bölime. Kegwek-kahasililiñ yeñön eu qahö öngöba miri qesiñda qahö yongorö meme. ²¹ Yuaigöra aködamunñi memba mötnönj öngözawi, mianjön miri kungen ahöiga göñön mönö urugi mewöyök mianjögorenj qekötahöba malman." Mewö.

Silegö asakñi mi kewö:

Luk 11.34-36

²² "Göhö jegi mi uru silegahö kiwanji akza. Mianjögöra kawöl kunönj jegi qahö mem böliiza ewö, mianjön mönö unönj asarim teköi Anutugö asakñan ölop uruge mem asariiga malmalgi pakpak asakñe malman.

²³ "Asakñe malmanmö, sihim kömbönanji bölonjan me yuai kunjan jegi mem böliba asakñi közambötza ewö, mianjön silegö malmalgi pakpak mewöyök mem söñjauiga pandaman uruñe jipjap malman. Mewö aiga söñjaupnönj urugahö asakñi közamböri söñjauza ewö, nangi pandamanönj mönö Yei! keta bölöknji wewelipñambuk akza." Mewö.

Anutu me monerj möt nariman?

Luk 16.13; 12.22-31

²⁴ "Kunjan kembu yahöt welen qem etkimamgö osimakza. Kunjan mewö akñamgö mötzawi, yanön mönö kun kazik ak wangiba kun urunan jöpaköma. Kungörenj qekötahöba kun jijiwilit ak wangima. Mianjögöra eñön Anutu aka monerj inap mi mindiriba welen qem etkibingö osime." Mewö.

Anutu möt nariba waimanjat kude akñe.

²⁵ "Mewö aiga nöñön kewö jibi mötket: Injini gölmenönj malmeangö waimanjatñi mi kewö jiba kude akñe, 'Mönö wani yuainönj gumohom angubinak aka wanatnönj sileninanngö löngötpinak?' Jenjambuk maljei, mianjön bohonñi aiga nenenönj mönö mianjögö nembönje akza. Silenjanambuk maljei, mianjön bohonñi aiga opo söronönj mönö mianjögö nembönje ahöza. Mönö mi mötmörime.

²⁶ "Könakemba neiñi neiñi mönö engekeñe. Mienjön nene kötnji qahö qesiñ gilakze. Padi ölnji qahö yandiba

† 6.19 Jei 5.2-3

köwe mirinje qahö tokomakze. Mi qahöpmahöp aiga engö Suep Iwinjan mönö töndup i gumohom engimakza. Injini nei yeñgö dop qahöpmö, engö söngörönjan mönö nei söngörönjini engonjgita öngöngöñi akza me qahö? Mönö mi mötmöriget anök.

²⁷ "Engörenjök kunjan waimanjat aka mewö mianjön gölmenönj malmawangö nalönji mi sömanji mohotkö dop mem toroqema me qahö? Mi qahöpmahöp!
^{††28} Opo söronjanngöra mönö denöwögöra waimanjat akze? Mi qahö dop kölja. Sombemgö jariñ juranji qari-makzei, mönö mi uba engekeñe. Mienjön opo söronjanngöra möt qahö lonjalakze aka nup tosatñi qahö memakze.

²⁹ # "Mi töndup nöñön kewö jibi mötme, Kiñ Solomonönj goul silwönji qeraköba asonbilikñambuk malökmö, yanjög malukuñi mi kiteñ soranjij me jura kungö dop eksihimñambuk qahö ahöyök. ³⁰ Sombemgö jariñ juranji töhön merak kösutnine ahöi uran kölgetka eri qezaköba gila ohoget jemapmö, mi töndup Anutunönj mi ölopñanök menjölömakza. Mianjögöra yanjön injini mewöyök ölop esuhum engima. Injini jariñ juranjanngö dop qahö. Anutunönj köyan köl engimamgö möta mianjögöra sihimñi öngöngöñi mörakza. O ambazip, mötnaripñinan mönö wuanönngöra öne töhön morörökñi akza?

³¹ "Mewö aiga injini mönö malmaljanngö waimanjat aka mötkurumkurum kude ahakñe. Mi aka lömböriba kewö jibepuk, 'Nini mönö wani nene aka wani oya nembinak?' aka 'Wani yuainönj silenini esuhubinak?'

³² "Mi kewögöra: Urumeleñgö kopa yeñön yuai pakpak mi buña qem angubingö kapan köla urukönöp ahakze. Injini yuai pakpaköra mözöröngöba osimakzei, engö Suep Iwinjan mönö mi möt teköza. ³³ Mianjögö urukönöp kude akñemö, mutuk mönö Anutugö bemtohoñönj angota yanjög jeñe solanibingö kapan kölme. Urunjini mianjögorenj alget ahöiga yanjön mönö galöm köl engiba yuai mewönji pakpak mi mewöñanök engima.

³⁴ "Mewö aiga injini mönö uran malmeangö waimanjatñi kude ahakñe. Urangö waimanjatñi mi urangöra. Silim mohot mohotkö waimanjatñini mönö nanjök nanjök bisiinga dopñine akña." Mewö.

Jimtekötekö tonji ewö kude akñe.

Luk 6.37-38, 41-42

7 Jisösnönj toroqeba kewö jiyök, "Anutunönj keunjini kewöta jim teköi etpepuköra mönö tosatñi yeñgö keunjini kude kewöta jim teköme. ² # Mianjögö könanji kewö: Injini tosatñi yeñgö keunjini kewöta jim tekömei, Anutunönj mönö dop mohot mianjönök nanñini keunjini kewöta jim teköma. Injini tosatñi yeñgöra jimkutukutu ala memba öngöba eta kewöt engimakzei, Anutunönj mönö mianjögö dop nanñini ak engii öngöba erakñe.

†† Tosatñan jabö 27 mi kewö melenja jize: Engörenjök kunjan waimanjat aka mewö mianjön silenji wan fitgö dop toroqeba mem körimamgö osima. ‡ 6.29 1 Kiñ 10.4-7; 2 Hist 9.3-6 †† 7.2 Mak 4.24

³“Gi alagahö jeje gödöwöröt morörökñi ekzanmö, nangi jeje ip sahötñi ketanji ahözawi, mia mönö wuanöngöra kude ek kutuzan? ⁴Me denöwögöra aka amqeba alagahöra kewö jizan, ‘Alani mötnöñ, ni ölop jegeyök gödöwöröt itaköbi etma?’ Mewö amqeba jizanzmö, ip sahötñi ketanji mi nange jeje ahöza.

⁵“O gi urumelenjö silesile azia, gi mönö mutuk nange jegeyök ip sahötñi (tametñi) ketanji memba gilman. Mi mem gilagan törörök ek kutuba alagahö jegeyök gödöwöröt morörökñi mi ölop itakönöñga etma. ⁶Yuaigöra mötketka tök-kutukutuñi qainñi kun akzawi, mi mönö kiam kude engime. Guli damandan qeçenji mi mönö bau wösöñjine kude gilget anma. Mewö akñe ewö, yeñon mönö mi könanjan tiahöm engiba dumñe melenja nanñini engöhöba yöhöqöhö-tim engibepuk.” Mewö.

Mönö qesiba jaruba Anutugö nanğunje qeba malme.

Luk 11.9-13

⁷“Mönö Anutu köuluköme. Köulukögetka kewöta engima. Urugö yuaigö Anutugöreñ böröjañ memba jarume. Mi jarugetka kondeliga miwikñajime. Kinda nanğunöñ qeme. Qegetka nanğunji öröm engima.

⁸Kunñan Anutu köulukömakzawi, yanñon mönö likepñi buña qem anguma. Yuaigö jarumakzawañon mönö mi miwikñajima. Nanğunöñ qemakzawañgöra mönö nanğu öröm wañgima.

⁹“Mötket, ambazip engöreñök danñon kewö akawak: Nahönñan bisketköra qesiiga köt wañgima? ¹⁰Me nahönñan söragöra qesiiga qatö wañgima?

¹¹“Mewö aiga injini ambazip bölöñi aka töndup kalem ölöpñi ölöpñi nahönböraturupñini engibingö dop akze ewö, engö Iwinjini Suep mire maljawañon mönö kalemñi denöwö angön kölbawak? Yanjö uruñangö ahakmemenji mi nenğonğita tandökñi kun akza. Mi-anggöra injini yuai ölöpñanggöra köuluköba qesim wañgime ewö, yanñon mönö sihimñan mi engima.

¹²“Mianggöra ambazipnön yuai pakpak nanñinangö ak engimegö mörakzei, miangö dop mönö nanñini mewöyök i ak engimakñe. Mewö aketka Mosesgö Köna Keu aka kezapqetok ambazip Buzup Kimbi keunñini miañon mönö ölninambuk aketka mindimindiri könanjan aukñe asuhuma.” Mewö.

Mönö kiripo nanğu giwikñi kutuba anme.

Luk 13.24

¹³“Könöp sianöñ gebingö könanji mi amqeçenji aka numbuñangö nanğunji mi ketanji. Ambazip sehisehiñan nanğu mi kutuba köna mi mötöteiba anme. Mi-anggöra injini mönö kiripo nanğu giwikñi kutuba mi-angö uruñe anme.

¹⁴“Malmal köhöikñe angotpingö könanji mi pökpökñi (pipitñi) osukosubuk aiga numbuñangö nanğunji mi giwikñi. Ambazip awamdökñan nanğu mi miwikñajime.” Mewö.

Ipkö könanji mi ölni eka möt kutume.

Luk 6.43-44

¹⁵“Kezapqetok ambazip takapulakanji yeñon lamagö sile ewö esunini löngöta engöreñ kamakzemö, uruñinan ubibi kiam kalñi ewö akze. Mianggöra injini mönö yeñgöra aka tihitñini möta galöm mem anguba malme. ¹⁶Nupñinangö ölni eketka könanjini kondeli ölop möt kutume. Nejon kötni mi jömnöñ asuhumakza me qahö? Warun kötni mi koururukñöñ (köwörörök) asuhui tokomakzin me qahö? Qahö.

¹⁷“Mianggö dop ip ölöpñi pakpak mienñon ölni ölöpñi kungumakzemö, ip bölöñan mönö kötni bölöñi kungumakza. ¹⁸Ip ölöpñan ölni bölöñi kungumamgö osiza aiga ip bölöñan kötni ölöpñi kungumamgö osiza.

¹⁹“†Ip pakpak ölni ölöpñi qahö kungumakzei, mi mönö galömñan kutuba memba könöpnöñ giliga geme. ²⁰‡Mianggö dop ambazip mienğö nupñinangö ölni eketka könanjini kondeli ölop möt kutume.” Mewö.

Gwarek ölnangö könanji

Luk 13.25-27

²¹“Nöngö Suep Iwinangö jitsihitñi tem kölakzawañon mönö yanğö bemtohoñöñ angotma. Gwötpuk yeñon nöngöra ‘Kembuni, Kembuni!’ qeta jimakzemö, körek yeñon Suepkö bemtohoñöñ qahö angotme.

²²“Jimtekötekögö nalö ketanji mianggöreñ gwötpuk yeñon kaba nöngöra kewö jime, ‘O Kambu Kambu, neñon mönö göhö qetke yuai asuhumapkö kezapqetok keu qeljine jiba malin. Neñon mönö göhö qetkahö ösumnön ömewöröme enguatangöba malin. Göhö qetkan mönö nam köl nenğiiga angöletot ösum-mu-muñinambuk gwötpuk memba malin. Mi ölum guhuza me?’ ²³‡Mewö jigetka nalö mianggöreñ könanjini aukñe kewö jibi mötme, ‘Nöñon injini nalö kunöñ qahö möt engial. Iwilele ahak ambazip, injini mönö nömosöta kesalget.’” Mewö.

Miri memegö mötkutukutu ölöpñi aka piromñi

Luk 6.47-49

²⁴“Mewö aiga denike yeñon keu jitni jizali, mi möta mianggö dop tem köla memakzei, nöñon körek yeñgö könanjanñini kondela mötkutukutu azigö dop ala kewö jimam, Yanñon miriñi jamönñiñ köt qakñe meyök. ²⁵Mewö meiga kie uru nalöñe kie römbum yöhöba eriga göulu luhuiga luhut ketanji qeiga o göulu köhöikñi gila miri selñe kunguyökmö, miri mi jamönñiñ köt qakñe mei kinöhanggöra aka qahö kusuyök.

²⁶“Denike yeñon keu jitni jizali, mi möta mianggö dop qahö tem köla memakzei, nöñon körek yeñgö könanjanñini kondela azi mötkutukutuñi piromñangö dop ala kewö jimam, Yanñon miriñi sak kösahet qakñe meyök. ²⁷Mewö meiga kie uru nalöñe kie römbum yöhöba eriga o luhuiga luhut ketanji qeiga o göulu köhöikñi gila miri selñe kungui kusuiga goromoro-roñgöba erök.” Mewö.

† 7.12 Luk 6.31

†† 7.19 Mat 3.10; Luk 3.9 ‡ 7.20 Mat 12.33 †† 7.23 Sum 6.8

Ambazipnön Jisösgö kukösumñangöra welipköget.

²⁸ †Jisösnön keu mi jim teköiga ambazip kambuñi kambuñi yeñön mötketka kusum engiyöhi, tandök mi-angöra auruba welipköget. ²⁹ Yañön yeñgö Köna keugö böhiurupñinangö tandök qahö kusum engiyök-mö, kukösum Tonji akzawangö dop ambazip kusum engiiga möta tandök miangöra welipkögetka nem-bönjini teköyök. Mewö.

Jisösnön uzikuku azi kun mem solaniyök.

Mak 1.40-45; Luk 5.12-16

8 Jisösnön kundunji mi mosöta eri könagesö kambuleleme ketanjan andöñe wuatangöget. ² Mewö kagetka miangörenj uzikuku azi kunönj kaba simin köla Jisösgö wösöñe geba kewö jiyök, “O Kembu, göñön sihimgan mem ölöwak niñgimangö mötzan ewö, mönön ölöp mem solanim niñgiman.”

³ Mewö jiiga börönji böranda silenji misiriba jiyök, “Nöñön mi akñamgö mötzal. Gi mönön solaniman.” Mewö jiiga uzikukunji mi miangörenjök solanii ölöwahök. ⁴ ††Solaniiga kewö jim kutum wangiyök, “Mötnön, kiangö buzup keunji mi kun kude jinön mötme. Qahöpmö, mönön jike nup galömgörenj anda silegi kondel wangiman aka Mosesgörenj jimkutukunji wuatangöba solani-zanangö saiwap nalukñi ala jöwöwöl ohoman. Mi ohonönj ehiga ambazipnönj könanjamgi möt kutume.” Mewö.

Jisösnön suahö galöm kungö nup aziñi mem ölöwahök.

Luk 7.1-10

⁵ Jisösnönj Kaperneam taonönj kanjoriga Rom suahö galöm kunjan yangörenj kaba köuluköba kewö jiyök, ⁶ “O Kembu, nöñgö nup azinangö silenji likepñan kömukömunji aiga sihimbölo kanjamñambuk möta mire ahöza.”

⁷ Mewö jiiga kewö jii mörök, “Nöñön mönön anda i mem ölöwakñam.” ⁸ Mi möta kewö melenja jiyök, “O Kembu, ni mewöröpñan malbiga nöñgö miri boñan goalöñmapkö gamuni mötzal. Miangöra keu jitkanök jinöñga welen azinan ölöwakña.

⁹ “Mi kewögöra: Ni nanak mewöyök galömnangö kukösum bapñe al niñgigetka maljal. Nöñgö bapñe yarö azi malgetka mi jim kutum engimakzal. Yeñgörenjök kungöra ‘Anman,’ jim kutubi yañön anma. Kungöra ‘Kanön,’ jim kutubi yañön kama aka welen azini kungöra ‘Nup ki meman,’ jibiga yañön mi mema.”

¹⁰ Jisösnönj keu mi möta welipköba ambazip wuatangöba kageri, yeñgörenj lilingöba kewö jiyök, “Nöñön keu öñi kun kewö jibi mötme: Israel könagesö sutñine mewöyök mötnarip ketanji mewönji mi kungö uruñe qahö miwikñaijal.

¹¹ †Nöñön keu kewö jibi mötme: Ambazip kambulelemenönj mönön wehön kotkotñeyök aka wehön

† 7.28 Mak 1.22; Luk 4.32 †† 8.4 Lew 14.1-32 ‡ 8.11 Luk 13.29

geñeyök kaba Suepkö bemtohoñ uruñe kanjota Abraham, Aisak aka Jeikob yembuk nene sösongai aka malme. ¹² ††Yeñön mewö malmemö, bemtohoñgö nahönböraturup mi mönön engömosöta aköm engigetka pandamanönj yaigep geme. Miangörenj malmei, yeñön mönön sahöt gigilahöba irimñini yöhözömgögetka qetñi qeri malme.”

¹³ Mewö jiba suahö galömgöra kewö jiyök, “Gi mönön mirige anman. Mötnaripkahö dop mönön asuhum gihi-ma.” Mewö jiiga welen aziñan mönön aua miangörenjök ölöwahök. Mewö.

Jisösnön kawöl ambazip gwötpuk meiga ölöwaket.

Mak 1.29-34; Luk 4.38-41

¹⁴ Jisösnönj Pitögö mire anda Pitögö suhunjan silekönöp kawöl yöhöi ahöiga ehök. ¹⁵ I eka börönje misiriiga silekönöpñan mosöri wahöta könahiba Jisös nene ohoba gumohom wangiyök.

¹⁶ Mewö malgetka miri söñauiga miangörenj ambazipnönj alaurupñini ömenjambuk mi gwötpuk enguangita yangörenj kaget. Kagetka ömewöröme mi keunjan jiba közöl engiiga kota anget aka kawöl ambazip pakpak mi mem ölöwak engiyök. ¹⁷ ††Mewö mi-añön Anutunönj keunji kezapqetok azi Aisaiagö uruñe ali jii ahözawi, miangön öñambuk ahök. Keu mi kewö, “Yañön mönön neñgö uzi kawölnini meiga qakñe öñgöiga bisiyök.” Mewö.

Jisös wuatangöbingö möndömöndö keunji

Luk 9.57-62

¹⁸ Jisösnönj ambazip kambu ketanji liliköm wangiget engeka nalö miangörenj gwarekurupñi yembuk o angö kutuba likep angotpingö jim kutuyök. ¹⁹ Köna keugö böhi kunjan Jisösgörenj kaba kewö jii mörök, “Böhi, gi denike denike anmani, nöñön mönön miangörenj gi guatangöba kamam.”

²⁰ Mi möta Jisösnönj kewö jii mörök, “Arökñangö kiam yeñön kötenjine ahögetka könakemba nei yeñön öñgot jajöñini memba malakzemö, Suep gölmegö azi öñjan mönön denike anda nööröpñi wani qömböñnön nariba luhut membawak?”

²¹ Mewö jii gwarek yeñgörenjök kunönj kewö jii mörök, “Mi ölöpmö, iwinan kömumangö aiga mutuk jinöñga anda galöm kölböi kömui löm kölbögun.”

²² Mewö jiyökmö, Jisösnönj melenja jiyök, “Mosötnönj, köhömunji yeñön qamötnjini köhömunji mi ölöp löm kölmemö, göñön mönön kaba ni nuatangöman.” Mewö.

Jisösnönj jiiga raidimbom görönj qeyök.

Mak 4.35-41; Luk 8.22-25

²³ Jisösnönj anda wange uruñe öñgöiga gwarekurupñan wuatangöba yambuk mohotñe anget.

²⁴ Angetka raidimbom ketanjan ömtöröp (töröpñanök) o angönönj asuhuba gilök. Giliga sirinönj wange uruñe geiga numbuñe qemangö ahökmö, Jisösnönj gaun ahöyök. ²⁵ Gaun ahöiga gwarekurupñan anda möndö-

†† 8.12 Mat 22.13; 25.30; Luk 13.28 †† 8.17 Ais 53.4

ba jiget, "Hei Kembu, mönō baukōm neŋginōŋ. Nini aŋgōnōŋ ayuhubingō akzin."

²⁶ Mewō jigetka melenḡa kewō jim eŋgiyōk, "O inċini mötnaripŋini morōrōkŋi, mönō wuanōŋgōra keŋgōt mötmōt azia akze?" Mewō jiba wahōta luhut aka siri jim qetal etkiiga sirinōŋ nōŋ qeba ahōyōk. ²⁷ Mewō aiga awōwōliba qesiba jiget, "Yei! Azi kia mönō denōwōŋan malja. Yaŋōn mönō luhut aka kōwet jim kutum etkiiga jitŋi tem kōl waŋgizahot." Mewō.

Ömenōŋ bau uruŋine gegetka azinōŋ ölöwahot.

Mak 5.1-20; Luk 8.26-39

²⁸ Mewō asuhuiga o aŋgō kutuba likepŋe Gadara yeŋgō gölmenōŋ aŋgorōk. Miangōreŋ aŋgota azi ömeŋirambuk yahōt yetkōn qaksirinōhōk kaba Jisōs miwikŋajiyohot. Yetkōn irimesesewōl azi urukōnōpŋi-rambuk ahotka kunŋan kōna miangōreŋ anmamgō osiyōk. ²⁹ Yetkōn Jisōs miwikŋaiba silata kewō qet gigi-lahōyohot, "Aek! Gi Anutugō Nahōnŋi akzan. Gi mönō denōwō ak neŋgimamgōra kazan? Sihimbōlō mötmōt nalōŋan qahō kam kuŋguiga qeljiŋe mi kōnōpŋambuk ak neŋgimamgō ki kazan me?"

³⁰ Miangōreŋōk kōrōwen qahōpmō, kōsutŋine mi-aŋgōreŋ bau kambu ketanċi kun gwōzōzak uruŋe kulunḡa malget. ³¹ Miangōra ömenōŋ kewō jiba Jisōs ulet waŋgiget, "Gōŋōn nini kōzōl neŋgiman ewō, mönō melaim neŋginōŋga ölop bau kambu miēŋgō uruŋine gebin."

³² Ulet waŋgigetka Jisōsnōŋ "Mōnō anda geget," jiba jim kutuyōk. Mewō jim kutuiga miangōreŋōk azi uruŋireyōk kota anda bau uruŋine geget. Gegetka bau kambu kōrek yeŋōn mönō luhuba nembōnembōnōŋ anda jororōŋgōba o aŋgōnōŋ geba nemulahōba kōmuget.

³³ Kōmugetka bau galōm yeŋōn ölonċi unjurata taonōŋ anda keu buzupŋini pakpak jiget. Azi ömeŋi-rambuk yetkōreŋ yuai asuhuyōhi, miangō buzupŋi mewōyōk jiget mötket. ³⁴ Jiget möta taon ambazip pakpak yeŋōn mosōta Jisōs miwikŋaiba ekingō kaget. Kaba eka Jisōsnōŋ yeŋgō mindimindiri sel gölme mosōta anmapkō ulet waŋgiget. Mewō.

Jisōsnōŋ azi sile likepŋi kōmukōmuŋi möhamgōyōk.

Mak 2.1-12; Luk 5.17-26

9 Jisōsnōŋ waŋge uruŋe öŋgōba kunbuk o aŋgō kutuba likepŋe aŋgota nanŋe taonōŋ kayōk.

² Nalō miangōreŋ azi tosatŋan alaŋini sile likepŋi kōmukōmuŋi tumbulahōpnōŋ ahōyōhi, mi kululunōŋ ala aŋguba kaget. Mewō kaba Anutu möt narim waŋgigeri, Jisōsnōŋ yeŋgō tandōkŋini mi ehi dop kōliga kawōl azigōra kewō jiyōk, "Nahōni, nōŋōn siŋgisōndoki mosōtza. Mönō kōhōiba ewebibigabuk saitiŋgit malman."

³ Mewō jiiga Kōna keugō böhi tosatŋan kinda uruŋinan kewō mötmōriget, "Azi kianōn mönō Anutu ilita mepaqepaik akza."

⁴ Mewō mötmōrigetmō, Jisōsnōŋ mötmōtŋini mi möt kutuba kewō jiyōk, "Iŋini mönō wuanōŋgōra keu

bōlōŋi uruŋinan mötmōrige? ⁵ Nōŋōn 'Siŋgisōndoki mosōtza,' jizali, keu miangōn mönō awamŋanōk jijiŋa. Kunŋan mewō jiiga tosatŋan keu miangō ölnċi qahō ekŋe. Miangōra mi keu awamŋaŋgō dop. Nōŋōn keu kun kewō jimamgō mötza, 'Mōnō wahōta anōŋ.' Keu mi mönō lömbōtŋambuk jijiŋa akza. Mewō jibiga ölnċi ahuma me qahōwi, miangōn mönō aukŋe asuhui ekŋe.

⁶ "Mōtket, gölmenōŋ siŋgisōndok mosōtmosōtkō kukōsumŋi mi Suep gölmegō azi ölnċaŋgōreŋ ahōzawi, inċini miangō kōnaŋaŋgōra janjuŋ malbepuk. Miangōra keu lömbōtŋi mi azi kianōra jibi ölnċi eket." Mewō jiba azi sile likepŋi kōmukōmuŋaŋgō jeŋe eka jiyōk, "Gi mönō wahōta tumbulahōpki memba mirige anōŋ. Keu lömbōtŋi mi ölnċambuk akŋa ewō, keu awamŋi mi mönō mewōyōk denōwōgōra omaŋi akawak?"

⁷ Mewō jiiga miangōreŋōk wahōta miriŋe anōk.

⁸ Mewō asuhuiga ambazip kambu yeŋōn mi eka welipkōba Anutu möpōseim waŋgiget. Gölime azigōra kukōsum mewōŋi waŋgiyōhaŋgōra Anutu möpōseiget. Mewō.

Jisōsnōŋ Matyu (Liwai) oholōk.

Mak 2.13-17; Luk 5.27-32

⁹ Jisōsnōŋ miangōreŋōk anda takis ofis oŋgitmamgō aiga miangōreŋ azi qetŋi Matyu tariga eka jii mörōk, "Gi mönō nōŋgō andōne kanōŋ." Mewō jii möta wahōta takis nup mosōta Jisōsgō andōŋe anōk.

¹⁰ †Anda Matyugō mire anda nene namba tatkeri, nalō miangōreŋ takis meme azi tilipqilipŋinambuk aka siŋgisōndok azi gwōtpukŋan kaba Jisōs aka yaŋgō gwarekurupŋi yembuk tata nene mohotŋe neget.

¹¹ Mewō negetka Farisi (Kōna keugō kapaŋkōlkōl) yeŋōn mi eka Jisōsgō gwarekurupŋi kewō jim eŋgiget, "Aek! Eŋgō böhiŋinan mönō wuanōŋgōra takis meme tilipqilipŋinambuk aka siŋgisōndok ambazip yembuk tata nene neza? Mi qahō dop kōlja."

¹² Mewō jim eŋgigetka Jisōsnōŋ likepŋi kewō jii mötket, "Sile unditundit ambazipnōŋ doktagōra qahō ak eŋgimakzapmō, kawōl ambazipnōŋ mönō doktagōreŋ anakze. ¹³ ††Nōŋōn siŋgisōndok ambazip eŋgoholmamgōra kaba maljalmō, ambazip nanŋinaŋgō mötketka solanŋi akzei, i qahō. Miangōra keu kianō kōnaŋi mönō anda kusum aŋguba mötme, 'Nōŋōn jōwōwōl ohobingō qahōpmō, ak kōmum aŋgubingō sihimŋi mötza.'" Mewō.

Nene siŋgi malmalgō keuŋi

Mak 2.18-22; Luk 5.33-39

¹⁴ Nalō miangōreŋ Jon O-melun azigō gwarekurupŋi yeŋōn Jisōsgōreŋ kaba kewō qesiget, "Neŋōn aka Farisi (Kōna keugō kapaŋkōlkōl) yeŋōn Anutugōra nene siŋgi gwōtpuk malahakzin. Nangi gwarekurupkan mönō wuanōŋgōra nene siŋgi qahō malje?"

¹⁵ Mewō qesigetka kewō melenḡa, "Ölnċa, nini wani nalōnōŋ nene siŋgi malakzin? Ambi meme nalōŋe azigō andōrupŋan kōnōpŋi algetka ambigō sepkitipurupŋan yuai mi tōkōmakze me qahō? Nōŋōn nani

† 9.10 Luk 15.1-2 †† 9.13 Mat 12.7; Hos 6.6

gwarekurupni yengö azi buñaya aka yengö sutñine köisirik tatzal. Tatpiga yengön miangöra aijölön söngai-ba tata siñgi malbingö osimakze. Osimakzemö, Anu-tunöñ noañgiri kömumbiga yengön mönö nalö miangörej ölop siñgi malakñe.

¹⁶ (“Injini malmal walñi aka sösongai Buña dölökñi mi mindirim etkibingö osime. Miangö keu pasetñi mi kewö jibi mötket:.) Löngölöngöt walñi jurariga kunöñ opo dölökñi qahö sañgoñsañgoñi mitiba miangön opo su jöhanñi qahö ala umgörengömakza. Opo su jöhanñi dölökñi mewöñan mönö waziba löngölöngöt walñi öroiga kunbuk tiñgiriga kinimñan qariba böliqölibapuk.

¹⁷ “Mewöñanök kunöñ wain o dölökñi mi jobö me toru walñi lama silenjan memenji miangörej qahö kusuiga gemakza. Mewö akawak ewö, wain o dölökñan mönö qariba toru qesiñniga jula mokoiga gölmenöñ eta sohoiga toruñan böliqölibepuk. Miangöra wain o dölökñi mi toru dölökñeyök mokoin geiga dop kölma. Möwö ahinga mietkön ölöwakñahot. (Mewöñanök o ölopñi mi gina gisagisahöñe qahö umakzin. Mewö ubinak ewö, miangön mönö jula kisip-isirik eriga namba kawöl neñgöhöbapuk. Mewö akapuköra o ölopñi mi gina ölopñe umakzin. Injini mewöyök malmal walñi aka Ölöwak Buña dölökñi mi mindirim etkibingö osime.) Mewö.”

Jairusnön böratñangöra Jisös köuluköyök.

Mak 5.21-43; Luk 8.40-56

¹⁸ Jisösnön keu mi jii mötketka keu galöm kunñan kañgota Jisösgö wösöñe geba simin köla kewö köuluköm wañgiyök, “Nöngö böratnan mönö döлки kömuzapmö, mönö kaba börögan silenje misirinöñga guliba toroqeba malma.” ¹⁹ Köuluköm wañgiiga wahöta gwarekurupñi yembuk i wuatangöba anget.

Kawöl ambi kunöñ Jisösgö malukuñi misiriyök.

²⁰ Angetka miangörej sutñine ambi kun malök. Yañön (yara) yambu 12 miangö dop köiññöñ ehiga nalö dop kawöl yöhöiga malök. Ambi miangön Jisösgö andöñe kaba malukuñangö kitip suñi misiriyök. ²¹ Mi misiriba nanñangöra kewö jiyök, “Nöñön i oseimamgö möt lömböriba malukuñeyök borom kun misiribilenjak ewö, mönö ölop ölöwakñam.”

²² Mewö jiba misiriiga Jisösnön miangörejök lilingö-ba i eka kewö jii mörök, “Böratni, mötnaripkan mönö mem ölöwak gihiza. Mönö köhöiba ewebibigabuk saitiñgit malman.” Mewö jii möta aua miangörejök ölöwahök.

Jisösnön Jairusgö böratñi mem guliyök.

²³ Toroqeba angetka Jisösnön keu galömñangö mire öngöba ambazip jingey köla awölop ugeri aka ambazip kambu göju gilgeri, mi engeka kewö jim kutum engiyök, ²⁴ “Mönö yaigep anget. Ambi moröñan qahö kömuzapmö, gaunök ahöza.” Mewö jim kutum engiiga mötketka gönahit ewö aiga gön köl wañgiget.

²⁵ Gön köl wañgigetmö, ambazip kambu ketanji mi jiga yaigep angetka ambi moröñangö ahöahö miri uruñe öngöba böröñe meiga wahörök. ²⁶ Wahöriiga miangö buzup keuñan sehiba mindimindiri sel mi körek dop köla anök. Mewö.

Jisösnön jegömöl azi yahöt mem ölöwak etkiyök.

²⁷ Jisösnön miri gölme mi mosöta anmamgö ani jegömöl azi yahötñan wuatangöba andöñe kaba kewö qerohot, “Deiwickö gwölönarökñi, gi mönö ak kömum netkiman.”

²⁸ Mewö qerohotka miri kungö uruñe öngöiga jegömöl azi yetkön Jisösgörej kayohotka kewö qesim etkiyök, “Jeniri mem tohomamgö kukösümñi nöngörej ahözawi, mi möt narizahot me qahö?” Qesim etkiiga kewö meler wañgiyohot, “Kembuniri, mi ölop möt narizit.” ²⁹ Mewö meler wañgiyohotka je dapötñire misiriba jiyök, “Mötnaripñirangö dop mönö asuhuma.”

³⁰ Mewö jiiga jeniran tohoyök. Mewö asuhuiga galöm meme keu köhöikñi al etkiba kewö jiyök, “Mörohot, kiangö buzupñi mi kun kude jiyohot mötme.” ³¹ Mewö jiyökmö, yetkön mosöta anda miangö buzupñi jim seh-yohotka mindimindiri sel mi körek dop kölok. Mewö.

Jisösnön mötök azi kungö keuñi möhamgöyök.

³² Jeniri tohoi anohotka töñöt azi keu jijiñi qahö mi wañgita Jisösgörej kaget. ³³ Kagetka Jisösnön ömenji közöli mötök azinöñ keu jiiga ambazip kambu yengön mi eka welipköba jiget, “Tandök kewöñi mi Israel uruñe mönöwök nalö kungen qahö ehin. Qahö. Dölki je murutña ekzin.”

³⁴ †Mewö jigetmö, Farisi (Köna keugö kapañkölköl) yengön jiget, “Yañön mönö öme yengö kembunjanangö ösumnön ömewöröme enguatangömakza.” Mewö.

Jisösnön könagesö yengö wösöñi mörök.

³⁵ ††Jisösnön anda miri aka taon dop liliköba ambazip köuluk miriñine kusum engeba bemtohangö Ölöwak Buña jim asariba miangön uruñini kuñguba uzi kawöl aka jepajerepe könañi könañi mem ölöwak engeba malök. ³⁶ †Mewö mala ambazip kambuñi kambuñi engehiga lama galömñini qahö tandök simbisembel aka ilingösön qengalanğa malgetka yengöra wösöñi mörök.

³⁷ ††Mewö engeka gwarekurupñi kewö jii mötket, “Anutugö nupnön nene ölni gwötpuk öliba ahözapmö, mi tokobingö nup meme ambazipnön mönö awamdökñi malje. ³⁸ Miangöra nene öliöliñangö Kembuñan nup meme ambazip melaim engeimapköra mönö köuluköba malme. Köuluköm wañgigetka nup ambazip asuhuba ölni mi mem tokome.” Mewö.

† 9.34 Mat 10.25; 12.24; Mak 3.22; Luk 11.15 †† 9.35 Mat 4.23; Mak 1.39; Luk 4.44 ‡ 9.36 Jan 27.17; 1 Kir 22.17; 2 Hist 18.16; Eze 34.5; Mak 6.34 †† 9.37 Luk 10.2

Aposol 12 yengö qetjini

Mak 3.13-19; Luk 6.12-16

10 Jisösnön gwarekurupni 12 engoholi yangören kagetka ömewöröme közöl engimegö kukösumni al engiyök. Mewöyök uzi kawöl qemjem-mam-jeñ könanji könanji mem ölöwaknegö kukösumni al engiyök. ² Melaimelai azi aposol 12 miengö qetjini kewö: mutukni yanön Saimon, qetni kun Pitö qetket aka yangö munji Andru. Miangö andöje Jeims aka munji Jon, iwiñiri qetni Zebedi.

³ Filip aka Bartolomyu, Tomas aka Matyu takis meme azi, Jeims Alfiusgö nahönñi aka Lebeus qetni kun Tadius, ⁴ Saimon Zelot-politik azia † aka Judas Iskariot. Kariot azi mianjön könanjen Jisös mamalolo mem wangiyök.

Jisösnön gwarekurupni 12 melaim engiyök.

Mak 6.7-13; Luk 9.1-6

⁵ Jisösnön azi 12 mi melaim engiba kewö jim kutum engiba jiyök, "Injini kian kantrigö ambazip yengören kude anme. Mewöyök Samaria prowins yengö taonñini kunön kude anme. ⁶ Miangören kude anmemö, Israel könagesögö lama sohogeri, mönö yengören anme. Mi nup mutukni. ⁷ †Denike denike anmei, miangören mönö Buña keu kewö jiba jim asarime, 'Suepkö bem-tohoñan mönö dowe kazawa miangö uruñe angotme.'

⁸ "Ambazip kawölñinambuk mönö mem ölöwak engiba kömukömuñi mi mem gulim engiba malme. Uzikuku ambazip mönö mem solanim engigetka öme wöröme közöl engiba malme. Anutunön yuai kalema engiyöhi, mi mönö toroqeba kalema engiba malme.

⁹ "Köna anmeangöra soujenji goul me silwö me ain kopönön memenji mi mönö irimuñganjine kude jöhöme. ¹⁰ †Ambazipnön nup meme ambazip malmalñini nanngömeangö dop akze. Miangöra köna anmeangö yuainji ki mi kude memba anme: gösö qahö, maluku semönñi qahöpmö, mohot meme, köna esu qahö, öröp qahö.

¹¹ "Anda taon me miri denike denike angotmei, miangören mönö danön azi ipni qetbuñanambuk akzawi, miangöra qesigetka miri engimei, mönö miangörenök mala nup memba taon mi mosöta köna anme. ¹² Miri kunön öngöba luainön yembuk ahömapkö jime. ¹³ Mi jigetka luainini angön kölmeangö dop akze ewö, luaininan mönö yengö qakñine öngömapmö, mi angön kölmeangö dop qahö akze ewö, luaininan mönö lil-ingöba nanñine kama.

¹⁴ †"Anda mala miri kunön angotketka qahö köl öröm engiba keunji qahö mötketka nesampurekñini mönö kewö jiba kondel engime, 'Nini engö gölmenön kainga sölbuham köna tambönine mekötahözawi, mi mönö tim tönjöraringa nanñine lilijgöba gema.' Mewö jiba ölop miri me taon mi mosöta toroqeba anme.

¹⁵ †Nöñön keu ölni kun kewö jibi mötme: Anutunön nalö ketane qemasolokepñinangö likepni melenji

† Nesönöl pati Zelot yanön Rom gawman tuarenjon aka nanñine kinkin mendingöra tuaköpek memba malget. †† 10.7

taon mianjögö qakñe öngömawi, dop mianjön mönö Sodom aka Gomora gölme yengö dop ongita toroqem engima." (Sodom Gomora yanön bölönji kanjamñambuk memba uruñini qahö melengetka Anutunön könöpnön könderj engiyök.) Mewö.

Anda nup megetka sesewerowero asuhuma.

Mak 13.9-13; Luk 21.12-17

¹⁶ †"Mötket, lama yanön arökñangö kiam kalñi yengö sutñine gegetka luhuba engöhöbepuk, nöñön injini miangö tandök ewö melaim engibi anme. Miangöra mönö mokoleñ †† ewö mötkutukutu qakñe galöm mem anguba mala kembö ewö ambazip bönjönji köpösihitkö keunji qahö malme. ¹⁷ †Ambazipnön injini öröba keu jakeñine al engiba köuluk miriñine keu nupñini memba ihilek wahiñambuknön tauköm engime. Miangöra ambazip mewöñi yengöra mönö galöm mem anguba malme.

¹⁸ "Tosatñan nöngöra aka enguangitketka kantriji kantriji yengö kiñ kembu aka premiö yengö jemesoholñine kinme. Mewö kinda nöngö könanamni nanngöba jigetka azi ipni mi aka kian kantri könagesö yanön mi mötme. ¹⁹ Mi mötmemö, keu jakeñe al engigetka kinmei, nalö miangören wani keuya denöwö jibinak, miangö waimanjatñi kude mötme. Keu jime, mi Uña Törönjan aua miangörenök engima. ²⁰ Nanñine uruñineyök keu kude jimemö, Iwiñinangö Uña Törönjan mönö uruñini sölölohöiga keu jime.

²¹ †"Urumelenjögö kopa kunön darumunñan uruñi melenjögö-hangöra aka i mamalolo meiga keu jakeñe algetka qeget kömuma. Mewöyök iwi kunön nahönböratñi mamalolo meiga kömuma aka nahönbörat yanön iwinamurupñini qetal engiba jigetka enguget kömume. ²² ††Nöngö qetnanngöra aka kantriji kantriji yanön körek kazik al engigetka malmemö, kunñan kapaj köla nalö tekömawangö dop köhöiba böñ qeba kinmawi, yanön mönö oyaenköyaen buña qem anguma.

²³ "Taan kunön sesewerowero ak engime, mi mönö kök ala taon kunñan anme. Nöñön keu ölni kun kewö jibi mötme: Injini Israel taonñi taonñi qahö liliköm tekögetka Suep gölmegö azi ölnan mönö lilijgöba kama. ²⁴ †Gwarek kunñan böhiñi ongita mötmötñambuk qahö akza aka welenqeqe kunñan ketañamñi ongita nupkö mötmöt qahö memba malja.

²⁵ ††"Gwareknön böhiñi ewö mötmötñambuk aiga dop kölma aka welenqeqenön ketañamñi ewö nupkö mötmöt memba maliga dop kölma. Miri uruñi kungö saiwa galömñi jim böliba qetni Katakömulat †† qetket

Luk 10.4-12 † 10.10 1 Kor 9.14; 1 Tim 5.18 †† 10.14 Apo 13.51 †† 10.15 Mat 11.24; Jen 19.24-28 ††† 10.16 Luk 10.3 ††† Mokoleñ aka raskol yanön aukñe bim qegetka zilanj miwikñai-ba jöhöm engibeak. Miangö dop lömböribapuköra gwarek nenñon maslim, komyunist aka tosatñi yengö sutñine qetnini misinari mi aukñe qahö jimakzin. Mötkutukutu mi ölopñi. § 10.17 Mak 13.9-11; Luk 12.11-12; 21.12-15 †† 10.21 Mak 13.12; Luk 21.16 ††† 10.22 Mat 24.9, 13; Mak 13.13; Luk 21.17 ††† 10.24 Luk 6.40; Jon 13.16; 15.20 ††† 10.25 Mat 9.34; 12.24; Mak 3.22; Luk 11.15 †† Juda yengören Katakömulat qetñi Belzebul. Mi ömewöröme

ewö, yangö saiwaurupji yengö qetjini mönö amqeba awamñanök mewö qerakje." Mewö.

Dagöra kengötjini mötketka dop kölma?

Luk 12.2-7

²⁶ † "Ambazipnön yuai önun meget ahözawi, mi pakpak mönö lulungetka aukje ahuma. Mewöñanök keu asambötket ahözawi, mi pakpak mönö indelgetka möt kutume. Mianğöra ambazip yengöra kengötjini kude möta malme. ²⁷ Nönön keu söñaupnön ölöñ jimami, mi mönö asakje jime. Keu sanep algetka kezapjine gei mötmei, mi mönö sombemnön aukje jime. Mianğöra mönö keunjanğö galöm memba malme."

Dagöra kengötnini möringa dop kölma.

²⁸ "Tosatjan silenini qem kömumbeakmö, uñajini qem kömumbingö osime, yengöra kengötjini kude möta malme. Mi qahöpmö, yuai mutukji ki: Kunñan kukösum memba uña aka sile mohot ayuhum etkiiga könöp sianön gemahori, yangöra mönö kengötjini möta malme. ²⁹ Tosatjan bekösöm (jöröm, ulisit) yahöt monen kötji mohot-töpnön söngörönji memegöra alakzemö, etkerigetka Iwininan on qahö jiga yetkörenğök mohotnön gölmenön qahö etma.

³⁰ "Anutunön köyan köl engiba nöröp jupjini pakpak mewöyök oyon teköba janğönjini mötza. ³¹ Ambazip engö söngörönjini mi bekösöm ulisit gwötpuk enğongita öngöngönji akza. Mianğöra kengötjini mönö kude möta malme." Mewö.

Kraist jim miwikñaima me qañ kölme?

Luk 12.8-9

³² "Mewö aiga kunñan ni ambazip jeñine jim miwikñaim ningimawi, nönön mönö mewöñanök i Iwini Suep mire maljanğö jeñe jim miwikñaimam. ³³ † "Mewömö, kunñan ni ambazip jeñine qañ köl ningimawi, nönön mönö mewöñanök Iwini Suep mire maljanğö jeñe qañ kölmam." Mewö.

Jisösgöra luai qahöpmö, kazik asuhuma.

Luk 12.51-53; Luk 14.26-27

³⁴ Jisösnön toroqeba kewö jiyök, "Kewö kude möt-mörime: Jisösnön luai qemamgöra aka gölmenön erök. Nönön luai qemamgöra qahöpmö, nongöra aka jula dengetka bimğö sou ketañan aume.

³⁵ † "Mi kewögöra jizal: Nongö Buña keunan ambazip urunjini kungui melenğerağöra kewö asuhuma, 'Iwi morö yetkön jula kerök-kerök ahotka nam morö yetkön tötal anğuyohotka iranñan iranñi qetala julmahot. ³⁶ Ambazip nanñini saiwaurupjinan mönö kerökurupjini akje.'

³⁷ "Kunñan ni gorağöra al ningiba iwinji me namji jegep ala jöpakömawi, yanön mönö nongörenğ qahö dop kölma. Kunñan ni gorağöra al ningiba nahönñi

yengö ketañamñini. Matyu 9.34 mianğörenğ Jisösgöra qet bölönji mi qetket. Mianğö dop Jisösgö alaurupji nengöra qet bölönji kónañi kónañi qerakje. † 10.26 Mak 4.22; Luk 8.17 †† 10.33 2 Tim 2.12 † 10.35 Mai 7.6

me böratñi jegepje ala jöpakömawi, yanön mönö nongörenğ qahö dop kölma. ³⁸ † "Sisitñini megetka kunñan ni nuatangöba sihibölö möta maripomnön kömumamğö qahö jörömawi, yanön mönö nongörenğ qahö dop kölma.

³⁹ † "Kunñan nanñi malmal siyonsayonji qahö mi miwikñaimawi, yangö malmalñan mönö sohoma. Kunñan nongöra aka malmalñi köleñniga sohomawi, yanön mönö oyaenğoyaenğ malmal miwikñaima." Mewö.

Anutunön nupñinangö töwanji engima.

Mak 9.41

⁴⁰ † "Jisösnön jiyök, "Kunñan inini miriñe köl öröba köyan köl engimawi, yanön mönö ni köl öröm ningima. Kunñan ni köl öröm ningimawi, yanön melaim ningiyöhi, mönö i miriñe köl öröm wangima. ⁴¹ Kunñan kezapqetok ambazip kun kezapqetok nupñanğöra aka miriñe köl öröba köyan köl mawi, yanön mönö kezapqetok ambazipkö töwanji buña qem anğuma. Kunñan ambazip solanñi kun solanñi akzawangöra aka miriñe köl öröba köyan köl mawi, yanön mönö ambazip solanğangö töwanji buña qem anğuma.

⁴² "Kunñan morö kienğörenğök kungöra nongö gwarekni akzawangöra aka o amötñi qambinambuk nemapköra wangimawi, Anutunön mönö mianğö töwanji melenğda wangima. Nönön keu öñji kun kewö jibi mötme: Nanğöm engime, mienön mönö töwa meme." Mewö.

Jongö gwarekyahötñi Jisösgörenğ kayohot.

Luk 7.18-35

11 Jisösnön gwarekurupji 12 keu mewö kusum engii teköiga miri mi mosöta toroqeba Galili prowinsgö taon tosatje anda Buña keu kusum engiba mianñon urunjini kunguba malök.

² Nalö mianğörenğ Jon O-melun azinön kösö mire tata Kraistnön nup mewö meyöhi, mi möta gwarekyahötñi melaim etkii Jisösgörenğ anohot. ³ Kewö qesim wangimahotköra melaim etkii anda jiyohot, "Mem ölöwak azi kamapköra mambörakzini, göñön mia akzan me azi kun bianğ kamapköra mambötpin?"

⁴ Mewö qesim wangiyohotka kewö melenğök, "Yuai eka mötzahori, mianğö kösohotñi mönö anda Jon kewö jiyohot mötma: ⁵ † "Jegömöl yengön jeñini uba eketka lokon yengön köna anda kagetka uzikuku yengön solanigetka kezapduhup yengön keu mötketka kömuget yengön guliba wahötketka etqeqenji yengöra Ölöwak Buña jim asaribiga mörakze. ⁶ Mewö asuhui eketka kungö urunjan qahö bölii andö nunğumawi, yanön mönö simbawonğ akza."

⁷ Mewö jiiga Jongö gwarek yetkön anohotka Jisösnön kónahiba Jongö kónañi ambazip kambu yengöra kewö jim asariyök, "Inini gölme qararankölkölñe mianğörenğ wania ekingöra anget? Luhutnön jehot uwutapköba

†† 10.38 Mat 16.24; Mak 8.34; Luk 9.23 †† 10.39 Mat 16.25; Mak 8.35; Luk 9.24; 17.33; Jon 12.25 ††† 10.40 Mak 9.37; Luk 9.48; 10.16; Jon 13.20 ††† 11.5 Ais 35.5-6; 61.1

metali anjanbanjan ahakzawi, injini azi mewöñji ekingöra anget me? ⁸ Me wanat yuaia ekingöra anget? Azi malukuñji aködampungambuk löngöta malöhi, mi ekingöra me? Mötket, ambazip malukuñjini eksihimñi-nambuk löngörakzei, mienön mönö kiñ yengö jaköm-buak miriñine malje. Mi gölme qararankölkölñe qahö.

⁹ “Me wanat yuaia ekingöra anget? Kezapqetok azi kun ekingöra me? Ölna, nöñon kewö jibi mötket: Azi ekeri, yanön mönö kezapqetok ambazip pakpak engonggita tandökñi kun akza. ¹⁰ †Yanögö könanji mi mönöwök kewö ohoget ahöza, ‘Mötnön, nöñon kolekni garata kun melaibiga qeljine anda ambazip uruñini mindingöba göhö könagi mesariga göñon mönö yanögö andöñe gölmenön emu geman.’

¹¹ “Keu mewö ahözapmö, nöñon keu ölni kun kewö jibi mötket: Ambinöhök morö pakpak asuhugeri, yengö sutñine Jonön mönö körek engonggita qet-buñanambuk kinja. Kinjapmö, Suepkö bemtohoñ uruñe angota Anutugö qetbuñanji miwikñaimakzei, yengö sutñine eretñi kondikñi yanön mönö Jon onggitza.

¹² †† Jon O-melun azinön Buña keu jiiga nalö mi-angörenök könahiba Suepkö bemtohoñi köñonpambuk tuarenjoñ aka yarö gilakzemö, töndup ösumñan anda qarimakza. Köñonpambuk yarö gilakzeañon mönö bemtohoñ mi nanñinangöra öröba buña qem angumakze. ¹³ Bemtohoñgö könanji mi Mosesgören Köna keunön aka kezapqetok ambazip körek yengö Buzup Kimbiñine ohogetka oyoñda mala koringa Jonön asuhuba ölni aukñe indelök. ¹⁴ †Keu ki möt angön kölbängö mötze ewö, Elaija (Elia) asuhumawanögö dop ahöhi, Jonön mönö mia akza. ¹⁵ Kunñan urukezapñambuk maljawi, yanön mönö keu mi kezap ala möt kutuma.

¹⁶ “Ambazip merak gölmenön maljei, mi mönö wanatpuk dop al engibileñak? Yenön namande ewö akze. Mienön maket sombemnön tata keu gön gila lan qeta kewö jimakze,

¹⁷ ‘Nini awölop uinga injini liñet gwawet qahö unduget. Nini jingereñ kölinga injini qahö toroqeba sahötket.’

¹⁸ “Miangö könanji kewö: Jon O-melun azinön kaba nene singi mala wain o qahö neiga yanögöra jimakze, ‘Öme kunön uruñe geiga malja.’

¹⁹ “Suep gölmegö azi ölnan kaba nene nem sönggaip aiga yanögöra kewö jimakze, ‘Mötket, yanön bau numbu tandök közöjeriba wain o gwötpuk nempa takis tilipqilipñinambuk aka bölöñi meme yengö alanina malja!’ Anutugö mötkutukutu köl gulimakzei, yengö ahakmemenjanögö ölnan mönö mötkutukutu-ñinan dop köljawi, mi kondelakza.” Mewö.

Jisösnön taon 3 yengöra Yei wösöbirik! jiyök.

Luk 10.12-15

²⁰ Miangö andöñe Jisösnön könahiba taon tosatñi tembul engiyök. Taon tosatñi miengören angöletotñi

† 11.10 Mal 3.1 †† 11.12 Luk 16.16 † 11.14 Mal 4.5; Mat 17.10-13; Mak 9.11-13

kukösumñinambuk sehisehiñi meiga asuhugetmö, töndup uruñini qahö melenget. Miangöra i tembula kewö jim engiyök, ²¹ †† “O Korazin tonji, nöñon engöra Yei! jiba sahötzal aka Betsaida tonji, engöra mewöyök Yei! jiba sahötzal. Nöñon yengören anbiga keuni jibi sösonihii angöletotni kukösumñinambuk asuhugetmö, uruñini töndup qahö melenget. Angöletot mi kian gölmenön Taiö aka Saidon sitinön asuhubeak ewö, yenön mönö nalö köropñi uruñini melenbingö kaisöp-söpñi kondela dodohonön angömiriba kau ariba sahötpeak.

²² “Sahötpeakmö, nöñon kewö jibi mötme: Anutunön könanjep Korazin aka Betsaida yengö keunji jim teköba likepñi melenji sihimbölö mötmei, nalö ketanji miangören mi mönö Taiö aka Saidon yengö sihimbölö dopñi onggitza mötme.

²³ †† “Aka Kaperneam tonji, Anutunön injini ölop mem wahöt engii Suep mire öngöbeak me qahöpto? Qahöpmahöp! Injini mönö kömupkö senjom mire kölölohoba game. Nöñon yengören anbiga keuni jibi sösonii angöletotni kukösumñinambuk asuhugetmö, uruñini töndup qahö melenget. Angöletot mi Sodom taonön asuhubeak ewö, taon mianön mönö nalö kewöñe mewöyök toroqeba kinbawak.

²⁴ †† “Kinbawakmö, nöñon kewö jibi mötme: Anutunön könanjep Kaperneam engö keunji jim teköba likepñi melenji sihimbölö mötmei, nalö ketanji miangören mi mönö Sodom gölme yengö sihimbölö dopñi onggitza mötme.” Mewö.

Lömbötñinambuk enön mönö nöngören kaba luhut meget.

Luk 10.21-22

²⁵ Nalö miangören Jisösnön keu kewö jiyök, “O Iwini, göñon Buña keugi mötkutukutu ambazip mötmöt ketanji megeri, yengören asambötnönmö, ambazip nahönbörat ewö nanñinangöra mötketka gukmaulem akzei, mi mönö yengören indelnöñga möt asarize. Miangöra nöñon Suep gölmegö Kembuñi gi möpöseim ghizal. ²⁶ O Iwini, gi nangak mewö asuhumapköra mötnön dop köli ölöwahök.

²⁷ †† “Iwinan mönö yuai pakpak jim kutuiga nöngö buñaya ahök. Iwinan Nahönñangö könanji nanñök möt yaköiga kunön mi qahö mötza. Mewöyök Nahönñan Iwinangö könanji möt yaköiga kunñan mi qahö mötza. Mewöyök kunñan Iwinangö könanji qahö möt yaköiga Nahönñanök mi mötza aka ambazip möwölöhöm engiba yengöra mi indelmawi, yenön mönö Iwi möt wangame.

²⁸ “Nup memba urulömbötñinambuk maljei, injini mönö körek nöngören kagetka uruawam engibi luhut meme. ²⁹ † Nöngö temni mönö awötñine ala angugetka Buñani kusum engibi mi möt soroköba malme. Nöñon uruni memba et ala guñböñönñön azia akzalanögöra ölop uruawam engibi luhut miwikñaima. ³⁰ Nöngö

†† 11.21 Ais 23.1-18; Eze 26.1-28.26; Joel 3.4-8; Amos 1.9-10; Zek 9.2-4 †† 11.23 Ais 14.13-15; Jen 19.24-28 ††† 11.24 Mat 10.15; Luk 10.12 ††† 11.27 Jon 3.35; 1.18; 10.15 § 11.29 Jer 6.16

temni meget anginga dopņine akza aiga lömböt enģibi bisimei, mianjōn mönō awamņi akza." Mewō.

Jisōsnōj Sabat kendongō Kambuņi akza.

Mak 2.23-28; Luk 6.1-5

12 †Miangō andōņe Sabat kendon kunōj Jisōsnōj wit padi nup kōrōņi ketanĵi kutuba anōk. Aniga gwarekrupņan wōsōņini enģuiga wit ōļņi mohot mohot kōnahiba bōrōņinan misiba neget. ² Negetmō, Farisi (Kōna keugō kapaņkōlkōl) tosatņan mi eka Jisōs kewō jiget mōrōk, "Mōtnōj, gōhō gwarekurupkan mönō Sabat kendongō nup meme soņģonĵi oņģitze?" ³ †Mewō jigetka kewō melenĵnōk, "Kiņ Deiwidnōj yarō aziurupņi yembuk lilikōba wōsōņini enģuiga yuai akeri, mi lōk oyōņģet me qahō? ⁴ †Yaņōn mönō Anutugō opo seri jikenōj oņģōba beret kōmbukņi Anutugō jemesoholņe altanōj alget tariga osumņan walōņniga qekōģeri, mi mönō meiga neget. Beret kōmbukņi mosōtmosōtņi mi jike nup galōm yeņōnōk nezema. Yaņōn aka yaņģō suņģurumurupņan mi nembepukōra soņģo ahōyōkmō, mi tōndup neget. ⁵ †Mewōjaņnōk jike nup galōm yeņōn Sabat kendonōj jōwōwōl jikenōj kindā nup memba nup memegō soņģonĵi oņģita tōndup keuņinambuk qahō ahakze. Keu mi Kōna keunōj oyōņģet me qahō? ⁶ "Mi oyōņģet, mewō mötzalmō, nōņōn kewō jibi mötme: Ki kinjawi, yaņōn mönō jōwōwōl jike oņģita oņģōņģōņi akza. ⁷ †Buņā Kimbigō keu kun kewō ahōza, 'Nōņōn jōwōwōl ohomeģōra qahōpmō, sutņine ak kōmum anģumegōra mötzal.' Inĵini keu miangō kōnaņi mötpeak ewō, ambazip pinĵitkō keunini qahō neņģō keunini mönō laņ qahō jim tekōbeak. ⁸ "Mi kewōģōra jizal: Suep gōlmegō azi ōļņan mönō Sabat kendongō Kambuņi akza." Mewō.

Jisōsnōj azi bōrōņi sōsōrōņģōņi mem ōlōwahōk.

Mak 3.1-6; Luk 6.6-11

⁹ Jisōsnōj miri mi mosōta kōuluk miriņine oņģōyōk. ¹⁰ Miangōreņ azi bōrōņi sosoholiņi kun tarōk. Ambazipnōj Jisōs keu jakeņe al waņģibingōra kewō qesim waņģiget, "Azi Sabat kendonōj mōhamģōba Kōna keu oņģitpin me qahō?" ¹¹ †Qesim waņģigetka kewō melenĵnōk, "Enģoreņōk daņōn kewō akza: Azi kungō lamaanĵi mohok-kunņan Sabat kendonōj lömnōj gema ewō, yaņōn mi qahō memba örōiga kotma? ¹² Azigō bohonņan mönō lamagō bohonņi gwōtpuk oņģitzawi, mönō mi mötmōrime. Miangōra Sabat kendonōj nup ōlōņņi memba mewō Kōna keu qahō oņģitpin." ¹³ Mewō melenĵa azi miangō jiyōk, "Gi mönō bōrōģi qōtōteinōj." Mewō jiiga qōtōteiiga mutuk ahōhi, miangō dop ōlōwaka bōrōņi alaņģō dop ahōk. ¹⁴ Mewō asuhuiga Farisi (Kōna keugō kapaņkōlkōl) yeņōn yaigep anda totoko ala Jisōs denōwō aka qein kōmumapkö keu jim jaruģet. Mewō.

† 12.1 Dut 23.25 †† 12.3 1 Sml 21.1-6 † 12.4 Lew 24.9
†† 12.5 Jaņ 28.9-10 †† 12.7 Mat 9.13; Hos 6.6 ††† 12.11 Luk 14.5

Anutugō nup meme azi tōk-kutukutuņi kewō:

¹⁵ Jisōsnōj keuņini mi ek kutuba miangōreņōk miri mi mosōta kungen anōk. Aniga gwōtpukņan yaņģō andōņe wuatangōba angetka yeņģō sutņine kawōl ambazip pakpak mem ōlōwak enģiyōk. ¹⁶ Mi mem ōlōwak enģiba kōnaņi aukņe jibepukōra kōhōikņanōk qetal enģiyōk. ¹⁷ Mewō aiga Anutunōj kezapqetok azi Aisaia sōlōlōhōiga keu kun jiyōhi, mianjōn mönō mewō ōļņambuk ahōk. Keu mi kewō jii ahōza, ¹⁸ †††Eket, ki mönō nōņģō nup azini aiga i möwōlōhōm waņģial. Nōņōn wōlbōt alani yaņģōra mötpi ōlōwahiga urunan yaņģōra soņģaimakzal. Nōņōn Uņani Tōrōņi yaņģō uruņi dop kōlmapkōra melaibi geiga yaņōn keu diņđinānōk jim tekōmakzalaņģō Buņanĵi indela jim sehiiga kantriņi kantriņi yeņģōreņ anma. ¹⁹ Yaņōn anģururuk qahō aka keu tōhōreņ qahō qerakņā. Ambazip kunņan yaņģō qet kourukņi mi rowoņqeqe kōnanōj qahō mötma. ²⁰ Jehot qōlōkōģeri, yaņōn mi qahō qesiņma. ⁵ Lambegō wikņan jem kutuba sanĵōp aiga bōlamņan jem bōkbōk ahakzawi, yaņōn mönō mi qahō qōmbōkōma. Mewō nupņi memba ambazipnōj keu diņđiņi wuatangōmegōra bim qeba maliga keu mianjōn luhut aliģa kōiraņ alme. ²¹ Kantriņi kantriņi yeņōn mönō yaņōn baukōm enģimapkōra mambōta jōrōmqōrōmņini yaņģō qetņe ala malme." Mewō.

Jisōsnōj ōme yeņģō osumņini oņģita qei etza.

Mak 3.20-30; Luk 11.14-23

²² Ōmenōj azi kun tōņōt aka numbuņi jōhōiga jeņan gōmōlii mötōk malōhi, mi waņģita Jisōsgōreņ kaget. Jisōsnōj i mem ōlōwahiga ōmeņan kota mosōri nesilamņan lolohoiga kunbuk keu jiba uba ehōk. ²³ Uba ehiģa ambazip kambu pakpak yeņōn mi eka auruba Jisōsgōra jiget, "Azi kianjōn mönō Deiwidkō gwōlōnarōkņi akza me?" ²⁴ ††Mewō jigetmō, Farisi (Kōna keugō kapaņkōlkōl) yeņōn mi möta kewō jiget, "Azi kianjōn kungō osumnōj qahōpmō, ōme yeņģō Kambuņini Katakōmulat yaņģō osumnōj ōmewōrōme enģuatangōmakza." ²⁵ Mewō jigetmō, Jisōsnōj urumōtmōtņini möt tekōba kewō jii mötket, "Kantri denike yeņģō galōmurupņinan sutņine anģururuk aka julmei, yeņōn mönō ayuhum anģuģetka kantriņinan bōliba sahōpņanōk aka qeqelaņlaņ ahōma. Mewōyōk siti me miri kungō kōnagesō yeņōn sutņine anģururuk aka julmei, yeņōn mönō galōmkōlkōl nupņini memba kinbingō osime. ²⁶ "Mōtket, Satanōj mönō alanĵi Satan kun wuatangōbawak ewō, yeņōn mönō sutņine anģururuk aka julbeak. Mewō aiga gawman nupņini membingō osigetka ōmetohonjan mönō denōwō kinbawak?"

††† 12.18 Ais 42.1-4 § Jehot aka lambegō wikņi mi ambazipkōra jiza. Ambazipnōj kun qeba jaņģauranģa ak waņģigetka mötnariņņan pōmsōm qemapkö akzawi, Jisōsnōj i mem ōlōwakņā. †† 12.24 Mat 9.34; 10.25

²⁷ “Mötket, nöñön Katakömulatkö ösumnöñ ömewöröme közöl engibileñak ewö, engö alaurupñinan mönö dagö ösumnöñ mi közöl engibeak? Mi-angöra yeñön mönö keunini ölni me qahö, mi kewöta jim teköme. ¹²⁸ Mi jim tekömemö, Anutugö ösumñan nöñgö börö kesötñi sölölohöi öme enguatangömakzal ewö, Anutugö bem-tohoñan mönö engöreñ kam kuñguza. ²⁹ Kunñan azi köhöikñangö köna böröñi mutuk qahö jöhöma ewö, yañön mönö denöwö miriñe öñgöba qezañda sukinapñi membawak? Mutuk i jöhöi tarigun mönö ölop miriñeyök öröyuaini pakpak wañgita memba anma. (Miangö dop nöñön mewöyök Satan jöhöba andöñe ömenji enguatangömakzal.)

³⁰ †† “Kunñan nömbuk qahö maljawi, yañön mönö qetal niñgimakza. Kunñan ambazip nöñgö qetne tokomegöra qahö öröm engimakzawi, yañön mönö mendenj engimakza. ³¹ Mianggöra nöñön keu kun kewö jibi mötme: Ambazip siñgisöndok aka mepaqepaik pakpak ahakzei, mi Anutunöñ ölop mosörakzadmö, kunñan Uña Töröñi ilita mepaikömawi, mianggö siñgisöndokñi Anutunöñ mönö nalö kunöñ qahö mosötma. Saumbar!

³² † “Kunñan Suep gölmegö azi ölni qetala keu jima ewö, Anutunöñ mi ölop mosötmapmö, kunñan Uña Töröñi qetala keu yuai jimawi, yañgö siñgisöndokñi mi Anutunöñ gölmenöñ malmawañgö dop me kömup andöñe mianggöreñ qahö mosötma.”

Ipkö könañi mi ölni eka kewöta möt kutume.

Luk 6.43-45

³³ †† “Ipkö könañi mi ölni eka kewöta mötzin. Mi-anggöra mönö ip galöm kölgetka ölöwaka ölni ölopñi kuñgumakña me ip mem böligetka ölni bölöñi kuñgumakña. ³⁴ †† “Azi uruñan yuai kokolak qei ahözawi, mia mönö numbuñan aukñe jimakza. Mianggöra qatögö moröñi inini, nanñinak bölöñi aka mönö denöwö keu ölopñi jibeak? ³⁵ Azi ölopñangö uru köweñe ölopñangö möriamñi ahözawi, yañön mönö ölopñi mi aukñeyök jimakza. Azi bölöñangö uru köweñe bölöñangö möriamñi ahözawi, yañön mönö bölöñi mi aukñe jimakza.

³⁶ “Mewö jimakzadmö, nöñön keu ölni kun kewö jibi mötme: Ambazipnöñ songo walöñda keu jit omanji omanji jime, yeñön mönö keu pakpak mianggö könañi mi jimtekötekögö nalö ketañe Anutugöra jim asarigetka kewötma. ³⁷ Mianggö könañi kewö: Anutunöñ mönö keu jitki kewöta mianggö dopkeugi jim teköi solaniman me keugabuk aka lömböt miwikñaiman.” Mewö.

Böhi tosatñan angöletotköra kapañ köla uletket.

Mak 8.11-12; Luk 11.29-32

³⁸ †† “Nalö mianggöreñ Farisi (Köna keugö kapañkölköl) aka Köna keugö böhi tosatñan Jisösgöra kewö jiget,

† Nannini silegalömurupñinan Anutugö qetñi öme mi Katakömulatkö kukösumnöñ közöl engigetka nöñön mi Anutugö ösumnöñ közöl engimakzal. Öröröñ qahö kinjanangöra dañön keu munenji wu-atangömakza? Yeñön me nöñön? †† 12.30 Mak 9.40 † 12.32 Luk 12.10 †† 12.33 Mat 7.20; Luk 6.44 †† 12.34 Mat 3.7; 23.33; 15.18; Luk 3.7; 6.45 ††† 12.38 Mat 16.1; Mak 8.11; Luk 11.16

“Böhi, gi ölop angöletot kun menöñga mi ekingö mötzin.”

³⁹ ††† Mewö jigetka kewö melenj engiyök, “Ambazip merak gölmenöñ maljei, mi kambu bölöñi aka serowilin ahakze. Yeñön Anutugö aiwesökñanggöra kapañ kölakzemö, aiwesök kun kezapqetok azi Jonagöra lök asuhuyök. Anutunöñ aiwesök murutñi kun qahö al enggima. ⁴⁰ †† Jonanöñ sunñgem silimñi karöbut köwet sömbupkö (gajugaju) gölömñe malöhi, mianggö dop Suep gölmegö azi ölnan mewöyök sunñgem asak karöbutkö dop gölme uruñe ahöma.

⁴¹ ††† “Jonanöñ Niniwe ambazip sutñine anda Anutugö keunöñ uruñini kuñgui möta mianggöreñök uruñini melengetmö, mötket, nöñön sutñine asuhuba kinda Jonagö ahakmemeñi oñgita ahakzal. Mewö ahakzalmö, inini töndup nesampurek ak niñgimakze. Mianggöra Niniwe ambazipnöñ jimtekötekögö nalö ketañe ambazip kambu ki kinjei, embuk öröröñ kömupnöñök wahöta engö qöhöröñine mohotñe kinme. Mohotñe kinda Niniwe yeñön keu kewö engö sileñine alme, ‘Inini Suep gölmegö azi ölni nesampurek ak wañgigetka Anutunöñ likepñi melenj engii sihimbölö öñgöñgöñi mötme.’ Niniwe yeñön mewö jigetka ahakmemeñinan nanñini könañamñini indelgetka gamuñini mötme.

⁴² ††† “Könañamñinangö kaisöpsöpñi kun kewö: Anutunöñ mönöwök mötkutukutu öñgöñgöñi ketañi mi kiñ Solomon wañgiiga Saut görökenök kantri kungö qin ambinöñ Solomongö mötkutukutuñi mötmamgö sihimñi mörök. Sihimñi möta gölme görañeyök wahöta köna köröp tiñtiñi kaba mala Solomongö mötmötñi mörök.

“Mi mörökmö, mötket, nalö kewöñe nöñön sutñine asuhuba kinda Anutugöreñ mötkutukutu öñgöñgöñi memba kazali, mi Solomongö mötkutukutuñi oñgitza. Oñgitzadmö, inini töndup nesampurek ak niñgiba tönpin kingetka qahö dop kölja. Mianggöra Anutunöñ könañgep ambazip körek pakpak öröm engii keunini jim tekömapköra jeñe angotmei, nalö mianggöreñ Saut kantrigö qin ambi miangñön mönö mewöyök angotma. Yeñön ambazip kambu ki kinjei, embuk öröröñ kömupnöñök wahöta engö qöhöröñine mohotñe kinma. Mohotñe kinda keu kewö engö sileñine alme, ‘Inini Jisös nesampurek ak wañgigetka Anutunöñ likepñi melenj engii sihimbölö öñgöñgöñi mötme.’ Yeñön mewö jiiga silikñi kewöta nanñinangöra gamuñini mötme.” Mewö.

Öme yeñön azi uruñe lilingöbingö kapañ kölje.

Luk 11.24-26

⁴³ “Ömenöñ azi uruñeyök kota gölme qararankölkölñe anda lañ liliköba mala luhut memamgö miri jaruba kun qahö miwikñaima. ⁴⁴ Mi qahö miwikñaiiba osiba kewö jima, ‘Mirini mosöta kazali, mianggöreñ mönö kunbuk lilingömmam.’ Mewö jiba lilingöba miriñi usuñda meñölöi ahöyöhi, mi gwamöññi ahöi miwikñaima.

††† 12.39 Mat 16.4; Mak 8.12 § 12.40 Jon 1.17 §† 12.41 Jon 3.5 §†† 12.42 1 Kiñ 10.1-10; 2 Hist 9.1-12

⁴⁵ “Mewö miwikñaiba anda öme tosatnji 7 enġuanġitma. Öme 7 mi nanġi onġita bölonji kötökñi akze. Yanġon mi enġuanġiriga kaba miri mi onġöba miangö uruġe malme. Mewö aiga azi miangö könani mutuk kilenġkileġ ahökmö, könangep böliqölim teköma. Ambazip kambu bölonji ki merak gölmenöñ maljei, enġören mewöyök mewö asuhuma.” Mewö.

Jisösgö nam-munurupñi

Mak 3.31-35; Luk 8.19-21

⁴⁶ Jisösnöñ toroqeba ambazip kambu yengöra keu jiba maliga nam-munġan kaba yaigep kinda yambuk keu jibingö mötket. ⁴⁷ Mötketka kunġan kewö jii mörök, “Mötnöñ, göhö nam-mungan mönö yaigep kinda göbuk keu jibingö mötze.”

⁴⁸ Keu mi jii mörökmö, yanġöra melenġa kewö jiyök, “Nöñgö namni danġon? Nöñgö munurupni mi danġon?”

⁴⁹ Mewö jiba böronji gwarekurupñi yengören göröken böraġda jiyök, “Eket, nöñgö namni aka munurupni ölni mönö ki.” ⁵⁰ Denike yenġon nöñgö Sup Iwinangö jitsi-hitñi tem kölakzei, körek mienġon mönö nöñgö namni aka nenmunurupni akze.” Mewö.

Qesinqesin azigö dopkeu.

Mak 4.1-9; Luk 8.4-8

13 Nalö miangörenġok Jisösnöñ miri mi mosöta o anġö jitñe geba tarök. ² †Tariga ambazip kambulembenöñ yanġören anda tokogetka wanġenöñ öñgöba tarök. Tariga ambazip kambu pakpak yenġon anġö görane saknöñ tokoget.

³ Mewö tokogetka dopkeu gwötpuk jii mötketka kewö jiyök, “Mötket! Azi kunġan nene kötni qesin gilmamgöra nupnöñ anök. ⁴ Anda qesin giliga kötni tosatñan köna jitñe geba kölget. Geba kölgetka (warawen) neiñi neiñi kanġota mi nem teköget.

⁵ “Kötni tosatñan köt jamönjiñnöñ geba kölget. Geba köla miangören gölme gwötpuk qahö miwikñaiget. Gölme dutñi qahö ahöyöhanġöra korapñi zilañ kotket. ⁶ Kotketmö, wehönöñ kota enġuba jem kutum enġiiga jalöñini qahöpköra soholiba gororöñgöget.

⁷ “Kötni tosatñan siriuret wahiñinambuknöñ geba kölget. Geba kölgetka mienġon kota qem turuba böbölohot mem enġiget. ⁸ Mewö pömsöm qeyökmö, kötni tosatñan gölme ölöpñe geba kölget. Geba köla tosatñi mienġö kötnini 100 asuhuget. Tosatñan kötnini 60, tosatñan 30 miangö dop ahum sehiget. ⁹ Kunġan urukezapñambuk malja ewö, yanġon mönö dopkeu ki kezap ala möt kutuma.” Mewö.

Jisösnöñ wanigöra dopkeu jiyök.

Mak 4.10-12; Luk 8.9-10

¹⁰ Mewö jiiga gwarekurupñan kaba Jisös kewö qesim wanġiget, “Gi mönö wuanöñgöra ambazip yengö ‘Keu jimam,’ jiba dopkeunöñ ala jimakzan?” ¹¹ Qesim wanġigetka kewö melenġa jiyök, “Mi kewögöra: Supkö bemtohone anġota malbingö keu tölapñi mi

enġöra aukñe jibi möt kutuzemö, yengöra mi mewö qahö.

¹² ††“Miangö könani kewö: Kunġan mötkutukutuñambuk maljawi, Anutunöñ mönö mi toroqem wanġiiga köl guliba möriamñambuk malmapmö, kunġan mötkutukutuñi qahö maljawi, Anutunöñ mönö mötmötni moröñi ahözawi, mi mewöyök qeköba wanġitma.

¹³ “Ambazip yengö keu jimam jiba kewögöra dopkeunöñ ala jimakzal: Yenġon nanġini jenġan yuai ekagun könani töndup qahö ek kutume. Nanġini kezapñinan keu törörök mötagun könani töndup qahö möt asarime. ¹⁴ †Kezapqetok azi Aisaianöñ qeljiñe keu kun jiba ohoyöhi, mianġon ambazip mewöñi yengören ölnambuk ahakza. Keu mi kewö, ‘Keu möt bibihibagun könani töndup kude möt asarime. Yuai ek bibihibagun könani töndup kude ek kutume.

¹⁵ Ambazip kambu kiengö uruñinan mönö köhöikñi gwözöñda ahöza. Kezapñinan keu möt bibihibaba jenġini kömaziliköba (kömazilihiwa) malje. Mewö qahö akeak ewö, mönö jenġan yuai ek kutuba kezapñinan keu möta uruñinan könani möt asariba uruñini melenġetka nöñon i ölöp mem ölöwak enġibileñak.’

¹⁶ ††“Keu mewö ahözapmö, enġö jenġan yuai ek kutuzawanġöra mönö simbawon akze. Kezapñinan keu möt kutuzawanġöra mönö simbawon akze. ¹⁷ Nöñon keu öln töhöññi kun kewö jibi mötket: Kezapqetok ambazip aka Anutugören ambazip solanġi gwötpukñan inġini yuai ki ekzei, mi ekingö awöwengöba malgetmö, qahö eket. Inġini keu ki mötzei, yenġon mi mötpingö awöwengöba malgetmö, qahö mötket.” Mewö.

Jisösnöñ dopkeugö könani jiyök.

Mak 4.13-20; Luk 8.11-15

¹⁸ “Qesin gilgil azigö dopkeu jizali, miangö könani mi kezap ala mötme. ¹⁹ Nene kötni qesin giliga köna jitñe geba kölöhi, mi kewö: Kunġan bemtohongö Buña keuñi möta könani qahö möt asariiga Bölonġangö Tonjan kaba uruġe kötni kömötkeri, mi qeköma.

²⁰ Nene kötni qesin niga köt jamönjiñnöñ geba kölöhi, mi ambazip söpsöpñi kun. Yenġon Buña keu möta mi miangörenġok sösongai qakñe möt anġon kölakze.

²¹ “Mewö ahakzemö, uruñine jalöñi qahö ahöm enġimapmö, nalö töröptökñi miyök kin köhöiba malme. Buña keugöra aka kahasililij me sesewerowero asuhuiga nalö miangörenġok mönö tala enġuma. ²² Nene kötni qesin niga siriuret wahiñinambuknöñ geba kölgeri, mi kewö: Yenġon Buña keu mötketka uruñine gezapmö, gölmenöñ malmalgö waimanġatñi aka monen inap memegö urukönöpñi ahuba lömbörim enġimakza. Qetbuñanambuk ak-ingöra köpösöñgögetka sihim kömbönanji bölonji tosatñan mewöyök uruñine dumgöba Buña keu böbölohot mem wanġize. Mewö aiga ölni qahö gilipitñi (ambetakñi) akñe.

† 13.2 Luk 5.1-3

†† 13.12 Mat 25.29; Mak 4.25; Luk 8.18; 19.26 † 13.14 Ais 6.9-10 †† 13.16 Luk 10.23-24

²³ "Nene kötni gölme ölopne qesijniga geba kölgeri, mi ambazip kewöni: Yenön Buña keu kezap ala möta möt asariba pöndañ kinda ölni miwikñaimakze. Tosatñan keu jit mohotnöhök kötni 30 miwikñaimakze. Tosatñan ölni 60, tosatñan keu köt mohot mohot miengö ölni 100 mem sehiba miwikñaimakze." Mewö.

Dorowetkö söpsöp keu

²⁴ Jisösnöñ söpsöp keu kun kewö jii mötket, "Suepkö bemtohoñangö könañi mi azi kewöñangö dop ala jimam. Yañön nupne anda nene kötni ölopni qesij gilök. ²⁵ Qesij gilökmö, sun gem ahögetka miangören kerök aziñan kaba wit padi sutñine miangören dorowetkö kötni qesij gila mosöta anök. ²⁶ Wit padi kötnan jula wahöta öngöba ölni asuhuyöhi, nalö miangören dorowetnöñ mewöyök aukne asuhuyök.

²⁷ "Miañön aukne asuhuiga welenqeueurupñan mi eka nup toñangören kaba kewö jigetka mörök, 'Ketañamnini, nupke nene köt ölopni qesij gilnön me qahö? Dorowetkö kötni mi mönö denikeyök miangören geba asuza?'

²⁸ "Mewö jigetka möta kewö jii mötket, 'Kerök azinön mi qesij gilök.' Mewö jii möta welenqe qe yenön kewö jiget, 'Nini ölop anda dorowet mi qözöla tokobingö mötzan me qahö?' ²⁹ Mewö jigetmö, kewö jii mötket, 'Qahö! Inini dorowet qözöla tokoba miangören padi tosatñi mi mewöyök qözölbepuk.

³⁰ "Mönö mosötketka mohotne qariba wahörohotkun ölni meme nalöñan kam kuñguiga nalö miangören nöñön padi misimisi ambazip yengöra kewö jibi mötme: Mönö mutuk dorowet memba tokoba ohomegöra börangöba kösönön jöhöme. Mi jöhöbagun mönö wit padi ölni mi tokoba memba kaba nöñgö köwe mire alme." Mewö.

Nejoñ kötnangö dopkeu

Mak 4.30-32; Luk 13.18-19

³¹ Jisösnöñ dopkeu kun kewö toroqeba jii mötket, "Suepkö bemtohoñi mi kewö: Azi kunñan nejoñ (nemuya) kötni memba nanne nup gölmeñe anda alök. ³² Kötni mi morö közözömni. Mi nene köt pakpak miengö eretñini akzampö, jula wahöta yöha pakpak engongita qariba ip akña. Mewö aka kiniga könakemba neiñi neiñi kangota aipñini ip miangö böröñe alakze." Mewö.

Yistkö dopkeu

Luk 13.20-21

³³ Jisösnöñ dumne kunbuk söpsöpkeu kun kewö jii mötket: "Suepkö bemtohoñi mi yist me flaua mem qariqarigö dop kewö akza: Ambi kunön 'Beret ohomam,' jiba yist memba flaua amae (dis) karöbut miangören mindiriba melenqelen aka anda anda tari köreknönök qariyök." Mewö.

Jisösnöñ denöwögöra söpsöpkeuñi keuñi jiyök?

Mak 4.33-34

³⁴ Jisösnöñ keu pakpak mi könagesö yengöra söpsöp keunön jiyök. Söpsöpkeu qahö mewö keu kun qahö jii mötket. ³⁵ †Mewö aiga Anutunön kezapqetok azi kun sölölohöiga keu kun jiyöhi, miañön ölnambuk ahök. Yañön keu mi kewö jii ahöza, "Nöñgö numbunan mönö amqeiga söpsöp keuñi keuñi jimam. Anutunön gölme miwikñaiiga asuhuyöhi, nalö miangörenök keu tölapne ahöi mala korini, nöñön mönö keu mi aukne jim indelmam." Mewö.

Dorowetkö söpsöpkeugö könañi

³⁶ Jisösnöñ söpsöp keu mi jim teköba ambazip kambu ketani engömosöta miri urune öngöyök. Öngöiga gwarekurupñan yangören kaba kewö qesiba jiget, "Dorowet nene nupnön asuhuyöhi, gi mönö söpsöp keu miangö könañi jim asarim nenjiman."

³⁷ Mewö jigetka kewö melennda jiyök, "Suep gölmegö azi ölnan mönö nene kötni ölopni ölopni qesij gilakza. ³⁸ Nene nup mi gölmegö kantri pakpak. Nene kötni ölopni mi bemtohoñgö nahönbörat engöra jizal aka dorowet mi azi bölöñangö nahönbörat yengöra jizal. ³⁹ Keröknön mi qesij gilöhi, mi Bölöñangö Toñangöra jizal. Padi misimisi nalöñi mi gölmegö nalöñan tekö-mawangö nalö ketani mi. Padi misimisi ambazip mi Suep garata yengöra jizal.

⁴⁰ "Dorowet tokoba könöpnön ohoget jemawi, miangö dop mönö gölmegö nalöñan tekö-mawangö nalö ketane asuhuma. ⁴¹ Suep gölmegö azi ölnan mönö garataurupni melaim engiiga kaba keu areñ bölöñi pakpak Kraistkö bemtohoñ urune singisöndok akingö kondorakzawi, mi qeapköba mindingöme aka bölöñi meme ambazip pakpak mi qözöla qezaköm engime. ††

⁴² "Mewö mindiqindiñ aka ambazip mi gil engigetka owen imarurubuk jeba ahözawi, miangören geme. Miangören gemeañön mönö sahöt gigilahöba irimñini yöhözömgögetka qetñi qeri malme. ⁴³ Nalö miangören ambazip solanñi miengön mönö wehön tandök aka Iwiñinangö bemtohoñ urune asariba mal öngöme. Kunñan urukezapñambuk maljawi, yañön mönö keu mi kezap ala möt kutuma." Mewö.

Guli dötnam mesamesambötñangö söpsöpkeu

⁴⁴ "Suepkö bemtohoñi mi guli damandan söngörönji öngöñgönji miangö dop kewö akza: Mi nupnön mesambötket ahöiga azi kunñan mi miwikñaiiba angön köla kunbuk gölmenön mesambörök. Mesamböta miangöra söñgaiba anda sukinapni pakpak bohönji memegöra ali monen kaiga miañön nup gölme mi bohönji meyök." Mewö.

† 13.35 Sum 78.2 †† Keu areñ (ideology) bölöñi yauer möt-möt, komyunist, maslim aka mötmöt areñ tosatñi mi ambazip jöhöm engiget qakögetka malmalñinan böliba sohomakzawi, garata yengön mönö mi pakpak qeapköba mindingöme.

Sorom kötnangö dopkeu

⁴⁵ "Suepkö bemtohoñi mi stua azigö dop ala söpsöp keu kun kewö jimam: Yañön sorom kötni ekjeritñambuk jaruba malök. ⁴⁶ Jaruba mala sorom kötni mohot söñgöronji ketanji miwikñaiba anda sukinapñi pakpak bohonñi memegöra ali moneñ kaiga mianñön sorom kötni mi bohonñi meyök." Mewö.

Mösak örörögö söpsöpkeu

⁴⁷ "Suepkö bemtohoñi mi mösakö dop ala söpsöpkeu kun kewö jimam: Mi o angönönñi gilget geiga söra tandökñini könanji könanji gegetka engömem tokoyök. ⁴⁸ Tokoi kokolak qeiga ambazipnönñi mi örögetka körökñe koriga eta tata söra ölöpnji kewöta sakapnönñi tokogetmö, bölönji mi gilgetka anök. ⁴⁹ Keu miangö dop mönö gölmegö nalönñan tekömawangö nalö ketanje asuhuma. Suep garata yeñön kaba ambazip bölönji mi solanñi miengöreñök kewöt enggime. ⁵⁰ Kewöt enggiba ambazip bölönji mi gil enggetka owen imarurubuk jeba ahözawi, miangöreñ geme. Miangöreñ gemeañön mönö sahöt gigilahöba irimñini yöhözömgögetka qetñi qeri malme." Mewö.

Keu kötni walñi aka dölökñi

⁵¹ Jisösnönñi söpsöp keu mi jim teköba kewö qesim engiyök, "Keu pakpak jizali, mi möt asarize me qahö?" Qesim engiiga melenja "On!" jiget. ⁵² "On!" jigetka kewö jii mötket, "Miri toñan miriñangö köweñeyök inap yuai walñi aka dölökñi uzeta alakza. Miangö dop Köna keugö böhi pakpak Suep bemtohoñgö gwarekurupñi akeri, yeñön mönö mewöyök uruñinangö köweñineyök keu aködamunñinambuk dölökñi aka keu ölop sorokñi walñi uzeta jimakze." Mewö.

Nazaret yeñön Jisös andö qeget.

Mak 6.1-6; Luk 4.16-30

⁵³ Jisösnönñi dopkeu mi jim teköba miri gölme mi mosöta anök. ⁵⁴ Anda malqarip taonñe angota köuluk miriñine öngöba Buña keu kusum engiyök. Kusum engiiga auruba welipköba kewö jiget, "Yei! Kezajupjup! Yañön mötkutukutu ki aka angöletot kukösumñinambuk mi mönö denikeyök meza? ⁵⁵ Azi ki mönö miri kiangö mitimqege azigö nahönña. Namñangö qetñi Maria aka munurupñi Jeims, Josef, Saimon aka Juda. Mi ölop mötzin. ⁵⁶ Nenurupñan mönö körek sutnine ki malje. Miangöra yuai pakpak ki mönö denikeyök memba kaba akza?"

⁵⁷ †Nazaret yeñön mewö jigetka uruñinan böliiga miangöreñ qaköget. Qakögetmö, Jisösnönñi kewö jii mötket, "Kezapqetok azi mi nanñi taonönñi aka nanñi mire jijiwilit ak wangimazemö, miri tosatanje mewö qahö." ⁵⁸ Mewö jiiga mötnaripñinan qahö asuhuiga yangisereñangöra aka angöletot kukösumñinambuk mi miangöreñ gwötpuk qahö meyök. Mewö.

Jongö jölñi kutugetka kömuyök.

Mak 6.14-29; Luk 9.7-9

14 Nalö miangöreñ gölme bahöñangö (Galili prowinsgö) kiñ Herod yañön Jisösgö qetbuñanji mörök. ² Mi möta welen-qequeurupñi yeñgöra kewö jiyök, "Mi mönö Jon O-melun asia. Yañön mönö kömupnöhök wahöta nupñi meiga angöletot kukösumñinambuk asuhumakze." Waimanjat möta mewö jiyök.

³ ††Mi kewögöra jiyök: Herodnönñi munñi Filipkö anömñi Herodias ölonñ meiga Jon O-melun azinönñi kiñ jim wanggiiga opotöröp melaim engiiga anda Jon memba jöhöba kösö mire al wangiget. ⁴ †Jonönñi Herodköra keu kewö jiyök, "Gi qambötki memba mala Köna keu ongitzan." ⁵ Mewö jiiga Herodnönñi Jon qeget kömumapkö mörökmö, könagesö yeñön Jongöra mötketka kezapqetok asia malöhi, miangöra könagesö yeñgöra kengötñi mörök.

⁶ Kengötñi mörökmö, Herodkö ahuahu nalönñan kaiga ketaurupñan tokoba tatketka Herodiasgö böratñan yeñgö jeñine danis aliga Herodnönñi miangö eksihimñi gwötpuk mörök. ⁷ Miangöra ambi seram miangön wani yuaigöra qesibawak, kiñnönñi mi tököm wangimangö keu jöhöba keu mi jöjöpañ keunönñi jim köhöiyök. ⁸ Mewö jim köhöiiga namñan ambi seram mi kungum wanggiiga kewö jiyök, "Mönö qesinönña Jon O-melun azigö jölñi yandigetka nöronñi memba ki kaba köndenönñi niñgima."

⁹ Mewö jiiga kiñgö uruñan kömbuhiiga wösöbirik mörökmö, jöjöpañ keuñan jöhöi ketaurupñan mi mötketka yeñgö jemesoholñine etpapuköra möta nöronñi wangimegöra jim kutuyök. ¹⁰ Mewö jim kutuba opotöröpñi kun melaiba jiyök, "Gi mönö kösö mire anda Jongö jölñi yandiba nöronñi memba kaman." ¹¹ Mewö jiiga Jongö nöronñi köndenönñi ala memba kaba ambi seram mi wanggiiga memba anda namñi wangiyök. ¹² Jongö gwarekurupñan miangö buzupñi möta anda qamötñi memba qaksirigö köt köteñnönñi ala löm kölget. Löm köla anda keu mi Jisös jiget mörök. Mewö.

Jisösnönñi azi 5000 nene gumohom engiyök.

Mak 6.30-44; Luk 9.10-17; Jon 6.1-14

¹³ Jisösnönñi Jongö kösohotñi möta miri mi mosöta wangönönñi öngöba gölme kötikñi kunönñi nanñinök malbingöra anget. Ambazip kambu yeñön miangö buzupñi möta taon aka miriñini mosöta Jisösgö andönje wuatangöba gölme köna anget. ¹⁴ Angetka Jisösnönñi wangenöhök eta ambazip kambulelemben eñgeka yeñgöra wösönji mörök. Wösönji möta sutñine kawöl engöhöi malgeri, mi mem ölöwak engiyök.

¹⁵ Mewö aka mali mare aiga gwarekurupñan Jisösgöreñ kaba kewö jiget, "Böhi, nini gölme kötikñi kiangöreñ malinga wehön jeñan teköba gemamgö akza. Miangöra gi ölop ambazip kambu ki melaim enginönñi-

† 13.57 Jon 4.44

†† 14.3 Luk 3.19-20 † 14.4 Lew 18.16; 20.21

ga miriñi miriñi miengöreñ anda numbu nenenjini söngöröñi memba neme."

¹⁶ Mewö jigetmö, Jisösnöñ kewö jii mötket, "Yeñön ölop kiangöreñ tatme. Eñön mönö nanñinak i nene gumohom engime." ¹⁷ Mewö jii möta jiget, "Nini beret 5 aka söra yahöt miyök memba maljin." ¹⁸ Mewö jigetka jiyök, "Mönö mi memba kaba ninggime."

¹⁹ Mewö jiba ambazip kambu mi kegwañ luplupnön eta tategöra jim kutum enjiiga tatket. Tatketka beret 5 aka söra yahöt mi memba Suenön ui öngöiga kötuetköba beret mindipköba gwarekurupñi enjiiga ambazip kirip dop mendenja engiget. ²⁰ Mendenja engigetka ambazip körekmakörek namba nem timbireñ aket. Nem timbireñ aka nene kitipñi kitipñi mosötkeri, mi gwarek yeñön qezakögetka sakap 12 miangöreñ geba kokolak qeyök. ²¹ Azi beret negeri, yengö jañgöñini mi 5000. Ambi nahönbörat yengö jañgöñini mi qahö meget. Mewö.

Jisösnöñ o anğö qakñe tiba tiba anök.

Mak 6.45-52; Jon 6.15-21

²² Neget teköiga Jisösnöñ miangöreñök gwarekurupñi jim kutum engiba kewö jiyök, "Injini mönö wañgenön öngöba qeljine o anğö kutuba likepñe anme. Nöñön ölop nalö sutñe ambazip kambu ki melaim engibagun kamam." ²³ Ambazip melaiba engubula kunduñe öngöba nanñök mala köuluköyök. Köuluköba mali mare aiga kunduñe nanñik kötikñi tarök. ²⁴ Tariga wañgenjan lök o anğö bibine köröwen aniga luhutnön angerangöreñök gila kaiga sirinön wañgenön gili-gila kekwilik anda kayök.

²⁵ Mewö ahiga miri awörañgöiga (3-6 kilok) mi-anğöreñ Jisösnöñ o anğö qakñe tiba tiba gwarekurupñi yengöreñ kayök. ²⁶ Kaba o anğö qakñe tiba tiba kaiga gwarekurupñan mi eka keñgötporiñ aka "Köwet Songoriñnön kaza," jiba sömbuñini möta qeta silatket.

²⁷ Qeta silatketmö, Jisösnöñ miangöreñök keukeu jiba kewö jii mötket, "Alaurupni, mönö ewebibiñnam-buk saitingit malme. Nanak kazal. Keñgötñini kude mötme." ²⁸ Mewö jii möta Pitönön melenja kewö jii mörök, "Göñön Kembuya akzan ewö, mönö ölop jinön-ga nöñön o qakñe tiba tiba göhöreñ kamam."

²⁹ Jisösnöñ mi möta "Ölop kanön," jiyök. Mewö jiiga Pitönön wañge mosöta o anğö qakñe tiba tiba könahiba Jisösgöreñ anök. ³⁰ Könahiba anökmö, luhutnön gwötputuk gili mi eka keñgötporiñ aka könahiba o uruñe geba kewö qerök, "Kembu, bauköm ninginön."

³¹ Qeriga Jisösnöñ miangöreñök böröñi böranda Pitögö böröñe memba kewö jiyök, "Mötnaripki morörökñi. Mönö wuanöngöra uruyahöt akzan?"

³² Mewö jiba bauköm wañgii wañgenön öngöyohot-ka luhutnön nöñ qeba görön alök. ³³ Görön aliga azi wañgenön tatkeri, yeñön waikñi memba möpöseim wañgiba kewö jiget, "Alakña, gi Anutugö nahönña." Mewö.

Jisösnöñ Genesaret mala mem ölowak nup meyök.

Mak 6.53-56

³⁴ O anğö kutuba likepñe Genesaret mire anğota wañge mosöta saknön geget. ³⁵ Saknön gegetka miri miangö ambazipnön Jisös möt kutum wañgiget. Möt kutum wañgiba keu algetka miri pakpak kösutñe tatkeri, miangöreñ aniga buzupñi möta kawöl ambazip körek enguangita Jisösgöreñ kaget. ³⁶ Kagetka kinda Jisös malukuñangö sunje misiribingö ulet wañgiba malget. Misirigeri, körek yeñön mönö ölowak teköget. Mewö.

Ambösakon yeñön keu kusum sohoget.

Mak 7.1-13

15 Miangö andöñe Farisi (Köna keugö kapankölköl) aka Köna keugö böhi tosatñan Jerusalem sitiyoñ Jisösgöreñ kaba kewö qesim wañgiget, ² "Göhö gwarekurupkan wuanöngöra köna walönja ambösakoninangö silikñini qeze? Yeñön mönö böröñini sañgoñda dom-amöt qahö qeba töndup könahiba nene neze?"

³ Mewö qesim wañgigetka kewö jii mötket, "Nanñinak mönö wuanöngöra ambösakoninangö silikñini wuatangöbingöra köna walönja Anutugöreñ jöjopañ keu qeze? ⁴ †Miangö keuñi kun kewö: Anutunön kewö jim kutuyök, 'Iwinamgi mönö göda qem etkimakñan,' aiga 'Kunñan iwiñi me namñi qesuahömawi, i mönö qegetka kömuma.'

⁵ "Mewö jim kutuyökmö, injini keu mi onğita kewö jimakze, 'Kunñan iwiñangöra me namñangöra kewö jimma: Wösöni mötzal. Nöñgö nanğönangö yuaini buña qem anğubanak, mi lök Anutugö saiwap naluköra kewöta albi ahöza. Kunñan mewö jiba iwiñi me namñi göda qem wañgimawangö dop qahö akza.'

⁶ "Mewö jiba silikñini walñangöra aka Anutugö jöjopañ keuñi utalgetka omani aka pömsöm qemakza. Mi qahö dop kölja. ⁷ O urumelengö silesile ambazip, kezapqetok azi Aisaianön mönö engö könañamñini törörök qeljine indela kewö jii ahöza,

⁸ ††Ambazip kambu kianñön mönö numbu jitñinan ölopñanök göda qem ningimazemö, uruñinan nöñöñgan ak ningiba kungen algetka köröwen ahöza.

⁹ Mewö ahöiga nöñgö waikni öne töhön memba möpöseim ningimakze. Köna keu kusum engibin, jiba salupñe ambazip yengö jimkutukutuñini mi numbu o alakze." Mewö melenj engiyök.

Azi uru mi denöwö tölohoba lantiza?

Mak 7.14-23

¹⁰ Jisösnöñ ambazip kambu kunbuk engoholi kagetka kewö jii mötket, "Injini mönö keu ki kezap ala möt asarime. ¹¹ Yuai azigö numbuñeyök uruñe gemakzawi, miangön qahö tölohom wañgimazapmö, nanñi numbuñeyök keu erakzawi, miangön mönö tölohom wañgimakza."

† 15.4 Eks 20.12; 21.17; Dut 5.16; Lew 20.9 †† 15.8 Ais 29.13

¹² Mewö jii mötketka gwarekurupñan kaba kewö qesiget, "Farisi (Köna keugö kapañkölköl) yeñon keu mi mötket engui uruñinan bölizawi, mi mötzan me qahö?"

¹³ Qesigetka kewö melenök, "Nöñon warök pakpak nöngö Suep Iwinan qahö kömöröhi, mi mönö jalöñi-nambuk qözölmam. ¹⁴ †Muat, i mönö engömosötme. Yeñon 'Jegömöl ambazip enguañgitpin,' jimakzemö, nanñini jeñinan mönö gömöliza. Jegömöl kunñan jegömöl alañi kun böröñe memba wañgitma ewö, yetkön mönö mohotñe lömnöñ geba etkuma."

¹⁵ Mewö melenñiga Pitönöñ jiyök, "Dopkeu miangö könañi mönö jim asarinöñ mörin." ¹⁶ Mewö jiiga Jisösnöñ jiyök, "O alaurupni, iñini mewöyök toroqeba mötmötñini ölöñi qahö akze me? ¹⁷ Yuai pakpak azi numbuñeyök uruñe gemakzawi, mi kömgokñe geba yaigep erakza. Mi möt kutuze me qahö?"

¹⁸ ††Mi erakzampö, keu uru köñömñeyök kota numbuñeyök erakzawi, miangöñ mönö tölohom wañgimaksa. ¹⁹ Ambazip uru köñömñineyök yuai kewöñi asuhaba korakza: Keu bölöñi mötmöröiba suña jinañ memba ambazip enguet kömumegö mörakze. Qesabulum aka serowilin akingö mörakze. Yoñgorö mendingö mörakze. Jitnöñ alal keu munerñi jibingö mörakze. Andöqe qe keu yöhösañ jiba Anutu mepaiköbingö mörakze. ²⁰ Yuai mewöñan mönö ambazip tölohom engimakzampö, böröñini qahö sañgoñda nene nemakzei, miangöñ azi kun qahö tölohomakza." Mewö.

Kenan ambi kunñan kapañ köla köuluköyök.

Mak 7.24-30

²¹ Jisösnöñ Genesaret gölme mosöta siti qetñiri Taiö aka Saidon mietkö distrik qetñi Fonisia miangö uruñe anök. ²² Aniga Kenan ambi, gölme miangö tonj kunñan kaba Jisös uleta kewö qeta jiyök, "Kembu, Deiwidkö gwölönarökñi, mönö ak kömum niñgiman! Ömenöñ böratni kölköljinñi ak wañgiiga sihimbölö ketañi mörakza."

²³ Qeta jiyökmö, Jisösnöñ keu kun qahö melenök. Mewö aiga gwarekurupñan kaba kewö kuñgum wañgiba jiget, "Ambi mi sahöta qeta könanine kaza-wañgöra mönö bauköm wañginöñga anma." ²⁴ Mewö jigetka melenök, "Iwinan Israel könagesögö lama sohosohöñi miyöhök amöt qem engimangöra aka melaim niñgiiga kaza." ²⁵ Mewö melenñiga ambi miangöñ kösutñe kaba simin köl wañgiba jiyök, "Kembu, mönö bauköm niñginöñ!"

²⁶ Mewö jiyökmö, Jisösnöñ kewö melen wañgiyök, "Qahö, morö yeñgö miriñineyök beret memba kiam engiinga qahö dop kölbapuk. Juda nini kianurup enjö qetñini kiam qerakzin. Nöñon mutuk Juda ambazip bauköm engiibiga kantri tosatñi enjöñ mönö kiamgö dop mamböta malme."

²⁷ Melen wañgiyökmö, ambinöñ jiyök, "Kembu, mi ölop mötzalmö, kiam moröñi yeñon mönö mewöyök tonjinañgö tebolnöñhök nene boromñi eriga nemakze."

²⁸ Mewö jiiga Jisösnöñ kewö jii mörök, "O ambi, göhö

mötñaripki mi ketañi. Miangöra ulet niñgizanañgö ölni mönö asuhuma." Mewö jii möta böratñan aua miangöñeyök ölöwahök. Mewö.

Jisösnöñ kawöl ambazip sehisehiñi meiga ölöwaket.

²⁹ Jisösnöñ gölme mi mosöta kaba Galili o angögö jigne kañgota kundunje öngöba eta tarök. ³⁰ Tariga ambazip kambulelembenöñ yañgöreñ kaba ambazip kewöñi enguañgitket: Simalokon aka jegömöl ambazip, tosatñi köna böröñini heramheramgöñi, tosatñi keuñini mötökñi aka kawöl tosatñi gwötpuk engöhöi malgeri, mi enguañgita Jisösgö köna kösutñe al enjigetka mem ölöwak enjiyök.

³¹ Mem ölöwak enjiiga ambazip keuñini mötökñi yeñon keu jigetka köna böröñini heramheramgöñi yeñon ölöwaka diñgigetka simalokon yeñon köna tiba anda kagetka jeñini döndöñgöñi yeñon je uba etikka ambazip kambu yeñon mi eka welipköba Israel nengö Anutunini möpöseiget. Mewö.

Jisösnöñ azi 4000 nene gumohom enjiyök.

Mak 8.1-10

³² Jisösnöñ gwarekurupñi engehöli yañgöreñ kagetka kewö jii mötket, "Nöñon ambazip kambu kienjöra wösöni mötzal. Yeñon nöngöreñ kaba wehön karöbut lök mala kotketka neneñini qahöwahiga ekzal. Könanöñ anda mala kemañe jeñini gili tirinbirin akepüköra i öne melaim engimangö töközal. Miangöra i nene gumohom engimangö mötzal."

³³ Mewö jii gwarekurupñan melenñda kewö jiget mörök, "Gölme qararañkölkölñe kiangöreñ neñon mönö denikeyöhök numbu nene gwötpuk miwikñaiba ambazip kambulelembi ki gumohom enjibinak?" ³⁴ Mi möta Jisösnöñ kewö qesim enjiyök, "Engöreñ beret dawik ahöza?" Qesim enjiiga "Beret 7 aka söra moröñi tosatñi ahöza," jiget. ³⁵ Jigetka Jisösnöñ ambazip kambu mi gölmenöñ geba tatmegöra jim kutum enjiiga geba tatket.

³⁶ Geba tatketka beret 7 aka söra mi memba Anutugö saiwap jiba mindipköba gwarekurupñi enjiiga yeñon mi ambazip kambu dop toto qem enjiget. ³⁷ Toto qem enjigetka memba nem timbireñ-göget. Nem timbireñgöba nene kitipñi mosötket geyöhi, mi sakap 7 miangöreñ qezakögetka numbuñe qeyök. ³⁸ Azi nene negeri, yeñgö jañgöñini mi 4000. Ambi nahönbörat yeñgö jañgöñini mi qahö meget. ³⁹ Jisösnöñ ambazip kambu melaim enjiiga angetka nanñi wañgenöñ öngöba Magadan gölmenöñ anök. Mewö.

Böhi tosatñan angöletot ekingöra kapañ kölget.

Mak 8.11-13; Luk 12.54-56

16 †Farisi (Köna keugö kapañkölköl) aka Sadyusi (Jike nupkö kapañkölköl) tosatñan Jisösgöreñ kaba keugö bötakñöñ örömap-köra esapköm wañgiba kewö qesiget, "Mönö jinöñga Suepnöhök angöletot kun asuhuiiga ekin." ² Mewö jigetka kewö melenök,

† 15.14 Luk 6.39 †† 15.18 Mat 12.34

‡ 16.1 Mat 12.38; Luk 11.16

“Wehön gemamgö ahiga miangörenj kewö jimakze, ‘Suepnöj pisihiwawangöra uran wehön ölöpnj akrja.’

³ “Mewöyök söjanök kewö jimakze, ‘Suepnöj pisihi-iga kousunöj töwizawangöra mönö kie luhut gilma.’ Mewö mewö jiba suepkö tandökni eka kie wehön gö könanji ölop kewörakzemö, nalö maljini, miangö ai-wesökni kewötpingö qahö mötze. Mi qahö dop kölja. ⁴ †Ambazip kambu bölöni gölmenöj mala qesabulum ahakzei, yejön Anutugö aiwesökni asuhumapköra kaparj kölakzemö, Anutunöj kezapqetok azi Jonagö ai-wesökni lök engiiga aiwesök tosatnji qahö toroqeba kondel engjima.” Mewö jiba engömosöta kungen anök. Mewö.

Farisi aka Sadyusi yejön wösökömbuk ewö akze.

Mak 8.14-21

⁵ Jisösnöj gwarekurupni yembuk o angö kutuba likepne angota semön membingö ölum enguyöhi, mi eket. ⁶ ††Mi eketka Jisösnöj kewö jii mötket, “Injini Farisi aka Sadyusi pati yahöt yejgö wösökömbukni aka gipni kakni mietköra mönö galömniini meme. Mi ölöpnjanök qahö kewöta andö qegetka mietkön mönö yist ewö qariba mem bölim engimahot.”

⁷ Jiiga keu pasetnji mi qahö möt asariba sutnjine kewö eraum mötket, “Nini beret qahö memba kazin. Mi-angöra jiza me denöwö?” ⁸ Mi eraum mötket kezapne geiga kewö jii mötket, “O injini mötnaripnjini morörökni, wuanöngöra ‘Beret qahö mezin,’ jiba nanjnini eraum mötze? ⁹ †Nöngö könanjamni mi wuanöngöra qahö möt kutuze? Nöjön beret 5 mi 5000 yejgöra mindipköbiga miangö kitipni qezakögetka künde dawiknönj geba numbuje qeyök? Mi ölum enguza me qahö?

¹⁰ ††Mewöyök beret 7 mi 4000 yejgöra mindipköbiga miangö kitipni qezakögetka sakap dawiknönj geba kokolak qeyök? Mi ölum enguza me qahö? ¹¹ Ni beretköra keu qahö jizali, mi denöwö aka qahö möt kutuze? Nöjön beretköra qahöpmö, Farisi aka Sadyusi pati yejgö wösökömbukni aka gipni kakni kewöta andö qemegöra jizal.” ¹² Mewö jiiga miangörenjök keunangö könanji kewö möt asariget, “Aha! Plaua mem qariqari yistkö galöm mem angubingöra qahö jiyök-mö, Farisi pati aka Sadyusi pati yejgörenj keu lolonqalonji andö qebingöra jiyök.” Mewö.

Pitönöj Jisösgö könanji jim miwiknjaiyök.

Mak 8.27-30; Luk 9.18-21

¹³ Jisösnöj Sisaria Filipai taongö kösutje anda miangörenj gwarekurupni kewö qesim engiyök, “Ambazipnönj Suep gölmegö azi ölnj nöngöra denöwö jimakze? Ni ninjia akzal?” ¹⁴ †††Jiiga melenjda kewö jiget, “Tosatnan ‘Gi Jon O-melun azia akzan,’ jimakzemö, tosatnan ‘Gi Elajia akzan,’ jimakze aka tosatnan toroqeba kewö jimakze, ‘Gi Jeremaia me kezapqetok azi walnji yejgörenjök kun akzan.’”

† 16.4 Mat 12.39; Luk 11.29 †† 16.6 Luk 12.1 † 16.9 Mat 14.17-21 †† 16.10 Mat 15.34-38 †† 16.14 Mat 14.1-2; Mak 6.14-15; Luk 9.7-8

¹⁵ Mewö jigetka kewö qesim engiyök, “Aka nanjinak nöngöra denöwö jize? Ni ninjia akzal?” ¹⁶ †††Qesim engi-iga Saimon Pitönöj melenjda jii mörök, “Gi Amötqeqe Tonji Kraist aka malmal Tonji Anutugö Nahönnji akzan.”

¹⁷ Mewö jiiga Jisösnöj melenjda kewö jii mörök, “O Saimon Jonagö nahönji, gölme azi sep busunambuk kunjan qahöpmö, nöngö Iwini Suep mire maljawi, yanön mönö keu mi göhörenj indelök. Miangöra göjön mönö simbawon akzan. ¹⁸ Nöjön kewö jibi mötman: Gi Pitö (nanine keunöj jamönjinj) aknönnga nöjön jamönjinj miangö qakne urumelenj könagesö-nangö tandönji albi nangöm enginönnga urujini möhamgöba köhöiba kinme. Göjön i galöm köl enginönnga kömup Tonjan i senjom mirigö kiripo nangunje öröm engjimamgö osima. Ömewöröme tosatnji yejgö kukösumnjinan mewöyök i köndenja luhut al engibingö osime.

¹⁹ †††Nöjön Suep bemtohoangö ki morönji yahöt gi-himam. Gi gölmenöj siingisöndok jöhönönnga miangön mönö Suep mire mewöyök jöhöjöhönji ahöma. Gi gölmenöj siingisöndok mosöta pösatnönnga miangön mönö Suep mire mewöyök pösatpösatnji ahöma.” ²⁰ Mewö jiba Amötqeqe Tonji Kraist ahöhi, mi aukne jiget kunjan mötpepuköra gwarekurupni yejgöra songo köhöikni al engiyök. Mewö.

Jisösnöj kömumamgö keunji jiyök.

Mak 8.31-9.1; Luk 9.22-27

²¹ Nalö miangörenjök Jisösnöj könahiba gwarekurupni yejgöra keu kewö indelök, “Nöjön Jerusalem anda sihibölö gwötpuk mötmam. Kantrigö jitje-meme, jike nup galöm aka Köna keugö böhi yejön nujgugetka kömumam. Kömumbiga wehön karöbut aiga kömupnöhök wahötmam.”

²² Jisösnöj mewö jiiga Pitönöj öröm wangjiba görane anda könahiba qetala kewö jim wangiyök, “O Kembu, mi nalö kunönj asuhum ghibapuköra Anutunöj mönö sel jöhöm gihima.” ²³ Qetal wangjiiga lilingöba Pitö kewö jim wangiyök, “Gi keu mötmörizani, mi Anutugörenj keuya qahöpmö, gölme ambazip aka Satangö sihima. Gi nöngö köna utumamgö mötnönnga urunan böliza. Miangöra Satan, gi mönö dölki nöngö jemesoholneyök kesalnönj!” Mewö.

Kraist wuatangöbingö söngörönji

²⁴ †Nalö miangörenj Jisösnöj gwarekurupni keu kewö jii mötket, “Kunjan nöngö andöne kamamgö mötzawi, yanön mönö nanji urusilenangö sihim kömbönanji bölöni andö qeiga sisitji megetka sihibölö mi bisi-makna. Mi maripomnöj kömumawangö dop mökösonjda ni nuatangöba kama. ²⁵ ††Kunjan malmalni nanjangöra angön köla nanji imbi-imbi maljawi, yanön mönö malmalni ölnj jöhöi sohoma. Sohomapmö, kunjan gölmegö malmalni nöngöra aka

††† 16.16 Jon 6.68-69 ††† 16.19 Mat 18.18; Jon 20.23 † 16.24 Mat 10.38; Luk 14.27 †† 16.25 Mat 10.39; Luk 17.33; Jon 12.25

kölenja tököm niŋgimawi, yaŋön mönō malmal ölnaŋgō könaŋi miwikŋaiba köhöiba malma.

²⁶ "Kunŋan gölmenji gölmenji miengō öröyuaŋi pakpak köl öröiga buŋaŋi an teköiga uruŋaŋgō malmalŋi mem sohoba silebile mala kömuiga Anutunōŋ keuŋi jim teköiga uŋaŋan ayuhuiga qahō dop kölma. Sukiŋaŋi miaŋön mönō urusösōŋgai qahō ak waŋgima. Qahöpmahöp. Körek neŋön mönō bohoniŋi jöhöm aŋgubingō osibin.

²⁷ "Suep gölmegō azi ölnaŋ könaŋgep Suep garata töröŋi yembuk ki etiketka Iwiŋaŋgō asakmararaŋi eka aurume. Nalō miaŋgöreŋ mohot mohot neŋgō ahakmemenini kewōta likepŋi miaŋgō dop neŋgima.

²⁸ Nöŋön keu ölni kun kewō jibi mötme: Kiaŋgöreŋ kinjei, engō sutŋineyök tosaŋŋan Suep gölmegō azi ölnaŋ kin aka asuhumawi, mi ek kutume. Jebuk mala kömupkö sihimbölöŋi qahō mötketka asuhum tiŋgiriga mi ekje." Mewō.

Jisösgö sileŋe letotqetot ahök.

Mak 9.2-13; Luk 9.28-36

17 [†]Wehön 6 teköiga Jisösnöŋ Pitö, Jeims aka Jeimsgö munŋi Jon enŋuaŋgita nanŋinök kunduŋi köröpŋi kunöŋ öŋgöba kötikŋe malget. ² Malgetka jemesoholŋine kiniga Jisösgö sile tandökŋan letota murutŋi ahök. Jemesoholŋan wehön jeŋi ewö kölköbilikbilikŋambuk asariiga malukuŋan tuat lalamŋi aka asakŋambuk ahök.

³ Mewō aiga eketka Moses aka Elaija yetkōn asuhum engiba Jisösbuk keukeu jiget. ⁴ Jigetka Pitönöŋ könahiba keu jiba Jisösgöra kewō jiyök, "Kembu, neŋön kiaŋgöreŋ uruölöwak mötzin. Miaŋgöra sihimŋan mötzan ewö, nöŋön ölop koum karöbut qemam. Göhö kun, Mosesgö kun aka Elaijagö kun."

⁵ [‡]Mewō jiba kiniga unuŋunŋ tuat lalamŋi asakmararaŋambuk kunöŋ eta aumŋan esuhum enŋiiga miaŋgō uruŋeyök qet kun kewō eriga mötket, "Azi ki mi nani wölböt nahöna. Nöŋgö urusihimni ketaŋan mönō yaŋgöreŋ ahöza. Mönō yaŋgō keuŋi möta malme." ⁶ Gwarek yeŋön keu mi möta jönömŋini undi sipköba gölmenöŋ eta keŋgötŋini gwötpuk mötket.

⁷ Mewō mötketka Jisösnöŋ yeŋgöreŋ kaba sileŋini oseiba kewō jii mötket, "Mönō wahötket. Keŋgötŋini kude mötme!" ⁸ Keu mi möta uba wahöta tosaŋŋi qahō engekemö, Jisösnöŋ nanŋök kiniga eket. Mewō.

Jon O-melun-azi mi Elaijagö salupŋi akza.

⁹ Kunduŋeyök etiketka Jisösnöŋ sörokŋi miaŋgöreŋ kewō jim kutum enŋiyök, "Inŋi yuai ekzei, miaŋgō buzupŋi mi ambazip kun kude jiget mötme. Suep gölmegō azi ölnaŋ kömupnöhök wahöriga miaŋgō andöŋe mi ölop jim asariba malme."

¹⁰ ^{‡‡}Mewō jim kutum enŋiiga gwarekurupŋi karöbut yeŋön Jisös kewō qesim waŋgiget, "Köna keugö böhi yeŋön keu kewō mi wuanöŋgöra jimakze, 'Kezapqetok

† 16.27 Mat 25.31; Sum 62.12; Rom 2.6 †† 17.1 2 Pitö 1.17-18 ‡ 17.5 Jen 22.2; Dut 18.15; Sum 2.7; Ais 42.1; Mat 3.17; 12.18; Mak 1.11; Luk 3.22 †† 17.10 Mal 4.5

azi Elaijanöŋ mönō mutuk Suepnöhök eriga Amötqeqe Toŋan miaŋgō andöŋe asuhuma?"

¹¹ Qesim waŋgigetka melenja kewō jiyök, "Elaijanöŋ mutuk eta asuhuba malmal pakpak möhamgöma. Keu mi ölnapmō, ¹² ^{‡‡}nöŋön kewō jibi mötme: Elaijanöŋ lök eta asuhuyökmö, i eka könaŋi qahō möt kutugetmō, ambazipnöŋ i nanŋini sihimŋini wuatangöba laŋ ak waŋgiget. Mewöŋanök Suep gölmegō azi ölni mewöyök laŋ ak waŋgigetka Juda yeŋgō böröŋine geba sihimbölö mötma." ¹³ Elaijagöra mewō jiba ölna Jon O-melun azigöra keu jii mötkeri, gwarek yeŋön mi mewō möt asariget. Mewō.

Jisösnöŋ öme wuatangöi morönöŋ ölöwahök.

Mak 9.14-29; Luk 9.37-43

¹⁴ Jisös aka gwarek karöbut yeŋön kunduneyök eta ambazip kambu yeŋgöreŋ kagetka azi kunöŋ Jisösgö kösutŋe kaba simin köl waŋgiba kewō jii mörök, ¹⁵ "Kembu, göŋön mönō nahöni ak kömum waŋgiman. Kawölnöŋ yöhöiga tala eta qeiga bözok mitiba semben auba sihimbölö gwötpuk mörakza. Nalō gwötpuk tala könöpnöŋ me onöŋ gemakza. ¹⁶ Nöŋön i waŋgita gwarekurupki yeŋgöreŋ kazalmö, yeŋön i mem ölöwak waŋgibingö osize."

¹⁷ Mewō jiiga melen waŋgiba jiyök, "Yei, gölmegō yaŋgiseŋ aka misimkaulup ambazip, mönō nalō dawik embuk mala qatön enŋubiga Anutu qahō möt narigetka sihimbölö mötmam? I mönō waŋgita nöŋgöreŋ ki kaget." ¹⁸ Waŋgita kagetka Jisösnöŋ öme mi jim waŋgii mosöta ani morönöŋ nalō miaŋgöreŋök ölöwahök.

¹⁹ Ölöwahiga gwarekurupŋan mi eka nanŋinök Jisösgöreŋ kaba tata kewō qesim waŋgiget, "Neŋön mönō wuanöŋgöra mi naninök wuatangöbingö osizin?"

²⁰ ^{‡‡‡}Qesim waŋgigetka kewō jii mötket, "Mötnariŋŋinan morörökŋi akzawangöra mi wuatangöbingö osize. Nöŋön keu ölni kun kewō jibi mötme: Mötnariŋŋinaŋgō ölni mi neŋon kötnaŋgō dop ahöbawak ewö, enŋön ölop kunduŋi kiaŋgō Toŋaŋgöra kewō jim kutubeak, 'Gi mönō kunduŋi mi meköba wahöta anda likepŋe endu alman.' Mewō jiba möt narigetka miaŋgō dop aiga endu anma. Anutu möt narigetka inahöm enŋiiga yuai kungöra qahō qaköbeak." ²¹ (Öme tandökŋi mewöŋi mi mönō köuluköba nene siŋgi mala wuatangöbin. Yuai murutŋi kun ahinga qahō kota anma. Mewō.)

Jisösnöŋ kömumamgö Buŋaŋi jiiga yahöt ahök.

Mak 9.30-32; Luk 9.43b-45

²² Jisösnöŋ gwarekurupŋi yembuk mohotŋe Galili prowins uruŋe liliköba könanöŋ angetka Jisösnöŋ keu kötni kewō jii mötket, "Anutunöŋ Suep gölmegō azi ölni mi gölme ambazip yeŋgō böröŋine al waŋgii gema. ²³ Geiga i qegetka kömuma. Kömuiga wehön karöbut aiga mönō kömupnöhök wahötma." Gwarekurupŋan mi möta uruŋinan lömböriiga wösöbirik mötket. Mewō.

‡‡ 17.12 Mat 11.14 ††† 17.20 Mat 21.21; Mak 11.23; 1 Kor 13.2

Jisösnöñ jöwöwöl jikegö takisñi alök.

²⁴ †Jisösnöñ gwarekurupñi yembuk Kaperneam taonöñ kanjotketka jöwöwöl jikegö takis meme azi yeñön Pitögöreñ kaba kewö qesim wangiget, “Engö böhinjan jöwöwöl jikegö takisñi alma me qahö?”

²⁵ Qesim wangigetka “On!” jiyök. Miangö andöñe Pitönöñ miri uruñe öngöiga Jisösnöñ keu mutukñi kewö qesim wangiyök, “Saimon, gi denöwö möt-mörizan? Denike yeñön kölköl-örörögö töwañi aka takis tosatñi mi gölmegö kiñ azi kembu yeñgöra alakze? Kantri tonji neñön me kian yeñön mi algetka tokomakze?”

²⁶ Mewö qesim wangiiiga melenja “Kian yeñön,” jiyök. Mewö jiiga Jisösnöñ kewö jii mörök, “Mewö aiga kantri tonji neñön mi albinangö dop qahö akzin.

²⁷ Mewö akzinmö, takis qahö alinga azi miengö uruñinan bölipapuköra mönö anda kösö kawiki o angönöñ gilman. Gila söra mutukñi öröba memani, mönö miangö numbuñi mesaköba moner kötni miangöreñ miwikñaiman. Moner kötni mi azi yahöt netkö takisni-rangö dop. Mönö mi memba engiba miangön nöngö aka nangi takisniri alman.” Mewö.

Gwarek sutñine danön mutukñi akza?

Mak 9.33-37; Luk 9.46-48

18 ††Nalö miangöreñ gwarek yeñön Jisösgöreñ kaba kewö jiget, “Suepkö bemtohoñ uruñe danön öngöngöñi akza?” ² Mewö jigetka namande moröñi kun qeri kaiga sutñine ali kinök. ³ †Kiniga kewö jiyök, “Nöñön keu öñi kun kewö jibi mötme: Uruñini qahö melenja nahönbörat ewö qahö akñe ewö, inñini mönö nalö kunöñ Suepkö bemtohoñöñ qahö angotme.

⁴ Miangöra kunñan nanñi memba et ala morö kiangö dop akñawi, yanñön mönö Suepkö bemtohoñ uruñe öngöngöñi akza. ⁵ Kunñan namande kewöñi kun nöngö qetne köñ öröba köyan kölmawi, yanñön mönö ni köñ öröm ninggima.” Mewö.

Singisöndokö kölgrom mönö qetal engime.

Mak 9.42-48; Luk 17.1-2

⁶ Jisösnöñ toroqeba kewö jiyök, “Morö kewöñi möt narim ningizei, kunñan yeñgöreñök kun kölgrom ak wangiiiga singisöndok akñawi, azi miangön mönö lömböt öngöngöñi miwikñaima. Anutunöñ lömböt miangö likepñi denöwö wangiiiga dopñe akawak? Kemuñ jamönñij jölñe jöhöba köwet röndumnöñ gilget mulumgöi gebawak, miangön mönö awamñi ahum wangii tandök akawak.

⁷ “Singisöndokö supatitkñan mönö awamñanök asuhumakza. Miangöra gölme ambazip engöra Yei wösöbirik! mötzal. Kunñan supatitik angön kölmamgö osimakzapmö, kun danön tosatñi kölgrom ak engiiiga singisöndok akñei, yanñgöra mönö Yei! jiba sahötzal. Si-himbölö öngöngöñan mönö yanñgö qakñe öngöma.

† 17.24 Eks 30.13; 38.26 †† 18.1 Luk 22.24 † 18.3 Mak 10.15; Luk 18.17

⁸ ††“Börögan me könagan singisöndok akñangö kölgrom ak gihima ewö, mönö yandim gilman. Yandim gilagun börötak me könatohot mala malmal köhöikñi miwikñaiaba oyaenköyaen akñanmö, köna börö yahötpuk malnönga könangep könöp sianöñ gil gihigetka gebanbuk. Sia könöpñi mi teteköñi qahö jema.

⁹ ††“Mewöñanök jegan singisöndok akñangö kölgrom ak gihima ewö, mönö qözöla gilman. Qözöla gila-gun je-ilik mala malmal köhöikñe angota oyaenköyaen akñanmö, je yahötpuk malnönga könöp siagö könöp-nöñ gil gihigetka gebanbuk.” Mewö.

Lamanöñ sohöyöhi, miangö dopkeu

Luk 15.3-7

¹⁰ “Ambazip moröñi kienjöreñök kun memba et al wangibe-puköra mönö galömñini meme. Nöñön keu kewö jizal: Yengö kölközizip garataurupñinan mönö Suep miri miangöreñ nöngö Suep Iwinangö kösutñe mala jemesoholñi sundan ehakze. Miangöra jijiwilit kude ak engime. ¹¹ (Suep gölmegö azi öñan mönö ambazip sohosohöñi mem letot engii oyaenköyaen akñegöra erök.)

¹² “Keu kiangöra denöwö mötmörize? Azi kungö lamaurupñi 100 malgetka miengöreñök kunñan sohoba janjuñ aniga toñan denöwö akña? Yanñön mönö 99 mi kundunje engömosöta anda mohot janjuñ anöhi, miangö jaruba anma. ¹³ Jaruba anda mala miwikñaima ewö, nöñön keu öñi kun kewö jibi mötme: Yanñön 99 janjuñ qahö angeri, miengöra nalö miangöreñ gwöt-puk qahö söngaimapmö, mohot miangöra önöñi qahö söngaiba malma. ¹⁴ Miangö dop engö Iwinñini Suep mire maljawañön mönö ambazip moröñi kienjöreñök kunñan sohoba könöp sianöñ gebapuköra mörakza.” Mewö.

Alagan singisöndok ak gihiiga kewö akñan:

¹⁵ ††“Urumelñ alagan singisöndok ak gihima ewö, gi mönö yanñgöreñ anda mesohol köñ wangiba köna singiyöhi, mi kondel wangiman. Mewö aknöngga keugi möta bapñe anma ewö, göñön mönö alagi luhut al wanginöngga kunbuk urumohot aka malmahot.

¹⁶ ††Mewö aknöngga keugi möta miangö bapñe qahö anma ewö, göñön mönö toroqeba ala mohot me yahöt etkuangita yanñgöreñ anme. Mewö Buña Kimbigö keu kiangö dop akñan, ‘Keu pakpak mi ambazip yahöt karöbutñan nanñgöba jigetka köhöima.’

¹⁷ “Mewö aketka keuñini möta miangö bapñe qahö anma ewö, göñön mönö urumelñ könagesögö jitñe-meme yeñgöra jinöngga yambuk eraum mötme. Eraum mötmemö, yeñgö keu bapñe mewöyök qahö anma ewö, mi mönö aukñe jigetka jabö ahui urumelengö kopa ewö ak wangiba malman. Takis tilipqilip-ñinambuk megetka sisitñini memakzei, miangö tandök ewö i mönö mosötnöngga yaigep malma.”

†† 18.8 Mat 5.30 †† 18.9 Mat 5.29 ††† 18.15 Luk 17.3 ††† 18.16 Dut 19.15

Singisöndokö jöhöhöhöni aka pösatpösatni

¹⁸†Nöñön keu öl töhönji kun kewö jibi mötme: Enjön singisöndok gölmenöh jöhömei, mi pakpak mönöh Suep mire mewöyök jöhöhöhöni ahöma aka singisöndok gölmenöh mosöta pösatmei, mi pakpak mönöh Anutunöh mosöri Suep mire mewöyök pösatpösatni ahöma.

¹⁹“Toroqeba keu kewö jibi mötme: Gölmenöh engörenöh yahötñan keu mi me mi miangöra urumohok aka köuluköbitkö keu jöhömahori, mi nöñgö Iwini Suep mire maljawañön mönöh etkiiga buña qem angumahot. ²⁰Mi kewögöra: Ambazip yahöt me karöbutñan nöñgö qetne igen me waigen tokomei, nöñön mönöh miangörenöh yengö sutñine malmam.” Mewö.

Welenqege ak-kömukömuñi qahöpkö söpsöp keu

²¹†Nalö miangörenöh Pitönöh Jisösgörenöh kaba keu kewö jii mörök, “Kembu, alanan singisöndok ak niñgi-makzawi, nöñön mi indimñi dawikö dop mosötpiga dop köлма? Indimñi 7 mi gwötpuk. Miangö dop mosötpiga dop köлма me qahö?” ²²Jisösnöh mi möta kewö melenöh wañgiyök, “Indimñi 7 qahöpmö, 70 taims 7 † mi mosötnöhga dop köлма. Nöñön göhöra mewö jizal. ²³Miangö könañi mi kewö jim tuarimam. Suepkö bemtohoñi mi kiñ azi kembugö dop albi kewö akza: Kiñöh welenqegeurupñi engohola monenñi galöm köłgeri, miangö arenöh papianñi kondelget mindingömapköra kapañ köłök.

²⁴“Mewö könahiba monenñangö kösohotñi kewöta mindingögetka miangörenöh azi kun wañgita kagetka yañgö jeñe kinök. Tosañi 10 milyön kina mi yañgörenöh ahöyök. ²⁵Mi ahöyökmö, tosanñi mi mekömamgöra monenñi qahö dop köli osiyöhangöra aka ketañamñan kinda kewö jim kutuyök, ‘Sukinapñi ahözawi, mi pakpak mönöh söñgöronñi memegöra alme. I aka anömmoröñi i mewöyök mönöh söñgöronñi memegöra algetka monenñi kaiga miangön tosanñi mi meköme.

²⁶“Mewö jim kutuiga welenqegeñan wösöñe eta simin köla sipköba kewö ulet wañgiyök, ‘Gi mönöh urukönöp kude aka mökösoñda mamböt niñginöhga göhörenöh tosanñi pakpak mi ölop meköm gihimam.’

²⁷Mewö ulet wañgiiga ketañamñan welenqegeñangöra wösö mötmöt aka tosanñi mi kutuba mosöta pösari erök. ²⁸Erökmö, yaigep anda miangörenöh welenqege alañi kun miwikñaiba ehök. Yañgö tosanñi mi silim 100:kö töwanñi (Kina500,-) miangö dop yañgörenöh ahöyök. I eka memba jölñi köhöikñanök mözöhöla kewö jiyök, ‘Nöñgörenöh tosa göhörenöh ahözawi, mi mönöh meköm niñgiman me?’

²⁹“Mewö jiiga welenqege alañan wösöñe eta simin köla sipköba kewö ulet wañgiyök, ‘Gi mönöh urukönöp kude aka mökösoñda mamböt niñginöhga göhörenöh tosanñi mi ölop meköm gihimam.’

† 18.18 Mat 16.19; Jon 20.23 †† 18.21 Luk 17.3-4 † 70 taims 7 = 490. Miangö dop alagahö singisöndokñi mi mönöh qösösök mosötman.

³⁰“Mewö jiyökmö, yañön mi tököba anda jii memba jöhöba köso mire alget tari tosanñi mekögetka etma. ³¹Yuai mi asuhuiga welenqege alaurupñan tandök mi eka uruñinan kömbuhiiga wösöbirik möta anda miangö kösohotñi mi körek ketañamñanangöra jigetka mörök.

³²“Mi möta ketañamñan welenqege mutukñi mi qeri jeñe kañgoriga kewö jii mörök, ‘Gi nup meme azi bölöñi! Gi tosanñi kutuba mosötmamgö qesim niñginöhga nöñön mi pakpak mosöt gihizal. ³³Nöñön gehoriba ak kömum gihibiga göñön mewöyök miangö dop welenqege alagi ak kömum wañginöhga dop kölbawak.’

³⁴“Ketañamñan mewö jiiga irimñi sehohliiga welenqege miangö keuñi jim teköba köso mirigö galöm yengö böronñine al wañgiiga sihimbölo gwötpuk möta tatma. Miangörenöh tata tosanñi kiñgörenöh ahöyöhi, mi pakpak meköm teköiga etma. ³⁵Söpsöp keu kiangö ölnñi kewö: Inñini mohot alañanangö singisöndokñi uruñinan qahö mosötme ewö, nöñgö Suep Iwinan mönöh mewöyök keu miangö dop ak engima.” Mewö.

Awanöm angömosötmosötkö keuñi

Mak 10.1-12

19 Jisösnöh keu mi jim teköbagun Galili prowins mosöta Jordan o kutuba likepñe anda mötöteiba eta kunbuk o mi kutuba Judia prowinsnöh kayök.

²Kaiga ambazip kambulelembenöh wuatangöba kagetka miangörenöh mem ölöwak engiyök.

³Mem ölöwak engiiga Farisi (Köna keugö kapañkölköl) tosanñan yañgörenöh kaba keugö bötaknöh örömapkö esapköm wañgiba kewö qesim wañgiget, “Azinöh könañi i me waigöra anömmñi mosötmawi, mi Köna keu oñgitma me qahö?”

⁴†Qesim wañgigetka melenñda kewö jiyök, “Miwimi-wikñai Toñan lök könakönahineyök i ‘azi aka ambi malmegöra miwikñaim engiyök.’ Buña keu mi oyongget me qahö? ⁵††Miwikñaiba kewö jiyök, ‘Miangöra azinöh mönöh iwinamñi etkömosöta anömmñangörenöh anda qekötahöiga yetkөн sile mohot aka malmahot.’ Keu mi oyongget me qahö? ⁶Mewö aka toroqeba yahöt qahö akzahotmö, sile mohot aka malmahot. Anutunöh azi aka ambi mindirim etkiyöhi, ambazip kunöh mönöh i kude mendenñi etkima.”

⁷††Mewö jii möta kewö jiget, “Azinöh angömosötmosöt papia ohoba anömmñi ölop mosötma. Mosesnöh mönöh wuanöngöra keu mewö jim kutum neñgii ahöza?” ⁸Mewö jigetka kewö jim engiyök, “Mosesnöh mönöh uruköhöikñanangöra aka anömmñi mosötmapkö keu mewö jim kutuyökmö, könakönahineyök mewö qahö ahöyök. ⁹†††Nöñön kewö jibi mötme: Anömmñan qesabulum qahö ahiga töndup wuatangöba ambi kun memawi, yañön mönöh sero yonggorö akña. Kunñan ambi mosötmosötñi memawi, yañön mönöh sero yonggorö akña.”

†† 19.4 Jen 1.27; 5.2 ††† 19.5 Jen 2.24 ††† 19.7 Dut 24.1-4; Mat 5.31 ††† 19.9 Mat 5.32; 1 Kor 7.10-11

¹⁰ Jisösnöñ mewö jiiga gwarek yeñön jiget, "Awanöm sutñire angömosötpitkö songo mewö ahöza ewö, mönö awanöm qahö aHINGA dop köLMA."

¹¹ Mewö jigetmö, Jisösnöñ kewö melenök, "Miangö keunji kusum engizali, ambazip körekñan mi nanñanangöra angön köla miangö dop ölop qahö akñemö, Anutunöñ keu mi ambazip tosatñi yengöra engiyöhi, yeñönök mönö miangö dop akñe. ¹² Miangö könañi kewö: Tosatñan nam körö uruñe ahuba miangöreñök könahiba awanöm akingö qahö mötze. Tosatñan ambazipnöñ silenini yandiba † kondot engigetka awanöm akingö dop qahö akze. Tosatñan Suep bemtohoñangöra aka awanöm qahö akingö keunji jim jöhöba keunji mi wuatangömakze. Kunñan keu mia me mia möt angön köla wuatangömamgö dop akzawi, yañön mönö miangö dop akñe." Mewö.

Jisösnöñ nahönbörat kötuëtköm engiyök.

Mak 10.13-16; Luk 18.15-17

¹³ Nalö miangöreñ tosatñan nahönbörat morömorö enguangita Jisösnöñ böröñi nöropñine ala köulökmapköra yangöreñ kagetmö, gwarek yeñön ambazip mi jim qetal ak engiget. ¹⁴ Mewö aketka Jisösnöñ kewö jiyök, "Nahönbörat moröñi mi ölop engömosötketka nöngöreñ kame. Suepkö Toñan ambazip mewö mia bemtohoñi buña qem engima. Miangöra i kude jöhöm engime." ¹⁵ Mewö jiba böröñi nöropñine ala engömosöta kungen anök. Mewö.

Jisösnöñ azi pomñi kungö qambañ keu jiyök.

Mak 10.17-31; Luk 18.18-30

¹⁶ Nalö kungen azi kunöñ Jisösgöreñ kaba kewö qesim wangiyök, "Böhi, nöñön ahakmeme ölopñi denöwö aka malmal köhöikñangö buña qem angubilenak?" ¹⁷ Qesim wangiiiga kewö jii mörök, "Ahakmeme ölopñi denöwö, wuanöngöra mewö qesim niñgizan? Mohotkunñan mönö ölopñi akza. Malmal köhöikñe angotmamgö mötman ewö, mönö jöjöpañ keu tem köla malman."

¹⁸ ††Mi möta kewö jii mörök, "Wani jöjöpañ keugöra jizan?" Jisösnöñ mi möta jiyök, "Mönö ki, 'Ambazip kun kude qenöñ kömuma, Sero yongorö kude akñan, Yongorö kude memañ, Jitnöñ alal keu kude jiman, ¹⁹ †Iwinamgi mönö göda qem etkimakñan,' aka 'Nangi jöpaköm angumakzani, miangö dop mönö ambazip pakpak jöpaköm engimakñan.'"

²⁰ Mewö jiiga azi gwabönöñ kewö jiyök, "Mi pakpak mönö tem köla mala kotzal. Wanigöra kunbuk osizal?" ²¹ Mewö jiiga Jisösnöñ jiyök, "Gi aködamungabuk malmamgö mötman ewö, mönö anda sukinapki söngöröñi memegöra alnöñ moneñ kaiga ambazip wanapñi engiman. Mewö aknöñga sukinapki ketañi (guli masapu, milyön Kina ewö) mi Suep mire ahöm gi-hima. Mewö aka ni wuatangöba kaman."

²² Mewö jiyökmö, gwabönöñ keu mi möta sukinapñi gwötpuk ahöyöhangöra aka wösöbirik möta jeni asöli-

† Azi kötñi kölkölgöra jiza. †† 19.18 Eks 20.13-16; Dut 5.17-20
‡ 19.19 Eks 20.12; Dut 5.16; Lew 19.18

iga öne mosöta anök. Mewö. ²³ Mosöta aniga Jisösnöñ gwarekurupñi kewö jii mötket, "Nöñön keu ölni kun kewö jibi mötme: Ye! Ambazip pomñi yeñön mönö Suepkö bemtohoñöñ angotpingö lömböriba kupuk-kapak akñe. ²⁴ Mi kewö jim tuarimam: Sömbup ketañi kamel mi kondi kinimñe ölop qahö angotma. Miangö dop ambazip pomñi yeñön Anutugö bemtohoñ uruñe angotpingö lömböriba qaköme."

²⁵ Mewö jii möta gwarek yeñön aurum tililingöba kewö jiget, "Oponoñ! Ambazip danöñ mönö Suepkö buñaya akawak?" ²⁶ Mewö jigetka Jisösnöñ uba engeka kewö jiyök, "Ambazipnöñ mi esapköba osiba qakömakzemö, Anutunöñ mönö yuai pakpak ölop ahakza. Yañön yuai kun aka memamgö qahö osiba qakömakza." Mewö.

Jisösgö nup memegö töwanji

²⁷ Pitönöñ keu mi möta melenöda kewö jiyök, "Möt-nöñ, neñön mönö yuai pakpak mosöta gi guatangöba kain. Miangö likepñi mönö wani yuaia membin?"

²⁸ †Mewö jiiga Jisösnöñ kewö jii mötket, "Nöñön keu ölni kun kewö jibi mötme: Yuai pakpak kölöñaiiga Suep gölmegö azi ölnan jakömbuak dumñe tari asakmararañan asarimawi, nalö qainñi kun miangöreñ ni nuatangöba kageri, eñön mönö mewöyök jakömbuak dum 12 miangöreñ tata Israel kambu 12 yengö keunji-ni kewöta jim teköme.

²⁹ "Kunñan nöngö qetnangöra aka yuai kun mosöröhi, - mi jike miriñi, darumunñi, nenbehötñi, iwinamñi, nahönböratñi me nup kisiñi - mi engömosöriga Anutunöñ mönö miangö likepñi ongita melen wangiiiga sehima. Mewö sehiiga malmal köhöikñi teteköñi qahö buña qem anguma. ³⁰ †Mewö asuhumapmö, mutukñi engöreñök gwötpukñan dagibezupñi aketka dagibezupñi yengöreñök gwötpukñan mutukñi akñe." Mewö.

Wain nup meme ambazip yengö dopkeu

20 Jisösnöñ jiyök, "Suepkö bemtohoñi mi kewö: Gölmö tonji kunöñ söñanök wahöta yaigep anda azi tosatñi engeka wain nupñe moneñ nup memegöra qesim engiyök. ² Qesim engiiiga 'Ölop,' jigetka silim mohotkö töwanjini (Kina 5) engimapkö urumohot aketka melaim engiiiga wain nupñe anget.

³ "Angetka 9 kilok miangö dop aiga kunbuk toroqeba anda azi tosatñi maket sombemñe önewat kingetka engehök. ⁴ Engeka kewö jii mötket, 'Inini mönö mewöyök nöngö wain nupne anda nup megetka töwanjini dopñeyök engimam.'

⁵ "Mewö jiiga wain nupñe anget. Angetka 12 kilok aiga kunbuk anök aka mare 3 kilok miangö dop dumñe kunbuk yaigep anda mewöñanök ahök. ⁶ Mewö aka mare 5 kilok miangö dop yaigep aniga azi tosatñi dumñe kunbuk öne lañ kingetka engehök. Engeka kewö qesim engiyök, 'Inini mönö wuanöngöra silim köröp ki öne malje?'

†† 19.28 Mat 25.31; Luk 22.30 †† 19.30 Mat 20.16; Luk 13.30

⁷“Mewö qesim enjiiga kewö melenget, ‘Kunjan monej nup mendingöra qahö qesim nengiza. Mi-anğöra öne ki kinjin.’ Melengetka kewö jii mötket, ‘Injini mönö mewöyök nöngö wain nupne anda nup meget.’

⁸†Nup megetka mare aiga wain nup tojan nup galömnji öröba kewö jii mörök, ‘Gi mönö nup meme azi engohola töwanjini engiman. Mare qöndökñi kazei, yengöreñök könahiba engiba anda söñanök kazei, yengöreñ teköman.’

⁹“Mewö jiiga mare 5 kilok nupnöñ kageri, yeñön kañgotketka silim mohotkö töwanji (Kina 5) mi mohot mohot enjiiga meget. ¹⁰ Mutuk nupnöñ kageri, yeñön kañgota töwanjini onğita memegöra mötmörigetmö, i mohot mohot mewöyök silim mohotkö töwanji (Kina 5) enjiiga meget. ¹¹ Töwa mohot miyök memba könahiba gölme tojanğöra urunjan ihururuk möta jimongot ak wañgiba kewö jiget, ¹² ‘Nini wehögöra nöngöp ari-ba nupkö lömbötñi bisizinmö, azi mi dölök-kun nup memegöra qesim engizan. Yeñön aua mohot-kungö dop nup mezemö, göñön töndup yengöra mötmörinöñga nembuk öröröñ akze. Mi qahö dop kölja.’

¹³“Mewö jigetmö, yengöreñök kungöra kewö melengeta jiyök, ‘Alani, ni göbuk keu jiba silim mohotkö töwa (Kina 5) gihimamgö urumohot akzit. Mianğö dop töwa miyöhök gihibiga dop kölja. Mönö mi mötmöriman.

¹⁴ Urugi mianğöra bölipapukmö, mönö nangi töwagi memba anman. Azi dölök-kun nup memegöra qesim engizali, yengöra mewöyök töwa gihizali, mönö miyök engimamgö mötzal.

¹⁵“Nani moneñnöñ nani sihimnanğö dop akiga dop kölja me qahö? Nöñön ekbonep qahö akiga urugan auiga jegi bosoleiza me?” ¹⁶ †Jisösnöñ keu mi jim teköba kewö jiyök, “Mianğö dop qöndökñi yeñön mutukñi aketka mutukñi yeñön qöndökñi akñe.” Mewö.

Jisösnöñ kömumamgö keuñi jiiga karöbut ahök.

Mak 10.32-34; Luk 18.31-34

¹⁷ Jisösnöñ Jerusalem sitinöñ öngöbingöra gölme köna angetka gwarekurupñi 12 mi öröm engiba görañe anda kewö jii mötket, ¹⁸ “Mötket, nini Jerusalem öngöbin. Mianğöreñ kunjan Suep gölmegö azi öñji mamalolo mem wañgiiga jike nup galöm aka Köna keugö böhi yengö böröñine gema. Yeñön kömumapkö keuñi jim teköba ¹⁹ kian gawman yengö böröñine al wañgime. Al wañgigetka mepaiköba ihilek wahinambuknöñ tauköm wañgime. Tauköm wañgiba maripomnöñ qegetka kömuma. Kömumba wehön karöbut aiga kömupnöñök wahötma.” Mewö.

Jeims Jon namñiran yuaigöra ulerök.

Mak 10.35-45

²⁰ Nalö mianğöreñ Zebedigö nahönyahöt yetkö namñiran nahönyahötñi yetpuk Jisösgöreñ kaba simin köl wañgiba yuai qainñi kungöra uletmamgö jiyök.

²¹ Mewö jiiga qesim wañgiyök, “Gi wani yuai akñamgö mötzan?” Qesim wañgiiga kewö jiyök, “Göñön ölop jim

kutunöñga nöngö nahönyahötñi kietkön mönö göhö bemtohoñnöñ eu öngöba kunöñ börögi öñje aka kunjan börögi qaniñe tata yuai pakpak galöm köl-beak.”

²² Mewö jiyökmö, Jisösnöñ melengeta kewö jiyök, “Injini mianğö könani qahö möt yaköba uletze. Nöñön qambi kakñambuk nemami, injiri mi ölop nemba sihibölö mötmahot me qahö?” Mi möta “Ölop nembit,” jiyohot. ²³ Jiyohotka kewö jii mörohot, “Mi öñja! Nöñön qambi kakñambuk nemami, injiri mi mewöñanök nemahotmö, nöngö böröni öñje me qaniñe dañön tatmahori, nöñön keu mi jim kutumamamgö dop qahö. Nöngö Iwinan dum yahöt mi denike yetköra mözözömgöyöhi, mi mönö yetköra etkiiga nömbuk tata galöm köl-mahot.” Mewö.

Galöm öñjan mönö welenqeqeya akza.

²⁴ Darumun yahöt yetkön mewö ulerohotka alaurupñi 10 yeñön mi möta urubölö aket. ²⁵ †Mewö aketmö, Jisösnöñ engoholi kagetka kewö jii mötket, “Gölmegö kantriñi kantriñi mienğö jembonñinan mönö azi kembu tandök ak engimakze. Yengö ketanjanñinan mönö keu jim kutuba mindingöm engiba kukösumñini kondelakze. Injini könani mi ölop mötze. ²⁶ †Engö sutñine silik mewö ahöbapukmö, kunjan engö sutñine ketanjanñini akñamgö mötzawi, yañön mönö welen qem engiba malma.

²⁷ “Mewöyök kunjan engö sutñine mutukñi malmamgö mötzawi, yañön mönö engö nembö bapñine mala welenqeqeñini omani akña. ²⁸ Suep gölmegö azi öñjan mönö mewöyök silik mewöñi kondela nanñi welen qem wangimegöra aka qahö kayök. Qahöpmö, mönö welen qem engiba ambazip sehiseñi yengö sohopñini memamgöra aka eta malmalñi kölenda mosötma.” Mewö.

Jisösnöñ jegömöl azi yahöt mem ölöwak etkiyök.

Mak 10.46-52; Luk 18.35-43

²⁹ Jisösnöñ gwarekurupñi yembuk Jeriko siti mosöt-pingö aketka ambazip kambulembenöñ enguatangöba andöñine kaget. ³⁰ Mewö kagetka jegömöl azi yahöt köna jitñe tarohot. Tarohotka “Jisösnöñ nengongitmamgö akza,” jiget möta kewö qerohot, “Kembu Deiwidkö gwölönarökñi, mönö ak kömum netkinöñ!”

³¹ Mewö qerohotka ambazip kambu yeñön keu bök tatmahotköra qetal etkigetmö, yetkön mönö kapan kölö kewö qerohot, “Kembu Deiwidkö gwölönarökñi, mönö ak kömum netkinöñ!” ³² Mewö qerohotka Jisösnöñ dörök ala yañgöreñ kamahotköra qeri kayohotka kewö qesim etkiyök, “Alayahötñi, nöñön wani yuai ak etkimamgöra mötzahot?”

³³ Mewö qesim etkiiga kewö jiyohot, “Kembu, niri jeniri kunbuk ubitköra mötzit.” ³⁴ Mewö jiyohotka Jisösnöñ yetköra wösöñi möta jeniri misirii mianğöreñök tohoiga uba Jisös wuatangöba andöñe anohot. Mewö.

† 20.8 Lew 19.13; Dut 24.15 †† 20.16 Mat 19.30; Mak 10.31; Luk 13.30

‡ 20.25 Luk 22.25-26 †† 20.26 Mat 23.11; Mak 9.35; Luk 22.26

Jisösgöra köiranj kölgetka Jerusalem öngöyök.

Mak 11.1-11; Luk 19.28-40; Jon 12.12-19

21 Jisösnönj gwarekurupnji yembuk Jerusalem siti dopdowiba Oil ip kundunje Betfage mirinönj kaget. Kaba gwarekyahötñi yahöt melaim etki-mamgöra aka ² kewö jii mörohot, "Miri wösönjire tatza-wi, mönö miangörenj anmahot. Anda miangörenj angota doñki ambiñi kösönönj jöhöget kinjawi aka doñki morönji mi miangörenjök miwikñaim etkimahot. Mi mönö pösat etkiba memba nöngörenj kamahot.

³ "Pösarohotka kunñan keu kun jiiga kewö jimahot, 'Kembu-niran mönö miangöra osiza.' Mewö jiyohotka doñki mi zilarj al etkiiga ki kamahot. ⁴ Anutunönj keu kun kezapqetok azi kungö urunje ali jiyöhi, miangön ölnambuk akñapköra mewö asuhuyök. Keu mi kewö, ⁵ "O Jerusalem ambazip Zaion kundunji liliköba mal-jei, yengöra mönö kewö jigetka mötme, 'Mötket, engö kiñ kembunjanan mönö engörenj asuhuma. Yanön gunbönjönjönj aka doñki qakñe tata kama. Doñki lömböt bisimakzawangö morönji miangö qakñe tata kama."

⁶ Jisösnönj gwarekyahötñi melaim etkiiga anda keu jiyöhanjög dop ahot. ⁷ Yetkön doñki ambiñi morönjam-buk etkömembra kayohot. Kayohotka malukunjini qeköba doñki qakñire algetka Jisösnönj morönjanjög qakñe öngöba tarök.

⁸ Mewö tata aniga ambazip kambulembeñan göda qeba malukunjini qeköba köna namñe tumbulgetka tosatñan ip urunje anda börönji qezungata köna namñe tumbulget. ⁹ "Tumbulgetka ambazip kambu jeñe köl öröba angeri aka andönje wuatangöba kageri, yeñön kewö jiba qetket, "Hosana! Anutu möpöseizin. Deiwidkö gwölönarökñi owe owe! Kembangö qetñe kamawi, Anutunönj mönö i kötuatköma. Hosana! Qet-bunjagi möpöseininga euyangörenj öngöza! Owe owe!"

¹⁰ Mewö qetketka Jerusalem sitinönj öngöba sitigö ambazip körekñan auruba göjupmajup aka kewö qesiget, "Azi ki mönö niñja?"

¹¹ Qesigetka ambazip kambulembe yeñön kewö melenjet, "Yanön mönö kezapqetok azi Jisös, Galili prowinsgö Nazaret mirigöra." Mewö.

Jisösnönj jöwöwöl jike jim kömbuhiyök.

Mak 11.15-19; Luk 19.45-48; Jon 2.13-22

¹² Jisösnönj jöwöwöl jikegö tohonj urunje anök. Miangörenj ambazip engehiga inap bohonñi memegöra algetka söngörönji megeri, yanön mi pakpak közöl enjiiga etket. Moneñ utekutek ambazip yengö jakenji-ni metali anget. Mewöyök kembö bohonñini memegöra algeri, miengö dum tatatñini mi tok tötaliga anget. ¹³ "Mewö aka kewö jii mötket, "Aisaianönj keu kun kewö ohoi ahöza, 'Nöngö jikenan mönö köulukö mirinina akñapkö qetme.' Keu mi ahözapmö, inñini mi utekögetka kegwek-kahasiliñj yengö banjet ewö akza."

¹⁴ Mewö aiga jegömöl aka simalokon ambazip jöwöwöl jikenönj yangörenj kagetka mem ölöwak engiyök. ¹⁵ Mewö asuhuyökmö, jike nup galöm aka Köna keugö böhi yeñön angöletot meyöhi, mi eket aka nahönbörat jöwöwöl jikenönj qeta "Hosana! Deiwidkö gwölönarökñi owe owe!" jigeri, mi engeka urubölö aket.

¹⁶ "Urubölö aka kewö jim wangiget, "Morö mi keu qetzei, mi mötzan me qahö?" Jim wangigetka kewö melenj engiyök, "Ölöp mötzañ. Inñini nalö kungen Buña keu ki oyonjet me qahö, 'Göñön mönö nahönbörat aka morösesepse juzu nemakzei, mi kusum enjinöñga nangi törörök möpöseim gihimakze.'" ¹⁷ Mewö jiba engömosöta siti mosöta mare aiga Betani anda ahöyök. Mewö.

Jisösnönj fig ip kun qesuahöiga ululungöyök.

Mak 11.12-14, 20-24

¹⁸ Ahöba söñanök wahöta kunbuk sitinönj anda nenegö kömuyök. ¹⁹ Nenegö kömumba köna jitñe fig ip ²⁰ kun eka miangö könañe anök. Anökmö, ölnj qahö miwikñaiiga sinñanök kiniga ehök. Mewö eka ip mi kewö jim wangiyök, "Göñön mönö nalö kunönj ölgj kunbuk kude kuñguman." Mewö jim wangiiiga fig ip miangön mönö miangörenjök ululungöyök.

²⁰ Ululungöiga gwarekurupñan mi eka auruba kewö jiget, "Fig ipnönj mönö denöwö ösumok ululungöza?" ²¹ "Jigetka Jisösnönj kewö melenjök, "Nöñön keu ölnj kun kewö jibi mötme: Mötnariñ töp memba uruyahöt qahö akeak ewö, fig ipköra yuai asuhuzawi, inñini miyök qahö akeakmö, ki mewöyök ölöp akeak: Kundunji kiangö toñangöra kewö jim kutubeak, 'Möno kundunji ki qeköba wahöta anda köwetnönj alman.' Mewö jim kutuba Anutu möt nariiga mönö miangö dop ahuma. ²² Wani yuaigöra qesiba köulukömei, mi pakpak buña qem angubingö möt narigetka mönö buñanini akña." Mewö.

Jitñememe yeñön Jisösgö kukösumñangö qesiget.

Mak 11.27-33; Luk 20.1-8

²³ Jisösnönj jöwöwöl jikegö tohonj urunje anda ambazip kusum enjiiga jike nup galöm aka kantrigö jitñememe tosatñi yeñön yangörenj kanjotket. Kanjota kewö qesim wangiget, "Gi kiangörenj yuai akzani, mi mönö dañön jim kutum gihiiiga ahakzan? Miangö kukösumñi mi dañön gihiyök?"

²⁴ Qesim wangigetka kewö melenj engiyök, "Nöñön mewöyök keu kun qesim enjimam. Mi melenj niñgime ewö, nöñön mewöyök dañön kukösum niñgiiga yuai ki ahakzali, mi jibi mötme. ²⁵ Jonönj ambazip o-melun mem enjiba malöhi, yanön miangö kukösumñi mi denikeyök meyök? Suep Toñan wangiyök me gölme toñan wangiget?" Mewö qesim enjiiga sutñine eraum möta kewö jiget, "Kukösumñan Suepnöhök asuhuyök, mewö jibin ewö, yanön mönö kewö jima, 'Inñini mönö

† 21.5 Zek 9.9 †† 21.9 Sum 118.25, 26 ‡ 21.13 Ais 56.7; Jer 7.11

†† 21.16 Sum 8.2 †† Fig mi sambu ipkö alañi kun. Mi nupñine kömötketka kötni nahömninambuk asuhuyökta gwötpuk nemakze. ††† 21.21 Mat 17.20; 1 Kor 13.2

wuanöngöra Jon qahö möt narim wangiget?’ Mi qahö dop kölja.

²⁶ “Me ‘Gölme ambazipnöhök asuhuyök,’ jibin ewö, neñön mönö ambazip kambu yengöra kengötnini möta osibin. Könagesö pakpak yeñön mönö Jongöra ‘Kezapqetok azia akza,’ jiba malje.” ²⁷ Keu mewö kewöta Jisösgöra kewö melenget, “Mi qahö mötzin.” Mewö melengetka Jisösnöñ kewö jii mötket, “Mewö aiga nöñön mewöyök yuai ki ahakzalanjö kukösumñi dañön niñgiyök, mi qahö jibi mötme.” Mewö.

Kungö nahönyahöt yetkö söpsöpkeu

²⁸ Jisösnöñ söpsöpkeu kun kewö jiyök, “Injini keu kiangöra denöwö mötmörize? Azi kun nahönyahötñi yahöt malget. Nalö kunöñ iwiñiran nahöññi kungöreñ anda kewö jiyök, ‘Nahöni, gi ölop merak nöngö wain kösö nupne anda nup meman.’

²⁹ “Mewö jiiga kewö melenöñ, ‘Ni töközal.’ Mewö jiyökmö, könangep keuñi miangö möt böliba elenja anda nup meyök. ³⁰ Miangö andöñe iwiñiran nahöññi kungöreñ anda nahöññi mutukñangö jiyöhi, keu miyök jii mörök. Mi möta keu kewö jiba melenöñ, ‘Onj! Ketañamni, ölop anmam.’ Mewö jiyökmö, töndup qahö anök.”

³¹ Jisösnöñ mewö jiba qesim engiyök, “Yahöt yetköreñök dañön mönö iwiñirangö jitñi tem kölöç?” Mewö qesim engiiga kewö melenget, “Nahöññi mutukñi yañön.” Mewö melengetka kewö jii mörök, “Nöñön keu öl töhöññi kun kewö jibi mötme: Takis meme ambazip tilipqilipñinambuk aka köna ketañi ambi yeñön mönö injini engongita mutuk Anutugö bemtohoñ uruñe öngöme.

³² †“Keu miangö könañi kewö: Jon O-melun azinöñ engöreñ kaba Anutugö jeñe solanibingö könañi kondeliga injini yangö keuñi mi qahö möt narigetmö, takis meme ambazip tilipqilipñinambuk aka köna ketañi ambi yeñön mönö i möt narim wangiget. Yeñön i möt narim wangigeri, injini mi eka töndup könangep mewöyök nanñini qahö möt bölim anguba elenja i qahö möt narim wangiget.” Mewö.

Wain kösö nup galöm bölöñi miengö dopkeu

Mak 12.1-12; Luk 20.9-19

³³ †Jisösnöñ jiyök, “Dopkeu kun kewö mötme: Gölme tonj kunöñ wain kösö nup kun köla kömörök. Köla kömöta selñi memba liliköyök. Mem liliköba kötnöñ wain jout ketañi kötnöñ meyök. Miangöreñ waingö ölnj ala könanöñ tözöhölget onan lalanöñ geyök. Wain jout ketañi mi kötnöñ memba wain yongorö membepuköra galöm meme jake köröpñi köweñambuk meyök. Yuai pakpak mem teköba wain nup galöm tosatñi miwikñaim engiba kewö jiyök, ‘Mönö nup memba ölnangö bahöñi nanñini memba bahöñi tonj ni niñgime.’ Mewö jiba nup mi böronjine ala engömosöta kantri kunöñ anda malök.

³⁴ “Mala mali ölnj öliyöhangö nalöñi (yambu 5) töriiga miangöreñ welenqeueurupñi kun melaim engiiga galöm yengöreñ anda wain nup ölnangö bahöñi wangimegöra jiget. ³⁵ Jigetmö, galöm yeñön i engömemba jöhöba tosatñi kömbinöñ sepgwörörök enguba tosatñi enguget kömugetka tosatñi kötnöñ gila enguget kömuget. ³⁶ Miangö andöñe welenazi tosatñi toroqeba melaim engiiga gwötpuk aketmö, i mewöñanök öröm ureim mem engiget.

³⁷ “Mewö aketka wain nup tonjan keu jaruba jiyök, ‘Nani nahöni mönö göda qem wangime me denöwö?’ Mewö jiba qöndökñi mi nahöñña melaiiga yengöreñ anök. ³⁸ Anökmö, wain nup galöm yeñön nahöññi eka sutñine kewö eraum möta jiget, ‘Yañön mönö börosamotñangö tonj akña. Ayop, mönö memba qein kömuiga wain kösö nupñan mönö nanine buñanina akña.’

³⁹ “Mewö jiba memba jöhöba gilgetka nup yaigepñe geiga qeget kömuyök. ⁴⁰ Wain nup tonjan mi möta kaba nup galöm mi mönö denöwö ak engima?”

⁴¹ Jisösnöñ mewö qesiiga kewö jiget mörök, “Galöm bölöñi mi mönö köndenja yaijapaleñeñ mem engima aka nup galöm dölöknj miwikñaim engiba wain kösö nupñi yengö böronjine alma. Yeñön ölnj ölimawangö nalöñe bahöñi törörök wangimakñe.” ⁴² †Jisösnöñ mi möta kewö jii mötket, “Buña Kimbigö keu ki nalö kungen oyonget me qahö, ‘Miri meme yeñön köt tandö kun andö qeba öne mosötket taröhi, miangöñ mönö tandö kömbönañi aiga miwikñaiget. Miangöñ tingiriga mirinöñ gororöngöba eta kölma. Kembunöñ tandö mi kuñguiga jeninan ehinga qetbuñabuk aiga welipkömakzin?”

⁴³ “Miangöra kewö jibi mötme, Anutunöñ mönö bemtohoñi enguangita ambazip kambu kun engiiga yeñön miangö ölnj ölop kuñgumakñe. ⁴⁴ Kunñan tandö bohöññi miangöreñ töttöngata eta qemawi, mi mönö silenj kutumutumapmö, ain tandö miangöñ jöla tala kungö qakñe eta kölmawi, mi mönö körek qözömözö-zamgöma.”

⁴⁵ Jisösnöñ mewö jiiga jike nup galöm aka Farisi (Köna keugö kapañkölköl) yeñön dopkeuñi mi möta könañi möt asariba kewö jiget, “Mi mönö neñgöra jiza.”

⁴⁶ Miangöra i memba jöhöbingö mötketmö, ambazip kambu yengöra kengötñini möta osiget. Ambazip kambu yeñön Jisösgöra mötketka kezapqetok azia ahök. Mewö.

Maren lömbuangö söpsöp keu

Luk 14.15-24

22 Jisösnöñ kunbuk könahiba söpsöp keunöñ keu kewö jiyök, ² “Suepkö bemtohoñi mi kiangö dop akza: Kiñ azi kembunöñ nahöññangöra maren lömbuan arengöba mözözömgöyök. ³ Mözözömgöba welenqeueurupñi melaim engiba kewö jiyök, ‘Nöñön ambazip tosatñi maren lömbuanñöñ kamegö mötjal. Injini mönö yengöreñ kolek anda kamegö jiget mötme.’

† 21.32 Luk 3.12; 7.29-30 †† 21.33 Ais 5.1-2

‡ 21.42 Sum 118.22-23

Mewö jii anda jigetmö, ambazip mienjön mi möta kabingö tököba tanqan aket.

⁴“Miangö andöñe welenqequeurup tosatñi kunbuk melaim engiba kewö jiyök, ‘Ambazip kamegöra jiali, mönö yengören anda kewö jime: Mötket, nöñön lömbuanğö neneñamni lök mözözömgöbiga tatza. Nöñgö bulmakau aziñi aka bulmakau tosatñi gumohom engi- inga kelökñinambuk akeri, mi enguba ohom qeraköin- ga yuai pakpak lök jöjöröba ahöza. Injini mönö maren lömbuanğönñ ket.’

⁵“Mewö jii angetka ambazip mienjön keu miangö kezap qahö algetmö, nöñöñgan aka lañ anget. Tosatñan nene nupñine angetka tosatñan kölköl-örörö nupñine anget. ⁶Tosatñan kiñgö welen-qequeurupñi qelanjiba engömembra öröm ureim ak engiba enguget kömuget. ⁷Kömugetka kiñgö irimñi seheliiga yarö kambuñi melaim engiiga anda kinda enguget kö- mukömu azi mi köñden engiba taon mirinñi mi ohogetka jeyök.

⁸“Miangö andöñe kiññön welenqequeurupñi yengöra kewö jiyök, ‘Maren lömbuanğ mözözömgöinga jöjöröba tatzapmö, ambazip kamegöra jiali, yeñön mönö söñöñgainöñ kakagö dop ölöññi qahö akze. ⁹Mi- anğöra injini mönö köna soñanöñ aka miri sombemñi sombemñi miangören anda ambazip mi me mi mi- wikñaim engime, i mönö maren lömbuanğönñ kamegöra jiba kapan köla kungum engime.’

¹⁰“Mewö jiiga welenqequeurupñan mosöta könanñi kö- nanñi miangören anda ambazip mi me mi miwikñaim engigeri, mi körek pakpak öröm tokom engiget. Am- bazip ölöññi aka bölöññi mewöyök mi mewö kagetka maren lömbuanğ mirinöñ kokolak qeiga tebol liliköba tatket. ¹¹Tebol liliköba tatketmö, kiññön i engekñamğöra kaba miangören azi kun maren löm- buanğö maluku tuatñi qahö köli geiga ehök. ¹²Azi mi eka kewö jii mörök, ‘Alani, gi maren lömbuanğö malukunñi qahö löñgöta töndup denöwögöra miri ki- anğö uruñe kazan?’ Mewö jiiga azi miangön keunñi bököiga ölöñ tarök.

¹³†“Mewö tariga kiññön welenqequeurupñi kewö jim kutum engiyök, ‘Mönö azi mi memba köna böronñi jöhöba yaigep gilgetka pandamanöñ gema.’ Mi- anğören malmeanöñ mönö sahöt gigilahöba irimñini yöhözömgögetka qetñi qeri malme. ¹⁴Keu miangö dop Anutunöñ ambazip sehisehiñan kamegöra jiyök- mö, awamdökñi yeñön keu mi möt anğön köla kaba Anutunöñ kambu möwölöhöm engiyöhi, mönö yengö sutñine kanğotme.” Mewö.

Takis alalgö Jisös esapköm wanğiget.

Mak 12.13-17; Luk 20.20-26

¹⁵ Miangö andöñe Farisi (Köna keugö kapankölköl) yeñön anda eraum möta Jisös qesiba keugö bötakñön öroi gwaröhöm wanğibingö arenñi alget. ¹⁶Mewö arenñi ala gwarekurupñi aka premiö Herodkö pati-alaurupñi tosatñi melaim engigetka Jisösgören kaba kewö qesi- ba jiget, “Böhi, göñön azi ölni akzani, nini mi mötzin.

† 22.13 Mat 8.12; 25.30; Luk 13.28

Göñön ambazip tosatñi qahö enggek soriba tosatñi qahö qepureim engimakzanmö, dop mohotñöñ kewöt nengimakzan. Miangöra kungum gihigetka qahö gongiba ketanñi qahö esuhum engimakzanmö, Anu- tugören köna mi keu ölnanğö dop kusum nengi- makzan. Göñön Anutugören keu diññi miangön öñgöñgöñi eretñi mohot pakpak jim qinñi ak nengi- makzan. ¹⁷Miangöra keu kiangöra denöwö möt- mörizan, mi jinöñ mötpin. Nini sisa-kiñgöra takis ala miangön Mosesgö Köna keu siñgibin me qahö?”

¹⁸Mewö qesigetka arenñi muneñi möt kutuba kewö jii mötket, “O urumelenğö silesile azi, injini mönö wuanöñgöra keugö bötakñön al niñgibingö esapköm niñgize? ¹⁹Ölöñ takis alalgö moneñi kun kondel niñgigetka eki.” Mewö jiiga silwö moneñ (Kina 5) kun memba kaget.

²⁰Kagetka kewö qesim engiyök, “Dagören imut aka qet mi ki ohoget ahöza?” ²¹“O mi sisa-kiñgören,” mewö melenğda jiget. Jigetka kewö jii mötket, “Mewö aiga yuai sisa-kiñgö imutñambuk buñanñi akzawi, mi mönö yangöra al wanğime. Yuai kun Anutugö buñaya akza- wi, mi mönö Anutugö buña qeme.” ²²Mewö jii möta yangöra gwötpuk welipköba mosöta yaigep anget. Mewö.

Kömupñöhök wahötwahötkö Jisös esapköm wanğiget.

Mak 12.18-27; Luk 20.27-40

²³†Sadyusi (Jike nupkö kapankölköl) yeñön ‘Kö- mugi, yeñön kude wahötme,’ jiba malget. Nalö mi- anğören yengörenök tosatñan Jisösgören kaba kewö qesim wanğiba jiget, ²⁴†Böhi, Mosesnöñ kewö jim ku- tum nengiyök ahöza, ‘Azi kun ambi meiga nahönbörat qahö ahu kömuiga munñan ölöñ malöñi memba mala gwölöñarök qiwikñaim wanğiiga datñanğö qet bisiba malma.’ ²⁵Mötnöñ, nalö kunöñ darumun 7 malget. Datñini mutukñan ambi memba mala gwölöñarökñi qahö öne mala kömuyök. Kömuiga munñan malöñi mi meyök.

²⁶“Membra mala kömuiga munñi kunñan malöñi mi meyök. Meiga miangö andöñe munñi kunöñ ambi miyök meyök. Mewöña mewö darumun 7 pakpak yeñön ambi mohok miyök memba gwölöñarök qahö mala kömum teköget. ²⁷Kömum tekögetka qöndökñi malöñini mi mewöyök kömuyök. ²⁸Göñön ‘Kömugi, yeñön guliba wahötme,’ jizanmö, nini mi qahö möt narizin. Mötnöñ, azi 7 pakpak mi öröröñ wahötpeak ewö, ambi mohok mi anömñina meget malöhanğöra aka mönö dagö anömñi akawak?”

²⁹Mewö qesigetka Jisösnöñ melenğda kewö jii mötket, “Injini keu jim sohoze. Urumelenğö Buña Kimbiñi aka Anutugö kukösumñi qahö möt kutuzeanğöra mönö janñun ahakze. ³⁰Ölna, kömupñöhök wahöta nalö mi- anğören awanöm qahö akñemö, garata yeñön Suep mire maljeanğö tandök aka malme.

³¹“Mötket! Kömugi, yeñön guliba wahötmegö keunñi Anutunöñ engöra jiyöhi, injini mi lök oyonget me qahö? Keu mi kewö, ³²†Nöñön Anutu Abrahamgö

†† 22.23 Apo 23.8 ‡ 22.24 Dut 25.5 †† 22.32 Eks 3.6

Kembu, Aisakö Kembu aka Jeikobkö Kembu mala kota maljal. 'Anutunöy kömükömunji yengö Kembuñini qahöpmö, malmal köhöiknji maljei, mönö yengö Kembuñina malja.' ³³ Jisösnöy mewö ambazip kambu kusum enggii möta welipköget. Mewö.

Jöjöpañ keu bohonñi yahöt mi denöwö?

Mak 12.28-34; Luk 10.25-28

³⁴ Sadyusi (Jike nupkö kapañkölköl) yengön Jisös qesim wangigetka melenja jim soroköiga keu böc akeri, mi Farisi (Köna keugö kapañkölköl) yengön möta kaba tokoget. ³⁵ †Yengörenök böhi kun Köna keu törörök möt kutuyöhi, yanön kaba Jisös bötak ala kewö qesim wangiyök, ³⁶ "Böhi, Mosesgö Köna keu uruñe wani jöjöpañ keu mi bohonñi ketañi akza?"

³⁷ ††Qesim wangiiiga melenjök, "Bohonñi ketañi mi kewö, 'Gi urugi jömuknji, uñagi jömuknji aka mötmötki jömuknji miañön mönö Kembu Anutugi jöpaköba malman.' ³⁸ Miañön jöjöpañ keu bohonñi aka mutuknji akza. ³⁹ †Jöjöpañ keu miañgö alañi kewö, 'Nangi jöpaköm angumakzani, mewöñanök mönö ambazip pakpak jöpaköm enggiba malman.' ⁴⁰ Jöjöpañ keu yahöt mi mönö Mosesgö Köna keu aka kezapqetok ambazip yengö Buzup Kimbi pakpak miengö bohonñina akza." Mewö.

Kraist mi kiñ Deiwidkö Kembuñi aka gwölönarökñi.

Mak 12.35-37; Luk 20.41-44

⁴¹ Farisi (Köna keugö kapañkölköl) yengön kaba tokogetka Jisösnöy kewö qesim engiyök, ⁴² "Injini Kraistköra denöwö mötze? Yanön mönö dagö nahönña akza?" Mewö jiiga melenja jiget, "Mönö kiñ Deiwidkö gwölönarökña akza."

⁴³ Jigetka jiyök, "Mewö akzapmö, denöwö aka Uña Töröñan Deiwid sölölohöm wangiiiga yanögöra 'Nani Kembuni,' qeta kewö jiyök,

⁴⁴ ††Anutunöy kinda nöngö Kembuni kewö jii mörök, Göñön mönö kaba nöngö böröni ölñe tatnönga nöñön nalö sutñe kerökurupki tim tötala luhut al enggiba göhö köna tambö gwaröñe al enggimam. Nalö mi kam kuñgumawangö dop mönö asak-mararaññöy ki tatman.'

⁴⁵ Deiwidnöy nanñak mewö jiba qetñi 'Nöngö Kembuni' jiza. Kembuni jiba mönö denöwö aka yanögö gwölönarökñi mohot akawak?"

⁴⁶ Mewö jiiga miañgö kitipñi kunöy kun melenjamgö osiba keu böc kinget. Sömañi miañgörenök körek yengön Jisös kunbuk keu kungö qesim wangibingö kölköldömdöm aka mosötket. Mewö.

Urumelengö silesile malmalgö galöm meme keu

Mak 12.38-39; Luk 11.43, 46; 20.45-46

23 Nalö miañgören Jisösnöy ambazip kambulembe aka gwarekurupñi yengöra kewö jii mötket,

² "Köna keugö böhi aka Farisi (Köna keugö kapañkölköl) yengön Mosesgö jakömbuakñöy tata Köna

† 22.35 Luk 10.25-28 †† 22.37 Dut 6.5 † 22.39 Lew 19.18 †† 22.44 Sum 110.1

keugö könañi kukösum qakñe kusum enggimakze. ³ Miañgöra keu pakpak jim kutum enggimakzei, mi mönö tem kölmemo, ahakmemenji mi kude wuatangöme. Yengön keu jitñinan jim asarimakzemö, nanñinak mi qahö wuatangömakze. Miañgöra mönö i ewö kude ahakñe.

⁴ "Yengön keunji keunji jim kutuba miañgö könjöy lömbötñi ambazip awötñine alagun algetka mi tem kölböngö lömböriiga jarañbarañ ahakzemö, nanñinak i kesötñini moröñi kunöy bauköm enggibingö wösömöt-mötñini kun qahö ahöza.

⁵ ††Yengön ahakmemenji pakpak ambazipnöy enggekñegöra aka memakze. Baiböl keu köt (memori wös) irimungga bokisñini mem qariba aukñe kondela Buña mötmötñinañgöra aiweliköm angumakze. Malukuñinañgö suñe aködamungö biretñi ketañi ketañi memba möndömakze. †††6 Yengön közölömbuaññöy dum tatat mutukñe jegep tatpingö mörakze aka köulul mire qaikñe eu tatpingö sihimñi mörakze. ⁷ Maketnöy me könanöy ambazip enggeketa jölöñini jimegö möta 'O ketañamnini,' qetñini mewö qetmegöra sihimñini mörakze.

⁸ "Yengön mewö ahakzemö, mohok-kun yanön engö Böhiñini aiga injini körekñan yanögö urumelenj alaurupñi akze. Miañgöra engö qetñini böhinini qetmegöra kude mötme. ⁹ Mohok-kun yanön Iwinini akza. Yanön Suep mire maljawangöra gölme azi kungöra neñgö iwinini qet mewö kude qetme. ¹⁰ Kraist mohok-kun nöñön engö ketañamnini akzal. Miañgöra engö qetñini ketañamnini qetmegöra kude mötme.

¹¹ †††Mewö qahöpmö, engö sutñine bohonñi akzawangön mönö welen qem enggiba malma. ¹² †Mewö malmappmö, kunñan nanñi uruñi memba öngömwai, Anutunöy mönö i memba et al wangima. Kunñan nanñi uruñi memba etmawi, Anutunöy mönö i memba öngöba al wangima."

Jisösnöy Farisi yengöra wöziköba Ye! jiyök.

Mak 12.40; Luk 11.39-42, 44, 52; 20.47

¹³ "O Köna keugö böhi aka miañgö kapañkölköl ambazip! Injini urumelengö silesile ambazip aketka lömböt qakñine öngözawangöra mönö wöziköba Ye! jizal. Ambazip Suepkö bemtohoñ uruñe angotpepukö nanñunji köla jöhömakze. Nanñinak miañgö uruñe qahö angotze aka tosatan miañgö uruñe angotpingö akzei, injini i jöhöba angön köl enggimakze. ¹⁴ O Köna keugö böhi aka miañgö kapañkölköl ambazip! Injini urumelengö silesile ambazip aketka lömböt qakñine öngözawangöra mönö wöziköba Ye! jizal. Injini malö yengören miri yuai bidanda gagabe köla enguangrakze aka qetbuñani asuhumapköra aka köulul köröpñi köuluköba töptöpñine qemakze. Miañgöra

†† 23.5 Mat 6.1; Jan 15.38; Dut 6.8 ††† Baiböl memori wös irimungañi mi (Dut 6.8) koropeñ me jerñe ewö jöhömalget. Malukuñinañgö suñe aködamungö biretñi mötnöy memba möndömalgeri, mi Anutugi ambazip öl töhöññi akerangö aiwesökñi ahök. ††† 23.11 Mat 20.26-27; Mak 9.35; 10.43-44; Luk 22.26 § 23.12 Luk 14.11; 18.14

Anutunöŋ keunġini jim teköba likepni öngöŋgöŋi melenġi engö qakġine öngöma.

¹⁵ "O Köna keugö böhi aka miangö kapaŋkölköl ambazip! Inġini urumelenġö silesile ambazip aketka lömböt qakġine öngöza-waŋgöra mönö wöziköba Yei! jizal. Inġini kunöŋ Juda ambazip kun akŋapköra kapaŋ köla köwetġi köwetġi kutuba gölmenġi gölmenġi lilikömakze. Mewö aketka kunġan Juda neŋgö ahakmemenöŋ qekötahömawi, i mönö kusum sohom waŋgigetka könöp siagö buŋaya kun akŋa. Nanġini ewö qahöpmö, indimġi yahöt nanġini engongita böliqölima.

¹⁶ "Jeŋinan gömöliiga ambazip böröŋine memba enguaŋ-girakzei, lömböt engö qakġine öngöza-waŋgöra mönö wöziköba Yei! jizal. Inġini keu kewö jimakze, 'Kunġan jöwöwöl jikegö qetġe keunġi jöjöpäŋ keunöŋ jim köhöima ewö, miangön qahö köhöimapmö, kunġan jöwöwöl jikegö yuai goulnöŋ memenġi miangö qetġe jöjöpäŋ keunġi jima ewö, jöjöpäŋ keu miangön mönö jöhöm waŋgima.'

¹⁷ "O jegömöl ambazip mötkutukutuŋini piromġi! Yuai goulnöŋ memenġi aka jöwöwöl jike yahöt mi-
etkörenök wani yuainöŋ öngöŋgöŋi akza? Goulnöŋ nanġak kömbukġi qahö akzapmö, jöwöwöl jikenöŋ algetka miangön mönö mi mem kömbuhiza.

¹⁸ "Keu kun kewö jimakze, 'Kunġan altagö qetġi qeta keunġi jöjöpäŋ keunöŋ jim köhöima ewö, miangön qahö köhöimapmö, kunġan naluk kötin altanöŋ ahözawi, miangö qetġi qeta jöjöpäŋ keunġi jima ewö, jöjöpäŋ keu miangön mönö jöhöm waŋgima.'

¹⁹ "O jegömöl ambazip! Naluk kötin aka alta mi-
etkörenök wani yuainöŋ öngöŋgöŋi akza? Naluknöŋ nanġak eretġi akzapmö, altanöŋ algetka miangön mönö naluk mem kömbuhiza. ²⁰ Miangöra kunġan altagö qetġe keunġi jöjöpäŋ keunöŋ jim köhöimawi, yaŋön alta aka yuai pakpak altanöŋ ahözawi, mönö miangö qetġe keunġi jim köhöima.

²¹ "Kunġan jöwöwöl jikegö qetġe keunġi jöjöpäŋ keunöŋ jim köhöimawi, yaŋön mönö jike miangö aka miangöŋ mal köhöizawangö qetġe keunġi jim köhöima.

²² †Mewöyök kunġan Suepkö qetġe keunġi jöjöpäŋ keunöŋ jim köhöimawi, yaŋön Anutugö jakömbuak dum aka miangöŋ tatzawangö qetġe keunġi jim köhöima.

²³ ††"O Köna keugö böhi aka miangö kapaŋkölköl ambazip! Inġini urumelenġö silesile ambazip aketka lömböt qakġine öngözawangöra mönö wöziköba Yei! jizal. Inġini nene pakpak mendenġa bahöŋi 10 miangöŋ möhot Anutugö buŋaya qemakze. Gipġi, raki aka kiap kösö köt mi mewöyök mendenġa tenöhök möhot mi Anutugö buŋa qemakze. Naluk mi törörök alakzemö, Köna keugö kötġi bohönġi ki mönö ongita mosörakze: Gi ambazip sutġine ahakmeme diŋdiŋi wuatangöba ak kömum aŋguba keu pöndaŋ wuatangöba malman. Keu bohönġi mi mönö kapaŋ köla wuatangöba malme aka keu morömorö mi mewöyök kude ongita mosötme. ²⁴ Jeŋinan gömöliiga ambazip böröŋine memba enguaŋgirakzei, inġini söp obuk nembepüköra

onġini saianöŋ kewörakzemö, sömbup ketanġi kamel mi laŋ gwahörakze. ²⁵ O Köna keugö böhi aka miangö kapaŋkölköl ambazip! Inġini urumelenġö silesile ambazip aketka lömböt qakġine öngözawangöra mönö wöziköba Yei! jizal. Inġini amöt qem aŋgubingöra qambi aka al nenegö silenġi saŋgoŋ yakömakzemö, dogo jimamonġini qahö galöm köla yuai laŋ göröngöba membagun megetka nepaqepalok miangön uruŋini kokolak qei malje.

²⁶ "O jegömöl azi Köna keugöra kapaŋ kölakzani, gi mönö mutuk qambigö uruŋi saŋgoŋöŋga silenġan mewöyök sarakġi akŋa. ²⁷ †"O Köna keugö böhi aka miangö kapaŋkölköl ambazip! Inġini urumelenġö silesile ambazip aketka lömböt qakġine öngöza-waŋgöra mönö wöziköba Yei! jizal. Inġini qaksirigö maripomġi saŋgoŋgetka tuatġi akeak, mönö miangö dop akze. Silenġan eksihimġinambuk tandök akzemö, qaksirigö uruŋe qamöt sihit aka yuai imbilonloŋambuk miangön kokolak qei ahöza.

²⁸ "Miangö dop enöŋ mewöyök ambazip jeŋine ölna diŋdiŋi tandök asuhumakzemö, urumelenġö silesile tandök aka qewöloŋnöŋ mönö uruŋini kokolak qei malje."

Bölonġi memenangö likepġi

Luk 11.47-51

²⁹ "O Köna keugö böhi aka miangö kapaŋkölköl ambazip! Inġini urumelenġö silesile ambazip aketka lömböt qakġine öngöza-waŋgöra mönö wöziköba Yei! jizal. Inġini kezapqetok ambazip yeŋgö qaksirinöŋ simen koum memakze aka ambazip solanġi yeŋgö köt kötenġini meŋölömakze. ³⁰ Mewö aka kewö jimakze, 'Neŋön ambösakonini yeŋgö nalönöŋ malbinak ewö, mönö yembuk qahö toroqeinga kezapqetok ambazip yeŋgö sepġinan mönö neŋgö qaknine qahö öngöbawak.'

³¹ "Mewö jiba miangön nanġinak kezapqetok ambazip engugeri, yeŋgö isiurupġina akzei, mönö keu mi naŋgöba jiba dangunu ewö kinje. ³² Miangöra ambösakonġinan siŋgisöndok könahiba akeri, miangö dop inġini mönö toroqeba körek ak teköme.

³³ ††"O soramen, inġini mönö qatö moröŋi ewö akze. Anutunöŋ keunġini jim teköi könöp sianöŋ gebepüköra mönö denöwö unjuratpeak? Mi mönö osime. ³⁴ Miangöra mötket, nöŋön kezapqetok aka mötkutukutu ambazip aka Köna keugö böhi melaim engibi engöŋ kame. Kagetka yeŋgöŋ möhot tosatġi i enguget kömume aka tosatġi maripom qakġe al engime. Tosatġi köuluk miriŋine örörahöm engiba keunġini jim teköba ihileknöŋ tauköm engiba közöl engigetka taonġi taonġi miangöŋ anakġe.

³⁵ ††"Azi solanġi Abelgö sepġan eriga miangöŋ könahiba enguba kota mala Zekaraia jöwöwöl jike kömbukġi aka jöwöwöl alta mietkö sutġire qeget sepġi eri miangöŋ teköyök. Ambazip solanġi yeŋgö sepġini gölmenöŋ mokomalgeri, sep pakpak miangö ki-

† 23.22 Ais 66.1; Mat 5.34 †† 23.23 Lew 27.30

‡ 23.27 Apo 23.3 †† 23.33 Mat 3.7; 12.34; Luk 3.7 †† 23.35 Jen 4.8; 2 Hist 24.20-21

tipnjan mönö engö qaknjine öngöma. ³⁶ Nöñön keu ölni kun kewö jibi mötme: Sepnjana ngö kitipnji pakpak mi mönö ambazip merak maljei, engö qaknjine öngöi Anutunöñ likepnji melenj engii mötme.”

Jisösnöñ Jerusalem könagesö jöpaköm engiyök.

Luk 13.34-35

³⁷ Jisösnöñ jiyök, “O Jerusalem Jerusalem, injini kezapqetok ambazip enguget kömugetka Anutunöñ ambazip melaim engii engörej kamakzei, mi kötnöñ kumbuköm engimakze. Poi namnjan moröurupnji ginginji bapnje ala köjöjohom engimakzawi, nöñön mönö miangö dop nalöñi nalöñi göhö könagesöurupki kötala tokom engimamgö möta malalmö, injini mi tököba mala kotket. ³⁸ †Mötket, Anutunöñ mönö jike mirinjini andö qeiga sahopenjanök ahöma.

³⁹ ††Mewö ahömapmö, nöñön kewö jibi mötket, injini ni kunbuk qahö nekje. Könangep nalö kun kam kungui miangörej neka kewö jime, ‘Kembugö qetnje kam nengizawi, Anutunöñ mönö i kötuetköm wangjima.’ Mewö.”

Jöwöwöl jikenöñ köndenjmöñdenj asuhuma.

Mak 13.1-2; Luk 21.5-6

24 Jisösnöñ jöwöwöl jike mosöta eriga gwarekurupnjan yangörej kaba jöwöwöl jikegö tohoñ uruje miri tatkeri, mi Jisös kondel wangiget. ² Kondel wangigetka melenja kewö jii mötket, “Miri pakpak mi ölop engekzemö, nöñön keu ölnja kewö jibi mötket: Mi mönö köndenjetka mirigö köt kun mi köt kungö qaknje qahö ahömapmö, qeqelanlanj aka sahopenjanök ahöma.” Mewö.

Kahasililij aka sesewerowero asuhuma.

Mak 13.3-13; Luk 21.7-19

³ Jisösnöñ Oil ip kunduje anda tariga gwarekurupnjan nanñinöhök yangörej kaba kewö qesim wangiget, “Böhi, keu jizani, miangö ölni mönö wanat nalöñöñ asuhum tingitma aka göñön kanöñga gölmegö nalöñan tekömamgö akñawi, miangö aiwesökñan mönö denöwö asuhum? Mia ölop jinöñ mörin!”

⁴ Mewö qesim wangigetka melenja kewö jiyök: “Kunñan isimkakalek aiga janjuñ anbepeköra mönö galömjini memba malme. ⁵ †Ambazip gwötpukñan asuhuba nöngö qetne kewö jime, ‘Nöñön Amötqeqe Tonji Kraist akzal’. Mewö jiba ambazip gwötpuk tilipköm engime. ⁶ Injini yarö miengö buzupñini aka ötönjini asuhugetka möraknje. Mi möta jönömjini undubapüköra mönö galömjini meme. Yuai mewöñi mi mutuhök asuhumapkö jijiña. Mi asuhumapmö, gölmegö nalöñan mönö miangörejök zilañ qahö teköma.

⁷ †Kantri kunñan kantri kun engubingöra wahötme. Ambazip kambu kunñan kambu kun yembuk aröñ angubingöra wahötme. Gölmeneñi gölmeneñi miangörej bödiñi bödiñi (buöröñi buöröñi) asuhume aka kenöñ

ketanji ketanji mi qözöla memba gölme melenji gemakña. ⁸ Yuai pakpak mi ambi körobukñöñ masi könahiba engumakzawangö dop. Gölmegö nalöñan mönö miangö dop könahiba tekömamgö akña.

⁹ ††Mewö akñapmö, nalö miangörej tosatñan injini uruñini melenjerangöra aka gawman yengö böronjine al engigetka sihimbölo ak engiba enguget kömume. Kantri pakpak yengö nöngöra aka kazik ak engimaknje. ¹⁰ Nalö miangörej gwötpukñan mötnaripñini mosöta angöñan memba kazik ak angume. ¹¹ Kezapqetok ambazip takapulakanji gwötpukñan asuhuba ambazip gwötpuk kilik-kaluk ak engigetka janjuñ anaknje.

¹² †Iwilele Tonjan sehiba ambazip galöm köñ engimawangöra aka urumelenj ambazip sehisehijni yengö uruñinan amöriiga urukalemñinan söroauma. ¹³ ††Kunñan kapanj köla köhöiba böñ qeba kinda maliga gölmegö nalöñan tekömawi, yanöñ mönö oyaenjkoyaeñ buña qem anguma. ¹⁴ Anutugö bemtohoñangö Ölöwak Buña ki mönö mutuk gölmegö kantriñi kantriñi pakpak miangörej jim sehigetka könagesö dop nangöñangö keunji mötketkun gölmegö nalöñan miangö andöñe teköma.” Mewö

Jerusalem sitigö köndenjmöñdenj uru-önönñambuk

Mak 13.14-23; Luk 21.20-24

¹⁵ ††Kezapqetok azi Danielnöñ köndenjmöñdenj uru-önön-ñambukö keunji jii ahöza. Keu miangö dop tosatñan kaba köndenjmöñdenj aka yuai angöjörakñambuk mi jöwöwöl jike töröñe alget kiniga ekñei, - keu ki oyonmawanöñ mönö ölop kezap ala möt kutuma- ¹⁶ nalö miangörej Judia prowinsnöñ malmei, enöñ mönö misingöba öröba kunduje anme. ¹⁷ ††Miri kösutnje sombemñöñ malmawanöñ mönö eta gösö yuainji memamgöra miri uruje kude öngöma. ¹⁸ Nupñöñ anda malmawanöñ mönö mewöyök malukunji memamgöra lilingöba mirinöñ kude anma. ¹⁹ †“Ye! Ambi gölömbuk aka morö juzunöñ yanöñ nalö miangörej denöwö ösumñinan anbeak? ²⁰ Miangöra yuai mi kie uru me Sabat kendongö nalöñe kude asuhumapköra köuluköme.

²¹ †††Mi kewögöra: Nalö miangörej kahasililij keta bölöknji asuhuma. Kahasililij dopñi mewöñi mi mönöwök nalö kungen kude asuhuba ahöyök. Anutunöñ yuai pakpak miwikñaiyöhi, nalö miangörejök könahiba nalö kiangörej mala kota nalö sutnje kun kude asuhuyök. Mönöwök qahö asuhuyök aka könanjep nalö kunöñ kunbuk qahö ahuma. Miangöra mönö köuluköba malme. ²² Kembunöñ wahöjalij nalö mi qahö mem töribawak ewö, ambazip körekñan mönö ayuhum teköbeakmö, ambazip nanñangöra möwölöhöm engiyöhi, yengöra aka wehön miengö qötönjini mem törima.

²³ †“Nalö miangörej kewö jime, ‘Mötket! Kraistnöñ ki malja,’ me ‘Eket! Amötqeqe Tonjan endu kinja.’ Kunñan mewö jima ewö, mi mönö kude möt narime. ²⁴ Mi kewögöra: Amötqeqe tonji munenji aka kezapqetok

† 23.38 Jer 22.5 †† 23.39 Sum 118.26

‡ 24.9 Mat 10.22 †† 24.13 Mat 10.22 †† 24.15 Dan 9.27; 11.31; 12.11 ††† 24.17 Luk 17.31 ††† 24.21 Dan 12.1; Ind 7.14

ambazip takapulakanj asuha angöletot aka aiwesök ketanj ketanj megetka letotme. Mewö letotketka Anutunön ambazip nanngöra möwölöhöm engiyöhi, i mewöyök enololon mem engimegö esapköba kapan kölgetka janjun akepek. Enön ölpönanök galömnjini memba malgetka mi osibeak. ²⁵ Mötket! Nönön yuai pakpak mi qahö asuhuiga qeljine lök jibi mötze."

Suep gölmegö azi öljän mönö asuhum tingitma.

Mak 13.24-27; Luk 21.25-28

²⁶ †"Miangöra 'Amötqeqe Tonjan mönö gölme apopamkölkölne malja,' mewö jiget mötme ewö, mi-angören mönö kude anme. Me 'Mötket! Kraistnön mönö miri miangö uruje asuha tatzawi,' mewö jiget möta mi kude möt narime. ²⁷ Mi kewögöra: Suep gölmegö azi öljän kunbuk kamawi, nalö mi mönö wölbilikö dop kewö akja: Mi wehön kotkotneyök zilar biliksik ala likepne wehön gegeje dop köla asariba ani ekzini, yanön mönö miangö dop asuhuma.

²⁸ ††"Sömbup gisaknan kungen ahöiga, manu köraraknön miangören öröba tokomakzei, miangö dop asuhuma." Mewö

Suep gölmegö azi öljän asuhuma.

Mak 13.24-27; Luk 21.25-28

²⁹ ††"Wahöjalij nalö miangö teköiga miangörenök wehön jejan injan köliga köijnön ömur kölma. Sengelaue yanön suepnöhök teköba etme aka suepnön uturuköiga miangö öröyuaini mi tatatjini mosöta enololon aketka sohoma.

³⁰ ††"Nalö miangören Suep gölme azi öljängö aiwesöknan suepnön asuhuiga ekje. Nalö miangören gölmegö könagesö pakpak yanön jingere köla sahöta. Sahöta Suep gölmegö azi öljän yanön suepkö kousu qakje kangori ekje. Kukösumnji ketanjan saköldinjinambuk aukje asuhuiga asakmararanj ekje.

³¹ Kangori eketka tömunji qainji kun ugetka ötöni köhöikni mötketka Suep garataurupni melaim engiiga yanön ambazip Anutunön nanngöra möwölöhöm engiyöhi, i gölme göranj likeplikep euke emuke miangörenök kölolohoba enguanjitme." Mewö

Geröp ipkö dopkeu

Mak 13.28-31; Luk 21.29-33

³² "Injini geröp ip eka tandökni mötmörriba dopkeu ki mötme. Börönan lök onambuk aiga sinjini yongoigetka mi eka möta kewö jimakze, 'Wehön nalönan mönö dopdowiza.' ³³ Enön mewönanök aiwesök miangö dop asuhuiga eka möt asariba könanj kewö jime, 'Jisösnön mönö nanngunön dopdowiza.'

³⁴ "Nönön keu öljän kun kewö jibi mötket: Ambazip ki merak gölmenön maljei, yanön qahö kömugetka yuai pakpak jizali, mi mönö yengö malmal nalöjine asuhuma. ³⁵ Suep gölmenön ayapkömahotmö, nöngö Buja keunan mönö nalö kunön qahö ayapköma." Mewö.

† 24.26 Luk 17.23-24 †† 24.28 Luk 17.37 † 24.29 Ais 13.10; 34.4; Eze 32.7; Joel 2.10, 31; 3.15; Ind 6.12-13 †† 24.30 Dan 7.13; Zek 12.10-14; Ind 1.7

Jisös kamawangö nalöni mi kunjan qahö mötza.

Mak 13.32-37; Luk 17.26-30, 34-36

³⁶ "Suep gölmegö azi öljän kamapmö, dawinön kam kungumawi, miangö wehönji me aua nalöni mi kunjan kun kude mötza. Suep garatanön mi qahö mötze. Anutugö Nahönjan mewöyök mi qahö mötza. Iwinön nanngök mi mötza. ³⁷ ††Mönöwök Noagö nalöne ambazipnön malmalnini qemasolokep qakje mala ayuhugeri, miangö dop mönö Suep gölmegö azi öljän kunbuk kamawangö nalöne asuhuma.

³⁸ "O göulu ketanjan qahö kaiga qeljine miangören ambazip nene lömbuanj ala o köhöikni memba ambi kenam bohönngö alget anda kaiga angömeget. Ahakmeme mewö aka memba qemasolokep malgetka Noanön wanje uruje öngöyöhi, silim miangören teköyök. ³⁹ ††Teköiga wanat yuai asuhumawi, mi qahö mötketka o göulu ketanjan kaba jinonji qahö ayuhum engiyök. Könanjep Suep gölmegö azi öljän kunbuk kamawi, nalö miangören ambazipnön mewönanök qemasolokep aka mala ayuhume.

⁴⁰ Nalö miangören azi yahöt nupnön malohotka yetkörenök kun wangita kun mosötme. ⁴¹ Mewönanök ambi yahöt tawej urasiba (bunahöba) tatmahori, yetkörenök kun wangita kun mosötme.

⁴² "Kembunön kamawangö nalöni me auanj qahö mötzeangöra mönö uruguliguli aka malme. ⁴³ ††Gwölö malbingö keu ki mönö möt kutume: Sungem aiga kegwek-kahasiliinj azinön wani nalönnön me auanön kamawi, miri tonjan mi mötpawak ewö, yanön mönö gwölö mala mirinj ölpönanök galöm meiga qesin da öngömamgö osima. ⁴⁴ Injini 'Suep gölmegö azi öljän nalö kiangören qahö kangotma,' jiba mötmörigetka yanön mönö nalö miangörenök kangotma." Mewö.

Nup azinön silekmalek mala ayuhuyök.

Luk 12.41-48

⁴⁵ "Mewö aiga nup meme ambazip sutjine danön tin kutuba tosatni engongitza? Tosatnan söörauba nup mosötketka kunjan mötkutukutu ölpönanj qakje kapan köla pöndanj memakzawi, yanön mönö simbawon akza. Miri tonjan ahakmemeji kewöta eka kungen anda mirinangö öröyuaini mi böröne ali galöm akja. Galöm aka welenqequeurupni jiyöhanj dop köyan köla nalö dinjine gumohom engimakja. ⁴⁶ Mewö köyan kölnö engiba maliga tonjan lilingöba kaba mewö eka mönö simbawon jima.

⁴⁷ "Nönön keu öljän kun kewö jibi mötket: Tonjan simbawon jiba sukinapni pakpakö galömnj kungum wangima. ⁴⁸ Kungum wangimamö, nup meme okonji yanön urunan mötmöriba kewö jima ewö, 'Kembunangö kaka nalönan mönö köröni ahöza.' ⁴⁹ Mewö jiba könahiba nup meme ambazipurupni engum ureiba közölömbuanj ala söngaija o köhöikni memba urunji sohoiga enololonj silekmalek aka malma.

†† 24.37 Jen 6.5-8 ††† 24.39 Jen 7.6-24 ††† 24.43 Luk 12.39-40

⁵⁰ "Mewö mala nalö kunöŋ kumbuŋi kaŋgotmapkora qahö mamböt mawi, mönö miangöŋ kaŋgotma. Nalögöra ikmaok iŋululuŋ mali mönö aua miangöŋ kaŋgota ⁵¹ qeba yayiapaleleŋ mem waŋgiba jim kutu-iga urumelenö silesile ambazip ewö könöp sianöŋ geba sihibölö mötma. Mewö möta sahöt gigilahöba irimŋini yöhözömgögetka qetŋi qeri malme." Mewö.

Ambi seram tengö söpsöp keu

25 †Jisösnöŋ jiyök, "Kunbuk kamami, nalö miangöŋ Suepkö bemtohoŋan kewö akŋa: Maren lömbuaŋ nalöŋe ambi seram jömukŋi tenŋan 'Azi buŋabuk aitoŋgöbin,' jiba kiwaŋini memba könanöŋ anget. ² Yengöŋeŋök 5 mi mötkutukutuŋinambuk aketmö, tosatŋi 5 yengö mötkutukutuŋini mi piromŋi. ³ Mötkutukutuŋini piromŋi yeŋön kiwaŋini megetmö, könöp (kuwiŋ) kelökŋi †† qahö memba anget. ⁴ Mötkutukutuŋinambuk yeŋön kiwaŋini aka kuwiŋ kelök kirinŋini mewöyök memba anget. ⁵ Angetka azi buŋanöŋ zilaŋ qahö kaiga mamböt ketka nalö köriyöhaŋgöra körek yengö jeŋini böŋböŋ meiga nöŋöŋjini eri sipköba gaun ahöget. ⁶ "Gaun ahögetmö, suŋgem bibiŋe kunöŋ tömun qeri qet kewö mötket, 'Mötket, azi buŋa kazawo! Mönö yaŋgöŋeŋ anda aitoŋgöme.' ⁷ Qet mi möta ambi seram ten mi körekŋan wahöta kiwaŋini memba möhamgöba ohotiriget. ⁸ Ohotirigetka mötkutu-kutuŋini piromŋi yeŋön mötmöt ambi yeŋgöŋeŋ kaba kewö jiget, 'Nengö kiwaninan böközawaŋgöra eŋön mönö kuwiŋ kelökŋi tosatŋi nengime.'

⁹ "Mewö jigetka mötkutukutuŋinambuk yeŋön melenŋa kewö jiget, 'Qahö. Mi iŋini aka nini dopnine qahö. Miangöŋ mönö stuanöŋ anda nanŋini kuwiŋ kelökŋini söŋgöŋeŋ meme.'

¹⁰ "Mewö jigetmö, kuwiŋ kelökŋi bohonŋi memb-ingöra anda könanöŋ malgetka azi buŋanöŋ mönö miangöŋeŋök kaŋgorök. Ambi seram jöjöröba kingeri, yeŋön anda yambuk aitoŋgöba maren lömbuaŋ miri uruŋe öŋgögetka naŋguŋi kölget. ¹¹ †Ambi seram stuanöŋ angeri, yeŋön mewöyök könaŋgep kaŋgota naŋgu qeba kewö qetket, 'Kembu Kembu, mönö naŋgu metal nenginöŋ!'

¹² "Mewö qetketmö, kewö melenŋa jiyök, 'Qahö. Ni iŋini qahö möt engizal. Keu ölna mi jizal.'" ¹³ Jisösnöŋ söpsöp keu mewö jiba gwarekurupŋi yeŋgöra keu kewö jii mötket, "Iŋini ni kamamaŋgö nalöŋi me auaŋi kude mötzeaŋgöra mönö uruguliguli aka malme." Mewö.

Moneŋ esu galöm kölgeraŋgö söpsöpkeu.

Luk 19.11-27

¹⁴ †† "Mönö dopkeu kianaŋgö dop asuhuma: Azi kun miriŋi mosöta köŋöwen kantri kunŋan anmamgö möta

† 25.1 Luk 12.35 †† Könöp (kuwiŋ, qiwiŋ) kelökŋi mi Oil ipkö kötŋi mözözamgögetka kelökŋi mi asuhuyök. Miri söŋauiga ip suŋe opo köpeiba kelök miangöŋeŋ kundumgöba kiwa ohotiriba könanöŋ angetka 15 minitkö dop jeyök. † 25.11 Luk 13.25 †† 25.14 Luk 19.11-27

welenqeŋeurupŋi engoholi kagetka moneŋ sukinapŋi galöm kölmeŋgöra jim kutum engiba böŋöŋine alök.

¹⁵ Nup memeniŋi kewöta ölni dawik asuhumawaŋgö dop möta nup meme azi kungöra moneŋ esu 5 (Kina 5000,-) waŋgiba kun moneŋ esu yahöt (Kina 2000,-) waŋgiba kun mohok-kun (Kina 1000,-) waŋgiyök. Mewö galöm kölmeŋgöra mendeŋ engiba engömosöta anök.

¹⁶ "Azi Kina 5000,- meyoŋhaŋön miangöŋeŋök anda kölköl-örörö nup meiga moneŋ sehiiga esu 5 kunbuk meyök. ¹⁷ Mewöŋanök Kina 2000,- meyoŋhaŋön anda kölköl örörö nup meiga moneŋ sehiiga esu yahöt kunbuk meyök.

¹⁸ "Mewö meyoŋhotmö, azi moneŋ esu mohok-kun (Kina 1000,-) meyoŋhaŋön mönö mosöta anda gölme esi-ba azi kumbuŋaŋgö moneŋi löm köla asambörök.

¹⁹ Nalö köŋöŋi teköiga welenqeŋe yeŋgö azi kumbuŋi-nan liliŋgöba kaba 'Nup megeraŋgö kösohotŋini möta kewötmam,' jiba köl öröm engiiga kaget.

²⁰ "Mewö kagetka azi Kina 5000,- meyoŋhaŋön jeŋe kaŋgota esu 5 kunbuk toroqeba memba kaba kewö jiyök, 'Ketaŋamni mötnöŋ, göŋön moneŋ esu 5 niŋginöŋi, nöŋön miangö kölköl öröröŋi membi sehiiga esu 5 kunbuk asuhuiga memba kazal.'

²¹ "Mewö jiiga azi kumbuŋan kewö melenŋ waŋgiyök, 'Mi ölop. Gi nup meme azi ölopŋi memburik-qemburiki qahö. Gi yuai awamŋi memba mi kapaŋkapaŋ aka galöm köla malnöŋga sehiyök. Miangöŋa nöŋön yuai gwötpuk göhö böŋöge albi miangö galömŋa malman. Ölop kaba azi kembugi nöŋgö miri uruŋe kaŋgota mohotŋe söŋöŋgai aka malbin.' ²² Azi Kina 2000,- meyoŋhaŋön mewöŋanök kaŋgota kewö jiyök, 'Ketaŋamni mötnöŋ, göŋön moneŋ esu yahöt niŋginöŋi, nöŋön miangö kölköl-öröröŋi membi sehiiga esu yahöt kunbuk asuhuiga memba kazal.'

²³ "Mewö jiiga azi kumbuŋan kewö melenŋ waŋgiyök, 'Mi ölop. Gi nup meme azi ölopŋi memburik-qemburiki qahö. Gi yuai awamdökŋi memba mi kapaŋkapaŋ aka galöm köla malnöŋga sehiyök. Miangöŋa nöŋön yuai gwötpuk göhö böŋöge albi miangö galömŋa malman. Ölop kaba azi kembugi nöŋgö miri uruŋe kaŋgota mohotŋe söŋöŋgai aka malbin.'

²⁴ "Miangö andöŋe azi moneŋ esu mohok-kun (Kina 1000,-) meyoŋhaŋön kaŋgota kewö jiyök, 'Ketaŋamni mötnöŋ, nöŋön könaŋamgi kewö möt yaköyal: Azi kembunan mönö azi köhöikŋi könöpŋambuk akza. Nangak nene kötŋi qahö qesiŋ gilnöŋga miangöŋeŋ mönö töndup ölni sounöŋ yandiba memamgö mörakzan. Padi kötŋi qahö esinöŋ geiga miangöŋeŋ mönö töndup ölni qezakömamgö mörakzan.

²⁵ "Mewö möt yaköba keŋgötŋi möta anda göhö moneŋ esugi mi gölmenöŋ asambötpiga ahöyök. Eknöŋ, moneŋ esu niŋginöŋi, miyöhök mönö töŋörök ki.' ²⁶ Mewö jiba mi waŋgiyökmö, azi kumbuŋan melenŋda kewö jim waŋgiyök, 'Gi injarere aka welenqeŋe bölöŋi akzan! Gi könaŋamni möt yakönöŋ: Nanak nene kötŋi qahö qesiŋ gilbiga miangöŋeŋ mönö töndup ölni sounöŋ yandiba memamgö mörakzal.

Nanak padi kötnji qahö esibi geiga miangörenj töndup ölnji qezakömamgö mörakzal. Nöngö tandökni mewö möt yaköbagun mönö wuanöngöra ak sohoba malnönj?

²⁷ "Gi nöngö moneñni benknönj alnönnga dop köl-bawak. Benknönj alnönnga qariiga lilingöba kayali, nalö kiangörenj mi ölop suñambuk membilenjak." ²⁸ Toroqeba tosatñj yengöra jiyök, 'Inini mönö qölzöm injarere azi miangö moneñ esunji mi wañgita kun esu 10 mi-wikñaiyöhi, mönö i wañgime.'

²⁹ "Dopkeu kiangö könañj kewö: Denike yengörenj yuai ahözawi, körek yengöra mönö toroqeba engiget sehiiga kelenmalelenj ahöm enggima. Mewö sehimapmöm, kungörenj yuai kun qahö ahözawi, yengörenj yuai mi mönö mewöyök wañgitketka öne töhöntöhön malma. ³⁰ ††Ayop, welenqede azi omanji nupñangö ölnji qahö i mönö yaigepñe gilgetka söñaupnönj gema. Miangörenj geba sahöt gigilahöba göboñjini yöhözömgögetka qetñj qeri malme." Mewö.

Jimtekötekögö nalö ketañe kewö asuhuma:

³¹ ††Suep gölmegö azi ölnjan kinda Suep garata pakpak enguañgita mohotñe kamei, nalö miangörenj Suepkö asakmararañan asuhuiga yañön Kiñ Kembugö jakömbuak dumnönj tatma. ³² Tata jiiga gölmegö ambazip kambu pakpak qezaköm engigetka yañgö jeñe asuhume. Asuhugetka lama galömñan lamaurupñi meme (noniñ) yengörenjök menderj engizawi, miangö dop i mendeqenderj ak enggima. ³³ Mi ak enggiba jiiga lama mi börönji ölnje aka meme (noniñ) mi qaniñe al enggime.

³⁴ "Mewö al engigetka Kiñ Kembunönj börönji ölnje kinmei, yengöra kewö jima, 'Nöngö Iwinan kötuatköm engii malgeri, inini mönö kaget. Iwi Anutuninan gölme pakpak miwikñaim engiyöhi, nalö miangörenjök lök engöra bemtohoñ mözözömgöba mei jöjöröba ahöba kotzawi, inini mönö kaba mi bunja qem anguba malme.

³⁵ 'Mi kewögöra jizal: Nöñön yakanangö kömumba malbiga inini nene niñgiba malget. Nöñön ogöra qemjenj qeba malbiga inini o niñgiba malget. Nöñön kian aka malbiga inini köl öröm niñgigetka miriñine öngöba malal. ³⁶ Nöñön sile esunangöra osiba malbiga inini opo kereñ niñgiba malget. Nöñön kawöl nöhöi ahöbi-ga inini galöm köl niñgiba malget. Nöñön kösö mire malbiga inini ni nekingöra miangörenj kaba malget.'

³⁷ "Mewö jiiga ambazip solannji yengön kewö melenj wañgiba jime, 'Kembu, gi mönö wani nalönönj yakagahö kömunönj geke gumohom gihiba malin? Mönö wani nalönönj ogöra qemjenj qeba malnönnga geke o gihiba malin? ³⁸ Mönö wani nalönönj kiana kanönnga geke köl öröm gihinga miriñine öngönönnga malin? Mönö wani nalönönj sile esugahöra osiba malnönnga geke opo kereñ gihiba malin?

³⁹ 'Mönö wani nalönönj kawöl göhöi ahönönnga geke me kösö mire malnönnga möta gi gekingöra göhörenj

kaba malin?' ⁴⁰ Mewö jigetka Kiñ Kembunönj melenjda kewö jii mötme, 'Nöñön keu ölnji kun kewö jibi mötme: Inini nani urumelenj alaurupni etqeqeñj kiangörenjök kungöra yuai kun akeri, mi pakpak mönö ni ak niñgiba malget.'

⁴¹ "Mewö jiba miangö andöñe börönji qaniñe kinmei, yengörenj melenjda kewö jima, 'Iwinan qesuahöm engii malgeri, inini mönö nömosöta kesalget. Könöp sia tetekönji qahö jem öngömawi, mönö miangörenj anda geme. Anutunönj mi Bölönangö Tonji aka yañgö garataurupñi yengöra mözözömgöba meköiga jöjöröba ahöza. ⁴² Mi kewögöra jizal: Nöñön yakanangö kömumba malbiga inini nene qahö niñgiba malget. Nöñön ogöra qemjenj qeba malbiga inini o qahö niñgiba malget.

⁴³ 'Nöñön kian aka kabiga inini qahö köl öröm niñgigetka miriñine qahö öngöba malal. Nöñön sile esunangöra osiba malbiga inini opo kereñ qahö niñgiba malget. Nöñön kawöl nöhöi ahöyal aka kösö mire malalmö, inini ni nekingöra miangörenj qahö kaba malget.'

⁴⁴ "Mewö jiiga yengön mewöyök melenj wañgiba kewö jime, 'Kembu, gi mönö wani nalönönj yakagahö kömunönj me ogöra qemjenj qeba malnönj me kiana malnönj me sile esugahöra osiba malnönj me kawöl göhöi ahönönj me kösö mire malnönnga nini gi qahö welen qem gihiba malin?'

⁴⁵ "Mewö jigetka melenjda kewö jii mötme, 'Nöñön keu ölnji kewö jibi mötme: Inini urumelenj alaurup etqeqeñj kiangörenjök kungöra yuai kun qahö akeri, mi pakpak mönö ni qahö ak niñgiba malget akza.'

⁴⁶ ††"Mewö jii mötketka likepñj melenj engii qakñine öngöiga aköm engii anda sihimbölö nalö tetekönji qahö möta mal öngöme. Mewö mal öngömömö, solannji yengön oyaenjkoyaenj malmal mi nalö tetekönji qahö mal öngöba malme." Mewö.

Jisös qein kömumapkö angöñan alget.

Mak 14.1-2; Luk 22.1-2; Jon 11.45-53

26 Jisösnönj keu pakpak mi jim teköba gwarekurupñi kewö jii mötket, ² ††Silim yahöt teköigun Pasowa kendonñi kam kunguma. ††† Inini mi ölop mötze. Kam kuñguiga Suep gölmegö azi ölnji mi kian gawman yengö börönjine algetka maripomnönj qegetka kömuma."

³ Nalö miangörenj jike nup galöm aka kantrigö jitñe-meme yengön tokoba jike nup galöm bohonñi qetñj Kaiafas yañgö jakömbuak miriñe tatket. ⁴ Miangörenj tata denöwö möndönninga Jisös ölnj memba qeget kömumbawak, miangö könañj jaruba kewötket. ⁵ Jaruba kewöta kewö jiget, "Ambazip irimñini seholiiga karimñi karimñi asuhubepuköra mi sösoñgai kendon nalöñe akingö osibin." Mewö.

† 25.29 Mat 13.12; Mak 4.25; Luk 8.18 †† 25.30 Mat 8.12; 22.13; Luk 13.28 ††† 25.31 Mat 16.27; 19.28

†† 25.46 Dan 12.2 ††† 26.2 Eks 12.1-27 †††† Pasowa mi nane keunönj Ak-kömukömu kendon. Keu miangö könañj: neñgehoriha neñgönjirök. Eksodus 12.15

Ambi kunön Jisös o umköhöwaktambuknön miriyök.

Mak 14.3-9; Jon 12.1-8

⁶Jisösnön Betani mirinön mala Saimon kun uzikukunji mem solaniyöhi, yangö mire öngöba tarök. ⁷†Miangören nene nembra tariga ambi kunön köt-kirin kun memba yangören kayök. Kirin mi nöluk tuat-tuat qetnji alabastö miangön memenja. Mia o umköhöwaktambuk miangön kokolak qeqenja. Yangön mi bohonji ketanjan memba kaba onji Jisösgö nöropne mimbiliba miriyök.

⁸Miriiga gwarekurupnan mi eka urubölö aka kewö jiget, "Mi mönö wuanöngöra mewö ayuhuzawi? ⁹O kelökambuk mi bohonji memegöra ali monerj öngöngönan asuhuiga mi ambazip wanapnji engjiiga dop kölbawak."

¹⁰Jisösnön urumötmötjni mi ek kutuba kewö jii mötket, "Ambi kianjö urunji mi wuanöngöra mem bö-ize? Yangön silik ölöpnji ak soroköm niingjiiga dop kölja. ¹¹††Ambazip wanapnji mi nalönji nalönji sutnjine malmemö, nöjön engö sutnjine nalö dop qahö malmam.

¹²"Nöjön kömumbi löm köl niingimeangöra aka kelök miangön sileni nömiriza. ¹³Nöjön keu ölnji kun kewö jibi mötket: Ölöwak Buña ki kantri igen waigen jim sehigetka anmawi, miangören ambi kianjön yuai ak niingizawi, miangö buñanji mohok jiget sehiiga yangöra mötmöriba malme." Mewö.

Judasnön Jisös mamalolo mem wangimamgö urumohot ahök.

Mak 14.10-11; Luk 22.3-6

¹⁴Nalö miangören gwarekurupnji 12 yengörenök kun qetnji Judas Iskariot yangön jike nup galöm yengören anda ¹⁵‡kewö qesim engiyök, "Nöjön Jisös mamalolo mem wangiba börönjine albiga enön töwa wania niingibeak?" Qesim engjiiga silwö monerj kötnji 30 oyoñda börönje alget. ¹⁶Aua miangörenök könahiba Jisös nalö kungen mamalolo mem wangimamgö köna möt jaruba köinbingöba malök. Mewö.

Jisösnön gwarek yembuk Pasowa lama neget.

Mak 14.12-21; Luk 22.7-13, 21-23; Jon 13.21-30

¹⁷Beret yistnji qahö miangö kendon silim mutukne (Seqononön) gwarek yetkön Jisösgören kaba kewö qesim wangiyohot, "Böhi! Nini miri denikeangören anda pasowa lama mözözömgöm gihiziga neman? Sihimngi denöwö ahöza?"

¹⁸Qesim wangiyohotka kewö melenök, "Injiri Jerusalem sitinön öngöba azi kun mötzali, i miwikñai-ba kewö jiyohotka mötma, 'Böhinön jiza: Nöngö nalönan mönö †† dopdowiza. Nöjön göhö mire kaba gwarekurupni yembuk Pasowa lama membin.'" ¹⁹Gwarek yetkön Jisösnön jim kutum etkiyöhi, miangö dop aka Pasowa lama mözözömgöyohot.

† 26.7 Luk 7.37-38 †† 26.11 Dut 15.11 ‡ 26.15 Zek 11.12
†† Anutunön Jisös kömumawangö nalönji alöhi, miangöra jiza.

²⁰Mare aiga miri söngauiga Jisösnön gwarekurupnji 12 yembuk miri miangören kangota öngöba dum kösutnje tata nene mendenja neget. ²¹Nene negerangören Jisösnön kewö jii mötket, "Nöjön keu ölnji kun kewö jibi mötket: Engörenök kunjan mönö mamalolo mem niingima." ²²Mewö jii möta miangörenök urunjan wösöbirik ketanji aiga könahiba nanjök nanjök qesim wangiba jiget, "Kembu, mönö nöngöra jibanbuk?"

²³‡‡Qesim wangigetka kewö melenök, "Nömbuk beret kulunön kundumgözawi, mönö yangön. ²⁴Suep gölmegö azi ölnjan mönö yangöra keu ohoget ahöza-wangö dop ölnja gölme mosöta anmapmö, kunjan i mamalolo mem wangimawi, yangöra mönö Yei! jiba sahötzal. Miangö likepni kanjamambuknön mönö yangö qakne öngöma. Azi mi nam körö uruneyök qahö asuhubawak, miangön mönö amqem wangibawak." Mewö.

²⁵Mewö jiiga Judas mamalolo mem wangimawanön kewö melenja jiyök, "Böhi, mi mönö nöngöra jibanbuk?" Jisösnön kewö jii mörök, "Jizani, mönö mewö!" Mewö.

Kembubuk semön qöndökni neget.

Mak 14.22-26; Luk 22.14-20; 1 Kor 11.23-25

²⁶Nene nembra tata Jisösnön beret memba kötuatköba mindipköba engiba kewö jiyök, "Ki nani busuni. Ki memba neget."

²⁷Mewö jiba wain qambi memba saiwap jiba engiba kewö jiyök, "Injini körek qambi kianjörenök neget.

²⁸‡‡Ki nani sepnji. Mi Anutunön ambazip yembuk jöhöjöhö areñ aiga köhöimapköra sepnji mokoget geiga ambazip gwötpuk yengö siingisöndökjni mosötma. ²⁹Nöjön keu kun kewö jibi mötket: Nöjön wain kösögö ölnji ki kianjören kunbuk toroqeba qahö nemam. Könanjep Iwinangö bemtohoñ urunje eu taringa közölömbuan almawi, wehön miangören mönö wain o qainnji kun mia nemam."

³⁰Mewö jiiga sösongai liñet köla mosöta anda Oil ip kundunje öngöget.

Pitönön Jisös qañ kölmapkö jii mörök.

Mak 14.27-31; Luk 22.31-34; Jon 13.36-38

³¹‡‡‡Öngöba Jisösnön kewö jii mötket, "Kezapqetok azi kunön keu kun kewö ohoi ahöza, 'Nöjön galömnjni qebiga lama kambuñan denme.'

Miangö dop enön körek sungem kianjören urunji nöngöra aka böliiga nömosöta buratime. ³²§Buratigetka nunjgumemö, nöjön mönö kömupnöhök wahöta mutuk Galili prowinsnön anda miangören asuhum engimam."

³³Mewö jiiga Pitönön melenja kewö jii mörök, "Yangön körek urunji göhöra aka böliiga gömosöta buratime ewö, nöjön mönö töndup nalö kunön qahö gömosötmam." ³⁴‡‡‡Jiiga Jisösnön jii mörök, "Nöjön keu ölnji kun kewö jibi mötnön: Kuruknön qahö qeriga

‡‡ 26.23 Sum 41.9 ‡‡‡ 26.28 Eks 24.8; Jer 31.31-34 ‡‡‡
26.31 Zek 13.7 § 26.32 Mat 28.16

göñon merak sunjem qañ köl niñginöñga indimñi karöbut akña."

³⁵ Mewö jiyökmö, Pitönöñ kewö jii mörök, "Böhi! Mewö qahöpmö, ni nuñgugetka göbuk mohotñe kö-mumbirak, mi töndup nöñon gi qahö qañ köl gihi-mam." Gwarek tosatñi pakpak mewöyök keu miyöhök jiget. Mewö.

Jisösnöñ Gezemane arönöñ köuluköyök.

Mak 14.32-42; Luk 22.39-46

³⁶ Mewö eraum möta anda yembuk arö kun qetñi Gezemane miangöreñ angotket. Angota Jisösnöñ gwarekurupñi kewö jii mötket, "Nöñon endu anda köuluköbiga inñini ölop nalö sutñe ki nanñinök tatme."³⁷ Mewö jiba Pitö aka Zebedigö nahönyahötñi yahöt etkuangita angetka Jisösnöñ könahiba wösöbirik möri-ga köñjilinan köna böröñi qeköyök. ³⁸ Nalö miangöreñ kewö jii mötket, "Nöñgö urunan mönö kondum köla kotzawangöra aka wösöbirik mötpiga kömukömuñi ak niñgiza. Inñini ölop kiangöreñ tata nömbuk guli malbin."

³⁹ Mewö jiba nanñök borom kun toroqeba anda simin köla sipköba kewö köuluköba jiyök, "Iwini, gi yuai kun qahö mölömbizan. Miangöra sihimgi ahöza ewö, sihibölögö qambiñi kianñon mönö nöñgö qakne öñgöbapuköra noangitman. Noangitman me qahö, mi mönö nangi jit keugahö dop asuhuma. Mi nöñgö sihimgö dop qahö."

⁴⁰ Mewö jiba lilingöiga gwarekurupñi karöbut yeñon gaun ahöget engeka Pitögö kewö jii mörök, "Inñini aua mohot-töp nömbuk guli malbingö kude köhöize me?"⁴¹ Uruninan guli malbingö sihimñi mörakzinmö, sileninan lölöwöröñi akza. Miangöra esapesapnöñ et enjubapuköra mönö köuluköba guliguli malme."

⁴² Mewö jii möri-ga kunbuk enjömosöta anda indimñi yahöt aiga kewö köuluköba jiyök, "Iwini, sihibölögö qambi kianñon qahö noñgitma ewö, mi ölop nemam-mö, mi mönö nangi jitkahö dop asuhuma."

⁴³ Köuluköba lilingöiga jeñini böñböñ meyöhangöra kunbuk gaunök ahöget engehök. ⁴⁴ Kunbuk enjömosöta likep anda keu miyöhök kunbuk jiba köuluköiga indimñi karöbut ahök. ⁴⁵ Gwarek yeñgöreñ lilingöba kaba kewö jii mötket, "Inñini toroqeba luhut memba gaunök ahöbingö mötze me? Mötket! Kunöñ Suep gölmegö azi ölni mamalolo mem wanñiiga bölöñi meme yeñgö böröñine öñgöma. Miangö aua nalöñan lök kam kuñguza. ⁴⁶ Mönö wahötketka anin! Mamalolo mem niñgimawi, yeñon mönö dowe ki kaza." Mewö.

Jisös qeraköba memba jöhöget.

Mak 14.43-50; Luk 22.47-53; Jon 18.3-12

⁴⁷ Jisösnöñ mewö jiba kiniga miangöreñ gwarekurupñi 12 yeñgöreñök kun qetñi Judas yeñon kambu ketañi kun jitñe mem enñiiga kanñotket. Jike nup galöm aka kantrigö jitñememe yeñon i melaim enñigetka bimgö sou ketañi aka lingipñini memba kaget. ⁴⁸ Mamalolo memamgö ahöhi, yeñon mutuk yembuk aiwesök keu kewö jöhöba jii mötket, "Nöñon

azi numbuñi yöhötüm nemami, yeñon mönö mia akza. Mönö i memba jöhöme."

⁴⁹ Mewö jiba kaba miangöreñök Jisösgöreñ angota "Böhi, böñjöñ!" jiba numbuñi yöhötüm neyök. ⁵⁰ Yöhötüm neiga Jisösnöñ kewö jii mörök, "Alani, gi wuanöñgöra kazani, mi mönö zilañ akñan." Mewö jiiga azi kambu yeñon Jisösgöreñ kanñota qelanñiba memba jöhöget. ⁵¹ Jöhögetka Jisösbuk malgeri, yeñgöreñök kunñan böröñan bimgö sou ketañi öröba jike nup galöm bohonñangö welenqeqeñi qeba kezapñi köteköi erök.

⁵² Jisösnöñ mi eka kewö jii mörök, "Mönö mosötnöñ! Bimgö sou ketañi körök memei, i mönö körek bimgö sou ketañan enñui kömume. Miangöra mönö sougi kupinñe qeñon geyök! ⁵³ Nöñon Iwini köuluköbiga ölop bauköm niñgimawi, mi mötzan me qahö? Köuluköm wanñibilenahi, yeñon mönö miangöreñök gara-ta yarö kambu † 12 onñita melaim enñii kaba bauköm niñgibeak. ⁵⁴ Bauköm niñgibeak ewö, Buña Kimbigö keuñan mönö denöwö öññambuk akawak? Buña Kimbi keugö dop yuai kianñon mönö asuhumapkö dop jijnja akza."

⁵⁵ † Nalö miangöreñök Jisösnöñ yarö kambu yeñgöra kewö jii mötket, "Ni kegwek-kahasililij azia qahöpmö, töndup nöñgöra mewö möta bimgö sou ketañi aka lingip memba nömemba jöhöbingöra kanñotze. Nöñon wehön dop jöwöwöl jikenöñ embuk tata kinda Buña keu kusum enñiba malbiga qahö nömiget. ⁵⁶ Mewömö, yuai pakpak ki mönö kezapqetok ambazipnöñ keu ohogeri, mienñon öññambuk akñapköra asuhuzä." Jisös jöhögetka gwarek yeñon körek Jisös mosöta buratiba unñurata anget. Mewö.

Jikegö jitñememe yeñon Jisösgö keu nup meget.

Mak 14.53-65; Luk 22.54-55, 63-71; Jon 18.13-14, 19-24

⁵⁷ Yarö azi Jisös memba jöhögere, yeñon i wanñita jike nup galöm bohonñi qetñi Kaiafas yanñgö mire anget. Angetka Köna keugö böhi aka kantrigö jitñememe yeñon miangöreñ kaba tokoget. ⁵⁸ Angetka Pitönöñ sikepsikep enñuatangöba miangöreñ angota jakömbuak mirigö kiripo uruñe öñgöyök. Öñgöba teteköñe denöwö asuhumawi, mi ekñamgöra welenqeqe azi yeñgö sutñine tarök.

⁵⁹ Mewö tarökmö, jike nup galöm aka jike kaunsöl kambu yeñon Jisösgö silenöñ alal keu denöwö möndöba nanñöinga qeget kömumapkö jim jaruget. ⁶⁰ Jaruba kinda gwötpukñan wahöta kindä keu munenñi Jisösgö silene ala nanñöba jigetmö, töndup könanñi kun qahö miwikñaiget. Qahö miwikñaigetmö, teteköñe azi yahöt kanñota ⁶¹ † kewö jiyöhöt, "Azi kianñon kewö jiiga mörit, 'Ni ölop Anutugö jöwöwöl jikenñi könderñbiga gölmenöñ eriga wehön karöbutkö uruñe mi kunbuk mem wahöta kuñgumam.'"

† Rom yeñgöreñ lijön me yarö kambu kun mi yarö azi 6000 miangö dop aka maljema. Miangöra yarö kambu 12 miangö jangöñini mi Suep garata 72.000 miangö dop. †† 26.55 Luk 19.47; 21.37
‡ 26.61 Jon 2.19

⁶² Mewö jiyohotka jike nup galöm bohonñan wahöta Jisös qesim wañgiba kewö jiyök, “Yeñon göhö silege keu ala nañgözei, miañgö likepñi kun jiman me qahö?”

⁶³ Qesim wañgiiga Jisösnöñ yuai bölöñi kun qahö ahökmö, töndup keuñi bök kinök. Keuñi bök kiniga jike nup galöm bohonñan kewö jii mörök, “Nöñon Anutu malmal Toñangö qetñe kewö qesiba kungum gihizal: Gi Anutugö Nahöññi Kraist akzan me qahö, mi törorök jiba jöjöpañ keunöñ jim köhöinöñga mötpin.”

⁶⁴ †Mewö jiiga kewö jiyök, “Jizani, mönö mia. Miamö, nöñon körek engöra kewö jibi mötket: Nalö kewöñeyök könahiba Suep gölmegö azi öñan mönö Kukösüm Toñangö böröñi öñje tata suepkö kousu qakñe eri ekñe.”

⁶⁵ ††Keu mi jiiga jike nup galöm bohonñan malukunji munjurata kewö jiyök, “Yei, iwinangö jitñi! Mönö Anutu mepaiköza. Tosatñan keuñi nañgömegöra kunbuk qahö qesim engibin. Anutu mepaiközawi, mi döiki nanñinak möt teköze. ⁶⁶ Miañgöra denöwö mötmörize?” Mewö qesim engiiga kewö jim teköget, “Yeñon mönö kömupkö buñaya akña.”

⁶⁷ †Mewö jim teköba jeñe söutkölap söutköm miriba böröñinan misiba mesoholñe qekötahöget. Tosatñan nuñgulumñe qekötahöba ⁶⁸ kewö jiget, “Gi kezapqetok azi Kraist akzananğöra dañon guhuzawi, mönö yanğö qetñi qetnön mörin.” Mewö.

Pitönöñ Jisös qañ kölöc.

Mak 14.66-72; Luk 22.56-62; Jon 18.15-18, 25-27

⁶⁹ Mewö asuhuiga Pitönöñ yaigep kiripo uruñe sombemnöñ tarök. Tari welenqege ambi kunñan yanğoreñ kaba kewö jiyök, “Gi mewöyök Galili azi Jisösbuk mohotñe malnöñ.” ⁷⁰ Mewö jiyökmö, körek yanğö jeñine qañ köla kewö jiyök, “Keu jizani, mi köndatza.”

⁷¹ Mewö jiba kiripo nañguñe geiga welenqege ambi kunñan i eka azi kösutñe kingeri, mi kewö jii mötket, “Azi kianñon mönö mewöyök Nazaret azi Jisösbuk malök.”

⁷² Mewö jiiga kunbuk qañ köla jöjöpañ keunöñ jim köhöiba kewö jiyök, “Nöñon azi mi qahö möt wañgizal.” ⁷³ Nalö borom kun teköiga azi kösutñe kingeri, yeñon Pitögöreñ kota kewö jiget mörök, “Alakña! Göñon mewöyök yanğoreñök kun akzan! Galili keu jöl jizani, miañon mönö mewöyök mi kondeliga mötzin.” ⁷⁴ Mi möta könahiba nanñi qesuahöm anguba jöjöpañ keunöñ jim köhöiba jiyök, “Ni azi mi qahö möt wañgizal! Muneñ jibileñak ewö, Anutunöñ mönö likepñi melenñ niñgima.” Mewö jiiga miañgöreñök kuruk qerök.

⁷⁵ Kuruk qeri möta Jisösnöñ keu kewö jii möröhi, mi mötmöriyök, “Göñon mutuk indimñi karöbut qañ köl niñginöñga kuruknön qetma.” Keu mi mötmöriba wösöñi julmamgö aiga yaigep geba sahöt böliyök. Mewö.

Jisös wañgita Pailötkö böröñe alget.

Mak 15.1; Luk 23.1-2; Jon 18.28-32

27 Miri gianjiiga amandinje jike nup galöm pakpak aka kantrigö jitñe meme (70) yeñon tokoba Jisös qeget kömumapkö keuñi eraum mötket. ² Eraum mötket teköiga Jisös jöhöba wañgita Rom premiö Pailötkö böröñe alget. Mewö.

Judasnöñ imbi auyök.

Apo 1.18-19

³ †Jisös qeget kömumawañgö keuñi jim tekögetka Judas mamalolo wañgiyöhañon mi möta möt bölim anguba silwö moneñ köt 30 wañgigeri, mi memba jike nup galöm aka kantrigö jitñememe yanğoreñ anda melenñda engiba kewö jiyök, ⁴ “Nöñon siñgisöndok aka azi köpösihitñi qahö mi mamalolo mem wañgibiga qeget kömuma.” Mewö jiyökmö, yeñon jiget, “Mi nengöreñ yuaia qahö! Mi mönö nangi manjara!” ⁵ Mewö jiget möta silwö moneñ köt mi memba gil tipköiga jöwöwöl jike uruñe anök. Aniga nanñi mosöta anda imbi auyök.

⁶ Jike nup galöm bohonñi yeñon moneñ köt mi memba kewö jiget, “Moneñ ki mönö azi sepñangö bohonña. Miañgöra mi jöwöwöl jikegö moneñ köwenöñ albingö dopñi qahö. Mewö aka Mosesgö Köna keu ongitpinbuk.”

⁷ Mewö jiba eraum möta moneñ miañon gwakömnöñ kimbut meme azi kungöreñ gölme köronji kun bohonñi megetka kian ambazip yanğö qaksirinina ahök. ⁸ Miañgöra aka gölme köronji miañgö qetñi mi nalö kewöñe mewöyök toroqeba ‘Gölme köronji sepñambuk,’ qerakze.

⁹ †Kezapqetok azi Jeremaianöñ keu qeljine jiyöhi, miañon mönö öñhambuk ahök. Keu mi kewö, “Yeñon Israel könagesögö jitñememenini aka azi mi söñgöronji memegöra kewöta algetka silwö moneñ köt 30 ahöhi, mi meget. Mi azigö bohonña.

¹⁰ Yeñon mi memba miañon gwakömnöñ kimbut meme azi kungöreñ gölme köronji kun bohonñi meget. Mi mönö Kembunöñ jim kutum niñgiyöhañgö dop mewö meget.” Mewö.

Pailötnöñ Jisös qesim wañgiyök.

Mak 15.2-5; Luk 23.3-5; Jon 18.33-38

¹¹ Nalö miañgöreñ Jisösnöñ Pailötkö jeñe kiniga kewö qesim wañgiyök, “Öñja, gi Juda yanğö kiña akzan me qahö?” Qesim wañgiiga Jisösnöñ melenñda jii mörök, “Möno nangak jizani, mewö.” ¹² Jike nup galöm aka kantrigö jitñememe (70) yeñon keu gwötpuk Jisösgö sileñe ala jigetmö, töndup keu kitipñi kun qahö melenñök.

¹³ Keu bök kiniga Pailötnöñ Jisös kunbuk qesim wañgiba jiyök, “Mötnöñ! Yeñon keu gwötpuk göhö silege ala nañgöba jizei, mi mötzan me qahö?” ¹⁴ Mewö jiyökmö, Jisösnöñ bölöñi kun qahö ahökmö, töndup

† 26.64 Dan 7.13 †† 26.65 Lew 24.16 ‡ 26.67 Ais 50.6

†† 27.3 Apo 1.18-19 †† 27.9 Zek 11.12-13

keu mienjö likepñi kun qahö melenök. Keu bök kini- ga premiönöñ gwötpuk welipköyök. Mewö.

Pailötnöñ Jisös kömumapkö jim teköyök.

Mak 15.6-15; Luk 23.13-25; Jon 18.39-19.16

¹⁵ Rom premiönöñ yambu (yara) dop pasowa sösöñ- gai nalöñe kösö mireyök azi mohok sihimñinanjö dop qetñi qeta qesigeri, mi pösat engizapma. ¹⁶ Nalö mi- anjöñe azi kun qetñi Barabas qetkeri, yanön kösö mire tarök. I bölönamñanjöra miwidimgögetka malök.

¹⁷ Mewö aiga tokogetka kewö qesim engiyök, “Barabas me Jisös, qetñi Kraist qerakzei, yetkörenök niñia pösat engibi etmapköra mötze?” ¹⁸ Galöm yanön Jisösgöra körögisigisi mötkeranjöra aka i premiögö börönje al wanjiget. Mi möta sihimñinanjö mewö qesim engiyök.

¹⁹ Mi mörökmö, jimtekötekögö jakömbuak dum tatatñe tariga anömñan buzup keu kun kewö ali kayök, “Ni merak sunjem gaun kun eka miangjöñe azi miangjöra aka sihimbölö gwötpuk mötza. Miangjöra azi solanji mi mönö lömböt kude wanjiman.”

²⁰ Keu mewö kayökmö, jike nup galöm aka kantrigö jitmeme yanön ambazip kambu uruesiesi mem engiba kewö jiget, “Mönö Barabas pösata Jisös maripomnöñ qemegöra jiman. Mewö qesim wanjime.”

²¹ Mewö jigetka premiönöñ melenja qesim engiyök, “Azi yahöt mietkörenök mönö niñia pösat engibi etmapköra mötze?” Mewö qesim engiiga “Barabas!” jiget. ²² Mewö jigetka Pailötnöñ kewö qesim engiyök, “Mewö jizeanjöra Jisös, qetñi Kraist qerakzei, nöñön i mönö denöwö ak wanjibilenjak?” Mewö qesim engiiga yanön körek qetket, “Mönö maripomnöñ qeget jiman!”

²³ Mewö qetketka premiönöñ jiyök, “Mi wuanöñjöra? Yanön mönö wani bölöña ahök?” Mewö jiyökmö, yanön mi möta kapan köla toroqeba qet gigilahöba kewö qetket, “Mönö maripomnöñ qeget jiman!” ²⁴ †Mewö qetketka kezap-ölök aketka göjupmajupnöñ kunbuk qariiga Pailötnöñ mi eka möta bim karim asuhubapuköra o memba börönje ambazip kambu jeñine sanjonja kewö jiyök, “Azi kianjö sepñi moko- get gemawi, miangjöñ mönö nöñgö qakne qahöpmö, mönö nanñini qakñine öñgöma.”

²⁵ Mewö jiiga ambazip kambu körek pakpak yanön kewö melenjet, “Sepñanjö likepñan mönö nini aka nahönböratnini nenjö qakñine öñgöma!” ²⁶ Mewö melenjetka Pailötnöñ Barabas pösat engii erökmö, Jisösyia jiiga ihilek wahnambuknöñ qeyöyököba qeget. Mewö qegetka maripomnöñ qemegöra Rom yarö azi yanjö börönje alök. Mewö.

Jisös kukulömbuanj ak wanjiget.

Mak 15.16-20; Jon 19.2-3

²⁷ Börönje aliga Rom premiögö yarö azi yanön Jisös wanjita premiögö jakömbuak mirigö kiripo uruñe an- gotket. Anjöta yarö kambu lökñanök öröm engigetka

† 27.24 Dut 21.6-9

kaba tokoba Jisös liliköm wanjiget. ²⁸ Liliköm wanjiba nanñi sile esunji köteköba maluku pisikñi gugakgugak kun löngöt wanjiget. ²⁹ Löngöt wanjiba sötmän kösö limbiñda ila ewö nöñöñe kölget geyök. Geiga jehot kun börönje öñje ala simin köl wanjiba göngönahit ak wanjiba kewö jiget, “Owe owe, Juda yanjöñe kiñ, owe!”

³⁰ Titipepe mewö aka söutkölap qeba jehot öröñji wanjita miangjöñ nöñöñe qeget. ³¹ Mepaqepaik mewö ak wanjim teköba maluku pisikñi gugakgugak mi qeköba nanñe sile esu kunbuk löngöt wanjiba maripomnöñ qebingöra wanjita anget. Mewö.

Jisös maripomnöñ qeget.

Mak 15.21-32; Luk 23.26-43; Jon 19.17-27

³² Anda köna namñe azi kun qetñi Saimon mi- wikñajet. Yanön Afrika siti qetñi Sairini miangjö aziña. Miwikñaiiba kunjum wanjigetka Jisösgö maripomñi memba anjuyök. ³³ Jisös mewö wanjita gölme kun qetñi Golgota mi nanine keunöñ Nöñöpsihit, mi- anjöñe anda angotket. ³⁴ ††Anjöta wain o aka marasin qetñi mör mi mindiriba lolonqalon memba nemapköra wanjigetmö, Jisösnöñ mi esapköba nem- ba möta tököyök.

³⁵ †Tököiga kinda maripomnöñ qeget. Qeget kiniga kiawen meget qötönji ahuiga miangjö dop Jisösgö sile esunji sutñine mendenja meget. ³⁶ Mi memba tata Jisös jegalöm ak wanjiget. ³⁷ Nöñöñe eu qegeranjö könanji kewö ohoba qeget, ‘Juda yanjö kiñ kembunja ki.’ ³⁸ Kegwek-kahasililij azi yahöt mi yambuk maripomnöñ etkuget. Kun börönje öñje, kun qaniñe likeplikep mewö etkuget.

³⁹ ††Ambazip onjita anda kaba kukulömbuanj aka je- likit aka nöñö köla kewö jiget, ⁴⁰ †††“Ye! Gi mönö jöwöwöl jike ölöp köndenöñga gölmenöñ eriga we- hön karöbutkö uruñe kunbuk mem wahöt kunju- mamgö jinöñ. O, gi azi qetpuk! Gi Anutugö Nahönña akzan ewö, mönö ölöp nangi bauköm anjuba maripomnöñök etman.”

⁴¹ Jike nup galöm, Köna keugö böhi aka kantrigö jitmeme yanön mewöyök mepaqepaik ak wanjiba kewö jiget, ⁴² “Tosatña bauköm engiba malökmö, nanñi bauköm anjumamgö osiza. Yanön Israelgö kiñ akza ewö, mönö dölkö maripomnöñök eri eka mi möt naribinak. ⁴³ ††Yanön Anutu möt narim wanjiba ewe- bibiñambuk mala nanñanjöra ‘Anutugö Nahönñi akzal’ jiiga mörin. Ayop, Anutunöñ i nalö kewöñe meköm wanjimamgö mötza me qahöwi, mi ölöp ekin.” Mewö jiget. ⁴⁴ Kegwek-kahasililij azi yambuk maripomnöñ etkuger, yetköñ mewöñanök uruqeqe keu töhöñe jim wanjiyohot. Mewö.

Jisösnöñ kömuyök.

Mak 15.33-41; Luk 23.44-49; Jon 19.28-30

⁴⁵ Silim bibiñi 12 kilok aiga miangjöñök söñajupnöñ eta gölme pakpak dop köla ahöiga anda aua

†† 27.34 Sum 69.21 † 27.35 Sum 22.18 †† 27.39 Sum 22.7; 109.25 †† 27.40 Mat 26.61; Jon 2.19 ††† 27.43 Sum 22.8

karöbutkö dop ahök. ⁴⁶ †Jisösnöñ 3 kilok miangörej nanje keunöñ kewö qet ketanji qerök, “Eloi, eloi, lama sabaktani?” Mi nanine keunöñ: Anutuni, Anutuni, mönö wuanöñgöra andö nuñguzan?

⁴⁷ Mewö qeriga azi kösutnje kingeri, yengörejök tosatñan mi möta jiget, “Mönö Elaijagöra qetza.”

⁴⁸ ††Miangörejök yengörejök kunñan ösumñan anda mömöndö kun kahali tandök mi memba wain o asölñambuknöñ kundumgöba ip göröm kitipñe jöhöba suruba Jisös numbuñe eu ali neyök. ⁴⁹ Neyökmö, tosatñan jiget, “Mönö mosötketka nanjök kinök. Elaijanöñ kaba meköi etma me qahöpto, mönö mi ekin.”

⁵⁰ Mewö aketka Jisösnöñ kunbuk qet ketanji qeta söñgörö ösum kondikñi öröba kömuyök. ⁵¹ †Kömuiga miangörejök jöwöwöl jikegö uruñe opo †† kinöhi, mi-anjön euyök bibeñe jurata eta yahöt ahök. Mewö eriga gölmenöñ kenöñ ketanjan meiga köt ketanji ketanji mesinöñ. ⁵² Qaksirigö köt köteñi miengö numbuñan nan nanjök ananjigetka ambazipñi sarakñi kömugeri, yengörejök gwötpukñan guliba wahötket. ⁵³ Wahöta qaksirigö köt köteñini mosöta Jisösnöñ kömupnöñök wahöröhi, miangö andöñe Jerusalem siti töröñi miangörej kaba ambazip gwötpuk asuhum engigetka engeget.

⁵⁴ Suahö galöm aka yarö azi yambuk Jisösgö jegalöm memba malgeri, yeñön kenöñ meiga yuai tosatñi pakpak asuhuyöhi, mi eka auruba jöñömñini gwötpuk unduiga kenjötporiñ aka kewö jiget, “Yañön mönö ölña Anutugö Nahönña akza.”

⁵⁵ ††Ambi gwötpukñan sikep kinda yuai mi mewöyök eket. Yeñön Jisös wuatangöba Galiliyök kaba welen qem wanjiba malget. ⁵⁶ Yengö sutñine Magdalagö Maria aka Maria Jeims aka Joses yetkö namñiri aka Zebedigö nahönyahöt yetkö namñiri. Mewö.

Jisösgö qamötñi löm kölget.

Mak 15.42-47; Luk 23.50-56; Jon 19.38-42

⁵⁷ Mare aiga Arimatia azi pomñi kun qetñi Josef kayök. Yañön mewöyök Jisösgö gwarekñi kun ahök.

⁵⁸ Yañön Pailötgörej anda Jisösgö qamötñi memamgö qesiyök. Qesiiga suahö azinöñ mi Josef wanjimegö jim kutum engiyök.

⁵⁹ Jim kutum engiiga Josefnöñ anda Jisösgö qamötñi memba eta opo tuatñan esuhuyök. ⁶⁰ Esuhuba memba qaksirinöñ anda nanñi köteñ dölökñi kötnöñ urorohogetka kinöhi, qamötñi mi miangörej alök. Mewö ala köt ketanji kun metaliga köteñ numbuñi közipköiga mosöta anök. ⁶¹ Magdalagö Maria aka Maria alañi kun yetköñ miangörej köt köteñ mesohol köla tarohot.

Yarö azi qaksiri galöm meget.

⁶² Sabat kendon tatatköra yuai mözözömgöba ahöba wahöta miangörej jike nup galöm aka Farisi (Köna keugö kapañkölköl) yeñön Pailötköreñ anda tokoba kewö jiget, ⁶³ †††“Ketanamñini, enjololonjö

urukungukungu azi miangöñ jebuk malöhi, nalö miangörej kewö jii mörin, ‘Nöñön wehön karöbut teköiga kunbuk guliba wahötmam.’ Neñön keu mi mötmörizin.

⁶⁴ Miangöra göñön ölöp yarö aziurupki jinöñ möta qaksirinöñ anda mi törörök jegalöm memba malgetka wehön karöbut teköiga mosötme. Mewö qahö galöm membeak ewö, gwarekurupñan mönö anda qamötñi ölön memba asamböta ambazip kewö jiget mötpeak, ‘Jisösnöñ mönö kömupnöñök wahörök.’ Mewö jigetka tilipqilip enjololon keu kondikñi kianjön mönö enjololon keu mutukñi ongiriga böliqölibapuk.” ⁶⁵ Mewö jigetka kewö jii mötket, “Yarö azi ki mönö ölöp enguangita anda al engigetka qaksiri köteñ numbuñi mi törörök galöm köl soroköme.”

⁶⁶ Mewö jii möta qaksirinöñ anda köt köteñangö numbuñe köt ketanji algetka közipköba kinöhi, mi supapñi ala yarö azi al engigetka jegalöm köhöikñi meget.

Jisösnöñ kömupnöñök wahörök.

Mak 16.1-10; Luk 24.1-12; Jon 20.1-10

28 Sabat kendon tatket teköiga Sonda söñanök wahöta miri gianjiiga Magdalagö Maria aka alañi Maria kun yetköñ qaksirigö köt köteñ ekitkö anohot.

² Anohotka miangörejök kenöñ ketanji kewögöra meyök: Kembangö garata kunöñ Suepnöhök eta qaksirinöñ kaba numbuñe köt ketanji qetali ani qakñe tarök.

³ Garatagö kaisongolomñi mi wöl ewö aiga malukuñi mi kousu ewö tuat lalamñi ahök.

⁴ Mewö asuhuiga yarö azi qaksiri galöm megeri, yeñön yangöra awöwöliba jöñömñini undui kömum töriget. ⁵ Mewö aketka garatanöñ ambi yahöt yetköra keu kewö jiyök, “Jisös maripomnöñ qegeri, inñiri yangöra jarazahot, mi mötzal. Miangöra mönö kenjötñiri kude mötmahot. ⁶ Nanjak jiyöhangö dop mönö kömupnöñök wahötza. Miangöra ki qahö ahöza. Mönö kaba dum ahöyöhi, salupñi mi ekñahot.

⁷ “Mi eka ösumok gwarekurupñi yengörej anda buzup keu ki jiyohot mötme, Jisösnöñ kömupnöñök wahötza. Mötket, yañön mönö qeljine mutuk Galili prowinsnöñ anma. Inñini ölöp miangörej anda i ekñe. Mötket, nöñön mi lök jibi mötze.”

⁸ Mewö jiiga zilañök qaksiri mosöta kenjötñiri möta töndup önöñi qahö söñgaiba buzup mi memba gwarekurupñi jiyohot mötmegöra ösumñiran anohot.

⁹ Ösumñiran anohotka Jisösnöñ i könanöñ asuhum etkiba “Söñanñiri!” jiyök. Mewö jiiga kösutñe anda sipköba könañe meraköba waikñi memba möpöseim wanjiyohot. ¹⁰ Möpöseim wanjiyohotka kewö jii mörohot, “Kenjötñiri kude mötmahot. Mönö anda munurupñan Galili anmegö keu jiyohotka miangörej anda ni nekñe.” Mewö.

† 27.46 Sum 22.1 †† 27.48 Sum 69.21 ‡ 27.51 Eks 26.31-33 †† Opo mi jöwöwöl jikegö olenji kömbukñi aka olenji töröñi kötökñi mietkö sutñire kinök. †† 27.55 Luk 8.2-3 †††

27.63 Mat 16.21; 17.23; 20.19; Mak 8.31; 9.31; 10.33-34; Luk 9.22; 18.31-33

Qaksiri galöm meme yeñön kösohotñini jiget.

¹¹ Ambiyahöt yetkön köna anohotka qaksirigö köt köteñ galöm meme yarö azi tosatñan sitinöñ kaba jike nup galöm eñgeka yuai pakpak asuhuyöhi, miangö kösohotñi jiget mötket. ¹² Yeñön mi möta Juda yeñgö jitñememeurupñini öröm engigetka mohotñe totoko ala Jisös wahötwahötkö keu asamböttingö keu areñ miwikñaiba moneñ keta bölökñi mi yarö azi engiget.

¹³ Mi eñgiba kewö jim kutum engiget, "Inini mönö keu kewö jime: Nini sun gem gaun ahöinga gwarekurupñan ölöñ kaba qamötñi yongorö memba anget.

¹⁴ Keu mewö jigetka keu miañön premiögö kezapñe gei mötma ewö, lömböt eñgö qakñine öngöbapuköra neñön mönö uruñi mölöwöriba memba eta alinga waimañjat qahö malme."

¹⁵ Mewö jim kutum engigetka miangö dop aka mon-eñ memba anda nup keuñini wuatangöget. Mewö aketka Juda yeñön keu mi sutñine jim sehigetka möta malgetka anda nalö kewöñe mewöyök mi toroqeba jiget mörakzin. Mewö.

Misin nup membingö jimkutukutuñi

Mak 16.14-18; Luk 24.36-49; Jon 20.19-23; Apo 1.6-8

¹⁶ †Gwarekurup 11 yeñön Jerusalem mosöta Galili prowinsnöñ anda Jisösnöñ kundune anmegöra jiyöhi, miangöreñ öngöget. ¹⁷ Miangöreñ öngöba Jisös eka waikñi memba möpöseim wangigetmö, tosatñan yangöra uruyahöt aket. ¹⁸ Möpöseim wangigetka yeñgöreñ kaba kewö jiiga mötket, "Suepkö aka gölmegö kukösum pakpak mi Anutunöñ ninggiiga nöngöreñ ahöza.

¹⁹ ††"Miangöra inini mönö gölme dop anda ambazip kambu pakpak kewö eñgömegetka nöngö gwarekurupni akñe: I mönö Iwi, Nahön aka Uña Töröñi neñgö qetnine o melun mem eñgime ²⁰ aka nöñön keu wuatangömegöra jim kutum eñgiali, mi pakpak tem kölmegöra mönö kusum eñgiba malme. Mötket, nöñön mönö nalöñi nalöñi embuk mala anda malbiga gölmegö nalöñan teköma." Mewö.

† 28.16 Mat 26.32; Mak 14.28 †† 28.19 Apo 1.8

Mak

Jim-asa-asari

Mak namñi qetñi Maria, iwiñi qetñi qahö mötzin. Jerusalem siti tonji malget. (Aposol 12.12) Nanñi kösohotñi kun qetñi qahö qeta boñ 14.51-52 miangöreñ ohoi ahöza. Pitönöñ bauköm wañgiiga uruñi melenñiga Buña kusum wañgiyök. Wañgiiga numbutñi Barnabas aka Pol yetpuk liliköba misin nup memba anda Pol mosöta deñnohot. Deñnohotka toroqeba nup memba mala Buña kösohot mohok mohok qezaköba mindiriba kian kantri yengöra Grik keunöñ ohoyök. Jisösgö keuñi mi Arameik. Mi "Eli eli lama lama sabaktani," miangö dop. Jisösnöñ urugö nupñi denöwö memba Anutugö Nahönñi aka ambazip bauköm engiba malöhi, Maknöñ keu mi jim asariba ohoyök. Jisösgö nupñi bohönñi karöbut: Buña kusum engiyök, ömewöröme közöl engiyök aka siñgisöndok mosöta kawölñi kawölñi mem ölöwahök.

Buk kiangö bahönñi bohönñi 6 mi kewö:

Keu mutukñi: Jon aka Jisös
Qenjarök nup Galili uruñe meyök
Galili mosöta Jerusalem anök
Jerusalem Sonda mohot mala kömuyök
Jisösnöñ kömupnöñök wahörök
Wahöta asuhuba Suepnöñ öngöyök

1 Amötqeqe Tonji Jisös Kraist mi Anutugö Nahönñi akza. Nöñön yangö Ölöwak Buñanji könahiba ohozal.

Jonöñ Jisösgö köna mesarök.

Mat 3.1-12; Luk 3.1-18; Jon 1.19-28

² Anutunöñ Suep uruñe Nahönñangöra keu kun jiga kezapqetok azi Aisaianöñ mi ohoiga yangö Buzup Kimbinöñ kewö ahöza,

"Mötnöñ. Nöñön kolek garatani kun melaibiga qeljine anda ambazip uruñini mindiñgöba göhö köñagi mesariga göñön yangö andöñe gölmenöñ geman."

³ ††"Kolek garata kunöñ gölme qararankölkölñe qeta maliga anda qetñi kewö mötme, 'Kembunöñ kamawo! Miangöra mönö jöjöröba köñanji mesatket. Mönö uruñini mindiñgöba köñanji qölöleiget'."

⁴ Keu miangö dop azi kun qetñi Jon asuhuyök. Qetñi alañi O-melun azi. Asuhuba gölme qararankölkölñe mala kinda Buña keuñi kewö jiba malök, "Injini mönö uruñini melengetka nöñön o melun mem engimam. Mewö aketka Anutunöñ siñgisöndokñini sañgoñda mosötma." ⁵ Mewö jiba maliga Judia prowinsgö miriñi pakpak aka Jerusalem siti yeñön kambuñi kambuñi köla öröba Jongöreñ kaget. Kaba kangota siñgisöndokñini jim miwikñaigetka Jonöñ i Jordan o töwatñe o-melun mem engiyök.

† 1.2 Mal 3.1 †† 1.3 Ais 40.3

⁶ †Jongöreñ silepöke mi kamel jupñan memeri aiga kemañe örigit sömbup silenñan memeri mi jöhöba malök. Nenenamñi mi gawöt jinam aka arökñangö moroñ oñi, mia nembra malök. Mi pakpak kezapqetok azi Elaija (Elia) yangö dowä. ⁷ Jonöñ keu kewö jim asariba malök, "Nöñgö andöne azi kukösumñi köhöikñi kun kama. Yangö kukösumñi öngöñgöñan mönö nöñgöreñ oñgitma. Yanöñ azi öngöñgöñi akñawangöra nöñön yangö köna esuñangö kösöñi bauköba pösatmamgö qötötangömam. ⁸ Nöñön o töhöñöñ melun mem engizalmö, yanöñ mönö Uña Töröñan melun mem engima." Mewö.

Jonöñ Jisös o melun mem wañgiyök.

Mat 3.13-17; Luk 3.21-22; 4.1-13

⁹ Nalö miangöreñ Jisösnöñ Galili prowinsgö miri Nazaret miangöreñök Jongöreñ kaiga Jordan o töwatñe o-melun mem wañgiyök. ¹⁰ Mem wañgiiga onöhök koriga miangöreñök Suepnöñ añañiiga Jisösnöñ uba ehiga Uña Töröñi melenñda kembö nei ewö aka Jisösgö qakñe eta meöyk. ¹¹ ††Mi ehiga Suep mireyök keu kun kewö asuhuyök, "Göñön mönö nani wölböt nahöni akñöñga köroni ölöwahiga geknahöm ak gihizal." Mewö.

‡ 1.6 2 Kir 1.8 †† 1.11 Jen 22.2; Sum 2.7; Ais 42.1; Mat 3.17; 12.18; Mak 9.7; Luk 3.22

Satanöj Jisös esapköba malök.

Mat 4.1-11; Luk 4.1-13

¹² O melun mem wanjiiga miangörenök Uña Törönan Jisös kungum wanjiiga gölme qararankölkölne anök. ¹³ Anda wehön 40 miangö dop miangören maliga öme bohonjini Satan yanön esapköm wangiba malök. Sömbup kalji miengö sutjine maliga Suet garata yejön bauköm wangiba malget. Mewö.

Jisösnöj gwarekurupji mutukji enggoholök.

Mat 4.12-22; Luk 4.14-15; 5.1-11

¹⁴ Könanjep Jon kösö mire alget tariga Jisösnöj nalö miangören Galili prowinsnöj liligöba anök. Anda Anutugö Ölöwak Buñaji jim asariba malök. ¹⁵ †Jim asariba kewö jiyök, "Anutunöj bemtohoji almawangö nalönan mönö dopdowiza. Anutunöj nalö aliga mala malgetka dölki akza miangöra mönö urunjini melenja Ölöwak Buña möt nariget." ¹⁶ Jisösnöj mewö jiba liliköba mala Galili o angögö görañe mötöteiba anda söra örörö azi yahöt ekehök. Qetjiri Saimon, munji qetji Andru. Yekjön mösakjiri o angönöj söra öröbitköra gila malohot. ¹⁷ Jisösnöj etkeka kewö jiyök, "Aziyahöt, injiri mönö ni nuatangöba kayöhotka kusum etkibi ambazip söra ewö öröm engimakñahot." ¹⁸ Mewö jiiga miangörenök mösakjiri mosöta könahiba Jisös wuatangöba anöhot. ¹⁹ Jisösnöj yetpuk borom kun toroqeba anda Zebedigö nahönji Jeims aka munji Jon ekehök. Yetkön mewönanök wangenöj tata mösakjiri möhamgöba johöba malohot. ²⁰ Malohot ekeka miangörenök etkoholök. Etkoholiga iwinjiri Zebedi aka monej nup aziurupji wangenöj enggömosöta könahiba Jisös wuatangöba andöñe anohot. Mewö.

Jisösnöj öme kun wuatangöyök.

Luk 4.31-37

²¹ Mewö mohotje anda Kaperneam sitinöj angotketka Sabat kendon aiga Jisösnöj miangörenök köuluk mirinjine öngöba Buña kusum engiyök. ²² †Köna keugö böhi ewö qahöpmö, kukösüm ahöm wangiyöhängö dop kusum engiba ahakmemenängö dop aknegöra jiyök. Miangöra könañesö yejön mi eka auruba welipköget.

²³ Köuluk mirinjine miangören nalö miangörenök azi kun ömenjambuk tariga öme miangören qetji kewö qerök, ²⁴ "O Jisös, Nazaret asia! Gi wania ak nenjimamgö akzane? Mönö ayuhum nenjimamgöra kasan me? Ni könañamgi möt kutuzal. Gi Anutugören azi Tök-kutukutunji mi akzan."

²⁵ Mewö qeriga Jisösnöj tembula kewö jim wangiyök, "Gi mönö keugi bököiga azi ki mosöta kesalnöj."

²⁶ Mewö jim wanjiiga ömenöj azi mi utuköba urepköm wangiba qet bölobölö qeta kota mosöta anök.

²⁷ Aniga köreñan nembönjini teköiga welipköba qesim anguba kewö jiget, "Yei! Ki mönö wani yuaia? Ki möt-

möt dölökñi kukösümjambuk. Yanön ömewöröme mewöyök jim kutum engiiga jitñi tem kölje."

²⁸ Mewö asuhuiga Jisösgö qetbuñanan könopuk sehiba miri kösutje tat angeri, miangören anda anda Galili prowins pakpak dop kölok. Mewö.

Jisösnöj kawöl ambazip gwötpuk meiga ölöwaket.

Mat 8.14-17; Luk 4.38-41

²⁹ Jisösnöj Kaperneam yengören köuluk miri mosöta miangörenök Jeims Jon yetpuk Saimon aka Andru yetkö mire öngöget. ³⁰ Miangören öngögetka Saimongö suhunñan silekönöp kawöl yöhöi ahöyök. Ahöiga buzupji mi ösumok Jisös jiget mörök. ³¹ Jiget möta yangören anda böröñe memba kököbiiga wahörök. Wahöri silekönöpñan mosöri nene ohoba gumohom engiyök.

³² Gumohom engiiga mare aiga wehön jeni geiga miangören Kaperneam tonji yejön kinda ambazipji ambazipji kawöl ömenjambuk mi körek enguanjita Jisösgören kaget. ³³ Kaperneam taonöhök kambulembenöj kaba Saimongö miri nanjuñe tokoget. ³⁴ Tokogetka kinda ambazip kawöl könañi könañi engöhöyöhi, mi gwötpuk mem ölöwak engiyök. Mewöyök ömewöröme yejön Jisösgö könañi mötkerangöra Jisösnöj numbuñini muhungöba gwötpuk enguatangöyök. Mewö.

Amöt böröñi Galili körek dop kölok.

Luk 4.42-44

³⁵ Jisösnöj gaun ahöiga miri wangaran suruiga wahöta miri yaigepje geba görañe anda nanjök tin kutuba miangören köuluköyök. ³⁶ Köuluköiga Saimon aka alaurupji yambuk malgeri, yejön zilañ könañe anget. ³⁷ Anda miwikñaiba kewö jiget mörök, "Ambazip köreñan mönö göhöra jaruze."

³⁸ Mewö jigetka möta kewö jiyök, "Miri tosatñi tosatñi liliköba tat anjei, ekze. Nöñön Buña keu miri dop jim sehimamgöra eta maljal. Miangöra mönö miri liliköba anbin."

³⁹ †Mewö jiba anda Galili prowins körek liliköba köuluk mirinjine Buña keu jiba ömenji ömenji mi enguatangöba malök. Mewö.

Jisösnöj uzikuku azi kun mem solaniyök.

Mat 8.1-4; Luk 5.12-16

⁴⁰ Jisösnöj taon kunöj maliga uzikuku azi kunñan kaba simin köla Jisösgö wösöñe geba kewö köuluköm wangiyök, "Göñön sihimgan mem ölöwak ningimamgö mötzan ewö, mönö ni ölop mem solanim ningiman."

⁴¹ Mewö jiiga yangöra wösöñi möta böröñi böröñda silenji misiriba jiyök, "Nöñön mi akñamgö mötzal. Gi mönö solaniman." ⁴² Mewö jiiga uzikukunji mi miangörenök solanii ölöwahök. ⁴³ Solaniiga galöm meme keu köhöikñi wangiba miangörenök "Ölop anman," jiyök. ⁴⁴ †Goro mi kewö jiiga mörök, "Mötnöj. Kiangö

† 1.15 Mat 3.2 †† 1.22 Mat 7.28-29

‡ 1.39 Mat 4.23; 9.35 †† 1.44 Lew 14.1-32

buzup keunji mi kun kude jinön mötme. Qahöpmö, mönö jike nup galömgörej anda silegi kondel wangiman aka Mosesgörej jimkutukutu wuatangöba solanizanañgö saiwap naluknji ala jöwöwöl ohoman. Mi ohonön ehiga ambazipnön könañamgi möt kutume.”

⁴⁵ Jisösnön mewö jiyökmö, yañön anda töndup könahiba keu buzupnji mi gwötpuk jiba maliga sehiyök. Sehiiga Jisösnön taonji taonji mianggörej aukne kunbuk anmamgö osiyök. Osiba taon andöñine miri gwamönji mianggörejök malök. Mianggörej maliga miri dop mianggörejök ambazipnji ambazipnji mi yanggörej kaget. Mewö.

Jisösnön azi sile likepnji kömukömunji möhamgöyök.

Mat 9.1-8; Luk 5.17-26

2 Mewö liliköiga nalö tosatnji teköiga Jisösnön lil- ingöba kunbuk miriñe Kaperneam kayök. Kaiga “Mire malja,” jiget mötket. ² Ambazip gwötpukñan mi möta tokoba yanggö miri nañgu söndakne gwözöñda sombemne kokolak qeget. Kokolak qegetka Jisösnön kinda Buña keu jiiga mötket. ³ Mötketka mianggörej azi kun sile likepnji kömukömunji, mi wangita yanggörej kaget. Azi 4:ñan i kululunön ala anguba kaget. ⁴ Kagetka gwözöñda kingerangöra aka Jisösgö kösutne anda albingö osiget. Osiba miri qakne öngöba Jisösgö bohonneyök bo esim lulunget. Lulungetka kinimñi ahuiga mianggörej kawöl azi mi kululunambuk kösönön jöhöba algetka geiyök. ⁵ Mewö geiga Anutu möt narim wangigeri, Jisösnön yengö tandökñini mi ehi dop köliga kawöl azigöra kewö jiyök, “Nahöni! Nöhön siñgisöndoki mosötzal.”

⁶ Mewö jiiga Köna keugö böhi tosatñan sutñine tata uruñinan kewö mötmöriget, ⁷ “Azi kianön denöwögöra mewö jiza. Mönö Anutu ilita mepaqepaik akza. Anutu mohotñan siñgisöndoknini mosörakzapmö, azi kunñan mi qahö.”

⁸ Uruñinan mewö mötmörigetka Jisösnön mianggörejök uruñan mi möt kutuba kewö jii mötket, “Inini mönö wuanöñgöra keu mewöñi uruñinan mötmörize? ⁹ Nöhön ‘Siñgisöndoki mosötzal,’ kawöl azigö mewö jizali, keu miangön mönö awamñanök jijinja. Kunñan mewö jiiga tosatñan keu mianggö ölnji qahö ekne. Mianggöra mi keu awamñangö dop. Nöhön keu kun kewö jimamgö mötzal, ‘Mönö wahöta tumbulahöpki memba anöñ.’ Keu mi mönö lömbötñambuk jijinja akza. Mewö jibiga ölnji ahuma me qahöwi, miangön mönö aukne asuhui ekne. ¹⁰ Mötket, gölmenön siñgisöndok mosötmosötkö kukösumñi mi Suep gölmegeö azi ölnjanggörej ahözawi, inini mianggö könañangöra janjun malbepuk. Mianggöra keu lömbötñi mi azi kianggöra jibi ölnji eket,” Mewö jiba azi sile likepnji kömukömunñangö jeñe eka jiyök, “Nöhön göhöra jizal: Gi mönö wahöta tumbulahöpki memba mirige anöñ. Keu lömbötñi mi ölnjambuk akña ewö, keu awamñi mi mönö mewöyök denöwögöra omanji akawak?” ¹¹ Mewö jiba azi sile likepnji kömukömunji kewö jii mörök,

“Nöhön göhöra jizal: Gi mönö wahöta tumbulahöpki memba mirige anöñ.”

¹² Jiiga mönö wahöta mianggörejök tumbulahöpñi memba ambazip pakpak yengö jeñine yaigepne anök. Mewö aniga körekñan welipköba Anutu möpöseiba kewö jiget, “Ye! Tandök kewöñi mi mönöwök nalö kungen qahö ehin. Qahö. Dölki je murutña ekzin.” Mewö.

Jisösnön Matyu (Liwai) oholök.

Mat 9.9-13; Luk 5.27-32

¹³ Jisösnön kunbuk Kaperneam mosöta angönön geba sak qöhöröñe anda malök. Maliga ambazip kambulembenön yanggörej kagetka Buña keu kusum engiyök. ¹⁴ Anda takis ofis ongitmamgö aiga mianggörej azi qetnji Liwai Alfiusgö nahönñi tariga eka jii mörök, “Gi mönö nöngö andöne kanöñ.” Mewö jiiga möta wahöta takis nup mosöta Jisösgö andöñe anök.

¹⁵ Anda Liwaigö mire anda nene memba tatkeri, nalö mianggörej takis meme azi tilipqilipñinambuk aka siñgisöndok azi gwötpukñan kaba Jisös aka yanggö gwarekurupñi yembuk tata nene mohokne neget. Gwötpukñan mönö Jisös wuatangöba malget. ¹⁶ Jisösnön takis meme tilipqilipñinambuk aka siñgisöndok ambazip tosatñi yembuk tata nene negeri, mi Farisi (Köna keugö kapañkölköl) aka yengörej böhi tosatñan eka Jisösgö gwarekurupñi kewö jim engiget, “Aek! Yañön mönö wuanöñgöra takis meme tilipqilipñinambuk aka siñgisöndok ambazip yembuk tata nene neza? Mi qahö dop kölja.”

¹⁷ Mewö jim engigetka Jisösnön likepnji kewö jii mötket, “Sile unditundit ambazipnön doktagöra qahö ak engimakzapmö, kawöl ambazipnön doktagörej anakze. Nöhön siñgisöndok ambazip enggoholmamgöra kaba maljalmö, ambazip nanñinangö mötketka solanñi akzei, i qahö.” Mewö.

Nene siñgi malmalgö keunji

Mat 9.14-17; Luk 5.33-39

¹⁸ Nalö mianggörej Jonggörej gwarekurupñi aka Farisi (Köna keugö kapañkölköl) yeñön nene siñgi malgetka tosatñan Jisösgörej kaba kewö qesiget, “Jon O-melun azigö gwarekurupñi neñön Anutugöra nene siñgi malahakzin. Farisi (Köna keugö kapañkölköl) yengö gwarekurupñan mewöñanök aka malje. Nangi gwarekurupkan mönö wuanöñgöra Anutugöra siñgi qahö malje?”

¹⁹ Mewö qesigetka kewö melenñök, “Ölnja! Nini wani nalönön nene siñgi malakzin? Ambi meme nalöñe azigö andöurupñan könöpñi algetka ambigö sepkitipurupñan yuai mi tökömakze me qahö? Nöhön nani gwarekurupni yengö azi buñaya aka yengö sutñine köisirik tatzal. Tatpiga yeñön mianggöra aijölön söngai-ba tata siñgi malbingö osimakze. ²⁰ Osimakzemö, Anutunön noañgiri kömumbiga yeñön mönö nalö mianggörej ölop siñgi malakne.

²¹ (Inini malmal walñi aka sösongai Buña dölökñi mi mindirim etkibingö osime. Mianggö keu pasetñi mi kewö jibi mötket:) Löngölöngöt walñi jurariga kunñan

opo dölökñi qahö sanjonşanjonji mitiba mianjön opo su jöhanñi qahö uhum memba umgöreñgömakza. Mewö akawak ewö, opo su jöhanñi dölökñan mönö waziba löngölöñgöt walñi öroiga kunbuk tingiriga kinimñan qariba böliqölibapuk. ²² Mewöñanök kunñan wain o dölökñi mi jobö me toru walñi lama silenjan memenji mianjögöreñ qahö kusuiga gemakza. Mewö akawak ewö, wain o dölökñan mönö qariba toru qesiñniga jula mokoiga gölmenöñ eta sohoiga toruñan böliqölibepuk. Mianjögöra wain o dölökñi mi toru dölökñeyök mokoin geiga dop kölma. (Mewöñanök o ölöñji mi gina gisagisahöñe qahö umakzin. Mewö ubinak ewö, mianjön mönö jula kisipisirik eriga nembra kawöl nenjöhöbapuk. Mewö akapüköra o ölöñji mi gina ölöñje umakzin. Injini mewöyök malmal walñi aka Ölöwak Buña dölökñi mi mindirim etkibingö osime.) Mewö."

Jisösnöñ Sabat kendongö Kembuñi akza.

Mat 12.1-8; Luk 6.1-5

²³ †Mianjögö andöñe Sabat kendon kunöñ Jisösnöñ wit padi nup köröñi ketanji kutuba anök. Aniga gwarekurupñan wösöñini enjuiga wit öljñi mohot mohot könahiba böröñinan misiba neget. ²⁴ Mewö negerangöra Farisi (Köna keugö kapankölköl) tosatñan Jisös kewö jiget mörök, "Mötnöñ, yeñön mönö wuanöñgöra Sabat kendongö nup meme sonjonji ongitze?"

²⁵ ††Mewö jigetka kewö melenök, "Kiñ Deiwidnöñ yarö aziurupñi yembuk liliköba wösöñini enjuiga nenegöra osiba yuia akeri, mi lök nalö kunöñ oyonget me qahö? ²⁶ †Yañön mönö Anutugö opo seri jikenöñ öñgöba beret kömbukñi Anutugö jemesoholñe al-tanöñ alget tariga ösumñan walöñniga qekögeri, mi mönö memba neyök. Beret kömbukñi mosötmosötñi mi jike nup galöm yeñönök nezema. Tosatñan mi nembepüköra sonjo ahöiga töndup neyök. Nembra aziurupñi tok enjiiga mohotñe neget. Nalö mianjögöreñ azi qetñi Abiatar yañön jike nup galöm bohonñangö nup memba malök."

²⁷ Mewö jiba kewö jii mötket, "Anutunöñ Sabat kendon mi ambazip ölöwakñegöra ali ahöza. Mia ambazipnöñ lañ jim kutumegöra aka qahö. ²⁸ Mewö aiga Suep gölmegö azi öljñan mönö Sabat kendongö Kembuñi mewöyök akza."

Jisösnöñ azi böröñi sösöröñgöñi mem ölöwahök.

Mat 12.9-14; Luk 6.6-11

3 Jisösnöñ kunbuk köuluk mire öñgöiga mianjögöreñ azi böröñi sosoholiñi kun tarök. ² Mianjögöreñ azi böröñi sosoholiñi kun tarök. Ambazipnöñ Jisös keu jakeñe al wangibingöra "Azi mi Sabat kendonöñ möhamgöma me qahö?" jiba Jisös je galöm memba tatket. ³ Megetka Jisösnöñ azi böröñi sosoholiñi mi kewö jii mörök, "Mönö wahöta jenine kinöñ." ⁴ Mewö jiba kewö jii mötket, "Köna keu wuatangöba Sabat kendonöñ yuai ölöñji me bölöñji akin? Ölöp kungö bo-

honñi jöhöbin me mosöringa kömuma? Wanat kun meinga dop kölma?" Mewö jii möta göröñ alget.

⁵ Keuñini göröñ tatketka lilingöm purik engehi urunjan köhöikñi gwözöñnöhöngöra wösöbirik aka kukjenöñ engehök. Mewö engeka azi mianjögö jiyök, "Gi mönö börögi qötöteinöñ." Mewö jiiga böröñi qötöteiba kunbuk ölöwahök. ⁶ Ölöwahiga Farisi (Köna keugö kapankölköl) yeñön yaigep anda mianjögöreñök premiö Herodkö pati alaurup yembuk totoko ala "Jisös denöwö qein kömuma?" jiba keu nup meget. Mewö.

Jisösnöñ kawöl ambazip mem ölöwak enjiyök.

⁷ Mewö megetka Jisösnöñ gwarekurupñi enjuanggita o angö jitñe anget. Angetka Not prowins qetñi Galili mianjögöreñök ambazip kambuleleme yeñön könaje wuatangöba anget. Judia prowins mianjögöreñök mewöyök yangöreñ kaget. ⁸ Siti bohonñi qetñi Jerusalem, Saut prowins qetñi Aidumia aka Jordan o likepñeyök Wehön Kotkotñe yeñön aka Wehön Gegeñe görökenök taon qetñiri Taiö aka Saidon liliköba maljei, yeñön mohok kambulelemenöñ öroba kaget. Jisösnöñ angöletot ketanji ketanji memba malöhi, mianjögö buzupñi möta mindiqindiriba kangetket. ⁹ ††Mewö kangota utal wangibepüköra Jisösnöñ gwarekurupñi kewö jii mötket, "Ölököm niñgibepüköra injini mönö wangge kun miwikñai ba nöñgöra dowe alget tarök." ¹⁰ Mewö jii möta ambazip sehisehiñi mem ölöwak enjiba malök. Mianjögöra qemjem-mamjen aka sile lölömböröñinambuk pakpak yeñön silene misiribingöra liliköba gwötpuk aum metala utal wangiget. ¹¹ Ömenji ömenji yeñön Jisös eka jemesoholñe gölmenöñ geba kewö qetket, "Gi Anutugö Nahöñni akzan!"

¹² Mewö qetketka Jisösnöñ qetal enjiba könöñamñan aukñe asuhubapüköra sonjo köhöikñi al enjiyök. Mewö.

Jisösnöñ gwarekurupñi möwölöhöm enjiyök.

Mat 10.1-4; Luk 6.12-16

¹³ Könanjep Jisösnöñ kundunje öñgöba mianjögöreñ nanñi sihimñangö dop azi engehoholiga yangöreñ kaget. ¹⁴ Kagetka azi 12 mi yambuk malmegöra al enjiba Buña keuñi jim sehimegöra melaim enjiyök. ¹⁵ Melaim enjiba ömewöröme közöl enjimegö kukösumñi enjiyök.

¹⁶ Mewö aka azi 12 ki kewö al enjiyök: Pitö, Jisösnöñ qet mi Saimon wangiyök. ¹⁷ Jeims aka munñi Jon, iwinjiri qetñi Zebedi. Jisösnöñ yetkö qetñiri kun Boanerges qerök. Mi nanine keunöñ Pöndandangö Nahönyahötñi. ¹⁸ Andru, Filip, Bartolomyu, Matyu, Tomas, Jeims Alfiusgö nahöñni, Tadius, Saimon Zelotpolitik azia ^{††19} aka Judas Iskariot. Kariot azi mianjön könanjen Jisös mamalolo mem wangiyök. Mewö.

†† 3.9 Mak 4.1; Luk 5.1-3 †† Nasöñöl pati zelot yeñön Rom gawman tuarenjonñi aka nanjine kinkin mibingöra tuaköpek memba malget.

† 2.23 Dut 23.25 †† 2.25 1 Sml 21.1-6 † 2.26 Lew 24.9

Jisösnöj öme yengö kukösumņini ongita qei etza.

Mat 12.22-32; Luk 11.14-23; 12.10

²⁰ Jisösnöj mi al engiba kunduneyök eta nanņi miriņe kayök. Mire kaiga ambazip kambu ketanņi kunbuk kanğota tokogetka mönö miangöra tosolomņi yembuk nene nemingö osiget. ²¹ Osigetka sepkitipurupņan mi möta "Uruņi lõk sohoza!" jiget. Jiba geba wangitpingöra anget.

²² †Angetka Kõna keugö böhi Jerusalemök kageri, yeņön jiget, "Satangö Katakõmulatnõj mönö uruņe geiga malja. Yaņön öme yengö kembunjanğö ösumnõj ömewöröme enguatangömakza."

²³ Mewö jigerangöra Jisösnõj engoholi kagetka dopkeunõj kewö jii mötket, "Satanõj mönö denöwö alaņi Satan kun wuatangöbawak? ²⁴ Kantri kungö galõmurupņinan sutņine angururuk aka julme ewö yeņön mönö galõmkõlkõl nupņini memba kinbingö osime. ²⁵ Mewöyök miri kungö kõnagesö yeņön sutņine angururuk aka julme ewö, mönö galõmkõlkõl nupņini memba kinbingö osime. ²⁶ Mewöyök Satangö kõnagesö yeņön sutņine angururuk aka tuarenjoņ ak angubeak ewö, galõmkõlkõlņinağö ösumņan eriga bemtohoņinan mönö qahöwakņamğö akza.

²⁷ Kunņan azi kõhöikņangö kõna bõrõņi mutuk qahö jöhõma ewö, yaņön mönö miriņe öngöba qezanđa sukinapņi memamğö osima. Mutuk i jöhõi tarigun mönö ölop miriņeyök öryuaiņi pakpak wangita memba anma. (Miangö dop nõņön mewöyök Satan jöhõba andõņe ömenņi enguatangömakzal.") Mewö.

Singisöndok mosötmosõtņi qahö

²⁸ Nõņön keu ölni kun kewö jibi mötme, "Ambazip ketanņi morõņi singisöndok ahakzei, mi Anutunõj mosörakza. Lömbõtņambuk me awamņi mepaqepaik akeak mönö mi Anutunõj sanğon engima. ²⁹ ††Sanğon engimapmõ, Kunņan Uņa Tõrõņi ilita mepaikõmawi, miangö singisöndokņi Anutunõj mönö nalö kunõj qahö mosõtma. Saumbaņ! Singisöndok miangõn mönö qakņe öngõiga nalö tetekõņi qahö Anutugö jeņe keuņambuk malma." Mewö jiyök. ³⁰ "Ömenõj uruņe geyöhawa malja," Jigerangöra aka mewö kusum engiyök. Mewö.

Jisösgö nam-munurupņi.

Mat 12.46-50; Luk 8.19-21

³¹ Mewö eraum mötketka nam-munņan kaba yaigep kinda yengõreņ etmapkõ keu alget yangõreņ anök.

³² Aniga ambazip kambu yeņön lilikõm wangiba tata kewö jiget mörök, "Mõtnõj! Gõhö nam-mungan mönö yaigep kinda gõhöra qesize."

³³ Jigetka melenđa kewö jii mötket, "Nõņgö namni mi daņön aka munurupņi daņön?" ³⁴ Jisösnõj mewö jiba ambazip lilikõm wangiba tatkeri, i uba engeka kewö jiyök, "Eket nõņgö namni aka munurupņi mönö ki.

³⁵ Anutugõreņ jitsihitņi tem kõlahakzei, mienõn mönö nõņgö namni aka nen-munurupņi akze." Mewö.

Qesiņ gilgil azigö dopkeu

Mat 13.1-9; Luk 8.4-8

4 †Jisösnõj kunbuk o angö jitņe geba kõnahiba kusum engiyök. Kusum engiiga ambazip kambulembenõj yangõreņ anda tokogetka wangenõj öngöba o angö qakņe anda tarök. Tariga ambazip pakpak yeņön angö gõraņe saknõj tokoget. ² Mewö tokogetka dopkeu gwõtputk jiba kusum engiyök. Kusum engiba kewö jiyök.

³ "Mõtket! Azi kunņan nene kõtņi qesiņ gilmamğöra nupnõj anök. ⁴ Anda qesiņ giliga kõtņi tosatņan kõna jitņe geba kõlget. Geba kõlgetka (warawen) neiņi neiņi kanğota mi nem tekõget. ⁵ Kõtņi tosatņan kõt jamõn-jiņnõj geba kõlget. Geba kõla miangõreņ gõlme gwõtputk qahö miwikņaiget. Gõlme dutņi qahö ahöyõhangöra korapņi zilaņ kotket. ⁶ Kotketmõ, wehõnõj kota enguba jem kutum engiiga jalõņini qahõp-kõra soholiba gororõngõget. ⁷ Kõtņi tosatņan siriuret wahiņinambuknõj miangõreņ geba kõlget. Geba kõlgetka mienõn kota qem turugetka bõbõlohot mem engiget. Mewö aka ölni qahö kunguget. ⁸ Kõtņi tosatņan gõlme ölopņe geba kõlget. Geba kõla korapņini jula wahõta ipņinağö ölni ölopņi asuhuget. Tosatņan kõtņini 30, Tosatņan kõtņini 60, tosatņan 100 miangö dop ahum sehiget." ⁹ Mewö jiba jim teköyök, "Kunņan urukezapņambuk malja ewö, yaņön mönö dopkeu ki kezap ala möt kutuma." Mewö.

Jisösnõj wanigöra dopkeu jiyök.

Mat 13.10-17; Luk 8.9-10

¹⁰ Kambu ketanņi yeņön denđa angetka Jisösnõj nanņök tarök. Nanņök tariga gwarekurupņi 12 aka tosatņi lilikõm wangigeri, mi mohotņe dopkeu kienğö kõnaņinağöra qesim wangiget. ¹¹ Qesim wangigetka kewö melenđa jiyök, "Anutugö bemtohoņe angota malbingö keu tõlapņi mi engöra aukņe jibi möt kutuzemö, yaigep maljei, yengöra mi pakpak mönö dopkeunõhök asuhumakza. ¹² ††Mewö asuhuiga 'Nanņini jeņinan yuai ekagun kõnaņi tõndup qahö möt kutume.

Nanņini Kezapņinan keu tõrõrök mötagun kõnaņi tõndup qahö möt asarime.

Mi möt asaribeak ewö, mönö ölop uruņini melengetka Anutunõj singisöndokņini mosõtputak.""

Jisösnõj dopkeugö kõnaņi jiyök.

Mat 13.18-23; Luk 8.11-15

¹³ Jisösnõj toroqeba kewö jii mötket, "Dopkeu miangö kõnaņi kewö. Mi kude möt asarize ewö, dopkeu tosatņi pakpak jimami, mi mönö denöwö möt asaribeak? ¹⁴ Dop Keu miangö kõnaņi kewö: Qesiņgilgil azinõj Buņa keu qesiņda gilja. ¹⁵ Nene kõtņi kõna jitņe geba kõlgeri, mi kewö: Buņa keu qesiņ

† 3.22 Mat 9.34; 10.25 †† 3.29 Luk 12.10

‡ 4.1 Luk 5.1-3 †† 4.12 Ais 6.9-10

gilgetka ambazip uruñine gezapmö, mi mötketka Satanön miangöreñök kaba keu uruñine qesinget geyöhi, mi qeköba enguanjirakza. ¹⁶ Nene Kötñi qesiñniga köt jamönjiñnön geba kölgeri, mi mewöyök ambazip söpsöpñi kun. Yeñön Buña keu möta miangöreñök sösoñgai qakñe möt angön kölakze. ¹⁷ Mewö ahakzemö, uruñine jalöñi qahö ahöm engimapmö, nalö töröptökñi miyök kin köhöiba malme. Buña keugöra aka kahasililiñ me sesewerowo asuhuiga nalö miangöreñök mönö tala enguma. ¹⁸ Nene kötñi qesiñniga siriuret wahiñnam-bukñön geba kölgeri, mi kewö: Yeñön Buña keu mötketka uruñine geza. ¹⁹ Gezapmö, gölmenön mal-malgö waimanjatñi aka monen inap memegö urukönöpñi ahuba lömbörim engimakzal. Qetbuñanj-nambuk akingö köpösöñgögetka sihim kömböñanji bölöñi tosatñan mewöyök uruñine dumgöba Buña keu böbölohot mem wangize. Mewö aiga ölniñi qahö gilip-itñi (ambetakñi) akñe. ²⁰ Nene kötñi gölme ölöpñe qesiñniga geba kölgeri, mi ambazip kewöñi: Yeñön Buña keu kezap ala möta möt angön köla pöñdan kinda ölniñi miwikñaimakze. Tosatñan keu jit mohokñöhök kötñi 30 miwikñaimakze. Tosatñan ölniñi 60, tosatñan keu köt mohot mohot miengö ölniñi 100 mem sehiba miwikñaimakze." Mewö.

Lampe mi asakñi nengimapköra ahöza.

Luk 8.16-18

²¹ Jisösnön keu kun kewö jiyök, "Kunñan lambe me kiwa memba ohotiriba kimbut me dum bapñe alma me qahö? Mi waniñe alma? Mi mönö miangö dum tatatñön aukñe alma. ²² ††Mewöñanök yuai kun asam-bötket ahözawi, mi mönö aukñe asuhum tiñgitmap-köra ahöza. Yuai kun köl turuget ahözawi, mi mönö luluñget kötulmapköra aka ahöza. ²³ Kunñan urukezapñambuk malja ewö, yañön mönö dopkeu ki kezap ala möt kutuma." Mewö.

Denöwö diwelopmen ahuza?

²⁴ Jisösnön keu kewö jii mötket, "Keu mötzei, mi mönö möt angön köla urukönimñine ala köl guliba malme! (Mewö malgetka uruñini diñgiiga mötmötñi-nan qariiga möt kömume.) Injini tosatñi yengö keuñini kewöta jim tekömei, Anutunön mönö jimkutukutuñini mohot miangö dop nanñini keuñini kewöta jim teköma. Dop mi mönö ongita likepñi melen engima. ²⁵ ††Mi-angö köñanji kewö: Kunñan mötkutukutuñambuk mal-jawi, Anutunön mönö mi toroqem wanggiiga malmapp-mö, kunñan mötkutukutuñi qahö maljawi, Anutunön mönö mötmötñi morönji ahözawi, mi mewöyök qeköba wangitma. Mewö.

Buña keu kötñi mi korapñambuk.

²⁶ Jisösnön dopkeu kun kewö jiyök, "Anutugören bemtohoñi mi kiangö dop: Azi kunñan nuwe anda nene

† 4.21 Mat 5.15; Luk 11.33 †† 4.22 Mat 10.26; Luk 12.2 ‡ 4.24 Mat 7.2; Luk 6.38 †† 4.25 Mat 13.12; 25.29; Luk 19.26

kötñi qesiñda gilma. ²⁷ Qesiñda gila anda sunjem silim ahöba wahöta ahöba wahöriga nene kötñangö korapñi jula korakze. Denöwö jula korakzei, mi nanñak qahö möt kutuza. ²⁸ Gölmönön nanñök nam köli ölni asuhumakza: Mutuk ipñi, könangep ölni aka miangö andöñe ölnangö kötñi mi körek asuhuba qarim teköme. ²⁹ ††Ölni qarim teköba öliiga ölni memegö nalöñi aiga welenqequeurupñi melaim engiiga souñini kapenkapenñgöñi jitñinambuk memba ölni memb-ingöra nupñe anme." Mewö.

Nejoñ kötñangö dopkeu

Mat 13.31-32, 34; Luk 13.18-19

³⁰ Jisösnön dopkeu kun kewö jiyök, "Anutugö bemtohoñi mi wanatpuk dop albinak me wanat söpsöp keu jiba jim asaribinak? ³¹ Mi nejoñ kötñangö dop kewö akza: Kötñi mi morö közözömñi. Mi gölmegö nene köt pakpak miengö eretñini akza. Mewö aiga nup gölmenön esize. ³² Esizemö, jula wahöta yöha pakpak engongita qariba böronji ketanji gili anje. Mewö gili angetka könakembagö neiñi neiñi miengön aipñini miangö aumñe alakze." Mewö.

Jisösnön dopkeu gwötpuk jiyök.

³³ Jisösnön dopkeu mewöñi mewöñi mi gwötpuk jiba mala Buña keu jiiga mötket. Möt kutugerangö dop mi jiiga möta malget. ³⁴ Nalö dopkeuñi pakpak mi dopkeunön jiba malök. Keuñi kun öne kude jiyökmö, gwarekurupñi yembuk nanñinök malgetka keu pakpak miengö köñanjiñi mi jim asarim engiba malök. Mewö.

Jisösnön jiiga raidimbom görön qeyök.

Mat 8.23-27; Luk 8.22-25

³⁵ Wehön miangöreñ mare aiga Jisösnön gwarekurupñi kewö jii mötket, "Mönö mosöta angö kutuba likepñe angotpin." ³⁶ Mewö jiiga ambazip kambu engömosöta Jisös wangigetka wangenön tari anget. Wangen tosatñi mi mewöyök yembuk awatan anget. ³⁷ Angetka raidimbom ketanjan ömtöröp (töröpñanök) giliga sirinön wangen uruñe gegetka wangen numbuñe qemangö ahök. ³⁸ Mewö aiga Jisösnön wangen tetekönge tata qömböñnön nariba gaun ahöyök. Gaun ahöiga gwarekurupñan anda möndöba jiget, "Hei böhi! Nini angönön ayuhubingöra akzin. Miangö waimanjatñi kun mötzan me qahö?"

³⁹ Mewö jigetka imbiñi möta luhut aka siri kewö jim getal etkiyök, "Mönö bököba öne ahönön!" Mewö jiiga luhutnön döngöiga sirinön nöñ qeba ahöyök. ⁴⁰ Mewö aka kewö jim engiyök, "Injini mönö wuanöñgöra kengöt mötmöt azia akze? Denöwögöra aka Anutu qahö möt narize? Sömbuñini mönö öne mötze."

⁴¹ Jiiga awöwöliba qem sömbuñini möta eraum mötket, "Yei, azi kia mönö denöwöñan malja? Yañön mönö luhut aka köwet jim kutum etkiiga jitñi tem köljahot?" Mewö.

‡‡ 4.29 Joel 3.13

Ömenön bau urujine gegetka azinön ölöwahot.

Mat 8.28-34; Luk 8.26-39

5 Mewö asuhuiga angö kutuba likepne Gerasin yengö gölmenön angotket. ² Angota körökne öngögetka Jisösnön wangne mosöriga miangöreñök azi ömenambuk kun mi qaksirinöhök kaba kinda Jisös mi-wikñajiyök. ³ Azi mi qaksirinön mala qamöt kötenji esiba urorohoget ahögerangöreñ ahöm malök. Azi körekñön könabörönji tapep (mungamunga) kösönön jöhöbingö osiba malget. ⁴ Indimñi gwötpuk könani tapep kösönön jöhöba börötakñi qeba malgetmö, börö takñi kusula köna kösönji titikutuba maliga körekñan i galöm köl osiget. ⁵ Osiba sungem asak dop sundan qaksirigö köt kötenñön me kundunje lanlan ahöba malök. Mewö mala silata qeta silenji kötnön qem kutumutuba malök.

⁶ Jisösnön tikep kaiga eka ösumñan kaba gölmenön kösutñe geba simin kölök. ⁷ Simin köliga Jisösnön ömenji mi kewö jim wangimangöra ahök, "Öme bölönji! Gi mönö azi ki mosöta anön!" Mewö jimangöra aiga qet bölöbölö ketani qeta jiyök, "Aek! Gi Jisös, Anutu öngöñgöñangö Nahönñi akzan. Gi denöwö ak niñgimangöra kazan? Nönön Anutugö jemesoholñe ulet gihizal: Gi keu jöhöba jöjopañ keunön jim köhöiba mönö sihimbölö könöpñambuk kude ak niñginön."

⁹ Mewö jiiga kewö qesiyök, "Gi qetki niñji?" Qesiiga jiget, "Nini gwötpuk maljinangöra qetnini Lijön jizin." Mi nanine keunön Kerök kambu ketani. ¹⁰ Mewö jiba kapañ köla kewö ulet wangiget, "Gi neñguatangöbanak, mewö mönö gölme kiangöreñök kude melaim neñgiman."

¹¹ Kösutñine kundunji marömñe miangöreñ bau kambu ketani kun gwözözak urune kulunja malget. ¹² Miangöra ömenön kewö jiba Jisös ulet wangiget, "Göñön melaim neñginönña nini ölop bau miengö urujine gebin." ¹³ Jigetka "Mönö anda geget," jiba jim kutum enjiiga azi uruneyök kota anda bau urujine geget. Gegetka miangöreñök bau kambu 2000 miangö dop mi mönö luhuba nembönembönön anda jororöñgöba o angönön geba nemulahöba kömuget.

¹⁴ Kömugetka bau galöm yeñön ölöñ unjurata taon aka miri morömörö miangöreñ anda keu buzupñi jiget. Jiget mötketka ambazip sesegilgil yeñön yuai asuhuyöhi, mi ekingöra kaget. ¹⁵ Kaba Jisösgöreñ kanjuta eketka azi öme kambuñambukñön malöhanñön mönö opo sileötanj törörök jöhöba tata urunji amöri-iga imbi mötmötñi pakpak asuhuiga eka awöwöliget. ¹⁶ Kingetka bau mi denöwö geba kömuger i aka azi ömenambuk yangöreñ yuai asuhuyöhi, mi ekeranñön kösohot yahöt mi jiget mötket.

¹⁷ Möta kinda Jisösnön mindimindiri sel gölmenjini mosöta anmapkö ulet wangiget.

¹⁸ Ulet wangigetka mosöta wangenön öngö-mamgöra ahiga azi ömenambuk malöhanñön kaba Jisösbuk mohotñe anda malmamgöra qesiyök."

¹⁹ Qesiyökmö, Jisösnön qetal wangiba kewö jii mörök, "Gi mönö mirige anda tinitosolomurupki enge-

ka Kembunön angöletot ketani aka ak-kömum gi-hiyöhi, miangö kösohotñi jinönña mötme."

²⁰ Mewö jiiga mosöta anda Jisösnön angöletot ketani ketani ak wangiyöhi, miangö keunji könahiba Ten-taon distrik urune jim sehiiga körekñan welipköget. Mewö.

Jairusnön böratñangöra Jisös köuluköyök.

Mat 9.18-26; Luk 8.40-56

²¹ Jisösnön wangenön öngöba lilingöba angö kutuba likepne kaiga ambazip kambu gwötpukñan yangöreñ kaba tokogetka angö jitne kinget. ²² Kingetka köuluk mirigö keu galöm kun qetñi Jairus yanön kaba Jisös eka wösöne geba simin köl wangiyök. ²³ Simin köl wangiba kapañ köla köuluköba kewö jiyök, "Böratni moröñan mönö kömumamgö akza. Mönö kaba börögi qakñe alnönña ölöwaka toroqeba malma."

²⁴ Mewö jiba Jisös wangiriga mohotñe anohotka ambazip kambulelembe yeñön andönjire anda ölöqölököba liliköm etkiba anget. Mewö.

Kawöl ambi kunön Jisösgö malukunji misiriyök.

²⁵ Angetka miangöreñ sutñine ambi kun malök. Yanön (yara) yambu 12:gö dop köiñnön ehiga nalö dop kawöl yöhöiga malök. ²⁶ Mewö mala sihimbölö gwötpuk möriiga sile galöm gwötpukñan yangö nup megetka baukbau kun kude miwikñaiiba malök. Yanön sile galöm ambazip yengö töwanangöra monen inapñi körek gila malökmö, kawölñi miangön mönö mem bölim wangiiiga malök. ²⁷ Mewö mala Jisösgö buzupñi möta kewö jiyök, "Nönön i oseimangö möt lömböriba malukuneyök borom kun misiribilerak ewö, mönö ölop ölöwakñam." Mewö jiba ambazip kambu sutñine Jisösgö andönje anda malukunje misiriyök.

²⁹ Misiriiga sepñi miangöreñök jöpköiga qemjem-mamjenan qahöwahiga silenjan ölöwahiga mörök.

³⁰ Ölöwahiga Jisösnön miangöreök ösumñi kun kutuba anöhi mi möta ambazip kambu sutñine lilingöba jiyök, "Dañön malukuni misiriza?"

³¹ Mewö jiiga gwarekurupñan kewö jiget mörök, "Ambazip kambunön ölököba liliköm gihiba goseize. Mi eka denöwö 'Dañön nömisiriza?' jizan?"

³² Mewö jigetmö, Jisösnön kunbuk "Dañön mi akza?" jiba mi miwikñaimamgöra lilingöba uba engehök.

³³ Engehiga ambi silenje angöletot asuhuyöhi, yanön mi möta miangöra keñgötñi möta jönömñi unduiga kaba Jisösgö wösöne geba simin köla könani pakpak jii mörök. ³⁴ Jisösnön mi möta kewö jii mörök, "Böratni, mötnaripkan mönö mem ölöwak gihiza. Qemjem-mamjenan mönö qahöwahiga ölop urubönjöhñön anman." Mewö.

Jisösnön Jairusgö böratñi mem guliyök.

³⁵ Keu mewö jiba kiniga köuluk mirigö keu galömñangö mireyök kunñan welen kaba Jairusgöra jiyök, "Böratki kömuza! Miangöra böhigö qakñe lömböt toroqeba kude alman."

³⁶ Jiiga Jisösnöñ keu mianjö nönöñgan aka köuluk mirigö keu galömñi kewö jii mörök, "Keñgötki kude mötnöñ! Mönö ni möt narim niñginöñ." ³⁷ Mewö jiba ambazip tosatñi engömosöta Pitö, Jeims aka Jeimsgö munñi Jon miyök enguanñiri i wuatangöba anget. ³⁸ Anda köuluk mirigö keu galömñangö mire angotketka ambazip kambu göju megetka engehök. Gwöt-pukñan jingene köla köhöikñanök sahöta amburereñ meget. ³⁹ Engeka mire öngöba kewö jii mötket, "Inini mönö wuanöñgöra göju memba sahötze? Morö mi-anñon qahö kömuzapmö, gaunök ahöza."

⁴⁰ Mewö jii mötket gönahit ewö aiga gön köl wanjigetmö, yanñon i körek enguatangöba morögö iwinamñi aka tosatñi yambuk malgeri, miyök enguanñirigira morönöñ ahöyöhanñoreñ öngöget. ⁴¹ Öngögetka börat mi böronje memba yanñora jiyök, "Talita kum." Mi nanine keunöñ Ambi moröñi, ni göhöra jizal: Mönö wahötnöñ!

⁴² Mewö jiiga ambi (yara) yambuñi 12 mianñon mönö mianjöreñök wahöta kinda anda kayök. Mewö aiga eka kesötñini yöhözömgöba welipköget. ⁴³ Welipkögetka mianjö buzupñi kun jiget mötpepukö jiba soñgo köhöikñi al engiyök. Al engiba ambi moröñi numbu nene wanjiget nemapkö jiyök. Mewö.

Nazaret yanñon Jisös andö qeget.

Mat 13.53-58; Luk 4.16-30

6 Mi asuhuiga Jisösnöñ Jaiusgö miri gölme mosöri-ga gwarekurupñan wuatangöba yambuk anda Jisösgö malqarip taonön angotket. ² Sabat kendonöñ kaiga köuluk mire öngöba Buña keu könahiba kusum engiyök. Kusum engiiga möta ambazip gwötpukñan auruba welipköba kewö jiget, "Yei, kezapjupjup! Yuai pakpak ki mönö denikeyök möta jiza? Mötkutukutunñi mi mönö danñon kusum wanñiiga jiza? Aka angöletot kukösumñinambuk mewöñi mi mönö danñon inahöi böronñan meiga asuhuze? ³ Azi ki mönö miri kianjö mitimqeqe asia. Mariagö nahöññi aka Jeims, Josef, Juda aka Saimon yanñö datñina. Nenurupñan mönö sut-nine ki malje." Nazaret yanñon mewö jigetka urunñan böliiga mianjöreñ qaköget.

⁴ †Qakögetka Jisösnöñ kewö jii mötket, "Kezapqetok azigö sepkitip aka tinitosolomurupñan mönö nanñi taonöñ jijiwilit ak wanñimazkemö, miri tosatñi mi-anjöreñ mewö qahö.

⁵ Mewö akerangöra Jisösnöñ kawöl ambazip mohot mohot böronñi qakñine ala mem ölöwak engiyökmö, angöletot kukösumñinambuk tosatñi memamgö osiyök. ⁶ Mewö ahiga mötnaripñinan qahö asuhuiga yanñisenanñora aka auruyök. Auruba Nazaret mosöta kösutñe mirinñi mirinñi liliköba Buña keu kusum engiba malök. Mewö.

Jisösnöñ gwarekurupñi 12 melaim engiyök.

Mat 10.5-15; Luk 9.1-6

⁷ Jisösnöñ gwarekurupñi 12 mi engoholi kagetka könahiba yahöt yahöt pakpak melaim engiyök. Melaim

† 6.4 Jon 4.44

engiba ömewöröme közöl engimegö kukösumñi engiyök. ⁸ ††Mi engiba kewö jim kutum engiyök, "Köna anmeangöra öröpnini memba anme. Yuai tosatñi kun kude meme. Köna naleme qahö, gösö qahö me soujenñi mi irimunñangine kude jöhöme. ⁹ Köna esu ölop könanine jöhöba maluku semöññi qahöpmö, mohot meme." ¹⁰ Mewö jiba kewö jii mötket, "Anda miri denike denike angotmei, mönö mianjöreñök mala nup memba taon mi mosöta köna anme. ¹¹ †Anda mala miri kunöñ angotketka qahö köl öröm engiba keunñi qahö mötketka nesampurekñini mönö kewö jiba kon-del engime, 'Nini engö gölmenöñ kainga sölbuham köna tambönine mekötahözawi, mi mönö tim tönjöraringa nanñine lilingöba gema.' Mewö jigetka könanamñini solanñi möt kutugetka ölop miri me taon mi mosöta toroqeba anme."

¹² Mewö jiiga mosöta anda ambazip urunñi melenmegö Buña keunñi jim sehiba malget. ¹³ ††Mala öme gwötpuk enguatangöba kawöl ambazip gwötpuk kelöknöñ engömiriba mem ölöwak engiget. Mewö.

Kiñ Herodnöñ kengötñi mörök.

Mat 14.1-12; Luk 9.7-9

¹⁴ ††Jisösgö qetbuñanñan sehiba kiñ Herodkö kezapñe gei mörök. Ambazipnöñ kewö jiget, "Jon o melun azinöñ mönö kömupnöhök wahöta nupñi meiga angöletot kukösumñinambuk asuhumakze."

¹⁵ Mewö jigetmö, tosatñan kewö jiget, "Mi mönö Elaija (Elia)" Tosatñan toroqeba jiget, "Mi kezapqetok azi walñi yanñoreñök kun."

¹⁶ Mewö jigetmö, kiñ Herodnöñ mi möta kewö jiyök, "Jon o melun azi nöññon jibi jölñi kutugeri, yanñon mönö kömupnöhök wahöta malja." Waimanñat möta Mewö jiyök.

Jongö jölñi kutugetka kömuyök.

¹⁷ †††Mi kewögöra jiyök: Herodnöñ munñi Filipkö anömñi Herodias ölon meiga Jon o melun azinöñ kiñ jim wanñiiga opotöröp melaim engiiga anda Jon memba jöhöba kösö mire al wanñiget. ¹⁸ Jonöñ Herodköra keu kewö jiyök: Gi qamböt ki memba mala Köna keu ongitzan."

¹⁹ Mewö jiiga Herodiasnöñ Jon kazik ak wanñiba qeget kömumapakö mörökmö, mianjö könanñi kun qahö miwikñaiyök. ²⁰ Qahö miwikñaiiba Jonöñ azi solanñi aka sarakñi töröñi ahöhi, mi möta sel jöhöba kölközizip ak wanñiba Jongöra kengötñi möta malök. Mewö mala Jongö jitñeyök keu möröhi, mi urunñi kungugetka keu gwötpuköra uruyahöt ahök. Mi töndup töndup Jongö keunñi mötmamgö sihim mörök.

²¹ Mewö aiga Herodiasnöñ Jon qemamgö könanñi qahö miwikñaiiba maliga mianjö nalöñi ölopñi kewö kam kunguyök: Kiñgö ahuhahu nalöñan kaiga közölömbuanñi ala jembon aka suahö galömurupñi aka Galili prowinsgö jitñememe bohonñi mi köl öröm, engiiga kaba tatket. ²² Kaba tatketka Herodiasgö böratñan miri

†† 6.8 Luk 10.4-11 † 6.11 Apo 13.51 †† 6.13 Kemb 5.14
†† 6.14 Mat 16.14; Mak 8.28; Luk 9.19 ††† 6.17 Luk 3.19-20

miaŋgö uruŋe kaŋgota danis aliga Herod aka yambuk tebol liliköba tatkeri, yeŋön miaŋgö eksihimŋi gwöt-puk mötket. Mewö mötketka kiŋnön ambi seramgöra kewö jiyök, "Böratni! Wani yuaigöra sihimgi mötzani, mi ölop qesinönŋa tököm gihimam." ²³ Mewö jiba keu mi jöjopaŋ keunön jim köhöiba kewö jii mörök, "Wani yuaigöra qesim niŋgimani, mi mönö ölop gihimam. Yuai mi me mi me prowins galöm kölakzali, mi tok ölop endeŋda likepŋi kun gihibiga galömŋi akŋan."

²⁴ Mewö jii möta yaigep anda namŋi kewö qesim waŋgiyök, "Namni, ni mönö Kiŋnön wani yuaiya niŋgimapköra qesimam?"

Mewö qesim waŋgiiga kewö melenök, "Mönö jinönŋa Jon O-melun azigö jölŋi yandigetka nöropŋi memba kaba niŋgiman."

²⁵ Mewö melenŋiga miaŋgöreŋök miri uruŋe kiŋkiŋgöba kiŋgöreŋ öngöba kewö qesiba jiyök, "Kewöni! Nönön sihimnan kewö mötzal: Göŋön mönö jimkuntunönŋa Jon O-melun azigö jölŋi yandiba nöropŋi memba kaba köndenön algetka mia döldöpki niŋgiman."

²⁶ Mewö jiiga kiŋgö uruŋan kömbuhiiga wösöbirik mörökmö, jöjopaŋ keuŋan jöhöi ketaurupŋan mi mötketka yengö jemesoholŋine etpapuköra qeŋesin andö qemangö möt lömböriba tököyök. ²⁷ Tököba miaŋgöreŋök opotöröpŋi kun melaiba jiyök, "Gi mönö anda Jongö jölŋi yandiba nöropŋi memba kaman."

²⁸ Mewö jiba melaiiga kösö miri gwaröŋe anda jölŋi yandiba nöropŋi memba kaba köndenön ala ambi seram mi waŋgiiga namŋi waŋgiyök. ²⁹ Jongö gwarekurupŋan miaŋgö buzupŋi möta anda qamötŋi memba qaksirigö köt köteŋnön ala löm kölget. Mewö asuhuyöhaŋgöra kiŋ Herodnön könaŋep Jisösgöra jiyök, "Jonön mönö kömupnöhök guliba wahöta malja." Mewö.

Jisösnön azi 5000 nene gumohom enŋiyök.

Mat 14.13-21; Luk 9.10-17; Jon 6.1-14

³⁰ Melai melai azi Aposol yeŋön Jisösgöreŋ kaba tokoba yuai memba ambazip kusum enŋigeri, miaŋgö kösohotŋi pakpak jiget mörök. ³¹ Jiget möriŋa ambazip totnön totnön qösösök kaba anda aketka silenŋi köŋgaŋiiga nene nembangö nalö qahö ahöyök. Miaŋgöra Jisösnön gwarekurupŋi kewö jii mötket, "Inŋi mönö kaba gölme kötikŋe naninök malbingöra anda borom kun luhut meme." ³² Mewö jiiga enŋömosöta waŋgenön öngöba gölme kötikŋi kungen nanŋinök malbingöra anget.

³³ Angetka ambazipnön mi eka gwötpukŋan miaŋgö buzupŋi möta taon aka miri dop miengöreŋök gölme köna kiŋkiŋgöba mutuk anda miaŋgöreŋ angotket.

³⁴ †Angotketka Jisösnön waŋgenöhök eta ambazip kambu ketanŋi enŋehiga lama galömŋini qahö tandök ilingösön laŋ malgetka yengöra wösöŋi mörök. Wösöŋi möta könaŋiba Buŋa keu könaŋi könaŋi kusum enŋiyök. Mewö.

Jisösnön azi 5000 nene gumohom enŋiyök.

³⁵ Mewö aka maliga miri jeŋan teköba gemangö ahi-ga gwarekurupŋan Jisösgöreŋ kaba kewö jiget, "Böhi! Nini gölme kötikŋi kiŋgöreŋ malinga miri lök söŋaumangö akza. ³⁶ Miaŋgöra gi ölop ambazip ki melaim enŋinönŋa miri aka koum dowe dowe tat anjei, miaŋgöreŋ anda numbu nenenŋi söŋgöronŋi memba neget.

³⁷ Mewö jigetmö, kewö melenŋa jii mötket, "Enön mönö nanŋinak i nene gumohom enŋime." Mewö jiiga jiget, "Neŋön mönö denöwö akinto? Nup meme nalö 200:kö töwaŋi (Kina 1000,-) ahöza. Monerŋ mia memba anda nene beret söŋgöronŋi memba gumohom enŋibingöra jizan me?"

³⁸ Mewö qesim waŋgigetka jiyök, "Nanŋine nene beret dawik ahöza? Mi anda eket." Mewö jiiga gösöŋini qeaŋda jiget, "Beret 5 aka söra yahöt mia memba maljin."

³⁹ Mewö jigetka Jisösnön ambazip kambu kewö jim kutum enŋiyök, "Ambazip pakpak, inŋi mönö deŋda nene nembangö kambu morömorö tokoba lulup görökŋe geba tatket." ⁴⁰ Mewö jim kutum enŋiiga kambuŋi kambuŋi dowe dowe deŋda tatket. Kirip tosatŋi 100 aka tosatŋi 50 mewö mewö tokoba tat anget.

⁴¹ Tat angetka beret 5 aka söra yahöt mi memba Suepnön ui öngöiga kötuatköba beret mindipköba gwarekurupŋi enŋiiga ambazip kirip dop mendeŋda sutŋine alget. Söra yahöt mi mewöyöhök kambu pakpak yengöra mendeŋök. ⁴² Mendeŋniga ambazip körekmakörek memba nem timbireŋ aket. ⁴³ Nem timbireŋ aka nene kitipŋi kitipŋi mosötkeri, mi gwarek yeŋön qezakögetka sakap 12 miaŋgöreŋ geba kokolak qeyök. Mewöyök söra kitipŋi mi mem kiripköget. Mewö. ⁴⁴ Azi beret negeri, yengö jaŋgönŋi mi 5000.

Jisösnön o anŋö qakŋe tiba tiba anök.

Mat 14.22-33; Jon 6.15-21

⁴⁵ Neget teköiga Jisösnön miaŋgöreŋök gwarekurupŋi jim kutum enŋiba kewö jiyök, "Inŋi mönö waŋgenön öngöba qeljine o anŋö kutuba likepŋe Betsaida mire anme. Nönön ölop nalö sutŋe ambazip kambu ki melaim enŋibagun kamam." ⁴⁶ Mewö jiba yaizökzök jim enŋiba enŋubula kundune öngöba köuluköyök. ⁴⁷ Köuluköba mali mare ahiga nanŋik kötikŋi kundune maliga waŋgeninan anŋö bibiŋe anök. ⁴⁸ Ani lökuatnön qeba qem bibiŋiba naŋgöget aniga luhutnön angeraŋgöreŋök gila kai lömböriiga bömbömgöget. Miri awöraŋgöiga (3-6 kilok) miaŋgöreŋ Jisösnön mewö enŋeka o anŋö qakŋe tiba tiba gwarekurupŋi yengöreŋ Kaba enŋongitmamgö ahök. ⁴⁹ O anŋö qakŋe tiba tiba kaiga eka "Köwet Songoriŋnön kaza!" jiba könaŋiba qeta silatket. ⁵⁰ Qeta silata körek i eka keŋgötporiŋ aketmö, Jisösnön miaŋgöreŋök keukeu jiba kewö jii mötket,

"Alaurupni! Mönö ewebibiŋinambuk saitingit malme. Nanak kazal. Keŋgötŋi kude mötme." ⁵¹ Mewö jiba yengöreŋ waŋgenön öngöiga luhutnön nön qeba

† 6.34 Jan 27.17; 1 Kiŋ 22.17; 2 Hist 18.16; Eze 34.5; Mat 9.36

görön alök. Görön aliga jönömñini undui önönji qahö auruget. ⁵² Mutuk beret mem sehiba gumohom enjiyöhi, miangö kónañi qahö möt asarigetmö, uruñi nan gwözöñniga tok auruba tatket. Mewö.

Jisösnöñ Genesaret mala mem ölölowak nup meyök.

Mat 14.34-36

⁵³ O angö kutuba likepñe Genesaret mire angota wange mosöta saknön geget. ⁵⁴ Wange mosöta Saknön gegetka ambazipnön Jisös miangörenök möt kutum wängiget. ⁵⁵ Möt kutum wängiba keu algetka kiñkiñgöba mindimindiri sel gölmeñine miri dop liliköget. Lilikögetka möta kónahiba kawöl ambazip kululunön angum enjiba Jisösnön miri denike malöhangö dop enjuangita kaget. ⁵⁶ Miri dop, taon, miri me koun kungö uruñe anöhangö dop kawöl ambazip enjuangita sombemñine al enjiget. Al enjiba sileñe me Jisös malukuñangö suñe misiribingö ulet wängiba malget. Misirigeri, körek yeñön mönö ölowak teköget. Mewö.

Ambösakon yeñön keu kusum sohoget.

Mat 15.1-9

7 Köna keugö kapañkölköl aka miangö böhi tosatñi Jerusalem sitinöhök kageri, yeñön Jisösgöreñ kaba tokoget. ² Nalö miangöreñ Jisösgö gwarekurup tosatñan börönini kude sañgonða dom amöt qahö qeba nene negetka engeka uruñini böliyök.

³ Farisi (Köna keugö kapañkölköl) aka Juda ambazip tosatñi pakpak yeñön ambösakon yeñgö silikñini wu-atangöba malget. Miangöra börönini mutuk sañgon soroköbagun nene nemalget. ⁴ Mewöyök nupnöhök me maketnöhök kamei, mutuk o utuba arim tönjöratagun nene misirimalget. Mewöyök kiwi qambi, közökimbut aka jout pakpak mi sañgonða amöt qemalget. Silik mewönji mewönji mi gwöt-puk wuatangöba malget.

⁵ Miangöra Köna keugö kapañkölköl aka miangö böhi yeñön Jisös kewö qesim wängiget, "Göhö gwarekurupkan wuanöngöra ambösakoninangö silikñini qahö wuatangöba börönini domamöt qahö qeba töndup nene neze."

⁶ †Mewö qesim wängigetka kewö jii mötket, "O urumelengö silesile ambazip, kezapqetok azi Aisaianön mönö enjö kónañamñini törörök indela Buzup Kimbi kun kewö ohoi ahöza,

'Ambazip kambu kianön mönö numbu jitñinan ölöpñanök göda qem niñgimazkemö, uruñinan nönöñgan ak niñgiba kungen algetka köröwen ahöza.

⁷ Mewö ahöiga nöngö waikni öne töhön memba möpösem niñgimazkemö.

Köna keu kusum enjibin, jiba salupñe ambazip yeñgö jimkutukutuñini mi numbu o alakze.'

⁸ Aisaianön mewö ohoyök. Injini mönö miangö dop Anutugöreñ jöjöpñ keu andö qeba ambösakonñinangö silikñi wuatangömakze. Mi qahö dop kölja."

† 7.6 Ais 29.13

⁹ Mewö jiba kewö jiyök, "Nanñini silikñini walñi wu-atangöbingöra mönö ölöpñanök Anutugöreñ jöjöpñ keu qeapkömakze. ¹⁰ ††Miangö keuñi kun kewö: Mosesnön kewö jim kutuyök, 'Iwinamgi mönö göda qem etkimakñan,' aiga 'Kunñan iwinji me namñi qesuahömawi, i mönö qegetka kömuma.' ¹¹ Mewö jim kutuyök-mö, injini keu mi ongita kewö jimakze, 'Kunñan iwinamñi yetköra kewö jima. Wösöni mötzal. Nöngö nañgönangö yuaini buña qem angubahorak, mi lök Anutugö danje tahaya albi ahöza. Mi saiwap naluköra kewöta albi ahöza. ¹² Kunñan mewö jiiga dop kölma.' Mewö jiba jöhöm wängigetka iwinamñi yetköra bauk-bauk kun qahö toroqeba etkimakña. Mi qahö dop kölja. ¹³ Yei! Mewö aka nanñini ahakmemenñinangö silikñini jim kutuba miangön Anutugöreñ jöjöpñ keu utala omanji aka pömsöm qemakza. Injini yuai mewönji gwöt-puk ahakze." Mewö melen enjiyök. Mewö.

Azi uru mi denöwö tölohoba lantiza?

Mat 15.10-20

¹⁴ Jisösnön ambazip kambu kunbuk engehoholi kagetka kewö jii mötket, "Injini mönö körek keu ki kezap ala möt asarime. ¹⁵ Azi yaigepñeyök yuai uruñe gemakzawi, miangön mönö tölohom wängimangö osimakzap-mö, nanñi urukönömñeyök keu kota erakzawi, miangön mönö tölohom wängimakza. ¹⁶ Kunñan kezapñambuk malja ewö, yeñön mönö keu ki kezap ala möt kutuma." Mewö.

¹⁷ Jisösnön mewö jiba ambazip kambu enjömosöta anda miri kunön öngöyök. Öngöba tariga gwarekurupñan dopkeu miangö kónañangöra qesiget. ¹⁸ Qesigetka kewö jii mötket, "O alaurupni, injini mewöyök mötmötñini ölöpñi qahö akze me? Nene yuai azi yaigepñeyök uruñe gemakzawi, mi tölohom wängimangö osimakza. Mi möt kutuze me qahö? ¹⁹ Mi urukönömñe qahö gemakzapmö, kömgokñe geba yaigep erakza." Jisösnön keu mewö jiba miangön "Numbu nene pakpak mem sarahim teköyök."

²⁰ Jisösnön toroqeba kewö jiyök, "Azi urukönömñeyök keu kota erakzawi, miangön mönö tölohom wängimakza. ²¹ Ambazip uru kónömñineyök yuai kewönji asuha korakza: Keu bölöñi mötmöriba serowilin akingö mörakze. Yongorö memba suña jinañ memba ambazip enjuget kömumegö mörakze. ²² Qesabulum akingö mörakze. Membagu mendingö nepaqepalok köpösöngömakze. Bidañda gatmisimisi, jiliwitiñ aka isimkakalek akingö mörakze. Lösö jiba urupik akingö mörakze. Kezapjupjup aka körogisigisi akingö mörakze. Söngöröqök mala andöqeqe keu yöhösañ jiba Anutu mepaiköbingö mörakze. Jakbak-öranjörañ aka uruqahö ahakze. ²³ Yuai bölöñi pakpak miangön mönö ambazip uru kónömñineyök kota ambazip tölohom enjimakza." Mewö.

†† 7.10 Eks 20.12; 21.17; Lew 20.9; Dut 5.16

Kenan ambi kunjan kapan köla köuluköyök.

Mat 15.21-28

²⁴ Jisösnön wahöta Genesaret gölme mosöta siti qetjiri Taiö aka Saidon mietkö distrik qetjri Fonisia mi-angö uruñe anök. Anda miri kunön öngöba buzupji kunjan mötpapuköra numbuñini muhungöyökmö, töndup tölapñe malmamgö osiyök. ²⁵ Osiiga mi-angörenök ambi kun bōratñi moröñan ömenambuk maliga Jisösgö buzupji möta yangören kaba könane geba simin kölö. ²⁶ Ambi mi Judaya qahöpmö, Grik keu jiba malök. Iwinamñan Siria prowinsgö Fonisi-agöra. Yanñon bōratñangö uruñeyök öme közölmapköra ulet wanñiyök. ²⁷ Ulet wanñiiga kewö jii mörök, "Juda nini mutuk nanine nahönbōraturupnini gumohom enñiinga bikñi enguma. Mianğöra morö yengö miriñineyök beret memba kiam enñiinga qahö dop kölbapuk. Juda nini kianurup enğö qetjini kiam qerakzin. Nöñon mutuk Juda ambazip bauköm enñibiga kantri tosatñi enñon mönö kiamgö dop mamböta malme."

²⁸ Mewö jii möta kewö meleñnök, "Kembu, mi ölop mötzalmö, kiam moröñi yanñon mönö mewöyök morö yengören nene boromñi tebol bapñe eriga nemakze."

²⁹ Mewö meleñniga Jisösnön kewö jii mörök, "Keu mewö jizanağöra ölop möt gihizal. Öme mianñon mönö dölkö bōratki mosöta anja. Mianğöra ölop anman."

³⁰ Mewö jii möta miriñe ani ömenön bōratñi mosöri-ga dumñe ahöiga ehök. Mewö.

Jisösnön azi kun möhamgöyök.

³¹ Jisösnön kunbuk Taiö siti gölme mosöta Saidon sitinön anda onğita mösököba Ten-taon gölmegö bibiñi onğita Galiligö o angö kösutñe kayök. ³² Kaiga kezapduhup azi kun keuñi qahöwakñapaköra ahöhi, mi wanğita Jisösgören kaget. Kaba bōröñi nöropñe almapköra qesim wanğiget. ³³ Qesim wanğigetka azi mi wanğita ambazip kambu mosöta kungen anohot. Anda Jisösnön bōrö suapñi kezapñe ala kinda kunbuk nanñi bōrö suapñe söutköba nesilamñe misiriyök. ³⁴ Misiriba suepnön ui öngöiga osongombuk köuluköba nanñe keunön "Efata," nanine keunön Tohonön! mewö jiyök.

³⁵ Mewö jiiga kezapyahötñan tohoyohotka nesilamñan lolohoiga keuñi ölopñanök jiyök. ³⁶ Jiiga Jisösnön mianğö buzupji ambazip jiget mötpepuköra qetal enñiyök. Qetal enñibiga kapan köliga yanñon mi kapan köla jim sehiba malget. ³⁷ Jim sehiba malgetka ambazipnön kamböñda welipköba kewö jiget, "Yuai pakpak ölopñanök ahakza. Kezapduhup kezapñini meto- hoiga mötketka ambazip mötökñi yengö nesilamñini pösariga keu jimakze." Mewö.

Jisösnön ambazip 4000 nene gumohom enñiyök.

Mat 15.32-39

8 Nalö mianğören ambazip kambu ketanjan dumñe kunbuk tokoget. Nenenini qahö malgerangöra Jisösnön gwarekurupñi enğoholi yangören kagetka kewö jii mötket, ² "Nöñon ambazip kambu kienğöra wösöni mötzal. Yanñon nöngören kaba wehön karöbut lök mala kotketka nenenini qahöwahiga ekzal.

³ Yengörenök tosatñan köröwenök kaba malgetka nöñon 'Ölop miriñine anme,' jibi nene qahö negetka öne melaim enñibiga könanön anda mala kembane jeniñi gili tirinbirin akepuk."

⁴ Mewö jiiga gwarekurupñan meleñda kewö jiget mörök. "Gölme qararanökölñe kianğören kunjan mönö denikeyöhök numbu nene mewöñi mi mönö mi-wikñai-ba kambu ki gumohom enñibawak?"

⁵ Mewö möta kewö qesim enñiyök, "Enğören beret dawik ahöza?" Qesim enñiiga "Beret 7 ahöza," jiget.

⁶ Jigetka Jisösnön ambazip kambu mi gölmenön geba tatmegöra jim kutum enñiiga geba tatket. Geba tatketka beret 7 mi memba Anutugö saiwap jiba mindipköba gwarekurupñi enñibiga ambazip kambu dop sutñine almegöra jiyök. Mewö jiiga mianğö dop alget. ⁷ Yengören söra morömorö tosatñi mewöyök ahöyök. Mi tok memba kötuatköba ambazip kambu dop sutñine toto qem enñimegöra jim kutuyök. ⁸ Jim kutuiga enñiget memba nem timbirengöget. Nem timbirengöba nene kitipñi mosötket geyöhi, mi sakap 7 mianğören qezakögetka numbuñe qeyök. ⁹ Azi nene negeri, yengö janğöñi mi 4000. Negetka melaim enñi-iga miriñine anget. Mewö.

Böhi tosatñan angöletot ekingöra kapan kölget.

Mat 16.1-4

¹⁰ Angetka mianğörenök gwarekurupñi yembuk wanğenön öngöba distrik qetjri Dalmanuta mianğören anget. ¹¹ †Farisi (Köna keugö kapankölköl) tosatñan mianğören kaba Jisösbuk könahiba jitrakölik aket. Keu bōtakñon örömapköra esapköm wanğiba kewö kapan köla qesiget, "Mönö jinöñga Suepnöhök angöletot kun asuhuiga ekin." ¹² ††Mewö jigetka uruñan lömböriiga osongombuk qeiga jiyök, "O ambazip nalö kewöñe gölmenön maljei, inñini mönö wuanöñgöra Anutugö aiwesök asuhumapköra kapan kölakze? Nöñon keu ölni kun kewö jibi mötme: Anutunön aiwesök mewöñi mi qahö memba kondel enñigima. Ombañ saumbañ!"

¹³ Mewö jiba enğömosöta kunbuk gwarekurupñi yembuk wanğenön öngöba angö kutuba likepñe angetket. Mewö.

Farisi aka Herod yanñon wösökömbuk ewö akze.

Mat 16.5-12

¹⁴ Mianğören angöta semön membingö ölüm enñuiga beret mohot-töp mia wanğenön memba tatket. ¹⁵ †Tatketka Jisösnön kewö jim kutum enñiyök,

† 8.11 Mat 12.38; Luk 11.16 †† 8.12 Mat 12.39; Luk 11.29

‡ 8.15 Luk 12.1

"Injini Kona keugö kapañkölköl (Farisi) yeñgö wösökombukñini aka Herodkö gipmi kakñi mietkörä mönö galömnjini meme. Mi ölöpnjanök qahö kewöta andö qegetka mietkön mönö yist ewö qariba mem bölim enjimahot."

¹⁶ Jiiga keu pasetñi mi qahö möt asariba sutñine kewö eram mötket. "Beretnini qahöpköra jiza me denöwö?"

¹⁷ Mi eram mötket kezapñe geiga kewö jii mötket, "Wuanöngöra beretnini qahö jiba eram mötze? Nöngö konañamni mi wuanöngöra qahö möt kutuze? Mi tok qahö möt asarize me? Urukezapñinan gwözöñda tatza me? ¹⁸ Jenjini ahözapmö, töndup qahö ek kutuze me? Kezapñini ahözapmö, töndup qahö möt asarize me? Yuai asuhuyöhi, mi ölum enguza me qahö? ¹⁹ Nöñön beret 5 mi 5000 yeñgöra mindipköbiba miangö kitipñi qezakögetka künde dawiknön geba numbuñine qeyök?" Qesim enjiiga "Könde 12," jiget.

²⁰ Jigetka toroqeyök, "Nöñön beret 7 mi 4000 yeñgöra mindipköbiba miangö kitipñi qezakögetka sakap dawiknön geba kokolak qeyök?" Qesim enjiiga sakap 7 jiget."

²¹ Jigetka jii mötket, "Miangöra konañamni mi mönö tok qahö möt asarize me?" Mewö

Jegömöl azi kun jeñi metohoyök.

²² Jisösnön gwarekurupñi yembuk Betsaida taonön kaget. Miangöreñ kaba jegömöl azi kun wañgita Jisösgöreñ kangota böröñan misirimapkö köuluköm wañgiget. ²³ Köuluköm wañgigetka jegömöl azi mi böröñe memba wañgita miri yaigepñe anohot. Anda söutnezit jeñe ala böröñi nöropñe ala qesim wañgiyök, "Yuai kun ekzan me qahö?"

²⁴ Qesim wañgiiga jeñi ui öngöiga jiyök, "Ambazip engekzalmö, mi ip tandöktandök aketka imutimutñanök engekiga anda kaba kinje."

²⁵ Mewö jiiga kunbuk böröñan jeyahöñti misiriiga tohoyohotka törörök uiga asarim sölölöngöiga yuai pakpak ölöpnjanök ek teköyök. ²⁶ Ek teköiga melaim wañgiba kewö jii mörök, "Gi miri kungen kude anmanmö, diñdiñanök nangi mirige anman." Mewö.

Pitönön Jisösgö konañi jim miwikñaiyök.

Mat 16.13-20; Luk 9.18-21

²⁷ Jisösnön Betsaida mosöta gwarekurupñi yembuk Sisarea Filipai taongö kösutñe anget. Konañön anda gwarekurupñi kewö qesim enjiyök, "Ambazipnön nöngöra denöwö jimakze? Ni niñia akzal?"

²⁸ Jiiga melenña kewö jiget, "Tosatñan 'Gi Jon O-melun azia akzan,' jimakzemö, tosatñan 'Gi Elaija akzan,' jimakze aka tosatñan toroqeba kewö jimakze, 'Gi kezapqetok azi walñi yeñgöreñök kun akzan.'

²⁹ Mewö jigetka kewö qesim enjiyök, "Aka nanñinak nöngöra denöwö jize? Ni niñia akzal?" Qesim enjiiga Pitönön kewö melenñök,

"Gi Anutugöreñ Amötqeqe Toñi Kraist akzan."

³⁰ Mewö jiiga konañi aukñe jiget kunñan möt-papuköra songo köhöikñi al enjiyök.

Jisösnön kömumamgö keuñi jiyök.

Mat 16.21-28; Luk 9.22-27

³¹ Jisösnön gwarekurupñi kónahiba kewö kusum enjiyök, "Suep gölmegö azi ölnan mönö sihimbölä gwötpuk mötma. Kantrigö jitñememe, jike nup galöm aka Kona keugö böhi yeñön mönö andö qeba qegetka kömuma. Kömui wehön karöbut teköiga kömupnöhök wahötma." ³² Jisösnön keu mi qahö köyatiba aukñe jiiga Pitönön miangöreñök öröm wañgiba göräñe anda kónahiba qetal wañgiyök. ³³ Qetal wañgiiga lilingöba gwarekurupñi uba engekka Pitö qetala kewö jim wañgiyök, "Gi keu mötmörizani, mi Anutugöreñ keuya qahöpmö, gölme ambazip aka Satangö sihima. Miangöra Satan, gi mönö dölkni nöngö jemesoholneyök kesalnön." Mewö.

Kraist wuatangöbingö söngöröñi.

³⁴ Jisösnön ambazip kambu aka gwarekurupñi engehoholi kagetka keu kewö jii mötket, "Kunñan nöngö andöne kamamgö mötzawi, yañön mönö nanñi urusilenangö sihim kömböñanñi bölöñi andö qeiga sisitñi megetka sihimbölä mi bisimakña. Mi maripomnön kömumawangö dop mökösoñda ni nuatangöba kama. ³⁵ Kunñan malmalñi nanñangöra angön köla nanñi imbi-imbi maljawi, yañön mönö malmalñi ölni jöhöi sohoma. Sohomapmö, kunön gölmegö malmalñi mi ni aka nöngö Ölöwak Buñanangöra aka kölenña tököm niñgimawi, yañön mönö malmal ölnangö konañi miwikñaiiba köhöiba malma. ³⁶ Kunñan gölmenji gölmenji miengö öroyuainji pakpak kölä öroi buñanñi an teköiga uruñangö malmalñi mem sohoba silebile mala kömuiga Anutunön keuñi jim teköiga uruñan ayuhuiqa qahö dop kölma. Sukinapñi miangön mönö urusösöngai qahö ak wañgima. Qahöpmahöp! ³⁷ Körek neñön mönö bohonini jöhöbingö osibin. ³⁸ Ambazip kambuñi kambuñi nalö kewöñe gölmenñi qesabulum aka siñgisöndok tosatñi aka malakze. Kunñan yeñgö sutñine nöngö qetni aka Buña keuni memba et aljawi, mi Suep gölmegö azi ölnan mewöyök ehörön kölma. Yañön konañep Suep garata töröñi yembuk ki etiketka Iwiñangö asakmararañi eka aurugetka yañön azi me ambi mewöñi mönö ehörön kölä wañgima." Mewö.

9 Mewö jiba kewö jii mötket, "Nöñön keu ölni kun kewö jibi mötme: Kiangöreñ kinjei, engegö sutñineyök tosatñan Anutunön bemtohoñi kuñguiga kukösomñan asuhumawi, mi ek kutume. Jebuk mala kömupkö sihimböläñi qahö mötketka asuhum tiñgiriqa ekñe." Mewö.

† 8.18 Jer 5.21; Eze 12.2; Mak 4.12 †† 8.28 Mak 6.14-15; Luk 9.7-8 ‡ 8.29 Jon 6.68-69

†† 8.34 Mat 10.38; Luk 14.27 †† 8.35 Mat 10.39; Luk 17.33; Jon 12.25

Jisösgö sileŋe letotqetot ahök.

Mat 17.1-13; Luk 9.28-36

² †Wehön 6 teköiga Jisösnöŋ Pitö, Jeims aka Jon enġuangita ambazip enġömosöta nanŋinök kundunġi körörŋi kunöŋ öŋgöba kötikŋe malget. Mianġörenġ malgetka jemesoholŋine kiniga Jisösgö sile tandökŋan letota murutŋi ahök. ³ Malukuŋan tuat lalamŋi asakmararaŋambuk ahök. Gölmeneŋ opo tuatŋi saipeneŋ (omo bliz) sanġonmakzei, mönö mi onġita tuariyök. ⁴ Mewö aiga Elaija aka Moses yetkön asuhum enġiba Jisösbuk keukeu jiget. ⁵ Jigetka Pitönöŋ könahiba keu jiba Jisösgöra kewö jiyök, "Ketaŋamnini! Neŋön ki-anġöreŋ uruölöwak mötzin. Mianġöra neŋön ölöp koum karöbut qebin: Göhö kun, Mosesgö kun aka Elaijagö kun." ⁶ Gwarek yeŋön jönömŋini gwötpuk unduiga Pitönöŋ "Denöwö jimam," jiba keu jaruyök. ⁷ ††Keu jaruba kiniga unuŋunuŋ tuat lalamŋi asakmararaŋambuk kunöŋ eta aumŋan esuhum enġiiga mianġö uruŋeyök qet kun kewö eriga mötket, "Azi ki nani wölböt nahöna akza. Mönö yanġö keuŋi möta malme." ⁸ Keu mi möta könöpuk lilingöm purik um jaruba tosatŋi kunbuk qahö etkeketka Jisösnöŋ nanġök yembuk kinök. Mewö.

Jon O-melun azi mi Elaijagö salupŋi akza.

⁹ Kundunġeyök etketka Jisösnöŋ sörokŋi mianġöreŋ kewö jim kutum enġiyök, "Inġini yuai ekzei, mianġö buzupŋi mi mönö ambazip kun kude jiget mötme. Suep gölmegö azi ölnan kömupnöhök wahöriga mianġö andöŋe mi ölöp jim asariba malme."

¹⁰ Mewö jim kutum enġiiga gwarekurupŋi karöbut yeŋön keu mi uruŋine anġön köla "kömupnöhök wahötwahötkö" könaŋi mi nanŋini qesim anġuba eraum mötket. ¹¹ †Eraum möta Jisös kewö qesim wanġiget, "Köna keugö böhi yeŋön mönö keu kewö jimakze, "Kezapqetok azi Elaijanöŋ mönö Suepnöhök mutuk eta asuhuma."

¹² Qesim wanġigetka melenġa kewö jiyök, "Elaijanöŋ mutuk eta asuhuba malmal pakpak möhamgöma. Keu mi ölna akzapmö, keu kun ki mönö wuanöŋgöra ohoget ahöza: Suep gölmegö azi ölnan mönö sihimbölö gwötpuk möriga jijiwilit ak wanġime." ¹³ Keu yahöt mi ahözahötmö, nöŋön kewö jibi mötme: Elaijanöŋ lök eta asuhuyökmö, yanġöra Buŋa keu ohoget ahözawaŋgö dop ambazipnöŋ i nanŋini sihimŋini wuataŋgöba lanġ ak wanġiget." Mewö.

Jisösnöŋ öme wuataŋgöi morönöŋ ölöwahök.

Mat 17.14-21; Luk 9.37-43

¹⁴ Jisös aka gwarek karöbut yeŋön kundunġeyök eta gwarekurupŋi tosatŋi yeŋöreŋ kaba yuai kewö eket: Köna keugö böhi tosatŋan kinda yembuk jitnakölik aka goranora keu jigetka ambazip jesöŋgöŋan liliköba enġeka kinget. ¹⁵ Mewö kinda ambazip kambu pakpak

† 9.2.2 Pitö 1.17-18 †† 9.7 Mat 3.17; Mak 1.11; Luk 3.22 † 9.11 Mal 4.5; Mat 11.14

yeŋön Jisös eka mianġöreŋök auruba kiŋkiŋgöba kösutŋe anda jölöŋi jiget. ¹⁶ Jölöŋi jigetka kewö qesim enġiyök, "Inġini wanatköra yembuk jitnakölik aka goranora keu jize?"

¹⁷ Qesim enġiiga kambuŋineyök azi kunöŋ melenġa kewö jii mörök, "Böhi! Nöŋgö nahöni ömenöŋ numbuŋi muhungöba töŋöt mem wanġiiga wanġita göhörenġ kazal. ¹⁸ Mi mianġöreŋ me mianġöreŋ memba mendawöla öröm giliga eta qeba numbuŋeyök qölqöl söutsöt eriga irimŋi yöhözömgöba sileŋan sölöpkömakza. Mewö ahiga kaba göhö gwarekurupki ulet enġiba öme mi wuataŋgömegö jizalmö, yeŋön osize."

¹⁹ Mewö jiiga melenġ wanġiba jiyök, "Gölmegö yanġiseŋ ambazip yei! Mönö nalö dawik embuk mala qatön enġubiga Anutu qahö möt narigetka sihimbölö mötmam. I mönö wanġita nöŋgöreŋ kaget.

²⁰ Mewö jiiga wanġita yanġöreŋ kaget. Kagetka ömenöŋ Jisös eka mianġöreŋök morö utuköba urepköm wanġiiga wölöhariba tala gölmeneŋ qeba pöraŋpöraŋ mitiba semben auba ahöiga numbuŋeyök qölqöl söutsöt kota erök. ²¹ Jisösnöŋ mi eka iwiŋi kewö qesim wanġiyök, "Nalö dawikö dop yuai ki lök asuhum wanġiiga kotza?" Qesim wanġiiga jiyök, "Mi lök morörökŋeyök asuhum wanġiyök.

²² Mi mem bölim wanġimamgöra nalö tosatŋe könöpnöŋ, nalö tosatŋe onöŋ metal wanġiiga nalö gwötpuk geba qebayök kinahakza. Mewömö, mianġö kukösumŋi kun göhörenġ ahöza ewö, mönö ak kömumba bauköm netkiman."

²³ Mewö jiiga jiyök, "Kukösumŋi göhörenġ ahöza ewö," jizan. Anutugö kukösumŋan mönö yuai kungöra qahö qakömakza. Anutu möt narizawaŋön mönö yuai pakpak ölöp ahakŋa."

²⁴ Mewö jiiga iwiŋan mianġöreŋök qeta jiyök, "Anutu möt narizalmö, mötnariŋnan lölöwöröŋi akza. Mötnariŋni mönö mem köhöiman."

²⁵ Jiiga ambazip jesöŋgöŋan ösumŋinan kaba kingetka eka mianġöra öme mi kewö jim wanġiyök, "Gi töŋöt aka kezapduhupkö ömeŋi, nöŋön jim kutum gihizal: Gi mönö azi ki mosöta kota anda kunbuk kude lilingöba kaman."

²⁶ Jim wanġiiga qeta silata morö mi utuköba könöpköm urepköm wanġii wölöhariiga utala kota anök. Kota aniga qeba qamöt tandök aka ahöiga gwötpukŋan mi eka "Wösöŋi alja!" jiget. ²⁷ Mewö jigetmö, Jisösnöŋ böröŋe memba köbibiiga wahöta kinök.

²⁸ Mewö kiniga Jisösnöŋ miri uruŋe öŋgöiga gwarekurupŋan nanŋinök tata kewö qesim wanġiget, "Neŋön mönö wuanöŋgöra mi naninök wuataŋgöbingö osizin?"

²⁹ Qesim wanġigetka kewö jii mötket, "Öme tandökŋi mewöŋi mi mönö köuluköba nene siŋgi mala wuataŋgöbin. Yuai murutŋi kun ahinga qahö kota anma." Mewö.

Jisösnöñ kömumamgö Buñanji jiiga yahöt ahök.

Mat 17.22-23; Luk 9.43b-45

³⁰ Jisösnöñ gwarekurupñi yembuk miri gölme mi mosöta anda Galili prowins uruñe liliköba denike malgeri, mi kunñan mötmapkö tököyök. ³¹ Mia tököba gwarekurupñi kusum engimamgöra ölöñ anget. Könanöñ anda keu köñji kewö jii mötket, "Anutunöñ Suep gölmegö azi ölnji mi gölme ambazip yengö böröñine al wañgii gema. Geiga i qegetka kömuma. I qeget kömui wehön karöbut teköiga miangören mönö kömupnöñöhök wahötma."

³² Keu köñji mewö jii mötketmö, mi qahö möt kutuget aka könanji denöwö, mi qesibingö kölköldömdöm aket. Mewö.

Gwarek sutñine dañön mutukñi akza?

Mat 18.1-5; Luk 9.46-48

³³ Mewö anda Kaperneam taonöñ kangetket. Miangören kangeta nanñi miri uruñe öngöba gwarekurupñi kewö qesim engiyök, "Inini Könanöñ kaba wani keuya eraum mötze?"

³⁴ †Yenön könanöñ kaba 'Dañön öngöñgöñi akza' mia nanñinök eraum möta kaget. Miangöra qesim engiiga keu böc tatket. ³⁵ ††Keu böc tatketka Jisösnöñ geba tata gwarekurupñi 12 engoholi kagetka kewö jii mötket, "Kunñan mutukñi malmamgö mötza ewö, yañön mönö körek engö nembö bapñine eta qöndökñi aka tosatñi pakpak welen qem engimakña." ³⁶ Mewö jiba namande moröñi kun memba sutñine ali kinök. Kiniga böröñan memba tambuñe ala kewö jii mötket, ³⁷ †"Kunñan namande kewöñi kun nöñgö qetne miriñe köc öböba köyan kölmawi, yañön mönö ni köc öböñ ningima. Kunñan mewö ak niñgizawi, yañön niyök qahöpmö, dañön melaim niñgiyöhi, mönö i mewöyök köc öböñ wañgima." Mewö.

Jisösnöñ gwarekurupñi mindingöm engiyök.

Luk 9.49-50

³⁸ Jonöñ Jisös kewö jii mörök, "Böhi! Nini azi kun nengö andöñine qahö kayöhi, yañön göhö qetnön ömewöröme közöl engiiga ehin. Yañön nembuk qahö liliköba maljawañgöra nini i qetal wañgiin."

³⁹ Mewö jiiga Jisösnöñ jiyök, "I kude qetal wañgime. Kunñan nöñgö qetni qeta angöletot mezawi, yañön mönö miangö andöñe nöñgö andöqege keu awamñanök jimamgö osima. ⁴⁰ ††Kunñan qahö qetal nengimazawi, yañön mönö nengö areñnön malja. (Miangöra nöñgö alaurupni tosatñi mi kude qetala angösirip meme.) ⁴¹ ††I mönö nañgöm engigetka Anutunöñ töwanjini engima. Kunñan Kraistkö qetñe yañgö buñanji akzeañgöra aka o qambi nemegö engimawi, Anutunöñ mönö miangö töwanji melenña wañgima. Nöñön keu ölnji kun kewö jibi mötme: Nañgöm engime, mienön mönö töwa meme." Mewö.

† 9.34 Luk 22.24 †† 9.35 Mat 20.26-27; 23.11; Mak 10.43-44; Luk 22.26 ‡ 9.37 Mat 10.40; Luk 10.16; Jon 13.20 †† 9.40 Mat 12.30; Luk 11.23 ‡ 9.41 Mat 10.42

Singisöndökö kölgorom mönö qetal engime.

Mat 18.6-9; Luk 17.1-2

⁴² Jisösnöñ keu kewö jiyök, "Morö kewöñi möt narim niñgize, kunñan yengörenök kun kölgorom ak wañgiiga singisöndök akñawi, azi miangöñ mönö lömböt öngöñgöñi miwikñaima. Anutunöñ lömböt miangö likepñi denöwö wañgiiga dopñe akawak? Kemuñ jamönñij jölñe jöhöba köwet röndumnöñ gilget mulumgöi gebawak, miangöñ mönö awamñi ahum wañgii tandök akawak. ⁴³ †††Miangöra böröñan singisöndök akñangö kölgorom ak gihima ewö, mönö yandim gilman. Yandim gilagan börötak mala malmal köhöikñi miwikñaiiba oyaenköyaen akñanmö, börö yahötpuk mala könañgep köñöp sianöñ gebanbuk. Sia köñöpñi mi nalö kunöñ qahö bököma. ⁴⁴ Miangören 'Döhöñini engöhöm pilikuta mala qahö kömume aiga köñöpñinan nalö kunöñ kude bököma.'

⁴⁵ Mewöyök könanan singisöndök akñangö kölgorom ak gihima ewö, mönö yandim gilman. Yandim gilagan könatohot mala malmal köhöikñi miwikñaiiba oyaenköyaen akñanmö, köna yahötpuk malnöñga köñöp sianöñ gil gihigetka gebanbuk. ⁴⁶ Miangören 'Döhöñini engöhöm pilikuta mala qahö kömume aiga köñöpñinan nalö kunöñ kude bököma.'

⁴⁷ †††Mewöñanök jegan singisöndök akñangö kölgorom ak gihima ewö, mönö qözöla gilman. Qözöla gilagan je-ilik mala Anutugö bemtohoñnön angöta oyaenköyaen akñanmö, je yahötpuk malnöñga köñöp sianöñ gil gihigetka gebanbuk. ⁴⁸ †Miangören 'Döhöñini engöhöm pilikuta mala qahö kömume aiga köñöpñinan nalö kunöñ kude bököma.'

⁴⁹ Köñöp sia miangören ambazip körek mi howe sihi kölköl ewö köñöpñön engohogetka sihimbölöñi mötme.

⁵⁰ ††Howe mi ölöpñi akzäpmö, howegö sihimñi mosötma ewö, mi mönö denöwö möhamgögetka nahömñi kunbuk ahubawak? Inini mewöñanök uru-mohot malmalgö nahömñi mosötpepuk. Miangöra Suep howeñini mosötpepuköra mönö galömñini memba sutñine lui qem anguba malme." Mewö.

Awanöm angömosötmosötkö keunji

Mat 19.1-12; Luk 16.18

10 Jisösnöñ wahöta Kaperneam miri mosöta Jordan o kutuba likepñe anda mötöteiba eta kunbuk o mi kutuba Judia prowinsnön kayök. Kaiga ambazip kambulelembenöñ kunbuk yañgören tokogetka akmalöhi, miangö dop kunbuk kusum engiyök.

² Kusum engiiga Farisi (Köna keugö kapañkölköl) tosatñan yañgören kaba keugö bötaknön öbömapkö esapköm wañgiba kewö qesim wañgiget, "Azinöñ anömñi mosötmawi, mewö miangöñ Köna keu oñgitma me qahö?"

††† 9.43 Mat 5.30 ††† 9.47 Mat 5.29 § 9.48 Ais 66.24 §† 9.50 Mat 5.13; Luk 14.34-35

³ Qesim wanğigetka melenđa kewö jii mötket, "Mosesnön miangö keunji denöwö jim kutum enğiiga ahöza?"

⁴ †Mewö jii möta kewö jiget, "Azinön anğömosöt-mosöt papia ohoba anömni ölop mosötma. Mosesnön mewö jim kutui ahöza."

⁵ Mewö jigetka kewö jim enğiyök, "Yañön mönö uruköhöikninanğöra aka jimkutukutu mewö ohom enğiyök. ⁶ ††Ohom enğiyökmö, Anutunön könäkön-nahiye yuai pakpak miwikñaiyöhi, nalö miangğoreñök 'Azi aka ambi malmegöra miwikñaim enğiyök.' ⁷ †Mi-anğöra azinön mönö iwinamni etkömosöta anömnanğören anda qekötahöiga ⁸ yetkön sile mohot aka malmahot. Mewö aka toroqeba yahöt qahö akzahotmö, sile mohot aka malmahot. ⁹ Anutunön azi aka ambi mindirim etkiyöhi, ambazip kunñan mönö i kude mendenj etkima."

¹⁰ Jisösnön mewö jiba miri uruñe öngöiga gwarekurupñan keu miangöra kunbuk qesim wanğiget.

¹¹ ††Qesim wanğigetka kewö jii mötket, "Azi kunön anömni wuatangöba ambi kun memawi, yañön mönö qesabulum sero yonğorö akña. ¹² Mewöyök ambi kunön apñi wuatangöba azi kun memawi, yañön mönö qesabulum sero yonğorö akña." Mewö.

Jisösnön nahönbörat kötuatköm enğiyök.

Mat 19.13-15; Luk 18.15-17

¹³ Ambazip tosatan nahönbörat morömorö enğuanğita Jisösnön enğömisirimapköra yanğoren kagetmö, gwarek yeñön ambazip mi jim qetal enğiget.

¹⁴ Mewö aketmö, Jisösnön mi eka uruñi böliiga kewö jii mötket, "Nahönbörat moröni mönö enğömosötketka nönğoren kame. Anutunön ambazip mewö mia bemtohoñi buña qem enğima. Miangöra i kude jöhöm enğime. ¹⁵ ††Nöñön keu ölni kun kewö jibi mötme, "Kunñan Anutugö bemtohoñi mi nahönbörat ewö buña qahö qem anğumawi, yañön mönö miangö uruñe anğotmamgö osima. ¹⁶ Mewö jiba tambuñe ala dohongöm enğiba böröni nöröñine ala kötuatköm enğiyök. Mewö.

Jisösnön azi pomñi kungö qambañ keu jiyök.

Mat 19.16-30; Luk 18.18-30

¹⁷ Jisösnön könahiba köna anmamgö ahiga azi kunön ösumñan yanğoren kayök. Kaba wösöñe geba simin köla kewö qesim wanğiyök, "Böhi ölopñi, nönön mönö denöwö aka malmal köhöiknanğö buña qem anğubileñak?"

¹⁸ Qesim wanğiiga kewö jii mörök, "Nönğöra 'Böhi ölopñi,' mi wuanönğöra jizan? Anutu mohotñan ölopñi akza. Azi kunñan i ewö ölopñi qahö akza. ¹⁹ †††Gi jöjöpñ keu ki möt teközan,

'Ambazip kun kude qenön kömuma. Sero yonğorö kude akñan. Yonğorö kude meman. Jitnön alal keu

kude jiman. Kalöpköba yonğorö kude meman.

Iwinamgi mönö göda qem etkimakñan."

²⁰ Mewö jii möta kewö jiyök, "Böhi, mi pakpak mönö gwaböneyök tem köla mala kotzal."

²¹ Mewö jiiga Jisösnön uba eka urukönömñan jöpaköm wanğiba kewö jii mörök, "Mohot kungöra kewö osizan: Gi mönö anda sukinapki pakpak söñğöronji memegöra alnön moneñ kaiga ambazip wanapñi enğiman. Mewö aknönğa sukinapki ketanji (guli masapugi milyön kinagi ewö) ketanji mi Sup mire ahöm gihima. Mewö aka ni nuatangöba kaman." ²² Jisösnön mewö jiyökmö, sukinapñi gwötpuk ahöyöhanğöra aka keu mi möta uruñi bosoleiiga wösöbirik aka jenji asöliiga öne mosöta anök.

²³ Mosöta aniga Jisösnön ui anda kaiga gwarekurupñi kewö jii mötket, "Ye! Ambazip moneñ inapñi-nambuk yeñön mönö Anutugö bemtohoñnön anğotpingö lömböriba kupuk-kapak akñe."

²⁴ Mewö jiiga gwarek yeñön mi möta welipköetmö, Jisösnön toroqeba kewö jii mötket, "Gupanurupni, ambazip denike yeñön moneñ inapñini möt narimakzei, yeñön mönö Anutugö bemtohoñ uruñe anğotpingö lömböriba kupuk-kapak akñe. ²⁵ Mi kewö jim tuarimam: Sömbup ketanji kamel mi kondi kinimñe ölop qahö anğotma. Miangö dop ambazip pomñi yeñön Anutugö bemtohoñ uruñe anğotpingö lömböriba qaköme."

²⁶ Mewö jii möta aurum tililingöba nanñinanğöra kewö jiget, "Oponoñ! Ambazip danön mönö Suepkö buñaya akawak?"

²⁷ Mewö jigetka Jisösnön uba enğeka kewö jiyök, "Ambazipnön mi esapköba osiba qakömakzemö, Anutunön mewö qahö ahakza. Anutunön mönö yuai pakpak ölop ahakza. Yañön yuai kun aka memamgö qahö osiba qakömakza." Mewö.

Jisösgö nup memegö töwanji

²⁸ Pitönön keu mi möta melenđa Jisös kewö jii mörök, "Mötnön, neñön mönö yuai pakpak mosöta gi guatangöba kain."

²⁹ Mi möta Jisösnön kewö jiyök, "Nönön keu ölni kun kewö jibi mötme: Kunñan nönğö aka Ölowak Buñagöra aka yuai kun mosöröhi, - mi jike mirinji, darumunñi, nenbehötñi, iwinamñi, nahönböratñi me nup kisinji - mi enğömosöriğa Anutunön mönö miangö likepñi onğita melenj wanğiiga sehima. ³⁰ Kunñan yuai mi mosöröhi, Anutunön mönö salupñe mi 100:kö dop toroqeba wanğiiga nanñi buñaya akña. Gölmegö malmalnön sesewerowero uruñe malmapmö, jike miri, darumun, nenbehöt, iwinam, nahönbörat aka nup kisi mi mönö salupñe ahum wanğima aka nalö könanğepñe malmal köhöikñi teteköñi qahö buña qem anğuma. ³¹ †††Mewö asuhumapmö, mutukñi enğörenğök gwötpukñan dagibezupñi aketka dagibezupñi yanğorenğök gwötpukñan mutukñi akñe." Mewö.

† 10.4 Dut 24.1-4; Mat 5.31 †† 10.6 Jen 1.27; 5.2 ‡ 10.7 Jen 2.24 †† 10.11 Mat 5.32; 1 Kor 7.10-11 †† 10.15 Mat 18.3 ††† 10.19 Eks 20.12-16; Dut 5.16-20

††† 10.31 Mat 20.16; Luk 13.30

Kömumamgö keunji jiiga karöbut ahök.

Mat 20.17-19; Luk 18.31-34

³² Jisösnöñ gwarekurupñi yembuk Jerusalem sitinöñ öngöbingöra gölme köna anget. Jisösnöñ mutuk aniga gwarekurupñan andöñe anda welipköget aiga ambazip andöñine kageri yeñön mönö keñgötñini mötket. Mewö aketka Jisösnöñ gwarekurupñi 12 mi kunbuk öröm engiba könahiba kusum engiyök. Yangöreñ yuai asuhumawi, keu mi jim asariba kewö jiyök, ³³ "Mötket, nini Jerusalem öngöbin. Miangöreñ kunñan Suep gölmegö azi ölni mamalolo mem wañgi-iga jike nup galöm aka Köna keugö böhi yeñgö böröñine gema. Yeñön kömumapkö keunji jim teköba kian gawman yeñgö böröñine al wañgime. ³⁴ Al wañgigetka mepaiköba söutkölap qeba ihilek wahiñambuknöñ tauköm wañgime. Tauköm wañgiba qegetka kömuma. Kömumba wehön karöbut teköiga kömupnöñöhök wahötma." Mewö.

Jeims Jon yetkön yuaigöra ulerohot.

Mat 20.20-28

³⁵ Jisösnöñ mewö jiiga Jebedigö nahönyahötñi Jeims aka Jon yetkön yangöreñ anda kewö jiyohot, "Böhi, niri yuai kungöra ulet gihiziri mi ak netkimangö mötzit."

³⁶ Jiyohotka qesim etkiyök, "Injiri wani yuai ak etkimamgöra mötzahot?"

³⁷ Qesim etkiiga kewö jiyohot, "Göñön ölop jim kuttonöñga niri göhö asakmararaññöñ eu öngöba kunöñ börögi ölnje aka kunñan börögi qaniñe tata yuai pakpak galöm kölbinaç."

³⁸ †Mewö jiyohotmö, Jisösnöñ kewö jii mörohot, "Injiri miangö könañi qahö möt yaköba uletzahot. Nöñön qambi asölnambuk nemami, injiri mi ölop namba sihimbölö mötmahot me qahö? Jöm nöñgwambuknöñ melun mem niñgime, injiri mi memahot me qahö?"

³⁹ Jii möta jiyohot, "Mi ölop membit."

Jiyohotka kewö jii mörohot, "Mi ölnja! Nöñön qambi asölnambuk nemami, injiri mi mewöñanök nemahot aiga jöm nöñgwambuknöñ melun mem niñgime, mianñön mönö injiri mewöyök melun mem etkime. ⁴⁰ Mem etkimemö, nöñgö böröni ölnje me qaniñe dañön tatmahori, nöñön keu mi jim kutumamañgö dop qahö. Anutunöñ dum yahöt mi denike yetköra mözözömgöyöhi, mi mönö yetköra etkiiga nömbuk tata galöm kölmahot." Mewö.

Galöm ölnjan mönö welenqeqeya akza.

⁴¹ Jeims Jon yetkön mewö ulerohotka alaurupñi 12 yeñön mi möta könahiba urubölö aket. ⁴² ††Mewö aketmö, Jisösnöñ engoholi kagetka kewö jii mötket, "Gölmegö kantrinji kantrinji mienjö jembonñinan galöm köl engibingö jizei, yeñön mönö azi kembu tandök ak engimakze. Yeñgö ketañamñinan mönö keu jim kutuba mindiñgöm engiba kukösümñini konde-lakze. Injini könañini mi ölop mötze. ⁴³ †Engö sutñine si-

† 10.38 Luk 12.50 †† 10.42 Luk 22.25, 26

lik mewö ahöbapukmö, kunñan engö sutñine ketañamñini akñamgö mötzawi, yeñön mönö welen qem engiba malma. ⁴⁴ Mewöyök kunñan engö sutñine mutukñi malmamgö mötzawi, yeñön mönö körek engö nembö bapñine mala welenqeqeñini omani akña.

⁴⁵ Suep gölmegö azi ölnjan mönö mewöyök siliik mewöñi kondela nanñi welen qem wañgimegöra aka qahö kayök. Qahöpmö, welen qem engiba ambazip sehisehiñi yeñgö sohopñini memamgöra aka eta malmalñi kölenja mosötma.

Bartimeus jeñi gömöliiga mem ölöwahök.

Mat 20.29-34; Luk 18.35-43

⁴⁶ Jisösnöñ gwarekurupñi yembuk Jeriko sitinöñ kaget. Kaba siti mi mosötpingö aketka ambazip kambulelembenöñ enguatangöba andöñine kaget. Mewö kagetka jegömöl azi qetñi Bartimeus, Timeusgö nahöññi yeñön moneñ aka nene wañgimegö ulet engiba köna jitñe tarök. ⁴⁷ Tariga "Nazaret-azi Jisösnöñ kaza!" jiget möta könahiba kewö qerök, "Jisös Deiwidkö gwölöñarökñi, mönö ak-kömum niñgiman!"

⁴⁸ Mewö qeriga gwötpukñan böc tatmapköra qetal wañgigetmö, yeñön mönö kapañ köla qerök. "Deiwidkö gwölöñarökñi, mönö ak-kömum niñginöñ!"

⁴⁹ Qeriga Jisösnöñ dörok ala kewö jiyök, "Ölop qetketka ki kama." Mewö jiiga jegömöl azi mi qeta kewö jiget mörök, "Göhöra qeza. Mönö mötkurumkurum mosöta wahöta kaman."

⁵⁰ Mi möta malukuñi qeköba gila pörañ wahöta kinda Jisösgöreñ anök.

⁵¹ Aniga kewö qesim wañgiyök, "Alani, nöñön wani yuai ak gihimamgöra mötzan?" Mewö qesim wañgiiga jegömöl azinöñ jiyök, "Ketañamni, ni jeni kunbuk umamgöra mötzal."

⁵² Mewö jiiga Jisösnöñ kewö jii mörök, "Mötnaripkan mönö mem ölöwak gihiza. Mönö ölop anman." Mewö jii möta jeñan miangöreñök tohoiga uba andöñine Jisös wuatangöba anök. Mewö.

Jisösgöra köirañ kölgetka Jerusalem öngöyök.

Mat 21.1-11; Luk 19.28-40; Jon 12.12-19

11 Jisösnöñ gwarekurupñi yembuk Jerusalem siti dopdowiba Betfage aka Betani miri yahöt kösutñire kaba Oil ip kundunje öngöba gwarekyahötñi yahöt melaim etkimamgöra aka ² kewö jii mörohot, "Miri wösöñjire tatzawi, mönö miangöreñ anohot. Anda miangöreñ angota doñki moröñi kösönöñ jöhöget kinjawi, mi miangöreñök miwikñaimahot. Doñki mi dölokña, azi kunñan qakñe qahö tatatña. Mi mönö pösata memba ki kamahot. ³ Pösarohotka kunñan 'Wuanöngöra mewö akzahot?' jiba qesim etkiiga kewö jimahot, 'Kembuniran mönö miangöra osiba jiiga kazi-ra zilañ meleñniga kunbuk ki kama.'

⁴ Mewö jiba melaim etkiiga anda doñki moröñi miri towokñe miri kungö nañgunje kösönöñ jöhöget kiniga miwikñaiba pösarohot. ⁵ Pösarohotka azi tosatñi mi-

‡ 10.43 Mat 23.11; Mak 9.35; Luk 22.26

anğöreñ kingeri yeñön kewö qesim etkiget, "Hei, wania akitkóra donki moröñj pösatzahot?"

⁶ Mewö qesim etkigetka Jisösnönj jiyöhanğö dop jiyohot möta "Ölöp memba anmahot," jiget. ⁷ Jigetka memba Jisösgöreñ kayohotka malukuñini qeköba donki moröñanğö qakñe algetka öngöba tarök. ⁸ Mewö tata aniga ambazip jesöngöñan göda qeba malukuñini qeköba köna namñe tumbulgetka tosatñan gölme köröñe anda ip sinñi mitiba tumbulget. ⁹ [†]Tumbulgetka ambazip jeñe köl öröba angeri aka andöñe wuatangöba kageri, yeñön kewö jiba qetket, "Hosana, owe owe! Anutu möpöseizin. Kembugö qetñe kamawi, Anutunönj mönö i kötuetköm wañgima. ¹⁰ Kiñ Deiwidnönj kantri tohoñ kuñguba galöm köl engiyöhi, nalö mewöñan mönö kunbuk kam neñgiza. O Anutu mönö kantri tohoñnini kötuetköman. Hosana! Qetbuñagi möpöseininga euyangöreñ öngöza. Owe Owe!"

¹¹ Mewö qetketka Jerusalem sitinönj öngöba jöwöwöl jikegö tohoñ uruñe anök. Miangöreñ liliköba yuai pakpak ehi mare ahiga eta gwarekurupñi 12 yembuk jike mosöta Betani mire anda ahöget. Mewö.

Jisösnönj fig ip kun qesuahöiga ululungöyök.

Mat 21.18-19

¹² Ahöba söñanök wahöta gwarekurupñi yembuk Betani miri mosöta angetka Jisösnönj nenegö kömuyök. ¹³ Nenegö kömumba ui aniga fig ip kun ^{††} sinñambuk kini ehök. Eka "Sinñanğö uruñe ölni tari miwikñaiba nembileñak," jiba fig ipkö könañe anök. Anökmö, öñanğö nalöñan qahö törüyöhanğöra sinñanök kini ehök. ¹⁴ Mewö eka ip mi kewö jim wañgiyök, "Kunñan ölni kunbuk kude nema."

Mewö jim wañgiiga keu mi gwarekurupñan mötket. Mewö.

Jisösnönj jöwöwöl jike jim kömbuhiyök.

Mat 21.12-17; Luk 19.45-48; Jon 2.13-22

¹⁵ Anda mala Jerusalem sitinönj öngögetka Jisösnönj jöwöwöl jikegö tohoñ uruñe anök. Miangöreñ ambazip engehiga inap bohonñi memegöra algetka söngörönji megeri, mi könahiba közöl engiiga etket. Moneñ utekutek ambazip yeñgö jakenjini metali anget. Mewöyök kembö bohonñini memegöra algeri, miengö dum tatatñini mi tok tötaliga anget. ¹⁶ Sombem kömbukñi kutuba yuai siriba anğotkanğotkö könañi jöhöyök. ¹⁷ [†]Mewö aka kusum engiba kewö jii mötket, "Aisaianönj keu kun kewö ohoi ahöza, 'Nöñgö jikenan mönö gölmeñi gölmeñi pakpak yeñgö köulukö mirinina akñapkö qetme.' Keu mi ahözapmö, inñi mi utekögetka kegwek-kahasilililil yeñgö banjet ewö akza."

¹⁸ Mewö jii möta ambazip kambu pakpak yeñön miangöra nemböñini teköiga welipköget. Miangöra jike nup galöm aka Köna keugö böhi yeñön mi möta Jisösgöra keñgötñini möta eram möta kewö jiget, "Mönö denöwö jiinga qegetka kömumbawak?"

[†] 11.9 Sum 118.25-26 ^{††} Fig mi sambu ipkö alañi kun. Mi nupñine kömötketka köñji nahöññinambuk asuhuetka gwötupuk nemakzema. [‡] 11.17 Ais 56.7; Jer 7.11

¹⁹ Mare ahiga Jisösnönj gwarekurupñi yembuk siti mosöta yaigep anda ahöget. Mewö.

Fig ipnönj ululungöiga eket.

Mat 21.20-22

²⁰ Ahöba söñanök wahöta könanönj anda fig ip mi ongitpingö aketka jalöñambuk ulungöba kini eket. ²¹ Kiniga Pitönönj Jisösgöreñ keu mötmöriba kewö jii mörök, "Ketanamni eknönj, fig ip qesuahönönji, mi mönö ululungöba kinja."

²² Jii möta Jisösnönj kewö melenñök, "Anutugö mötnarip mönö töp memba malme." ²³ ^{††}Nöñön keu ölni kun kewö jibi mötme, "Kunñan keuñanğö ölni ahumapkö uruyahöt qahö aka kundunji kiangö toñanğöra kewö jim kutubawak, 'Mönö kundunji ki qeköba wahöta anda köwetnönj alman.' Mewö jim kutuba Anutu möt nariiga ölni mönö miangö dop ahuma. ²⁴ Miangöra nöñön kewö jibi mötme: Wani yuaigöra qesiba köulukömei, mi pakpak lök buña qem anğuzin, mewö möt narigetka mönö buñanñini akña. ²⁵ ^{†††}Inñi kindu Anutu köulukögetka kunñan alañanğö pinjtköra urubölö akña ewö, pinjit mi mönö mosötme. Mewö akñe ewö, enğö Iwiñini Suep mire maljawañön mönö mewöñanök enğöreñ siñgisöndok mosötma. ²⁶ (Inñi tosatñi yeñgöreñ siñgisöndok qahö mosötme ewö, enğö Iwiñini Suep mire maljawañön mönö mewöñanök enğöreñ siñgisöndok qahö mosötma.)" Mewö.

Jitñememe yeñön Jisösgö kukösumñanğö qesiget.

Mat 21.23-27; Luk 20.1-8

²⁷ Jisösnönj gwarekurupñi yembuk kunbuk Jerusalem sitinönj öngöget. Öngöba jöwöwöl jikegö tohoñ uruñe anda kaiga jike nup galöm, Köna keugö böhi aka kantrigö jitñememe tosatñi yeñön yeñgöreñ kanğotket. ²⁸ Kanğota kewö qesim wañgiget, "Gi ki-anğöreñ yuai akzani, mi mönö dañön jim kutum gihi-iga ahakzan? Mi memamgö kukösumñi mi dañön gihiyök?"

²⁹ Qesim wañgigetka kewö melen engiyök, "Nöñön mewöyök keu kun qesim enğimam. Mi melen niñgigetka nöñön mewöyök dañön kukösum niñgiiga yuai ki ahakzali, mi jibi mötme. ³⁰ Jonönj ambazip o-melun mem engiba malöhi, yeñön miangö kukösumñi mi denikeyök meyök? Suep Toñan wañgiyök me gölme toñan wañgiget? Mi jiget mötmam."

³¹ Mewö melen engiiga sutñine eram möta kewö jiget, "'Kukösumñan Suepnöhök asuhuyök,' mewö jibin ewö, yeñön mönö kewö jima: Inñi mönö wuanöñgöra Jon qahö möt narim wañgiget? Mi qahö dop kölja.

³² Me 'Gölme ambazipnöhök asuhuyök,' jibinak? Mi qahö dop kölja." Ambazip köreñan Jongöra 'Ölna kezapqetok asia akza,' jigeranğöra aka ambazip kambu yeñgöra keñgötñini möta mi jibingö osiget. ³³ Miangöra "Mi qahö mötzin," melenget. Mewö melengetka Jisösnönj kewö jii mötket, "Mewö aiga nöñön

^{††} 11.23 Mat 17.20; 1 Kor 13.2 ^{†††} 11.25 Mat 6.14-15

mewöyök yuai ki ahakzalanğö kukösumñi danğon niñgiyök, mi qahö jibi mötme." Mewö.

Wain kösö nup galöm bölöñi miengö dopkeu
Mat 21.33-46; Luk 20.9-19

12 †Jisösnöñ könahiba ambazip dopkeunöñ kewö jii mötket, "Azi kunöñ wain kösö nup kun köla kömörök. Köla kömöta selñi memba liliköyök. Mem liliköba wain jout ketanji kötnöñ meyök. Mianğoreñ waingö ölnji ala könanöñ tözöhölget oñan lalanöñ geyök. Wain jout ketanji mi memba wain yongoro membepuköra galöm meme jake köröpñi köwenambuk meyök. Yuai pakpak mem teköba wain nup galöm tosatñi miwikñaim enggiba kewö jiyök, "Mönö nup memba ölnğangö bahöñi nanñini memba bahöñi tonji ni niñgime." Mewö jiba nup mi böröñine ala enggimosöta kantri kunöñ anda malök. ² Mala mali ölnji öliyöhanğö nalöñi (yambu 5) töriiga mianğoreñ welenqeqeñi kun melaim wañgiiga galöm yengöreñ anda wain nup ölnğangö bahöñi wañgimegöra jiyök. ³ Jiyökmö, galöm yeñön i memba jöhöba kömbinöñ qeba wuatangögetka böröñi börak liliñgöyök. ⁴ Mianğö andöñe welen azi kun melaii yengöreñ aniga nöropñi qesiñda gamu qem wañgiget. ⁵ Mianğö andöñe welen azi kun kunbuk melaiiga ani qeget kömuyök. Mewöñanök azi tosatñi gwötpuk melaim enggiiga tosatñi kömbinöñ sepgwörörök engguba tosatñi engguget kömuget. ⁶ Mewö aketka wain nup toñan keu jaruba jiyök, 'Nani wölböt nahöni mohok mi tok malja. I mönö göda qem wañgime me denöwö?' Mewö jiba qöndökñi mi nahönña melaiiga yengöreñ anök. ⁷ Anökmö, kaiga eka sutñine kewö jiget, 'Yañön mönö börösamotñangö tonji akña. Ayop, mönö memba qein kömuiga wain kösö nup kianğon mönö nanine buñani- na akña.' ⁸ Mewö jiba memba jöhöba qeget kömuiga qamöñti nup yaigepñe gilget geyök.

⁹ Wain nup toñan mi möta mönö denöwö akña? Yañön mönö nanñak kaba nup galöm mi könderñ enggi- ma aka nup galöm dölokñi miwikñaim enggiba wain kösö nupñi yeñgö böröñine alma. ¹⁰ ††Buña Kimbigö keu ki lök oyongget me qahö?

'Miri meme yeñön köt tandö kun andö qeba öne mosötket taröhi, mianğon mönö tandö kömbönañi ahiga miwikñaiget. Mianğon tingiriga mirinöñ mönö gororogöba eta kölma.

¹¹ Kembunöñ tandö mi kuñguiga jeninan ehinga qetbuñabuk ahiga welipkömakzin."

¹² Jisösnöñ mewö jiiga galöm yeñön keu mianğö könañi möt asariba kewö jiget. "Dopkeu mi mönö neñgöra jiza." Mianğöra i memba jöhöbingö mötketmö, ambazip kambu yeñgöra keñgötñini möta osiba mosöta anget. Mewö.

Takis alalgö Jisös esapköm wañgiget.
Mat 22.15-22; Luk 20.20-26

¹³ Juda jitñememe yeñön Farisi aka premiö Herodkö pati alaurup tosatñi melaim enggiba kewö jiget, "Injini

† 12.1 Ais 5.1-2 †† 12.10 Sum 118.22-23

mönö Jisösgöreñ anda qesiba keugö bötaknöñ öroi gwaröhöm wañgime." Mewö jigetka Jisösgöreñ kaget. ¹⁴ Jisösgöreñ kaba kewö jigetka mörök, "Böhi, göñön azi ölnji akzani, nini mi mötzin. Göñön ambazip tosatñi qahö enggek soriba tosatñi qahö qepureim enggimakzanmö, dop mohotnöñ kewöt neñgimakzan. Mianğöra kuñgum gihigetka qahö gonggiba ketanji qahö esuhum enggimakzanmö, Anutugöreñ köna mi keu ölnğangö dop kusum neñgimakzan. Göñön Anutugöreñ keu diñdiñi mianğon öngöñgöñi eretñi mohot pakpak jim qindiñ ak neñgimakzan. Mianğöra nini sisa-kiñgöra takis ala mianğon Mosesgö Köna keu siñgibin me qahö? Mi alinga dop kölja me qahö?"

¹⁵ Mewö jiget möta areñini munenji mi möt kutuba kewö jii mötket, "Injini wuanöñgöra keugö bötaknöñ al niñgibingö esapköm niñgize? Ölop silwö monerñ (Kina 5) kun memba kaget eki."

¹⁶ Mewö jiiga mi memba kagetka kewö qesim enggiyök. "Dagöreñ imut aka qet mi ki ohoget ahöza?" "Mi sisa kiñgöreñ!" Mewö melenğda jiget.

¹⁷ Jigetka kewö jii mötket, "Mewö ahiga yuai sisa-kiñgö imutñambuk buñani ahözawi, mi mönö yañgöra al wañgime. Yuai kun Anutugö buñaya ahözawi, mi mönö Anutugö buña qeme." Mewö jii möta yañgöra gwötpuk welipköget. Mewö.

Kömupnöñöhök wahötwahötkö esapköm wañgiget.
Mat 22.23-33; Luk 20.27-40

¹⁸ †Sadyusi (Jike nupkö kapañkölköl) yeñön "Kömugeri yeñön kude wahötmé," jiba malget. Yeñgöreñök tosatñan Jisösgöreñ kaba kewö qesim wañgiget, ¹⁹ ††"Böhi, Mosesnöñ kewö jim kutum neñgiyök ahöza,

'Azi kun ambi meiga nahönbörat qahö ahui kömumba malöñi öne mosöriga munñan ölop malöñi memba gwölöñarök qiwikñaim wañgiiga datñangö qet bisiba malma.'

²⁰ Mötnöñ! Nalö kunöñ darumun 7 malget. Datñini mutukñan ambi memba mala gwölöñarökñi qahö öne mala kömuyök. ²¹ Kömuiga munñan malöñi mi memba mala mewöyök gwölöñarökñi qahö öne kömuyök. Kömuiga munñi kun yañgö bapñe mianğon ambi miyöhök memba mala öne kömuyök. ²² Mewöña mewö darumun 7 pakpak yeñön ambi mohot miyöhök memba gwölöñarök qahö mala kömum teköget. Körek kömugetka qöndökñi malöñini mi mewöyöhök kömuyök. ²³ Göñön Kömugeri yeñön guliba wahötmé,' jizanmö, nini mi qahö möt narizin. Mötnöñ! Azi 7 pakpak mi öröröñ wahötpeak ewö, ambi möhot mi anömñina meget malöhanğöra aka mönö dagö anömñna akawak?"

²⁴ Mewö qesigetka Jisösnöñ melenğda kewö jii mötket, "Injini keu jim sohoze. Urumelengö Buña Kimbiñi aka Anutugö kukösumñi qahö möt kutuzeañgöra mönö janñun ahakze. ²⁵ Ölnja, kömupnöñöhök wahöta nalö mianğöreñ awanöm qahö akñemö, garata yeñön Suep mire maljeañgö tandök aka malme. ²⁶ ††Mötket! Kö-

‡ 12.18 Apo 23.8 †† 12.19 Dut 25.5 †† 12.26 Eks 3.6

mugeri, yeñon guliba wahötmegö keunji mi Mosesgö Buknön kewö ahöza: Sötman köhösonön könöp bölam ahuba qahö jem kutuyöhi, injini kösohot mi oyonget me? Anutunön miañgören Moses kewö jii mörök, 'Nöñon Anutu Abrahamgö Kembu, Aisakö Kembu aka Jeikobkö Kembuya mala kota maljal.'

²⁷ Isik bömön karöbut yeñon Anutubuk mala mal köhöiba öngöme. Anutunön köhömunji yeñgö Kembunini qahöpmö, malmal köhöiknji maljei, mönö yeñgö Kembunina akza. O Sadyusi (Jike nupkö kapañkölköl pati) injini mönö keu gwötpuk möt sohomakze." Mewö melenök.

Jöjöpañ keu bohonji yahöt mi denöwö?

Mat 22.34-40; Luk 10.25-28

²⁸ †Jisösnön Sadyusi (Jike nupkö kapañkölköl) yembuk eraum möta jim soroköba melen engiyöhi, mi Köna keugö böhi azi kunön mörök. Mewö möta jeñe kañgota kewö qesim wañgiyök, "Jöjöpañ keu pakpak miengörenök bohonji ketanji mi denöwö?"

²⁹ ††Qesim wañgiiga melenök, "Bohonji ketanji mi kewö,

'Israel könagesö mötket! Anutu mi Kembunini. Yeñon Kembu mohot ahiga bem alañi kun qahö.

³⁰ Miañgöra urugi jömuknji, uñagi jömuknji, mötmötki jömuknji aka kuki jömuknji, miañon mönö Kembu Anutugi jöpaköba malman."

³¹ †Jöjöpañ keu miañgö alañi kewö,

'Nangi jöpaköm añgumakzani, mewöñanök mönö ambazip pakpak jöpaköm engiba malman.' Jöjöpañ keu kunñan mönö keu yahöt mi qahö etkongitza."

³² ††Köna keugö böhigöra mewö melenniga jiyök, "Böhi! Gi törörök keu öññañgö dop jizan. Anutunön mohot akza. Bem alañi kun qahö. ³³ ††Gi urugi jömuknji, mötkutukutugi jömuknji aka kuki jömuknji, miañon Anutu jöpaköba malman. Aka nangi jöpaköm añgumakzani, mewöñanök mönö ambazip pakpak jöpaköm engiba malman. Jöjöpañ keu yahöt mi bohonji ketanji akzahot. Mi tem kölmani, miañon mönö jöwöwöl pakpak aka naluk kötin tosatñi engongitza." ³⁴ Mewö jiiga Jisösnön urumötmötñi möri dop köliga kewö jii mörök, "Gi Anutugö bemtohoñnön añgotmamgö dopdowizan." Mewö eraum möröhotka körek yeñon Jisös toroqeba qesim wañgibingö kölköldömdöm aka mosötket. Mewö.

Kraist mi kiñ Deiwidkö kembunji aka gwölönarökñi.

Mat 22.41-46; Luk 20.41-44

³⁵ Jisösnön jöwöwöl jikenön kinda Buña keu kusum engiba kewö qesim engiyök, "Kraistnön kiñ Deiwidkö gwölönarökñi akzawi, Köna keugö böhi yeñon keu mi denöwögöra jimakze? ³⁶ ††Deiwidnön nanñak Uña Töröñan sölölohöm wañgiiga kewö jiyök,

'Anutunön kinda nöñgö Kembuni kewö jii mörök: Göñon mönö kaba nöñgö böröni öñje tatnönnga nöñon

nalö sutñe kerökurupki tim tötöla luhut alengiba göhö köna tambö gwaröñe al engimam. Nalö mi kam kuñgumawañgö dop mönö asakmararañnön ki tatman.'

³⁷ Deiwidnön nanñak mewö jiba qetñi 'nöñgö Kembuni' jiza.' Kembuni jiba mönö denöwö aka wañgö gwölönarökñi mohot akawak?" Mewö jiiga ambazip kambu ketanji yeñon Jisösgö keuñgö sihimñi möta kezap alget. Mewö.

Urumelengö silesile malmalgö galöm meme keu.

Mat 23.1-36; Luk 20.45-47

³⁸ Jisösnön kusum engiba toroqeba kewö jiyök, "Injini mönö Köna keugö böhi yeñgöra galöm memba malme. Yeñon maluku köröpnji löngöta anda kaba kondel añgubingö mörakze aka maketnön me könanön ambazip engigetka jölöñini jimegö mörakze. ³⁹ Köuluk mire qaikñe eu tatpingö sihimñi mörakze, aka közölömbuañnön dum tatat mutukñe jegep tatpingö mörakze. ⁴⁰ Yeñon malö yeñgören miri yuai bidanña gagabe köla enguañgirakze, aka qetbuñanini asuhumapköra köuluk köröpnji köuluköba töptöpnine qemakze. Miañgöra Anutunön keunji jim teköba likepnji öñgöñgöñi melenñi qakñine öñgöma." Mewö.

Ambi malö kunön naluk kötin öñji alök.

Luk 21.1-4

⁴¹ Jisösnön jöwöwöl jikenön naluk dundum andöñe tariga ambazipnön monen miañgören alget geiga uba enggehök. Ambazip pomñi sukinapñinambuk gwötpuk yeñon kañgota kina monen lömbötñambuk alget geyök. ⁴² Alget geiga malö wanapñi kunön kañgota souje kötnji yahöt, mi toiya tosatñi miañgö dop ali geyök. ⁴³ Jisösnön mi eka gwarekurupñi kölö örom engiba kewö jii mötket, "Nöñon keu öñji kun kewö jibi mötme: Malö wanapñi kiañon naluk aljawi, mi mönö tosatñi pakpak yeñon yuai dundumnön alget gezawi, miañgö dopñi ongita alja. ⁴⁴ Körek yeñon monen gwötpuk ahöm engiiga kitipñanöhök aljemö, ambi kiañon mönö köruebörue maljawañgö dop yuaiñi pakpak al teköba öne töhön malma." Mewö.

Jöwöwöl jikenön köndenmönöñ asuhuma.

Mat 24.1-2; Luk 21.5-6

13 Jisösnön jöwöwöl jike mosöta eriga gwarekurupñi yeñgörenök kunñan kewö jii mörök, "Böhi eknön! Jikegö tohoñ uruñe mirinji mirinji mi mönö wewelipñambuk. Mi kötnön memba meñölögetka ölöpbölöpnji kinja."

² Jisösnön mi möta keu kewö melenök, "Jikegö tohoñ uruñe miri ketanji ki engexanmö, mi mönö köndengetka mirigö köt kun mi köt kungö qakñe qahö ahömappmö, qeqelanñan aka sahoññanök ahöma."

Kahasililiñ aka sesewerowero asuhuma.

Mat 24.3-14; Luk 21.7-19

³ Mewö jiiga Oil ip kundunje öñgöba likepnje endu jöwöwöl jikenön kinöhi, mi eka tatket. Miañgören jata

† 12.28 Luk 10.25-28 †† 12.29 Dut 6.4-5 ‡ 12.31 Lew 19.18
 †† 12.32 Dut 4.35 †† 12.33 Hos 6.6 ††† 12.36 Sum 110.1

Pitö, Jeims, Jon aka Andru yeñon Jisös nanñök öröba kewö qesim wangiget, ⁴“Böhi! Keu jizani, miangö ölni mönö wanat nalöñon asuhum tingitma aka yuai pakpak mi könahiba asuhum tekömawi, miangö aiwesökñan mönö denöwö asuhuma? Mia ölop jinöñ mörin.”

⁵ Mewö qesim wangigetka könahiba kewö jii mötket, “Kunñan isimkakalek aiga janjuñ anbepekora mönö galömnjini memba malme. ⁶ “Ambazip gwötpukñan asuhuba nöngö qetne kewö jime, ‘Nöñon Kraist akzal.’ Mewö jiba ambazip gwötpuk tilipköm engime. ⁷ Injini yarö mieñgö buzupñini aka ötöñini asuhugetka mörakñe. Mi möta jöñömñini kude undumakña. Yuai mewöñi mi mutuhök asuhumapkö jijiña. Mi asuhumapmö, gölmegö nalöñan mönö miangöreñök zilañ qahö teköma. ⁸ Kantri kunöñ kantri kun engubingöra wahötme. Ambazip kambu kunöñ kambu kun yembuk aröñ angubingöra wahötme. Gölmengi gölmengi miangöreñ genöñ ketanj ketanj qözöla memba gölme melenjani gemakña. Mewöyök bödiñi bödiñi (buöröñi buöröñi) asuhuba öngöba ahöma. Yuai mewöñi mi ambi köröbuknöñ masi könahiba engumakzawangö dop. Gölmegö nalöñan mönö miangö dop könahiba tekömamgö akña.

⁹ †Mewö akñapmö, injini ölop galömnjini mem anguba malme. Ambazipnöñ injini öröba keu jakeñe al engiba köuluk mireñini keu nupñini memba kömbinöñ engume. Tosatñan nöngöra aka enguangitketka kantriñi kantriñi yeñgö kiñ kembu aka premiö yeñgö jemesoholjine kinme. Mewö kinda nöngö könañamni nanñöba jigetka mötme. ¹⁰ Ölowak Buña ki mönö mutuk gölmegö kantriñi kantriñi pakpak yeñgöra jim sehim tekögetkun gölmegö nalöñan miangö andöñe teköma. ¹¹ Öroba enguangita keu jakeñe al engigetka kinmei, nalö miangöreñ keu denöwö jibinak, miangö waimanjatñi qeljine kude mötme. Uña Töröñan aua miangöreñök keu engimawi, mönö mia jime. Nanñine uruñnanñgöra keu qahö jimemö, Uña Töröñan mönö uruñni sölölohöiga keu jime. ¹² Urumelengö kopa kunöñ darumunñan uruñni melerñöhängöra aka i mamalolo meiga keu jakeñe algetka qeget kömuma. Mewöyök iwi kunöñ nahönböratñi mamalolo meiga kömuma aka nahönbörat yeñon iwinamurupñini qetal engiba jigetka enguget kömume. ¹³ ††Kantri pakpak yeñon nöngö qetnanñgöra aka kazik ak engigetka malmemö, kunñan kapañ köla köhöiba böñ qeba kin da maliga gölmegö nalöñan tekömawi, yeñon mönö oyaenköyaen buña qem anguma. Mewö.

Jerusalem sitigö könderñmönder uru-önöñambuk

Mat 24.15-28; Luk 21.20-24

¹⁴ †“Könañgep tosatan kaba könderñmönder aka yuai angöjörakñambuk jikenöñ qahö alalgö dop mi altanöñ ala kiniga ekñei, - keu ki oyoñmawanöñ mönö ölop kezap ala möt kutuma - nalö miangöreñ Judia prowinsnöñ malmei, enöñ mönö misingöba öröba

† 13.9 Mat 10.17-20; Luk 12.11-12 †† 13.13 Mat 10.22 † 13.14 Dan 9.27; 11.31; 12.11

kundunje anme. ¹⁵ ††Miri kösutñe sombemnöñ malmawanöñ mönö eta yuaiñi memamgöra miri uruñe kude öngöma. ¹⁶ Nupnöñ anda malmawanöñ mönö mewöyök malukuñi memamgöra lilingöba mirinöñ kude anma. ¹⁷ Yei! Ambi gölömbuk aka morö juzunöñ yeñon nalö miangöreñ denöwö ösumñinan anbeak. ¹⁸ Miangöra yuai mi kie luhut nalöñe kude asuhumapköra köuluköme. ¹⁹ ††Nalö miangöreñ kahasililiñ keta bölöknj asuhuma. Kahasililiñ dopñi mewöñi mi mönöwök nalö kungen kude asuhuba ahöyök. Anutunöñ yuai pakpak miwikñaiyöhi, nalö miangöreñök könahiba nalö kiangöreñ mala kota nalö sutñe kun qahö asuhuyök. Mönöwök qahö asuhuyök aka könañgep nalö kunöñ qahö ahuma. Miangöra mönö köuluköba malme. ²⁰ Kembunöñ wahöjaliñ nalö mi qahö mem töribawak ewö, ambazip körekñan mönö ayuhum teköbeakmö, ambazip nanñangöra möwölöhöm engiyöhi, yeñgöra aka wehön mieñgö qötöñini mi mem törima.

²¹ Nalö miangöreñ kewö jime, ‘Mötket! Kraistnöñ ki malja.’ aka ‘Eket! Amötqeçe Tonjan endu kinja.’ Kunñan mewö jima ewö, mi mönö kude möt narime. ²² Mi kewögöra: Amötqeçe tonji muneñi aka kezapqetok ambazip takapulakanj asuhuba angöletot aka aiwesök jemurutñi megetka letotme. Mewö letotketka Anutunöñ ambazip nanñangöra möwölöhöm engiyöhi, i mewöyök enjololöñ mem engimegö esapköba kapañ kölgetka janjuñ akepuk. Enöñ ölopñanök galömnjini memba malgetka mi osibeak. ²³ Nöñon yuai pakpak mi kude asuhuiga qeljine lökñanök jibi mötze. Mi mutuk jizalanñgöra mi mönö uruñine ala galömnjini mem anguba malme. Mewö.

Suep gölmegö azi ölnan mönö asuhum tingitma.

Mat 24.29-31; Luk 21.25-28

²⁴ †††Wahöjaliñ mi teköiga nalö miangöreñök wehön jeñan injañ köliga köiñnöñ ömuñ kölma. ²⁵ †††Sengelau yeñon suepnöhök teköba etme aka suepnöñ uturuköiga miangö öroyuaiñi mi tatatñini mosöta enjololöñ aketka sohoma. ²⁶ †Nalö miangöreñ Suep gölmegö azi ölni yeñon kousu qakñe kangori ekñe. Kukösumñi ketanñan saköl-diñdiñambuk aukñe asuhuiga asakmararañi ekñe. ²⁷ Kangota Suep garataurupñi melaim engiiga yeñon ambazip Anutunöñ nanñangöra möwölöhöm engiyöhi, i gölme görañi likeplikep, euke emuke miangöreñök kölolohoba enguangitme. Mewö.

Geröp ipkö dopkeu

Mat 24.32-35; Luk 21.29-33

²⁸ Injini geröp ip eka tandökñi mötmöriba dopkeu ki mötme. Böronñan lök onambuk aiga sinñan yonjoigetka mi eka möta kewö jimakze, ‘Wehön nalöñan mönö dopdowiza.’ ²⁹ Enöñ mewöñanök aiwesök miangö dop asuhuiga eka möt asariba könañi kewö jime, ‘Jisösnöñ mönö nanñunöñ dopdowiza.’ ³⁰ Nöñon keu ölni kun

†† 13.15 Luk 17.31 †† 13.19 Dan 12.1; Ind 7.14 ††† 13.24 Ais 13.10; Eze 32.7; Joel 2.10, 31; 3.15; Ind 6.12 ††† 13.25 Ais 34.4; Joel 2.10; Ind 6.13 § 13.26 Dan 7.13; Ind 1.7

kewö jibi mötket: Ambazip ki merak gölmenöñ maljei, yeñön qahö kömugetka yuai pakpak jizali, mi mönö yeñgö malmal nalöñjine asuhuma ³¹ Suep gölmenöñ göröñ qemahotmö, nöñgö Buña keunan mönö qahö ayapköma.' Mewö.

Jisös kamawangö nalöñji mi kunñan qahö mötza.

Mat 24.36-44

³² †Suep gölmegö azi ölnan dawinöñ kamawi, miangö wehönñji me aua nalöñji mi kunñan kun qahö mötza. Suepnöñ garata yeñön mi qahö mötze. Anutugö Nahönñan mewöñanök mi qahö mötza. Iwinöñ nanñök mi mötza. ³³ Nalö dawinöñ asuhumawi, mi qahö mötzeangöra eñön mönö alöm memba uruguliguli malme. ³⁴ ††Mi dopkeu kiangö dop ahöza: Azi kunöñ mirinji mosöta kantri kungen anök. Anmamgöra aka galömurupñji yuai pakpakñangöra jim kutum enggiba nanñu kinji böröñjine ala kukñji enggiyök. Kukñji enggiba welenqequeurupñji mohok mohok nup keu enggiyök. Enggiba mala nanñu galömñji mewöyök uruguliguli malmapköra jim kutum wanggiyök. ³⁵ Miri tonñan dawinöñ lilingöba kamawi, mi qahö mötze. Mare me sunñgem ömbibiñje kama me? Wangaranñ su-ruiga kama me? Wehön gianñjiiga kama me? Miangö dop inñini mi qahö mötzeangöra mönö uruguliguli malme. ³⁶ Könöpuk wölanñ kaiga eñön gaun ahögetka mewö miwikñaim enggibapuk. ³⁷ Inñini mönö uruguliguli malme. Keu mi gwarekurupñji enggöra jizali, mi mewöyök alaurupñi körek pakpak enggögöra jizal: Inñini mönö urugwölögwölö malme." Mewö.

Jisös qein kömumapkö angöñan alget.

Mat 26.1-5; Luk 22.1-2; Jon 11.45-53

14 †Pasowa kendon †† aka beret yistñji qahö miangö kendonñji törüyohot. Wehön yahöt teköiga miangörenñ könahibitkö ahotka jike nup galöm aka Köna keugö böhi yeñön tokoget. Tokoba denöwö möndönñinga Jisös ölnöñ memba qeget kömumbawak, miangö köñanñi jaruba kewötket. ² Jaruba kewöta kewö jiget, "Ambazip irimñjini sehöliiga karimñji karimñji asuhubepuköra mi söññgai kendon nalöñje akingö osibin." Mewö jiget.

Ambi kunñan Jisös o umköhökñambukñan miriyök.

Mat 26.6-13; Jon 12.1-8

³ ††Jisösñöñ Betani mirinöñ mala Saimon kun uzikukunñi mem solaniyöhi, yangö mire öngöba tarök. Miangörenñ nene memba tariga ambi kunñan köt kirin kun memba yangörenñ kayök. Kirin mi nöluk tuat-tuat qetñji alabastö mianñön memenja. Mia o umköhökñambuk ölnji qetñji nad mianñön kokolak qeba tarök. Yanñön mi bohönñji ketanñan memba kaba nöluk jölñji kutuba onñ Jisösgö nööröpñje mimbiliba miriyök.

⁴ Miriiga azi tatkeri, yeñgörenök tosatñan urubölö aka

† 13.32 Mat 24.36 †† 13.34 Luk 12.36-38 † 14.1 Eks 12.1-27 †† Kantri qetñji Ijpt miangörenñ Kembugö garatanöñ enggehoriiba enggongirök, kendon miangö qetñji Nei keunöñ Pasowa. Eksodus 12.15 †† 14.3 Luk 7.37-38

nannñök kewö eraum mötket, "Nad o mi mönö wuanöñgöra mewö ayuhuzawi? ⁵ Nad o kelökñambuk mi bohönñji memegöra albawak ewö, ölop silim 300:kö töwanñi (Kina 1500,-) onñgita yöhötibawak. Mi ambazip wanapñji enggiiga dop kölbawak." Mewö jiba ambi mi jim wanggiget.

⁶ Jim wanggigetka Jisösñöñ kewö jii mötket, "Ambi ki kude jim wanggime. Wuanöñgöra urunñi mem böliize? Yanñön silik ölopñji ak soroköm ninggiiga dop kölja.

⁷ ††Ambazip wanapñji mi nalöñji nalöñji sutñjine malgetka ölopñji ak enggibingö möta mi ölop nalö dop akñemö, nöñön engö sutñjine nalö dop qahö malmam.

⁸ Yanñön mi nanñji akakmemenangö dop ak ninggiza. Nöñön kömumbi löm köln ninggimeangöra ölop qeljine sileni kelökñöñ nömiriza. ⁹ Nöñön keu ölnji kun kewö jibi mötket: Ölöwak Buña ki kantri igen waigen jim sehigetka anmawi, miangörenñ ambi kianñön yuai ak niñgizawi, miangö buñanñi mohok jiget sehiiga yangöra mötmöröiba malme." Mewö.

Judasñöñ Jisös mamalolo mem wanggimangö urumohok ahök.

Mat 26.14-16; Luk 22.3-6

¹⁰ Gwarekurupñji 12 yeñgörenök kun qetñji Judas Iskariot yanñön Jisös mamalolo mem wanggimangöra aka jike nup galöm yeñgörenñ anök. ¹¹ Yeñgörenñ anda keunñji jiiga mi möta urunñan ölöwahiga söñgörönñi monenñ wanggibingöra keu jöhöget. Keu jöhögetka Jisös nalö kungen mamalolo mem wanggimangö köna möt jaruba köññbingöba malök. Mewö.

Jisösñöñ gwarek yembuk Pasowa lama neget.

Mat 26.17-25; Luk 22.7-14, 21-23; Jon 13.21-30

¹² Beret yistñji qahö miangö kendon silim mutukñe (Seqononöñ) pasowa lama kun qeba ohözema. Miangöra Jisösgö gwarekurupñan jiget, "Böhi, nini miri denikeangörenñ anda pasowa lama mözözömgöm gihibanembin? Sihimngi denöwö ahöza?"

¹³ Mewö jigetka gwarekyahötñji yahöt kewö jiba melaim etkiyök, "Inñiri Jerusalem sitinöñ öngöyohotka azi kun o kumbut kunduta kaiga miwikñaimahot. Miwikñaiiba i ölop wuatangöba anmahot. ¹⁴ Anohotka mire öngöiga miangö tonñi kewö jiyohot mötma, 'Böhinöñ kewö jiza: Ölop miri urunñi kun ninginöñga miangörenñ öngöba gwarekurupñi yembuk pasowa lama nembin.' ¹⁵ Mewö jiyohotka tonñan möta miri qakñe eu öngöba urunñi ketanñi kun kondel etkima. Miangörenñ dum tatat yuai mözözömgöget ahöza. Mi kondel etkiiga miangörenñ lama qeba ohomahot."

¹⁶ Mewö jiiga gwarekyahötñan mosöta sitinöñ öngöba Jisösñöñ keu jiyöhi, miangö dop miwikñaiiba kinda lama qeba ohom mözözömgöyohot.

¹⁷ Miri söñauiga Jisösñöñ gwarekurupñji 12 yembuk miri miangörenñ kanñgotket. ¹⁸ †††Kanñgota öngöba dumñöñ tata nene negetka Jisösñöñ kewö jii mötket, "Nöñön keu ölnji kun kewö jibi mötket: Enggörenök kun

††† 14.7 Dut 15.11 ††† 14.18 Sum 41.9

nömbuk nene namba tatzawañon mönö mamalolo mem niñgima."

¹⁹ Mewö jiiga uruñinan wösöbirik aiga könahiba nanñök nanñök qesim wañgiba jiget, "Nöñgöra jibanbuk?"

²⁰ Qesim wañgigetka kewö jii mötket, "12 engöreñök kun nömbuk beret kuluññon kundungözawi, yañon.

²¹ Suep gölmegö azi ölnan mönö yañgöra keu ohoget ahözawañgö dop gölme mosöta anma. Anmapmö, mamalolo mem wañgimawi, yañgöra Yei wösöbirik! jizal. Anutunöñ mönö likepñi öngöñgöñi melen wañgima. Azi mi nam köröuruñeyök qahö ahubawak, mi-añon mönö amqem wañgibawak." Mewö.

Kembubuk semön qöndökñi neget.

Mat 26.26-30; Luk 22.14-20; 1 Kor 11.23-25

²² Nene namba tata Jisösnöñ beret memba kötuatköba mindipköba engiba kewö jiyök, "Ki nani busuni. Ki memba neget."

²³ Mewö jiba wain qambi memba saiwap jiba engiiga köreñan qambi kiangöreñök neget. ²⁴ †Negetka kewö jii mötket, "Ki nani sepnü. Ki Anutunöñ ambazip yembuk jöhöjöhö areñ aiga köhöimapköra sepnü mokoget geiga ambazip gwötpuk amöt qem engima. ²⁵ Nöñon keu ölni kun kewö jibi mötket: Nöñon wain kösögö ölni kiangöreñ kunbuk toroqeba qahö nemam. Könañgep Anutugö bemtohoñ uruñe eu taringa közölömbuan al-mawi, wehön miangöreñ mönö wain o qainñi kun mia nemam."

²⁶ Mewö jiiga sösongai liñet köla mosöta anda Oil ip kundunje öngöget. Mewö.

Pitönöñ Jisös qañ kölmapkö jii mörök.

Mat 26.31-35; Luk 22.31-34; Jon 13.36-38

²⁷ †Öngöba Jisösnöñ kewö jii mötket, "Kezapqetok azi kunöñ keu kun kewö ohoi ahöza, 'Nöñon galömñini qebiga lama kambuñan denme.' Miangö dop enön körek uruñini bölliiga nömosöta buratime.

²⁸ †Buratigetka nuñgumemö, nöñon mönö kömup-nöhök wahöta mutuk Galili prowinsnöñ anda miangöreñ asuhum engimam."

²⁹ Mewö jiiga Pitönöñ kewö jii mörök, "Yeñon körek uruñini bölliiga gömosöta buratime ewö, nöñon mönö töndup mewö qahö akñam."

³⁰ Jiiga Jisösnöñ jii mörök, "Nöñon keu ölni kun kewö jibi mötnöñ: Kuruknöñ indimñi yahöt qahö qeriga göñon merak suñgem qañ köl niñginöñga indimñi karöbut akña."

³¹ Mewö jiyökmö, Pitönöñ kapañ köla köhöiköhöi ahök, "Böhi! Mewö qahöpmö, ni nuñgugetka göbuk mohotñe kömumbirak, mi töndup nöñon gi qahö qañ köl gihimam." Gwarek tosatñi pakpak mewöyök keu miyöhök jiget. Mewö.

Jisösnöñ Gezemane arönöñ köuluköyök.

Mat 26.36-46; Luk 22.39-46

³² Mewö eraum möta anda arö kun qetñi Gezemane miangöreñ angotket. Angota gwarekurupñi kewö jii mötket, "Nöñon endu anda köuluköbiga inñini ölop nalö sutñe ki tatme." ³³ Mewö jiba Pitö, Jeims aka Jon enguangita anget. Angetka Jisösnöñ könahiba könjiliñ kanjamñambuk möriga köna böröñi qeköyök. ³⁴ Mewö aka kewö jii mötket, "Nöñgö urunan mönö kondum köla kotzawañgöra aka wösöbirik mötpiga kömukö-muñi ak niñgiza. Inñini ölop kiangöreñ tata nömbuk guli malbin."

³⁵ Mewö jiba nanñök boromkun toroqeba anda simin köla sipköba sihimbölö nalöñi mi Iwiñangö jitrangö dop ongitmapköra köuluköyök. ³⁶ Köuluköba jiyök, "Aba Iwini, gi yuai kun qahö mölölömbizan. Miangöra sihimbölögö qambiñi ki mönö noangitman. Noangitpanak, mi nöngö sihimgö dop qahöpmö, mönö nangi jirkahö dop asuhuma."

³⁷ Mewö jiba lilingöiga gwarekurupñi karöbut yeñon gaun ahöget engeka Pitögö kewö jii mörök, "Saimon, gi gaun ahözan me? Gi aua mohot-töp guli malmamgö kude köhöizan me? ³⁸ Uruninan guli malbingö sihimñi mörakzinmö, sileninan lölöwöröñi akza. Miangöra esapesapnöñ et engubapuköra mönö köuluköba guliguli malme."

³⁹ Mewö jii möriga kunbuk engömosöta anda keu miyöhök kunbuk jiba köuluköyök. ⁴⁰ Köuluköba lilingöiga jeñini böñböñ meyöhañgöra kunbuk gaunök ahöget engehök. Gaunöhök wahöta keu melenbingö janjuñ aket.

⁴¹ Jisösnöñ ani indimñi karöbut aiga lilingöba kaba kewö jii mötket, "Inñini toroqeba luhut memba gaunök ahöbingö mötze me? Mötket! Kunöñ Suep gölmegö azi ölni mamalolo mem wañgiga bölöñi meme yeñgö böröñine öngöma. Miangö aua nalöñan lök kam kuñguza. Engö gaun ahöahö nalöñinan mönö teköza. ⁴² Mönö wahötketka anin. Mötket! Mamalolo mem niñgimawi, yañon mönö dowe ki kaza." Mewö.

Jisös qeraköba memba jöhöget.

Mat 26.47-56; Luk 22.47-53; Jon 18.3-12

⁴³ Jisösnöñ mewö jiba kiniga miangöreñök gwarekurupñi 12 yeñgöreñök kun qetñi Judas yañon kambu kun jitrñe mem engiiga kañgotket. Jike nup galöm, Köna keugö böhi aka kantrigö jitrñememe yeñon i melaim engigetka bimgö sou ketañi aka liñgipñini memba kaget. ⁴⁴ Mamalolo memamgö ahöhi, yañon mutuk yembuk aiwesök keu kewö jöhöba jii mötket, "Nöñon azi numbuñi yöhötim nemami, i eka 'Mönö mi!' jiba memba jöhöba törörök galöm köla anme."

⁴⁵ Mewö jiba kaba miangöreñök Jisösgöreñ angota "O Böhini!" jiba numbuñi yöhötim neyök. ⁴⁶ Yöhötim neiga eka Jisös qelanjiba memba jöhöget. ⁴⁷ Jöhögetka kösutñe kingeri, yeñgöreñök kunñan bimgö sou ketañi öröba jike nup galöm bohonñangö welenqeqeñi qeba kezapñi köteköi erök. ⁴⁸ Jisös jöhögetka keu kewö jii

† 14.24 Eks 24.8; Jer 31.31-34 †† 14.27 Zek 13.7 † 14.28 Mat 28.16

mötket, "Ni kegwek-kahasiliñ azia qahöpmö, töndup nõngöra mewö möta bimgö sou ketanji aka liñgip memba nõmemba jöhöbingöra kanjotze. ⁴⁹ †Nõnjõn wehõn dop jöwöwöl jikenõn embuk kinda Buña keu kusum enggiba malbiga qahö nõmigetmö, yuai ki mönõ Buña Kimbigö keunjan õlñambuk akñapkõra asuhoza. ⁵⁰ Jisõs jöhögetka gwarek yeñõn körek Jisõs mosõta buratiba unjurata anet. Mewö.

Sepguli kunõn unjurata anök.

⁵¹ Azi gwabö kunõn bindonji tuatñanök köpeiba Jisõs-gö andõje wuatangöba anök. Oponji tosatñi qahö lõngöta aniga i esapkõba meget. ⁵² Mëmbingö osiba bindonji qekõgetka aukñamñe unjurata anök. Mewö.

Jikegö jitñememe yeñõn Jisõsgö keu nup meget.

Mat 26.57-68; Luk 22.54-55, 63-71; Jon 18.13-14, 19-24

⁵³ Jisõs jöhöba wangita jike nup galöm bohonñangö mire anet. Angetka jike nup galöm pakpak, kantrigö jitñememe aka Köna keugö böhi yeñõn mianggõrenñe anda tokoget. ⁵⁴ Angetka Pitõnõn sikepsikep enguatangöba jike nup galöm bohonñangö mire angota jakõmbuak mirigö kiripo uruñe õngöyök. Öngöba welenqeçe azi yeñgö sutñine tata kõnõp kõsutñe jömörök. ⁵⁵ Mewö tarökmö, jike nup galöm aka jike kaunsöl kambu yeñõn Jisõsgö silenõn alal keu denöwö nangõinga qeget kõmumapkö jim jarugetmö, kõnanji kun qahö miwikñaiget. ⁵⁶ Jaruba kinda gwõtputkñan keu munerji silenje ala nangöba jigetmö, keunjan kõnanji mohok qahö ahök.

⁵⁷ Mewö aiga tosatñan wahöta kinda keu munerji silenje ala nangöba kewö jiget, ⁵⁸ ††"Yañõn kewö jiiga mörin, 'Nõnjõn jöwöwöl jike börõnõn memerji ki kõnderbiga gölmenõn eriga wehõn karõbutkö uruñe jike qainñi kun börõnõn memerji qahö mi mem wahöta kuñgumam.'" ⁵⁹ Mewö jigetmö, töndup keunjan kõnanji mohok qahö ahök.

⁶⁰ Mewö aiga jike nup galöm bohonñan wahöta mesohol köl enggiba kinda Jisõs qesim wangiba kewö jiyök, "Yeñõn göhö silege keu ala nangözei, mianggö likepñi kun jiman me qahö?"

⁶¹ Qesim wanggiiga yuai bölonji kun qahö ahökmö, töndup likepñi kun qahö melenja keunji bök kinök. Keunji bök kiniga jike nup galöm bohonñan kunbuk kewö qesim wangiyök, "Anutu möpõseim wangim�kzi-ni, gi yangö Nahõnñi Kraist akzan me qahö?"

⁶² †Qesim wanggiiga "Oñ!" jiba kewö jii mötket, "Suep gölmegö azi õlñan mönõ kukõsum Tonangö börõnñi õlñe tata suepkö kousu qakñe eri ekñe."

⁶³ Keu mi jiiga jike nup galöm bohonñan malukuñi munjurata kewö jiyök, "Yei, iwinangö jitiñ! Tosatñan keunji nangõmegõra kunbuk qahö qesim enggibin.

⁶⁴ ††Anutu mepaikõzawi, mi mönõ nanñinak möt teköze. Mianggõra denöwö mötmörize?" Mewö qesim enggiiga yeñõn körek Jisõs kõmupkö buñaya akñapkõra jim tekõget.

⁶⁵ Mewö jim teköba tosatñan kõnahiba söutkölap miriba jemesoholñi esuhuba börõnñan misiba qeba kewö jiget mörök, "Dañõn guhuzawi, mi õlop jinõn mörin." Jikegö kiripo galöm (sikiriti) yeñõn mewöyök Jisõs memba nuñgulumñe qekõtahõget. Mewö.

Pitõnõn Jisõs qañ kõlök.

Mat 26.69-75; Luk 22.56-62; Jon 18.15-18, 25-27

⁶⁶ Nalö mianggõrenñe Pitõnõn kiripo uruñe sombemñõn malök. Emu maliga jike nup galöm bohonñangö welenqeçe ambiñi kunñan mianggõrenñe kanjorök. ⁶⁷ Kanjogota Pitõnõn kõnõp kõsutñe jömõri ehiba kewö jiyök, "Gi mewöyök Nazaret azi Jisõs miambuk malnõn."

⁶⁸ Mewö jiyökmö, Pitõnõn qañ kõla kewö jiyök, "Keu jizani, mi qahö möta kõndatzal." Mewö jiba kiripo nangunje geiga kinda kuruk qerök.

⁶⁹ Nangunõn geiga welenqeçe ambi kunñan i mianggõrenñe kunbuk eka azi kõsutñe kingeri, i kõnahiba kewö jii mötket, "Azi kianõn mönõ yeñgõrenñök kun akza."

⁷⁰ Mewö jii mötketmö, yañõn kunbuk qañ kõlök. Qañ kõliga nalö borom kun tekõiga azi kõsutñe kingeri, yeñõn kunbuk Pitõgõra kewö jiget, "Gõnjõn Galili azia kun akzanangõra mönõ alakña, yeñgõrenñöhök kun akzan."

⁷¹ Mi möta kõnahiba nanñi qesuahõm anguba jöjõpan keunõn jim kõhöiba jiyök, "Azi keunji jizei, mi qahö möt wangizal. Munerji jibileñak ewö, Anutunõn mönõ likepñi melenñe ningima."

⁷² Mewö jiba kiniga mianggõrenñök kuruk qeri yahöt ahök. Kuruk qeriga Jisõsgö keu kewõ jii mörõhi, Pitõnõn mi mötmöriyök, "Gõnjõn indimñi karõbut qañ kõl ninginõnga kuruknõn qeri indimñi yahöt akña." Keu mi mötmöriba wõsõñi julmamgö aiga sahöt böliyök. Mewö.

Jisõsnõn premiö Pailõtkö jeñe kinök.

Mat 27.1-2, 11-14; Luk 23.1-5; Jon 18.28-38

15 Miri gianjiiga amandñe jike nup galöm, kantrigö jitñememe (70), aka Köna keugö böhi aka jike kaunsöl pakpak yeñõn kot õngõngõñi mianggö totoko ala Jisõsgö keu jim tekõget. Jim tekõgetka Jisõs jöhöba wangita premiö Pailõtkö börõñe alget. ² Rom premiö yañõn Jisõs kewö qesim wangiyök, "Õlña, gi Juda yeñgö kiña akzan me qahö?" Qesim wanggiiga Jisõsnõn melenja jii mörök, "Mõnõ nangak jizani, mewö."

³ Jike nup galöm yeñõn keu gwõtputk Jisõsgö silenje ala jiget. ⁴ Jigetka Pailõtnõn Jisõs kunbuk qesim wangiba jiyök, "Mõtnõn! Yeñõn keu gwõtputk göhö silege ala jizei, gönjõn mianggö likepñi kun jiman me qahö?"

⁵ Mewö jiyökmö, Jisõsnõn bölonji kun qahö ahökmö, töndup keu kitiñi kunbuk qahö melenñök. Keu bök kiniga premiõnõn welipköyök. Mewö.

Pailõtnõn Jisõs kõmumapkö jim teköyök.

Mat 27.15-26; Luk 23.13-25; Jon 18.39-19.16

⁶ Yambu (yara) dop pasowa sösõngai nalõñe premiõnõn kõsõ mireyök azi kun qetñi qeta qesigeri, mi

† 14.49 Luk 19.47; 21.37 †† 14.58 Jon 2.19 † 14.62 Dan 7.13 †† 14.64 Lew 24.16

pösat engizapma. ⁷ Nalö mianğörej azi kun qetnji Barabas qetkeri, yanön kösö mire tarök. Yanön kegwek-kahasililiñ azi tosatnji yembuk karim gila azi kun qeget kömuyöhi, mianğöra kösö mire al engiget. ⁸ Mewö aiga könagesö yeñön premiögö miri sombenje eu öngöba kinda könahiba akñalöhañgö dop akñapkö qesim wañgiget. ⁹ Qesim wañgigetka melenğada kewö jii mötket, "Nönön Juda engörej kiñ pösatpi etmapkö mötze me?" ¹⁰ Jike nup galöm yeñön Jisösgöra körögisigisi mötkerañgöra aka i premiögö börönje al wañgiget. Mi möta sihimñinañgö mewö qesim engiyök.

¹¹ Qesim enğiiga jike nup galöm yeñön ambazip kambu uruesiesi mem engiba kewö jiget, "Mönö Jisös mosöta Barabas pösatman! Mewö qesim wañgime."

¹² Mewö jigetka kunbuk melenğada qesim engiyök, "Mewö jizeañgöra Juda engörej kiñ qetnji mewö qerakzei, nönön mönö i denöwö ak wañgibileñak?"

¹³ Mewö qesim enğiiga kunbuk qetket, "Mönö maripomnöñ qeget jiman!"

¹⁴ Mewö qetketka Pailötnön kewö jii mötket, "Mi wuanöñgöra? Yanön mönö wani bölöña ahök?" Mewö jiyökmö, yeñön mi möta kapan köla toroqeba qet gigi-lahöba kewö qetket, "Mönö maripomnöñ qeget jiman!"

¹⁵ Mewö qetketka Pailötnön ambazip kambu sihimñinañgö dop akñamgö möta Barabas pösat enği erökmö, Jisösyia jiiga ihilek wahinambuknöñ qeyöyaköba qeget. Mewö qegetka maripomnöñ qemegöra Rom yarö azi yeñgö börönjine alök. Mewö.

Jisös kukulömbuan ak wañgiget.

Mat 27.27-31; Jon 19.2-3

¹⁶ Yarö azi yeñön Jisös wañgita premiögö jakömbuak mirigö kiripo uruje angotket. Angota yarö kambu lökñanök öröm engigetka mianğörej kaget. ¹⁷ Kaba maluku pisikñji gugakgugak mi Jisösgö sileñe löngöt wañgiba sötmän kösö limbiñda ila ewö nöropñe kölget geyök. ¹⁸ Mewö geiga könahiba waikñi memba jölöñji jiget, "Owe owe, Juda yeñgörej kiñ, owe!" ¹⁹ Titipepe mewö aka jigetka jehotnöñ nöropñe qeba söutkölap qeba simin köl wañgiba sipköba möpöqöpösei munenji mem wañgiget. ²⁰ Mepaqepaik mewö ak wañgim teköba maluku pisikñji gugakgugak mi qeköba nanñe sile esu löngöt wañgiba maripomnöñ qebingöra wañgita anget. Mewö.

Jisös maripomnöñ qeget.

Mat 27.32-44; Luk 23.26-43; Jon 19.17-27

²¹ †Anda köna namñe azi kun qetnji Saimon mi-wikñaiget. Yanön Afrika siti qetnji Sairini mianğö azaña aka Aleksander aka Rufus yetkö iwiñjira. Yanön nup-nöhök kañgoriga kuñgum wañgigetka Jisösgö maripomñji memba añguyök. ²² Jisös mewö wañgita gölme kun qetnji Golgota mi nanine keunöñ nörop sihit, mianğörej anda angotket. ²³ Angota wain o aka marasin qetnji mör mi mindiriba lolonğalon memba

† 15.21 Rom 16.13

wañgigetmö, Jisösnöñ mi tököyök. ²⁴ †Tököiga kinda maripomnöñ qeget. Qeget kiniga kiawen meget qötöñji ahuiga Jisösgö sile esunji mohok mohok sutñine mianğö dop mendenğada meget. ²⁵ Söñan 9 kilok mianğörej maripomnöñ qeget. ²⁶ Maripomnöñ qeba nöropñe eu qegerañgö könañi kewö ohoba qeget, "Juda yeñgö kiñ kembuñina ki." ²⁷ Kegwek-kahasililiñ azi yahöt mewöyök yambuk maripomnöñ etkuget. Kun börönji ölñe kun qaniñe likeplikep mewö etkuget. ²⁸ †(Anutugörej Buña Kimbinöñ keu kewö ohoget ahöza, "I kewöta kegwek-kahasililiñ azi ewö mötmöri-ba yeñgö sutñine alget." Keu mianñön mewö ölñambuk ahök.)

²⁹ †Ambazip onğita anda kaba kukulömbuan aka jelikit aka nörop köla kewö jiget, "Yei! Gi mönö jöwöwöl jike ölop köndenñonğa gölmenöñ eriga wehön karöbutkö uruje kunbuk mem wahöt kuñgumamgö jinöñ. O, gi azi qetpuk! ³⁰ Mönö nangi bauköm añguba maripomnöñ etman."

³¹ Jike nup galöm aka Köna keugö böhi yeñön mewöyök sutñine mepaqepaik ak wañgiba jiget, "Tosatña bauköm engiba malökmö, nanñi bauköm añgumamgö osiza. ³² Yanön Amötqeqe Tonji Kraist aka Israelgö kiñ akza ewö, mönö dölkki maripomnöñ eri eka mi möt naribinak." Mewö jiget.

Azi yambuk maripomnöñ etkugeri, yetköñ mewöyök uruqeqe keu töhörej jim wañgiyohot. Mewö.

Jisösnöñ kömuyök.

Mat 27.45-56; Luk 23.44-49; Jon 19.28-30

³³ Silim bibiñji 12 kilok aiga mianğörej söñaupnöñ eta gölme pakpak dop köla ahöiga anda aua karöbutkö dop ahök. ³⁴ †Jisösnöñ 3 kilok mianğörej nanñe keunöñ kewö qet ketanji qerök, "Eloi, eloi, lama sabaktani?" Mi nanine keunöñ: Anutuni, Anutuni mönö wuanöñgöra andö nunğuzan?

³⁵ Mewö qeriga azi kösutñe kingeri, yeñgörejök tosatñan mi möta jiget, "Mötket! Mönö Elaijagöra qetza." ³⁶ †Yeñgörejök kunöñ ösumñan anda mömöndö kun kahali tandök mi memba wain o asölñambuknöñ kundumgöba ip göröm kitipñe jöhöba suruba Jisös numbu susunje eu ali neiga jiyök, "Mönö mosötketka nanñök kinök. Elaijanöñ kaba meköi etma me qahöpto, mönö mi ekin."

³⁷ Mewö aketka Jisösnöñ qet ketanji qeta wösönji nöñ qeiga kömuyök.

³⁸ †Kömuiga mianğörejök jöwöwöl jikegö uruje opo kinöhi, mianñön mönö euyök bibiñe jurata eta yahöt ahök. ³⁹ Suahö galömnöñ maripom mesohol köla kinda Jisösnöñ wösönji nöñ qeiga kömuyöhi, mi eka kewö jiyök, "Azi kianñön mönö ölña Anutugö nahönña akza."

⁴⁰ †Ambi tosatñan mewöyök sikep kinda yuai mi eket. Yeñgö sutñine Magdalagö Maria aka Maria Jeims dubatñji aka Joses yetkö namñiri aka Salome yeñön mo-

†† 15.24 Sum 22.18 † 15.28 Ais 53.12 †† 15.29 Sum 22.7; 109.25; Mak 14.58; Jon 2.19 †† 15.34 Sum 22.1 ††† 15.36 Sum 69.21 ††† 15.38 Eks 26.31-33 § 15.40 Luk 8.2-3

hotnje kinget. ⁴¹ Yeñon Jisösnöñ Galili prowinsnöñ maliga miangöreñ i wuatangöba welen qem wangjiba malget. Mewöyök ambi tosatñi gwötpuk Jisösbuk Jerusalem sitinöñ öngöba kageri, yeñon mewöñanök kösutnje kinget. Mewö.

Jisösgö qamötñi löm kölget.

Mat 27.57-61; Luk 23.50-56; Jon 19.38-42

⁴² Sabat kendon tatatköra yuai mözözömgögetka Sabat kendonöñ könahimangöra dopdowiiga mare aka kayök. ⁴³ Nengogie miangöreñ Arimatia tonji, azi qetbuñambuk qetñi Josef yañon kayök. Yañon mewöyök Anutu bemtohoñangö ölni asuhumapköra mamböta malök. Yañon Juda yengö jike kaunsöl kambugö jitñememe kun aka Sabat kendonöñ könahimangö ahöñangöra aka keñgötñi yaköriba Pailötköreñ anda Jisösgö qamötñi memamgö qesiyök. ⁴⁴ Qesiiga "Ölna kömuza me qahöpto?" jiba mötmöriba suahö galömñi jii kaiga "Jisösnöñ nalö köröpñi me töröpñi kömuza," jiba qesim wangiyök. ⁴⁵ Qesim wangyiiga buzup keunji möta Jisösgö qamötñi Josef jim teköm wangiyök. ⁴⁶ Jim teköm wangyiiga opo tuatñi söñgöröñi memba anda qamötñi maripomnöñök qeköba memba eta oponöñ esuhuyök. Esuhuba memba qaksirinöñ anda kötnöñ köteñ urorohogetka dum ahöyöhi, miangöreñ alök. Ala köt kötañi kun metaliga köteñ numbuñi közipköyök. ⁴⁷ Denike alöhi, mi Magdalagö Maria aka Maria Josesgö namñi yetköñ kinda ehot. Mewö.

Jisösnöñ kömupnöñök wahörök.

Mat 28.1-8; Luk 24.1-12; Jon 20.1-10

16 Sabat kendon tatket teköiga miangöreñ Magdalagö Maria, Maria Jeimsgö namñi aka Salome yeñon "Jisösgö qamötñi anda miribin." jiba jiniñ jimoroñ umköhöwakñambuk söñgöröñi meget. ² Memba ahöba Sonda söñanök wahöta miri gianñi wehön jil-inbölañ kori qaksirinöñ anget. ³ Anda eraum möta jiget, "Qaksirigö numbuñe köt ketañi tatzawi, mi mönö dañon qetalma?" ⁴ Mewö jiba ugetka ani kewö eket: Köt keta bölokñi mi lök qetalget anda ahöyök. ⁵ Qaksirigö köt köteñ numbuñi mewö añañiba kiniga uruñe öngöget. Öngögetka ölnine göröken azi gwabö kun malukuñi köröpñi tuatñi tariga eket. Mewö eka gwötpuk awöwöliget.

⁶ Awöwöligetmö, kewö jii mötket, "Mönö keñgötñini kude mötme. Inñi Nazaret azi Jisösgöra jaruze. I maripomnöñ qegetmö, mönö guliba wahörök. Miangöra ki kude ahöza. Eket! Dumñi ki, miangöreñ su-luget ahöyök. ⁷ †Miangöra mönö anda Pitö aka gwarekurupñi pakpak buzup kewö jiget mötme, 'Yañon mönö qeljine mutuk Galili prowinsnöñ anma. Inñi mewöyök miangöreñ anda keunji jiyöhangö dop i ekñe.'"

⁸ Mewö jiiga auruba jönömñini unduiga köt köteñök eta ösumñinan anget. Sömbuñini mötkerangöra keu kun kude jigetmö, keunji bököyök. Mewö.

Jisösnöñ Magdalagö Mariagöreñ asuhuyök.

Mat 28.9-10; Jon 20.11-18

⁹ Jisösnöñ Magdalagö Maria yangö uruñeyök öme 7 enguatangöiga malök. Jisösnöñ kömupnöñök wahöta Sonda söñan amandinöñ mutuk Maria mi asuhum wangiyök. ¹⁰ Asuhum wangyiiga alaurupñan Jisösbuk mala kota nalö miangöreñ jingey köla sahötkeri, Marianöñ mönö yengöreñ anda buzupñi jii mötket. ¹¹ Mötketmö, Jisösnöñ guliba mali Marianöñ ehöhi, mi qahö möt nariget. Mewö.

Jisösnöñ alayahötñi yetköreñ asuhuyök.

Luk 24.13-35

¹² Miangö andöñe alayahötñan Jerusalem siti mosöta miri kunöñ anbitköra könanöñ anohotka Jisösnöñ kaisongolomñan meleñniga asuhum etkiyök. ¹³ Yetköñ mewöyök anda buzupñi mi alaurupñi jiyohot mötketmö, yeñon mi mewöyök qahö möt nariget. Mewö.

Jisösnöñ gwarekurupñi asuhum engiyök.

Mat 28.16-20; Luk 24.36-49; Jon 20.19-23; Apo 1.6-8

¹⁴ Köñangep gwarekurupñi 11 mienöñ tokoba nene memba tatketka yengöra mewöyök asuhuyök. Asuhuba uruköhöikñinangöra tembula kömupnöñök wahöri-ga ekerañon buzupñi jiget möta mi qahö möt narigeri, miangöra i jim engiyök. ¹⁵ †Jisösnöñ kewö jii mötket, "Inñi mönö kantri dop anda gölmeñi gölmeñi liliköba ambazip mal anjeangö dop Ölöwak Buñani jim asarigetka mötme. ¹⁶ Kunñan Anutu möt nariiga o melun mem wangigetka uruñi meleñmawi, yañon mönö letota Suepkö buñaya akña. Kunñan qahö möt nariba yangiseñ malmawi, Anutunöñ mönö yangö keunji jim teköiga könöp siagö buñaya akña. ¹⁷ Möt narim niñgiba malmei, mi aiwesök mem engibiga könañamñini kewö asuhuma: Yeñon nöngö qetne ömewöröme enguatangöme. Kantri tosatñi yengö keunji jime. ¹⁸ Mokoleñ böröñinan memba wahötme. Mörom warabe o yuai negetka miangöñ mönö qahö mem bölim engima. Böröñini kawöl ambazip qakñine algetka ölöwakñe." Mewö.

Jisösnöñ Suep mire öngöyök.

Luk 24.50-53; Apo 1.9-11

¹⁹ †Kembu Jisösnöñ keunji mewö jii mötketka Anutunöñ wangiriga Suepnöñ öngöba Anutugö böröñi öñe tata malja. ²⁰ Eu maljapmö, gwarekurupñan mosöta miri gölme dop anda Buña keunji jim sehiba malget. Mewö malgetka Kembunöñ yembuk nup memba inahöm engiiga angöletot asuhuyök keunji-köhöiyök. Mewö.

† 16.7 Mat 26.32; Mak 14.28

†† 16.15 Apo 1.8 ‡ 16.19 Apo 1.9-11

Luk

Jim-asa-asari

Urumelen yeyön miti dölökñi qahö memba kazei, dokta Luknön mi azi öngöngöñi Tiofilusgöra kondel-mamgöra aka Ölöwak Buña ki ohoyök. Luk yanön Jisösgö gwarekñi 12 yengöreñök kun qahöpmö, Grik azia aka kawöl ambazip mem ölöwak nupnön malök. Luknön Jisösgö könañi yahöt kewö kondel nengiza: 1) Anutunön Amötqeqe Tonji melaimamgö keu jöhöiga Israel yengöra asuhuyök, 2) Yanön mönö kantriñi kantriñi mem ölöwak nengimamgöra kayök. Kembangö Uñañan Jisös oholiga “ambazip etqeqeñi yengöra Ölöwak Buña” jim asariyök. Ambazip yuai könañi könañi mianggöra osigeri, Jisösnön yengöra waimañat möta bauköm engiba malök. Luknön kösohot mewöñi sehisehiñi arengöba ohom teköyök. Luknön sösongaigö kösohotñi gwötpuk ohoyök. Jisösnön mutuk gölmenön erök aka teteköñe mianggöreñ gölme mosöta Suepnön öngöyök. Mianggöra sösongai sehisehiñi mi boñ 1-2 aka boñ 24 mianggöreñ ahöza. Jisösnön Suepnön öngöiga Buña nup mem sehigetka mötnarip kambunön qariba qariba anök. Luknön mianggö kösohotñi mi buk qetñi “Aposol nup meme” mianggöreñ ahöi ahöza.

Luknön Ölöwak Buña ohoyöhi, mianggö keu bohonñi mi kewö dop köla ali ahöza: Köuluk nup megetka ölni asuhuyök, Uña Töröñan ambazip sölölohöm engii malget, Ambi yeyön Jisösbuk nup gwötpuk nangöba meget, Anutunön singisöndokñini mosöta malök.

Buk kianggö bahöñi bohonñi 8 mi kewö:

Buk kianggö könañi Luknön ohoyök boñ
Jon O-melun azi aka Jisös asuhaba qariyohot
Jon O-melun azinön Anutugö nup meyök
Jisös o melun mem wañgiiga esapesap miwikñiyök
Jisösnön qenjarök nupñi Galili prowinsnön meyök
Galili mosöta köna anda Jerusalem angorök
Jerusalem angota sonda qöndökñi malök
Wahöta asuhum engiba Suepnön öngöyök

Matyu Mak Jon yeyön kösohot tosatñi qahö ohogeri, mi Luknön nanjök ohoi bahöñi 2 aka 6 mianggöreñ ahöza. Kösohot tosatñi mi kewö: Garata yeyön liñet kölget, Lama galöm yeyön Jisös asuhiiga kaba eket, Jisösnön moröröpñe jöwöwöl jikenön öngöyök, Samaria azinön gurusep azi ak kömum wañgiyök aka nanñi imbi-imbi azinön singisöndoknön geba sohayöhi, mianggö dopkeu.

Luknön kimbi Tiofilusgö ohoyök.

1 Kezapqetok ambazipnön Amötqeqe Tonji ahumapkö keu jigetka mianggö ölni sutnine asuhuyöhi, ambazip gwötpukñan mianggö kösohotñi könahiba ohoget. ² Yuai ölni mi sutnine asuhiiga tosatñan mi könakönahineyök könahiba kota nanñine jeñinan eka möt yakögeri, yeyön mianggö dop mianggö buzupñi toroqeba jim sehigetka kezapnine geba nanine buñaya ahök. Ambazip mewöñi yeyön Buña mi könahiba papianön ohoba arengöget ahöza.

³ Nöñön mewöyök yuai pakpak asuhaba koröhi, mi törörök qesim engibi könañeyök könahiba jigetka möt kutuzal. O Tiofilus nöñön göhöra mötpi öngöngöñi akzan. Nöñön göbuk keu eraum mötpitkö mötpi ölöwahiga Jisösgö kösohotñi mi körekñanök arengöba

ohozal. ⁴ Buña keu ölni kusum gihigetka mötzani, göñön mianggö könañi oyonda körekñanök möt kömuman. Mewö.

Jon asuhumapkö keuñi Geibrielnön jiyök.

⁵ †Judia prowinsgö kiñ qetñi Herod yanggö nalöñe azi kun qetñi Zekaraia malök. Yanön jike nup galöm mala Abaiagö nup areñnön kinök. Anömñi qetñi Elisabet yanön mewöyök jike nup galöm Arongö gwölönarökñi kun ahök. ⁶ Yekñön Anutugö jeñe malmal diñdiñi mala Kembangö jöjöpñan keu aka jimkutukutunji pakpak törörök wuatangöba köpösihitkö keuñiri qahö malohot. ⁷ Malohotmö, Elisabetnön köpingöra gwölönarökñiri qahö mala ambazip namñi ahot.

⁸ Nalö kunöñ Abaiagö nup areñ nalöñan kaiga Zekaraianöñ jike nup galöm nup memapköra Anutugö jemesoholñe kañgorök. ⁹ Kañgoriga jike nup galöm yeñön aiakanini wuatangöba sutñine nup mendenña Zekaraia mekögetka Kembugö altanöñ öngöba jiniñ wöronñambuk ohoyök. ¹⁰ Jiniñ wanafu ohoho nalöñan kam kuñguiga yañön yuai wöronñambuk mi ohoiga ambazip kambu pakpak yeñön jöwöwöl jike yaigepñe mamböta Anutu köuluköba malget.

¹¹ Jiniñ ohoiga wöronñan pukpuköba miri uruñi dop köliga miangöreñ Kembugö garata kunöñ altanöñ eu asuhum wañgiba böröñi öñje göröken kinök. ¹² Kiniga Zekaraianöñ eka auruba keñgötñi mörök. ¹³ Keñgötñi mörökmö, garatanöñ kewö jii mörök, "Zekaraia, gi keñgötki kude mötnöñ. Anutunöñ köuluki lök mötza. Miangöra anömngan gölöm ala morö nahöna mema. Mi meiga göñön qetñi Jon qetman.

¹⁴ Nahöññi asuhuiga urugan yangöra ölöwahiga söñgainöñga ambazip gwötpukñan sösoñgai akñe. ¹⁵ †I nam körö uruñe tariga Uña Töröñan miangöreñök könahiba uruñi kokolak qeiga qariba wain me o köhöikñi mi qahö nempa Kembugö qöhöröñe azi öngöñgöñi aka malma.

¹⁶ Mewö mala Israel ambazip gwötpuk urumelenñ engiiga Kembunini Anutugöreñ lilingöme. ¹⁷ ††Anutugö Uñañan kezapqetok azi Elaija inahöiga kukösum qakñe nup meyöhi, yañön mönö miangö dop mutuk qeljiñe aniga Kembunöñ andöñe kama. Yañön anda könagesö uru kuñgum engiiga Kembunöñ kamapköra jöjöröba kinme. Iwi aka nahönbörat jula dengetka uru kuñgum engiiga kunbuk mindirim añgume aka qequetal ambazip mi diñdini yeñgö mötmöt areññöñ añgotme."

¹⁸ Suep garatanöñ mewö jiiga Zekaraianöñ jiyök, "Anömni netkön ambazip namñi akzirañgöra keugan mönö dewöwö öñambuk akawak?"

¹⁹ †Mewö jiiga meleñnök, "Ni Geibriel. Nöñön Anutugö mesoholñe kinbi melaim niñgii buzup ölöpnñi ki memba kaba jibi mötzan. ²⁰ Nöñgöreñ keu jit öñambuk asuhumawi, göñön mi jibi qahö möt narizanangöra keugan mönö qahöwahiga mötök malman. Mewö malnöñga buzup keu kiangö öññi asuhumapkö nalöñan kam kuñguiga miangöreñ nesilamngan lolohoi keu kunbuk jiman."

²¹ Nalö sutñe miangöreñ ambazipnöñ mamböt mala Zekaraianöñ jöwöwöl jikenöñ nalö köröp tiñtiñi kinöhangöra mötkurumkurum aket. ²² Mewö aka tatketka yaigep eta keu jimangö osiiga möt asariba kewö jiget, "Yañön jöwöwöl jikenöñ kinda jeni meleñni Suepnöhök imut kun ekza." Mewö jigetka böröñanök kaisöpsöp al engiba mötök aka malök.

²³ Mewö mala jike nup meme nalöñan teköiga lilingöba miriñe anök. ²⁴ Wehön tosatñi teköiga Elisabetnöñ gölöm ala köiñ 5 miangö dop mire asamböta kewö jiba tata malök, ²⁵ "Moröni qahöpköra ambazipnöñ memba eta al niñgigetka Kembunöñ mesohol köl

niñgiba miangö lömbötñi memba gila ak kömum niñgiza." Mewö.

Jisös asuhumapkö keuñi Geibrielnöñ jiyök.

²⁶ Elisabetnöñ gölöm alöhangö köiñi 6 aiga Anutunöñ garatanñi qetñi Geibriel melaiiga Galili prowinsgö miriñi kun qetñi Nazaret miangöreñ erök. ²⁷ ††Eta ambi seram jömukñi qetñi Maria yangöreñ anök. Yañön azi qetñi Josef yangö ambi buñaya malök. Josefnöñ kiñ Deiwidkö gwölöñarökñi kun ahök. ²⁸ Garatanöñ Mariagöreñ anda kewö jiyök, "O Maria, silimgi ölöpnñi. Kembunöñ kalem möriam gihiba göbuk kinma."

²⁹ Mewö jiyökmö, Marianöñ jölöñ miangöra gwötpuk auruba könañi jaruba mötkurumkurum ahök.

³⁰ Mötkurumkurum aiga kewö jii mörök, "Maria, Anutunöñ kalem möriam ghiiga yangö jeñe dop köñan. Miangöra keñgötki kude mötnöñ. ³¹ ††Mötnöñ, göñön gölöm ala morö nahöna mema. Memba qetñi Jisös qetman. ³² †††Jisös yañön qariba azi qetbuñangambuk aiga qetñi 'Öngöñgöñi ketanangö Nahöññi,' qetketka malma. Mewö mali Kembu Anutunöñ amböñi kiñ Deiwidkö jakömbuak dum wañgiiga salupñe ambazip galöm köñ engiba malma. ³³ Jeiköbökönagesö yeñgö kiña aka teteköñi qahö galöm köñ engiba malma. Bemtohoñi miangöñ mönö nalö kunöñ kude qahöwakña."

³⁴ Garatanöñ mewö jiiga Marianöñ jii mörök, "Ye! Ni azigö könañi qahö mötza. Miangöra keu jizani, miangö öññi mönö denöwö asuhuma?"

³⁵ Mewö jii möta meleñnök, "Uña Töröñan mönö aum köñ ghiiga Anutu öngöñgöñi ketanangö ösumngan dop köla turum gihima. Miangöra morö memani, yañön töröñi aiga ambazipnöñ qetñi 'Anutugö Nahöññi,' jiba qerakñe. ³⁶ Mötnöñ. Tinigi Elisabet yañön mewöyök 'Köpin mala morö memangö osiza,' jigetmö, töndup ambi namñi aka nalö kewöñe morö nahöngö gölömñambuk aiga köiñi 6 akza. ³⁷ †††Anutunöñ yuai kun akñamgö jiba mi qahö qaköba osimakza."

³⁸ Mewö jiiga Marianöñ jiyök, "Mötnöñ, nöñön Kembugö welenqege ambia akzal. Miangöra keu jizani, miangö dop ölöpn ahum niñgima." Mewö jiiga Suep garatanöñ mosöta anök. Mewö.

Marianöñ Elisabetköreñ kusuk anda ehök.

³⁹ Marianöñ mi möri nalö köröpnñi qahö aiga wahöta zilañ jöjöröba gölme kundunñe öngöba Judia prowinsgö taon kunöñ anök. ⁴⁰ Anda Zekaraiañgö mire öngöba anömñi Elisabet eka söñgaiba jölöñi jiyök. ⁴¹ Jölöñi jiiga miangöreñök möri morö nahöñöñ körö uruñe luhuba öngöba eri Uña Töröñan Elisabetkö uruñi kokolak qeyök.

⁴² Kokolak qeiga qet ketanñi qeta kewö jiyök, "O alani, Anutunöñ kötumötuñeñi öngöñgöñi al ghiiga ambi sutnine malman aka morö memani, i mewöñanök kötuñköm wañgima. ⁴³ Denöwögöra Kembunangö namngan kaba neiga mewö asuhum niñgiza? ⁴⁴ Möt-

† 1.15 Jan 6.3 †† 1.17 Mal 4.5-6 † 1.19 Dan 8.16; 9.21

†† 1.27 Mat 1.18 †† 1.31 Mat 1.21 ††† 1.32 2 Sml 7.12, 13, 16; Ais 9.7 ††† 1.37 Jen 18.14

nöŋ, gi jölöŋni jinöŋga keu jölgi kezapne gei morönöŋ urune mewöyök sösöŋgai qakŋe luhuba öŋgöba etza.
⁴⁵ Kembunöŋ buzup keunji jiiga möta mianjö öljŋ asuhumawi, mi möt narizanaŋgöra göhö mötŋi simba-wöŋ akzan." Mewö.

Marianöŋ sösöŋgai liŋet kölök.

⁴⁶ †Marianöŋ keu mi möta kewö jiyök,
 "I-ia! Nöŋgö urukönömnan mönö önöŋi qahö Kambu möpöseiza.

⁴⁷ Nöŋgö unanan Anutu, Amötqeqe Toni yaŋgöra söŋgaiba köiraŋ kölja.

⁴⁸ ††Nöŋön welenqeqe ambi etqeqeŋi maljalmö, Anu-tunöŋ töndup mesohol köla ak kömum niŋgiza.

Mötnöŋ, ambazip kambunji kambunji merak könahiba asuhumei, yeŋön mönö nöŋgöra 'Simbawoŋ!' jiba möpöseim niŋgiba malme.

⁴⁹ Kukösüm Tonjan mönö aŋgöletot öŋgöŋgöŋi mem niŋgii maljal.

Yaŋgö qetŋi mi Töröŋi.

⁵⁰ Ambazip merak gölmenöŋ maljei aka könäŋgep ahum sehimei, yeŋgö sutŋine gwöt isik denike yeŋön Anutugö jŋtŋi öŋgŋipinbukö keŋgöŋŋi mötmei, yaŋgö ak-kömukömuŋan mönö yembuk pöndaŋ ahöma.

⁵¹ Anutunöŋ böröŋan aŋgöletot memba mianjöŋ kukŋi kondel neŋgiiga ehin.

Ambazip nanŋini miwidimgöba söŋgöröqök malgeri, yaŋön mönö i köndaŋ eŋgiiga simbisembel aka malget.

⁵² †Kiŋ kembunji kembunji jakömbuak dumŋine tata ambazip galöm

köl eŋgiba malgeri, yaŋön i mianjöreŋök qeköba utal eŋgiiga etket.

Etketmö, etqeqeŋi ia mönö mem wahöta al eŋgiyök.

⁵³ Ambazip yuaigö jaŋkötataŋ malgeri, mi eŋgö uruŋini mönö

yuai ölöŋŋi ölöŋŋi mianjöŋ kokolak qeyökmö, ambazip pomŋi mi melaim eŋgiiga böröŋini bōrak öne anget.

⁵⁴ ††Yaŋön ambösakonurupnini meköba eŋgömeiga Israel aketka nini

toroqeba Anutugö welenqeqeurupŋi maljin.

Anutunöŋ mönöwök jöjōpaŋ keunji kewö jim jöhöm neŋgiyök, 'Nöŋön Abraham aka yaŋgö gwölōnarōkurupŋi tetekōŋi qahö mal öŋgöba malmei, i ak kömum eŋgiba malmam.'

Mewö jiba keunji mi qahö ölum qei mala korök.

Qahöpmö, yaŋön mönö keu jŋtŋi mi wuatāŋgöba mala merak baukōm neŋgimamgöra kaza." Marianöŋ mewö jiyök.

⁵⁶ Marianöŋ köiŋ karōbut mianjö dop Elisabetpuk mala kunbuk miriŋe liliŋgöyök. Mewö.

Jon O-melun azinöŋ asuhuyök.

⁵⁷ Elisabetkö morö meme nalöŋan kam kuŋguiga morö nahöna meyök. ⁵⁸ Morö nahöna meiga miri kösutŋe malgeri aka tinitosolomurupŋi yeŋön Kembunöŋ ak-kömukömu öŋgöŋgöŋi kondel waŋgiyöhi, mi möt asariba yambuk mohotŋe sösöŋgai aket.

⁵⁹ †Sösöŋgai aka wehön 7 teköiga wahöta anda Anutugö aiwesökŋi morö silene yandimegöra tokoget. Tokoba iwiŋaŋgö qetŋi Zekaraia mi wakaŋ mem waŋgibingöra jiget. ⁶⁰ Jigetmö, namŋan jiyök, "Mi qahöpmahöpmö, qetŋi mönö Jon qetpin."

⁶¹ Jiiga kewö jiget mörök, "Jon qetzanmö, göhö tinitosolomgi yeŋgöreŋök kuŋaŋgö qetŋi mi qahö ahöza." ⁶² Mewö jiget möri kinda iwiŋan yaŋgö qetŋi qetmapkö qesiba böröŋinan kaisöpsöp alget.

⁶³ Kaisöpsöp algetka tafegöra qesii waŋgigetka mianjöreŋ kulem kewö ohoyök, "Qetŋi mi Jon." Mewö ohoiga mianjöra körek aurum tililingöget. ⁶⁴ Aurum tililingögetka mianjöreŋök numbuŋi amgöiga nesilamŋi lolohoiga keu jiba Anutu möpöseiyök. ⁶⁵ Möpöseiiga miri alaurupŋini pakpak yeŋön qemsömbunji gwötpuk mötket. Mötketka yuai asuhuyöhi, mianjö buzupŋi eraum mötketka sehiba Judia kundunji gölme pakpak dop kölök.

⁶⁶ Buzupŋi eraum mötketka körekŋan mi möta urukönömŋine ala aŋgön kölget. Kembunöŋ kukösümŋi morösepep qakŋe mokoï malöhi, mianjö könanji möt asariba kewö jiget, "Morö kianöŋ qariba mönö wani yuaia kun denöwö akŋa?" Mewö.

Zekaraianöŋ kezapqetok keu jiyök.

⁶⁷ Mewö jigetka Uŋa Töröŋan iwiŋi Zekaraiaŋgö uruŋi kokolak qeiga kezapqetok keu kewö jiyök,

⁶⁸ "Nini Israel neŋgöreŋ Kambu Anutu möpöseibin. I-ia!

Yaŋön mönö könagesöurupŋi mesohol köl neŋgiba sohopnini memamgöra jöjöröba kama.

⁶⁹ Anutunöŋ welen azinji kiŋ Deiwidkö könagesö neŋgö sutninyök

azi kukösümŋambuk kuŋgui wahöta Amötqeqe Tonina akŋa.

⁷⁰ Möpŋaŋgö möpŋeyök kezapqetok ambazipurupŋi tök-kutukutunji

i sölöhöm eŋgii keu jŋt keu jiba malget,

⁷¹ 'Nöŋön mönö kerökurupŋini yeŋgö ösumŋini qebi eriga bohonŋini jöhömam.

Denike yeŋön kazik ak eŋgimeï, nöŋön mönö körek yeŋgö böröŋineyök meköba sel jöhöm eŋgimam.'

⁷² Keu mewö jiba bömönurupnini ak kömum eŋgiba yembuk jöhöjöhö

areŋ qainŋi kun jöhöyöhi, mi mötmöriba wuatāŋgöiga amötqeqegö öljŋ asuhuma.

⁷³ Jöhöjöhö keu mi bömönini Abrahamgöra jiba jöjōpaŋ keunöŋ jim köhöii ahöza.

⁷⁴ Jöhöjöhö keu mianjö öljŋ kewö:

† 1.46 1 Sml 2.1-10 †† 1.48 1 Sml 1.11 † 1.52 Job 5.11; 12.19 †† 1.54-55 Jen 17.7

‡ 1.59 Lew 12.3

Yañön nini kerökurupnini yengö böröjineyök meköm nenjiiga yengöra kengötnini qahö möta welenni qem wangiba malbin.

⁷⁵ Yañön keunini jim teköi solaniba yängö jeje sarakñi aka

malmalnini ölulup mewö mala kömumbin.

⁷⁶ †O gömokni Jon, göjön qariba mala qeljiñe mala ambazip uruñini mindingöba mewö miangön Kembugö könañi mesatnönga kama.

Miangöra qetki 'Anutu öngöngöñi ketañangö keza-pqetok azia,' mewö qetketka malman.

⁷⁷ Mewö mala amötqeqegö könañi mi Anutugö kö-nagesöurupñi kusum

enjinönga mi möt kutuba uruñini melengetka Anu-tunöñ siñgisöndokñini sañgoñda mosötma.

⁷⁸ Anutuninan uruñan jöpaköba ak kömum nenji-makza.

Mewö aka mesohol köl nenjiba undiñi euyangörenök ali gilikbilik akza.

Mewögöra nenön mönö wangarañ surui aukñe asaribingö akzin.

⁷⁹ ††Nini pandamanöñ jipjap taringa kömupkö kon-dotkondot Tonjan aum köl nengimakzazpmö, wehön jil-iñbölañ kota qaknine kuñguba mem asarim nenjima.

Mem asarim nenjiiga luaigö könañi aukñe asuhui eka miangörenj angota tiba kinbin." Zekaraianöñ mewö jiyök.

⁸⁰ Morö Jon yañön qariba wahöriga Uña Töröñan in-ahöm wanggiiga Anutugö kolek azi köhöikñi ahök. Mewö aka gölme qararañkökölñe mala mali nalöñan kam kuñguiga Israel könagesö yengö jenine aukñe asuhuba qenjarök nupñi könahiba meyök. Mewö.

Jisös Betlehem taonöñ ahuyök.

Mat 1.18-25

2 Jon O-melun azinöñ ahuiga nalö miangörenj sisa kiñ Ogastus yañön Rom sitinöñ gölmenji gölmenji galöm köl enjyök. Galöm köl engiba takis könahiba memegöra gawmangö jimkutukutu aliga gölmenji gölmenji pakpak yañön tokogetka kuskus (sensus azi) yañön qetjini papianöñ ohoba arengöget.

² Areñ nup mi nalö mutukña meget. Megeri, nalö mi-angörenj azi qetñi Qirinius yañön Siria prowinsgö premiö mala galöm köl enjyök. ³ Ogastusnöñ jimkutuku-tu aliga ambazip körek pakpak yañön öröba anda qetjini areñnöñ ohomegöra nanñini ahuahu miri bo-honñini dop anget.

⁴ Galili prowinsgö taon qetñi Nazaret miangörenj azi qetñi Josef malök. Yängö amböñi mi kiñ Deiwid. Kiñ Deiwidkö taonñi qetñi Betlehem mi Judia prowinsnöñ ahöyök. Miangöra Josefnöñ Nazaret mosöta öngöba geba Betlehem anök. ⁵ Anmam jiiga nalö miangörenj ambi buñañi qetñi Marianöñ gölömñambuk malök. Maliga i auangita qetñiri ohomegöra mohotñe anohot.

⁶ Anda Betlehem angorohotka Mariagö morö meme nalöñan kam kuñguyök. ⁷ Kam kuñguiga qenjarök ahöahö mire angota miangö uruñe tiji qahö mi-

wikñaiyohot. Miangöra bau bulmakau miriñe öngöba tarohot. Tata miangörenj nahönñi mutukñi memba oponöñ esuhuba bulmakau joutñe ali geba ahöyök. Mewö.

Lama galöm yañön Suep garata engekot.

⁸ Betlehem taon gölme miangörenj azi tosatñan sungem dop gölme köröñi miangörenj anda lama kam-bunñi galöm köl engiba malget. ⁹ Mewö malgetka sungem miangörenj Kembugö garata kunñan kö-sutñine asuhum enjyök. Asuhum enjiiga Kembugö asakmararañan liliköm enjiba asariiga qem sömbunñi möta jönömñini unduyök. ¹⁰ Jönömñini unduyökmö, Suep garatanöñ jii mötket, "Mönö kezap alget. Nöñön sösongai Buña ketañi ambazip körek pakpak yengöra memba kazal, mi indel enjimmam. Miangöra jönömñini kude unduma. ¹¹ Buña mi kewö: Enjö Amötqeqe Tonjanan dölkü ahuza. Yañön kiñ Deiwidkö taonöñ asuhuba Kembu qetñi Kraist akza. ¹² Keu miangö aiwesökñi kewö: Inñini anda morö sepsep oponöñ esuhuba bulmakau joutñe alget ahözawi, mi miwikñaima."

¹³ Garatanöñ mewö jiiga miangörenjök garata kambu ketañan Suepnöhök kañgota yambuk aitongöba Anu-tugö möpömöpösei liñet köla kewö jiget,

¹⁴ "Anutugö qetbuñañi möpöseininga Suepnöñ eu-yangörenj öngöza.

Yañön ambazip nanñangöra meköm enjyöhi, yengöra körö ölöwak möta gölmenöñ luai al engiza." Mewö.

Lama galöm yañön anda jisös eket.

¹⁵ Garata yañön engömosöta Suepnöñ lilingöba öngögetka lama galöm yañön naninak kewö jiget, "Ay-op, Betlehem miangörenj yuai ahuiga Kembunöñ mi-angö keunji jii mötzini, nini mönö mia anda ekin."

¹⁶ Mewö jiba ösumñinan anda Maria Josef aka morösepsep bulmakau joutñe ahöyöhi, miwikñaiaba eket. ¹⁷ Eka kinda garatanöñ morögöra keu jii möta kageri, mi indela jim asariget. ¹⁸ Jim asarigetka mötkeri, yañön körek pakpak auruba welipköget.

¹⁹ Welipkögetmö, Marianöñ keu pakpak mi uru könömñe ala dumgöba jöhöba könañi mötmöröba malök. ²⁰ Welipkögetmö, yuai pakpak Suep garatanöñ jiyöhangö dop asuhuyöhi, mi lama galöm yañön eka möta miangöra Anutugö sösongai liñet köla möpöseiget. Möpöseiba mosöta lilingöba anget. Mewö.

Morö qetñi jisös qetket.

²¹ Jisös ahui Sonda mohot miangö dop teköiga Anu-tugö aiwesökñi sileñe yandibingö nalöñi kaiga qetñi jisös qetket. Suep garatanöñ qet mi mutuk qeta wanggiigun nalö miangörenjök namñangö gölöm uruñe ahuyök. Mewö.

† 1.76 Mal 3.1 †† 1.79 Ais 9.2

‡ 2.21 Lew 12.3; Luk 1.31

Jisös wangita Anutugö buñaya alget.

²² †Mosesgö Köna keunöñ keu kewö ahöza, “Ambinöñ morö nahönñi mutukñi memba silim 40 kounñe mali teköiga söör guluñi köl könjörat wangiba inñi mönö jöwöwöl jikenöñ öngöba morö mi Anutugö jeñe algetka yangö buñaya akña.” Mianjöra nalö mi kam kuñguiga Josef Maria yetköñ keu mi tem köla Jisös wangita Kembugö buñaya akñapköra Jerusalem öngöyohot.

²³ ††Kembugö Köna keunöñ keu kewö ohoget ahöza, “Morö nahön pakpak sep mutuk mokozei, mi mönö Kembugö buñaya akñapköra qem teköba mem sarahime.” Yetköñ keu mi wuatängöyohot. ²⁴ Mewöyök Kembugö Köna keunöñ jimkutukutu keu ahözawangö dop kembö me kembö supsup nei yahöt mi jöwöwöl ohomahotköra Jerusalem sitinöñ öngöba anohot.

²⁵ Nalö mianjöreñ azi kun qetñi Simeon Jerusalem malök. Yanön uruñi jömuñ Anutugöreñ qekötahöba urumelengö kölguliguli aiga Uña Töröñan yambuk kiniga Amötqeqe Toñan Israel uruñe asuhumapköra mamböta malök. ²⁶ Mamböta maliga Uña Töröñan keu kewö indeli mörök, “Gi Kembugö Amötqeqe Toñi Kraist ahui mutuk ekagun kömupkö sihimbölöñi mötman.”

²⁷ Iwinamñan Mosesgö Köna keu wuatängöba Jisös wangita jöwöwöl jikenöñ öngöyohot. Öngöyohotka Uña Töröñan Simeon sölölohöi nalö mianjöreñök mewöyök jikenöñ öngöyök. ²⁸ Öngöba morö mi eka memba dohongöba Anutu möpöseiba kewö jiyök,

Simeongö sösongai liñet

²⁹ “O Kembu, merak welen azigan ölop anda urulu-ainöñ mala kömuma.

³⁰ Göhö keugahö dop Amötqeqe Toñi melainöñ asuhuiga i nani jenan eka simbawoñ mötzal.

Mianjöra ölop anda kömumam.

³¹ Göñön amötqeqegö könañi mözözömgöba kantri pakpak yengöra indel enginöñga mi eka möt kutume.

³² †Göñön Amötqeqe Toñangö asakñi indelnöñga kian kantri yengö

uruñini kuñguiga asarime

aka qetbuñagan nangi könagesögi Israel nengö sut-nine mewöyök qarima.”

Simeongö kezapqetok keu

³³ Simeonöñ morögöra keu mewö jiiga iwinamñan möta köñkuñ aka welipköyohot. ³⁴ Welipköyohotka kötuetköm engiba namñi Maria kewö jii mörök,

“Mötnöñ, Anutunöñ morö ki kuñguba ali Israel ambazip sehisehiñan i andö qeba eta engugetka gwötpukñan uruñini melenña ölöwakña.

Anutunöñ nanñak i ali aiwesök aiga gwötpukñan i tuköpek jim wangime.

³⁵ Tuaköpek jim wangigetka urumötmötñini asa-asambötñan mewö aukña asuhuma.

Nangi urugan mewöyök wösöbirik aiga mianjöñ sou zuluk alalñi ewö urugi kuñguba qesinma.” Mewö.

Ana ambigö kezapqetok keu

³⁶ Jerusalem mianjöreñ kezapqetok ambi namñi kun qetñi Ana malök. Yangö isikñi qetñi Aser, iwinñi qetñi Fanuel. Ambi mianjöñ seramña azi memba mali yambu (yara) 7 mohotña malohot. ³⁷ Malohotka apñi kömui malö aka mala kori nalö mianjöreñ yambuñi 84 ahök. Yanön nalö dop jöwöwöl jikenöñ öngöba mi silim kun qahö mosörökmö, sungem asak Anutugöra nene singi mala köuluköba waikñi memba möpöseiba malök.

³⁸ Yanön nalö mianjöreñök kañgota morö mi eka Anutu möpöseiyök. Anutunöñ Jerusalem ambazip sohopñini memapköra mamböta malgeri, körek yengöra morö mianjö könañi jim asarii mötket. Mewö.

Jisösbuk Nazaret lilingöget.

³⁹ †Josef Maria yetköñ Kembunöñ areñi jim kutuiga Köna keunöñ ahözawi, mi körek ahot teköiga Galili prowinsnöñ lilingöba taonñiri Nazaret mianjöreñ anohot. ⁴⁰ Morönöñ qariba wahöta köhöiba mötkutukutuñi ahuba kokolak qeiga Anutugö kalem möriamñan qakña öngöi kinök.

Jisös yaranji 12 aiga jöwöwöl jikenöñ öngöget.

⁴¹ †Jisös iwinamñan yambu (yara) dop ak-kömükömu †† kendon nalöñe Jerusalem siti öngöba anjahotma.

⁴² Mewö mala Jisös yambu (yara)ñi 12 aiga silikñini ahakzeangö dop nalöñi kam kuñguiga mewöyök öngöba anget. ⁴³ Anda mala kendon nalö mianjöñ teköiga lilingöba mirinñe anohot. Anohotmö, morö gwabö Jisösnöñ Jerusalem tari iwinamñan mi qahö möt kutuyohot. ⁴⁴ “Yanön ambazip kambu yembuk anja,” jiba silim mohotkö dop köna anda sepkitip aka alaurupñiri yengö uruñine qeta jaruyohot. ⁴⁵ Qeta jaruyohotmö, qahö miwikñaiba kunbuk lilingöba Jerusalem anda jaruyohot.

⁴⁶ Jaruba malohotka silim karöbut teköiga jöwöwöl jikenöñ öngöba mianjöreñ miwikñaiyohot. Miwikñaiyohotka azi ketanñi yengö sutñine tarök. Tari kusum wangigeri, mi möta qesim engiba tarök. ⁴⁷ Tata Buña keugö könañi törörök möt asariba diñdiñanök melenñiga körek pakpak yengöñ mi möta welipköget.

⁴⁸ Iwinamñan eka auruba namñan jii mörök, “Nahöni, gi denöwögöra mewö ak netkizan? Mötnöñ, niri iwigabuk göhöra waimanjat möta qeta jaruba malit.”

⁴⁹ Mewö jiiga kewö melen etkiyök, “Inñi mönö wuanöngöra ni göraim niñgizahot? Ni Iwinangö mire tatpi dop kölja, mi mötzahot me qahö?” ⁵⁰ Mewö melen etkiyökmö, yetköñ keu jiyöhi, mianjö könañi mi qahö möt asariyohot.

† 2.22 Lew 12.6-8 †† 2.23 Eks 13.2, 12 ‡ 2.32 Ais 42.6; 49.6; 52.10

†† 2.39 Mat 2.23 †† 2.41 Eks 12.1-27; Dut 16.1-8 ††† Anutunöñ Ijpt mianjöreñ Israel ambazip enggehöraba engongñiröhi, ak-kömükömu kendon mianjö qetñi kun Pasowa.

⁵¹ Qahö möt asariyohotmö, töndup wahöta yetpuk lilingöba Nazaret taonöñ anda iwinamñi tem köl etki-ba malök. Jisösnöñ keu jiyöhi, namñan mi pakpak mö-ta urukönömñe ala jöhöba angön kölok. ⁵² †Jisösnöñ mala qarüi yambu (yara)ñi öngöiga mötkutukutuñi asariba sehiiga Anutunöñ kalem möriamñi wangii köhöiba ambazip aka Anutu yengö jenine dop köl engiyök. Mewö.

Jon O-melun azinöñ Buña keu jiyök.

Mat 3.1-12; Mak 1.1-8; Jon 1.19-28

3 Zekaraiagö nahönñi Jon yanön nupñi könahiyök. Nalö miangörenñ sisa kin qetñi Taiberius yanön Rom sitinöñ mala gölmenñi gölmenñi mindiriba yambu (yara) 15 azi kembu aka toroqeba galöm köl engii malget. Galöm köl engimamgöra gölmenñi gölmenñi Israel liliköba ahözei, mi mesingetka bahönñi 4 aiga mienggö kinñi 4 mi kewö kunguget:

Pontius Pailöt, Herod, Filip aka Lisantias. Pontius Pailöt mi Judia prowinsgö premiönjina malök. Kin Herodnöñ Galili prowins galöm köl engiyök aka datñi Filipnöñ Ituria aka Trakonitis prowins yahöt mienggö kembuñina malök aka Lisantias yanön Abilene gölme memba malök.

² Jike nup galöm bohonñini yahöt malohot, qetñiri Anas aka Kaiafas. Nalö miangörenñ Zekaraiagö nahönñi Jon yanön gölme qararankölkölñe maliga Anutugörenñ Buña keu asuhuiga mörök. ³ Anutugö Buña möta anda Jordan o töwatñangö kösutñe miri dop liliköba malök. Liliköba mala Buña keunöñ uruñini kunguba kewö jiba malök, "Injini mönö uruñini melengetka nöñön o melun mem engimam. Mewö aketka Anutunöñ singisöndokñini sanonña mosötma."

⁴ ††Miangö keunñi mi kezapqetok azi Aisaianöñ ohoi yangö Buzup Kimbinöñ kewö ahöza, "Kolek garata kunñan gölme qararankölkölñe qeta maliga anda qetñi kewö mötme,

'Kembunöñ kamawo! Miangöra mönö jöjöröba könañi mesatket. Mönö uruñini mindingöba könañi qölöleiget.

⁵ Köna öruie wanjanñ pakpak mi mönö qeköba köl qölöleigetka köronñi akña.

Köna mösöqkösökñambuk mi mönö möhamgögetka dingime.

Luhutnöñ köna misiiga simbiñsambanñ tatzawi, mi mönö kutuba mesatketka solanima.

⁶ Anutunöñ oyaenköyaenñ Tonji melaii kaiga gölmenñi gölmenñi pakpak yanön mi eka ek kutume."

⁷ †Jonöñ miangö dop uruñini kunguiga ambazip kambuñi kambuñi yanön o melun mem engimamgöra yangörenñ kagetka engeka yengöra kewö jiyök, "O qatö morönñi, injini uruñini qahö melengetka Anutugö irimñan sehohiiga likepñi melenñ engimamgö akza. Mi

ölön kölbingsö goro keunñi mi mönö danön jii möta sömbuñini möta ki kaze?

⁸ †††Miangöra mönö ölnanök uruñini melenñe. Bölönamñineyök lilingögetka ölni asuhui mi mönö ahakmemenñan aukñe kondela malme. Uruñine möndömöndö keu kewö kude mötmörime, 'Neñön mönö Abrahamgö gwölönarökña malinga Anutunöñ qahö ayuhum nengima.' Mewö töptöpñine qe-makzemö, ölni mi qahö ahakze. Nöñön miangöra kewö jibi mötket: Anutunöñ köt ki ölni jim kutum engiiga letota Abrahamgö gwölönarökurupñi aka Anutu möpöseimamñemö, injini denöwö?

⁹ †††Uruñini qahö melenñe ewö, Anutunöñ mönö injini ip ewö tenngöri etpingö akze. Ip pakpak ölni ölpñi qahö kungumakzei, mi mönö köli etket köñöpnöñ gili geme. Ip mewönñi kölmamgö kesinñi lök jitñi sanje ala ip könanje ali jöjöröba ahöza. Anutunöñ mönö bölönamñinangö likepñi melenñ engima."

¹⁰ Mewö jiiga ambazip kambuñi kambuñi yanön kewö qesiba jiget, "Mewögöra nini mönö denöwö ahinga dop kölma?"

¹¹ Qesiba jigetka kewö melenñök, "Kunñan maluku yahöt memba maljawi, yanön mönö mietkörenñök kun mi malukuñi qahö i wangima aka denike yanön nenenñambuk maljei, yanön mönö mewöyök nenenñini qahö yengöra mendenñ engime."

¹² †††Takis meme azi tosatñan mewöyök o melun mem engimamkö kaba qesim wangiget, "Böhi, neñön mönö denöwö ahinga dop kölma?" ¹³ Qesim wangigetka jii mötket, "Gawmanöñ takisgö jim kutum engii ahözawi, dop mi mönö qahö ongita meme."

¹⁴ Yarö azi tosatñan mewöyök qesim wangiget, "Nini-ato? Neñön denöwö ahinga dop kölma?" Qesim wangigetka kewö jii mötket, "Kungörenñ monengöra kunguba upetkupert aka kiom kude kölmemö, nanñini töwanñini memakzei, miambuk mönö urumohok aka ösön malme." ¹⁵ Ambazip pakpak yanön "Jonöñ Amötqeqe Tonji Kraist akapuk," jiba uruñinan mewö mötmöriget. Miangö könañi mötpingö kezapñini köropñi aket.

¹⁶ Mewö aketka Jonöñ körek yengöra kewö jiyök, "Nöñön o töhönöñ melun mem engizalmö, azi kukösumñi köhöikñi kun kama. Yangö kukösumñi öngöngöñan mönö nöngörenñ ongitma. Yanön azi öngöngöñi akñawangöra nöñön yangö köna es-uñangö kösönñi bauköba pösatmamgö qötötangö-mam. Yanön mönö Uña Törönñi uruñine ali köñöp bölamñan köl könjörat engiiga mewö miangöñ melun mem engima. ¹⁷ Yanön ölni aka kambönñi mendenñ etki-mamgö sapakñi memba kangota uba qörörengöba kewötma. Kewöta wit köñi tokoba köwenje almapmö, kambönñi aka gwaugulapñi mi mönö usuñniga köñöpnöñ geba tetekönñi qahö jema."

¹⁸ Keu mewönñi mewönñi gwötpuk toroqeba jiba uruñini kunguba Ölöwak Buña ambazip kambu yanön jii jim kutum asariba malök. ¹⁹ †††Malökmö, gölme bahönangö kin

† 2.52 1 Sml 2.26; Qam 3.4 †† 3.4 Ais 40.3-5 † 3.7 Mat 12.34; 23.33

†† 3.8 Jon 8.33 †† 3.9 Mat 7.19 ††† 3.12 Luk 7.29 ††† 3.19 Mat 14.3-4; Mak 6.17-18

Herod yanön datnangö anömni qetnji Herodias mi ölöñ meyök aka bölöñi könani könani aka malöhi, mi-angö sapni Jonöñ qeba munjariga jim wangiyök.
²⁰ Jim wangiba bölönamni kun toroqeba aka Jongören nupni tözöpköba suahö galömni jii Jon memba kösö mire alget. Mewö.

Jonöñ Jisös o melun mem wangiyök.

Mat 3.13-17; Mak 1.9-11

²¹ Jonöñ ambazip pakpak o melun mem engiba Jisös mewöyök o melun mem wangiyök. Mem wangii köulüköiga miangörenök Suepnöñ ananjyök. ²² †Ananjiiga Uña Törönjan melennda kembö nei ewö aka Jisösgö qakne erök. Mewö eriga Suepnöhök qet kun kewö asuhuyök, “Gönön mönö nani wölböt nahöna aknönnga köröni ölöwahiga geknahöm ak gihizal.” Mewö.

Jisösgö isikurupni yengö qet areñini

Mat 1.1-17

²³ Jonöñ Jisös o melun mem wangiiiga yambu (yarañi) 30 miangö dop aiga amötqeqe nupni könahiba memba malök. Memba maliga Josefgö nahönnga akzawi, ambazipnöh mewö mötmöriget. Jisös iwiñi Josef, asañi qetnji Heli. ²⁴ Jisös amböñi qetnji Matat, sukumñi qetnji Liwai. Liwai iwiñi Melki, asañi Janai, amböñi Josef, ²⁵ sukumñi Matatias. Matatias iwiñi Amos, asañi Nahum, amböñi Esli, sukumñi Nagai. ²⁶ Nagai iwiñi Mat, asañi Matatias, amböñi Semen, sukumñi Josek. Josek iwiñi Joda, ²⁷ asañi Joanan, amböñi Resa, sukumñi Zerubabel. Zerubabel iwiñi Sealtiel, asañi Neri, ²⁸ amböñi Melki, sukumñi Adi. Adi iwiñi Kosam, asañi Elmadam, amböñi Er, ²⁹ sukumñi Josua. Josua iwiñi Eliezer, asañi Jorim, amböñi Matat, sukumñi Liwai. ³⁰ Liwai iwiñi Simeon, asañi Juda, amböñi Josef, sukumñi Jonam. Jonam iwiñi Eliakim, ³¹ asañi Melea, amböñi Menna, sukumñi Matata. Matata iwiñi Neitan, asañi Deiwid, ³² amböñi Jesi, sukumñi Obed. Obed iwiñi Boaz, asañi Salmon, amböñi Nason, ³³ sukumñi Aminadab. Aminadab iwiñi Admin, asañi Arni, amböñi Hezron, sukumñi Perez. Perez iwiñi Juda, ³⁴ asañi Jeikob, amböñi Aisak, sukumñi Abraham. Abraham iwiñi Tera, asañi Nahor, ³⁵ amböñi Serug, sukumñi Reu. Reu iwiñi Peleg, asañi Eber, amböñi Sela, ³⁶ sukumñi Kainan. Kainan iwiñi Arpaksad, asañi Siem, amböñi Noa, sukumñi Lamek. ³⁷ Lamek iwiñi Metusela, asañi Enok, amböñi Set, sukumñi Adam. Adam mi Anutunöñ mei ahuyök. Mewö. ³⁸

Satanöñ Jisös esapköba malök.

Mat 4.1-11; Mak 1.12-13

4 Jonöñ Jisös o melun mem wangiiiga Uña Törönjan uruñi kokolak qei Jordan onöhök lilingöiga wangita gölme qararanöñkölñe anök. ² Anda miangören mali Bölöñi Tonjan esapköm wangii wehön 40 teköyök.

Nalö 40 miangören nene kun qahö nemba mali teköiga nenenangö kömuyök.

³ Yakanangö kömuiga Bölöñi Tonjan jii mörök, “Gi Anutugö nahönnga akzan ewö, mi mönö kondela köt ki jim kutunönga letota beret aketka neman.”

⁴ †Jii möta melenök, “Qahö, Buña Kimbinöñ keu kewö ohoget ahöza, ‘Nenenöhök ambazip malmal qahö nengimaksa.’”

⁵ Melenniga wangita kundunji köröpñi kunöñ öngöba gölmegö kantrinji kantrinji pakpak mi zilañ kondel wangiyök. ⁶ Kondel wangiba jii mörök, “Nönön kantri pakpak mi galöm köl engimangö kukösümñi aka inap yuainangö aködamunñi mi nönögö böröne alalña ahöza. Miangöra mi nani sihimnangö dop ninja wangimam jiba ölop wangimam. Miangöra yuai pakpak ki mönö göhö böröge almam. ⁷ Miangöra gi waikni memba möpöseim ningiman ewö, mi pakpak mönö göhö buñaya ak teköma.”

⁸ †Mewö jii möta kewö melenök, “Qahö, Buña Kimbinöñ keu kewö ohoget ahöza, ‘Gi mönö Kembugi Anutu waikni memba möpöseiba ia mohot welen qem wangiba malman.’”

⁹ Melenniga Jisös wangita Jerusalem sitinöñ anda jöwöwöl jikegö boñe euyangören öngöba kewö jii mörök, “Gi Anutugö nahönnga akzan ewö, mönö ki-angörenök luhuba emu geman. ¹⁰ †Buña Kimbinöñ keu kun kewö ohoget ahöza, ‘Anutunöñ garaturupni jim kutum engiiga ölopnanök galöm köla sel jöhöm gihime,’ ¹¹ †aka keu kun kewö, ‘Yenön börönjine ala nönögölim gihigetka geba kötnöñ könage qahö guhum qizit akña.’” Miangöra geba kude ayuhuman.

¹² ††Mewö jiyökmö, Jisösnöñ kewö melen wangiyök, “Qahö! Anutunöñ jiza, ‘Gi mönö Kembugi Anutu kude esapköm wangiman.’”

¹³ Bölöñi Tonjan esapesap pakpak mi Jisös ak wangii teköiga mosöta anök. Mewö.

Jisösnöñ könahiba amötqeqe nup meyök

Mat 4.12-17; Mak 1.14-15

¹⁴ Jisösnöñ gölme qararanöñkölñi mosöri Uña Törönangö ösumñan yambuk kiniga Galili prowinsnöh lilingöyök. Lilingöiga keu buzupñan sehiba miri gölme liliköba tat angeri, mi pakpak dop köla anök. ¹⁵ Dop köli miriñi miriñi liliköba köuluk miriñine öngöba Buña keu kusum engiyök. Kusum engiiga mötkeri, körek yenön mönö söñgaiba möpöseim wangiget. Mewö.

Nazaret yenön Jisös andö qeget.

Mat 13.53-58; Mak 6.1-6

¹⁶ Jisösnöñ lilingöba malqarip taonñi Nazaret mi-angören anök. Sonda kendonöñ kaiga ahakzawangö dop köuluk mire öngöba Buña Kimbi oyonñ engimangö wahörök. ¹⁷ Wahöri kezapqetok azi Aisaiagö Buzup Kimbi wangigetka kötula keu kemañi kewö ohoget ahözawi, mi miwikñaiyök:

† 3.22 Jen 22.2; Sum 2.7; Ais 42.1; Mat 3.17; Mak 1.11; Luk 9.35

†† 4.4 Dut 8.3 † 4.8 Dut 6.13 †† 4.10 Sum 91.11 †† 4.11 Sum 91.12 ††† 4.12 Dut 6.16

¹⁸ †Kembugö Uña Töröñan nöñgö urune geba nup memegö kelök supapñi

köl niñgiba ambazip etqegeñi yeñgöra Ölöwak Buña jim asarimakzal. Yañön melaim niñgiiga keu kewö jim sehimakzal:

Bölöñan gwaröhöm engii maljei, Anutunöñ mönö i pösata meköm engiiga malme.

Anutunöñ jegömöl ambazip jeñini mem tohoiga kunbuk uba ekñe.

Taikpaik memba eta alget maljei, Anutunöñ mönö i meköm engiiga siyonşayonji qahö malme.

¹⁹ Kembunöñ amötqegegö yambu ölöñji ali kam kungumawi, nöñön miangö kolekña kaba mi jim asarimakzal.”

²⁰ Keu mewö oyonda köpöp supap mi köpeiba galömnji wañgiba eta tarök. Tariga köuluk mire tatkeri, yeñön körek je qisilmisilñi qahö dörotköba ehiget.

²¹ Ehigetka könahiba kewö jii mötket, “Buzup Kimbigö keu ki oyonbi kezapñine gei mötzei, miangö öñjan mönö merak asuhuza.”

²² Mewö jii mötketka kalem möriam keunji keunji numbuñeyök eriga körekñan mi möta welipköba jim soroköm wañgiba keu miangö jiji-kilik-kilikñi mi kewö jiget, “Azi ki Josefö nahönña me?”

²³ Jigetka kewö jii mötket, “Inini nalöñi nalöñi keu kötnji ki jimakze, ‘Mem ölöwak azi gi mönö nangi mem ölöwak anguman.’ Inini keu kötnji mi döлки nöñgöra jib-ingö mötze, mi mötzal. Mi jiba kewö jibeak, ‘Gi Kaperneam taonöñ anda angöletot öñgöñgöñi menöñga buzupñi mörini, miangö dop mönö nangi miri kiangöreñ mewöyök meman.’” ²⁴ ††Mewö jiba jiyök, “Nöñön keu öñji kun kewö jibi mötme: Kezapqetok ambazip kunöñ mönö nanñi malqarip taonöñ qahö dop kölja.

²⁵ †Nöñön keu ölbölñi kun kewö jibi mötme: Elaijagö (Elia) nalöñe Anutunöñ Suep nañgunji köli yambu (yara) karöbut aka köiñ 6 miangö uruñe kie qahö yöhöiga bödi ketanji ahuiga gölme pakpak dop kölök. Nalö miangöreñ ambi malö gwötpuk Israel uruñe malget. ²⁶ ††Gwötpuk malgetmö, Anutunöñ Elaija yeñgöreñök kungöreñ anmapkö qahö melaiyökmö, kian gölme Saidongö miri qetñi Sarefat miangöreñ ambi malö mohot-töp yeñgöreñ melaiiga anök.

²⁷ ††Kezapqetok azi Elisagö nalöñe uzikukunöñ Israel azi gwötpuk turum engiiga malgetmö, yeñgöreñök kunñan kun qahö solaniyök. Qahöpmö, kian gölme Siriagö azi qetñi Naman yañön mohot-kun mönö Elisagö keunji möt nariba solaniba ölöwahök.”

²⁸ Jisösnöñ mewö jiiga köuluk mire tatkeri, yeñön körek keu mi möta irimñini sehöliiga urupik aket.

²⁹ Urupik aka wahöta Jisös közöla taon yaigepñe wu-atañgöba taon mi kundunangö sem kösutñe meget kinöhi, miangöreñ aköget gemapköra anget. ³⁰ Angetmö, sutñine qendenja engömosöta anök. Mewö.

Kaperneam taonöñ öme kun közölök.

Mak 1.21-28

³¹ Jisösnöñ Galili prowins uruñe Kaperneam sitinöñ eta angota Sabat kendonöñ ambazip kambu kusum engiyök. ³² ††Kusum engiiga keunjan kukösümñambuk aiga jiyök. Miangöra könagesö yeñön mi eka auruba welipköget.

³³ Köuluk miri miangöreñ azi kun ömenambuk tarök. Tariga ömenan teringöba silata qetñi kewö qerök,

³⁴ “Aek! Jisös, Nazaret asia! Gi wania ak neñgimamgö akzane? Mönö ayuhum neñgimamgöra kazan me? Ni könañamgi möt kutuzal. Gi Anutugöreñ azi Tök-kutukutuñi akzan.”

³⁵ Mewö qeriga Jisösnöñ tembula kewö jim wañgyök, “Gi mönö keugi bököiga azi ki mosöta kesalnöñ.” Mewö jim wañgiiga ömenöñ azi mi memba gili tala sutñine gölmenöñ geiga miziqizikñi qahöpmahöp aka kota mosöta anök.

³⁶ Aniga körekñan nemböñini teköiga welipköba sutñine eraum möta kewö jiget, “Yei! Keu ki mönö wani keuya? Yañön kuk aka ösum-mumu qakñe ömewöröme jim kutum engiiga tem köla kota anje.”

³⁷ Mewö asuhuiga Jisösgö qetbuñan sehiba miri pakpak kösutñe tat angeri, miangöreñ anda gölme mi dop kölök. Mewö.

Jisösnöñ kawöl ambazip gwötpuk meiga ölöwaket.

Mat 8.14-17; Mak 1.29-34

³⁸ Jisösnöñ wahöta Kaperneam köuluk miri mi mosöta Saimon Pitögö mire öngöyök. Öngöiga Saimongö suhunñan sile könöp öñgöñgöñi yöhöi ahöyök. Ahöiga yeñgöra aka Jisös köuluköm wañgiget. ³⁹ Köuluköm wañgigetka anda sipköba geba sile könöp jim kutum wañgiiga mosöriga miangöreñök wahöta nene ohoba gumohom engiyök.

⁴⁰ Wehön jeñi teköba geiga miangöreñ ambazip denike yeñön alaurupñini kawöl könañi könañi mi-anöñ engöhöi ahögeri, mi körek enñgungita Jisösgöreñ kaget. Kagetka böröñi körek yeñgö qakñine inannjik inannjik aliga ölöwak teköget. ⁴¹ Ömewöröme yeñön mewöyök ambazip gwötpuk yeñgö uruñineyök kota silata kewö qetket, “Gi Anutugö nahönñi akzan.”

Jisösnöñ Amötqege Tonji Kraist akzawi, yeñön mi mötkerañgöra Jisösnöñ jim engiba numbuñini muhungöba enñguatangöyök. Mewö.

Amötqege nupñi Galili dop kölök.

Mak 1.35-39

⁴² Jisösnöñ gaun ahöiga miri wañgaran suruiga wahöta nanñik tiriñ (tiñ) kutuba geba görañe kunöñ anök. Anökmö, ambazip yeñön göraim wañgiba anda miwikñaiba kude engömosöta anmapköra esapköba angön köl wañgiget. ⁴³ Angön köl wañgigetmö, kewö jii mötket, “Nöñön Anutu bemtohonangö Ölöwak Buñanji mi taon tosatñi yeñgöra mewöyök jim asarim

† 4.18 Ais 61.1-2 †† 4.24 Jon 4.44 † 4.25 1 Kij 17.1 †† 4.26 1 Kij 17.8-16 †† 4.27 2 Kij 5.1-14

††† 4.32 Mat 7.28-29

engibi dop kölma. Anutunöŋ mönö miangöra melaim ningiyök."

⁴⁴ Mewö jiba anda Galili prowins liliköba köuluk mir-
ijine Buŋa keunöŋ uru kuŋgum engiba malök. Mewö.

Jisösnöŋ gwarekurupŋi mutukŋi engoholök.

Mat 4.18-22; Mak 1.16-20

5 †Nalö kunöŋ Jisösnöŋ Genesaret o angö jitŋe kini-
ga ambazipnöŋ kambu köla Anutugö Buŋa keu
mötpingö ölöqölököba liliköm wangiget. ² Liliköm
wangigetka kinda wangge yahöt köwet göräŋe tarohot-
ka etkehök. Söra örörö yeŋön wangge mi mosöta geba
mösakŋini kusahöla saŋgoŋget. ³ Wangge kun mi Sai-
mongöreŋa. Jisösnöŋ miangöreŋ öngöba toŋi kewö
qesim wangiyök, "Göŋön mönö naŋgönöŋga borom
kun noaŋgita onöŋ göröken anma." Qesim wanggiiga
naŋgöiga anda wangenöŋ tata ambazip kambu kusum
engiyök.

⁴ Kusum engim teköba Saimongöra jiyök, "Göŋön
mönö wangge ki naŋgönöŋga o angö bibiŋe aniga alau-
rupki yembuk mösakŋini söragöra gilgetka gema."

⁵ †Jiiga Saimonöŋ melenök, "Ketaŋamni, nini
suŋgem köröp mösak gil bibihiba ölni kun qahö
mezin. Qahöpmö, göŋön jim kutuzanaŋgöra mönö
töndup anda gilin gema." ⁶ †Mewö meleni jiyöhaŋgö
dop aketka söranöŋ awamŋi qahö mösakŋine gegetka
buratibingö aket. ⁷ Mewö aketka alaurupŋini wangge
kunöŋ malgeri, yeŋgöra kaba bauköm engimegö
börökaek kölgetka kaget. Kagetka wangge yahöt mi
söranöŋ kokolak qegetka nemulahöm taköyohot.

⁸ Söra öngöŋgöŋi mewö memba eka miangöra
köreŋan welipköget. Welipköba Saimon Pitönöŋ mi
eka Jisösgö wösöŋe geba simin köla jiyök, "O Kambu,
ni siŋgisöndok asia akzalaŋgöra mönö nömosöta
anöŋ." ¹⁰ Saimongö alayahötŋi Jeims aka Jon Zebedigö
nahönyahötŋi yetkön mewöyök nemböŋiri teköiga
welipköyohot. Saimonöŋ keuŋi jiyökmö, Jisösnöŋ kewö
melenök, "Mönö keŋgötŋi kude mötman. Gi kiangö
andöŋe ambazip mi söra ewö öröba engömembra mal-
man."

¹¹ Mewö jiiga wangenini öröba kota saknöŋ ala
öröyuainini pakpak mosöta Jisösgö andöŋe wuatangö-
ba anget. Mewö.

Jisösnöŋ uzikuku azi kun mem solaniyök.

Mat 8.1-4; Mak 1.40-45

¹² Jisösnöŋ taon kunöŋ maliga miangöreŋ azi kun
sileni uzikukunöŋ mem bölim teköiga tarök. Tata Jisös
eka kösutŋe simin köla geba kewö köuluköm
wangiyök, "O Kambu, göŋön sihimgan mem ölöwak
ningimamgö mötzan ewö, mönö ni ölop mem solanim
ningiman."

¹³ Mewö jiiga böröŋi böräŋda sileni misiriba jiyök,
"Nöŋön mi akŋamgö mötza. Gi mönö solaniman."
Mewö jiiga uzikukunŋi mi miangöreŋök solaniyök.

¹⁴ †Solaniiga kewö jim kutum wangiyök, "Mötnöŋ ki-

† 5.1 Mat 13.1-2; Mak 3.9-10; 4.1 †† 5.5 Jon 21.3 ‡ 5.6 Jon
21.6 †† 5.14 Lew 14.1-32

angö buzup keuŋi mi kun kude jinöŋ mötme. Qahöp-
mö, gi mönö jike nup galömgöreŋ anda silegi kondel
wangiba Mosesgöreŋ jimkutukutunŋi wuatangöba
solanizanaŋgö saiwap nalukŋi ala jöwöwöl ohoman.
Mi ohonöŋ ehiga ambazipnöŋ könaŋamgi möt ku-
tume."

¹⁵ Mewö jiyökmö, mi töndup Jisösgö qetbuŋaŋi sehi-
ba miri dop asariba anök. Anöhaŋgö dop ambazip
kambuŋi kambuŋi yeŋön keuŋi mötpingö aka kawölŋi-
ni mem ölöwakŋapakö yaŋgöreŋ kaba tokoget.

¹⁶ Kagetmö, Jisösnöŋ engömosöta gölme
qararaŋkölkölŋe anda mala köuluköyök. Mewö.

Jisösnöŋ azi sile likepŋi kömukömunŋi möhamgöyök.

Mat 9.1-8; Mak 2.1-12

¹⁷ Jisösnöŋ wehön kunöŋ Buŋa keu kusum engiiga
Farisi (Köna keugö kapaŋkölköl) aka Köna keugö böhi
tosatŋan Galili aka Judia prowinsgö miriŋi miriŋi aka
Jerusalemök kaba ambazip kambu sutŋine tatket.
Kembugö kukösumŋan Jisös nam köl wanggiiga am-
bazip kawölŋini mei ölöwaket.

¹⁸ Nalö miangöreŋ azi tosataŋan alaŋini sile likepŋi kö-
mukömunŋi mi kululunöŋ ala anguba kaget. Kaba kutu-
ba Jisösgö kösutŋe miri uruŋe öngöba albingö esap-
köget. ¹⁹ Esapkögetmö, ambazip kambunöŋ ölököba
kingerangöra paŋpaŋgöba miri uruŋe öngöbingö kö-
na kun qahö miwikŋaiba memba miri qakŋe öngöget.
Öngöba bo kötnöŋ memenŋi mi esim luluŋgetka kin-
imŋi ahui kawöl azi kululuŋambuk kösönöŋ jöhöba mi-
angöreŋ algetka ambazip sutŋine Jisösgö wösöŋe
geyök. ²⁰ Mewö geiga Anutu möt narim wangigeri,
Jisösnöŋ yeŋgö tandökŋini mi ehi dop köliga kawöl
azigöra kewö jiyök, "Alani, nöŋön siŋgisöndoki
mosötza."

²¹ Mewö jiiga Köna keugö böhi aka Farisi yeŋön mi
möta könahiba kewö jiba mötmöriget, "Azi ki niŋia?
Yaŋön mönö Anutu ilita mepaqepaik akza. Anutu mo-
hotŋan siŋgisöndoknini mosörakzapmö, azi kunŋan
mi qahö."

²² Mewö mötmörigetmö, Jisösnöŋ uruŋini ek kutuba
kewö jii mötket, "Tosatŋi iŋini uruŋinan wuanöŋgöra
keu jizali, miangöra gwötŋpuk mötmörize? Mi qahö dop
kölja. ²³ 'Nöŋön siŋgisöndoki mosötza, jizali, keu mi-
aŋön mönö awamŋanök jijiŋa. Kunŋan mewö jiiga
tosataŋan keu miangö ölni qahö ekŋe. Miangöra mi keu
awamŋangö dop. Nöŋön keu kun kewö jimamamgö
mötzal, 'Mönö wahöta anöŋ.' Keu mi mönö löm-
böŋambuk jijiŋa akza. Mewö jibiga ölni asuhuma me
qahöwi, miaŋön mönö aukŋe asuhui ekŋe.

²⁴ Mötket, gölmenöŋ siŋgisöndok mosötmosötö
kukösumŋi mi Suep gölmegö azi ölnangöreŋ ahözawi,
iŋini miangö könaŋangöra jaŋjuŋ malbepuk. Miangöra
keu lömbötŋi mi azi kiangöra jibi ölni eket." Mewö jiba
azi sile likepŋi kömukömunŋi yaŋgöra jiyök, "Nöŋön
göhöra jizal: Gi mönö wahöta tumbulahöpki memba
mirige anöŋ. Keu lömbötŋi mi ölnambuk akŋa ewö,
keu awamŋi mi mönö mewöyök denöwögöra omanŋi
akawak?"

²⁵ Mewö jiiga mianğörenğök jenine wahöta tumbu-lahöpnj ahöyöhi, mi memba Anutu möpöseiba mosöta miriņe anök. ²⁶ Mewö asuhuiga ambazip körekņan welipkoba sömbunjini möta Anutu möpöseiba jiget, "Ye! Merak yuai qetpuk soroha ekzin." Mewö.

Jisösnöj Matyu (Liwai) oholök.

Mat 9.9-13; Mak 2.13-17

²⁷ Mianğö andöņe Jisösnöj Kaperneam mosöta anda takis ofis onğitmamgö aiga mianğörenğ takis meme azi qetņi Liwai tariga eka jii mörök, "Gi mönö nönğö andöne kanöņ." ²⁸ Mewö jii möta nupņi pakpak mosöta wahöta Jisösgö andöņe anök.

²⁹ Anda Jisös miriņe köl öröba yaņğöra közölömbuan ketañi mözözömgöyök. Mözözömgöba takis meme tilipqilipņinambuk aka alaurupņi tosatņi öröm enğıiga kambu ketañi köla yembuk tata nene neget. ³⁰ †Mewö negetka Farisi (Köna keugö kapaņkolköl) aka yengğorenğ böhi yeņön mi eka jimonğot aka Jisösgö gwarekurupņi kewö jim enğıiget, "Aek! İņini mönö wuanöņğöra takis meme tilipqilipņinambuk aka siņgisöndok ambazip yembuk tata nene aka o neze? Mi qahö dop kölja."

³¹ Mewö jim enğıigetka Jisösnöj likepņi kewö jii mötket, "Sile unditundit ambazipnöņ doktagöra qahö ak enğıimakzäpmö, kawöl ambazipnöņ mönö dok-tagörenğ anakze. ³² Nönğön siņgisöndok ambazip uruņni meleņmegö enğoholmamgöra kaba maljalmö, ambazip nanņinaņğö mötketka solañņi akzei, i qahö."

Nene siņgi malmalgö keuņi

Mat 9.14-17; Mak 2.18-22

³³ Ambazip tosatņan Jisösgörenğ kaba qesiget, "Jon O-melun azigö gwarekurupņi neņön nalö gwötpuk Anutugöra nene siņgi mala köuluk totoko köröpnj alakzin. Farisi (Köna keugö kapaņkolköl) yengğö gwarekurupņi-nan mewöņanök aka maljemö, nangi gwarekurupkan mönö pöndaņ nene aka o nemakze."

³⁴ Mewö qesigetka kewö meleņnök, "Ölņa! Nini wani nalönöņ nene siņgi malakzin? Ambi meme nalöņe azigö andöurupņan könöpnj algetka ambigö sep ki-tipurupņan yuai mi tökömakze me qahö? Nönğön nani gwarekurupņi yengğö azi buņaya aka yengğö sutņine köisirik tatzal. Tatpiga siņgi malbingö jigetka yeņön ai-jölöņ söņgaiba tata siņgi malbingö osimakze. ³⁵ Osi-makzemö, Anutunöņ noaņğiri kömumbiga yeņön mönö nalö mianğörenğ ölöp siņgi malakņe.

³⁶ "İņini malmal walņi aka sösoņğai Buņa döläkņi mi mindirim etkibingö osime. Mianğö dopkeu pasetņi kun mi kewö jibi mötket: Löņğölöņğöt walņi jurariga kunöņ löņğölöņğöt döläkņi mitiba opo su jöhanņi mi-aņön qahö ala uhum göreņğömakza. Mewö akawak ewö, opo su jöhanņi döläkņan mönö walņambuk öröröņ qahö aka mi öröba munjurariga böliqölibapuk.

³⁷ "Mewöņanök kunöņ wain o döläkņi mi jobö me toru walņi lama silenān memenj mianğörenğ qahö kusuiga gemakza. Mewö akawak ewö, wain o

döläkņan mönö qariba toru qesiņniga jula mokoiga gölmenöņ eta sohoiga toruņan böliqölibepuk.

³⁸ "Mianğöra wain o döläkņi mi toru döläkņeyök mokoin geiga dop kölma. (Mewöņanök kunöņ o ölöpnj mi gina gisagisahöņe qahö umakzin. Mewö ubinak ewö, mianğön mönö jula kisipisirik eriga namba kawöl neņğöhöbapuk. Mewö akapüköra o ölöpnj mi gina ölöpnje umakzin. İņini mewöyök malmal walņi aka Ölöwak Buņa döläkņi mi mindirim etkibingö osime.) ³⁹ Kunņan wain o walņi möpöseiba namba malakzawi, yaņön wain o döläkņi nemamgö sihimņi qahö möta ölan alakza." Mewö.

Jisösnöj Sabat kendongö Kembuņi akza.

Mat 12.1-8; Mak 2.23-28

6 ††Mianğö andöņe Sabat kendon kunöņ Jisösnöj wit padi nup köröņi ketañi kutuba anök. Ani gwarekurupņan wösöņini enğıiga wit ölnj mohot mohot böroņinan misiba sömaņda neget. ² Mewö negeraņğöra Farisi (Köna keugö kapaņkolköl) tosatņan mi eka kewö jiget, "İņini mönö wuanöņğöra Sabat kendongö nup meme soņğonj onğıitze?"

³ †Mewö jigetmö, Jisösnöj kewö meleņnök, "Kiņ Dei-widnöņ yarö aziurupņi yembuk liliköba wösöņini enğıiga yuai akeri, mi lök oyonğet me qahö? ⁴ ††Yaņön mönö Anutugö opo seri jikenöņ öņğöba beret kömbukņi Anutugö jemesoholņe altanöņ alget tariga ösumņan walöņniga qekögeri, mi mönö meiga neget. Beret kömbukņi mosötmosötņi mi jike nup galöm yeņönök nezema. Yaņön aka yaņğö suņğurumu-rupņan mi nembepüköra soņgo ahöyök mi töndup neget."

⁵ Mewö jiba kewö jii mötket, "Suep gölmegö azi ölņan mönö Sabat kendongö Kembuņi akza." Mewö.

Jisösnöj azi böroņi sösoroņğöņi mem ölöwahök.

Mat 12.9-14; Mak 3.1-6

⁶ Jisösnöj Sabat kendon kunöņ köuluk mire öņğöba Buņa kusum enğıyök. Mianğörenğ azi kun böroņi ölnj soholiiga tarök. ⁷ Köna keugö böhi aka Farisi (Köna keugö kapaņkolköl) yeņön Jisös eka keu jakeņe al waņgibingö könaņi jaruba "Azi mi Sabat kendonöņ möhamgöma me qahö?" jiba je galöm memba tatket. ⁸ Tatketmö, Jisösnöj mötmötņini mi möt kutuba azi böroņi sosoholiņi mi kewö jii mörök, "Mönö wahöta je-nine kinöņ." Mewö jiiga wahöta kinök.

⁹ Kini Jisösnöj jii mötket, "Köna keu wuatangöba Sabat kendonöņ yuai ölöpnj me bölöņi akin? Ölöp kungö bohonņi jöhöbin me mosöriņa ayuhuma. Wanat kun meinga dop kölma? Mi qesim enğıibi jiget." ¹⁰ Mewö jiba körek pakpak liliņğöm purik enğeka azi mianğö jiyök, "Gi mönö böroņi qötöteinöņ." Mewö jiiga böroņi qötöteiiga kunbuk ölöwahök.

¹¹ Ölöwahökmö, galöm yeņön irimņini gwötpuk sehohliiga "Jisös denöwö ak waņgibin?" jiba nanņini er-
aum mötket. Mewö.

† 5.30 Luk 15.1-2

†† 6.1 Dut 23.25 † 6.3 1 Sml 21.1-6 †† 6.4 Lew 24.9

Gwarekurupji 12 möwölöhöm engiyök.

Mat 10.1-4; Mak 3.13-19

¹² Nalö miangörej Jisösnöñ kunduje köulukömamgö öngöba sungem köröp mi Anutu köuluköm wangiba mali miri alök. ¹³ Miri gianjiga gwarekurupji engohola yengörejök 12 möwölöhöm engiba melaimelai azi aposol qet mi engiyök.

¹⁴ Qetjni kewö qerök: Saimon, Jisösnöñ qetji Pitö wangiyök, yangö munji Andru aka Jeims, Jon, Filip, Bartolomyu, ¹⁵ Matyu, Tomas, Jeims Alfiusgö nahönñi aka Saimon qetji kun Tuaköpek azi qetket. ¹⁶ Judas Jeimsgö nahönñi aka Judas Iskariot. Kariot azi miangön könanggen mamalolo azia ahök.

Jisösnöñ kawöl ambazip mem ölöwak engiyök.

Mat 4.23-25

¹⁷ Jisösnöñ aposolurupji yembuk kunduneyök eta gölme köröñe anda kinget. Kingetka gwarek kambunji ketanji aka ambazip kambuleleme yeñon yangöra tokoba mambötket. Yeñon "Buñanji jii möringa kawölnini mem ölöwakña," jiba miangöra Judia prowins pakpak, Jerusalem siti aka köwet jitneyök Taiö aka Saidon taon miangörejök kaba tokoget. ¹⁸ Ömewörömenöñ kölköljinjin mem engiyöhi, yeñon mewöyök kaba ölöwaket. ¹⁹ Kukösumñan yangörejök kutuba yengörej öngöiga körek ölöwak engiyök. Miangöra ambazip körekñan Jisös misiribingö jaram tiget. Mewö.

Simbawonj aka kezapjupjup ahakö keunji

Mat 5.1-12

²⁰ Jisösnöñ gwarekurupji uba wahöta enggeka kewö jiyök,

"Anutugö bemtohonj mi wanapni engö buñaya. Miangöra wanapni injini

mönö simbawonj akze.

²¹ Nalö kewöñe nenegö ewö kömumba qemjenj qeba maljei, Anutunöñ mönö

sihimñini mi gumohom engima. Miangöra injini mönö simbawonj akze. Nalö kewöñe sahötzei, enön mönö sösönggai aka gön kölme. Miangöra wösöbirik maljei, injini mönö simbawonj akze.

²² †"Ambazipnön injini Suep gölmegö azi ölnangöra aka kazik aka

yaköriba silenje ala uruqeqe keu töhörej jim engiba kiam sekbölo ewö qetjni kutumei, injini mönö simbawonj akze.

²³ ‡Ambösakonurupñinan miangö dop kezapqetok ambazip yengöra ak

engiba malget. Mötket! Anutunöñ töwanjini öngöngöñi Suep mire ali ahöza. Miangöra mewö ak engigetka nalö miangörej mönö söñgaiba köiran kölme.

²⁴ Injini simbawonj maljemö, pomñi sukinapñinambuk injini malmal

siyonsayonji qahö maljei, mi teköma. Miangöra nöñon engöra wöziköba 'Yeil' jizal.

²⁵ Nalö kewöñe nem timbireñ maljei, injini mönö wösönjini ali (buörö)

bödi malme. Miangöra nöñon engöra wöziköba 'Yeil' jizal. Nalö kewöñe sösönggai aka gön köljei, injini mönö amburereñ aka sahötme. Miangöra nöñon engöra wöziköba 'Yeil' jizal.

²⁶ "Ambösakonurupñinan kezapqetok ambazip takapulakanji jim

möpöseim engiba malget. Ambazip pakpak miangö dop ak engigetka nöñon engöra wöziköba 'Yeil' jizal." Mewö.

Kerökurupki mönö jöpaköm engiman.

Mat 5.38-48; 7.12a

²⁷ "Bölönji ak engimemö, injini keuni möta maljei, nöñon engöra kewö jibi mötme: mönö kerökurupñini urunjanan jöpaköm engiba malme. Denike yeñon kazik ak engizei, i mönö ölöpnanök ak engiba malme.

²⁸ "Denike yeñon qesuahöba jinjerereñ ak engizei, i mönö köl tömbiba kötuatköm engime. Örom ureim ak engizei, yengöra mönö Anutugö köuluköme.

²⁹ "Kunñan nuñgulumgi likepñi qekötahöliiga likepñi mewöyök melenj wangiman. Kunñan qakñangö malukugi goañgiriga göñon mönö dutñangö oponji mohokñe memamgö möri mi kude añgön kölman.

³⁰ "Yuaigö ulet gihigetka mi mönö körek yengöra engiman. Kunñan göhö inap yuaigi meiga mi mönö melenj gihimapkö kude kapañ köla qesiman. ³¹ ‡Ambazipnön yuai nanñinanö ak engimegö mörakzei, miangö dop mönö nanñini mewöyök i ak engimakñe.

³² "Gölmegö siñgisöndok ambazipnön alaurupñinan jöpaköm engigetka kitipñi melenjda jöpaköm engiba möpöseim angumakze. Injini miangö dop gölmegö tandökñi wuatangömakze ewö, Anutugörej tosa qahö ahuiga mönö denöwö injini möpöseim engibawak? Alaurupñini aka kerökurupñini mi mönö mohotñe jöpaköm engigetka töwa engiiga oyaenköyaen akñe.

³³ "Gölmegö siñgisöndok ambazipnön alaurupñinan yuai ölöpnji ak engigetka kitipñi melenj engiba ala ak anguba möpöseim angumakze. Injini miangö dop aka gölmegö tandökñi wuatangömakze ewö, Anutugörej tosa qahö ahuiga injini qahö möpöseim engima.

³⁴ "Gölmegö siñgisöndok ambazipnön monen yuai mi siñgisöndok ambazip tosatñi yengöra engiba kitipñi miyök melenj engimegöra kapañ kölakze. Mi gölmegö ahakmemeya. Injini tosatñan tosanjini melenj engimegö al mambötketka Anutunöñ mönö denöwö möpöseim engibawak? Tosatñan tosanjini qahö melenj engigetka Anutunöñ mönö kitipñi mi melenjda töwa engima.

³⁵ "Injini mönö Suep Tonangö ahakmemeya aka memba malme. Gölme ambazipnön bölönji aka saiwap qahö jimakzemö, Anutunöñ töndup i ölöpnji ak engimakza. Miangöra injini mönö kerökurupñini urunjanan jöpaköba ölöpnanök ak engiba monen yuai engiba mi-

† Nasöñöl pati zelot yeñon Rom gawman tuarenjorj aka nanñine kinkin membängö tuaköpek memba malget. †† 6.22 1 Pitö 4.14 ‡ 6.23 2 Hist 36.16; Apo 7.52

‡† 6.31 Mat 7.12

angö likepni kun melenḁa engimegöra kude al mam-bötme. Mewö aka malgetka töwanjinan sehiba öngöngöñi aiga Anutu öngöngöñangö nahönböraturupni aka malme.

³⁶ "Sup Iwiñinan körek pakpak ak kömum engi-mamgö mötzawi, inini mönö mianḁö dop ambazip pakpak ak kömum engiba malme." Mewö.

Jimtekötekö tonji ewö kude akñe.

Mat 7.1-5

³⁷ "Ambazip tosatñi yeḁgö keuñini mi kude kewöta jim teköme. Mi qahö jim teköm engigetka Anutunöñ mönö nanñini mewöyök qahö jim teköm engima. Inini tosatñi yeḁgö siḁgisöndokñinangö likepni mi qahö melenḁ engime. Mi qahö melenḁ engigetka Anutunöñ mönö nanñini siḁgisöndokñinangö likepni mi mewöyök qahö melenḁ engima. Inini mönö tosatñi yeḁgö siḁgisöndokñini mosötme. Mi mosötketka Anutunöñ nanñini siḁgisöndokñini mewöyök saḁgoñda mosötma.

³⁸ "Inini ambazip tosatñi yeḁgöra yuai ak engigetka Anutunöñ mönö mianḁö dop kewöta yuai mi melenḁa engöra ak engima. Mianḁöra inini mönö yuai kalema engimakñe. Mewö engigetka Anutunöñ mönö mewöñanök kalema engimakña. Öñḁ, Anutunöñ ekbonep qahö möta bauköm engimakña. Anutunöñ kewöta inini engigeri, mianḁö dopñi jömuk memba kiwinöñ mokoi numbuñe kori utuköi qörörañ aiga mulumgöi gei toroqeba qakñe mokoi dopñi oḁgita qeḁlañḁa eri, mi mönö gösöñine löñgöt engima." Anutugö könañi mewö.

Ambazipnöñ nanñini könañini eka mötme.

³⁹ "Jisösnöñ dopkeu kun kewö jii mötket, "Jegömöl ambazip kunöñ jegömöl alañi kun ölop böröñe memba waḁgitma me qahö? Mewö anbahorak mönö mohotñe lömnöñ geba etkubawak. ⁴⁰ "Gwareknöñ böhiñi qahö oḁgita. Böhiñinan mötmöt pakpak törörök kusum engii möt kömumei, körek yeñön mönö böhiñini ewö akñe.

⁴¹ "Gi wuanöñgöra alagahö jeñe gödöwöröt morörökñi ekzanmö, nangi jeñe ip sahötni ketañi ahözawi, mia denöwö kude ek kutuzan? ⁴² Nangi jeñe ip sahötni ketañi ahözawi, mi qahö ek kutuba denöwögöra alagahö kewö jibanak, 'Alani mötnöñ! Jeñe euke gödöwöröt geba tatzawi, mi ölop itaköbi etma.' O urumelenḁö silesile azi, gi mönö mutuk nange jegeyök ip sahötni (tapötñi) ketañi mi memba gilman. Mi mem gilagun törörök ek kutuba alagahö jeñe gödöwöröt geba tatzawi, mi ölop itakönöñga etma." Mewö.

Ipkö könañi mi ölni eka kewöta möt kutume.

Mat 7.16-20; 12.33-35

⁴³ "Ip ölopñi kunñan ölni bölöñi qahö kuḁgumakza. Mewöñanök ip bölöñi kunñan ölni ölopñi qahö kuḁgu-

makza. ⁴⁴ "Jau kötni mi jömnöñ asuhuiga membingö osimakzin aka muli ölni mi koururuknöñ asuhuiga qeköbingö osimakzin. Mianḁö dop ipkö ölni eka kewöta könañi möt kutume.

⁴⁵ "Azi uruñan yuai kokolak qei ahözawi, mia mönö numbuñan aukñe jimakza. Mianḁöra azi ölopñangö uru köweñe ölopñangö möriamñi ahözawi, yeñön mönö ölopñi mi aukñeyök jimakza. Azi bölöñangö uru köweñe bölöñi ahözawi, yeñön mönö bölöñi mi aukñe jimakza." Mewö.

Miri tandö köhöikñi aka lölöwöröñi

Mat 7.24-27

⁴⁶ "Inini nöñgöra 'Kembu Kembu!' qet mi mönö wuanöñgöra qerakzemö, nöñön yuai memegö jimakzali, mi qahö tem köla memakze.

⁴⁷ "Denike yeñön nöñgöreñ kaba keuni möta tem köla mezei, nöñön yeḁgö könañamñini kondela dopkeunöñ jimam. ⁴⁸ Yeñön mitim qeḁe azi kianḁö dop akza: Azi mianḁön 'Miri memam,' jiba löm köröpñi esiba geba tandöñi köt jamönñiñ qakñe kuḁgum köhöii kinök. Mewö kiniga kie uru nalöñe o göulu köhöikñi gila miri kemañe kuḁguyökmö, ölopñanök mem muhungöi kinök. Mianḁöra kusumamgö qem bibihiiga köhöiba kinök. ⁴⁹ Qem bibihiyökmö, kunöñ keuni möta qahö tem köla mezawi, yeñön mönö mitimqeḁe azi kianḁö dop akza: Yeñön 'Miri memam,' jiba tandö qahö esim kömöta gölme qakñe kut bim miyök ala meyök. Mei kiniga kie uru nalöñe o göulu köhöikñi gila miri kemañe kuḁguiga miri mi mianḁöreñök kusuiga goromororöñgöba erök." Mewö.

Jisösnöñ suahö galöm kungö nup aziñi mem ölöwahök.

Mat 8.5-13

7 Jisösnöñ ambazip kambu sutñine mala Buñḁa keuñi pakpak mi jii mötketka engömosöta Kaperneam taonöñ kaḁgorök. ² Mianḁöreñ Rom suahö galöm kungö nup aziñan kawöl yöhöi kömumamgö ahök. Galömñan yeñgö möri öngöngöñi ahök.

³ Mianḁöra Jisösgö buzupñi möta Juda yeñgö jiteñememe tosatñi melaim engiiga Jisösgöreñ anda kewö qesiget, "Mönö kaba welen aziñi mem ölöwakñan." ⁴ Anda Jisösgöreñ aḁgota kapañ köla köuluköba jiget, "Ketañamñini, suahö galöm mianḁön mönö bauköm waḁgimanangö dop ölop sorokñi akza. Mianḁöra mönö kanöñ." ⁵ Mötnöñ, yeñön Juda ambazip kambu neḁgöra ak waḁgiiga 'Köuluk mirinini membin,' jinga kian yeñön moner ali meget."

⁶ Mewö jiget möta yembuk anök. Anökmö, suahö galömgö miriñi dopdowii yeñön alaurupñi melaim engiba Jisösgöra keu kewö alök, "O Kembu, ni mewörökñi malbiga nöñgö miri boñan gualöñmapkö gamuni mötzal. Mianḁöra mönö qahö aum kömumba kaman. ⁷ Ni nanangö mötpti eretñi akzawañgöra göhöreñ kamamgö dop kude mötzalmö, keu jitkanök jinöñga welen azinan ölöwakña. ⁸ Mi kewögöra: Ni

† 6.39 Mat 15.14 †† 6.40 Mat 10.24-25; Jon 13.16; 15.20

‡ 6.44 Mat 12.33 †† 6.45 Mat 12.34

nanak mewöyök galömnangö kukösum bapne al ningiget maljal. Nöngö bapne yarö azi malgetka mi jim kutum engimakzal. Yengörenök kungöra 'Anman' jim kutubi yanön anma. Kungöra 'Kanön' jim kutubi yanön kama aka welen azini kungöra 'Nup ki meman,' jibiga yanön mi mema."

⁹Jisösnöj keu mi möta suahö galömgöra welipköba ambazip kambu wuatangöba kageri, yengören lilingöba kewö jiyök, "Nöngön kewö jibi mötme: Israel kö-nagesö sutnjine mewöyök mötnarip ketanji mewöj mi kungö uruñe qahö miwikñaijal."

¹⁰Mewö jiiga suahö galömgö kolekaziurupñan lil-ingöba mire angota welen azi miwikñaija eketka ölöwaka tarök. Mewö.

Jisösnöj malö kungö nahönji mem guliyök.

¹¹Miangö andöñe Jisösnöj taon qetñi Nain mi-angören aniga gwarekurupñi aka ambazip kambulembenöñ wuatangöba anget. ¹²Miangören taon kiripo nangunji dopdowiiga qamöt kun anguba kaget. Malö kungö nahönña mohok-kunñan kömuiga taongö ambazip kambu ketanjan tokoba löm kölbängö kaget.

¹³Kembunöñ malö mi eka wösönji möta jii mörök, "Kude sahötman." ¹⁴Mewö jiba anda bokis anguba kageri, mi jii dörök algetka bokis misiriba kewö jiyök, "Azi gwabö, mönö wahötnöñ. Nöngön göhöra mewö jizal." ¹⁵Mewö jiiga qamöt miangön guliba wahöta könahiba keu jiyök. Keu jiiga Jisösnöj namñambuk anmapkö wangiyök.

¹⁶Ambazip pakpak yanön mi eka qem sömbunñi möta Anutu möpöseiba jiget, "Kezapqetok azi ketanji kunöñ mönö sutnine asuha malja." Tosatñan jiget, "Anutunöñ kö-nagesönji mesohol kölnengii maljin."

¹⁷Yangö keu buzupñi mi sehiba Judia prowins pakpak dop köla gölmenji gölmenji likeplikkep miangören an teköyök. Mewö.

Jongö gwarekyahötñi Jisösgören kayohot.

Mat 11.2-19

¹⁸Jon O-melun azinöñ kösö mire tariga gwarekurupñan yuai pakpak mi asuhuyöhi, miangö kösohotñi jiget mörök. ¹⁹Jiget möta gwarekñi yahöt etkoholi kayohotka Kembangören anda kewö qesim wangimahotköra melaim etkiyök, "Mem ölöwak azi kamapköra mamböringa göñön mia akzan me azi kun bian kamapköra mambötpin."

²⁰Melaim etkiiga Jisösgören angota jiyohot, "Jon O-melun azinöñ kewö qesim gihibitköra melaim netkiiga kazit, 'Mem ölöwak azi kamapköra mamböringa göñön mia akzan me azi kun bian kamapköra mambötpin.'"

²¹Jisösnöj nalö miangörenök ambazip gwötpuk uzi kawöl izekwaizek (ijerñwaijerñ) aka ömenñambuk mi mem ölöwak engiyök aka jegömöl ambazip gwötpuk jeñini metohoi uba eket. ²²Jongö gwarek yahötñan angota qesim wangiyohotka kewö melerñök, "Yuai eka mötzahori, miangö kösohotñi mönö anda Jon

kewö jiyohot mötma: Jegömöl yanön uba eketka lokon yanön köna anda kagetka uzikuku yanön solanigetka kezapduhup yanön keu mötketka kömuget yanön guli-ba wahötketka etqeñe yanön Ölöwak Buña jim asaribiga mörakze. ²³Mewö asuhui eketka kungö uruñan qahö bölii andö nunñumawi, yanön mönö sim-bawon akza."

²⁴Mewö jiiga Jongö gwarek yetköñ anohotka Jisösnöñ könahiba Jongö könanji ambazip kambu yanön kewö jim asariyök, "Injini gölme qararangkölkölñe mi-angören wania ekingöra anget? Luhutnöñ jehot uwu-tapköba metali anjanñbanjan ahakzawi, injini azi mewönji ekingöra anget me?"

²⁵"Me wanat yuaia ekingöra anget? Azi malukuñi aködamunñambuk löngöta malöhi, mi ekingöra me? Mötket, ambazip malukuñi kulemñi ek sihimñambuk löngöta anda kaba siyonsayonji qahö maljei, miangön mönö kiñ yanön jakömbuak mirinjine malje. Mi gölme qararangkölkölñe qahö.

²⁶"Me wanat yuaia ekingöra anget? Kezapqetok azi kun ekingöra me? Ölna, nöngön kewö jibi mötket: Azi ekeri, yanön mönö kezapqetok ambazip tosotñi engonggita tandökñi kun akza. ²⁷†Yangö könanji mi mönöwök kewö ohoget ahöza, 'Mötnöñ, nöngön kolekni garata kun melaibiga qelñe anda ambazip uruñini mindingöba göhö kö-nagi mesariga göñön mönö yangö andöñe gölmenöñ emu geman.' ²⁸Keu mewö ahözapmö, nöngön kewö jibi mötket: Ambinöhök morö pakpak engömegetka asuhugeri, yanön sutnjine Jonöñ mönö körek engonggita qetbuñambuk kinja. Kinjapmö, Anutugö bemothon uruñe angota Anutugö qetbuñaji miwikñaimakzei, yanön sutnjine eretñi kondikñi yanön mönö Jon onggitza."

²⁹‡Ambazip kö-nagesö pakpak aka yanön sutnjine takis meme yanön mohokñe Jongö Buñaji mötkeri, yanön jim kölenña "Aha! Anutugö köna diñdiñi jim asariza," jiba uruñini melergetka Jonöñ o melun mem engiyök. ³⁰Mewö engiyökmö, Farisi aka Köna keugö böhi yanön Anutugö arenji qahö tem köla Buñaji andö qeba silekmalek aketka Jonöñ o melun qahö mem engiyök.

³¹"Ambazip merak gölmenöñ maljei, mi mönö wanatpuk dop al engibileñak? Yanön silikñi mi denöwö? ³²Yanön namande ewö akze. Mienñon maket sombemnöñ tata keu gön gila lan qeta kewö jimakze, 'Nini awölop uinga injini liñet gwawet qahö unduget. Nini jingñe kölinga injini qahö toroqeba sahötket.'

³³Miangö könanji kewö: Jon O-melun azinöñ kaba nene singi mala wain o qahö neiga injini yanön jimakze, 'Öme kunöñ uruñe geiga malja.'

³⁴"Suep gölmegö azi ölnan kaba nene nem söngaip aiga enön jimakze, 'Mötket, yanön bau numbu tandök közöjeriba wain o gwötpuk namba takis tilipqilipñi-nambuk aka bölöñi meme yanön alañina malja.'

³⁵Körek pakpak Anutugö mötkutukutu kölnengii gulimakzei, yanön ahakmemenñangö ölnan mönö mötkutukutuñan dop köljawi, mi kondelakza." Mewö.

† 7.22 Ais 35.5-6; 61.1

†† 7.27 Mal 3.1 ‡ 7.29 Mat 21.32; Luk 3.12

Singisöndok ambinöŋ Jisösgö könaŋi kelök miriyök.

³⁶ Farisi (Köna keugö kapaŋkölköl) azi yeŋgöreŋök kunŋan Jisös mi nanŋi miriŋe kaba nene nemapkö köl öröyök. Köl öröi anda miriŋe öŋgöba nene dumŋe tarök. ³⁷ †Taon mianŋöreŋ singisöndok ambi kun malök. Yaŋön Jisös Farisi azigö mire öŋgöba tata nene neyöhi, mianŋö buzupŋi möta kelök umköhöwakŋambuk mokoï köt kirin kun kokolak qeyöhi, mi memba öŋgöba kayök. Kirin mi nöluk tuat-tuat qetŋi alabastö mianŋön memenŋa.

³⁸ Öŋgöba kaba Jisösgö könaŋe geba tata könaŋiba sahöri imbilŋan tiŋgita geba könaŋe miriyök. Miriiga nörop juŋŋan kereŋ memba kutui öröniiga könaŋi numbuŋan yöhötim memba kelök umköhöwakŋambuknöŋ miriyök. ³⁹ Miriyökmö, Farisi azinöŋ Jisös köl öröyöhi, yaŋön mi eka uruŋan kewö mötmöriyök, “Ambi ki singisöndokŋambuha. Azi kianŋön kezapqetok azia malbawak ewö, yaŋön mönö ambi könaŋe misirizawaŋgö könaŋi möt kutubawak.”

⁴⁰ Jisösnöŋ mi möt kutuba kewö melenŋda jiyök, “Saimon, nöŋön keu kun jimamgö mötzal.” Jiiga jiyök, “Böhi, ölop jinöŋ mötŋi.”

⁴¹ Jiiga Jisösnöŋ kewö jii mörök, “Ambazip yahötŋan benknöŋ anda tosa albitkö moner galömnangö qesiyohot. Kunöŋ silim 500:kö töwaŋi (Kina 2500,-), kunöŋ silim 50:gö töwaŋi (Kina 250,-) mianŋö dop tosa albitkö qesiyohot. Qesiyohotka mianŋö dop etkiyök. ⁴² Etkiba könaŋep tosaŋiri misimahot jiiga monerjiri qahöwahiga osiyohot. Osiyohotka benk galömnan tosaŋiri qeköba kutuba mosöt etkiyök. Mosöt etkiiga yetköreŋök danöŋ i uruŋan gwötpuk jöpaköm waŋgimakza?”

⁴³ Mewö qesiiga Saimonöŋ kewö melenŋök, “Nöŋgö mötmötnöŋ tosa ketanŋi kutuba mosöt waŋgiyöhi, yaŋön.” Mewö melenŋiga jiyök, “Gi keu törörök kewöta jizan.”

⁴⁴ Mewö jiba ambigöreŋ lilingöba kewö jii mörök, “Ambi ki eknöŋ. Nöŋön mirige kotpiga göŋön könaŋi saŋgoŋmamgö o kun qahö niŋgizanmö, ambi kianŋön mönö könaŋi imbilŋan miriba nörop juŋŋan kereŋ memba kutui öröniza. ⁴⁵ Göŋön numbuni qahö yöhötim nezanmö, ambi kianŋön mönö mire kotpiga mianŋöreŋök kapaŋ köla könaŋi yöhötim memba malja. ⁴⁶ Göŋön nöropni kelök kude mirizanmö, ambi kianŋön mönö kelök umköhöwakŋambuknöŋ könaŋe nömiriza. ⁴⁷ Mianŋöra nöŋön kewö jibi mötnöŋ: Anutunöŋ ambi kianŋö singisöndokŋi gwötpuk mi mosöta saŋgoŋniga mianŋöra uruŋan ni gwötpuk jöpaköm niŋgiza. Kunöŋ singisöndok boromdökŋi ahiga Anutunöŋ singisöndokŋi morörökŋi mosöriga yaŋön uruŋan borom kun miyök jöpaköm niŋgimakza.”

⁴⁸ Mewö jiba ambi mi kewö jii mörök, “Nöŋön göhö singisöndoki saŋgoŋda mosötzal.”

⁴⁹ Mewö jiiga azi mohotŋe nene memba tatkeri, yeŋön könaŋiba nanŋinök kewö jiget, “Singisöndok

saŋgoŋda mosötzawi, yaŋön mönö niŋi azia akŋamgö mötza?”

⁵⁰ Mewö jigetmö, Jisösnöŋ ambigöra jiyök, “Mötnariŋipkan mönö amöt qem gihiza. Ölop luainöŋ anman.” Mewö.

Ambi tosaŋan Jisös nanŋöba anget.

8 Mianŋö andöŋe Jisösnöŋ liliköba taonŋi taonŋi aka miriŋi miriŋi mianŋöreŋ anda Anutugö bemtohoŋgö könaŋi jim asariba Ölöwak Buŋa keunöŋ ambazip uruŋini kuŋguba malök. Gwarekurupŋi 12 yeŋön yambuk mohotŋe anget. ² ††Mewöyök ambi tosaŋan yambuk anget. Ambi mi mutuk kawöl engöhöi ömenöŋ kölköljinŋiŋ mem engii malgetka Jisösnöŋ mem ölöwak engiyök. Ambi mi kewö: Maria qetŋi kun Magdalagö ambia qetket. Jisösnöŋ yaŋgö uruŋeyök öme 7 közöl engii kota anget. ³ Ambi kun qetŋi Joana. Yaŋgö apŋi qetŋi Kuza yaŋön kiŋ Herodkö jakömbuak miri mianŋöreŋ gawmangö moner galömnangö malök. Ambi kun qetŋi Susana, Yeŋön aka ambi tosaŋi gwötpuk yeŋön nanŋini moner inapŋinan Jisös aka gwarekurupŋi könaŋöŋ galöm köla nanŋöm engiget. Mewö.

Qesiŋqesiŋ azigö dopkeu

Mat 13.1-9; Mak 4.1-9

⁴ Ambazipnöŋ taon dop mianŋöreŋök öröba Jisögöreŋ kaba kambulembenöŋ tokogetka Jisösnöŋ dopkeu kun kewö jiyök:

⁵ “Azi kunöŋ nene kötni qesiŋ gilmamgö anök. Anda qesiŋniga kötni tosaŋan könaŋi jite geba kölget. Geba kölgetka ambazipnöŋ tim tökötahögetka könaŋemba (warawen) neiŋi neiŋi kaŋgota mi nem teköget. ⁶ Kötni tosaŋan köt jamönjinöŋ geba kölget. Geba köla mianŋöreŋ gölme oŋambuk qahö miwikŋaiba korapŋi kota soholiba gororoŋgöget.

⁷ “Kötni tosaŋan siri uret wahiŋinambuknöŋ geba kölget. Geba kölgetka mienöŋ öröröŋ kota engoŋgita qem turuba böbölohot mem engiget. ⁸ Kötni tosaŋan gölme ölopŋe geba kölget. Geba köla jula wahöta ölni ni ölopŋi asuhaba handötkö dop ahum sehiget.”

Keu mi jim teköba qet ketanŋi kewö qerök, “Kunŋan urukezapŋambuk malja ewö, yaŋön mönö dopkeu ki kezap ala möt kutuma.” Mewö.

Jisösnöŋ denöwögöra dopkeugö könaŋi jiyök.

Mat 13.10-17; Mak 4.10-12

⁹ Mewö jiiga gwarekurupŋan dopkeu kianŋö könaŋangöra Jisös qesim waŋgiget. ¹⁰ †Qesim waŋgigetka jiyök, “Anutugö bemtohoŋe aŋgota malbingö keu tölapŋi mi engöra aukŋe jibi möt kutuzemö, tosaŋi yeŋgöra mia dop keunöŋ jibi mörakze. Mewö möta nanŋini jeŋinan yuai ekagun könaŋi töndup qahö ek kutume. Nanŋini kezapŋinan keu törörök mötagun könaŋi töndup qahö möt asarime.”

†† 8.2 Mat 27.55-56; Mak 15.40-41; Luk 23.49 † 8.10 Ais 6.9-10

† 7.37 Mat 26.7; Mak 14.3; Jon 12.3

Jisösnöñ dopkeugö könañi jiyök.

Mat 13.18-23; Mak 4.13-20

¹¹ “Dopkeu miangö könañi kewö: Köt qesiñ giljawi, mi Anutugöreñ Buña keu. ¹² Nene kötni köna jitne geba kölgeri, mi kewö: Ambazip tosatñan Buña keu mötzemö, mi mötketka Bölöñi Toñan kaba uruñini melenña Suepkö buña akepuköra keu kötni mi uruñineyök qeköba enğuangirakza. ¹³ Nene kötni qesiñniga köt jamönjiñnön geba kölgeri, mi ambazip söpsöpñi kun. Yeñön Buña keu möta mi sösongai qakñe möt angön kölakzemö, uruñine geba jalöñini qahö megerangöra nalö töröptökñi miyök möt nariba malgetka esapesapkö nalöñe mönö tala enğuma.

¹⁴ “Nene kötni qesiñniga siriuret wahiñinambukñön geba kölgeri, mi kewö: Yeñön Buña keu mötketka uruñine gezapmö, gölmenön malmalgö waimañjatñi aka moneñ inap memegö urukönöpñi ahuba lömbörüm enğimakza. Qetbuñanambuk akingöra köpösöngögetka sihim kömbönañi bölöñi tosatñan mewöyök uruñine dumgöba Buña keu böbölohot mem wañgize. Mewö aiga ölni qahö gilipitñi akñe. ¹⁵ Qahöpmö, nene kötni gölme ölöpnge geba kölgeri, mi ambazip kewöñi: Yeñön Buña keu kezap ala mötketka uruñini ölöpnge geñmonji qahö miangöreñ geiga sohobapukö mökösoñña 8kapañ köla galöm kölgetka ölni ölöpnge ölöpnge miwikñaimakze.” Mewö.

Yuai asa-asambötñi pakpak mi aukñe ahuma.

Mak 4.21-25

¹⁶ † “Kunñan lambe me kiwa ohotiriba kimbutnön kude köl turuma me dum bapñe qahö alma. Mi qahöpmö, mi miangö dum qakñe ali tatma. Tata asari-iga tosatñan miri uruñe öngöbingö mötzei, yeñön miangö asakñi eka ölop öngöme.

¹⁷ † “Mewöñanök urunine yuai kun asambötket tölapñe ahözawi, mi mönö aukñe asuhum tiñgitma. Yuai kun köl turuin ahözawi, mi mönö lulungetka kötula ahöma.

¹⁸ † “Miangöra Anutugö keu mötzei, mi mönö urukönömñine ala mötmöriba köl guliba malme. Kunñan mötkutukutuñambuk maljawi, Anutunön mönö mi toroqem wañgii qarimapmö, kunñan mötkutukutuñi qahö maljapmö, ‘Miambuk maljal,’ jizawi, Anutunön mönö mötmötñi moröñi mi mewöyök qeköba wañgitma.” Mewö.

Jisösgö nam-munurupñi.

Mat 12.46-50; Mak 3.31-35

¹⁹ Jisösnöñ mewö jiba maliga nam munñan i ekingö kagetmö, ambazip kambu ketanñan öloköba gwözöñgerangöra kösutñe anbingö osiget. ²⁰ Osiba kingetka kunñan kewö jii mörök, “Göhö nam-mungan mönö yaigep kinda gi gekingö mötze.”

²¹ Jii mörökmö, Jisösnöñ kewö melenña jii mötket, “Ambazip ki Anutugö Buña keu möta tem köla köl guli-

† 8.16 Mat 5.15; Luk 11.33 †† 8.17 Mat 10.26; Luk 12.2 † 8.18 Mat 25.29; Luk 19.26

makzei, mienñön mönö nöñgö namni aka munurupni akze.” Mewö.

Jisösnöñ jiiga raidimbom göröñ qeyök.

Mat 8.23-27; Mak 4.35-41

²² Wehön kunön Jisösnöñ gwarekurupñi kewö jii mötket, “Mönö mosöta o angö kutuba likepñe angotpin.” Mewö jiiga wañgenön mohotñe öngöba o angö qakñe anget. ²³ Anda opo seri mörörengögetka luhutnön nañgöiga angetka Jisösnöñ gaun ahöyök. Ahöiga luhut raidimbom o angönön gila siri kunduriga wañge uruñe geyök. Geba numbuñe qemamgö aiga ayuhubingö aket.

²⁴ Ayuhubingö aka gwarekurupnan anda möndöba jiget, “Kembu Ketañamnini, mönö nini angönön ayuhubingö akzin.” Mewö jigetka imbiñi möta luhut aka o angögö siriñi kewö jim qetal etkiiga ösumñiran eriga nön qeba ahöyök.

²⁵ Mewö aiga jii mötket, “Engö mötnariñini mi denike?” Mewö jiyökmö, yeñön awöwöliba qem sömbunñi möta jiget, “Yei, azi kia mönö denöwöñan malja? Yañön mönö luhut aka köwet siri jim kutum etkiiga jitiñi tem köl wañgizahot.” Mewö.

Ömenön bau uruñine gegetka azinön ölöwahök.

Mat 8.28-34; Mak 5.1-20

²⁶ Jisösnöñ gwarekurupñi yembuk toroqeba opo seri mörörengögetka luhutnön nañgöi anda o angö kutuba Galili prowins likepñe Gerasa gölmenön angotket. ²⁷ Miangöreñ angota saknön öngöi azi ömenambuk kun mi taonöhök kaba Jisös miwikñaiyök. Azi mi qaksirinön mala qamöt kötenji esiba urorohoget ahögerangöreñ ahöm malök. Nalö köröpñi opo maluku qahö löngöta miri kungö uruñe qahö ahömalök.

²⁸ Ömenön nalö köröpñi öröm ureim wañgiiga azi gwötpukñan börö takñi qeba könañi tapepnön (muñgamuñga) jöhöba galöm köla malgetmö, tapepñi öroi tiñgitqinğiriga ömenön kuñguiga gölme qararañkölkölñe anda lañ malök. Miangöra Jisösnöñ ömenji mi kewö jim kutum wañgimamgöra ahök, “Öme bölöñi, gi mönö kota azi ki mosöta anöñ.” Mewö jiamamgö aiga Jisös eka silata gölmenön kösutñe geba qet gigilahöba kewö qerök, “Aek Jisös, gi Anutu öngöñgöñangö nahönñi akzan. Gi mönö denöwö ak niñgimamgöra ki kazan. Nöñön ulet gihizal: Gi sihimbölo köñöpñambuk kude ak niñginöñ.”

³⁰ Mewö jiiga kewö qesiyök, “Gi qetki niñi?” Ömewöröme gwötpuk uruñe geba malgerangöra “Qetnini liñön jizin” jiget. Mi nanine keunön Kerök kambu ketanji. ³¹ Mewö jiba Jisös kewö ulet wañgiget, “Gi neñguatangöba öme löm dutñi qahö miangöreñ gebingöra kude jim kutum neñgiman.”

³² Kösutñine kundunji marömñe miangöreñ bau kambu ketanji kun gwözözak uruñe kulunña malget. Miangöra ömenön kewö jiba ulet wañgiget, “Gi ölop jinöñga nini bau mienğö uruñine gebin.” Ulet wañgigetka “Mönö anda geget.” Jiba jim kutum enjiyök. ³³ Jim kutum enjiiga azi uruñeyök kota anda

bau uruñine geget. Gegetka bau kambu yeñon mönö luhuba nembönembönönj anda jororongöba o angönönj geba nemulahöba kömuget.

³⁴ Mi asuhuiga bau galöm yeñon mi eka taon aka miri morömorö miangörenj ölön unjurata anda keu buzupnji mi jiget mötket. ³⁵ Jiget möta ambazip sesegilgil yeñon yuai asuhuyöhi, mi ekingöra kaget. Kaba Jisösgörenj kangota azi uruñeyök ömenönj kotkeri, yeñon könañe tariga miwikñaiget. Opo sileötanj törörök jöhöba uruñi amöriiga imbi mötmötñi pakpak asuhuiga eka awöwöliget. ³⁶ Azi ömenjambuk malohañon denöwö ölöwahöhi, mi jeninan ekerañon jiget mötket.

³⁷ Möta gwötpuk awöwöliba qem sömbunjni mötket. Miangöra Gerasa gölmegö ambazip kambu pakpak yeñon Jisösnönj enggömosötmapköra ulet wañgiget. Ulet wañgigetka lilingöba anmamgö wañgenönj öngö-mamgö ahök. ³⁸ Öngömamgö aiga azi uruñeyök ömenönj kotkeri, yeñon kaba Jisösbuk mohotñe anda malmamgöra qesiyök. Mewö qesiyökmö, Jisösnönj qe-tala melaim wañgiba kewö jiyök,

³⁹ "Gi mönö lilingöba mirige anda Anutunönj angöletot ketanj ketanj ak gihiyöhi, miangö kösohotñi jinönjga mötme." Mewö jiiga anda Jisösnönj angöletot ketanj ketanj ak wañgiyöhi, miangö keunji mi taon uruñe liliköba miri dop jim sehiyök. Mewö.

Jairusnönj bōratñangöra Jisös köuluköyök.

Mat 9.18-26; Mak 5.21-43

⁴⁰ Ambazip pakpak Jisösgö mambötketka lilingöba kaiga kambu köla söngaiba öröm wañgiget. ⁴¹ Köuluk mirigö keu galöm kun qetñi Jairus yeñon kaba Jisösgö wösönje geba simin köla miriñe kamapköra köuluköm wañgiyök. ⁴² Moröurupnji qahöpmö, bōratñi mukmorö mohok yambuñi (yara) 12:gö dop mala kömumamgö ahök. Jisös köl öröm wañgigetka aniga ambazip kambunönj likeplikep ölököba utal wañgiget. Mewö.

Kawöl ambi kunönj Jisösgö malukunji misiriyök.

⁴³ Utal wañgiba angetka miangörenj sutñine ambi kun malök. Yeñon yambu (yara) 12 miangö dop köiñnönj ehiga nalö dop kawöl yöhöiga malök. Yeñon sile galöm yeñgö töwañini monen inapñi pakpak gil maliga sile galöm körekñan mem ölöwakingö osiget. ⁴⁴ Ambi miangön Jisösgö andönje anda malukuñangö ki-tip sunji misiriiga miangörenjök sepñi jöpköyök.

⁴⁵ Jisösnönj qesiba jiyök, "Dañon nömisiriza?" Mewö jiyökmö, ambazip körekñan mi qañ kölgetka Pitönönj jiyök, "Ketañamni, ambazip kambunönj ölököba utal anguba kaba goseize."

⁴⁶ Jiiga Jisösnönj jiyök, "Qahö, kunñan nömisiriiiga ösumni kun ani mötzal." ⁴⁷ Mewö jiiga ambinönj "Könañamni lök asuhuza," jiba jönömñi unduiga kaba Jisösgö wösönje simin köla kawölñangö könañi aka misiriba miangörenjök ölöwahöhi, miangö könañi aukñe jiiga ambazip kambu körekñan mötket.

⁴⁸ Mötketka Jisösnönj kewö jii mörök, "Bōratni, mötnar-

ipkan mönö mem ölöwak gihiza. Ölöp urubönjönñon anman." Mewö.

Jisösnönj Jirusgö bōratñi mem guliyök.

⁴⁹ Keu mewö jiba kiniga köuluk mirigö keu galömñangö mireyök kunñan welen kaba Jirusgöra jiyök, "Bōratkan kömuza! Miangöra böhigö qakñe lömböt toroqeba kude alman."

⁵⁰ Jiyökmö, Jisösnönj keu mi möta köuluk mirigö keu galömñi kewö jii mörök, "Keñgötki kude mötman! Mohok-kun akñan. Mönö ni möt narim ninginönjga bōratkan ölöwakña."

⁵¹ Mewö jiba yeñgö mire anda ambazip tosatñi enggömosöta Pitö, Jon, Jeims aka morö bōratkō iwinamñi iyök enguanñiri nanñinök miri uruñe öngöget.

⁵² Öngögetka ambazip körekñan jingñe köla sahöta amburereñ megetmö, Jisösnönj jiyök, "Yeñon qahö kömuzapmö, gaunök ahöza. Miangöra mönö sahöt mosötme."

⁵³ Mewö jiiga gönahit ewö aiga "Mönö kömuza!" möta gön köl wañgiget. ⁵⁴ Gön köl wañgigetmö, bōrat mi bōrönje memba qeta jiyök, "Bōratni, mönö wahötnönj." ⁵⁵ Mewö jiiga uñañan lilingöiga miangörenjök wahöta kinök. Kiniga numbu nene wañgiget nemapkö jiyök. ⁵⁶ Iwinamñan mi eka welipköyohotmö, Jisösnönj yuai asuhuyöhi, miangö buzupñi kun jiget mötpepukö soñgo al engiyök. Mewö.

Jisösnönj gwarekurupñi 12 melaim engiyök.

Mat 10.5-15; Mak 6.7-13

9 Jisösnönj gwarekurupñi 12 mi engoholi tokogetka ömewöröme pakpak közöl engimegöra aka uzi kawöl mem ölöwakñegöra kukösumñi ösum-mumuñambuk al engiyök. ² Kukösum engiba kewö jiba melaim engiyök, "Inini mönö anda Anutugö bemtohoñangö könañi ambazip jim asarim engiba kawöl ambazip mem ölöwak engiba malme." ³ †Melaim engiba jii mötket, "Inini köna anmeañgöra yuainji kun qahö memba anme, öröp qahö, gösö qahö, köna nalem qahö, soujenji qahö. Maluku semönñi qahöpmö, mohok meme.

⁴ "Anda mire denike denike angotmei, mönö miangörenjök mala nup memba taon mi mosöta köna anme ⁵ Anda mala miri kunönj angotketka qahö köl öröm engiba keunñi qahö mötketka nesampurekñini mönö kewö jiba kondel engime, 'Nini engö gölmenönj kainga sölbuham köna tambönine mekötahözawi, mi mönö tim töñjöraringa nanñine lilingöba gema.' Mewö jigetka könañamñini solanñi möt kutugetka ölöp taon mi mosöta toroqeba anme."

⁶ Mewö jiiga mosöta anda miriñi miriñi liliköba miri dop Ölöwak Buña jim asariba kawöl ambazip mem ölöwak engiba malget. Mewö.

† 9.3 Luk 10.4-11; Apo 13.51

Herodnön Jisösgöra lalalulu siksauk ahök.

Mat 14.1-12; Mak 6.14-29

⁷ Yuai pakpak asuhuyöhi, miangö qetbuñan sehi-ba gölme bahöñangö (Galili prowinsgö) kiñ Herodkö kezapñe geiga mörök. Ambazip tosatñan kewö jiget, "Jon O-melun azinön mönö kömupnöhök wahöta malja." Miangöra kiñnön keugö jaruba lalalulu siksauk ahök. ⁸ Ahökmö, tosatñan jiget, "Elaijanön kunbuk asuhaba malja." Tosatñan toroqeba jiget, "Kezapqetok azi walñi yengöreñök kunön mönö guliba wahöta malja." ⁹ Mewö jigetmö, kiñ Herodnön kewö jiyök, "Jon O-melun azi mi nöñon jibi jölñi kutugetmö, kungö keuñi mewö jiget mötzali, mi mönö dañon?" Mewö jiba Jisös ekñamgö kapañ köla jörömqöröm ahök. Mewö.

Jisösnön azi 5000 nene gumohom engiyök.

Mat 14.13-21; Mak 6.30-44; Jon 6.1-14

¹⁰ Melaimelai azi aposol yeñon Jisösgöreñ lilingöba yuai aka megeri, miangö kösohotñi pakpak jiget mörök. Jiget möta enguangita ambazip qenjarökñini mosöta taon qetñi Betsaida miangö kösutñe nanñinök kötikñe malbingö anget. ¹¹ Angetmö, ambazip kambu yeñon mi möta Jisös andöñe wuatangöba anget. Anda Jisösgöreñ kagetka köl öröm engiba Anutu bemtohoñangö könañi jim asariba kawöl ambazip mem ölöwak engiyök.

¹² Mewö aka mali wehön jeñan teköba gemamgö ahök. Mewö aiga gwarek 12 yeñon kaba Jisös kewö jiget mörök, "Nini gölme kötikñi kiangöreñ maljinañgöra gi ölop ambazip kambu ki melaim enginöñga miri koum dowe dowe tat anjei, miangöreñ anda ahöahö miri aka nene miwikñaime."

¹³ Mewö jigetmö, kewö jii mötket, "Eñon mönö nanñinak i nene gumohom engime." Mewö jiiga melenget, "Nini beret sahötñi 5 aka söra yahöt miyök memba maljin. Miangöra denöwö akinto? Nini ölop anda ambazip kambu ki pakpak yeñgöra nene söñgöronji membinak me?" ¹⁴ (Yeñon azi 5000:gö dop malje.) Mewö melengetka gwarekurupñan kewö jii mötket, "Eñon mönö ambazip engöra jiba mendeñ engigetka kambu dop 50:gö dop nene nembangö tokoba eta tatme."

¹⁵ Jiiga mewö aka mendeñ engigetka ambazip körekñan eta kambuñi kambuñi tat anget. ¹⁶ Tat angetka beret 5 aka söra yahöt mi memba suepnön ui öñgöiga kötuetsköyök. Kötuetsköba beret mindipköba gwarekurupñi engiiga ambazip kirip dop mendeñda sutñine alget. ¹⁷ Sutñine algetka körekmakörek memba nem timbireñ aket. Nene kitipñi kitipñi mosötkeri, mi gwarek yeñon qezakögetka sakap 12 miangöreñ geba kokolak qeyök. Mewö.

Pitönön Jisösgö könañi jim miwikñaiyök.

Mat 16.13-20; Mak 8.27-30

¹⁸ Nalö kunön Jisösnön nanñök gölme kungen köulököiga gwarekurupñan yambuk malgetka qesim engi-

ba kewö jiyök, "Ambazipnön nöñgöra denöwö jimakze? Ni ninja akzal?"

¹⁹ †Jiiga melengetka kewö jiget, "Tosatñan 'Gi Jon O-melun azia akzan,' jimakzemö, tosatñan 'Gi Elaija akzan,' jimakze aka tosatñan toroqeba kewö jimakze, 'Gi kezapqetok azi walñi yengöreñök kunñan kömupnöhök wahöta maljan.'"

²⁰ ‡Mewö jigetka kewö qesim engiyök, "Aka nanñinak nöñgöra denöwö jize? Ni ninja akzal?" Qesim engiiga Pitönön melengetka jii mörök, "Gi Anutugöreñ Amötqeqe Tonji Kraist akzan." Mewö.

Jisösnön kömumamgö keuñi jiyök.

Mat 16.20-28; Mak 8.30-9.1

²¹ Mewö jiiga könañi aukñe jiget kunñan mötpepüköra songo köhöikñi al engiyök. Mewö. ²² Jisösnön jiyök, "Suep gölmegö azi ölnan mönö sihibölö gwötpuk mötma. Kantrigö jitñememe, jike nup galöm aka Köna keugö böhi yeñon mönö andö qeba qegetka kömuma. Kömumba wehön karöbut aiga kömupnöhök wahötma." Mewö.

Kraist wuatangöbingö söñgöronji

²³ †Jisösnön ambazip pakpak yeñgöra keu kewö jii mötket, "Kunñan nöñgö andöne nuatangöba kamamgö mötzawi, yeñon mönö nanñi urusileñangö sihim kömbönañi bölöñi andö qeiga sisitñi megetka sihibölö mi bisimakña. Mi maripomnöñ kömumawangö dop mökösoñda ni nuatangöba kama.

²⁴ ‡Kunñan malmalñi nanñangöra angön köla nanñi imbi-imbi maljawi, yeñon mönö malmalñi ölni jöhöi sohoma. Sohomapmö, kunñan gölmegö malmalñi nöñgöra aka köleñda tököm ningimawi, yeñon mönö malmal ölnangö könañi miwikñaiba köhöiba malma.

²⁵ "Kunñan gölmenji gölmenji miengö öroyuaiñi pakpak köl öroiga buñani an teköiga uruñangö malmalñi mem sohoba silebile mala kömuiga Anutunön keuñi jim teköiga köñöp sianön geba uñan ayuhuiga qahö dop kölma. Sukinapñi miangön mönö urusösöñgai qahö ak wangima. Qahöpmahöp!

²⁶ "Kunñan nöñgö qetni aka Buña keuni memba eta aljawi, i Suep gölmegö azi ölnan mewöyök ehörön kölma. Yeñon könañep Suep garata törönji yembuk ki etiketka yeñgö, nanñangö aka Iwiñangö asakmararañi ni eka aurume. Nalö miangöreñ azi me ambi mewöñi mönö ehörön köl wangima. ²⁷ Nöñon keu ölni kun kewö jibi mötme: Kiangöreñ kinjei, engö sutñineyök tosatñan Anutugö bemtohoñan asuhumawi, mi ek kutume. Jebuk mala kömupkö sihibölöñi qahö mötketka asuhum tinjiriga mi ekñe." Mewö.

Jisösgö sileñe letotqetot ahök.

Mat 17.1-8; Mak 9.2-13

²⁸ ††Keu mi jiiga wehön 8:kö dop teköiga Jisösnön Pitö, Jon aka Jeims enguangita kundunje öñgöba Anutu

†† 9.19 Mat 14.1-2; Mak 6.14-15; Luk 9.7-8 ‡ 9.20 Jon 6.68-69 †† 9.23 Mat 10.38; Luk 14.27 †† 9.24 Mat 10.39; Luk 17.33; Jon 12.25 ††† 9.28 2 Pitö 1.17-18

† 9.7 Mat 16.14; Mak 8.28; Luk 9.19

köuluköyök. ²⁹ Köuluköiga miangören jemeso-holhangö kaisongolomnan letota tandökni murutnji ahök. Malukuñan tuat lalamnji aka kölköl-bilikbilikñam-buk asariyök. ³⁰ Miangörenök eketka azi yahötñan asuhuba Jisösbuk keu keu jiget. Mi Moses aka Elaija. ³¹ Asakmararañ uruñe asuhuba Jisösbuk keu kewö er-aum mötket, "Anutunön Jisös sihimbölö möta kö-mumapkö melaiiga eta zilañ Jerusalem sitinön aniga areñ mianjön öljambuk ak teköma."

³² Mewö eraum mötketmö, Pitönön alayahötñi yet-puk jeñinan lömböriiga gaun ahöget. Ahögetmö, gaunöhök imbiñini möta jeñini uba Jisösgö asakmararañi aka azi yahöt yambuk kinohori, mi engeket.

³³ Engeketka kinda Jisös mosötpitkö ahotka Pitönön Jisösgöra jiyök, "Ketañamnini, neñön kiangören uru ölöwak mötzin. Miangöra neñön ölop koum karöbut qebin: Göhö kun, Mosesgö kun aka Elaijagö kun." Pitönön mewö jiyökmö, nanñi keuñangö könañi mi qahö möt kutuyök.

³⁴ Mewö jiba koina unuñunñ kunön eta aumñan esuhum enjiiga kousu uruñe mala awöwöliba jönömñini unduyök. ³⁵ †Jönömñini undui kingetka kousu uruñeyök qet kun kewö eriga mötket, "Azi ki mi nani nahöna. I ambazip amöt qem engimamgöra möwölöhöm wañgial. Mönö yañgö keuñi möta malme."

³⁶ Qet mianjön eri möta gwarek yeñön miangörenök uba Jisösnön nanjök kini eket. Kunduñe yuai ekeri, miangö buzupñi mi nalö miangören kude jiba keu bök malgetka kunñan kun qahö mörök. Mewö.

Jisösnön öme wuatangöi morönön ölöwahök.

Mat 17.14-21; Mak 9.14-29

³⁷ Ahöba wahötketka Jisösnön gwarekurupñi karöbut yembuk kunduneyök eta sörokñe ambazip kambuleleme engeget. ³⁸ Engegetka ambazip kambunöhök azi kunñan qeta kewö jiyök, "Böhi, nöngö nahöni mukmoröya akzawangöra mönö kaba i ekñan. Miangöra köuluköm gihizal. ³⁹ Mötnön, öme kunön i memba mendawöli miangörenök qet gigilahöi utuköm wañgii wölöhariiga nambuñeyök qölqölsöutsöt erakza. Öme mianjön öröm ureim wañgiba nalö gwötpuk qahö mosörakza. ⁴⁰ Mewö aiga göhö gwarekurupki öme mi wuatangömegö ulet engizalmö, yeñön mi osize."

⁴¹ Mewö jiiga Jisösnön melañ wañgiba jiyök, "Yei, gölmegö yañgiseñ aka misimkaulup ambazip, nöñön mönö nalö dawik embuk mala qatön enggubiga Anutu qahö möt narigetka sihimbölö mötmam? Nahöngi mönö wañgita ki kanöñ."

⁴² Morö mi wañgita kaiga nalö miangören mewöyök ömenön morö utuköba urepköm wañgiiga wölöhariyök. Mewö ahökmö, Jisösnön öme mi jim wañgii mosöri morö mem ölöwaka iwiñi wañgiyök.

⁴³ Anutugö kukösumñi ketañan mewö asuhuiga körekñan mi eka nemböñini teköi welipköget. Mewö.

Jisösnön kömumamgö buñaji jiiga yahöt ahök.

Mat 17.22-23; Mak 9.30-32

Jisösnön yuai pakpak mi meyöhi, miangöra ambazip körekñan welipkögetka Jisösnön nalö miangören gwarekurupñi keu kötni kewö jii mötket, ⁴⁴ "Keu ki mönö kezap ala mötme: Anutunön Suep gölmegö azi ölni mi gölme ambazip yengö böröñine al wañgii gema." ⁴⁵ Keu kötni mi jii mötketmö, mi qahö möt kutuget. Anutunön mi köl turui tölapñe ahöiga mi qahö möt asariget aka könañi denöwö, mi qesibingö kölköldömdöm aket. Mewö.

Gwarek sutñine dañön mutukñi akza?

Mat 18.1-5; Mak 9.33-37

⁴⁶ †Gwarek nengörenök 'Dañön öngöngöñi akza?' jiba keu mi mötmöriget. ⁴⁷ Mi mötmörigetmö, Jisösnön urumötmötñini möt kutuba namande morönji kun memba qöhöröñe ali kinök. ⁴⁸ †Kiniga kewö jii mötket, "Körek engörenök kunñan eretñi kondökñi akzawi, yañön mönö öngöngöñi akza. Miangöra kunñan namande ki nöngö qetne miriñe köl öröba köyan kölmawi, yañön mönö ni köl öröm niñgima. Kunñan ni köl öröm niñgimawi, yañön melaim niñgiyöhi, mönö i mewöyök köl öröm wañgima." Mewö.

Kunön keröki qahö, yañön mönö alagi akza.

Mak 9.38-40

⁴⁹ Nalö miangören Jonön könahiba keu kewö jiyök, "Ketañamni, azi kunñan göhö qetnön öme közöl enjiiga ehin. Yañön nembuk qahö liliköba maljawangöra nini i qetal wañgiin."

⁵⁰ Mewö jiyökmö, Jisösnön kewö jii mörök, "I kude qetal wañgime. Kunñan qahö qetal engimakzawi, yañön mönö engö areñnön malja. (Miangöra inini mönö nöngö alaurupni tosatñi mi qetala angösirip mem engibepuk.)" Mewö.

Samaria miri kun yeñön Jisös andö qeget.

⁵¹ Jisösnön Suepnön öngömamgö ahök. Miangö nalöni törizawangöra Jisösnön kinda "Jerusalem sitinön anmam," jiba jim köhöiba könahiba könanön anök. ⁵² Anda kolek qeljine aliga mutuk anget. Könanön anda mala Samaria prowinsgö miri kunön añgota "Jisösgöra mözöqözözöm akingöra kazin," jiget. ⁵³ Jiba angetka anökmö, "Ni Judia prowinsnön Jerusalem jike göröken anmam" jiiga miangöra miri añgön köla yaizözkök qahö jiget. ⁵⁴ †Mewö aketka gwarekyahötñi Jeims aka Jon yekñön mi eka jiyohot, "O Kembu, Suepnöhök könöp eta enggohoi qahöwakeak, mewö köuluköbingö mötzan me qahö?"

⁵⁵ Mewö jiyohotmö, Jisösnön lilingöba tembula jim etkiyök. ⁵⁶ Miangörenök toroqeba miri kunön anget. Mewö.

† 9.35 Ais 42.1; Mat 3.17; 12.18; Mak 1.11; Luk 3.22

†† 9.46 Luk 22.24 ‡ 9.48 Mat 10.40; Luk 10.16; Jon 13.20
‡† 9.54 2 Kirj 1.9-16

Jisös wuatangöbingö möndömöndö keunji

Mat 8.18-22

⁵⁷ Könanöŋ angetka azi kunŋan kaba Jisösgöra jiyök, “Gi denike denike anmani, nöŋön mönö miangöreŋ gi guatangöba kamam.”

⁵⁸ Mi möta Jisösnöŋ kewö jii mörök, “Arökŋangö kiam yeŋön köteŋine ahögetka könakemba nei yeŋön aipŋi-ni memba malakzemö, Suep gölmegö azi ölnan mönö denike anda nöörpŋi wani qömböŋnöŋ nariba luhut membawak.”

⁵⁹ Jisösnöŋ azi kungöra jiyök, “Gi kaba ni uatangö-man.” Jiyökmö, kewö melenök, “Kembu, mi ölöpmö, iwinan kömumamgö aiga mutuk jinöŋga anda galöm kölbi kömui löm kölbigin.”

⁶⁰ Mewö jiyökmö, Jisösnöŋ melenöda jiyök, “Mosöt-nöŋ! Köhömuŋi yeŋön qamötŋini köhömuŋi mi ölöp löm kölmemö, göŋön mönö anda Anutu bemtohoŋangö könaŋi jim asarim enggiba malman.”

⁶¹ †Kunbuk azi kunŋan kaŋgota jiyök, “Kembu, nöŋön gi guatangömamgö sihimni mötzalmö, mötnöŋ, gi ölöp jinöŋga mutuk mire anda tinitosolomurupni yaizözköŋŋi jibigin.”

⁶² Jiyökmö, Jisösnöŋ melenök, “Kunöŋ gölme mesiŋmesiŋgö kinöŋ mi hos andöŋe jöhöba böroŋan kinöŋ supŋe memba kini aniga dumŋe lilingöba andöŋe uzawi, yeŋön mönö Anutugö bemtohoŋnöŋ aŋgota nupŋi memawaŋgö dop qahö akza.” Mewö.

Jisösnöŋ gwarek 72 melaim engii anget.

Mat 9.37-38; 10.7-16

10 Miangö andöŋe Kembunöŋ gwarek tosatŋi 72 †† mi möwölöhöm engiyök. Nanŋak “Taonŋi taonŋi miriŋi miriŋi anmam,” jiba miangöreŋ yahöt yahöt meköba mutuk melaim engiyök. ² ††“Melaim engimam,” jiba kewö jii mötket, “Anutugö nupnöŋ nene ölni gwötpuk öliba ahözapmö, mi tokobingöra nup meme ambazip nini awamdökŋi maljin. Miangöra mönö nene öliöliŋangö Kembunŋi köuluköm waŋgigetka nup meme ambazip melaim engiiga ölni mem tokome.

³ ††“Injini mönö anme. Mötket, lama yeŋön arökŋangö kiam kalŋi yeŋgö sutŋine gegetka luhuba engöhöbepuk, nöŋön injini miangö tandök ewö melaim engibi anme. ⁴ ††Injini moner irimuŋga me gösö kun me köna esu mi kude memba anme. Anda könanöŋ ambazip engeka jiji-kilik-kilik yaizözkök kude akŋe.

⁵ “Anda miri kunöŋ öŋgöba mutuk kewö jime, ‘Anutunöŋ miri kiangöreŋ luai ali bönjöŋ malme.’ ⁶ Mewö jigetka kunŋan luai aŋgön kölmamgö dop akzawi ewö, luaininan mönö yeŋgö qakŋe öŋgömapmö, kunŋan mi qahö aŋgön kölma ewö, luaininan mönö lilingöba nanŋini qakŋine öŋgöma. ⁷ ††Miri öŋgömei, mönö miangöreŋök mala nup meme. Ambazipnöŋ nup meme ambazip malmalŋini nanŋömeaŋgö dop akze. Mi-

† 9.61 1 Kirj 19.20 †† Tosatŋan oyoŋda 70 jize. Tosatŋan 72 jize. † 10.2 Mat 9.37-38 †† 10.3 Mat 10.16 †† 10.4 Mat 10.7-14; Mak 6.8-11; Luk 9.3-5 ††† 10.7 1 Kor 9.14; 1 Tim 5.18

aŋgöra yeŋön nene aka o engime, mi mönö neme. Miri tosatŋe lanŋan kude ahöme. Miri suen kude anda kame.

⁸ “Taon miangöreŋ me miangöreŋ aŋgotketka köl öröba nene engime, mia mönö neme. ⁹ Nemba tosatŋan miangöreŋ kawöl engöhöi ahöme, i mönö mem ölöwak engime. Mewö aka kewö jiget mötme, ‘Anutugö bemtohoŋan mönö dowe kaiga miangö uruŋe aŋgotme.’ ¹⁰ ††Mewö akŋemö, taon kunöŋ aŋgotketka andö engumei, miangöreŋ mönö maketnöŋ me sombemnöŋ anda kewö jiget mötme,

¹¹ ‘Nini engö taonöŋ kainga sölbuham yuai köna tam-bönine mekötahözawi, mi mönö tim tönjöraringa nanŋine lilingöba gema. Gemapmö, keu ki mönö möt yaköme: Anutugö bemtohoŋan mönö kösutŋine asuhuza.’ ¹² †Nöŋön kewö jibi mötket: Anutunöŋ nalö ketanŋe qemasolokepŋinaŋgö likepŋi melenŋi taon miangö qakŋe öŋgömwawi, dop miangö mönö Sodom yeŋgö sihimbölä dopŋi oŋgita toroqem engima.” ††

Jisösnöŋ taon 3 yeŋgöra ‘Yei wösöbirik!’ jiyök.

Mat 11.20-24

¹³ ††“O Korazin tonŋi, nöŋön engöra ‘Ye!’ jiba sahötzal aka Betsaida tonŋi, engöra mewöyök ‘Ye!’ jiba sahötzal. Nöŋön yeŋgöreŋ anbiga keuni jibi sösonihii aŋgöletot-ni kukösumŋinambuk asuhugetmö, uruŋini töndup qahö melenget. Aŋgöletot mi kian gölmenöŋ Taiö aka Saidon sitinöŋ asuhubeak ewö, yeŋön mönö nalö köröpŋi uruŋini melenbingö kaisösöpŋi kondela dodohonöŋ aŋgömiriba kau ariba sahötpeak.

¹⁴ “Sahötpeakmö, Anutunöŋ könaŋgep Korazin aka Betsaida yeŋgö keunŋi jim teköba likepŋi melenŋi sihimbölä mötmei, nalö ketanŋi miangöreŋ mi mönö Taiö aka Saidon yeŋgö sihimbölä dopŋi oŋgita mötme. ¹⁵ ††Aka Kaperneam tonŋi, Anutunöŋ injini ölöp mem wahöt engii Suep mire öŋgöbeak me qahöpto? Qahöpmaöhöp! Injini mönö kömupkö senjom mire kölölohoba geme.

¹⁶ ††“Kunŋan keunŋi mötmawi, yeŋön mönö nöŋgö keuni mötma. Kunŋan andö engumawi, yeŋön mönö ni andö nuŋgumapmö, kunŋan ni andö nuŋgumawi, yeŋön melaim niŋgiyöhi, mönö i andö qema.” Mewö.

Gwarek 72 yeŋön lilingöba söŋgaiget.

¹⁷ Gwarek 72 †† yeŋön mala lilingöba kaba söŋgaiba kewö jiget, “Kembu, nini göhö qetke öme wörome jim kutum engiiga yeŋön mewöyök keunŋi bapŋe anda tököba anget.”

¹⁸ Mewö jigetka Jisösnöŋ melenök, “Nöŋön Satan kakögetka Suepnöhök luhuba wölbilik ewö aköba gei ehal. ¹⁹ ††Mötket, nöŋön kukösum engibiga injini ölöp

††† 10.10 Apo 13.51 § 10.12 Jen 19.24-28; Mat 11.24; 10.15 §† Sodom yeŋön bölöŋi kanŋamŋambuk memba mala uruŋini qahö melengetka Anutunöŋ könöpnöŋ ködenŋ engiyök. §†† 10.13 Ais 23.1-18; Eze 26.1-28.26; Joel 3.4-8; Amos 1.9-10; Zek 9.2-4 §† 10.15 Ais 14.13-15 §†† 10.16 Mat 10.40; Mak 9.37; Luk 9.48; Jon 13.20 §† Tosatŋan oyoŋda 70 jize. Tosatŋan 72 jize. §† 10.19 Sum 91.13

kitim soramen, skorpion (nendaŋ kömbukŋi pomemba) aka kerökninaŋgö ösum-mumuŋi jitŋambuk pak-pak tiget eriga luhut alme. Mianŋgöra yuai kunŋan qahö eŋgum mizit ak eŋgima.

²⁰ "Mianŋgöra ömewöröme yeŋön keunŋini bapŋe an-jemö, töndup eŋgöreŋ sösöŋgai bohonŋi mi mianŋgöra kude söŋgaime. Eŋgö qetŋini Suep mire ohoget Anutugö buknöŋ ahözawi, mianŋgöra mönö önöŋi qahö söŋgaime." Mewö.

Jisösnöŋ söŋgaiba Anutu möpöseiyök.

Mat 11.25-27; 13.16-17

²¹ Nalö mianŋgöreŋ Uŋa Töröŋan Jisös inahöm waŋgi-iga söŋgaiba keu kewö jiyök, "O Iwini, göŋön Buŋa keugi mötkutukutu ambazip mötmöt ketanŋi megeri, yeŋgöreŋ asambötnöŋmö, ambazip nahönbörat ewö nanŋinaŋgöra mötketka gukmaulem akzei, mi mönö yeŋgöreŋ indelnöŋga möt asarize. Mianŋgöra nöŋön Suep gölmegö Kembuŋi gi möpöseim gihizal. O Iwini, gi nangak mewö asuhumapköra mötnöŋ dop köli ölöwahök.

²² "Iwinan mönö yuai pakpak jim kutuiga nöŋgö buŋaya ahök. Iwinan Nahönŋaŋgö könaŋi nanŋök möt yaköiga kunŋan mi qahö mötza. Mewöyök kunŋan Iwiŋaŋgö könaŋi qahö möt yaköiga Nahönŋanök mi mötza aka ambazip möwölöhöm eŋgiba yeŋgöra mi indelmawi, yeŋön mönö Iwi möt waŋgime."

²³ Jisösnöŋ mewö jiba gwarekurupŋi yeŋgöreŋ lil-ingöba nanŋinök ölöŋ kewö jii mötket, "Iŋini yuai ek kutuzei, denike yeŋön mi ek kutuzei, yeŋön mönö jeŋinaŋgöra aka simbawoŋ akze. ²⁴ Mianŋgö könaŋi kewö: Nöŋön keu kewö jibi mötket, Kezapqetok ambazip aka kiŋ azi kembu gwötpukŋan iŋini yuai ki ekzei, mi ekingö awöweŋgöba malgetmö, mi qahö eket. Iŋini keu ki mötzei, yeŋön mi mötpingö awöweŋgöba malgetmö, mi qahö mötket." Mewö.

Jöjopaŋ keu bohonŋi yahöt mi denöwö?

Mat 22.34-40; Mak 12.28-31

²⁵ "Köna keugö böhi kunŋan wahöta Jisös bötak ala kewö qesim waŋgiba jiyök, "Böhi, nöŋön denöwö aka malmal kömbönaŋi teteköŋi qahö buŋa qem aŋgubilenŋak?" ²⁶ Jiiga Jisösnöŋ kewö melenŋa qesiyök, "Mosesgö Köna keunöŋ keu denöwö ohoget ahöza? Mianŋgö könaŋi denöwö?" ²⁷ "Qesiiga melenŋa jiyök, "Gi urugi jömukŋi, uŋagi jömukŋi, kuki jömukŋi aka mötmötki jömukŋi miaŋön mönö Kembu Anutugi jöpaköba malman," aka "Nangi jöpaköm aŋgumakzani, mewöŋanök mönö ambazip pakpak jöpaköm eŋgiba malman."

²⁸ "Jiiga Jisösnöŋ melenŋök, "Törörök melenŋan. Mi tem köla malmal kömbönaŋgö buŋaya akŋan."

²⁹ Mewö melenŋökmö, Köna keugö böhinöŋ 'Mi tem köla solanŋi akzal,' mewö mötmöröba könaŋamŋi kon-delmamgö möta Jisösgöra jiyök, "Ambazip sutŋine

mala korali, yeŋgöreŋök mönö dagöra jizan? Niŋia qahö jöpaköm waŋgibilenŋak?"

Samaria azinöŋ gurusep azi ak-kömum waŋgiyök.

³⁰ Mewö jiiga Jisösnöŋ melenŋa jiyök, "Azi kunŋan Jerusalem siti mosöta Jeriko mire geba könanöŋ kegwek-kahasililiŋ yeŋgö böröŋine gei meget. Memba inap yuaiŋi waŋgita oponŋi qeköba gurusep qeba gila angetka kömumamgö aka ahöyök. ³¹ Ahöba mamböri-ga jike nup galöm kunŋan köna miyök anda eka ek siriba köna likepŋeyök anda oŋgita anök. ³² Aniga mamböri jike nup azi (Liwait) kunŋan mianŋgöreŋ kaŋgota eka mewöŋanök ek siriba oŋgita anök. ³³ "Anökmö, Samaria prowinsgö azi kunŋan köna miyök anda ahöyöhi, mianŋgöreŋ aŋgota eka wösöŋi möta ehoriyök.

³⁴ "Ehoriba kösutŋe geba uziŋi kelök aka wain oŋan miriba esuhuyök. Uziŋi esuhuba memba kököbihiba donkiŋi qakŋe ala waŋgita qenjarök ahöahö mire anda ala köyan köl waŋgiyök. ³⁵ Köyan köl waŋgiba ahöba wahöta söŋanök silim yahötkö töwaŋi (Kina 10,-) uzeta qenjarök mirigö tonŋ waŋgiba jiyök, 'Azi ki mönö köyan köl waŋgiba malnöŋga moneŋ gihizali, mi kude dop köla oŋgitma ewö, mi mönö lilingöba kaba mianŋgöreŋ toroqeba gihimam.' ³⁶ Azi karöbut könaŋamŋini mewö kondelget. Azi kegwek-kahasililiŋ yeŋgö böröŋine geyöhi, waŋgö alaŋi daŋön ahök? Yeŋgöreŋök dagöra mötnöŋ, i uru kalem ak waŋgiyök?"

³⁷ Qesim waŋgiiga melenŋök, "Ak kömum waŋgiyöhi, waŋön." Mewö melenŋiga Jisösnöŋ jii mörök, "Gi mönö anda mewöŋanök aka malman." Mewö.

Jisösnöŋ Marta Maria yetpuk kusuk tarök.

³⁸ "Jisösnöŋ gwarekurupŋi yembuk könanöŋ angetka Kembuŋinan miri kunöŋ aŋgorök. Aŋgoriga ambi kun qetŋi Marta waŋön köl öröm waŋgii miriŋe öŋgöyök. ³⁹ Martagö munŋi qetŋi Maria malök. Waŋön Kembu eka könaŋi kösutŋe eta tata Buŋa keu jiyöhi, mi kezap ala mörök. ⁴⁰ Mörökmö, Martanöŋ lömbuaŋ nupnöŋ öroi anda kaba mökösususu aka Jisösgöra jiyök, "Kembu, munan nömosöri nanök welen nup membi mötnöŋ dop kölja me qahö? Mianŋgöra mönö Maria jinöŋga kaba bauköm niŋgima."

⁴¹ Jiiga Kembunöŋ melenŋa jii mörök, "Marta Marta, gi yuai könaŋi könaŋi mianŋgöra waimanŋat möta mötkurumkurum aka könöpŋambuk aka kinjan.

⁴² Mewö kinjanmö, waimanŋat mohok kun memba mem köhöininga dop köлма. Nini yuai sehisehiŋi miaŋgöra qahö osizin. Marianöŋ kewöta urugö likepŋi möhamgöm aŋgumamgö möwölöhöba simbawoŋ akza. Malmalgö bahöŋi ölöŋŋi mi kunŋan kun kude waŋgitma." Mewö.

† 10.22 Jon 3.35; 10.15 †† 10.25 Mat 22.35-40; Mak 12.28-34
‡ 10.27 Lew 19.18; Dut 6.5 †† 10.28 Lew 18.5

‡‡ 10.33 2 Hist 28.15 ††† Juda yeŋön Samaria ambazip jijiwilil ak eŋgizema. ††† 10.38 Jon 11.1

Jisösnöñ köulukö könañi kusum engiyök.

Mat 6.9-13; 7.7-11

11 Jisösnöñ miri kunöñ köuluköba mali teköiga gwarekurupñi yengörenök kunñan kewö jiyök, “Kembu, Jon O-melun azinöñ gwarekurupñi köulukö könañi kusum engiyöhi, gi mönö mewöñanök nini kusum nengiman.”

²Jiiga Jisösnöñ kewö jii mötket, “Injini köuluköbin jiba kewö jime:

Iwi, göhö qetkan mönö töröñi ahöma. Mönö galöm köl nenginöñga bemtohongahö ölni asuhuma. (Göhö jitsihitki Suepnöñ tem kölakzei, gölmenöñ mönö mewöñanök asuhuma.)

³Gi wehön dop nene dopnine nengiman.

⁴Tosatñan bölöñi ak nengigeri, nini körek yengö singgisöndokñini mosötzin ewö, gi mönö nengörenj singgisöndok sañgoñ nengiman.

Gi esapesapnöñ eta nengubapuköra angön köl nenggiba Bölöñi Toñangö böröñeyök meköm nengiman.” †

⁵Jisösnöñ toroqeba kewö jii mötket, “Engörenök kunñan suñgem bibiñe alañangö mire anda möndöba kewö jima, ‘Alani, beret karöbut niñginöñga likepñi bi-añ melenj gihibi. ⁶Alani kunñan könanöñ mala nöñgöreñ kanğoriga neneñamni qahöpköra gumohom wañgimamgö jaruzal.’ ⁷Mewö jii alañan miri uruñeyök kewö melenja jima, ‘Gi gaun gwölö ak nengizan. Ni nañgunji lök köl köhöibiga nahönböraturupnan nömbuk tumbulahöpnini tumbula gaun ahözin. Mianğöra wahöta mi gihimamgö osizal.’ ⁸Mewö jimapmö, nöñön jibi mötket: Miri toñan alañi akzawañgöra aka qahö wahöta wañgimapmö, mi töndup kapañ köla jiba kinjawañgöra mi ölop wahöta qesizawañgö dop körek wañgima.

⁹“Nöñön mianğö likepñi kewö jibi mötket: Mönö Anutu köuluköme. Köulukögetka enggima. Anutugörenj mönö yuaigö böröñan memba jarume. Mi jarugetka kondeliga miwikñaima. Kinda nañgunöñ qeme. Qegetka nañgu tal enggima. ¹⁰Kunñan Anutu köulukömakzawi, yañön mönö likepñi buña qem anguma, yuaigö jarumakzawañön mönö mi miwikñaima. Nañgunöñ qemakzawañgöra mönö nañgu öröm wañgima.

¹¹“Iwiurup engörenök dañön kewö akza: Nahöññan söragöra qesiiga salupñe qatö wañgima. ¹²me kuruk kötnangö qesiiga skorpion (nendañ kömbukñi pomemba) wañgima? ¹³Mewögöra injini ambazip bölöñi akze aka töndup kalem ölopñi ölopñi mi nahönböraturupñini enggibingö mötze ewö, Suep Iwinöñ mönö kalemñi denöwö angön kölbawak? Yañgö uruñangö ahakmemenji mi nengongita tandökñi kun akza. Mianğöra Uña Töröñangöra köuluköba qesim wañgime ewö, yañön mönö sihimñan i melaiiga uruñine gema.” Mewö.

Jisösnöñ öme yengö ösumñini ongita qei etza.

Mat 12.22-32; Mak 3.20-27

¹⁴Ömenöñ azi kun töñöt aka numbuñi jöhöiga mötök maliga Jisösnöñ ömenji mi wuatangöiga kota mosöri nesilamñan lolohoiga kunbuk keu jiyök. Keu jii-iga ambazip kambu yengön mi eka welipköget.

¹⁵†Welipkögetmö, yengörenök tosatñan kewö jigget, “Yañön mönö öme yengö kembuñini Katakömulat yañgö ösumnöñ ömewöröme enguatangömakza.”

¹⁶‡Mewö jiggetka tosatñan Jisös keugö bötaknöñ örömapköra esapköm wañgiba kewö qesiget, “Gi mönö jim kutunöñga Suepnöhök angöletot kun asuhuiga ekin.” ¹⁷Qesigetmö, yañön uru mötmötnjini möt teköba kewö jii mötket, “Kantri denike yengö galömurupñinan sutñine angururuk aka julmei, yengön mönö ayuhum angugetka kantrinñan bölöba sahopñanök ahöma. Mewöyök miri kungö könagesö yengön julmei, mirinñan mönö qeqelanlan ahöma.

¹⁸“Mötket! Satangö könagesö yengön mewöyök sutñine angururuk aka julbeak ewö, yengön mönö gawman nupñini memingö osigetka ömetohonñan mönö denöwö kinbawak? Injini nöñgöra kewö jize: Yañön Katakömulatkö ösumnöñ ömewöröme enguatangömakza. ¹⁹Mewö jizemö, mötket, nöñön Katakömulatkö ösumnöñ ömewöröme közöl enggibilenjak ewö, engö alaurupñinan mönö dagö ösumnöñ mi közöl enggibeak? Mianğöra yengön mönö keunji ölni me qahö, mi kewöta jim teköme. †‡²⁰ Mi jim tekömemö, Anutugö ösumñan nöñgö börö kesötñi sölölohöi öme enguatangömakzal ewö, Anutugö bemtohoñan mönö engörenj kam kuñguza.

²¹“Azi köhöikñan timbi liñgipñambuk miri gölmenji galöm meiga sukinapñan mönö kahaimök ahöma.

²²Mewö ahömapmö, azi köhöikñi kötökñan luhuba kababa luhut al wañgiba timbi liñgipñi nariyöhi, mi körek wañgita qezañga sukinapñi memba anda alaurupñi mendenj enggima.

²³‡“Kunñan nömbuk qahö maljawi, yañön mönö qetal niñgimakza. Kunñan ambazip nöñgö qetne tokomegöra qahö öröm enggimakzawi, yañön mönö mendenj enggimakza.” Mewö.

Öme yengön azi uruñe lilingöbingö kapañ kölje.

Mat 12.43-45

²⁴“Ömenöñ azi uruñeyök kota gölme qararañkölkölñe anda lañ liliköba mala luhut memamgö miri jaruba kun qahö miwikñaiaba ölan yöhöiga kewö jima, ‘Mirini mosöta kazali, mianğörenj mönö kunbuk lilingömmam.’ ²⁵Mewö jiba lilingöba mirinji usuñda meñölöi ahöyöhi, mi mewöñanök ahöi miwikñaima. ²⁶Mewö miwikñaiaba anda öme tosatñi 7

†† 11.15 Mat 9.34; 10.25 ‡ 11.16 Mat 12.38; 16.1; Mak 8.11

‡‡ Nannjini sile galömurupñinan Anutugö qetñi qeta töndup öme mi Katakömulatkö kukösumnöñ közöl engigetka nöñön mi Anutugö ösumnöñ közöl enggimakzal. Öroröñ qahö kinjinañgöra dañön ölni aka dañön keu munenji wuatangömakzawi, mi ambazipnöñ kewöta jim teköme. ‡‡ 11.23 Mak 9.40

† Tosatñan keu mi kewö melenja jimakze: bölöñeyök meköm nengiman.

enğuangitma. Öme 7 mi nanji onğita bölöni kötökni akze. Yanön mi enğuangiriga kaba miri mi onğöba mi-anğö uruñe malme. Mewö aiga azi miangö könani mutuk kilenkilen ahökmö, könangep bölüm qölim teköma." Mewö.

Denike yeñon simbawon akze?

²⁷ Jisösnön keu mewö jiba mali ambazip kambu sutñineyök ambi kunñan qeta Jisös kewö jii mörök, "Gömokni, ambinön gölöm ala gömimba juzu gumohom gihiyöhi, nöñon yanğö mötpi simbawon akza."²⁸ Mewö jiyökmö, Jisösnön kewö melenök, "Mi jizanmö, nöñon kewö jimam: Ambazip Anutugö keugöra kezap ala möta tem köla köl gulimakzei, yeñon mönön simbawon akze." Mewö.

Böhi tosatñan anğöletotköra kapan köla uletket.

Mak 8.11-12; Mat 12.38-42

²⁹ †Ambazip kambunön tokogetka qariiga Jisösnön toroqeba keu kewö jiyök, "Ambazip merak gölmenön maljei, mi kambu bölöña. Yeñon Anutugö aiwesökñangöra kapan kölakzemö, aiwesök kun kezapqetok azi Jonagöra lök asuhuyök. Anutunön aiwesök murutñi kun qahö al engima. ³⁰ ††Keu miangö könani kewö: Anutunön mönövök Jona melaiiga Niniwe yeñö sutñine anda Anutugö aiwesökñi ahök. Miangö dop Suep gölmegö azi ölñan mewöyök ambazip kambu kiangö sutñine asuhaba uruñini melenmegöra kungum engiba aiwesökñina akña.

³¹ ††Könangamñinangö kaisösöpñi kun kewö: Anutunön mönövök mötkutukutu onğöñgöñi ketani mi kiñ Solomon wanggiiga Saut görökenök kantri kungö qin ambinön Solomongö mötkutukutuñi mötmamgö sihimñi mörök. Sihimñi möta gölme görangeyök wahöta köna köröp tiñtiñi kaba mala Solomongö mötmötñi mörök. Mi mörökmö, mötket, nalö kewöñe nöñon sutñine asuhaba kinda Anutugöreñ mötkutukutu onğöñgöñi memba kazali, mi Solomongö mötkutukutuñi onğitza. Onğitzapmö, iñini töndup nesampurek ak niñgiba tönpin kingetka qahö dop kölja.

"Miangöra Anutunön könangep ambazip körek pakpak öröm engii keuñini jim tekömapköra jeñe anğotmei, nalö miangöreñ Saut kantrigö qin ambi miangön mönön mewöyök anğotma. Yanön ambazip kambu ki kinjei, embuk örörön kömupnöhök wahöta engö qöhöröñine mohotñe kinma. Mohotñe kinda keu kewö engö silenine alma, 'Iñini Jisös nesampurek ak wangigetka Anutunön likepñi melen engii sihimbölö onğöñgöñi mötme.' Yanön mewö jiiga silikñi kewöta nanñinangöra gamuñini mötme.

³² †††Jonanön Niniwe ambazip sutñine anda Anutugö keunön uruñini kungui möta miangöreñök uruñini melengetmö, mötket, nöñon sutñine asuhaba kinda Jonagö ahakmemenji onğita ahakzal. Mewö ahakzalmö, iñini töndup nesampurek ak niñgimakze.

Miangöra Niniwe ambazipnön jimtekötekögö nalö ketane ambazip kambu ki kinjei, embuk örörön kömupnöhök wahöta engö qöhöröñine mohotñe kinme. Mohotñe kinda Niniwe yeñon keu kewö engö silenine alma, 'Iñini Suep gölmegö azi ölñi nesampurek ak wangigetka Anutunön likepñi melen engii sihimbölö onğöñgöñi mötme.' Niniwe yeñon mewö jigetka ahakmemenjan nanñini könangamñini indelgetka gamuñini mötme." Mewö.

Kiwa mi asakñi nengimapköra ahöza.

Mat 5.15; 6.22-23; Mak 4.21-23

³³ ††Kunñan lambe me kiwa ohotiriba köwe wangömñe me kimbutnön qahö almapmö, mi mönön miangö dum tatatnön alma. Mewö ali tosatñan miri uruñe onğöbingö mötzei, yeñon miangö asakñi eka ölöp onğöme. ³⁴ Göhö jegi mi uru silegahö kiwanji akza. Miangöra kawöl kunön jegi qahö mem böliza ewö, miangön mönön tohoba asarim teköi Anutugö asakñan ölöp uruge mem asariiga malmalgi pakpak asakñe malman. Asakñe malmanmö, sihim kömbönani bölöñan me yuai kunñan jegi mem böliba asakñi közambötza ewö, miangön silegö malmalgi mewöyök mem söñauiga pandaman uruñe jipjap malman.

³⁵ "Mewö aiga mötnön, söñaupnön urugahö asakñi közamböri söñaubapuköra mönön tihitki möta galöm mem anğuman. ³⁶ Mewö aknönğa Anutugö asakñan urugi körek dop köli wangömñi kun qahö söñauza ewö, göhö silegan mönön mewöyök ason-kilik-kilikñambuk aka jemesoholgan asariza. Kiwa ketanjan silege kunguba kölköl-bilikbilikñambuk mem asarim gihizawi, malmalgi mönön miangö dop Anutugö asakñe al teköba malman." Mewö.

Urumelengö silesile tandököra 'Yei!' jiiga 6 ahök.

Mat 23.1-36; Mak 12.38-40; Luk 20.45-47

³⁷ Jisösnön keu mi jim teköi Farisi (Köna keugö kapankölköl) azi kunön kewö jiba köl öröm wangiyök, "Gi ölöp nöñgö mire onğöba tata nene nembin." Mewö jiiga anda onğöba nene nemamgö tarök. ³⁸ Mutuk böronji qahö sanğonda eta tarökmö, Farisi azinön silik mi eka welipköyök. ³⁹ Welipköiga Kembunön kewö jii mörök, "O Farisi iñini mönön ölña amöt qem anğubingöra qambi aka al nenegö silenji sanğon yakömakzemö, nanñini uruñinan mönön tölohoza. Mi dogo jimamon aka qewölon miangön kokolak qei malje.

⁴⁰ "O iñini, uruñini qahö. Kunön silenji pakpak miwikñaiyöhi, yanön mönön uruñi mewöyök miwikñaiyök me qahö? Iñini mönön wuanongöra uru likepñangöra tanqan akze? Mi qahö dop kölja. ⁴¹ Miangöra yuai kiwi al nenenön tatzawi, mi mönön kalema ambazip wanapñi engime. Mewö aketka Anutunön amöt qem engii engöreñ yuai pakpak mönön sarakñi ahöma." Mewö.

⁴² †††O Farisi ambazip, lömböt qakñine onğöza-wangöra mönön wöziköba 'Yei!' jizal. Iñini nene pakpak mendenña bahöñi 10 miangöreñök mohot Anutugö

† 11.29 Mat 16.4; Mak 8.12 †† 11.30 Jona 3.4 † 11.31 1 Kir 10.1-10; 2 Hist 9.1-12 †† 11.32 Jona 3.5

†† 11.33 Mat 5.15; Mak 4.21; Luk 8.16 ††† 11.42 Lew 27.30

buñaya qemakze. Gipñi, supe aka yöha könañi könañi mi mewöyök menđenda tenöhök mohot mi Anutugö buña qemakze. Naluk mi törörök alakzemö, Köna keugö kötnji bohonji ki mönö ongita mosörakze: Gi Anutu uru könömgan jöpaköm wanjiman aka ambazip sutñine ahakmeme diñdini wuatangöba malman. Keu bohonji mi mönö kapañ köla wuatangöba malme aka keu morömorö mi mewöyök kude ongita mosötme.

⁴³ "O Farisi, lömböt qakñine öngözawangöra mönö wölziköba 'Yeil!' jizal. Injini köuluk mire dum tatat mutukñe jegep tatpingö sihimñi mörakze. Maketnön me könanön ambazip engeketa jölönjini jimegö mörakze.

⁴⁴ O injini, lömböt qakñine öngözawangöra wölziköba 'Yeil!' jizal. Injini qaksiri qetñini qahö miangö dop akze. Ambazipnön qamöt wörönjambuk denike ahözawi, mi qahö möta qakñine lanlan tiba yuai dönqizinnambuk oseiba tölohomakze." Mewö.

⁴⁵ Jisösnön keu mewö jiiga Köna keugö böhi yengörenök kunñan möta melenja kewö jiyök, "Böhi, gi keu mewö jiba nini mewöyök gamu qem nengizan."

⁴⁶ Mewö jiyökmö, Jisösnön keu kewö jiyök, "O Köna keugö böhi, engö qakñine mewöyök lömböt öngözawangöra wölziköba 'Yeil!' jizal. Injini keunji keunji jim kutuba miangö könjön lömbötñi ambazip qakñine alagun algetka mi tem kölböngö lömböriiga jaranbaran ahakzemö, nanñinak i kesötñinan borom kun bauköm engibingö wösömötmötñini kun qahö ahöza.

⁴⁷ "O injini, lömböt qakñine öngözawangöra mönö wölziköba 'Yeil!' jizal. Injini kezapqetok ambazip yengö qaksirinön simen kouw memba menjölömakzemö, nanñini amböskonñinan mönö i enguget kömuget.

⁴⁸ Nanñini amböskonñinan kezapqetok ambazip enguget kömugetka injini yengö qaksiriñine kouw memba simen alakze. Mewö aka mianjön amböskonñini yengö ahakmemegöra imbi köla keunji nanngöba jiba dangunu ewö kinje.

⁴⁹ "Miangöra Anutu, mötkutukutu Tonji yanjön kewö jiza, 'Nönjön kezapqetok ambazip aka aposol melaim engibi engören kame. Kagetka yengörenök tosatñi i enguget kömume aka tosatñi sesewerowero ak engime.'

⁵⁰ "Anutunön Suet gölme miwikñaim etkiyöhi, nalö miangörenök könahiba kezapqetok ambazip engugetka sepñini mokoget eri, miangö sep kitipñi pakpak mi ambazip merak maljei, mönö engö qakñine öngöi sihimbölö mötme. ⁵¹ †Abelgö sepñan eri miangörenök könahiba enguba kota mala Zekaraia jöwöwöl alta aka jöwöwöl jike kömbukñi mietkö sutñire qeget sepñi eri miangören teköyök. Nönjön keu kewö jibi mötme: Sepñinangö kitipñan mönö ambazip merak maljei, engö qakñine öngöiga sihimbölö mötme.

⁵² "O Köna keugö böhi injini, lömböt qakñine öngözawangöra mönö wölziköba 'Yeil!' jizal. Injini Anutugö mötmöt membingö nanju ki moröñi mi ambazip enguangita angön köl engimakze. Nanñinak miangö uruñe qahö angotket aka tosatñan miangö uruñe an-

gotpingö akzei, injini i jöhöba angön köl engiba malget."

⁵³ Jisösnön keu mewö jiba mosöta ani Köna keugö böhi aka Farisi yanjön könahiba keu könöpñambuk jim wanjiba keu könañi könañi jimapkö qeqesi gwötpuk al wangiget. ⁵⁴ Al wangigetka numbuñeyök keu kun qi-witipköiga mianjön köpeiba keugö bötaknön örömapköra mönöget. Mewö.

Urumelengö silesile malmalgö galöm meme keu

Mat 10.26-27

12 †Jisösnön keunji jiiga nalö sutñe miangören ambazip tausenni tausenni yangören tokoba ölöqöloköba utakutal anguba kinget. Mewö aka kingetka könahiba gwarekurupñi kewö jii mötket, "Yuai mutukñi ki: Injini mönö Farisi (Köna keugö kapankölköl) yengö urumelengö silesile ahakmemenjanangöra galömñini meme. Mi wösö kömbukñi ewö akza. Mi qahö mosötme ewö, mianjön mönö yist ewö qariba mem bölim engima.

² †Ambazipnön yuai önun meget ahözawi, mi pakpak mönö kötulgetka aukñe ahuma. Mewöñanök keu asambötket ahözawi, mi pakpak mönö indelgetka möt kutume. ³ Miangöra mönö keunjanangö galöm memba malme. Injini keu söñapnön ölöñ jimei, mi mönö asakñe jigetka mötme. Injini miri uruñe wangömnji kungen sañepnön kezapñine jimei, mi sobemñön aukñe jim asarime." Mewö.

Dagöra kengötnini mörin dop kölma.

Mat 10.28-31

⁴ "Alaurupni nönjön engöra kewö jibi mötme: Tosatñan silenjini qem kömumba miangö andöñe yuai kun toroqeba akingö osimei, yengöra mönö kengötnini kude möta malme. ⁵ Mi qahöpmö, dagöra kengötnini mötketka dop kölmawi, nönjön mi kondel engimam. Kun danjön kukösum memba engui kömugetka tötal engii könöp sianön gemei, yangöra mönö kengötnini möta malme. Engöra keu mi kunbuk jizal: yangöra mönö kengötnini möta malme!

⁶ "Tosatñan bekösöm (jöröm, ulisit) 5 mi toiya yahötñan söngöröñi memegöra alakzemö, Anutunön mienjörenök mohok-kungö qahö ölum qeyök. ⁷ Anutunön köyan köl engiba nörop junñini pakpak mewöyök oyon teköba janjönjini mötza. Ambazip engö söngöröñini mi bekösöm ulisit gwötpuk engongita öngöngöñi akza. Miangöra kengötnini mönö kude möta malme." Mewö.

Kraist jim miwikñaim me qan kölme?

Mat 10.32-33; 12.32; 10.19-20

⁸ "Nönjön keu kun jibi mötket: Kunñan ni ambazip jeñine jim miwikñaim niñgimawi, Suet gölmegö azi öñan mönö mewöñanök i Anutugö garataurup yengö jeñine jim miwikñaima. ⁹ Mewömö, kunñan ni ambazip

† 11.51 Jen 4.8; 2 Hist 24.20-21

†† 12.1 Mat 16.6; Mak 8.15 † 12.2 Mak 4.22; Luk 8.17

jeñine qañ köl niñgimawi, nõñõn mõnõ mewõñanõk i Anutugõ garataurup yeñgõ jeñine qañ kõlmam.

¹⁰ †Kunñan Suep gölmegeõ azi õlñi qetala keu jimawi, Anutunõñ mi õlõp mosõtmapmõ, kunñan Uña Tõrõñi ilita mepaqepaik akñawi, yañgõ siñgisõndokñi mi Anutunõñ qahõ mosõtma.

¹¹ ††Ambazipnõñ iñini õrõba keu jakeñine al engigetka kõuluk miriñine me kiap premiõ aka kantriñi kantriñi miengõ kiñ kembu yeñgõ jemesoholñine kinmei, nalõ miangõreñ keuñinañgõ likepñi wani keuya denõwõ jibinak miangõ waimanjatñi kude mõtme.

¹² Mi kewõgõra: Iñini keu jime, mi Uña Tõrõñan aua miangõreñõk kusum engiiga jime.” Mewõ.

Nepaqepalok azi pomñangõ dopkeu

¹³ Ambazip kambu sutñineyõk azi kunñan Jisõsgõ jiyõk, “Bõhi, iwiniran kõmuiga gi mõnõ datnañgõ jinõñga iwinirañgõreñ bõrõsamotñi mendenða niñgima.”

¹⁴ Mewõ jiyõkmõ, Jisõsnõñ kewõ melen wañgiyõk, “O azi, dañõn etkõ jimtekõtekõ tonñiri akñamgõra kuñgum niñgiyõha gölmeñiri mendenbilenak?” ¹⁵ Mewõ jiba keu kewõ toroqeyõk, “Inap ainemalukuñinan awamñanõk me kelermaleleñ ahõbawak, malmalñinañgõ kõnañi mi miangõreñ qahõ ahõza. Malmalñini qahõ kewõta moner sukinapnõñ mõndõme ewõ, mõnõ ayuhume. Miangõra membagan membengõ nepaqepalok (gridi) pakpakõra mõnõ galõmñini memba malme.”

¹⁶ Mewõ jiba dopkeu kun kewõ jii mõtket, “Azi pomñi kun malõk. Yañõn gölmeñe nene nupñi meiga tõhõt-mõriam ketañi asuhuyõk. ¹⁷ Mi asuhiiga uruñan kewõ mõtmõriba jiyõk, ‘Nõñgõ kõwe mirini mi morõrõkñi. Miangõra padi gõsõñi gõsõñi, koñ kambuñi kambuñi, sehoñ bõranñi bõranñi mi mõnõ denikeangõreñ tokobilenak? Mõnõ denõwõ akñamto?’ ¹⁸ Mewõ jiba jiyõk, ‘Mõnõ kewõ akñam: Ni kõwe mirini kõndenða salupñe kõwe miri ketañi ketañi memam. Mi memba nene tõhõt-mõriamni aka sukinapni pakpak mõnõ miangõreñ qezakõbi tatma. ¹⁹ Miangõreñ tariga nanangõra kewõ jimam: O gi simbawoñ! Tõhõt-mõriamgi mõnõ awamñi qahõ ahõm gihiza. Miangõra mõnõ nene nem sõñgaiba yambuñi yambuñi siyoñsayoñi qahõ luhut memba õsõñ malman.’ ²⁰ Mewõ jiyõkmõ, Anutunõñ kewõ jii mõrõk, ‘O gi, urugi qahõ! Nõñõn nalõgi ala jim tekõba uñagi suñgem kiangõreñõk goañgitpiga kõmuman. Kõmunõñga õroyuai pakpak buña qem añguba malnõñi, mi mõnõ dagõ buñaya akñapto?’

²¹ “Kunñan nanñangõra ainemaluku guli dõtnam yuai tokomakzapmõ, Anutugõ qõhõrõñe urugõ tõhõt-mõriamñi qahõ ahõm wañgizawi, yañgõra mõnõ lõmbõt ketañi mewõ asuhuma.” Mewõ.

Anutu mõt nariba waimanjat kude akñe.

Mat 6.25-34

²² Jisõsnõñ gwarekurupñi kewõ jii mõtket, “Mewõ asuhumapmõ, nõñõn engõra kewõ jibi mõtket: Iñini gölmenõñ malmeangõ waimanjatñi mi kewõ jiba kude akñe: Nini mõnõ wanat yuainõñ gumohom añgubinak aka wanatnõñ sileninañgõ lõngõtpinak? ²³ Sileninañbuk maljei, miangõn bohõñi aiga opo kereñnõñ mõnõ miangõ nembõ bapñe ahõza. Jeñinambuk maljei, miangõn bohõñi aiga nenenõñ mõnõ miangõ nembõ bapñe ahõza.

²⁴ “Mõnõ koekoe nei engekñe: Miengõn nene kõtñi qahõ qesiñ gilakze. Padi õlñi qahõ yandiba kõwe miriñine qahõ tokomakze. Yõha sihiñini mi qekõm nemi mirinõñ qahõ alakze aka Anutunõñ mi tõndup i gumohom engimakza. Ambazip engõ sõñgõrõñini mi nei sõñgõrõñini engõñgita õñgõba ahõza. Mõnõ mi mõtmõriget anõk.

²⁵ “Engõreñõk kunñan waimanjat aka mewõ miangõn gölmenõñ malmawañgõ nalõñi mi sõmañi mohotkõ dop mem toroqema me qahõ? Mi qahõpmahõp! †

²⁶ “Mewõ aiga yuai morõrõkñi mewõ akingõ osime ewõ, yuai tosatñi pakpakõra mõnõ denõwõgõra waimanjat akeak? ²⁷ †Iñini mõnõ jariñ jurañi akõdamunñinambuk mi engekñe: Miengõn opo sõrõñinañgõra mõt qahõ lõngalakze. Nup yuai tosatñi kun qahõ memakze aka mi tõndup kewõ jibi mõtket: Kiñ Solomonõñ goul silwõñi qerakõba malukuñi asoñ-bilikbilikñambuk lõngõta malõkmõ, yañgõ malukuñi mi kiteñ soranjiñgõ dop eksihimñambuk qahõ ahõyõk.

²⁸ “Jariñ jurañi tõhõn mi merak gölmenõñ kõsutnine ahõi uran kõlgetka eri gila qezakõba ohoget jema. Mi tõndup Anutunõñ jurañi mewõñi kun mi tok õlõpñanõk meñõlõmakza. Miangõra yañõn iñini mewõyõk õlõp esuhum enggima. Iñini jariñ jurañi miangõ dop qahõ akze. Anutunõñ kõyan köl engimamgõ mõtzawi, sihimñi miangõn mõnõ yuai pakpak engõñgita õñgõza. O ambazip, mõtnariññinan mõnõ wuanõñgõra morõrõkñi akza?

²⁹ “Mewõ aiga iñini mewõyõk malmalñinañgõra mõtkurumkurum kude akñe. Mi aka lõmbõriba kewõ jibepuk, ‘Nini mõnõ wani nene aka wani o nembinak?’ Mewõ jiba uruñini miangõreñ kude ala urueret aka urukõnõpuk miwikñaiabepuk. ³⁰ Kantri dop urumelenõgõ kopa yeñõn yuai mewõñi pakpak buña qem añgubingõ kapañ kõla urukõnõp ahakze. Mi ahakzemõ, iñini nene opo yuaigõra mõzõrõñgõba osizei, Iwiñinan mõnõ mi mõt tekõza. ³¹ Miangõ urukõnõp kude akñemõ, mõnõ Anutugõ bemtohoñnõñ añgotpingõ kapañ kõlme. Uruñini miangõreñ alget ahõiga yañõn mõnõ galõm köl enggiba yuai mewõñi mi mewõñanõk toroqem enggima.” Mewõ.

† 12.10 Mat 12.32; Mak 3.29 †† 12.11 Mat 10.19-20; Mak 13.11; Luk 21.14-15

‡ Tosatñan kewõ melenða jize: Engõreñõk kunñan waimanjat aka mewõ miangõn sileñi wan fitkõ dop toroqema mem kõrimamgõ osima. †† 12.27 1 Kiñ 10.4-7; 2 Hist 9.3-6

Bunjanini Suepnöy me gölmenöy tokoinga dop kölja?

Mat 6.19-21

³² "O kambuni morörökni, Iwininan bemtohoj al engimamgö mötzawangöra mönö kenggötjini kude möta malme. ³³ Gölmegö monej inapni mi kapañ köla qeraköbepuk. Miangöra yuai ahöm engizawi, mi mönö söngöröngangö ala monej öröba bahöñ ambazip wanapni kalemjinaangöra engime. Mewö aketka qet-bunjanini guli dötnam ewö mi Suep mire ahöba sehiba kude qahöwakña. Monej gösöñini qainni kun mi Suep miangöreñ qahö bölime. Gurem jijilukut aka yongorö meme yeñon mönö eu öngöba yuai mem bölibingö osime.

³⁴ "Yuaigöra aködamunni memba mötnöy öngözawi, mianjön miri kungen ahöiga göñon mönö urugi mewöyök miangöreñ qekötahöba malman." Mewö.

Urugwölö mala nup megetka dop kölma.

³⁵ †Injini mönö Anutugö nupni memingöra jöjöröba opo söronjini jöhöm yaköba aködamunjinambuk kin-da urujinaangö kiwanan ohotirigetka jeiga malme. ³⁶ ††Mi kiangö dop: Miri tonji kun mi ambazip amemegö lömbuanñon kaba söngaingöra öröm wangigetka anök. Miangöreñ ani moröurupñan mire tata lilingömapköra jeñinan yaigep uba 'Kiñsiñ-pañsañ!' jiba kapañ köla mambötze. Mamböta malgetka yanjön nalö miangöreñ me miangöreñ kangota nangunöy qe-bawak, yeñon mönö miangöreñök nangü örögetka kotma. Injini mönö morö miengö dop aka jöjöröba malme.

³⁷ "Kembunöy lilingöba kaiga nup memeurupni tosatñan urugwölö malgetka mewö miwikñaim engimawi, yeñon mönö simbawoñ akze. Nöñon ölna kewö jibi mötket: Yanjön kangota tokom engiba nene dum-nöy ali tatketka nene gumohom engimamgö jöjöröm anguba welen qem engima. ³⁸ Yanjön ömbibiñe me miri awörañgöiga miangöreñ lilingöi tosatñan urugwölö malgetka miwikñaim engimawi, yeñon mönö simbawoñ akze.

³⁹ ††Gwölö malbingö keu ki mönö ölop mötmörime: Sungem aiga kegwek azinöy wanat nalönöy me auanöy kamawi, miri tonjan mi mötpawak ewö, yanjön mönö gwölö mala miriñ ölop galöm meiga qesiñda öngömamgö osima. ⁴⁰ Injini 'Suep gölmegö azi ölnan nalö kiangöreñ qahö kangotma,' jiba mötmörime, yanjön mönö nalö miangöreñök kangotma. Miangöra injini mewöyök jöjöröba malme." Mewö.

Nup azinöy silekmalek mala ayuhuyök.

Mat 24.45-51

⁴¹ Jisösnöy keu mewö jii Pitönöy qesiyök, "Kembu, gi dopkeu ki mi nengöra me ambazip tosatñi pakpak yengöra mohok jizan?"

⁴² Mewö qesii Kembunöy jiyök, "Nup meme ambazip sutñine danjön tiñ kutuba tosatñi engongitza? Tosatñan sörrauba nup mosötketka kunjan mötku-tukutu ölpöñangö qakne kapañ köla pöndañ memakzawi, yanjön mönö simbawoñ akza. Miri tonjan ahakmemeñ kewöta eka kungen anda miriñangö öröyuañi mi yanjögö böröñe ali galöm akña. Galöm aka welenqequeurupni jiyöhangö dop köyan köla nalö diñdiñe gumohom engimakña. ⁴³ Mewö köyan köl engiba maliga tonjan lilingöba kaba mewö eka mönö simbawoñ jima.

⁴⁴ "Nöñon keu ölni kun kewö jibi mötket: Tonjan simbawoñ jiba sukinapni pakpakö galömni kungum wangima. ⁴⁵ Kungum wangimamö, nup meme okonni yanjön uruñan mötmöriba kewö jima ewö, 'Kembunangö kaka nalöñan mönö köröpni ahöza.' Mewö jiba könahiba nup meme ambazipurupni engum ureiba közölömbuan ala söngaija o köhöikni namba uruñi sohoiga engololoñ silekmalek aka malma. ⁴⁶ Mewö mala nalö kunöy Kembunöy kangotmapköra qahö mambötma, mönö miangöreñ kangotma. Nalögöra ikmaok injululuñ mali mönö aua miangöreñ kangota qeba yañapaleñ mem wangiba jim kutuiga qegetal ambazip ewö könöp sianöy geba sihimbölö mötma.

⁴⁷ "Nup meme kunjan Kembunangö jitsihitni möt yaköyökmö, keu areñi jiyöhangö dop qahö jöjöröm anguba nupni memba malöhi, Kembunjan miangö likepni jiiga jöhöba ihileknöy ambemni gwötpuk qeaköba qeme. ⁴⁸ Mewö qememö, nup meme azi kunjan Kembunangö jitsihitni qahö möt yaköba yuai aka meiga likepni ölop jiget ihileknöy qemeangö dop akzawi, Kembunöy miangö likepni jiiga amqeqeni qeme. Anutunöy kungöra yuai gwötpuk wangiyöhi, yanjön mönö mi mem sehiiga ölni gwötpuk ahumapköra al mambötma. Anutunöy kungöra yuaigö warökni sehisehiñi al wangiyöhi, yanjön mönö mi mem sehiiga ölni sehisehiñi ahui meler wangimapaköra qesima." Mewö.

Jisösnöy könöp bölam memba eri denjök.

Mat 10.34-36

⁴⁹ "Nöñon gölmenöy könöp ala ubi jemapaköra etpiga urusihimni miangö bölamñan lök jeyöhangöra ahöza. ⁵⁰ ††Ahözapmö, mi 'Ala umam,' jibi sihimbölö gwötpuk mi nöngö qakne öngöba mösölumgöm niñgimamgö akña. Anutunöy mewö mianjön melun murutñi mem niñgima. O ni wahöjalij ketanj möta malbi mem niñgi miangöreñ teköma. ⁵¹ Kewö mötmöríbepuk: Jisösnöy luai qemamgöra aka gölmenöy erök. Nöñon kewö jibi mötket: Nöñon luai qemamgöra qahöpmö, nöngöra aka jula dengetka köñ jabö ahuma.

⁵² "Mi kewögöra jizal: Nöngö Buña keunan ambazip urujini kungui melengerangöra nalö kewöneyök könahiba kewö asuhuma: Miri kungö uruñe ambazip 5 yeñon sutñine angururuk aka julme. Likep karöbut yeñon yahöt yetpuk angururuk aketka likep yahöt

† 12.35 Mat 25.1-13 †† 12.36 Mak 13.34-36 ‡ 12.39 Mat 24.43-44

†† 12.50 Mak 10.38

yetkön karöbut yembuk jujul aka malme. ⁵³ †Iwi morö yetkön jula kerök-kerök ahotka nam morö yetkön total angyuyohotka iranjan iranji qetala julmahot." Mewö.

Nalö maljini, mi möt kewötme.

Mat 16.2-3

⁵⁴ Jisösnöñ toroqeba ambazip kambu yengöra kewö jii mötket, "Wehön gegene miri böuleiba kousu töwi-iga injini mi eka miangörenök 'Kie kama,' jimakze. Mewö jigetka kama. ⁵⁵ Saut görökenök luhut giliga eka möta kewö jimakze, 'Miri könöpñambuk akña.' Jigetka miangö dop akña. ⁵⁶ O urumelengö silesile ambazip, injini suep gölmegö tandökñiri eka kie wehögö könanji ölop kewörakzemö, nalö ki maljini, miangö könanji qahö kewöta möt kutugetka qahö dop kölja." Mewö.

Angururukñini mindingögetka solanima.

Mat 5.25-26

⁵⁷ "Injini 'Yuai diñdini mi denöwö akin,' jiba miangö könanji mi denöwögöra aka nanjinak qahö kewöta jim tekömakze? Mi qahö dop kölja. ⁵⁸ Kerökan silege ala keu jakeñe öröm gihimamgö aiga jimtekötekö galömgöreñ anda köna namñe miangöreñ mönö kapañ köla imbi mohok aka keunji jim solanimahot. Mewö qahö akñahot ewö, kerökan ölop örörahöm gihiiga (jas, majistreit) jimtekötekö toñangö jeñe angot-nöñga möta jii opotöröpkö böröñe genöñga kösö mire al gihibapuk. ⁵⁹ Nöñön kewö jibi mötnöñ, Gi miangöreñ töwagi pakpak almanangö dop qaköba tatman. Toiyagi kondikñi mewöyök al teköbagun mönö töwagi memba etman." Mewö.

Uruñini melenget me kömumba ayuhuget.

13 Nalö miangöreñök tosatñan kanjuta Jisös kösohot kewö jiget mörök, "Galili ambazip tosatñan Jerusalem jikenöñ jöwöwöl ohogetka premiö Pailötnöñ jiiga suahö galömurupñan miangöreñ öñgöba engum kömugetka sepñini eta lama bulmakau sepñinambuk lolonqalon ahök."

² Mewö jigetka melenđa kewö jii mötket, "Injini miangöra kewö mötmöríbepuk: Galili ambazip mienñon Galili ambazip tosatñi pakpak engongita siñgisöndok aka malgerangöra sihimbölö mi mötket. ³ Mewö qahöpmö, nöñön kewö jibi mötket: Injini uruñini qahö melenđe ewö, injini körekñan mönö mewöyök ayuhum teköme. ⁴ Me miri qetñi Siloam miangöreñ miri köröñji kunñan eta köla ambazip 18 turum engii kömugeri, injini yengöra kewö mötmöríbepuk: Yeñon Jerusalem könagesö tosatñi pakpak engongita siñgisöndok aka keunjinambuk malget. ⁵ Qahöpmö, nöñön kewö jibi mötket: Injini uruñini qahö melenđe ewö, injini körekñan mönö mewöyök ayuhum teköme." Mewö.

Muli ip gorosonñangö dopkeu

⁶ Jisösnöñ dopkeu kun kewö jiyök, "Azi kunñan muli ip kömöri nupñe kota kini miangö ölnji jarumamgö anökmö, kun qahö miwikñaiyök. ⁷ Qahö miwikñaiiba nup galömnangöra jiyök, 'Mötnöñ, nöñön muli ip kianğö ölnji yambu (yara) karöbutkö dop kaba jaruyalmö, kun qahö miwikñaiial. Miangöra mi mönö wuanöngöra toroqeba gölmegö kelökñi önewat öroi sihitñanök akapuk. Miangöra mi mönö köla gilmöñ anma.' ⁸ Toñan mewö jiyökmö, galömnöñ melenđa jii mörök, 'O azi kembuni, mi ölop mosötnöñga yambu (yara) ki kunbuk kinma. Nöñön nalö sutñe kianğöreñ kinöñnöñ gölme esiba kundupköba isonbason ala liliköbi kelökñambuk akña. ⁹ Nöñön mewö akiga yambu (yara) andöñe miangö ölnji ölop ahubawak. Mi qahö ahuma ewö, mi ölop kölman.'" Mewö.

Jisösnöñ Sabat kendonöñ ambi kun mem ölöwahök.

¹⁰ Jisösnöñ Sabat kendonöñ köuluk miri kunöñ öñgöba Buña keu kusum engiyök. ¹¹ Miangöreñ ambi kun tarök. Ömenöñ yambu (yara) 18 miangö dop mem löwörim wanggiiga könisemñi milipköiga qötöteimamgö osiba tata malök. ¹² Jisösnöñ ambi mi eka oholi kaiga kewö jii mörök, "Ambi, eksekpeksek kawölğan mönö gömosöri ölöwakzan." ¹³ Mewö jiba böröñi nöropñe ali miangöreñök qötöteiba Anutu möpöseim wangiyök.

¹⁴ ††Möpöseim wangiyökmö, Jisösnöñ Sabat kendonöñ ambi mi mem ölöwahöhi, köuluk mirigö galömnñan mi eka miangöra möri bölii keu könahiba ambazip kambu yengöra jiyök, "Nup memegö nalö 6 ahözawi, miangöreñ mönö kaba mem ölöwak engimapköra jime. Mi Sabat kendonöñ qahö."

¹⁵ Mewö jiyökmö, Kembunöñ melenđa kewö jiyök, "O urumelengö silesile ambazip! Injini pakpak bulmakau azinjini me doñkiñini mi Sabat kendonöñ mireyök pösata enguangitketka onöñ anda nemakze me qahö? Engöreñök kunöñ mi qahö angön köl engimakza.

¹⁶ Mötket! Ambi kianğon Abrahamgö gwölöñaröha aiga Satanöñ jöhöm wangii yambu (yara) köröñji 18:gö dop maliga nöñön kösöñi mi Sabat kendonöñ pösatpi dop köl engiza me qahö?" ¹⁷ Mewö jiiga tuarenjoñrupñi pakpak yeñon gamuñini mötket aka ambazip kambu pakpak yeñon angöletot wewelipñambuk meyöhi, mi pakpak eka möta söñgaiget. Mewö.

Nejoñ kötnangö dopkeu

Mat 13.31-32, 34; Mak 4.30-32

¹⁸ Jisösnöñ dopkeu kun kewö jiyök, "Anutugö bemtohoñangö könanji mi denöwö? Mi wanatpuk dop al-bilenak? ¹⁹ Mi nejoñ kötnangö dop kewö akza: Azi kunñan mi memba nupñe anda esiiga wahöta qariba ip ahök. Ip aiga könakemba neiñi neiñi mienñon aipñini ip miangö böröñe alget." Mewö.

† 12.53 Mai 7.6

†† 13.14 Eks 20.9-10; Dut 5.13-14

Yistkö dopkeu

Mat 13.33

²⁰ Jisösnöñ dumñe kunbuk dopkeu kun kewö jiyök, "Anutugö bemtohoñi mi wanat yuaibuk dop albilenjak?"
²¹ Mi yist me flaua mem qariqarigö dop kewö akza: Ambi kunñan 'Beret ohomam,' jiba yist memba flaua könde karöbut miangöreñ mindiriba melenqelenj aka anda anda tari körekñanök qariyök." Mewö.

Mönö nañgu giwikñe jaram tiba añgotme.

Mat 7.13-14, 21-23

²² Jisösnöñ anda taonñi taonñi aka miriñi miriñi miangöreñ Buña kusum engiba anda mala Jerusalem sitinöñ göröken anök. ²³ Ani kunñan kewö qesim wañgiyök, "Kembu, uruñini melenqet Anutunöñ amöt qem engii letotmei, mi ambazip awamdökña me denöwö?" Qesim wañgii kewö jii mötket,

²⁴ "Iñini mönö nañgu giwikñe añgotpingö jaram tiba aum-mörime. Nöñön kewö jibi mötket: Ambazip gwötpukñan Anutugö bemtohoñ uruñe añgotpingö esapkömömö, mi osime. ²⁵ Könañgep miri toñan wahöta nañgu köligun iñini nalö miangöreñ könahiba yaigep kinda nañgunöñ qeba kewö jime, 'Kembu, mönö nañgu öröm neñginöñ.' Mewö jigetka melenqda kewö jii mötme, 'Ni qahö möt engizal. Iñini denikegöra, mi qahö mötzal.' ²⁶ Mewö jiiga iñini miangöreñök könahiba kewö jime, 'Neñön mönö göbuk köisirik tata nene nein. Göñön mönö liliköba neñgö sombemnöñ Buña kusum neñginöñ.' ²⁷ †Mewö jimemö, yañön keu kewö jima, 'Iñini denikeañgöra, ni qahö möt engizal. Miangöra kewö jibi mötket: Bölöñi meme pakpak, iñini mönö nömosöta kesalget.'

²⁸ †† †Kesalgetka miangöreñ Abraham, Aisak, Jeikob aka kezapqetok ambazip pakpak yeñön Anutugö bemtohoñ uruñe kingetka engekñemö, nanñini aköm engigetka yaigep kinme. Könañini mewö miwikñaiba sahöt gigilahöba irimñini yöhözömgögetka qetñi qeri malme. ²⁹ Ambazipñi ambazipñi mi wehön kotkotñeyök aka gegeñeyök aka likeplikep Not Saut miangöreñök kaba Anutugö bemtohoññöñ añgota dum tatatñini memba nene nem söñgaip aka malme. ³⁰ ††Mewö malmemö, mötket! Qöndökñi yeñgöreñök tosatñan mutukñi akñe aka mutukñi yeñgöreñök tosatñan qöndökñi akñe." Mewö.

Kiñ Herodnöñ kiam soñ miangö dop akza.

Mat 23.37-39

³¹ Nalö miangöreñök Farisi (Köna keugö kapañkölköl) tosatñan Jisösgöreñ kaba kewö jiget, "Kiñ Herodnöñ guhui kömumangö mötza. Miangöra mönö miri ki mosöta anman."

³² Jigetka kewö melenq engiyök, "Iñini mönö arökñangö kiam soñ mi kewö jiget mötma, 'Mötnöñ! Nöñön merak aka uran ömewöröme enquatangömam aka kawöl ambazip mem ölöwak engiba malmam. An-

mami, uruwale mönö miangöreñ añgota nupni mekömam.' ³³ "Kezapqetok ambazip sehisehiñi mi Jerusalem sitinöñ enqusetka kömuget. Miri tosatñe qahö toroqeba enquset kömumakze, miangö tandöktandök ahöza ekzal. Miangöra nöñön merak aka uran uruwale köna anda malmam. Jerusalem añgotpiga nuñguget kömumam ewö, mönö yeñgöreñ aiakañina mi toroqeba akñe." Mewö.

Jisösnöñ Jerusalem sitigöra sahörök.

Mat 23.37-39

³⁴ Jisösnöñ jiyök, "O Jerusalem Jerusalem, iñini kezapqetok ambazip enquset kömugetka Anutunöñ ambazip melaim engii engöreñ kamakzei, mi kötnöñ kumbuköm engimakze. Poi namñan moröurupñi gingiñi bapñe ala köjöjohom engimakzawi, nöñön miangö dop nalöñi nalöñi göhö könañgösourupki suhuba tokom engimamgö möta malalmö, iñini mi tököba mala kotket. ³⁵ ††Mötket! 'Anutunöñ mönö jike miriñini andö qeiga sahopñanök ahöma.' Mewö ahömäpömö, nöñön kewö jibi mötket, iñini ni kunbuk qahö nekñemö, könañgep nalö kun kam kuñgui miangöreñ neka kewö jime, 'Kembugö qetñe kam neñgizawi, Anutunöñ mönö i kötuetköm wañgima.' Mewö."

Jisösnöñ kawöl azi kun mem ölöwahök.

14 Jisösnöñ Sabat kendon kunöñ Farisi (Köna keugö kapañkölköl) yeñgö jitñememe kungö miriñe öngöba nene neyök. Nemba tari tosatñan galöm memba ektiget. ² Miangöreñ yañgö jemesoholñe kawöl azi kun köna böröñi onöñ ölököba qarii tarök. ³ Jisösnöñ i eka könahiba Köna keugö böhi aka Farisi mi qesim engiba kewö jiyök, "Sabat kendonöñ azi mem ölöwak wañgiba mewö miangöñ Köna keu ongitpin me qahö?"

⁴ Mewö jiyökmö, yeñön göröñ qeba tatket. Tatketka böröñan azi mi misiriba mem ölöwaka melaii anök. ⁵ ††Ani kewö jii mötket, "Engöreñök kungöreñ morö me bulmakau aziñi mi Sabat kendonöñ o lömnöñ gema ewö, mi mönö ösumok örögetka kotma. Dañön mi qahö öröi kotpawak?" ⁶ Mewö qesim engii miangö likepñi melenqbingö lömböröba numbuñini muhungöba böc tatket. Mewö.

Jisösnöñ sile mem-öñgö-öñgö mi qetalök.

⁷ Farisi (Köna keugö kapañkölköl) azinöñ ambazip nenegöra köl öröm engiyöhi, yeñön dum qaikñe eu meköba tatkeri, Jisösnöñ mi eka miangöra dopkeu kun kewö jii mötket, ⁸ †††Kunñan gi amembitkö lömbuañgöreñ köl öröm gihii miangöreñ anda dum jegenñeyök qahö memba tatman. Mewö akñan ewö, tosatñi köl öröm engiyöhi, yeñgöreñök kunñan gi gonggita qetbuñañambuk akapak.

⁹ "Yañön kañgoriga lömbuañ toñan göhöreñ kaba kewö jibawak, 'Gi dum ki mosötnöñga öñgöñgöñi

† 13.27 Sum 6.8 †† 13.28 Mat 22.13; 25.30 †† 13.28 Mat 8.11-12 †† 13.30 Mat 19.30; 20.16; Mak 10.31

†† 13.35 Sum 118.26; Jer 22.5 ††† 14.5 Mat 12.11 ††† 14.8 Qam 25.6-7

yañön tatma.' Mewö jima ewö, gi mönö wahöta bapne emu eta dum memba tata gamugi senjombuk möt-panbuk. ¹⁰ Mewö qahöpmö, kunöñ köl öröm gihimawi, gi ölop dum siminje emu anda tatman. Mewö tatnöñga lömbuan toñan kota geke jima, 'Alani, gi ölop kaba dum jegenje eu anda tatman'. Mewö jiiga göñön ambazip göbuk tata nene nezei, mönö körek yeñgö jeñine qetbuñagabuk akñan. ¹¹ †Mi kewögöra: Nanñini uruñini memba öñgömei, Anutunöñ i körek memba et al enggima. Kunñan nanñi uruñi memba etmawi, Anutunöñ mönö i memba öñgöba al wañgima."

¹² Farisi (Köna keugö kapañkölköl) azinöñ ambazip köl öröm engii lömbuanñöñ tatketka Jisösnöñ lömbuan toñi lilingöba eka kewö jii mörök, "Gi silimgö me sunngemgö lömbuan kun ohoba miangöreñ nangi alaurupki me darumunurupki mi kude köl öröm engiman. Tinitosolomurupki me miri kasunñangö ambazip pomñi qetbuñanambuk mi kude köl öröm engiman. Mewöñi lömbuanögöra köl öröm enginöñi, i mewöñanök köl öröm gihiba tosa gi meköm gihiget teköma. Mewö akñan ewö, Anutunöñ mönö miangö töwanji qahö gihima.

¹³ "Mewö qahöpmö, lömbuan mözözömgöba ohomani, gi mönö ambazip etqeñeni mia köl öröm engiman. Ambazip wanapñi, simalokon aka jegömöl akzei, mönö mia engoholnöñga dop kölma. ¹⁴ Mi köl öröm enginöñga yeñön tosa meköm gihibingö osigetka gi miangöra simbawoñ aka malman. Tosañini mi öne ahöi malnöñga solanñi yeñön kömupnöhök wahötketka nalö miangöreñ Anutunöñ nanñak mi göhöra meköm gihima." Mewö.

Lömbuan ali möndömöndö keu jiba tököget.

Mat 22.1-10

¹⁵ Jisösnöñ mewö jiiga nene memba tatket yeñöreñök kunñan mi möta kewö jii mörök, "Kunöñ Anutugö bemtohoñ uruñe añgota nene memba tatmawi, nöñön yañögöra simbawoñ jizal."

¹⁶ Mewö jiiga kewö melenñök, "Azi kunñan sunngemgö lömbuan ketanji mözözömgöba ohoba ambazip gwötpuk öröm engiget kamegöra jiyök. ¹⁷ Lömbuan nalöñi kam kunñi welenqeñeni kun melaii köl öröm engimamgö jiyöhi, yeñöreñ anda jii mötket, 'Yuai pakpak lök mözözömgöinga ahöza. Miangöra mönö ölop kame.' ¹⁸ Jii mötketmö, mi möta yeñön körekmakörek könahiba yuai tosatje möndöba tököget. Mutukñan jiyök, 'Ni arö kun söñgöronji mealangöra miangöreñ anda ekñamgö mötzal. Mi añön jöhöm niñgiza. Miangöra ölop anda jinöñga möta kude möt bölim niñgima.' ¹⁹ Kunñan jiyök, 'Ni bulmakau azinji 10 söñgöronjini meali, mi kösönöñ ilikñine jöhöbi kinöñ örogetka anda nup esapköba qeba qindipkömam. Miangön jöhöm niñgizawañgöra ölop jinöñga möta kude möt bölim niñgima.' ²⁰ Kunñan toroqeba kewö jiyök, 'Ni ambi urandöpki bohonñi mealangöra kamamgö osizal.'

† 14.11 Mat 23.12; Luk 18.14

²¹ "Mewö jigetka welenqeñeni lilingöba azi kembuanögöra buzup mi jii mörök. Möta uruñi könöp jeiga welenqeñeni kewö jim kutum wañgiyök, 'Gi mönö wölañ taongö köna namje aka sombemñöñ anda ambazip etqeñeni, wanapñi, köna böronjini titiñgitñi, jegömöl aka simalokon ambazip mi mönö enguanñitnöñga lömbuan miri uruñe ki kame.

²² Jiyöhangö dop ak teköba kaba kewö jiyök, 'Kembuni, jim kutum niñgizawañgö dop akzalmö, dum tinji tok ahöza.'

²³ "Mewö jiiga azi kembunöñ jiyök, 'Gi mönö könanöñ aka rowoñqeñeni anda ambazip tat anjei, mi kapañ köla kunñam enginöñga lömbuan miri uruñe kañgota kokolak qeme. ²⁴ Nöñön kewö jibi mötket: Ambazip mutuk köl öröm engimamgö jiali, yeñöreñök kunñan kun nöñgö lömbuanñöñ qahö kañgota memba nahömñi mötma.'" Mewö.

Jisösgö gwarek malmalgö könanji

Mat 10.37-38

²⁵ Jisösnöñ ani ambazip kambu ketanji yeñön wuatangöba angetka lilingöba kewö jii mötket, ²⁶ †"Kunñan nömbuk kaba malmam jiba ni göragöra al niñgiba iwinamñi, anöm-moröñi, darumunñi, nenbehötñi aka nanñi malmalñi mewöyök jegep ala jöpakömakzawi, yañön mönö nöñgö gwarekni akñamgö osima. ²⁷ †Sisitñini megetka kunñan ni nuatangöba sihimbölö möta maripomñöñ kömumamgö qahö jöjörömawi, yañön mönö nöñgö gwarekni akñamgö osima.

²⁸ "Engöreñök kunñan miri köroñni memamgö mötza ewö, yañön mönö mutuk eta tata monenji miri mem tekömawañgö dop akza me qahö, miangö könanji kewöta ek kutuma. ²⁹ Mewö qahö aka miri tandöñi kömöta mi mem tekömamgö köhököhöñi qahö ahöm wañgiiga mosöri öne kiniga ambazip pakpak mi eka könahiba jiji-ilit jiba mepaik wañgabepuk. ³⁰ Mewö ak wañgiba kewö jibepuk, 'Azi mi könahiba mirinji meyökmö, mi mem tekömamgö qahö köhöiyök.' Miangö dop Jisös wuatangöman me qahö, mi törörök kewöta möt kutuman." Mewö

³¹ Jisösnöñ keu mi toroqeba kewö jiyök, "Mewöyök kiñ azi kembu kunñan kiñ kunbuk aröñda 'Bim qemam,' jiba denöwö akña? Yañön zilañök kerök qahö al wañgimamgö, mutuk jembonurupñi öröm tokom engii tata qambañ keu kewö eraum mötme, 'Nanine aziurupñini 10.000 maljin aiga likepñe kerökurupñini mi 20.000 malje. Azi kembunñan i enguanñita kaget enggeka ölop köhöiba engubin me qahöpto?' ³² 'Qahö köhöibin,' jime ewö, yañön kerök kiñnöñ körowen tari-ga miangöreñök jitñememurupñi melaim engii yeñöreñ anda luai qebingö goro eraum mötme.

³³ Mewöyök engöreñök kunñan yuai pakpak ahöm wañgizawi, mi jegep almawañön mönö nöñgö gwarekni akñamgö osima. Miangöra mönö nia jegep al niñgigetka dop kölma." Mewö.

†† 14.26 Mat 10.37‡ 14.27 Mat 10.38; 16.24; Mak 8.34; Luk 9.23

Howe nahömni qahö mi yuaia omanji kötökni.

Mat 5.13; Mak 9.50

³⁴“Howe mi ölopni akzapmö, sihimni mosötma ewö, mi mönö denöwö möhamgöinga kunbuk sihimnam-buk akawak? ³⁵ Nesak omanji mi gölme kelökñambuk akñapköra tokoba isonbason alakzinmö, howe nahömni qahö mi yuai kungöra qahö dop kölma. Qahö! Mi mönö önewat gölmenön gilinga geba öne töhöntöhön ahöma. (Gi mewöñanök nöngö gwarekni aka kembraje kutuba nömosötman ewö, mönö yuai omanji akñan.) Kunñan kezapñambukñon malja ewö, yañön mönö keu mi möt kutuma.” Mewö.

Lamanön sohyök, miangö dopkeu

Mat 18.12-14

15 †Takis tilipqilip aka megeri aka singisöndok ambazip tosatni mi jesöngöñan Jisösgö Buñani mötpingö kaget. ² Mewö kagetmö, Farisi aka Köna keugö böhi yeñon Jisösgöra uruñinan böliiga irikuruk keu kewö jiget, “Azi miangön singisöndok ambazip engimemba yembuk tata nene neza.” ³ Mewö jigerangöra Jisösnön dopkeu kun kewö jii mötket, ⁴ “Engörenök kungö lamaurupni 100 malgetka miengörenök kunñan sohoba janjuñ aniga tonjan denöwö akña? Yañön mönö 99 mi gölme qararankölkölñe engömosöta anda mohot janjuñ anöhi, miangö jaruba anda mala miwikñaiiga teköma. ⁵ Miwikñaiba urusösöngai aka awötñe ala kama. ⁶ Mire kaba alaurupni aka tosatni kösutñe malmei, mi engoholi tokogetka kewö jii mötme, ‘Lamani sohyöhi, mi lök miwikñaizalangöra mönö nömbuk sösöngai akin’ ⁷ Nöñon kewö jibi mötme: Miangö dop singisöndok azi mohotñan uruñi melenmawi, yañgöra Suep mire sösöngai ketanji asuhuma. Ambazip 99 nanñine jeñine solanñi diñdiñi aka uruñini melenbingö qahö möta maljei, yeñgöra sösöngai mewöñi qahö asuhuma.” Mewö.

Moneñ kötni sohyök, miangö dopkeu

⁸ “Mewöyök ambi kunñan silwö moneñ kötni 10 memba maliga miengörenök mohokñan geba sohoiga denöwö akña? Yañön mönö kiwa ohotiriba kapan köla miri usunña jaruma. Jaruba mala miwikñaiiga teköma. ⁹ Mi miwikñaiba ambi alaurupni aka ambi tosatni kösutñe maljei, mi engoholi tokogetka kewö jii mötme, ‘Nöngören soujeni mohotñan sohyöhi, mi miwikñaizalangöra mönö nömbuk sösöngai aki.’ ¹⁰ Miangö dop nöñon kewö jibi mötme: Singisöndok ambazip kunñan uruñi melenñiga Anutugö garataurupni yeñon miangöra sösöngai öngöñgöñi akñe.” Mewö.

Nanñi imbi-imbi azinön kumkanjam aka imbinji melenñök.

¹¹ Jisösnön toroqeba kewö jiyök, “Azi kungö nahönyahötñi yahöt malohot. ¹² Munñan iwinangöra

† 15.1 Luk 5.29-30

kewö jiyök, ‘Iwini, gi mönö moneñ sukinapki mendeñda nöngö bahöñi ningiman.’ Mewö jiiga öroyuainji pakpak dopñire mendeñda etkiyök. ¹³ Mi etkiiga nahöñi moröñan sömanji yahöt karöbut mala inap yuainji pakpak mi kölöhoba memba kantri kungen anök. Miangören anda nanñi imbi-imbi aka köna ketanji ambi yembuk kiam bau ewö söñaup malmal mala moneñ inapni gil teköyök.

¹⁴ “Yuai pakpak gil teköiga bödi (buörö) ketanji asuhuba gölme pakpak mi dop kölök. Yañön nalö miangören könahiba öngöñi aka osiyök. ¹⁵ Osiba kantri miangö tonji kungören anda nupköra qesim wañgiiga melaii yañgö bau selñe geba bau galömñina malök. ¹⁶ Miangören mali bau yeñon sokop kötni neget eka ‘Ölop mi nemi gölömnö dop kölbowak,’ jiyökmö, mi mewöyök kunñan qahö wañgiyök.

¹⁷ “Mewö mala uruñi ahuiga kewö jiyök, ‘Iwinangö nup ambazip wanat awanñi yeñon nup megetka söngöröñi engii nene nem timbireñ aka maljemö, nöñon kiangören uzukörörap aka bödi mala kömumamgö akzal. ¹⁸ Ni mönö wahöta iwinangören lilingöba anda kewö jibi mötma, ‘Iwini, ni singisöndok memba miangön gi aka Suep Tonji qetal etkiba qetki mem böliial. ¹⁹ Miangöra göñon kunbuk nöngöra ‘Nahöni,’ jimanangö dop qahö akzal. Gi ölop jinöñga welenqegega kun akñam.’

²⁰ “Mewö jiba wahöta iwinangören anök. Anda mala miri dopdowii iwinan tikep endu kinda ehi kaiga wösöñi pöröraköiga ehoriba ösumñan diñdingöba anda imbiñe gili geiga numbuñi yöhötim memba ‘Nahöni, owe owe!’ jiyök. ²¹ Mewö ahökmö, nahöñan jiyök, ‘Iwini, ni singisöndok memba miangön gi aka Suep Tonji qetal etkiba qetki mem böliial. Miangöra göñon kunbuk nöngöra ‘Nahöni,’ jimanangö dop qahö akzal.’

²² “Mewö jii iwinan miangörenök welenqegeurupni kewö jii mötket, ‘Inini mönö ösumok maluku aködamunñambuk kun memba kaba löngöt wañgiget. Ila jalö imbiñe köla meñölöm wañgiba köna esu könanje löngöt wañgiget. ²³ Mewöyök selnön anda bulmakau dömnö kelökñambuk kun memba kaba qeba ohogetka memba sösöngai albin. ²⁴ Nahöni ki kömum taköyöhanön mönö kunbuk guliba kaza. Yañön lök sohoigun Anutunön kunbuk miwikñaiiga asuhum tingitza.’ Mewö jiiga könahiba sösöngai alget.

²⁵ “Sösöngai algetmö, datñan nupnön mala lilingöba miri dopdowiba miangören liñet gwawet köla unduba söngageri, miangö kourukni mörök. ²⁶ Mi möta welen morö kun qeri kaiga ‘Mi denöwögöra akze?’ jiba qesim wañgiyök. ²⁷ Qesim wañgiiga kewö jiyök, ‘Mungan lilingöba kaiga iwiñan i kunbuk meiga unditundit aiga miangöra jiiga bulmakau dömnö kelökñambuk qeba ohoba söñgaize.’

²⁸ “Mewö jiiga irimni sehöliiga mire öngömamgö tököyök. Tököyökmö, iwinan mi möta yaigep eta urulua keu ösön jiba mölöwörim wañgiyök. ²⁹ Mölöwörim wañgiyökmö, yañön melenña kewö jiyök, ‘Iwini, nöñon yambu gwötpuk welengi qeba mala jimkutukutugi nalö kunön qahö ongita malalmö, töndup göñon nalö

kunönj meme (noninj) morönji kun alaurupni yembuk sösönjgai albingöra qahö ninginönj. ³⁰ Qahö ninginönjmö, nahöngi kianön köna ketanj ambi yembuk mala monej inapki ayuhuba kangoriga gönön mönön yangöra aka jinönga bulmakau dömnji kelökjambuk qeba ohoze.'

³¹ "Jiiga iwiñan kewö jii mörök, 'Nahöni, gi nalö dop nanambuk malakzan. Mianjöra nani buñani pakpak mi mönö göhö buñaya mohok akza. ³² Mohok akzapmö, mungi kianön kömum taköyöhanön kunbuk guliba kaza. Yanön lök sohoiga Anutunönj kunbuk miwikñaiiga asuhum tingitza. Mianjöra dölni nene sösönjgai alinga dop kölja.'" Mewö.

Sukinap galöm tilipqilipjambukö dopkeu

16 Jisösnönj gwarekurupni keu kun kewö jii mötket, "Azi pomñi kungö sukinap galömñi kun malök. Tosatñan kaba azi pomñi mi luasö keu jiget mörök, 'Yanön göhöreñ monej inapki köndenja lañ gila malja.' ² Mi möta galöm mi jii kaiga jim wangiyök, 'Ni göhöra buña bölöñi jiget mötzal. Gi nöngö miri aka sukinapni kunbuk galöm kölmanangö dop qahö akzan. Mianjöra mi denöwö galöm köla malnöñ, mianjö löpötñi jim asarim ningiman.' ³ Mewö jiiga uruñan kewö mötmörüyök, 'Miri toñan galömkölköl nupni noañgiri denöwö akñamto? Ösumni qahö dop köljawangöra gölme esimangö osizal aka ulet azi mamangö gamuni mötzal. ⁴ Yanön galömkölköl nupni noañgitmawi, nöñon nalö mianjöreñ denöwö akiga tosatñan miriñine kö löböba köyan köl ningibeak? Aha! Köna kun mötmörizal.'

⁵ "Mewö jiba ambazip toñan tosa al engiyöhi, mi pakpak nanñik nanñik öröm engiiga kaget. Mutukñan kaiga yangöra kewö jiyök, 'Tonangöreñ tosa göhöreñ dawik ahöza?' ⁶ Mewö qesiiga jiyök, 'Oil dram 100 meal.' Mewö jiiga kewö melerñök, 'Gi tosa papiagi memba ki tata ösumok uteköba 50 ohonönga ahöma.' ⁷ Mewö jiba azi kun qesim wangiyök, 'Aka gi? Göhöreñ tosa dawik ahöza?' Qesiiga kewö jiyök, 'Wit flaua mi 21.000 kilogram meal.' Mewö jiiga jiyök, 'Gi tosa papiagi memba mianjöreñ 16.800 kilogram mewö ohonönga ahöma.'

⁸ "Mewö aiga miri toñan möta jim-ölöwak keu kewö jiyök, 'Galömnan tilipqilip qakñe yuai ahöhi, mi mötkutukutu ölöpnji kondelja.'" Kembu Jisösnönj kösohot mewö jiba toroqeba jiyök, "Söñaupkö ahakmeme wuatañgömakzei, yengö mötkutukutuñini mi ambazip tosatñi merak maljei, mi tilipqilip ak engimeangö dop ahözapmö, Anutugö asakñe maljei, yengö mötkutukutuñini mi mianjö bapñe akza.

⁹ "Mianjöra kewö jibi mötket: Tosatñan gölmegö monej inapnönj ambazip tilipköm engimazemö, enön mönö mianjön memba alaurup miwikñaim engime. Mi miwikñaim engigetka gölmegö yuainön qahöwakñawi, Anutunönj mönö nalö mianjöreñ kö löböba engiiga malmal köhöikñi mire angota tetekönj qahö malme.

¹⁰ "Kunñan yuai morörökñi memba kapañ köla törörök galöm köljawi, yanön mönö yuai ketanj mewöyök törörök galöm köлма. Kunñan yuai morörökñi galöm köla kitik-katuk akzawi, yanön mönö yuai ketanj mi mewöyök galöm kölmakpö jiinga kitik-katuk akña. ¹¹ Gölmegö monej inapñi böronjine algetka mi pöndañ qahö galöm kölgetka ölnji qahö asuhuyök ewö, kunñan mönö yuai buñanj öngöngönj ölnji mi böronjine qahö alma. ¹² Injini tosatñi yengöreñ yuai mi pöndañ qahö galöm kölgetka ölnji qahö asuhuyök ewö, nanñini uruñanangö buña ölnji mi dañon kun engibawak?

¹³ † "Welenqeqe kunñan kembu yahöt welen qem etki-mangö osimakza. Kunñan mewö akñamgö mötzawi, yanön mönö kun kazik ak wangiba kun uruñan jöpaköma. Kungöreñ qekötahöba kun jijiwilit ak wangima. Mianjöra enön Anutu aka monej inap mi mindiriba welen qem etkibingö osime." Mewö.

Monengö urukönöp akepekö goro keu

Mat 11.12-13; 5.31-32; Mak 10.11-12

¹⁴ Farisi (Köna keugö kapañkölköl) yengön monengö nahöm gwötpuk ahöm engii malgerangöra Jisösnönj keu pakpak mi jiyöhi, mi möta je misiba ilit wangiget.

¹⁵ Ilit wangigetka kewö jii mötket, "Farisi enön mönö ambazip jeñine solanñi tandök kondel engibingö könöpk ahakzemö, Anutunönj uruñanangö könanj möt kutum teköza. Ambazip jeñine yuai kungöra mötketka öngöngönj akzawi, mi Anutunönj ehi imbilonlonjambuk ahakza.

¹⁶ † "Bemtohonjö könanj mi Mosesgöreñ Köna keunönj aka kezapqetok ambazip yengö Buzup Kimbiñine ohogetka oyonja mala koringa Jonön asuhuba ölnji aukñe indelök. Nalö mianjöreñök könahiba keu mi jim sehiba Anutugö bemtohone angotmegöra ambazip uruñini kungumakzin. Ambazip körekanj mönö jaram tiba kapañ köla bemtohone mianjö uruñe angotpingö ahakze. ¹⁷ † Suet gölmenönj görönj qemahotkö dop akzahotmö, Köna keugö kulem jönbölanñi mohok-kun mi nalö kungen qahö kötökñi ayapköma. Mewö.

¹⁸ † "Azi kunñan anömñi mosöta ambi kun memawi, yanön mönö qesabulum akña. Azi kunñan ambi apñan mosöröhi, mi memawanön mönö mewöyök qesabulum akña." Mewö.

Azi pomñi aka Lazarus

¹⁹ "Azi pomñi kun malök. Yanön opo maluku gugagugak pisikñi aködamunñambuk löngöta mala nalö dop nene söñgaip aka siyonsayonj qahö malök.

²⁰ Mewö malökmö, yangö miri nanñunji kösutñe azi wanapñi kun qetñi Lazarus ahöba malök. Uzi nömböñnönj silenji dop köla tarök. ²¹ Wösönj aliga gwarönönj ahöba azi pomñangö tebolnöhök nene irip boromñi eri mia nemangö mörök. Möta ahöiga kiam yengön kangota uzi nömböñi bözöba malget.

† 16.13 Mat 6.24 †† 16.16 Mat 11.12-13 † 16.17 Mat 5.18 †† 16.18 Mat 5.32; 1 Kor 7.10-11

²² "Mewö mala wanapni yanön kömuyök. Kömui Suep garata yeñon wangita öngöba Abrahamgö qöhöröne alget tarök. Azi pomni yanön mewöñanök kömuiga löm kölget. ²³ Löm kölgetka kömupkö senjom mire geiga jem sölöngöi sihimbölö ketanji möta ui öngöiga Lazarus Abrahamgö qöhöröne köröwen endu tari etkehök. ²⁴ Etkeka silata qeta jiyök, 'O iwini Abraham, mönö wösögi möt niñgiman. Ni könöp bölam-nöñ nohoi kiangören wahöjalin öngöñgöñji möta kinjal. Miangöra mönö Lazarus melainöñ anda kesöt suñan onöñ kusahöla kaba nesilamne mirii amörima.'

²⁵ "Mewö jiyökmö, Abrahamnön melenök, 'Nahöni, mönö ki mötmörinön anök. Göñon gölmenön malmal sösongainambuk lök malnön teköyökmö, Lazarusnön gölmenön malmalni qemjem-mamjen aka malök. Mewö malökmö, nalö kewöñe urukölalep ak wanggiinga tatzapmö, göñon sihimbölö möta wahöjalin qakñe kinjan. ²⁶ Mewö maljin aiga toroqeba kewö jizal: Anutunön nini aka injini sutnine mendenja jabö al köhöi ahöza. Miangöra tosatñan jabö qösököba neñgörenök engören kañgotpingö mötpeak, mi mönö osime. Mewöyök likep endu maljei, eñon mewöyök neñgören yuhu kañgotpingö qaköme.' ²⁷ Mewö jiiga kewö jiyök, 'Iwini, mewö aiga kewö ulet gihizal: Göñon mönö Lazarus melainöñga iwinanöñ mire anma. ²⁸ Miri miangören darumunurupni 5 maljei, yeñon mewöñanök senjom miri kiangören eta sihimbölö ketanji möt-pepuk. Miangöra mönö jinöñga anda kezapqetok keu jii mötme.'

²⁹ "Mewö ulerökmö, Abrahamnön jiyök, 'Qahö! Mosesgö Köna keu aka kezapqetok ambazip yengören Buzup Kimbi mi yengö buñaya ahöza. Keu mia mönö kezap ala mötme!' ³⁰ Mewö jiiga kewö jiyök, 'O iwi Abraham, mewö qahöpmö, kömukömuñi neñgörenök kunñan yengören anbawak, mewö mönö uruñini melenbeak.' ³¹ Jiiga Abrahamnön kewö jii mörök, 'Yeñon Moses aka kezapqetok ambazip yengö keugöra kezap qahö alje ewö, mewöñanök kömukömuñi neñgörenök kunñan wahöta keu jibawak, yeñon mönö töndup Anutu qahö möt narim wangibeak.'" Mewö.

Singisöndökö kölgorom mönö qetal engime.

Mat 18.6-7, 21-22; Mak 9.42

17 Jisösnön gwarekurupni keu kewö jii mötket, "Bölönangö supatitikan mönö awamñanök asuhumakza. Kunön supatitik anöñ kölmangö osimakzapmö, kun danön tosatni kölgorom ak enjiiga singisöndök akñei, yanöñga mönö wöziköba 'Yei!' jizal. Sihimbölö öngöñgöñan mönö yanöñga qakñe öngöma. ² Yanöñ ambazip moröñi yengörenök kun kölgorom ak wanggiiga singisöndök akñawi, azi miangön mönö lömböt öngöñgöñi miwikñaima. Anutunön lömböt miangö likepni denöwö wanggiiga dopñe akawak? Kemun jamönñiñ jölñe jöhöba köwet röndumnön gilget mulungöi gebawak, miangön mönö awamñi ahum wangii tandök akawak.

³ "Miangöra mönö nanñini galömñini mem anguba malme. Alagi kunñan singisöndök akzawi, i mönö jim

mindin ak wangiman. Jim mindin ak wanginöñga möt bölim anguba wösöñi mötma ewö, gi mönö singisöndökni mosöt wangiman. ⁴ Wehön kungö uruñe singisöndök 7 ak bölim gihiba indimñi 7 göhöreñ lil-ingöba kewö jima, 'Alani, ni singisöndök akzalangöra möt bölim anguzal.' Mewö jima ewö, gi mönö singisöndökni mosöt wangiman." Mewö.

Mötnaripkö ölni mi kukösunñambuk.

Mat 17.20; 21.21; Mak 11.23

⁵ Aposol yeñon Kembangöra jiget, "Mötnaripnini mönö toroqeba mem köhöiman." ⁶ Mewö jigetka Kembangön melenök, "Mötnaripñinangö ölni mi neñon köñangö dop ahöbawak ewö, eñon ölop nömozup ip ^{††} kiangöra kewö jim kutubeak, 'Gi mönö jöla jalögabuk wahöta luhuba köwetnön geba nangi kömöta kinman.' Mewö jiba möt narigetka ip miangön mönö keunini tem kölma." Mewö.

Welenqeçe ölopñi mi denöwö?

⁷ "Engörenök kungö nup azinön bulmakau memba nupnön anda kinoñ öröi gölme mesiñma me lama galömñina malma. Mala mire kañgori miangören toñan kewö jii mötma me qahöpto, 'Gi mönö mire kota tata nenegi neman.' ⁸ Mewö qahö! Yanöñ mönö kewö jima: 'Gi mönö o ariba möhamgöm anguba sungemgö neneñamni ohoba ala niñginön nemam. Miangö andöñe nangi neneñamgi ohom neman.' ⁹ Mewö jim kutum wanggiiga nup aziñan jiyöhangö dop nupni mem teköi dop köliga galömñan miangöra möpöseim wangima me qahö? Qahö! ¹⁰ Engö könañini mi mewöñanök ahöza. Galömñinan yuai pakpak jim kutum engiyöhi, injini mi ak teköba miangören kewö jime, 'Nini nup ambazip töhöna maljin. Galömñinan yuaigöra jiyöhi, mönö miyök memba kazinanöñga möpömöpöse jarubingö osizin.'" Mewö.

Jisösnön azi 10 silenini mem solaniyök.

¹¹ Jisösnön Jerusalem sitinön anmamgöra Galili aka Samaria prowins yahöt mietkö sutñire köna ahöyöhi, miangören anök. ¹² Könanön anda miri kunön angoriga azi 10 silenini uzikukuñambuk yeñon miwikñaiiba eka tikep endu kinget. ¹³ Kinda köhöikñanök qeta jiget, "Ketanamni Jisös, mönö neñgöra ak kömum gihima!" ¹⁴ "Qeta jigetka engeka kewö jii mötket, "Injini mönö jike nup galöm yengören anda silenini kondel engime." Mewö jiiga tem köla könanön angetka sileninan miangören solaniba ölöwahök. ¹⁵ Ölöwahökmö, 10 yengörenök kunñan silenini solanii eka lilingöba kaba Anutu köhöikñanök qeta möpöseiyök. ¹⁶ Möpöseiba Jisösgö könañe geba sipköba simin köla 'Saiwap!' jiyök. Azi mi Samaria asia. Juda yeñon Samaria prowinsgö ambazip yengöra mötketka eretñi ahakzapma.

† 17.3 Mat 18.15 †† Jisösnön mulberi ip kun kondelök. Ip mi nömozup ewöya, köñi köuruk (köwörörök) köñi ewö neneña. ‡ 17.14 Lew 14.1-32

¹⁷ Saiwap! Jiiga Jisösnöñ melenđa jiyök, “Mi ölop akzanmö, azi pakpak 10 engö silenjanan lök solanim teköyök me? Azi 9 mienjön mönö denike malje?” ¹⁸ Kian azi göñön nangik lilingöba kaba Anutu möpöseizanmö, azi 9 yeñön mönö anda nöñngan akze.” ¹⁹ Mewö jiba kewö jii mörök, “Mötnaripkan mönö mem ölöwak gihiza. Mianğöra ölop wahöta anman.” Mewö.

Anutugö bemtohoñi mi denöwö asuhuma?

Mat 24.23-28, 37-41

²⁰ Farisi (Köna keugö kapañkölköl) yeñön Jisös kewö qesim wañgiba jiget, “Anutugö bemtohoñi mi mönö wanat nalönön asuhuma?” Jiget möta melenđa kewö jiyök, “Anutugö bemtohoñan mönö jeninan ekinanğö dop qahö asuhuma. ²¹ Mötket! Anutugö bemtohoñi mi sutñine uruñine asuhuba ahöza. Mianğöra mi kianğoreñ me enduyanğoreñ ahözawi, mewö jibingö osimakzin.”

²² Jisösnöñ gwarekurupñi kewö jii mötket, “Könañgep nalö kun kam kuñgumawi, mianğoreñ Suep gölmegö azi ölnanğö nup meme wehönñi miengöreñök kun ekingö ak engimapmö, mi kunbuk ekingö osime. ²³ Nalö mianğoreñ kewö jiget mötme, ‘Mötket! Amötqece Toñan mönö endu malja. Mötket! Mönö ki asuhuza.’ Mewö mewö jigetka i ekingöra mianğoreñ ösumok kude luluhuba anme. ²⁴ Mi kewögöra: Suep gölmegö azi ölnan kunbuk kamawi, nalö mi wölbilikö dop kewö akña: Mi suep likepñeyök zilañ biliksik ala asariba likepñe dop köla anjawi, yañön mönö mianğö dop asuhuma. ²⁵ Könañgep mewö asuhumapmö, mutuk ambazip nalö kewöñe gölmenön maljei, yeñön azi mi yaköriba andö qem wañgigetka sihimbölö ketanji mötma.

²⁶ †Mönöwök Noagö nalöñe ambazipnön malmalñini qemasolokep qakñe mala ayuhugeri, mianğö dop mönö Suep gölmegö azi ölnan kunbuk kamawañgö nalöñe mewöyök asuhuma. ²⁷ ††Noagö nalöñe nene lömbuan ala o köhöikñi nempa ambi kenam bohonñanğö alget anda kaiga anğömeget. Ahakmeme mewö aka memba qemasolokep malgetka Noanön wañge uruñe öñgöyöhi, silim mianğoreñ teköyök. Teköiga o göulu ketanjan kaba ambazip jinonñi qahö löm köñ engii o nemulahöba kömuget.

²⁸ ††Lotkö nalöñe mewöyök qemasolokep malgetka mewöñanök asuhuyök. Ambazipnön nene lömbuan ala o jawat nempa nup köñ kömöta jike mirinini memba qeköm nemi ala yuai bohonñi memegöra algetka yuai tosatanji bohonñi memba malget. ²⁹ Mewö aka memba malgetmö, Lotnön Sodom miri mosöta aniga wehön mianğoreñök könöp aka köt sömsöm könöpñambuk mi mönö kie ewö suepnöhök eta ambazip jinonñi qahö engohoi kömuget. ³⁰ Könañgep Suep gölmegö azi ölnan kunbuk asuhumawi, nalö mianğoreñ ambazipnön mewöñanök qemasolokep aka mala ayuhume.

³¹ “Silim mianğoreñ sombemnön malmawañön mönö inap yuainji memamğöra miri uruñe kude öngöma me nupnön anda malmawañön mönö mewöñanök miriñe kude lilingöba kama. ³² Lot anömñan melenđa andöñe uba kömumba köt ahöhi, mönö mi mötmörime. ³³ †Kunñan malmalñi siyonsayonji qahö nanñanğöra anğön köla nanñi imbi-imbimalmamğö mötzawi, yañgö malmalñan mönö sohomapmö, kunñan malmalñi nöñgöra aka köleñniga sohomawi, yañön mönö malmal ölnanğö könañi miwikñaiba oyaenğoyaenğ malma.

³⁴ “Nöñön kewö jibi mötket: Sunğem mianğoreñ azi yahöt dumnön mohotñe ahöyohotka yetköreñök kun wañgita kun mosötme. ³⁵ Mewöyök ambi yahöt mi mohotñe tawenğ urasiba (bunahöba) tatmahori, yetköreñök kun wañgita kun mosötme.” ³⁶ (Azi yahöt nupnön malohotka yetköreñök kun wañgita kun mosötme.)

³⁷ Jisösnöñ mewö jiiga gwarekurupñan melenđa jiget, “O Kembu, mi denikeanğoreñ asuhuma?” Mewö jigetka kewö jii mötket, “Sömbup gisakñan kungen göröken ahömawi, manu köraraknön mönö mianğoreñ öroba tokomakzei, mönö mianğö dop asuhuma.” Mewö.

Malönön kapañ köla uleriga azi ketanjan bauköyök.

18 “Inini mönö nalö dop Anutu köuluköba qemalokolip qahö aka malme.” Jisösnöñ mewö jiba mianğö dopkeuñi kewö jii mötket, ² “Taan kunön keu jimtekötekö azi kun malök. Yañön ambazip yeñgö keugöra gamuñi qahö möta nanñi imbi-imbimala Anutugö jitñi onğitpilenğbuköra kengötñi qahö mörök. ³ Taan mianğoreñ malö ambi kun malök. Yañön sundan dop keu jimtekötekö azi mianğoreñ anda kewö jiba malök, ‘Kunñan nömbuk anğururuk akzawañgöra göñön ölop bauköm niñgibanak.’

⁴ “Mewö jiiga nalö köropñi mi möta andö qeba malökmö, könañgep uruñan kewö jiyök, ‘Nöñön ambazip yeñgö keugöra gamuni qahö möta nani imbi-imbimala Anutugö jitñi onğitpilenğbuköra kengötñi qahö mötzal. ⁵ Mewö maljalmö, malö kianñön mönö keu söksök pöndañ jim niñgiba kamakzawañgöra ölan nöhöiga ölop bauköm wañgibiga keuñi teköma. Qahö bauköm wañgibileñak ewö, yañön mönö qösösök kaiga qeriqerini mötpilenğbuk.’”

⁶ Kibunön kösohot mi mem teköba jiyök, “Jimtekötekö azi gonğonjan keu jiyöhi, mönö mianğöra kezap ala könañi mötmöriget. ⁷ Anutunön ambazip nanñanğöra möwölöhöm engiyöhi, yeñön sunğem asak bauköm engimapköra köulukögetka Anutunön mönö yeñgö keuñini kewöta jim teköi ölöwakñe. Bauköm engimamğö jiba tanqan qahö aka nalö qahö könjörari öngöma. Mi qahöp mahöp! ⁸ Nöñön kewö jibi mötket: Anutunön mönö nalö kude köriiga keuñini kewöta jim teköi ölöwakñe. Wölan bauköm enğimamğö, mi töndup Suep gölmegö azi ölnan lilingö-

† 17.26 Jen 6.5-8 †† 17.27 Jen 7.6-24 † 17.28 Jen 18.20-19.25

†† 17.33 Mat 10.39; 16.25; Mak 8.25; Luk 9.24; Jon 12.25

ba kaba ambazip kewöt engimawi, nalö miaḡgören mötnarip ölnji miwikñajima me qahöpto?" Mewö.

Farisi aka takis meme yetkö köulukñiri

⁹ Ambazip tosatñan nanñinaḡgö mötket öḡgöiga solanñi diñdiñi akzin jiba tosatñi mötketka eretñi ahök. Jisösnöñ i engeka dopkeu kun kewö jii mötket, ¹⁰ "Azi yahötñan jöwöwöl jikenöñ öḡgöba köuluköyohot. Kunöñ Farisi aka kunñan takis meme asia.

¹¹ "Farisi (Köna keugö kapankölköl) yañön kinda nanñök kewö köuluköyök, 'O Anutu, ambazip tosatñan urunini goḡgiiga kalöpmalöp aka sero yoḡgorö ahakze, ni yeḡgö dop qahö maljal me takis meme endu kinjawi, ni yaḡgö dop mewöyök qahö maljal. Mi- aḡgöra saiwap jim gihizal. ¹² Nöñön sonda dop sömañi yahöt nenegö singi malakzal. Nöñön moneñ inapni pakpak menderda 10:nöhök mohok Anutugö buñaya qemakzal.'

¹³ "Mewö köuluköyökmö, takis meme yañön waḡgömñi kunöñ kinda Suepnöñ eu umamgö gamuñi möta böröñan jeñi esuhuba kewö köuluköyök, 'O Anutu, singisöndok azi ni mönö ak kömum niḡgiman.'

¹⁴ †Nöñön kewö jibi mötme: Yañön mönö Anutugö jeñe solaniba miriñe liliḡgöyökmö, Farisi (Köna keugö kapankölköl) yañön mewö qahö. Denike yeñön nanñini urunini memba öḡgömei, Anutunöñ mönö i körek memba et al engimapmö, kunñan nanñi uruñi memba etmawi, Anutunöñ mönö i memba öḡgöba al waḡgi- ma." Mewö.

Jisösnöñ nahönbörat kötuetaköm enḡiyök.

Mat 19.13-15; Mak 10.13-16

¹⁵ Ambazip tosatñan nahönbörat morömorö mewöyök enḡuaḡgita Jisösnöñ böröñan enḡimisir- imapköra yaḡgören kaget. Kagetmö, gwarek yeñön mi eka jim qetal ak enḡiget. ¹⁶ Mewö aketmö, Jisösnöñ nahönbörat mi köi öröm enḡii kagetka kewö jiyök, "Nahönbörat moröñi mi ölop enḡömosötketka nöḡgören kame. Anutunöñ ambazip mewö mia bem- tohoñi buña qem enḡima. Miaḡgöra i kude jöhöm enḡime. ¹⁷ Nöñön keu ölnji kun kewö jibi mötme: Kunñan Anutugö bemtohoñi mi nahönbörat ewö buña qahö qem aḡgumawi, yañön mönö miaḡgö uruñe aḡ- gotmamgö osima." Mewö.

Jisösnöñ azi pomñi kungö qambañ keu jiyök.

Mat 19.16-30; Mak 10.17-31

¹⁸ Galömkölköl azi kunñan Jisösgören kaba kewö qes- im waḡgiyök, "Böhi ölopñi, nöñön mönö denöwö aka malmal köhöikḡaḡgö buña qem aḡgubilenak?"

¹⁹ Qesim waḡgiiga kewö jii mörök, "Gi nöḡgöra 'Böhi ölopñi', mi wuanöḡgöra jizan? Anutu mohotñan ölopñi akza. Azi kunñan i ewö ölopñi qahö akza. ²⁰ ††Gi jöjopañ keu ki möt teközan, 'Sero yoḡgorö kude akñan, Am- bazip kun kude qenöñ kömuma, Yoḡgorö kude me-

man, Jitnöñ alal keu kude jiman, Iwinamgi mönö göda qem etkimakñan.'"

²¹ Mewö jiyökmö, galömkölköl azinöñ kewö jiyök, "Mi pakpak mönö gwaböneyök tem köla mala kotzal." ²² Jii Jisösnöñ möta kewö jii mörök, "Mohot-kungöra kewö osizan. Gi mönö anda sukinapki pakpak söḡgöronñi memegöra alnöñ moneñ kaiga meñdenḡa ambazip wanapñi enḡiman. Mewö aknöḡga sukinapki ketañi (guli masapu, milyön kina ewö) mi Suep mire ahöm gi- hima. Mewö aka ni nuataḡgöba kaman." ²³ Mewö jiyök- mö, azi miaḡñön kindiñbirik malöhaḡgöra aka keu mi möta wösöbirik aka jeñi asöliiga öne mosöta anök.

²⁴ Wösöbirik ahöhi Jisösnöñ mi eka kewö jiyök, "Yei! Ambazip moneñ inapñinambuk yeñön mönö Anutugö bemtohoñöñ aḡgotpingö lömböriba kupuk-kapak akñe. ²⁵ Mi kewö jim tuarimam: Sömbup ketañi kamel mi kondi kinimñe ölop qahö aḡgotma. Miaḡgö dop ambazip pomñi yeñön Anutugö bemtohoñ uruñe aḡ- gotpingö lömböriba qaköme."

²⁶ Keu mi jii mötkeri, yeñön kewö jiget, "Opoñon! Am- bazip dañön mönö Suepkö buñaya akawak?" ²⁷ Mewö jigetka kewö melenök, "Ambazipnöñ mi esapköba osi- ba qakömakzemö, Anutunöñ mönö yuai pakpak ölop ahakza. Yañön yuai kun aka memamgö qahö osiba qakömakza."

Jisösgö nup memegö töwañi

²⁸ Pitönöñ keu mi möta melenḡa kewö jiyök, "Möt- nöñ, neñön mönö miri gölmenini mosöta gi guataḡgö- ba kain." ²⁹ Mewö jiiga Jisösnöñ kewö jii mötket, "Nöñön keu ölnji kun kewö jibi mötme: Kunñan Anu- tugö bemtohoḡaḡgöra aka yuai kun mosörohü, - mi miri gölmenñi, anöm-moröñi, darumunñi me iwinamñi - mi enḡömosöriḡa ³⁰ Anutunöñ mönö salupñe toroqe- ba öḡgita likepñi melen waḡgiiga mi gölmegö malmal- nöñ mema aka malmal könaḡgepñe malmal köhöikñi teteköñi qahö buña qem aḡguma."

Jisösnöñ kömumamgö keuñi jiiga karöbut ahök.

Mat 20.17-19; Mak 10.32-34

³¹ Jisösnöñ gwarekurupñi 12 mi öröm enḡii kagetka kewö jiyök, "Mötket, nini Jerusalem öḡgöbin. Kezapqe- tok ambazipnöñ Suep gölmegö azi öḡḡaḡgöra keu pak- pak ohogeri, mi mönö öḡḡambuk ak teköma. ³² Kunöñ i mamalolo mem waḡgiiga kian gawman yeḡgö böröñine gema. Yeñön jijiwilit aka mepaiköba keu töhörenñi jim waḡgiba söutkölap qeme. ³³ Söutkölap qe- ba ihilek wahiḡambuknöñ tauköm waḡgiba qeget kö- muma. Kömumba wehön karöbut aiga kömupnöñök wahötma."

³⁴ Mewö jiyökmö, gwarek yeñön keu mi qahöpmañöp möt asariget. Keu jiyöhi, mi asa-asam- böñe ahöiga mi qahö möt kutuget. Mewö.

† 18.14 Mat 23.12; Luk 14.11 †† 18.20 Eks 20.12-16; Dut 5.16-20

Jisösnöj jegömöl azi kun mem ölöwahök.

Mat 20.29-34; Mak 10.46-52

³⁵ Jisösnöj anda Jeriko mire dopdowiiga jegömöl azi kunñan nene monej wangimegöra uleta köna jitje tarök. ³⁶ Tariga ambazip kambu könanöj oñgita angetka kourukñini möta "Wanat yuai asuhuza?" jiba qesim engiyök.

³⁷ Qesim engiiga kewö jiget, "Jisös, Nazaret azinöj mönö könanöj kaba goñgitmamgö akza."

³⁸ Jigetka kewö qerök, "Jisös, Deiuidkö gwölönarökñi! Gi mönö ak-kömum niñgiman!"

³⁹ Mewö qeriga ambazip mutuk angeri, yeñön bök tatmapköra qetal wangigetmö, yeñön kapañ köla qet gigilahöyök, "Deiuidkö gwölönarökñi! Gi mönö ak-kömum niñgiman!"

⁴⁰ Qet gigilahöiga Jisösnöj dörök ala kewö jim kutyök, "I mönö böröje memba nöñgöreñ kame." Jiiga memba dowe kañgotketka kewö qesim wangiyök,

⁴¹ "Alani! Gi mönö wani yuai ak gihimamgöra mötzan?" Qesim wangiiiga jiyök, "Kembu! Ni jeni kunbuk umamgöra mötzal."

⁴² Jiiga Jisösnöj kewö jii mörök, "Mönö jegi unöj. Mötnaripkan mönö mem ölöwak gihiza."

⁴³ Mewö jiiga miangöreñök jeñi tohoiga törörök uba Anutu möpöseiba Jisös wuatangöba andöje anök. Ambazip pakpak yeñön yuai mi eka Anutu möpöseiget. Mewö.

Zakiusnöj urunji melenök.

19 Jisösnöj Jeriko taonöj kañgota kutuba anmamgö ahök. ² Miangöreñ azi kun qetñi Zakius malök. Yeñön azi pomñi aka takis meme yeñgö jitjememena malök. ³ Yeñön Jisösgö kaisongolomñi ekñamgö ak wangiyökmö, azi töröptökñangöra ambazip kambu sutñine kinda kökörüba osiyök. ⁴ "Jisösnöj ki kaba neñgoñgitma," jiget möta ekñamgöra ösumök anda ambazip engongita sikamore ip † qakñe öñgöba tarök. ⁵ Tari Jisösnöj miangöreñ angota jeñan ui öñgöi eka yeñgöra kewö jiyök, "Zakius, gi mönö ösumök etnöj. Ni merak göhö mire kabi mohotje tatpit."

⁶ Mewö jiiga ösumök eta söñgaiba köl öröm wangii miriñe anohot. ⁷ Anohotka ambazip körekñan mi eka irikuruk aka kewö jiget, "Mönö wuanöñgöra siñgisöndok azi mewöñangö mire öñgöba tatza?"

⁸ Mewö jigetmö, Zakiusnöj ambazip sutñine aukñe wahöta kinda Kembangöra kewö jiyök, "Kembu mötnöj, nöñön ainemalukuni bibiñe mendeñda likepñi ambazip wanapñi yeñgöra engimam aka denike yeñgöreñ öroyuai kun dop oñgita tilipqilip aka wangirali, mi mönö ambemñi 4:gö dop toroqeba mendeñda engimam."

⁹ Mewö jiiga Jisösnöj yeñgö könañangöra kewö jiyök, "Anutunöj merak miri kiangö toñi amöt qem wangii letotza. Yeñön mewöyök Abrahamgö gwölö-

narökurupñi yeñgö sutñine malja. ¹⁰ ††Suep gölmegö azi ölnan mönö ambazip sohogeri, mi jaruba amöt qem engimamgöra aka erök." Mewö.

Monej esu 10 mendeñda engiyök, miangö dopkeu.

Mat 25.14-30

¹¹ †Jisösnöj kaba Jerusalem siti dopdowiba keunji jii ambazip mi mötkeri, yeñön kewö mötmöriget, "Anutugö bemtohoñangö ölnan zilañ asuhuma." Mewö mötmörigerangöra Jisösnöj dopkeu kun kewö jiyök, ¹² "Azi qetbuñangambuk kunñan kewö jiyök, 'Ni mirini mosöta kantri kunöj körowen anbiga miangöreñ ni kiñ kembu kuñgum niñgigetka mala lilingöba kamam.' ¹³ Mewö gölme körowen anmamgö jiba nup aziurupñi 10 engoholi kagetka monej esu 10 mendeñda engiba kewö jiyök, 'Nöñön anda mala biañ lilingöba kamam. Eñön nalö sutñe kiangöreñ monej kiangön kölköl-örörö nup memba mem sehime.' ¹⁴ Mewö jiba anökmö, könagesöurupñan kazik ak wangiba kewö jiget, 'Nini azi kiangön nanine azi kembu aka galöm köl neñgimapkö töközin.' Mewö jiba welen azi tosateñi melaim engiget andöje anda buzup mi jiget mörök.

¹⁵ "Mewö mörökmö, töndup kantri anök, miangöreñ yeñön i azi kembu kuñgum wangigetka nanñi prowinsnöj kunbuk lilingöba kayök. Kaba nup aziurupñi monej esu engiyöhi, mi jiiga yeñgö jeñe kañgotket. Mohot mohot yeñön kölköl-örörö nup memba monej mem sehigetka dawik asuhuyöhi, mi kondelget ekñamgöra qesim engiyök. ¹⁶ Nup azi mutukñan jeñe kañgota jiyök, 'Kembu, nöñön monej esugi mem sehibiga toroqeba kunbuk esu 10 miwikñai.'

¹⁷ "Mewö jiiga kewö jii mörök, 'Mi ölop. Gi nup meme azi ölopñi. Gi yuai morörökñi memba mi kapañkapañ aka galöm köla malnöñga sehiyök. Miangöra nöñön taon gölme 10 mindiriba göhö böröge albi yeñgö galömñina malman.' ¹⁸ Mewö jiiga nup azi alañan jeñe kañgota kewö jiyök, 'Kembu, nöñön göhö monej esugi mem sehibiga toroqeba kunbuk esu 5 miwikñai.' ¹⁹ Mewö jiiga yeñgöra mewöyök kewö jii mörök, 'Mi ölop. Nöñön taon gölme 5 mindiriba göhö böröge albi yeñgö galömñina malman.'

²⁰ "Kunbuk kunñan kañgota jiyök, 'Kembu eknöj. Göhö monej esugi ki. Mi oponöj esuhuba lolongöbi ahöyök. ²¹ Göñön azi könöpñambuk akzangöra aka göhöra keñgötñi möta malal. Gi nangak inap yuai köwenöñ qahö alnöñi, mia töndup memamgö mörakzan. Gi nangak nene kötni qahö kömötnöñga asuhuyöhi, miangö ölni mi töndup yandiba memamgö mörakzan.'

²² "Mewö jiiga mendeñda kewö jim wangiyök, 'Gi nup azi bölöñi. Nangak keu jizani, nöñön miangö dop kewöt gihiba likepñi melen gihimam. Ni azi könöpñambuk akzal. Nanak yuai köwenöñ qahö ala mi memamgö mörakzal. Nanak nene kötni qahö kömöta miangö ölni mi töndup yandiba memamgö mörakzal. Mi ölop möta malnöñ. ²³ Gi könani mewö mötagun mönö wuanöñgöra monej esuni mi benknöñ qahö al-

† Sikamore mi köwu ewöya, kötni neneña.

†† 19.10 Mat 18.11 ‡ 19.11 Mat 25.14-30

nõnga qariyök. Mi kölköl-örörö nupnõn albanak ewö, miangõn mönõ sehiiga nõnõn kaba suñambuk mem-bileñak.'

²⁴ "Mewö jiba azi kösutñe kingeri, mi kewö jii mötket, 'Injini mönõ yanggö börõneyök moneñ esunji mi wanggita esu 10 miwikñaiyõhi, i wanggime.' ²⁵ Jii möta kewö jiget, 'Kembu, yanggõren moneñ esu 10 mi lõk ahõza!' ²⁶ †Mewö jigetka melenñda jiyök, 'Nõnõn kewö jibi mötket: Ambazip yuai ahõm engizawi, yenggõra kõrek mönõ mi toroqem engigetka sehimapmõ, kungõren yuai kun qahõ ahõzawi, morörõkñi mia mönõ mewöyök wanggitketka õne tõhõn malma.' ²⁷ Mewö jizalmõ, kerõkurupnan nõnõn kiñ kembu aka galõm kõl engimamgõ tökögeri, i mönõ enguanggita kagetka engeka jim kutubi engugetka kõmume." Mewö.

Jisõsgõra kõiranñ kõlgetka Jerusalem õnggõyök.

Mat 21.1-11; Mak 11.1-11; Jon 12.12-19

²⁸ Jisõsnõn keu mi jim tekõba mosõta Jerusalem sitinõn õngõmamgõra mutuk anõk. ²⁹ Anda Betfage aka Betani miri yahõt kösutñire kaba kundunji qetñi Oil ip kundunji qerakzei, miangõren õnggõba gwarekyahõtñi yahõt melaim etkiyök. Melaim etkimamgõ aka ³⁰ kewö jiyök, "Miri wõsõñire tatzawi, mönõ miangõren anmahot. Anda miangõren anggõta donñi morõñi kõsõnõn jõhõget kinjawi, mi miwikñaimahot. Donñi mi dõlõkña, azi kunõn qakñe qahõ tatatña. Mi mönõ põsata memba ki kamahot. ³¹ Põsarohotka kunñan 'Mi wanigõra põsatzahot?' jiba qesim etkiiga kewö jimahot, 'Kembuniran miangõra osiza.'"

³² Mewö melaim etkiiga anda jiyõhanggõ dop miwikñaiyohot. ³³ Miwikñaiiba donñi morõñi põsatpitkõ ahotka tonñan jiget, "Hei! Donñi morõñi mi wanigõra põsatzahot?"

³⁴ Jigetka kewö melennohot, "Kembuniran miangõra osiza." ³⁵ Mewö jiba memba Jisõsgõren kaba malukuñini qekõba donñi qakñe tumbula jigetka Jisõsnõn õnggõba tarök. ³⁶ Mewö tata aniga ambazip kambu yeñõn gõda qeba opo malukuñini qekõba kõna namñe tumbulget.

³⁷ Tumbulgetka anda Jerusalem dopdowiba Oil ip kundunjanggõ sõrõkñe geiga gwarek kambu pakpak yeñõn kõnahiba sõngaiba anggõletot pakpak kukõsum qakñe mei ekeri, mienggõra qet ketanji qeta Anutu möpõseim wanggiba ³⁸ †kewö jiba qetket, "Anutu möpõseizin. Kiñ Kembangõ qetñe kamawi, Anutunõn mönõ i kõtuetkõma. Luaigi aka qetbuñagi möpõseininga Suepnõn euyanggõren õnggõza. Owe owe!"

³⁹ Mewö qetketka Farisi (Kõna keugõ kapanñkõlkõl) tosatñan ambazip kambu sutñine kinda kewö jim wanggiget, "Bõhi, mönõ gwarekurupki jim enginõn."

⁴⁰ Mewö jim wanggigetka kewö melenñök, "Nõnõn kewö jibi mötme: Yeñõn görõn kinbeak ewö, kõt yeñõn mönõ silata qetpeak." Mewö.

Jisõsnõn Jerusalem sitigõra sahörök.

⁴¹ Jisõsnõn Jerusalem dopdowiba siti mi eka sahörök. ⁴² Sahõta kewö jiyök, "Enggõren luai denõwõ ahubawak! Injini mianggõ kõnanji wehõn kianggõren möt kutugetka dop kõlbawakmõ, nalõ kewõn mi yeñini qahõ tohoza-wanggõra aka tõlapñe ahõza. ⁴³ Mianggõ kõnanji kewö: Nalõ kun kam kuñgumawi, mianggõren kerök yeñõn kanggõta kiripo kõhõikñan siti ki kuñgum lilikõba likep-likep eu emu kinda gwan ala kahasililij ak enggime. ⁴⁴ Anutunõn mesohol kõla enggõholiga injini nalõ bohõnñi mi qahõ möt kutuba nesampurek aka Anutu andõ qeba lañ mala kotzei, mianggõra kerök yeñõn kõndenñmõndenñ engigetka mirigõ kõt kun mi kõt kungõ qakñe qahõ kinmapmõ, siti kiangõn mönõ qeqe-lañlañ ahõma. Yeñõn jike mirinñi kõndenñda morõurupñini siti uruñe maljei, mi engum ureime." Mewö.

Jisõsnõn jõwõwõl jike jim kõmbuhiyök.

Mat 21.12-17; Mak 11.15-19; Jon 2.13-22

⁴⁵ Jisõsnõn keu mi jim tekõba jõwõwõl jikegõ tohon uruñe anda inap bohõnñi memegõra algeri, mi kõnahiba kõzõl engiiga etket. ⁴⁶ †Kõzõl enggiba kewö jii mötket, "Aisaianõn keu kun kewö ohoi ahõza, 'Nõngõ jikenan mönõ kõlulukõ mirinñina akña.' Keu mi ahõzapmõ, injini mi utekõgetka kegwek-kahasililij yenggõ barjet ewõ akza."

⁴⁷ †Jisõsnõn nalõ dop jõwõwõl jikenõn õnggõba Buña keu kusum enggiba malõk. Mewö malõkmõ, jike nup galõm aka Kõna keugõ bõhi yeñõn tokoba kantri jike kaunsõl yembuk eraum möta kewö jiget, "Mõnõ denõwõ jiinga qegetka kõmumbawak?" ⁴⁸ Mewö jigetmõ, ambazip kambu pakpak miengñõn yambuk qekõtahõba Buñanji kezap ala mötket. Mianggõra "Mõnõ denõwõ akinak?" jiba kõna kun qahõ miwikñaiget. Mewö.

Jitñememe yeñõn Jisõsgõ kukõsumñanggõ qesiget.

Mat 21.23-27; Mak 11.27-33

20 Jisõsnõn jõwõwõl jikenõn õnggõba ambazip kambu kusum enggiba Ölõwak Buña jim asarim enggiba malõk. Nalõ kunõn mewö aiga jike nup galõm aka Kõna keugõ bõhi yeñõn kantrigõ jitñememe tosatñi yembuk Jisõsgõ jeñe kanggotket. ² Kanggõta kewö qesim wanggiget, "Gi kianggõren yuai akzani, mi mönõ dañõn jim kutum ghihiiga ahakzan? Mianggõ kukõsumñi mi dañõn ghihiyök? Mi jinõnga mötpin."

³ Qesim wanggigetka kewö melenñ enggiyök, "Nõnõn mewöyök qesim enggibi mi jiget mötmam. ⁴ Jonõn ambazip o-melun mem enggiba malõhi, yeñõn mianggõ kukõsumñi mi denikeyök meyök? Suep Tonñan wanggiyök me gõlme tonñan wanggiget?"

⁵ Mewö melenñ enggiiga sutñine eraum möta kewö jiget, "Kukõsumñan Suepnõhõk asuhuyök, mewö jibin ewö, yeñõn mönõ kewö jima, 'Mewö aiga injini i mönõ wuanõnggõra qahõ möt narim wanggiget? Mi qahõ dop

† 19.26 Mat 13.12; Mak 4.25; Luk 8.18 †† 19.38 Sum 118.26

‡ 19.46 Ais 56.7; Jer 7.11 †† 19.47 Luk 21.37

kölja.’⁶ Könagesö pakpak yeñon Jongöra ‘Kezapqetok azia akza,’ jiba mi köhöikñanök möt nariba malje. Mi-anğöra ‘Gölme ambazipnöhök asuhuyök,’ jibin ewö, yeñon mönö irimñini seholiiga kötnöñ neñgume.”

⁷ Keu mewö kewöta kewö melenget, “Kukösumñan denikeyök ahuyöhi, nini mi qahö mötzin.”

⁸ Mewö melengetka Jisösnöñ kewö jii mötket, “Mewö aiga nöñon mewöyök yuai ki ahakzalañgö kukösumñi dañon niñgiyök, mi qahö jibi mötme.” Mewö.

Wain kösö nup galöm bölöñi, miengö dopkeu

Mat 21.33-46; Mak 12.1-12

⁹ Jisösnöñ könahiba ambazip dopkeunöñ kewö jii mötket, “Azi kunñan wain kösö nup köla kömörök. Köl kömöta nup galöm tosatñi miwikñaim engiba jiiga nupñi memba ölñangö bahöñi nanñini memba bahöñi tonji wañgimegöra böröñine alök. Böröñine ala engö-mosöta kantri kunöñ anda nalö köröpñi malök.

¹⁰ “Mala mali ölñi öliyöhangö nalöñi (yambu 5) töriiga miangöreñ welenqeqeñi kun melaim wañgiiga galöm yeñgöreñ anda wain nup ölñangö bahöñi wañgimegöra jiyök. Jiyökmö, nup galöm yeñon i kömbinöñ qeba wuatangögetka böröñi börak lilingöyök.

¹¹ Miangö andöñe welenazi kun melaim wañgiiga anökmö, i mewöyök kömbinöñ qeba gamu qem wañgiba wuatangögetka böröñi börak lilingöyök. ¹² Lilingöiga nup toñan welenazi kun kunbuk melaii aniga ambemñi karöbut ahökmö, i mewöyök sepgwörörök qeba nup yaigepñe gilget geyök.

¹³ “Mewö aketka wain nup toñan keu jaruba jiyök, ‘Mönö denöwö akñamto? Nani wölböt nahöni mönö melaibiga ani i eka göda qeme me denöwö?’ ¹⁴ Mewö jiba nahöññi melaiiga anökmö, wain nup galöm yeñon i eka sutñine kewö eraum möta jiget, ‘Yañon mönö börösamotñangö tonji akña. Ayop, i mönö qein kömuiga wain kösö nup kianñon mönö nanine buñanina akña.’ ¹⁵ Mewö jiba gilgetka nup yaigepñe geiga qeget kömuyök. Wain nup toñan mi möta mönö denöwö ak engima?

¹⁶ Yañon mönö nanñak kaba nup galöm mi köndereng gima aka nup galöm dölöknji miwikñaim engiba wain kösö nupñi yeñgö böröñine alma.” Jisösnöñ dopkeu mewö jii möta jiget, “Mi qahö dop kölja. Yapmakek!” ¹⁷ Jigetmö, Jisösnöñ i törörök engeka kinda kewö jiyök, “Buña Kimbigö keu kun kewö ahöza, ‘Miri meme yeñon köt tandö kun andö qeba öne mosötket taröhi, miangöñ mönö tandö kömböñani aiga miwikñaiget.

Miangöñ tingiriga mirinöñ mönö gororongöba eta kölma.’ Keu miangö köñani denöwö?

¹⁸ Miangöra kewö jibi: Kunñan tandö bohönji miangöreñ töttöngata eta qemawi, mi mönö silenji kutumutumapmö, ain tandö miangöñ jöla tala kungö qakñe eta kölmawi, mi mönö körek qözömözözamgöma.”

¹⁹ Jisösnöñ mewö jiiga Köna keugö böhi aka jike nup galöm yeñon keu miangö köñani möt asariba kewö jiget, “Dopkeu mi mönö neñgöra jiza.” Miangöra i nalö

mianğöreñök memba jöhöbingö mötketmö, ambazip kambu yeñgöra keñgötñini möta osiget. Mewö.

Takis alalgö Jisös esapköm wañgiget.

Mat 22.15-22; Mak 12.13-17

²⁰ Juda jitñememe yeñon Jisösgö jegalöm meget. Mewö memba keuñi kun qiwitipköi keugö bötaknöñ öröi gwaröhöm wañgimegöra aka azi tosatñi melaim engiget yeñgöreñ kaget. Opotöröp aka premiö yeñgö böröñine al wañgibingö möta Buña keu ölöpñi jiji tandök aka qesiba keuñangö kezap alget.

²¹ Areñ mewö ala qesiba kewö jiget, “Böhi, nini göhö köñagi mötzin. Göñon keu diñdiñ jiba kusum neñgimakan. Göñon ambazip tosatñi qahö engek soriba tosatñi qahö qepureim engimakanmö, dop mohotnöñ kewöt neñgimakan. Mewö aka Anutugöreñ köna mi keu ölñangö dop kusum neñgimakan. ²² Miangöra nini sisa-kingöra takis ala miangöñ Mosesgö Köna keu siñgibin me qahö?”

²³ Mewö jigetmö, Jisösnöñ isimkakalek areñini möt kutuba kewö jii mötket, ²⁴ “Ölöp silwö moner (Kina 5) kun kondel niñgigetka eki. Dagöreñ imut aka qet mi miangöreñ ohoget ahöza?” “O, mi sisa-kingöreñ,” mewö melenja jiget.

²⁵ Jigetka kewö jii mötket, “Mewö aiga yuai sisa-kingö imutñambuk buñani akzawi, mi mönö yeñgöra al wañgime. Yuai kun Anutugö buñaya akzawi, mi mönö Anutugö buña qeme.” ²⁶ Jisösnöñ mewö jiyöhangöra ambazip kambu yeñgö jeñine keugö bötaknöñ al wañgibingö osiba keuñangöra welipköba keu böc kinget. Mewö.

Kömupnöhök wahötwahötkö Jisös esapköm wañgiget.

Mat 22.23-33; Mak 12.18-27

²⁷ Sadyusi böhi pati yeñon “Kömugeri, yeñon kude wahötmö,” jiba malget. Yeñgöreñök tosatñan Jisösgö jeñe kañgota kewö qesim wañgiba ²⁸ Jiget, “Böhi, Mosesnöñ kewö jim kutum neñgiyök ahöza, ‘Azi kun ambi meiga nahönbörat qahö ahui kömuiga munñan ölöp malöñi memba mala gwölöñarök qiwikñaim wañgiiga datñangö qet bisiba malma.’

²⁹ “Mötnöñ! Nalö kunöñ darumun 7 malget. Datñini mutukñan ambi memba mala gwölöñarökñi qahö öne mala kömuyök. ³⁰ Kömuiga munñan malöñi mi meyök. ³¹ Miangö andöñe munñi kunñan ambi miyök meyök. Mewöña mewö darumun 7 pakpak yeñon ambi mohok miyök memba gwölöñarök qahö mala kömum teköget. ³² Kömugetka tekögetka qöndökñi malöñini mi mewöyök kömuyök. ³³ Göñon ‘Kömugeri yeñon guliba wahötmö,’ jizänmö, nini mi qahö möt narizin. Mötnöñ, azi 7 pakpak mi örörön wahötpeak ewö, ambi mohok mi anömñina meget malöhangöra aka mönö dagö anömña akawak?”

³⁴ Mewö jigetka Jisösnöñ kewö melenöñ, “Nalö kewöñe gölme kiangöreñ ambazip awanöm aka mala-hakze. ³⁵ Mi malahakzemö, ambazip uruñini melengetka Anutunöñ eka möri dop köliga kömupnöhök wahö-

† 20.9 Ais 5.1 †† 20.17 Sum 118.22

‡ 20.27 Apo 23.8 †† 20.28 Dut 25.5

ta miri gölme kun euyangörej angota malmei, yeñon miangörej qahö amime.

³⁶ "Miangö könanji kewö: Mötnarip ambazip guliba kömupnöhök wahötmei, yeñon Anutugö nahön-böraturupnji akze. Yeñon Suep garata tandök ewö aka kunbuk qahö kömumemö, teteköni qahö mal öngöme. ³⁷ †Mötket! Kömugeri, yeñon guliba wahötmei keunji mi Mosesnöñ mewöyök nangöba jiyök. Ip köhösonöñ könöp bölam ahuba qahö jem kutuyöhi, yañon mi eka kösohotnji ohoi miangörej keu kewö ahöza, 'Nöñon Anutu Abrahamgö Kembu, Aisakö Kembu aka Jeikobkö Kembuya mala kota maljal.' ³⁸ Isik bömön karöbut yeñon Anutubuk mala mal köhöiba öngöme. Körek köhöiba maljei, yeñon mönö malmalnjini Anutugöra malje. Miangöra Anutunöñ köhömunji yeñgö Kembunijini qahöpmö, malmal köhöiknji maljei, mönö yeñgö Kembunijina akza."

³⁹ Jisösnöñ mewö melejniga Köna keugö böhi tosatñan meleñda kewö jiget, "Böhi, mi törörök jizan." ⁴⁰ Mewö jiba keu kun kunbuk qesim wanggibingö kölköldömdöm aka mosötket. Mewö.

Kraist mi kiñ Deiwidkö Kembunji aka gwölönarökñi.

Mat 22.41-46; Mak 12.35-37

⁴¹ Jisösnöñ keu kun kewö jii mötket, "Kraistnöñ Kiñ Deiwidkö gwölönarökñi akzawi, tosatñan keu mi denöwögöra jimakze? ⁴² †Deiwidnöñ nanjak keu kewö jiiga Sumbara (Buña liñet, sam) Kimbinöñ ahöza, 'Anutunöñ kinda nöngö Kembuni kewö jii mörök, Göñon mönö kaba nöngö böröni öñje tatnöñga ⁴³ nöñon nalö sutñe kerökurupki tim tötala luhut al enggiba göhö köna tambö gwaröñje al enggimam. Nalö mi kam kungumawangö dop mönö asakmararajnöñ ki tatman.'

⁴⁴ Deiwidnöñ mewö jiba qetñi 'Nöngö Kembuni' jiza. 'Kembuni' jiba mönö denöwö aka yañgö gwölönarökñi mohot akawak?" Mewö.

Urumeleñgö silesile malmalgö galöm meme keu

Mat 23.1-36; Mak 12.38-40; Luk 11.43

⁴⁵ Jisösnöñ gwarekurupnji yeñgöra keu kewö jiiga ambazip kambu pakpak mi mötket, ⁴⁶ "Köna keugö böhi yeñgöra mönö galömñini memba malme. Yeñon maluku köröpñi löngöta anda kaba kondel anggubingö mörakze. Maketnöñ me könanöñ ambazip enggetka jölönjini jimegö mörakze. Mewöyök köuluk mire qaikñe eu tatpingö sihimñi mörakze aka közölömbuanjöñ dum tatat mutukñe jegep tatpingö mörakze. ⁴⁷ Yeñon malö yeñgörej miri yuai bidañda gagabe köla engguanğirakze aka qetbuñanjini asuhumapköra köuluk köröpñi köuluköba töptöpñine qemakze. Miangöra Anutunöñ keunji jim teköba likepñi öngöñgöñji meleñni qakñine öngöma." Mewö.

Ambi malö kunñan naluk kötin öñji alök.

Mak 12.41-44

²¹ Jisösnöñ kinda ui ani ambazip pomñi yeñon nalukñini mi naluk dundumñe alget geyök. ² Alget geiga ambi malö wanapñi kunñan kaba souje kötni pisikñi yahöt ali geyöhi, mi mewöyök ehök. ³ Mi eka kewö jiyök, "Nöñon keu öñji kun kewö jibi mötket: Malö wanapñi kianñon naluk aljawi, mi mönö tosatñi pakpak enggogita alja. ⁴ Miangö könanji kewö: Körek yeñon moneñ ketanji ahöm enggiiga kitipñanöhök aljemö, ambi kianñon köruebörue maljawangö dop yuainji pakpak al teköba öne töhön malma." Mewö.

Jöwöwöl jikenöñ köndermönöñ asuhuma.

Mat 24.1-2; Mak 13.1-2

⁵ Jerusalem jöwöwöl jike mi köt eksihimñambuk aka kalemñi kalemñi Anutugöra algeri, miangön meñölögetka aködamunñambuk ahöyök, gwarek tosatñan mi eka eraum mötketka Jisösnöñ keu kewö jii mötket, ⁶ "Miri ki enggekzei, mi mönö köndergetka mirigö köt kun mi köt kungö qakñe qahö ahömapmö, qeqelanñan aka sahopñanök ahöma."

Kahasililij aka sesewerowero asuhuma.

Mat 24.3-14; Mak 13.3-13

⁷ Mewö jiiga möta qesim wanggiget, "Böhi, keu jizani, miangö öñji mönö wanat nalönöñ asuhum tiñgitma aka asuhumangö akñawi, miangö aiwesökñan mönö denöwö asuhuma?"

⁸ Qesim wanggigetka kewö jiyök, "Kunñan isimkakalek aiga janjuñ anbepeköra mönö galömñini memba malme. Ambazip gwötpukñan asuhuba nöngö qetne kewö jime, 'Nöñon Kraist akzal,' aka, 'Nalönöñ mönö töriza.' Mewö jimemö, eñon mönö yeñgö andöñjine kude anme. ⁹ Yarö aka karimñi karimñi asuhuggetka ötöñjini mötmemö, jönömñini kude unduma. Yuai mi mutuhök asuhumapkö jijiña. Mi asuhumapmö, gölmegö nalöñan mönö miangörejök zilañ qahö teköma."

¹⁰ Mewö jiba toroqeba kewö jii mötket, "Kantri kunöñ kantri kun enggubingöra wahötme. Ambazip kambu kunöñ kambu kun yembuk aröñ anggubingöra wahötme. ¹¹ Gölmeneñ gölmeñi miangörej kenöñ ketanji ketanji qözöla memba gölme meleñni gemakñe. Mewöyök bödiñi bödiñi (buöröñi buöröñi) asuhuba öngöba ahöma. Kawöl köhöikñi köhöikñi mienñon asuhuggetka sesegilgil kömumakñe. Suepnöñ aiwesök ketanji jemurutñi murutñi enggeka kengöt kotkot akñe." Mewö.

Ölöwak Buñagöra kerök asuhuma.

Mat 24.9-14; Mak 13.9-13

¹² "Yuai pakpak mi asuhumemö, mutuk qeljine tosatñan iñini uruñini meleñgerangöra aka enggömembra jöhöba sesewerowero ak enggime. Tosatñan öröm enggiba köuluk miriñine keu nupñini memba jim tekögetka kösö miriñi miriñi miangörej al enggime.

† 20.37 Eks 3.6 †† 20.42 Sum 110.1

Tosatnjan nonggö qetnanggöra aka enguanjgicketka kantriñi kantriñi yeñgö kiñ kembu aka premiö yeñgö jemesoholñine kinme. ¹³ Mewö kinda nonggö könangamni nanggöba jigetka mötme. ¹⁴ †Keu jakeñe al engigetka kinmei, nalö mianggöreñ keu denöwö jibinak, mianggö waimanjatñi qeljine kude mötme. Keu mi mönö urukönömñine algetka ahöma.

¹⁵ †“Mi kewögöra: Nöñön embuk kinda mötkutukutu engiba numbuñini mem amqemam. Uruawamñanök malgetka tuarenjorurupñini yeñgöreñök kunñan mötkutukutu mi qetala keuñini qeapköba memba et al engibingö osima. ¹⁶ Nanñini iwinam, darumun, tinitosolom aka alaurupñini yeñön mewöyök angöñan mem engigetka engöreñök tosatñi engugetka kömume. ¹⁷ Kantri pakpak yeñön nonggö qetnanggöra aka kazik ak engigetka malme.

¹⁸ †“Mewö malmemö, nöñön köyan köi engibi nöörpñinanggö jupñi kunñan qahö sohoma. ¹⁹ Inñini kapañ köla köhöiba böñ qeba kinda miangñön mönö luhut ala oyaerñkoyaerñ malmal buña qem angume.” Mewö.

Jerusalem sitigö köndermönöñ uru-önönñambuk

Mat 24.15-21; Mak 13.14-19

²⁰ “Könangep yarö kambu yeñön kangota Jerusalem siti liliköba gwan almei, inñini mi eka mianggöreñ kewö mötmörime, ‘Siti bohonñi köndermönöñmegö nalöñan mönö kam kuñguza.’ ²¹ Nalö mianggöreñ Judia prowinsnön malmei, eñön mönö misiñgöba öröba kundunje anme. Sitenön malmei, eñön mönö siti mosötme. Siti yaigepñe mire malmei, eñön mönö sitinön kude anme.

²² †“Mi kewögöra: Buña Kimbinön kezapqetok keu ohoget ahözawi, mi pakpak mönö öljambuk akña. Keu mianggö dop Anutonön nalö mianggöreñ siñgisöndokninanggö likepñi melenja qakñine ali öñgöma.

²³ Anutonön Israel könagesö siñgisöndokñinanggöra irimñi sehiliiga kazikñi kondel engiiga gölmenön kahasililiñ keta bölöknj asuhuma. Ambi gölömbuk aka morö juzonön yeñön mönö nalö mianggöreñ denöwö ösumñinan anbeak? Mianggöra Yei! jizal.

²⁴ “Köndermönöñ mianggöreñ ambazip tosatñi mi bimgö sou ketanjan engugetka kömume. Tosatñi kösö gwaröhöm engiba enguanjgicketka kantri pakpak yeñgö sutñine angotme. Angotketka kian kantri yeñön kangota Jerusalem tiamgöba malme. Mewö malgetka Anutonön nalöñini tohot qei tatzawi, miangñön kam kuñguiga mosötme.” Mewö.

Suep gölmegö azi öljän mönö asuhum tiñgitma.

Mat 24.29-31; Mak 13.24-27

²⁵ †“Wehön aka köiñ jenire aka sengelau mianggöreñ aiwesök murutñi murutñi asuhume. Köwetnön siri qegetka öton ketanji ahumakzawanggöra gölmegö kantri pakpak yeñön tötbörömñini kaiga wahöjalij möta malme. ²⁶ Mewö malgetka suepnön uturuköiga mianggö öroyuaiñi mi tatatñini mosöta enjololon aketka

† 21.14 Luk 12.11-12 †† 21.22 Hos 9.7 † 21.25 Ais 13.10; Eze 32.7; Joel 2.31; Ind 6.12-13

sohoma. Mianggöra gölmenji gölmenji mianggöreñ lömböt bölöñi kötöknj asuhumapköra mamböt-torok mala kenngötñini möta uruñini duhuiga jegilgil akñe.

²⁷ †“Nalö mianggöreñ Suep gölmegö azi öljñi yanön kousu qakñe kangori ekñe. Kukösumñi ketanjan saköldiñdiñambuk aukñe asuhuiga asakmararañ ekñe.

²⁸ Mewö kangotmapmö, yuai mi könahiba asuhumei, eñön mönö nalö mianggöreñ Suepnön öñgöbingö nalöñinan törimawanggöra nöörpñini uba wahöta uruñini qezaköba awösamkakak kinme.” Mewö.

Geröp ipkö dopkeu

Mat 24.32-35; Mak 13.28-31

²⁹ Jisösnön dopkeu kun kewö jii mötket, “Inñini geröp aka ip tosatñi mi eka tandöknjini mötme. ³⁰ Ip mi sinñan yonggoigetka mi eka mianggö könanji nanñinak möt asariba kewö jimakze, ‘Wehön nalöñan lök dopdowiza.’ ³¹ Eñön mewöñanök keu jizali, mianggö öljän asuhuiga eka möt asariba könanji kewö jime, ‘Anutugö bemtohoñan mönö dopdowiza.’

³² “Nöñön keu öljñi kun kewö jibi mötket: Ambazip merak gölmenön maljei, yeñön qahö kömugetka yuai pakpak jizali, mi mönö yeñgö malmal nalöñine asuhuma. ³³ Suep gölmenön görön qemahotmö, nonggö Buña keunan mönö qahö ayapköma.” Mewö.

Urugwölö mosöta köhömunji malbinbuk.

Mat 24.42-44; Mak 13.33-37

³⁴ “Nalö ketanji miangñön ambazip körek gölmenön maljei, yeñgö qakñine mewö asuhuma. Mianggöra miangñön wölanjök kaba simba ewö qeraköm engibapuk. Mianggöra gölmenön malmalgö waimanjatñan qakñine öñgöiga közölömbuan ala o köhöikñi negetka enjololon aiga uruñinan lömbörribapuköra mönö galömñini mem anguba malme.

³⁶ “Mianggöra mönö nalö dop urugwölö mala köuluköba malme. Mewö malgetka ösum engiiga yuai pakpak mi asuhumawi, mianggö uruñeyök kök ala mönö Suep gölmegö azi öljanggö jemesoholje awösamkakak kinme.” Mewö.

³⁷ †“Nalö mianggöreñ Jisösnön wehön dop jöwöwöl jikenön kinda Buña kusum engiiga miri mare aiga mosöta kundunji qetñi Oil ip kundunji qerakzini, mianggöreñ öñgöba ahömalök. ³⁸ Mewö maliga ambazip kambu pakpak yeñön wehön dop söñanök jöwöwöl jikenön öñgöba Buñanji jii mötpingöra yanngöreñ kamalget. Mewö.

Jisös qein kömumapkö angöñan alget.

Mat 26.1-5; Mak 14.1-2; Jon 11.45-53

22 ††Mewö malgetmö, beret yistñi qahö mianggö sösoñganiñ, qetñi kun Pasowa kendon jimakzin, mi töriyök. †††2 Töriiga mianggöreñ jike nup galöm aka Köna keugö böhi yeñön ambazip kambu yeñgö kenngötñini mötkeranggöra aka nanñinök tokoba

†† 21.27 Dan 7.13; Ind 1.7 †† 21.37 Luk 19.47 ††† 22.1 Eks 12.1-27 ††† Pasowa mi nanine keunön nenghoriba nengongjörök. Eksodus 12.15

“Denöwö aHINGA qeget kömumbawak,” jiba köna jaruba mötmöriget.

Judasnön Jisös mamalolo mem wanġimamgö urumohok ahök.

Mat 26.14-16; Mak 14.10-11

³ Nalö miangören Satanön Judasgö uruġe geyök. Judas mi Jisösgö gwarekurupni 12 yengörenök kun. Kariot mireyök kayohangöra qetnji kun Iskariot qetket. ⁴ Yanön jike nup galöm aka jikegö kiripo galöm bohonni yengören anda Jisös mamalolo memba böröjine almamgö keunji jiyök. ⁵ Yeñön mi möta “Ayop!” jiba uruñinan ölöwahiga söngöröñi moner wanġibingö keu jöhöget. ⁶ Keu jöhögetka Judasnön Jisös ölöñ mamalolo memba böröjine almamgö köna möt jaruba köñbingöba malök. Mewö.

Jisösnön gwarek yembuk Pasowa lama neget.

Mat 26.17-25; Mak 14.12-21; Jon 13.21-30

⁷ Beret yistnji qahö miangö kendon silim kunön Pasowa lama qeba ohozema. Nalö miangön kam kuñguyök. ⁸ Jisösnön Pitö aka Jon kewö jiba melaim etkiyök, “Injiri anda Pasowa lama mözözömgöyohotka nembin.”

⁹ Mewö jiiga qesim wanġiyohot, “Mi denikeangören anda mözözömgöbit?”

¹⁰ Qesim wanġiyohotka kewö melenök, “Mörohot! Injiri sitinön angorohotka azi kun o kimbut kunduta kaiga miwikñaimahot. Miwikñai i wuatangöba anda mire öngömawi, miangören öngömahot. ¹¹ Öngöba miri toni kewö jiyohot mötma, ‘Böhinön göhöra jiza: Ala mirigi denike? Neñön ölöp miangö uruġe kaba gwarekurupni yembuk Pasowa lama nembin?’ ¹² Mewö jiyohotka möta miri qakñe eu öngöba uruñi ketanji kun kondel etkima. Miangören dum tatat yuai mözözömgöget ahöza. Mi kondel etkiiga miangören lama qeba ohomahot.”

¹³ Mewö jii anda Jisösnön keu jiyöhi, miangö dop miwikñai ba kinda lama qeba ohom mözözömgöyohot. Mewö.

Kembubuk semön qöndökñi neget.

Mat 26.26-30; Mak 14.22-26; Jon 13.21-30; 1 Kor 11.23-25

¹⁴ Nene nalöñan kaiga Jisösnön aposolurupni yembuk nene nembangö eta tatket. ¹⁵ Tatketka kewö jii mötket, “Nöñön Pasowa lama ki embuk nembangö gwötpuk ak niñgiba malök. Nene ki nembagun mönö sihibölö mötmam. Miangö nalöñan töriza. ¹⁶ Mi törizawangöra kewö jibi mötket: Nöñön Pasowa lama kiangören kun toroqeba qahö nemam. Könanġep nene semön kiangö ölnan aukñe asuhumawi, mi Anutugören bemtohoñ uruġe euyangören nemam.”

¹⁷ Mewö jiba wain qambi memba kötuatköba kewö jiyök, “Mönö ki memba nanñinak anġuba neme.

¹⁸ Nöñön kewö jibi mötket: Ni wain kösögö ölni kiangören kunbuk toroqeba qahö nemam. Kunbuk nemami, mi Anutugören bemtohoñ asuhum teköiga miangören nemam.”

¹⁹ Mewö jiba beret memba kötuatköba mindipköba enggiba kewö jiyök, “Ki nani busuni. Ki engöra aka tököm enggizal. Nemba ni mötmörim niñgiba malme.” ²⁰ †Mi engii negetka mewöñanök wain qambi memba kewö jiyök, “Qambi ki mi jöhöjöhö areñ dölökñi akza. Nöñön amöt qem engimamgöra aka sepi mokoba kömumam. Sep miangön mönö Anutugören jöhöjöhö areñi mem köhöima.

²¹ ††Mewö akzappö, mötket, mamalolo mem niñgimawangön mönö mohotñe ki nene memba tatit.

²² Ölna, Anutunön jim kutuyöhi, Suep gölmegö azi ölnan mönö miangö dop gölme mosöta anma. Anmapmö, mamalolo mem wanġimawi, yangöra mönö wölköba ‘Yeil’ jizal. Anutunön mönö likepñi öngöñgöñi melen wanġima.”

²³ Mewö jiiga gwarekurupñan könahiba sutñine eraum qesim anġuba jiget, “Nengörenök mönö danön mamalolo mem wanġibawak?” Mewö.

Gwarek yeñön sutñine goranora aket.

Mat 20.25-27; Mak 10.42-44

²⁴ ††Gwarek nengörenök galöm bohonni mi danön akza?” mewö jigetka miangöra mewöyök sutñine goranora asuhuyök. ²⁵ ††Mi asuhuiga Jisösnön kewö jii mötket, “Gölmegö kantrinji kantrinji miengö kininan mönö azi kembu tandök aka galöm kölmengimake. Yengö pom jembonñinan mönö keu jim kutuba könagesöñini mindiñgöm engigetka welenñini qeba ‘Azi ölöpñi!’ jiba möpöseim engimakze. ²⁶ ††Mewö ahakzemö, eñön miangö dop kude akñe. Engö sutñine kunñan ketanñini akzawangön mönö eretñangö dop aka malma. Galöm bohonñan mönö welenqeqe ewö aka malma.

²⁷ †††Kunön tata nene neiga kunñan nene kölmengimaba anda kamakzawi, yetkörenök öngöñgöñi mi danön? Ölna, ‘Tata nene nezawangön mönö öngöñgöñi akza.’ Mewö jiget mörakzinmö, nöñön engö sutñine welenqeqe ewö aka maljal.

²⁸ “Mewö malbi esapköm niñgigetka wahöjalij wahösömbu uruġe anġotpiga inini töndup kapan köla nömbuk qekötahöba mala kotze. ²⁹ Iwinan jim kutum niñgiiga nöñön yangö bemtohoñi kukösum qakñe galöm kölakzal. Miangöra nöñön toroqeba jim kutum enggibiga inini mewöyök kukösum qakñe ambazip kiñ ewö galöm kölmengimake. ³⁰ †††Miangöra inini ölöp nöñgö bemtohoñne anġota nene dumni liliköba tata aka nene memba malme aka azi kembu tatatnöñ tata Israel ambazip kambu 12 yengö keunini kewöta jim teköm engime.” Mewö.

Pitönön Jisös qañ kölmapkö jii mörök.

Mat 26.31-35; Mak 14.27-31; Jon 13.36-38

³¹ Jisösnön jiyök, “O Saimon Saimon! Mötnön! Kölkömöt azinön wit padi kötni joutnöñ ala uturuköiga

† 22.20 Jer 31.31-34 †† 22.21 Sum 41.9 † 22.24 Mat 18.1; Mak 9.34; Luk 9.46 †† 22.25 Mat 20.25-27; Mak 10.42-44 †† 22.26 Mat 23.11; Mak 9.35 ††† 22.27 Jon 13.12-15 ††† 22.30 Mat 19.28

kambönji denja erakzawi, Satanönj mönö miangö dop enjon löwöriba yangö böröje gemegöra uturuköba esapesap al engimamgö kapan köla jöjöröza.

³²Jöjörözapmö, göhö mötnaripkan sörauba pömsöm qebapuköra nöjon göhöra köuluköba malal. Miangöra nalö kungen urugi melenja döngörej kamani, miangörej mönö mötnarip alaurupki nangöba mem köhöim engiman."

³³Mewö jiiga Saimonönj melenjök, "Kembu, nöjon göbuk kösö mire anbitkö aka mohotje kömumbitkö jöjöröba maljal."

³⁴Mewö jiyökmö, Jisösnönj jii mörök, "Pitö, nöjon kewö jibi mötnönj: Kuruknönj merak qahö qeriga göjön mutuk ni möt niingimamgö qan kölnönjga indimni karöbut akna.

Gösö aka bimgö sou ketanji miyök memba anme.

³⁵†Jisösnönj gwarekurupji kewö qesim engiyök, "Nöjon injini mutuk gösö qahö, monen gösö qahö, köna esu qahö mewö melaim engibi angeri, miangörej yuai kungöra osiget me qahö?" Qesim engiiga "Yuai kungöra qahö osiin," jiget.

³⁶Jigetka kewö toroqeba jiyök, "Mutuk mewö aketmö, nalö kewöje kungörej gösö aka monen gösö tunji ahözawi, mi ölop memba tengöba malma. Bimgö sou ketanji mi kungörej qahö ahöza, yanön mönö malukunji bohonji memegöra ala monen miwiknaiba sou mi bohonji mema. ³⁷††Nöjon miangöra kewö jibi mötket: Anutugö keu nöngöra jigeri, mi körek pakpak köhöim teköma. Miangö nalöjan mönö kam kungumamgö akza. Buja keu kun kewö ohoget ahöza, 'Yanön bölonji meme yengö kambunine ahöma, jiget.' Miangöra jizal: Keu miangö ölni mi nöngörej asuhum teköma."

³⁸Mewö jiiga gwarekurupjan jiget, "Kembu eknönj, bimgö sou ketanji yahöt ki ahözahot." Mewö jigetka "Mi dop kölja," jiba melenj engiyök. Mewö.

Jisösnönj Gezemane arönönj köuluköyök.

Mat 26.36-46; Mak 14.32-42

³⁹Jisösnönj miri mosöta silikni wuatangöba Oil ip kunduje öngöiga gwarekurupjan andöje anget.

⁴⁰Öngöba miangörej angota kewö jii mötket, "Esapesapnönj et engubapuköra mönö köuluk nup meme."

⁴¹Mewö jiba engömosöta köt gilil anakzawi, miangö dop anda simin köla köuluköyök ⁴²Köuluköba kewö jiyök, "Iwini, göjön urusihimgi mötzan ewö, sihim-bölögö qambinji kianön mönö nöngö qakne öngöbapuköra noangitman. Noangitman me qahö, mi mönö nangi jit keugahö dop asuhuma. Mi nöngö sihimgö dop qahö." ⁴³Mewö köuluköiga garata kunjan Suepnöhök asuhuba mem köhöim wangiyök. ⁴⁴Mem köhöim wanggiiga könjilij öngöngönji möta mönö kapan köla urunji qezaköba köuluköyök. Köuluköiga nöngöpni mi sep jöjöl ewö tingita gölmenönj etket.

⁴⁵Köuluköm teköba wahöta gwarekurupji yengörej anök. Anda miwiknaiba engehi wösöbiriknönj mem et engii söörauba gaun ahöget. ⁴⁶Ahögetka jiyök, "Mönö wuanöngöra gaunök ahöze? Mönö wahöta esapesapnönj et engubapuköra köuluköget." Mewö.

Jisös qeraköba memba jöhöget.

Mat 26.47-56; Mak 14.43-50; Jon 18.3-11

⁴⁷Jisösnönj mewö jiba kiniga miangörej azi kambu kangotket. Gwarekurupji 12 yengörejök kun qetji Judas yanön jitnemem engiba Jisösgörej kangota numbunji yöhötüm neyök. ⁴⁸Yöhötüm neyökmö, Jisösnönj kewö jii mörök, "Judas, gi numbunji yöhötüm memba mewö miangön Suep gölmegö azi ölni mamalolo mem wangizan me?"

⁴⁹Mewö aiga tosatjan Jisös liliköm wangiba kingeri yanön yuai asuhumamgö ahi mi eka jiget, "Kembu, ni ni bimgö sou ketanjan enguin me?" ⁵⁰Mewö jiba yengörejök kunjan jike nup galöm bohonjangö welenqeqeni qeba kezapni ölni köteköi erök.

⁵¹Erökmö, Jisösnönj melenja "Mönö mosötket!" jiba welenqeqegö kezapni yandiyöhi, mi misiriiga ölöwahök.

⁵²Ölöwahiga kindi jike nup galömurup, jikegö kiripo galöm bohonji aka kantrigö jitnememe yanön Jisös membingö kangotkeri, mi kewö jii mötket, "Ni kegwek-kahasililij azia qahöpmö, töndup nöngöra mewö möta bimgö sou ketanji aka lingip memba kangotze.

⁵³†Nöjon wehön dop jöwöwöl jikenönj embuk malbiga injini böröjini böranda ni qahö nömiget. Mi qahöpmö, dölkö sönjaupkö ösumjan luhut ala aukje asuhuiga engö nalöjanan kam kunguza." Mewö.

Pitönönj Jisös qan kölök.

Mat 26.57-58, 69-75; Mak 14.53-54, 66-72; Jon 18.12-18, 25-27

⁵⁴Mewö aiga yarö azi yanön Jisös memba jöhöba wangita jike nup galöm bohonjangö mire anget. Angetka Pitönönj andöjine sikepsikep enguatangöba anök. ⁵⁵Miangörej anda jakömbuak mirigö kiripo uruje geba sombem bibije könöp ohoba mohotje tatket. Pitönönj mewöjanök yengö sutjine tarök.

⁵⁶Tari welenqeqe ambi kunjan Pitönönj könöp kösutje tari ehiba kewö jiyök, "Azi kianön mönö mewöyök yambuk malök."

⁵⁷Mewö jiyökmö, Pitönönj qan köla kewö jiyök, "Ambi, ni i qahö möt wangizal."

⁵⁸Mewö jiba tari kude köriiga azi kunjan eka jiyök, "Gi mewöyök yengörejök kun akzan." Mewö jiyökmö, Pitönönj melenjök, "Alani, ni qahö."

⁵⁹Aua mohotkö dop teköiga kunjan keu mi kunbuk kapan köla jiyök, "Azi kianön mewöyök ölna yambuk malök. Yanön mönö Galili azia akza."

⁶⁰Mewö jiyökmö, Pitönönj melenjök, "Azi, keu jizani, mi köndatza." Mewö jiba kiniga miangörejök kuruk qerök.

⁶¹Qeriga Kembunönj lilingöba Pitö uba ehiga miangörejök keunji kewö jiyöhi, mi mötmöriyök, 'Gi mer-

† 22.35 Mat 10.9-10; Mak 6.8-9; Luk 9.3; 10.4 †† 22.37 Ais 53.12

‡ 22.53 Luk 19.47; 21.37

ak indimnji karöbut qarj köl ninginönnga kuruknön qetma.' ⁶² Keu mi mötmörība wösönji julmamgö aiga yaigep geba sahöt böliyök. Mewö.

Jisös jim gönahit ak wangiget.

Mat 26.67-68; Mak 14.63-65

⁶³ Yarö azi Jisös memba jöhögeri, yejön mepaqepaik ak wangiba kinda qeapköget. ⁶⁴ Qeapköba jemeso-holnji esuhuba qesiba jiget, "Gi kezapqetok azia akzanangöra danön guhuzawi, mönö yanggö qetnji qetnön!" ⁶⁵ Mewö jiba gwötpuk terenqerenđa ilita jim qetal wangiget. Mewö.

Jikegö jitnememe yejön Jisösgö keu nup meget.

Mat 26.59-66; Mak 14.55-64; Jon 18.19-24

⁶⁶ Jim qetal wangiba malgetka miri gianjiiga kantrigö jitnememe aka jike nup galöm aka Köna keugö böhi yejön tokoba Jisös wangita Juda yenggö jike kaunsöl kambu yenggö jeñine alget.

⁶⁷ Miangören algetka jiget, "Gönön Amötqeqe Tonji Kraist akzan ewö, mi mönö aukne pañ jinönnga möt-pin." Mewö jigetka melenök, "Mi jibi mötpeaha kun, mi mönö qahö möt narime. ⁶⁸ Me qesim engibilenjaha kun, mi mönö qahö melen ningime. ⁶⁹ Mewö mötzalmö, nalö kewönjeyök könahiba Suep gölmegö azi ölnji yejön mönö Anutu, kukösüm Tonjangö börönji ölnje tata malma."

⁷⁰ Mewö jiiga miangörenök körekñanök kewö jiba qesiget, "Ölnja, gi Anutugö nahönja akzan me qahö?" Mewö qesigetka kewö melen engiyök, "Mi akzalangö keunji mönö nanñinak jize." ⁷¹ Melen engiiga jiget, "Nanñak uñemujem (gunjemgunjem) keunji mönö nanñi numbuñan jiiga möt teközin. Miangöra tosatñan keunji nanngömegöra mönö wuanönngöra kunbuk qesim engibinak?" Mewö.

Jisösnön premiö Pailötkö jeñe kinök.

Mat 27.1-2, 11-14; Mak 15.1-5; Jon 18.28-38

23 Mewö jiiga kambu körek yejön wahöta Jisös wangita premiö Pailötkören anget. ² Yangören anda könahiba silenje keu ala undenđa kewö jiget, "Azi kianggö könanji kewö eka mörin: Yejön ambazip kungum engiiga enjololon aka karim asuhumakze. Nini Sisa kiñgö takis kude almegöra songo alakza. Nanñangöra 'Ni Amötqeqe Tonji Kraist aka kiñ akzal,' jimakza."

³ Mewö jigetka Pailötnön kewö qesim wangiyök, "Ölnja, gi Juda yenggö kiña akzan me qahö?" Qesim wangyiiga Jisösnön melenđa jiyök, "Mönö nangak jizani, mewö."

⁴ Pailötnön jike nup galöm aka ambazip kambu yengöra kewö jii mötket, "Nönön azi kianggö pinjitnji kun qahö miwikñaisal."

⁵ Mewö jii möta kunbuk kapañ köla kunguba jiget, "Yejön mönö ambazip kambu kungum engiba Buñanji Galili prowinsnön könahiba kusum engiba gölme dop köla kaba Judia prowins kiangören mewöyök mi jim sehimakza."

⁶ Mewö jiget möta qesim engiba jiyök, "I Galili azia me akza qahö?" ⁷ Mewö jiiga "Mönö mi!" jiget möta Herodnön Galili aka prowins tosatnji mindiriba galöm köl engiba nalö miangörenök Jerusalem sitinön kaba malöhi, miangöra Pailötnön Jisös Herodkören wangita anget. Mewö.

Jisösnön kiñ Herodkö jeñe kinök.

⁸ Herodnön Jisösgö kösohotnji möta lök nalö köröpñi ekñamgö sihimnji möta malöhangöra i eka uruñan gwötpuk ölöwahök. Jisösnön angöletot kun meiga ekñamgö al mamböta malök. ⁹ Miangöra qeqesi gwötpuk Jisös qesim wangiyök. Mi qesim wangiyökmö, Jisösnön likepñi kun qahö jii mörök.

¹⁰ Jike nup galöm aka Köna keugö böhi yejön kinda silenön alal keu könöpñambuk jim wangiget. ¹¹ Herodnön yarö aziurupñi yembuk Jisös memba et ala jijiwilit aka mepaqepaik mem wangiget. Mewö aka maluku aködamunñambuk kun löngöt wangiget kini melaiiga kunbuk premiö Pailötkö jeñe anök. ¹² Mutuk Pailöt aka Herod yetkөн kerök-kerök ak anguba malohora nalö miangören ala-ala ahot. Mewö.

Pailötnön Jisös kömumapkö jim teköyök.

Mat 27.15-26; Mak 15.6-15; Jon 18.39-19.16

¹³ Jisösnön kaiga premiö Pailötnön jike nup galöm aka galömkölköl aziurupñi aka ambazip kambu öröm engii tokoget. ¹⁴ Tokogetka kewö jii mötket, "Injni azi ki kewö jiba nönngören wangita kaze, 'Yejön ambazip kambu kungum engiiga enjololon ahakze.' Mötket! Injni keu silenje aljei, nönön miangö könanji engö jeñine kewöta kewö miwikñaisal: Injni azi kianggö silenje keu aljei pakpak, mianñon pinjitnji qahö akza. ¹⁵ Herodnön keu mewöñanök jiba melaiiga kunbuk nengören kaza. Mötket, yejön yuai pinjitñambuk kun qahö ahök. Miangöra kömupkö buñaya akñapak osima. ¹⁶ Miangöra nönön jibi yarö azi yejön ihileknöhök qegetka pösatpi etma." ¹⁷ (Pailötnön yambu (yara) dop Pasowa sösoñgai nalöne köso mireyök azi mohok pösat engimaljapma.)

¹⁸ Mewö jiiga yejön körekbörek silata qeta jiget, "Ia mönö yapmakek! Barabas mönö pösat nenginön."

¹⁹ Barabas mianñon sitinön karim gila malgeri, yenggö galömnjina aka azi kun qei kömuyöhi, miangöra köso mire alget tarök.

²⁰ Pailötnön Jisös pösatmamgö möta keu kunbuk jiyök. ²¹ Jiyökmö, yejön qetala öranbörañ misiba qet gigilahöget, "Maripomnön qeget! Maripomnön qeget!"

²² Qet gigilahögetka yejön keu indimnji karöbut kewö jiyök, "Yejön mönö wani bölöña ahök? Nönön yangören pinjit kun kude miwikñabiga kömupkö buñaya akñawangö dop qahö akza. Mewö aiga nönön jibi yarö azi yejön ihileknöhök qegetka pösatpi etma."

²³ Mewö jiyökmö, yejön jakbak memba kapañ köla toroqeba qet gigilahöba qetket, 'Jisös maripomnön qeget kömuma.' Mewö qeta Pailötkören keu mi qeapköget. ²⁴ Qeapkögetka Pailötnön keunji bapñe anda keu kapañ köla jigeri, miangö ölnji ahumapkö jim

teköyök. ²⁵ Jim teköba Barabas etmapkö kapan kolger-angöra i pösari erök. I karim qeba malgeri, yengö galömnina aka azi kun qei kömuyöhi, miangöra kösö mire alget tarök. Mi pösari erökmö, Jisös sihimningö dop jaungauranga ak wangimegöra böröjine alök. Mewö.

Jisös maripomnöj qeget.

Mat 27.32-44; Mak 15.21-32; Jon 19.17-27

²⁶ Pailötnöj Jisös böröjine aliga wangita köna namne anda Afrika siti qetnji Sairini miangö azi kun qetnji Saimon miwiknaiget. Yanön nupnöhök kangoriga jim kutum wangiba Jisösgö maripomnji wangita yangö awötne algetka anguba wuatangöba anök.

²⁷ Mewö aniga ambazip kambu ketanji yanön luluñda andöne wuatangöba anget. Yengö sutnjine ambi tosatnan mewöyök jingene köla sahöta anget.

²⁸ Sahöta angetka Jisösnöj lilingöba engeka kewö jiyök, "O Jerusalem ambi, injini mönö nöngöra kude sahötket. Nöngöra qahöpmö, nanjini aka nahön-böraturupnjini miangöra mönö sahötme. ²⁹ Mötket! Könanjep nalö kun kai miangöreñ kewö jime, 'Ambi köpin mi simbawon. Gölöm qahö ala morö kude megeri, mi simbawon akze. Nahönbörat juzu engiba qahö dohongögeri, mi simbawon.' ³⁰ †Nalö miangöreñ ambazipnöj könahiba kundunji Tonji yengöra kewö uletme, 'Injini mönö kundunji mi jigetka teköba qaknine öngöme.' Aka sem siagö Tonji mi kewö ulet engime, 'Injini mönö banjetnjine asamböt nengime.'

³¹ "Nöñön Anutugöreñ ip gwölögwölö akzal aka nöngöra töndup kewö ak ningize. Injini ip köhömunji siñgisöndokninambuk könöp sihit qeba kinje. Miangöra Anutunöj likepni melenj engiiga könöpnöj amqeqeranjök engohotiriiga sihimbölö öngöngöñi mötme."

³² Bölöñi meme yahöt mi mewöyök Jisösbuk mohotne etkubingöra etkuangita anget. ³³ Anda gölme qetnji Nöröpsihit qetzei, miangöreñ angota Jisös maripomnöj qeget. Qeba bölöñi meme yahöt mi mohotne kun öljne kun qaniñe likeplikep mewö etkuget. ³⁴ ††Mewö aketmö, Jisösnöj jiyök, "Iwini, yanön yuai akzei, miangö könanji qahö möt kutuzeangöra siñgisöndoknjini mönö mosöt engiman."

Qeget kiniga Jisösgö sile esunangöra kiawen megetka qötöñi ahui miangö dop mendenja meget.

³⁵ †Mewö aketka ambazip kambu yanön kinda mi uba eket. Eketmö, Juda jitjememe yanön mewöyök mepaqepaik mem wangiba kewö jiget, "Anutunöj möwölöhöm wangii Amötqeqe Tonji Kraist akza ewö, tosatnji bauköm engiba malöhanön mönö nanji bauköm anguma."

³⁶ ††Yarö azi yanön mewöyök keu gönahit jiba ilita kösutne anda wain o asöljambuk kusahöla memba öngöba wangiba ³⁷ kewö jiget, "Gi Juda yengöreñ kinj kembuya akzan ewö, mönö ölop nangi bauköm anguman."

³⁸ Nöröpne eu kulem kun kewö ohoget kinök, "Juda yengö kinj kembuñina ki."

³⁹ Kegwek-kahasiliñ azi yahöt mohotne möndögetka kingeri, yetköreñök kunjan uruqeqe keu töhöreñ Jisös jim wangiba kewö jiyök, "Gi Amötqeqe Tonji Kraist akzan ewö, mönö nangi bauköba niri mewöyök bauköm netkinöj."

⁴⁰ Mewö jiyökmö, alanan jim wangiba kewö jiyök, "Gi gödaqeqegi qahö. Gi Anutugöra mewöyök kenjötki qahö mötzan me? Yanön jim teköba sihimbölö öröröñ nengigetka bisizin. ⁴¹ Niri öljna pinjit ahirangöra likepni dopne melenja ak netkigetka sihimbölö mötztit. Mi mötztimö, azi kianön bölöñi kun qahö aiga ia töndup ayuhuze." ⁴² Mewö jiba jiyök, "Jisös, gi bemtohoñgahö urune angotmani, miangöreñ mönö ni mötmörim ningiman."

⁴³ Jiiga kewö jiyök, "Nöñön keu öljna jibi mötnöj: Göñön mönö merak nömbuk oyaenköyaen mire öngöba malman." Mewö.

Jisösnöj kömuyök.

Mat 27.45-56; Mak 15.33-41; Jon 19.28-30

⁴⁴ Silim bibinji 12 kilok aiga wehön jeni böuleiiga söñaupnöj eta gölme pakpak dop köla ahöiga anda aua karöbutkö dop ahök. ⁴⁵ ††Nalö miangöreñ jöwöwöl jike urune opo kinöhi, miangön mönö euyök bibine jurata eta yahöt ahök. ⁴⁶ †††Jisösnöj nalö miangöreñ köhöiknanök qeta kewö jiyök, "Iwini, nöñön uñani göhö böröge aljal." Mewö jiba söngörö ösum kondikñi öröba kömuyök.

⁴⁷ Kömuiga yuai asuhuyöhi, suahö galömnöj mi eka Anutu möpöseiba kewö jiyök, "Yanön mönö öljna azi solanja akza."

⁴⁸ Ambazip kambu pakpak mi ekingö kaba tokogeri, yanön yuai mi asuhui eka wösöñini juliga nörop gila mohot mohot mirinjine anget. ⁴⁹ †††Angetmö, ambazip pakpak Jisös möt wangigeri, yanön sikep kinda i uba eket. Ambi tosatnan Jisös wuatangöba Galiliyök kageri, yanön mewöyök kinda mi eket. Mewö.

Jisösgö qamötñi löm kölget.

Mat 27.57-61; Mak 15.42-47; Jon 19.38-42

⁵⁰ Juda yengöreñ taon qetnji Arimatia miangöreñök azi ölopñi qetbuñangambuk qetnji Josef yanön mewöyök kayök. Yanön Anutu bemtohoñangö öljni asuhumapköra mamböta malök. Yanön Juda yengö jike kaunsöl kambugö jitjememe mala Jisösgö keu jim jöhöba akeri, miangö urumohok qahö ahök.

⁵² Yanön Pailötköreñ anda Jisösgö qamötñi memangö qesiyök. ⁵³ Qesiba öngöba qamötñi maripomnöhök qeköba memba eta opo tuatnan esuhuyök. Esuhuba memba qaksirinöñ anda köt kötenj kun urorohoba qamöt kun miangöreñ qahö algeri, Jisösgö qamötñi mi miangöreñ alök. ⁵⁴ Sabat kendon tatatkö yuaiñi mözözmögögeri, miangö wehön jeni gemangö ahök.

† 23.30 Hos 10.8; Ind 6.16 †† 23.34 Sum 22.18 ‡ 23.35 Sum 22.7 †† 23.36 Sum 69.21

‡† 23.45 Eks 26.31-33 ††† 23.46 Sum 31.5 ††† 23.49 Luk 8.2-3

⁵⁵ Gemamgö aiga ambi Jisösbuk Galiliyök kageri, yeñon Josefgo könanje qaksirinön anda yeñon Jisösgö qamötñi memba köt kötenñön alöhi, mi eket. ⁵⁶ †Mi-anğoreñök lilingöba mire anda jiniñ suamburup umköhōwakñambuk aka kelök qösösökñambuk Jisösgö qamötñe miribingö mözözömgöget. Mözözömgögetmö, Mosesnön Köna keunön Sabat kendongöra jim kutui ahöyöhi, mi wuatangöba luhut memba ösön tatket. Mewö.

Jisösnön kömupnöhök wahörök.

Mat 28.1-10; Mak 16.1-8; Jon 20.1-10

24 Sabat kendon tatket teköiga Sonda söñanök miri gianjiiga ambi yeñon wahöta jiniñ jimoroñ umköhōwakñambuk mözözömgögeri, mi memba qaksirinön anget. ² Anda kunñan qaksirigö numbuñe köt ketañi qetali ani eket. ³ Mi eka köt köten uruñe öngögetmö, Kembu Jisösgö qamötñi qahö mi-wikñajiget. ⁴ Mianğöra mötkurumkurum möta kingetka azi yahöt malukuñiri tuatñi kölköl-bilikbilikñambuk yetkön wösöñine kinohotka etkeket.

⁵ Mi etkeka awöwöliba gölmenön geba dapkögetka kewö jiyohot mötket, "Jebuk mal köhöizawi, i mönö denöwögöra kömukömuñi yeñgö sutñine jaruze? ⁶ ††Yeñon ki qahö ahözapmö, mönö guliba wahötza. Galili prowinsnön mala keu jii mötkeri, mi mönö mötmörime: ⁷ Yeñon kewö jiyök, 'Kunön Suep gölmegö azi öñi mamalolo mem wañjiiga bölöñi meme yeñgö böröñine geiga maripomñöñe qeget kömumba wehön karöbut aiga guliba wahötma.'"

⁸ Mewö jiyohotka keunji mi mötmötñine anğoriga mötmöriget. ⁹ Mewö mötmöriba qaksirinöhök lilingöba kaba yuai pakpak asuhuyöhi, mianğö buzup keunji mi gwarek 11 aka tosatñi pakpak yeñgöra jiget mötket. ¹⁰ Keu mi jigeri, mi Magdalagöra Maria, Joana aka Maria Jeimsgö namñi aka ambi tosatñi yembuk malgeri, yeñon mi kaba aposol yeñgöra jiget mötket.

¹¹ Buzup keu mi jiget mötketmö, keu jigeri, mi keu omanji tandök ahöhi, mewö mötmöriba mi qahö möt nariget. ¹² Qahö möt narigetmö, Pitönön wahöta ösumñan qaksirinön anda köt köten uruñe ui aniga opo esu miyök mianğoreñ tari ehök. Mi eka yuai asuhuyöhi, mi nanñök mötmöriba welipköba mire lilingöyök. Mewö.

Gwarek yahötñan Emeus könanön anohot.

Mak 16.12-13

¹³ Wehön mianğoreñök Jisösgö gwarekurupñi yeñgoreñök yahötñan Jerusalem siti mosöta miri qetñi Emeus sewen mail mianğoreñ anbitkö anohot. ¹⁴ Könanön anda yuai asuhuyöhi, mi pakpak nanñirök eraum mörohot. ¹⁵ Mi eraum möta könanji jim lömböriba anohotka Jisösnön nanñak kösutñire anğota mohotñe anget. ¹⁶ Angetmö, jeñiri közamböri i qahö ek kutuyohot. ¹⁷ Qahö ek kutuyohotka kewö jiyök, "Inñiri nanñirök wani keuya könanön eraum möta kazahot?"

† 23.56 Eks 20.10; Dut 5.14 †† 24.6 Mat 16.21; 17.22-23; 20.18-19; Mak 8.31; 9.31; 10.33-34; Luk 9.22; 18.31-33

Mewö jiiga dörök mitiba wösöbirik jeje uba eka kinohot.

¹⁸ Eka kinda yetköreñök kun qetñi Kliopas yeñon kewö qesim wañjiyök, "Pasowa kendonön yuai asuhuyöhi, mi Jerusalem ambazip köreknan mötze. Gi mohotñan kiana aka mi qahö mötzan me?"

¹⁹ Qesim wañjiiga "Mi wania?" jiiga möta kewö jiyohot mörök, "Nazaret azi Jisösgöra yuai asuhuyök mi. Yeñon kezapqetok azia mala Anutu aka ambazip pakpak yeñgö jeñine ahakmeme kukösumñambuk aka keu köhöikñi jiba malök. ²⁰ Mewö maliga yeñgö jike nup galömnini aka galömkölköl aziurupninan i wañjita premiögö böröñe algetka kömumapkö jim teköi maripomñöñe qeget kömuyök. ²¹ Yeñon Israel kö-nagesönini kösönöhök pösata sohopnini memapköra al mamböta jörömqöröm aka malinmö, Yeil i mönö qeget kömuyök. Yuai mi asuhuiga mala koringa merak sömanji karöbut lök akza.

²² "Mi qahö dop köliga merak yeñgoreñök ambi tosatñan keunön kuñguba welipköm neñgiget maljin. Yeñon söñan amandine qaksirinön anda, ²³ qamötñi qahö miwikñaiiba lilingöba kewö jize, "Nini Suep garata yahötkö jemelenj imut ehinga yetkön 'Jisösnön guliba malja,'" jiyohotka mötzin. ²⁴ Keu mi möta azi nembuk maljei, yeñgoreñök tosatñan qaksirinön anda ambi yeñon keu jizei, mianğö dop ahöiga ekze. Löm gwamönñi ekzemö, nanñi qahö ekze."

²⁵ Keu mi möta kewö jii mörohot, "Yeil! Inñini kezapqetok yeñon keu jigeri, mi pakpak mönö wuanöñgöra ölanbölan aka ajojohoba gawönjeje mala qahö möt narize? ²⁶ Amötqeqe Tonji Kraistnön sihimbölo mewönji mötagun nanñi asakmararaj uruñe öngöma. Mianğö dop ohoget ahöza me qahö?" ²⁷ Mewö jii mörohotka Moses aka kezapqetok ambazip pakpak yeñon keu jigeri, mianğoreñök könahiba nanñanğöra keunji pakpak ohoget ahözawi, mianğö könanji jim asarim etkiyök.

²⁸ Jim asarim etkiba anda miri anbitkö jiba anohori, mi dopdowiba mianğoreñ toroqeba anmamgö mörök. ²⁹ Mewö mörökmö, yetkön kapan köl wañgiba kewö jiyohot, "Miri mare aiga wehön jeñan lök gemamgö akza. Mianğöra ölop netpuk tata ahöman." Mewö jiyohotka yetpuk mire öngöba tatket. ³⁰ Tata yetpuk nene nemingö aka beret memba kötuatköba mindipköba etkimamgö aiga yuai kewö asuhuyök:

³¹ Mianğoreñök jeñiran tohoiga ek kutuyohotka atatop (jiataton) köliga kunbuk qahö ehot. ³² Mewö aiga nanñirök kewö eraum mörohot, "Köna namñe Buña Kimbigö keu jiba könanji jim asarim netkizawi, nalö mianğoreñök mönö urunire könöp jezawangö dop mötzit."

³³ Mewö jiba mianğoreñök wahöta Jerusalem sitinön lilingöba anğota gwarekurupñi 11 aka alaurup yembuk tokoba tatkeri, mi miwikñaim engiyohot. ³⁴ Miwikñaim engiyohotka kewö jiget mörohot, "Kembunön mönö öñja wahöta Saimongoreñ asuhum wañgiza."

³⁵ Mewö jigetka nanñirak könanön yuai asuhuyök aka beret mindipköyöhi, nalö mianğoreñ uruñiri to-

hoiga möt kutuyohot, miangö kösohotni mem engiyohot. Mewö.

Jisösnöŋ gwarek kambuŋi asuhum engiyök.

Mat 28.16-20; Mak 16.14-18; Jon 20.19-23; Apo 1.6-8

³⁶ Gwarekurupŋi yeŋön keu mi eraum möta tatketka miangöreŋök Jisösnöŋ nanŋak sutŋine asuhuba kinda kewö jiyök, "Alaurupni, luainöŋ embuk ahöma!"

³⁷ Mewö jiiga keŋgötporiŋ aka jönömŋini undui "Öme imura ekzin," mewö mötmöriŋet. ³⁸ Mewö mötmöriŋetmö, kewö jii mötket, "Iŋini denöwögöra auruba mötmöt mewöŋi uruŋine ahuza? ³⁹ Ni nanak ki maljal. Mi nanŋinak köna böröni uba eka mötme. Öme imut mi bususihitŋini qahö. Ni bususihitnambuk kinbi nekze. Mönö nömisiriba nek kömume."

⁴⁰ Mewö jiba köna böröŋi kondel engiyök. ⁴¹ Kondel engiyökmö, mi sösoŋgaiŋinangöra töndup qahö möt nariba welipköba tatketka kewö qesiba jiyök, "Neneŋamŋini kun ki tatza me qahö?" ⁴² Mewö jiiga söra jejeŋi miangö kitipŋi kun waŋgiget. ⁴³ Waŋgigetka memba neiga eket.

⁴⁴ Neiga eketka kewö jii mötket, "Ni embuk mala nalö miangöreŋ keu jibi mötkeri, miangö öljö nalö kiangöreŋ asuhui ekze. Nöŋön kewö jiba malal: Nöŋgö keu mi Mosesgö Köna keu aka kezapqetok azi yeŋgö Buzup Kimbi aka Sumbara (Buŋa liŋet) buknoŋ ohoget ahözawi, mi pakpak mönö öljambuk ak teköma."

⁴⁵ Mewö jii mötketka miangöreŋök Buŋa Kimbigö könaŋi möt kutumegöra uruŋini metohoyök. ⁴⁶ Metoho-

ba kewö jii mötket, "Keu kewö ohoget ahöza: Kraistnöŋ sihibölö möta kömumba sömaŋi karöbut aiga kömupnöhök wahötma. ⁴⁷ Miangöra eŋön mönö Jerusalem sitinöŋ könahiba Buŋa keu nöŋgö qetne jim asariba kantri pakpak dop köla anda uru kuŋgum engimakŋe. Denike yeŋön uruŋini melenŋmei, Anutunöŋ mönö yeŋgö siŋgisöndokŋini mosöta saŋgoŋma.

⁴⁸ "Keu mi öljambuk ahök aka akŋawi, iŋini mi asuhui eka nangöba jiba dangunu ewö kinme. ⁴⁹ †Mötket! Iwinan kalem engimapkö keu jöhöyöhi, nöŋön i melaibiga uruŋine gema. Euyangöreŋök kukösum albi qakŋine öŋgöma. Iŋini siti kiangöreŋ miangöra mamböta tata malme." Mewö.

Jisösnöŋ Suep mire öŋgöyök.

Mat 16.19-20; Apo 1.9-11

⁵⁰ ††Jisösnöŋ keuŋi jim teköba gwarekurupŋi enguanŋgita anda Betani miri kösutŋe aŋgota miangöreŋ böröŋi mem wahöta kötuetköm engiyök. ⁵¹ Kötuetköm engiiga miangöreŋök Anutunöŋ waŋgiri-ga engömosöta Suepnöŋ öŋgöyök. ⁵² Öŋgöiga sösoŋgai ketanŋi möta sipköba waikŋi memba möpöseim waŋgiba Jerusalem liliŋgöget. ⁵³ Liliŋgöba sundan dop jöwöwöl jikenöŋ mala Anutu möpöseim waŋgiba malget. Mewö.

† 24.49 Apo 1.4 †† 24.50 Apo 1.9-11

Jon

Jim-asa-asari

Jonöñ nanñi qetñi Ölöwak Buña kiangöreñ aukñe qahö ohoyökmö, nanñangöra kewö jiza, “Gwarek Jisösnöñ uruñan jöpaköm wañgiyök.” (19.26) Jonöñ urujöpak urukalemgö keuñi kapañ köla jimakza. Jonöñ Ölöwak Buña ki mi ambazipnöñ keu kewö möt kutumegöra (20.31) ohoyök, “Jisös Kraist mi gölme aziyöhök qahö malökmö, ölna Anutugö Nahönñi aka Amötqeqe Tonji akza. Injini mönö i möt köhöiba mewö mianjön malmal köhöikñi mi-wikñaiime.” Jisösnöñ mutuk Iwigöreñ mala keu jitña malök. (1.1) Mewö mala gölme azia aka ösum-mumuñi aka mötmötñi mi aiwesök angöletot memba mianjön kondelök. Mi kondela bemtohongö könañi jim asariiga tosatñan uruñini melengetka tosatñan töndup yañgiseñ aket.

Jisösnöñ kewö akza, jiyök: Amötqeqe Tonji (4.26), malmalgö nene wötñi (6.35), miri gölme euyangö buñaya (8.23), bem koñkoñ (8.58), gölme pakpakö asakñi (9.5), nanñu (10.7), lama galöm ölöpnji (10.11), Anutugö Nahönñi (10.36), Kembu aka Böhi (13.13), kömupnöhök wahötwhöt Tonji aka malmal kömbönañi Tonji (11.25), köna, keu ölni aka malmal köhöikñi (14.6), wain ip ölni (15.1), kulem namñi mutukñi aka teteköñi A aka Z (Ind 1.8), Mutukñi aka Qöndökñi (Ind 1.17) aka mewö mewö.

Jisösnöñ gwarekurupñi ölna jöpaköm engiba malöhi, goro keu qöndökñan (Boñ 13-17) mi törörök kondelja. Keu mi nahömñambuk. Kömupnöhök wahötagun Pitö mem köhöimapköra kewö qesiyök: “Ni jöpaköm niñ-gizan me qahö? Mewö akzan ewö, mönö alaurupni köyan köl engiman.”

Buk kiangö bahöñi bohonji 6 mi kewö:

Keu mutukñi

Jon O-melun azi aka gwarekurup mutukñi

Jisösnöñ qenjarök nup meyoök

Teteköñe Jerusalem kaba mala kömuyök

Guliba wahöta alaurupñi asuhum engiyök

Galili kaba gwarekurupñi asuhum engiyök

Anutugö numbu jitñi malmalñambuk.

1 Könakönahiñe möpñangö möpñeyök keu jit malök. Yañön malmalgö könañi nangöba jiba kota malök. Keu jit yañön Anutugö qöhöröñe mala korök aka nanñak bem Anutuyöhök ahök. ² Keu jit yañön könakönahiñe Anutugö qöhöröñe malök. ³ Yañgö qöhöröñe mala bauköm wañgiiga yuai pakpak ahuyök. Yuai kun qahö bauköm wañgibawak, mi mönö qahö ahubawak. ⁴ Keu jit yañön malmal bömönñanök ahök. Yañgöreñ malmal köhöikñi mianjön ambazip mem asarim engiiga eka mala kotket. ⁵ Asakñan panaman uruñe asarimakzapmö, söñaupnöñ malgeri, yeñön asakñangö könañi mi qahö möt asariba mala kotket. Mewö.

⁶ †Anutunöñ ambazip körek pakpak asakñi möt narimegöra möta kolek azi qetñi Jon melaiiga asuhuyök. Asuha kaba asakñangö könañi indela nangöba jiba malök. ⁸ Jonöñ nanñak asakñi mi qahö aka malökmö, yañön mönö asakñangö könañi mi

nangöba jiba malök. ⁹ Asak ölbölñi yañön ambazip gölme dop mem asarim nengimakzawi, yañön gölmenöñ asuhumamgö ahök.

¹⁰ Yañön könakönahiñe gölmenji gölmenji mianjögö öroyuainji pakpak mi nam köl engiiga ahuget. Ahugetka nanñak sutñine mala korökmö, gölme ambazipnöñ töndup i qahö möt kutum wañgiba tönpin malget.

¹¹ Mewö tönpin malgetka nanñi miri gölmenje kaiga könagesöurupñan zikzik tököba nesampurek aka andö qem wañgiget. ¹² Mewö aketmö, denike yeñön köl öröm wañgiba qetbuñañi möta möt narigeri, yañön mönö körek yeñgöra köna mesari kewö asuhuyök: Nanñak nam köla kukösum engiiga ahuahu dölökñi ahuha Anutugö nahönböraturupñi aket. ¹³ Anutugö jitsihitñan mönö nam köl engiiga asuhuget. Gölime azinöñ jit sihitñi wuatangöba anömñambuk keu jöhöiga gölöm ala morö meiga asuhuzawi, yeñön köna mewö mianjön Anutugö nahönböraturupñi qahö aket. Mewö.

¹⁴ Keu jit yañön azi silebuk aka sutñine anda kaba malök. Mewö maliga aködamunñi uba eka malin. Iwiñan Nahönñi mohok-kungöra aködamunñi pakpak ala aum köl wañgiiga qainñi kun maljawi, yañön mönö

† 1.6-7 Mat 3.1; Mak 1.4; Luk 3.1-2

mianğö dop kalem möriamñan uruñi kokolak qeiga aködamunñambuk aka nalö dop keu öl töhöññi jiba malök.

¹⁵ Jonöñ azi mianğö könañi nañğöba kewö qeta jiba malök, "Nöñön kungöra keu jiba malali, yañön mönö mia akza. Kewö jiba malal: Nöñğö andöne azi kun kamawi, nöñön qahö asuhubiga yañön mutuk malök. Mianğöra yañğö qetbuñañan mönö ni noñgita öñğöñğöñi akza." Jon O-melun azinöñ mewö jiba malök.

¹⁶ Kalem möriamñan azi mianğö uruñi kokolak qeiga aködamunñambuk malöhi, yañön mönö mianğö dop kötuëtköm neñgiba malök. Kötumötuetñi mi nalöñi nalöñi mokoiga körek neñğö qaknine öñğöi malin.

¹⁷ Mosesnöñ Köna keunini nam köli asuhuyökmö, Jisös Kraistnöñ keu öññi indel teköba Anutugö kalem möriamñi nam köli aukñe asuhuyök. ¹⁸ Gölme azi kunñan Anutu nalö kunöñ qahö ehök. Nahöññi mohok-kunñan Iwigö wösöñe mala kota malöhi, yañön mönö gölmenöñ eta könañi indel neñgii mörin. Mewö.

Jon O-melun azinöñ nanñi könañi jim asariyök.

Mat 3.1-12; Mak 1.1-8; Luk 3.1-18

¹⁹ Juda jitñememe yeñön jike nup galöm aka jöwöwöl jikegö welenqege tosatñi Jerusalem sitinöhök melaim eñgigetka Jongöreñ kaget. Kaba qesim wañgiba jiget, "Gi wani azia akzan? Könañamgi denöwö?" Mewö jigetka könañamñi indela jii mötket.

²⁰ Könañamñi qahö qañ kölökmö, aukñe kewö jim miwikñañiyök, "Nöñön Amötqege Toñi Kraist qahö akzal."

²¹ "Mewö jiiga kapan köla qesim wañgiget, "Gi mönö azi niñia akzan? Gi Elaija (Elia) akzan me qahö?" Qesim wañgigetka "Qahö!" jiyök. "Gi kezapqetok azi kun akzan me qahö?" Mewö qesigetka "Mewö qahö!" melenñök.

²² Melenñiga qesiget, "Gi niñia akzan? Melaim neñgigetka kazini, yeñğöra mönö denöwö melenña jii in mötme? Gi nangi könañi denöwö jim asariman?"

²³ "Qesigetka kewö jii mötket,

"Kezapqetok azi Aisaianöñ keu kun kewö jii ahöza, 'Ni garata aka gölme qararañkölkölñe mala kewö qerakzal: Kembunöñ kamawo!

Mianğöra inñi mönö uruñini mindiñğöba könañi mesata möhamğöget.' Ni mianğö kolek garatañi akzal."

²⁴ Azi melaim eñgigetka Jongöreñ kageri, mi Farisi (Köna keugö kapankölköl) azia aket. ²⁵ Yeñön kunbuk kewö jiba qesim wañgiget, "Gi Amötqege Toñi Kraist qahö akzan aka Elaija (Elia) me kezapqetok azi yeñğöreñök kun qahö akzani, mianğöra mönö wuanöñğöra ambazip o melun mem eñgimakzan?"

²⁶ Qesim wañgigetka kewö melenñ eñgiyök, "Nöñön o töhöñöñ eñgömirimakzalmö, azi kun inñi qahö möt kutuzei, yañön lök sutñine kinja. ²⁷ Azi kun nöñğö andöne kamapköra jiba malali, yañön mönö mi. Yañön kaiga ketañamni aka malma. Mianğöra nöñön yañğö

kösutñe anda wayangösöñi teñğöba köna esuñañğö kösöñi pösatmamğö qötötañğömam."

²⁸ Jonöñ Jordan o likepñe miri qetñi Betani mianğöreñ mala ambazip o melun mem eñgiba malök. Yuai mi mönö mianğöreñ asuhuyök. Mewö.

Jonöñ Jisösgöra "Anutugö lama moröñi," jiyök.

²⁹ Mi asuhuiga miri gianjiiga Jonöñ Jisös tikep kaiga eka jiyök, "Eket, azi mi Anutugöreñ lama moröñi. Yañön mönö gölmeñi gölmeñi neñğö siñgisöndoknini köl köñjörari solanibin. ³⁰ Nöñön kungöra keu jiba malali, yañön mönö mia akza. Kewö jiba malal: Nöñğö andöne azi kun kamawi, nöñön qahö asuhubiga yañön lök mutuhök malök. Mianğöra yañğö qetbuñañan mönö ni noñgita öñğöñğöñi akza. ³¹ Nöñön i mutuk qahö möt kutuyalmö, Anutunöñ könañamñi Israel ambazip neñğöra indeli mötpingöra mötza. Mi möta ni melaim ninggiiga kaba o melun mem eñgimakzal."

³² Jonöñ mewö jiba dangunu ewö kinda nañğöba kewö jiyök, "Uña Töröñan mönö Suepnöhök eta kembö nei ewö yañğö nöörpñe eta köla tari ehal. ³³ Nöñön i mutuk qahö möt kutuba malalmö, kunöñ ambazip o melun mem eñgimamğöra melaim ningiyöhi, yañön kewö jii möral, 'Uña Töröñan kungö nöörpñe eta köla tari ekanani, yañön mönö Uña Töröñi ambazip uruñine ala melun mem eñgima.' ³⁴ Nöñön mi ehalañğöra aka könañamñi kewö nañğöba jizal, 'Yañön Anutugö Nahöññi akza.'" Mewö.

Jisösnöñ gwarekurupñi mutukñi eñgoholök.

³⁵ Mewö jiiga miri gianjiiga Jonöñ kunbuk o jitñe mianğöreñök aniga gwarekurupñi yeñğöreñök yahötñan yambuk mohotñe kinget. ³⁶ Kingetka Jisösnöñ mianğöreñ eñgongita anöhi, i törörök uba ehiba jiyök, "Azi mi ehot. Yañön mönö Anutugöreñ lama moröñi ewö akza."

³⁷ Mewö jiiga gwarek yahöt yetköñ keu mi möta Jisösgö andöñe anohot. ³⁸ Anohotka Jisösnöñ lilingöba andöñe kayohori, i etkeka kewö qesim etkiyök, "Inñi niñia jaruba kazahot?" Mi möta jiyohot, "Ketañamni! Gi miri denike ahöba maljan?" (Juda yeñön 'Ketañamni' keu mi böhiğöra jiget.)

³⁹ Mewö jiyohotka melenñök, "Mönö kaba ehot!" Mewö melenñiga wehön möñaiiga 4 kilok mianğö dop ahök. Wehön möñaiiga mianğöreñ mohotñe anda miri denike ahöba malöhi, mi eket. Mi eka mianğöreñ yambuk malohotka miri söñauba suñgem aiga mosöta kayohot.

⁴⁰ Jonöñ keu jiiga gwarek yahötñan möta Jisösgö andöñe anohori, yetköreñök kungö qetñi Andru, datñi qetñi Saimon Pitö. ⁴¹ Andru yañön mutuk datñi Saimon miwikñaiba kewö jii mörök, "Niri Amötqege Toñi mönö miwikñaizit." Amötqege Toñi mi Grik keunöñ Kraist.

⁴² Mewö jiba datñi wañgita Jisösgöreñ anohot. Anohotka Jisösnöñ Saimon törörök uba ehiba jiyök, "Gi Saimon, Jongö nahöññi akzanmö, nöñön qetki Sifas qetpi ahöma." † Mewö.

† 1.21 Dut 18.15, 18; Mal 4.5 †† 1.23 Ais 40.3

Jisösnöñ Filip aka Natanael etkoholök.

⁴³ Miri gianjiiga Jisösnöñ Galili prowinsnöñ anmamgö möta anda könanöñ azi qetñi Filip miwikñaiba kewö jii mörök, "Gi mönö ni nuatangöba kaman!" ⁴⁴ Filipnöñ Andru aka Pitö yetpuk mirinjini mohok. Taonñini qetñi Betsaida.

⁴⁵ Filipnöñ azi qetñi Natanael miwikñaiba kewö jii mörök, "Mosesnöñ azi kungöra Köna keunöñ ohoba kezapqetok yeñön toroqeba ohoget ahözawi, nini mönö azi mia miwikñaizin. Azi mi qetñi Jisös, iwinji qetñi Josef, mirinji qetñi Nazaret."

⁴⁶ Natanaelnöñ mi möta welipköba jiyök, "O Nazaret! Mi miri qandakña. Yuai ölöpnji kun mönö miangörenök asuhumawangö dop qahö." Mewö jiiga Filipnöñ jii mörök, "Mönö kaba nangak ek kutuman!"

⁴⁷ Mewö jii möta Jisösgören kaba asuhuiga eka yangöra keu kewö jiyök, "Eket! Azi kianön mönö Israel azi ölnji akza. Uruñe munen germonji kun qahö."

⁴⁸ Mewö jiiga Natanaelnöñ qesim wangiba jiyök, "Gi mönö denöwö aka ni möt kutum ningizan?" Mewö jiiga Jisösnöñ melenja jiyök, "Gi fig ip † könañe tatnön-ga gek kutuyal. Mutuk gek kutubiga Filipnöñ miangö bapñe geke goholök."

⁴⁹ Mewö jiiga Natanaelnöñ melenja jii mörök, "O Ketanami, gi mönö ölnja Anutugö Nahönñi akzan. Gi Israel nenngören azi Kembuya maljan!"

⁵⁰ Mewö jiiga Jisösnöñ melenja jiyök, "Ni mutuk kewö jizal, 'Gi fig könañe tatnön-ga gek kutuyal.' Mewö jim miwikñaizalangöra ölop möt narim ningizan. Anutugören kukösum ki eka mötzani, mi mönö yuai kötonjökñi akza. Ölnji ketanji mi mönö bian eka möta malman."

⁵¹ ††Mewö jiba toroqeba jii mörök, "Nönön keu ölä töhönñi kun kewö jibi mötnöñ: Könañgep nönngö gwarekurupni aketka kutum enguasöriga imut kewö ekñe: Suep nanngunöñ taliga Anutugö garataurupñan asuhaba Suep gölmegö Azi Ölnji yambuk nariba yangören eta öngöba aketka engekñe." Mewö.

Jisösnöñ o mem letoriga wain ahök.

2 Jisösnöñ Filip aka Natanael etkoholiga silimñi karöbut teköi malgetka kunöñ ambi memegö maren lömbuan ali tokoget. Mi Galili prowinsgö miri qetñi Kana miangören alget. Jisösgö namñan miangören mohotñe ani malget. ² Jisös aka yangö gwarekurupñi mi mewöyök öröm engigetka lömbuanñöñ mohotñe malget. ³ Miangören malgetka wain onöñ qahöwahiga Jisös namñan nahönñangöra jiyök, "Yeñgören wain o qahöwakza."

⁴ Mewö jiiga kewö jii mörök, "Namni, mi denöwö akñamgöra jizan? Jim kutum ningizan me? Nönngö angöletot meme nalönan mönö qahö kam kuñguiga maljal."

† Sifas mi Grik keunöñ Pitö, nanine keunöñ köt jamönñij. † Fig mi sambu ewöya. Mi nupñine kömötketka kötñi nahömñambuk asuhuiga mi nalö gwötpuk nezema. †† 1.51 Jen 28.12

⁵ Mewö jii möta welenqege yeñgöra kewö jiyök, "Yañön yuai kungöra jim kutum engimawi, mi injini ölop akñe."

⁶ Juda yeñön amöt qem angubingöra Köna keunñi wuatangöba börönñi sanjonmaljema. Miangö dop miri miangören köurañen ketanji 6 tarök. Köurañen mohot mohot mi o gina 8 me 12 miangön geba kokolak qenahangö dopñan tatket.

⁷ Jisösnöñ mi eka kewö jii mötket, "Injini mönö o uba kaba mokogetka köurañen ki kokolak qeget." Mewö jii möta jiyöhangö dop aket. ⁸ Köurañen mi kokolak qegetka kewö jim kutum engiyök, "Mönö o qakñi tosatñi uba anda lömbuan galöm wangime." Jim kutum enjiiga memba anget.

⁹ Uba angetmö, galömnöñ o letota wain ahöhi, mi namba möta denikeyök memba kageri, mi qahö möt asariba auruyök. Auruyökmö, welenqeqenöñ o ugeri, yeñön mi möta jigetka galömnöñ maren tonji oholi kayök. ¹⁰ Kaiga kewö jii mörök, "Maren nalöñe körek pakpak yeñön wain o ölöpnji mi mutuk memba kaba engimakze aka mi namba enjololoñ aketkun wain o nahömñi qahö mi könañgep engimakze. Göñön wain o ölöpnji mi mutuk angön köla qahö enjiba dölnki nalö onjita memba kazan. Mi silik murutñi kun akzan."

¹¹ Jisösnöñ angöletot mutukñi ki mi Galili prowinsgö miri qetñi Kana miangören meyök. Mi memba mewö miangön kukösumñi indeliga asuhuyök. Mi asuhuiga gwarekurupñan möt narim wangiget.

¹² †Közölömbuanñöñ malget teköiga Jisös, yangö nam-munñi aka gwarekurupñi yeñön mirinjine Kaperneam anget. Miangören anda sömañ tosatñi toroqeba malget. Mewö.

Jisösnöñ jöwöwöl jike jim kömbuhiyök.

Mat 21.12-13; Mak 11.15-17; Luk 19.45-46

¹³ ††Nalö miangören Juda nenngören ak-kömukömu kendon nalöñan dopdowiyök. Anutunöñ mönöwök nenngoriba nenngöröhö, †† miangöra söngaibingö aketka Jisösnöñ mewöyök mirinji mosöta Jerusalem sitinöñ öngöyök. ¹⁴ Sitinöñ öngöba jöwöwöl jikegö tohon uruñe anda yuai kewö miwikñaiyök: Ambazip bulmakau azinji, lama aka kembö nei mi bohonñi memegöra alget aka tosatñan monen utekutek albingöra tatkeri, mi engehök.

¹⁵ Mi engeka kösönöñ tapep (mungamunja) mönjön-da miangön engohotiriba enguyök. Enguba ambazip mi körek közöl enjiba lama bulmakauñinambuk jöwöwöl jikenöhök enjigatangöyök. Utekutek ambazip yeñgö souje kötnini metaliga mokoba eriga tebolñini metal anget. ¹⁶ Kembö bohonñini memegöra algeri, ambazip mi kewö jim engiyök, "Yuai mi mönö memba kesala yaigep anget. Injini nönngö Iwinangö jöwöwöl jikenji ki mönö wuanöngöra utekögetka kölköl-örörö miri ewö akza?"

† 2.12 Mat 4.13 †† 2.13 Eks 12.1-27 †† Anutunöñ Ijpt miangören Israel ambazip nenngoriba nenngöröhök, miangö sösonjini mi Nei keunöñ Pasowa. Eksodus, Mekömekö 12.15

¹⁷ †Mewö jiiga Buña keu kun gwarek yengö möt-mötnjine kanğoriga mötmöriget. Keu mi kewö ohoget ahöza, “Nöngö urunan göhöreñ jike mi kömbukñi ahömapköra kapañ kölbiga miañön urune newañ könöp ewö jeiga waimañjat miañön kawöl mi-wikñaimakzal.”

¹⁸ Mi közöl enğiiga Juda jitñememe yeñön tembula wahöta Jisösgöreñ kanğota kewö qesim wangiget, “Gi mönö wani anğöletot kun aknöngga kukösümgi ehinga dop köl neñgiigun kimbi mewöñi akanak?”

¹⁹ ††Mewö qesim wangigetka kewö melen enğiyök, “Injini jöwöwöl jike ki köndengetka gölmenöñ eriga nöñön mi wehön karöbutkö urune memba wahöta kungumam.”

²⁰ Melen enğiiga kewö jiget, “Yambu (yara) 46:gö urune jöwöwöl jike ki memba mala mem tekögetka asuhuba kinja aiga göñön mi wehön karöbutkö urune mönö denöwö aka memba wahöta kungubanak?”

²¹ Mewö jigetmö, Jisösnöñ jikegö keu mi nanñi silenangö söpsöpña ala jiyök. ²² Jisösnöñ könanğep kömupnöhök wahöriga söpsöp keu jiyöhi, mi nalö mi-anğöreñ gwarekurupñi yengö mötmötnjine kanğori ölop möt asariget. Mi mötmöriba Jisösnöñ keu jiyöhi, mi aka Buña keu ohogeri, mi pakpak möt nariget. Mewö.

Jisösnöñ ambazip könanğamnini möt teköza.

²³ Jisösnöñ Jerusalem sitinöñ ak-kömukömu kendongö nalöje mala anğöletot kukösümğambuk meyöhi, mi ambazip gwötpukñan eka qetñi möt nari-ba yanğöreñ lapingöget. ²⁴ Lapingögetmö, Jisösnöñ ambazip pakpak yengö könanğamnini möt kutum teköyök. Mewögöra ambazip pakpak qahö möt narim teköm enğiba keuninağö bapñe qahö anda malök.

²⁵ Ambazip urunine keu yuai ahöyöhi, Jisösnöñ kunñan ambazip uruninağö könanñi mi indela kondel wanğimawanğö dop qahö ahök. Mönö nanñak mi ölop möt kutum teköyök. Mewö

Jisösnöñ Nikodemus urumelenğö könanñi kusum wanğiyök.

3 Juda könagesögö jike kaunsöl sutñine jitñememe azi kun qetñi Nikodemus malök. Yanğön Farisi (Kö-na keugö kapañkölköl) kambunöñ kinök. ² Yanğön sunğem kunöñ Jisösgöreñ kanğota kewö jii mörök, “Ketanğamni, gi anğöletot memakzani, mi azi kunñan Anutu yambuk qahö kiniga nanñök memamgö osimakza. Miañğöra gi Anutunöñ nam köl gihiiga böhi akzan, mewö mötzin.”

³ Mewö jiiga kewö jiba melen wanğiyök, “Nöñön keu öl töhöññi kun kewö jibi mötnöñ: Kunñan Anutugöreñök ahuahu dölökñi qahö ahuma ewö, yanğön mönö Anutugö bemtohoñe anğota ekñamgö osima.”

⁴ Melen wanğiiga kewö jiyök, “Kunñan lök ahuaba ambazip namñi aka malagun ahuahu dölökñi mönö

denöwö ahubawak? Yanğön mönö nam körö uruñe anğori kunbuk gölöm ala memamgö osima.”

⁵ Mewö jiiga kewö melenök, “Nöñön keu öl töhöññi kun kewö jibi mötnöñ: Kunñan o melun mem wanğigetka Uña Töröñan uruñe geiga mewöñi miañön ahuahu dölökñe qahö ahuza ewö, mewöñi miañön mönö Anutugö bemtohoñe uruñe anğotmamgö osima.

⁶ Gölmegö iwinam enğöreñök morö ahuzawi, mi gölme moröya. Uña Töröñan inahöba nam köliga morö asuhumakzawi, mi mönö Suepkö moröya.

⁷ “Mewögöra injini ahuahu dölökñi Anutugöreñök qahö ahume, miañön mönö qahö dop kölja. Keu mi jibiga miañğöra mönö kude auruman. ⁸ Luhutnöñ nanñi imbi-imbi lañ giliga ötoñi mörakzanmö, mi denikeyök kaba gilakza aka denike gila anakzawi, gi miañğö könanñi qahö möt asarizan. Uña Töröñan ambazip nam köl enğiiga ahuahu dölökñe ahugeri, körek yengö könanñan mönö luhut miañğö dop akza.”

⁹ Mewö melenñiga Nikodemusnöñ köñkuñ aka kewö jiyök, “Mi ahakö dop qahö.”

¹⁰ Mewö jiiga Jisösnöñ jiyök, “Gi Israel könagesö kusum nenğimakzan aka töndup keu miañğö könanñi qahö möt asarizan. Mi kude dop kölja. ¹¹ Nöñön keu öl töhöññi kun kewö jibi mötnöñ: Neñön wania möt kutuzini, mi jiba indelakzin aka wania jeninan eka mötzini, mi nanğöba jimakzin. Mewö ahakzinmö, enğön töndup Buña keunini mi qahö möt anğön kölakze.

¹² “Gölmegö yuaiñi jenöñ ehekñi miañğö keunñi jibiga möta qahö möt narim niñgize ewö, nöñön Suepkö yuaiñi qahö ehekñi miañğö könanñi jibiga mötmei, mi mönö denöwö möt naribeak? ¹³ Gölmegö azi kunñan Suepnöñ qahö öngöyökmö, Suep gölmegö Azi ölnan Suep mire mala eta asuhuyöhi, yanğön mönö lilingöba Suepnöñ öngöma.

¹⁴ ††Anutunöñ Moses gölme qararanğölkölñe jim kutui kopö ainöñ mokoleñ imutñi memba tohotnöñ kösököi kinöhi, miañğö dop Suep gölmegö Azi ölni mi kösökögetka öngöba kinma. ¹⁵ Ambazip i möt narim wanğizei, yanğön körek pakpak malmal köhöikñi mi-wikñaiiba malmegöra aka eu öngöma.

¹⁶ “Miañğö könanñi kewö: Ambazip i möt narim wanğizei, yanğöreñök kunñan ayuhubapüköra Anutunöñ gölme dop önöñi qahö jöpaköm nenğiyök. Neñön körek letota malmal köhöiknağö buñaya akingöra mönö Nahönñi mohotsirik mi nenğiyök. ¹⁷ Ambazip gölme dop mal anjini, Anutunöñ Nahönñi nenğö keunini jim tekömapköra aka qahöpmö, Nahönñan amöt nenğuiga kantri dop letota oyaenğoyaen akingöra aka melaiiga gölmenöñ erök.

¹⁸ “Ambazip kunñan Nahönñi möt narizawi, Anutunöñ yanğö keunñi jim teköiga qahö ayuhumapmö, kunñan Jisös qahö möt narim wanğizawi, Anutunöñ yanğö keunñi lök jim teköiga malja. Anutugö Nahönñi mohotsirikö qetñi qahö möt narizawanğöra aka könöp siagö buñaya akña. ¹⁹ Anutunöñ gölme ambazip keunini jim tekömakzawi, miañğö könanñi kewö: Asakñan lök gölmenöñ eta asuhuyökmö, ambazipnöñ ahakmeme

† 2.17 Sum 69.9 †† 2.19 Mat 26.61; 27.40; Mak 14.58; 15.29

‡ 3.14 Jan 21.9

bölöni bölöni aka memba malget. Mewö mala Anutugö asakni tököba uruñi söñaupkö ahakmemenön lañ jöhöba mala kotket.

²⁰ "Körek pakpak ahakmeme bölöni ahakzei, yeñön Anutugö asakni tököba andö qemakze. Anutunön ahakmemenini bölöni bölöni mi indela jim engiiga gamuñi mötpepeköra keñgötñini mörakze. Mi möta asakñangö uruñe qahö angorakze. ²¹ Qahö angorakzemö, kunñan kun keu ölni wuatangöba maljawi, yañön ölop asakñangö uruñe kangetma. Anutunön sölölohöm wañgiiga ahakmemeni aka memba malöhi, miangöra ahakmemeni mianñön aukñe asuhumapköra mötza." Mewö.

Jon O-melun azinön Jisösgö könañi jim miwikñaiyök.

²² Jisösnön mewö jim teköba kinda gwarekurupñi enguangita Jerusalem siti mosöta Judia prowinsgö miri andöñe anget. Miangören ande gwarekurupñi yembuk sonda tosatñi toroqeba yembuk mala ambazip o melun mem engiba malök. ²³ Jisösnön mewö malökmö, Jonön mewöyök miri qetñi Salim miangö kösutñe malök. Miri qetñi Ainon miangören o jök ahöyök aka ambazipnön Jongören kangeta o melun mem engimapkö qesigetka amqeba mem engiba malök. ²⁴ †Nalö miangören Jon mi kösö mire qahö algetka tarök.

²⁵ Juda yeñön amöt qem angubingöra böröñi sañgonmaljema. Mewögöra Jongö gwarekurupñi yeñön Juda azi kunbuk keu miangö goranora aka könahiba jtnakölik jiget. ²⁶ Mewö jigetka lömböriiga Jongören kaba kewö jiget mörök, "Ketanamnini mötnön, azi Jordan o likepñe göbuk maliga nangak könañamñi nangöba jinöñi, yañön ambazip o melun mem engiiga jesöngöñan mönö yangören anakze."

²⁷ Jonön mi möta kewö melenök, "Anutunön azi kungöra yuai kun Suepnöhök qahö al wañgibawak ewö, yañön mönö mi buña qem angumamgö osiza. ²⁸ ††Yambuk mala kewö jial, 'Ni Amötqeqe Tonji Kraist qahö akzalmö, Anutunön melaim niñgiiga mutuk kazala yañön andöne kama.' Nöñön keu mi jiali, inñi mi ölop nanñinak nangöba jiba malbeañgö dop akze. ²⁹ Miangö keuñi dop ala kewö jimam: Azi kunñan ambi buñañambuk aka ambi memamgöra sösongai keu jim sehiba malja. Mewö maliga azi alañan kösutñe kinda sösongai keuñangö jölñi möta yangöra önöñi qahö söngaimakza. Miangö dop nöñön Jisösgö alañi aka yangöra söngaibiga sösongai mianñön dölkni uruni kokolak qeiga maljal. ³⁰ Jisösgö qetbuñañan qarim sehiiga nöngörenñan mönö waziiga dop köлма." Mewö.

Jisösnön Suepnöhök erohangö könañi jiyök.

³¹ "Dañön euyangörenök eröhi, yañön ambazip körek pakpak engongita öngöngöñi akza. Kunñan gölmenön asuhuba gölmegö buñaya akza aka gölmenön malmalgö keuñi jimakza. Suepnöhök eta kayöhanñön mönö körek pakpak engongita öngöngöñi akza.

³² Yañön yuai eka möt kutuba malöhi, miangö könañi jiba nangöba dangunu ewö kinja. Mewö kinjapmö, nangönañgö keuñi mi ambazip kunñan kun qahö möt angön kölja.

³³ "Ambazip kunñan nangönañgö keuñi möt angön köljawi, yañön Anutu ölbölñi akzawangö keuñi mem köhöiiga pöwöwöñi akña. ³⁴ Anutunön kolek azinñi melaiba Uñañi Töröñi musa qakñe qahöpmö, kelenmaleleñ wañgimakza. Miangöra kolek azinñan mönö Anutugö keu töhönñi indela jimakza. ³⁵ †Iwinön Nahönñi uruñan jöpaköm wañgimakzawangöra aka yuai pakpak buña qem wañgiba böröñe ali ahöza.

³⁶ "Ambazip kunñan Nahönñi möt nariba uruñi melenjawi, yañön mönö kunbuk letota malmal köhöikñangö buñaya akza. Kunñan Nahönñangö keuñi qahö tem kölakzawi, Anutugö irimsesewölñan mönö yangö qakñe öngöba pöndañ kini malmal köhöikñangö könañi qahö ek kutuba önewat lañ malja." Mewö

Jisösnön Samaria ambi kunbuk keu eraum mörohot.

4 Jisösnön mewö ambazip kusum engiiga gwarekurupñi aketka o melun mem engiba mewö mianñön Jon O-melun azi luhut ala malöhi, keu mi Farisi (Köna keugö kapankölköl) yengö kezapñine gei mötket. Yeñön mi mötkeri, buzup mi jiget sehiba Kembangö kezapñe gei mörök. ² Jisösnön nanñak ambazip qahö o melun engiyökmö, yañön jiiga gwarekurupñan mi aket. ³ Mi möta Judia prowins mosöta lilingöba kunbuk Galili prowinsnön göröken anget. ⁴ Köna mewö anda Samaria prowins ongita anget.

⁵ ††Ongita anda Samaria prowinsgö taonñi kun qetñi Sikar miangören angorök. Sikar taon mi Jeikobnön gölme bahöñi kun nahönñi Josef wañgiyöhi, miangö kösutñe ahöza. ⁶ Jeikobkö o lömñi diginñambuk mi Sikar taonñi ahöza. Jisösnön köna kayöhanñora aka silenñi lömböriiga silim bibiñe o lömñi miangören angota kösutñe eta tarök.

⁷ O löm kösutñe tariga Samaria ambi kunöñ o umamgö kayök. Kaiga Jisösnön eka kewö jii mörök, "Gi ölop o niñginöñga nembilenjak." ⁸ Nalö miangören gwarekurupñan nene bohönñi memingöra i mosöta taonñi angetka nanñirök kinohot.

⁹ ††Juda ambazipnön Samaria prowins qepureim engiba yembuk köisirik qahö maljema aka pake möhot mianñön o qahö uzema. Mewögöra nanñirök kinohot miangören ambinöñ kewö jii mörök, "Gi Juda azia aiga ni Samaria ambiapmö, denöwögöra 'O niñginöñga nembilenjak,' jiba qesim niñgizan?"

¹⁰ Jisösnön qeqesi mi möta kewö melen wañgiyök, "Gi Anutu kalemñangö könañi möt kutunöñga dop kölbawak. Dañön 'O niñginöñga nembilenjak,' jiba qesim gihizawi, yangö könañi möt asaribanak ewö, i mönö qesinöñga malmalgö onñi gihibawak."

¹¹ Mewö jiiga kewö jii mörök, "O ketanamni, o umamgö pakegi kun qahö ahöza aka o löm kianñön

† 3.24 Mat 14.3; Mak 6.17; Luk 3.19-20 †† 3.28 Jon 1.20

‡ 3.35 Mat 11.27; Luk 10.22 †† 4.5 Jen 33.19; Jos 24.32 †† 4.9 Esra 4.1-5; Neh 4.1-2

mönö diginꞱambuk akza. MianꞱöra malmalgö ogöra jizani, mi mönö denikeyök miwikꞱainöꞱga ahubawak?¹² Isik bömönini Jeikob yaꞱön o lömꞱi ki neꞱgiyök. YaꞱön mutuk nanꝼak aka yaꝼgö andöꝼe nahönu-rupꝼan ki kaba o uba nempa maljema aka bulmakau kambuꝼi kambuꝼi o eꝼgigetka nempa maljema. Gi Jeikob oꝼgita öꝼgöꝼgöꝼi aka ambazip o mem sehim eꝼgimamgö jizan me?"

¹³ Mi möta Jisösnöꝼ kewö melenꝼök, "Ambazip köreꝼan o ki nembagun mönö kunbuk ogö kömumba nembangö mörakꝼe. ¹⁴ Mewö malmemö, nöꝼön kungöra o waꝼgimami, yaꝼön mi nembagun nalö kunöꝼ ogö kunbuk qahö kömuma. Mewö qahöpmö, o waꝼgimami, mi mönö yaꝼgö uruꝼe letota malmalgö o jeꝼi jöꝼpöꝼköꝼi qahö aiga malma. Mewö mali mönö uzumgöba malmal köhöikꝼi teteköꝼi qahö waꝼgimakꝼa."

¹⁵ Mewö melenꝼniga ambinöꝼ jiyök, "O ketaꝼamni, gi mönö o mia niꝼginöꝼga nemi. Mi nembagun nalöꝼi nalöꝼi kunbuk ogö qahö kömumbilenꝼak aka o umamgöra ki könasöksök qahö tibilenꝼak."

¹⁶ Mi jiiga kewö jim kutum waꝼgiyök, "Gi mönö anda apki waꝼgita ki kamahot."

¹⁷ Mewö jim kutum waꝼgiiga "Ni apni qahö," jiba melenꝼök. Melenꝼniga kewö jii mörök, "Gi 'Apni qahö,' keu mi törörök jizan. ¹⁸ Gi ölna azi 5 eꝼgömemba malnöꝼ aka merak kun memba maljani, yaꝼön mönö göhö apki qahö akza. Keu jizani, mi ölä töhöꝼna."

¹⁹ Ambinöꝼ mi möta kewö jii mörök, "Ketaꝼamni, gi mönö kezapqetok azi qainꝼi kun akzan. Nöꝼön tandöki mewö gek kutum gihizal. ²⁰ Nengö ambösakonurupninan kundunꝼi kondela kianꝼgöreꝼ öꝼgöba sipköba köuluköba malgetmö, Juda eꝼön kewö jimakze, 'Samaria eꝼön mönö Jerusalem sitinöꝼ öꝼgöba jöwöwöl jikenöꝼ sipköba köulukögetka dop kölna."

²¹ Mi möta Jisösnöꝼ kewö jim kutuyök, "O ambi, nalö kun kam kunguma. Inini nalö mianꝼgöreꝼ Iwi waikꝼi memba möpöseibingöra kundunꝼi kian괱göre괱 me Jerusalem mian괱göre괱 qahö ö괱göba malme. Gi keu mi öläp möt narinö괱ga dop kölna. ²² Samaria inini Anutugö köna괱i törörök qahö möt kutuba töndup ya괱gö waik괱i la괱 memba möpöseimakze. Amötqeqegö köna괱i mi Juda nengö sutnine auk괱e asuhaba ahöza. Mian괱göra Juda ne괱ön Anutuninangö köna괱i möt kutuba waik괱i memba möpöseininga dop kölna."

²³ "Töndup nalö kun kewö asuhuma: Nalö mian괱göre괱 U괱a Törö괱an ambazip söläöhöba inahöm e괱giiga keu ölni wuatangöba Iwi waik괱i memba ölna möpöseiba malme. Iwininan ambazip mewö괱i jarum e괱giba asuhumegöra sihim괱i möta malja. Nalö murut괱i mi-a괱ön mönö lök kam kunguba dölni ahöza. ²⁴ Anutunö괱 U괱aya akza. Mian괱göra U괱a mian괱gö waik괱i memba möpöseimakzei, ye괱ön mönö U괱a Törö괱an söläöhöba inahöm e괱giiga keu ölni wuatangöba möpöseiba malme."

²⁵ Jisösnö괱 mewö jim kutuiga ambinö괱 jii mörök, "Amötqeqe Tonji qet괱i Kraist qetzei, ya괱ön kamamgö

akza, mi mötza. Ya괱ön kamawi, nalö mian괱göre괱 mönö keu pakpak indel ne괱giiga möt괱in."

²⁶ Jisösnö괱 keu mi möta köna괱i kewö indelök, "Göbuk ki kinda keu eraum mötziri, nö괱ön mönö mia akzal." Mewö.

Gwarek ye괱ön kaba yet괱uk toroqet.

²⁷ Köna괱am괱i indeliga gwarek ye괱ön mian괱göre괱 ö괱k lilingöba kaget. Kaba ambibuk eraum mörohöt, mi eka welipkögetmö, kunö괱 kewö qahö qesiyök, "Gi denöwögöra yambuk keukeu jizahot?" me "Wanigöra ak gihiza?" Mewö qesibingö mötketmö, köre괱an ölä괱 tatket.

²⁸ Ölä괱 tatketka ambinö괱 o pake괱i mosöta taonö괱 anda ambazip ye괱göra kewö indela jii mötket, ²⁹ "Mötket! Nö괱ön azi kun miwik괱aibiga yuai pakpak aka malali, mian괱gö köna괱i indela jii mötza. Mian괱göra ya괱ön mönö Amötqeqe Tonji Kraist akapuk. Mönö nan괱inak kaba azi mi ek괱e." ³⁰ Keu mi möta taon mosöta öröba Jisösgöre괱 anget.

³¹ Gwarek ye괱ön nalö sut괱e mian괱göre괱 Jisös qesim wa괱giba kewö jiget, "Keta괱amni, öläp nene nenö괱."

³² Mewö jigetmö, kewö jiyök, "Nö괱ön nene괱amni qain괱i kun memba maljali, inini mian괱gö köna괱i qahö möt kutuze. Qahö!"

³³ Mi möta nan괱ini qesim a괱guba kewö jiget, "Kun괱an nene kun memba kaba wa괱giza me denöwö?"

³⁴ Mewö jigetka kewö jii mötket, "Melaim ni괱giiga kayali, nö괱ön ya괱gö jit괱i tem köla nup괱i mem sorokömakzali, mian괱ön mönö nö괱gö nene괱amni akza. ³⁵ Inini keu kewö jibepuk, 'Köi괱 4 kunbuk ahöiga öläm-izi-izi nalö괱an törima.' Mötket, nö괱ön mian괱göra kewö jizala kezap alget: Nup bo괱i keta괱i miengö ölninan lök öliiga meme nalö괱inan kam kunguza. Inini mönö je괱ini uget aniga mi uru괱ine ek kutume. ³⁶ Tosat괱an mutuk keu kö괱i qesin괱a gila malgetka ölnan nalö kewö괱e asuhuiga tosata괱an mi lök tokoba töwa괱ini megetka ambazip괱i ambazip괱i malmal köhöik괱angö bu괱aya ahakze. Mewö asuhuiga ölni meme ye괱ön qesin괱 gilgil ambazip yembuk mindiriba mohot괱e sö괱gaiba simba-won괱 mötze.

³⁷ 'Kunö괱 kö괱i qesin괱 giliga kunö괱 ölni mezawi,' keu mewö jimakzei, mi keu ölna. Mi Anutugö nup memegö köna괱i indelja. ³⁸ Nö괱ön inini melaim e괱gibiga nup qain괱i kunö괱 nan괱inak yuai kö괱i qahö kömötkeri, mönö nup mian괱göre괱 anda ölni meme. Tosat괱an mutuk silen괱ini qeba nup memba malgetka e괱ön ye괱gö köna괱ine anda nup megerangö ölni miwik괱aiba memak괱e. Mewö melaim e괱gizal." Mewö

Samaria ambazip gwöt괱uk괱an uru괱ini melen괱et.

³⁹ Samaria ambinö괱 keu kewö nan괱göba jiyök, "Nö괱ön azi kun miwik괱aibiga yuai pakpak aka malali, ya괱ön mönö mian괱gö köna괱i indela jii mötza." Mewö jiyöhangöra Samaria ambazip gwöt괱uk괱an Sikar taon mian괱göre괱 uru괱ini melen괱da Jisös möt narim wa괱giget.

⁴⁰ Möt narim waŋgiba yaŋgöreŋ kaba yembuk toroqeba malmakpöra kapaŋ köla qesigetka silim yahötkö dop toroqeba miangöreŋ malök.

⁴¹ Mewö mala keu jiba malöhaŋgöra aka gwöt-pukŋan Jisös möt nariba toroqem waŋgigetka kambuŋini qariyök. ⁴² Toroqem waŋgiba ambigöra kewö jiget, "Azi kianön ölna gölmenji gölmenji nengöreŋ Amötqeqe Tonina akza. Neñön mi göhö keugörök qahö toroqeba möt narizinmö, mi naninak kezap ala möta möt kutuzin." Mewö.

Jisösnöŋ jembon azi kungö nahönŋi mem ölöwahök.

⁴³ Jisösnöŋ Samaria maliga silim yahöt teköiga engömosöta Galili prowinsnöŋ anök. ⁴⁴ †Jisösnöŋ nanŋak nalö kunöŋ keu kun kewö naŋgöba jiyök, "Kezapqetok ambazip kunŋan nanŋe miri gölmenöŋ maliga yaŋgöra qahö mötket öngöiga göda qahö qem waŋgimakze."

⁴⁵ ††Mewö jiyökmö, töndup nalö miangöreŋ nanŋe Galili prowinsnöŋ kaŋgoriga miangöreŋ mewöyök tosatŋan jölöŋi jiget. Yeñön ak-kömükömu kendongöra Jerusalem sitinöŋ öngöba Jisösnöŋ kendon nalöŋe aŋgöletot meyöhi, mi pakpak eka mötket. Miangöra nalö miangöreŋ ölop köl öröm waŋgiget.

⁴⁶ †Galili prowins yeñön köl öröm waŋgigetka miri qetŋi Kana mutuk o meiga letota wain ahöhi, miangöreŋ kunbuk kayök. Taon qetŋi Kaperneam miangöreŋ kiŋ kembangö jembonŋi kun malök. Yaŋgö nahönŋan kawöl yöhöiga ahöyök.

⁴⁷ Ahöba kömumamgö ahök. Miangöra Jisösnöŋ Judia prowins mosöta Galili uruŋe kayöhi, yañön miangö buzupŋi möta Jisösgöreŋ anda kewö qesim waŋgiyök, "Gi ölop kaba nahöni mem ölöwak waŋgiman." ⁴⁸ Qesim waŋgiiga kewö jii mörök, "Iŋini ni öne qahö möt narim niŋgimeangö dop akzei, mi qahö dop kölja. Nöñön aŋgöletot aiwesök membi ekagun mönö amqeba ni möt narim niŋgiba uruŋini melenbeak."

⁴⁹ Mewö jii mörökmö, jembonöŋ kewö jiyök, "Ketaŋamni, nahönan kömumbapuköra mönö ösumok kaman."

⁵⁰ Mewö jiiga melen waŋgiyök, "Nahöŋan mönö ölöwaka malma. Miangöra mönö ölop lilingöba anman." Mewö melen waŋgiiga yañön mi möt nariba lilingöba anök. ⁵¹ Anda könanöŋ maliga welenqeqeuruŋan kaba miwikŋaiba kewö jiget mörök, "Nahöŋan lök ölöwaka malja."

⁵² Mi möta qesim engiba jiyök, "Wani nalönöŋ könahiba ölöwahök?" Mewö jiiga jiget mörök, "Uran mare wan kilok miangöreŋ sile könöŋi mosörök."

⁵³ Mi möta mötmöŋi kewö ahuba asariyök: Aha! Jisösnöŋ "Nahöŋan mönö ölöwaka malma," jiyöhi, mönö aua miangöreŋök ölöwahök. Keu mi möt asariba i aka saiwauruŋi pakpak yeñön uruŋini melenŋa Jisös möt narim waŋgiget.

⁵⁴ Jisösnöŋ Judia mosöta Galili prowins uruŋe kaba aŋgöletot kun ki meiga yahöt ahök. Mewö.

Jisösnöŋ Betesda o aŋgö jitŋe azi kun mem ölöwahök.

5 Könaŋgep nalö kunöŋ Juda yeŋgö kendon ketanŋi kun töriiga Jisösnöŋ Jerusalem sitinöŋ öngöyök.

² Jerusalem sitigö selnöŋ naŋgu kun mi lama yeŋgöra ahöyök. Miangö kösutŋe o aŋgö kun qetŋi Hibru keunöŋ Betesda qetkeri, mi ahöyök. Miangö göraŋe luhut miri köröpŋi ketanŋi 5 tatket. ³ Luhut miri 5 miangö uruŋe kawöl ambazip kambu ketanŋi ahözema. Tosatŋan jeŋini gömölii tatket. Tosatŋan simalokon aka tatket. Tosatŋan likepŋini kömükömuŋa tatket. ††

⁴ Nalö tosatŋe Kembangöreŋ garata kunöŋ eta o aŋgönöŋ timjaliiga unduzapma. Onöŋ unduiga nalö miangöreŋök kunŋan mutuk aŋgönöŋ geiga kawölŋi mi me mi miangön ölöwahakzapma. Miangöra mamböta tatket. ⁵ Miangöreŋ azi kun yambu (yara) 38 miangö dop kawöl yöhöiga ahömalök. ⁶ Miangöreŋ ahöiga Jisösnöŋ kaŋgota eka lök nalö köröp tiŋtiŋi kawöl yöhöi ahöba malöhi, mi möta kewö qesim waŋgiyök, "Gi ölöwakŋangö ak gihiza me qahö?"

⁷ Qesim waŋgiiga kewö melen waŋgiyök, "O Kambu, onöŋ unduba ötöŋ qeiga alani dañön noaŋgita o aŋgönöŋ anda al niŋgibawak? Alani mewöŋi kun qahö malja. Nanak anmamgö möta esapköba malali, nalö miangöreŋök tosatŋi yeŋgöreŋök kunöŋ ni noŋgita anda gemalget."

⁸ Melen waŋgiiga Jisösnöŋ jii mörök, "Gi mönö wahöta tumbulahöpki memba anöŋ." ⁹ Mewö jii möta miangöreŋök ölöwaka tumbulahöpŋi memba anök.

Anökmö, yuai mi Sabat kendonöŋ asuhuyök. ¹⁰ ††Miangöra Juda yeñön azi ölöwahöhi, yaŋgöra kewö jiget mörök, "Merak Sabat kendon akza. Miangöra tumbulahöpki memba aŋgunöŋga qahö dop kölja."

¹¹ Mi möta kewö melenŋi mötket, "Möhämögöm niŋgizawañön mönö kewö jim teköm niŋgiza, 'Gi mönö tumbulahöpki memba anöŋ'."

¹² Mi möta kewö qesim waŋgiget, "Azi dañön göhöra 'Tumbulahöpki memba anöŋ,' jiza?"

¹³ Qesim waŋgigetmö, Jisösnöŋ mem ölöwahiga ambazip kambu ketanŋan ölökögetka yeŋgö sutŋineyök sömuniba anök. Miangöra dañön mi ak waŋgiyöhi, mi qahö möta tönpin kinök.

¹⁴ Miangö andöŋe jöwöwöl jike tohoŋ uruŋe öngöiga Jisösnöŋ miangöreŋ miwikŋaim waŋgiba qambaŋ keu kewö jii mörök, "Mötnöŋ, gi lök ölöwakzan. Miangöra ayuayuhu töröŋsait bölöŋi kötöŋni kun asuhum gihibapuköra mönö ŋiŋgisöndok kunbuk kude aka malman."

¹⁵ Azi ölöwahöhi, yañön Jisös ek kutuba anda Juda jitŋememe yeŋgöra kewö jii mötket, "Azi mem ölöwak niŋgiyöhi, yaŋgö qetŋi Jisös." ¹⁶ Mi möta Jisösnöŋ Sabat kendonöŋ nup mewöŋi meyöhi, Juda jitŋememe yeñön miangöra aka sesewerowero ak waŋgiba mal-

†† Mötmöt ambazip tosatŋan kewö mötmörimakze: Könakö-nahiŋe jabö 3:gö kitipŋi teteköŋi aka jabö 4 mi kewö ohoget ahöyök: Yeñön o aŋgönöŋ gwözöŋda undumapkö mamböta tatzema. †† 5.10 Neh 13.19; Jer 17.21

† 4.44 Mat 13.57; Mak 6.4; Luk 4.24 †† 4.45 Jon 2.23 † 4.46 Jon 2.1-11

get. ¹⁷ Mewö malgetmö, Jisösnöñ kewö melenj engiyök, "Nöñgö Iwinan sundan dop nup memakza aiga nöñön mewöñanök mi memakzal."

¹⁸ Mewö melenj engiba ambazip Sabat kendongö keu tosatñi toroqeba algetka Jisösnöñ mi ahakmemenjan qeapköba yeñgö jeñine siñgisöndok ahök. Siñgisöndok mi toroqeba Anutugöra 'Iwini' jiba Anutu tandök ewö maljawañgö dop aka nanñi mem öñgöyök. Juda ambazip yeñön yuai yahöt miañgöra aka möt kömbuhiba kapañ köla Jisös qebingö jim köhöiget. Mewö.

Malmal gulimapkö kukösumñi mi Jisösgöreñ ahöza.

¹⁹ Mewö aketmö, Jisösnöñ keu kewö jii mötket, "Nöñön keu öl töhöññi kun kewö jibi mötket: Nahönöñ nanñi uruñangö yuai kun qahö memakzapmö, Iwinöñ yuai memakzawi, Nahönñan mönö mewöñanök memakza. Miañgöra Iwinöñ yuai meiga ehakzawi, yañön mönö miyök memakza. ²⁰ Iwinöñ Nahönñi urunöñ jöpaköm wañgiba mala nanñak nup memakzawi, mi pakpak kondel wañgimakza. Miañgöra añgöletot eka maljei, mi yuai eretñi. Miañgö öñji mi köñangep kondel enjiiga eka nemböñini teköi welipköba malme.

²¹ "Kun kewögöra welipköme: Iwinöñ ambazip kömukömuñi engömindiiiga gulimakze. Nahönñan mönö miañgö dop mewöñanök ambazip köhömuñi ninja gulimegö mötzawi, mi engömindiiiga gulimakze.

²² Mewöñanök Iwinöñ kungö keuñi qahö jim tekömakzapmö, jimtekötekö nupkö kukösumñi pakpak mi kewögöra Nahönñangö böröñe ali ahöza:

²³ "Ambazip Iwi göda qem wañgimegöra mötza. Iwinöñ Nahönñi melaim wañgiyök. Miañgöra kunñan Nahön qahö göda qem wañgizawi, yañön mönö Iwi mewöyök göda qahö qem wañgiza.

²⁴ "Miañgöra nöñön keu öl töhöññi kun kewö jibi mötket: Kunñan nöñgöreñ Buña keu möta mötmöriba ni melaim niñgiyöhi, i möt narim wañgiza ewö, yañön mönö malmal köhöikñangö buñaya akza. Nöñön keuñi jim teköbiga könöp siagö buñaya qahö akña. Kömup köhöikñangö likepñi mosöta jabö kutuba malmal köhöikñangö likepñe añgota mal öñgöma.

²⁵ "Nöñön keu öl töhöññi kun kewö jibi mötket: Nalö kun kama aka nöñgöra aka lök kam kuñguza. Nalö miañgöreñ siñgisöndok aka uru köhömuñi akzei, yeñön Anutugö Nahönñan keu qeri mötme. Mi möta tem kölmeañön mönö guliba köhöiba malme. ²⁶ Mi kewögöra: Iwinöñ nanñak malmal köhöikñi kondorakzawi, miañgö dop malmal gulim köhöimapkö kukösumñi mi Nahönñi wañgii yañön mewöyök ambazip mem gulim engimakza. ²⁷ Yañön Suep gölmegö Azi Öñji maljawañgöra aka Iwinöñ ambazip keuñi jim tekömapkö kukösumñi mewöyök yañgö böröñe ali buñañi ahök.

²⁸ "Nöñön keu köñji jizali, miañgöra mönö kude aurume. Nalö kun kam kuñgumawi, miañgöreñ körek pakpak qaksirinöñ ahözei, yeñön mewöyök qet qetmawi, mi mötme. ²⁹ †Qetñi mi möta wahöta aukñe

asuhugetka ahakmeme ölöpnji aka malgerañön malmal köhöikñe öñgömemö, ahakmeme bölöñji aka malgeri, nöñön yeñgö keuñi jim teköbiga kömup köhöikñangö buñaya akña. ³⁰ Nöñön nani uruñangö yuai kun nanak aka memamgö osizal. Ni Iwigö jitñe mörakzali, mönö miañgö dop ambazip keuñi jim teköm engimakzal. Nani imbinangö dop lañ qahö memakzalmö, melaim niñgiyöhi, mönö yañgö keuñi wuatangömakzal. Miañgöra jimtekötekö keuni jimmakzali, mi mönö dopñeyök asuhumakza." Mewö.

Tosatñan Jisösgö köñañamñi nañgöba jiget.

³¹ "Nöñön nani köñañamni nañgöba jibilenak ewö, keuni miañön ölöp qahö köhöibawak. ³² Alani kunöñ nöñgö köñañamni nañgöba jimakza. Yañön nöñgöra keu jimakzawi, miañön mönö köhöiba öñambuk akza, mi mötzal. ³³ †Inji ni jitñememe melaim engigetka Jongöreñ kagetka keu öññangö dop nöñgö köñañamni indela jiba nañgöyök.

³⁴ "Jiba nañgöyökmö, nöñön gölme azigö nañgönañgö keuñi mi möta qahö mötñi öñgöza. Qahö öñgözapmö, Jongö nañgönañgö keugöra jimakzali, mi mönö inji ni nalö kewöñe letotketka Anutunöñ bohönñi ni jöhömapköra aka jimakzal. ³⁵ Jonöñ kiwa ketañi aka ölöpnñanök jeba asariyökmö, inji ni nalö köropñi qahöpmö, töroptökñanök yañgö asakña lañ söñgaibingö sihimñi mötket.

³⁶ "Jonöñ köñani töroptökñanök jiiga mötketmö, kunöñ mi nañgöba jimakzawi, yañgö keuñan mönö Jongöreñ nañgönañgö keu oñgitza. Nani Iwinan nupñi al niñgii membiba öñji asuhumakza. Öñji miañön mönö köñañamni kewö nañgöba indelakza: Iwinöñ mönö melaim niñgii jitñe memenji akzal. ³⁷ †Iwinöñ melaim niñgii erali, yañön köñañamni nañgöba jiba malök. Inji ni nalö kunöñ yañgö keu kourukñi qahö mötket aka kaisongolomñi qahö eket. ³⁸ Yañön ninja melaiiga eröhi, inji ni i qahö möt narim wañgize. Miañgöra yañgö keuñan mönö engö uruñine qahö kinja.

³⁹ "Inji ni malmal köhöikñangö köñañi mi Buña Kimbinöñ ahöm engiza, mewö mötmöriba mi oyoñda uru köñöñine ala Suepkö buñaya akingö mötze. Mewö mötzemö, kimbiñi kimbiñi pakpak mienön mönö nöñgö köñañamni nañgöba indelakze. Mi möt yaköze me qahö? ⁴⁰ Nañgönañgö keu gwötpuk ahözapmö, inji ni malmal köhöikñi buña qem añgubingöra nöñgöreñ kabingö tökömakze.

⁴¹ "Gölme ambazipñöñ qetbuña niñgigetka qarimapköra qahö mambötzal. Mi niñgigetka mötñi qahö öñgöi maljal. ⁴² Mewö maljalmö, engö köñañamñini mi kewö ahöza, mi mötzal: Inji ni uruñini Anutugöreñ qahöpmahöp jöhöba urukalem qahö ak wañgiba malje. ⁴³ Nöñön Iwinangö qetñi qeta kabiga inji ni andö qem niñgimakzemö, kunöñ nanñi qetñi qeta kamawi, inji ni mönö i ölöp möt añgön köla köl öröm wañgime.

⁴⁴ "O inji ni nanñini möpöseim añguba qetbuñañini qarimapkö mötket öñgöza. Öñgözapmö, bem mo-

† 5.29 Dan 12.2 †† 5.33 Jon 1.19-27; 3.27-30 ‡ 5.37 Mat 3.17; Mak 1.11; Luk 3.22

hotñan Anutu ölñi akzawi, yañön qetbuña enggimapaköra qahö kapañ kölje. Mewö aködamunñinambuk akñegöra qahö jaram tiba kinje. Miangöra denöwö ni möt narim niñgibeak? Mi mönö osibeak.

⁴⁵ "Nöñön injini 'Iwigö jemesoholñe keu jakeñe al enggimam,' mewö mötmöríbepuk. Injini Mosesgö keugö jörömqöröm al wañgiba Suep mire öñgöbingö mamböta maljemö, Anutugö jeñe añgotketka Mosesnön nanñak Anutugö keu jakeñe ala jim aum enggiiga gamuñini mötme.

⁴⁶ "Mi kewögöra: Mosesnön nöñgö könañamni jim asariba Buña Kimbinön ohoi ahöza. Miangöra Moses möt narim wañgibeak ewö, mönö nia möt narim niñgibeak. ⁴⁷ Mewömö, Mosesgöreñ kimbiam qahö möt nariba tem köljeañgöra mönö nöñgö keuni mi denöwö möt naribeak? Mi kupuk-kapakñambuk akapuk." Mewö.

Jisösnön azi 5000 nene gumohom enggiyök.

Mat 14.13-21; Mak 6.30-44; Luk 9.10-17

6 Miangö andöñe Jisösnön Galili o añgö, qetñi kun Taiberias o añgö qetkeri, mi kutuba likepñe añgorök. ² Kawöl ambazip möhamgöm enggi añgöletot asuhui ekerañgöra aka ambazip kambu jesöñgöñan Jisösgö andöñe wuatañgöba kaget. ³ Jisösnön gwarekurupñi enggömeiga kundunje öñgöba tatket.

⁴ Nalö miangöreñ Juda neñgöreñ ak-kömükömu kendonön törüyök. ⁵ Jisösnön je ui aniga ambazip kambu jesöñgöñan yañgöreñ kañgotkeri, i enggeka Filipköra jiyök, "Nini nene denikeyök bohonñi meinga kambu mewöñan nem timbireñ aketka dop kölbawak?" ⁶ Yuai akñamgö ahöhi, mi nanñak mörökmö, keu mi Filip esapköm wañgiba jiyök.

⁷ Mewö jiiga kewö melenñök, "Nene beret silim 200:kö töwañi (Kina 1000,-) miañön bohonñi memba mendenña korek yeñön kitipñanöhök nembeak aka töndup qahö dop köl enggibawak."

⁸ Mewö jiiga gwarekurupñi yeñgöreñök kun qetñi Andru, Saimon Pitögö munñan kewö jii mörök, ⁹ "Azi moröñi kun kiañgöreñ malja. Yañgöreñ bali ^{††} beret 5 aka söra yahöt ahözapmö, ambazip sehiseñi kewö kagetka yeñgöra mi qahö dop kölma."

¹⁰ Jisösnön jiyök, "Injini mönö ambazip kambu ki jiba menden enggigetka nene nembangö eta tatme." Gölme miangöreñ kegwañ luplup gwötpuk ahöyök. Miangöra azi jañgöñini 5000:gö dop yeñön gölmenön eta tatket.

¹¹ Eta tatketka Jisösnön beret mi memba saiwap jiba ambazip tatkeri, mendenña enggiyök aka söra mi mewöyök mendenña sihimñinan jigerañgö dop enggiyök. ¹² Mendenña enggiiga memba nem timbireñ aketka Jisösnön gwarekurupñi kewö jii mötket, "Nene kitipñi ayuhubapuköra mi mönö qezaköget." ¹³ Mewö jiiga möta bali beret 5 miangöreñök memba kitipñi ki-

tipñi mosötket taröhi, mi qezakögetka sakap 12 mi-añgöreñ geba kokolak qeyök.

¹⁴ Jisösnön añgöletot mewö mei asuhuiga ambazipnön eka welipköba jiget, "Kezapqetok azi gölmenön asuhumapkö jigeri, yañön mönö ölña mia akza."

¹⁵ Mewö jiba Jisösgöra köirañ ala kiñ kembuñini akñapkö mötmöriget. Mötmöriba kaba liliköm wañgiba walimgöba kiñ kuñgum wañgibingö aket. Mewö möt kutuba enggek tököba enggömosöta kunbuk kundunje öñgöba nanñök malök. Mewö.

Jisösnön o añgö qakñe tiba tiba anök.

Mat 14.22-33; Mak 6.45-52

¹⁶ Neget teköiga mare aiga Jisösgö gwarekurupñi yeñön o añgögö jitre getet. ¹⁷ Geba wañgenön öñgöba gölme mi mosöta o añgö kutuba likepñe Kaperneam mire göröken anget. Angetka miri söñaum teköiga Jisösnön töndup yeñgöreñ qahö asuhuyök.

¹⁸ Angetka luhut köhöikñanök giliga o añgönön köñöpuk kunduta öñgöba erök.

¹⁹ Öñgöba eriga lökuatnön qeba wañgöba 5 me 6 kilomita miangö dop angetka Jisösnön o añgö qakñe tiba tiba wañge kösutñe kaiga eka auruba kengötporiñ aket. ²⁰ Mewö mötketka kewö jii mötket, "Nanak kazal. Kengötñini kude mötme." ²¹ Mewö jii möta Jisösnön wañgenön öñgömapkö jigetka öñgöyök. Öñgöiga wañgenñan miangöreñök ösumok engguañgita gölme görañe anbingö akeri, miangöreñ añgotket. Mewö.

Ambazip yeñön Jisösgöra um jarum bibihiget.

²² Miangöreñ añgotketka miri gianjiiga ambazip kambu ketañi yeñön o añgö likepñe toroqeba mala kewö mötmöriget, "Uran wañge mohotñan tari ehinga Jisösnön gwarekurupñi yembuk wañgenön qahö öñgöba anök. Jisös umbula nanñinök anget. Wañge murutñi kun qahö ehin. Miangöra Jisösnön kunbuk ki malja."

²³ Mewö mötmöriba tosatñan kewö jiget, "Wañge mohotnön angetmö, ölña, Taiberias taonök wañge tosatñi kaget. Wañge mi Kembunön beretköra saiwap jiiga memba tarini, mönö gölme miangö kösutñe kagera Jisösnön wañge miangöreñök kunön öñgöba anök me denöwö?" ²⁴ Ambazip kambu yeñön mewö jiba Jisös aka gwarekurupñi miangöreñ qahö miwikñaim enggiget. Mewö eka möta mewöñanök wañgenön öñgöba Kaperneam taonön anda Jisös jaruget. Mewö.

Jisösnön malmal köhöikñangö nenenji akza.

²⁵ Ambazipnön Jisös jaruba o añgö likepñe yuke göröken miwikñaiiba eka kewö jiget mörök, "O Ketañamnini, gi mönö wani nalönön ki kazan?"

²⁶ Mewö jigetka kewö melenñ enggiyök, "Nöñön keu öl töhöññi kun kewö jibi mötket: Injini añgöletot membi ekerañgöra aka ni qahö jarum niñgizemö, nene beret kötuetaköbi memba nem timbireñ akeri, mönö mi-añgöra ni nuatañgöba ki kaze. ²⁷ Nene ayapkömawi, mi miwikñaiingöra urukönöp kude aka malmemö,

† Anutunön mönöwök neñgehöriba neñgongiröhi, Juda yeñön miangöra yambu (yara) dop nalö ala söñgaimakze. Nei keunön qetñi Pasowa jize. Eksodus 12.15 †† Bali mi padi, wit, out aka sehön mi-añgö alanñi kun.

urugö nenenan malmal köhöiknji engimakzawi, mönö mia buña qem anjubingöra kapan köla malme. Iwi Anutunöñ muñgem silimbannji Suep gölmegö Azi Ölnji wañgiiga kukösumñan walöñniga ölop urugö nene enñgiiga oyaenköyaen akñe. Mewö aka mal köhöiba kömumba toroqeba teteköñji qahö malme.”

²⁸ Mewö melen enñgiiga kewö qesim wañgiget, “Anutugö sihimñañgö dop ahakmeme tandökñji mönö denöwö ahinga dop kölbawak?”

²⁹ Qesim wañgigetka kewö melenök, “Anutunöñ azi melaim wañgiyöhi, inñi i möt narim wañgiba malme. Ahakmeme mianñon mönö Anutu sihimñañgö dop akza.”

³⁰ Mewö melenñiga kewö qesim wañgiget, “Mewö aiga gi kunbuk wani anjöletot kukñambuk kun menöña eka möt narim gihibinak? Gi mönö wani yuai kun Mosesnöñ ahök, miangö dop aka meman?”

³¹ †Buña Kimbi kun kewö ohoget ahöza, ‘Yañon Suepnöhök nene beret enñgiiga neget.’ Keu miangö dop nane ambösakon yeñon gölme qararankölkölñe anda mala nene qetñi mana nema malget aka gi mönö könanamgi Moses onñgita denöwö kondelbanak?” ††

³² Qesim wañgigetka Jisösnöñ kewö jii mötket, “Inñi miangö könañji ölop qahö möt kutuze. Nöñon keu ölp töhöññi kun kewö jibi mötket: Mosesnöñ anjöletot Tonji qahö ahök. Yañon nene beret mi Suepnöhök qahö enñgi negetmö, nani Iwinan mönö Suepnöhök beret ölbölñi engimakza. ³³ Anutugö nene beret mi mönö Suepnöhök eta asuhuba gölme dop ambazip malmal köhöiknji engimakza.”

³⁴ Mewö jii möta kewö jiget mörök, “O Kembu, gi nalö dop nene beret mi neñginöña nema malbin.”

³⁵ Jisösnöñ mi möta jiyök, “Nöñon malmal köhöikñañgö nenenji akzal. Kunñan nöñgöreñ kazawi, yañon nem timbireñ aka wösöñji nalö kunöñ qahö alma. Kunñan ni möt narim niñgimakzawi, yañon ogöra qahö kömuma. ³⁶ Mewö aigun inñi ni nek teköba töndup qahö möt narim niñgize. Mi mönö lök jibi mötze. ³⁷ Aka töndup Iwinöñ ambazip tosatñi niñgimakzawi, yeñon mönö körek nöñgöreñ kame. Kunñan nöñgöreñ kamawi, nöñon mönö i qahö yakörimam.

³⁸ “Nöñon Suepnöhök eta nani imbinangö dop yuai lañ aka memba malmangöra qahö asuhuyal. Mewö qahö. Melaim niñgiyöhi, mönö yangö jtkö dop nup memba malmangöra eral.

³⁹ “Melaim niñgiyöhi, yangö jitsihitñan kewö ahöza: Yañon ambazip nöñgö böröne al enñgiiga maljei, nöñon mi pakpak köyan kölp engiba malbiga yengöreñök kunñan kun qahö sohoba ayuhuma. Qahö ayuhuetka nöñon i nalö ketañe engömindiba mem gulim enñimam.

⁴⁰ “Iwinangö jitsihitñan kewö ahöza: Tosatñan Nahöññi eka möt narim wañgize, yeñon körek nalö kewöñe letota malmal köhöiknji buña qem anjuba

† 6.31 Eks 16.4, 15; Sum 78.24 †† Gölmegö qararankölkölñe Anutunöñ söñan dop söñangö yuai amötñi, johannji tuatñi aka awamñi juzu paura ewö ali gölmenöñ ahöi eka yaigep sombemñon anda qezaköba koumñine kaba beret lölöwöröñji memba nezema. Eks 16.13-36

malme. Mewö mal kömugetka nöñon i nalö ketañi mi-anjöreñ engömindiba mem gulim enñimam.”

⁴¹ Jisösnöñ mewö jiiga keu köñji kun kewö ahök, “Nöñon malmalgö nene ölnji aka Suepnöhök eta asuhuyal.” Mewö jiyöhangöra aka Juda jitetememe yeñon möt böliba uruñinan ihururuk jiba jim wañgiget. ⁴² Jim wañgiba jiget, “Azi ki Jisös, Josefkö nahöñña. Yangö iwinamñi mi ölop möt etkizinmö, mönö denöwögöra ‘Suepnöhök eta asuhuyal,’ jiza?”

⁴³ Mewö jigetka möta kewö melenök, “Uruñinan mönö kude ihururuk jiba jim niñgime. ⁴⁴ Iwi ni melaim niñgiyöhi, yañon ambazip qahö öröm engiza ewö, enñgöreñök kunñan nöñgöreñ kamangö osima. Öroi kabawak ewö, nöñon i mönö nalö ketañe engömindiba mem gulim wañgimam.

⁴⁵ †Kezapqetok yengöreñ kimbinöñ keu kewö ohoget ahöza, ‘Anutunöñ i körek pakpak kusum enñgi mötme.’ Iwinöñ ambazip kusum enñgi keu möta urukönömñine ala maljei, yeñon mönö körekñanök nöñgöreñ kame.

⁴⁶ Ambazip kunñan Iwi qahö eka malja. Iwigöreñök eröhi, yañon mohot kun mönö i eka malja. ⁴⁷ Nöñon keu ölp töhöññi kun kewö jibi mötket: Kunñan ni möt narim niñgizawi, yañon mönö malmal köhöiknji buña qem anjuba mal öngöma.

⁴⁸ “Nöñon malmal köhöikñañgö nene ölnji akzal.

⁴⁹ Mötket! Engö ambösakonuruñinan gölme qararankölkölñe anda mala nene qetñi mana nema malgetmö, töndup kömumba gisahöget. ⁵⁰ Yeñon kömugetmö, nene beret nalö kewöñe Suepnöhök eta maljawawi, kunñan mi nema mala qahö kömum köhöima.

⁵¹ “Nene beret malmalñambuk Suepnöhök eröhi, mi nöñon akzal. Kunñan nene mi nema malmawi, yañon mönö teteköñji qahö köhöiba malma. Nene wañgiba malmami, mi nöñgö busuni. Gölmeneñ gölmeneñ yeñon köhöiba malmegöra mi al enñimam.”

⁵² Jisösnöñ mewö melenñiga Juda jitetememe yeñon sutñine urukönöpñon jim qesim anjuba jiget, “Ye! Azi kiarñon mönö denöwö aka busuñi neñgiiga nembinak?”

⁵³ Mi möta jigetka kewö jii mötket, “Nöñon keu ölp töhöññi kun kewö jibi mötket: Inñi Suep gölmegö Azi ölnangö sepñi aka busuñi qahö neme ewö, malmal köhöiknji mianñon mönö engö uruñine qahö ahöma.

⁵⁴ Nöñgö sepñan o ölnji akza aka nöñgö busunan nene ölnji akza. Mianñgöra kunñan nöñgö sep busuni nemakzawi, yañon mönö letota malmal köhöikñañgö buñaya aka mal öngöma. Mewö mal kömuiga nöñon i nalö ketañe mindiba mem gulim wañgimam.

⁵⁶ “Kunñan nöñgö sep busuni nemakzawi, yañon mönö nömbuk qekötahöba kinakza aka nöñon yambuk kinakzal. ⁵⁷ Iwinöñ Malmal Tonji aka melaim niñgiba wötñi aka nam kölp niñgiiga köhöiba maljal.

Mewöñanök kunñan ni nem niñgimakzawi, nöñon mönö mewöñanök yangö wötñi aka nam kölp wañgibiga ölop köhöiba malma. ⁵⁸ Nene ölnji Suepnöhök eröhi, mi nöñon akzal. Engö ambösakonuruñinan Anutugö

nene namba mala kömugetmö, nalö kewöje engörenök kunjan beret ki namba malmawi, yanön mönö teteköni qahö köhöiba malma.”

⁵⁹ Jisösnöj Kaperneam taongö köuluk miriñe kinda keu mi jim kusum engiyök. Mewö.

Gwarek gwötpukjan urunini böliiga Jisös mosötket.

⁶⁰ Jisösgö gwarekurupñi yengörenök gwötpukjan keu mi möta jiget, “Keu jit jizawi, miñön mönö keu köt ewö lömbötñambuk akza. Mi möringa uruninan lömböriba bölim teköza. Miangöra mi kunbuk möt-pingö ölan neñgöhöiga i mönö mosötpin.”

⁶¹ Gwarek yeñön Jisösgö keugöra möt böliba uruninan ihururuk jiba jim wañgigetka Jisösnöj mi urunjan enguangita möta kewö jii mötket, “Keu jizali, mi möt böliize me qahö? ⁶² Keu miangöra möt böliize ewö, könañgep mönö denöwö asuhubawak? Suep gölmegö Azi öñjan mutuk miri mala koröhi, euyangören kunbuk lilingöba öngöi ekñe ewö, nalö miangören mönö denöwö mötme?”

⁶³ “Uña Töröñi yanön ambazip mem gulim engimaksa. Injini gölme ambinöhök ahuba busuninambuk akzemö, ahuahu dölökñe qahö ahuba nanjini ösumñinan öne letota Suepkö buña ahak mi qahöpmahöp. Uña Töröñan malmal köhöikñi engizawi, nöñön keu köñji mi jim tuaribi möta malget. ⁶⁴ Mewö möta malgetmö, engörenök tosatñan töndup ni qahö möt narim niñgiba malje.” Denike yeñön qahö möt narim wañgigeri aka dañön könañgep mamalolo mem wañgimawi, Jisösnöj mi könakönahineyök möta korök. Miangöra mewö jiyök.

⁶⁵ Mewö jiba toroqeba jiyök, “Miangöra nöñön kewö jibi mötme: Nöñgö İwinan ambazip kun qahö inahöm wañgiza ewö, yanön mönö nöñgören kamamgö osima.”

⁶⁶ Keu miangöra aka gwarek yengörenök gwötpukjan poraiba ziriñziriñ aka mosöta yambuk qahö toroqeba anda kaget. ⁶⁷ Miangöra Jisösnöj gwarek 12 miangöra kewö jiyök, “Injini mönö mewöñanök nömosöta anbingö mötze me qahö?”

⁶⁸ †Mewö jiiga Saimon Pitönöñ meleşnök, “O Kambu, nini mönö dagören anbinak? Malmal köhöikñangö Buña keunji mi mönö göhören ahöza. ⁶⁹ Göñön Anutugören azi sarakñi akzani, nini mi möt nariba möt asariba maljin.”

⁷⁰ Mewö meleşniga Jisösnöj möta jiyök, “Nöñön azi 12 injini möwölöhöm engial aka engörenök kunön mönö bölöñangö bohonñi akza.” ⁷¹ Judas Saimon Iskariotkö nahönñi yanön gwarek 12 yengö sutñine mala könañgep mamalolo mem wañgiyök. Jisösnöj keu mi yanögöra möta jiyök. Mewö.

Jisösnöj munurupñi yembuk keu eraum mötket.

7 Juda jitñememe yeñön Jisös qebingö kapan kölerangöra Judia prowins uruñe anda kamamgö tököyök. Miangöra Judia mosöta Galili prowins uruñe

† 6.68 Mat 16.16; Mak 8.29; Luk 9.20

anda liliköba maliga köiñ tosatñi teköyök. ² ††Mi teköiga Juda yengören kendon kun qetñi koumkoum miangö nalöñan töriyök. †

³ Miangöra Jisösgö munurupñan kewö jiget mörök, “Gi kiangören mala angöletot memakzani, mi gwarekurupkan mewöyök ek kutumegöra gi mönö gölme ki mosöta Judia anöñga dop kölma. ⁴ Kunjan nanjak aukñe asuhumamgö mörakzawi, yanön yuai kun tölapñe qahö memaksa. Angöletot mewöñi memakzangöra mönö ambazip kambunji kambunji yengö jeñine anda asuhuba könañamgi indelman.” ⁵ Munurupñan qahö möt narim wañgiba tönpin malgerangöra aka mewö lañ jiget.

⁶ Mewö jigetka kewö jii mötket, “Urugö nup aukñe memamgö nalöñan qahö kam kuñguiga maljalmö, engö nalöñinan mönö sundan dop anmeangö dop ahöza. ⁷ Gölme ambazipñöñ kazik ak engibingö osimakzemö, nöñön yengö ahakmemenini bölöñi indela nañgöba jibi mötzeangöra mönö ni kazik ak niñgimaksa. ⁸ Anmamamgö nalöñan mönö qahö kam kuñguza. Miangöra nöñön sösongñai kendon kiangören qahö öngömam. Nöñön mire tatpiga injini ölop endu anda öngöba söñgaime.” ⁹ Keu mewö jii mötketka Galili prowins uruñe toroqeba malök. Mewö.

Jisösnöj koumkoum sösongñainöñ malök.

¹⁰ Jisösgö munurupñan koumkoum kendongöra angetmö, nanjak mire tata könañgep aukñe qahöpmö, tölapköba anda Jerusalem öngöyök. ¹¹ Juda yengö jitñememurupñinan sösongñai nalöñe Jisösgö jeñi jaruba qesiqesi aka kewö jiget, “Azi mi denike?”

¹² Ambazip kambu yeñön sutñine Jisösgöra sañep keu gwötpuk jiget. Tosatñan “Azi mi ölop sorokñi,” jigetmö, tosatñan kewö jiget, “Qahö! Yanön mönö ambazip kambu enololoñ ak engiiga kahapmahap ahakze.” ¹³ Mewö mewö lañ jigetmö, Juda jitñememe yengöra keñgötñini möta malgerangöra kunjan yanögö keunji aukñe qahö jiyök. Mewö.

Jisösnöj nanñi könañi ambazip kusum engiyök.

¹⁴ Kendon sösongñai bibiñe malgetka Jisösnöj jöwöwöl jike tohoñ uruñe öngöba könahiba ambazip kusum engiyök. ¹⁵ Kusum engiiga Juda yeñön welipköba kewö jiget, “Azi ki mötmöt jake öngöñgöñe qahö öngöba töndup Buña Kimbigö könañi denöwö möt soroköza?” Mewö jiba welipköget.

¹⁶ Welipkögetka kewö jii mötket, “Mötmöt Buña jimakzali, nöñön miangö Tonji qahö akzal. Nanak qahöpmö, melaim niñgiyöhi, nöñön mönö yanögö mötmötñi memba kaba jimakzal. ¹⁷ Ambazip kunjan Anutugö jitsihitñangö dop aka memamgö mötzawi, yanön

†† 7.2 Lew 23.34; Dut 16.13 † Juda yengören yambu jeñi qe-qe sösongñai kendonñi mi yambu (yara) dop kewö alget: Wain nupñine anda ip sinji memba koumkoum qeba miangören ahöba wehön 8 söñgaiba kendon tata malget. Wehön kondikñe sösongñai öngöñgöñi alget. Möñöwök gölme qararankölkölñe yambu (yara) 40 miangö dop opo koumñine ahöba kaba malgeri, mi mötmöriba söñgaiget. Lew 23.33-36,39-43; Dut 16.13-15

mötmöt jibiga miangö Tonji dañon akza, mi möt kutuma. Anutunöñ Buñanji nõngö urune ali asuhuza me nani imbinangö keu lañ jimakzal?

¹⁸ "Kunñan nanñi imbiñe mötmöriba keu jimakzawi, yañon nanñak qetbuñanambuk akñamgö mötza. Mewö mötzapmö, melaimelai azi kun toñan qetbuñanambuk akñapköra kapañ köljawi, yañon mönõ jitlememe ölböñji geñmoñji qahõ akza. ¹⁹ Mosesnõñ Köna keu al eñgii mi ahõza me qahõ? Mi ahõzapmö, eñgöreñök kunñan mi qahõ tem köla wuatangö-makza. Inñini mönõ wuanõngöra kapañ köla ni nuñgubingö mötmörize?"

²⁰ Mewö jii möta ambazip kambu yeñon kewõ melenget, "Ömewörõmenõñ mönõ uruge geba kinja. Dañon kapañ köla gi guhumangö mötmöriza?"

²¹ Mewö melengetka jii mötket, "Nõñon angöletot mohot membiba inñini körek pakpak auruba köñkuñ akze. ²² †Mosesnõñ silenjiñe Anutugö aiwesök yandibingöra jim kutum eñgiyõhi, o Mosesnõñ mi mutuk qahõ jim kutuyökmö, ambõsakonurupninan mi könahiba memba malgetka silik mi neñgöreñ kaiga Sabat kendonõñ mewöyök azi silenjiñe yandimakze.

²³ ††Nini Mosesgö Köna keu walõñnin siñgisõndok ahubapuköra köhöikñi mötzin. Mi mötzinmö, keu mi qetala Sabat kendonõñ mewöyök azi silenjiñe yandiba tõndup nanñini qahõ jim anguba silebile malje. Mewö maljemö, nõñon azi jömukñi Sabat kendonõñ mem ölöwak wañgiali, miangöra mönõ wuanõngöra mi yom jim niñgize? ²⁴ Inñini ambazip silenjiñe miyöhök eka mewö miangõn bahõsõhamök kewõta keu lañ jim tekõmakzei, mi mönõ mosõtme. Mi mosõta uruñini törörök möt kewõta keu ölñanök jim tekõme." Mewö.

Jisõsnõñ Amõtqege Tonji akza me qahõ?

²⁵ Jerusalem tonji yeñgöreñök tosatñan kewõ jiget, "Azi kapañ köla qebingö mötmörize, yañon mönõ mia me? ²⁶ Eket, yañon ambazip jeñine aukñe keu jiiga qahõ jim wañgize. Mewögöra azi kianõn Amõtqege Tonji Kraist akzawi, keu mi ölña galõmkölköl azi yeñgõ kezapñine geiga mötze me qahõ? ²⁷ Amõtqege Tonji Kraistnõñ kamapköra jiba kota malgeri, yañon 'Denikeyök asuhumawi, mi kunõñ kun qahõ mötma,' jizemö, azi kianõn denikeyök asuhuyõhi, mi mönõ ölop mötzin."

²⁸ Mewö eraum mötketka Jisõsnõñ jöwöwöl jikegö tohoñ uruñe kinda imbiñi memba wahõta kusum eñgiba keu kewõ jiyök, "Inñini nõngöra kewõ jize, 'Azi mi möt wañgiba miriñi denikegö mi ölop mötzin.' Nani kukõsum qakñe qahõ asuhuba kinjal. Melaim niñgiyõhi, yañon melaimelai Tonji ölñi aiga i qahõ möt kutum wañgiba malje. ²⁹ Yañon melaim niñgiiga yeñgöreñök eralangöra i ölop möt wañgizal."

³⁰ Mewö jiiga i memba jöhõbingö mötketmö, nalõñan qahõ kam kuñguyõhangöra aka kunñan silenje qahõ meyök. ³¹ Mewö mötketmö, ambazip kambu yeñgöreñök gwõtupukñan möt narim wañgiba kewõ jiget, "Kraistnõñ kamawi, yañon mönõ azi ki oñgita

angöletot memba malma me denõwõ? Mewö tandök akza." Mewö.

Jisõs memba jöhõmegöra nanñu galõm melaim eñgigetka kaget.

³² Ambazip kambu yeñon Jisõsgöra mewö goranora jiba jitlemakölik akeri, mi Farisi (Kõna keugö kapañkölköl) yeñon mötket. Mi möta jike nup galõm yembuk kinda nanñu galõm (sikiriti) tosatñi melaim eñgigetka memba jöhõbingö kaget. ³³ Kagetka Jisõsnõñ kewõ jiyök, "Nõñon embuk nalõ töröptökñi toroqeba malmam. Mi malagun eñgõmosõta melaim niñgiiga erali, mönõ yeñgöreñ lilingöba õngõmam. ³⁴ Öngõbiga göraim niñgiba malmemö, ni qahõ miwikñaim niñgime. Nõñon miri malmami, inñini miangöreñ kabingö osime."

³⁵ Mewö jiiga Juda jitlememe yeñon sutñine kewõ erauget, "Nini miwikñaim wañgibingö osibin,' jiza. Mi angöra mönõ denikeangöreñ õngõmamgöra jiza? Juda ambazip tosatñan deñda kantri tosatñe anda Grik yeñgõ sutñine maljei, mönõ yeñgöreñ anda Grik ambazip kusum eñgimangö möta jiza me? ³⁶ Keu kewõ jiza, 'Gõraim niñgiba malmemö, ni qahõ miwikñaim niñgime,' aka keu kun kewõ jiza, 'Nõñon miri malma-mi, inñini miangöreñ kabingö osime.' Keu yahõt mietkö könanjiri denõwõ?"

Malmal köhöikñangö oñan mönõ jeñi tohoba kañgot-ma.

³⁷ †Mewö eraugetmö, kendon sõñgaigeri, miangö wehõn qõndökñi ketañi miangõn kam kuñguiga Jisõsnõñ kinda köhöikñanök qeta kewõ jiyök, "Kunñan ogöra kõmuzawi, yañon mönõ nõngöreñ kaba nema. ³⁸ ††Buña Kimbigö keu kun kewõ ohoget ahõza, 'Kunñan ni möt narim niñgizawi, yeñgõ uruñeyök malmal köhöikñangö oñan mönõ tohoba saksakõba kañgorakña.'"

³⁹ Mewö jiyökmö, keu mi Uña Törõñangöra aka kewõ jiyök, "Denike eñon ni möt narim niñgize, inñini mönõ Uña Törõñi buña qem anguba malme." Anutunõñ Jisõs gölmenõñ malõhangö dop Suepkö asakmararañi qahõ al wañgiiga malök. Miangöra Uña Törõñi qahõ melaiiga eta uruñine geiga õne malget. Mewö.

Ambazip sutñine jujul ahui malget.

⁴⁰ Jisõsnõñ mewö jiiga ambazip kambu yeñgöreñök tosatñan keu mi möta kewõ jiget, "Azi kianõn mönõ ölña kezapqetok azi asuhumapkö jigeri, mönõ mia akza."

⁴¹ Tosatñan jiget, "Yañon Amõtqege Tonji Kraist akza." Mewö jigetmö, tosatñan qetala jiget, "Kraistnõñ mönõ denõwõ Galili prowinsnõhök kabawak? Mi qahõ dop kölja. ⁴² ††Buña Kimbinõñ kewõ jiza, 'Kiñ Deiwidnõñ Judia prowinsgö taon morõñi Betlehem miangöreñ

† 7.22 Jen 17.10; Lew 12.3 †† 7.23 Jon 5.9

‡ 7.37 Lew 23.36 †† 7.38 Eze 47.1; Zek 14.8 †† 7.42 2 Sml 7.12; Mai 5.2

malöhi, Kraistnönj mianğörenjök asuhuba Deiwidkö gwölönarökurupnji yengörenjök kunñan akña.”

⁴³ Mewö mewö lañ jigetka ambazip kambu yeñon Jisösgöra aka jula denget. ⁴⁴ Yengörenjök tosatñan memba jöhöbingö mötketmö, kunñan silenje qahö meyök. Mewö.

Juda galöm yeñon Jisös qahö möt narim wañgiget.

⁴⁵ Jöwöwöl jikegö kiripo galöm (sikiriti) yeñon lilingöba jike nup galöm aka Farisi (Köna keugö kapañkölköl) yengörenjök kagetka kewö jim enğiget, “Injini wuanöngöra i qahö memba kaze?”

⁴⁶ Jim enğigetka kewö melenget, “Azi mianñon keu jimakzawi, kunñan nalö kunöñ keu tandökñi mewöñi qahö jiyök.”

⁴⁷ Mewö melengetka Farisi (Köna keugö kapañkölköl) yeñon qesiba jim enğiget, “Injini tok enjololon ak engii malje me? ⁴⁸ Galömkölköl azi nengörenjök kunñan mönö i qahö möt narim wañgiyök. Aka Farisi (Köna keugö kapañkölköl) nengörenjök kunöñ keu uruñi yañgörenjök göröken melenjök me qahö? ⁴⁹ Mewö qahöpmañhöpmö, ambazip kambu Mosesgö Köna keu qahö möt kutuba Jisösgö keu möta kopa keu lañ jimakzei, yengöra muat! Anutunöñ mönö i qesuahöm enğiiga ayuhume.”

⁵⁰ †Mewö jim enğigetka azi qetñi Nikodemus mutuk Jisösgörenjök kaiga qambañ wañgiyöhi, yañon mewöyök yengörenjök keu aka sutñine tata kewö jii mötket, ⁵¹ “Azi kunöñ siñgisöndok ahöhi, mi qahö qesiinga jiiga möta töndup kewöringa dop kölja me qahö? Qahö kewöta keuñi öne jim teköbin ewö, mönö naninak Köna keunini qebin me? Mi qahö dop köлма.”

⁵² Mewö jii möta kewö melenj wañgiget, “Gi mewöyök Jisös ewö melenja Galili qandak azia akzan me? Galili prowinsnöhök kezapqetok azi keu qahö asuhumawi, mi mötzin. Mewö mi nangak Buña Kimbi oyonja könañi jaruba möt kutuman.” ⁵³ Mewö jitañkölik aka jula denja miriñine anget. Mewö.

Ambi kunöñ serowilin aiga miwikñaiget.

8 Miriñine angetmö, Jisösnönj anda Oil ip kundune öngöyök. ² Öngöba ahöba miri ganiña sönjanök keuñi lilingöba jöwöwöl jikenöñ öngöiga ambazip kambu pakpak kaba liliköm wañgigetka eta tata kusum enğiyök.

³ Kusum enğiiga Köna keugö böhi aka Farisi (Köna keugö kapañkölköl) yeñon ambi keu wañgita yañgörenjök kaget. Ambi mianñon sero yonğorö ahiga mianğöra memba jöhögeri, mi wañgita kambu jeñine alget. ⁴ Jeñine ala Jisösgöra jiget, “Böhi, ambi kianñon qesabulum ahiga mönö mianğörenjök miwikñaiba memba kazin. ⁵ †Mosesnönj Köna keu ala mianğörenjök ambi mewöñi mi kötnöñ gila qeinga kömumapköra jim kutum nengiyöha ahöza. Mewö ahözapmö, göñon yañgöra denöwö jiman?”

⁶ Mewö jiba mianğörenjök möndöba Jisös keugö bö-taknönj öroi qaköiga qebingö könañi ahui keu jakeñe albingöra jiget. Mewö jigetka sipköba eta böröñan kulem keu gölmenöñ ohoyök.

⁷ Ohoyökmö, toroqeba kapañ köla qesim wañgigetka hök ala wahöta diñdiñi kinda kewö jii mötket, “Eñgörenjök keuñan siñgisöndok keu qahö aka maljawı, yañon mönö ölop köt mutukñi memba gila qema.” ⁸ Mewö jii mötketka keuñan sipköba eta kulem keuñan gölmenöñ ohoyök.

⁹ Jisösnönj keu jiyöhi, mianñon enğömemba jöhöiga nanñini siñgisöndokñini gamuñambuk akeri, mi Anutunöñ kondeliga nanñini uruñinan nañgöba jiiga isikusukñini qahöwahök. Mianñon qahöwahiga keu göröñ kingetka bohonñinan mutuk enğömosöta aniga yañgö nemböñan andöñe aniga tosatñi mohot mohot yeñon mömölaköba körek an teköget. Qöndökñan aniga Jisösnönj zoñ kunguba tari ambinöñ nanñök yambuk kinök. ¹⁰ Jisösnönj hök ala wahöta diñdiñi kinda ambi eka kewö jii mörök, “Ambi, keu jakeñe al gihibingö jizei, yeñon mönö denike gi sök ni sök anjeje? Yengörenjök keuñan kinda gi kömumangö keuñi qahö jim teköza me?”

¹¹ Jii möta melenjök, “O Kambu, keuñan qahö jim teköm ningiza!” Mewö melenjiga jii mörök, “Nönñon mewöyök gi qahö jim teköm gihizal. Gi mönö döliki könahiba siñgisöndok keuñan kude aka malman.” Mewö.

Gölme dop nengö asaknini mi Jisös.

¹² †Jisösnönj keu keuñan suariba kewö jii mötket, “Nönñon ambazip gölmenji gölmenji tat anjei, enğö asakñini akzal. Keuñan ni nuatanğöba kamawi, yañon mönö söñaupnönj jipjap qahö qeba malmappmö, malmal köhöiknañgö asakñi mianğö uruñe malma.”

¹³ †Mewö jiiga Farisi (Köna keugö kapañkölköl) yeñon kewö jiget mörök, “Nanganök könañamgi nañgöba jim asarimakzani, mianñon mi qahö dop köli köhöiza. Qahö!”

¹⁴ Mewö jiget möta kewö jii mötket, “Nönñon denikeyök eta kayali aka denike anda öngömami, mi möt teközal. Mianğöra nanak könañamni nañgöba jim asarimakzali, keu mi mönö ölop dop köli köhöiza. Mi köhöizapmö, injini nongö könanı mi ölna qahö möt kutuze. ¹⁵ Eñon ambazip silenjini miyöhök eka mewö mianñon bahösapsap kewöt enğiba keuñini lañ jim tekömakzemö, nönñon ambazip kungö keuñi qahö jim tekömakzal.

¹⁶ “Ni nanök qahö maljalmö, Iwi melaim niñgiyöhi, yañon mönö nömbuk kini maljit. Mianğöra kungö keuñi jim teköbilenjak ewö, mi mönö diñdiñanök kewöta dopñe jim teköbilenjak. ¹⁷ †Yahötñan keu keuñan urumohot aka nañgöba jiyohotka dop köli köhöimakza. Keu mi enğö Köna keuñine mewöyök ohoget ahöza.

¹⁸ “Nönñon nani könañamni nañgöba jimakzal aka Iwi melaim niñgiyöhi, yañon mewöyök nongö könañamni nañgöba jimakza. Mianğöra yahöt akziga mianñon ölop dop köli köhöim teköza.”

† 7.50 Jon 3.1-2 †† 8.5 Lew 20.10; Dut 22.22-24

‡ 8.12 Mat 5.14; Jon 9.5 †† 8.13 Jon 5.31 †† 8.17 Dut 19.15

¹⁹ Jisösnöñ mewö jii möta kewö qesim wangiget, "Göhö Iwigi mi denike malja?" Qesim wangigetka melenök, "Inini ni aka Iwini netkö könañamniri qahö möta malje. Inini nöñgö könañamni möt kutubeak ewö, mönö nöñgö Iwini mewöyök möt wangibeak."

²⁰ Jisösnöñ jöwöwöl jikegö naluk dum kösutje kinda ambazip kusum engiba keu mi jiyök. Mi jiyökmö, nalöñan qahö kam kuñguyöhañgöra aka kunñan i qahö memba jöhöyök. Mewö.

"Denike öñgömami, inini miangöreñ öñgöbingö osime."

²¹ Jisösnöñ keu kun kewö toroqeba jii mötket, "Nöñön engömosöta anda malbiga inini ni göraim niñgiba malme aka siñgisöndok akeri, miangöreñ qekötahöba kinda kömum köhöime. Miangöra denike öñgömami, inini miangöreñ öñgöbingö osime."

²² Juda jitñememe yeñön mi möta jiget, "Kewö jiza, 'Denike öñgömami, inini miangöreñ öñgöbingö osime.' Keu mi denöwö? Imbi aumangöra jiza me?"

²³ Mewö jigetka jii mötket, "Inini gölme kiangö tonji aka maljemö, nöñön miri gölme euyangö buñaya akzal. Erñön gölmenöñ ahuba gölme kiangö buñaya aka maljemö, nöñön mutuhök gölme kiangöreñ qahö ahuyal. ²⁴ Qahö ahuba malmalgö könañi nalö dop mala koral, nöñön mönö mia akzal. Nöñgöra mewö qahö möt narize ewö, mönö siñgisöndok akeri, mi qahö mosötpiga miangöreñ qekötahöba kinda kömum köhöime. Könañi miangöra aka kewö jibi mötze, 'Inini siñgisöndok akeri, mönö miangöreñ qekötahöba kinda kömum köhöime'. Keu mi öñña."

²⁵ Keu mi möta kewö qesim wangiget, "Gi mönö ninia akzan?" Qesim wangigetka melenök, "Könañamni lök indelbiga mötzei, nöñön mönö mia akzal. ²⁶ Nöñön engöra keu gwötpuk ölop toroqeba jibilenjak aka siñgisöndok gwötpuk akeri, miangö keuñi ölop jim teköbilenjakmö, melaim niñgiyöhi, yañön mönö nöñgö melaimelai Toni öñña akza. Yañön keu jiiga yangöreñök möta kota maljali, nöñön mönö keu mi aukñe jibiga gölmenji gölmenji yeñön mörakñe."

²⁷ Mewö melenökmö, Iwigöra keu suariba jiyöhi, yeñön mi qahö möt asariget. ²⁸ Jisösnöñ toroqeba kewö jii mötket, "Nöñön malmalgö könañi nalö dop mala koral, mönö mia akzal. Miangö könañi mi könañgep ölop möt asarime. Nöñön yuai kun nani ösumnan me nani imbinangö dop qahö ahakzalmö, Iwinan keu kusum niñgiba malöhi, mönö miangö dop keu jitni ki jimakzal. Keu kötnji yahöt miangö könañi mi könañgep möt asarime. Inini Sup gölmegö Azi Öñña kösökögetka eu öñgöba kömumawi, nalö miangöreñ mi ölop möt asarime."

²⁹ Melaim niñgiyöhi, yañön mönö nömbuk kini maljit. Ahakmeme möri dop köl wangimakzawi, nöñön mönö sundan mia ahakzal. Miangöra yañön qahö nömosöri-ga nanök qahö maljal."

³⁰ Keu mewö jiyöhañgöra aka ambazip gwötpukñan uruñini melenöda Jisös möt narim wangiget. Mewö.

Abrahamgö gwölöñarökurup muneñi aka Jisös.

³¹ Jisösnöñ Juda ambazip tosatñan möt narim wangigeri, yeñgöra keu kewö jii mötket, "Nöñgö Buña keunan uruñine geiga miangöreñ qekötahöba kinje ewö, mönö öñña nöñgö gwarekurupni akze. ³² Mewö mala keu öññañgö könañi möt kutugetka Buña keu öññañ inini bölöñangö kösönöhök pösat engiiga solanji (fri) aka malme."

³³ †Mewö jii möta melenöda kewö jiget, "Nini Abrahamgö gwölöñarökurupni mala könañesö walñi akzin. Mewögöra azi kunöñ kösö gwarö mem neñgiiga malji-nañgö jizani, mi qahö. Nini mönö nalö kunöñ etqequerji mewö qahö aka malin. Aiga gi denöwögöra aka kewö jizan, 'Kösönöhök pösat engiiga solanji aka malme?' Keu mi qahö dop kölja."

³⁴ Mewö jigetka kewö melenö engiyök, "Nöñön keu ölp töhöññi kun kewö jibi mötket: Siñgisöndok akzei, körek yeñön siñgisöndokö welenqeçe omani töwa qahö aketka miangö kösöñan köpeim engimakza. ³⁵ Köpeim engimakzapmö, welenqeçenöñ tonangö miri uruñe nalö dop qahö mal öñgöma. Nanñi Nahöññan ölop miriñe nalö teteköñi qahö malma."

³⁶ "Nahöññan bölöñangö kösönöhök pösat engiiga solanime ewö, erñön mönö öñña kösö gwarö qahö solanji (fri) aka malme. ³⁷ Inini Abrahamgö gwölöñarökurupni maljei, mötzalmö, bölöñan uruñini gwözönjawangöra nöñgö Buña keunan mösösönihim engiba kondondongöba erakza. Könañi miangöra mönö kapañ köla ni nuñgubingö mötze. ³⁸ Nöñön Iwinangö qöhöröñe mala yuai eka mala koral, miangö keuñi jimakzal. Erñön mewöyök iwininan keu jii mötkeri, miangö dop ahakze."

³⁹ Jisösnöñ mewö melenö engiiga kewö jiget mörök, "Abrahamnöñ mönö nanine iwiambönini akza." Mewö jiget möta jiyök, "Inini Abrahamgö gwölöñarökurupni akeak ewö, mönö yangö ahakmemenji wuatangögetka dop kölbowak. ⁴⁰ Miangö tandökñi kewö akza: Nöñön Anutugö jitñeyök keu möta miangö dop keu ölböñi mi jibi mörakze. Nalö kewöñe inini kapañ köla azi ni nuñgubingö mötze, Abrahamnöñ mewö qahö ahök. ⁴¹ Nanñini iwiurupñinangö ahakmeme miyök wuatangöba malje." Mewö jiiga jiget mörök, "Serowilinöñ qahö ahuba iwi qahö (bastet) mi qahö akzinmö, Iwininambuk maljin. Anutunöñ mohok-kun nanñak iwi ak neñgiza." Mewö.

"Bölöñi Tonangö buñaya akze," jiyök.

⁴² Jisösnöñ kewö jii mötket, "Anutunöñ nanñak iwi ak engibawak ewö, nöñön yangöreñök eta asuhuyalangöra mönö ölop ni uru jöpaköm niñgibeak. Nani ösumnöñ nam köliga qahö asuhuyalmö, Anutunöñ melaim niñgiiga eta maljal. ⁴³ Keu jimakzali, mi wuanöñgöra möt asaribingö lömbörimakze? Nöñgö keunan uruñini undenjawangöra mi möt kutubingö

† 8.33 Mat 3.9; Luk 3.8

ölan qeba zikzik tökömakze. Mewögöra mi möt asaribingö osimakze?

⁴⁴ “Mönö iwiñini Bölöñi Toñangö buñaya akze. Sihim kömbönañinan mönö iwiñinañgö sihimñi bölöñi wuatañgöbingöra ahöza. Yañön könakonahingeyök ambazip enguget kömukömu azia aka kota malja. Keu ölnan uruñe qahö kinjawañgöra aka keu ölni ongita lolonqalolon kinja. Munenñ jiji azia aka munenñ jijigö iwiñi akzawañgöra munenñ jimakzawi, mi mönö nanñi uruñangöra jimakza.

⁴⁵ “Yañön munenñ jimakzapmö, nöñön keu ölni jimakzal aigun inñini ni qahö möt narim niñgimakze.

⁴⁶ Inñini körekñan nöñgö könani kewö kondelbingö osize: Yañön siñgisöndok aka keuñambuk malja. Könañamni mewö jaruzemö, nöñön keu ölni jimakzali, mi mönö wuanöñgöra qahö möt narim niñgize?

⁴⁷ “Kunñan Anutugö buña akzawi, yañön mönö Anutugörenñ keu kezap ala mörakza. Inñini Anutugö buña qahö akzeañgöra aka keu mi qahö möta möt asarimakze.” Mewö.

Jisösnöñ nanñangöra denöwö jim miwikñaiyök?

⁴⁸ Jisösnöñ Juda ambazip yengö könañini indeliga likepñi melenña kewö jiget mörök, “Gi Samaria prowinsgö lolonqalon azia aknöñga ömewörömenöñ uruge geiga maljan. Mewö jiba dopñe jizin me qahöwi, mi ölop nangak jinöñ mörin.”

⁴⁹ Mewö möta kewö melenñök, “Ömenöñ urune qahö geiga maljal. Ni Iwinanök göda qem wañgiba maljal aigun töndup eñön gamu qem niñgimakze.

⁵⁰ Mewö ahakzemö, nanak qetbuñanambuk akñamgö jaram qahö timakzal. Mohot kunñan mewö akñamgö bimñi qeba malja. Azi yañön mohot kewöt niñgiba ‘Dop köljän,’ jiba jim teköm niñgimakza. ⁵¹ Nöñön keu ölni töhöññi kun kewö jibi mötket: Kunñan nöñgö Buña keuni tem köla wuatañgömakzawi, yañön mönö nalö kunöñ kömup köhöikñangö buñaya qahö akña.”

⁵² Mewö melenñniga Juda jitñememe yengöñ Jisös kewö jiget mörök, “Abraham aka kezapqetok ambazip yengöñ kömuget aigun göñön töndup kewö jinöñga siksauk akza, ‘Kunñan nöñgö Buña keuni tem köla wuatañgömakzawi, yañön nalö kunöñ kömup köhöikñangö buñaya qahö akña.’ Mewö jizanañgöra gi öme kunöñ uruge geiga maljan. Mi döлки ölop möt asarizin. ⁵³ Neñgö bömönini Abraham kömuyöhi, göñön mönö i ongita yañgö ketanñamñi akzan me? Kezapqetok yengöñ mewöyök kömuget. Gi nangahöra mötnöñ öñgöiga ‘Ketani niñia akzal?’ jiba mötzan?”

⁵⁴ Mewö jiget möta kewö melenñök, “Nanañgöra mötpi öñgöiga Anutugö aködamunñi mi nana buña qem angubileñak ewö, qetbuñani mi mönö nesak akawak. Iwinan nanñi aködamunñi niñgiyöhanñgöra aka qetbuñanambuk aka maljal. Eñön yañgöra ‘Neñgö bem Anutunini akza,’ jize. ⁵⁵ Eñön könañi mi ölop qahö möt kutumakzemö, nöñön i ölop möt wañgizal. ‘I qahö möt wañgizal,’ jibileñak ewö, mönö inñini ewö tilipqilip azi akileñak. Ni azi mewöñi qahö akzalmö, i ölop möt wañgizal aka yañgö keunñi tem kölakzal. ⁵⁶ Eñgö

bömönñini Abrahamnöñ ni gölmenöñ eta malmamgöra mamböta nalö mi ekñamgöra uru sösongai aka malök. Nalö kewöñe Suepnöñ mal köhöiiga nöñön asuhubiga nöñgö nalöni eka mianggöra söngaiyök.”

⁵⁷ Mewö melenñniga Juda jitñememe yengöñ kewö jiget mörök, “Yambugi (yara) 50 qahö ongita mianggö bapñe maljan aka ‘Abraham ehal,’ jinöñga qahö dop kölja.”

⁵⁸ Mi möta jii mötket, “Nöñön keu ölni töhöññi kun kewö jibi mötket: Abrahamnöñ qahö asuhuiga nöñön lök nalö mianggörenñ malal.”

⁵⁹ Mewö jii möta kötnöñ gila qebingöra köt umburañgöba megetmö, Jisösnöñ tölapköba jöwöwöl jikegö tohoñi mosöta ölon köla anök. Mewö.

Jisösnöñ jegömöl azi kun mem ölöwahök.

9 Jisösnöñ toroqeba köna anda azi kun nam körö uruñeyök jegömöl asuhuyöhi, mi ehök. ² Mi ehiga gwarekurupñan qesim wañgiba jiget, “Ketanñamni, yañön mönö dagö siñgisöndoköra aka jegömöl mewöñi asuhuyök? Nanñi siñgisöndoköra me iwinamñi yetkö siñgisöndoköra?”

³ Jigetka kewö melenñök, “Nanñak siñgisöndok kun qahö ahök aiga iwinamñan siñgisöndok qahö ahotmö, Anutugö kukösumñan yañgö malmalñe aukñe asuhumapköra mewö ahuyök. ⁴ Wehönöñ asariba ahözawañgörenñ mönö melaim niñgiyöhanñgö nuwa töp memba malbin. Sunñgem akñawi, mianggörenñ körek nup membingö osibin. ⁵ Nöñön gölmenöñ malmanñgö dop gölmenñi gölmenñi engö asakñini aka asariba malmam.”

⁶ Mewö jiba gölmenöñ söutköi geiga gwakötak melenña jegömöl azigö jeñe timbiliyök. ⁷ Timbiliba kewö jim kutuyök, “Gi mönö Siloam o angönöñ anda jegi sanñonñman.” (Siloam qet mi nanine keunöñ Melaimelai azi.) Mewö jim kutuiga anda jeñi sanñonñi tohoiga ui asariiga lilingöba miriñe kayök.

⁸ Mewö kaiga alaurupñan kösutñe malgeri aka tosatñan mutuk nene yuaigöra ulet engiba mali ekeri, yengöñ i eka jiget, “Jegömöl azi nenegö uleta tata malöhi, yañön azi mia me?”

⁹ Tosatñan jiget, “Yañön mönö mia.” Tosatñan jiget, “Qahö, kaisongolomñi i ewö akzapmö, yañön qahö.” Mewö mewö jigetka nanñak jiyök, “Nöñön mönö ia akzal.”

¹⁰ Mewö jiiga kewö qesiget, “Jegi mönö denöwö aknöñga tohoza?”

¹¹ Qesigetka kewö melenñ engiyök, “Azi qetñi Jisös qerakzei, yañön söutköi gwakötakñöñ geiga melenña jene timbiliba jim kutuba kewö jiyök, ‘Gi mönö Siloam o angönöñ anda jegi sanñonñman.’ Mewö jiiga o mianggörenñ anda jeñi sanñonñi tohoiga ubi asariyök.”

¹² Mewö melenñ engiiga kewö qesiget, “Azi mi denike malja?” Qesim wañgigetka “Qahö mötzal,” jiyök. Mewö.

Farisi yeñon jeni tohoyöhangöra qeqesi alget.

¹³ Azi jegömöl malöhi, yeñon "Qahö mötzal," jiiga ambazipnön i wañgita Farisi (Köna keugö kapankölköl) yeñgöreñ anget. ¹⁴ Jisösnön söutñan gwakötakpuk melenđa jeñe timbiliba metohoyöhi, mi mönö Sabat kendon nalöñe meyök. ¹⁵ Mianğöra Farisi yeñon mewöyök kewö qesim wañgiget, "Jegi mönö denöwö aknönğa tohoza?" Qesim wañgigetka kewö melenj engiyök, "Azi mianğon mönö söutñan gwakötakpuk melenđa jene timbiliiga anda jemesoholni sanğonđa jeni ubi asariza."

¹⁶ Mewö melenj engiiga Farisi yeñgöreñök tosatñan jiget, "Azi mianğon Sabat kendon köteközawi, mianğöra mönö Anutugöreñ azia qahö akza." Tosatñan jiget, "Mewö qahö! Azi gongonji kunñan mönö denöwö aka aňğoletot mewönji memamgö köhöibawak?" Mewö mewö jiba nanñini jula deñget.

¹⁷ Mewö deñgetka jegömöl azi mianğöreñ kunbuk lil-ingöba jiget, "Jegi metohoyöhi, yeñgöra mönö denöwö jiman?" Mewö jigetka "Kezapqetok azia akza," jiyök.

¹⁸ Mewö jiiga jeni ölna gömöliyöha tohoiga uyöhi, Juda jitñememe yeñon mi qahö möt nariget. Qahö möt nariba uruyahöt kinda iwinamñi öröm etkigetka kayohot. ¹⁹ Kayohotka kewö qesim etkiget, "Azi ki etkö nahönñira me qahö? 'Jegömöl asuhuyök,' jizahotmö, denöwö aka mönö döлки jeni uba ekza?"

²⁰ Qesim etkigetka kewö melenjohot, "Azi ki netkö nahönira akza aka jegömöla asuhuyök, mi ölop mötzit.

²¹ Mewö mötzitmö, denöwö aka döлки jeni uba ekzawi, mi qahö mötzit. Dañon jeni metohoi uzawi, niri mewöyök qahö mötzit. Gömokñi qahö, lök qariba töwatñi jörak alalña aka mötkutukutuñambuk akza. Mianğöra mönö nanñanğö qesigetka könani ölop jima."

²² Juda jitñememe yeñgöra keñğötñiri möta mewö jiyohot. Yeñon sutñine keu kewö jöhöba urumohot aka kinget, "Kunñan Jisös Amötqeqe Tonji Kraist akzawi, mewö jim miwikñajima ewö, i mönö köuluk miri kambunöhök közöl wañgibin." ²³ Keu mianğöra aka kewö jiyohot, "Gömokñi qahö, lök qariza. Mianğöra mönö nanñi qesim wañgime."

²⁴ Mianğöra azi jegömöl malöhi, mi kunbuk öröget kaiga kewö jiget mörök, "Azi mi siñgisöndok azia akza, mi mötzin. Mianğöra mönö Anutugö qetbuñani möpöseinönğa aködamunñambuk ahi dop köлма."

²⁵ Mi möta kewö melenjök, "Siñgisöndok azia akza me qahö, nöñon mi qahö mötzal. Mohot kewöyök mötzal: Nöñon jegömöl malalmö, dölkewönje kunbuk ölop uba ekzal."

²⁶ Mewö melenjiga kewö qesim wañgiget, "Wani yuaia ak gihiza? Jegi mönö denöwö metohoz?"

²⁷ Qesim wañgigetka kewö melenj engiyök, "Nöñon lök melenj engizalmö, eñon keu jizali, mi qahö mötze. Wuanönğöra mi kosikñi kunbuk jibi mötpingö kapan kölje? Eñon mönö mewöyök yeñgö gwarekurupñi ak-ingö mötze me?"

²⁸ Mewö melenj engiiga mepaqepaik aka uruqeqe keu töhöreñ kewö jim wañgiget, "Gi mönö yeñgö gwarekña akzanmö, neñon Mosesgö gwarekurupña maljin. ²⁹ Anutunön Mosesya Buña keu wañgii mötzinmö, azi mianğon mönö igen me waigenök asuhuyöhi, mi qahö mötzin."

³⁰ Mewö jigetka keu kewö jii mötket, "Yeñon denikeyök asuhuyöhi, inini mianğöra tok kök qeba tönpin akzeañgöra mi welipközal. Ölna welipközalmö, töndup nöngö jeni metohoiga ölop uba ekzal. ³¹ Ambazip gongonji yeñon Anutu köulukögetka qahö möt engimakza, mi mötzin. Mi mötzinmö, kunñan Anutu göda qem wañgiba diñgiba keu jitñi tem köla wu-atañğomakzawi, yeñgö köulukñi mönö kezap ala mörakza. ³² Kun jegömöl asuhuiga kunön kaba jeni metohoyöhi, kösohot mewönji mi mutuhök qahö möta malin. Suep gölmenön asuhuyohot, nalö mianğöreñök könahiba kota mala merak mianğöreñ kösohot mewönji kun qahö mörin. ³³ Anutugöreñök qahö kabawak ewö, yeñon mönö yuai mewönji memamgö osibawak."

³⁴ Mewö jii möta kewö jim wañgiget, "Twinamgan siñgisöndokpuk gölöm alohotka siñgisöndok pakpak miambuk ahuba qarinönñan merak ninia kusum neñgimangö mötzan. Mi qahö dop kölja." Mewö jim wañgiba közölgetka gumnön erök. Mewö.

Urujenön gömöliiga ilingösönj jipjap malmal.

³⁵ Közölgetka gumnön eröhi, keu mianğon Jisösgö kezapñe gei möta azi mi miwikñajima kewö jii mörök, "Gi Anutugö Nahönji möt narim wañgizan me qahö?"

³⁶ Mi möta kewö qesiba melenjök, "O Ketañamni, azi mi dañon? Mi jinön mötagun i ölop möt narim wañgimam."

³⁷ Melenjiga kewö jim kutum wañgiyök, "Gi kewö uba neknön. Göbuk keu jizali, azi mia mönö nöñon akzal."

³⁸ Mi möta jiyök, "O Kembu, ni möt narim gihizal." Mewö jiba sipköba köuluköm wañgiyök.

³⁹ Jisösnön jiyök, "Nöñon ambazip kewöta keunini jim tekömamgöra aka eta gölmenön asuhuyal. Nöngöra aka tosatñan jegömöl akzei, yeñgö jeni tohoiga ölop uba ek kutume. Tosatñi jeni ölopñi maljei, yeñon nöngöra aka bau jegömöl aka malme."

⁴⁰ Mewö jiiga Farisi tosatñan kösutñe mianğöreñ kind keu mi möta kewö qesiget, "Wae! Nini tok jegömöl azia akzin me? Neñgöra jizan me?"

⁴¹ Mewö qesigetka kewö jii mötket, "Inini 'Jegömöl akzin,' jibeak ewö, mönö siñgisöndok qahö ahöm engibawakmö, nalö kewönje 'Ölop ek kutuzin,' mewö jimakzeañgöra aka siñgisöndokñinan mönö ahöm köhöim engima." Mewö.

Lama aka galömnini ölopñi.

10 Jisösnön galöm meme keu kewö jiyök, "Nöñon keu öl töhöññi kun kewö jibi mötket: Tosatñan lama tohon uruñe öngöbingöra nanğunöhök qahöp-

mö, sel walönda gezei, yeñön mönö kegwek aka yongorö meme ambazip akze. ² Kunñan nañgunöñ geza-wi, yañön lama miengö galömñina akza. ³ Yañön kañgoriga nañgu galömñan eka nañgu öröm wañgiiga eta qeriga lama yeñön keu jölñi ölöp möt kutumakze.

Galömñinan nanñi lamaurupñi engohola qetñini qeta enguañgiriga tohoñini mosöta ölöp yaigepñe anakze.

⁴ "Nanñi lamaurupñi pakpak enguañgiriga tohoñini mosöta yaigepñe anetka yañön jitñemememini aka mutuk aniga keu jölñi möt kutuzeañgöra andöñe wuatañgöba anakze. ⁵ Nanñini galömñini ölöp wuatañgömakzemö, kian kunñan kaiga i qahöpmahöp wuatañgöme. Kian yeñgö keu jölñini qahö möt kutuzeañgöra mönö ziriñziriñ aka yañgöra kök ala deñme."

⁶ Jisösnöñ keu tölapñi mi jii mötketmö, keuñangö könanñi qahö möt asariba köñkuñ qeget. Mewö.

Jisösnöñ lama galöm ölöpñi akza.

⁷ Köñkuñ qegetka toroqeba engöra kewö jiyök, "Nöñön keu öl töhönñi kun kewö jibi mötket: Nöñön lama tohoñgö nañguni akzal. ⁸ Nöñgö andöñe kambu galöm pakpak mutuk kageri, yeñön kegwek aka yongorö meme ambaziwa aket. Mewö akerañgöra lama yeñön i qahö möt kutum enggiba malget.

⁹ "Nöñön mohot lama tohoñgö nañguni akzal. Denike eñön Anutubuk köhöiba malbingö jiba nömbuk qekötahöba maljei, nöñön mönö amöt qem engibiga letotme. Mewö aka lama tohoñ uruñe öngöba eta yaigep anda nene gölmenñi möriamñambuk miwikñaimakñe. ¹⁰ Yongorö meme yeñön wuanöñgöra kamakze? Yeñön yongorö memba nenguba ayuhum nengibingöra kamakze. Yuai murutñi akingöra qahö. Nöñön mewö qahö akzal. Nöñön iñini malmal köhöikñi miwikñaiya oyaenköyaen aka malmegöra kaba maljal.

¹¹ "Nöñön lama galöm ölöpñi akzal. Lama galöm ölöpñan mönö lamaurupñi yeñgöra aka malmalñi kölenñda enggima. ¹² Kunñan lama tonñi qahö aka bohon memegörök kaba lañ galöm köñ engimazawi, mi kewö: Kiam kalñan kaiga eka lamaurup engömosöta unjurata aniga kiam kalñan lama engöhöba kiom engguba mendenñ enggima. ¹³ Yañön yaigewök kaba bohon memegörök 'Lama galöm köñ engimam,' mi jitñöñ jiba lama engöra waimañjat qahö möta nesampurek qakñe mala lañ unjurata anma.

¹⁴ "Nöñön lama galöm ölöpñi akzal. Iwinan ni möt niñgiiga nöñön Iwini möt wañgiba maljal. Mianñgö dop nöñön nani lamaurupni möt engibiga yeñön ni möt niñgimakze. Nöñön malmalñi lamaurupni engöra aka kölenñda mosötmam. ¹⁶ Nöñgöreñ lama kambu tosatñi mi mewöyök ahuba malme. Yeñön lama tohoñ kianñgö tonñi qahö maljemö, töndup nöñgö keu jölñi mörakñe. Nöñön i mewöyök enguañgitpiga mianñgö dop anda kamakñe. Könañgep kambuñi kambuñi mienñön mindiriba kambu mohot aketka galöm mohotñan galöm köñ enggiiga malme.

† 10.14-15 Mat 11.27; Luk 10.22

¹⁷ "Iwinöñ kewögöra aka ni urunöñ jöpaköm niñgi-makza: Nöñön malmalñi mosöta kunbuk guliba mal öñgömam. Mi Iwigö jeñe dop kölja. ¹⁸ Malmalñi kunñan qahö noañgitmapmö, mi nanak kölenñda mosötmam. Iwinan jim kutum niñgiiga nanak malmalñi kölenñda mosötmam aka mianñgö andöñe kunbuk guliba mal öñgömam. Kukösum mewöñi mi nöñgöreñ ahöza."

¹⁹ Jisösnöñ keu mi jiyöhañgöra aka Juda jitñememe yeñgö sutñine goranora kunbuk asuhuyök.

²⁰ Yeñgöreñök gwötpukñan kewö jiget, "Ömewörömenöñ uruñe geyöhawa mala kahapmahap akza. Mönö wuanöñgöra keunñi mötpinak? Muat mosötpin."

²¹ Tosatñan jiget, "Keu mewöñi mi kölköljinñiñ azigö keu ewö qahö. Ömewörömenöñ mönö jegömol ambazip yeñgö jeñini denöwö metohobawak?" Mewö erauget.

Juda jitñememe yeñön Jisös andö qeget.

²² Mönöwök jöwöwöl jike köñ köñjörata nañguni öröget. Mi yambu (yara) dop mötmöriba kendongö söñgaibingöra †† Jerusalem tokoget. Nalö mianñön kam kunguiga kömunñan kie uru nalö amötñi ahök.

²³ Jisösnöñ jöwöwöl jikegö tohoñ uruñe kiñ Solomongö sombem söranñambuk qetkeri, mi-anñgöreñ anda liliköyök. ²⁴ Anda liliköiga Juda jitñememe yeñön kaba liliköm wañgiba kewö qesim wañgiget, "Könañamgi köyatinöñga mönö nalö dawik toroqeba mambötpingö mötzan? Gi Amötqeqe Tonñi akzan me qahö, mi mönö aukñe jinöñga mötpin."

²⁵ Mewö jim qesim wañgigetka kewö melenñ engiyök, "Nöñön lök jibiga mötketmö, iñini nöñgö keuni mi qahö möt narize. Nöñön Iwinañgö qetñe anñgöletot ahakzali, mianñön mönö könañamni indela nañgöba kondelakze. ²⁶ Mi nañgöba kondelakzemö, iñini nöñgö lama kambu uruñe qahö maljeañgöra aka keuni qahö möt narimakze.

²⁷ "Nöñön mönö lamaurupni möt engibiga yeñön mewöyök nöñgö keu jölñi möta ni nuatañgömakze. ²⁸ Nöñön malmal köhöikñi engibiga letota nalö kunöñ qahö kötköñi ayuhume. Kunñan kun i nöñgö böröneyök qahö öröba köndenñ enggima. ²⁹ Nöñgö Iwinan i nöñgö böröne al enggiyöhi, yañön körek enggonggita öñgöñgöñi ketañi akza. Mianñgöra körekñan i nöñgö Iwinañgö böröneyök öröba köndenñ enggibingö osime. ³⁰ Ni aka Iwi netköñ mönö mohot aka maljit."

³¹ Jisösnöñ mewö jiiga Juda jitñememe yeñön kunbuk gölmenöhök köñ umburañgöba memba mianñön gila qebingö aket. ³² Mewö aketmö, kewö jim engiyök, "Iwinöñ nam köñ niñgiiga anñgöletot ketañi gwötpuk aka membiga ekeri, mienñgöreñök mönö wania kun mötmöriba ni kötnöñ gila nuñgubingö mötze?"

³³ Jim enggiiga Juda yeñön melenñda jiget, "Neñön anñgöletot ketañi aknöñañgöra aka qahö kötnöñ gila guhubingö akzinmö, Anutu mepaqepaik ak wañ-

†† Kendon qetñi Hanuka mi Disemba 25 könahiba wehön 8 mi-anñgö dop tata söñgaiget. Miri pakpak kiwa ohotiriget asariga ip sinñi tokoba liñet köla sösongai aket. ‡ 10.33 Lew 24.16

gizanaᅅgö likepᅅji ak gihibin. Gi gölme azia aigun silegi öne mem öngöba Anutu tandök akᅅamgö jizan.”

³⁴ †Mewö jigetka Jisösnöᅅ melenᅅ enᅅiyök, “Buᅅa Kimbinöᅅ Köna keu kun kewö ohoget ahöza, ‘Anutu nöᅅön jial: Injini mönö nöᅅgö bemurupni akze.’ ³⁵ Buᅅa Kimbigö keu mi mönö pömsöm qahö qemapmö, pöwöwöm ahöma. Mianᅅgöra Anutunöᅅ keunᅅi ali kaba ambazip buᅅaᅅina ahöhi, Anutunöᅅ yengö qetᅅini ‘bemurup’ mewö qet enᅅiyök. ³⁶ Ambazip omanᅅi mewö qet enᅅiyökmö, Iwinöᅅ azi mem sarahiba melaiiga gölmenöᅅ eröhi, enᅅön mönö denöwö aka yanᅅgöra kewö jize, ‘Gi Anutu mepaqepaik ak wanᅅgiba maljan.’ Nöᅅön ‘Anutugö nahöᅅni akzal,’ keu mewö jibiga enᅅön mönö wuanöᅅᅅgöra mi mötket qahö dop kölja? Injini Anutugöreᅅ Buᅅa keu mi qeze me?

³⁷ “Nup memakzali, mi eketka Iwinanᅅgö ahakmemegö dop qahö ahakza ewö, mönö kude möt narim niᅅgime. ³⁸ Iwinanᅅgö ahakmemegö dop aka memba maljal ewö, könaᅅamni mewö eka mönö möt narim niᅅgime. Mi keunanᅅgöra aka qahö möt naribeak ewö, mönö anᅅöletotnanᅅgöra aka töndup möt narim niᅅgime. Iwinöᅅ nömbuk qekötahöba kinja aka nöᅅön Iwibuk qekötahöba kinjali, injini mianᅅgö könaᅅi möt sölöᅅᅅgöba asarimegöra jizal.”

³⁹ Jisösnöᅅ mewö jiiga kunbuk memba jöhöbingö mötketmö, böro bapᅅineyök unjurata eta anök.

⁴⁰ ††Enᅅömosöta Jordan o töwatᅅi kutuba kunbuk likepᅅje anda Jonöᅅ mutuk o melun mem enᅅgiba malöhi, mianᅅgöreᅅ anᅅgota nalö tosatᅅi toroqeba mianᅅgöreᅅ malök. ⁴¹ Mianᅅgöreᅅ maliga ambazip gwöt-pukᅅan yanᅅgöreᅅ kaᅅgota eka kewö jiget, “Jonöᅅ anᅅöletot mohot kun qahö meyökmö, keu pakpak azi kianᅅgöra jiyöhi, mi mönö keu öᅅᅅa jiba malök.” ⁴² Kaᅅgotkeri, yanᅅgöreᅅᅅ gwöt-pukᅅan uruᅅini melenᅅda möt narim wanᅅgiget. Mewö.

Jisösgö alaᅅi Lazarusnöᅅ kömuyök.

11 †Betani taongö azi kun qetᅅi Lazarus mianᅅön kawöl yöhöi ahöyök. Maria aka Marta darumun yetköᅅ Betani taon mianᅅgöreᅅᅅ malohot. ² ††Maria mianᅅön Kembu o köhöwakᅅambuknöᅅ miriba nöroᅅ juᅅᅅan könaᅅi kereᅅ meyök. Lazarus kawöl yöhöi ahöyöhi, mi yanᅅgö nenᅅa. ³ Lazarusnöᅅ kawöl yöhöi ahöiga nenyahötᅅan buzup keu kewö alohotka Jisösgöreᅅ anök, “Kembu mötnöᅅ, alagi yanᅅgö ak gihi-makzawi, yanᅅön mönö kawöl yöhöi ahöza.”

⁴ Buzup mi anökmö, Jisösnöᅅ mi möta kewö jiyök, “Kawöl mianᅅön azi alani kömumapköra aka qahö asuhum wanᅅgii ahöza. Mianᅅgöra qahöpmö, Anutugö Nahöᅅnan i mem ölöwaka mianᅅgöra Suepkö aködamunᅅambuk aiga ambazipnöᅅ könaᅅi mi ek kutuba Anutu möpöseigetka qetbuᅅaᅅan asarim sehima. Kawöl mi mianᅅgöra aka asuhum wanᅅgiiyök.”

⁵ Jisösnöᅅ Marta, yanᅅgö munᅅi aka nenᅅiri Lazarus yanᅅgöra ak wanᅅgiiiga malök. ⁶ Mewö malökmö, töndup kawölᅅanᅅgö buzupᅅi möta miri malöhi, mianᅅgöreᅅᅅ

sömanᅅ yahöt toroqeba malök. ⁷ Mi mali nalö mi teköiga gwarekurupᅅi yanᅅgöra kewö jii mötket, “Nini mönö Judia prowinsnöᅅ lilingöba anbin!”

⁸ Mewö jiiga melenᅅget, “Ketaᅅamnini, Juda yanᅅön uruwale kapaᅅ köla kötnöᅅ gila guhubingö mötket. Mianᅅgöra kunbuk Judia lilingöba anmamgö jizani, mi qahö dop kölja.”

⁹ Mewö melenᅅgetka Jisösnöᅅ keu kewö jiyök, “Wehöᅅgö auanᅅi 12 ahözei, kunᅅan mianᅅgö asakᅅe köna anmawi, yanᅅön mönö yuai kunᅅan qem mizit qahö ak wanᅅgima. Gölmegö asakᅅan asarim wanᅅgiiiga öloᅅ eka anma. ¹⁰ Öloᅅ anmapmö, kunᅅan kiwanᅅi qahö ahöm wanᅅgiiiga sunᅅgem jipᅅap anmawi, yanᅅön mönö qem mizit miwikᅅaima.” ¹¹ Keu mi jibagun kewö jii mötket, “Alanini Lazarusnöᅅ gaunwat ahözapmö, nöᅅön anda gaunöhök möndöbi wahötma.”

¹² Keu mi möta kewö jiget mörök, “Kembu, öᅅᅅa gaun ahöza ewö, mönö öloᅅ ahöba ölöwakᅅa.”

¹³ Jisösnöᅅ Lazarus kömuyöhanᅅgö keu saiᅅi jiyökmö, gwarek yanᅅön ‘Gauna ahöza,’ jiyöhi, mianᅅgö möt bibi-hiba keu könaᅅi qahö möt kutuget. ¹⁴ Qahö möt kutugeranᅅgöra Jisösnöᅅ aukᅅeyök jim miwikᅅaiba jiyök, “Lazarusnöᅅ kömuyöha ahöza. ¹⁵ Nöᅅön yambuk qahö malbiga kömuyöhanᅅgöra nöᅅön anda mem gulibiga wahöri eketka mötnariᅅᅅinan asuhum köhöima. Mewö aiga enᅅgöra söᅅgaiba ‘Simbawoᅅ akᅅe!’ jizal. Mönö wahötketka yanᅅgöreᅅ anin.”

¹⁶ Mewö jim miwikᅅaiiga Tomas qetᅅi kun Siwisiwi qetkeri, yanᅅön gwarek alaurupᅅi yanᅅgöra kewö jii mötket, “Nini öloᅅ mohotᅅe mianᅅgöreᅅ anin. Andagun yambuk kömuin.” Mewö.

Malmal Toᅅan nenyahötᅅi uruᅅiri qesawöliyök.

¹⁷ Lazarusnöᅅ kömumba wehöᅅn 4 lök qaksirinöᅅ ahöi teköiga Jisösnöᅅ kaᅅgoriga buzupᅅi mewö jiget mörök. ¹⁸ Betani taon mi Jerusalem siti mosöta 3 kilomita anangö dop dowe ahöyök. ¹⁹ Mianᅅgöra Juda ambazip gwöt-pukᅅan Marta Maria nenᅅiri kömuyöhanᅅgöra ‘Songon etkekin,’ jiba kaba tatket.

²⁰ Tatketka Martanöᅅ “Jisös kaza,” jiget möta miri mosöta könanöᅅ anda miwikᅅaiyökmö, Marianöᅅ mire tarök. ²¹ Könanöᅅ miwikᅅaiba kewö jii mörök, “Kembu, gi kianᅅgöreᅅ malbanak ewö, nenan mönö qahö kömumbawak. ²² Qahö kömumbawakmö, göᅅön nalö kewöᅅe mewöᅅanök Anutugö yuai kungöra köuluköman ewö, mi pakpak öloᅅ miwikᅅaim gihiiga asuhuma, mewö mötzal.”

²³ Keu mi möta Jisösnöᅅ jii mörök, “Göhö nengan mönö guliba wahötma.”

²⁴ Mi möta Martanöᅅ jiyök, “Gölmegö nalö teteköᅅe kömukömuᅅi yanᅅön wahötmei, yanᅅön mönö nalö ketaᅅi mianᅅgöreᅅ guliba wahötmawi, mi möt yaközal.”

²⁵ Mewö jiiga Jisösnöᅅ jii mörök, “Kömupnöhök wahötwahötkö Toᅅi mi nöᅅön akzal. Nanak Malmal köhöikᅅanᅅgö Toᅅi akzal. Mianᅅgöra kunᅅan ni möt narim niᅅgizawi, yanᅅön kömumapmö, töndup toroqeba mal köhöiba malma. ²⁶ Kunᅅan kun gölmenöᅅ mala möt narim niᅅgiza ewö, yanᅅön mönö nalö kunöᅅ qahö

† 10.34 Sum 82.6 †† 10.40 Jon 1.28 ‡ 11.1 Luk 10.38-39
‡† 11.2 Jon 12.3

kömum köhöima. Qahö! Keu mi möt narizan me qahö?"

²⁷ Martanöñ keu mi möta jiyök, "O Kembu, mi möt narizal. Göñön Anutugö Nahönñi akzan. Amötqeqe Tonji Kraist gölmenöñ asuhumapkö jigeri, göñön mönö mia akzan. Mewö möt narizal." Mewö.

Jisösnöñ sahöri imbilñan erök.

²⁸ Martanöñ keu mewö jiba miriñe lilingöba anda munñi Mariagöra keu ölöñ jiiga görañe kaiga jiyök, "Böhinöñ kaba könanöñ kinda göhöra endu anda ekñangöra jiza."

²⁹ Mewö jiiga Marianöñ keu mi möta miangörenök i mosöta Jisösgöreñ anök. ³⁰ Anökmö, Jisösnöñ miri sombemñöñ qahö kañgoriga endu Martanöñ köna namñe miwikñaiba ehöhi, miangörenök kinök. ³¹ Juda ambazip yeñön Mariabuk miri uruñe uru qesawölökö tatketka Marianöñ zilañ wahöta gumñöñ eta aniga eka kewö mötmöriba jiget, "Yañön mönö qaksirinöñ anda sahötma." Mewö jiba yañgö andöñe wuatangöba anget.

³² Marianöñ anda Jisös kinöhañgöreñ añaota eka könañe sipköba eta kewö jii mörök, "O Kembu, göñön ki malbanak ewö, nenan mönö qahö kömumbawak."

³³ Mewö jiba silata qeta sahöriña Juda ambazip yambuk kaba nañgöba mohotñe sahötkeri, Jisösnöñ mi eka wösöñi pölpölgöiga jeñi asöliiga köna böronñi jöñömñambuk unduyök. ³⁴ Jöñömñambuk undui qesim enñiyök, "I denike alget ahöza?" Qesim enñiiga jiget mörök, "Kembu, kewö kaba eknöñ!"

³⁵ Mewö jigetka Jisösnöñ sahörök. ³⁶ Sahöriña Juda ambazip yeñön eka jiget, "Ye! Mönö alañangöra önöñi qahö ak wañgii malök."

³⁷ Mewö jigetmö, tosatñan keu mi qeba kewö jiget, "Jegömöl ambazip jeñini metohoba malök ewö, mönö ölöp Lazarus jiiga qahö kömumbawak me?" Mewö.

Jisösnöñ Lazarus mem guliiga kömupñöhök wahörök.

³⁸ Mewö lañ jigetka Jisösgö wösöñi kunbuk pölpölgöiga jeñi asöliiga qaksirinöñ anök. Qaksirinöñ anda yuai kewö ehök: Köt köteñ urorohoba qamötñi miangö uruñe ala nañgunñi köt ketañan köl közipkögetka tarök. ³⁹ Mi eka kewö jiyök, "Mönö köt qililingögetka anök." Mewö jiiga azi kömuyöhañgö nenñi Marta yañön kewö jii mörök, "O Kembuni, sömañ 4 ahözawañgöra lök wörönñambuk akza."

⁴⁰ Jisösnöñ mi möta Martagöra kewö jiyök, "Gi möt narim niñgibanak ewö, Anutugö kukösumñan aködamunñambuk asuhuiga ekanak. Mutuk keu mewö jibiga mötnöñ me qahö?"

⁴¹ Mewö jiiga köt qililingöget aniga Jisösnöñ eu ui öngöiga kewö jiyök, "Iwi, gi köulukni mötzanañgöra aka 'Pipsaiwap!' jim gihizal. ⁴² Gi nalö dop köulukni mörakzani, mötzalmö, göñön melaim niñginöñga gölmenöñ erali, ambazip kambu liliköm niñgiba ki kinjei, yeñön mi möta möt narimegöra aka keu ki jizal."

⁴³ Mewö jiba imbiñi memba wahöta ketañanök qeta kewö jiyök, "Lazarus, gi mönö wahöta kañgotnöñ!"

⁴⁴ Mewö qeriga azi kömukömuñi yañön guliba wahöta kayök. Köna böronñi opo kawukñambukñöñ esuhuba jemesoholñi opo jöhanñan köpeiba jöhöget ahöi dundunñambuk kayök. Mewö kaiga Jisösnöñ jiyök, "Mönö dundunñi pösatketka ölöp anma." Mewö.

Juda galöm yeñön Jisös kömumapkö añaönañ geget.

Mat 26.1-5; Mak 14.1-2; Luk 22.1-2

⁴⁵ Juda ambazip Mariagöreñ kañgota Jisösnöñ yuai aiga asuhuiga ekeri, yeñgöreñök gwötpukñan uruñini melenña Jisös möt narim wañgiget. ⁴⁶ Möt narim wañgigetmö, tosatñan Farisi (Köna keugö ka-pañkölköl) yeñgöreñ anda Jisösnöñ yuai ahöhi, miangö kösohotñi jiget mötket.

⁴⁷ Mi jiget mötketka jike nup galöm aka Farisi yeñön jike kaunsöl jitñememe öröm enñiget tokogetka kewö jiget, "Azi miangöñ añaöletot kukösumñambuk sehisehiñi memakzawañgöra i mönö denöwö ak wañgiinga dop kölbawak? ⁴⁸ Wakosorañ aka yuai kun qahö ak wañgiinga toroqeba mewö aka malma ewö, mönö ambazip körek pakpak i möt narim wañgibeak. Mewö aketka Rom gawman yeñgö irimñini seholiiga kaba nanini jöwöwöl jikenini aka ambazip kambu ki nenguangitketka öne töhön malbinbuk."

⁴⁹ Mewö jiget tatketka yeñgöreñök kun qetñi Kaiafas yañön yambu (yara) miangöreñ jike nup galöm bohonñi aka nup mia memba malök. Yañön wahöta goro keu kewö jii mötket, "Inñini uru mötmötñinañgö kinimñi tok qahö tohoza. ⁵⁰ Inñini keu ki ölöp qahö kewötze: Niñi ambazip kambu körekañanök ayuhuinga lömböt keta bölöknñi akapuk. Miangöra azi mohotñan Juda kambu neñgö aip selnini ala sohopeni memba kömuiga dop kölma."

⁵¹ Yañön keu mi nanñi imbiñe qahö ahuiga jiyökmö, yambu (yara) miangöreñ jike nup galöm bohonñi malöhañgöra aka nanñak keuñangö könañi qahö möta kezapqetok keu jiyök, "Jisösnöñ ambazip kambu neñgöra aka kömui dop kölma." Keu mi öña jiyök. ⁵² Juda ambazip kambu neñgörohök qahö kömuyökmö, Anutugöreñ urumelen könañesö gölme dop denñeñda mal anñini, nini mewöyök mindirim neñgiiga urumelen kambu mohok aka malbingöra kömuyök. Kömumapkö keuñi mi qelñe jiyök.

⁵³ Wehön miangöreñök könañiba jitñememe yeñön tokoba mewö eraum möta Jisös kömumapkö keuñi jim köhöiba arenñi alget. ⁵⁴ Miangöra Jisösnöñ toroqeba Juda yeñgö sutñine aukñe qahö anda kaba malök. Mewö qahöpmö, enñömosöta gölme qararañkölköñangö görañe anök. Miangöreñ anda taon qetñi Efraim miangöreñ añaota gwarekurupñi yembuk nanñinök malget.

⁵⁵ Juda neñgöreñ ak-kömukömu kendonöñ töröyök. † Miangöra Juda ambazip gwötpukñan miri dop miriñini

† Kendon qetñi Nei keunöñ Pasowa jize. Anutunöñ mönöwök Israel ambazip neñgehöröba neñgongiröhi, miangöra yambu dop nalö ala söngaimakzema. Eksodus 12.15

mosöta köl könjorat ak angubingöra möta Jerusalem sitinöy öngöget. ⁵⁶ Jisös jaruba mala jöwöwöl jikegö tohoj uruñe kinda eraum möta kewö qesim anguget, "Jisösnöy sösöngai kendongöra ki kama me qahöpto? Denöwö mötze?"

⁵⁷ Mewö qesim angugetmö, jike nup galöm aka Farisi yeñon jimkutukutu keu kewö algetka sehiyök, "Kunñan Jisösgö ahöm tatatñi eka mötmawi, yanñon mönön neñgöreñ kaba buzupñi jii möta anda memba jöhöbin." Mewö.

Marianöy Jisös o köhöwakanambuknöy miriyök.

Mat 26.6-13; Mak 14.3-9

12 Anutunöy mönöwök neñgehori ba neñgor-giröhi, miangö ak-kömukömu kendonñan † töri-ba sömanji 6 teköiga miangöreñ kam kuñgumamgö ahök. Jisösnöy nalö miangöreñ miri qetñi Betani miangöreñ anök. Mutuk azi qetñi Lazarus mem gulii kömupnöhök wahöta malöhi, mönön yanñon mire angörök. ² Miangöreñ angoriga Jisös göda qem wangibingöra miri kunöy nene ohoba mözözömgöget. Martanöy ohom tönder köl engiyökmö, azi Jisösbuk mohotne tata nene negeri, Lazarusnöy yeñgö sutñine tarök.

³ † Mewö tatketka Marianöy kelök kirin kun lömbötñi 500 gram mi memba Jisösgöreñ kayök. Kirin mi o umköhöwakanambuk ölnji qetñi nad bohonñi öngöngöñi ketanji miangön kokolak qeqeña. Yanñon mi memba kaba simin köla Jisös könañe mimbiliba miriba nörop jupñan kereñ meyök. Mewö aiga miri uruñe tatkeri, mi ogö wöronñan pukpuköba dop köla ahöiga mötket.

⁴ Mewö asuhuiga Jisösgö gwarek yeñgöreñök kun qetñi Judas Iskariot, könañgep Jisös mamalolo meyöhi, azi miangön qetala kewö jiyök, ⁵ "O köhöwakanambuk mi mönön wuanöngöra bohonñi memegöra qahö alök? Iwinañgö jitñi! Mi albawak ewö, mönön silim 300:kö töwanji (Kina 1500,-) miangö dop yöhötibawak. Mia ambazip wanapñi engiinga dop kölbawak." ⁶ Mewö jiyökmö, keu mi ambazip wanapñi yeñgöra waimanjat möröhanñgöra aka qahö jiyök. Yeñgöra aka qahöpmö, yongorö meme asia mala moneñ geiga miangöreñök kitipñi nanñangöra memba malök. Mönön miangöra aka mi jiyök.

⁷ Mewö jiiga Jisösnöy jiyök, "Injini ambi ki mönön kude jim wangime. Nöñon kömumbiga löm köl ningimeangö nalöñi törizawanñgöra ölop sileni o umköhöwakanambuknöy nömiriza. ⁸ † Ambazip wanapñi mi mönön nalö dop sutñine malakzemö, nöñon embuk nalöñi nalöñi qahö malmam." Mewö.

Lazarus qebingö keu jöhöba angönañ alget.

⁹ Jisösnöy Betani mire malöhi, mi Juda ambazip kambu gwötpukñan möta miangöreñ kaget. Jisösgöröhök qahö kagetmö, Lazarus kömupnöhök mem gulii

wahöröhi, i mohot ekingö likeplikep öröba kanñotket.

¹⁰ Mewö kanñotketmö, jike nup galöm yeñon Lazarus mewöyök qein kömumapkö keu jöhöget. ¹¹ Juda ambazip gwötpukñan Lazarusgöra aka Betani anda uruñi-ni melenña Jisös möt nariget. Miangöra keu mewö jöhöget. Mewö.

Jisös köirañ kölgetka Jerusalem öngöyök.

Mat 21.1-11; Mak 11.1-11; Luk 19.28-40

¹² Mewö aketka ahöba wahöta miangöreñ ambazip kambulembenöy ak-kömukömu kendongöra Jerusalem sitinöy kanñota malgeri, yeñon buzup keu kewö mötket, "Jisösnöy Jerusalem kamamgö könanöy kaza." ¹³ † Keu mewö möta umji böronji memba könanöy miwikñaibingö anda kewö jiba qetket, "Hosana, owe owe! Anutu möpöseizin. Kembangö qetñe kamawi, Anutunöy mönön kötuetköma! Israel neñgö Kiñ Kembangöni owe owe!"

¹⁴ Jisösnöy donki moröñi kun miwikñaiba miangö qakñe öngöba tarök. Mi kezapqetok keu kun kewö ohoget ahözawanñgö dop asuhuyök,

¹⁵ † "O Jerusalem ambazip Zaion kundunji liliköba maljei, injini mötket, engö Kiñ Kembangöni mönön kama.

Donki moröñangö qakñe tata kama. Miangöra keñgötñini mönön kude mötme."

¹⁶ Jisösgö gwarekurupñan yuai asuhuyöhi, miangö könañi mutuk qahö möt kutugetmö, könañgep ölop möt asariget. Jisösnöy Suepnöy öngöba asakmaranambuk malöhi, keu mi nalö miangöreñ mötmöröba kewö jiget, "Aha! Keu mi mönön Jisösgöra ohoget ahöza aka ambazipnöy keu miangö dop ak wangigetka öljambuk ahök."

¹⁷ Ambazip Jisösbuk Betani malgeri, yeñon dangunu ewö kinda buzupñi jim sehiyet. Jisösnöy Lazarus qeriga kömupnöhök guliba wahöta qaksirigö köt köteñ mosöta kanñoriga ambazip kambunöy ekeri, yeñon Jisösgö könañi nanñgöba jiba jim asariget. ¹⁸ Jisösnöy angöletot mi meyöhi, keu mi mötkeranñgöra aka ambazip kambunöy lulunña köl öröm wangibingö anget.

¹⁹ Mewö angetka Farisi (Köna keugö kapañkölköl) yeñon nanñnök eraum möta kewö jiget, "Mötket. Gölmenji gölmenji ambazip yeñon mönön lulunña öröba yanñon andöñe anakze aka nini keu nup miyök mem bibihiinga ölnji kun qahö asuhuza." Mewö.

Grik ambazip tosatñan Jisös jaruget.

²⁰ Juda ambazip ak-kömukömu kendongöra Jerusalem sitinöy öngöba Anutu waikñi memba möpöseigeri, yeñon sutñine Grik ambazip tosatñi mohotñe malget. ²¹ Yeñon gwarek qetñi Filip yanñgöreñ kaget. Filipnöy Galili prowinsgö taon qetñi Betsaida miangö asia malök. Grik yeñon yanñgöreñ kaba qesiba kewö jiget mörök, "Ketanamnini, nini sihimninan Jisös ekingö mötzin."

† Eksodus 12.15 †† 12.3 Luk 7.37-38 † 12.8 Dut 15.11

†† 12.13 Sum 118.25, 26 †† 12.15 Zek 9.9

²² Mewö jiget möta Andrugörej anda keu mi jii mörök. Jii möta mohotje anda Jisös jiyohot mörök. ²³ Keu mi möta melenja kewö jiyök, "Suepkö asakmararajan Suep gölmegö Azi Ölni yangören kunbuk asuhum kutuiga asarimawi, mianggö nalöjan mönö töriza. ²⁴ Nöñön kömupnangö söpsöp keu öl töhöñji kun kewö jibi mötket: Sehoñ kötnji gölmenöñ qahö geba julma ewö, mönö öne miyök ahöma. Mewö öne ahömapmö, geba julma ewö, korapjan mönö jula öndölböndöl wahöri ölni gwötpuk söhöma. ²⁵ "Mianggö dop denike yeñön malmalñini nanñinañgöra angön köla nanñini imbi-imbi siyonsayonji qahö malbingö ak engimakzawi, yeñgö malmalñinan mönö sohoma. Mewö sohomapmö, kunñan kun nanñi malmalñi göragöra ala nia jegep al niñgimawi, yeñön mönö malmal ölni öndölböndölñambuk miwikñaiba köhöiba teteköñji qahö mal öngöma. ²⁶ Kunñan ni welen qem niñgimamgö jizawi, yeñön mönö ni nuatangöba mali dop kölma. Weleni qemakzawi, mönö ni anda kaba malmamangörej mewöyök nömbuk malma. Kunñan nömbuk mala weleni qem niñgimakzawi, Iwinöñ mönö i göda qem wangji malma." Mewö.

Jisösnöñ kömumba gulimawangö keu sainji jiyök.

²⁷ Jisösnöñ jiyök, "Wösöni dölkö kot gwözöñniga amqam aka maljal. Denöwö jibileñak? Keu jaruzal. O Iwi, gi ölop aua nalö kewöñangö köñjilñöhök meköm niñgiman. Töndup kewögöra mewö qahö köulukömam: Aua kiangö sihimbölöñji mi mökösoñda bisimamgöra aka nangak qakne aljan. ²⁸ O Iwi, gi mönö nangi aködamungi al niñgiba qetbuñagi mem qariman." Mewö köuluköiga Suepnöhök keu kewö asuhuba erök, "Nöñön aködamuni lök al gihiba mewö qetbuñani mem qarial aka toroqeba mem qaribiga sehiba anma."

²⁹ Keu mi asuhuiga ambazip kambu kinget yeñön mi möta jiget, "Wöl pöndañ qetza." Tosatjan jiget, "Suep garata kunñan yangöra keu jiiga kourukñi mötzin."

³⁰ Mewö mewö jigetka kewö jii mötket, "Kouruk mi nöngöra aka qahö asuhuzapmö, mi engöra aka asuhuza. ³¹ Nalö kewöñe gölmenji gölmenji ambazip ahakmeme bölöñji wuatangömakzei, yeñgö kewötkewöt nalöñinan mönö mesohol köñ engiza. Anutunöñ yeñgö keuñini jim teköba likepñi melen engiiga qakñine öngömapkö akza. Nalö kewöñe Anutunöñ Bölöñangö Kembuñi gölme dop galöm köñ engimakzawi, mönö i közöliga yaigep etmapkö akza. ³² Yeñön etmapmö, nöngöra kewö asuhuma: Ambazipnöñ gölmenöhök nömemba könakemba kösököm niñgigetka öngöba kinbiga köna ahuiga ambazip gölme dop öröm engibiga luluñda nöngörej kaba kambu köla kinme." ³³ Mi kömup denöwöñji kömumawi, mianggö keu sainja mewö jii mötket.

³⁴ ††Ambazip kambu yeñön mi möta kewö jiget mörök, "Nini Köna keu oyonñda kewö mötzin, 'Kraistnöñ qahö kömumba teteköñji qahö mal öngöba mal-

† 12.25 Mat 10.39; 16.25; Mak 8.35; Luk 9.24; 17.33 †† 12.34 Sum 110.4; Ais 9.7; Eze 37.25; Dan 7.14

ma.' Göñön wuanöñgöra kewö jizan, 'Suep gölmegö Azi Ölni gölmenöhök memba kösökögetka könakemba öngöba kinma.' Suep gölmegö Azi Ölni mi dañön?"

³⁵ Mi möta melenj engiyök, "Asakñan nalö töroptökñi kunbuk sutñine asariba malma. Söñaupnöñ qakñine öngöba turum engii mianggö buñaji akepüköra mönö asakñe anda kaba malme. Asakñan ahöm engimawangö dop mönö asakñe malme. Dañön panamanöñ jipjap anda kamakzawi, mönö denike angotmawi, mi qahö mötza. ³⁶ Mianggöra asakñan nalö dawik embuk malmawi, nalö mianggörej mi mönö urunöñ möt angön köla malme. Asakñangö köñagesö aka malmegöra mönö asakñi mi möt nariba malme." Jisösnöñ keu mewö jiba engömosöta tölapköba anök. Mewö.

Juda ketanji yeñgö uruköhöikñinan qahö löwöriyök.

³⁷ Jisösnöñ angöletot gwötpuk memba maliga Juda yeñön mi jeñinan eketmö, töndup i qahö möt narim wangiba silebile malget. ³⁸ †Mewö malgetka kezapqetok azi Aisaiagörej keu kun mi öñambuk asuhuyök. Yeñön keu mi kewö ohoyöha ahöza,

"O Kembu, neñön Buja keu jim asariba uruñini kungum engimakzinmö, dañön mi möt naribawak? Kembunöñ kukösumñi mi mönö dagöra indeli möt asarima?"

³⁹ Amötqeqe Tonji möt narim wangibingö lömböriba osigeri, Aisaiänöñ mianggö könañi möta keu kun qeljine kewö jiba ohoyöha ahöza,

⁴⁰ ††"Nanñini jeñinan yuai eka könañi ek kutubepuk me uruñinan keu könañi möt asaribepuk. Mi möt asariba uruñini melenjebepuk.

Uruñini melengetka mem ölöwak engibilenbuk. Yeñön mewö asuhubapüköra ambazip jeñini mem gömöliba uruñini gwözöñniga malje."

⁴¹ Jisösnöñ Suepkö asakmararajnöñ asariba mali Aisaiänöñ mewö eka könañi jim asariba keu mi jiyök.

⁴² Jitñememe aka galömkölköl azi yeñgörejök gwötpukñan mewöyök Jisös möt narigetmö, Farisi (Köna keugö kapañkölköl) yeñön köuluk miri kambunöhök közöl engibepüköra mi aukñe qahö jim miwikñaiget.

⁴³ Ambazipnöñ möpöseim engimegöra kapañ köñgetmö, Anutunöñ möpöseim engimapköra mi qemasolokep aket. Mewö.

Jisösgö keuñan ambazip kewöta keunini jim teköma.

⁴⁴ Tosatjan mewö aketmö, Jisösnöñ keu qeta kewö jiyök, "Kunñan möt narim niñgizawi, yeñön niyök qahö möt narim niñgizapmö, kunöñ melaim niñgiyöhi, i mewöyök möt narim wangiza. ⁴⁵ Kunñan ni neka mönö melaim niñgiyöhi, i mewöyök ehakza. ⁴⁶ Ambazip kun ni möt narim niñgizawañön mönö söñaupnöñ qekötahöba malbapuk. Mianggöra nöñön eta asuhuba gölmenji gölmenji engö asakñina aka maljal.

⁴⁷ "Nöñön eta asuhuba gölmenji gölmenji engö keuñini jim tekömamgöra aka qahö kayalmö, ambazip

‡ 12.38 Ais 53.1 †† 12.40 Ais 6.10

gölme dop amöt qem engibiga nalö kewöñe letota Suepkö buñaya akñegöra aka kayala maljal. Mianğöra ambazip nöñgö Buña keuni möta qahö tem köla wu- atañgömakzei ewö, nöñön yeñgö keuñini qahö jim tekömam. ⁴⁸ Denike yeñön jijiwilit ak niñgiba Buña keuni qahö möt añgön köljei, yeñgö jim teteköñinan mönö kewö asuhuma: Nöñön Buña keu jibi mötkeri, keu mianğön mönö nalö ketaje keuñini jim teköiga sihimbölöñini mianğö dop mötme.

⁴⁹ "Könañi kewögöra mewö asuhuma: Nöñön Buña keu jiba malali, mi keu omanñi qahö. Mi nani imbineyök qahö asuhuiga jiba kota malal. Mewö qahöpmö, Iwi melaim niñgiyöhañön nanñak keu jit denöwö jimami, mianğö jim kutum niñgiiga jiba kota maljal.

⁵⁰ Iwigören jimkutukutu mianğön mönö inñini malmal köhöikñe al engimakza, mi mötzal. Mianğöra Iwinan mi jimamgö jim kutum niñgiyöhi, mönö mianğö dop Buña keu jimakzal." Mewö.

Jisösnöñ gwarek yeñgö könañini sañgoñnök.

13 Ak-kömukömu kendonöñ † töriiga Jisösnöñ könañi kewö möt yaköyök, 'Gölme mosöta Iwinanğören öñgömamañgö nalöñan mönö töriza.' Mewö möt yaköba nanñi alaurupñi gölmenöñ malgeri, mi uruñan jöpaköm engiba mala teteköñe mianğören mewöyök uru jöjöpani mi kondel engiyök.

² Kömumawañgö nalöñan kam kuñgumamgö aiga nalö kunöñ sunğemgö nene nemingö tokoba mohotñe tatketka yuai kewö asuhuyök: Saimon Iskariotkö nahönñi qetñi Judas i Satanöñ lök sölölohöyök. Jisös mamalolo ak wañgimapkö keuñi mi sañep ali uruñe geiga möta tarök. ³ Jisösnöñ nanñi könañi mi kewö möt kutuyök, 'Iwinöñ yuai pakpakö kukösumñi mi nöñgö böröne aliga Anutugörenök eta mala kunbuk yañgören öñgömamgö akzal.'

⁴ Könañi mewö möt kutuba nene nembra tatker-añgörenök wahöta malukuñi köteköba nupkö opo jöhanñi kun memba kemañe köpeiba jöhöyök. ⁵ Mi jöhöba o joutnöñ mokoi geiga könahiba gwarekurupñi yeñgö könañini sañgoñnök. Sañgoñ teköba opo jöhanñi (tauöl) kemañe köpeiba jöhöyöhi, mianğön könañini kutuyök. ⁶ Sañgoñda anda Saimon Pitögö könañe kañgoriga kewö jii mörök, "O Kembu gi welenqe- qe etqeqeñi qahö. Göñön nöñgö könanani sañgoñnöñga qahö dop kölma."

⁷ Mewö jii möta kewö melenñök, "Yuai döлки akzali, göñön mianğö könañi nalö kewöñe qahö möt kutuzanmö, könañepnöñ mi ölop möt asariba malman."

⁸ Melenñiga kewö kapañ köla jiyök, "Gi mönö nöñgö könanani nalö kunöñ qahöpmahöp sañgoñman." Mewö jiiga kewö jiyök, "Nöñön gi qahö sañgoñ gihimam ewö, gi mönö nöñgö gwarekni toroqeba malmamgö osi- man."

⁹ Mewö jiiga Saimon Pitönöñ pörösöl ala auruba melenñök, "Kembu, mewögöra gi könananök qahöpmö, böröni aka nöropni mi mohotñe sañgoñman."

† Anutunöñ mönöwök Israel ambazip neñgehoriba neñgoñ- giröhi, kendon mianğö qetñi Nei keunöñ Pasowa jize. Eksodus 12.15

¹⁰ Mewö melenñiga kewö jii mörök, "Kunñan o ariba kaiga könañi tok sañgoñninga töwötñi qahö sarakñi ak teköma. Inñini körek lök sarakñi ak teközemö, mohot- nöñök sarakñi qahö akza." ¹¹ Dañön mamalolo ak wañgimamgö ahöhi, Jisösnöñ mi möta mianğöra kewö jiyök, "Inñini körek sarakñi qahö akze."

¹² ††Könañini sañgoñ teköba malukuñi kunbuk löñgö- ta eta tari negetka kewö qesim engiba jiyök, "Nöñön yuai ak engizali, inñini mianğö könañi möt asarize me qahö? ¹³ Inñini nöñgöra 'Böhi!' aka 'Kembu!' mewö no- holakze aka nöñön mi ölna akzal. Mianğöra mi dopñe jimakze. ¹⁴ Nöñön engö Kembu Böhiñini aka welenqe- qe eretñanğö silik memba könañini sañgoñjal ewö, inñi- ni mönö mewöñanök memba et al añguba weleqeqe aka könañini sañgoñ añguba malgetka dop kölma. Mi mönö nupñina.

¹⁵ "Nöñön aka kondel engizali, inñini mönö mianğö dop nañgöba welen qem añguba malme. Mewö malmegöra mianğö silikñi nöñön merak kondel engibiga ekze. Mi mötmöriiba mianğö tandökñi wu- atañgögetka dop kölma. ¹⁶ Nöñön keu ö löhöññi kun kewö jibi mötket: Welenqeqeñeñ eretñi aiga toñan öñgöñgöñi akza. Gwareknöñ böhiñi oñgita öñgöñgöñi akñamgö osima. Mewöyök azi kembu kunöñ garatanñi melaiiga kolek anda nup memakzawi, yañön mönö kembuñanğö bapñe malakza. ¹⁷ Inñini keu kötni mi merak möt kutuze. Mewögöra silememe mosöta alau- rupñini nembö bapñine anda malme ewö, nöñön mönö engöra 'I-ia simbawoñ!' jimam." Mewö.

Kunöñ mamalolo ak wañgimapkö qeljiñe jiyök.

Mat 26.20-25; Mak 14.17-21; Luk 22.21-23

¹⁸ ††"Keu jizali, mi mönö inñini lökñanök qahö engömeza. Nöñön niñia möwölöhöba engömeali, engö könañamñini mönö ölop möt kutuzal. Mewö maljalmö, Buña Kimbi kun mianğön ölnambuk aiga dop kölma. Keu mi kewö, 'Kunöñ nöñgören nene mohotñe neziri, yañön mönö kelewele aka gwakötñan tötal niñgiba nuñgumamgö jöjöröza.' ††

¹⁹ "Ni ölni könañep asuhumawañgö keuñi mutuk jizal. Mianğöra ölni asuhumawi, inñini nalö mianğören nöñgö könanani möt asariba kewö jime, 'Aha! Malmalgö könañi nalö dop mala kota malöhi, yañön mönö mia akza.' Mewö jiba möt narim niñgimegöra nöñön keu mi qeljiñe aukñe jibiga mötze.

²⁰ ††"Nöñön keu ö löhöññi kun kewö jibi mötket: Nöñön ambazip kun melaibi nup memamgöra kaiga kunñan i köl örozawi, yañön mönö ni tok köl öröm niñgima. Mewöñanök ni köl öröm niñgizawañön mönö melaim niñgiyöhi, mönö i mewöyök köl öröm wañgi- ma."

²¹ Jisösnöñ keu mewö jiba wösöñi kot gwözöñda jul takömamgö ahiga keu indela kewö jiyök, "Nöñön keu

†† 13.12 Luk 22.27 † 13.16 Mat 10.24; Luk 6.40; Jon 15.20
 †† 13.18 Sum 41.9 †† Gwakötñan tötal niñgiba nuñgumamgö jöjöröza, keu mi Israel yeñgören dopkeu kun. Könañi kewö: Yañön uruñan qetala utaköm niñgiza. ††† 13.20 Mat 10.40; Mak 9.37; Luk 9.48; 10.16

öl töhönni kun kewö jibi mötket: Engöreñök kunñan ni mamalolo mem niñgima."

²² Mewö jiiga gwarekurupñan nanñini kuñkaliliñ uba aņgehiba nanñök nanñök kewö mötmöriget, "Mönö dagöra jizapto?" Mewö mötmöriiba uruyahöt tönpin tatket. ²³ Tönpin tata nene negetka Jisösgö wölböt gwarekñan yaņgö qöhöröñeyök tarök. ²⁴ Yaņön tariga Saimon Pitönöñ nöröpñan gwarek mi söpsöp ak waņgiba kewö jii mörök, "Keu mi dagöra jizawi, mi qesiba jinöñ mötpi."

²⁵ Mewö jii möta lapingöba Jisösgö töptöpñe naņgöba kewö qesiyök, "Kembu, azi mi daņön?"

²⁶ Mewö qesiiga melen waņgiyök, "Beret kitipñi kulunñöñ kundumgöba kun waņgimami, yaņön mönö mi." Melen waņgiba beret kitipñi memba kulunñöñ kundumgöba Judas waņgiyök. Judasgö iwiñi qetñi Saimon Iskariot. ²⁷ Beret kitipñi mi waņgiiga Satanöñ mi-aņgöreñök Judasgö uruñe geyök. Mi-aņgöra Jisösnöñ i jim kutum waņgiba kewö jiyök, "Yuai akñani, mi mönö zilañ akñan." ²⁸ Keu mewö jiyökmö, mi wuanöñgöra jii möröhi, mi gwarek tosatñan mohokñe tata nene negeri, yeņgöreñök kunñan kun qahö möt asariyök. ²⁹ Gwarek tosatñan mi-aņgöra kewö mötmöriget, "Judasnöñ moneñ gösögö galömña malöhi, mi-aņgöra kendon nalöñe yuai osibini, mi bohonñi memapköra melaiza me ambazip wanapñi moneñ yuai kun memba eņgimapköra jiza."

³⁰ Judasnöñ keu mi ölop möt asariba beret kitipñi mi memba mi-aņgöreñök mosöta yaigep aniga sunjem ahök. Mewö.

Jisösnöñ jöjöpañ keu dölokñi jim kutuyök.

³¹ Judasnöñ mosöta yaigep aniga Jisösnöñ kewö jiyök, "Dölki Anutunöñ aködammunñi Suet gölmegö Azi Ölni al teköm waņgiiga yaņön Anutugö qetbuñañi mem qarui asuhuza. ³² Yaņön Anutugö qetbuñañi mem qariba Anutubuk qekötahözawaņgöra Anutunöñ mönö mewöñanök yaņgö qetbuñañi mem qarima. Mi nalö qahö körii mem qaruiiga asakmararañan asuhum tiņgiri mal öñgöma.

³³ "O gömokurupni, nöñön nalö töröptökñi kunbuk embuk malmam. Mi mala eņgömosötpiga könaņep jarum niņgiba malme. Juda yeņgöra kewö jibi mötket, 'Ni miri anmami, iñini mi-aņgöreñ kabingö osime.' Keu miyöhök dölkö eņgöra mewöyök jizal.

³⁴ "Nöñön jöjöpañ keu dölokñi jim kutum eņgizal: Iñini mönö uruñinan jöpaköm aņguba malme. Nöñön urukalem ak eņgiba malali, iñini mönö mi-aņgö dop jöpaköba urukalem ak aņguba malme. ³⁵ Sutñine uruñinan jöpaköm aņguba malme ewö, ambazip körek yeñön eņgeka könañamñini möt kutuba kewö jiba malme, 'Aha! Mönö Jisösgö gwarekurupñi akze.'" Mewö.

Pitönöñ Jisös qaņ kölmapkö keu qeljiñe jiyök.

Mat 26.31-35; Mak 14.27-31; Luk 22.31-34

³⁶ Saimon Pitönöñ Jisös kewö qesim waņgiyök, "Kembu, gi denike anman?" Qesim waņgiiga melenök, "Ni denike anmami, gi mi-aņgöreñ nuataņgöba kamamgö osiman. Nalö kewöñe osimanmö, könaņep mia ölop nuataņgöba kaman."

³⁷ Meleniiga kewö qesiyök, "Kembu, ni mönö wuanöñgöra nalö kewöñe gi guataņgöba kamamgö osimam? Nöñön mönö malmalni göhöra aka köleñda mosötmam."

³⁸ Qesiiga kewö melenök, "Gi ölna malmalgi nöñgöra aka köleñda mosötmamgö jizan me? Keu mi jitkanök jizan. Nöñön keu öl töhönni kun kewö jibi mötnöñ: Merak kuruknöñ qetmamgö dopdowiiga göñön nalö mi-aņgöreñ qaņ köl niñginöñga indimñi karöbut akña." Mewö.

Jisösnöñ gwarekurupñi urukölalep mem eņgiyök.

14 "Uruñinan mönö waimañat kude möta wösöbirik kude aka malme! Mönö Anutu möt narime aka ni mohok möt narim niņgiba malme! ² Nöñgö Iwinaņgö miri bohonñe miri uruñi sehisehiñi ahöze. Mi qahö ahöbeak ewö, mönö eņgöra keu kewö jibilenak: Nöñön mönö mi-aņgöreñ öñgöba eņgö dum miri mem möhamgömam.

³ "Nöñön mutuk anda öñgöba eņgö dum miriñini mem möhamgömam-mö, nöñön miri malmami, iñini mewöyök nömbuk mi-aņgöreñ mohotñe malbingö sihimñi mötzal. Mi-aņgöra nöñön mönö kunbuk liliņgöba kaba eņguañgitpiga euyañgöreñ öñgöme. ⁴ Nöñön miri denike anmami, iñini mi-aņgö könañi lök möt kutuze." Mewö.

Iwigöreñ anangö köna mi Jisös.

⁵ Jisösnöñ mewö jiiga gwarek qetñi Tomas yaņön kewö jiyök, "O Kembu, gi miri denike anmani, nini mi qahö mötzin. Mi-aņgöra mi-aņgö könañi mi mönö denöwö möt kutubinak?"

⁶ Mi möta kewö jii mörök, "Nöñön Köna akzal. Nöñön Keu ölni aka Malmal köhöikñi akzal. Kunñan Iwigöreñ aņgotmamgö möta nöñgöreñ kama ewö, yaņön mönö köna miwikñaima. Köna murutñi kun qahö ahöza.

⁷ Iñini ni ölna möt kutum niņgibeak ewö, mönö nani Iwini mewöñanök möt kutum waņgibeak. Iñini nalö ki-aņgöreñök könahiba nöñgö Iwini lök eka möt waņgize."

⁸ Mewö jiiga Filipnöñ kewö jii mörök, "O Kembu, gi Iwi kondel neņginöñga neñön i uba ehinga dop köl neņgima."

⁹ Mi möta Jisösnöñ jii mörök, "O Filip, ni nalö köröp tiñtiñi embuk pöndañ malbigun neka töndup könani qahö möt kutuzan me? Kunñan ni nek kutuyöhi, yaņön mönö Iwini mewöyök eka malja. Mi-aņgöra gi mönö denöwögöra Iwi kondel neņginöñga ekingöra jizan?"

¹⁰“Nöñön Iwibuk qekötahöba kinbiga Iwinöñ nöm-buk qekötahöba kinjawi, mi möt narizan me qahö? Keu Buña jibiga mörakzei, nöñön keu mi nani uruneyök qahö memba jimakzal. Qahö! Nup memakzali, mi mewöyök Iwi nömbuk qekötahöba kinjawanön nam köl niñgii ölni ahumakza. Mianğöra nup memakzali, mi mönö yangö nuwa memakzal.

¹¹“Nöñön Iwibuk qekötahöba kinbiga Iwinöñ nöm-buk qekötahöba kinja. Injini mönö mewö möt narim niñgiget. Keu mi jitnön jibi möta qahö möt narim niñgibeak ewö, mi mönö anğöletotni ekzeanğöra aka möt narim niñgime. ¹²Nöñön keu öl töhöñji kun kewö jibi mötket: Denike yeñön ni möt narim niñgize, yeñön mewöyök ni anğöletot memba malali, miyöhök memakñe. Miyöhök memakñe aka nalö tosatñe nöñön meali, mianğö dopñi onğita mi memakñe. Nöñön Iwiğöreñ öngöba malmamanğöra aka anğöletot öngöñgöñi ketanji megetka asuhume.

¹³“Iwinan nöñgöra aka qetbuñambuk akñapkö mötzal. Mianğöra aka Injini nöñgö qetne wani yuaigöra köulükömei, nöñön mönö mi akñam. Mewö akigun mi-anğön Iwinanğö qetbuñanji jigetka qarimakñe. ¹⁴Injini yuai kungöra nöñgö qetne köulüköba qesim niñgime ewö, nöñön mönö mi akñam. ¹⁵Injini uruñinan jö-paköm niñgimakze ewö, mönö nöñgö jöjöpñan keuni tem köla wuatangöba malme.” Mewö.

Jisösnöñ Uña Töröñi melaimangö jim jöhöyök.

¹⁶“Nöñön Iwi köulüköm wangibiga yeñön nam köiput Toñi kun enğiiga eta nöñgö salupni aka teteköñi qahö embuk mal öngöma. ¹⁷Nam köiput Toñi mi Uña Töröñi. Yeñön keu ölnanğö Toñi akza. Uruñini qahö melenget yeñön i qahö ek kutuba qahö möt wangize. Mianğöra yeñön i köl öröba möt anğön köl-bingö osimakzemö, Uña yeñön lök embuk malja aka könanğep uruñine geba embuk kinma. Mianğöra i kiana qahöpmö, i ölop möt kutum wangize.

¹⁸“Nöñön enğömosötpiga gwani morö ewö qahö aka malme. Ni mönö enğöreñ lilingöba kamam. ¹⁹Nalö töröptökñi teköigun gölme ambazip omanji yeñön ni kunbuk qahö neka malme. Yeñön qahöpmö, uruñini melenğeri, enğön ni ölop nehakñe. Nöñön köhöiba mal-jalanğöra injini mewöñanök guliba köhöiba malme. ²⁰Iwi, nani aka injini, nini mohok aka maljin. Nöñön Iwinambuk qekötahöba kinbiga injini nömbuk qekötahöba kingetka nöñön embuk qekötahöba kinjal. Mianğö könanji mi Uña Töröñan uruñine gemawanğö nalöñe ölop möt asarime.

²¹“Kunñan nani jöjöpñan keuni pakpak möt anğön köla tem kölakzawi, yeñön mönö uruñan ni jöpaköm niñgimakza. Kunñan ni jöpaköm niñgiiga nöñgö Iwinan mönö i jöpaköm wangimakza aka nöñön i jöpaköm wangimakzal. Nöñön i jöpaköba könanjamni indel wangibiga möt kutuma.”

²²Jisösnöñ mewö jiiga Judas Iskariotkö wakanji Judas yeñön kewö jiyök, “Kembu, gi denöwögöra könanjamgi neñgöreñök indelman aka ambazip uruñini qahö melenğeri, yeñgöra mi köyatim enğimangö jizan?”

²³Mewö jiiga kewö melenğ wangiyök, “Kunñan uruñan jöpaköm niñgimakza ewö, yeñön mönö nöñgö Buña keuni tem köla wuatangöba malma. Mewö maliga Iwinan i jöpaköm wangiiiga Iwi netkön mönö yangö uruñe geba pöndanğ yambuk mohotñe malbin.

²⁴Kunñan ni uruñan qahö jöpaköm niñgimakza ewö, i mönö nöñgö Buña keuni qahö tem köla wuatangöba malma. Keu jibi mörakzei, mi nani Buñaya qahöpmö, Iwi melaim niñgiyöhi, yeñön mi niñgiiga jimakzal.

²⁵“Nöñön keu pakpak mi embuk pöndanğ malali, nalö mianğöreñ kusum enğiba malal. ²⁶Mewö malalmö, Iwinöñ Uña Töröñi nöñgö qetne melaiiga eta nam köiput (aka tinjonjon) Toñini akñe. Yeñön keu pakpak kusum enğiba nöñön qambanğ keu pakpak enğiali, mi ölum enğubapuköra köl gulim enğimakñe.

²⁷“Nöñön luai enğizal. Nane luai sorokni qainñi kun mi albi uruñine ahöma. Gölmenöñ ambazip yeñön luai qem anğumakzei, nöñön mianğö tandök ewö kude qem enğimakzalmö, mi onğita luai qainñi kun enğimakñam. Mianğöra uruñinan mönö wösöbirik kude aka keñgötñini kude möta malme.

²⁸“Nöñön keu kewö jibiga mötket, ‘Nöñön enğö-mosöta öngöba mala kunbuk enğöreñ lilingömam.’ Injini uruñinan ni ölna jöpaköm niñgibeak ewö, keu jizali, mianğöra ölop söñgaibeak. Iwinöñ nöñgö ketanjamni akza. Mianğöra ni ‘Iwinanğöreñ öngömam,’ jizali, injini mi möta ölop urusösöñgai miwikñaigetka dop kölbawak. ²⁹Keu döлки jibi mötzei, mianğö ölni bi-anğ asuhuma. Ölni asuhumawi, injini nalö mianğöreñ mi ölop mötmöriba möt narime. Mianğöra mi nalö ki-anğöreñ qeljine jibi mötze.

³⁰“Nalöni törizawanğöra embuk keu gwötpuk kunbuk jimangö dop qahö mötzal. Bölönanğö Kembuñan gölme dop galöm köl enğimakzawi, yeñön mönö kamangö jöjöröza. Yangö ösumñan mönö luhut qahö al niñgiba kondondongöma. Nöñgöreñ köna mi yeñön jim kutumawanğö dop qahö ahöza. ³¹Qahö ahözap-mö, nöñön Iwi jöpaköm wangimakzalanğöra yuai pakpak keu jim kutum niñgimakzawanğö dop ahakzal. Gölime ambazipnöñ nöñgö könanjamni mewö jim kusum enğigetka möt asarimegöra mötzal. Mianğöra mönö mosöta wahöta kagetka anbin.” Mewö.

Jisösnöñ wain ip bömönñi, neñön böröñi akzin.

15 Jisösnöñ gwarek yeñgöra kewö jiyök, “Nöñön wain ip öl sorokñi akiga nöñgö Iwinan wain nup-kö toñi akza. ²Nöñön ip ewö qak börönambuk akzal. Ip böröni pakpak ölni qahö miwikñaiiba gilipitñi akzei, Iwinan mi kutum gil enğima. Ip böröni pakpak nöñgöreñ tatketka ölni ahum sirizei, Iwinan mi mönö köl könjorat enğima. Ahakmemegö ölni qarim kuwulem sehisehijni miwikñaimegöra mönö mem solanim enğima.

³“Injini Buña keu jibi mötketka mianğön lök mem solaniba köl könjorat enğii sarakñi aka malje. ⁴Mianğöra enğön mönö nömbuk qekötahöba kinme. Mewö kingetka nöñön embuk kinmam. Wain böröñi kunñan ip kembane qahö tata tala etza ewö, mi mönö nanñi

nam köl anguba ölni ahum wangimapkö osima. Mi-angö dop injini mewöñanök nömbuk qahö qekötahöba kinje ewö, mönö nanñinök ahakmemegö ölni öne ahum wangibingö osime.

⁵“Ni waingö ipñi akiga eñön miañgö böröñi akze. Injini nömosöta nanñinök kinda yuai kun akingö osime. Miañgöra kunñan nömbuk qekötahöba kiniga nöñön yambuk qekötahöba kinbiga yañön mönö ahakmemegö ölni önöñi qahö miwikñaiba siriba malma. ⁶Denike yañön nömbuk qahö qekötahöba kinje ewö, wain ip toñan mönö i ip böröñi ewö kutum enggiba gili yaigep anme. Anda soholigetka memba tokoba könöpnöñ gili geba jeme.

⁷“Yañön jememö, likepñi injini mönö nömbuk qekötahöba kinme. Mewö kingetka nöñgö Buña keunan enggö uruñine qekötahöba kinja ewö, injini i me wai buña qem angubingö mötzei, mi mönö Iwi köuluköm wangigetka enggima. ⁸Injini nöñgö gwarekurupni aka kingetka ahakmemenjañgö ölni önöñi qahö ahuba eta tatketka malme. Mewö memba malgerañgöra Iwinañgö qetñan mönö aködammunñambuk aka ahöma. ⁹Iwinan ni jöpaköm niñgiba malöhi, nöñön mönö miañgö dop mohot jöpaköm enggiba malal. Injini mönö nöñgö urukalem uruñe kinme. ¹⁰Nöñön Iwinañgöreñ jöjöpñ keu tem köla mala kota yañgö urukalem uruñe kinjal. Miañgö dop eñön nöñgö jöjöpñ keuni memba tem köla malme ewö, mönö ölop nöñgö urukalem uruñe kingetka jöpaköm enggiba malmam.

¹¹“Nöñön uru sösongai al enggibi enggöreñ kutuiga uruñini kokolak qei ahöiga önöñi qahö söngaim sehiba malmegöra keu mi jibi mötze. ¹²†Nöñgöreñ Köna keu mi kewö: Nöñön uru jöpaköm enggiba malali, injini mönö miañgö dop nanñini jöpaköm anguba malme. ¹³Kunñan alaurupñi yañgöra aka nanñi malmalñi tökoba mosötmawi, mianñön mönö urukalem öngöñgöñi ketañi akza. Kunñan mi ongita jöpaköm enggimamgö osima. Urukalem tosatñi mi miañgö eretñi.

¹⁴“Nöñön yuai akñegöra jim kutum enggimakzali, injini miañgö dop ahakze ewö, mönö nöñgö alaurupni akze.

¹⁵Welenqeqegö könañi kewö: Galömñan nupñi denöwö aka memakzawi, mi welenqeqeñan qahö mörakza. Miañgöra enggö qetñini ‘Welenqeqeurupni,’ mewö qahö toroqeba enggoholmam-mö, Iwinañgöreñök Buña keu mörali, mi pakpak mönö enggöra indelbiga mötze. Mewögöra qetñini ‘Alaurupni,’ mewö enggoholbiga dop kölja.

¹⁶“O alaurupni, eñön ni qahö möwölöhöm niñgigetmö, nöñön injini möwölöhöba kuñgum enggibiga kinje. Miañgöra eñön liliköba anda ölni kewö miwikñaiba pöndañ sirigetka ahöahöñi ahi dop köлма: Nöñgö qetni qeta yuai mi me mi miañgöra Iwi köulukömei, mi mönö enggii buñañini akña. ¹⁷Injini mönö sutñine jöpaköm anguba malme. Nöñön jöjöpñ keuni mewö jim kutum enggizal.” Mewö.

Urumelengö kopañi yañön injini kazik ak enggime.

¹⁸“Gölmenöñ uruñini qahö melenget yañön kazik ak enggime ewö, mönö keu kewö mi möt kutume: Yañön mutuk ni mewöñanök kazik ak niñgiba malget. ¹⁹Injini urumelengö kopa kambunöñ malbeak ewö, kambu-urup mieñön mönö nanñini alaurupñini urukalem ak enggibeak. Mi ak enggibeakmö, nöñön injini möwölöhöba yañgö areñnöhök enggömembiga murutñi aka malje. Yañgöreñ ahakmeme bölöñi mi andö qeba maljeañgöra aka kazik ak enggimakze.

²⁰†“Nöñön keu kun kewö jibi mötkeri, mi mönö urukönömñine ala mötmörime, ‘Welenqeqeñöñ eretñi aiga toñan ketañamñi akza. Gwareknöñ böhiñi ongita öngöñgöñi akñamgö osima.’ Miañgö dop tosatñan ni sesewerowero ak niñgiba mala kotket ewö, tosatñi yañön mönö nöñgö undumurupni injini mewöñanök sesewerowero ak enggiba malme. Yañön nöñgöreñ Buña keu möt angön köla malget ewö, injini nöñgö keuni jim sehiba malgetka mönö mewöñanök ölop möt angön köla malme. ²¹Mewö malmemö, ni melaim niñgiyöhi, yañön i qahö möt wangize. Miañgöra silebile qakñe yuai könañi könañi lañ ak enggime, mi mönö nöñgö qetbuñañgöra aka asuhum enggima.

²²“Nöñön yañgöreñ qahö eta Buña keu jibi mötpeak ewö, yañön mönö köpösihitñinañgö gamuñi qahö möta malbeak. Mewö öne malbeakmö, nalö kewöñe siñgisöndokñini möt teköba köl turubingö osize. Möndömondö keuñini mönö denöwö miwikñaibeak? ²³Kunñan ni kazik ak niñgizawi, yañön mönö Iwini mewöñanök kazik ak wangiza. ²⁴Angöletot öngöñgöñi ketañi meali, mi kunñan kun enggö sutñine qahö memba malök. Nöñön mi qahö membilenak ewö, yañön mönö köpösihitñinañgö gamuñi mi qahö möta malbeak. Tönpin malbeakmö, nalö kewöñe nöñön mi membiga ek teköbagun töndup ni aka Iwini mewöñanök öne töhön kazik ak netkiba malje.

²⁵“Mewö ak netkiba malgetka Buña keu kun ölnambuk ahök. Mosesnöñ köna keu enggiyöhi, miañgöreñ keu mi kewö ohoget ahöza, ‘Yañön öne töhön lañ kazik ak niñgiba malget.’ Keu mianñön lök ölnambuk ahök.

²⁶Nöñön Iwigöreñ öngöba köiput Toñi melaibiga enggöreñ kaba uruñine geba nañgöm enggima. Uña Töröñi yañön keu ölnañgö Toñi akza. Yañön Iwigöreñök eta nöñgö könañamni nañgöba jim asarim enggiba malma. ²⁷Yañön mewö malma aka eñön mewöñanök nöñgö könañamni nañgöba jim asariba malme. Nöñön könahiba urugö qenjarök nup memba malali, eñön mönö könakönahineyök nömbuk mala kotket. Miañgöra injini mönö mi ölop jim asariba malme. Mewö.

Jisösgö gwarekurupñi bim enggöhöi utal enggime.

16 Jisösnöñ toroqeba kewö jiyök, “Injini tala eta engui janjuñ akepuköra nöñön keu mi qeljine

† 15.12 Jon 13.34; 15.17; 1 Jon 3.23; 2 Jon 5

†† 15.20 Mat 10.24; Luk 6.40; Jon 13.16 ‡ 15.25 Sum 35.19; 69.4

jibi mötze. ² Uruñini qahö melenget yeñön mönö köuluk miri kambunineyök utal enggetka yaigep eta malme. Könañgep nalö kun kam kuñgumawi, miangöreñ inini nöngöra aka engugetka kömume. Mewö engguba kewö jime, 'Mewö mianñön Anutugö welenji qeinga Anutugö uruñan ölöwakza.' Körekñan mewö möt sohoba jime. ³ Yeñön Iwi aka ni netkö könañam-niri qahö möt asarimakzeañgöra aka mewö ak enggiba malme.

⁴ "Mewö tönpin malmemö, nöñön keu mi qeljine enggöra jibi mötze. Mianñgöra nalö mi kam kuñguiga keu mianñgö ölni asuhumawi, inini nalö mianñgöreñ ölop kewö jime, 'Kraistnöñ kianñgö buzup keunji lök qeljine jii mörin.' Nanak embuk malalañgöra aka keu mi nalö köröpñi ahöiga mutuk qahö jibi möta kotket." Mewö.

Uña Töröñan nupñi kewö memakza:

⁵ "Nöñön nalö kianñgöreñ melaim ningii erali, mönö yangöreñ öngömamgö akzal aigun enggöreñök kunñan kun kewö qahö qesim niñgiza, 'Gi denike anman?'

⁶ Keu mewö jizali, eñön mi möta mianñgöra wösöbiriknöñ uruñini kokolak qei malje.

⁷ "Mewö maljemö, töndup nöñön mianñgö likepñi keu ölni kun kewö jibi mötket: Nöñön enggömosöta lilingöba öngömami, mianñgö ölnan asuhuiga mönö kewö mem ölöwak enggima: Nöñön öngöba köiput Toñi melaibiga enggöreñ eta uruñine gema. Nöñön qahö enggömosöta öngöbilenak ewö, Toñi yañön mönö enggöreñ etmamgö osima.

⁸ "Köiput Toñi yañön eta malmalgö könañi kewö kondel enggiba malma: Gölme dop siñgisöndokñini indela kondeli Anutunöñ keunini jim teköiga solanime me uruñini qahö melengetka keunini jim teköba likepñi melenj enggima. Ambazipnöñ könañamñini mewö eka möt kutume. ⁹ Ni qahö möt narim niñgizeañgöra siñgisöndokö könañi indel enggiiga möt kutume.

¹⁰ "Anutugö köna solanñi möt sohoba nöngöra keu lañ jimakze. Mianñgöra yañön nöngö könañamni indela kondel enggiiga kewö möt kutum niñgime: Nöñön solanñi mala Iwinañgöreñ lilingöba öngöbiga ni kunbuk qahö neka malme. ¹¹ Bölöñañgö Kambuñi gölme dop galöm köl enggimakzappmö, Anutunöñ yangö keunji lök jim teköyöha könöp siagö Toñi akña. Mianñgö dop körek neñgö keunini mewöyök jim teköma.

¹² "Nöñön ölop keu gwötpuk toroqeba jibilenakmö, mi nalö kewöñe jibiga usuñumburañ aka köl gulibingö osibepuk. ¹³ Mi osibepukmö, keu ölnañgö Toñi, Uña Töröñi yañön eta uruñine geba keu sañep qei mötme. Mi nanñi imbiñañgö dop lañ qahö jiba malmappmö, Anutugöreñ keu kezap ala mötzawi, yañön mönö miyök jimakña aka könañgep yuai asuhumawi, mi qeljine indela jima. Mianñgöra yañön enggömembra keu ölni pakpak mianñgö o añgöñe al enggiiga keu ölnañgö köna tiba anme.

¹⁴ "Yañön mönö nane köwenöhök keu memba jim asariba uru kuñgum enggiba malma. Mianñgöra mönö nöngö könanani indeliga nöñön qetbuñanambuk

ahakñam. ¹⁵ Iwinañgöreñ yuai pakpak ahözawi, mi mönö nöngö böröne ali ahöza. Mianñgöra jizal, 'Yañön mönö nane köwenöhök keu memba jim asariba uru kuñgum ak enggiba malma.' Keu mi mewö."

Wösöbirik malgetka melenñiga urusösöñgai mötme.

¹⁶ "Nalö töröpñi kun teköiga inini ni kunbuk qahö nekñe. Mianñgö andöñe nalö töröpñi kun teköigun mönö asuhum enggibi ölop kunbuk nekñe."

¹⁷ Mewö jiiga gwarekurupñi yenggöreñök tosatñan nanñinök kewö eraum mötket, "Keu kewö jiza, 'Nalö töröpñi kun teköiga inini ni qahö nekñe. Mianñgö andöñe nalö töröpñi kun teköigun mönö asuhum enggibi ölop kunbuk nekñe,' aka keu kun kewö jiza, 'Ni Iwinañgöreñ öngömam.' Mewö jiiga mötzini, keu yahöt mianñgö könañi mi denöwö?" ¹⁸ Mewö eraum möta uzohola jiget, "Yañön 'Nalö töröpñi teköigun,' jizappmö, keu mianñgö könañi denöwö? Mi wuanöñgöra jizawi, nini mi qahö möt asarizin."

¹⁹ Mewö jiba qesim wañgibingö mötketka Jisösnöñ enggek kutuba kewö jii mötket, "Keu kewö jizal, 'Nalö töröpñi kun teköiga inini ni qahö nekñe. Mianñgö andöñe nalö töröpñi kun teköigun mönö asuhum enggibi ölop kunbuk nekñe,' Inini mönö keu mianñgö könañi jaruba eraum mötze me?"

²⁰ "Nöñön keu ölp töhöññi kun kewö jibi mötket: Nöñön anbiga inini jingey köla sahötmemö, uruñini qahö melenget yeñön lañ börum memba sösöñgai aka malme. Inini wösöbirik aka malmemö, wösöbirikñini mianñön mönö nöngöra aka melenñda sösöñgai aka malme. ²¹ Ambinöñ morö memamgö nalöni kam kuñguiga masö qeiga qemñey qakñe morö mezappmö, morö dölöknji memba kinda i eka sösöñgainañgöra mönö sihimbölöñi mi ölum qemakza.

²² Mianñgö dop inini mewöyök nalö kewöñe wösöbirikpuk maljemö, nöñön könañgep kunbuk asuhuba enggekiga inini ölop urusösöñgaibuk malme. Urusösöñgainñini mi kunñan kun qahö enggungitma.

²³ "Nalö mianñgöreñ yuai kungöra ni qahö qesim niñgimemö, köulukñini Iwigöreñ algetka diññanök ani amqei malme. Nöñön keu ölp töhöññi kun kewö jibi mötket: Inini nöngö qetnöñ yuai kungöra Iwi köuluköm wañgime ewö, yañön mi mönö tököm enggima. ²⁴ Nömbuk mala kageri, inini nalö mianñgöreñ yuai kungöra nöngö qetne qahö köuluköba malget. Mönö Iwi köuluköba malme. Köulukögetka ölop melenj enggima. Mi enggiiga sösöñgainñan asuhum sehiba uruñini kokolak qem teköi malme." Mewö.

Jisösnöñ gölmegö ahakmeme bölöñi mi luhut alakza.

²⁵ "Keu jibi möta kamakzei, mi keu saiñambuk jibi möta malget. Könañgep nalö kun kam kuñgumawi, mianñgöreñ keu saiñi mi kunbuk qahö qeba jibi mötme. Qahöppmö, Iwinañgö könañi mi aukñe jim asariba malmam. ²⁶ Nalö mianñgöreñ inini nöngö qetni qeta Iwi köuluköba malme. Mianñgö könañi kewö: Inini köulukñini Iwigöreñ albingöra nöngöreñ kunbuk qahö ka-

maknemö, nanjinak Iwigörej diñdijni köuluköba malme. Nöñon engö jit memba Iwigö qahö köulukö-mam.

²⁷ "Iwinöñ nanjak uruñan jöpaköm enggiba köulukñi-ni kewögöra möta malma: Nöñon Anutugörejök erali, iñini nöñgö könani mewö möt nariba pöndañ uruñi-nan jöpaköm niñgiba mala kotketka köna mewö ahuiga köulukñini möta malma. ²⁸ Nöñon Iwi mosöta gölmenöñ eta mala gölme mosöta kunbuk lilingöba Iwanangörej öñgömam."

²⁹ Mewö jiiga gwarekurupñan jiget, "Mötnöñ, keu döлки jizani, mi sainji qahö qeba jizan. Mi mönö aukñeyök jinöñga ölop möt asarizin. ³⁰ Nini merak könañamgi kewö möt yaközin: Göñon mönö nanganök yuai pakpak möt tekönöñga kunñan kun qesiba kusum gihimapköra qahö osizan. Miangöra gi Anutugörejök etnöñi, nini mi ölop möt narizin."

³¹ Mewö jigetka Jisösnöñ melenñda jiyök, "Merak ölop möt narim niñgizemö, ³² mötket, nalö tandökñi kun kama aka mianñon lök mesohol köla nangunöñ kinja. Nalö mianñon kam kunñuiga eñon kengötnjini möta nö-mosöta denñenñda simbisembel aketka nanök malmam. Töndup nanöhök töhön qahö malmam-mö, Iwinan nömbuk malma. Iwinöñ nömbuk malmawanğöra aka nanöhök töhön qahö malmam. ³³ Eñon toroqeba gölmenöñ mala kahasililih qakñe möta malmemö, nömbuk qekötahöba luainöñ malmegöra möta keu qöndökñi ki jibi mötze. Keuyök qahö jizalmö, nöñon gölmegö ahakmeme bölöñi mi lök luhut ala wahijambanñi kusum teköbiga erök. Mianğöra mönö ewebibiñnambuk köhöiba saitingit malme." Mewö.

Jisösnöñ nanñangöra Iwi köuluköyök.

17 Jisösnöñ keu mewö jim teköba Suepnöñ göröken ui öñgöiga kewö köuluköyök, "Iwini, göñon gölme dop ambazip pakpak Nahöngi nöñgö bapne al enñinöñga kukösum qakñe Kembu ak enñizal. Ambazipnöñ Nahöngi nöñgö keuni ölop qahö andö qeba öngita malme. Göñon ambazip sutñineyök tosatñi meköba nöñgö böröne al enñgiba kewö jim kutum niñginöñ, 'Gi mönö i körek kusum enñinöñga malmal köhöikñi miwikñaiba malme.' Nup mi mem teköbiga Nahöngan qetbuñagi mem qarimapköra mönö aködamungi niñginöñ. Nöñgö nalöni mi döлки kam kunñuiga kinda mewö köuluközal.

³ "Malmal köhöikñangö könañi mi kewö: Göñon mohot Anutu ölni akzan aka azi Jisös Kraist ni melaim niñginöñga erali, ambazipnöñ netkö könañamniri mewö möt kutume. Malmal kömbönañi mewö miwikñaime. ⁴ Nup al niñgiba 'Meman,' jiba jim kutum niñginöñi, nöñon mi tem köla memba mala meköyal. Aködamungabuk mala qetbuñagi gölmenöñ indel sehibiga aködamunñambuk ahök.

⁵ "O Iwi, nöñon gölme qahö asuhuiga Suep mire mianğörej göhö qöhöröñge asakmaranñbuk asariba malal. Asakmaranñ miyöhök mönö döлки kunbuk al niñginöñga asuhum kutum niñgiiga kunbuk göhö

qöhöröñge asakmaranñbuk asariba malmam." Mewö.

Jisösnöñ gwarekurupñi yengöra aka köuluköyök.

⁶ "O Iwini, göñon gölme ambazip tosatñi kewöta nöñgö böröne al enñinöñi, nöñon göhö qetbuñagi mi yengöra indela kondela malal. Yeñon göhö buñaya aketka göñon i nöñgö böröne al enñinöñga yeñon göhö Buñaya keugi mi möt anğön köla malje. ⁷ Göñon yuai niñginöñga mi pakpak göhörejök kamakzawi, yeñon mi nalö kewöñe lök möt kutuze. ⁸ Göñon keu Buñaya niñginöñi, nöñon mi gwarekurupni kusum enñibiga möt anğön köla malje. Ni gömosöta gölmenöñ erali, yeñon mi ölna möt yaköze. Göñon melaim niñginöñga asuhuyali, yeñon mi mewöyök möt narize.

⁹ "Ni yengöra aka köuluköm gihizal. Urumelenğö kopa ambazip yengöra qahö köuluközalmö, könagesö nöñgö böröne al enñinöñga uruñini melenñda göhö buñaya akzei, mönö yengöra aka köuluköm gihizal. ¹⁰ Ambazip pakpak nöñgö buñaya akzei, yeñon mönö göhö buñaya akzei aka ambazip göhö buñaya akzei, yeñon mönö nöñgö buñaya mewöyök akze. Nani aködamuni al enñibiga mianğö qakñe kinda ahakmemenñi-ni aketka nöñgö qetbuñanan qarim sehimakña. ¹¹ Ni gölmenöñ malmalni teköiga göhörej kotmamgö akzalmö, yeñon toroqeba gölmenöñ malme. O Iwi Töröñi, göñon qetki niñginöñga mianğö ösumñan mönö sel jöhöm enñinöñga qahö julme. Netkön mohot aka maljiri, yeñon mianğö dop mohot aka malmegöra köuluközal.

¹² "Nöñon yembuk gölmenöñ mala koralali, nalö mianğörej qetbuñagi niñginöñga mianñon sel jöhöm enñgiba malal. Buñaya Kimbigö keu kunöñ ölnambuk akñapaköra azi mohok-kunñan sohoba köñöp siagö buñaya aka sihimbölö möta malma. Nöñon galöm köl enñialangöra yengörejök tosatñan qahö janñun aka sohoget. ¹³ Tosatñan qahö sohogetmö, nöñon döлки gölmenöñ mala göhörej kamamgöra kaba keu ki jizal: Nöñgö uru sösöñgainan mönö yengörej kutui megetka uruñini kokolak qeiga söñgaiba malme. Mewö asuhumapaköra köuluközal. ¹⁴ Nöñon göhö Buñaya keugi kusum enñibiga möta malje. Nöñon gölmegö ahakmeme bölöñi mi qahö wuatangömakzali, yeñon mönö mewöyök mi qahö wuatangöba andö qemakze. Mianğöra gölmenöñ uruñini qahö melenñget yeñon mönö kazik ak enñimakze.

¹⁵ "Nöñon gölmenöhök enñuanñgitmangöra qahö qesim gihizalmö, Bölöñi Toñangörejök anğön köla sel jöhöm enñgiba malmangöra köuluközal. ¹⁶ Nöñon gölmegö ahakmeme bölöñi andö qeba mi qahö wuatangöbiga yeñon mewöyök mi andö qeba qahö wuatangömakze. ¹⁷ Keu ölni mianñon mönö mem sarahim enñgiba malman. Göhö Buñaya keugan mönö keu ölni töhöññi akza. ¹⁸ Göñon melaim niñginöñga gölme ambazip sutñine anda nup memba malali, nöñon mewöñanök i melaim enñibiga gölme ambazip yengö sutñine denñda anme. ¹⁹ O Iwini, yeñon keu ölnangö

dop malmalɲini körek tököm gihimegöra aka baukôm engiba nani malmalni jömuk tököm gihizal." Mewö.

Jisösnöŋ mötnarip ambazip pakpak nengöra köuluköyök.

²⁰ "O Iwini, nöŋön gwarekurupni yengörök aka qahö köuluközalmö, Buŋa keu jim sehigetka ambazip möt narim niŋgimei, mönö yengöra aka mewöyök köuluközal. ²¹ Iwi göŋön nömbuk qekötahöba kinöŋga nöŋön mewöyök göbuk qekötahöba kinjal. Miangö dop yeŋön mewöyök netpuk qekötahöba kinmegöra mötzal. Nangak melaim niŋginöŋga erali, gölme ambazipnöŋ mi möt narimegöra aka yeŋön körek pakpak mohot aka malmegöra köuluközal. ²² Naniri mohot aka maljiri, yeŋön mewöŋanök mohot aka malmegöra aka aködamungi al niŋginöŋi, nöŋön mi yengöra al engjal.

²³ "Nöŋön yembuk qekötahöba kinbiga göŋön nömbuk qekötahöba kinjan. Miangö dop yeŋön keuŋini jöhöm teköba mohot aka malmegöra köuluközal. Mohot aka kingetka gölme ambazipnöŋ könaŋamni kewö möt asarime: Göŋön melaim niŋginöŋ etpiga jöpaköm niŋgiba malnöŋi, miangö dop i mewöyök jöpaköm engiba malnöŋ.

²⁴ "O Iwini, göŋön gölme qahö miwikŋainöŋi, qeljiŋe nalö miangöreŋ lök urugan jöpaköm niŋgiba asakmararaŋ al niŋginöŋga mala koral. Könaŋep alaurup niŋginöŋi, nöŋön yeŋön mewöyök asakmararaŋ mi ekŋegöra mötzal. Miangöra nöŋön miri malmami, yeŋön miangöreŋ nömbuk mohotŋe malbingö sihimŋi mötzal.

²⁵ "O Iwi solanŋi, gölme ambazip uruŋini qahö melengeri, yeŋön gi qahö möt kutum gihiba mala kotketmö, nöŋön gi ölöŋanök möt kutum gihizal. Nangak melaim niŋginöŋi, nöŋgö urumelen alaurupnan mi lök möt yaköze. ²⁶ Nöŋön göhö qetki mi jim tuarim engibiga möta malget. Göŋön urugan jöpaköm niŋgiba malnöŋi, urukalem mianöŋ uruŋine ahöi mötketka nöŋön yembuk qekötahöba kinbi malmegöra mönö toroqeba qetki jim tuarim engiba malmam." Mewö.

Jisös memba jöhöget.

Mat 26.47-56; Mak 14.43-50; Luk 22.47-53

18 Jisösnöŋ keu mi jim teköba gwarekurupni engömeiga siti mosöta geba o qetŋi Kidron kutuba likepŋe aŋgota arö kun ahöyöhi, miangöreŋ anget. ² Jisös aka yanö gwarekurupni yeŋön qösösök miangöreŋ tokoba malget. Miangöra Judas mamalolo mem wanŋimamgö ahöhi, yanöŋ mewöyök arö mi ölöŋ mörök.

³ Jike nup galöm aka Farisi (Köna keugö kapankölköl) yeŋön jöwöwöl jikegö kiripo galöm (sikiriti) tosatŋi melaim engigetka Judasnöŋ i aka gawmangö yarö azi kambu kun engömeiga mohotŋe kaget. Yeŋön kiwa lambe aka timbi liŋgipŋini memba bisiba arönöŋ kaget. ⁴ Kagetka Jisösnöŋ yuai pakpak mewö asuhum wanŋimawi, mi lök möröhaŋgöra aka wahöta aukŋe kaba kewö qesim engiyök, "Inini dagöra jaruze?"

⁵ Qesim engiiga kewö melenget, "Nini Jisös Nazaret tonji mia jaruzin." Melengetka kewö jiyök, "Mia nöŋön." Judas mamalolo meme azi yanöŋ mewöyök yembuk kinök.

⁶ "Mia nöŋön," Jisösnöŋ keu mewö jiiga möta andöandö anda gölmenöŋ tala eta enguyök. ⁷ Mewö aketka kunbuk qesim engiyök, "Inini mönö dagöra jaruze?" Qesim engiiga jiget, "Jisös Nazaret tonji ia jaruzin."

⁸ Jigetka melenök, "Mia nöŋön, mi lök jibi mötze. Inini nia jarum niŋgize ewö, mönö azi ki ölöŋ engömosötketka öne anme." ⁹ Mutuk köuluköba gwarekurupni yengöra keu kun kewö jii mötket, "Ambazip nöŋgö böröne al enginöŋga maljei, nöŋön mi köyan köl engiba malbiga yengöreŋök kunöŋ kun qahö sohaba ayuhuyök." Keu mianöŋ öŋambuk akŋapköra Jisösnöŋ jitŋememe yengöra keu mewö jiyök.

¹⁰ Mewö jiiga Saimon Pitönöŋ bimgö sou ketanji memba malöhi, yanöŋ mi kupinŋeyök öröba jike nup galöm bohonŋangö welen azinji qeba bezapŋi öŋge göröken köteköi erök. Welenqege azi mi qetŋi Malkus. ¹¹ "Mewö asuhuiga Jisösnöŋ Pitö kewö jim kutum wanŋiyök, "Gi bimgö sou ketanji mi mönö kunbuk alnöŋga kupinŋe geyök. Iwinan sihimbölogö qambi o qöŋambuk nöŋgö buŋaya qeyöhi, mi ölöŋ möta mökösoŋda mesohol kölmam." Mewö.

Jisös wanŋitketka Anasgö jeŋe kinök.

¹² Suahö galöŋŋinan jiiga yarö azi kambu aka Juda yengö nanŋu galöm (sikiriti) yeŋön Jisös memba jöhöget. ¹³ Jöhöba wanŋita mutuk jike nup galöm qetŋi Anas yanöŋ mire anget. Anasgö qinŋinji qetŋi Kaiafas yanöŋ jike nup galöm bohonŋi aka yambu (yara) miangöreŋ nup mi memba malök. ¹⁴ "Kaiafasnöŋ mutuk Juda ambazip yengöra qambaŋ keu kewö jiyök, "Ambazip kambu jömuk ayuhum teköbinbuköra azi mohotŋan nengöra aka kömuiga dop kölma." Mewö.

Pitönöŋ Jisös könahiba qaŋ kölök.

Mat 26.69-70; Mak 14.66-68; Luk 22.55-57

¹⁵ Jisös memba angetka Saimon Pitö aka gwarek alaŋi kun yetköŋ andöŋine anohot. Anohotka alaŋi mianöŋ jike nup galöm bohonŋi möt wanŋiyöhaŋgöra aka ölöŋ amqeba Jisös wuatangöba jakömbuak miri sel uruŋe geyök.

¹⁶ Yanöŋ geyökmö, Pitönöŋ sel yaigepŋe nanŋunöŋ kinök. Mewö kiniga gwarek alaŋan jike nup galöm bohonŋi möt wanŋiyöhi, yanöŋ yaigepŋe geba nanŋu galöm ambi yambuk keu jii möta nanŋu öröiga Pitö wanŋita sel uruŋe geyohot. ¹⁷ Gebitkö ahoŋi, miangöreŋ welenqege ambi sel nanŋunji galöm kölöhi, yanöŋ Pitö eka kewö qesim wanŋiyök, "Gi öŋa mewöyök azi miangö gwarek yengöreŋök kun akzan me?" Mewö qesim wanŋii möta "Ni qahö!" jiyök.

¹⁸ Welen azi aka nanŋu galöm (sikiriti) yeŋön amötŋangöra aka könöŋ jeba ururungöba ahöiga

† 18.11 Mat 26.39; Mak 14.36; Luk 22.42 †† 18.14 Jon 11.49-50

jömöta kinget. Mewö kingetka Pitönön mewöyök yengö sutnjine anda könöp jömöta kinök. Mewö.

Jike nup galöm bohonnan Jisös qeqesi al wangiyök.
Mat 26.59-66; Mak 14.55-64; Luk 22.66-71

¹⁹ Jike nup galöm bohonni Anas yanön Jisösgö qeqesi al wangiba kewö jiyök, "Gi ambazip denöwö kusum engiba gwarekurupki niñi niñi engömembra maljan?"

²⁰ Mewö jiiga kewö melen wangiyök, "Ni nalö dop aukne ambazipni ambazipni kusum engiba malal. Juda könagesö pakpak neñön jöwöwöl jikenön öngöba köuluk mirininangö dop tokomakzini, ni mönö miangöreñ kinda kusum engiba malal. Buña keu tölapani kun qahö jial. ²¹ Nöñön keu denöwö ambazip kusum engiba malali, wuanöngöra ni mewö qesim niñgizan? Nöñön keu jibiga ambazip möta malgeri, yeñön mönö keunangö kötni möt teköze. Miangöra i qesim enginöngga dop köлма."

²² Mewö melen wangiyökmö, jikegö kiripo galöm (sikiriti) kunön kösutje kinda Jisös nuñgulumne qekötahöba jiyök, "Jike nup galöm bohonnan qesim ghiiga gi keu silik mewöni mönö wuanöngöra melen wangizan? Gödaqeqegi qahö."

²³ Mewö jiiga kewö melen wangiyök, "Keu bölöña jibileñak, mi mönö indelnöngga dop kölmapmö, keu ölni jizal ewö, mönö wuanöngöra ni öne nuñguzan?"

²⁴ Mewö melen wangiiiga Anasnön Jisös melaiba jiiga tapepni (mungamunğa) tok böröñe tariga wangita jike nup galöm bohonni Kaiafas yangöreñ anget. Mewö.

Pitönön Jisös qañ köliga yahöt karöbut ahök.
Mat 26.71-75; Mak 14.69-72; Luk 22.58-62

²⁵ Saimon Pitönön könöp jömöta kiniga tosatnan qesiba kewö jiget, "Gi ölna mewöyök yangö gwarekurupni yengöreñök kun akzan me qahö?" Mewö jigetka qañ köla "Ni qahö," jiyök.

²⁶ Pitönön jike nup galöm bohonnanngö welen azinji qeba kezapni qeköi eröhi, yangö tinitosolomni welenqeqe alanj kunön mi möta qesiba jiyök, "O gi mönö arönön yambuk mohokne malohotka gekzal me denöwö?"

²⁷ Mewö jiiga Pitönön kunbuk qañ köliga nalö miangöreñök kuruknön könahiba qeriga mörök. Mewö.

Jisösnön premiö Pailötkö jeñe kinök.
Mat 27.1-2, 11-14; Mak 15.1-5; Luk 23.1-5

²⁸ Miri gianjiiga söñanök Jisös Kaiafasgö mirinöhök wangita eta Rom premiögö jakömbuak mire anget. Juda yeñön uruñini tölohoba kölköljinjinj akinbuköra waimanjat möta kewö jiget, "Ak-kömükömu kendongö lama nemingö osibinbuk." Mewö jiba möt lömbörriba premiögö jakömbuak miri uruñe qahö öngöget. ²⁹ Miangöra premiö Pailötnön yaigep eta

† Rom gawman yengöra Juda yeñön kewö möt nariget: Nini Rom yengö jakömbuak mire öngöinga urunini tölöhoi ösumnini eri kölköljinjinambuk aka ak-kömükömu kendongö lama töröñi nemingö osibin. Miangöra sombemnön yaigep malget.

engeka kewö qesim engiyök, "Azi kianön mönö wani pinjit aiga keu jim wangiba wangita kaze?"

³⁰ Qesim engiiga melenget, "Azi mianön kegwek me bölöñi meme azi kun qahö akawak ewö, neñön mönö öne töhön i wangita göhö böröge qahö albinak."

³¹ Mewö melengetka Pailötnön jii mötket, "Inini mönö nanjinak keu jakenjine al wangiba Köna keunjanngö dop kewöta keunji jim teköme." Mewö jii möta jiget, "Neñön azi kun kömumapkö keunji jim teköbingö songo ahöi osizin." ³² †† Juda yeñön mewö jigetka Jisös nanjak kömup denöwöni kömumawi, keu mi indela jiiga mewö mianön ölnambuk ahök.

³³ Pailötnön Juda yengö keunini möta kunbuk jakömbuak miri uruñe öngöba Jisös oholi kaiga kewö qesim wangiyök, "Gi Juda engöreñ kiñ kembunina akzan me qahö?"

³⁴ Mewö qesim wangiiiga melen da kewö qesiyök, "Keu mi mönö nangi urugeyök jizan me tosatnan nöngöra keu mewö jiba jitke algetka jizan?"

³⁵ Mewö qesiiga Pailötnön melenök, "Yei! Ni mönö Juda azia aka Juda engö keunini nanngömakzal me? Qahöpmahöp! Ni Rom premiö malbiga nangi ambazip kambu-urupki aka jike nup galöm yeñön mönö goangita nöngö böröne al gihize. Göñön mönö wanat yuai aknön?"

³⁶ Mewö melen niga jiyök, "Nöngö kiñtohoñni miangö könanji mi gölme kiangöreñ qahö ahöza. Nöñön gölmegö kiñtohoñ kungö kiñ kembuya akilenak ewö, nöngö sungurumurupnan mönö ölop wahöta nöngöra aka suahö akeak. Suahö aka nöñön Juda jitnememe yengö böröñjine gebilenbuköra kapan köla bim qeqetka nömembingö osibeak. Mi osibeakmö, nöngö kiñ tohoñnanngö könanji mi miri kungen ahöza. Ni gölme azi kembuya qahö akzal."

³⁷ Keu mi jiiga Jisös kewö qesim wangiyök, "Gi töndup kiñ kembu qainji kun akzani, mi ölna me qahö?" Mewö qesim wangii melenök, "Ni kiñ kembu qainji kun akzali, mi nangak jizan. Nöñön keu ölni nanngöba jim tuarimangöra aka gölmenön eta asuhuyal. Körek yeñön keu ölnangö likepne maljei, yeñön mönö nöngö keuni kezap ala mörakze."

Jisös kömumapkö jim teköget.
Mat 27.15-31; Mak 15.6-20; Luk 23.13-25

³⁸ Mewö melen niga Pailötnön mepaqepaik aka qesiyök, "Keu ölni mi mönö wania kun?" Mewö qesiba kunbuk Juda yengöreñ geba söndaknön kinda kewö jii mötket, "Nöñön azi miangö pinjitni jaruba kun qahö miwikñaizal." ³⁹ "Kun qahö miwikñaizalmö, ahakmemeni kun kewö ahöi mötze: Yambu (yara) dop ak-kömükömu kendon nalöñe kösö mireyök azi mohot engöra pösatpi erakza, mi mötze. Miangöra Juda engö kiñ kembunini ölop engöra pösatpi etpawak me qahö? Miangöra inini sihimñinan denöwö mötze?"

⁴⁰ Mewö jii möta melen da kewö qetket, "Qahö, i qahöpmö, Barabas pösatnönnga nenngöreñ etma!"

†† 18.32 Jon 3.14; 12.32

Mewö qetketmö, Barabas yanön kegwek azia aka bim karim kun megeri, miangö bohonji ahök. Mewö.

Pailötnön Jisös maripomnön kömumapkö jim teköyök.

19 Silata qetketka Pailötnön Jisös wanğita anda jiga yarö azi yeñon ihilek wahinambuknön tauköba qeget. ²Yarö azi yeñon tauköba mepaqepaik kewö ak wanğiget: Yeñon Jisös qeba kösö wahinambuk memba köpeiba ila möhamğöba nöropñe kölget geiga maluku pisikñi gugakgugakñambuk mi köl wanğigetka geyök. ³Mewö aka kösutñe arengöba kinda jiget, "Owe owe! Juda engö Kiñ Kambuñini, owe!" Mewö jiba nunğulumñe gwötpuk qekötahöget.

⁴Mewö mepaqepaik ak wanğigetka Pailötnön kunbuk yaigepñe geba kewö jii mötket, "Mötket! Nöñon azi mi kewöta pinjitñi kun qahö miwikñaizal. Miangöra i kunbuk wanğitpiga engö jeñine eriga könañi mewö möt kutuba ekñe." ⁵Mewö jii mötketka Jisösnön eta söndakñe kini kewö eket: Tosatñan kösö wahibuknön ila köpeiba nöropñe köla maluku pisikñi gugakgugakpuk köl wanğigetka kiniga Pailötnön jii kewö mötket, "Azi ölni ki eket!"

⁶Mewö jii mötketka jike nup galöm aka nanğun galöm (sikiriti) yeñon i eka keu wölwölbuk qeta jiget, "Maripomnön qeget kömuma. Maripomnön qeget kömuma." Mewö jigetka Pailötnön jitñine memba kewö jii mötket, "Nöñon pinjitñi kun qahö miwikñaizal. Miangöra inñi mönön nanñinök i memba maripomnön qeget kömumbawak."

⁷Juda jitlememe yeñon keu mi möta kapañ köla kewö jiget, "Nengörej Köna keu ahöza. Keu miangö dop kewöringa kömumawangö dop akza. Nanñi memba öngöba 'Anutugö nahönñi akzal,' jimakza. Miangöra mönön kömupkö buñaya aiga dop kölma."

⁸Mewö kapañ köla jigetka Pailötnön möta böññi wahöriga jöñomñi undui kenğötñi mörök. ⁹Mewö möta Jisös wanğita kunbuk jakömbuak miri uruñe öngöba kewö qesim wanğiyök, "Gi denikeğöra?" Qesim wanğiyökmö, yanön kitipñi kun qahö melenđa keu bök kinök. ¹⁰Keu bök kiniga kewö jii mörök, "Gi nöngöra keu kitipñi kun melenđman me qahö? Nöñon jim teköbiga pösat gihime me maripomnön guhugetka kömuman. Miangö kukösumñi mi nöngörej ahöza. Miangö könañi mötzan me qahö?"

¹¹Mewö jii möta kewö melenđ wanğiyök, "Kunön eu-yanğoreñök kukösum qahö al gihiyök ewö, gi mönön azi omanñi mala yuai ak niñgimangö osibanak. Miangöra azi kun danön ni göhö böroge al niñgizawi, yanğö siñgisöndokñan mönön göhörej pinjit ongita ketanñi akza."

¹²Mewö melenđ wanğiyöhanğöra aka Pailötnön Jisös pösari etmapkö kapañ kölök. Mewö kapañ kölökmö, Juda yeñon qet gigilahöba kewö jiget, "Pösatnönğa etma ewö, mönön sisa kiñğö alañi qahö toroqeba aka malman. Kunön nanğanğö möri öngöiga 'Kiñ kembuya akzal' jizawi, yanön mönön sisa kiñ tuarenjon ak wanğiza."

¹³Mewö jigetka keu mi möta jim kutuiga Jisös wanğita yaigep etket. Etketka premiö Pailötnön jake kun kötnön ala tömbulget ahöyöhi, miangörej öngöba keu jimtekötekögö dum tatatñe eta tarök. Jake miangö qetñi Hibru keunön Gabata jimalget. Mi nanine keunön Jake Kötnön mem tömbultömbulñi. ¹⁴Eta taröhi, Juda ambazipnön wehön miangörej ak-kömukömu kendon tatpingöra jöjöröget. Wehön mi aiga silim bibinji dopdowiiga Pailötnön dum tatatñe tata Juda yanğöra kewö jii mötket, "Eket, engö kiñ kambuñini ki!"

¹⁵Mewö jii möta qet gigilahöget, "Yapmakek! Yapmakek! Maripomnön qeget kömuma!" Qet gigilahögetka kewö jiyök, "Engö kiñ kambuñinangö keunji jim teköbiga maripomnön öngömapköra jize me?" Mewö jiiga jike nup galöm yeñon melenđa jiget, "Sisa kiñnön mohok kiñ kambuñina akza. Nengörej kiñ kambuñi murutñi kun qahö ahöza!"

¹⁶Mewö melenđa jigetka Pailötnön Jisösgö keunji jim teköba maripomnön qeget kömumapköra böroñine alök. Böroñine aliga yarö azi yeñon Jisös memba galöm kölget.

Jisös maripomnön qeget.

Mat 27.32-44; Mak 15.21-32; Luk 23.26-43

¹⁷Galöm kölgetka nanñi maripomñi nanğak anğuba siti kutuba yaigep geba gölme kun qetñi Nöropsihih qerakzema, miangörej anget. Nöropsihih qet mi Hibru keunön Golgota qerakze. ¹⁸Miangörej anda maripomnön qeget aka yambuk azi yahöt likeplikkep mohotñe etkuba Jisös sutñire algetka kinget.

¹⁹Mewö qegetka Pailötnön kulem ohoba jiiga maripomnön Jisösgö nöropñe göröken eu ala qeget. Kulem mi kewö ohoi kinök, "Jisös Nazaret tonji, Juda yanğö kiñ kambuñina ki." ²⁰Jisös maripomnön qegeri, gölme mi siti kösutñe ahöyök aka kulem mi keu karöbut, Hibru, Latin aka Grik keu miangön ohoget kinök. Miangöra Juda ambazip gwötpukñan ongita anda kaba eu uba kulem mi oyonget. ²¹Mewö ohöiga Juda yanğö jike nup galöm yeñon Pailöt kewö jiget mörök, "Juda yanğö kiñ kambuñina ki,' mewö kude ohomanmü, kewö ohoman, 'Nanğanğöra Juda kiñ kambuñina akzal, jiyök.'"

²²Mi möta Pailötnön keu kewö melenđnök, "Keu lök ohozalanğöra mi mönön mewö ahöma."

²³Yarö azi yeñon Jisös maripomnön qebagun opo silepöke öroyuaiñi memba azi 4 sutñine mendenđa 4 aiga totonñine meget. Mewö megetka malukunji ahöi megetmö, mi kewögöra ölop qahö mendenget: Mi köreknänök opo jöhanñi mohotñan memenja. Opo kitipñi kitipñi qahö mindiriba euyök liliklilil uhum megetka emu gegeni ahöyök. Miangöra mi bölibapüköra mendenđbingö osiget. ²⁴†Osiba eraum möta kewö jiget, "Mi mitiinga qahö dop kölma. Miangöra ölop miangö unji qeinga tonji ahuma." Mewö jiba unji qegetka Buñ keu kun ölnambuk ahök. Keu mi kewö ohoget ahöza,

† 19.24 Sum 22.18

“Yeñön opo silepökeni memba sutñine mendenđa to-tonjine memba malukunañgö unji mönahot algetka kunöñ luhut alma.”

Yarö azi yeñön keu miangö dop aket.

²⁵ Jisös maripomnöñ qeget kiniga ambi kewöñan könañe kinget: Jisösgö nam nasöñji aka Klopas anömñji qetñji Maria aka Magdalagö ambi qetñji Maria. ²⁶ Jisösnöñ namñji aka wölböt gwarekñji kösutñje kinohotka etkeka namñangöra kewö jiyök, “Namni, mönö nahön-gi ki eka tönjonğöba malman.”

²⁷ Mewö jiba gwarek mi kewö jii mörök, “Mönö namgi ki eka tönjonğöba malman.” Mewö jii möta Jisösgö namñji nalö miangöreñök wañgiriga miriñe anda mo-hotñe malohot. Mewö.

Jisösnöñ maripomnöñ kinda kömuyök.

Mat 27.45-56; Mak 15.33-41; Luk 23.44-49

²⁸ Jisösnöñ nupñji pakpak mem teköyöhi, mi möta miangöreñ Buña Kimbigö keu kunöñ öñjambuk akñapköra kewö jiyök, “Ni ogöra ak niñgiza.”

²⁹ Miangöreñ qem nene kun wain o asöñjambuk miangön kokolak qeba tarök. Mi tariga köwet mömöndö kun kahali tandök mi memba wain onöñ kundumgöba songorep suñe qesamböta meget öñgöiga numbuñe alget. ³⁰ Algetka wain o asöñjambuk mi memba jiyök, “Mönö teköza.” Mewö jiba malmalñji mosötmamgöra nöropñji wambelahöi eri imutñji koriga nöñ qeyök. Mewö.

Jisösgö marömñji lingipnöñ utohoget.

³¹ Jisösnöñ nöñ qeiga Juda ambazipnöñ silim miangöreñ ak-kömükömu kendon tatpingöra jöjöröget. Ak-kömükömu Sabat kendon mi kendon nalö ketañji ahök. Miangöra Juda jitñememe yeñön waimañjat möta kewö jiget, “Qamöt mieñön Sabat kendon nalöñe maripomnöñ kingetka qahö dop kölja.” Mewö jiba premiö Pailötköreñ anda kewö qesim wañgiget, “Gi ölop jinöñga anda maripomnöñ engugeri, yeñgö töwat sihitñini kusugetka qamötñini meköin etme?” ³² Qesim wañgigetka jim teköiga yarö azinöñ kañgotket. Kañgota Jisösbuk maripomnöñ etkugeri, mi zilañ kömumahotköra mutuk yetköreñök kungö töwat sihitñji kusuba likep anda kungöreñ mewöñanök aket.

³³ Mewö aketmö, Jisösgöreñ kañgota eketka lök kömuyök. Mewö eka sihitñji qahö kusuget. ³⁴ Qahö kusugetmö, yarö azi yeñgöreñök kunñan lingip memba marömñji umburatiiga miangöreñök sep aka o erök.

³⁵ Mewö aketka kunöñ yuai mi jeñan ehöhi, yeñön mi nañgöba jiba ki ohoi ahöi dölkö oyonje. Keu nañgöba jiba ohoi ahözawi, mi mönö keu öñja akza. Injini mewöyök mi möt narimegöra möta keu öñja jizawañgö dop mötza. ³⁶ ††Yuai mi asuhuyöhi, mi Buña Kimbigö keu kunöñ öñjambuk akñapköra asuhuyök. Keu mi kewö,

“Yeñgö sihitñji mönö kude kusume.”

³⁷ †Aka Buña Kimbigö keu kun kewö ahöza,

† 19.28 Sum 69.21; 22.15 †† 19.36 Eks 12.46; Jañ 9.12; Sum 34.20 ‡ 19.37 Zek 12.10; Ind 1.7

“Azi utohogeri, yeñön mönö yeñgöreñ göröken jeñini uba ekñe.”

Injini keu yahöt miangöra aka mi möt narime. Mewö.

Jisösgö qamötñji köt köteñnöñ löm kölget.

Mat 27.57-61; Mak 15.42-47; Luk 23.50-56

³⁸ Miangö andöñe Arimatia taon tonji qetñji Josef kayök. Yeñön Jisösgö gwarekñji aka malökmö, Juda jitñememe yeñgöra keñgötñji möta mötnaripñji köyati-ba malök. Yeñön kaba premiö Pailötköreñ anda Jisösgö qamötñji mekömamgö qesim wañgiyök. Qesim wañgiiga möta jim teköiga kaba meköyök.

³⁹ ††Azi qetñji Nikodemus mutuk Jisösgöreñ sunjem kayöhi, yeñön mewöyök kayök. Kaba qamöt miri-mamgöra kelök köhöwakñambuk qetñji mör mi repa oñambuk melengeri, mi esu mohot lömbötñji 30 kilogö dop bohonñji memba kaba Josef bauköm wañgiyök. ⁴⁰ Bauköm wañgiba mohotñe Jisösgö qamötñji meköyohot. Meköba jiniñ wöronñji ölopñji memba qamöt silene ala opo tuatñji miangön köpeiyohot. Juda ambazip neñön qamötnini mewö aka mözözömgöba löm köl engizinma.

⁴¹ Jisös maripomnöñ qegeri, gölme miangö likepñe arö kun ahöyök. Arö miangöreñ qaksirigö köt köteñ löm dölköñji kun urorohoget kinök. Miangöreñ qamöt kun qahö algetka gwamönñji ahöyök. ⁴² Gwamönñji aka kösutñje ahöiga Juda ambazipnöñ ak-kömükömu kendon tatpingöra jöjörögetka nalöñini töriyök. Miangöra Jisösgö qamötñji memba miangöreñ ala löm kölohot. Mewö.

Jisösgö löm qaksirinñan gwamönñji ahök.

Mat 28.1-8; Mak 16.1-8; Luk 24.1-12

20 Sabat kendon tatket teköiga Magdalagö Maria yeñön Sonda söñanök wañgaran suruiga qaksirinöñ anök. Anda je ui ani köt ketañji ehiga miangön lök köteñ urorohoñji miangö numbuñeyök qetalget kaba ahöyök. ² Mewö eka miangöreñök mosöta ösumok anda Saimon Pitö aka Jisösgö wölböt gwarekñji yetköreñ kaba kewö jii mörohot, “Mönö Kembangö qamötñji qaksirinöhök memba anda denike alget ahözawi, mi qahö mötzin.”

³ Mewö jii möta mosöta qaksirinöñ anohot. ⁴ Mohotñe ösumok anohotmö, gwarek alañan ösumñan anda Pitö oñgita mutuk qaksirinöñ añgorök. ⁵ Añgota köt köteñ urorohoñji miangö uruñe qahö öñgöba numbuñe öne kökörriba ui aniga oponji köpeköpeñanök ahöiga ehök. ⁶ Mi ehiga Saimon Pitönöñ mewöyök andöñe kañgota köt köteñ uruñe öñgöba oponji köpeköpeñanök ahöi ehök. ⁷ Mi ehök aka nöropñji opo jahönñji kunöñ köpeiba esuhugeri, mi tosatñan kusuba silegö oponji miambuk qahö mindiriba kungen algetka nanñök tariga ehök.

⁸ Mewö ehiga gwarek alañan mutuk qaksirinöñ kañgoröhi, yeñön mewöyök köt köteñ uruñe öñgöba yuai mi eka möt nariyök. ⁹ Jisös guliba kömupnöñök wahöt-

†† 19.39 Jon 3.1-2

mawi, yetkôn Buja Kimbigö keu mewöni mi qeljine qahö möt asariba tönpin mala korohot. Mewö.

Jisösnöñ Magdalagö ambi Mariagörenj asuhuyök.

Mat 28.9-10; Mak 16.9-11

¹⁰ Mala kota miangörenjök möt nariba lilingöba mir-ijire anohot. ¹¹ Yetkôn anohotmö, Marianöñ nanjök qaksirigö köt köterj numbuje kinda sahörök. Mewö sahöta köterj urorohöñ miangö uruje kököriba ui anök. ¹² Ui aniga Suep garata yahöt malukuñiri tuat lalamñi etkehök. Jisösgö qamötñan ahöyöhi, yetkôn mönö miangörenj tarohot. Kunöñ nöropñi ahöyöhangörenj tariga kunöñ könañe tarök.

¹³ Mewö tata kewö jiyohot mörök, "Ambi, gi mönö wuanöñgöra sahötzan?" Mi möta jiyök, "Kembunanggö qamötñi memba anda denike alget ahözawi, mi qahö mötzal."

¹⁴ Mewö jiba lilingöba Jisösnöñ kösutñe kiniga ehökmö, kaisongolomñi mi qahö ek kutuba tönpin kinök.

¹⁵ Tönpin kiniga Jisösnöñ kewö qesim wangiyök, "Ambi, gi mönö wuanöñgöra sahötzan? Dagöra jaruzan?" Mewö qesim wanggiiga arö galömñan kinja me denöwö, mewö mötmöriba kewö jiyök, "O ketañamni, gi qamötñi memba angguba kungen anda alnöh ewö, mönö denike ahöza, mi jinöñga möta anda memam."

¹⁶ Mewö jiiga Jisösnöñ qetñi qeta "Maria!" jiyök. Mi qeta jiiga yanggörenj lilingöba Hibru keunöñ qeta "Raboni!" jiyök. Mi nanine keunöñ "Ketañamni."

¹⁷ Mewö jiiga kewö jii mörök, "Ni Iwinanggörenj qahö öñgöba ki kinjal. Miangöra ni kude nömisirimanmö, nöñgö munurupni yengörenj anda buzup kewö jinöh mötme: Nöhön mönö Iwi Anutuni aka engö Iwi Anutunini yanggörenj lilingöba öñgömam."

¹⁸ Mewö jii möta Magdalagö ambi Maria yanön lilingöba anda gwarekurupñi kewö jii mötket, "Nöhön Kembu ekiga keu mewö mewö jii mötzal." Mewö.

Jisösnöñ gwarekurupñi asuhum engiyök.

Mat 28.16-20; Mak 16.14-18; Luk 24.36-49

¹⁹ Sonda miangörenjök miri söñauiga gwarek yeñön ömbibiñe tokoba Juda yengöra keñgötñini möta miri nanñunji köla ki namñi misiget geiga tatket. Mewö tatketka Jisösnöñ asuhuba sutñine kinda kewö jiyök, "Alaurupni, luainöh embuk ahöma!" ²⁰ Mewö jiba böröyahötñi aka marömñi kondeliga Kembu eketka sösongainöh uruñini kokolak qeyök. ²¹ Kokolak qeiga toroqeba kewö jiyök, "Alaurupni, luainöh embuk ahöma! Iwinöh ni melaim niñgiiga nöñön injini mewöñanök melaim engizal."

²² Mewö jiba nöropñine memba ösum enggiba uwulamgöba jiyök, "Mönö Uña Töröñi meget. ²³ Injini ambazip siñgisöndokñini mosöta sanñonje ewö, mi mönö Anutugö jeñe solanim teköza. Ambazip siñgisöndokñini qahö mosöta sanñonje ewö, mi mönö Anutugö jeñe qahö solaniza." Mewö.

Jisösnöñ Tomas asuhum wangiyök.

²⁴ Jisösnöñ gwarekurupñi mewö asuhum engiyökmö, gwarek 12 yengörenjök kun qetñi Tomas, qetñi alañi Siwisiwi qetkeri, yanön nalö miangörenj sutñine qahö malök. ²⁵ Tomasñöñ kaiga gwarek tosatñan "Mönö Kembu ekzin," jiget möta kewö jiyök, "Jenan birin löpötñi böröñe eka kesötñan marömñe misirimam ewö, mönö ölop möt narimam. Ni nanak mi qahö eka misiriba oseimam ewö, mönö keuyök jiget möta ölna mi qahö möt narimam."

²⁶ Mewö jiiga sonda mohot teköiga gwarek yeñön Sonda miangörenj kunbuk mire qezaköba nanñu köla ki memba Tomasbuk mohotñe tatket. Mohotñe tatketka Jisösnöñ kunbuk asuhuba sutñine kinda kewö jiyök, "Alaurupni, luainöh embuk ahöma!" ²⁷ Mewö jiba Tomasgöra jiyök, "Gi mönö börögi böröñda böröyahötñi eka kesötñan marömne misirimam. Mewö aka yanggiserj mosöta uruyahötñi yaköriba ni möt narim niñgiman."

²⁸ Mewö jiiga kewö melenjök, "O, gi nöñgö Kembu Anutuna!"

²⁹ Mewö melenjiga kewö jii mörök, "Gi nekzananggöra ni ölop möt narim niñgizanmö, ambazip qahö neka töndup ni möt narim niñgimakzei, yeñön mönö simbawon akze." Mewö.

Jonöh Ölöwak Buja ki kewögöra ohoyök:

³⁰ Jisösnöñ nup ösum-mumu qakñe memba maliga anggöletot sehisehiñi tosatñi mi gwarek yengö jeñini qakñe asuhuetmö, mi buk kianggörenj qahö ohoyal.

³¹ Keu tosatñi ohoyali, mi kewögöra ohoyal: Jisösnöñ Anutugö Nahönñi aka Amötqeqe Tonji Kraist akzawi, injini keu mi möt nariba mewö miangön Jisösgö qetbuñanggöra aka malmal köhöikñi buña qem anggume. Mewö aka malmegöra nöñön Ölöwak Buja papia ki ohobiga engörenj kaza. Mewö.

Jisösnöñ gwarek 7 yengörenj asuhuiga söra jök öröget.

21 Könañgep Jisösnöñ kunbuk gwarek tosatñi yengörenj asuhuyök. Taiberias o anggö jitñe miangörenj kewö asuhum engiyök: ² Gwarek azi kewöñan mohotñe malget: Saimon Pitö, Tomas qetñi kun Siwisiwi qetkeri, Natanael azi mi Galili prowinsgö Kana taonöhök aka Zebedigö nahönyahötñi yahöt aka gwarek tosatñi yengörenjök yahöt.

³ ††Mohotñe malgetka Saimon Pitönöh jii mötket, "Ni mönö söra örömangöra anmam." Mewö jiiga tosatñan jiget, "Nini ölop göbuk mohokñe anbin." Mewö jiba mosöta wangöñöh öñgöba anda sungem miangörenj söra kun qahö öröget. ⁴ Söra qahö öröba öne malgetka miri lök gianñiiga Jisösnöñ sakñöh kinök. Kinökmö, yanggö kaisongolomñi mi qahö ek kutuget. ⁵ Jisösnöñ kinda engohola jiyök, "Alaurupni, söra kun öröze me qahö?" Jiiga melenja "Qahö!" jiget.

† 20.23 Mat 16.19; 18.18

†† 21.3 Luk 5.5

⁶ "Qahö!" jigetka kewö jim kutum engiyök, "Injini mönö mösakñini wanje ölñe göröken gilgetka eri ölop söra miwikñaima." Mi möta mösakñini gilgetka söra sehisehiñi geba ölokögerangöra öröget kotmapkö osi-iga öröm suksuköget.

⁷ Mewö aiga Jisösgö wölböt gwarekñi miañön Saimon Pitö kewö jii mörök, "Mi mönö Kembuya!" Mewö jiiga Kembangö qetñi möta opo bindoñanök jöhöba malöhangöra silepökeñi köpeiba miañgöreñök o angönöñ luhuba geyök. ⁸ Yeñön sak qöhöröñe 100 mita miañgö dop kösutñe anda malget. Miañgöra Pitönöñ geba ani gwarek tosatñi yeñön wanje lökuatnön qem nanğöba anda mösak sörañambuk örögetka wanje andöñe kayök.

⁹ Mewö kaba sak körikñe öngöba miañgöreñ yeui kewö eket: Könöp jeiga gapnön söra jejeñi aka beret soñsoñ ahöyök. ¹⁰ Mi eketka Jisösnön kewö jii mötket, "Injini döлки söra örözei, mönö miañgöreñök tosatñi memba ki kaget."

¹¹ Mi jiiga Saimon Pitönöñ möta wanjenöñ öngöba mösak öröiga körikñe öngöyök. Öngöiga ölni 153 eket. Mösak mi söra ketanji sehisehiñi mienön kokolak qegetmö, mösaknön töndup qahö tinğirök. ¹² Ölni mi eketka Jisösnön kewö jii mötket, "Mönö kaba söñangö neneñi neget!" Mewö jii möta kaba "Mi Kembunina," mewö möt kutugetmö, gwarek yeñgöreñök kunñan "Gi danğön?" mewö qesimangö urulömböt aka qahö qesiyök. ¹³ Qahö qesiyökmö, Jisösnön anda beret memba engiba söra mewöyök mendenđa engiyök.

¹⁴ Jisösnön kömupnöñök wahöta gwarekurupñi asuhum engiyöhanğö indimñi karöbut mi ahök. Mewö.

Jisösnön Pitö kunbuk kuñguba mem köhöiyök.

¹⁵ Söñangö neneñi neget teköiga Jisösnön Saimon Pitögöra kewö jii mörök, "Saimon Jongö nahönñi! Alaurupki kienön ni uruñinan jöpaköm niñgimakzei, gi mönö i engongita gwötpuk jöpaköm niñgimakzan me qahö?" Mi möta kewö melenök, "O Kembu, ni göhöra ak niñgimakza. Gi wölböt alani akzan. Mi nangak ölop mötzan." Mewö melenñiga Jisösnön jii mörök, "Gi mönö nöñgö lamaurupni moröñi gumohom engiba malman."

¹⁶ Mewö jii möri indimñi yahöt qesim wanğiyök, "Saimon Jongö nahönñi! Gi ölna jöpaköm niñgimakzan me qahö?" Mi möta kewö melenök, "O Kembu, ni göhöra ak niñgimakza. Gi wölböt alani akzan. Mi nangak ölop mötzan." Mewö melenñiga Jisösnön jii mörök, "Gi mönö nöñgö lamaurupni galöm köl engiba malman."

¹⁷ Mewö jii möri indimñi karöbutñi qesim wanğiyök, "Saimon Jongö nahönñi! Gi mönö ölna wölbötkan (jopañgan) nöñgö ak gihimakza me qahö?" Mewö qesim wanğiiga urujöjöpakö qeqesinji mohot miyök qesi-iga indimñi karöbut ahöhanğöra Pitönöñ wösöbirik möta melenđa kewö jiyök, "O Kembu, gi yeui pakpak ölop möt teközan. Gi wölböt alani akzan. Göñön mönö nangak mi ölopñanök mötzan." Mewö jiiga Jisösnön jii

mörök, "Gi mönö nöñgö lamaurupni gumohom engiba malman.

¹⁸ "Nöñön keu öl töhöññi kun kewö jibi mötnöñ: Gi sepgulia mala nangak sileötanği jöhöba köna igen me waigen 'anmam,' jiba ak gihiyöhanğö dop ölop anda kaba malnöñ. Mewö mala malnöñmö, azi namñi akñani, nalö miañgöreñ börogi börañnöñga kunñan kaba opo silepökegi jöhöm gihiba köna kungen qahö anmangö mötmani, mönö miañgöreñ goañgiriga anman."

¹⁹ Jisösnön kezapqetok keu mewö jiba Pitö kömumawanğö keu sainji indelök. Yeñön kömup tandökñi qainñi kun kömuiga Anutugö qetbuñanji qarimapköra mötmöriiba mi jiyök. Keu mi jiba yanğöra jii mörök, "Gi mönö kaba ni nuatanğöba malman!" Mewö.

Jisösnön Pitöbuk gwarek kungö keunji eraum mörohot.

²⁰ Pitönöñ Jisösbuk anda lilingöba Jisösgö wölböt gwarekñan andöñire kaiga ehök. Gwarek miañön akkömükömu lama negeri, miañgöreñ nöropñan Jisösgö töptöpñe nariba jiyök, 'Kembu, göhöreñ mamalolo azi mi danğön?' ²¹ Gwarek miañön könanjire kaiga Pitönöñ i eka Jisös kewö qesim wanğiyök, "Kembu, gwarek ki-angöra mönö denöwö asuhuma?"

²² Qesim wanğiiga kewö jii mörök, "Nöñön yanğö malmal areñi mewö me mewö albilenjak, mi mönö göhöreñ waimanjara qahö. Nöñön jibiga yanğön qahö kömumba nöñön gölmenöñ lilingöba kamamanğö nalöñe toroqeba jebuk mal öngöbawak, keu mi yanğö keuya akawak. Gi mönö yanğö keunji mosöta nangi malmalgi möhamğöba galöm köl anguba nöñgö andöne kaba ni nuatanğöba malman."

²³ Keu mewö jiiga tosatñan lañ möta jim sehigetka urumelen alaurup yanğö sutñine keu mi kewö jim sohoget, "Gwarek miañön qahö kömuma." Mewö jim sohogetmö, Jisösnön jebuk teteköñi qahö mal öngömapköra qahö jiyökmö, keu kewö jiyök, "Nöñön yanğö malmal areñi mewö me mewö albilenjak, mi mönö göhöreñ waimanjara qahö. Nöñön jibiga yanğön qahö kömumba nöñön gölmenöñ lilingöba kamamanğö nalöñe toroqeba jebuk mal öngöbawak, keu mi yanğö keuya akawak. Gi mönö yanğö keunji mosöta nangi malmalgi möhamğöba galöm köl anguba malman." Mewö.

Nanak mi pakpak jenan eka nanğöba ohom engizal.

²⁴ Gwarek miañön yeui mi jeñan eka mala miañgö dop mi nanğöba jim asariba Ölöwak Buña ki ohoyök. Körek pakpak eñön gwarek miañgö könanji mötzeanğöra aka ölop tönguba kewö jiba malme, "Yeñön keu nanğöba jiyöhi, miañön mönö keu öl töhöññi akza."

²⁵ Jisösnön nup aka angöletot tosatñi sehisehiñi mi mewöyök aka memba malök. Mierğö kösohotñini mohot mohot mi lökñanök törörök ohobinak ewö, mönö buk papia böranñi böranñi sehisehiñi asuhuetka kantri dop papia köwe miri (laibreri) pakpak mi-

aŋgöreŋ alinga kokolak qeba ölököiga tiŋi töndup
qahö dop kölbawak. Mewö mötmörizal.

Aposol

Jim-asa-asari

Dokta Luknön buk qetnji "Kraistkö Ölöwak Buña" ohoba kösohotnji toroqeba buk qetnji "Aposol nup meme" ohoyök. Jisösnön gwarekurupnji mutuknji kusum engii Uña Törönjan sölölohöm engiiga Kraistkö keu buzupnji jim sehigeri, Luknön miangö kösohotnji auknje almamgöra möta kewö (1.8) ohoyök, 'Yeñön mi Jerusalem sitinön könahiba Judia prowins dop köla Samaria prowinsnön anda toroqeba gölme görañe eu emu likeplikep angetka dop köl teköba anök.' Mutuk Juda könagesö uruñe nup megetka uruñini melenja guligetka Kraistkö qeburuñ könahiba yöhöba sehiba anda anda kantrinji kantrinji dop köliga urumelenj könagesö yeñgö bohonñini ahök. Kösohotnji oyonjei, Luknön yeñgö uruñini böñjön almamgö kapañ köla keu kötnji yahöt kewö ohom asariyök, 1) 'Kraistkö alaurupñan Rom mindimindiri gawman mi tuarenjon qahö ak engiba malje. Yeñön mi memba et almegöra tuaköpek qahö akze. Tosatñan mewö mötpeak, mi böñji öne wahötpapuk.'

2) 'Juda yeñön jike nup meget korembenji aiga ölnji asuhumapköra mamböta malgeri, Jisösnön mönö ölnji mi memba kaba engiyök.' Keu kötnji mi.

Jisösgö Buña keuñi kunguba jim sehiba zioz könahiba mem köhöigetka toroqeba aniga urumelenj yeñgö kambuñinan qariyök. Miangö dop "Aposol nup meme," kösohot mi juliga keu bahönji bohonñi karöbut kewö akze: 1) Jisösnön Suep mire öngöiga gwarek yeñön Jerusalem malgetka Kraistkö Buña keuñan könahiba qeburuñ yöhöyök. 2) Yöhöba qariba Palestain gölmegö prowins tosateñe anök. 3) Kunbuk qariba kantrinji kantrinji Sutnjire Köwet liliköba tat anjei, mi dop köla tetekönje siti bohonñi Rom anök.

"Aposol nup meme" miangö keu bohonñi mi Uña Törönjangö könañi aka nup memenji. Aposol aka mötnarip ambazip yeñön yambu dölokñangö (Pentekost) nalöñe Jerusalem köulukögetka Uña Törönjan ösumñambuk uruñine geyök. Uruñine geba sölölohöba mem köhöim engiiga denja kantri liliköba nup megetka ölnji könañi könañi asuhuyök. Zioz ambazip aka yeñgö jitñememe yeñön Kraistkö Buña keu mi könakönañine denöwö jiba malgeri, Luknön miangö keuñi ohoiga mi ölop buk kiangöreñ oyonja mötpin. Ambazip uruñini melenja mindiriba nañgöm añguba malgeri, yeñön Buña keugö kukösumñi möt kutugetka miri dop auknje asuhuyök. Denöwö asuhuyöhi, Luknön miangö kösohotnji ohoba Uña Törönjangö kukösumñi kondel nengiza.

Buk kiangö bahönji bohonñi 4 mi kewö:

1. Buña keu nañgöba jibingöra jöjöröget
 - a) Jisösnön jimkutukutu ala Uña engimamgö jiyök
 - b) Judas Iskariotkö salupñe Matias meköget
2. Jerusalem sitinön Buña keu nañgöba jiget
3. Judia aka Samaria Buña keu nañgöba jiget
4. Polnön misin nup memba malök
 - a) Misin nup liliköba megetka 1 ahök
 - b) Jerusalem totoko ala keu jöhöget
 - c) Misin nup liliköba megetka 2 ahök
 - d) Misin nup liliköba megetka 3 ahök
 - e) Pol Jerusalem, Sisaria aka Rom kösö mire tarök

Jisösnön zioz könahiyök.

[†]O Tiofilus!
 1 Luk nönön kösohotni mutuknji ohoyali, miangöreñ Jisösnön nup könahiba memba liliköba ambazip kusum engiba malöhi, miangö kösohotnji pakpak arengöba albi eknön. ²Jisösnön nup memba melaime-

lai azi aposolurupñi möwölöhöba kusum engiba mala Uña Törönjangö ösum qakñe nup memegöra jim kutum engiyök. Mi engiiga Anutunön wangiri Suepnön öngöyök. Nönön kösohotni ohoyali, mi miangöreñ ohom teköyal. Merak miangöreñök kösohot mi toroqeba ohomam.

³Jisösnön sihimbölö möta kömumba kömupnöhök wahöta wehön 40 gölmenön toroqeba malök. Nalö miangö uruñe aposolurupñi sömañi gwötpuk asuhum

† 1.1 Luk 1.1-4

engiba Anutu bemtohoṅṅö kōnaṅi toroqeba jim asarim engiba malök. Mewö mala aiwesök tandök kōnaṅi kōnaṅi memba kondel engiyök. Yeṅön mi eka Jisösnöṅ guliba maljawi, mi ölop möt yaköget. Aiwesök ekeri, yeṅön mi naṅgöba jiba dangunu ewö kinje aka kunṅan mi qeapkömamgö osima.

⁴ †Nalö kunöṅ yembuk mohotṅe mala kewö jim kutum engiba jiyök, “Inini Jerusalem siti ki mönö zilaṅ kude mosötme. Iwinan ‘Kalem uruṅine al engimam,’ jiba keuṅi jöhöi jibi mötkeri, mi mönö öljambuk akṅa aiga eṅön mönö mianggöra mamböta malme. ⁵ ††Mutuk Jonöṅ ambazip o töhöñöṅ melun mem engiba malök-mö, Anutunöṅ nalö kude köriiga Uṅa Töröṅi uruṅine ala miangṅön melun mem engima.” Mewö.

Jisösnöṅ Suep mire öṅgöyök.

⁶ Aposol yeṅön nalö kunöṅ tokogetka Jisösnöṅ sutṅine asuhuiga kewö qesim waṅgiget, “Kembu, göṅön mönö nalö kewöṅe me wani nalönöṅ Israel kantrigö tohoṅi mi kunbuk kuṅguba mem köhöiman?”

⁷ Qesim waṅgigetka kewö jii mötket, “Iwinöṅ nanṅi kukösum qakṅe yambu gwani aka aua nalö areṅgöba ali ahözawi, mi mönö eṅön mötmeangö dop qahö.

⁸ †Mi qahöpmö, Uṅa Töröṅan eta uruṅine gemawaṅön mönö kukösum engiiga letota nöṅgö kōnani naṅgöba jiba malme. Mi Jerusalem sitinöṅ kōnahiba Judia prowins dop köla Samaria prowinsnöṅ anda liliköba toroqeba gölme göraṅe eu emu likeplikep angetka dop köl teköba anma.” ⁹ ††Jisösnöṅ keu mi jim teköiga Anutunöṅ jeṅini qakṅe waṅgita wahöriga kousunöṅ eta esuhuiga euyangöreṅ öṅgöiga ekingö uget öṅgöba at atop (jiataton) köliga jaruba kinget.

¹⁰ Mewö öṅgöiga suepnöṅ eu ehiba kingetka mianggöreṅök azi yahöt malukuṅiri tuat lalamṅi yetkōn kösutṅine asuṅaba kinohot. ¹¹ Kinda kewö jiyohot, “Galili azi inini mönö denöwögöra suepnöṅ eu ubayök kinje? Anutunöṅ Jisös ki engö sutṅineyök waṅgita Suep mire eu öṅgöi ekzei, yaṅön mönö tandök mewöṅanök kunbuk lilingöba etma.” Mewö.

Judas Iskariotkö salupṅe Matias meget.

¹² Mewö jiyohotka aposol yeṅön Jerusalem siti kösutṅe kundunṅi qetṅi Oil ip kundunṅi mianggöreṅök lilingöba eta 1 kilomitagö dop kaba sitinöṅ kaṅgotket ^{††}. ¹³ †††Jerusalem kaṅgota miri uruṅi kun qakṅe tat malgeri, mianggöreṅ anda öṅgöget. Öṅgögeri, yeṅgö qetṅini kewö: Pitö, Jon, Jeims aka Andru; Filip, Tomas, Bartolomyu aka Matyu; Jeims Alfiusgö nahönṅi, Saimon Zelot politik azia aka Judas Jeimsgö nahönṅi ^{†††}. ¹⁴ Azi pakpak mieṅön urumohot aka ambi yembuk kaṅ köla köuluköba malget. Yeṅgö sutṅine Jisös

munurupṅi aka namṅi Maria yeṅön mewöyök malget.

¹⁵ Köuluköba mala wehön kunöṅ mötnarip ambazip jaṅgöṅini 120 mianggö dop tokogetka Pitönöṅ sutṅine wahöta keu kewö jiyök, ¹⁶ “Azi alaurupni! Jisös memba jöhögeri, Judasnöṅ yeṅgöra kōna kondelök. Uṅa Töröṅan Judasgö keu mi mutuhök kiṅ Deiwidkö uruṅe saṅep ali numbu jitṅan jiiga Sumbara buk (Buṅa Liṅet buk Sam) mianggöreṅ ohoget ahözawi, miangṅön mönö öljambuk ahuyök. ¹⁷ Jisösnöṅ Judas möwölöhöi nanine kambunöṅ kun mali nupṅi memapkö kuṅgui melaime-lai azi bohönṅi aposol ahök.

¹⁸ †††Judasnöṅ ahakmeme bölöṅi aiga söṅgöronṅi waṅgiget memba miangṅön gölme köronṅi kun bohönṅi meyök. Mi memba mianggöreṅ imbi auba nöropṅan melenṅa gölmenöṅ kuṅguiga gölömnṅi juliga irip kö-moṅgokṅi datṅi munṅi mi körek usuba erök. ¹⁹ Mewö ahiga Jerusalem ambazip pakpak mianggö buzupṅi möt teköba gölme mianggö qetṅi nanṅine keunöṅ Akel-dama qetket. Mi nanine keunöṅ Sep Gölme köronṅi.”

²⁰ †††Pitönöṅ toroqeba kewö jiyök, “Sumbara (Sam) buk mianggöreṅ keu kun kewö ohoget ahöza, ‘Miriṅi mönö balonṅi gwamön kinma. Mi kunṅan tonṅi qahö aka maliga miriyök kinma,’ aka keu kun kewö ahöza,

‘Kunöṅ ölop yaṅgö salupṅe galöm nup memba kinma.’

²¹ ††††Mewögöra aka nini azi kun möwölöhöba kuṅguinga nembuk jitṅe meme aka dangunu ewö kin-da Jisösnöṅ kömupnöhök wahöröhi, mianggö Buṅanṅi naṅgöba jiba mali dop kölma. Jonöṅ Jisös o melun mem waṅgiiga Kembunöṅ nalö mianggöreṅök qen-jaröknöṅ anda nupṅi kōnahiba memba neṅgö gölmenöṅ liliköba anda kaba mali Anutunöṅ sutṅineyök waṅgita öṅgöyök. Azi nalö pakpak mianggöreṅ kambunine mohotṅe mala korini, mönö yeṅgöreṅök kun möwölöhöinga dop kölma.”

²³ Pitönöṅ mewö jiiga azigö jaruba azi yahöt qetṅiri qetket. Kun qetṅi Josef, qetṅi alanj Barsabas aka qetṅi kun Jastus. Azi kungö qetṅi Matias. ²⁴ Qetṅiri qeta kewö köuluköba jiget, “O Kembu, gi ambazip urunini körek pakpak möt kutuzan. Mianggöra gi azi ki-etköreṅök niṅia möwölöhözani, mi mönö kondel nengiman. ²⁵ Judasnöṅ gongiba geṅmoṅ aka eta aposol nup mosöta bölöṅamṅaṅgö dop ayuṅaba geyöhi, yaṅgö salupṅe azi kunöṅ mönö aposol aka kin-da melaimelai azigö nup memba malma.”

²⁶ Mewö jiba yetkö kiawen (kas, lot) algetka Matias asuhuyök. Asuhuiga aposol 11 yeṅgö sutṅine dum kun waṅgigetka kambunine toroqeyök. Mewö.

Uṅa Töröṅan eta gwarek uruṅine geyök.

² †††Jisösnöṅ kömuyöhi, nalö mianggöreṅök sonda 7 teköiga wehön 50 ^{†††} mianggöreṅ yambu jeṅi qeṅe nalönṅi kam kuṅguiga urumelenṅ ambazip pakpak yeṅön tokoba kendon tatket. ² Tatketka mi-

† 1.4 Luk 24.49 †† 1.5 Mat 3.11; Mak 1.8; Luk 3.16; Jon 1.33
‡ 1.8 Mat 28.19; Mak 16.15; Luk 24.47-48 †† 1.9 Mak 16.19; Luk 24.50-51 ††† Juda yeṅön 1100 mita mi Sabat kendonöṅ qahö onṅgita anjema. Mianggöra Kōna keu qahö onṅgita kaṅget. ††† 1.13 Mat 10.2-4; Mak 3.16-19; Luk 6.14-16 †††† Zelot pati yeṅön nanṅini kinkin membingöra Rom mindimindiri gawmanbuk tuaköpek aka urukönöp aka malget.

§ 1.18 Mat 27.3-8 §† 1.20 Sum 69.25; 109.8 ††† 1.21-22 Mat 3.16; Mak 1.9; 16.19; Luk 3.21; 24.51 §† 2.1 Lew 23.15-21; Dut 16.9-11 §†† 50 mi Grik keunöṅ Pentekost.

angörenöhök Suepnöhök yuai kun biliksik eri kouruk ketanji asuhui mötket. Dimbomnöy köhöiknanök qemakzawi, mönö mianjö tandök ewö asuhuba eta miri tatkeri, mi körek kokolak qeyök. ³ Miri kokolak qeba yuai mianjön denqenja sehiba könöp bölam tandök ewö nöropnjini qakne öngöi eket.

⁴ Mewö asuhuiga Uña Törönan körek yengö urunji kokolak qeiga gölme tosatne keu ahözawi, mi könahiba jiget. Uña Törönan sölölohöba keu sanep alöhanjö dop aukne jiget.

⁵ Juda ambazip tosatnan Anutu göda qeba kantri könani könani suep bapne tat anjei, mianjören denja anda mala Jerusalem lilingöba kageri, tosatni mewöni mewöyök sitinön malget. ⁶ Mewö mala kouruk ketanji mi möta ambazip kambu gwötpuknan kanjuta tokoget. Tokoba kingetka mötnarip ambazipnön keu murutni murutni jigeri, mi pakpak möta nanjak nanjak möt asariba mianjöra aurumpurik aka könkun aket.

⁷ Könkun aka welipköba jiget, "Mötket! Azi ki keunji keunji jize, yenön mönö körek Galili ambaziwa akze me?" ⁸ Nini kantri murutni murutni mianjören ahuba kota malinga yenön mönö denöwö aka malqarip kantrinina dö keunini nanjik nanjik jigetka mötzin? ⁹ Nini Partia ambazip, Midia ambazip aka Elam ambazip ki kinjin. Nini tosatnan Mesopotemia malin. Tosatnan Judia malje aka tosatnan Kapadosia gölmenön malget. Ambazip tosatnan Pontusgöra, tosatnan Eisia prowinsgöra akzin aka yenön nanini keunine keu jigetka mötzin.

¹⁰ "Tosatnan Frigia gölme mosöta ki kaba malje. Tosatnan Pamfilia taon mosötket. Tosatnan Ijpt kantrinön malget. Tosatnan Sairini gölme likepne Libia kantrinön malget. Tosatni nini Rom sitiyoök kusuknanök ki kaba maljin. ¹¹ Nini tosatnan Juda ambazip ahuba maljin aka tosatnan kantri tosatne ahuba könangep Juda ambazip ahin. Mewö kinjin aka yenön keu jigetka nini keunini mohot mohot mi ölop möt kutuzin. Nengörenök tosatnan gölme jölanji qetnji Krit mosöta köwet kutuba kaget. Tosatnan Arebia keu jize. Nini mewönan maljinmö, yenön söngaiba Anutunön angöletot öngöngöni ahöhi, miengö könani mi nanine keunön nanjik nanjik jigetka mötzin." ¹² Mewö jiba körek yenön auruba lalalulu siksauk aka nanjini kewö jim qesim anguget, "Kiangö könani mönö denöwö?" Mewö qesim anguba keu jaruba tönpin kinget.

¹³ Tönpin kingetmö, tosatnan mepaqepaik aka kewö jiget, "Yenön wain o nahömngambuk gwötpuk nempa enjololo akze." Mewö.

Pitönön Uña Törönanjö könani jim asariyök.

¹⁴ Mewö jigetka Pitönön aposol 11 yembuk mohotne wahöta kindä köhöiknanök qeta ambazip kambu yengöra kewö jii mötket, "Alaurup, Juda ambazip aka ambazip körek Jerusalem maljei, nöjön yuai asuhuzawangö könani jibi kezap ala mi mötket. ¹⁵ Injini tosatnan nengöra kewö jize, 'Yenön o köhöikni negetka urunjan enjololo akza.' Mewö mötmörizemö, nenön mewö qahö akzin. Ki sönjangö 9 kilokni akza.

Sönan mi o nene nalöya qahö. ¹⁶ Qahöpmö, kezapqetok azi Joelön Buña keu kewö jiyöhi, mianjön mönö öljambuk akza,

¹⁷ †Anutunön jiza: Kembugö kaka nalönan törimawi, nöjön nalö mianjören Uñani Töröni mokobiga ambazip körek yengö qaknine öngöma. Öngöba sölölohöba kutum enguasöriga kewö asuhuma:

Engö nahönböratupnjinan kezapqetok keunji keunji jimakne.

Engö gwabö seramurupnjinan jenini meletni imutni imutni ehakne.

Engö ambazip namni yenön gaunji gaunji ekne.

¹⁸ Uñani Töröni mokomami, mi azi aka ambi weleni qeba malmei, yengö qaknine mewöyök öngöiga kezapqetok keu jimakne.

¹⁹ Nöjön angöletot suepnön albige uget eu öngöiga ekne aka gölmenön aiwesök mi kewö ekne:

Yuai sepnambuk, könöp öngöngöni aka köwak köndumngambuk mi asuhume.

²⁰ Wehön jenan pandaman meiga köijnön pishiba sep ewö akna.

Mewö asuhuiga mianjö andöne Kembugören nalö ketanan kam kunguma.

Wehön mi aködamun aka qetbuñambuk.

²¹ Denike yengörenök kunjan kun Kembugö qetnji qeta köulukömawi, yanön mönö amöt qem wanggiiga letotma.' Joelön mewö ohoi ahöza.

²² "O Israel ambazip, injini mönö kezap ala keu ki mötket: Anutunön Jisösgö malmal nalöne sölölohöm wangii mali angöletot, aiwesök aka aiaka ösum-mu-munambuk mi engö sutnjine gölmenön aukne asuhuget. Injini mi ölop mötze. Anutunön yuai mi asuhum wangiba mewö mianjön Nazaret azi mianjö könani nangöba jiba kondel engiba malök.

²³ ††Anutunön mönöwök Jisösgö keunji qeljine jöhöba möt kutuba kewö jiyöha ahöza, 'Amötqeqe Tonjan mönö pinjit azi yengö böronjine etma.'

Keu mianjö dop Anutunön Jisös qahö angön köli engö böronjine erök. Mewö eriga injini kömumapkö qetketka kian kantri gawman yenön Mosesgören Köna keu qahö möta töndup jim kutugetka böronjan Jisös memba maripomnö qeget kömuyök. Kömuyökmö, sepnan mönö engö qaknine öngöyöha ahöza. ²⁴ †Jisösnön kömuyökmö, kömupkö kösö gwaröne eri kömup Tonjan i jöhöba nalö köröpni galöm köl wangimamgö osiyök. Mi Anutugören qahö dop kölok. Mianjöra yanön i mem guliba kömupkö sihimbölöneyök meköiga wahörök. ²⁵ ††Kinj Deiwidnön Jisösgöra kewö jiyök ahöza,

'Nöjön garangurun aka talbilenbuköra Kembunön böroni ölne malja.

Yanön nalö dop qöhöröjne kini imut ewönön eka maljal.

²⁶ Mewö mala kömumam-mö, kömupkö ungem mire gebiga andö qahö nunnguman.

† 2.17 Joel 2.28-32 †† 2.23 Mat 27.35; Mak 15.24; Luk 23.33; Jon 19.18 † 2.24 Mat 28.5-6; Mak 16.6; Luk 24.5 †† 2.25 Sum 16.8-11

Göñon nangi wölböt azi saraknji tök-kutukutunji ni mönö meköm niñginöñga kömupkö lömnöñ ahöba qahö gisahömam.

Miangöra urunan sösöñgai aiga numbu nesilamnan renduñ liñet köla maljal.

Silenan mewöyök guliba wahötmawanğöra al mamböta jörömqöröm aka luhut memba ahöma.

²⁸ Göñon malmal köhöikñangö könanji kondel niñginöñga möt kutumam.

Nöñon göhö jemesoholge pöndañ malbiga göñon uruni sösöñgainöñ kokolak qeman.' Deiwidnöñ Jisös-göra mewö jii ahöza.

²⁹ "O alaurupni! Pitö nöñon bem ambönini kiñ Deiwidkö könanji mi awösamkakak qakñe aukñe kewö jim asarimam: Deiwidnöñ kömuiga löm kölgetka qaksirinan merak sutnine ki ahöza. ³⁰ †Deiwidnöñ kezapqetok azia aka malöhanöñ kewö mörök: Anutunöñ gwölö-narökurupñi yeñgöreñök kun möwölöhöba kuñgui nanñi ewö azi kembuğö dum tatatñe tatma. Anutunöñ keu mi jöhöba jöjöpäñ keunöñ jim köhöiba malök.

³¹ Kunñan tatmawi, mi qeljiñe eka mörök. Amötqeqe Tonji Kraist yañon kömupnöñök wahötmawi, Deiwidnöñ mi möta kewö jiyök,

'Kraistnöñ mala kömumapmö, kömupkö uñem mire geiga Anutunöñ i andö kude qei ahöma.

Yañgö silenji mi kude mosöri qamötñan kömupkö lömnöñ qahö gisahöma.'

³² Anutunöñ Jisös mem gulii wahöriga mewö miañon keu mi öñambuk ahök. Nini körek mi je kötninan eka nanğöba jiba dangunu ewö kinjin. ³³ Jisösñöñ wahöta mala Anutunöñ wanğiri öñgöba böröñi öññe tatta. Mi-anğöreñ tata Iwinöñ Uña Töröñi melaimapkö jim jöhöyöhi, yañon (promis) mi möta i mokoï eriga öññi merak ki asuhui eka mötze. ³⁴ ††Deiwidnöñ Suepnöñ kude öñgöyök. Yañon nanñak keu kewö jii ahöza, 'Anutunöñ Suep miri uruñe nani Kembunangöra kewö jim kutui mörök:

Göñon mönö kaba böröni öññe asakmararañ ki-anğöreñ eta tata malman.

³⁵ Mewö tata malnöñga nöñon nalö sutñe kianğöreñ tuarenjoñurupki tim tötala luhut al enggimam.

Luhut al enggibiga yeñon tala geba sihimbölo möta sahöta köna döp ewö akñe.

Mewö aketka göñon ölop wahöta yeñgö qakñine tiba söñgaiba malman.'

³⁶ "O Israel ambazip, iñini Jisös maripomnöñ qegetka kömuyökmö, Anutunöñ Jisös mi kuñguiga Kembu aka Amötqeqe Tonji Kraist ak neñgiba malja. Israel kambu pakpak iñini mönö miangö könanji möt yaköme."

³⁷ Pitönöñ mewö jiiga ambazip kambunöñ möta uruñini qesiñni Pitö aka aposol tosatñi yeñgöra kewö jiget, "Azi alaurup, nini mönö dendenöwö ahin dop kölma?"

³⁸ Jigetka Pitönöñ kewö jii mötket, "Iñini mönö uruñini melenget. Mohot mohot uruñini melenğeranğö dop neñon mönö Jisös Kraistkö qetñe o mem melun mem enggibin. Mi enggiinga Anutunöñ siñgisöndokñini sañ-

gonđa mosöta Uña Töröñ kalemñi mi buña qem enggima. ³⁹ Anutunöñ Uña mi enggimamğö jim jöhöyöhi, keu mi mönö nanñini aka engö gwölönarökurupñini engöra aka jiyök. Engöra aka tosatñi körowen mal angetka Anutu Kembuninan enggoholmawi, yañon jöhöjöhö keu (promis) mi mönö körek engöra aka mewöyök jiba jöhöi ahöza."

⁴⁰ Pitönöñ mewö jiba toroqeba qambañ keu tosatñi gwötpuk miañon uruñini kuñguba kewö jiyök, "Ambazip misimkaulup ki gölmenöñ maljei, Anutunöñ mi amöt qem enggiiga letotmegö mötza. Yembuk sihimbölo miwikñibepuköra mönö uruñini melenğda ambazip goñgoñi mi jabö ala enggömosötme." ⁴¹ Pitönöñ mewö jiiga ambazip jesöñgöñan keuñi möt anğon kölgetka o melun mem enggiget. Mi mem enggigetka kö-nagesöñine toroqetgetka jañgöñinan wehön mi-anğöreñök 3000 miangö dop qariyök. Mewö.

Mötnariñ yeñon uru jöhöm anğuba malget.

⁴² Uruñini melenğeri, yeñon urumohok aka urunöñ jöhöm anğuba nalö dop anğeka tokogetka aposol yeñon Buña keu kusum enggigetka beret mindipköba nembra köuluk nup memba malget. Pöndañ malmal mewöñi malget.

⁴³ Mewö kinda Anutugö qetñan bölibapuköra jönöm undu-undu aka malget. Mewö malgetka Anutunöñ sölölohöm enggiiga aposol yeñon jitñe memeniñi aka nup megetka anğöletot aiwesök murutñi murutñi asuhuget. ⁴⁴ †Anutu möt narigeri, yeñon körek mal-malñini mohotñe mala sukinap (ainemaluku) yuainiñi pakpak mindiriba mohotñe memba malget.

⁴⁵ Mewö memba mala gölme sukinap yuainiñi bohonñi memegöra algetka söñgöronñi enggiget kayöhi, mi sutñine mözöqözöröñ aka osigeranğö dop menden anğuba malget. ⁴⁶ Mewö mindiriba mala qösösök (qörörök) urumohot aka nalö dop jöwöwöl jikenöñ tokomalget. Beret mi miriñini dop mindipköba nemalget aka numbu neneñini mi geñmoñini qahö sösöñgai qakñe tata nemalget. ⁴⁷ Aiakanñini mewö aka Anutu möpöseiba malgetka ambazip pakpak yeñon i enğek soriba malget. Enğek soriba malgetka kambuninan qariiga Kembunöñ nalö dop ambazip tosatñi uru melenğ enggiiga letota mindimindiri areñine toroqetget. Mewö.

Pitönöñ lokon azi kun mem ölöwahök.

3 Juda yeñon mare dop 3 kilok köuluközema. Mare kunöñ Pitö Jon yetköñ köuluk nalö miangöreñ jöwöwöl jikenöñ öñgöyohot. ² Öñgöyohotka mi-anğöreñ azi kun nam köro uruñeyök lokon asuhuba tat malöhi, mi anğuba kaba jöwöwöl jikegö kiripo nanğunje alget. Alaurupñan silim dop kaba kululunöñ anğuba kiripo nanğu qetñi Nanğu Eksihimñambuk qetkeri, miangöreñ alget tarök. Tata ambazip jikenöñ öñgögeri, yeñon monerñ kalem wanğimegöra ulet enğiba malök.

† 2.30 Sum 132.11; 2 Sml 7.12-13 †† 2.34 Sum 110.1

‡ 2.44 Apo 4.32-35

³ Mewö algetka tari Pitö Jon yetkôn jöwöwöl jikenönj öngöbitkö ahotka etkeka i mewöñanök kalemgö ulet etkiyök. ⁴ Ulet etkiiga jemesoholñi uba eka Pitönönj kewö jii mörök, “Mönö niri netkeknönj!”

⁵ Mewö jii möta je kusumusulñi qahö etkehiba yuai kun börönjireyök niñgimahotkö mambörök. ⁶ Etkehiga Pitönönj jiyök, “Nöngöreñ silwö me goul moneñ qahö ahözapmö, nöngöreñ yuai kun ahözawi, mi ölop gihi-mam: Gi mönö Nazaret azi Jisös, Amötqeçe Tonji Kraistkö qetñe wahöta anman!”

⁷ Mewö jiba börönji ölñe memba kököbihiiga wahörök. Wahöriga könañi aka gwaköt sihitñi mönö miangöreñök köhöiget. ⁸ Köhöigetka wahöta luhuba yetpuk jöwöwöl jikenönj öngöba miangöreñ anda kaba sereñsereñ unduba Anutu möpöseiyök. ⁹ Mewö anda kaba Anutu möpöseim wañgiiga ambazip kambu pak-pak yeñön mi eket. ¹⁰ Mi eka kewö jiget, “Azi ki kalem wañgimegöra jikegö kiripo Nanju Eksihimñambukö kösutñe tata uleta malöhi, mönö mia.” Mewö jiba möt wañgiba “Sileñe wani yuaia asuhuzapto?” jiba auruba nembönjini teköi welipköget. Mewö.

Pitönönj jöwöwöl jikenönj Buña keu jii mötket.

¹¹ Welipkögetka ulet azi miangön sundan Pitö Jon yet-puk mohotñe anda kaiga ambazip kambu körek pak-pak yeñön ösumñinan kösutñine kaba jöwöwöl jikegö tohoñ uruñe öngöba kiñ Solomongö sombem söranñambuknönj tokoba kindä ehiget.

¹² Mewö ehigetka Pitönönj engeka könahiba kewö jii mötket, “O Israel alaurupni, iñini mönö wanigöra yuai ki eka auruze? Wanigöra niri uba netkehize? Azi kianñön ölöwaka köna anda kazawi, mi mönö netkö ösumnönj me Anutugö Buñañe pitirik maljirañgöra aka qahö. Mewö kude mötmörime. ¹³ †Nanine ambösakonini Abraham, Aisak aka Jeikob yeñgö bem Anutunönj mönö Nahönñi Jisös asakmararañ wañgiiga jitre-memeñi öngöñgönji ahiga ölni asuhuiga ekze. Iñini Jisös mi memba galöm yeñgö börönjine algetka premiö Pailötnönj pösatmamgö keuñi jöhöba jiyökmö, eñön Jisös mi yañgö jeñe qañ köla andö qem wañgiget.

¹⁴ ††Iñini azi diñdiñi aka sarakñi mi andö qem wañgi-ba azi qeçe azi kun pösatmapkö kapañ köla qeta qe-siget. ¹⁵ Mewö qeta qesiba mewö miangön malmalgö Toñan kömumapkö keuñi jigetka kömuyök. Kömuyök-mö, Anutunönj i mem gulliiga kömupnöhök wahörök. Netkôn mi jeninan eka nañgöba jiba yañgö dangunu ewö kinjin. ¹⁶ Mewö kindä Jisösgö qetñi möt narim wañgiba maljit. Azi ki eka möt wañgizei, mi mönö qet miangö ösumñan mem köhöiiga kinja. Jisösñönj sölölohöm netkii mötnaripniran asuhui miangö qakñe kindä jim kutuziga köna gwakötñan ölöwak teköiga iñini körek mi ekze.

¹⁷ “O alaurupni! Jisös kömumamgö kapañ kölgeri, eñön mi mönö gukmaulem qakñe aket, mi mötzal. Nanñini aka galömurupñinan mewöyök yuai ak

wañgigeri, miangö könañi kude möt kutuba lañ aket. ¹⁸ Mewö aketmö, miangö likepñi Anutunönj kewö ahök: Anutunönj keuñi mönöwök kezapqetok ambazipurupñi pakpak yeñgö jitreñe aliga qeljine kewö jiba ohoget, ‘Anutugö Amötqeçe Tonji Kraistnönj mönö sihibölö mötma.’ Miangöra iñini mewö aketka Anutugö keu mi-angön mönö mewö ölnambuk ahök. ¹⁹ Miangöra mönö uruñini melenña Anutugöreñ lilingöba kagetka siñgisöndokñini kutuba sañgoñma.

²⁰ “Anutunönj oyaenköyaen Tonji akza. Iñini öne lañ malbepuköra Anutunönj Jisös qeljine möwölöhöyök. Miangöra iñini mönö uruñini melenñgetka Amötqeçe Tonji Kraist melaiiga engöreñ kaiga yambuk qekö-tahögetka malmalñinan gulliiga oyaenköyaen nalöñi-nan kam kuñguma. ²¹ Anutunönj möpñangö möpñe könahiba keuñi kezapqetok ambazipurupñi tök-ku-tukutunji pakpak yeñgö jitreñe aliga qeljine kewö jiba malget,

‘Anutunönj Amötqeçe Tonji angön köl wañgii Suep mire tata mali yuai pakpak kunbuk arengöba kölöñaimawi, mönö nalö miangöreñök melaiiga Suep mosöta etma.’

Jisösñönj keu miangö dop eta neñgöreñ kayök.

²² †Mosesnönj kewö jii mötket,

‘Kembu Anutunönj Juda kambu engö sutñineyök keza-pqetok azi kun mem gulliiga wahöta Moses ni ewö akña.

Yañön ipñina kindä engöra keu jimawi, mönö mi pak-pak kezap ala möta tem köla malme!

²³ †Kunñan kun kezapqetok azi miangö keuñi qahö tem kölmawi,

Anutugö könagesö eñön mönö yañgö keuñi jim tekö-ba ayuhum wañgime.’

²⁴ Kezapqetok ambazip Samuelgöreñök könahiba kota keu jigeri, mieñön mönö körekmakörek mewöyök kezapqetok keu nalö kewöñe ölnambuk akzawi, mia qeljine jiba malget. ²⁵ †Anutunönj amböskonurupnini yembuk jöhöjöhö areñi aka Abrahamgöra kewö jii mörök,

‘Göhö gwölönarökurupki yeñgöreñök kunñan ahuba wahötmawi, Anutu nöñön mönö yañgöra aka gölmegö ambazip kambuñi kambuñi pakpak kötuatköm engibi oyaenköyaen akñe.’

Anutunönj jöhöjöhö keuñi indeli kezapqetok ambazip-nönj mi toroqeba jim köhöiba malgeri, mi mönö engöra aka ali ahöza. ²⁶ Anutunönj Nahönñi mem gullii wahöri kötuatköm engimapköra melaiiga mutuhök engöreñ erök. Miangöra mönö döliki uruñini melenña nanñik nanñik malmalñinañgö köna bölöñi andö qeme. Mewö aka oyaenköyaen akñe.” Mewö jiyök.

Pitö Jon yetkôn jike kaunsöl kambunönj kinohot.

4 Pitö Jon yetkôn ambazip kambu yeñgöra keu mewö jiyohotka jike nup galöm yeñön, jikegö kiripo galöm bohonñan aka Sadyusi (Jike nupkö kapañkölköl) yeñön wahöta jeñire kañgotket.

² Gwarekyahötñan ambazip kambu kusum engiba

† 3.13 Eks 3.15 †† 3.14 Mat 27.15-23; Mak 15.6-14; Luk 23.13-23; Jon 19.12-15

‡ 3.22 Dut 18.15, 18 †† 3.23 Dut 18.19 †† 3.25 Jen 22.18

kewö jiyohot, "Jisösnöñ kömupnöhök wahörök. Mi-angö dop kömugeri, yeñön mewöñanök guliba wahötme." Mewö jiyohotka uruñini böliiga yetköreñ kañgotket. ³ Kañgota etkömembra miri söñauyöhañgöra aka kösö mire al etkiba jiget, "Miri gi-anjiugun keu jakeñe al etkibin."

⁴ Mewö jigetmö, Buña keuñiri mötkeri, yeñgöreñök jesöñgöñan uruñini melenđa Jisös möt nariget. Möt narigeri, yeñgö jañgöñinan qariiga 5000:gö dop aka malget.

⁵ Miri gianjiiga galömkölköl aziurupñini, Juda yeñgö jitñe memeurupñini aka Köna keugö böhi yeñön Jerusalem tokoget. ⁶ Tokoba jike nup galöm bohonñi qetñi Anas yañön sutñine tarök. Mewöyök Kaiafas, Jon, Aleksander aka jike nup galöm bohonñangö saiwaurupñi tosatñi pakpak mi mohotñe tatket. ⁷ Tatketka Pitö Jon etkuangita jenjine al etkiget kinohotka kewö qesim etkiget, "Etkön mönö denöwö ahot? Dagö qetñi qerohotka ösumñi etkualöñni letorök?"

⁸ Qesim etkigetka Uña Töröñan Pitögö uruñi kokolak qei kinda kewö jii mötket, "Kantrigö galömkölköl azi aka jitñememeurupñini, mötket! ⁹ Niri lokon azi denöwö alabauk ak wañgiziga könañi guliba ölöwahök, merak mewö qesim netkize. ¹⁰ Mianğöra mi-angö likepñi mi ölop jibiga inñini aka Israel ambazip kö-nagesö pakpak mötme. Enñön Nazaret azi Jisös, Amötqeçe Tonini maripomnöñ qegetmö, Anutunöñ i mem gullii kömupnöhök wahörök. Jisös qetñangö ösumñan mönö azi ki möhamgöiga engö jenjine ölöwaka kinja. ¹¹ *Keu kun kewö,

'Miri meme azinöñ köt tandö kun andö qeba mosötketmö,

Anutunöñ mi aliga ain tandö kömbönañi bohonñi akza.'

Ain tandö bohonñi mi Jisös.

¹² "Jisös mohotnöñ mönö amöt qem neñgiza. Qet kun köuluköinga mi osimemö, Jisösgö qetñan mönö dop kölja. Anutunöñ qet kun Suepkö bapñe qahö neñgiiga ahöza. Qahö! Qet mohot mi qeta letota Suepkö buñaya akin."

¹³ Mewö jim teköiga tandökñiri eka kewö jiget, "Azi yahöt kietköñ mötmöt mire qahö öngöba töndup keu köhöikñi köhöikñi jiba awösamkakak kinda suahö ewö akzahot." Mewö jiba köñkuñ aka welipköba könañiri möt kutuba jiget, "Alakña! Azi yahöt mietköñ mönö Jisösbuk mala letorohot." ¹⁴ Könañiri möt kutuba jiba lokon azinöñ ölöwaka yetpuk kinöhi, mi eka keuñiri qeapköbingö osiget. ¹⁵ Mi osiba jike kaunsöl kambu engömosöta yaigep gemahotkö jim kutuget geyohot-ka nanñinök keu jaruba goro aket.

¹⁶ Goro aka jiget, "Nini azi yahöt ki mönö denöwö ak etkibinto? Yetköñ jim kutuyohotka angöletot qainñi kun asuhuyöhi, mi Jerusalem körek pakpak yeñön möt teköze aka nini mi mewöyök qarñ kölböngö osizin. ¹⁷ Mi osizinmö, mianğö keuñi ambazip sutñine kunbuk sehiba anbapüköra mönö ölop kewö jim kutum etkiinga dop köлма, Inñiri mönö Jisösgö qetnöñ keu kunbuk

kude jimahot.' Mewö jiba köhöikñanök jim qetal etkiinga sörauyohotka kunñan kun mi qahö möri teköma."

¹⁸ Mewö jim jöhöba etkoholget öngöyohotka kewö jim kutum etkiget, "Inñiri mönö Jisösgö qetnöñ keu kun kude toroqeba jiba ambazip kusum engimahot." Mewö jiba songo köhöikñi al etkiget. ¹⁹ Mewö jim kutum etkigetmö, Pitö Jon yetköñ melenđa kewö jiyohot, "Netköñ engö jimkutukutuñini tem kölbötköra Anutugöreñ keu memba et aljiga omanñi akapuk. Mi Anutugö jemesoholñe dop kölja me qahöwi, mi mönö nanñinak kewöta jiba jöhöme! ²⁰ Mewö me mewö jiba jöhöbeakmö, netköñ yuai eka möriri, mi köyatiba keu bökö malbirangö dop qahö."

²¹ Mewö jiyohot mötketka ambazip körekñan angöletot asuhuyöhi, mianğöra Anutu möpöseiget. Mewö möpöseigerangöra aka "Likepñi denöwö ak etkibinak?" jiba köna kun qahö miwikñaiget. Qahö miwikñaiba galöm meme keu köhöiba jim etkiba etkömosötketka erohot. ²² Angöletot asuhuiga lokon azi ölöwahöhi, mi (yara) yambunñi 40 lök öngita malök. Mianğöra mönö Anutu gwötpuk möpöseiba malget. Mewö.

Mötnarip yeñön köuluköba kin köhöiget.

²³ Jike nup galöm bohonñi aka jitñememe yeñön Pitö Jon galöm meme keu jim etkiba etkömosötketka nanñiri alaurupñiri yeñgöreñ lilingöba anohot. Anda keu pakpak jigeri, mi jiyohotka mötket. ²⁴ ††Mi jiyohot-ka möta urumohot aka uruñini qezaköba jölñini memba wahöta Anutu kewö köuluköm wañgiget, "O Kambu öngöñgöñi ketañi, göñön Suep, gölme, köwet aka yuai pakpak miengöreñ ahözawi, mi miwikñaaim engiba Tonjina akzan. ²⁵ *Göñön mönöwök nangi Uña Töröñi melainöñ eta nup azigi Deiwid, neñgö ambönini yañgö numbuñe keugi ali göhö jitki memba kewö jiyök, 'Urumelenğö kopa yeñön mönö wuanöñgöra göjuñi göjuñi memakze?

Kantrñi kantrñi yeñön mönö denöwögöra aka mötmöt omanñi omanñi mötmörimakze?

²⁶ Gölmegö kiñ kembunñi kembunñi yeñön gölmenñi-ñañgö dop wahörakze.

Pom jembonñi jembonñi yeñön mindiriba tokomakze. Mewö qeburuñ yöhöi Kambu aka yañgö Amötqeçe Tonji qetal etkimakze.'

²⁷ ††Ölña, keu mianğö dop siti kianğöreñ asuhuyök. Gi Nahöngi Töröñi Jisös kuñgunöñga Amötqeçe Tonina akza. Yañön asuhuiga azi kambu yahöt Herod aka Pontius Pailöt yetköñ Rom gawman galöm aka nanine Israel isikurupñini yembuk mindiriba totoko ala tuarenjon ak wañgiget. ²⁸ Gi nangak ösumgi aka jitkahö dop yañgöra yuai asuhumapkö keuñi jiba qeljñe jöhöba areñgönöñ. Yeñön yuai mi ak wañgigetka keu arenñ pakpak mi mewö öljambuk ahök.

²⁹ "O Kambu, nini gi welen qem gihiinga merak galöm meme keu neñgizei, gi mönö mi eka nañgöm neñginöñga ölop göhö Buña keugi suahö ewö awösamkakak kinda jiba malbin. ³⁰ Göñön mönö böro-

† 4.11 Sum 118.22

†† 4.24 Eks 20.11; Neh 9.6; Sum 146.6 ‡ 4.25 Sum 2.1-2 †† 4.27 Mat 27.1-2; Mak 15.1; Luk 23.1, 7-11; Jon 18.28-29

gi surunönga kawöl ambazip mi Nahöngi Töröngi Jisögö qet ösumnje ölöwakne aka angöletot aiwesök murutnji murutnji asuhumakne. Keu mi ölna."

³¹ Mewö köulukögetka miri tokoba tatkeri, gölme mi memenjaliba utuköiga Uña Töröngan körek pakpak urunjini kokolak qeiga anda suahö ewö awösamkakak kinda Anutugö Buña keu jiba malget. Mewö.

Mötnarip ambazipnön uru jöhöm anguget.

³² †Urumelen kambu ketanji yeñön urumohot aka mötmöt mohot aka malget. Yuai pakpak ahöm engiyöhi, mi göhöreñök me nöngöreñök, mewö qahö jigetmö, yuai pakpaknjini mi mutulangöba mohot aiga malget. ³³ Mewö malgetka Anutugö ösumñan engualöngniga köhöigetka aposol yeñön jitnjini memba dangunu ewö kinda Kembu Jisösnön kömupnöhök guliba wahöröhi, keu mi nangöba jiba malget. Mewö malgetka Anutunön kalem möriamni ketanji mokom engiiga ambazipnön göda qem engiget. ³⁴ Mewö malgetka miangö dop sutñine kunñan yuai kungöra qahö mözöröngöba osiba malök. Körek pakpak nene nupnji nupnji aka mirinji mirinji miengö tonji akeri, yeñön mi bohonji memegöra alget. Mewö algetka söngörönji moneñ kaiga mi memba kaget. ³⁵ Memba kaba aposol yengö böröngine algetka körek pakpak mözöröngöba osigerangö dop mi sutñine mendenja engiba malget.

³⁶ Azi kun qetnji Josef, aposol yeñön qetnji Barnabas qetkeri, mi nanine keunön: Uru nangönangö azi, yanön gölme jölanñi qetnji Saiprus miangöreñ asuhuba qariba jike nup azia (Liwait) malök. ³⁷ Yanön mewöyök nene nup gölmenji bohonji memegöra ali moneñ kaiga söngörönji mi memba aposol yengören kaba böröngine alök. Mewö.

Ananias Safaira yetkörenj tilipqilip

5 Mewö aka malgetmö, azi kun qetnji Ananias anömni qetnji Safaira yetköñ nup gölmenjirangö bahönji bohonji memegöra alohot. ² Alohotka söngörönji kaiga azinön moneñ bahönji nanñangöra angön köla asamböri anömñan mi möt teköi bahönji kun memba kaba aposol yengö böröngine alök.

³ Böröngine alökmö, Pitönön kewö jiyök, "O Ananias, gi mönön wuanöngöra Satan qahö qetalnönga urugi kokolak qeza? Yanön urugi kokolak qeiga göñön esapköba Uña Töröngi isimkakalek ak wangiba nup gölmegegö moneñ bahönji angön köla asambötzan? ⁴ Gi miangö tonji aknöñi, nalö miangöreñ mi nangi buñaya ahök me? Aiga nup gölmegei bohonji megetka söngörönji kayöhi, moneñ mi mönön göhö buñaya ahök me? Gi mönön wuanöngöra urugan keu jöhöba yuai ki akzan? Gi munenji jiba mewö miangön ambazip qahö tilipköm nenngizanmö, Anutu nanñi mönön tilipköm wangizan!"

⁵ Mewö jiiga keu mi möt sasuba tala gölmenön geba kömuyök. Mewö kömuiga ambazip pakpak miangö buzupnji möta sömbu mötmöt ketanji aket. ⁶ Kömuiga

azi gwabö yeñön kota qamötñi memba esuhuba anguba anda löm kölget.

⁷ Aua karöbut teköiga anömñan yuai asuhuyöhi, mi qahö möta kayök. ⁸ Kaiga Pitönön anömñi Safaira kewö qesim wangiyök, "Injiri nup meme gölmenjiri bahönji bohonji memegöra alohotka moneñ kayöhi, mi miangö dop me qahö? Mi jinöngga mötpi!"

Qesim wangiiiga kewö melenök, "Moneñ mi ölna miangö dop kayök."

⁹ Mewö melenñiga jim wangiyök, "Injiri mönön wuanöngöra urumohok aka Kembugö Uña Töröngi tilipköm wangizahot? Mötnön, apkan kömuiga azinön memba anda löm köljei, yeñön mönön nangju ki dopdowigetka kouruknji mötzan. Yeñön gi mewöyök esuhuba angum gihiba anme." ¹⁰ Mewö jiiga miangöreñök tala Pitögö könañe geba kömuyök. Kömuiga azi gwabö yeñön kota qamötñi miwikñaiba memba anguba anda anñangö qöhörönje löm kölget. ¹¹ Löm kölgetka urumelen kambu jömuknji yeñön möta awöwöligetka buzupnji sehiiga körek pakpak mötketka sömbu mötmöt ketanji aket. Mewö.

Aposol yeñön ambazip gwötpuk mem ölöwak engiget.

¹² Mewö aketka Anutugö kukösumñan aposol inahöm engiiga nup memba böröngini ambazip qakñine algetka Anutunön aiwesök angöletot meiga sutñine gwötpuk asuhuet. Ambazip Jisös möt narigeri, körek yeñön jöwöwöl jikegö tohon urunje öngöba kinj Solomongö sombem söranñambuknön tokoba kambu mohot aka malget.

¹³ Mewö tokoba malgetka ambazip tosatñan kengötñini möta zirinñirinj aketka kunñan totoköñine qahö öngöyök. Mewö qahöpmö, ambazip kambu yeñön göda gwötpuk qem engiba malget. ¹⁴ Mewö tokoba malgetmö, töndup ambazip sehisehinji yeñön kambunini toroqem engiba malget. Azi aka ambi kambunji kambunji yeñön Jisös möt nariba urunjini melengetka kambuninan qariba sehiyök. ¹⁵ Aposol yeñön nup mewö megetka ambazip sehisehinjan ölöwaket. Mewö ölöwakerangöra aka tosatñan kawöl ambazip enguangita kululu köla anguba köna görañe mewöyök dum möhamgöba möki tumbula miangöreñ al engiba kewö jiget, "Pitönön kaba nenngongitmawi, imutimutñan mönön nalö miangöreñ yengöreñök kungö qakne öngöi ölöwakawak!"

¹⁶ Mewöyök taon aka miri Jerusalem siti liliköba tat anjei, miengöreñök ambazip kambu gwötpukñan öröba kaget. Mewö kaba ambazip kawöl engöhöyöhi aka ömenönj töñöt memba †† kölköljinñinj ak engigeri, mi enguangita kaba kangotket. Kangotketka körek yeñön ölöwaket. Mewö.

Garatanön aposol kösö mireyök enguangiri etket.

¹⁷ Mewö aka malgetka jike nup galöm bohonñan aka yangö sunngurumurupnji Sadyusi (Jike nupkö ka-

† 4.32 Apo 2.44-45

†† Töñöt mi kewö: Ömenön numbuñi möwöngöiga keu bök malja.

pankölköl) pati nangöm wangigeri, körek yengö irimjini seholiiga urupik aket. ¹⁸ Urupik aka aposol engömembra jöhöba gawmangö kösö mire al engiget. ¹⁹ Al engigetmö, sungem miangören ahögetka Kembugören garata kunöng kösö miri nangunji öröba enguangita yaigep eta kewö jiyök, ²⁰ "Mötket! Injini mönö anda jöwöwöl jikenöng öngöba ambazip jenjine kinda malmal dölöknañgö könani pakpak aukne jigetka mötme."

²¹ Mewö jii möta miri gianjiiga jöwöwöl jikenöng öngöba kinda Buña keu kusum engiget. Mewö kinda kusum engigetka jike nup galöm bohonji aka alaurupnan nangöm wangigeri, yengön angota jike kaunsöl kambu aka Israel jitnememurup köl öröm engigetka motnje tokoget. Tokoba kinda opotöröp tosatni aposol enguangitpingö melaim engigetka kösö mire anget. ²² Angetmö, i miangören qahö miwiknaim engiba öne lilingöba kösohotjini kewö alget, ²³ "Nini ölña kösö mire angota nangunji köhöikni kötökni kölget kini wahip azinöng nangunöng kingetka ehin. Mi ehinmö, nangunji öröba öngöba miangören azi kun qahö miwiknain."

²⁴ Mewö jigetka jikegö kiripo galöm bohonji aka jike nup galöm bohonji yengön keu mi möta urunini lalalu-lu siksauk aiga jiget, "Oponoj! Merak mewö asuhuba könangep kunbuk suparköiga denöwö akapuk!"

²⁵ Mewö jigetka kunnan kota kewö jii mötket, "Mötket, azi kösö mire al engigeri, yengön mönö jöwöwöl jikenöng kinda ambazip Buña keu kusum engize!"

²⁶ Mewö jii mötketka jikegö kiripo galöm bohonnan opotöröp engömeiga anget. Anda "Ambazipnöng köt gila nengubepuk!" jiba kengötjini möta lolonnanök jöwöwöl jikenöng öngöba aposol enguangita kaget.

²⁷ Mewö enguangita kaba jike kaunsöl kambu yengö jenjine alget kingetka jike nup galöm bohonnan kewö qesim engiyök, ²⁸ "Injini Jisösgö qetnje keu kun kude kusum engime! Neñon mewö jiba songo köhöikni al engiinmö, keu miangö ölñan mönö denöwö asuhuyök? Enñon mönö toroqeba kusum engiba mala Jerusalem siti ki Jisösgö keunöng kokolak qegetka maljin. Aiga azi miangön kömumba sepri mokoiga enñon nengöra kewö jimakze, 'Yangö keunan mönö Juda nengö qakjine öngöyöha ahöza.'"

²⁹ Mewö jiyökmö, Pitö aka aposol tosatnan kewö melenget, "Neñon ambazip engö jimkutukutunini tem kölböngöra aka Anutugören keu andö qeinga qahö dop kölma. Qahö! ³⁰ Anutunöng nanine amböskonurupnangö bemñina akza. Injini Jisös ip kembanje möndöba qegetka kömuyökmö, Anutunöng i mem gulii wahörök. ³¹ Anutunöng i mem guliba wangita öngöi nanji böröngi ölñe ali tatza. Euyangören tari Anutunöng singisöndoknini mosöt nengimamgöra kungui Pom Kembunini aka Amötqeqe Tonini akza. Mewö aka Israel könagesö urumelen ak nengimamgö mötza. ³² Nini yuai mi eka keu pakpak mi nangöba jiba dangunujni aka kinjin. Uña Töröngan mewöyök keu mi nangöba jimakza. Anutunöng Uña Töröngi ambazip jitni tem köl

wangimakzei, mönö yengö urunine ala buña qem engiza."

³³ Pitönöng keu mewö jiiga jike kaunsöl kambu yengön mötketka urunini sounöng qesinqesinq ewö qesinqök. Qesinqiga urunini könöp jeiga aposol enguget kömumegö mötket. Mewö.

Gamalielnöng alaurupni jim mölöwörim engiyök.

³⁴ Mewö mötketmö, Farisi (Köna keugö kapañkölköl) azi kun qetnji Gamaliel yanñon jike kaunsöl kambu yengö sutnjine tarök. Yanñon Köna keugö böhi azia mali ambazip pakpak göda qem wangigetka jitnememenjina ahök. Mewö aka wahöta aposol enguangitketka yaigepne geba borom kun mambötmegöra jim kutuyök.

³⁵ Mewö jim kutui gegetka jitnememe alaurupni kewö jii mötket, "Israel aziurup, injini azi ki denöwö ak engibeak, miangöra mönö ölpönganök galöm mem angume. ³⁶ Mutuk emune azi kun qetnji Teudas yanñon wahöta 'Nöñon ketanampjina akzal,' jiiga merak (yara) yambu tosatni teköi maljin. Teudasnöng mewö jiiga azi 400:gö dop yambuk öröröng jöhöba mindiriba malgetmö, kunnan qei kömui tosatnan aziurupni imbi köl wangigeri, mi kungum engigetka buratigetka qeburuninan pömsöm qeba qahöwahök.

³⁷ "Yangö andöng Galili azi kun qetnji Judas asuhuyök. Yanñon takis memegöra ambazip qetnjini ohoba arengögeri, nalö miangören asuhuyök. Asuhuba ambazip mölöwörim engiiga karim aknegöra sungurum alabaukurupni aket. Mewö aketmö, i mewöyök qegetka kömuyök aka tosatnan sungurumurupni imbi köl wangigeri, mi kungum engigetka buratiget. ³⁸ Mewö aiga nöñon kewö jibi mötket: Injini mönö azi kiengö silejine yuai lan kude akne. Yanñon nup ki megetka qeburuñ ahuzawi, mi gölme ambazipkö mötmöt areñineyök ahuzawi ewö, mi mönö sohoba pömsöm qeba qahöwakña. Miangöra i mönö engömosötketka etme. ³⁹ Mi qahöwakñapmö, Anutugö mötmöt areñöhök ahubawak ewö, enñon mönö qeburuñ mi jöhöbingö osime. Injini Anutu nanji qetala tuarenjon ak wangiba malbepuk. Nanjini könani mewö miwiknabepüköra mönö galömñini mem angume!"

⁴⁰ Gamalielnöng mewö jiiga goro keunji angön köla wuatangöget. Mi wuatangöba aposol engoholget kotketka opotöröpköra jigetka raukapan (raurapan) mem engiget. Raukapan mem engigetka jike kaunsöl kambu yanñon aposol mi Jisösgö qetnje keu kun toroqeba jibepükö songo köhöikni al engiba "Eta anme," jiget.

⁴¹ Mewö jigetka jike kaunsöl kambu mosöta anget. Könanöng anda kewö jiget, "Jisösgö qetköra aka qetbuñanini mewö mem sohozei, mi Anutunöng mötza. Yanñon nini sihibölö mewöngi mötpinangö dop möta nengehiga ölpö dop kölja." Mewö jiba uruninan miangöra ölöwahiga söngaget. ⁴² Söngaija nup toroqeba memba silim dop jöwöwöl jikenöng öngöget aka mirinji mirinji miangören anda Buña keu kusum engiba malget. Jisösnöng Amötqeqe Tonji Kraist akzawi, yanñon

† 5.28 Mat 27.25

miangö Ölöwak Buñaji jiba mianjón ambazip urunji kunguba malget. Mewö.

Nupbauk azi (dikon) 7 meköm engiget.

6 Gwarek jañgöninan qariba öngöiga Juda ambazip kambu yahöt aka malget. Tosatñan kantri tosateyök kaba Grik keu jiget aka tosatan nanjine gölmenjine mala kota Arameik aka Hibru keu jiget. Mewö malgetka nalö miangörenj goranora (noragora) asuhuyök. Grik keu jigeri, yeñon kewö jigetka böliyök, "Aposol yeñon nalö dop nene inap menderj neñgi-makzemö, Grik keu ambi malö neñgö nene inap bahöni mi bahösapsap neñgimakze. Öroröñ qahö misigetka qahö dop kölja."

² Mewö jigerangöra aka aposol 12 yeñon gwarek kambu köl öröm engiget tokogetka kewö jiget, "Neñon silegö nup memba nene menderjda engiba Anutugö Buña nupköra nalönini ölop qahö dop köli urugö nupninan etpapuk. Mi kude dop kölja. ³ Mewögöra alaurupnini, mötket! Eñon mönö nanjini sutjineyök nupbauk miwikñaim engime. Uña Töröñan azi urunji kokolak qeiga Anutunöñ mötkutukutunji qainji kun al engii qetbuña ölopñi memba kinjei, mönö azi mewöñi 7 meköm engime. Mi meköm engigetka nup mi engi-inga mi galöm köla memba malme. ⁴ Yeñon mewö malmemö, naninak nalö jömukñanök köuluköba Anutugörenj Buña keu jegep kinda jim sehiba malbin. Nup miangörenj mönö pöndañ kinbin."

⁵ Mewö jigetka kambu pakpak yeñon "Ölop dop kölja!" jiget. Mewö jiba azi qetñi Stiwen meköget. Stiwen mi Anutu köhöikñanök möt narim wañgiiga Uña Töröñan urunji kokolak qei malök. Toroqeba azi kewö meköba möwölöhöm engiget: Filip, Prokorus, Nikanor, Timon, Parmenas aka Nikolas. Nikolas mi kian kantrigö siti qetñi Antiokia miangörenj ahuba könanjep Juda azia aka urunji Kraistkörenj melejñök. ⁶ Mi meköba möwölöhöm engigetka aposol yeñgö jemesoholjine öngöm angetka böröñjini nöropñjine ala köuluköba kötuatköm engiget.

⁷ Anutugörenj keu jim sehigetka töhötmöriamñambuk aiga gwarek yeñgö jañgöninan Jerusalem sitinöñ qariba sehiyök. Jike nup galöm yeñgö kambunöhök sehisehiñi yeñon mewöyök urunji melenjda Jisös möt nariget. Mewö.

Stiwen meraköba memba jöhöget.

⁸ Anutugö kalem möriamñi aka kukösomñi mianjón nupbauk azi Stiwegö urunji kokolak qei kinda aiwesök angöletot ketanji ketanji mi ambazip sutjine mei asuhuget. ⁹ Mi asuhugetmö, Juda tosatan wahöta Stiwen angötuarenjor ak wañgiget. "Lolohoba kangerangö köuluk miri kambu" [†] yeñgö sutjine Juda tosatan Sairini aka Aleksandria Ijpt siti yahöt mi-

[†] Köuluk miri kambu kungö qetñi mi kewö asuhui qetket: Ambazip pomñi yeñon tosatan bohonñini engömegetka buñajini aka tonjanangö welenjini öne qeba mala (sleiw) böröñjineyök lolohoba kageri, yeñon mönö nanjini köuluk miri kambunji ala qetñini mi mewö qetket.

angörenjök lilingöba kaba kinget. Azi mewöñan mindiriba wahöta Silisia aka Eisia prowinsnöhö kageri, yeñgö kambunöhök Juda azi tosatan engömembra mohotñe Stiwenbuk möndöñda goranora aka jitanakölik erauget.

¹⁰ Mewö jigetmö, Uña Töröñan Stiwen sölölohöi mötkutukutu ketanangö qakñe keunji melenjda jiyöhi, mi Juda yeñon qeapköbingö osiba etket. ¹¹ Osiba eta mömölaköba anda azi tosatan miwikñajiba kungum engiba kaba kewö jiget, "Yeñon mepaqepaik keu jiba mianjón Moses aka Anutu qetal etkii mörin."

¹² Mewö jiba anda ambazip kambu, yeñgö jitñememe aka Köna keugö böhi mienjgö urugege keu jigetka urunji könöp jeyök. Könöp jeiga kölölohoba kaba Stiwen öröba meraköba memba jike kaunsöl kambu yeñgö jeñine anget. ¹³ Anda azi tosatanj enguanjitetka kota Stiwegö silene keu munenji ala kewö nangöba jiget, "Azi kianjón mönö jöwöwöl jikenini aka Mosesgörenj Köna keu tuarenjor aka qahö mosörazpamö, mi toroqeba jimahakza. ¹⁴ Tuarenjor aka kewö jii mörin, 'Jisös, Nazaret azinöñ mönö jöwöwöl jike ki könderjiga qeqelanjan ahöma aka Mosesnöñ Köna keu neñgii ahözawi, mi uteköma."

¹⁵ Mewö jigetka jike kaunsöl kambugö totokonöñ tatkeri, yeñon körekñan Stiwen törörök ugetka kaisor-golomñan Suep garata tandök ewö ahiga eka mötket. Mewö.

Stiwenöñ keu likepñi melenjda jii mötket.

7 Stiwen keu jakeñe al wañgigetka kini jike galöm bohonñan kewö qesim wañgiyök, "Keu mi ölña me muneña?"

Stiwenöñ Abrahamgö kösohotñi jiyök.

² ^{††} Qesim wañgiiga likepñi kewö melenjñök, "Aziurup, iwi darumuni, nöñon kewö jibi mötket: Nanine ambönini Abrahamnöñ Mesopotemia gölmenöñ maliga asakmararaj Tonji Anutu yeñon asuhum wañgiiga Mesopotemia mosöta Haran mirinöñ anda malök.

³ Anutunöñ kewö jii mörök,

'Gi nangi miri gölmegi aka tinitosolomurupki engömosöta gölme kun kondel gihimami, mönö miangörenj anda malman.'

⁴ [†] Mewö jii möta Kaldia gölme mosöta Haran gölmenöñ anda malök. Miangörenj mali iwiñan kömui Anutunöñ melaim wañgiiga injini nalö kewöñe ki maljei, mönö gölme kiangörenj kaba könahiba tata malök. ⁵ ^{††} Gölme kiangörenj tata maliga Anutunöñ gölme kitiñi borom kun köna tamböñangö dop mi qahö buña qem wañgiyök. Gölmegi kiangö tonji qahöpmahöp qahöpmö, Abrahamgö gwölönarökñi qahö ahuiga Anutunöñ nalö miangörenjök yanjgö keu qeljiñe kewö jiba jöhöyök,

^{††} 7.2 Jen 12.1; 7.4 Jen 11.31; 12.4; 7.5 Jen 12.7; 13.15; 15.18; 17.8

'Nöñön gölme ki mi gi aka göhö andöge gwölö-narökurupki ahumei, mönö enggöra enggibi miangö tonj akne.'

⁶ †Mewö jiba toroqeba keu kewö jiyök,

'Göhö gwölönarökurupkan gölme kungen anda kian aka malme. Kian aka malgetka gölme miangö tonj yeñön jöhöm enggigetka tonjanangö welennjini öne qeba malme. Mewö malgetka tulumgöm enggigetka nup lömbötñi lömbötñi öne megetka söngöröñi qahö enggigetka (yara) yambu 400:gö dop wahöjalij qakne malme.

⁷ ††Mewö malmemö, nöñön könangep gölme ambazip welennjini qeba malmei, mi keunöñj alajim teköm enggimam.'

Mewö jiba toroqeba jiyök,

'Mewö asuhuiga gwölönarökurupkan gölme mi mosöta gölme kiangöreñj lilinggöba kaba waikni memba möpöseim ninggiba malme.' Mewö.

Aisak, Jeikob aka Josef yengö kösohotñini jiyök.

⁸ ††Anutunöñ Abrahamgöra mewö jiba aiwesök kewö aknegöra jii mörök, 'Injini nömbuk jöhöjöhö aknegöra mönö nöngö aiwesök esöñjini köla azi silenine yandiba malme.' Miangö dop Abrahamnöñ nahöññi Aisak ahuiga silim 8 aiga miangöreñ aiwesök mi sileneyandiyök. Aisaknöñ nahöññi Jeikob qiwikñaiba aiwesök mi yandiyök aiga Jeikobnöñ nahönurupñi qiwikñaim enggiba miangö dop yandim enggiyök. Jeikobkö nahönurupñi 12 yeñön Israel nenggöreñ ambösakonurupnina aket.

⁹ †††Ambösakonurupninan munñjini Josef mi andö qem wanggiba bohonñi memegöra algetka tosatñan söngöröñi memba wanggita Ijijipt kantrinöñ anda algetka malök. Miangöreñ malökmö, Anutunöñ yambuk kinök. ¹⁰ ††Yambuk kiniga köñjilij könañi könañi qakne öngöi möröhi, körek mienggöreñök mönö meköm wanggiyök. Meköm wanggiba kalem möriamñi wanggii mötkutukutuñi ölöpñan asuhuyök. Mi asuhuiga Ijijipt kantrigö farao kiñj yengö jeñe anggori ehi dop köliga azi kembu kuñgum wanggii Ijijipt kantri aka farao kiñgö jakömbuak miri yuaiñj galöm köñ enggiba malök.

¹¹ †††Galöm köñ enggiiga bödi nalöñj kam kuñguiga Ijijipt pakpak aka Kenan gölme mi dop kölö. Miangöra ambazipnöñ kahasililij ketañi möta malget. Mewö mala nanine amböurupninan nene miwikñaibingö meme yangap meget.

¹² ††Mewö megetka 'Ijijipt gölme miangöreñj padi ahöza,' mewö jigetka Jeikobnöñ mörök. Mewö möta nahönurupñi, nanini amböurupnini mi nalö mutukñi melaim enggii miangöreñj anget. ¹³ †††Mewö anda mala lilinggöba iwiñjanangöreñj kaget. Könangep indimñj kun kunbuk angetka Josefnöñ könañamñi indeli mötket. Mötketka farao kiñnöñ mewöñanök tinitosolomñi engekka könañjini möt kutuyök. ¹⁴ ††Möt kutuiga

Josefnöñ keu ala iwiñj Jeikob aka tinitosolomurupñi pakpak mi köñ öröm enggii yanggöreñj anget. Ambazip angeri, yengö yanggöñjini mi 75 ahök.

¹⁵ †††Jeikob mewö wanggitketka Ijijipt gölmenöñ anök. Anda mala miangöreñj kömuyök. Amböurupninan mewöyök kömum teköget. ¹⁶ †††Kömum tekögetka qamötnjini memba anguba Kenan gölmenöñ lilinggöba Sekem mire kaba löm köñ enggiget. Mönöwök Abrahamnöñ Sekem (Sikem) mala gölme kun azi qetñi Hamor yanggö gwölönarökurupñi yenggöreñök monerñöñ söngöröñi meyöhi, mönö miangö qaksirinje köt köterñj urorohoba mianggöreñj al enggiget." Mewö.

Mosesnöñ Ijijipt kantrinöñ ahuha mala korök.

¹⁷ ††Stiwenöñ toroqeba kewö jiyök, "Anutunöñ mönöwök jöhöjöhö keu Abraham wanggiyöhi, mi öñjambuk akñapakö nalöñj töriba dopdowiyök. Dopdowiyöhi, miangö dop Israel yeñön Ijijipt gölmenöñ ahum sehiba malgetka kambuñinan qariba öngöyök.

¹⁸ Qariba öngöiga farao kiñ kunöñ wahöta könahiba Ijijipt galöm köñ enggiyök. Kiñ döläkñi miangöñ Josefgö könañj mi qahö möta malök. ¹⁹ †††Yangö könañj kude möta nanini köñagesö mi isimkakalek qakne tilipköba amböurupnini mulumgöm enggii malget. Mewö malgetka kiñnöñ köhöiba Israel kewö jim kutum enggiyök, 'Injini mönö morö azi sepsepñjini memba yaigepñe anda onöñ gilgetka geba kömume.'

²⁰ †††wö jiiga nalö mianggöreñök morö kun qetñi Moses asuhuyök. Anutunöñ i eka möri dop kölö. Mosesnöñ ahuiga iwinamñan i köñj karöbut miangö dop miriñjire galöm köla malohot. ²¹ †††Köñj karöbut mi teköiga namñan wanggita yaigepñe anda köndenöñ o qakne ala mosörök. Mosöta ani farao kiñgö böratñan miwikñaiba meiga nahöññi aiga galöm köñ wanggii malök. ²² Mewö maliga Ijijipt yenggöreñj mötmöt aka aia-ka pakpak mi kusum wanggigetka miangö dop Ijijipt yenggöreñj mötkutukutu azi ketañi ahök. Yangöñ keunji aka ahakmemenji mi ösum-mumu qakne jiba aka malök.

²³ ††††Mosesgö (yara) yambuñi 40 teköiga mianggöreñj Israel darumunurupñi yengö prowinsnöñ anda engekñamgö mötmöröba keunji jöhöba anök. ²⁴ Anda Ijijipt azinöñ Israel azi kun yambuk öne töhöñ angururuk aka öröm ureim ak wanggiba qeyöhi, mi ehök. Mi eka anda Israel azi mi bauköm wanggiba andöñe anda likepñj melenja Ijijipt azi mi qeba qem kömuyök.

²⁵ Qem kömuiga Anutunöñ Mosesgöreñj nariba Israel ambazip farao kiñgö böñeyök meköm enggimamgöra kukösöm wanggii kayök. Yeñön Moses eka könañj mewö ölöp möt asarize, mewö mötmöröyökmö, yeñön mi qahö möt asariba öne töñpin malget.

²⁶ ††Miri gianjiiga kunbuk yenggöreñj ani Israel azi yahötñan auyohotka etkehök. Etkeka esapköba sutñjire luai ahumapakö möta kewö jiyök, 'Azi yahöt, injiri darumuna. Nanñjiri mohot miangöñ mönö wuanönggöra

† 7.6 Jen 15.13-14 †† 7.7 Eks 3.12 † 7.8 Jen 17.10-14; 21.2-4; 25.26; 29.31-35.18 †† 7.9 Jen 37.11, 28; 39.2, 21 †† 7.10 Jen 41.39-41 ††† 7.11 Jen 42.1-2 ††† 7.13 Jen 45.1, 16 † 7.14 Jen 45.9-10, 17-18; 46.27

† 7.15 Jen 46.1-7; 49.33 ††† 7.16 Jen 23.3-16; 33.19; 50.7-13; Jos 24.32 †† 7.17 Eks 1.7-8 ††† 7.19 Eks 1.10-11, 22 †† 7.20 Eks 2.2 †† 7.21 Eks 2.3-10 ††† 7.23 Eks 2.11-15

mewö ayuhum anguzahot?' ²⁷ Mewö jiyökmö, azinönj alañi mem bölim waŋgiyohañon mönö Moses könöpuk utala kewö jim waŋgiyök, 'Gi mönö nengöreñ galöm aka jimtekötekö azia akzan me? Dañön mewö kuŋgum gihiiga kinjan?' ²⁸ Gi uran Ijpt azi qenönj kö-muyöhi, mönö mewö ni nuŋgumamgöra jizan me?' ²⁹ †Mewö qesim waŋgiiga keu miangöra aka Ijpt kantri mosöta ölonj köla Midian gölmenönj anda kiana malök. Mewö mala ambi memba nahönyahötñi yahöt qi-wikñaim etkii malget." Mewö.

Mosesnönj gölme qararañkölkölñe yambu 40 malök.

³⁰ ††Stiwenönj keu toroqeba kewö jiyök, "Mewö mal-getka (yara) yambu 40 teköiga miangöreñ Mosesnönj gölme qararañkölkölñe liliköba kundunji qetñi Sainai miangö könañe mali Suep garata kunñan asuhuyök. Mi ip köhösö kembañe könöp bölam asuhuba qahö jem kutuyöhi, miangöreñ asuhum waŋgiyök. ³¹ Mewö asuhum waŋgiiga tandök miangöra welipköba könañi eka möt kutumamgöra kösutñe ani Anutugöreñök keu kun kewö kai mörök, ³² 'Nönönj göhө ambösakonurupki yengö Anutunñina akzal. Nönönj Abraham, Aisak, Jeikob yengö Kambuñina mala kota maljal.' Mewö jii möta jönömñi könañiba unduiga miangöreñ göröken uba ekñamgö kenğötñi mörök.

³³ "Kengötñi mörökmö, Kambuñinönj kewö jii mörök, 'Gölme tiba kinjani, mi gölme kömbukña. Miangöra gi mönö köna esugi qeköman! ³⁴ Nönjögö ambazip kambu-urupni Ijpt maljei, mi mulumgöm engigetka sihimbölä qakñe aum-möriba malje. Nönönj mi eka maljal. Yenön osonggom engui sahöt uletzei, nönönj mi möt teközal. Nönönj yengö böröñineyök meköm engimamgöra etzal. Miangöra gi mönö dölköki wahöta ki kanönjga melaim gihibiga Ijpt anman!' Mewö jiyök."

Mosesnönj Israel enguañgiri yambu 40 könanönj malget.

³⁵ †Stiwenönj keu toroqeba kewö jiyök, "Yenönj Moses qañ köla köndat waŋgiba kewö jiget, 'Gi mönö galöm aka jimtekötekö azia akzan me? Dañön mewö kuŋgum gihiiga kinjan?' Mewö qañ köla jigetmö, Anutunönj Moses mi melaim waŋgiiga yengö pom kambuñina ahök. Suep garatanönj ip köhösönönj bölam jeyöhañgöreñ asuhum waŋgiyöhi, yanönj mönö Anutugöreñ buzup keu mi memba kaba urunji kuŋgui mekömekö aziñina ahök. ³⁶ ††Israel mekömekö aziñina aka ambazipurupñi mi aiwesök angöletot könañi könañi memba Ijpt kantrinöhök meköba enguañgiriga mosöta Köwet Pisikñi miangöreñ kaget. Emu kagetka miangöreñ aka gölme qararañkölkölñe mewöñanök toroqeba aiwesök angöletot murutñi murutñi mi (yara) yambu 40 miangö uruñe memba kondeli eka malget. ³⁷ ††Mosesnönj pom kambuñina mala Israel könañesö yengöra kewö jiyök, 'Anutunönj Juda kambu engö

sutñineyök kezapqetok azi kun möwölöhöba kuŋguiga ni ewö akña.'

³⁸ †††Israel yenönj gölme qararañkölkölñe kaba mal-getka pom kambuñini aka nanine ambösakonurupñini yembuk mala könañesöñini galöm köle engiyök. Galöm köle engiba kundunji qetñi Sainai miangöreñ öngöi Suep garata kunñan keu jii möta yambuk malök. Mewö mala Anutunönj malmal köhöikñangö keunji sundan jii möta malöhi, yanönj keu mi miangö dop jii-ga nengö Buñaya ahök.

³⁹ "Yanönj pom kambuñina malökmö, nanine ambösakonini yenönj keunji tem köle waŋgibingö ölan engöhöiga andö qeget. Andö qeba utal waŋgiba urunji möñaiiga Ijpt kantrinönj kunbuk lilingöbingö sihimñi mötket. ⁴⁰ †††Mewö möta Mosesgö datñi Aron yanğöra kewö jiget, 'Mosesnönj pom kambuñini aka Ijpt kantrinöhök meköba nenguañgiriga kaini, yanönj kundunje öngöba tandök denöwö akzawi, nini mi qahö mötziñ. Mi qahö mötziñangöra göñön ölop tandö lopionj menönjga mienönj jitenmemenini aketka könañine toroqeba anbin.'

⁴¹ ††Mewö jiba miangöreñök goul memba miangön lopionj kun bulmakau moröñangö tandök meget. Mi memba jöwöwöl memba kaba al waŋgiba lömbuañ ohoba yuai böröñinan megeri, miangö sösoñgai aka möpöseiget. ⁴² ††Mewö aketmö, Anutunönj mi eka ölan yöhöiga andö engui Suepkö sengelau Tonji waikñini memba möpöseim engimegöra engömosörök. Kezapqetok azi Amosnönj keu kun ohoi Buzup Kimbinönj ahözawi, mönö miangö dop kewö aket, 'O Israel ambazip, inñini gölme qararañkölkölñe kaba (yara) yambu 40:gö dop mala nalö miangöreñ sömbup jöwöwöl ohoba naluk tosatñi memba kaba niñgiba malget me qahö?

⁴³ Mi qahöpmö, enñon mönö bem qetñi Molok yanğö opo seri koumñi mi anguget aka bem qetñi Refan yanğöreñ sengelau imutñi mi anguba kaba malget.

Enñon imut lopionj mi waikñiri memba möpöseim etkibingö meget buñañina ahök.

Miangöra aka nönönj mönö inñini közöl engibi kerökurupñinan kaba enguañgitketka anda mala körowen Babilon kantrigö andöñe öngöba malmel!" Mewö.

Stiwenönj opo seri jikegö keunji jiyök.

⁴⁴ ††††Ambösakonurupñini yenönj gölme qararañkölkölñe kaba mala Anutugö dangununji kuŋguba opo seri jike memba anguba malget. Mi memba anguba Anutunönj jikenji memegöra Moses jim kutum waŋgiba söpsöp imutñi kondel wañgii ehöhi, mönö miangö dop meget kinök. ⁴⁵ ††Mosesnönj ambösakonurupñini galöm köle engiiga yenönj opo seri jike mi anguba malget. Könañgep Josuanönj wahöta galöm köle engii gwölönarökurupñinan jike mi buña qem anguba toroqeba kaba mala kantri ki kanğotket. Kantri ki kanğotketka Anutunönj gölme tonji kambunji

† 7.29 Eks 18.3-4 †† 7.30 Eks 3.1-10 † 7.35 Eks 2.14 ††
7.36 Eks 7.5; 14.21; Jan 14.33 †† 7.37 Dut 18.15, 18

††† 7.38 Eks 19.1-20.17; Dut 5.1-33 ††† 7.40 Eks 32.1 §
7.41 Eks 32.2-6 †† 7.42 Amos 5.25-27 ††† 7.44 Eks 25.9, 40
§ 7.45 Jos 3.14-17

kambuñi enkuatangöi angetka gölmenjini angön köla meget. Mema tata malgetka kiñ Deiwidnön asuhuyök.

⁴⁶ †“Yañön asuhaba Anutu jemesoholje kalem möri-amñi miwikñaiba kewö qesim wangiyök, ‘Anutu Jeikobkö bemñi, göñön ölop jinönga nöñön jim kutubi nini göhöra jöwöwöl jike bohonñi membin.’ ⁴⁷ ††Mewö qesim wangiyökmö, Solomonön jiiga Anutugöra jöwöwöl jike meget. ⁴⁸ Mi megetmö, Öngöngöñi Ketanji yañön azinön miri böröninan megeri, mianggöreñ qahö malja. Mianggö keuñi kezapqetok azi kunñan kewö ohoi ahöza,

⁴⁹ †Kembunön jiza: Nöngöreñ jakömbuak dum tatatni mi Suepnön ahöiga gölme mi könanangö döñji aiga mianggöreñ tiba tatzal.

Injini mönö nöngöra miri tandökñi denöwö megetka dop kölbawak?

Me miri denikeangöreñ miwikñaim niñgigetka mianggöreñ öngöba luhut memba malbilenjak?

⁵⁰ Yuai pakpak mi mönö nanak nani börönan miwikñaim engjal mi mötze.” Mewö.

Stiwenön kaunsöl yengö uruñini kuñguyök.

⁵¹ ††“O qegetal ambazip, engö uruñinan mönö duhuiga kopa akze! Kezapñinan köungöba qahö kötökñi tohoza! Mi duhuzawangöra Anutugöreñ keu qetala kezapjupjup ahakze. Ambösakonñinan Uña Törönji tuarenjoñ ak wangiba malgetka enñön mönö yengö dop toroqeba mewöñanök Uña Törönji sundan dop andö qemakze! ⁵² Engö ambösakonururñinan kezapqetok ambazip awamñi qahö sesewerowero ak engiba malget. Yengöreñök dañön mönö kahasililij qahö miwikñaiyök? Yeñön Azi Solanñan asuhumapkö kezapqetok keuñi jigetka i enguget kömuget. Yeñön kömugetka Azi Solanñan nanñak asuhuiga injini i mamalolo ak wangiba qeget kömuyök. ⁵³ Anutunön garataururñi melaim engiiga Suepnöhök eta Köna keu engigetka Buñanñini ahökmö, enñön mi qahö tem köla malget.” Mewö.

Stiwen kötnön qeget kömuyök.

⁵⁴ Stiwenön keu mewö jiiga jike kaunsöl yeñön mötkeri, mi uruñini sounön qesiñqesiñi ewö qesiñök. Qesiñniga uruñini könöp jeiga ambarik (amdabö) yöhöba wahöta kinget. ⁵⁵ Mewö aketmö, Uña Törönñan Stiwenögö uruñi kokolak qeiga jeñi Suepnön göröken ui öngöiga Jisös Anutugö asakmararañ uruñe euyanggöreñ Anutugö börönji ölñe kini ehök. ⁵⁶ Jisös eka jiyök, “Mötket! Suepnön añañjiga Suep gölmegö Azi Ölnan mönö Anutugö börönji ölñe kiniga ekzal.”

⁵⁷ Mewö jii möta qet gigilahögetka göju ketanji wahöriga kezapñini börönñinan gwözöñda körekñan luhuba anda qeraköba meget. ⁵⁸ Mewö memba taon görañe örörahöba anda yaigepñe ala kötnön könahiba gila qeget. Mewö qegetka tosatñan mi eka kinda

malukuñini qeköba mölohoba azi gwabö Solgö kösutñe alget. ⁵⁹ Mewö aka kötnön gila qebayök kingetka Stiwenön Anutugö köuluköba kewö jiyök, “O Kembu Jisös, gi mönö uñani memba angön kölman!” ⁶⁰ Mewö jiba siminñan geba köla qet gigilahöba jiyök, “Kembu, siñgisöndok ki akzei, mianggö lömbötñi mönö yengö qakñine kude alman!” Mewö jiba nöñ qeba kömuyök. Mewö.

Solnön urumelen kambu sesewerowero ak engii denget.

8 Stiwen qeget kömuyöhi, mi Solnön mewöyök möri dop kölök. Nalö mianggöreñök sesewerowero ketanji ahuiga Jerusalem sitigö urumelen kambu kazik ak engiget. Mianggöra yeñön körekñanök siti mosöta dengeta Judia aka Samaria prowins yahöt mi dop köla angetka aposol yeñönök kaparañ köla sitinön malget. ² Ambazip Anutu göda qeba waikñi memba malgeri, yengöreñök tosatñan Stiwen kömuyöhangöra jinggen köla gwötpuk sahöta qamötñi memba anda löm kölget.

³ ††Löm kölgetmö, Solnön urumelen könagesö jañgauranga mem engiba miriñi miriñi liliköba öngöba urumelen azi aka ambi örörahöba engömemba gili etketka jiiga kösö mire al engiget. Mewö.

Filipnön Samaria sitinön Buña nup meyök.

⁴ Urumelen ambazipnön dengeta miri dop anda kaba liliköba malgeri, yeñön Ölöwak Buña jiba miangön ambazip uruñini kuñguba malget. ⁵ Filipnön Samaria prowinsgö siti kunön geba Amötqege Tonji Kraistkö könanji jim asarim engii mötket. ⁶ Mia jim asarim engiba angöletot meiga letotketka ambazip kambu yeñön mi eka keu jiyöhi, mi urumohot aka kezap ala möta angön kölget.

⁷ Filipnön nup meiga Anutugö ösumñan öme gwötpuk mi ambazip uruñineyök enkuatangöyök. Enkuatangöiga qet bölöbölö qeta kota anget. Nup meiga ambazip sehisehiñi likepñini kömukömuñi aka lokon malgeri, mi ölöwaket. ⁸ Mewö aiga Samaria sitinön sösongai öngöngöñi asuhaba ahöyök. Mewö.

Sile galöm azi Saimonön timbiqimibilim ahök.

⁹ Sösongai ahöyökmö, Samaria siti mianggöreñ sunja jinañ azi kun qetñi Saimon malök. Yañön (yara) yambu tosatñi qarösongo amötqege nup memba Samaria ambazip welipköm engiiga malget. Mewö malgetka “Azi öngöngöñi akzal,” jiba nanñangöra möri öngöyök. ¹⁰ Ambazip öngöngöñi eretñi yeñön körek pakpak Saimongö keugöra kezap ala möta kewö jimalget, “Anutugö ösumñi qetñi ‘Kukösum ketanji,’ qetzei, miangön mönö azi mianggö uruñe geiga ahöza.” ¹¹ Saimonön qarösongo amötqege nup mi nalö köröpñi memba ambazip welipköm engiiga malget. Mewö ak engiyöhangöra aka yanggöreñ qekötahöba malget.

† 7.46 2 Sml 7.1-16; 1 Hist 17.1-14 †† 7.47 1 Kiñ 6.1-38; 2 Hist 3.1-17 † 7.49 Ais 66.1-2 †† 7.51 Ais 63.10

‡ 8.3 Apo 22.4-5; 26.9-11

¹² Mewö malgetmö, Filipnön kaba Anutugö bemto-hone angotpingö Ölöwak Buñani aka Jisös Kraist qetnangö kónani mi jim asarim engiyök. Mi jim asarim engiiga ambazip gwötpukñan Buña keu möt nariba urunini melengetka o melun mem engiyök. ¹³ Mewö aketka Saimonön mewöyök keu mi möt nariiga o melun mem wangigetka Filipkö kösutñe kaba mala wuatangöyök. Mewö aiga Filipnön angöletot aiwesök ketanji ketanji mei asuhugetka mi eka welipköba malök. Mewö.

Uña Töröñan Samaria yengö urunine geyök.

¹⁴ Samaria ambazipnön Anutugören Buña keu mewö möt angön kölgeri, miangö buzupñan sehiba Jerusalem sitinön ani aposol yenön mötket. Yenön mi möta Pitö aka Jon meköba melaim etkigetka yengören anohot. ¹⁵ Anda angota yengöra aka köuluköba Uña Töröñan urunine gemapköra Kembu qesiyohot. ¹⁶ Könanji kewögöra qesiba köuluköyohot: Yenön Kembu Jisösgö qetñe o melun mem engigetmö, Uña Töröñan yengörenök kungö urunje qahö gei öne malget. ¹⁷ Miangöra köuluköba böröñiri nöropñine alohotka Uña Töröñan urunine geiga meget. Mewö.

Saimonön Uña Töröñi söngöröñi memamgö jiyök.

¹⁸ Aposol yetkөн böröñiri ambazip nöropñine alohotka Anutunön miangö dop Uña Töröñi yengö urunine aliga Saimonön mi eka moneñ memba kaba kewö jiyök, ¹⁹ "Inji mönö kukösum mewöñi mi nia kun niñgiyohotka memba böröni denike yengö nöropñine almami, Uña Töröñan mönö yengö urunine gema."

²⁰ Mewö jiyökmö, Pitönön kewö jim wangiyök, "Aek! Yapmakek! Göñön Anutugö kalemñi mi moneñnön söngöröñi memamgöra jizan. Miangöra gi mönö mon-engabuk könöp sianön geman. ²¹ Göhö urugan mönö Anutugö jeñe qahö diñgiza. Miangöra gi Buña keu ki-angö ölnji kun qahöpmahöp meman. ²² Bölönjamgeyök mönö urugi melenja Kembu köulukönönnga yanön uru mötmötkahö siñgisöndokñi mi mosötpawak. ²³ Göhö urugan mönö kömbuhiiga wösökömbuk ewö jula kokolak qem gihiza. Siñgisöndokan mönö kösö ewö köpeim gihiiga qaközan."

²⁴ Pitönön mewö jiiga suña jinanñi azi Saimonön kewö melenñ etkiyök, "Mönö nöngöra aka Kembugö köuluköyohotka keu jizahori, miangö ölnji kun qahö asuhum niñgibawak."

²⁵ Aposol yetkөн Kembugö Buña keu mi siti miangören nanğöba jiba jim asariba engömosöta anohot. Könanön anda Samaria prowinsgö mirinji mirinji liliköba ambazip urunini Ölöwak Buña keunön kungum engiba mala Jerusalem sitinön lilingöba anohot. Mewö.

Filipnön Afrika azi kungöra Buña keu jii mörök.

²⁶ Kembugören garata kunñan Filipköra keu kewö jii mörök, "Gi mönö Jerusalem siti mosöta Saut göröken anman. Gölime qararankölkölñe köna isikñi (walñi)

Gaza taonön gemakzei, mönö miangören anman."

²⁷ Mewö jii möta Filipnön amqeba mosöta anök. Anda Afrika azi kunñan mirinje lilingöba ani könanön mi-wikñaiyök. Yanön Etiopia kantrigö kandas qingö jem-bonñi öngöñgöñi aka ambi kembugö jakömbuak mirinje moneñ aka inap yuainji galöm köla malök.

Silenangö yuaigöra aka Juda azi akñamgö osiyökmö, töndup Anutugö waikñi memba möpöseimamgöra Jerusalem sitinön kayök.

²⁸ Kaba mirinje lilingömamgöra hos karenön öngöiga hosnön örögetka könanön anök. Miangören anda kezapqetok azi Aisaigö buk kötula oyonja tarök.

²⁹ Mewö aiga Uña Töröñan Filipköra sanep ala keu kewö jiyök, "Gi mönö hos kare miangö qöhöröñe anda mötöteiba anman." ³⁰ Uña Töröñan mewö jiiga miangörenök ösumñan kösutñe anök. Anda azinön kezapqetok azi Aisaigö buk miangö Buña keunji oyonñi mörök. Möta kewö qesim wangiyök, "Keu oyonñani, mi ölop möt asarizan me qahö?"

³¹ Qesim wangiiiga jiyök, "Kunñan qahö jim asariiga nanak mi denöwö möt asaribileñak?" Mewö jiiga hos karenön öngöiga mohotñe tarohot. ³² Buña Kimbi oyonñohi, mi kewö,

"Azinön lama qem yandibingöra memba wangitzei, yanön mönö miangö dop ösön sororöngöba ahöyök. Galömnjan lama moröñangö jupñi fitanön mitiiga qöhöröñe görön qeba tim gwirinji qahö kinjawi, yangö numbuñangö dop mönö qahö waumgöba ananjyök.

³³ Memba et al wangigetka kunñan keu jakeñe keunangö likepñi qahö nanğöba jiiga öne jim teköget. Gölmenön malmalñi mewö wangitket.

Gwölönarökurupñi qahö mewö kömuyök. Miangöra kunñan qet arenji könanñep qahö oyonja jima."

³⁴ Jembonön mi oyonja Filip kewö qesim wangiyök, "Kezapqetok azinön keu mi dagöra jiza? Mi nanñangöra me azi kungöra jiza? Gi ölop miangö könanji jinön mötpi." ³⁵ Qesim wangiiiga kezapqetok yengören Buzup Kimbinöhök könahiba Jisösgö Ölöwak Buña mi könanñambuk jim asarii mörök. ³⁶ Mewö er-aum möta könanön anda o kösutñe angorohotka qin jembonñan jiyök, "Eknön, o töwatñi ki ahöza. Miangöra gi ölop o melun mem niñgiman. Keu kunön angön köl gihiza me qahö?" ³⁷ (Mewö jiiga Filipnön jiyök, "Gi keu jibi mötzani, mi urugi jömk Anutugören ala möt narizan ewö, mi ölop akñam." Jiiga keu kewö melenñök, "Jisös Kraistnön Anutugö Nahönñi akza, nöñön mi möt narizal."

³⁸ Mewö melenja jim kutuiga hos kare jöhögetka mohotñamñire oe geba Filipnön o melun mem wangiyök. ³⁹ Mi mem wangiiiga onöhök korohotka Kembugö Uña Töröñan Filip wangiri öngöba sök aliga qin jembonñan i kunbuk qahö ehök. Qahö ehökmö, toroqeba sösongai qakñe miri gölmeñe Etiopia anök. ⁴⁰ Filipnön sök ala anda taon qetñi Asdod miangören asuhui miwikñaiget. Miangörenök toroqeba taonñi taonñi liliköba miangören Ölöwak Buña keunön am-

bazip uruñini kuñguba anda mala Sisaria taonöñ kanğorök. Mewö.

Kembunöñ Sol asuhum wañgiiga uruñi meleşnök.
Apo 22.6-16; 26.12-18

9 Nalö sutñe miangöreñ Solnöñ urukönöp qakñe kinda uru silenji bölam tepköiga Kembugö gwarekurupñi engum ureim engiba malök. Mewö mala jike nup galöm bohonñi yangöreñ anök. ²Yangöreñ anda kewö kuñguba qesiyök, "Köna dölökñi wuatangöba maljei, yengöreñök tosatñan Damaskus sitinöñ köröwen malje. Miangöra nönön ölop endu anda jarum engiba kun miwikñaimami, i mönö jöhöba wañgita Jerusalem sitinöñ kamam. Damaskus sitinöñ Juda neñgö köuluk miri galöm kölakzei, yeñon i angön köl engibepuköra mönö jimtekötekö kimbi ohoba niñginöñga memba anda kondel engimam." Mewö jii ohoi memba anök.

³Könanöñ anda mala Damaskus siti dopdowimamgö aiga yuai kun wölañ kewö asuhuyök: Asakmararañ kun Suepnöhök wölbilik ewö asuhuba eta liliköm wañgiyök. ⁴Liliköm wañgii tala gölmenöñ geba ahöba kouruk kun möriga keu kewö jii mörök, "Sol Sol, gi mönö wuanöñgöra sesewerowero qakñe al niñgizan?"

⁵Mewö jiiga Solnöñ qesiba jiyök, "Kembu, gi dañon?" Mewö jiiga meleşnök, "Ni Jisös sesewerowero qakñe al niñgimazani, ni mönö mi. ⁶Mi akzalmö, ölop wahöta sitinöñ anman. Miangöreñ anda wani yuai akñani, kunñan miangö buzupñi jii mötman."

⁷Azi yambuk köna anda malgeri, yeñon keuñini qahöwahiga tömtömimba kinget. Yeñon keu kouruk ölna mötketmö, azi kun qahö eket. ⁸Keu meleşniga Solnöñ gölmenöhök wahörökmö, jeñi uba yuai kun qahö eka jipjap kinök. Mewö kiniga böröñe memba Damaskus sitinöñ wañgita anget. ⁹Angetka wehön karöbut miangö dop jipjap mala o me nene kun qahö memba öne malök. Mewö.

Ananiasnöñ Sol o melun mem wañgiyök.

¹⁰Damaskus sitinöñ Jisösgö gwarekñi kun qetñi Ananias malök. Kembunöñ kutum wasöriga imut ehi-ga "Ananias!" qerök. Qetñi qeriga jiyök, "O Kembu, ni ki maljal."

¹¹Mewö jiiga jii mörök, "Gi mönö wahöta köna qetñi Köna Diñdiñ jimakzei, miangöreñ anman. Miangöreñ anda Judasgö mire öngöba Tarsus azi qetñi Solgöra qesiman. Mötnöñ, yañon ni köuluköm niñgiba tatza. ¹²Köuluköba tata uruñan imut kun kewö ehök: Azi qetñi Ananiasnöñ miriñi uruñe kanğota jeñi kunbuk tohomapköra böröñi nöropñe alma."

¹³Kembunöñ keu mewö jii möta meleşnök, "O Kembu, ambazip gwötpukñan azi miangö kösohotñi lök jiget möral. Yañon Jerusalem sitinöñ göhöreñ kö-nagesourup sarakñi mi gwötpuk engum ureim ak engiba malök. ¹⁴Jike nup galöm bohonñi yeñon nam köla kukösum wañgigetka Damaskus siti kiangöreñ mewöyök nup miyök memamgöra kayök. Ambazip göhö qetki qeta köulukömakzini, yañon mönö nini

körek pakpak neñgömemba jöhöm neñgimamgö mötza."

¹⁵Mewö meleşnökmö, Kembunöñ jii mörök, "Nönön azi mi meköm wañgibiga qetni bisiba nöngöra bim qeba malma. Mewö mala gölmenji gölmenji liliköba Buñani jim sehiiga Israel aka kian kantri ambazipnöñ mötme. Keu jakenji jakenji miangöreñ örogetka azi kembu gwötpuk yeñgö jeñine angota Buñani jii mötme. Miangöra mönö töndup anöñ. ¹⁶Yañon qetni bisiba miangöra sihimbölö gwötpuk mötma. Nönön miangö areñi kondel wañgimamgö mötza."

¹⁷Mewö jii möta Ananiasnöñ anda miri miangö uruñe öngöba böröyahötñi Solgö nöropñe ala jiyök, "Sol alani, köna namñe kanöñga Jisösnöñ asuhum gi-hiyöhi, Kembu miangön mönö melaim niñgiiga kazal. Göhö jegan kunbuk tohoiga Uña Töröñan urugi kokolak qemawangöra jiiga kazal." ¹⁸Mewö jiiga mi-angöreñök yuai sönuetñambuk tandök miangön jeñeyök tala et teköi jeñi tohoyök. Jeñi tohoiga ui asari-ga wahörök. Wahöta jiiga o melun mem wañgiyök.

¹⁹O melun mem wañgiiga nene memba köhöyök. Solnöñ köhöiba gwarek yeñgö sutñine Damaskus sitinöñ wehön tosatñi malök. Mewö.

Solnöñ Damaskus sitinöñ Buña nup meyök.

²⁰Mala miangöreñök wahöta Juda yeñgö köuluk miriñi miriñi miangöreñ öngöba Jisösgö könañi jim asariba ambazip uruñini kuñguba kewö jiyök, "Jisösnöñ mönö Anutugö nahönñi akza."

²¹Mewö jii möta körek yeñon auruba welipköba jiget, "Jerusalem sitinöñ qet mia qet köulukögeri, azi kiangön mi engum ureiba malök me qahö? Mewöñanök kiangöreñ kayöhi, mi mönö nini jöhöba neñguangita jike nup galöm bohonñi yeñgö böröñine al neñgimamgöra kayök. Miangöra mönö denöwö letota nanñak Anutugö keu miyök nañgöba jiza?"

²²Mewö jigetmö, Anutunöñ Sol ösum-mumu wañgii kunbuk köhöiba malök. Köhöiba mala Juda ambazip Damaskus sitinöñ malgeri, yeñgö uruñini kuñguba kewö jiba malök, "Jisösnöñ ölna Anutugöreñ Amötqeqe Toñi Kraist akza." Keu mi jim köhöiba könañi kondela maliga yeñon köñkuñ aka keu mi qeapköbingö osiba malget.

²³†Silim gwötpuk teköiga miangöreñ Juda yeñon tokoba keu nup memba Sol qeget kömumapkö angö-nanji alget. ²⁴Angönanji algetmö, miangö buzupñi mi Solgö kezapñe gei mörök. Solnöñ Damaskus siti mosötmamgö aiga miangöreñ qeget kömumapköra siti kiripo nañguñe yangöra sunğem asak je galöm memba malget. ²⁵Mewö memba malgetmö, gwarekurupñan sunğem kunöñ sakap (misak) ketañi memba kösönöñ jöhöba Sol sakapnöñ ala siti selgö kinimñeyök alget geba anök. Mewö.

Solnön Jerusalem kusukñanök anda malök.

²⁶ Solnön anda Jerusalem sitinön angota Jisösgö gwarekurup yembuk esapköba toroqeyökmö, körek yeñön Sol gwarek aka malöhi, mi qahö möt nariger-anğöra aka yanğöra keñgötñini mötket. ²⁷ Keñgötñini mötketmö, azi qetñi Barnabas yanğön ala ak wañgiba köyan köla wañgita aposol yeñgören anda kondela kösohotñi kewö jim asarim engiyök, "Sol azi kianön könanön kaiga Kembunön asuhum wañgii ehiga keunji jii mörök aka könangep Jisösgö qetñi mi Damaskus sitinön jim asariba köhöikñanök uru kungum engiba malök."

²⁸ Kösohotñi mewö jim asarim enjiiga yembuk toroqeba Jerusalem siti uruñe liliköba awösamkakak kinda Kembangö qetñi aukñe qeta ambazip urukungukungu köhöikñi al engiba malök. ²⁹ Mi al engiba mala Juda ambazip Grik keu möta malgeri, yembuk eraum möta möndömkösök keu melenqelen ahökmö, yeñön Sol kapañ köla qeget kömumapkö mötket. ³⁰ Mi esapkögetka alaurupñan Sol miwikñaiba wañgita Sisaria taonön anda kinda melaigetka nanñök toroqeba ahuahua taonñi qetñi Tarsus miangören anök. Mewö.

Urumelen kambu yeñön luainön malget.

³¹ Solnön uruñi melenñiga miangö andöñe urumelen könagesö pakpak Judia, Galili aka Samaria prowins dop köla malgeri, yeñön luai miwikñaigetka Uña Töröñan i mem köhöiba nanğöm enjiiga malget. Mewö mutulanğöba Kembangö keunji ongitpinbuköra keñgötñini möta nup megetka urumelen könagesönjnan qarim sehiiga malget. Mewö.

Pitönön Lida azi kun mem ölöwahök.

³² Pitönön mirinji mirinji liliköba Jisösgö könagesö sarakñi engeka anda mala nalö kunön taon qetñi Lida miangören anğörök. ³³ Angota miangören azi kun qetñi Ainas miwikñaiyök. Likepñi kömukömunji aiga dumnöhök ahöba mali (yara) yambu 8 teköyök. ³⁴ Pitönön i miwikñaiba kewö jiyök, "Ainas, Jisös Kraistnön gi mem ölöwak gihiza. Miangöra mönö wahöta tumbulahöpki qezaköman." Mewö jiiga miangörenök wahörök. ³⁵ Mewö asuhuiga Lida aka Saron ambazip pakpak yeñön i eka uruñini melenđa Kembangören qekötahöget. Mewö.

Pitönön Jopa anda Tabita mem guliyök.

³⁶ Jopa taonön gwarek ambi kun qetñi Tabita malök. (Qet mi Grik keunön Dorkas, nanine keunön teu, Inğlis keunön deer.) Yanğön nalö dop nup ölöpñi ölöpñi memba kalem sehisehñi mendenđa ambazip etqeqeñi bauköm engiba malök. ³⁷ Pitönön gölme miangören mali Tabitanön nalö miangören kawöl asuhum wañgii kömuyök. Kömui qamötñi sanğonđa memba miri uruñi kunön öngöba alget.

³⁸ Lida mi Jopa taon kösutñe tarök. Miangöra Pitönön Lida malöhi, gwarek yeñön mi möta azi yahöt melaim

etkigetka anda Pitö kewö qesim wañgiyohot, "Gi mönö zilañ kanönğa netpuk Jopa taonön anbin." ³⁹ Qesim wañgiyohotka miangörenök amqeba yetpuk anget. Anda anğotketka qamöt miri uruñe ahöyohañgören wañgita öngöget. Öngögetka ambi malö pakpak Pitö liliköba sahöta Dorkasnön yembuk mala opo maluku uhum memba engiyöhi, mi kondel wañgiget. ⁴⁰ Kondel wañgigetmö, Pitönön jii körek yeñön gem tekögetka simin köla köuluköyök. Köuluköm teköba qamöt mesohol köla kewö jiyök, "Tabita, mönö wahötnön." Mewö jiiga jeni uba Pitö eka wahöta tarök.

⁴¹ Tariga Pitönön böröñe memba kököbihiiga wahöta kinök. Kiniga urumelen alaurupñi aka ambi malö engoholi öngöget. Öngögetka kömupnöhök guliba wahöröhi, ambi mi jemesoholñine ali eket. ⁴² Miangö keu buzupñi mi Jopa uruñe miri dop ani möta ambazip gwötpukñan könahiba Kembu möt narim wañgiget. ⁴³ Pitönön Jopa miangören sömanji tosatñi toroqeba mala Saimongö mire tata ahöyök. Azi mi köna esu memegöra bulmakau silenji urasiba sanğonđa möhamğöba malök. Mewö.

Korniliusnön Pitö ohola uruñi melenñök.

10 Taon qetñi Sisaria miangören suahö galöm kianji kun qetñi Kornilius malök. Yanğön yarö kambu bahönji kun qetñi "Italigö yarö kambu" qetkeri, miangören yarö azi 100 yeñgö galömñina malök. ² Yanğön saiwaurupñi pakpak yembuk Anutu göda qeba waikñi memba möpöseiba malget. Mewö malgetka Juda ambazip wanapñi yeñgöra kalem sehisehñi engiba Anutu qösösök (qörörök) köuluköba malök. ³ Mare kunön 3 kilok miangö dop aiga Kembunön Kornilius kutum wasöriga imut kun ehök. Imut törörök eka miangören Anutugören garata kunñan mirinje öngöi ehök. Garata mianğön öngöba "Kornilius!" jiba qetñi qerök.

⁴ Mewö qeriga garata ehiba sömbunji möta jiyök, "Ketanjamni, wanigöra ki kazan?" Mewö jiiga melenñök, "Gi köuluköba malnönğa keugi Anutugören öngöiga möri ölöwakza. Gi ambazip wanapñi kalemñi kalemñi mendenj engimakzani, mi Anutunön möta anğön köla göhöra mötmöröiba melaim niñgiiga kazal. ⁵ Miangöra mönö döлки kolek alnönğa Jopa taonön aniga azi qetñi Saimon, qetñi kun Pitö qetzei, ia wañgita kame. ⁶ Yanğön sömbup silenğö nup meme azi qetñi Saimon yanğö mire köwet jitñe miangören malja."

⁷ Suet garatanön Korniliusgöra keu mewö jibagun mosöta anök. Mosöta aniga welenqeqeñi yahöt etkoholi kayohot. Kayohotka yarö azi kun kösutñeyök kapañ köla Anutu göda qeba malohori, i mewöyök oholi kayök. ⁸ Kagetka garatagören keu mi körek jii mötketka melaim enji Jopa taonön anget. Mewö.

Kembunön Pitö kutum wasöriga imut ehök.

⁹ Azi yeñön könanön angetka miri gianji taon dopdowigetka silim bibinje miangören Pitönön miri uruñi kun eu miangören öngöba kinda köuluköyök. ¹⁰ Kinda

köuluköba nenegö kömumba yuai nemamgö möta jii ohoget. Ohogetka nalö miangöreñ Kembangö alburupñan qeiga tata imut kun kewö ehök: ¹¹ Suepnöñ añañiiga könde ketanji kun erök. Könde mi opo tuatñi ketanjangö tandök ewö ahök. Garata yeñon yuai miangö wanngömñi 4 miangöreñ memba nanngöbeak, miangö tandök ewö gölmenöñ erök. ¹² Yuai miangö uruñe sömbup könañi könañi tatket. Sömbup tosatñan köna 4:ñan tiba anakze. Tosatñan wösönöñ ölöñgöba anakze. Mewöyök neiñi neiñi könakemba bölbölgöba anakzei, yuai mewöñi mewöñi mi könde miangö uruñe mohotñe etiket. ¹³ Etketka miangöreñ qet kun asuhaba keu kewö jii mörök, "Pitö, gi mönö wahöta yuai ki qeba ohoba nenöñ."

¹⁴ Mewö jii mörökmö, Pitönöñ jiyök, "O Kambu, mewö qahö kötökñi! Mi dönqizinñambuk. Ni nalö kunöñ yuai anngöjörakñambuk mi kude neal. Ni miangöra imbilonñon mötzal."

¹⁵ Mewö jiiga qet miangön kunbuk asuhaba yanngöra jiyök, "Anutunöñ yuai jim köñjörari ahözawi, göñon miangö qetñi anngöjörakñambuk mewö qetnongga qahö dop kölja." ¹⁶ Yuai mewöñi mi kunbuk asuhui indimñi karöbut ahök. Indimñi karöbut aiga miangöreñök könde mi kunbuk örögetka Suepnöñ öngöyök.

¹⁷ Pitönöñ imut mi eka miangö könañangöra köñkun aka mötmamgö möt bibihiba tarök. Mewö tariga nalö miangöreñök Korniliusnöñ azi melaim engii kaba Saimongö miri jaruba miangöra qequesi aka miwikñaiba kangota miri nannguñe kinget. ¹⁸ Miri nannguñe kinda kewö qeta qesiget, "Saimon qetñi alanji Pitö qetzei, yanñon miri kiangöreñ malja me qahö?"

¹⁹ Pitönöñ toroqeba imut miangö könañangöra möt bibihiba tariga Uña Töröñan kewö jii mörök, "Mötnöñ, azi karöbutñan kaba gi jarum gihize. ²⁰ Nöñon azi mi melaim engibiga ki kaze. Miangöra mönö döлки wahöta geba uruyahöt mosöta yembuk anman." ²¹ Mewö jiiga Pitönöñ azi miangöreñ geba jiyök, "Mötket, inñi azi jaruzei, nöñon mia akzal. Mönö denöwögöra kaze?"

²² Jiiga melenget, "Suahö galöm Kornilius mi azi diñdiñi akza. Yanñon Anutu waikñi memba möpöseiba mali Juda ambazip kambu körek yeñon göda öngöñgöñi qem wanngimakze. Anutugö garata töröñi kunñan asuhum wanngiba kewö jim kutui mörök, 'Gi mönö kolek ala Pitö köl öröm wannginongga mirige öngöba keu uruñeyök jimawi, mi kezap ala mötman.'"

²³ Mewö melengetka öröm engii miri uruñe öngögetka köyan köl engii köisirik tata ahöget. Ahögetka miri giangiiga Pitönöñ wahöta yembuk anök. Jopa taon miangöreñök ala tosatñi engömeiga yambuk mohotñe anget. Mewö.

Pitönöñ kian ambazip yembuk tokoget.

²⁴ Mohotñe anda sömañi mohot ahöba anda mala Sisaria taonöñ anngotket. Anngotketka Korniliusnöñ yeñgö mamböt aka malök. Mewö mala tinitosolom aka alaurupñi ölöñi mi köl öröm engii miriñe tokoba tatket. ²⁵ Anngota Pitönöñ mire öngömamgö aiga Korniliusnöñ wahöta eta jölöñi jiba könañe geba sipköm

wanngiyök. ²⁶ Sipköm wanngiyökmö, Pitönöñ böröñe memba kököbihiiga wahöri kewö jiyök, "Mönö wahötnöñ, nia kun gölme aziyök akzal."

²⁷ Mewö jii yambuk eraum möta miri uruñe öngöyohotka ambazip gwötpukñan tokoba tatkeri, mi engehök. ²⁸ Engeka kewö jii mötket, "Inñi Juda ambazip neñgö könañamnini mötze. Juda nini ambazip kianñi enngö mire öngöba embuk köisirik tatatkö songo ahöi osizin. Mi osizinmö, Anutunöñ keuñi kun kondel ninggiba kewö jiyök, 'Göñon ambazip inñi wainji yeñgö qetñini mi anngöjörak imbilonñonambuk mewö kude qetman.'"
²⁹ Miangöra inñi kolek ala köl öröm ninggigetka nöñon qahö qetala kaba kangotzal. Kangota kewö qesizal: Inñi mönö wuanngöra kolek ala köl öröm ninggiget? Mi ölöñ jiget mötpi."

³⁰ Mewö jiiga Korniliusnöñ melenñök, "Ni mare kunöñ nalö kewöñe 3 kilok miangöreñ mirine tata köuluk nup memba mala kotpi merak sömañi 4 akza. Köuluk nup memba malbiga miangöreñök azi kun sileötañi asakmaranambuk miangön asuhaba wösöne kinök. ³¹ "Wösöne kinda kewö jiyök, 'Kornilius, gi köuluköba malnongga keugi Anutugöreñ öngöiga möri ölöwakza. Gi kalemñi kalemñi ambazip wanapñi mendenñ engimazani, mi Anutunöñ möta anngön köla göhöra mötmöriba melaim ninggiiga kazal. ³² Miangöra mönö döлки kolek alnongga Jopa taonöñ aniga azi qetñi Saimon, qetñi kun Pitö qetzei, ia wanngita kame. Yanñon sömbup silenangö nup meme azi Saimon yanngö mire köwet jitñe malja."

³³ "Mewö jiyöhangöra aka nöñon miangöreñök kolek albiba göhöreñ kaget. Göñon keuni möta kanganngöra uruni ölöwakza. Kambunöñ keu pakpak jimangö jim kutum gihiyöhi, göñon mi ölöñ jinöñ mötpin. Nini pakpak döлки miangöra tokoba Anutugö jemesoholñe ki tatzin." Mewö.

Pitönöñ Korniliusgö mire Buña keu jiyök.

³⁴ †Korniliusnöñ mewö jiiga Pitönöñ könahiba kewö jiyök, "Aha! Anutunöñ ambazip tosatñi qahö engek soriba tosatñi qahö qepureim engimazapmö, dop mohotnöñ kewöt neñgimakza. Yanngö jeñe kunñan anngöjörakñambuk qahö akza. Nöñon mi döлки ölna möt kutuzal.

³⁵ "Mewö qahöpmö, ambazip kambuñi kambuñi körek yeñgö sutñine denike yeñgöreñök kunñan Anutu waikñi memba möpöseiba aiakanan köna diñdiñi wuatangözawi, yanñon mönö Anutugö jeñe dop kölja. ³⁶ Jisös Kraistnöñ ambazip körek neñgö Kembuya aka luai qem neñgimakzawi, Anutunöñ Buña keuñi mi Israel könagesö neñgöreñ ali kayök. Buña miangön kaiga nini miangö Ölöwak Buñañi jim asariba maljin.

³⁷ Jonöñ ambazip uruñini kunnguba kewö jiyök, "Inñi mönö uruñini melengetka nöñon o melun mem enngimam." Mewö jiiga miangö andöñe keu mi Galili prowinsnöñ könahiba jiget sehiba anda Judia prowinsnöñ anngota körek dop kölö. Inñi mi lök mötze.

† 10.34 Dut 10.17

³⁸ “Anutunöŋ Uŋa Töröŋi Nazaret azi Jisösgö uruŋe mokoiga kukösum buŋa qem aŋguba gölme dop liliköba malöhi, mi yambuk kiniga anda ambazip ak kömum enŋiyök. Bölöŋaŋgö Toŋan ambazip ösumŋan jöhöba öröm enŋii geŋeri, yaŋön mi pakpak mem ölöwak enŋim teköyök. ³⁹ Yuai mi Juda neŋgö gölmenöŋ aka Jerusalem sitinöŋ aka memba maliga ip kembra ala qeget kömuyök. Nini mi pakpak eka naŋgöba jiba danŋunŋi aka kinjin. ⁴⁰ Kömumba ahöi sömaŋi karöbut aiga Anutunöŋ mem gulii wahörök. Wahöta indimŋi gwötŋpak ambazip asuhum enŋiyök.

⁴¹ “Yaŋön ambazip kambu pakpak yeŋgöra qahö asuhuyökmö, Anutunöŋ mutuhök nini möwölöhöm neŋgiiga Jisösnöŋ kömupnöhök wahöta malöhi, nalö miangöreŋ yambuk keu eram möta nene aŋgum nem malini, mönö neŋgöra asuhuiga nini miangö keuŋi naŋgöba jiba kinjin. ⁴² Mewö kininga Jisösnöŋ kewö jim kutum neŋgiyök, ‘Anutunöŋ kuŋgum niŋgiiga nöŋön ambazip maljei aka kömuger, yeŋgöreŋ jimtekötekö Toŋina akal. Miangöra enön mönö nöŋgö könaŋamni mi ambazip kambu dop yeŋgöra naŋgöba jim asariba malme.’ ⁴³ Ambazip denike yeŋön Jisös möt narim waŋgiba qetŋi qerakzei, Anutunöŋ mönö qet mi möta yeŋgö siŋgisöndokŋini mosöta saŋoŋmakza. Yaŋgö könaŋamŋi mewö ahözawi, mi kezapqetok ambazip körek yeŋön naŋgöba jim asariba ohoget ahöza.” Mewö

Uŋa Töröŋan kian ambazip yeŋgöreŋ erök.

⁴⁴ Pitönöŋ keu mewö jibayök kiniga Uŋa Töröŋan ambazip kezap ala mötkeri, yeŋgö uruŋine geyök. ⁴⁵ Anutunöŋ Uŋa Töröŋ kalemŋi mi kian ambazip yeŋgö uruŋine mewöyök moko geyöhi, mi Pitögö alauruŋan eka auruget. Juda ambazip silenine Anutugö aiwesökŋi yandigetka uruŋini melenŋa Jisös möt nariba Pitö wuatangöba kaba tatkeri, mienön mönö auruba kewögöra welipköget: ⁴⁶ Yeŋön kantri tosatŋi yeŋgö keuŋini murutŋi murutŋi könahiba jiba Anutu möpöseiget. Miangöra welipkögetka Pitönöŋ kewö qesiba jiyök, ⁴⁷ “Yeŋön Uŋa Töröŋi mi neŋön ahin ewö aŋgön köla buŋa qem aŋguzei, mi mötzin. Miangöra i ölöp o melun mem enŋiinga dop kölma. Mi ahinga danön qetal neŋgibawak?”

⁴⁸ Mewö jiba jim kutum enŋiiga Pitögö alauruŋan kinda Jisös Kraistkö qetŋe Kornilius saiwauruŋi o melun mem enŋiget. O melun mem enŋigetka Pitö aŋgön köl waŋgigetka toroqeba silim tosatŋi yembuk malök. Mewö.

Pitönöŋ Jerusalem anda nupŋaŋgö kösohotŋi jiyök.

11 Kian kantri yeŋön mewöyök Anutugöreŋ keu memba aŋgön kölgeri, miangö buzupŋi mi aposol aka urumelen alaurup Judia prowins dop köla mala mötket. ² Miangöra Pitönöŋ Jerusalem sitinöŋ lil-ingöba öngöiga Juda silenine Anutugö aiwesök yandigetka uruŋini melenŋeri, yeŋön jijiwilit (jelikit) aka jim waŋgiget. ³ Jim waŋgiba kewö jiget, “Kian kantri azi

Anutugö aiwesökŋ qahö maljei, gi mönö wuanöŋgöra anda yembuk köisirik tata nene nenöŋ? Mi qahö dop kölja.” ⁴ Mewö jigetka könakönahineyök könahiba yuai asuhuyöhi, mi körek pakpak areŋambuk jim asarim enŋiba kewö jiyök,

⁵ “Nöŋön Jopa sitinöŋ mala köuluköbiga Kembra al-burupŋan nuŋguiga tata imut kun kewö ehal: Suepnöŋ aŋaŋiiga könde ketanŋi kun erök. Könde mi opo tu-atŋi ketanŋaŋgö tandök ewö ahök. Garata yeŋön yuai miangö waŋgöŋni 4 miangöreŋ memba naŋgöbeak, miangö tandök ewö nöŋgö kösutneyök eta ahöyök.

⁶ Eta ahöiga yuai miangö uruŋe törörök ekiga sömbup könaŋi könaŋi miangöreŋ tatket. Sömbup tosatŋi mi gölmenöŋ köna 4:ŋan tiba anakze. Tosatŋi kalŋi könöŋŋinambuk akze. Tosatŋan wösöŋinan ölölöŋgöba anakze. Mewöyök nei könaŋi könaŋi könakemba bölbölgöba anakzei, yuai mewö mi könde miangö uruŋe mohotŋe etketka engehal. ⁷ Engekiga qet kun mewöyök asuha kewö jii möral, ‘Pitö, mönö wahöta yuai ki qeba ohoba nenöŋ.’

⁸ “Mewö möralmö, nöŋön kewö jial, ‘O Kambu, ni miangöra imbilonŋon mötzal. Yuai dönqizin aŋgöjörakŋambuk mewöŋi mi nalö kungen nöŋgö numbunan qahö oseiyök. Miangöra mi mönö qahö kötökŋi nemam.’ ⁹ Mewö jibiga qet miangön kunbuk Suepnöhök asuha kewö jiyök, ‘Anutunöŋ yuai jim könjörari ahözawi, göŋön miangö qetŋi aŋgöjörakŋambuk mewö kude qetman.’ ¹⁰ Yuai mewöŋi mi indimŋi karöbut asuhuyök. Mewö asuhuiga yuai pakpak mi kunbuk örögetka Suepnöŋ lilingöba öngöyök. ¹¹ Öngöba at atop (jiataton) köliga nalö miangöreŋök Korniliusnöŋ Sisaria taonöhök azi karöbut melaim enŋii nöŋgöreŋ kageri, yeŋön miri tarini, miangö naŋgunŋe kinget.

¹² “Naŋgunŋe kingetka Uŋanöŋ kewö jim kutum niŋgi möral, ‘Gi mönö uruyahöt yaköriba yembuk anman.’ Keu mi mötpiga urumelen alaurupni 6 yeŋön mewöyök Jopa mosöta nömbuk Sisaria taonöŋ anin. Sisaria aŋgota suahö galöm miangö mire öngöin.

¹³ Öngöinga keu kösohot kewö ak neŋgiyök, ‘Garata kuŋan nöŋgö mire asuhuiga ekiga kinda kewö jii möral: Gi mönö Jopa mire kolek ala azi qetŋi Saimon, qetŋi kun Pitö i waŋgita kaget. ¹⁴ Yaŋön kaiga Buŋa keu jiiga gi aka saiwaurupkan mi möt nariba uruŋini melengetka körek amöt qem enŋiiga letotme.’

¹⁵ “Kösohot mi ak enŋiiga nöŋön könahiba Buŋa keu jial. Mi jibi mötketka Uŋa Töröŋan könakönahine neŋgö urunine geyöhi, mönö miangö dop kezap ala mötketka yeŋgö uruŋine mohot geyök. ¹⁶ †Yaŋön geiga ekiga miangöreŋök Kembra keu kun nöŋgö mötmöt-nöŋ kaŋgori mötmörial. Keu mi kewö, ‘Jonöŋ o töhönöŋ melun mem enŋiyökmö, nöŋön Uŋa Töröŋi uruŋine ala miangön melun mem enŋimam.’ ¹⁷ Neŋön Kambu Jisös Kraist möt narim waŋgiinga Anutunöŋ kalemŋi neŋgiyöhi aka yeŋön möt narigetka Anutunöŋ kalemŋi miyök enŋö uruŋine mewöyök alök. Miangöra aka ni ewöŋan mönö denöwö Anutu kukösum Toŋi

esapköba qetal wangibilejak? Yanön mewö ak engiiga nöñön angön köl wangimamgö osial.”

¹⁸ Pitönöñ kösohotnji mewö jii möta urunini amörii böñjön aiga Anutu möpöseiba kewö jiget, “Ölña, nini urunini melenäda malmal köhöiknañgö buñaya akzin mötzinmö, Anutunön köna mohot mi kian kantri ambazip yengöra mewöyök al engii ahöza. Mi mönö dölki asariba möt kutuzin.” Mewö.

Kian kantrinön urumelen kambu mutuknji asuhuyök.

¹⁹ †Stiwen qeget kömuyöhangöra aka kahasililin asuhiiga urumelen ambazipnön denäda liliköba anda kaget. Anda kagetka tosatñan köwet jitñe Fonisia gölmenön anget. Tosatñan köwet kutuba gölme jölanñi qetñi Saiprus miangören anget. Tosatñan Siria prowinsgö sitiñi qetñi Antiokia anget. Mewö denäda angetmö, ambazip sutñine Jisösgö Buña keu mi Juda ambazip yengörök jigetka mötket. Kian kantri yengöra mi qahö jiget. ²⁰ Qahö jigetmö, Saiprus aka Sairini azi tosatñan yengö sutñine malget. Yenön kian gölmenön qariba Antiokia sitinön kanjuta gölme toñi yembuk Grik keunön eraum möta Kembu Jisösgö Ölöwak Buña mi mewö Juda qahö yengöra mewöyök jim asarim engiget. ²¹ Mi jim asarim engigetka Kembunön yembuk mali ösumñan ambazip urunini kungum engii gwötpuk yenön Kembu Jisös möt nariba urunini melenäda yangören qekötahögetka kambunini qariiga ketanji ahök.

²² Mewö aiga miangö buzupñan anda Jerusalem könagesö yengö kezapñine gei mötket. Mi möta Barnabas melaigetka Antiokia sitinön anök. ²³ Anda angota Anutunön kalem möriamñi ambazip engii ölöwakeri, mi jeñan eka möri öngöi söñgaiba qambanji kewö jiyök, “Inini mönö körek pakpak urunini qezaköba köhöiba Kembubuk qekötahöba kinme.” ²⁴ Barnabasnön azi ölöpñi aiga Uña Törönñan urunji kokolak qeiga uruyahöt andö qeba urunji jömuk miangön Jisös möt narim wangiba malök. Miangöra ambazip gwötpukñan urunini melenäda Kembangö kambunön toroqetka qariyök.

²⁵ Barnabasnön Antiokia mosöta Sol jarumamgöra Tarsus taonön anök. ²⁶ Anda miwikñaiba wangiri Antiokia sitinön kayohot. Kaba miangören möhotñamñire (yara) yambu mohot jömukñanök mala zioz nup memba urunini melenjeri, mi kambunji kambunji köla kusum engiyohotka ambazip gwötpukñan mötmöt memba urukönömñine alget. Antiokia ambazipnön mutuknji könahiba gwarek qetñini Kraistkö alaurup (kristen, Kraistkö buña) qeta malget. Mewö.

Kian kantrigö urumelen yenön Juda nanngöm engiget.

²⁷ Nalö miangören kezapqetok ambazip tosatñan Jerusalem mosöta Antiokia sitinön eta kanjutket. ²⁸ ††Yengörenök kun qetñi Agabus mi wahöta Uña Törönñan sölölohöi buzup keu kewö jii mötket, “Bödi ketanjan asuhuba gölmenji gölmenji dop köla ahöma.”

† 11.19 Apo 8.1-4 †† 11.28 Apo 21.10

Mewö jiiga miangö dop sisa kin qetñi Klodius yangö galömkölköl nalöñe asuhuyök. ²⁹ Mi asuhiiga gwarek yenön mindiriba urumelen alaurupñini Judia prowinsnön malgeri, mi nanngöm engiba mindimindiri naluk ketanji alget anmapkö keu jöhöget. ³⁰ Keu mi jöhöget aka miangö dop ölña aket. Yenön moneñ aka yuai tokoba Barnabas Sol yetkö börönñire ala melaim etkigetka Jerusalem anda urumelen könagesö yengö jitñememurupñini engeka engiyohot. Mewö.

Herodnön Jeims qeba Pitö kösö mire alök.

12 Nalö miangören kin Herodnön † urumelen könagesö sesewerowero mem engibingö möta jiga urumelen ambazip tosatñi engimemba jöhöm engiget. ² Kinñon jiiga Jongö datñi Jeims mi bimgö sou ketanjan qegetka kömuyök.

³ Mewö jii kömuiga Juda ambazip tosatñan mi mötket ölöwahiga ehök. Mi eka miangöra toroqeba jiga Pitö mewöyök memba jöhöget. Yuai mi beret yistñi qahöpkö kendon nalöñe jiiga asuhuyök. ⁴ ††Miangöra kinñon kewö jiyök, “Nöñön ak-kömukömu kendon †† teköiga Juda yengö keu jakeñe almam.” Mewö jiba jii kösö mire alget. Algetka yarö azi 16 yenön sutñine kambu 4 köla nalö utekutek aketka azi 4:ñan sundan sungem asak kindä galöm mem wangiba malget. ⁵ Pitö mewö galöm mem wangiba malgetka kösö mire ahöyökmö, urumelen könagesö yenön sundan dop yangöra aka Anutu kapan köla köuluköba malget. Mewö.

Suep garatanön Pitö pösata wangita erök.

⁶ Köuluköba malgetka ak-kömukömu (Pasowa) kendon teköiga sungem miangören yarö azi yahötñan Pitö tapep (munngamunnga) yahötñon jöhöm köhöiyohotka sutñire gaun ahöyök aka wahibuk tosatñan nanngu andöñe kindä kösö miri galöm meget. Kin Herodnön miri gianjiiga Pitö wangita keu jakeñe almamgö mötmöriiba areñ ali gaun ahöget. ⁷ Gaun ahögetmö, Kembangö garata kunñan wölan asuhuba Pitö qöhöröñe kini kösö mirigö urunji asarim teköi Pitögö nambulñe qeba jiyök, “Mönö zilañ wahötñon.” Mewö jii tapep (munngamunnga) yahötñan miangörenök Pitögö börönñeyök öne sulohot. ⁸ Sulohotka garatanön jii mörök, “Mönö opogi jöhöba köna esugi utnön.” Mi möta mewö ahök. Mi aiga toroqeba jii mörök, “Mönö malukugi kölnön geiga ni nuatangöba kaman.”

⁹ Mewö jii möta miri urunji mosöta wuatangöyök. I wuatangöba anökmö, garatanön yuai ahöhi, mi ölña asuhuyök me qahö, yanön miangöra möri janjun ahök. Yanön gaun ahöba imut ehöhi, miangö tandök-tandök möri ahök. ¹⁰ Miri urunji mosöta nanngu mutukñe galöm memba kinohori, mi etkongita nanngu

‡ Kin Herod Agripa I (mutukñi) yanön (yara) yambu 37-44 miangören Palestin pakpak galöm köl engiba malök. †† 12.4 Eks 12.1-27 †† Pasowa nanine keunön qetñi alañi mi walöñsörak aka goukölköl. Israel ambazip yenön Ijijt mala nanngunini sepnön mirigetka Anutugö garatanön nenjehoriba nenngongita morö mutukñini qahö engui kömuget.

kunön angota etkongita öne kutuba anda kösö miri silejanjö ain kiripone angorohot. Angorohotka nanju köhöikñi ketanji mianjön mönö nanjök öne taliga yaigepne siti köna numbuñe geyohot. Geba köna namñi strit kun toroqeba anohotka garatanön wölanj Pitö mosöta sök alök.

¹¹ Sök aliga Pitögö urunji tohoiga kewö jiyök, "O Kembunön mönö garatanji melaii kaba Herodgö böröñeyök meköm niñgiza, mi mötzal. Juda ambazipnön nongö silene yuai asuhumapköra mambötzei, yanjön mönö yuai pakpak mianggörenjök bohoni jöhöza. Nönjön dölkü mi ölña möt kutuzal."

¹² Mewö möt kutui asariiga Jongö namñi Mariagö mirinön göröken anök. Jon mianggö qetñi kun Mak qetket. Miri mianggörenj ambazip gwötpukñan tokoba Anutu köuluköba malget. ¹³ Mewö malgetka Pitönönj kaba söndaknönj kinda nangunönj qeyök. Nangunönj qeiga welenqege ambi qetñi Roda yanjön kaba "Gi danjön?" jiba qesiyök. ¹⁴ Qesiba kinda Pitögö jölñi möt kutuba "I-ia kazañ!" jiba söñgaiba luhuba nanju qahö öröba ösumñan miri urunje öngöba jiyök, "Pitönönj kaba nangunönj kinja." ¹⁵ Jii möta yanggöra "Urugi sohoi jizan," jiget. Jigetmö, yanjön bohön köla "Keu ölña jizal!" jiyök. Mewö jiiga jiget, "Mi mönö Pitögö garatanjan kinja."

¹⁶ Mewö eraum mötketmö, Pitönönj nanju qebayök kiniga öröba eka aurugot. ¹⁷ Aurugotka böröñan söpsöp ala ölön almegö jiyök. Jiba Kembunönj kösö mireyök wangiri yaigepne eröhi, kösohot mi jiyök, "Injini buzup ki mönö bisop Jeims aka urumelenj alaurup tosatñi yenggöra jigetka mötme." Mewö jiba enggömosöta miri kungen anök. Mewö.

Pitönönj kösö miri mosöriga Herodgö irimñi seholyök.

¹⁸ Miri gianjiiga yarö azi yanjön Pitö jaruba "Denike sömuniba sök ala anja?" jiba mianggöra kahasililij aka waimanjat ketanji mötket. ¹⁹ Herodnönj mewöyök Pitö miwikñajimegö jii jarum bibihiba qahö miwikñajigetka azi wahibuk Pitögö galöm megeri, mi keu jakenje ala gwötpuk qesim engiba jim teköba enguangita engugot kömumegö jim kutum engiyök. Mianggö andönje Judia prowins mosöta Sisaria taonönj geba mianggörenj malök. Mewö.

Anutunönj kin Herod kitipñi wangii kömuyök.

²⁰ Fonia prowinsgö taon qetñiri Taiö aka Saidon yanjön nenegö nupñini mbingö osiba kin Herodkö kantri yenggörenjök nene yuainini bohönji memba malget. Mewö malgetka Herodkö irimñi seholiiga Taiö Saidon kerök ak engiba nene engimegö songo alök. Mianggöra yanjön mindiriba jitñememurupñini melaim engigetka kambu köla kin Herod ekingöra anget. Angetka jembonñi qetñi Blastus jakömbuak mirinanggö galömñan i mutuk enggehök. Enggehiga jiget, "Nini keu jim solaniinga luai ahumapkö qesibingöra kazin."

† Kösö azinön ölön kölbawak, azi wahibuk mi mönö engugotka kömuzema. Rom gawman nupkö areñi mewö. Mianggöra kahasililij aka waimanjat ketanji mötket.

Mewö jiba jim mölöwörim ak wangigetka jiyök, "Ölöp keunji kötöngöba andönjine kinmam."

²¹ Mewö jiiga kinñönj keu melenj engimamgö nalö mem engiiga mianggörenj tokogetka nanñi sileñi menjölöba kin azi kembugö malukuñi köla eta jakömbuak dum tatatñe tata yenggöra sösongai keu jiyök.

²² Jiiga ambazip kambu yanjön möta kewö jiba qetket, "Keu mi Anutugörenj keuya. Mi gölme azigö keuya qahö." ²³ Mewö qetketmö, kinñönj mewö aka Anutugö qetbuñanji qañ köla qahö möpöseiba nanñi möri öngöyök. Mianggöra Kembugörenj Suep garata kunñan mianggörenjök qei döñönönj yöhösii kömuyök. ²⁴ Mewö asuhuyökmö, Anutugörenj Buña keu mi jiba malgetka töhötmöriamñambuk aka sehiyök.

²⁵ Antiokia siti yanjön Barnabas aka Sol nangönanggö misin nup kun † etkigeri, yetköm mi Jerusalem mala meköyohot teköyök. Mi teköiga Jon qetñi kun Mak qetkeri, i wangita mohotñe Jerusalem mosöta Antiokia sitinönj lilingöba kaget. Mewö.

Barnabas Sol yetköm misin nupkö könahiba anohot.

13 Antiokia sitinönj tosatñan urunji melenja urumelenj könagesö aketka jitñememurupni kewöñan kezapqetok keu jiba kusum engiba malget: Qetñini Barnabas aka Simeon qetñi kun Injanji (Grik keunönj Naijö) aka Lusius (Sairini gölmegöra), Manain (mi kembu gawönö Herod ‡ yambuk örörönj mala qariyohot) aka Sol. ² Urumelenj könagesö yanjön Kembugö waikñi memba möpöseiba nene sinji malgetka mianggörenj Uña Töröñan kewö jiyök, "Nönjön Barnabas aka Sol nup qainñi kun memahotköra etkoholal. Mianggöra enjön mönö i jim teköba melaim etkigetka anmahot."

³ Mewö jiiga köulukömegöra nene sinji mala böröñini nööröñire algetka Kembugö ösumñan etkualöñniga melaim etkigetka anohot. Mewö.

Saiprus gölme jölanñe anda nup meget.

⁴ Uña Töröñan mewö melaim etkiiga miri qetñi Selusia mianggörenj geyohot. Mianggörenj geba wangenönj öngöyohotka opo seri öröba mörörengögetka luhutnönj nangöi anda gölme jölanñi Saiprus mianggö wehön kotkotñe angotket. ⁵ Angotketka siti qetñi Salamis mianggörenj anda Juda ambazip yenggö köuluk mirinji mirinji mianggörenj öngöba Anutugö Buña keu jiba uru kungum engiyohot. Azi qetñi Jon i mewöyök wangirohotka yetpuk anda kaba alabaukñira malök. ⁶ Mewö mala gölme jölanñi jömukñi liliköba kutuba likepñe wehön gegene Pafos sitinönj angotket. Mianggörenj angota Juda azi qetñi Barjisös miwikñajiget. Yanjön sunja jinan azia aka kezapqetok azi takapulakanji malök.

⁷ Sunja azi mi gölme jölanñi mianggö kiapñi qetñi Sergius Pol yanggö mire tata malök. Kiap miangön

†† Antiokia yenggörenj nangönanggö moner mi memba anda Jerusalem urumelenj könagesögö jitñememurup yengö böröñine alohot. Mianggöra qetñi nangönanggö misin nup kun jizin. Apo 11.30

‡ Herod Antipas yanjön (yara) yambu 4 B.K.-39 A.D. mianggörenj Galili aka Perea prowins yahöt mi galöm köl engiba malök.

mötkutukutu azia malök. Mewö mala Anutugörej Buña keu mötmamgö sihimñi ahöiga Barnabas Sol köl öröm etkii yangörej kayohot. ⁸ Kayohotmö, Elimas, (suña memegöra qetñi Grik keunön mewö jimalgeri,) yañön kiapnön Anutu möt narim wañgibapuköra tu-arenjon ak etkiba kiap uruñi keunön enjololon memamgö esapköyök. ⁹ Esapköiga Sol, qetñi alañi Pol qetkeri, Uña Töröñan yangö uruñi kokolak qei Elimas törörök ek kutuyök.

¹⁰ Ek kutuba kewö jiyök, “Ye! Timbiqim bilim azi gi mönö Bölönj Toñangö moröya akzan! Satanön urugi isimkakaleknön kokolak qeiga silenön alal könanji könanji aka malakzan. Keu diñdijni pakpakö kerökñi aka Kembangörej köna diñdijni möwöramgönönnga gonji-makzawi, mi mönö mosötman me? ¹¹ Miangöra möt-nönj! Kembangön mönö börönj qake aliga ösumñan turum gihiiga jegi gömölii wehön asakñi ekñamgö osiman. Yañön nalö meyöhangö dop mönö janjuñ aka malman.” Jii miangörejök söñaupnön qakñe eta turui ömun köla jipjap aka ilingösönj anda kaba börönje memegö qesiba börönjan mezañqezan ahök. ¹² Yuai mi asuhuiga kiapnön mi eka Kembangö Buña keu möt-mötñangöra welipköba möt narim wañgiyök. Mewö.

Pisidiagö Antiokia taonön misin nup meget.

¹³ Polnön neñakurupñi yembuk Pafos miri mosöta wañgenön öngögetka opo seri öröba mörörengögetka luhutnön nañgöiga anda mala Pamfilia prowinsgö siti qetñi Perga miangörej angotket. Miangörej angota kinda Jonön etkömosöta elenja Jerusalem sitinönj lil-ingöyök. ¹⁴ Lilingöyökmö, yetkön Perga siti mosöta toroqeba anda Pisidia prowinsgö taon qetñi Antiokia miangörej angorohot. Miangörej angota Sabat kendonön köuluk miriñine öngöba tarohot. ¹⁵ Tarohot-ka köuluk mirigö galöm yeñön Mosesgö Köna keu aka kezapqetok yangörej Buzup Kimbi oyoñda welen algetka eta kewö qesim etkiget, “Azi alayahöt, etkörej keu kun könagesö urunini kuñgubingöra ahöza ewö, mi mönö ölop jiyohot mötpin.”

¹⁶ Mewö jigetka Polnön wahöta börö misiba kewö jiyök, “Israel kianurup aka gölme tonji nembuk Anutu waikñi memba möpöseimakzei, iñini mönö kezap ala mötket. ¹⁷ †Israel ambazip kambu nanine bemnini mi Anutu. Yañön bömönurupnini möwölöhöm enggiiga ambösakonurupninan Ijpt gölmenönj anda kian aka malget. Anutunön nalö miangörej Israel ambazip kambu mi töhötmöriam enggiiga sehiba qetbuñanj-nambuk aket. Mewö aketka Anutunönj angoletot aka kukösümñi kondela mianjön enguanjiri Ijpt kantri mosöta yaigep kaget.

¹⁸ ††Kaba mala gölme qararanjölkölnje kutuba kaba ahakmeme bölönj aka malgetka Anutugö irimñan seholliga (yara) yambu 40:gö dop urubölö möta malök. ¹⁹ †Möta malökmö, töndup kaba mala Kenan gölmenönj kañgotket. Kañgotketka miangörej ambazip kambu 7 közöla könden enggiba gölmenjini memba

† 13.17 Eks 1.7; 12.51 †† 13.18 Janj 14.34; Dut 1.31 † 13.19 Dut 7.1; Jos 14.1

mendenja isikurupnini tonje tonje akñegö buña qem enggiyök. ²⁰ ††Mewö asuhuiga (yara) yambu 450 miangö dop anök. Miangö andönje Anutunön jimtekötekögö azi kembuñi kembuñi kuñgum enggiyök. Mi kuñgum engii mala kotketka Samuelnön asuhuyök. Yañön jimtekötekögö azi kembu qöndökñi aka keza-pqetok azia malök.

²¹ ††Samuelnön asuha mali nalö miangörej kiñ kembangöra uletketka Anutunön azi qetñi Sol enggiyök. Sol yañön Benjamin isikurup yangörejök azi qetñi Kis yangö nahönña ahök aka (yara) yambu 40:gö dop kiñ kembuñina malök. ²² ††Mi malökmö, Anutunön Sol uteköba salupñe azi qetñi Deiwid kiñ azi kembuñini akñapaköra möwölöhöba kuñguyök. Kuñguba könanjamñi jim asariba kewö jiyök, ‘Nöñön Jesigö nahönñi Deiwid miwikñaizal. Yangö uruñi kewöta mötpi ölop dop köl ningiza. Yañön mönö ahakmemeñi pakpak miangörej nönjögö jitni tem köla malma.’

²³ Anutunön mönöwök Amötqeqe Tonji melaim neñgimapkö jiyöhi, jöhöjöhö keu miangö ölnjan mönö kewö asuhuyök: Deiwidkö gwölönarökurupñi yangörejök azi qetñi Jisös asuhuiga Anutunönj i Israel kambu neñgö Amötqeqe Tonini aka malmapaköra kuñguyök.

²⁴ ††Jisösönj qahö asuhuiga qeljine miangörej Jonön mutuk kaba kewö jiba malök, ‘Iñini mönö uruñini melenget. Uruñini melengetka nönjön o melun mem enggimam.’ Mewö jiba Israel ambazip kambu pakpak uru kuñgum enggiba malök. ²⁵ †Mewö malökmö, yañön mirililik nupñi mem tekömamgö aka miangörej kewö jii mötket, ‘Iñini nönjögöra denöwö mötmörize? Yuai mötmörizei, nönjön mia qahöpmö, mötket, nönjögö andöne azi kun kama. Yañön kaiga nönjön yangö qöhörönje eretñi maljalangöra wayangösönj tenjögöba köna esu kösönj pösatmamgö qötötangömam.’

²⁶ †O alaurupni, Abrahamgö gwölönarökurupñi aka gölme tonji enjön nembuk Anutu waikñi memba möpöseimakzei, Anutunön amöt qem neñgimapkö Buñanj mi ali neñgörej kaza. ²⁷ Miangö könanji kewö: Jerusalem tonji aka galömurupnini yeñön Jisösgö könanji qahö möt kutuget. Kezapqetok yangörej Buzup Kimbi Sabat kendon dop oyoñmakzemö, miangö könanji qahö möt asarimakze. Mewö tönpin maljemö, töndup galömkölköl aziurupninan Jisös kömumapkö keunji jim tekögetka kezapqetok ambazip yangörej keu mi mewö mianjön ölnjambuk ahök. ²⁸ ††Yeñön Jisös kömupkö buña akñawangö dop keu könanji jaruba kun qahö miwikñaiba töndup “Yapmakek!” qetket. Qeta Pailötnön jim teköi kömumapkö qeta uletket.

²⁹ †††Yangöra keu pakpak ohoget ahözawi, yeñön mönö miangö dop aketka ölnji ahum teköiga Jisös ip-nöhök meköba eta qaksirinönj anda köt köterj uruñe alget. ³⁰ Algetmö, Anutunönj i kömupnöhök mem gulii wahörök. ³¹ ††Wahöri yambuk Galili prowinsnöhök

†† 13.20 Kemb 2.16; 1 Sml 3.20 †† 13.21 1 Sml 8.5; 10.21

††† 13.22 1 Sml 13.14; 16.12; Sum 89.20 ††† 13.24 Mak 1.4; Luk 3.3 † 13.25 Mat 3.11; Mak 1.7; Luk 3.16; Jon 1.20, 27 †† 13.28 Mat 27.22-23; Mak 15.13-14; Luk 23.21-23; Jon 19.15 ††† 13.29

Jerusalem sitinön kageri, yengöra mönö silim gwötpuk miangörenj asuhum engiyök. Alaurupni asuhum engiyöhi, yeñon nalö kewöñe ambazip sutñine dangunu ewö kinda könanji nanğöba jim asariba malje. ³² Anutunönj Juda ambösakonurupnini yembuk yuai akñamgö keu jim jöhöiga nini yeñgö gwölönarökurupñini ahinga keu walñi miangö ölñan mönö nalö kewöñe neñgöra kewö asuhuyök: Yeñon Jisös mem gullii wahöta malja. Miangöra neñon miangö Buña ölönñi mi jim asarim engizin.

³³ †Anutunönj Jisösgöra keu jii Deiwidnönj möri Sumbara (Buña liñet Sam) jañgö yahöt miangörenj kewö ohoi ahöza,

‘Göñon nani nahöna akzani, nöñon mi merak ambazip engöra kondelbiga eka mötze.’

Yeñon keu miangö dop Jisös mem gullii wahörök.

³⁴ ††Jisös mem gullii kömupnöhök wahöta köhöiba mala könanjep kunbuk qahö kömuma. Miangö keunji Anutunönj kewö jii ahöza,

‘Ni kalem möriamni kiñ Deiwid wañgiba malbiga sarakñi aka pöwöwöm köhöiba kinöhi, miangö dop mi mönö engöra tököm engimam.’

³⁵ †Deiwidnönj miangö keunji mi Sumbara (Buña liñet Sam) kun miangörenj mewöyök kewö ali ahöza,

‘Nangahö wölböt azigi sarakñi i mönö qahö mosöt-nöñga kömupkö lömnönj qahö gisahöma.’

³⁶ Nini kiñ Deiwidkö könanji mötzin: Yeñon malmalñi mala Anutugö jitñi wuatangöba nup wañgiyöhi, mi mem teköba nöñ qeba kömuyök. Kömui ambösakonurupni yeñgö kösutñine löm kölgetka qamötñan ahöba gisahöba qahöwahök. ³⁷ Deiwidnönj gisahöba qahöwahökmö, Anutunönj azi mem gullii wahöröhi, yeñon mönö qahö gisahöyök.

³⁸ †“Azi alaurupni, miangöra keu ki mönö mötket: Anutunönj Jisösgöra aka siñgisöndokñini mosöta sanğonma. Neñon miangö Buñanji jim asarim engizin. ³⁹ Mutuk ‘Mosesgörenj Köna keu wuatangöba mewö miangön solanñi akin,’ jiiñmö, mi inönj wainönj qaköba osiba malin. Mewö malinmö, nalö kewöñe denike yeñon Jisös möt nariba yambuk qekötahömei, Anutunönj mönö körek yeñgö keunji jim teköiga solanime. ⁴⁰ Kezapqetok ambazipnönj keu jiba ohoget ahözawi, Anutunönj miangö dop likepñi melenji qakñine öngöbapuköra mönö galömnini mem anğume. Keu mewöñi kun kewö,

⁴¹ ††Nöñon engö malmal nalöñe anğöletot qainñi kun memam.

Kunñan miangö keu buzupni jii mötpeak, mi ölñi akñapkö qahö möt naribeak.

Miangöra keu mi memba et ala jijiwilit ahakzei, inñi mönö öne uba eka welipköba ayuhume.”

⁴² Polnönj mewö jiiga Barnabasbuk köuluk miri mosöta erohotka tosatñan kewö qesim etkiget, “Nini keu ki kunbuk mötpingö mötzin. Miangöra mi Sabat kendon euneañon ölöp toroqeba jiyohot mötpinak.” ⁴³ Köuluk

mireyök eta dengetka ambazip gwötpukñan Pol aka Barnabas könanjire etkuatangöget. Tosatñan Juda ahuba malget aka tosatñan kian kantrinönj ahuba könanjep Juda ambazip aka malget. Yeñon etkuatangögetka eraum möta qambañ keu kewö engiyohot, “Anutunönj kalem möriam engiyöhi, miangörenj mönö böñ qeba kinme.”

⁴⁴ Sabat kendon kun kam kuñguyöhi, miangörenj taon gölme miangö ambazipni mi kölolohoba “Anutugö Buña keu mötpin!” jiba kanğota tokoget. ⁴⁵ Kanğota tokogetka Juda yeñon ambazip kambunji kambunji engeka irimñini seholim teköyök. Seholim teköiga Polgö keunji qemegö jitnakölik aka goranora (norağora) jiba mepaqepaik ak etkiget. ⁴⁶ Mewö ak etkigetka Pol Barnabas yetköñ awösamkakak kinda köhöiba keu kewö jiyohot, “Anutunönj nup netkiiga Buñanji mutuk Juda ambazip engöra jiinga dop kölbawakmö, inñi mi andö qeba lañ kewö jize, ‘Nini malmal köhöikñe anğotpingö dop qahö.’ Miangöra mötket, netköñ mönö engömosöta kian kantrinji kantrinji yeñgörenj elenja anbit. ⁴⁷ ††Kembunönj miangö keunji kewö jiba jim kutum neñgiyök,

‘Nöñon kuñgum gihibiga kian kantri yeñgö asakñina aka amötqeqegö könanji jim asariba malnöñga gölme görañi görañi dop köl teköi likepliket eu emu yeñon letota Suepkö buñaya akñe.”

⁴⁸ Mewö jiyohotka gölme tonji Juda qahö malgeri, yeñon möta uruñini ölöwahi Kembangörenj Buñanji möpöseiget. Möpöseiba malmal köhöikñangö buña akñegöra Anutunönj möt kewöt engiyöhi, yeñon miangö dop uruñini melenja Jisösgö Buñanji möt nariget.

⁴⁹ Möt narigetka Kembangö Buña keu jim sehigetka prowins pakpak mi dop köla anök. ⁵⁰ Ölöp anökmö, Juda yeñon taongö azi ipñi aka ambi öngöñgöñi Anutu göda qeba malgeri, miengö uruñini esiba kuñguba Pol Barnabas mohotñe sesewerowero ak etkiba miri gölmenjineyök etkuatangöget. ⁵¹ †††Anbitkö aka nesampurekñini kondela kewö jiyohot, “Netköñ engö gölmenönj kaziga sölbuham köna tambönire ahözawi, mi mönö tim töñjöratziga nanñine liliñgöba gema.” Mewö jiyohotka könanamniri solanñi möt kutugetka anda Galesia prowins uruñe siti qetñi Aikoniam miangörenj anğorohot. ⁵² Anğorohotmö, gwarekurup Antiokia taonönj malgeri, Uña Törönjan yeñgö uruñini kokolak qei önönji qahö söñgaiba malget. Mewö.

Aikoniam sitinönj uru kuñgum engiyohot.

14 Pol Barnabas yetköñ Aikoniam sitinönj anğota mewöñanök Juda yeñgö köuluk mire öngöba Buña keu jiyohot. Jiyohotka Juda aka kian kantri ambazip yeñgörenjök kambu sehisehijñi yeñon uruñini melenja Jisös möt nariget. ² Möt narigetmö, Juda ambazip qahö möt narigeri, yeñon gölme tonji Juda qahö malgeri, miengö uruñini esiba aposol urunönj gege ak etkimegöra uruñini kuñguget. ³ Kuñgugetka töndup

Mat 27.57-61; Mak 15.42-47; Luk 23.50-56; Jon 19.38-42 §†
13.31 Apo 1.3 † 13.33 Sum 2.7 †† 13.34 Ais 55.3 † 13.35 Sum
16.10 †† 13.41 Hab 1.5

‡† 13.47 Ais 42.6; 49.6 ††† 13.51 Mat 10.14; Mak 6.11; Luk
9.5; 10.11

nalö köröpñi miangörej mala Kembu möt nariba awösamkakak kinda Buñañi jiba malohot. Kembu kalem möriamñangö keunji jim asariyohotka keunjiri nangöba ösumñi börönjire ali aiwesök angöletot meyohotka asuhuget. ⁴ Mewö asuhugetka taongö ambazipñan jula denget. Tosatñan Juda jitñememe yembuk örörön jöhögetka tosatñan aposol yetpuk toroqeba kinget.

⁵ Mewö arönja kingetka gölme tonji aka Juda ambazip kiannji yeñon wahöta jitñememeurupñini yembuk urumohot aka melaimelai azi aposol mi "Kötnön gila etkubin!" jiba mötmöriget. ⁶ Mewö mötmörigetka möta ölon köla tököba Likaonia prowinsnön anohot. Miangörej anda taon qetñiri Listra aka Derbe aka miri liliköm etkiba tat angeri, miangörej angorohot. ⁷ Miangörej angota Ölöwak Buña jim asariba uru kungum engiba malohot. Mewö.

Listra taonön Pol Barnabasgöra bem qetket.

⁸ Listra taonön azi kun köna yahötñi kömukömuñi malök. Mi nam körö uruñeyök lokon asuha nalö kungen köna qahö tiba öne tatmalök. ⁹ Polnön Buña keu jii möta tari uba könañamñi kewö eka mötmöriyök, "Yangö uruñe mötnaripñi ahöm wangiyöhögöra aka ölop ölöwakña," mewö jiyök. ¹⁰ Mewö mötmöriba qet ketanji qeta jii mörök, "Mönö wahöta kinön." Mewö jii porañ ala wahöta anda kaba kinök.

¹¹ Polnön mewö aiga ambazip kambu yeñon mi eka Likaonia keunjine kewö silata jiget, "Bem yetkön letota azi silebuk aka sutnine asuha nengörej eta maljahot." ¹² Mewö jiba Barnabas qetñi bem bohonñini qetñi Zus qetket aka Polnön jitñe memba keu jiyöhögöra aka bem qetñi Hermes qetket. ¹³ Mewö qetketka bem Zus yangö jöwöwöl jikenji taon wösönje ahöyöhi, miangö jike nup galömnjan bulmakau azinji enguangita kayök. Mewö kaba ila kösasorom memba kaba taon kiripo nangunje kinda ambazip kambu yembuk jakenön ala jöwöwöl ohom etkibingö aket.

¹⁴ Mewö aketka aposolyahöt yetkön mi möta "Qahö dop kölja," jiba qetala silepökenjiri munjurata ösumñiran ambazip kambu uruñe anda qerohot. ¹⁵ †Qeta kewö jiyohot, "Aziurup, inñini mönö denöwögöra aka yuai mewönji akze? Niri mewöyök inñini ewö gölme azi töhöna akzit. Niri Anutugö Ölöwak Buña jim asarim engizit. Miangöra inñini mönö bem omanji andö engume aka uruñini melenja Anutu malmal Toñangörej qekötahöme. Anutu malmal Toñan Suep, gölme, köwet aka miengö uruñine yuai pakpak ahözawi, mi miwikñaim engii malje. ¹⁶ Gölmenji gölmenji pakpak yeñon mönöwök mala kotkeri, Anutunön i qahö angön köl engii nanñini imbinjanangö dop malmalñini ilingösön malget.

¹⁷ "Qahö angön köl engiyökmö, töndup tönpin jipjap qahö malget. Qahöpmö, Anutunön yuai ölopñi ölopñi ak engiba malök. Yangön jiiga kie yöhöi wehön qei töhötmöriamñan nalönji nalönji asuhui nem söñgaip

aka mewö miangön uruñini kungum engii malget. Mewö malgetka nanñi könañi mötmegöra kalemñi mi kondel engiba mewö miangön dangununji ali malget." ¹⁸ Yetkön mewö jiba ambazip kambu jöwöwöl ohom etkibepuköra jarañbarañ tiba jim susuhum engiyohotka löwöriba mosötket. Mewö.

¹⁹ Listra yeñon Pol Barnabas etkömosötketmö, Juda ambazip tosatñan Antiokia taon aka Aikoniam siti mi- etkörejök kangota ambazip kambu urunön gege ak engiget. Ak engiba yembuk örörön luhuba Pol kötnön qeba "Mönö kömuza!" jiget. Mewö jiba örörahöba taon andönje eta mosötket ahöyök. ²⁰ Ahöyökmö, gwarek yeñon kangota liliköm wangigetka wahöta anda taonön öngöyök. Miangörej öngögiga ahöyohot miri ganijiiga Barnabasbuk Derbe sitinön anohot.

Siriagö Antiokia sitinön lilingöba kayohot.

²¹ Derbe sitinön Ölöwak Buña jim asariba uruñini kungum engiyohotka gwötpukñan uruñini melenja Jisösgö gwarekurupñi aket. Mewö aketka Derbe taon mosöta Listra Aikoniam aka Antiokia taon miengörej lilingöba anda engehöt. ²² Engeka tata miri dop liliköba Jisösgö gwarekurup yengö uruñini nangöba mem köhöiyohot. Kembu möt narigeri, yambuk qekötahöba kinmegö qambañ keunji engiba kewö jiyohot, "Nini mönö iririkwarörök qakñe (lömböt könañi könañi miwikñai) mala pañpañgöba Anutugö bemtohoññi eu angotpin." ²³ Urumelen könagesö dop jitñememeurupñini möwölohöba galöm malmegö könañi kusum engiba kungum engiyohot. Kungum engiba Anutugöra nene singi mala gwarek kambu yengöra köuluköba Kembu möt narigeri, yangö börönje al engiyohot.

²⁴ Al engiba engömosöta Pisidia prowins kutuba anda Pamfilia prowinsnön angorohot. ²⁵ Miangörej angota Perga sitinön tata Buña keu jiba uruñini kungum engiba Atalia taonön geyohot. ²⁶ Miangörej geba wangönön öngöyohotka opo seri öröba mörörengögetka luhutnön nangöi anda mala Antiokia sitinön angorohot. Antiokia urumelen könagesö yeñon i Anutugö kalem möriam uruñe misin nup memahotköra mutuk Anutugö börönje al etkigetka engömosöta anohot. Anda liliköba nupñiri mi mem teköba kunbuk nanñire sitinön lilingöba kayohot.

²⁷ Miangörej kaba urumelen könagesö köl öröm engiyohot. Köl öröm engiyohot tokogetka keu kösohotñiri kewö jiyohot, "Anutunön netpuk mala angöletot ketanji ketanji aka memba malök. Yangön nam köl netkii nup meziga kian kantrinji kantrinji yeñon Jisös möt narimegöra nangö öröm engii uruñini melenget." ²⁸ Kösohotñiri mewö jiba gwarek kambu yembuk nalö köröpñi qem köriba tata malohot. Mewö.

Kian kantri yengöra aka zioznön julmamgö ahök.

15 ††Antiokia malohotmö, Judia prowinsnöhök ambazip tosatñan eta kaba könahiba urumelen

† 14.15 Eks 20.11; Sum 146.6

†† 15.1 Lew 12.3

ambazip kewö kusum engiget, "Injini Mosesgörej Köna keugö dop Anutugö aiwesökñi silejine qahö yandime ewö, mewö mönö Suepkö buñaya akingö osime." ² Mewö kusum engigerangöra aka angururuk ahuiga Pol Barnabas yetkön tuarenjoñ ak engiba könöpñambuk jim engiyohot. Jim engiyohotka urumohot qahö aka keu kewö jöhöba jiget, "Nini mönö Pol Barnabas aka jitnememe tosatñi melaim engiinga Jerusalem sitinöñ öngöba keu mi memba aposol aka Jerusalem urumelenj könagesögö jitnememe yenggören anda jime."

³ Keu mewö jöhöba jigetka urumelenj könagesö yeñön i melaim engigetka könanöñ anget. Anda mala Fonisia aka Samaria prowins yahöt mi kutuba könanöñ könagesöñi könagesöñi engek. Engeka kian kantri tosatñi yeñön urunini melenjerangö buzupñi jiba urumelenj kambu yenggöra sösongai ketanji al engiget. ⁴ Al engiba anda mala Jerusalem sitinöñ angotket. Angotketka aposol aka jitnememe yeñön urumelenj könagesö yembuk köñ örom engiget. Köñ örom engigetka kösohotñini kewö jiget, "Anutunöñ nam köñ neñgii misin nup meinga nembuk mala angöletot ketanji ketanji aka memba malök." ⁵ Kösohot mi jigetmö, Farisi (Köna keugö kapañkölköl) kambunöhök urumelenj azi tosatñan wahöta kewö jiget, "Kian kantri yeñön urunini melenjeri, yenggöra mönö kewö jim kutubin: Yeñön mönö Anutugö aiwesök silejine yandiba Mosesgörej Köna keu pakpak wuatangöba malme." Mewö.

Jerusalem totoko ala angururuk keu mindingöget.

⁶ Mewö jigetka aposol aka jitnememe yeñön keu mi jim kewötpingö tokoget. ⁷ †Tokoba goranora (noragora) keu gwötpuk jiba jitnakölik aket. Mi aketka Pitönöñ wahöta kewö jii mötket, "Azi alaurupni, Anutunöñ mutuhök sutnine nup mendenja möwölöhöm niñgiba nöngöra kewö jiyök, 'Gi mönö kian kantrinöñ anda Ölöwak Buña keu jim asarim enginöñga yeñön urunini melenja Kembu möt narime.' Injini keu mi mötze.

⁸ ††Anutunöñ ambazip pakpak urunini möt kutuza-wañön könañamñi kondela Uña Töröñi Juda ambazip neñgöra melaiiga eröhi, miangö dop mönö kian kantri ambazip yenggöra mewöñanök i melaii urunine geyök.

⁹ "Melaii geiga mewö miangöñ Juda ambazip qahö engek soriba kantri tosatñi qahö qepureim engiyök. Qahöpmö, yeñön Anutu möt narigetka siñgisöndokñini mosöta urunini sañgoñniga sarakñi aket. ¹⁰ Mi-angöra injini mönö wuanöñgöra Anutu esapesapñöñ al wañgibeak? Wuanöñgöra gwarek dölokñi yengö qakñine tem köñjöh toroqeba alinga angubeak? Tem köñjöh mewöñi mi nanine ambösakoninan me nani-nak mewöyök angubingö dop qahö akmalin. ¹¹ Mewö qahöpmö, kewö möt narizin: Kembu Jisösgö kalem möriamñan mönö Anutu nam köñ wañgiiga amöt qem neñgiiga Suepkö buñaya akin. Kian kantri yeñön mewöyök köna mohot miyök wuatangöba letota Suepkö buñaya akingö möt narimakze."

¹² Mewö jiiga kambu yeñön lökñanök keu jaruba böktatket. Tatketka Pol Barnabas yetkön keu kösohotñiri kewö jiyohot, "Anutunöñ nam köñ netkii kian kantrinöñ anda sutñine misin nup meziga aiwesök angöletot ketanji ketanji asuhuget." Mewö jiyohotka kezap ala mötket. Mewö.

Bisop † Jeimsnöñ keu jii mötket.

¹³ Pol Barnabas yetkön kösohotñiri jim teköyohot mötketka Jeimsnöñ keu kewö jiyök, "Azi alaurupni, nöñön keu jibi kezap ala mötket. ¹⁴ Anutunöñ nalö mutukñi kian kantri ambazip mesohol köñ engiba sutñineyök ambazip nanñangöra möwölöhöm engiinga qetñi bisiba könagesöñi toroqebet. Anutunöñ mewö aka könañamñi kondel neñgiyöhi, Saimon Pitönöñ mi-angö keuñi jii mötzin. ¹⁵ Keu mewöñi mi kezapqetok ambazip yeñön mewöyök nangöba jize. Yeñön keu kun kewö ohoget ahöza,

¹⁶ ††Miangö andöñe nöñön lilingöba kaba kiñ Dei-widkö kantri tohoñi kunbuk memba wahötmam.

Yañön mutuk jakömbuak koumñi qeba ambösakonini galöm köñ engiiga koumñan buratiba tiñgita erökmö, nöñön mi kunbuk möhamgöba kuñgubiga kantrinöñ ölöwaka kinma.

¹⁷ Mi kewö asuhumapköra akñam: Ambazip kambu tosatñi pakpak yeñön Kembu jarume.

Kian kantri pakpak nani buñani akñegöra engoholali, yeñön Kembu ni göraim niñgime.

Kembu nöñön mewö jizal aka miangö dop kantrinini mem ölöwakñam.

¹⁸ Mewö ahakzali, mi mönö möpñangö möpñeyök möta kota malje.'

¹⁹ "Miangöra Jeims nöñön keu mi kewöta mötmötnan kewö möta jizal: Kian kantri ambazip urunini Anutugörej melenjei, neñön mönö lömböt köñjöh ketanji yengö qakñine alinga qahö dop köñma. ²⁰ ††Mewö qahöpmö, yengöra kimbi kewö ohoinga dop köñma: Yeñön sömbup busuñi bem lopioñgö naluk buña qeba könañine algetka ösumñinan walöñöhöhi, mi kude neme. Sero yongorö kude akñe. Sömbup jölñi qe-qeñangö busuñi aka sep mi kude neme. Yuai 4 mi mosötmegöra jim köhöibinak. ²¹ Mosesgö Köna keu mi mönö möpñangö möpñeyök miri dop jim asariba kota maljin. Mi Sabat kendon dop köñluk mirinine oyonja mörakzin. Miangöra keu 4 mi ölop qahö mosötpin." Mewö.

Jerusalem totokonöñ kian kantri yenggöra kimbi ohoget.

²² Jeimsnöñ mewö jiiga aposol aka jitnememe yeñön könagesö pakpak yembuk keu mi mötket dop köñök. Mötket dop köñliga sutñineyök azi tosatñi möwölöhöm engiba Pol Barnabas yetpuk mohotñe Antiokia sitinöñ melaim engibingöra jiget. Mewö jiba azi qetñi Judas

† Bisop, Grik keunöñ episkopos, nanine keunöñ jegalöm me inspekta. Yañön zioz nup pakpakö mindimindiri galömñi akza. Jeims kianñ Jisösgö gwarekñi qahöpmö, Jisösgö munñi. †† 15.16 Amos 9.11-12 †† 15.20 Eks 34.15-17; Lew 17.10-16; 18.6-23

qetnji alanji Barsabas aka Sailas möwölöhöm etkiget. Azi yahöt mi urumelenj kambugö jitnememe azia ahot.²³ Azi mi melaim etkibin jiba kimbi kun kewö ohoba börönjire alget,

“Mötnaripkö kian alaurupnini, Antiokia siti aka Siria aka Silisia gölmenöj maljei, nejön engö jölönjini jizin. Aposol nejön mötnarip könagesögö jitnememe yembuk engö urumelenj alaurupnjina akzin. Mewö embuk keu eraum mötpingöra kimbi al engizin.

²⁴ Nanine ambazip tosatnji qahö jim kutum engiinga nanjinök nehgömosöta engörej kaba urunjini kuñguba keu murutnji kekelolo engigetka uru mötmötjnini siksaus aiga mörin.

²⁵ Miangöra nini köreknanök totoko ala urumohot ahin dop kölö. Dop köliga azi yahöt meköba melaim etkiinga wölböt alayahöt Barnabas Pol yetpuk engörej kame.

²⁶ Barnabas Pol yetkön nanine Kembu Jisös Kraistkö qetnjangöra aka malmalniri köleñnohotka tosatñan etkuget kömumbitkö ahot.

²⁷ Nini Judas Sailas melaim etkiinga kaba keu miyök toroqeba jitröñj jiyohotka mötme.

²⁸ Uña Törönji aka nejön keu kewögöra urumohot ahinga dop kölja: Engö qakñine lömböt köñjöh qahö toroqeba albin. Keu bohonji 4 miyök wuatangöme. Mi ongitketka julbinbuk.

²⁹ Keu 4 mi kewö: Sömbup busunji bem lopiongö naluk buña qeba könanjine algetka ösumnjinan walönhöhi, mi kude neme. Mewöyök sep me sömbup jölñi qeqeñangö busunji mi kude neme. Sero yongorö kude akñe. Yuai 4 mi mosöta andö qegetka urumohot ahinga Anutunöh kötugetköm engiiga ölöwaka malme. Mönö uru böñjöh malme.” Mewö.

Keu memba angetka Antiokia siti yejön söñgaiget.

³⁰ Kimbi mewö ohoba melaim engigetka anget. Köna anda geba Antiokia sitinöh angotket. Angota urumelenj könagesö köl öröm engigetka tokoget. Tokogetka kimbi mi engigetka oyonget.³¹ Mi oyongetka miangöra amqeba urukölalep möta söñgaiget.³² Judas Sailas yetkön nanjirak kezapqetok azia mala goro keu gwötpuk engiba urugö nanjönangö keu jiba mem köhöim engiyohot.³³ Mem köhöim engiba nalö tosatnji miangörej toroqeba malohot. Malohot teköiga urumelenj alaurup yejön “Luabuk anmahot,” jiba melaim etkiget. Jerusalem malohotka melaim etkigeri, Judasnöh mönö yengörej lilingöyök.³⁴ (-) †

³⁵ Pol aka Barnabas yetkön toroqeba Antiokia sitinöh mala ambazip tosatnji gwötpuk yembuk Kembugörej Buña keu kusum engiba urunjini kuñgum engiba malget. Mewö.

Pol aka Barnabas yetkön denjohot.

³⁶ Mewö malgetmö, nalö tosatnji teköiga Polnöh Barnabasgöra kewö jiyök, “Netkön taon miri pakpak

† Tosatñan toroqeba jabö v 34 kewö alje: Lilingöyökmö, Sailas-nöh keunji jöhöba toroqeba miangörej malök.

liliköba Kembugörej Buña keu jim asariba maliri, mönö miangörej lilingöba urumelenj alaurupniran denöwö maljei, mi ölop anda eka mötpit.”³⁷ Mewö jiga Barnabasnöh Jon qetnji alanji Mak qetkeri, i mewöyök wangita mohotñe anbingö mörök.

³⁸ †† Mewö mörökmö, Jonöh mutuk Pamfilia taonöh löwöriba etkömosöta yetpuk toroqeba nup qahö meyök. Miangöra Polnöh i wangita anbingö möri qahö dop kölö. ³⁹ Qahö dop köliga angururuk aka urunjiri köñöp jeiga denjohot. Denja Barnabasnöh Mak wangita geba wangenöh öngöyohotka opo seri öröba möröngögetka luhutnöh nanjöi gölme jölanji Saiprus miangörej anohot.⁴⁰ Anohotmö, Polnöh azi qetnji Sailas meköiga urumelenj alaurup yejön Kembugö börönje al etkiba kalem möriamñan sel jöhöm etkimapköra jigetka mosöta anohot.⁴¹ Anda mala Siria aka Silisia prowins yahöt mi kutuba liliköyohot. Liliköba Polnöh urumelenj könagesöhji könagesöhji engeka mem köhöim engiba malök. Mewö.

Timotinöh Pol aka Sailas yetpuk toroqeyök.

16 Polnöh liliköba anda mala taon qetñiri Derbe aka Listra miangörej angörök. Listra angota miangörej gwarek kun qetnji Timoti miwikñaiyök. Namñan Juda urumelenj ambia ahökmö, iwiñan Grik azia.² Polgö azi alaurupñan Listra aka Aikoniam malgeri, yejön Timotigö könanji jim ölöwaka jiget mörök.³ Mewö jiget möta wangiri mohotñe anmamgö mörök. Mi mörökmö, Timotigö iwiñan Grik azia malöhi, mi köreknan möt teköget aka miri gölme miangörej Juda ambazip gwötpuk malget. Miangöra yejön Pol jim wangibepuköra Timoti wangita Anutugö aiwesökñi silene yandiyök.⁴ Yandiiga anda taon aka miri dop angotkeri, miangörej Jerusalem mindimindiri totokogö keunji jiget. Aposol aka Jerusalem urumelenj könagesögö jitnememe yejön keu jöhöm köhöigeri, mi wuatangömegöra jim kutum engiget.⁵ Mewö lilikögetka Jisösgö könagesöhji könagesöhji miri dop malgeri, yengö mötnaripnjinan köhöiyök. Mewö köhöiba Buña keu jigetka tosatñan urunjini melenja wehön dop kam toroqetka kambunjanngö janjöhñan qariba öngöyök. Mewö.

Anutunöh Pol gaunöh kutum wasöriga Yurop anget.

⁶ Liliköba mala “Eisia prowinsnöh anda Buña keu jim asaribin,” jigetmö, Uña Törönñan songo ala angön köl engiyök. Miangöra yejön toroqeba anda Frigia aka Galesia prowins yahöt mi öne kutuba etkonjita anget.⁷ Anda mala Misia gölme görañe angota Bitinia prowinsnöh angotpingö mötketmö, Jisösgö Uña Törönñan miangörej anmegö urumohot qahö ahök.⁸ Urumohot qahö aiga mosöta anda Misia gölme öne kutuba köwet jitñe geba Troas taonöh angotket.⁹ Troas angota sunjem gaun ahögetka Anutunöh Pol kutum wasöriga imut kun kewö ehök: Yurop azi kunñan Masedonia likepñe kinda ohola kewö jiba köu-

†† 15.38 Apo 13.13

luköm wangiyök, "Gi mönö köwet kutuba Masedonia gölmenöñ kaba bauköm nengiman."

¹⁰ Polnön jemelen imut mi ehiga nini miangö könanji kewö möt kutuba jiiñ, "Anutunön mönö nengohola köwet kutuba Yurop uruñe anda Ölöwak Buña Masedonia prowinsnön jim asarim engibingöra jiza." Mewö jiba miangöreñök mosöta anbingö mötmöriba amqein. Mewö.

Filipai ambi Lidianön urunji meleşnök.

¹¹ Nenön amqeba geba wangenenön öngöinga opo seri öröba mörörengögetka luhutnön nangöi Troas siti mosöta anda diñdiñanök Samotres gölme jölanñe angorin. Angota ahöba miri gianjiiga toroqeba anda Neapolis sitinön angorin. ¹² Miangöreñ angota wangenenöhök eta köna anda Filipai sitinön angorin. Rom ambazip yeñön mönövök kaba Filipai siti mi memba miangöreñ malmal tatatñini algetka Masedonia prowinsgö siti ketanji ahök. † Nini Filipai angota wehön tosatñi miangöreñ malin.

¹³ Miangöreñ mala Sabat kendonön siti kiripo yaigepñe anin. Miangöreñ anda Juda yeñön o sakñe tokoba Anutu köulukömakzei, mewö mötmöriba geba rowoñqeqe kunön anin. Anda ambi tokoba tatkeri, i engeka tata eraum möta Anutugöreñ Buña keu yengöra jiiñga mötket. ¹⁴ Mötkeri, yengö sutñine ambi kun qetñi Lidia malök. Yanön Taiataira sitinöhök Filipai kaba opo pisikñi gugakgugak aködamunñambuk tokoa bohonji memegöra ala malök aka Anutu waikñi memba möpöseiba malök. Kembunön urunji mem amqeiqa Polnön keu jiyöhi, miangöra sihimñan ahui kezap ala möta angön kölok. ¹⁵ Angön köli nanji aka saiwaurupñi o melun mem engiinga qesim nengiba kewö jiyök, "Inini nöngöra 'Kembu möt narizal,' jize ewö, mönö ölop kaba nöngö mire öngöba tata nene nembra ahöme." Mewö jiba kapan köla qesim nengiyök. Mewö.

Pol Sailas yetkön kösö mire tarohot.

¹⁶ Nini nalö kunön köuluk rowoñqeqeñe gebingö köna namñe aninga welenqeqe ambi kunön miwikñaim nengiyök. Ambi mi andö lawönñambuk mala ambazip könanjini aukñe jim miwikñaimangö mörök. Mi möta kezapqetok keu asambötñi jim miwikñaiaba mewö miangön moneñ yuai mi gwötupuk öröba mali tourupñi yengö böröñine geyök. ¹⁷ Yanön Pol aka nini nengeka nengö andönine kaba kewö jiba qerök, "Azi kienön Anutu öngöngöñi ketanangö welenñi qeba Suepkö buñaya akingö könanji jim asarim engimakze." ¹⁸ Mewö jiba sömanji gwötupuk qeta malök. Mi malökmö, Polnön tököba miangöra sihimbölö mörök. Mi möta nalö kunön lilingöba ömenji kewö jim kutum wangiyök, "Ni Jisös Kraistkö qetñe jizal: Gi mönö ambi kiangö

uruñeyök kota anön." Mewö jim kutum wangii miangöreñök kota mosöta anök.

¹⁹ Mi anökmö, ambi tourupñan mi möta moneñ yuai öröbingö könanji jöpköyöhi, mi miwikñaiaba irimñini sehohiyök. Irimñini sehohiiga Pol Sailas etkömembra jöhöba maket sombemñe öröm etkiba galöm azi yengö jeñine etkuangita anget. ²⁰ Etkuangita anda keu jake galöm yengö jeñine al etkiba silenire keu kewö ala jiget, "Nini siti kiangöreñ luainön maljinmö, azi yahöt kietkön kaba enololon ak nengimakzahot. Yetkön Juda asia akzahot ²¹ aka Juda silikñini kusum nengimakzahot. Nini Rom mindimindiri kantrigö tohoñ tonji akzin. Miangöra nini silikñini mi ölop qahö möt angön kölbini. Mi memba wuatangöbingö songo ahöi osizin."

²² Silenire keu mewö aka jim etkigetka ambazip kambu yeñön mewöyök wahöta mindiriba qetal etkim köhöiget. Qetal etkim köhöigetka galöm yeñön kuñgum engigetka sileötanjiri öröba munjukunjuratket aka jim kutum engigetka arawambu kömbinön etkuget. ²³ Gwötupuk etkim teköba kösö mire al etkibingö etkuangita wahibuknön ölopñanök galöm mem etkimapkö jim kutum wangiget. ²⁴ Mewö jim kutum wangigetka möta etkömembra kösö miri bibiñe miri urunji kunön anda könayahötñiri ip özöpañ †† sutñire ala kösönön jöhöba miri urunji miangö nangunji yahöt mi ki misigetka tarohot. Mewö.

Kösö miri galömñan urunji meleşnök.

²⁵ Pol Sailas yetkön mewö tarohot. Tata mala sungem bibiñi aiga miangöreñ Anutu köuluköba liñet köla möpöseiba malohotka kösö azi köreñan kezap ala mötket.

²⁶ Mewö aketka miangöreñök wölan kenön (nan) ketanji giliga kösö mirigö tandönji pakpak anjanjanñ kölget. Mewö kölgetka miangöreñök nanju pakpak talgetka kösö azi pakpak yengö ain tapeñinan (mungamunga) lolohoba erök. ²⁷ Mewö asuhuiga kösö miri galöm yanön gaun uruñeyök wahörök. Wahöta kösö mirigö nangunji pakpak tal tekögeri, mi eka jiyök, "Kösö azinön an teköze me denöwö?" Mewö jiba mötmöriba jöñömñi unduiga bimgö sou ketanji mi kupinñeyök öröba nanji aumamgö ahök. ²⁸ Nanji aumamgö ahökmö, Polnön paupañ teringöba kewö jiyök, "Nini köreñanök ki tatzin. Mönö nangi silegi öne kude ayuhuman."

²⁹ Mewö jii möta kiwa wangimegöra qesii wangigetka ösumñan kösö miri uruñe anda jöñömñi unduiga Pol Sailas yetkö kösutñire anda simin köl etkiyök. ³⁰ Simin köl etkiba kösö mireyök etkuangita eta kewö qesim etkiyök, "Azi ketanji yahöt, ni mönö denöwö akiga Anutunön amöt qem ninggiiga letotpileñak?"

³¹ Qesim etkiiga jiyohot, "Mönö urugi meleşda Kembu Jisös möt narim wanginöñga gi aka saiwaurupkan mewöyök letota Suepkö buñaya akñe." ³² Mewö jiy-

† Masedonia prowinsgö siti bohonji mi Tesalonaika. Distrik mutkñangö siti bohonji mi Amfipolis aka siti keta bölökñi kun Filipai. Rom yeñön Filipai mi Itali ewö galöm köl engiget. Grik miri tonji yeñön nanjine gölmenön kian ewö aka malget.

†† Ip özöpaññön könanjiri yöhöraköiga osiba tarohot. Imutñi ekñan. ‡ Kösö azinön ölon köliga galömñi mi keu jakene ala qegetka salupñe sihimbölö möta kömuzapma. Nanji gamunji möta aubawak, mewö amqeba kömumbawak.

ohotka miriņe angetka könagesourupņi pakpak yembuk tokogetka Anutugöreņ Buņa keu jiyohot mötket. ³³Jiyohot möta sunġemgö aua miangöreņök etkuangi-ta anda uziņiri saņġoņnök. Saņġoņniga miangöreņök i aka saiwaurupņi pakpak mi o melun mem enġiyohot. ³⁴O melun mem enġiyohotka etkuangi nene mire öngöba nene ohoba ala etkiyök. Etkiba nanņi aka saiwaurupņi yeņön körek Anutu möt narigeranġöra sösönġai aket. Mewö.

Kösö mireyök közöl etkigetka erohot.

³⁵Miri gianġiga keu jake galöm (majistreit) yeņön opotöröp melaim enġigetka kösö mire kaba kewö jiget, "Azi yahöt mi mönö pösät etkinönġa etmahot."

³⁶Mewö jigetka wahibuknön kaba buzup mi Polġöra kewö jii mörök, "Majistreit galöm yeņön keu kewö alget kaza: Iņiri mönö kösönġiri pösatpiga etmahot. Mi-anġöra etkön mönö dölki mosöta eta luainön anmahot."

³⁷Mewö jii mörökmö, Polnön opotöröp yeņġöra kewö jiyök, "Rom mindimindiri gawmanön sel jöhöm netkiba miangö (jimkutukutu) paspot netkigetka maljit. Miangöra yeņön keuniri qahö kewöta jim teköba töndup aukņe ambazip jeņine öne laņ arawambu kömbinön netkuba kösö mire al netkiget. Mi gamuņambuk. Mewö al netkiget tatziga dölki denöwögöra melaim netkiget öne ölöņ etpirak? Mi qahö dop kölja. Niri qahöpmahöp etpitmö, yeņön mönö nanņinak kaba netkömegetka etpirak."

³⁸Polnön opotöröp yeņġöra mewö jiiga keu mi memba majistreit galöm yeņġöreņ anda jiget mötket. Mi möta Rom gawmangö (jimkutukutu) paspot memba malohori, mi möta auruba sömbuņini mötket. ³⁹Sömbuņini möta kösö mire kaba ösön susuhuba kelök ala kuņġum etkigetka geyohot. Geyohotka Filipai siti mosötmahotkö ulet etkiget. ⁴⁰Ulet etkigetka Pol Sailas yetkön kösö miri mosöta Lidiagö mire anohot. Mi-anġöreņ anda urumelenġ alaurupņiri enġeka urugö nanġönanġö keu jiba enġömosöta anohot. Mewö.

Tesalonaika nup megetka sesewerowero aket.

17 Anda mala Amfipolis aka Apolonia siti yahöt mi kutuba Tesalonaika sitinön anġotket. Siti bohonņi miangöreņ Juda yeņön köuluk miriņini meget kinök. ²Polnön ahakmemenġi aka malöhi, miangö dop köuluk miriņine öngöba Sabat kendon karöbut mi-anġöreņ yembuk Urumelenġö Buņa Kimbi oyonġa könanġi eraum möta malget. ³Mewö mala Buņa Kimbigö könanġi jim asariba kewö jiyök, "Anutunön areņ ala Amötqeçe Toņan sihibölö möta kömumba kömupnöhök wahötmapkö jiyök." Mewö jiba miangö könanġi Buņa Kimbinöhök kondela uruņini kuņġuba kewö jiyök, "Azi Jisös jim asarim enġizali, yaņön mönö Amötqeçe Toņi Kraist akza."

⁴Mewö jiiga Juda könagesö yeņġöreņök tosatņan möt nariba uruņini melenġa Pol Sailas yetpuk toroqeba kinget. Grik ambazip tosatņan Anutu waikņi mem-

ba möpöseigeri, yeņġöreņök mewöyök kambu ketanġi yeņön yembuk toroqeget aka ambi öngönġöņi qetbuņanġinambuk yeņġöreņök gwötpukņan uruņini melenġet.

⁵Uruņini melenġetmö, Juda ipņi yeņön uruņini seholliga urunön mututqutut möta andöqeçe aket. Mi aketka injarere ambazip rowoņqeqenön laņ malgeri, yeņġöreņ anda azi gongonġi tosatņi enġömeget. Mi enġömemba mindiriba ambazip kambu uruņini kuņġuba öröm enġigetka tokoget. Tokoba laņ qetketka qeburuņ ġöjupmajup ahuiga siti dop köl teköyök. Laņ qeta luhuba azi qetņi Jeison yaņġö miri töungöba (töwöngöba) Pol Sailas ambazip kambu jeņine al etkibingöra jarum etkiget. ⁶Jarum etkigetmö, qahö mi-wikņaim etkiba Jeison aka urumelenġ alaurup tosatņi jöhöm öröm enġiba sitigö galömkölköl azi yeņġö jeņine anġota kewö qetket, "Yei! Azi gölmenġi gölmenġi liliköba miri dop uru kuņġum enġigetka kahapmahap aka sohomakzei, yeņön mönö ki mewöyök kayohot. ⁷Kiangöreņ kayohotka Jeisonön i etkömemba anġön köl etkiyök. Ambazip pakpak mienön kewö jimakze, 'Azi kun qetņi Jisös yaņön kiņ kembunini akza.' Mewö jiba Rom sisa kiņġö jimkutukutuņi qetala memba eta alakze."

⁸Mewö qetketka ambazip kambu aka galömkölköl azi yeņön mötketka uruņinan eta raidimbom ewö siksauk ahök. ⁹Siksauk aiga Jeison aka urumelenġ alaurup tosatņi kuņġuba qesim enġigetka moneņ ala meköm etkiba pösatketka eta anget. Mewö.

Berea angetka Baiböl stadi ala keuņiri kewötket.

¹⁰Eta angetmö, urumelenġ alaurup yeņön Pol aka Sailas miangöreņök melaim etkigetka mosöta sunġem miri qetņi Berea miangöreņ anohot. Anda anġota Juda yeņġö köuluk miriņine öngöyohot. ¹¹Köuluk miriņine öngöba Buņa keu jiyohori, mi sihim ketanġi möta möt anġön kölget. Juda könagesö Berea malgeri, yeņön Tesalonaika könagesö enġongita ölöp sorokņi aket. Keu törörök jiyohot me qahö, mi wehön dop Buņa Kimbigö keunön kewöta oyonġa eraum möta malget. [†]Silik ölöņi mewöņi wuatangöba Juda ambazip Tesalonaika malgeri, mi luhut al enġiget. ¹²Buņa keu jiyohotka Juda yeņġöreņök jesönġöņan möt nariba uruņini melenġet. Grik ambazip yeņġöreņök mewöyök gwötpukņan Jisös möt narigetka sutņine ambi öngönġöņi qetbuņanġinambuk mi gwötpuk malget.

¹³Jisös möt narigetmö, Polnön Berea miangöreņ mewöyök Anutugöreņ Buņa keu jim asariba malöhi, miangö buzupņan sehiba Tesalonaika anda Juda jitņememe yeņġö kezapņine geyök. Kezapņine gei möta wahöta Berea kaba mewöņanök ambazip uruņini esiba kuņġuget. ¹⁴Kuņġugetka urumelenġ alaurup yeņön mi möta miangöreņök Pol melaigetka köwet jitņe geyök. Geyökmö, Sailas Timoti yetkön toroqeba Berea malohot. ¹⁵Azi Pol umbulgeri, yeņön toroqeba waņġita anda Atens sitinön anġotket. Anġotketka kewö jim kutum enġiiga mötket, "Iņini mönö lilingöba Sailas aka

† Berea yeņön Baiböl stadi ölöņi alget.

Timoti jigetka ösumok nõngörej kamahot." Keu mi möta mosöta anget. Mewö.

Polnõnj Atens sitinõnj mala nup meyök.

¹⁶ Polnõnj Atens sitinõnj tata Sailas Timoti yetkö mamböta mala liliköyök. Liliköba siti mi tandö lopionji lopiõnji miejõn kokolak qegetka kõna töwoknje töwoknje kingetka engeka awöwõliba tembula urunji kõnõp jeyök. ¹⁷ Polnõnj Juda yengö köuluk mirinjine õngöba Juda kian ambazip aka gölme tonji Anutu waiknji memba möpöseigeri, yembuk kinda eraum mötket. Polnõnj wehõn dop rowõnqeqe sombemnjini dop anda ambazip miwikñaim engiba yembuk aitõngöba eraum mötket.

¹⁸ Eraum mötketka Epikuros aka Stoik mötmöt jake yahöt mietkörengök böhi tosatñan kaba Polbuk keu singinji singinji jiba goranora aka jitnakölik erauget. † Tosatñan toroqeba Polgö keunji möta kewö jiget, "Mötmöt kitipnji kitipnji zezengek ewö usunja um jaruba laj qezaköba mohot yahöt miwikñaim bibihiba memba kaza. Mi memba kaba sesekñai ewö laj jizapmö, keunjangö ölnji wania jimangö mötzawi, mi qahö mötzin."

Polnõnj Jisösgö Buñaji jim asariba urunji kuñguba kömupnõhök wahörök †† jiyök. Miangöra tosatñan toroqeba kewö jiget, "Bem kianji memba kaba mietkö kõnanjiri jim asariza, miangö tandök ewö akza, ekzin."

¹⁹ Mewö laj laj jigetka Pol wangita maket sombem ketanji Areopagus ‡ miangöreng õngöba kaunsöl yengö jeñine alget kini kewö jiget, "Gi mötmöt areng dölökñi auknje kusum nengimakzani, miangö kõnanji denöwö? Mi ölop jinõnga mötpin. ²⁰ Gõnjõn kian kantri yengöreng keu murutnji memba kaba jinõnga kezapnine gei mötzin. Miangöra göhö keu arengahö kõnanji mi törörök mötpingö mötzin." ²¹ Atens tonji aka kian miangöreng malgeri, yengõn pakpak õne laj laj mala mötmöt keu dölökñi dölökñi õngitgõngit aka jiba möta urunji miangöreng ala nalõnjini ayuhuba malget. Mewö.

Polnõnj Areopagus sombemnjõn kinda keu jiyök.

²² Polnõnj wahöta Areopagus sombem bibiñe anda kaunsöl yengö jeñine kinda kewö jiyök, "Atens aziurup, nõnjõn ki kaba yuai pakpak eka kõnanjini kewö ahöi mötzal: Injini bemurupnjini göda ölopñi qeba möpöseim engiba malje. ²³ Nõnjõn liliköba engöreng miri kömbukñi kömbukñi eka mienngö sutnjine alta kulemñambuk kun miwikñai. Miangöreng kewö ohoget ahöi ehal, 'Bem kõnanji qahö mötzini, yangöra mein.' Miangöra injini bem kun kõnanji qahö möta

† Mötkutukutu böhi qetnji Epikuros yangõn uruölöwak mötpingö kõnanji kusum engiyök. Stoik mötmöt jake (akademi) miangö böhinji qetnji Zeno yangõn sihim ölopñi aka bölöñi qõmbököba böñ qeba köhöiba kinbingö kõnanji kusum engiyök. †† Jisös aka Kömupnõhök wahötwahöt keu yahöt mi qahö möt asariba tõnpin kinda kewö jiget, 'Yangõn mönõ bem azi ambi yahöt yetkö qetnji mi mewö qetza.' ‡ Areopagus miangö kõnanji mi yarögö bemñi qetnji Ares yangö kundunja.

tõndup waiknji memba möpöseimakzei, nõnjõn mönõ yangö kõnanji indela jibi mötme.

²⁴ †† Bem Anutunõnj Suep gölme aka yuai pakpak mietkö urunji ahözawi, mi miwikñaim engiyök. Yangõn Suep gölmegö Kembunja akza. Yangõn jöwöwöl jike börõnõnj memeni miangöreng qahö tata malja. ²⁵ Yangõn nanjak malmalgö kõnanji akza. Mi aka neñõn gölmenõnj malbinangöra sile, unja (imut) aka yuai tosatnji pakpak nenggiiga söngörö ösum örömakzin. Mewö nengimakzawangöra aka nanjak nene me yuai kungöra qahö osiza. Miangöra ambazip nini gumohom wangibingö osizin. Nini börõninan yuai qahö memba naluk al wangiin ewö, yangõn mönõ qahö kömuma. Yangõn azi tandök qahö malja. Qahö.

²⁶ "Yangõn mutuk azi mohot miwikñaiiga yangörengök sehiba denja gwala injanji aka sile tosatnji aka gölmenji gölmenji pakpak dop köla maljin. Yangõn nalõnini pakpak törörök arengöm nenggiiga miangö dop maljin aka miri gölme denike denike ahöm tat ala maljini, miangö göranji aka aiwesökñi ala jim kutuiga miangö dop maljin. ²⁷ Nini mönõ Anutu nanji möt jarum wangibingöra yuai pakpak mi arengöba al nengiyök. Yangõn körek pakpak kösutnineyök maljapmö, tõndup mezañqezanj ala Anutu jaruba mala miwikñabin me qahö? ²⁸ Nanjini Grik mötmöt ambazipnõnj keu kõtnji arengöba ohogeri, yengörengök yahötñan mewöyök keu kõtnji kun kewö jiyohot,

'Ninia kun yangö gwölõnarökurupnji maljin.'

Azi mewõnj kunjan keu kõtnji kun kewö ohoyök,

'Yangõn mönõ mem letot nenggiiga yangö aumñe malmalnini malakzin, kõnanini anda kamakzin aka ahöm wahõtnini ahakzin.' ††

²⁹ Keu mienngö dop nini mönõ Anutugö gwölõnarökurupnji mala kösutneyök kinjin. Kösutneyök kinjinmö, tõndup yangö kõnanji möt sohoba janjuñ akinbuk. Imut ohoho azi yengõn mötmöt qakñe kinda bem kungö tandökñi mötmöröba goul, silwö me köt jamõnjij memba urorohoba tandö lopionji söhöba menjölöba memakzei, yangõn mönõ mewö tandök qahö akza.

³⁰ Ambazipnõnj gukmaulem aka jipjap mala kotketka Anutunõnj nalö miangöreng ahakmemeni möt böliiga likepñi qahö melenja malökmö, nalö kewõñe keunji indela kewö jiza, 'Ambazip körek pakpak mirinjini dop tat anjei, injini mönõ urunji melenja nõngöreng kaget.'

³¹ "Anutunõnj nalö ketanji ali kam kuñguma. Yangõn nalö miangöreng ambazip gölmenji gölmenji pakpak mal anjei, mi tokom nengiba keunini kewöta törörök jim teköma. Yangõn azi kun keunini jim tekömapköra möwölöhöba jimtekötekögö kukösumñi börõñe alök. Yangõn azi mi mem gulii kömupnõhök wahöröga mewö mianjõn kukösumñi ketanji mi ambazip pakpak kondel nenggiiga eka mötzin. Azi kömupnõhök wahöröhi, yangõn mönõ jimtekötekö Tonina akza."

†† 17.24 1 Kij 8.27; Ais 42.5; Apo 7.48 †† Mötmöt azi ketanji Pol yangõn mötmöt jakenji jakenji õngöba Grik yengöreng buk murutnji murutnji oyoñda möt kutuba miangörengök keu kõtnji kõtnji amqeba memba aukñe jiyök.

³² 'Anutunöñ azi kun kömupnöñök mem gulii wahöröhi,' tosatñan keu mi möta mepaqepaiköget. Mewö aketmö, tosatñan kewö jiget, "Keu jizani, nini mi kunbuk mötpingö mötzin. Miangöra gi ölop nalö kunöñ keu mi toroqeba jim tuariman." ³³ Mewö aketka Polnöñ yengö sutñineyök wahöta engömosöta anök. ³⁴ Anökmö, tosatñan kaba Jisös möt nariba yambuk toroqet. Möt narigeri, yengö sutñine Areopagus kaunsöl kambu yengö jitñememe azi kun qetñi Dionisius malök. Mewöyök ambi ketanji kun qetñi Damaris aka tosatñan yetpuk toroqeba möt nariget. Mewö.

Polnöñ Korint sitinöñ ani urunini melenget.

18 Yuai mi asuhuiga Polnöñ Atens siti mosöta Grik siti kun qetñi Korint miangöreñ anök. ² Korint anda Juda azi kun qetñi Aqila miwikñaiyök. Aqila yanön Eisiagö prowinsñi qetñi Pontus miangöreñ ahuba könangetp mindimindiri siti Rom anda malök. Miangöreñ mali sisa kiñ qetñi Klodius yanön jimkutukutuñi kewö alök, "Juda ambazip inñini mönö körek pakpak Rom siti mosöta deñme." Mewö jiyöhanğöra aka Itali kantri mosöta Grik geba nalö miangöreñ Korint kanğorök. Kanğoriga Polnöñ miwikñaiiba i aka anömñi qetñi Prisila yetköreñ anök. ³ Malmalñiri nanğöbitköra opo koumñi koumñi meyohot. Polnöñ mewöyök opo seri koum meme azia. Miangöra yetköreñ ani nupñini öröröñ ahöiga yetpuk mala ahöba opo seri koum nup mohotñe meget. ⁴ Mamba malgetka Sabat kendon dop köuluk mire öngöba Juda aka Grik ambazip yembuk Jisösgö könanji erauba mesinđa urunini melenmegöra kunğum engiba malök.

⁵ Kunğuba mali alayahöñji Sailas Timoti yetköñ Masedonia prowinsnöñök kanğorohotka Jisösgö Buñanji nalö dop jim asariba malök. Mewö mala Jisöñöñ Amötqeqe Tonji Kraist akzawi, miangö könanji aukñe kondela keu miangön Juda ambazip urunini kunğuyök. ⁶ Urunini kunğuyökmö, Pol tuarenjoñ aka uruqeqe keu töhöreñ jim wanğigetka böröñan jenjine kunğuba sölburañji töñjörari eriga kewö jiyök, "Nöñön köpösihit qahö akiga inñi ayuhuba miangö likepñi mi mönö nöngö qakne albingö osime. Mi nanñinak bisime. Inñi Buñ keu qetalgetka nöñön ölop engömosöta merak kinda öngömawi, miangöreñ kian kantri ambazip yengöreñ elenđa anmam."

⁷ Mewö jiba engömosöta köuluk miri gorañe azi kun qetñi Titius Jastus yanğö mire öngöba malök. Yanön Juda azia qahöpmö, töndup Anutugö waikñi mamba möpöseiba malök. ⁸ Gorañe anökmö, köuluk mirigö galöm qetñi Krispus aka yanğö anöm-moröñi yanön körek urunini melenđa Kembu möt nariget. Mewöñanök Korint ambazip tosatñi Polğöreñ keu mötkeri, yengöreñök gwötpukñan Jisös möt nariba urunini melengetka o melun mem engiget.

⁹ Polnöñ sunğem kunöñ gaun ahöiga Kembunöñ kutum wasöriga imut ehiga kewö jii mörök, "Gi kenğötki kude mötmanmö, Buñ keu mönö köhöiba jiba malman." ¹⁰ Siti kianğöreñ ambazip kambu gwötpuk yanön nöngö buñaya akze. Miangöra nöñön göbuk malbiga

kunñan yuai kun qahö könahiba mem bölim gihima."

¹¹ Mewögöra Polnöñ nalöñi mem köriba yengö sutñine (yara) yambu mohot aka köiñ 6 miangö dop mala Anutugöreñ Buñ keu kusum engimalök.

¹² Kusum engimalökmö, Rom yanön azi Galio kunğuetka Akaia prowinsgö kiap gawönö malöhi, nalö miangöreñ Juda jitñememe yanön mindiriba Pol tuarenjoñ ak wanğiba öröba keu jakeñe al wanğiget.

¹³ Keu kewögöra al wanğiget, "Azi kianön ambazip enjololoñ ak engimakza. Rom yanön jimkutukutuñini alget ahözawi, yanön ambazip köna mi qösököba Anutugö waikñi mamba möpöseimegöra uru kunğum nenğimakza."

¹⁴ Keu mewö sileñe ala jigetka Polnöñ keu jimamgö aiga kiap gawönö Galio yanön Juda ambazip yengöra jiyök, "Juda ambazip engö sutñine kunñan azi qei kömumbawak me pinjit bölöñi kötökñi kun akawak ewö, miangöra nöñön ölop keunini kezap ala mötpileñak.

¹⁵ Mimö, engö sutñine mötnaripkö keu asuhuiga qet murutñi murutñi qeta anğururuk aka jimkutukutuñini denöwö akñei, mi mönö nanñini lömbötñina. Nöñön yuai mewöñi mi kewöta jim tekömamangö dop qahö akzal." ¹⁶ Mewö jiba keu jakeñeyök enğuatangöiga etket. ¹⁷ Eta nanñinök mindiriba mohotñe luhuba köuluk mirigö galöm qetñi Sostenes mi qeraköba mamba kaba keu jakeñangö köna numbuñe ala qeget. Qegetka kiap gawönö Galionöñ mi eka miangöra möriga ölni kun qahö ahök. Mewö.

Polnöñ nanñi miriñe Antiokia sitinöñ lilingöyök.

¹⁸ †Polnöñ töndup toroqeba Korint sitinöñ silim gwötpuk malök. Mal teköba urumelen alaurupñi yaizözkök keunini jiba engömosöta Prisila aka Aqila etkömamba köwetnöñ geba wanğegöra mamböta tatket. Mutuk Anutugö jeñe kewö jiyök, "Nöñön Anutugö nupñi pöndañ kapañ köla memam." Keu mewö jiba mi jöjöpañ keunöñ jöhöba malök. Nalö mi teköiga köwetnöñ miri qetñi Senkria miangöreñ geba jöjöpañ keunangöra jiga nörop jupñi mitiget. Wanğe kun Siria prowinsnöñ anmamgö ahöhi, mi miwikñaiiba miangöreñ öngöba opo seri öröba mörörengögetka luhutnöñ nanğöi anget.

¹⁹ Anda Efesus taonöñ anğota Polnöñ Prisila aka Aqila etkömosörökmö, nanñak köuluk mire öngöba Juda yembuk Jisösgö könanji eraum mötket. ²⁰ Eraum möta kewö qesim wanğiget, "Gi ölop nalö köropñi nembuk malman." Mewö qesim wanğigetmö, Polnöñ miangö urumohot qahö ahök. ²¹ Miangöra yaizözkök kewö jiyök, "Anutunöñ miangö On! jima ewö, mönö ölop lilingöba engöreñ kamam." Mewö jiba wanğe kunöñ öngögetka opo seri öröba mörörengögetka luhutnöñ nanğöi Efesus mosöta anget.

²² Anda taon kun qetñi Sisaria miangöreñ anğota wanğe mosöta gölme köna Jerusalem öngöyök. Öngöba lilingöba urumelen könagesö jölöñini jiyök. Mi jiba tata wahöta geba Antiokia sitinöñ anök. ²³ Antiokia sitinöñ anda mali sonda tosatñi teköiga engömosöta kö-

nanön anök. Könanön anda Galesia aka Frigia prowins yahöt mi ongita miri dop liliköba gwarek pakpak engeka köl gulim engii köhöiget. Mewö.

Apolosnön Efesus aka Korint nup meyük.

²⁴ Nalö miangören Juda azi kun qetji Apolos mi Efesus kayök. Apolos yanön Ijiptkö taon qetji Aleksandria miangören ahuba mala mötmöt mire öngöi teköiga Buña Kimbi Walñangö keunji ölöphanök möt kutuyök. Mi möt kutuba könanji jii keunji tandökni miangöra ambazip miri dop sihim gwötpuk möta söngaiget. ²⁵ Kembangö könanji wuatangöbingö könanji kusum wangigetka Anutugören könop bölamñan uruñe jeyök. Jisösgö könanji törörök diñdini kusum engiba Jonön o melun mem engiyöhi, miangö könanji ölop möt sölöngöba jiyök. Mi jiyökmö, miangö likepni kun mosörök. Uña Töröñan melun mem neñgizawi, mi qahö mörök.

²⁶ Yanön kaba köuluk miri uruñe könahiba keu ösum-mumuñambuk jiyök. Jiiga Prisila Aqila yetkön keunji möta kinda wangirohotka yetkö mire anget. Anda Anutugö könanji ölöphanök toroqeba jim asariba jiyohotka mörök. ²⁷ Apolosnön Grik kantrigö bahöni qetji Akaia miangören anmamgö möriga Efesus urumelen alaurup yeñon kötöngöm wangiget. Kötöngöm wangiba Akaia gwarekurup yeñgöra kimbi kewö ohoget, "Azi ki mönö köl öröm wangime." Apolosnön kimbi mi memba Akaia prowinsnön anda ambazip Anutugö kalem möriamni möt asariba uruñini melenjeri, mi gwötpuk bauköm engiyök. ²⁸ Bauköm engiba "Jisösnön Amötqeqe Tonji akza," jiba miangö könanji mi Buña Kimbigö keunji keunji oyonda miangön kondel engii mötket. Juda yeñon keu mi möta jitnakölik aketka goranora (noragora) ahuyökmö, Apolosnön Anutugö kukösum qakñe kinda keunji aukñe qeapköiga etket. Mewö.

Polnön Efesus mala nup meyük.

19 Apolosnön Korint sitinön maliga Polnön Antiochia siti mösöta prowins tosatni [†] ongita mala mala köwet görañe Efesus sitinön angorök. Angota miangören gwarek tosatni miwikñaiba engehök. ² Engeka kewö qesim engiyök, "Inini möt nariba uruñini melenjeri, Uña Töröñan mönö nalö miangören uruñine geyök me qahö?" Mewö qesim engiiga kewö melenja jiget, "Uña Töröñan maljawi, nini miangö keunji qahöpmahöp mörin."

³ Melenja jigetka kewö jiyök, "Inini mönö wani o melun mem engigerawa malje?" Mewö jiiga melenjet, "Nini Jonön o melungöra jiba malöhi, mönö mi mem nengiget mein."

⁴ ^{††} Mewö melenjetka Polnön jiyök, "Jonön Jisösgöra keu jiba ambazip kambu uruñini kuñguiga kewö mötket, 'Nöngö andöne azi kun kamawi, inini mönö i möt nariba uruñini melenjet.' Mewö jii möta uruñini melenjeri, Jonön i o melun mem engiba malök."

[†] Gölime mi nalö kewöñe kantri qetji Töki (Turkey) miangö uruñe ahöza. ^{††} 19.4 Mat 3.11; Mak 1.4, 7-8; Luk 3.4, 16; Jon 1.26-27

⁵ Mewö jii mötketka Polnön Kembu Jisösgö qetñe o melun mem engiyök. ⁶ Mem engiba böröñi nöropñine aliga Uña Töröñan uruñine geiga kantri tosatñangö keu murutni murutni könahiba jiba kezapqetok keu jiget. ⁷ Azi mi mindiriba 12 miangö dop malget.

⁸ Polnön köuluk mire öngöba kinda Anutugö bemtohonangö könanji eraum möta awösamkakak kinda suahö ewö uruñini kuñgui keunji qeapköbingö osiba malget. Mewö malgetka köiñ karöbut teköyök. ⁹ Qeapköbingö osigetmö, tosatñan yanñisen aka qahö möt nariba Kembangören könanji aukñe jim böliba ambazip jeñine luasö jiba kinget. Mewö jiba kingetka Polnön kewöta menden engiba engömosöta gwarekurupni enguanñiriga tikep anget. Tikep anda azi qetji Tiranus yangö qenjarök mötmöt jakenön silim dop (aua 5 tokoba) kusum engiiga eraum-mötmöt aka malget.

¹⁰ Mewö aka malgetka Kembangö Buña keunjan sehiiga (yara) yambu yahöt teköyök. Mi teköiga Buña keu mi Eisia prowins uruñe miri tonji aka Juda ambazip pakpak yangö kezapñine gei möt teköget. Mewö.

Sewa nahönurupñan öme közölingö osiget.

¹¹ Anutugö kukösumñan Polgören angoriga nup memba böröñi ambazip nöropñine ali Anutunön angöletot murutni murutni meiga asuhuget. ¹² Mewö mali ambazip kawöl engöhöi malgeri, tosatñan Polgö sileneyök nöngöp mitimiti aka opo jöhanñi tosatni mewöyök memba anda kaba qakñine algetka kawölñini engömosöri ömenini kota angetka ölöwaket. ¹³ Juda sile galöm tosatñan liliköba öme enguatangöba anda kaba malgeri, yeñon mewöñanök könahiba ömenön kölköljiniñ mem engigeri, yeñgö qakñine Kembu Jisösgö qetñi qeta ösumni köl örobingö esapköget. Esapköba kewö jiget, "Polnön Jisösgö qetñi qeta uru kuñgum nengimakzawi, nöñon mönö Kembu miangö qetñe öme kota kesalmegöra jim kutum engizal." ¹⁴ Jisösgö qetñi mewö qetkeri, yeñgö sutñine Juda jike nup galöm bohonñi qetñi Sewa yangö nahönurupñi 7 yeñon mewöyök malget.

¹⁵ Yeñon ömewöröme kun mewö jim kutum wangigetmö, yanön melenja kewö jim engiyök, "Ni Jisös möt wangizal aka Pol möt wangizalmö, inini mönö niñja?"

¹⁶ Mewö jim engiba azi uruñe kinöhanñon mönö luhuba qakñine öngöba qeraköba engömeyök. Mewö körek pakpak luhut ala yayipaleleñ mem engiba silenini kutumutuba opo malukuñini munjukunjurariyök. Munjukunjurariga nanñik nanñik silenine sepgwörörök eta kini tököba kesala miri uruñi mi mösöta silenini gwamönñi aukñe eta angaiget.

¹⁷ Mewö asuhuiga Juda kian aka gölime tonji Efesus malgeri, körek yeñon miangö buzupni möta gwötpuk auruba awöwöliget. Awöwöligetka tosatñan Kembu Jisösgö qetñi kapañ köla möpöseigetka aködamunñambuk ahök. ¹⁸ Möt nariba uruñini melenjeri, yeñgörenjök gwötpukñan anda siñgisöndokñini indela jim kölenget. ¹⁹ Tosatñan qarösonjo amötqeqe memba malgeri, yeñgörenjök gwötpukñan buk papiñani

memba kaba tokoba ambazip pakpak yengö jeñine kinda aukñe könöpnöñ gilget jeyök. Buk papia miengö söñgööröñini oyoñda mindirigetka mindimindiri jañgöñini mi silwö moneñ (Kina) 50.000 miangö dop ahök. ²⁰ Tandök mewö aketka Kembugö Buña keuñan mönö ösum-mumuñambuk sehiba köhöiba anök. Mewö.

Polnön nupñangö areñi alök.

²¹ Yuai pakpak mi asuhum teköiga Uña Töröñan Pol sölölohöm wañgii keuñi jöhöba kewö jiyök, “Ni köwet kutuba Grik kantrigö likepñi yahöt Masedonia aka Akaia miangöreñ liliköbi teköiga mosöta Jerusalem sitinön anmam.” Mewö jiba toroqeyök, “Miangöreñ anda tata Jerusalem mosöta Rom siti mewöñanök anda ekñam.” ²² Mewö jiba neñakñi yahöt Timoti aka Erastus melaim etkiiga Masedonia anohotka nanñak toroqeba nalö tosatñi Eisia prowins uruñe malök. Mewö.

Efesus yeñön bim karim aket.

²³ Efesus sitinön Kembugöreñ köna wuatangögetka miangöra nalö miangöreñ enjololon göjupmajup keta bölökñi asuhuyök. ²⁴ Silwö nup meme azi kun qetñi Demitrius yañön silwö ohoiga kolkolgöiga qekötahöba bem ambi qetñi Artemis yañgö jöwöwöl jikegö dop imut morömorö memba malök. Mi meiga bohonñi memba malgetka moneñ öngöñgöñi öröi kölköl-örörö alaurupñan mendeñda meget. ²⁵ Megetka Demitrius aka kambu tosatñan nup mewöñi memba malgeri, mi mohotñe engoholi kaba tokogetka kewö jii mötket, “Azi alaurup, nini nup ki meinga bohonñi ölöpñi asuhaba kamakza, mi mötzin. ²⁶ Mi mötzinmö, Pol azi miangöreñ Efesus kiangöreñ kangota ambazip uruñini esiba ki aka Eisia prowins pakpak dop köla ambazip kambuñi kambuñi kuñgum engii janjuñ akzei, mi nalö kewöñe ölöp eka mötze. Yañön kewö jimakza, ‘Bem börönöñ memeni mi bem ölni qahö.’

²⁷ “Mewö jiba maliga nini kölköl-örörö nupnini memakzini, miangö qetñi mem bölüi jijiwilit akepukö urulömböt akza. Aka miyöhök qahöpmö, urulömböt kun kewö ahöza: Ambazip pakpak Eisia prowins uruñe aka gölmeni gölmeni pakpak miangöreñ bem ambi öngöñgöñi Artemis waikñi memba möpöseimakzei, yañgö bem qetbuñani ketanñan ayuhaba ösumñan etpapuk aka jöwöwöl jikenangö qetñan bölüba ambazip jeñine eta omanñi akapuk. Urulömböt mewö ahöza. Miangöra waimañat möta keu ki jizal.”

²⁸ Demitriusnön mewö jiiga sungurum alaurupñan mi möta irimñini seholiiga kewö jiba qet gigilahöget, “Efesus neñgöreñ Artemis mi öngöñgöñi!” ²⁹ Qet gigilahögetka enjololon göjupmajup miangöreñ sehiba sehiba siti körek dop kölok. Mewö aiga Masedonia azi yahöt qetñiri Gaius aka Aristarkus Polgö sungurumyahötñi mi qeraköba etkömembra örörahöm etkiba qezakqezak mirinön anda totoko alget. ³⁰ Totoko algetka Polnön mewöyök ambazip kambulelemebe yeñgö

sutñine anmamgö mörökmö, urumelen ambazipnön i angöñ köl wañgiget.

³¹ Eisia prowinsgö galömkölköl azi tosatñan Polgö alaurupñi akeri, yeñön mewöyök kolek ala kewö ulet wañgiget, “Qezakqezak mirinön totoko aljei, gi mönö nangi miangöreñ kude kondel engiman.” ³² Totoko algeri, miangöreñ ambazip gwötpukñan kinda tokogerangö könañi kun qahö mötkerangöra nanñik nanñik lanlan qet gigilahöba siksauk enjololon ketanñi megetka sehiba anök. ³³ Mewö ani Juda yeñön azi qetñi Aleksander kuñguba nañgögetka kambu yeñön öröba köna algetka qaikñe eu öngöba kinök. Öngöba kinda ambazip jemesoholñine keu likepñi meköba jimamgö möta börö pözöñ misiba aiwesök mem engiyök.

³⁴ Aiwesök mem engiyökmö, Juda azia akzawi, mewö möt kutuba miangöreñök numbuñini mindiriba körekñan könahiba keu kewö qetket, “Efesus neñgöreñ Artemis mi öngöñgöñi!” Mewö qeta mala aua yahötkö dop silata qeta kinget.

³⁵ Qeta kingetka siti pomñan ambazip kambu uruñine memba eta ali görön algetka kinda kewö jiyök, “Efesus ambazip, nini nanine siti kiangöreñ Artemis öngöñgöñi mi möpöseiba maljin. Nini yañgöreñ jöwöwöl jike aka köt imutñi kömbukñi Suepnöhök eröhi, mi galöm köla maljin. Keu mi inini körek ölöp mötze. ³⁶ Mi kunñan qañ kölmawañgö dop qahö. Miangöra inini mönö uruñini ösön memba eta ala böñjön malme. Kezapjupjup yuai kun kude akñe. ³⁷ Azi ki jöwöwöl jikenön öngöba yuai kun qahö kiom qeba mem bölüyohot. Bem ambinini qahö ilit wañgiyohot. Inini töndup i etkuangitketka ki kinjahot.

³⁸ “Demitrius aka yañgö kölköl-örörö alaurupñan tosatñi yembuk angururuk aka keu jim angubeak ewö, kiap mönö ahöze aka keu jakegö totokonñi totokonñi mi keu mindingöbingöra alakze. Miangöra mönö ölöp miangöreñ anda keu jakeñe al anguba aröñda kingetka dop kölma. ³⁹ Inini yuai kun toroqeba jibingö mötpeak ewö, siti kiangö toñan mönö ölöp könagesö öröm engiiiga qenjarök sombemnön tokoba keu kewöta jim teköme. ⁴⁰ Merak enjololon göjupmajup ketanñi ki könañi qahöpmö, töndup imbisölöm asuhuzawi, mi Rom gawman yeñön möta kewö jibepuk, ‘Efesus yeñön Rom mindimindiri gawman qetala bim karim akze.’ Mewö jiba keu jakeñe al nengibepuk. Miangö urulömbötñi akza, mi mötzal. Keu jakeñe al nengiba karim kiangö könañangöra qesim nengibeak ewö, nini mönö likepñi gagabe köla jibinañgö dop qahö mötzin.” ⁴¹ Efesus siti pomñan keu mewö jiba ambazip kambu köndeñ engiiiga söroräuba deñda anget. Mewö.

Polnön Masedonia aka Grik anda nup meyök.

20 Efesus miangöreñ göjupmajup miangöreñ sörauba teköiga Polnön gwarekurupñi engoholi kagetka urugö nañgönañgö keu qambañ engiba yaizökzök jiba engömosöta Masedonia prowinsnön anök. ² Masedonia anda gölmeni gölmeni kutuba liliköba miangöreñ qambañ keu gwötpuk jiba mala Grik kantrinön kayök. ³ Grik kaba köñ karöbut malök. Mi mal teköiga wañge

memba köwet kutuba Siria anmamgö mörök. Mewö mörökmö, Juda jitnememe yeñon könanön qebingö anğönanji algetka kezapne gei mörök. Mi möta mi-anğöra Masedonia prowins kutuba gölme köna miriñe lilingömamgö keunji uruñan jöhöyök.

⁴ Keunji jöhöi sunğurumurupñi kewöñan yambuk anget: Berea azi qetñi Sopater Pirusgö nahönñi, Tesalonaika azi qetñiri Aristarkus aka Sekundus, Derbe azi qetñi Gaius, Timoti aka Eisia prowinsgö azi qetñiri Tikikus aka Trofimus. ⁵ Yeñon qeljiñe Troas anda mi-anğöreñ neñgöra mamböta malget. ⁶ Troas anda malgetmö, Luk ni aka tosatñi neñon beret yistñi qahöpkö kendon mi Filipai sitinön tarin. Mi tarin teköiga wañgenön öngöinga opo seri öröba möröreñgögetka luhutnön nañgöi anda wehön 5 aiga Troas yeñgöreñ anğorin. Troas anğota miangöreñ wehön 7 toroqeba malin. Mewö.

Polnön nalö kondikñi Troas malök.

⁷ Wehön 7 malin teköiga Polnön wehön 8 miangöreñ engömosöta anmamgö mörök. Mi möta sunğem kondikñi Sondagie miangöreñ tokoba Jisös mötmöriba beret mindipköbingöra tarin. Mewö taringa Polnön yembuk eraum möta keunji jim köriba mali mali sunğem bibiñi ahök. ⁸ Nini miri uruñi kungö qakne eu öngöba tokoba taringa lambe gwötpukñan jeba asariget. ⁹ Tokoba taringa azi gwabö kun qetñi Yutikus yañon jengenañnön tarök. Tari Polnön keu jiba mali möri nalö köriiga gaunñangö möta ahöba gwörörök öröba könakembayök tala imbiñi qahö möta miri uruñi karöbut onğita gölmenön geba qeyök. Geba qeiga luhuba geba memba wahöringa kömuyöhi, ehin.

¹⁰ Mewö ehinmö, Polnön geba kepölaköba jiyök, "Kunbuk söngörö ösum ala guliza. Miangöra kude awöwöliget." ¹¹ Mewö jiba kunbuk eröhangöreñ öngöba beret mindipköba neyök. Nemba yembuk nalö köröpñi keu jiba mala mala miri gianjiigun engömosöta könanön anök. ¹² Aniga azi gwabö mi wañgitketka guliba malöhi, mi eka urukölalep ketañi möta anget. Mewö.

Polnön Troas mosöta Miletus anök.

¹³ Yeñon angetmö, Polnön nanñak gölme köna anmamgö möta kewö jim kutum neñgiyök, "Inini mönö qeljiñe köwet köna miri qetñi Asos miangöreñ angetka aitonğöba noañgitketka wañgenön öngöbin." Mi-anğöra neñon mosöta wañgenön öngöinga opo seri öröba möröreñgögetka luhutnön nañgöi anda Asos miangöreñ anğorin. ¹⁴ Asos anğota nembuk aitonğöba Pol wañgiringa wañgenön öngöba miri qetñi Mitilini miangöreñ anin. ¹⁵ Mitilini anda miangöreñ opo seri kunbuk öröba möröreñgögetka luhutnön nañgöi anda mala ahöba wahöta gölme jöhanñi qetñi Kios miangö kösutne anğorin. Anğota toroqeba kutuba anda ahöba wahötagun miri qetñi Samos miangöreñ geba kunbuk anda ahöba wahöta miri qetñi Miletus miangöreñ

kewögöra anğorin: ¹⁶ Polnön "Yambu dölökñi (Pentekost) mi esapköba Jerusalem sitinön tatmam," jiba nalö ayuhubinbuköra ösumok anbingö mörök. Mi-anğöra Eisia prowinsnön nalö köröpñi ayuhubinbuköra möta wañgenön öngöba Efesus siti onğitpingö keunji jöhöi malin. Mewö.

Polnön Efesus yeñgöra keu kondikñi jiyök.

¹⁷ Miletus anğoringa Polnön Efesus yeñgöra kolek ala urumelen könagesögö jitnememurup yeñon eta kamegöra köl öröm engiyök. ¹⁸ Köl öröm engii miri qetñi Miletus miangöreñ kañgotketka engeka kewö jii mötket, "Nöñon nalö mutukñi Eisia prowinsnön kayali, miangöreñök könahiba nalö pakpak embuk mala kota nup meali, inini miangö tandökñi ölop möt yaköze. ¹⁹ Nöñon Kembugö jeñe uruni mem et al anğum teköba nupñi denöwö memba kota malali, inini mi ölop mötze. Nupñi memba ambazip enğöra sahöta imbilni eriga malal. Juda yeñon uruñini qahö melenğeri, yeñon nalö tosatñi miangöreñ silenön alal aket aka nuñgubingöra areñ asa-asambötñi ala malget. Mi ala malgerañgöra aka esapesap murutñi murutñi miwikñaiba sihimbölö möta malal.

²⁰ "Nöñon Buña keu mem ölöwak enğimakzawi, mi jim asarim enğiba malal. Mi qenjaröknön tokoba aka miriñi miriñi miangöreñ öngöba kusum enğiba malal. Nöñon miangöra poraiba nup qahö mosöral. ²¹ Nup qahö mosöralmö, Juda kian aka gölme tonji enğöra mewöyök keu kötñi kewö nañgöba jiba malal, 'Inini mönö uruñini melenğda Anutugöreñ qekötahöba Kembunini Jisös Kraist möt narim wañgime.' Inini mi pakpak ölop möt teköze.

²² "Mötket, merak Uña Töröñan ni Jerusalem sitinön anmamgö kungum niñgiza. Miangöreñ anbi wani yuai asuhum niñgimawi, mi qahö mötzal. ²³ Mohok-kun kewö mötzal: Nöñon taon denike denike anda malali, Uña Töröñan miangöreñ sañep ala kewö nañgöba jii möta malal, 'Gi mönö kahasililiñ möta malnönğa kösö mire al gihigetka tatman.' ²⁴ †Mewö jii möta malalmö, muat. Nöñon toroqeba malbilenjak me kömumbilenjak, mi keu kun qahö ak niñgiza. Mi qahöpmahöpmö, Kembu Jisösnön nup al niñgiyöhi, nöñon mönö mia mem yakömamgö möt köhöizal. Yañon nöngöra kewö jiyök, 'Anutunön kalem möriamñi ambazip enğimamgö mötzawi, gi mönö miangö Ölöwak Buñanji jim asariba malman.' Miangöra gölmenön malmami me kömumami, mi mönö yuai omanji kötökñi ak niñgiza. Ambazip mönahotkö aonğit akzei, kunñan miangöreñ kemañe kutuba luhut qahö alma. Nöñon mönö miangö dop nupñi memba kemañe kutuba mosötpilenbuköra ösumni pakpakñan kapañ köla anda malmam.

²⁵ "Mewö malmam-mö, mötket, nöñon enğö sutñine anda kaba Anutu bemtohoñangö könanji jim asaribi mötkeri, inini nöngö jesöngöröni mi kunbuk qahö ekne. Enğöreñök kunñan kun qahö nekñawi, merak mewö mötzal. ²⁶ Miangöra nöñon inini Anutugö jitiñi pakpak wuatangömegöra jiba uru kungum enğiba

malal. Mi mönö qahö poraiba mosöral. Miangöra engöreñök kunñan kun siñgisöndokñangöra sohoba kömumba könöp sianöñ gema ewö, injini mönö ni jim niñgibingö osime. Nöñön mi merak engöra aukñe nangöba jim köhöizal.

²⁸ "Kembunöñ nanñi sepñi mokoba mianñön kö-nagesöurupñi bohonñini meiga buñaji ak teközei, injini mönö i lama ewö galöm köla köyan köñ engiba malme. Uña Töröñi yanñön nanñak nup mi al engiyök. Miangöra injini mönö nanñini aka Kembugöreñ lama kambu yengöra galömñini mem anguba malme.

²⁹ Nöñön anbiga miangö andöñe ambazip kanjamñi-nambuk mi kiam kalñi ewö engö sutñine asuhume. Yeñön asuhuba lama kambu engöra qahö möta piakñi aka lañ kaba engöhöme, mi mötzal. ³⁰ Nanñini sutñineyök azi tosatñan wahöta kinda Jisös gwarekurupñan görañe anmegöra öröm engiba muney keu jiba malme. ³¹ Miangöra injini mönö uruguliguli mala keu ki uru köñomñine ala mötmörime: Nöñön (yara) yambu karöbutkö dop sungem asak qambañ keuñi keuñi mi injini mohot mohot qösösök (qörörök) kusum engiba malbiga imbilni erök.

³² "Nöñön merak injini Anutugö böröñe al engiba kewö jizal: Yangö Buña keuñan mönö kalem möriamñi indela köyan köñ engimakña. Anutunöñ köhöiba uruñini nangöba möhamgöiga ölop köhököhöi miwikñaiba mutulangömakña. Injini Anutubuk lapingögetka alaurupñi pakpak tök kutum engiiga sarakñi akzei, mönö yengö sutñine angota dum tatatñini memba oyaenkoyañ aka malme. ³³ Ni engöreñök kungö guli jalö me moneñ opo mi qahö buña qem angumangö möta malal. ³⁴ Ni aka suñgurumurupñan yuaigöra osiba malini, mi mönö nani böröni kianñön nup memba miwikñaiba malal.

³⁵ "Mi pakpak aka memba silik ölpñi kondel engial. Injini mönö mewöñanök nup memba malme. Mewö mala ambazip löwöriba nup memegö osizei, mi ölop köyan köñ engiba malme. Nup megetka öñi ahuiga Kembu Jisösgöreñ keu ki mötmörime: Yanñön nanñak keu kun kewö jiyök, 'Inap yuai buña qem anguggetka teköba pömsöm qeiga öne malmemö, tosatñi yengöra yuai kalemñina engigetka Anutunöñ likepñi melenñiga oyaenkoyañ akñe.' Mewö."

³⁶ Polnöñ keu mewö jiba eta simin köla körek yembuk Anutu köuluköyök. ³⁷ Köuluköiga körek yeñön amburereñ aka urusahöt qeba angum wangiba numbuñi yöhötüm neget. ³⁸ Polnöñ mutuk keu kun kewö jii mötket, "Injini nöngö jesöñgööröni kunbuk qahö ekñe." Keu mewö möta miangöra wösöbirik öngöñgöñi möta kinda wangita wangenöñ öngöba yaizözkök jiba umbulget. Mewö.

Polnöñ Jerusalem anök.

21 Yaizözkök jiba nengömosötgetka opo seri öröba möröreñgögetka luhutnöñ nangöi anda gölme jölanñi qetñi Kos miangöreñ göröken diñdiñanök anda angorin. Angota ahöba wahöta toroqeba gölme jölanñi qetñi Rodos miangöreñ anin. Miangöreñök

toroqeba Lisia prowinsgö mirinñi qetñi Patara miangöreñ angorin. ² Angota kinda wangje kun Fonisia gölmenöñ anmamgö ahiga mi miwikñaiba miangöreñ öngöinga opo seri öröba möröreñgögetka luhutnöñ nangöi anin.

³ Anda mala gölme jölanñi qetñi Saiprus miangö kösutñe kaba eka mösököba Saut görökenök ongita toroqeba luhutnöñ nangöiga Siria prowins göröken anin. Anda "Wanggeg inapñi mi Taiö taonöñ anda wangenöhök memba albin," jigerangöra miangöreñ anin. Miangöreñ anda wangje mosöta gein. ⁴ Geba gwarekurup miwikñaim engiba yembuk toroqeba wehön 7 malin. Miangöreñ malinga Uña Töröñan sölölohöm engii Pol Jerusalem sitinöñ anapuköra galöm meme keu jiget. ⁵ Mi jigetmö, nini wehön 7 mi yembuk malin teköiga engömosöta köna anin. Köna anbin jiinga yeñön körek pakpak anöm-moröurupñi-nambuk nengubula taon mosöta silenye kaget. Taon silenye kaba köwet sakñe eta simin köla Anutu köuluköin. ⁶ Köuluköba yaizözköknini jim anguinga Jerusalem anbingöra wangenöñ öngöinga yeñön mirinñine lilingöget.

⁷ Pol aka nini yangö suñgurumurupñan mewö Taiö mosöta toroqeba anda miri qetñi Tolemes miangöreñ angota wangje mosörin. Wangje mosöta urumelen alaurup jölöñini jiin aka yembuk wehön mohot malin. ⁸ †Mala ahöba wahöta engömosöta gölme köna anda Sisaria taonöñ kangorin. Jerusalem urumelen kambu uruñe urukungukungu azi (ewanjelis) sewen meköm engigeri, †† yengöreñök kun qetñi Filip yanñön Sisaria malök. Neñön Sisaria kangota yangö mire anda tata ahöin. ⁹ Filipkö böraturupñi 4 malget. Anutunöñ ambi seram miengö uruñine kezapqetok keu jijigö mötmöt kalem aliga malget.

¹⁰ †Neñön Sisaria taon miangöreñ wehön gwötpuk toroqeba malin. Miangöreñ malinga Juda prowinsnöhök kezapqetok azi kun qetñi Agabus erök.

¹¹ Nengöreñ eta Polgöreñ örigit memba mianñön nanñi köna böröñi jöhöba kewö jiyök, "Uña Töröñan kewö jiza, 'Juda jitñememe yeñön örigit kianñö toñi mi Jerusalem sitinöñ kewö jöhöba kian kantrigö galöm †† yengö böröñine alme.'" ¹² Mewö jii möta nini aka urumelen alaurup miangöreñ malgeri, yeñön mohot Polnöñ Jerusalem anapuköra uleta qetal wangiin. ¹³ Qetal wangiin keu mewö melenja jiyök, "Injini mönö denöwö akze? Sahöta keu jiba mewö mianñön uruni munjuratze. Nöñön Jerusalem anbi gwaröhöm niñgimegöra jöjörözal aka miyök qahöpmö, Kembu Jisös qetñangöra aka nuñgugetka kömumbilenak, nöñön mönö miangöra mewöyök jöjöröba kinjal."

¹⁴ Mewö jiiga mölöwörim wangibingö osiba urunini böñjön köliga kewö jiin, "Mi mönö Kembugö jitsi-hitñangö dop asuhuma."

† 21.8 Apo 6.5; 8.5 †† Aposol nup meme boñ 6 miangöreñ azi 7 mi meköm engigetka nangöñangö nup aka ewanjelis nup mi mindiriba meget. ‡ 21.10 Apo 11.28 †† Kian kantri yengö böröñine alget, mi Rom gawman yengöra jiza.

¹⁵ Sisaria taonön malin nalö mi teköiga amgöba mözözömgöba engömosöta anda Jerusalem sitinön öngöin. ¹⁶ Sisaria miangörenök gwarek tosatjan mewöyök neנגö köinini kaget. Kaget yeñon kewö jiget, "Inini Saiprus azi qetji Nason yangö mire ahöba malme." Mewö jiba neנגuangita yangö mire anin. Nasonön mutuhök urunji melenja Jisösgö gwarekji aka mala korök. Mewö.

Polnön Jerusalem sitinön kangorök.

¹⁷ Neñon Jerusalem angoringa urumelen alaurup yeñon neנגömembra söngaiba jölönjini jiget.

¹⁸ Jölönjini jigetka ahöba wahöta Polnön nembuk bisop Jeims ekingö möta anin. Aninga urumelen kö-nagesögö jitetmeme yeñon körek pakpak miangören kangota tatket.

¹⁹ Tatketka Polnön jölönjini jiba kösohotji alök. Anutunön köiput aka nam köl neנגiiga kian kantri yeñgö sutjine anda liliköba misin nup meinga ölni ahuyöhi, miangö kösohotji mesinda mohot mohot mi körekñanök jii mötket. ²⁰ Mi jii möta Anutu möpö-seigetka azi ipni kunjan kewö jiyök, "Pol alanini, Juda ambazip tausenni tausenni yeñon Jisös möt nariba urunji melenja töndup körek pakpak toroqeba Mosesgö Köna keu mi törörök wuatangöbingö kapan kölje. ²¹ Mewö kapan köljemö, göhö buzupki mi kewö lan jiget mötket, 'Juda ambazip denja kian kantri yeñgö sutjine anda maljei, göñon liliköba i kewö kusum engiba maljan, jimakze, "Inini mönö Mosesgö köna keu andö qeba Anutugören aiwesök mi azi morosepsep silenine kude yandime aka Juda ahakmeme tosatji mi kude wuatangöme."'

²² "Mi jimakzeangöra aka göñon kazani, yeñon mi möta miangörenök öröba kambu ketaji köla tokobeak. Miangöra nini waimanjat möta mönö denöwö ahinga dop kölbowak? ²³ †Miangöra neñon dölkö keu göhöra jibini, göñon mönö miangö dop akjan. Azi 4:ñan yuai akingö keunji Anutugören jiba jöjopañ keunön jöhöget. ²⁴ Mi keunön jöhögetmö, monengöra osiba mamböta sutnine ki malje. Miangöra göñon mönö i engömembra yembuk köl könjörat ak anguba yeñgöra aka naluk alnönnga dop köli ölop nörop jupjini mitigetka keunji köhöima. Göñon mewö aka Mosesgö Köna keu tem köla wuatangöba maljani, körek pakpak göhö könañamgi mi törörök eka möt asarime. Mi möt asariba göhöra keu jiget mötkeri, mi ölni kun qahö miwikñagetka omani aiga kömuma. ²⁵ ††Göhören keu kömumapmö, kian kantri yeñon Jisös möt nariba urunji melenjeri, neñon yeñgöra keu kewö jöhöba kimbö ohoba alin anök, 'Sömbup busunji bem lopion yeñgö naluk buña qeba könañine algetka ösumñinan walönhöhi, mi mönö kude neme. Mewöyök sep me sömbup jöljini qeqenji miangö busunji mi kude neme. Serowilin kude akñe. Yuai kanjamñambuk 4 mi mönö mosöta andö qegetka dop kölma."'

²⁶ Jitetmeme yeñon mewö jigetka Polnön azi 4 mi engömembra ahöba wahöta yembuk köl könjörat ak anguget. Ak angugetka jöwöwöl jikenön öngöba azi mohot mohot engöra naluk ala jöwöwöl ohogetka köl könjörat nalönjini tekömawi, miangö nalö buzupji jii mötket. Mewö.

Jöwöwöl jikegö tohon urunje Pol memba jöhöget.

²⁷ Polnön mi jii mötketmö, silim 7 mi tekömamgö aiga Juda tosatji Eisia prowinsnöhök kageri, yeñon Pol jöwöwöl jikenön öngöi eket. Eka ambazip kambu körek urunji kunjum engiget wahöri Pol qeraköba meget.

²⁸ Qeraköba memba kewö qetket, "Israel ambazip, mönö bauköm neנגiget! Azi kianön mönö gölmenji gölmenji liliköba miri dop kusum engiba urunji kewö kunjum engimakza: Inini pakpak mönö Israel ambazip kambu qetala mem bölim neנגime. Nanine Köna keu mosöta jöwöwöl jikenine lan öngöba iwilele aka malme. Mewö kusum engiba malök aka merak Grik azi mi tok wangita jöwöwöl jikenön öngöiga miri kömbukñi kianön mönö töwiba kölköljinjambuk akapuk." ²⁹ †Mi kewögöra qetket: Efesus azi Trofimus yeñon mutuk siti könanön Polbuk ani etkeka kewö mötmöriget: Polnön i wangiri mohotñe jöwöwöl jikenön öngöbahotbuk.

³⁰ Mewö qetketka ambazipnön enololon aka ösumñinan lulunda kaba tokoba göjupmajup aketka qeburun ketaji yöhöi siti körek dop kölok. Mewö aiga Pol qeraköba jöhöba jöwöwöl jikenöhök öröba yaigep eta miangörenök jikegö kiripo nanunji pakpak mi miangörenök köla jöhöget. ³¹ Pol jöhöba qebingö kapan kölgetka buzupji sehiba Rom yarö kambugö suahö galöm bohonji yangö kezapñe keu kewö geiga mörök, "Jerusalem pakpak yeñon karim aka bim qeze."

³² Mewö möta miangörenök yarö azi kambu tosatji suahö galömñinambuk enguangita luhuba yeñgören geget. Gegetka i engeka Pol qegeri, mi mosötket.

³³ Mosötketka suahö galöm bohonjan sutjine anda jim kutuiga Pol memba tapep (mungamunja) yahötñon jöhöget. Jöhögetka kewö jiba qesim enngiyök, "Azi ki ninja?" aiga "Wania aiga qeze?" ³⁴ Qesim enngiyökmö, ambazip kambunöhök keu murutñi murutñi melenja lanlan qetket. Mewö lanlan qeta göju megerangöra aka könañi törörök mötmamgö osiyök. Mi osiba miangöra jim kutuiga Pol wangita yarö azi yeñgö ain kiripo urunje anget. ³⁵ Wangita angetka ambazip kambu ketaji yeñon könañine enguatangöba kaba kewö qetket, "Mönö qeget kömuma. Yapmakek!" Mewö qetketka yarö azi yeñgö ain kiripo nanunje angoriga könöbuk anda kaba göjupmajup ketaji akerangöra aka gwötpuk lömböriyök. Miangöra yarö azi yeñon Pol memba anguba anget. Mewö.

Polnön keunangö likepñi könahiba melenja jiyök.

³⁷ Anguba kaba yarö azi yeñgö sel urunje öngöbingö aketka Polnön suahö galöm bohonji kewö qesim

wanjgiyök, “Ni göhöra keu kun ölop jimam me qahö?” Qesim wanjiiga möta könjun aka jiyök, “O, gi Grik keu mötzan me? ³⁸ Mianjgöra gi Ijpt azia akzan me qahö? Ijpt azi kunjan uruwale tuarenjon azi timbinjambuk 4000 mi enjololon ak enjiiga Rom gawman tuarenjon aka bim karim könahiba aka enjuaŋgiri gölme qararaŋkölkölne anget. Gi galöm azi mia akzan me qahö?”

³⁹ Mewö jiiga Polnön jiyök, “Ni Juda azia. Ni Silisia prowinsgö taon qetnji Tarsus mötzani, mönö mi-anjgörej ahuba mala koral. Mianjgöra qesim gihibi: Gi ölop jinöŋga nöŋön ambazip kambu kienjgöra keu jibi mötme.”

⁴⁰ Mewö jiiga “Ölop jiman,” jiiga Polnön döpnön kindambazip enjgöra böro misiyök. Böro misiiga göju mosöta keu bök kingetka Hibru keunön keu kewö jii mötket,

22 Polnön kinda kewö jiyök, “Azi alaurupni, nöŋön keugö likepni jimami, mi mönö kezap ala mötket.” ² Hibru keunön keu jii möta keunjini körek bököm teköi kingetka toroqeba jiyök,

³ “Ni Juda azia. Ni Silisia prowinsgö taon qetnji Tarsus mianjgörej ahubiga Jerusalem siti kianjgörej galöm köl niŋgigetka mala qarial. Mala qariba kota böhi qetnji Gamaliel yangö keu bapne tatpiga yanön Juda amböskonurupnini yengörej Köna keu aka ahakmeme mi törörök kusum niŋgiiga mianjgö mötmötjni möta malal. Merak enön körek pakpak Anutugö keu bapne angota kapaŋ köla yangöra bim qeba maljei, nöŋön mönö mianjgö dop aka malal. ⁴ “Mewö mala ambazip Kembugö könaŋi wuatangöba maljei, mi könderja sesewerowero ak enjibiga sihimbölö möta tosatjan kömuget. Nöŋön ambazipni ambazipni enjuaŋgita tapepnön (munjamunga) jöhöba kösö mire al enjial. ⁵ Jike nup galöm bohonni aka jitnememe pakpak yanön mi ölop mötze aka yengörej anda qesim enjisinga mi ölop nanjgöba jibeak. Yanön Juda azi ipni Damaskus sitinön maljei, yengöra kimbi ohoba niŋgiget memba malal. Mianjgörej ambazip Kembugö könaŋi wuatangöba maljei, nöŋön mönö mi mewöŋanök ‘Likepni melen enjimegöra gwaröhöm enjiba Jerusalem ki enjuaŋgitmam,’ jiba könanön anal.”

Polnön nanŋi urumelenjgö könaŋi jiyök.

Apo 9.1-19; 26.12-18

⁶ “Könanön analmö, Damaskus siti dopdowibiga mianjgörej yuai kun kewö asuhuyök: Silim bibine mianjgörej asakmararaŋ ketani kun Suepnöhök wölbilik ewö asuhuba wölan eta turum niŋgiyök. ⁷ Turum niŋgiiga tala gölmenön eta ahöbiba Suepnöhök keu kun kewö asuhui möral, ‘Sol Sol, gi mönö wuanöŋgöra sesewerowero qakne al niŋgimakzan?’ ⁸ Mi möta melenjal, ‘Kembu, gi danön?’ Mewö melenjbiga jiyök, ‘Ni Nazaret azi Jisös, sesewerowero qakne al niŋgimakzani, nia mönö mi.’ ⁹ Azi nömbuk kaba kingeri, yanön asakmararaŋ mia eketmö, keu nöŋgöra jiyöhi,

† 22.3 Apo 5.34-39 † 22.4 Apo 8.3; 26.9-11

mianjgö kouruknji kun qahö mötket. ¹⁰ Mewö jiiga nöŋön qesiba jial, ‘Kembu, mönö nöŋön denöwö aknam?’ Jibiga jiyök, ‘Gi mönö dölkö wahöta Damaskus sitinön anöŋga Anutunön wani yuaia akjangö jimawi, mi kunjan jiiga mötman.’ ¹¹ Asakmararaŋ mianjgö jeni qeiga janjun aka kinbiga azi nömbuk malgeri, yanön börono memba noanjgitketka Damaskus sitinön anin.

¹² “Mianjgörej azi kun qetnji Ananias malök. Yanön Anutu göda qeba Mosesgörej Köna keu törörök wuatangöba malök. Mianjgöra Juda ambazip Damaskus malgeri, yanön körek gödanji ölopni ak wanjiba malget. ¹³ Yanön nöŋgörej kaba kösutne kinda nöŋgöra kewö jiyök, ‘Sol alani, jegi mönö kunbuk tohayök.’ Mewö jiiga aua nalö mianjgörejök jeni tohoiga uba ehal. ¹⁴ Ekiga Ananiasnön jiyök, ‘Göŋön ahakmeme diŋdini solanjanjgö Toja eknöŋga keu jitjan jii könömnji mötnön. Nanine amböskonini yengörej Anutu yanön gi möwölöhöm gihiiga yangö jitsihitnji möt kutuman. ¹⁵ Gi wani yuai eka mötzani, mönö mi nanjgöba jiba yangö jitne memenji aka gölmenji gölmenji ambazip jenine dangunu ewö kinda malman. ¹⁶ Mewögöra gi wuanöŋgöra mambötzan? Mönö wahöta yangö qetnji qeta köuluköba jinöŋga o melun mem gihiinga siŋgisöndoki sanjoŋniga solanima.’ Ananiasnön mewö jiyök.”

Misin nup kian kantri yembuk memangöra noholök.

¹⁷ “Damaskus siti mosöta Jerusalem sitinön lilingöba jöwöwöl ikenön köuluköbiga Kembugö alburupjan (ansembemjan) nungui kinda imut kun ehal. ¹⁸ Imut mianjgörej Jisös ekiga nöŋgörej kaba kewö jiba jii möral, ‘Gi kantri kianjgörej nöŋgö könanani aka Buja keuni mi kude jiba malman. Mi nanjgöba jinöŋga nesampurek aka andö qeme. Mianjgöra Jerusalem siti ki mönö ösumok mosöta anman.’

¹⁹ “Mewö jiiga jial, ‘Kembu, yanön könanamni mötze. Nöŋön mutuk liliköba ambazip gi möt narim gihizei, mi köuluk mirinji mirinji mianjgörej öngöba miwikŋaim enjiba jöhöba ihilek wahinambuknön tauköm enjiba tosatni kösö mire al enjiba malal. ²⁰ “Göhörej nupbauk azi Stiwenön könagi nanjgöba jiiga qeget sepni mokoeri nöŋön nalö mianjgörej mewöyök kösutjine kinda imbi köla malukunini galöm memba kinbiga qeget kömuyök.’ ²¹ Mewö jibiga Kibunön nöŋgöra jiyök, ‘Nöŋön melaim gihizalawa gi mönö köröwen kian kantri ambazip yengörej anman.’ Mewö.”

Romgö yarö azi yanön Pol galöm kölget.

²² Polnön keu likepni jiyöhi, mi ambazip kambu yanön kezap ala mötketmö, (Kibunön kian kantri ambazip yengörej anmamgö jiiga jiyöhi,) keu mi möta mianjgörejök köhöikŋanök silata jiget, “Yapmake! Azi mewöŋi mi qeget kömuma. Mi gölmenön nembuk malmawangö dop qahö.” ²³ Mewö jiba qeta opo keren qeköba gila (könaninan böromböröm tiba) sömsöm urata könakemba lanlan gilget. ²⁴ Mewö aketka Rom

‡ 22.20 Apo 7.58

engö suahö galöm bohonnan jim kutuiga yarö azi yeñön Pol wangita anda yarö azi yeñgö ain kiripo uruñe alget. Kiripo uruñe algetka Juda yeñön i wanigöra aka göju memba qetzei, miangö könañi möt-mamgöra kewö jim kutuyök, "Injini mönö Pol memba ihilek wahiñambuknön qeba qesim wangigetka könañi aukñe jii mötpin." ²⁵ Mewö jim kutuyökmö, Pol memba jöhöba ihilek wahiñambuknön qebingö aketka Rom suahö galöm kunñan kösutñe kini Polnön kewö jiyök, "Rom mindimindiri gawman yeñön sel jöhöm niñgigetka böröñine maljal. Nöñön miangö (jimkutukutu) paspot memba maljal. Miangöra injini nöñgö keuni qahö möta kewöta lañ jim teköba öne ihilek wahiñambuknön nuñgumei, mi mönö Rom jimkutukutu tonji yeñgö jeñine dop kölma me qahö?"

²⁶ Polnön mewö jiiga suahö galömnön möta miangöreñök suahö galöm bohonñi yangöreñ anda buzup wangiba kewö jiyök, "Azi miangön mönö Rom gawmangö (jimkutukutu) paspot memba malja. Miangöra gi mönö denöwö akñan?"

²⁷ Mewö jiiga suahö galöm bohonnan Polgöreñ anda qesiba jiyök, "Gi öñña Rom gawmangö (jimkutukutu) paspot memba maljan me qahö? Mi jinön mötpi." Jiiga Polnön meleñnök, "Öñña, nöñön mi memba maljal."

²⁸ Mewö meleñniga jiyök, "Ni moner ketañi gila Rom mindimindiri gawmangö (jimkutukutu) paspot bohonñi membi niñgigetka maljal." Jiiga Polnön jiyök, "Mi ölöpmö, nöñgö iwinan Rom gawmangöreñ paspot memba maliga nöñön yangö nahönñi ahuba miangöreñök qet mi memba maljal."

²⁹ Mewö jiiga azi qesim wangibingö akeri, yeñön miangöreñök mosöta lilingöba anget. Polnön "Ni Rom gawmangö paspot memba maljal," jiiga suahö galöm bohonnan mi möta Rom asia gwaröhöm wangiyöhanğöra aka awöwöliba sömbunji mörök. † Mewö.

Polnön jike kaunsöl kambu yeñgö jeñine kinök.

³⁰ Miri gianjiiga suahö galöm bohonnan wahöta Juda yeñön wuanöñgöra Pol keunön al wangiba jigeri, miangö könañi törörök mötmamgöra möta jike nup galöm bohonñi aka jike kaunsöl kambu pakpak yeñön tokomegöra jim kutum engiyök. Mewö tokogetka jiiga Polgö tapepñi (muñgamuñga) pösatketka wangita eta yeñgö jemesoholñine ali kinök. Mewö.

23 Polnön kinda jike kaunsöl kambu mi uba engeka kewö jiyök, "Azi alaurupni, nöñön ahakmemeni pakpak mi Anutugö jemesoholñe aka memba malbiga yeñön eka 'Dop kölja,' jiiga urunangö kezapanan möta ölöwaka kota mala merak ki kinjal." ² Polnön mewö jiyökmö, jike nup galöm bohonñi qetñi Ananias yeñön kösutñe kingeri, i jim kutum engiiga nuñgulumñe qekötahöget. ³ ††Qekötahögetka Polnön jii mörök, "Anutunön mönö gi qekötahöm gihima. Göñön

† Kun Rom gawmangö paspot memba malöhi, mi kösönön gwaröhöm wangibepukö sonjo ahöyök. Kunñan sonjo mi walöñnök ewö, i mönö keunön al wangizema. Miangöra sömbunji mörök. †† 23.3 Mat 23.27-28

miri sel tuatñangö dop akzan. Silenji mundanön ohogetka tuatñi akzapmö, uruñi sewön memba injanji akza. Göñön Mosesgö Köna keu memba mianñön kewöt niñgiba keuni jim tekömamgöra tatanzmö, töndup nangak Mosesgö Köna keu miyök qeba jim kutum enginöñga nuñguze. Mi qahö dop kölja."

⁴ Polnön mewö jiiga kösutñe kingeri, yeñön jiget, "Gi Anutugöreñ jike nup galöm bohonñi mepaqepaik aka gamu qem wangizan me?"

⁵ †Mewö jigetka jiyök, "O alaurupni, yeñön jike nup galöm bohonñi akzawi, mi qahö möta jizal. Buña Kimbigö keu kun kewö ahöza, 'Gi mönö könagesö kambugahö azi kembunji kude qesuahöman.'"

⁶ ††Mewö jiyökmö, jike kaunsöl kambu yeñgöreñök tosatñan Sadyusi (Jike nupkö kapañkölköl) pati qekötahögetka tosatñan Farisi (Köna keugö kapañkölköl) pati asia malget. Polnön mi möta miangöra jike kaunsöl kambu yeñgö jeñine keu kewö qerök, "Azi alaurupni, nöñön Farisi asia akzal. Iwinan mewöyök Farisi pati asia. Kömukömuñi yeñön guliba wahötmei, nöñön mewö asuhumapkö al mamböta jörömqöröm aka maljal. Mewö maljalangöra aka keu jakeñe al niñgigetka kewöt niñgiba jize."

⁷ Mewö jiiga miangöreñök Farisi aka Sadyusi pati miengö sutñine angururuk ahui jike kaunsöl kambu yeñön jula kambu yahöt aket. ⁸ ††Sadyusi (Jike nupkö kapañkölköl) yeñön kewö jizema, "Ambazip kömukömuñi yeñön kude guliba wahötme. Suep garata qahö malje. Öme aka uña mi qahö malje." Mewö jigetmö, Farisi (Köna keugö kapañkölköl) pati yeñön keu karöbut miangöreñ qekötahöba miangö dop möt nari-ba kinjema. ⁹ Kambu yahöt mewö aka qetketka göju ketañi ahuiga Köna keugö böhi tosatñan Farisi kambu yeñgö sutñineyök wahöta könöñambuk terengöba kewö jiget, "Nini azi kiangö bölöñamñi kun qahö miwikñaizin. Suep garata me uña kunñan keu kutum wasöta yangö uruñe ali jibawak, mi mönö denöwö dop köl engibawak?"

¹⁰ Mewö jigetka angururuk miangön kunbuk könöwiba qariyök. Qariiga awörangöba Pol likeplikep örögetka anda kaiga mesiñ taköget. Mewö tandök ahök. Mewö aiga suahö galöm bohonnan miangö kengöñji möta yarö kambu kun jim kutum engiiga geba Pol sutñineyök öröba wangita yarö azi yeñgö ain kiripo uruñe alget.

¹¹ Algetmö, sungem miangöreñ gaun ahöiga Kembunön Polgö qöhöröñe kinda kewö jiyök, "Mönö ewebibigabuk aka saitingit malman. Nöñgö könañamni Jerusalem kiangöreñ nangöba jiba malnönji, miangö dop mönö Rom sitinön mewöyök anda mi nangöba jim asariba malman." Mewö.

Pol qebingö angöñan meget.

¹² Kembunön mewö jiyökmö, miri gianjiiga miangöreñ Juda azi tosatñan ölöñ tokoba Pol kömumapkö angöñan meget. Yeñön areñ mi alget aka mi jöj-

‡ 23.5 Eks 22.28 †† 23.6 Apo 26.5; Fil 3.5 †† 23.8 Mat 22.23; Mak 12.18; Luk 20.27

paŋ keunöŋ jöhöm köhöiba kewö jiget, "Nini Pol kömumapköra mamböta nalö sutŋe kiaŋgöreŋ nene siŋgi malbin. Siŋgi mala qein kömuiga miaŋgö andöŋe ölop nene me o kun kunbuk nembin." ¹³ Azi 40 aka jaŋgö mi oŋgitkeri, yeŋön mindiriba jöjopaŋ keu mi jöhöm köhöiba jiget.

¹⁴ Mi jibagun jitŋememe aka jike nup galöm yeŋgöreŋ anda kewö jiget, "Nini Pol kömumapköra mamböta nalö sutŋe kiaŋgöreŋ nene siŋgi malbin. Polnöŋ qahö kömuma ewö, ambazipnöŋ mönö ölna qesuahöm neŋgigetka dop kölma. Miaŋgöra nini mönö mindiriba jöjopaŋ keu kewö jöhöm köhöiba maljin: Pol qein kömuiga miaŋgö andöŋe ölop nene me o kun kunbuk nembra malbin. ¹⁵ Miaŋgöra aka inini mönö döлки jike kaunsöl kambu yembuk mohotŋe mindiriba suahö galöm bohonnaŋgöreŋ anda keu kewö ala qesime, 'Nini Polgöreŋ keu könaŋi kunbuk qesiinga jii ölna mötŋingö mötzin.' Mewö tandök aiga qesigetka ölop Pol waŋgiriga eŋgöreŋ etma. Etpawakmö, könanöŋ kaba eŋgöreŋ kaŋgotmamgö akŋawi, miaŋgöreŋ mönö i qein kömumapkö jöjöröba malbin."

¹⁶ Mewö jigetmö, qein kömumapkö aŋgönaŋ algeraŋgö buzupŋi mi Pol behötŋaŋgö kezapŋe gei mörök. Mi möta yarö azi yeŋgö ain kiripo uruŋe anda Pol taröhaŋgöreŋ öŋgöba jii mörök. ¹⁷ Jii möta suahö galöm kun qeri kaiga kewö jiyök, "Azi gwabö kiaŋön keu kun memba kazawaŋgöra göŋön i ölop waŋgita suahö galöm bohonnaŋgöreŋ anöŋga keu mi jii mötma." ¹⁸ Mewö jiiga i memba waŋgita suahö galöm bohonnaŋgöreŋ anohotka jiyök, "Kösö azi Polnöŋ noholi yaŋgöreŋ anbiga azi gwabö ki waŋgita göhöreŋ kamapköra qesim niŋgiza. Yaŋön göhöra keu kun memba kaza."

¹⁹ Mewö jiba aniga galöm bohonnaŋ boröŋe memba waŋgita göraŋe anda qesim waŋgiyök, "Gi wani keuya memba kaza?"

²⁰ Qesim waŋgiiga jiyök, "Juda jitŋememe yeŋön keu kun qesim gihibingöra jöhöba göhöreŋ kaba kewö jime: Nini Polgö keu könaŋi törörök qahö möt kömuzin. Miaŋgöra gi ölop Pol uran waŋgitnöŋga jike kaunsöl kambu yeŋgöreŋ eriga kunbuk qesim waŋginöŋga jii könaŋamŋi ölni mötŋin. Yeŋön mewö asuhumapköra mötze. ²¹ Mewö kaba jimemö, göŋön keu miaŋgö imbi ölop kude kölman. Juda könaŋesö yeŋgö sutŋineyök azi 40 aka jaŋgö mi oŋgitkeri, yeŋön mindiriba Polgöra kewö jiba mi jöjopaŋ keunöŋ jöhöm köhöiget, 'Nini Pol kömumapköra mamböta nalö sutŋe kiaŋgöreŋ nene siŋgi malbin. Siŋgi mala qein kömuiga miaŋgö andöŋe ölop nene me o kun kunbuk nembin.' Mewö jiba göŋön imbi kölmangöra mamböta jöjöröba mönöze."

²² Mewö jiiga azi gwabö mi melaiba kewö jii mörök, "Buzup ki jinöŋ mötzali, mi kun kude jinöŋ mötma." Mewö.

Pol waŋgitketka Sisaria taonöŋ anak.

²³ Suahö galöm bohonnaŋ mi möta suahö galömyahötŋi etkoholi kayohotka kewö jii mörohot,

"Injiri mönö timbi azi 200, hos yarö azi 70 aka liŋgip yarö azi 200 mi jim kutum eŋgiyohotka merak suŋgemgö 9 kilok miaŋgöreŋ Sisaria anmegöra jöjöröme. ²⁴ Mewöyök hos tosatŋi meköba möhamgöm eŋgiba Pol kungö qakŋe ala köyan kölgetka suŋgem kiaŋgöreŋök premiö Feliksgöreŋ anma." ²⁵ Mewö jii mörohotka premiögöra kimbi kun kewö ohoyök,

²⁶ "O Öŋgöŋgöŋamni sorok premiö Feliks! Klodius Lisias, nöŋön jölöŋgi jizal.

²⁷ "Juda yeŋön azi ki memba jöhöba qein kömumapköra aket. Mewö aketmö, Rom mindimindiri gawmangö (jimkutukutu) paspot memba maljawi, nöŋön mi möta miaŋgöreŋök yarö kambu yembuk kaŋgota sel jöhöm waŋgiba meköba bohonnaŋ jöhöyal.

²⁸ Wani keugöra keu jakeŋe aljei, nöŋön miaŋgö könaŋi mötmamgö möta waŋgita Juda yeŋgö jike kaunsöl kambu yeŋgö jeŋine al waŋgial.

²⁹ Al waŋgibiga keu jakeŋe ala nanŋini Köna keugö kösawöraŋ keuŋi keuŋi miaŋgöra aŋgururuk aka tuarenjoŋ aka jim waŋgigetka miwikŋaial. Mi miwikŋaialmö, yuai bölöŋi kömumapkö dop me kösö mire alin tatmawaŋgö dop mi qahö ahök. Yeŋön keu mewöŋa kun qahö jiget möral.

³⁰ Mi qahö möralmö, kunöŋ yaŋgö buzup keuŋi kewö indeli möral: Tosatŋan 'Azi mi qein kömuma,' jiba aŋgönaŋ alget ahöza. Buzup keu mi möta döлки- aŋgöreŋök melaibiga göhöreŋ kaza. Keu jakeŋe al waŋgibingö mötzei, nöŋön i mewöyök jim kutum eŋgibiga göhö jemesoholge kaŋgota keuŋini pakpak aukŋe jim miwikŋaigetka mötman."

³¹ Kimbi mewö ohoiga yarö azi jim kutum eŋgigeri, yeŋön keu mi wuatangöba Pol memba waŋgita söŋaupnöŋ miri qetŋi Antipatris miaŋgöreŋ anget.

³² Anda miri gianjiiga yarö azi hosŋinambuk yeŋön Pol waŋgita köna toroqeba angetmö, timbi azi yeŋön nanŋinak lilingöba yarö azi yeŋgö ain kiripo uruŋe kaget. ³³ Yarö azi hosŋinambuk yeŋön Sisaria taonöŋ aŋgota kimbi mi premiö waŋgiba Pol mewöyök yaŋgö jeŋe alget. ³⁴ Algetka kimbi oyöŋda "Pol mi wani prowinsgöra?" jiba qesiyök. Qesiiga "Silisia prowins azia," mewö jiget mörök. ³⁵ Mewö jiget möta jiyök, "Keu jakeŋe al gihibingö mötzei, yeŋön mewöyök kaŋgotketka miaŋgöreŋ ölop qesim gihimam." Mewö jiba jim kutuiga Pol waŋgita kiŋ Herodkö jakömbuak mirigö kiripo uruŋe ala jegalöm mem waŋgiget. Mewö.

Pol keunöŋ algetka premiö Filiksgö jeŋe kinök.

24 Wehön nup memenji 5 teköiga jike nup galöm bohonnaŋ qetŋi Ananias yaŋön jitŋememe tosatŋi aka loya (Köna keugö mötmöt azi) qetŋi Tertulus yembuk aitoŋgöba Sisaria taonöŋ geba premiö Filiksgö jeŋe öŋgöba Pol keu jakeŋe albingö keuŋi jiget mörök.

² Mi möta Pol köl öroi kaŋgori loya Tertulusnöŋ könahiba Polgö silene keu ala premiögö jemesoholŋe keu kewö jiyök, "O Filiks, göŋön galöm köl neŋgiba

malnönji, nini nalö mianğörej luai ketanji möta guñbönjönjör malin. Göñön ölpñanök köyan köla jim kutum nenğinönga malmal tatatnini likepliket möhamgögetka kantri kianjón uteköba wahöri ölöwakzin. ³ O ketanjamnini Filiks, nini mi miri dop ölpñanök möt kutuba göhöra sönggaiba kilik-kaluknji kun qahö möta saiwap jim gihizin. ⁴ Saiwap jim gihizinmö, nöñön keu köröpñji jibi ölan göhöbapuköra kewö qesim gihizal: Nini keu memba kainga kötoñanök jimami, mi mönö nenğöra ak gihiga kezap ala mötman.

⁵ "Nini azi kianğö könanji kewö eka miwikñainin: Yañön kegwek-kahasililinj azi kenğöt kotkotñambuk akza. Yañön gölmeñji gölmeñji liliköba Juda ambazip urunjni esiba kuñgum enğiiga karimñji karimñji miri dop asuhugetka göjupmajup qeta alakze. Tosatñan tuköpek aka Nazaret azi kungö qetnje pati aljei, yañön mönö yenğö ketanjamñina akza. ⁶ Yañön jöwöwöl jike mi mewöyök kapañ köla mem töwiba memba et al-mamgö ahök. Mianğöra nini i memba jöhöin. Nini keunji kewöta nanine Köna keu wuatangöba jim teköbingö mörin. ⁷ (Mi mörinmö, suahö galöm bohonñji Lisias yañön yarö azi yembuk kaba kukösum ketanji mianjón köñöpuk böröñineyök meköba wañgitket. ^{†8} Wañgita keu silenje ala jim wañgizei, i göhö jemesoholge kañgotmegöra jim kutum nenğiyök.) Göñön nangak qesim wañginönga könanji indela jima. Mi jiiga keu memba kazini, mianğö ölnji pakpak ölp aukñe asuhuiga mötman." ⁹ Mewö jiiga Juda ambazip yenjón mewöyök "Keu pakpak mi ölna," jiba imbi köla mi nanğöba toroqeba silenje ala jim wañgiget. Mewö.

Polnön keu likepñji melenji Filiksnönj mörök.

¹⁰ Pol jim wañgigetka premiönön keu jimapköra böröjopañ kuñguiga kewö melenja jiyök, "Göñön (yara) yambu gwötpuk ambazip kambu kianğö jimtekötekö tonji aka malnönj mötjal. Mianğöra nöñön keunanjö likepñji mi göhö jege awösamkakak jimam. ¹¹ Nöñön uruwale Anutu waikñji memba möpöseimamgöra Jerusalem sitinön öngöyal. Mi wehön 12 miyök teköiga merak ki kinjal. Nangak qesim enğibanak ewö, mi ölp nanğöba jime. ¹² Nöñön jöwöwöl jikenön me köuluk miri kungen öngöba azi me ambi kunbuk goranora (noragora) keu jiba jitnakölik akiga mewö qahö miwikñaim niñgiget. Siti uruñe köna me sombem kunön ambazip urunjni kuñgubi ölököba liliköm niñgigeri, mewö qahö neket.

¹³ "Mewö qahö neka dölki keu silene ala jim niñgizei, yenjón mianğö ölnji kondel gihibingö osize. Keu omanji jize. ¹⁴ Mi osizemö, keu kun mi ölna jim miwikñaim gihimam: Yenjón Nazaret pati qetnji qetzei, nöñön mönö mianğö köna wuatangöba mala nanine ambösakonurup yenğörej bem Anutu mi waikñji memba möpöseimakzal aka Mosesgörej Köna keu aka kezapqetok yenğörej Buzup Kimbi mianğörej keu ohoget ahözawi, mi pakpak möt narim köhöizal. ¹⁵ Anutunön am-

† Keu sel uruñe ahözawi, mi mötmöt ambazip yenjón kewöta Luknön mi könakönahije ohoyök aka tosatanji mi qahö ohoyök, mewö jigetka uruyahötñambuk akza.

bazip diñdiñji aka gonjonji mi körek pakpak mem gulim enğii kömupnöhök wahötmei, Juda azi kienjón mianğöra mambötze. Nöñön yembuk toroqeba örörön kinda mewö asuhumapköra jörömqöröm aka mamböta maljal. ¹⁶ Mewö mala Anutu aka ambazip jenine diñdiñji kinbiga Anutunön keuni nanğöba jiiga urunanjö kezapñan mörakzal. Jönömnan qahö unduza. Mönö sarakñji aka malmamgöra nalö dop kapañ köla köhöiba malakzal.

¹⁷ † "Nöñön kungen malbiga (yara) yambu tosatanji teköi lilingöba miri tosatanji yenğörejök kalem memba uruwale kayal. Mewö kaba 'Mi nani könagesöurup wanapñji yenğöra menden enğimam,' jiba Anutugö jöwöwöl ohoba naluk al wañgimamgöra Jerusalem öngöyal. ¹⁸ Mianğörej öngöba köl köñjorat ak anguba solanñji mala jöwöwöl jikenön öngöyal. Yuai mi ohoba Anutu al wañgibiga miwikñaim niñgiget. Miwikñaim niñgigeri, mianğörej ambazip tosatanjan qahö kaba liliköba ölököm niñgiba göju meget. ¹⁹ Juda ambazip tosatanjan Eisia prowinsnöhök kaba jikenön öngöba nekeri, yenjón mönö dölki göhö jege kianğörej kañgota kinda keu kun ahöm enğibawak, mi aukñe silene ala jim niñgigetka dop kölbawak.

²⁰ "Me jike kaunsöl kambu yenğö jenine kinda keu jiali, mi wani Köna keu ongita pinjit akiga keu jakeñe alalğö keuni miwikñaijet? Azi ki tatzei, yenjón mönö mi jigetka dop kölma. ²¹ † Nöñön yenğö sutñine kinda keu mohok-kun jiba töhörej qetpiga lömböriyök. Köpösihit mewö kun ahal me qahö? Mi denöwö kewötket ahöza? Keu kewö qeta jial, 'Kömükömunji yenjón guliba wahötmei, nöñön mewö möt narizalanğöra aka keu jakeñe al niñgigetka merak keuni kewöta jim teköm niñgibingö akze.'" Mewö.

Polgö keunji qahö jim teköba kösö mire alget.

²² Polnön mewö jiiga premiö Filiksnönj jisösgö könanji wuatangöba maljei, mianğö könanji ölp möt soroköba Polgö keunji kemañe kutuba kewö jiyök, "Suahö galöm bohonñji Lisiasnönj kañgoriga nalö mianğörej Polgö keunji jim tekömam." ²³ Mewö jiba suahö galöm jim kutuiga Pol qahö jöhöba öne jegalöm meiga kösö mire tarök. Tinitosolomurupñan Pol köyan köla yuai osiyöhi, mi memba wañgimegöra qahö qetal enğiyök.

Polnön keunji jiiga Filiks aka Drusila mörohot.

²⁴ Wehön tosatanji teköiga Filiksnönj anömñji qetnji Drusila, Juda ambi mi wañgita kayohotka Polgöra keu ali kaiga keuñangöra kezap ali Kraist Jisös möt narim wañgibingö könanji jim asariiga mörök. ²⁵ Mi mörökmö, Anutugö keu tosatanji toroqeba eraum mötketka lömböriyök. Polnön Anutugö jeñe solanibingö könanji jim asariba nanine ahakmemenini galöm köl angubingöra jiyök aka Anutunön nalö kun ali mianğörej kewöt nenğiba keunini jim tekömawi, keu karöbut mi-anjón urunji kuñguyök. Polnön keu mewöñji jiiga töwöratiba bökö qesinja jiyök, "Yapmakek! Muat

mosötnöj. Dölki ölop mosöta anönga nalö kun mötpi dop kölmawi, miangörej ölop kunbuk köl öröm gihibi kaman." ²⁶ Mewö jiba töndup toroqeba Pol nanji töwaya monej wangimapköra mötmöriyök. Mewö al mamböta jörömqöröm aka sömanji gwötpuk köl öröm wangii kaiga keukeu jiba tarohot.

²⁷ Polnöj kösö mire tari (yara) yambu yahöt teköyök. Mi teköiga azi qetnji Porsius Festus yanön Filiksgö undumña premiö akñamgö ahök. Mewö aiga Filiksnöj Juda ambazipnöj nek sorimegöra möta Pol qahö pösari kösö mire toroqeba tarök. Mewö.

Polnöj premiö Festusgö jeje keu likepni jiyök.

25 Festusnöj premiö aka prowins uruñe angota tariga wehön karöbut teköiga Sisaria taon mosöta Jerusalem sitinöj öngöyök. ² Öngöiga jike nup galöm bohonji aka Juda jitjememe yejön jemesoholñe kangota Pol keu jakeñe albingö jiba aröñda kinget. ³ Aröñda kinda kewö jiba uletket, "O premiö, göñön ölop neñön möringa dop kölmapköra jim tekönöngga keu algetka Pol wangita Jerusalem sitinöj ki kame." Yejön mutuk keu kewö jöhöba jiget, "Polnöj könanöj kaiga miangörej mönö qein kömuma." Mewö jiba jöjöröba mönögerangöra kaba uletket. ⁴ Mewö uletketmö, Festusnöj kewö melenj engiyök, "Pol mi Sisaria taongö kösö mire tari galöm kölje. Ni nanak nalö kude köriiga miangörej lilingöba anmamgö mötzal." ⁵ Mewö jiba toroqeyök, "Miangöra azi miangön bölöñi kun akawak ewö, ölop engö jitjememurup tosatñan nömbuk Sisaria geba miangörej keunji silene ala jim wangigetka mötmam."

⁶ Mewö jiba wehön 8 me 10 miangö dop Jerusalem sitinöj yembuk mali teköiga lilingöba Sisaria taonöj geyök. Geba ahöba wahöta miangörejök keu jimtekötekögö dum tatatñe tata jim kutuiga Pol wangita kagetka jeje kangota kinök. ⁷ Polnöj kangota kini-ga Juda jitjememe yejön Jerusalem sitinöhök kageri, yejön liliköm wangiba kinda kazik qakñe keu bölöñi gwötpuk silene ala jiget. Mi jigetmö, keunjanngö ölnji mi kondelbingö osiget. ⁸ Kazik keu öne jiba kingetmö, Polnöj mi qeapköba kewö jiyök, "Nöñön yuai bölöñi kun qahö ahal. Juda neñgörej Köna keu qahö qetalal. Jöwöwöl jike qahö mem töwial aka Rom sisa kiñgörej keugöra tuarenjoñ qahö ahal."

⁹ Mewö jiiga Festusnöj Juda yejön nanjanngö mötket öngömapkö möta Pol kewö qesim wangiyök, "Silenöj alal keu ki jizei, gi ölop miangö likepni mi Jerusalem öngöba miangörej nöngö jemesoholne kindan jiman me qahö?"

¹⁰ Qesim wangiyökmö, Polnöj jiyök, "Rom sisa kiñnöj jim kutuiga keu jake ki kungugera ki kinbiga kewöt niñgiba keuni jim tekönöngga dop kölma. Ni Juda ambazip yeñgöra bölöñi kun qahö ahal. Mia nangak ölop möt yaközan. Mönö Wuanöngöra kunbuk yeñgörej anbilengak? ¹¹ Bölöñi kun qahö ahal, Köna keu kun qösököba yuai kun ak bölöba miangöra kömupkö buñaya akilenjak ewö, 'Nöñön kömumbilenjak,' jiba qahö ölöñ köla anmam. Mi qahöpmö,

yeñön kazik keu öne töhöntöhön jiba keunjanngö könanji kondelbingö osize ewö, keu omanangöra aka kunjan nömimba yeñgö böröñine almapkö osima. Rom sisa kiñnöj mönö keuni mindingöba jim teköi diñgima. Miangöra nöñön mönö yanggö jeje anmamgö köhöiba qesizal."

¹² Mewö jiiga Festusnöj jembonurupni yembuk qamban keu jaruba kewöta kewö melenj wangiyök, "Gi sisa kiñgörej anmamgö möta qesizani, miangöra mönö ölop Rom anda yanggö jeje kinman." Mewö.

Polnöj kiñ Agripagö jeje kinök.

¹³ Wehön tosatñi teköiga kiñ Agripa aka nenñi Bernaisi yetkөн Festus eka gödanñiri kondelbitköra Sisaria taonöj kayohot. ¹⁴ Kaba miangörej wehön gwötpuk malohotka Festusnöj Polgörej keu mi kiñbuk eraum möta kewö jiyök, "Filiksnöj azi kun qahö pösari kösö mire kiangörej tata malja. ¹⁵ Nöñön Jerusalem anbiga Juda yeñgö jike nup galöm bohonñini aka jitjememurupñinan nöngörej kangota kewö qesim niñgiget, 'Nini azi miangö keu memba kainga göñön mönö ölop yanggö könanji kewöta keunji jim teköman.'

¹⁶ "Mewö qesim niñgigetmö, nöñön yeñgöra kewö jibiga mötket, 'Rom gawman neñgörej köna mi kewö: Kungö silene keu bölöñi ala jizei, nini ambazip kun yanggö keunji mi lañ kude jim tekömakzin. Mutuk öröba keu jakeñe alin kazikurupñan kagetka likeplikep öröröñ aröñda kingetka keu silene ala jim wangigetka likepni ölop jima. Keu likepni jiiga mi kewöta ölnji ahuiga miangö dop ölop keunji jim tekömakzin.' ¹⁷ Yejön ki kaba tokogetka nöñön nalö qahö köriiga ahöba wahöta miangörejök jimtekötekögö dum tatatñe tata jim kutubiga azi mi wangita kagetka nöngö jene kangorök.

¹⁸ "Kangorökmö, keu memba kageri, yejön liliköm wangiba aröñda kinda keu silene ala jim wangiget. Mewö aketka yuai bölöñi kötokñi kun akawak, mewö jimegöra mamböralmö, keu mewöñi kun qahö jiget möral. ¹⁹ Mi qahö jiget möralmö, salupñe azi mi qetala nanñini mötnaripñinanngö keu kembanji tosatñi aka azi kun qetnji jisös yanggöra angururuk aket. 'Jisösnöj kömuyök,' jigetmö, Polnöj 'Guliba malja,' jiba kapan köla köhöiyök. ²⁰ Mewö jiba kazik algetka nöñön 'Keu mewöñi mi denöwö kewötpileñak?' jiba köna jaruba uruyahöt möral. Mi möta kinda kewö qesim wangial, 'Silenöj alal keu jizei, gi ölop miangö likepni mi Jerusalem öngöba miangörej jibanak me qahö?'

²¹ Qesim wangialmö, Polnöj Öngöñgöñamninangö jeje anmamgö kapan köla kewö qesiyök, 'Mönö jinöñga galöm köl niñgigetka sisa kiñgörej anbiga keuni mindingöiga diñgima.' Mewö qesiiga wahip azi jim kutum engibiga galöm kölgetka tatza. Bian melaim wangibiga sisa kiñgö jemesoholñe anma."

²² Festusnöj mewö jiiga Agripanöj jii mörök, "Nia kun azi miangön keunji jii mötmamgö sihimñi mötzal." Jiiga melenñök, "Urangun ölop keunji mötmam."

²³ Mewö jiiga ahöba wahötketka kantrigö jembon, suahö galöm ketanji aka jitjememe öngöñgöñi yejön

kaba Agripa aka Bernaisi yetkora jura sorom jölnjire uta sösönjgai linjet köla köl öröm etkigetka keugö jake miri öngöngöni miangö uruje angotket. Festusnön jim kutuiga Pol wangitketka miangörej kangorök.

²⁴ Polnön kangoriga Festusnön wahöta kinda kewö jiyök, "Kiñ Agripa aka azi ketanj pakpak nembuk ki tatzei, injini mönö azi ki eket. Juda ambazip kambu pakpak yeñon yangöra aka uruni kunguget. Sisaria taon kiangörej aka Jerusalem siti miangörej ölnja ke-unön kungum niñgiba qet gigilahöba kewö jiba malget, 'Azi kianön gölmenön malmawangö dop qahö. Mönö yapmakek!'

²⁵ "Mewö qeta malgetmö, nöñon kewötpiga yuai kun kömupkö buña akñawangö dop mi qahö ahök. Nöñon könanji mewö miwikñaiba ehalmo, nanjak Rom Öngöngöñamniangö jeñe ani keunji mindingöiga dingimapkora kapan köla qesiyök. Miangöra keu jöhöba melalbiga Rom anma. ²⁶ Rom sitinön anmapmö, yangörej keu mi denöwö ohoba Rom azi kembunangöra albi anbawak? Yangöra keu lan jizemö, keu könanambuk kun mi törörök qahö möt asarizal. Miangöra jibi wangita kaba kiñ Agripa göhö jege aka injini tosantji kinjö andöñe ki tatzei, engö jemesoholjine algetka kinja. Injini ölop böröjan memba keunji kewötketka ölni asuhui mönö mi möta ölop kimbinön ohobileñak. ²⁷ Azi kun kösönön jöhöba keu jakenje alalgö keunji denöwö jizei, mi aukñe jibingö osiba töndup öne melalbinbuk. Silik mi nöñgö mötmötnön kezapjupjup tandök ewö akza." Mewö.

Polnön keunjangö likepñi kiñ Agripagö jeñe jiyök.

26 Mewö tatketka kiñ Agripanön Polgöra jiyök, "Gi ölop nangahö keu likepñi jinöñga mötpi." Mewö jiiga Polnön kinda börö kutum wangiba nanji keunji angön köla kewö könahiba jiyök,

² "O kiñ Agripa! Juda jitmeme yeñon keu silene ala jim niñgizei, nöñon keu pakpak miangö likepñi mi merak ölop göhö jege aukñe jimangö simbawon mötzal. ³ Göñon Juda neñgörej ahakmeme aka angururuk keunini pakpak mi törörök möt yaközan. Miangöra nöñon ölnja simbawon mötzal. Mewö aiga qesim gihizal: Keu jimami, mi ölop möta mökösonja kezap alman.

⁴ "Nöñon Juda ambazip kambu uruje ahuba könakö-nahineyök könahiba nani kantri ki aka sitinini Jerusalem miangörej mala koral. Miangöra Juda ambazip pakpak yeñon malmalni gwaböneyök denöwö kota malali, mi ölop möt kutuze. ⁵ †Yeñon könanjamni nalö köröñji möt kutuze. Sihimñini ahöi mi ölop kewö nangöba jibeak: Nanine jike nup uruje Farisi pati neñon asa yeñgörej jike mötmöt mi törörök kötköñji wuatangöba maljin. Nöñon mutuk yeñgö kambu patinön angota Köna keu kapan köla wuatangöba malal. ⁶ Anutunön ambösakonurupnini yeñgöra jöhöjöhö keu alöhi, nöñon miangö ölni ahumapkora al mamböta jörömqöröm aka maljal. Miangöra aka merak keu jakenje al niñgigetka kinjal.

† 26.5 Apo 23.6; Fil 3.5

⁷ "Nanine Israel ambazip kambu 12 neñon körek pakpak jöhöjöhö keu miangö ölni asuhumapkora mambörakzin. Mi mamböta jörömqöröm aka qösösök (qörörök) sunjem asak Anutu waikñi memba möpö-seimakzin. O Öngöngöñamni, nöñon jörömqöröm mewö ahakzalangöra Juda jitmeme yeñon keu bölöñi bölöñi silene ala jim niñgimakze. ⁸ Anutunön ambazip kömukömunji mem gulim engii wahötmei, injini mi mönö denöwögöra aka qahö möt narize?

⁹ † "Nanak mewöyök kewö mötmöriba malal, 'Ni Jisös Nazaret azigö qetbuñaji sangolbi qahöwakñapkora bim gwötpuk qemamangö dop akzal.' Mewö mötmöriba kazik aka malal. ¹⁰ Kazik aka Jerusalem miangörej ölnja bim qeba malal. Jike nup galöm bohonñi yeñon nam köl niñgiget jim kutubiga Anutugö ambazip sarakñi mi gwötpuk engömembra kösö mire al engiget aka tosantji kömumegö keu jigetka nöñon mewöyök keu mi kötöngöba imbi köla (wout ala) malal. ¹¹ Nalöñi nalöñi liliköba köuluk miri dop böröjan mem engibiga urujini meñgeri, mienön asuhuget. Asuhugetka Jisös qañ köla ilit wangimegöra kunguba töhörej öröm ureim engial. Mewö ak engibiga ihileknön köñöpuk tauköba engugetka sihimbölo kahasililij möta malget. Urunan köñöp jem sölöngöiga sesewerowo ak engimangöra köröwen kötköñji kian kantrigö sitiñi sitiñi miangörej anda malal." Mewö.

Polnön urujni meñnöhangö kösohotñi jiyök.

Apo 9.1-19; 22.6-16

¹² "Kaisilik mewö aka malbiga nalö kunön jike nup galöm bohonñi yeñon nömbuk urumohot aka nam köl niñgigetka Damaskus sitinön anmamgöra könanön anal. ¹³ O Öngöngöñamni, nöñon könanön anbiga silim bibiñe miangörej Suepnöhök asakmararañ kun wölanj erök. Eta wölbilik ewö asuhuba wehön jeñi ongi-ta asariiga ehal. Asak miangön mönö ni aka azi nömbuk anini, nini turum neñgiyök. ¹⁴ Turum neñgiiga körek tala gölmenön eta kölin. Eta köla ahöinga nöngöra keu kun kaiga Hibru keunön kewö jii möral, 'Sol, Sol, gi wuanöngöra sesewerowo ak niñgizan? Gi mönö bulmakau aziñ ewö akanbuk. Tonjan gölme mözö-mangömapkora bulmakau aziñ kioñonñ jöhöi ösön öroiga dop köljapmö, lan öroba köñöpuk yaköriba öröm ureiiga kerösuap jitmjan uiga sihimbölo mörakza. Gi mönö miangö dop lan luhuba nangi könisemgi öne töhön kutubanbuk.'

¹⁵ "Mi möta qesial, 'O Kambu, gi dañon?' Qesibiga jiyök, 'Ni Jisös sesewerowo qakñe al niñgimakzani, mönö mia akzal. ¹⁶ Mi akzalmö, ölop wahöta kinön. Ni aka yuai ekzani aka könanjep toroqeba asuhuba kon-del gihimami, mi mönö nangöba jiba dangunu ewö kinda nöñgö jitmemeñi aka weleni qeba malman. Gi nup mi memba malman. Nöñon miangöra aka asuhum gihizal. ¹⁷ Nöñon mönö nangi Israel ambazip kambu yeñgö böröñineyök meköm gihimam aka kian kantri ambazip yeñgörej melaim gihibiga anmani, yeñon guhubepuköra mewöyök galöm mem gihimam.

†† 26.9 Apo 8.3; 22.4-5

¹⁸ Nöñön melaim gihibiga anda ambazip jeñini metohonönga uruñini melenđa söñaupnöhök asakñe kañgotme. Jeñini tohoiga imbiñini melenđa Satangö kukösumnöhök lolohoba Anutugö sel uruñe kame. Mewö kaba möt narim niñgigetka siñgisöndokñini sañgoñda mosötmam. Mosötpiga Anutunöñ alaurupñi tök kutum enñiiga sarakñi akzei, mönö yengö sutñine angoñta dum tatatñini memba oyaenköyaen aka malme. Jisösnöñ mewö kutum nuasöta jiyök."

Polnöñ urugö nupñangö kösohotñi jiyök.

¹⁹ "O kiñ Agripa, Jisösnöñ mewö jiiga nöñön Suepnöhök jemelen imut eka könañi möta mi köyatiba malmangö mötpiga osiyök. Mianğöra nöñön imut mianğö keuñi mi tem köla nup memba malal. ²⁰ †Mi tem köla liliköba Buña keu kewö jim sehiba malal: Inñi mönö uruñini melenđa Anutugöreñ lilingöba kaba uru melenđerangö ölni mi ahakmemeninan kondela malme. Buña keu mi mutuk Damaskus aka Jerusalem siti yahöt mianğöreñ maljei, yengöra jim asariba malal. Mianğö andöñe Juda kantri pakpak yengöra jial aka kian kantri yengöra jiba uruñini kuñguba malal. ²¹ Könañi mianğöra aka Juda ambazip tosatñan jöwöwöl jikenöñ öngöba mianğöreñ qeraköba nömim-ba kapan köla köhömunji nuñgubingö aket.

²² "Mewö aketmö, uruni melenđanalangöreñök mala kotpiga Anutunöñ bauköm niñgiba maliga nalö kewöñe toroqeba ölop maljal. Baukbauk mianğöra aka ki kinda öngöñgöñi aka eretñi engö jeñine keuni ki jizal. Moses aka kezapqetok ambazip yeñön yuai asuhumapkö jigeri, nöñön mönö yengö keuñini miyök törörök wuatangöba keu kewö nangöba jizal: ²³ †Anutunöñ areñ ali Amötqeqe Tonji Kraist yanön sihimbölä möta kömumba azi mutukñi kömupnöhök wahötma. Wahöta Anutu asakñangö könañi mi Juda kambu nengöra aka kian kantri yengöra indela jim tuarim enñiba malmangö jiyök."

²⁴ Polnöñ keuñangö likepñi mewö jiiga premiö Festusnöñ terengöba keu kemañe kutuba jiyök, "Pol, gi kahapmahap akzan. Papi mirinji mirinji mianğöreñ öngönöñga mötmötkan sehiba nöropsohop mem gihii maljan."

²⁵ Mewö jiyökmö, Polnöñ melenđnök, "O kembu sorokni Festus, nöñön nöropsohop qahö akzal. Keu jizali, mi mötkutukutu keu ölna akza. ²⁶ Kiñ Agripanöñ keu kiangö könañi möt soroköza, mewö mötzal. Yuai pakpak mi tölapñe wangöñ kunöñ qahö asuhuyök. Mianğöra keu buzupñi pakpak mi mönö kiñgö kezapñe gei möt teközawi, mewö möt köhöizal. Mianğöra nöñön keuni ki ölop awösamkakak qakñe kinda jibiga mötzan. ²⁷ O kiñ Agripa, Juda azi gi kezapqetok yengöreñ Buzup Kimbigö keuñi möt narizan me qahö? Mi möt narizan, mewö mötzal."

²⁸ Polnöñ mewö jiiga Agripanöñ melenđa jiyök, "O Pol, göñön nalö töröptökñi kiangöreñ uruni kuñgunöñga nöñön uruni melenđa Kraistkö alanji akileñakgö mötzan me? Mewö mötmörizan me?"

²⁹ Mewö jiiga Polnöñ melenđnök, "O kiñ, keu köröpñi me kötonji jibilenjak, mi muatmö, göñönök qahöpmö, döki keuni kezap ala mötzei, körek enön mewöyök Kraistkö alaurupñi akñegöra urusihimnan möta kewö köuluközal: O Anutu, uruñini melenđ enñinöñga nöñön ki maljali, mönö mianğö dop akñe. Tapep (muñgamuñga) miyök al enñimapköra qahö köuluközal."

³⁰ Mewö jiiga kiñnöñ wahöriга premiö aka Bernaisi yetköñ mewöyök wahörohot aka yembuk tatkeri, yeñön körek wahötket. ³¹ Wahöta mosöta angetka azi ipñan nanñinök eraum möta kewö jiget, "Azi kianön bölöñi kun qahö aiga wuanöñgöra mönö gwaröhöm wangiget? Yanön kömupkö buña akñawangö dop qahö akza, mi mötzin." ³² Mewö jiba eraum möta Agripanöñ Festusgöra jiyök, "Sisa kiñgöreñ anbiga keuni mindiñgöi diñgimapköra qahö kapan köla qesiba jibawak ewö, mönö ölop pösaringa gebawak." Mewö.

Pol wangenöñ algetka könahiba Rom anök.

27 Azi ipñi yeñön nengöra keu kewö jöhöget: Nini wangenöñ öngöingana luhutnöñ nangöi Itali kantrinöñ anbin. Keu mewö jöhögetka Pol aka kösö miri azi tosatñi mi suahö galöm kun qetñi Julius yangö böroñe al engiget. Julius yanön yarö kambu bahöñi kun qetñi "Rom sisa kiñgö yarö kambu" qetkeri, mianğöreñ yarö azi 100 yengö galömñina malök. ² Miri kun qetñi Adramitium mianğöreñök wangö kun kaba Eisia prowinsgö köwet jitñi mötöteiba wangö döpnji mohot mohot mianğöreñ anmapkö aka jöjöröyöhi, mianğöreñ öngöin. Öngöingana opo seri öröba mörörengögetka luhutnöñ nangöi köwetnöñ anin. Masedonia prowinsgö siti qetñi Tesalonaika mianğöreñök azi kun qetñi Aristarkus yanön sunğurumnini aiga mohotñe anin.

³ Anda ahöm wahöta mianğöreñ Saidon mire angorin. Anğoringa Juliusnöñ Pol ala ak wangöba jim teköiga wangö mosöta alaurupñi yengöreñ anda engehiga wani yuaigöra osiyöhi, mi bauköm wangiget. ⁴ Mianğöreñök kunbuk köwetnöñ aninga luhutnöñ köna anbin jiiñi, mianğöreñ görökenök qeba gilöhangöra lömböriiga toroqeba gölme jölanñi qetñi Saiprus mianğö tölapñe geba qöhöröngöba mötöteiba anin. ⁵ Aninga luhutnöñ nangöi köwet kutuba Silisia aka Pamfilia prowins yahöt mi etkoñgita Lisia prowinsgö siti qetñi Maira mianğöreñ angorin. ⁶ Anğota mianğöreñ suahö galömninan wangö kun miwikñaiyök. Wangö mianğön Ijptkö siti qetñi Aleksandria mianğöreñök kaba Itali kantrinöñ anmamgö aka jöjöröyök. Mi miwikñaiba jim kutum nengöingana mianğöreñ öngöin.

⁷ Öngöba köwetnöñ aninga luhutnöñ ölop qahö nangöi wehön gwötpuk mi ösöñösöñ anda malin. Mewö malin teköiga mianğöreñ kupuk-kapak aka köwet mianğöreñ Nidas taon kösutñe angorin. Kösutñe anğoringa luhut köhöikñanök gila mianğöreñ göröken toroqeba anbinangö könañi jöhöyök. Jöhöiga lömböriiga Krit gölme jölanñangö jitñi köröpñi qetñi Salmone mi onğita anda gölme jöhanñangö tölapñe

† 26.20 Apo 9.20, 28-29 †† 26.23 Ais 42.6; 49.6; 1 Kor 15.20

geba qöhöröngöba mötöteiba anin. ⁸ Köwet jitnji dowe mötöteiba osikosibuk anda mala Lasea taon kösutje miri qetnji "Wänge surusuruñi eksihimñambuk, Fair Hafens" qerakzei, miangören angorin.

⁹ Miangören angota nalö köröpñi mösöhöba malin. Mewö malinga singisöndok sanjonsanjonñö kendonñi qetnji Yom Kippur † miangö nalöñan teköiga luhutqe qe nalöñan lök kam kuñgui angorin. Luhutqe qe nalöñe ambazip köwetnön anda "Ayuhubinbuk," jiba wangenini jöhözema. Miangöra Polnön galöm meme keu kun kewö jii mötket, ¹⁰ "Aziurup, nini köwet qakñe toroqeba anbinbuk. Mönö kupuk-kapak qakñe anda ayuayuhu miwikñaibinbuk. Wangenini raidimbomnön qei jömgöiga sukinapñi geñmororön öngöngöñi aiga naninak mewöyök kömumbinbuk. Miri tandökñan mewö ahiga ekzal."

¹¹ Galöm meme keu mewö jiyökmö, suahö galömninan Polgören keu mi qetala wange tonji aka stia (möñaqönjai lökuat) galömñi yetkön "Ölöp anbin," jiyohori, suahö galömninan keunñi mi möt naroyök.

¹² Miri qetnji "Wänge surusuruñi eksihimñambuk" miangö wange döpnji mi luhutqe qe nalö tatatkö dop qahö ahök. Miangöra aka azi gwötpukñan anbingö keu kötöngöba kewö jiget, "Ki tatpingö ölan neñgöhöza. Ölöp opo seri öröba mörörengögetka köwetnön anbin. Anda kapañ köla mala köna ahuiga Finiks wange döpnön angotpinak. Miangören angota luhutqe qe nalö ki ölöp tata malin teköma." Wange döpnji qetnji Finiks mi Krit gölme jölanñi miangö jitñe wehön gegenji göröken ahöza. Mewö.

Raidimbomnön köwet meiga böliyök.

¹³ Anbingö keu mewö jigetka luhutnön ösönösön könahiba Saut görökenök gilök. Giliga "Ölöp anda areñnini wuatangöba Finiks ekin," jiba mötmöröba kinda wangegö kösö mendannji musulgetka korök. Koriga wangenön lolohoiga luhutnön nangöi ösön neñguanñiriga Krit gölme jölanñangö jitñi mötöteiba dowe anin. ¹⁴ Mewö aninmö, nalö kude köriiga luhut ösumñi köhöikñi qetnji mura (yoware, Not Istkö raidimbom (pi-wi)lililikñi) miangön mönö gölme jölanñi miangö qakñeyök qeba gila neñguba kayök.

¹⁵ Neñguba kaiga wangenini galöm köl wanjibingö mem bibihigetka luhut qeba kayöhangören göröken anmamgö osiyök. Osiiga mosötketka luhutnöhök wange kuñguba memba wanjiriga nanñak öne ani utuköm neñgiiga lañ malin. ¹⁶ Utuköm neñgiiga mala gölme jölanñi moröñi kun qetnji Kauda miangö tölapñe Saut göröken anin. Miangören anda gomba kösönön jöhögetka wange andöñe o kutuba kayöhi, mi aum-möröba köwetnöhök öroinga gwötpuk lömböriiga töndup kapañ köla öroinga korök.

¹⁷ Gomba mi öroin koriga wange ketañe alin. Wangenön utuköba jömgöbapuköra möringa kösö memba wange köpeiba jöhöm köhöiget. Mewö anda mala sak qetnji Sirtis †† miangören köwet röndumñi köröpñi

† Yom Kippur sösongai kendon mi Septembe teteköñe me Oktobe könakönahine alakze. †† Sirtis mi Afrika kantri qetnji Libia mi-

qahö ahözawangören kuñguba qaköbinbuköra keñgötñini mörin. Mewö mörinangöra aka wangegö opo seri yuainji mi meköba eta ala wange galömkölköl mosötket. Mi mosötketka luhutnön wange kuñguba neñgömisiiga öne lañ anin. ¹⁸ Öne lañ aninmö, raidimbom miangön mönö könöpñambuk toroqeba gila utuköm neñgiyök. Mewö utuköm neñgiiga miri gianjiiga miangören könahiba wangegö sukinap tosatñi memba köwetnön gilget geyök. ¹⁹ Wehön karöbut aiga miangören wangegö öroyuai aködamunñambuk mi nanñinak memba gilgetka köwetnön geyök. ²⁰ Mewö memenjaliba anda mala sunjem silim gwötpuk miangören wehön me señgelau kun qahö ehin. Raidimbom miangön mewöyök köhöikñanök toroqeba gila ahöyök. Gilayök ahöiga lömböriiga "Mönö qahöwakin!" jiba malmal jöhöjöhögö möta uruninan eri tötbörömnini tali tarin.

²¹ Raidimbom uruñe nalö köröpñi kaba mala nene kun qahö nein. Miangöra aka Polnön sutñine wahöta kinda kewö jiyök, "Aziurup, nöñon Krit gölme jölanñi qahö mosötpingö goro jiali, inñi nöngören keu mi wuatangögetka dop kölbawak. Mewö ahinga geñmororön aka ayuayuhu kiangön mönö qaknine qahö öngöbawak. ²² Goroni mosötketmö, dölkö qambañ keu kewö engizal: Engörenök kunñan kun malmalñi qahö ayuhuma. Mi qahöpmö, wangeyök ayuhuma. Miangöra inñi mönö ewebibinñi möta tatme.

²³ "Nöñon bem qetnji Anutu yangö buñaya aka welenñi qeba maljal. Sunjem gaun ahöbiga yanñon Suep garatanji kun melaiiga nöngö kösutne kaba kinja.

²⁴ Kinda kewö jiza, 'Pol, gi keñgötki kude mötman! Gi ölöp Rom sisa kiñgö jemesoholñe anöñga kewöt gihi-ma. Mötnön! Anutunön körö ölöwakñi kondel gihibba ambazip pakpak göbuk wangenön mohotñe maljei, yengö malmalñini mönö göhö böroge ali göbuk kinda kunñan qahö kömuma.' ²⁵ Suep garatanön nöngöra keu jizawi, mönö miangö dop asuhuma. Nöñon Anutu mewö möt narim wanjizal. Miangöra aziurup, inñi mönö eweñini möta tatme. ²⁶ Mewö asuhumapmö, luhutnön gila muwutapköm neñgiiga gölme jöhanñi kungö jitñe angotpinangö dop akza." Mewö.

Sunjem 14 aiga gölme dopdowiget.

²⁷ Wangeninan Gölme Sutñire Köwetkö (Mediterranean Sea) bahöñi qetnji Adria Köwet miangören öne lañ aniga sunjem 14 ahök. Mi aiga sunjem bibiñe miangören wange nup meme azi yeñon "Mönö gölme kun dopdowizin," jiba uruninan mewö mötket. ²⁸ Mewö möta kinda kösö kun lömbötñambuk jöhöba gilgetka geba köwet dutñi misiriyök. Misiriiga köwet röndumgö qötöñi ahuyöhi, mi 40 mita (120 fit) miangö dop ahök. Borom kun toroqeba anda tandök mohot miyök aketka qötöñi miangön 30 mita (90 fit) miangö dop aiga miwikñaiget. ²⁹ Mi miwikñaiba wangeninan köt törom kemañe kuñgubapuköra keñgötñini mötket. Mewö möta wangegö kösö mendannji 4 mi wange

angören göröken ahöza. Sirtis miangören köwet dutñe sak kukundu ahöza.

andöneyök pösata ösön memba eta alget aka asarimapkö miri qeba mamböta köuluköba tatket.

³⁰ Mewö tatketmö, wanjegö nup meme azi yejön kewö möndöba jiget, "Nini mönö wanje numbuje göröken wanjegö kösö mendanji tosatji gilinga gema." Mewö möndöba jiba wanje moröni gomba kun wanjenöhök meköba mem et algetka köwetnön eri wanje mosöta esapköba tolapne ölöng köla anbingö aket. ³¹ Mewö aketmö, Polnön suahö galöm aka yarö azi yejgöra kewö jiyök, "Yejön wanjenön qahö mösölatiba kinme ewö, engö malmal jöhöjöhögö könañi kun qahö ahuma." ³² Mewö jiiga yarö azi yejön anda gombagö kösöni yandigetka nanjök aniga nup meme azi yejön ölöng köla anbingö osiget.

³³ Wanjaran suruiga miangören Polnön körek pakpak nene nemegö qambañ keu jim kutum engiba kewö jiyök, "Injini lök nalö köröpñi uruyahöt mamböta nene kun qahö yöhösöröba malgetka merak wehön 14:ñi akza. ³⁴ Miangöra kewö jim kutum engizal: Nini malmal jöhöbingö aum-möribini, miangören ösumnini etpapuköra mönö köhöiba kinda ölöwahinga dop kölma. Miangöra injini mönö nene neme. Engörenök kunjan kun silenji qahö qema. Nöröp jupñini moröña kun mi qahö kötökñi sohoma." ³⁵ Mewö jiba Polnön beret memba körek pakpak yejgö jemesoholjine Anutugö saiwap jiba mindipköba könahiba neyök. ³⁶ Mewö neiga eka körek yejön awösamñini geiga mewöyök nene memba neget. ³⁷ Nini wanje uruñe mindiriba janjö 276 miangö dop malin. ³⁸ Yejön körek pakpak nene memba nem timbireñ aket. Mewö aka wanjenön amqemapköra wit padi toru memba gilgetka köwetnön geyök. Mewö.

Wanjenön köwet töromnön kuñguba qaköba jömgöyök.

³⁹ Miri gianjiiga gölme eka mi qahö möt kutuget. Qahö möt kutugetmö, köwet wanjömñi (bay) kun sakñambuk miwikñaiba eket. Mi eka "Möno wanje melenja esapköba miangören angotpinak," jiba keu jöhöget. ⁴⁰ Keu mewö jöhöba kinda wanjegö kösö mendanjanjö kösöni yandigetka suliga mosötketka köwet dutje ahöyök. Mi yandiba miangörenök likep-likep stia (möñaqöñai) lökuat yahöt ahöyöhi, mietkö kösönjiri pösatketka lolohoyök. Mi pösata wanje wösöñanjö opo serinji öröba mörörengögetka luhutnön nanjöi wanje möñaigetka saknön göröken anin. ⁴¹ Mewö aninmö, wanjenön köwet töromnön anba-puköra jöhöbingö osiba mosöta gilgetka anda kuñguyök. Miangören kuñguba wanje giliñan töromnön qeba qaköba anda kamangö osiba taröka. Mewö tariga köwet siriñan wanjegö andö likepñi gila kinda ösum köhöikñi mianjön qeba qesiñmesinök.

⁴² Mewö ahiga jiget, "Kösö miri azi yejgörenök kunjan o qeba kutuba ölöng köla anba-puk." Mewö jigetka yarö azi yejön kösö azi nini körek neñgubingö mötket. ⁴³ Mewö jigetmö, suahö galömninan Polgö malmalñi jöhömangö möta yarö aziurupñan mewö akepuköra angön köl engiyök. Angön köl engiba kewö

jim kutum neñgiyök, "Denike enön köwet qeba anangö könañi mötzei, injini mönö mutuk luhuba qeba köwet qeba anda körökñe öngöme. ⁴⁴ Yejön mutuk angetka tosatñan andöñine katapa sahötñi qelanjiba meme me wanjegö kitipñi könañi könañi miwikñaiba miangö qakñe ahöba köwet qeba anme." Mewö jim kutum neñgiiga tandök mewö aka körekñan malmalni-ni jöhöba köwet jitñe angot teköin. Mewö.

Malta gölme jölanje mamböta malin.

28 Malmalnini jöhöba köwet jitñe kanjuta miangören gölme johanñi qetñi Malta qetketka mörin. ² Kanjoringa kienön könahiba eri miri amöriyökmö, Malta ambazipnön ala-ala tandök ölöp kötökñi kondel neñgiba köñöp ohoba neñguangitketka körekñanök köñöp kösutñe anda jömöta tarin. ³ Polnön köñöp omajarek qezaköba börangöba köñöp-nön alök. Mi ali jeiga qatö kunön köñöp umñan kösuiga kota böröñe jöhöba yöhöyök. ⁴ Mokoleñnön mewö jöhöba böröñe möndöba eta kiniga gölme jölanjanjö tonjan eka nanñini eraum möta kewö jiget, "Azi ki köwetnöhök malmalñi jöhöba korökmö, Sorgoriñnön töndup likepñi melenja malmalñi kutum wanji kömuma. Miangöra mönö engui kömukömu azia akza. Mewö möt köhöizin."

⁵ Mewö jigetmö, Polnön soramen utuköba kinda gili-ga köñöp uruñe geiga silenje geñmororöñ kun qahö ahuyök. ⁶ Mewö jiba ehiba "Silenji qariba pisiñima me wölan kömumba gölmenön tala eta kölma," mewö jiba ek tiba mamböta kinget. Nalö köröpñi mamböta kingetmö, Polgö silenje yuai bölöñi kun qahö ahuyök. Mewö aiga mötmötñini melenjiga jiget, "O, azi ki mönö bem azia akza."

⁷ Malta saknön kanjuta lan uba kösutñe nene nup gölme körö jajapñi aka bau bulmakau kambunji kam-bunji ahögetka ehin. Mi gölme johanjanjö azi kembunji qetñi Publius yanjö buñaya ahöyök. Gölme tonji mianjön köl öröm neñgi mirinje öngöinga urukalem qakñe köyan köl neñgiiga yambuk köisirik taringa wehön karöbutkö dop anök. ⁸ Taringa Publius iwiñan sileköñöp aka irip suaip señambuk kawöl (dysentery) mianjön yöhöiga dumnöhök ahöyök. Ahöiga Polnön yanjören anda köuluköba böröñi nöröpñe ala mem ölöwahök. ⁹ Mewö asuhuiga miangörenök kawöl ambazip tosatñi pakpak gölme johanje ahögeri, yejön mewöyök kanjotketka Polnön Anutu köuluköiga ölöwaket. ¹⁰ Yejön kalem könañi könañi gwötpuk neñgiba mewö mianjön göda qem neñgiba malget. Könanjep wanjenön öngöbingö ahini, nalö miangören köwet qakñe köna malmalgö yuaijanjö osiini, mi memba neñgöra wanjenön alget. Mewö.

Malta mosöta anda Rom sitinön angorin.

¹¹ Köin karöbut teköiga wanje kun qetñi "Bem Siwisiwi" miwikñaiget. Wanje miangö nundunje siwisiwi be-myahöt qetñiri Kastor aka Poluks mietkö imutñira memba menjölöba alget kinohot. Wanje mianjön Ijijt

kantrigö siti qetnji Aleksandria miangörenejök kaiga gölme jöhanje jöhöba luhutqege nalöni mi tatket. Mi tatket teköiga öngöinga opo seri öröba mörörengögetka luhutnön nanjöi mosöta anin. ¹² Anda mala siti qetnji Sairakyus miangöreñ angota gölmenön eta wehön karöbut tarin. ¹³ Tata wanjenön öngöinga opo seri öröba mörörengögetka anda Regium sitinön angorin. Angota ahöm wahöta luhut Saut görökenök könahiba gilök. Gili anda silimnji yahöt aiga miangöreñ Rom likepne Puteoli taongö wanje döpnön angorin.

¹⁴ Angota miangöreñ urumelen alaurup tosatnji miwikñaiba engehini. Engehinga kewö qesim nenjiget, "Injini ölop nembuk sonda mohot malbeak me qahö?" Qesim nenjigetka "Ölop!" jiba yembuk malin. Malin teköiga engömosöta Rom sitinön öngöin. ¹⁵ Urumelen alaurupninan Rom siti malgeri, yenön kainangö keu buzupnji mötket. Mi möta miwikñaim nenjibingöra tosatñan wahöta (köna 43 mail kaba) miri qetnji Apius Forum maket miangöreñ kaget. Tosatñan (33 mail kaba) miri qetnji Kian miri karöbut, miangöreñ kaba miwikñaim nenjiba engehini. Angeka Polnön "Anutu saiwap!" jiba möpöseiba urunji amqeiga ölöwahök. Mewö.

Polnön Rom tata Juda ambazip urunji kunguyök.

¹⁶ Rom sitinön kangota miangöreñ Polnön miri kunön nanjök malmapkö jim teköm wangigetka yarö azi kunñan galöm memba yambuk malök.

¹⁷ Mewö jim teköm wangigetka miri miangöreñ tari silim karöbut teköiga Juda ambazip ipni köl öröm engji kaba tokoget. Tokogetka Polnön kewö jii mötket, "Iwi alaurupni, nöñön nanine Juda ambazip kambunini qahö qetala kazik ak engial me ambösakonurupnini yengöreñök ahakmeme möta maljini, mi qahö ak böliäl. Mewö qahöpmö, töndup Jerusalem sitinön qeraköba nömmimba jöhöm niñgiba kösö mire al niñgiget tatpiga Rom gawman yengö böröñine al niñgiget. ¹⁸ Al niñgigetka böröñan memba könañamnanngö qesiba kewötketka ölöwahök. Nöñön yuai bölöñi kun qahö aka kömupkö buñaya akileñakö dop qahö ahal. Yenön mewö eka pösat niñgibingö mötket.

¹⁹ †Mewö mötketmö, Juda jitñememe yenön Judia miangöreñ keu mi qetala tuarenjon aket. Mewö aketka siksauk aka lömböriiga nöñön köna jaruba kun qahö miwikñaiba kewö kapañ köla qesial, 'Ni ölop Rom sitinön anbiga sisa kiñnön keuni mindingöi dingima.' Mewö qesibiga melaim niñgigetka ki kayal. Nani Juda kambu yenön kazik al niñgigetmö, töndup yengö silenjine keu bölöñi kun ala jim engimamgö qahö mötzal. Mewö qahö. ²⁰ Anutunön azi kun asuhumapkö jöhöjöhö keu al nenjiiga Israel nenön keu miangö ölni ahumapköra mamböta jörömqöröm ahakzini, nöñön mönön azi sorokñi yangöra aka gwaröhöm niñgigetka tapep (munjamunja) ki bisizal. Könañamni mewö. Miangöra aka merak engeka keukeu eraum mötpingöra köl öröm engibiga ki kaba tokoze."

† 28.19 Apo 25.11

²¹ Mewö jiiga jiget, "Judia gölmenön göhöra keu jiba malgetmö, nenjöra kimbi kun qahö alget kaiga ehin. Mewöyök alaurupninan miangöreñök ki kageri, yengöreñök kunñan göhö keu buzup me kösohot bölöñi kun qahö jii mörin. ²² Mi kun qahö jiget mörinmö, uruge keu ahözawi, nini mi ölop mötpingö mötzin. Göhöreñ Nazaret pati kambu miangö keunji mi gölme dop jigetka ambazipnön qetalgetka likeplikap miangöreñ goranora keu gwötpuk jiba kazik ahakze. Pati kambu miangö buzupñan mewö kezapnine gei mötzin."

²³ Mewö jiba Polnön keu kunbuk jimapköra nalö kun arengöget. Mi arengögetka Juda ambazip jesöngöñan nalö miangöreñ kaba Pol miri malöhanngöreñ tokoget. Tokogetka söñanök könahiba Anutu bemtohoñangö könañi jim asariba mali miri söñauyök. Jisösgö könañi möt yaköba möt nariba uruyahöt mosötmegöra kapañ köla uru kungum engiba malök. Mutuk Mosesgöreñ Köna keu aka kezapqetok ambazip yengöreñ Buzup Kimbi oyoñda keu miangöreñök könañi Jisösgö könañi indela miangön kondela nanjöba jiba malök.

²⁴ Buñ keu mewö jiba maliga tosatñan uruyahöt mosöta möt narigetmö, tosatñan mi qahö möt nariba tönpin malget. ²⁵ Nanñini urumohot qahö ak anguba sutñine mötmöt kambu yahöt aka denjbingö aket. Denjbingö aketka Polnön keu kewöyök jii mötket, "Uña Töröñan keu kun kezapqetok azi Aisaiagö uruñe sanjep ali ambösakonñini jii mötkeri, mi mönön engöra dopñine törörök jiyök. ²⁶ †Aisaiänön keu mi kewö jii ahöza,

'Gi mönön ambazip kambu kiengöreñ anda kewö jinön mötme:

Injini mönön kezapñini ala keu ölna mötagun könañi möt bibihiba töndup qahö möt asarime.

Jeñinan uba yuai ölna ekagun könañi ek bibihiba töndup qahö ek kutume.

²⁷ Ambazip kambu kiengö uruñinan mönön köhöiba gwözöñda ahöza.

Kezapñinan keu möt bibihiba jeñini kömaziliköba malje.

Mewö qahö akeak ewö, mönön jeñinan yuai ölop ek kutuba kezapñinan keu möta uruñinan könañi möt asariba uruñini melengetka nöñön i ölop mem ölöwak engibileñak."

²⁸ Polnön keu mi jim teköba kewö jiyök, "Miangöra injini mönön keu kötni ki ölop möt yaköme: Anutunön amötqeqegö Buñ keunji mi mönön kian kantri yengöreñ ali anma. Yengöreñ aniga yenön mi ölop kezap ala mötme." ²⁹ (Polnön mewö jim teköiga Juda yenön nanñinök köñöpuk jitrakölik aka goranora erauet öngöba eriga mosöta anget.) ‡

³⁰ Polnön nanñangöra miri kun kujuk söngörönji memba miangö uruñe (yara) yambu yahöt jö-mukñanök ahöm malök. Miangöreñ mala ambazip

†† 28.26 Ais 6.9-10 ‡ Mötmöt ambazip yenön Jabö 29:gö keunji kewöta tosatñan Luknön mi könakönahine qahö ohoyök jizemö, tosatñan keu miambuk urumohot qahö akze. Miangöra jabö 29 mi sel uruñe ahöza.

denike yeḅön ekingö kageri, yaḅön mi pakpak ölop köl
öröm eḅgiba malök. ³¹ Awösamkakak qakḅe kinda
Anutu bemtohoḅaḅö könaḅi jim asariba uru kuḅgum
eḅgiba malök. Kembu Jisös Kraist möt waḅgimegöra

Anutu amötqeqegö könaḅi kusum eḅgiba malök.
Mewö maliga kuḅḅan kun qahö qetal waḅgiiga mala
kota malök. Mewö.

Rom

Jim-asa-asari

Jim-asa-asari Rom sitinöŋ kopa malgetka urumelenj kambuŋi kambuŋi yeŋön sutŋine simbisembel denŋa malget. Juda tosatŋan uruŋini melenŋa Juda ahakmemenöŋ aka Köna keunöŋ qekötahöba silenini yandiba sömbup qahö nempa malget. Kian kantrigö urumelenj kambu yeŋön Anutugö kalem möriamŋi qekötahöba Anutugö Köna keu bapŋe qahö anda söŋgöröqök aka siŋgisöndok amqeba akingö mötket. (6.15) Anutunöŋ Juda könagesö ölni andö enguba salupŋine kian ambazip engoholi buŋaŋi akeri, miaŋgöra söŋgaiba ilit engiget. (11.18-20) Mewö aka Juda urumelenj yeŋön silikŋini walŋi mewöyök wuatangögerangöra aka jijiwilit ak engiba malget. Juda kambu yeŋön kian kantrigö urumelenj alaurupŋini qepureim engiba Juda silikŋini qahö wuatangögerangöra aka keuŋini töhöreŋ jim teköba söŋgöröqök aket. (2.17-20; 14.3) Mindirim engimamgöra Polnöŋ kambu yahöt yeŋgöra goro keu nanŋök nanŋök engimakza. Juda yeŋgö könaŋini indeliga (2.21-27) kian kantri yeŋön söŋgaiget. Keu bohonŋi kewö jiyök, 'Jisös möt nariinga Anutunöŋ mötnaripnini eka keunini jim teköiga solanibin. Köna murutŋi kun qahö ahöza.' (1.17) Kian kantri ambazip söŋgöröqökŋini qekömapköra könaŋini indela kewö jiyök: "Anutunöŋ nanŋini ölöŋŋinaŋgöra aka qahöpmö, nanŋi ak-kömukömuŋangöra aka iŋini möwölöhöm engiyök. (11.30-32) Miaŋgöra mönö kapari köla Köna keu tem köla malme. (7.12-24) Körekmakörek siŋgisöndokö kösö gwarönöŋ mala ayuhubingö akzinmö, (3.23; 5.12) Anutunöŋ nanŋi irimsesewölŋan etmapköra aka Kraist melaiyök. (5.8-9) Uŋa Töröŋan meköba siŋgisöndok aka kömupkö kukösumnöhök pösat neŋgima. Miaŋgöra siŋgisöndok ahakmeme mosöta (6.11-14) mindiriba jöpaköm aŋguba kopa yeŋgö sutŋine kopa tandök kude malme." Goro mewö engiiga ösönösöŋ tem köla mindiriba malget. Polnöŋ nalö mutukŋi Rom ani nanŋöm wangigetka toroqeba Spein kantrinöŋ anmamgö möta mewö ohoyök.

Buk kiangö bahöŋi bohonŋi 7 mi kewö:

Jim asa-asari keu aka keu bohonŋi
 Körekŋan siŋgisöndokö amötqeqegöra osizin
 Anutunöŋ amöt qem neŋgimakzawangö könaŋi
 Kraistpuk malmal döläkŋangö könaŋi
 Israel yeŋön Anutugö mötmöt areŋnöŋ malje
 Urumelenj neŋgö silik ahakmemegö keu
 Keu teteköŋi aka nanŋi yaizözkök keuŋi

¹ Pol ni Jisös Kraistkö nup meme azia aka Rom urumelenj ambazip embuk keu eraum mötpingöra kaba kimbi ohozal. Anutunöŋ noholiga melaimelai azi aposol akzal. Anutunöŋ Ölöwak Buŋaŋi jim sehimamgöra möwölöhöm niŋgiiga maljal.

² Anutunöŋ oyaenŋoyaen akingö Ölöwak Buŋaŋi indelmapkö keuŋi mi qeljiŋe jöhöba jiiga kezapqetok ambazipnöŋ möta Buŋa Kimbi töröŋi miaŋgöreŋ ohogetka ahöza. ³ Ölöwak Buŋagö könaŋi mi nanŋi nahönŋi Jisös Kraist. Yaŋön gölme azi ewö kiŋ Deiwidkö gwölönarökurupŋi yeŋgöreŋök asuhuyök.

⁴ Suet azi ewö Uŋaŋan solanŋi töröŋi ahök. Anutunöŋ i mem guliiga kömupnöhök wahöriga kukösumŋan aukŋe asuhuyök. Anutunöŋ mewö miaŋön nanŋi Nahönŋi akzawangö keuŋi mi jim köhöiba kuŋgum wangiyök. Kembuninaŋgö könaŋi mewö.

⁵ Kraistnöŋ nupkö ölni kewö asuhumapköra mörök:

Neŋön kian kantriŋi kantriŋi liliköba Jisösgö qetŋi sutŋine jim sehiinga möta uruŋini melenŋa möt narim wangiba keuŋi tem köla malme. Miaŋgöra aposol nupŋi aka kalem möriamŋi mi neŋgiiga memba maljin. ⁶ Anutunöŋ ambazip Jisös Kraistkö buŋaya aka malmegöra engoholöhi, Rom iŋini mewöyök yeŋgö sutŋine malje.

⁷ Uruŋini melenŋa Rom sitinöŋ maljei, nöŋön körek engöra kimbi ki ohozal. Anutunöŋ iŋini nanŋi ambazip sarakŋi malmegöra engohola jöpaköm engimakza. Anutu Iwinini aka Kembu Jisös Kraist yetköŋ mönö kalem möriam engiyohotka luainöŋ malme. Mewö köulukömakzal.

Polnön Anutu möpöseiba kewö köuluköyök:

⁸ Gölmenji gölmenji pakpak yeñön Rom engö mötnaripriñangö kösohotnji jigetka mörakzal. Miangöra keuni könahiba Jisös Kraistnön nam köl niñgiiga körek engöra aka Anutuni saiwap jimakzal. ⁹ Nöñön mötmöt sihimni pakpak Anutugö nupnön ala welenji qeba Nahönñangö Ölöwak Buñaji jim asarimakzal. Miangöreñ sundan injini mötmörim engimakzali, mi Anutunön nanğöba jimakza.

¹⁰ Nalö dop kewö jiba köulukömakzal, "O Anutu, nöñön Rom yeñgöreñ anmamgö möta nalö köröprji lök mambötzal. Miangöra mönö sihimğahö dop jinönğaga köna asuhuiga nalö kewöñe ölop anmam." Mewö. ¹¹ Engeka mötnaripriñan köhöimapköra möta ölop nup memegö mötmöt kalem kun engimam. Miangöra nalö mutukña engöreñ kaba engekñamgö awöweñğöba maljal. ¹² Kewö akingö awöweñğömakzal: Nöñön engekiga mutulañğöba ni aka injini denöwö möt nari-makzini, mi eraum möta urunön nanğöba körö-ölöwak qem angubin.

¹³ †O urumelerñ alaurupni, injini mönö kewö mötmöri-ba malme: Nöñön kian kantri tosatñi yeñğö sutñine liliköba urujini kuñgum engibiga melerñeri, miangö dop engö sutñine mewöyök ölni asuhui ekñamgö mötzal. Miangöra nalö gwötpuk lök engöreñ kusuk kamamgö areñi ala malalmö, yuai tosatñan mönö nalönji nalönji jöhöm niñgiiga osial. ¹⁴ Anutugö jeñe tosa kewö ahöm niñgiza: Ambazip kambu könañi könañi bauköm engimamañğö keuñan mönö nöñğö qakne ahöza. Mötmöt ambazip aka gukmaulem ambazip miengö welenqeqeñini örörön akzal. Mindimindiri keu Grik mötzei aka qandam †† mala nanñini keuñine iro-howaroho jimakzei, mi körek bauköm engimamgö mötzal. ¹⁵ Mewö möta Ölöwak Buñaji mi Rom siti engöra mewöyök jim asarimamgö amqeba urukönöp ahakzal. Mewö.

Ölöwak Buñagö kukösumñi kewö:

¹⁶ †Anutugö kukösumñan nini körek mem letot neñgiiga nalö kewöñe Suepkö buñaya akzin. Juda neñön mutuk urunini melerñda mi möt nariin aka neñğö andönine kantri tosatñi yeñön mewöyök mi möt nariget. Miangöra Anutunön kukösumñi Ölöwak Buñanön ali ahözawañğöra mi algamusum qahö ahakzal. ¹⁷ ††Ölöwak Buñanön mönö solanñi akingö könañi indelakza. Buñaji keu kun kewö ohoget ahöza, "Solanñi akzawi, yañön mönö Anutu möt nariba mewö miangön köhöiba mal öñğöma. Keu miangö könañi kewö: Nini Anutu könahiba möt nariinga mötnaripriñi eka keunini jim teköiga solaniin aka gölmenön malbi-nañğö dop toroqeba möt narim wañgiba jeñe solani-makin." Mewö.

Neñğö siñgisöndököra Anutugö irimñan seholimakza.

¹⁸ Ölop solanibinakmö, ambazip keu ölni ahak-memenjanan közañğöba siksauk memakzei, Anutunön mi Suepnön euyañ-göreñğök uba ehi qahö dop köliga irimñi seholimakza. Ambazip mewöñi pakpak engeka angöjörakñini qetala silikñini bölöñangöra aka kazikñi indeli asuhumakza. ¹⁹ Mi kewögöra: Anutugö könañi möt kutubinañğö dop akzawi, mi mönö nanñak indel engiiga sutnine aukñeyök ahöiga mörakze.

²⁰ Anutugö malmalñi qahö ehakzinmö, kukösumñi mi Suep gölme miwikñaim etkiba miangöreñğök könañi kondela mala koriga nalö tetekönji qahö asuhumakza. Miangöra Anutugö börösöwöñi törörök ehinga bem aködamunñambuk akzawañğö könañan mönö ölop möt kutubinañğö dop akza. Miangöra ambazipnön yuai kunön möndöba nanñine keuñinañğö likepñi nañğöba jibingö osimakze. ²¹ ††Anutugö könañi möt kutuba malgetmö, töndup "Yañön beminna," mewö qahö jiba i qahö möpöseigetka qetbuñaji sutñine qahö ahöyök. Mewö qahö ahöyökmö, keu omarñi lañlañ mötmörigetka mötmötñinan löwöriiga mötök aket. Uru mötkutukutuñini qahö miangön mönö ömuj köla pandaman meiga jipjap malje. Miangöra "Anutugö könañi qahö mötzin," jiba möndömöndö lañ aketka qahö dop kölja.

²² "Mötkutukutu ambazip maljin," jiba silenini memba öñğöba malgetmö, mewö miangön uruqahö ambazip akze. ²³ †††Anutu qetbuñaji asakmararañambuk nalö tetekönji qahö mal öñğömawi, i qahö möpöseiba waikñi qahö memba malgetmö, i mosöta salupñe tandö lopioñ aka imut tosatñi kuñguget. Tandö lopioñ söhögetka kaisoñgolomñinan azi kömukömuñangö dop akze. Imut tosatñi megetka nei sömbup aka gölmenön bapñinan köla ölölöñğömakzei, miengö dop akze. Yeñön mi sipköba bem ewö möpöseim engiba malget.

²⁴ Mewö aka malgerañğöra Anutunön i andö enguiga nanñini urujinañğö sihim kömbönañini lañ wuatangöba serowilin aka nanñini silenini gamu qeba mem et al anguba malje. ²⁵ Anutugö keu ölni mosöta salupñe keu munerñi qekötahöget. Miwimiwikñai Tonji ölna qahö göda qeba welenji qahö qeba malgetmö, yuai miwikñaiyöhi me nanñini böröñinan megeri, miangö sihimñi asuhui möta börösöwö miengö waikñini memba möpöseim engiba malget. Mewö malgetmö, neñön miwimiwikñai Tonini mi nalö tetekönji qahö möpöseimakin. Keu mi ölna.

²⁶ Mewö aka malgerañğöra Anutunön i andö enguiga nanñini sihim kömbönañini gamuñambuk mi lañ wuatangöba kewö aket: Yeñğö ambiurupñinan awanöm köna diñdiñi mosöta nanñinak melerñda amimba malget. ²⁷ Azi yeñön mewöyök ambibuk amimba malmal mosöta goñgiget. Kaisero akitkö sihim kömbönañini mi azi sutñine öröm anguba mötketka könöpñambuk aiga nanñinak melerñda amimba angöjörakñinambuk aka malget. Gongiba jaubatbat malgerañğö likepñi mi

† 1.13 Apo 19.21 †† Qandam, Siawari imbinön qandak, Nei keunön bus kanaka, ambazip arökñe nanñinök tönpin mala mötmöt miriñini qahö gukmaulemnön malget. ‡ 1.16 Mak 8.38 †† 1.17 Hab 2.4

‡ 1.21 Ef 4.17-18 †† 1.23 Dut 4.16-18

Anutunöŋ dopŋine melenŋ engiiga qakŋine öŋgöiga böliget.

²⁸ Anutugö könaŋi möt kutubingöra mötketka eretŋi aiga mosötketka Anutunöŋ mönö mewöŋanök i andö enguiga nanŋini mötmötŋini goŋgoŋan galöm köl engiiga ahakmeme gamuŋambuk aka memba malget. ²⁹ Ahakmeme goŋgoŋi aka silik bölöŋi könaŋi könaŋi mianŋön uruŋini kokolak qeiga kewö ahakze: Yuaigö nepaqepalok membagun membingö köpösöŋgöba isimkakalek ahakze. Tosatŋi yeŋgöreŋ yuaigöra körögisigisi ahakze. Ambazip enguget kömumakze. Anŋururuk aka tosatŋi tilipköm engimakze. Ambazip tosatŋi jiliwitŋi qakŋe bölöŋi ak engibingö mörakze. Keu ambazip kezapŋine saŋep alget geiga diwoŋda-woŋ anakza.

³⁰ Andöqeŋe keu jimakze. Anutugö yom jimakze. Silik bölöŋi könöŋambuk tem köla wuatangömakze. Jakbak-öranböraŋ aka silenŋini memba wahörakze. Silenöŋ alal aka silik bölöŋi murutŋi murutŋi miwikŋaimakze. Iwinam keuŋini qahö tem kölakze.

³¹ Mötmötŋini qahö tohoiga uruqahö mala keu laŋ jöhöba qahö wuatangömakze. Ala-ala qahö aka tosatŋi yeŋgöra wösömötmöt qahö ak engimakze.

³² Anutunöŋ köna diŋdiŋi kewö jim kutui ahöza: Ambazip bölöŋi mewöŋi ahakzei, yeŋön mönö kömup köhöikŋangö buŋaya akŋeangö dop akze. Yeŋön jimkutukutu mi möt asarizemö, töndup nanŋinak bölöŋi mi ahakze aka miyök qahöpmö, tosatŋan mewö aketka "Ölöp!" jiba imbi köla nangöm engimakze. Mewö.

Anutunöŋ keunini kewöta diŋdiŋanök jim tekömakza.

2 †O alani, gi tosatŋi yeŋgö keuŋini jim tekömakzan me qahö? Gi tosatŋi yeŋgö keuŋini jim teköba nangak ahakmeme miyöhök ahakzan. Mianŋöra alagahö keuŋi kun jim teközan ewö, mönö nangahö keu mewöyök jim tekönöŋga mianŋö lömbötŋan nangi qake öŋgöma. Mianŋöra öŋgöŋgöŋi me eretŋi akzani, mi töndup mönö yuai kunöŋ möndöba nangahö keugö likepŋi nangöba jimamgö osimakzan. ² Ambazip ahakmeme bölöŋi mewöŋi ahakzei, Anutunöŋ yeŋgö keuŋini keu öŋŋangö dop kewöta jim tekömakza, mi mötzin.

³ Mianŋöra denöwö mötmörizan? Gi gölme asia aka töndup yuai mewöŋi ahakzei, yeŋgö keuŋini jim teköba nangak ahakmeme miyöhök aknöŋga dop kölja me qahö? Anutunöŋ keugi kewöta jim teköba likepŋi melenŋ gihiiga öŋŋa göhö qake öŋgöma. Anutugöra jeŋe qahö mömölaköba asambötman.

⁴ Anutunöŋ ala ak nengiba bölöŋamninanŋö likepŋi zilaŋ qahö melenŋmapmö, mamböta möta mökösoŋmakzawi, keu mianŋöra jijiwilit akzan me? Anutunöŋ uruölöpŋi kondela urugi melenŋ-mangöra öröm gihi-makzawi, mianŋöra tönpin malbanbuk. ⁵ Gi kezapjupjup aka urugi qahö melenŋmani, mewö mianŋön Anutugö jeŋe qahö mömölakömanmö, irim-sesewöŋŋan göhö qake sehiba öŋgöma. Kazik nalöŋan

† 2.1 Mat 7.1; Luk 6.37

kam kuŋguiga keunini diŋdiŋanök jim teköma. Likepŋi melenŋ nengimawi, nalö mianŋöreŋ irimsesewöŋŋi mönö aukŋe indeliga eka mötpin.

⁶ ††Anutunöŋ mönö "Ahakmemeninangö dop mohot mohot nengöra likepŋi melenŋ nengimawi," mi kewö: ⁷ Anutunöŋ qetbuŋaŋi nengimapköra mamböta aködamuninambuk akingöra kapaŋ köla pöndaŋ kindanup ölöpŋi ölöpŋi memba maljini, nengöra malmal köhöikŋi nengima. Mi nengiiga nalö teteköŋi qahö oyaenŋkoyaenŋ mal öŋgöbin. ⁸ Mewö mal öŋgöbinmö, ambazip nanŋinanŋgörök mötmöriba girinjabak memba Buŋa keu öŋŋi andö qeba keu bölöŋi wuatangömakzei, Anutugö irimŋan mönö mianŋöra seholliga kazikŋi ali qakŋine öŋgöma. ⁹ Kazikŋi mi mutuk Juda nengö qakŋine öŋgöiga nengö andönine kantri tosatŋi aiaka bölöŋi ahakzei, körek yeŋgö qakŋine mewöyök öŋgöiga sihimbölö kahasililiŋ möta malme.

¹⁰ Mewö malmemö, Juda aka nengö andönine kantri tosatŋan mewöyök urunini melenŋda aiaka ölöpŋi ahakzini, Anutugö aködamunŋan mönö körek nengö qakŋine öŋgöiga qetbuŋa nengiiga luainöŋ malbin. ¹¹ †Anutunöŋ ambazip tosatŋi qahö nengek soriba tosatŋi qahö qepureim engimakzapmö, dop mohotnöŋ kewöt nengimakza.

¹² Mianŋö könaŋi kewö: Kantri tosatŋi yeŋön Anutugöreŋ Köna keu qahö oyoŋda möta siŋgisöndok laŋ ahakzei, yeŋön mönö körekŋanök tönpin mala ayuhume. Juda neŋön Anutugöreŋ Köna keu oyoŋda möta töndup siŋgisöndok ahakzini, Anutunöŋ mönö keu mianŋö dop körek kewöt nengiba keunini jim teköma. ¹³ Ambazip Anutugöreŋ Köna keu öne mörakzei, yeŋön Anutugö jeŋe solanŋi qahö akze. Qahöpmö, Köna keu tem köla wuatangömakzei, Anutunöŋ mönö yeŋgö keuŋini jim teköiga solanize.

¹⁴ Kantri tosatŋan Anutugöreŋ Köna keu qahö memba maljemö, tosatŋan töndup laŋ nanŋini imbi mianŋö dop mötmöriba ahakze. Anutugö köna keuŋi qahö mötzmö, töndup mötmötŋinan jim kutum engiiga Anutugö köna keugö dop aka mianŋö bapŋe malje.

¹⁵ Mewö maljeangö könaŋi mi aukŋe asuhuba kewö ahöza: Anutunöŋ ambazip miwikŋaim nengiba mianŋöreŋ Köna keuŋangö jimkutukutuŋi mi körek nengö urunine ali ahöza. Mianŋöra Anutunöŋ keuŋi jiba saŋep alakzawi, mi kian kantri yeŋön mewöyök mörakze. Mi uruŋinangö kezapŋan mötketka keuŋini jiiga Anutubuk öröröŋ mörakze. Anutunöŋ urumötmöt engiyöhi, mianŋön nalö tosatŋe keu jakeŋe ala kuŋgum engiiga möt bölimahakze aka nalö tosatŋe keuŋini nangöba jiiga möt ölöwahakze. ¹⁶ Ölöwak Buŋa jim asarimakzali, mianŋö dop nalö ketanŋe kewö asuhuma: Kraist Jisösnöŋ Anutu bauköm wanggiiga ambazip nengöreŋ keu tölapŋi tölapŋi kewöta jim teköm nengima. Mewö.

Köna keu mianŋön könaŋamnini denöwö indelja?

¹⁷ Gi nangi qetki Juda asia qeta Köna keunöŋ amöt gem gihipapkö möt nariba "Anutugö buŋaya akzal," ji-

†† 2.6 Sum 62.12; Qam 24.12 † 2.11 Dut 10.17

ba silegi möpöseinönga dop kölja me qahö? ¹⁸ Gi Anutugö jitnangö dop malmalgö keunji möt sölöngöba maljan. Anutugö Köna keu kusum gihigerangöra aka köna qetpak sorok wuatangömamgö jiba keu pakpak kewöta ölni aka munenji mendenmakzan. ¹⁹ Gi "Ölöp jegömöl ambazip alabauknini aka enguangitmam," jiba aiweliköm angumakzan. Söñaupnöng maljei, mi mem asarim engimanangö dop awösamkakak akzan.

²⁰ Mewö aka kewö jimakzan, "Köna keu kusum ningigetka mötkutukutu lök miwikñaiba keu ölnangö könanji mötzal." Mewö jiba amqeba kewö jimakzan, "Ni ölöp ambazip mötmötñini qahö yengö böhinjina akñam. Ölöp mönö namande yengö qaqazuñina aka kusum engimakñam." ²¹ Mewö jiba tosatñi kusum engiba wuanöngöra nangi qahö kusum angumakzan? "Yongorö kude meman," jiba ambazip uruñini kunjum engimakzanmö, nangak yongorö meme aknönga qahö dop kölja.

²² "Sero yongorö kude akñan," mewö jinöng mötketka nangak kaisero akzan me qahö? Tandö lopioñ sisit mem engimakzanmö, töndup nangak jöwöwöl jikenöng öngöba yuainji angön köla kiom qeba memakzan. Mi qahö dop kölja.

²³ Anutugöreng Köna keubuk maljanangöra silegi lan memba öngömakzanmö, nangak mi walönda mewö mianön Anutugö qetbuñanji memba et ala malnönga gamunambuk ahakza. ²⁴ †Miangö keunji mi Buña Kimbinöng kewö ohoget ahöza, "Engö silikñinanangöra aka kian kantri könagesö yerön Anutugö qetñi ilita sutñine mepaqepaik ahakze."

²⁵ Anutugöreng Köna keu wuatangöba maljan ewö, Anutugö aiwesökñi silege yandigeri, mianön mönö bauköm gihiiga dop kölja. Mi dop köljamö, köna keu walönda singisöndok ahakzan ewö, mönö aiwesöki qahö memenji mewö tandök aka öne lan maljan.

²⁶ Tosatñan Anutugö aiwesökñi silenine qahö yandigetka töndup köna keugö jimkutukutuñi wuatangömakze ewö, Anutunöng aiwesök mi silenine ahözawangö dop ewö engehiga dop kölja.

²⁷ Mewö engehiga yengörengök kunñan ölöp Köna keugö dop göhö keugi töhöññi kewöta jim teköiga etman. Anutugö aiwesökñi silege yandigetka Köna keugö bohonñi mohot mohot möt angön köla maljanmö, mi walönda singisöndok ahakzanangöra aka etman. ²⁸ Azi kunñan silenöhök Juda azia akza ewö, yanön mönö Juda azi ölni qahö akza. Mewöyök Anutugö aiwesökñi sileneyök yandigetka yangisen ahakze ewö, mi mönö aiwesök omanji, ölni qahö.

²⁹ ††Ölni qahöpmö, azi kun uruñan Juda azia akzawi, yanön mönö Juda azi ölni akza. Mewöñanök Anutunöng urunini qesönda Uñanji Törönji miangöreng ali maljawi, mianön mönö aiwesök ölni akza. Köna keugö bohonñi wuatangöba azi silenji yandigetka gölme ambazipnöng mötketka öngömakzapmö, Anutunöng aiwesökñi urunine kinjawangöra möri öngöi möpöseim nengimakza. Mewö.

Anutunöng keunji pöndañ wuatangömakza.

3 Mewö ahöiga Juda ambazip maljini, mianön mönö denöwö bauköm nengibawak? Anutugö aiwesökñi silenine yandigeri, mianöng ölnan mönö denöwö ahum nengiza? ² Ölnan mönö malmal pakpak miangöreng gwötpuk ahuba ölna bauköm nengimakza. Miangö keunji mutukñi kewö: Anutunöng Buña keunji nenggiiga buñanina aiga maljin.

³ Mewö maljinmö, nengörengök tosatñan Anutu qahö möt narim wangiba malgetka denöwö ak engima? Yangisen malgerangö likepñi melennda mönö denöwö ak nengima? Urukalemñi jöhöba angön köliga omanji akña me denöwö? ⁴ †Mi qahöpmahöp! Nini körek pakpak munen ambazip akzinmö, Anutunöng öl töhöññi akza. Anutugö könanji mi Buña Kimbinöng kewö ohoget ahöza,

"Keu jakenja ala qesim gihigetka keugahö likepñi jim asariba miangöreng diñdini aka luhut al engiba kinman. Göhö könanangji mewö miwikñaiba nangöba jime."

⁵ Neñön ahakmeme gonggonji wuatangöinga Anutunöng qindinaim nenggiiga ahakmemenji diñdinan mewö aukñe asuhuza ewö, neñön keu miangöra mönö denöwö jibinak? Ni keu mi gölme ambazip mötmötkö dop kewö jizal: Anutunöng likepñi melenñiga irimesewölñan qaknine öngözawi, yangö mötmötñan mewö gonggiza me qahö? ⁶ Qahö, mi yapmakek! Anutunöng gonggonji akawak ewö, yanön gölmenji gölmenji nengö keunini mönö denöwö kewöta törörök jim teköbawak?

⁷ Nöñön munen azia akiga Anutunöng keunji ölnan qindinaim ninggiiga yangö qetbuñanan mewö aukñe asuhum tinggiza. Mewö aiga nöñön singisöndok ahali, Anutunöng miangö keunji mönö denöwögöra jim teköza? Nömosöri nani imbi-imbi malbi dop kölbawak me qahö? Keunjan mönö qahö löwöriba etma. ⁸ Mönö kewö jiinga dop kölbawak, "Nini ölöp bölöni toroqeba ahinga Anutunöng mi qindinaiga ölöpnangö ölnan asuhuiga keunjan qetbuñanambuk akña." Tosatñan nengöra keu sirongen mewö jiba toroqeba kewö jimakze, "Polnöng keu mewö jiba miangö dop lan ahakza." Mewö aka jigerangö keunji mi Anutunöng kewöta dopñine jim teköm engima, mötzal. Mewö.

Ambazip kunñan solanñi qahö akza.

⁹ Keu mewö eraum möta mi denöwö jim teköbinak? Juda neñön kantri tosatñi engonggita Anutugö jeñe diñdini akzin me qahö? Saubanñ! Miangö keunji lök qeljine kewö jim köhöinin: Juda me kantri tosatñi akinak, nini körekmakörek singisöndok ahinga köpeim nenggiiga maljin. Miangöra silenini memba öngöbingö osimakzin. ¹⁰ ††Miangö keunji mi Buña Kimbinöng kewö ohoget ahöza,

"Kunñan kun solanñi diñdini qahö kötökñi akza.

† 2.24 Ais 52.5 †† 2.29 Dut 30.6

‡ 3.4 Sum 51.4 †† 3.10 Sum 14.1-3; 53.1-3

¹¹ Kungö uruñe mötmöt qahö ahum kutui lañ malje. Kunñan kun Anutu miwikñaimamgö qahö kapañ kölakza.

¹² Qahöpmö, körekñan mönö köna oñgita janjuñ aka malje.

Körekmaökrekñan mönö böliba Anutugö jeñe añgöjörakñinambuk akze. Ölöññi ahakzawi, mohot-töwa kun mi qahöpmahöp miwikñaijal.

¹³ †Nesilamñinan isimkakalek ahakze.

Jöl ginaginañinan qaksirigö löm ewö añañiba kiniga kömupkö qösösökñi ewö miañön ambazip lañ ayuhum engimakze. Keu bölöñji mi qatögö jitñi möröm warabe ewö numbuñine kokolak qeba ahöiga jitñinan ambazip lañ engöhömakze.

¹⁴ ††Sait keu kömbukñambukñöñ mönö numbuñini kokolak qeiga ambazip lañ qesuahöm engimakze.

¹⁵ †Ambazip lañ enguba sepñini mokomegöra köñañinan kik-kek ösumok anda kamakze.

¹⁶ Köñañini goñgii maljeañgö aiwesökñini kewö akza: Denike lilikömakzei, miañgöreñ mönö köñden-ñöñden aketka ambazip uruñinan böliba kömbuhi-makza.

¹⁷ Luainöñ malmalgö köñañi mi qahö möt kutum yaköze.

¹⁸ ††Anutu göda qebingö keuñi mi uruñine qahö ahöza. Jitñi oñgitpinbuköra keñgötñini qahö möta önewat lañ malje.”

Anutugöreñ keu mewö ahöza.

¹⁹ Anutunöñ Köna keu kewögöra neñgiyök, mi mötzin: Köna keu pakpak miañön gölme dop jöhöm neñgimakza. Nini keu miañgö bapñe anda tem köla malinga dop kölma. Qahö tem kölbin ewö, Anutunöñ mönö likepñi meler neñgii ayuhubin. Miañgöra sömbunini möta möndömöndönini mosöta keu bök mala tem köl wañgiinga dop kölma. Anutunöñ ambazip könanini mewö indelöha ahöza.

²⁰ ††Köna keunöñ jöhöm neñgimakzapmö, nini lökñanök mi wuatangöbingö osimakzin. Anutugöreñ Köna keunöñ siñgisöndok qiwikñaiiga aukñe eka ölöp möt kutubinmö, köna miañön Anutugö jeñe solanñi akingö osibin. Mewö.

Solanñi akingö köñañi mi mötnarip.

²¹ Naninak osimakzinmö, Anutunöñ Köna keu wuatangöba solanñi akingöra mi qahö jiyökmö, köna murutñi kewö arengöba jii ahöza: Anutunöñ nanñak keunini jim teköiga yañgö jeñe solanibin. Anutunöñ keu mi Moses aka kezapqetok ambazip yañgöra indeliga nañgöba jiba Buña Kimbinöñ ohogetka nalö kewöñe aukñe asuhuiga mötzin.

²² ††Miañgöra denike denike neñön Jisös Kraist möt narizini, Anutunöñ mönö körek neñgö keunini jim teköiga solanibin. Ambazip kambu murutñi murutñi neñön Anutugö jeñe öröröñ akzin. ²³ Ambazip körek neñön siñgisöndok aka Anutugö asakmararañgöra osizin.

† 3.13 Sum 5.9; 140.3 †† 3.14 Sum 10.7 † 3.15 Ais 59.7-8
†† 3.18 Sum 36.1 †† 3.20 Sum 143.2; Gal 2.16 ††† 3.22 Gal 2.16

²⁴ Mi osizinmö, Anutugö kalem möriamñan asuhuiga Kraist Jisösñöñ sohpnini meyök. Anutunöñ kalem mi-añgöra aka keunini jim teköiga solanibin. ²⁵ Mutuk siñgisöndok aka malgeri, Anutunöñ mi möta mökösonñda likepñi zilañ qahö meler neñgiyök. Mi qahö meler neñgiba nanñi ahakmeme solanñan aukñe asuhumapköra möta Kraist Jisös jöwöwöl sömbup ewö aliga qeget kömuiga Anutugö jeñe köl köñjorat neñgimapkö köñaña ahök. Sepñi mokoyöhi, mi möt nariinga mewö miañön siñgisöndoknini mosöri solanibin. ²⁶ Köñañi mi nalö kewöñe aukñe asuhumapköra möta Jisös mewö ak wañgiyök. Anutugö ahakmeme solanñi mi kewö: Nanñak solanñi akza aka kunñan Jisös möt narizawi, mönö yañgö keuñi jim teköiga solanimakza.

²⁷ Mewö aiga mönö wanigöra silenini mem öñgöbinañ? Yuai kungöra aka qahöpmahöp. Köna keu wuatangöba solanñi akingöra mi osizin. Mewö solanñi qahö akinmö, Jisös möt nariinga Anutunöñ neñgeka keunini jim teköiga solanimakin. ²⁸ Keu ki jim teköba kötñi kewö jim köhöizin: Köna keu wuatangömakzi-nañgöra qahöpmö, Jisös möt narim wañgizinañgöra aka Anutunöñ keunini jim teköiga solanimakin. ²⁹ Anutunöñ Juda neñgö Anutuninanök qahö akza. Mönö kantri tosatñi yañgö Anutuñina mewöyök akza me qahö? Mönö yañgö Anutuñina mohot akza.

³⁰ †††Anutunöñ mohot akza. Miañgöra silenini yandiget maljini, neñön möt narim wañgiinga mem solanim neñgimakza aka silenini qahö yandiget maljei, mi mewöyök möt narim wañgigerangöra aka mem solanim engimakza. ³¹ Mötnarimegö keu jiba miañön kungum neñgiba mewö miañön Köna keu memba et alinga omañi akña me qahö? Mi yapmakek qahöpmö, Anutugöreñ Köna keu mi qahö qeapkömakzinmö, mi mem köhöimakzin. Mewö.

Abrahamñöñ Anutu möt nariba solanñi ahök.

4 Nini bömön jalönini Abrahamgö köñañangöra denöwö jibin? Yañön Anutugö köñañi denöwö mi-wikñaiiba yañgö jeñe solanñi ahök? ² Ölna, Anutunöñ yañgö keuñi ahakmemeñi ölöpñangöra aka jim teköiga solanibawak ewö, yañön miañgöra ölöp silenji memba öñgöbawakmö, mi Anutugö jeñe qahö. ³ †Mi-añgö keuñi Buña Kimbinöñ kewö ohoget ahöza, “Abrahamñöñ Anutu möt nariiga mötnaripñi ehi dop köliga keuñi jim teköiga solaniyök.” Keu mewö ahöza.

⁴ Keuñi mönö kalema jim teköiga solaniyökmö, kunñan nup meiga galömñan töwañi kalema qahöpmö, nup memakzawañgö dop ek kewöta töwañi wañgimakza. ⁵ Gölime galömnöñ mewö wañgimakzapmö, Anutunöñ añgöjörak ambazip neñgö keunini jim teköiga solanimakin. Miañgöra kunñan oyaenñkoyaen akñamgöra nup qahö memba Anutu öne möt narim wañgizawi, Anutunöñ mönö mötnaripñi mi ehi dop köliga keuñi jim teköiga solanima.

⁶ Deiwidñöñ mewöyök keu miañgö köñañi nañgöba keu kewö indela jiyök, “Kunñan oyaenñkoyaen

††† 3.30 Dut 6.4; Gal 3.20 † 4.3 Jen 15.6; Gal 3.6

akɲamgöra nup qahö meiga Anutunöŋ mötnaripɲi ehi dop köliga keuɲi jim teköiga solanizawi, yaŋön mönö simbawoŋ akza.”^{7 †} Mewö jiiga keuɲi mi kewö ohoget ahöza,

“Ambazip Köna keu walöŋgetka Anutunöŋ siŋgisöndokɲini mosöta köl könjörari maljei, yaŋön mönö simbawoŋ akze.

⁸ Kembunöŋ kungö siŋgisöndokɲi saŋgoŋda ehi dop köliga likeɲi qakɲe qahö ali öŋgömawí, yaŋön mönö oyaenƙoyaen akza.”

Keu mewö ahöza.

⁹ Anutunöŋ oyaenƙoyaen akingö könaɲi mewö indela Anutugö aiwesökninambuk neŋgöörök jii ahöza me qahö? Mi qahö. Mi mönö kantri tosatɲi aiwesökɲini qahö yaŋgöra mewöyök ahöza. Neŋön lök kewö jiba ohozin, “Abrahamnöŋ Anutu möt nariiga mötnaripɲi ehi dop köliga keuɲi jim teköiga solaniyök.”

¹⁰ Mönö wani nalönöŋ ehi dop köliga keuɲi jim teköiga solaniyök? Anutugö aiwesökɲi sileŋe yandiget malöhi, nalö miangöreŋ qahöpmö, mutuk öne malöhi, Anutunöŋ mönö nalö miangöreŋ mötnaripɲi ehi dop köliga keuɲi jim teköiga solaniyök.

^{11 ††} Mutuk öne mala Anutu möt nariiga keuɲi jim teköiga solaniyök. Miangö andöŋe dop köljawangö aiwesökɲi mi sileŋe yandimegöra jiiga muŋgem supap ewö ahök. Mewö aiga yaŋgö andöŋe Anutugö aiwesökninambuk qahö mala möt narim waŋgiinga mötnaripɲini ehi dop köliga keunini jim teköiga solanibini, Abrahamnöŋ körek neŋgö bömön jalönina ahök. ¹² Bömön jalönini yaŋön öne mala nalö miangöreŋ uruɲi melenɲa Anutu möt nariba malöhi, nini aiwesökninambuk yaŋgö dop aka maljin. Anutugö aiwesökninambuk mala urunini melenɲa maljini, mönö neŋgö bömönina mewöyök ahök. Aiwesök yandim neŋgigetka öne laŋ qahö maljinmö, Abrahamgö köna lasupɲi wuatangöba möt narimakzin. Mewö.

Anutugö jöhöjöhö keu möt nariinga öljambuk akɲa.

^{13 †} Anutunöŋ Abraham gölme buɲa qem waŋgiiga tonji aiga gwölönarökurupɲan yaŋgö andöŋe mewö mal öŋgömögö keuɲi jiba jöhöyök. Keu mi Köna keu wuatangöyöhaŋgöra aka qahö jiyökmö, Anutunöŋ mötnaripɲi ehi dop köliga keuɲi jim teköi solanɲi ahöhaŋgöra keu mi jiyök.

^{14 ††} Tosatɲan oyaenƙoyaen akingöra Köna keunöŋ qekötahöba mewö mianöŋ Anutugöreŋ yuai mi buɲa qem aŋgubeak ewö, yaŋön mönö möt naribingö keuɲi qeapkögetka omanji akawak. Mewö Anutugö jöhöjöhö keugöra qahö osiinga keu mianöŋ omanji akapuk.

¹⁵ Anutugöreŋ Köna keu walöŋninga irimɲi seholiiga kazikɲan qaknine öŋgömakzapmö, Köna keu qahö ahöbawak, mewö siŋgisöndokö keuɲi qahö jibinak.

^{16 ††} Abrahamnöŋ mewö mindirim neŋgiba körek neŋgö bömönini akza. Miangöra jöhöjöhö keuɲi neŋgiyöhi, mi Köna keunöŋ qekötahömakzei, yaŋgöörök qahöpmö, Abraham ahök ewö möt nari-

makzini, neŋgöreŋ mewöyök öljambuk akɲapköra mörök. Miangöra Anutunöŋ jöhöjöhö keuɲi mi kewö areŋgöba alök: Mi möt nariinga öljä körek neŋgöra kalema neŋgiiga kalem möriamɲan aukɲe asuhumakza.

^{17 †††} Abrahamgö keuɲi kun mi Buɲa Kimbinöŋ kewö ohoget ahöza, “Nöŋön gi kuŋgum gihibiga ambazip könagesö gwötpuk yaŋgö iwiɲina akɲan.” Keu miangö dop Abrahamnöŋ Anutugö jeŋe iwi ak neŋgimakza. Anutunöŋ kömukömuɲi mem gulim eŋgimakza. Könagesö malmalɲini qahö, mi jebuk maljeaŋgö tandök ewö eŋgoholi asuhumakze. Abrahamnöŋ mönö Anutu mewöŋi möt narim waŋgiyök.

^{18 †††} Anutunöŋ mutuk Abrahamgöra kewö jii mörök, “Göhö gwölönarökurupkan ahum sehigetka jaŋgöŋini seŋgelau ewö aiga malme.” Jöhöjöhö keu mi möta denöwö öljambuk asuhubawak, mi qahö mörökmö, mi töndup jörömqöröm aka ambazip könagesö gwötpuk yaŋgö iwiɲini akɲamgö mamböta malök. Jöhöjöhö keu mutukjaŋgö dop asuhumapköra mönö Anutu möt narim waŋgiba malök. ^{19 §} Saragö köröŋan morö memegö dop qahö aiga nanɲak yambuɲi lök 100:kö dop ahök. Miangöra nanɲi mötmöriiga lök azi namɲi sileŋi waziba sohosoholiɲi ahökmö, töndup Anutugöreŋ keunöŋ öljambuk akɲapköra möt narim waŋgiba maliga Abrahamgö mötnaripɲan qahö sörauba löwöriyök.

²⁰ Qahö löwöriyökmö, keuɲan öljambuk akɲapkö möt nariba miangöreŋ köhöiba kinök. Anutugö jöhöjöhö keugöra uruɲan an qem kam qem uruyahöt qahö ahökmö, mötnaripɲan köhöiiga Anutu möpöseiba maliga Anutugö qetbuɲaŋan sehiyök. ²¹ Anutunöŋ yuai asuhumapkö keuɲi jiba jöhöba mi ak tekömamgö köhöimakzawi, mi möt köhöim teköba uruyahöt kun qahö aka malök. ²² Mewö aka malöhaŋgöra Anutunöŋ Abrahamgö mötnaripɲi ehi dop köliga keuɲi jim teköiga solaniyök. ²³ Mötnaripɲi ehi dop köliga keuɲi jim teköiga solaniyöhi, keu mi Abrahamgöörök qahö ohoget ahöza.

²⁴ Abrahamgöörök qahöpmö, neŋgöra aka mewöyök mi ohoget ahöza. Nini Kembunini Jisös mem guli kömupnöhök wahöröhi, Anutu ia möt narim waŋgiinga mötnaripɲini ehi dop köliga jim teköm neŋgiiga solanibin. ^{25 ††} Anutunöŋ neŋgö siŋgisöndok-ninangöra aka Jisös qahö aŋgön köli kömuyök aka solanɲi akingöra aka mem guliiga kömupnöhök wahöta malja. Mewö.

Anutugö jeŋe solaniba söŋgaiba luainöŋ maljin.

5 Neŋön Anutu möt nariinga keunini jim teköiga solanizin. Miangöra Kembunini Jisös Kraistnöŋ mönö nam köl neŋgiiga Anutubuk luai miwikɲaiba maljin. ² Mewöyök Jisös Kraist möt nariinga nam köl neŋgiiga kalem möriam buɲa qem aŋgubingö könaɲi miwikɲaiba nalö kewöŋe kalem möriam uruɲe maljin.

† 4.7 Sum 32.1-2 †† 4.11 Jen 17.10 † 4.13 Jen 17.4-6; 22.17-18; Gal 3.29 †† 4.14 Gal 3.18 †† 4.16 Gal 3.7

††† 4.17 Jen 17.5 ††† 4.18 Jen 15.5 § 4.19 Jen 17.17 †† 4.25 Ais 53.4-5

Anutugö asakmararan uruñe aᅇgotpingö jörömqöröm aka söᅇgaimakzin.

³ Mianᅇörök qahö söᅇgaimakzinmö, wahöjalin möta mianᅇöra mewöyök söᅇgaimakzin. Köñjilin möta mökösoᅇnda mewö mianᅇön kapaᅇkölköl miwikᅇaibin. Mi möta mianᅇöra söᅇgaimakzin. ⁴ Kapaᅇkölköl miwikᅇaiba esapesapnön köhöiba kinbin. Esapesap-nön köhöiba kininga jörömqörömninan köhöimakᅇa. ⁵ Anutunön Uᅇa Törönji al neᅇgiiga köna asuhuiga urukalemᅇi mokoiga urunine geiga maljin. Mianᅇöra jörömqöröm aka oyaeᅇkoyaeᅇ akingö al mamböta gamumamusum qahö miwikᅇaibin.

⁶ Mianᅇö könaᅇi kewö: Nini mutuk lölöwörönji ösumnini qahö malini, Kraistnön mönö nalö diᅇdiᅇi mianᅇöreᅇök kömumba ambazip aᅇᅇjörakninambuk neᅇᅇö sohopnini meyök. ⁷ Kunön Köna keu törörök wuatᅇᅇᅇöba diᅇdiᅇi akzawi, ala mewöᅇᅇᅇöba kunᅇan ölop qahö kömumbawak? Mi möriᅇa osibawakmö, kunön urukalem gwötpuk ambazip ak eᅇᅇim�akzawi, alaᅇi kunᅇan yaᅇᅇöba aka ölop silenji köleᅇda kömumamᅇö mötpawak.

⁸ Ambazipnön mewö ahakzinmö, Anutunön uruᅇan jöpaköm neᅇim�akzawi, yaᅇᅇon mi kewö kondelök: Yaᅇᅇon Kraist melaiiga eta mutuk aᅇᅇjörak ambazip malini, nalö mianᅇöreᅇök mönö neᅇᅇöra aka kömuyök. ⁹ Kömuiga nalö kewöᅇe seᅇᅇan saᅇᅇoᅇda jim teköm neᅇgiiga solaniba maljin. Töndup mi korembenji ewö aiga öᅇᅇan mönö könaᅇᅇep kewö asuhuma: Anutunön siᅇᅇisön-dokö urukönöpᅇi aukᅇe kondeliga yuai kanjamᅇambuk gölmenön asuhuma. Mi asuhuiga Anutugö jeᅇe solanᅇi akzinᅇᅇöra Jisösnön mönö jeᅇberereᅇ mianᅇöreᅇök meköm neᅇgiiga oyaeᅇkoyaeᅇ aᅇiᅇn.

¹⁰ Nini mutuk Anutugö kerökurupᅇi malini, nalö mianᅇöreᅇ nanᅇi Nahönᅇi melaii kömumba mianᅇön töwanini ahiga Anutubuk ala-ala ahin. Ahini, mianᅇön korembenji akzapmö, öᅇᅇi bohonᅇan könaᅇᅇep kewö asuhuma: Töwanini ali Anutugö alaurupᅇi malinga Jisösnön köhöiba maljaᅇᅇᅇöba mönö amᅇᅇeba meköm neᅇgiiga oyaeᅇkoyaeᅇ aᅇiᅇn. ¹¹ Kembunini Jisösnön Anutugö amötᅇᅇe nupᅇi meiga Anutunön töwanini ali yambuk ala-ala ahini, miyöhök qahöpᅇmö, öᅇᅇa Anutubuk jöpaköm aᅇᅇᅇba kinda köiraᅇ köla söᅇgaimakzin. Mewö.

Adamᅇöra aka köhömuᅇi akzinmö, Kraistköra aka gulibin.

¹² †Azi mohotnön siᅇᅇisöndok gölmenön kondoriga asuhuyök. Anutunön siᅇᅇisöndok mianᅇö likeᅇᅇi aliga kömup asuhuyök. Mianᅇö dop ambazip körek neᅇᅇon siᅇᅇisöndok aka malinga kömupnön mianᅇöra ambazip körek pakpak dop köᅇ neᅇᅇii maljin. ¹³ Mutuk Köna keu qahö asuhuiga nalö mianᅇöreᅇ mewöyök siᅇᅇisöndok lök aukᅇe asuhuba ahöyökmö, Köna keu qahö ahöiga siᅇᅇisöndokö keuᅇi mi qahö jim kewöta laᅇ malᅇet.

¹⁴ Adamᅇö nalöᅇᅇyök könaᅇiba laᅇ mala kotketka Mosesᅇö nalöᅇe Köna keu asuhuyök. Ambazip nalö sutᅇe mianᅇöreᅇ siᅇᅇisöndok aketmö, Adamnön köna walöᅇnöhi, mianᅇö dowök qahö walöᅇda malᅇetmö, kömupnön töndup i mewöyök galöm köᅇ eᅇᅇii malᅇet.

Adam, azi mutukᅇi yaᅇᅇon mönö azi kun kamawaᅇᅇö söpsöᅇᅇa ahök.

¹⁵ Söpsöᅇᅇa ahökmö, könaᅇiri mi örörön qahö akzahot. Adamnön Köna keu walöᅇda eri siᅇᅇisöndok asuhum seᅇiba ambazip gwötpuk dop köᅇ eᅇᅇiiᅇa kömumba malᅇet. Mi kömupkö könaᅇi akzapmö, oyaeᅇkoyaeᅇ akingö könaᅇi mi kun. Mi kewö: Azi mohot Jisös Kraist yaᅇᅇon nam köᅇ neᅇᅇiba kalem möriamᅇi indeliga Anutugö kalemᅇan aukᅇe asuhuba ambazip gwötpuk dop köla qesalöpköm neᅇᅇiyök. ¹⁶ Toroᅇᅇeba kewö jimam: Köna yahöt mi örörön qahö akzahot. Azi mohotnön siᅇᅇisöndok aiga Anutunön keuᅇi jim teköiga siᅇᅇisöndok ambazip körek neᅇᅇon köᅇöp siagö buᅇaya akzin. Mi gölme azigö könaᅇi akzapmö, Suep azigö könaᅇi mi kun. Mi kewö: Nalö gwötpuk Anutugö Köna keu walöᅇninga kalemᅇi kondela jim teköm neᅇᅇiᅇa solanimakzin.

¹⁷ Mi dumᅇe jimam: Azi mohotnön Köna keu walöᅇda kömup kondoriga ambazip körekmakörek kömumba maljin. Adamᅇö siᅇᅇisöndoköra aka kömupnön körek dop köla galöm köᅇ neᅇᅇii laᅇ malin. Mi köna etᅇᅇeᅇi akzapmö, Anutu ösum-mumuᅇᅇᅇö könaᅇi mi kewö: Ambazip nini solanᅇi akingö kalemᅇi mi kelenmaleleᅇ buᅇa qem aᅇᅇᅇba kalem möriamᅇᅇᅇö uruᅇe maljini, neᅇᅇon mönö oyaeᅇkoyaeᅇ aᅇiᅇn. Azi mohot Jisös Kraist yaᅇᅇon naᅇᅇöba inahöm neᅇᅇiᅇa suaᅇö ††

¹⁸ Dumᅇe kunbuk jimam: Azi mohotnön Anutugö Köna keu walöᅇda eri Anutunön keuᅇi jim teköiga ambazip körek neᅇᅇon köᅇöp siagö buᅇaya ahin. Mewöᅇᅇᅇök azi kunᅇan solanᅇi akingö kondoriga urunini melenᅇinga Anutunön ölop ambazip pakpak neᅇᅇö keunini jim teköiga solaniba köhöiba mal öᅇᅇöbin. ¹⁹ Dumᅇe kunbuk kewö jimam: Azi mohotnön qeᅇetal aka siᅇᅇisöndok bohon köᅇi seᅇiᅇa ambazip sehiseᅇiᅇi neᅇᅇon melenᅇda siᅇᅇisöndok ambazip ahin. Mewöᅇᅇᅇök azi kunᅇan Anutugö jitᅇi tem köla siᅇᅇisöndokninᅇᅇö töwaᅇi aliga köna asuhuiga Anutunön ambazip sehiseᅇiᅇi neᅇᅇö keunini jim teköiga solanibin.

²⁰ Mutuk öne laᅇ mala kotketmö, Mosesᅇö nalöᅇe Anutunön Köna keu ambazip siᅇᅇisöndokᅇini möt kutumᅇöra toroᅇem eᅇᅇiyök. Mi toroᅇem eᅇᅇiyökmö, mi mötketka siᅇᅇisöndokᅇinan seᅇiba aukᅇe asuhuyök. Mewö aiga Anutunön mönö kalem möriamᅇi mewöyök mem seᅇiᅇa siᅇᅇisöndok oᅇᅇita asuhuyök. ²¹ Siᅇᅇisöndokö kukösumᅇi mi ketanᅇi. Mianᅇöra siᅇᅇisöndok ahinga mianᅇön galöm köᅇ neᅇᅇiᅇa köhömuᅇi mala kömumba mala korin. Anutugö kalem möriamᅇi mianᅇön mönö mewöᅇᅇᅇök kukösumᅇambuk akza. Jisös Kraist Kembuninan solanib-

†† *Jembon oᅇi nene (Siawari keunön qariwe ilikᅇi nene) ewö köhöiba mal öᅇᅇöbin.* ewö köhöiba mal öᅇᅇöbin.

ingö kondoriga Anutunöŋ keunini jim teköiga dingiba malmal köhöikŋi miwikŋaiba nalö teteköŋi qahö mal öŋgöbin. Mewö.

Singisöndok andö qeba Kraistpuk guliba malme.

6 Anutunöŋ kalem möriamŋi nengii sehimapköra singisöndok toroqeba aka malbin me qahö? Mi-angöra mönö denöwö jiinga dop kölma? ² Singisöndok yapmakek! Nini singisöndokö kösönöhök lolohoba urunini walŋan qamöt ewö aiga singisöndok akingö tököba maljin ewö, mönö denöwögöra singisöndoknöŋ toroqeba galöm köl nengii malbinak?

³ Keu ki mötze me qahö: Nini körek Kraistköreŋ qeköta-höbingöra aka o melun mem nengiget. Mi-angöreŋ urunini walŋan mönö Jisös qeget kö-muyöhangö tandök kömui malbingöra o melun mi mem nengiget.

⁴ †Iwinöŋ asakmararaŋi kondela Kraist mem gulii kömupnööhök wahöröhi, nengö uruninan mewöyök kölöŋaiiga dölökŋi aka malinga dop kölma. Iwininan nini Kraistkö tandök ewö guliba wahöta ahakmeme dölökŋi aka memba malbingöra mötza. Miangöra o melun mi kewögöra mem nengiget: Urunini walŋan Jisösbuk mohotŋe kömumba ahömapköra urunini walŋi mi mewö löm kölget.

⁵ Urunini walŋan Kraistpuk öröröŋ kömui miangöreŋ yambuk qekötahöba maljin ewö, Iwininan nini mewöyök Kraistpuk kinbingöra mötza. Kraistnöŋ kömupnööhök wahöröhi, mönö yangö tandök öröröŋ guliba malinga dop kölma. ⁶ Urusilegö sihim kömbönaŋnini bölöŋan singisöndok akingö köpösöŋgö-makzawi, Anutunöŋ sihim mi köndeŋni gemapköra mörakza. Anutunöŋ singisöndoknöŋ toroqeba galöm köl nengii welenŋi qeba malbinbuköra mötza. Mi-angöra urunini walŋi mi Kraistpuk maripomnöŋ lök qeiga kömuyök. Miangö dop maljin, mi mötzin.

⁷ Kungö uruŋi walŋan kömuiga yaŋön mönö singisöndokö kösönöhök lolohoba malja. ⁸ Urunini walŋan Kraistpuk kömuyök ewö, mewöŋanök yambuk guliba mal köhöibingö möt narizin.

⁹ Mewö möt nariba Kraistkö könaŋi kewö ahöi möt yaközin: Anutunöŋ i mem gulii kömupnööhök wahöta mal köhöiba kunbuk qahö kömuma. Kömupnöŋ i qahö toroqeba galöm köliga mal öŋgöma. ¹⁰ Kömup kö-muyöhi, mewö miangön mönö nalö mohot miangöreŋ singisöndokö kukösumŋi köndeŋniga nalö teteköŋi qahö lölöwöröŋi ahöm öŋgöma. Malmal köhöikŋi maljawi, mi mönö Anutugöra mala mal öŋgöma.

¹¹ Qamötnöŋ singisöndok akingö osime. Injini mönö mewöŋanök nanŋinanöŋ mötketka qamöt ewö aiga Kraist Jisösbuk qekötahöba kinda Anutugöra köhöiba malme.

¹² Silenŋini kömumawi, miangö sihim kömbönaŋi bölöŋan galöm köl enŋiiga i tem köl wangiba singisöndok akepuköra mi mönö jöhöba malme. ¹³ Miangöra sile kitipŋini pakpak mi mönö singisöndok Toŋaŋgö böröŋe kude alme. Mala mewö algetka buŋaŋi aiga

bohon köliga aŋgöjörak asuhubapuk. Mewö qahöp-mö, köhömuŋeyök gulibagun mönö nanŋini Anutu tököm wangime. Sile kitipŋini pakpak mi Anutugö böröŋe algetka buŋaŋi aiga bohon köliga ahakmeme solanŋi asuhumakŋa. ¹⁴ Injini Köna keu bapŋe qahöp-mö, kalem möriam uruŋe malje. Miangöra singisöndoknöŋ mönö öne jöhöba galöm köl enŋii malbepuk. Mewö.

Solanŋi malmalgö Toŋi welen qeba malme.

¹⁵ Miangöra denöwö jibinak? Nini Köna keu bapŋe qahöpmö, kalem möriam uruŋe mala singisöndok ahinga dop kölja me qahö? Mi yapmakek! ¹⁶ To yahöt akzahot. Nanŋini yetköreŋök kungö böröŋe al aŋguba jitŋi tem köla welenŋi qemakzei, miangöra mönö keu ki möt yaköme: Injini kun jitŋi tem kölakzei, mönö yangö welenqeŋeurupŋi akze. Singisöndok Toŋaŋgö welenqeŋeurupŋi akze ewö, yaŋön mönö enŋuanŋiri-ga kömum köhöime. Anutugö jitŋi tem köla welenŋi qemakze ewö, yaŋön mönö keuŋini jim teköiga solanŋi aka mal öŋgöme.

¹⁷ Injini mutuk singisöndok Toŋaŋgö welenqeŋeurupŋi aka malget. Mewö malgetka Buŋa keu mindiŋgöm enŋimakŋapköra kusum enŋigetka mötket. Mi möta miangö dop uruŋini melenŋa nalö kewöŋe Buŋa keu törörök tem köla Anutugö könaŋi wuatangömakze. Mewö möta enŋöra "Anutu saiwap!" jiba maljin. ¹⁸ Mi wuatangöba singisöndokö kösönöhök lolohoba Anutugö welenŋi qeba ahakmeme solanŋi aka memba malje.

¹⁹ Urusilenŋinan lölöwöröŋi akzawangöra aka keu mi-angö könaŋi mi mönö gölme ambazip nengö keu jijigö dop nöŋön kewö jimam: Injini mutuk sile kitipŋini pakpak tököba iwilele Toŋaŋgö (Satangö) böröŋe ala welenŋi qeba malget. Mewö malgetka ahakmeme aŋgöjörakŋambuk asuhuiga uruŋinan tölöhoi malget. Mewö malgetmö, nalö kewöŋe sile kitipŋini pakpak mi mönö tököba Anutugö böröŋe alme. Mewö ala welenŋi qegetka ahakmeme solanŋi asuhuiga sarakŋi ahakŋe.

²⁰ Injini singisöndok Toŋaŋgö welenqeŋeurupŋi malgeri, nalö miangöreŋ ahakmeme solanŋi mi qahö wuatangögetmö, nanŋini imbi-imbi laŋ malget. ²¹ Nalö kewöŋe ahakmeme miangöra gamuŋini mötze, nalö miangöreŋ mewö aka mala ölnŋi mönö denöwö miwikŋaiget? Ahakmeme gamuŋambuk miangö ölnŋi mi kömup köhöikŋi.

²² Nalö kewöŋe Anutunöŋ singisöndokö kösönöhök pösat enŋiiga lolohoba Anutugö welenqeŋeurupŋi aketka ölnŋi asuhuiga sarakŋi ahakze. Mewö aka malmal köhöikŋi mala teteköŋe oyaenŋoyaenŋ aka mal öŋgöme. ²³ Singisöndok ahinga Toŋan töwa nengiiga kömup köhöikŋi miwikŋabinmö, Anutugö kalemŋi mi oyaenŋoyaenŋ malmal. Kraist Jisös Kembuninambuk qekötahöba kinbin ewö, mönö köhöiba teteköŋi qahö mal öŋgöbin. Mewö.

Awanöm malmalgö söpsöp keu

7 O urumelen alaurupni, injini Köna keu mötzeangö dop engöra kewö jimam: Köna keunöŋ ambazip jöhöm nengiza. Gölmenöŋ mal öngöbinangö dop mönö miangö bapŋe malbin, injini mi mötze me qahö?

² Miangö söpsöpŋi kun kewö: Köna keunöŋ ambi apŋambuk jöhöiga azinöŋ malmawangö dop awanöm malmahotmö, apŋan kömuma ewö, anömŋan mönö awanöm malmalgö Köna keunöhök lolohoma.

³ Miangöra apŋan jebuk maliga azi kungöra On! jiiga mema ewö, yangö qetŋi mönö qesabulum ambia jimakzin. Mewö jimakzinmö, apŋan kömuma ewö, Köna keu miangön qahö toroqeba jöhöi malma. Mewö mala azi kun memawi, yangön mönö qesabulum ambia qahö akŋa.

⁴ Miangöra urumelen alaurupni, engö könaŋamŋinan mönö mewöŋanök ahöza. Injini mewöyök azi kungö buŋaŋi akŋegöra Kraistpuk qekötahöget. Anutunöŋ i mem guli kömupnöhök wahöriŋa malmalninan ölni Anutugöra miwikŋaii asuhumapköra mörakza. Kraistnöŋ kömuiga uruŋini walŋan yambuk kömuiga qamöt ewö aka Köna keugö buŋaŋi qahö malje. ⁵ Mutuk urusilegö sihim kömbönaŋi bölöŋan galöm köl nenggiiga laŋ malin. Nalö miangöreŋ Köna keunöŋ sölölohöba kuŋgum nenggiiga siŋgisöndok ak- ingö sihim kömbönaŋini bölöŋan asuhum tiŋgita galöm köl nengiget. Miangöra urusileninan wahöriŋa malmalninan kömup köhöikŋangö ölni miwikŋaiba laŋ malin.

⁶ Mewö malinmö, mutuk keu miangön jöhöm nenggiiga gwaröŋe mala köna keugö bohonŋi mohot mohot wuatangöbingö kapaŋ köla nupŋi memba malin. Kraistpuk qekötahöba kininga urunini walŋan yambuk kömuiga nalö kewöŋe köna keugö buŋa ahinangöreŋök lolohoba kunbuk welenŋi qahö qemakzin. Nalö kewöŋe könaŋamninan kölöŋaiiga Uŋa Töröŋan inahöm nenggiiga amqeba Anutugö nupŋi memakzin. Mewö.

Siŋgisöndok akinbukö kapaŋ köla aum-mörimakzin.

⁷ †Miangöra denöwö jibinak? Köna keu nanŋak siŋgisöndok-ŋambuk akza me qahö? Mi yapmakek! Köna keunöŋ mönö siŋgisöndokö könaŋi kondel nenggiiga möral. Köna keu kun kewö ahöza, “Kungöreŋ yuaigöra kude köpösöŋgöman.” Mewö qahö jibawak ewö, nöŋön yuaigö köpösöŋgömakzali, miangö könaŋi qahö möt kutubilenjak. Miangöra Köna keu qahö möt kutubilenjak, mewö siŋgisöndok qahö möt yaköbilenjak.

⁸ Köna keu qahö ahöbawak, siŋgisöndoknöŋ mönö keu omaŋi aka köhömuŋi akawak. Mewö akawakmö, jöjöpaŋ keu mötpiga sel jöhöm nenggiiga mi walöŋmamangö könaŋi ahuiga siŋgisöndok aki asuhuyök. Jöjöpaŋ keunöŋ mönö kuŋgum nenggiiga urunan wahöriŋa sihim kömbönaŋi bölöŋi könaŋi könaŋi asuhum

tiŋgitketka bölöŋangöra laŋ köpösöŋgömakzal. ⁹ Mutuk Köna keu qahö möta tönpin malalmö, jöjöpaŋ keu mötpiga miangön angön köl nengiyöhangöra siŋgisöndokö sihimnan guliiga urunan wahöri mi ahal. Siŋgisöndok akiga mem kömum nenggiiga köhömuŋi ahal.

¹⁰ Anutunöŋ jöjöpaŋ keu mi wuatangöba mal köhöimangöra aka al nengiyökmö, keu mi wuatangömamgö esapköbiga mem kömum nenggiiga köhömuŋi ahal. Köhömuŋi ahali, miangön mönö aukŋe asuhui miwikŋaial. ¹¹ ††Jöjöpaŋ keu möt kutubiga sel jöhöm nenggiiga mi walöŋmamangö könaŋi ahuŋi jöjöpaŋ keunöŋ kuŋgum nenggiiga siŋgisöndoknöŋ tilipköm nenggiiga mi ahal. Siŋgisöndok aka keunambuk ahal. Mewö miangön Anutugö jöjöpaŋ keu miangön siŋgisöndok bohön köliga aki mem kömum nenggiiga köhömuŋi ahal.

¹² Mewö ahalmö, töndup Köna keu miangön mönö kömbukŋi aka sarakŋi akza. Miangö jöjöpaŋ keunöŋ mönö diŋdiŋi aka ölöŋŋi akza. ¹³ Mewö aiga jöjöpaŋ keu ölöŋŋi miangön mem kömum nenggiiga köhömuŋi ahal me qahö? Mi yapmakek! Keu ölöŋŋan qahöpmö, Köna keunöŋ mönö nani siŋgisöndoknangö könaŋi indeli möt kutuyal. Siŋgisöndokö gamuŋi aukŋe asuhui kanjamŋambuk mötmangöra aka jöjöpaŋ keu miangön siŋgisöndokö selŋi jöhöiga urunan wahöri walöŋda siŋgisöndok ahal. Nani siŋgisöndokni miangön mönö mem kömum nenggiiga köhömuŋi ahal. Mewö.

Urone siŋgisöndokö yarö ahöi maljal.

¹⁴ Uŋa Töröŋan Köna keu nenggiiga diŋdiŋi akzawi, mi mötzinmö, nöŋön siŋgisöndok azia aka sihim kömbönaŋi bölöŋambuk akzal. Eta kölbiga siŋgisöndoknöŋ galöm köl nenggiiga tem köla welenŋi qeba siŋgisöndok ahakzal.

¹⁵ †Miangöra yuai ölöŋŋi akŋamgö mörakzali, mi qahö ahakzal. Mimö, yuai bölöŋi akŋamgö tököba sisitŋi memakzali, mönö mia ahakzal. Miangöra yuai ahakzali, nöŋön miangö könaŋi ölöŋ qahö möt kutumakzal. ¹⁶ Miangöra yuai bölöŋi akŋamgö ölan aka mia ahakzal ewö, Köna keunöŋ mönö töndup ölöŋŋi akza. Köna keugöra mönö urumohot akzal.

¹⁷ Mewö aiga nöŋön nanak mi qahö toroqeba ahakzalmö, siŋgisöndok urune ahözawaŋön mönö kuŋgum nenggiiga mi ahakzal. ¹⁸ Ahakmeme ölöŋŋi akŋamgö sihimŋi ölna mörakzalmö, mi akŋamgö ösumnan qahö asuhum nengimakza. Miangöra nöŋgö urune yuai ölöŋŋi kun qahö ahözapmö, urusilenan mönö siŋgisöndok akŋamgö kuŋgum nengimakza, mewö mötzal. ¹⁹ Miangöra yuai ölöŋŋi akŋamgö sihimŋi mörakzali, mia qahö ahakzalmö, yuai bölöŋi qahö akŋamgö mörakzali, mönö mia ahakzal. ²⁰ Mewö aiga yuai akŋamgö tökömakzali, mia töndup ahakzal ewö, mi nanak qahö toroqeba ahakzalmö, siŋgisöndok urune ahözawaŋön mönö kuŋgum nenggiiga mia ahakzal.

²¹ Miangöra nani könani kewö ahöi miwikŋaimakzal: Yuai ölöŋŋi akŋamgö sihimŋi mötpiga bölöŋangö si-

† 7.7 Eks 20.17; Dut 5.21

†† 7.11 Jen 3.13‡ 7.15 Gal 5.17

himnan mönö uruni jöhöiga qakömakzal. ²² Miangö könañi kewö: Uruneyök göröken Anutugöreñ Köna keugöra urumohot aka tem kölmamgö mörakzal.

²³ Mewö mörakzalmö, sileneyök göröken nani könañamni kewö ahöi miwikñaimakzal: Silenangö kitipñi mienjön siñgisöndokö bohonñi aketka akñamgö mörakzal. Siñgisöndok akñamgö sihimnan mönö urusihimni ölöññi mi memba et almapköra möri auba yarö qemakzahot. Siñgisöndok akñamgö sihim kömbönañnan mönö silenangö kitipñi kitipñi sölölohöm enggiba jöhöm niñgiiga kösö gwarönöñ maljal. ²⁴ O nöñjön bölim teköba angjöjraknambuk akzal. Urusilenangö sihimñi bölöñnan noañgiri kömup köhöikñi kömumbilenjebuköra mönö dañjön sohopni memba amöt qem niñgibawak?

²⁵ O Jisös Kraist Kembuni, mönö yambuk nam köla "Anutu saiwap!" jizal. Könañamnan mewö aiga nanak urunanöhök Anutugöreñ Köna keugö bapñe anda welenñi qemakzalmö, sileni siñgisöndokñambuk miangöreñ göröken siñgisöndok akñamgö sihim kömbönañnan jöhöm niñgiiga miangö kösö gwarönöñ maljal. Mewö.

Uña Töröñan tim töndanini aiga mal köhöizin.

8 Miangöra ambazip Kraist Jisösbuk qekötahöba kinjini, Anutunöñ mönö neñgö keunini jim teköiga nalö kewöñe könöp siagö buña qahö aka maljin. ² Miangö könañi kewö: Gi siñgisöndokö sihimñi tem köla malnöñangöra aka kömup köhöik-ñangö buñaya aka malnöñ. Mewö malnöñmö, Kraist Jisösbuk qekötahöba kinöñga malmal köhöikñangö Uñañan mönö kömup köhöikñangö kösönöhök pösat gihiiga maljan.

³ Ambazip urusilenine sihim kömbönañnini bölöñi mi ahöza. Mi wuatangöinga Köna keugö ösumñan löwöriba malmal köhöikñi neñgimapkö osiiga qaköin. Qaköba urusileninan siñgisöndok aka malini, Anutunöñ siñgisöndok miangö keuñi jim teköba likepñi kewö melerñök: Yañjön nanñi Nahönñi melaiiga gölmenöñ eta siñgisöndok azigö sile tandök ahök. Toroqeba siñgisöndokö jöwöwöl tandök ewö aiga ohogetka kömuyök. Anutunöñ malmal köhöikñangö könañi mewö mesarök.

⁴ Anutunöñ könañi mi kewögöra mesarök: Köna keunöñ nini solanñi aka diñdini malbingöra jim kutum neñgimakzawi, Anutunöñ keu miangö öñan neñgöreñ asuhum tekömapköra mörök. Miangöra nini urusileninangö sihim kömbönañnini bölöñi wuatangöbingö tököba Uña Töröñangöreñ nangöba jitsihitñi wuatangöba ahakzin. ⁵ Ambazip urusileninangö sihim kömbönañi bölöñi wuatangömakzei, yeñgö uruñinan mönö siñgisöndoköreñ göröken akingö ahöza. Ambazip Uña Töröñangöreñ nangöba jitsihitñi wuatangöba ahakzini, neñgö uruninan mönö Uña Töröñangöreñ göröken akingö ahöza. ⁶ Urusileninangö sihim kömbönañnini bölöñan mönö öröm neñgiiga kömup köhöikñangöreñ anbingöra ahözapmö, Uña Töröñan urunine luai qeiga mal köhöibingö sihimñi mörakza.

⁷ Anutunöñ Köna keu neñgiiga siñgisöndok akingö sihim kömbönañninan mönö keu miangö bapñe qahö anakza. Mi anmamgö osiza. Mi osiiga lañ mala uruninan Anutu qetala kerök ak wañgimakzin. ⁸ Ambazip urusilegö sihim kömbönañnan galöm köñ engigetka lañ maljei, yeñjön mönö Anutugö jeñe dop kölbingö jiga qaköme.

⁹ Yeñjön qakömemö, Anutugö Uña Töröñan engö uruñine malja ewö, yañjön mönö galöm köñ engii malje. Urusilegö sihim kömbönañnini bölöñi mienjön mönö injini qahö galöm köñ engimakze. Kraistkö Uña Töröñan kungö uruñe qahö geiga öne maljawi, yañjön Kraistkö buñañi qahö akza. ¹⁰ Qahö akzapmö, Kraistnöñ engö uruñine malja ewö, sileninan siñgisöndoköra aka kömumemö, uñañinan solanñi akzeangöra aka mal köhöim öñgöme. ¹¹ †Anutunöñ Kraist Jisös mem gulii kömupnöñök wahöröhi, yangö Uñañan uruñine malja ewö, yetkөн injini Anutubuk qekötahöba kingetka silenini köhöimuñi mi mewöyök mem gulimahot.

¹² O urumeleñ alaurupni, guliba maljinangöra neñjön mönö Anutugöreñ tosabuk maljin. Urusilegö sihim kömbönañnini bölöñi wuatangöbinangö tosanñi qahöpmö, Uña Töröñangö jitiñi tem köla malbingö tosanñan mönö ahöm neñgiza. Miangöra nanini imbi-imbi lañ malbinbuk. ¹³ Urusilegö sihim kömbönañnini bölöñi wuatangöba malje ewö, injini mönö kömup köhöikñangö buñaya akñe. Mewö akñemö, Anutugö köulukögetka Uña Töröñan urusileninangö ahakmeme bölöñi mem kömumakña ewö, mewö mianjön mönö guliba mal köhöiba malme. ¹⁴ Anutugö Uñañan ambazip enguanñgiri maljei, yeñjön körek Anutugö nahönbö-raturupñi akze.

¹⁵ ††Ömewöröme yeñjön ambazip sölölohöm engigetka jönömñini undui welenqeqe omanñi aka maljemö, injini öme mewöñi mia kun qahöpmö, Uña Töröñi i buña qem anguba malje. Miangöra injini mönö kunbuk toroqeba kengöt qakñe malbepuk. Uña Töröñi yañjön mönö mem letot engiiga Anutugö nahönböraturupñi akze. Uña mianjön sölölohöm neñgiiga Anutugöra "Aba ††¹⁶ Anutugö nahönböraturupñi akzini, keu mi Uña Töröñan nanñak nanini uñañinambuk imbi köla mohotñe nangöba jimakzahot.

¹⁷ Anutugö nahönböraturupñi akzin ewö, yañjön nanñi ambazipurupñi neñgöra oyaenñkoyaen mözözömgöi ahözawi, mi mewöyök buña qem angubin. Anutunöñ Kraistköra yuai mözözöm-göi ahözawi, mi mönö mewöyök Kraistkö qöhöröñe kinda buña qem angubin. Kraistpuk mohotñe sihimbölo mörakzin ewö, mönö mewöyök Kraistkö asakmararañnöñ öñgöba yambuk mohotñe asariba malbin. Mewö.

Malmal asakmararañambuknöñ öñgöba malbin.

¹⁸ Nalö kewöñe sihimbölo möta maljini, mianjön malmal eretñi akza. Könañgep Kraistkö asakmararañnöñ öñgöba asariba oyaenñkoyaen malbini, mianjön mönö malmal öñgöñgöñi aködamunñambuk akña. Malmal

† 8.11 1 Kor 3.16 †† 8.15 Mak 14.36; Gal 4.6 ‡ 8.15 Gal 4.5-7 †† Aba mi Arameik keunöñ iwi. "Iwini!" qerakzin.

yahöt mi likeplikep ala kewöt-pinaᅅgö dop qahö. Mewö mötmörizal. ¹⁹ Anutunöᅅ sömbup aka yuai pakpak miwikᅅaiyöha ahözei, mienᅅön mönö mamböta Kraistnöᅅ kaba Anutugö nahönböraturopᅅi meköba kondel enᅅiiga asakmararaᅅ asuhum enᅅimapköra awöweᅅgömakze.

²⁰ †Anutunöᅅ sömbup aka yuai pakpak miwikᅅaiyök-mö, mienᅅön mala kömumba ayapköme. Nanᅅini sihimᅅinaᅅgö dop qahöpmö, Anutunöᅅ mönö nanᅅi sihimᅅinaᅅgö dop mewö areᅅgöyök. Yuai pakpak ayapkömemö, töndup jörömqöröm enᅅiiga oyaenᅅkoyaenᅅ kewö asuhumapköra al mambörakze: ²¹ Anutunöᅅ sömbup aka yuai pakpak miwikᅅaiyöha ahözei, mienᅅön mönö mewöyök kewögöra mambörakze: Anutunöᅅ i mewöyök aᅅgöjörak malmalgö kösöᅅyök pösat enᅅiiga qahö kömumba gisahöba ayapkömemö, Anutugö nahönbörat ewö lolohoba asakmararaᅅinambuk asariba ahöm öᅅgöme.

²² Miaᅅgö könaᅅi kewö: Anutunöᅅ sömbup aka yuai pakpak miwikᅅaiyöha ahözei, mienᅅön körek pakpak mönö mohotᅅe osoᅅgom köla morö memegö masö tandök möta ahöba kota nalö kewöᅅe mewöyök ahakze. Mi mötzin. ²³ †Anutunöᅅ sömbup aka yuai pakpak miwikᅅaiyöha ahözei, mienᅅönöhök qahöpmö, Anutugö yambu jenᅅeqe ahinga Uᅅaᅅi kalema nenᅅii maljini, nenᅅön mönö mewöyök uruninan osoᅅgom köla maljin. Anutunöᅅ nenᅅuaᅅgiri nahönböraturopᅅi qainᅅi kun akingö mamböta mala osoᅅgom ahakzin. Nenᅅuaᅅgita sile sohopnini meiga kunbuk letotpingöra awöweᅅgöba maljin.

²⁴ Mewö letotpingö jörömqöröm aka urunini melenᅅda Suepkö buᅅaya ahin. Yuaigöra jörömqöröm ahakzini, miaᅅgö öᅅᅅi asuhui ehinga jörömqörömnini mewö miaᅅön teköma. Kunöᅅ kun yuaigö öᅅᅅi asuhui eka miaᅅgö jörömqörömᅅi mi qahö toroqeba aka mambörakza. Mi qahö. ²⁵ Yuaigö öᅅᅅan qahö asuhui ehakzini, miaᅅgöra jörömqöröm akzin ewö, mi mönö kapaᅅ köla asuhumapköra al mamböriᅅa uruninan qahö erakza.

²⁶ Mewöᅅanök löwöriᅅa Uᅅa Töröᅅan bauköm nenᅅimakza. Denöwö köuluköiᅅa dop kölbawak, mi qahö mötzinmö, Uᅅa Töröᅅan mönö nanᅅak köuluk nupnine bauköm nenᅅiba nenᅅöra aka köuluköba keu jitᅅi aukᅅe qahöpmö, osoᅅgom aka saᅅepnöᅅ alakza. ²⁷ Saᅅepnöᅅ ala Anutugö jitsihitᅅaᅅgö dop ambazip sarakᅅi nenᅅöra aka köulukömakza. Anutunöᅅ ambazip urunini ek kewörakzawi, yaᅅön mönö amqeba Uᅅa Töröᅅaᅅgö uru mötmötᅅi mörakza.

²⁸ Anutunöᅅ köulukᅅi möta öroyuai pakpak galöm köliᅅa miaᅅgö mindimindiri öᅅᅅan mönö nanᅅi alaurupᅅan ölöwakᅅegöra asuhumakza. Mi mötzin. Öᅅᅅi miaᅅön ambazip amötqeqe areᅅaᅅgö dop enᅅoholi jöpaköm waᅅgimakzei, mönö i mewö me mewö bauköm enᅅimakza. ²⁹ Anutugö areᅅaᅅgö könaᅅi kewö: Nanᅅi nahöᅅᅅan urumelenᅅ alaurup sehiseᅅiᅅi nenᅅgö sutnine mutuknini ak nenᅅimapköra mörakza. Miaᅅgöra qelᅅiᅅe areᅅ ala nini tandökᅅinan Nahöᅅᅅaᅅgö dop ak-

ingöra mörök. Miaᅅgöra ambazip qelᅅiᅅe möt nenᅅiyöhi, nini mewöyök mewö akingöra jim möwölöhöm nenᅅiyök. ³⁰ Qelᅅiᅅe jim möwölöhöm nenᅅiyöhi, nini mewöyök nenᅅoholök. Nenᅅoholöhi, nenᅅgö keunini mewöyök jim teköiᅅa solaniin. Solaniini, nenᅅgöra mewöyök köna kondeliᅅa nanᅅe asakmararaᅅnöᅅ öᅅgöba oyaenᅅkoyaenᅅ akin. Mewö.

Anutugö urukalemᅅaᅅgö möpömpösei liᅅet.

³¹ Keu mi möta miaᅅgöra denöwö jibinak? Anutunöᅅ sel jöhöm nenᅅiba likepnine malja ewö, daᅅön mönö qetal nenᅅibawak? ³² Anutunöᅅ nanᅅi Nahöᅅᅅi tok qahö aᅅᅅön kölökmö, i jim teköiᅅa malmalᅅi körek nenᅅgöra aka köleᅅnök. Mi köleᅅniga Anutunöᅅ yambuk kalem korembenᅅi tosatᅅi pakpak mi mewöyök amqeba nenᅅgima.

³³ Anutunöᅅ ambazip nanᅅaᅅgöra möwölöhöm nenᅅiba keunini jim teköiᅅa solanimakzini, miaᅅgöra daᅅön mönö keu jakenᅅe al nenᅅibawak? ³⁴ Kraist Jisös-nöᅅ kömuᅅa Anutunöᅅ kunbuk mem guliᅅa Suepnöᅅ öᅅgöba Anutugö börorᅅi öᅅᅅe tata toroqeba nenᅅgöra aka köulukömakza. Miaᅅgöra kunᅅan kun keunini kewöta köᅅöp sianöᅅ geᅅingöra jim teköm nenᅅimamᅅgö osima.

³⁵ Kraistkö urukalem uruᅅe malinga daᅅön mönö miaᅅgöreᅅök mendenᅅ nenᅅiᅅa etpinak? Kahasililiᅅ ak nenᅅigetka wahöjaliᅅ mötpinakmö, Kraistkö urukalemᅅyök öᅅöp qahö etpin. Sese-werowero ak nenᅅibeakmö, miaᅅgöreᅅök öᅅöp qahö etpin. Bödi akinak me opo sörorᅅinan qahöwahi malbinak, mönö öᅅöp qahö etpin. Kömumbinbukö kengöt qakᅅe malbinak me yarö gilgetka kazik asuhubawakmö, mönö öᅅöp qahö etpin. ³⁶ †Miaᅅgö keuᅅi Buᅅa Kimbinöᅅ kewö ohoget ahöza,

“Nalö dop söᅅanök könahiba kömumbingöra nenᅅugetka anda mala suᅅgem ahakza. Lamaya enᅅum nembinaᅅgörök maljei, nenᅅgöra miaᅅgö tandök mötmörimakze.”

³⁷ Keu miaᅅgö dop ak nenᅅibeakmö, Kraistnöᅅ urukalemᅅi indeli möriᅅi, yaᅅön töᅅgum nenᅅiᅅa lömböt pakpak miaᅅgöreᅅ mönö luhut ala köiraᅅ köla malbin. ³⁸ Yuai kunöᅅ mönö Kraistkö urukalemᅅyök mendenᅅ nenᅅimamᅅgö osima. Mi öᅅ töhöᅅᅅa möt yaközal. Kömupnöᅅ me malmalgö yuaᅅi kunöᅅ mönö mendenᅅ nenᅅimamᅅgö osima. Suep garata me ömewöröme yeᅅön mönö nalö kewöᅅe me könaᅅep nini mendenᅅ nenᅅibingö osime. Bem suahö kukösumᅅinambuk yeᅅön mi osime.

³⁹ Euyᅅgö euᅅe me emuyᅅgö emuᅅe maljei, yeᅅön mönö mendenᅅ nenᅅibingö osime. Anutunöᅅ öroyuai tosatᅅi kun miwikᅅaiyöha ahözei, mienᅅön mönö mewöyök Anutugö urukalem miaᅅgöreᅅök mendenᅅ nenᅅibingö osime. Anutugö urukalemᅅi miaᅅön mönö Kraist Jisös Kembunini yaᅅgöreᅅ asuhui indeli, mi mötzin. Mewö.

† 8.20 Jen 3.17-19 †† 8.23 2 Kor 5.2-4

‡ 8.36 Sum 44.22

Anutunöŋ sihimŋangö dop Israel möwölöhöm enġiyök.

9 Nöŋön Kraistpuk qekötahöba kinda munen keu qahöpmö, keu öl töhönni kun jimam. Uŋa Töröŋangö keugöra kezap albi keuni naŋgöba jim köhöiba saŋep urune ali kewö möta jizal: ² Nöŋön Juda ambazip tosatŋi yeŋgö wösöbirikŋinan nunġuiga urunan sihimbölö ketanġi teteköŋi qahö kewögöra mörakzal:

³ Yeŋön nömbuk gölme silenöŋ Israel könagesöya mohot akzinmö, uruŋinan Kraistpuk qahö qekötahöba laŋ malje. Nöŋön Israel alaumurupnan uruŋini melenmegöra aum-mörimakzal. Anutunöŋ yeŋgö keuŋini kewöriga nanak yeŋgö salupŋini akiga likepŋi melenġa nöŋgö qakne kewö öŋgömapkö mötzal: Yeŋön ni Kraistköreŋök mendeni niŋgii könöp siagö buŋaya akŋamgö mötzal.

⁴ Yeŋön Israel kambu uruŋe malgetka Anutunöŋ enġuaŋgiri buŋaŋi akze. Anutugö qetbuŋaŋi bisiba aködamuraŋinambuk akze. Anutunöŋ yembuk oya-aeŋkoyaen akingö jöhöjöhö walŋi aka dölökŋi aka Köna keuŋi al enġiyök. Mianġöra jöwöwöl jikenöŋ öŋgöba Anutugö waikŋi memba möpöseimakze. Anutunöŋ kötümütuetaŋi sehimapkö keu jöhöyöhi, mianġö öŋan asuhumapköra mambörakze. ⁵ Yeŋön bömön jalönini Abrahamgö gwölönarök-urupŋi yeŋgö isi moröurupŋina malje. Kraistnöŋ yeŋgöreŋök gölme sile memba azia asuhuyök. Kraistnöŋ Anutunina aka yuai pakpak galöm köliga qetŋi nalö teteköŋi qahö möpöseimakin. Keu mi öŋa.

⁶ Mewö maljemö, Israel könagesönöhök asuhum sehiba maljini, neŋön pakpak mönö töndup Israel ambazip öŋi qahö akzin. Mianġöra Anutugö keuŋan siŋgiiga ösumŋan erök tandök ahakza me? Mewö jibinak, mi keu öŋa qahö. ⁷ Abrahamgö gwölönarök-urupŋi yeŋgöreŋök ahuzinaŋgöra aka körek neŋön mönö Anutugö nahönböraturupŋa qahö akzin. Mewö qahöpmö, Anutunöŋ Abrahamgöra kewö jiyök, "Aisakö isimoröurupŋan mönö göhöreŋ toroqeba qetki bisiba mal öŋgöme."

⁸ Keu mianġö könaŋi kewö: Abrahamgö gwölönarökurup gölme ambazip siliknöŋ morö ahumakzini, körek neŋön mönö Anutugö nahönböraturupŋi qahö akzin. Mewö qahöpmö, Anutunöŋ keu jöhöi ahöza-ŋangö dop ahuini, Anutunöŋ mönö ninia möt neŋgiiga Abrahamgö gwölönarökurupŋi öŋi akzin.

⁹ Jöhöjöhö keu mianġön Abrahamgöreŋ kewö kaiga mörök, "Yambu mohot teköiga mianġöreŋ kunbuk kaba gekiga Saranöŋ mönö morö nahönŋambuk akŋa."

¹⁰ Keu mewö möri ŋangöreŋ mewö asuhuyökmö, mianġöreŋök qahö teköyök. ŋangö andöŋe Rebekagöreŋ mewöŋanök Anutugö keugö dop asuhuyök. Bömönini Aisak ŋanön anömŋi mi gölöm ŋanġiiga nahönyahötŋiri siwisiwi asuhuyohot. ¹¹ Siwisiwi yetköŋ gölömŋe tata qahö asuhuba yuai ölöŋi me bölöŋi kun qahö ahoŋi, Anutunöŋ mönö nalö mianġöreŋ

nahön yetköreŋök kun nanŋangöra möwölöhöyök. Nanŋi mötmöt arenan köhöiba öŋambuk ak tekömapköra aka munŋi möwölöhöyök.

¹² Nanŋi jitsihitŋan öŋambuk akŋapaköra Rebekagöra kewö jiyök, "Datŋan mönö munŋangö welenqeqeŋi aka nembö bapŋe malma." Anutunöŋ mewö jiba ahakmemenġiri akahorahi, mianġö dopŋe i qahö kewöt etkiyökmö, nanŋi mötmöt sihimŋi miyök wuatangöba munŋi oholiga datŋangö ketanġamŋi ahök. ¹³ Mianġö keuŋi Buŋa Kimbinöŋ kewö ohoget ahöza, "Jeikob urunan jöpaköba malalmö, Iso (Esau) mi tököba kazik ak ŋangiba malal."

¹⁴ Keu mianġöra mönö denöwö jibinak? Anutunöŋ diŋdiŋi qahö akza me? Mewö qahöpmahöp! ¹⁵ Anutunöŋ Mosesgöra keu kewö jii ahöza, "Nöŋön mönö nani jitsihitni wuatangöba kun niŋia ehoriba ak kömumamgö mötzali, ia mönö ak kömum ŋangimamgö mötzali, Kun dagöra wösö mötmöt ak ŋangimamgö jizali, ŋangöra mönö wösöni mörakzal." ¹⁶ Keu mianġöra aka gölme azinöŋ Anutu qahö galöm kölakzapmö, yuaigö sihimŋi möta akŋamgö esapköm bibihibawakmö, mi töndup Anutu qahö öŋgitma. Anutu nanŋak kalem möriamŋangö dop yuai pakpak galöm köliga ŋangö böroŋe ahöza.

¹⁷ Anutunöŋ farao kiŋgöra keu jiiga Buŋa Kimbinöŋ kewö ahöza, "Nani qetbuŋani jim sehiġetka gölme körek pakpak dop kölmapköra mötzal. Mewö möta kukösumni kondelbi aukŋe asuhumapköra kuŋgum gihibiga göŋön asuhum tiŋgitnöŋ. Asuhum tiŋgita mala tuarenjoŋ ak niŋgiba malnöŋga mönö luhut al gi-hial." ¹⁸ Keu mianġö dop Anutunöŋ nanŋi jitsihitŋi wuatangöba kun ehoriba ak kömumamgö mötzawi, ia mönö ak kömum ŋangimamgö aka kungö uruŋi mem gwözöŋmamgö jizawi, ia mönö mem gwözöŋniga ŋangiseŋ ahakŋa. Mewö.

Anutugöreŋ irimsesewöl aka ak-kömukömu

¹⁹ Enġöreŋök kuŋŋan nöŋgöra kewö jibawak, "Mewö aiga körek neŋön mönö Anutugö jitsihitŋi tuarenjoŋ ak ŋangibingö osimakzin. Mewö aigun Anutunöŋ mönö wuanöŋgöra toroqeba jim neŋgimakza?"

²⁰ Kuŋŋan mewö jibawakmö, gölme azi gi mönö niŋia aka Anutu tuarenjoŋ aka aŋgururuk ak ŋangibanak? Börosöwönöŋ mönö nanŋi miwimiwikŋai Tonġi kewö ölöŋ qahö jim ŋangima, "Gi mönö wuanöŋgöra tandök kewöŋi miwikŋaim niŋginöŋ?" ²¹ Kimbut meme azinöŋ mönö nanŋi kukösum qakŋe sihimŋangö dop gwaköm melenġa möwölöhöba gwaköm mohot mianġöreŋök kouraŋen murutŋi murutŋi memakza. Tosatŋi nalö dop memba nupnöŋ alakzin aka tosatŋi aködamuraŋinambuk mi mönö sösoŋgai nalöŋeyök nupnöŋ alakzin.

²² Anutu miwimiwikŋai Toninan mönö mewöŋanök ak neŋgimakza. ŋanön irimsesewölŋi ambazip kondel neŋgiiga kukösumŋi eka mötpingöra mörakza. Mewö möta irimŋan sehöliiga kazikŋan ambazip tosatŋi

† 9.4 Eks 9.4 †† 9.7 Jen 21.12 ‡ 9.9 Jen 18.10

†† 9.12 Jen 25.23 ‡‡ 9.13 Mal 1.2-3 ††† 9.15 Eks 33.19 ††† 9.17 Eks 9.16 § 9.20 Ais 29.16; 45.9

yengö qakñine öngöiga jöjöröba könden engimamgö aka malök. Mi töndup likepñi zilañök qahö melen engiyökmö, yengöra aka sihimbölo gwötpuk möta mökösoñda uruñini melenmegöra mamböta malök.

²³ Mewöñanök kalem möriamñi indeli kelenmalelen asuhu-mapköra mörakza. Mewö möta ambazip aködamunñi buña qem angubingöra möwölöhöm neñgiyöhi, nini mönö neñgehoriiga aködamunñam-buk asarimakzin. ²⁴ Nini mewöyök mewö akingöra neñgoholök. Juda ambaziwök qahöpmö, kian kantriñi kantriñi i mewöyök mewö akñegöra engoholök.

²⁵ †Anutunöñ mianğö keuñi jiiga kezapqetok azi Hoseagö kimbinöñ kewö ahöza,

“Ambazip nani könagesöurupni qahö aka malgeri, nöñön mönö i engoholbiga nani könagesöni akñe. Tosatñan nani wölböt alani qahö malgeri, yengöra mönö ‘Nani wölböt alaurupni,’ mewö jiba malmam.

²⁶ †Nöñön gölme kungö ambazip yengöra kewö jiba malal,

‘Inini nani könagesöurupni qahö malje.’ Mewö jiba malalmö, i mönö gölmenjine mianğöreñök engohola qetñini kewö qetmam: Inini mönö Anutu malmal Toñangö nahönböaturupñi akze. Utekutek mewö asuhuma.”

²⁷ †Aisaianöñ mewöyök Israel ambazip neñgöra aka kewö sahöta jiyök, “Israel ambazip jañgönini köwet sak ewö akawak ewö, mia kun töndup neñgöreñök awamñi neñönök mönö urunini melenjina amöt qem neñgima. ²⁸ Kembunöñ gölmenji gölmenji pakpak neñgö keunini zilañzilañ kewöta jim teköba likepñi körek melen neñgim teköma.”

²⁹ †Aisaianöñ mewö jiba qeljiñe keu kun jiyöhi, mianğö ölnan mönö neñgöreñ kewö asuhuza, “Kembu kukösum pakpak Toninan gwölönarökurupnini tosatiñ qahö engehori uruñini melenbeak ewö, gölmeninan lök Sodom ewö melenjine geiga könöp jebawak. Neñön mönö Gomora ambazip ewö ayuhubinak. Anutunöñ lök mewö ak neñgibawak.” Mewö jiyök.

Israel jesöñgöñan Anutu yañgisenj ak wañgimakze.

³⁰ Mianğöra mönö denöwö jibinak? Kantri tosatiñan Anutugö jeñe solanñi akingö nupñi qahö kapañ köla megeri, yeñön mönö Anutugö jeñe solaniget. Uruñini melenjina Anutu möt narigetka mianğöra keuñini jim teköiga solaniba malje. ³¹ Mewö maljemö, Israel neñön solanñi akingöra Köna keu wuatangöbingö kapañ köla mala kota mi töndup Anutugö jeñe qahö solaniin.

³² Mianğö könañi kewö: Nanñinanök esapköba ahak-meme diñdiñi aka mewö mianğön solanñi akingö kapañ köla Jisös qahö möt narim wañgiget. Yañön köt pöwöwöm ewö akzawi, mönö yañgöreñ tötañgöba engui qaköba andö qeget. Mianğöra solanñi qahö aket. ³³ †Mianğö keuñi Buña Kimbinöñ kewö ohoget ahöza,

“Eket, Anutu nöñön mönö ain köt kun Zaion kunduje Israel kambu uruñine kungubiga yeñön mianğöreñ tö-

tañgöba et engui andö qemakñe. Kunñan azi ip pöwöwöm köhöikñi mi möt narim wañgimawi, yañön mönö nalö kunöñ yañgöra gamu qahö miwikñajima.” Mewö.

10 O urumelenj alaurupni, nöñön nani könagesöurupnan uruñini melenmegöra awöwengömakzal. Anutunöñ amöt qem engimapköra uruni qezaköba yengöra aka Anutu köuluköm wañgimakzal. ² Yengö könañamñinan kewö ahöza: Yeñön Anutugöra urukönöp ahakzemö, mi gukmaulem qakñe ahakze. Yengö keuñini mewö tañgöba jizal.

³ Anutunöñ keunini jim teköiga solanizini, mianğö könañi qahö möt yaköba nanñinanök esapköba solanñi akingö kapañ kölakze. Mewö aka Anutunöñ keunini jim teköiga solanibingö jimakzawi, keu mianğö bapñe qahö anda qaköba öne lañ malje. ⁴ Kraistnöñ nanñök Köna keu wuatangöm teköyök. Nini tosatiñan mi osiba Kraist möt nariba urunini melenjini, mewö mönö Kraistköra aka Anutugö jeñe solaniba dop köljin. Mewö.

Anutunöñ nini körek amöt qem neñgimamgö mötza.

⁵ ††Mosesnöñ Köna keu wuatangöba mewö mianğön solanñi akingö keuñi mi kewö ohoi ahöza, “Köna keu wuatangöm tekömawañön mönö mianğöra aka mal köhöima.” ⁶ ††Keu mewö ahözapmö, urunini melenjina möt nariinga Anutunöñ keunini jim teköiga solanimakzini, Mosesnöñ mianğöra keu kewö jii ahöza, “Urugan kewö mötmöriba jibanbuk: Azi dañön mönö Suep mire öngöbawak?” Ambazipnöñ mi Kraist wañgita etmapköra lañ jiget. ⁷ me “Azi dañön mönö kömup mirigö dutñe gebawak?” Ambazipnöñ mi Kraist wañgita kömupnöhök wahötmapköra lañ jiget.

⁸ Mewö jiba toroqeba kewö jiyök, “Buña keu mi körowen qahöpmö, mönö göhö numbuge aka uruge ahöza.” Buña keu mi möt naribingöra aka ahöza. Neñön keu mianğön ambazip uru kungum engiba kewö jim asarim engimakzin: ⁹ Anutunöñ Jisös mem gulii kömupnöhök wahörök. Göñön keu mi urugan möt nariba numbu jitkan “Jisösnöñ Kembuni akza,” mewö jim miwikñajizan ewö, mönö amöt qem gihiiga letotman.

¹⁰ Gi urugan Buña keu möt narinöñga Anutunöñ keugi jim teköiga solaniman aka numbu jitkan Jisös jim miwikñainöñga amöt qem gihiiga letotman.

¹¹ †Buña Kimbigö keu kun kewö jiget ahöza, “Dañön i möt narim wañgimawi, yañön mönö gamu qahö miwikñajima.” ¹² Anutunöñ Juda ambazip qahö neñgek soriba kantri tosatiñ qahö qepureim engimakza. Kembu mohot yañön mönö körek neñgö Kembunini aka dop mohotnöñ kewöt neñgimakza. Ambazip i qeta köulukömakzini, yañön mönö kötümötuetñi nini körek kelenj-malelen neñgimakza.

¹³ ††Mianğö keuñi mi Buña Kimbinöñ kewö ahöza, “Ambazip denike yeñön Kembangö qetñi qeta köu-

† 9.25 Hos 2.23 †† 9.26 Hos 1.10 ‡ 9.27 Ais 10.22-23 †† 9.29 Ais 1.9 ‡† 9.33 Ais 28.16

††† 10.5 Lew 18.5 ††† 10.6 Dut 30.12-14 § 10.11 Ais 28.16 §† 10.13 Joel 2.32

lukömei, yanön mönō i körek amöt qem enjiiga letotme."

¹⁴ Ambazipnōj Kembu qahō möt narim waᅇgiba yanᅇō qetnji mönō denōwō qeta köulukōbeak? Yanᅇō kōnanji qahō jiget mötkeri, i mönō denōwō möt narim waᅇgibeak? Kunᅇan Buᅇa keu qahō jim asarima ewō, yanᅇō mi mönō denōwō mötpeak? ¹⁵ †Ambazip kun Buᅇa keugōra qahō melaibin ewō, yanᅇō mönō denōwō anda mi jim asaribawak? Mianᅇō keunji Buᅇa Kimbinōᅇ kewō ohoget ahōza, "Ambazip Buᅇa keu ölöᅇnji mēmba kamakzei, yanᅇō kōna ötōᅇnji möringa qetpuk sorokᅇi akza."

¹⁶ ††Mewō ohoget ahōzapmō, nōᅇᅇō Israel kōnagesō ölnji yanᅇō Ölöwak Buᅇa qahō tem köla malje. Mianᅇō keunji mi kezapqetok azi Aisaianōᅇ kewō jii ahōza, "O Kembu, nini Buᅇa keu jim sehiinga daᅇᅇōn mönō urunji mēᅇᅇda mi möt naribawakto?" ¹⁷ Keu mianᅇō dop Kraistkö keunji jim sehiinga kezapᅇᅇine geiga mötketka mötnaripᅇinan mönō mewō asuhuma.

¹⁸ †Mōtnarip mewō asuhumapmō, kewō qesim enᅇgizal: Buᅇa keu mianᅇōn mönō Juda yanᅇō kezapᅇᅇine qahō geiga mötket me? Qahō, mi mönō mötket. Mianᅇō keunji mi kewō jigetka Buᅇa Kimbinōᅇ ahōza, "Keu jigetka keu kourukᅇinan mönō anda anda gölme pakpak dop kölöᅇ. Mi gölmeᅇi gölmeᅇi eu emu likeplikep mianᅇōreᅇ mötket."

¹⁹ ††Keu mianᅇō dop Buᅇa keu lök mötketmō, kunbuk toroᅇeba kewō qesim enᅇgizal: Israel ambazipnōᅇ mi qahō möt asariget me? Mosesnōᅇ mutuk keu kewō jiyök,

"Ambazip kōnagesō ölnji qahō nōᅇᅇōn mi amöt qem enᅇgibiga enᅇᅇō uru mututqututᅇinan mönō mianᅇōra aka asuhuma. Kian kambu gukmaulem maljei, yanᅇō inᅇini enᅇᅇōᅇgiketka silik mianᅇōn mönō Juda enᅇᅇō urunᅇini kunᅇubiga irimᅇini sehōliiga urunᅇinan wahōtma."

²⁰ ††Aisaianōᅇ mönō köhöiba kinda kewō jii ahōza, "Ambazip ni qahō jarum niᅇgiba laᅇ malgeri, yanᅇō mönō ni miwikᅇaim niᅇgiget.

Ambazip nōᅇᅇō kōnananᅇōra qahō qesiba malgeri, nōᅇᅇōn kōnanamni mönō yanᅇōra indelbi mötket."

²¹ †††Yenᅇōra mewō jiyökᅇmō, Israel yanᅇōra mönō keu kewō jii ahōza, "Silim dop söᅇanök kōnahiba qeᅇetal kōnagesō kezapᅇᅇupᅇup ahakzei, inᅇini nōᅇᅇōreᅇ kameᅇōra enᅇᅇōᅇla enᅇᅇōra böro kaek köla malbiga sunᅇem ahakza." Mewō.

Israel uruᅇe urumēᅇᅇ kambu morōᅇji ahōza.

11 †††Mianᅇōra kewō qesizal: Anutunōᅇ nanᅇi kōnagesōᅇji andō qem enᅇᅇiyök me qahō? Mi qahōpmahōᅇ! Nōᅇᅇōn mewōyök Abrahamᅇō gwölōnarōᅇᅇni kun akzal. Nanak Israel kōnagesōᅇᅇō kambu qetnji Benjamin mianᅇō uruᅇe maljal. ² Anutunōᅇ nanᅇi kōnagesōᅇji qelᅇiᅇe möwölöhōm enᅇᅇiyōhi, nini mönō qahō andō qem enᅇᅇiiga maljin. Kezapqetok azi

† 10.15 Ais 52.7 †† 10.16 Ais 53.1 † 10.18 Sum 19.4 †† 10.19 Dut 32.21 †† 10.20 Ais 65.1 ††† 10.21 Ais 65.2 ††† 11.1 Fil 3.5

Elaiᅇᅇō (Eliᅇᅇō) kösohotᅇi mi Buᅇa Kimbinōᅇ ohogetka ahōza. Yanᅇōn Anutugō jeᅇe Israel ambazip jim enᅇᅇiba köulukōyōhi, inᅇini keu kēmbanji mi mötze me qahō? Keu mi kewō, ³ ††O Kembu, yanᅇōn mönō göhō kezapqetok ambazipurupki enᅇᅇuget kömugetka göhöreᅇ jōwōwöl ohoho altanji altanji kōndenᅇmōndenᅇet. Ni mohot nōmosōtket malbiga mömō-lakōba mönōmba nunᅇubingō jōᅇᅇōreze."

⁴ ††Mewō jiyökᅇmō, Anutunōᅇ mi möta mönō kewō mēᅇᅇ yanᅇᅇiba jiyök, "Gi nangok qahō maljanmō, nōᅇᅇōn azi 7000 mewōᅇanök sel jōhōm enᅇᅇibiga nani buᅇani aka bem muneᅇi Bal i qahō simin köᅇ yanᅇᅇiba göbuk toroᅇeba malje." ⁵ Keu mianᅇō dop nalō kewōᅇe mewōᅇanök Anutugō kambu morōᅇji ahōza. Anutunōᅇ kalem möriamᅇanᅇᅇō dop ambazip awamᅇi möwölöhōm enᅇᅇiiga maljin.

⁶ Kalem möriamᅇan mönō nam köᅇ yanᅇᅇiiga möwölöhōm enᅇᅇiyök. Nini ahakmeme ölöᅇᅇni aka mēmba malbinahi, mianᅇōra aka qahō möwölöhōm enᅇᅇiyök. Göᅇme ambazip ahakmemeninan nam köᅇ yanᅇᅇiiga möwölöhōm enᅇᅇibawak ewō, yanᅇō kalem möriamᅇan mönō yuai omanᅇi akawak.

⁷ Mianᅇōra mönō denōwō jibinak? Israel kōnagesōᅇnōᅇ solanᅇi akingō kapaᅇ köla malgetmō, solanibingō kōnanji mi qahō miwikᅇaiget. Yanᅇōn qahōpmō, Anutunōᅇ kambu morōᅇji möwölöhōm enᅇᅇiyōhi, yanᅇōn kalemᅇi mi miwikᅇaiba solanᅇi ahin. Tosatᅇan mötmöt bölöᅇan urunᅇini gwōzōᅇni öne laᅇ malje. ⁸ ††Mianᅇō keunji mi Buᅇa Kimbinōᅇ kewō ohoget ahōza, "Gaun jeᅇe malgetka Anutunōᅇ öme qahō jōhöiga uruᅇine geiga köhömunᅇi aket. Yuai eka kōnanji ek kutubepukōra jeᅇᅇini mem sohoiga ömuᅇ kölöᅇ. Keu kezapᅇᅇinan möta möt asaribepukōra mi mem gwōzōᅇnök. Mewō tōᅇᅇin mala kota nalō kewōᅇe mewōyök öne laᅇ malje." ⁹ †††Kiᅇ Deiwidnōᅇ mianᅇō keunji kewō jii ahōza,

"O Anutu, yanᅇōn közölōmbuanᅇ ala nēmba laᅇ söᅇgaimakze. Mianᅇōreᅇ mönō enᅇᅇek miwikᅇaiba siᅇᅇisōndokᅇinanᅇōra simba alnōᅇga enᅇᅇimema. Mönō nanᅇini dumᅇᅇine tōtanᅇōba et enᅇᅇuiga likeᅇᅇi mēᅇᅇ enᅇᅇinōᅇga siᅇᅇimölō mötme. ¹⁰ O Anutu, gi mönō jeᅇᅇini mömbauba mem gömölinōᅇga uba ekingō osime. Mönō likeᅇᅇi mēᅇᅇ enᅇᅇinōᅇga qakᅇᅇine öᅇᅇōba lömbōriiga sundan dop upkōba malme."

Deiwidnōᅇ mewō köulukōyök.

Kian kantri yanᅇōn Anutugō ipᅇi ölnji aket.

¹¹ Toroᅇeba kewō qesizal: Juda kōnagesō ölnji yanᅇōn tōtanᅇōba et enᅇᅇuiga urunᅇinan gwōzōᅇniga ölöwak- ingō osime me qahō? Mi qahō osime! Et enᅇᅇuyōhi, mianᅇōn mönō Anutu möt kutubingō awōweᅇᅇōmēᅇōra aka asuhuyök. Juda kōnagesō ölnji yanᅇōn kōna onᅇᅇita et enᅇᅇuiga kian kantri yanᅇōn salupᅇᅇini aka urunᅇini mēᅇᅇda Anutugō buᅇanᅇi aket. Mewō akeri, mianᅇōn urunᅇini kunᅇuiga mianᅇōra irimᅇini sehōliiga urunᅇini

† 11.3 1 Kiᅇ 19.10, 14 †† 11.4 1 Kiᅇ 19.18 ††† 11.8 Dut 29.4; Ais 29.10 †† 11.9 Sum 69.22-23

melenmegö sihimņan asuhumapkōra aka mewö asuhuyök.

¹² Juda kōnagesö ölni yeñon kōna siņgiba et enğuiga miangōra kian gōlmeņi gōlmeņi yeñon oyaenķoyaeņ akingö kōnaņi miwikņaiget. Mi miwikņaiaba uruņini melenđa kōtumōtuet uruņe maljemö, Juda kōnagesö ölni yeñon tōnpin mala Anutugö jeņe qahö dop kölje. Kōnaņep Juda yeñon mewöyök körek uruņini melenme. Mewö asuhuiga Anutugö kōtumōtuetņan sehiba keleņmaleleņ aukņe asuhuma.

¹³ Nōņon keuni ki Juda engōra qahōpmö, kian kantri kōnagesö engōra jizal. Nōņon kian kantri engōreņ melaimelai azi aposol akzalaņgōra "Nupni qet-buņaņambuk akza," jiba mewö mötmōrizal. ¹⁴ Nupni mi membi ölni asuhuiga uruņini melenmakzei, nani Israel kōnagesōurupnan miangō buzupņi mötmegōra kapaņ kōla awōweņgōmakzal. Buzup keu miangōn mohot mohot yeņgö uruņini kuņguiga miangōra irimņini seholiiga uruņini melenbingö sihimņan asuhui melengetka Anutunōņ amöt qem enggima. Nupni qet-buņaņambuk mi mönō miangōra aka kian kantri engö sutņine memakzal.

¹⁵ Anutunōņ Juda kambu andö qem neņgiiga miangō ölnan mönō kewö asuhuyök: Kian kantriņi kantriņi eņon salupņine aketka Anutunōņ tōwaņini qeba engōmeiga alaurupņi aket. Juda kōnagesö ölni yeñon uruņini melengetka Anutunōņ amöt qem enggiba möt angōn köl engimawi, miangō ölnan mönō kōmup-nōhök guliba mal kōhöimeangö dop akņa.

¹⁶ Yambu jeņiqeçe dölökņe nene Anutugōra kewōta ala sōsōņgai ahinga sarakņi akza ewö, nupkö numbu neneņi pakpak mönō mewöyök sarakņi akza. Ip jalōņan törōņi akza ewö, bōrōņan mönō mewöyök törōņi akze. ¹⁷ Juda kambu mi Anutu nanņangö oil ipņi akza. Anutunōņ nanņi oil ipņi mi öņbōņi memba bōrōņi tosatņi mitii etket aka arōkņangö oil ip bōrōņi memba kaba sutņine ali toroqeba qarimakze. Kantri tosatņi iņini arōkņangö oil ip miangō dop akzemö, Anutunōņ tōndup engōmeiga nalö kewōņe ip bōrö qainņi kun mieņgö sutņine mal kōhöimakze. Iņini mönō Juda kambugö oil ip jalōņeyök nene oņi örōba nembra qarimakze.

¹⁸ Iņini Juda nembuk kinjemö, tōndup Juda neņgonggita silenņini memba öņgöbepuk. Silenņini mem öņgöbeak ewö, mönō keu ki mötme: Kantri tosatņi iņini ip bōrōņanök ewö akze. Iņini jalōņini qahö bisi-makzemö, nanine ip jalōņan mönō iņini engōmisiiga kinje.

¹⁹ Keu kewö jibeak, "Anutunōņ nini nanņi ip kemaņe al neņgimapkōra aka ip bōrōņi mi kutui eriga tiņi asuhuyök." ²⁰ Keu mi ölna. Anutunōņ Juda ambazip uruņini qahö melenđa möt narigerangōra aka kutum enggii etketmö, iņini mönō mötnaripņinan tōndangōm enggiiga zeņ kinje. Mewö kinda jakbak-ōraņbōraņ kude aka aiwelikōba malmemö, mönō kewö et engubapukōra sōmbuņini möta malme: ²¹ Anutunōņ nanņi ipņangö bōrōņi ölni qahö enģehoriba Juda kōnagesö kutum engiyök ewö, iņini mönō "Ölöp neņģehorima,"

mewö jibepuk. Öne mewö mötmōriba laņ malbepuk.

²² Miangōra kian kantri iņini Anutugö kōnaņi mötmōriba kewö jime, "Juda ambazip kōna siņgiba et enguyöhi, Anutunōņ miangō likepņi melenđa mönō ölna kōnōpņambuk ak engimakzapmö, nini ölöwak Toņambuk qekōtahōba kininga mem ölöwak neņgimakza. Yambuk qahö toroqeba kinbin ewö, mönō kantri tosatņi nini mewöyök kutum neņgii etpin."

²³ Mewö ölöp jimemö, Anutunōņ ambazip kōna siņgigeri, mi mewöyök ölöp kōhöiba ip kemaņe kunbuk toroqem enggima. Miangōra Juda kōnagesö yeñon yangisenņini mosōta uruņini melenme ewö, i mönō ölöp Jisōsbuk toroqem enggima. ²⁴ Anutunōņ iņini arōkņangö oil ip miangōreņök kutum enggiba kōlkōmōtkö kōnaņi oņgita oil ip qainņi kungö kemaņe al enggii toroqet. Kantri tosatņi iņini mewö ak engiyök ewö, miangōra nanņi ip bōrōņi ölni Juda kōnagesö ölni mi mönō amqeba engōmembra sihimņan nanņi oil ipņangö kemaņe al enggii kunbuk toroqeme. Mewö.

Anutunōņ Israel körek ak kōmum neņgimangö mötza.

²⁵ O urumelen alaurupni, nanņini mötkutukutu qakņe laņ malbepukōra mönō keu tōlapņi kun indela möt asarimegōra mötza. Keu mi kewö: Mötmöt bōlōņan Israel kōnagesögö bahōņi kun yeņgö uruņini gwözōņi maljemö, nalö tetekōņi qahö yangisen qahö toroqeba malme. Qahōpmö, mutuk kian kantri yeņgōreņök jesōņgōņan uruņini melenđa Anutugö be-mtohoņ uruņe kaņgotme. Mewö aketka Anutunōņ jaņgōņini ehi dop kōlmawi, nalö miangōreņ Juda kōnagesö neņgö yangisen nalōninan tekōiga körek uruņini melenme. ²⁶ †Uruņini melengetka Anutunōņ Israel kōnagesö pakpak amöt qem enggiiga letotme. Miangō keuņi mi Buņa Kimbinōņ kewö ohoget ahōza, "Amötqeçe Toņan mönō Zaion kundueyök asuhuba Jeikob kambu neņgö ahakmemenini angōjōrakņambuk mi köl kōņjōratma.

²⁷ ††Anutu nōņon siņgisōndokņini köl kōņjōrata oyaenķoyaeņ akingö jōhöjōhö areņi mi yembuk akiga mohotņe malbin."

Keu mewö ahōza.

²⁸ Juda kōnagesö ölni yeñon Ölöwak Buņa andö qeba Anutugö kerōkurupņi akerangōra kantri tosatņi eņon salupņine Anutugö alaurupņi akze. Mewö akzemö, Anutunōņ Israel bōmōn jalō-urupnini möwölöhōm enggyōhaņgōra Juda neņon mönō toroqeba wōlböt alaurupņi ölbölņi akzin. ²⁹ Anutunōņ ambazip niņia möwölöhōba enģohola kalem engimakzawi, keu mi mönō kunbuk uruņi möņaiiga utekōmawangö dop qahö. ³⁰ Kian kantri iņini mewöyök mutuk Anutugö jitņi qahö tem kōla laņ malgetmö, Juda kōnagesö ölni yeñon yangisen akerangōra aka Anutunōņ iņini ak kōmum enggiiga letotket.

³¹ Juda kōnagesö ölni yeñon nalö kewōņe Anutugö jitņi qetala laņ mala kotzemö, eņon letotkerangōra aka

Anutunöŋ Juda könagesö nini mewöŋanök nalö kewöŋe ak kömum neŋgimamgö mötza. Kian kantri eŋön uruŋini melenŋa letotketka mianggö silikŋan uruŋini kuŋgumakzawi, mianggöra yeŋön mönö mewöŋanök amqeba uruŋini melenŋa ak-kömukömunji buŋa qem aŋgume.

³² Ambazip lökŋanök pakpak nini Anutu qetala laŋ malinga qegetalnini miwikŋaiba gwaröhöm neŋgiyök. Körek pakpak ak kömum neŋgimapköra aka kösönöŋ gwaröhöm neŋgiyök. Mewö.

Anutu möpöseiba omsa liŋet kewö kölakzin:

³³ †Anutu kalem möriamŋaŋgö köweŋan mönö keta bölökŋi akza. Iwinaŋgö jitŋi, mötmötŋi mönö gegenji teteköŋi qahö. Mötkutukutuŋan neŋgongita öŋgöŋgöŋi ketanji akza. Yaŋön keunini kewöta jim tekömakzawi, neŋön mi lökŋanök jim asarim teköbingö osibin. Malmalninaŋgö köna areŋgömakzawi, mianggö könaŋi mönö möt kewöta miwikŋaim teköbinaŋgö dop qahö.

³⁴ ††“Kembugö urukönömŋaŋgö areŋi mi ambazip körekŋan möt yaköbingö osiba mala korin. Kunŋan kun goro waŋgimawaŋgö dop qahö.”

³⁵ ††“Gölme ambazip kalem aŋgumakzinmö, yambuk mewö akingö osiba mala korin.

Yuai waŋgiinga kitipŋi qahö melenŋe neŋgiiga ölop dop köl waŋgiza. Yuai kun bianŋ neŋgimapkö tosa waŋgibingö osimakzin.”

³⁶ ††Mi kewögöra osimakzin: Yaŋön yuai pakpakö Tonji aka bömön jalöŋi akza. Yaŋön yuai pakpak nam köliga asuhuyök. Mi nanŋi aködamun miwikŋaim waŋgimapköra aka asuhuyök. Mianggöra neŋön qetbuŋanji möpöseininga teteköŋi qahö aködamunŋambuk ahöba öŋgöba ahöma. Keu mi ölja.

Malmalnini denöwö malinga Anutugöreŋ dop kölma?

12 O urumelenŋe alaurupni, Anutunöŋ mewö ak kömum neŋgiyö-haŋgöra nöŋön mönö uruŋini kewö kuŋgum eŋgizal: Injini mönö ak-kömukömunji mi urukönömŋinan mötmöriiba mianggö dop kitipŋi melenŋe waŋgiba waikŋi memba möpöseiba malme. Mewöyök nanŋini silenŋini mi Anutugö kötön naluha alme. Mewö alme ewö, injini mönö guliba sarakŋi aketka Anutunöŋ nalukŋini mi ehi dop köli sihimŋi mörakŋa.

² Mutuk gölmegö ahakmeme bölöŋaŋgö areŋi wuataŋgöba malgetmö, nalö kewöŋe mewö kude toroqeba ahakŋe. Mewö qahöpmö, mönö urumötmötŋinan kölöŋaiiga letota malme. Mewö mala Anutunöŋ eŋgöra sihimŋi denöwö mötzawi, mi jaruba ölop köhöiba kewöta miwikŋaime. Mi miwikŋaiba mianggö dop ahakŋe ewö, mönö köna ölopŋi wuataŋgögetka dop köl waŋgii aködamunŋinambuk ahakŋe.

³ Siksauk laŋ malbepuköra keu kun jimam. Anutunöŋ kalem möriam niŋgiiga mianggö qakŋe kinda körek eŋgöra kewö jizal: Injini mönö nanŋini mötket

öŋgöŋgöŋi qahö akŋapmö, mohot mohot injini mönö törörök möt kutum aŋguba malme. Anutunöŋ mötnarip neŋgiiga mianggö öljŋi asuhumakzawaŋgö dop mönö nanŋini kewöt aŋguba mianggö dopkeu jiba malme.

⁴ ††Mianggö könaŋi kewö: Sileninan mohot akzapmö, sile kitipnini mi gwötpuk. Kitipŋi pakpak mienöŋ nup mohot miyöhök qahö memakze. ⁵ Mianggö dop urumelenŋe ambazip neŋön mewöyök gwötpuk maljinmö, töndup Kraistpuk qekötahöba kinda sile ewö öljŋi mohot akzin. Mohot akzinmö, nanŋök nanŋök neŋön mönö toroqem aŋguba mohotŋe nup meinga dop köli kinjin.

⁶ ††Anutunöŋ kalem möriamŋi neŋgiyohaŋgö dop nup memegö mötmöt kalem murutŋi murutŋi buŋa qem aŋguba maljin. Kunöŋ kezapqetok nupkö mötmöt kalemŋi buŋa qem aŋguza ewö, yaŋön mi mönö nupnöŋ alakŋa. Mötnaripŋan töndangöm waŋgimakzawaŋgö dop nupnöŋ ala Anutugö keuŋi jiba malma. ⁷ Kungöra welenqeqe nupkö mötmöt kalemŋi waŋgiyök ewö, mianggö dop mönö tosatŋi pöndaŋ bauköm eŋgiba malma. Kungöra böhi qaqaŋu nup memapkö mötmöt kalemŋi waŋgiyök ewö, yaŋön mönö membrük-qemburikŋi qahö pöndaŋ tosatŋi kusum eŋgiba malma.

⁸ Kungöra uru naŋgönaŋgö nupkö mötmöt kalemŋi waŋgiyök ewö, yaŋön mönö pöndaŋ kapaŋ köla ambazip uruŋini kuŋguba naŋgöm eŋgiba malma. Tosatŋan yuaigöra mözöröŋgöba osigetka kungöra i naŋgöm eŋgimapkö mötmöt kalemŋi waŋgiyök ewö, yaŋön mönö koŋgwarakŋi qahö pöndaŋ naŋgöm eŋgiba malma. Kungöra galömkölköl nupkö mötmöt kalemŋi waŋgiyök ewö, yaŋön mönö zeŋ kinda tosatŋi galöm köl eŋgiba malma. Kungöra urukalem nupkö mötmöt kalemŋi waŋgiyök ewö, yaŋön nup mi mönö sösoŋgai qakŋe memba malma. Mewö.

Urukalemgö könaŋi törörök wuataŋgöme.

⁹ Mönö geŋmoŋ mosöta törörök urukalem ak aŋguba malme. Bölöŋi sisit memba andö qeba malme. Ölopŋaŋgöra ak eŋgiiga mianggöreŋ mönö qekötahöba malme. ¹⁰ Urumelenŋe alaurupŋini mi mönö guŋböŋjönjön qakŋe ak eŋgiba törörök jöpaköm aŋguba malme. Göda qem aŋgubingö kapaŋ kölakzei, mianggöreŋ mönö awöweŋgöba möpöseim aŋguba malme.

¹¹ Uruŋinan mönö kude sörauba löwörimapmö, köulukögetka Uŋa Töröŋan inahöm eŋgiiga urukönöpŋi kinda Kembugö nup memba malme. ¹² Jörömqöröm aka sösoŋgainöŋ malme. Kahasililiŋ möta mökösoŋda malme. Mönö böŋ kinda Anutu köuluköba malme.

¹³ Anutugö ambazip sarakŋan yuaigöra osizei, i mönö bauköm eŋgiba malme. Mönö ambazip köl öröm eŋgiba mohotŋe tata nene nem sösoŋgai ahakŋe.

¹⁴ ††Sesewerowero ak eŋgimakzei, ambazip mi mönö kude qesuahöm eŋgimemö, mönö Anutu köulukögetka kötuetaköm eŋgimakŋa. ¹⁵ Söŋgaizei, yembuk mönö bauköba söŋgaime. Sahötzei, yembuk mönö bauköba

† 11.33 Ais 55.8 †† 11.34 Ais 40.13 ‡ 11.35 Job 41.11 †† 11.36 1 Kor 8.6

‡ 12.4 1 Kor 12.12 †† 12.6 1 Kor 12.4-11 ††† 12.14 Mat 5.44; Luk 6.28

sahötmé. ¹⁶ †Mönö urumohot ak anguba luainöŋ malme. Nanŋinanğöra mönö kude mötket öŋgöma. Jakbak-öranğböraŋ kude akŋemö, ambazip eretŋi mönö ala ak engiba malme. Nanŋinanğöra mötketka mötkutukutu ambaziwa maljeangö dop kude akŋa.

¹⁷ Jinöŋ jibi, nuŋgunöŋ guhubi, aknöŋ aki mi kungöra kude akŋe. Ambazip körekŋan silik tosatŋi miengöra mötketka ahakmeme ölöŋŋi akzei, mi mönö kapaŋ köla memba malme. ¹⁸ Yuai kungöreŋ qahö qaköze ewö, mönö köhököhöi ahöm engizawaŋgö dop kapaŋ köla ambazip körek yembuk luainöŋ malme.

¹⁹ ††Keu kun mi Buŋa Kimbinöŋ kewö ohoget ahöza, “Nöŋön mönö bölöŋangö likeŋŋi melenbiga qakŋine öŋgöma. Mi nöŋgö nuwa. Kembu nöŋön mewö jizal.” Mianğöra wölböt alaurupni, iŋini nanŋinak bölöŋangö likeŋŋi kude melenmemö, mi Anutugöra mosötketka irimŋan seholiiga engö kitipŋi melenğda meköm engima.

²⁰ †Mianğöra mi nanŋinak kude melenmemö, Buŋa keu ki mönö wuatangöba malme, “Kerökan nenegö kömuza ewö, i mönö nene gumohom waŋgiman. Göhö kerökan ogö mötza ewö, i mönö o waŋginöŋga nema. Mewö aka göhöreŋ silik ölöŋŋi mianğön mönö uru kuŋgum waŋginöŋga gamuŋi möta mosötpawak.” Keu mi mönö wuatangöba malme. ²¹ Kunŋan silik bölöŋi mianğön luhut al ghibapukmö, nangak mönö silik ölöŋŋi aka mianğön luhut al waŋgiba silikŋi bölöŋi mi koyonaniman. Mewö.

Gawman yeŋgö keu bapŋine anda tem köla malme.

13 Gawman kun mi nanğök qahö asuhuyökmö, Anutu, kukösum Toŋi yaŋön mönö gawman kuŋgui mianğö dop ketaŋamninan kukösum qakŋe kinda galöm köl engimakze. Jimkutukutu nupkö kondotkondotŋi mi Anutu. Mianğöra iŋini körek mönö nanŋini gawman yeŋgö keu bapŋe anda malme. ² Könaŋi mewö mötzeangöra aka kunŋan jimkutukutu galöm yeŋgö kukösumŋini qetaljawi, yaŋön Anutunöŋ malmalgö areŋi alöhi, mönö mi qetalja. Jimkutukutu Toŋi qetaljei, Anutunöŋ yeŋgö keuŋini jim teköba likeŋŋi melen engiiga lömböt miwikŋaime.

³ Galömkölköl yeŋön ambazip ahakmeme bölöŋi ahakzei, mi keŋgöt mötmöt ak engimakzemö, ölöŋŋi ahakzei, mi mewö qahö ak engimakze. Mianğöra galöm kukösumŋinambuk yeŋgö keŋgötŋi mötmamgö mötzan me qahö? Mi qahö mötmamgö mötzan ewö, mönö ahakmeme ölöŋŋi aka memba malnöŋga möpöseim gihimakŋe.

⁴ Gawman yeŋön mönö Anutu welenŋi qeba mem ölöwak ghibingö mötze. Mewö mötzeangöra ambazip bölöŋi akzei, mönö mianğö likeŋŋi melenğda qakŋine öŋgöi lömböt mötmegöra kinje. Anutugö welenqeuerupŋi aketka buldömingö sou ketaŋi engiyöhi, mi öne töhöŋ qahö memba malje. Mianğöra yuai bölöŋi akzan ewö, mönö keŋgötŋi möta malman. ⁵ Lömböt qakŋine öŋgöi mötpepuköra mönö gawman jitŋini tem köla malme. Mianğörök qahöpmö, Anutugö jeŋe mohot

dop kölmapköra mönö mewö ahakŋe. Qahö tem kölgetka Anutugö irimŋan sehooli jii urukönömŋinan mewö mötketka uruŋinan bölibapuköra mönö mewöyök gawman yeŋgö keu bapŋe anda malme.

⁶ ††Gawman yeŋön mönö Anutugö nup bahöŋi kun memba mianğöreŋ zeŋ kinda galöm köl engimakze. Nupŋini mi memegöra eŋön mönö bauköm engiba takis mewöyök alakze. ⁷ Gawmangö takis aka kötön könaŋi könaŋi dawik engimegö jimakzei, mi mönö körek mianğö dop engimakŋe. Gawmangö takis könaŋi könaŋi pakpak mi mönö törörök engimakŋe. Gawmangö nup meme ambazip yeŋgöra mönö ewe ala göda qem engimakŋe. Mewö.

Nalö ketaŋan dopdowiiga mönö jöpaköm anguba malme.

⁸ Mewö aka kungöreŋ tosa kun embuk kude ahöi malme. Töndup engö tosaŋini mohok-kun mi nalö dop kewö ahöza: Iŋini mönö uru jöpaköm anguba malme. Kunŋan tosatŋi jöpaköba urukalem ak engimakzawi, yaŋön mönö Köna keu wuatangöŋ tekömakza.

⁹ ††jöpöŋ keu bohonŋi kewö, “Nangi jöpaköm angumakzani, mianğö dop mönö tosatŋi pakpak jöpaköm engimakŋan.” Keu mianğö uruŋe jöpöŋ keu kewöŋi ahöze, “Sero yongorö kude akŋan,” “Ambazip kun kude qenöŋ kömuma,” “Yongorö kude meman,” “Yuaigöra mönö kude köpösöŋgöman.” Mi aka jöpöŋ keu tosatŋi pakpak mi mönö keu bohonŋi mianğö nemböŋe akze.

¹⁰ Ambazip kun jöpaköm waŋgizan ewö, yaŋgöra mönö yuai bölöŋi kun kude ak waŋgiman. Mianğöra urukalem aka mewö mianğön mönö jöpöŋ keu körek pakpak tem köla wuatangö-makzan.

¹¹ Nalö kianğö könaŋi mötzeangöra mönö ahakmeme mewöŋi aka memba malme. Mutuk Kraist möt nariba urunini melenŋini, nalö mianğöreŋök könahiba mala koringa Kembunöŋ meköm neŋgii Suepnöŋ öŋgöbini, mianğö nalöŋan mönö dowe ahöza. Mianğöra iŋini gaun ahözei, mianğöreŋök imbiŋini möta wahötmeangö nalöŋan mönö lök kam kuŋguza.

¹² Sunğem köröpŋi malinga wehöŋ jeŋi jililingöba koriga asarimamgö akza. Mianğöra söŋaupkö ahakmeme mi mönö tömbuluŋaniget geiga asakŋangö bim qebingö aködamunŋi mi mönö memba kölget geiga kinbin.

¹³ Asakŋangö uruŋe maljinangö dop mönö ahakmeme sarakŋi aka memba malbin. Tosatŋan közölömbuaŋ pati ala bau numbu memba o köhöikŋangöra enjololoŋ ahakze. Sero namböŋnamböŋ aka laŋ ambi yongorö örömakze. Julia deŋda angururuk aka angöhöba urunöŋ mututqutut möta andönöŋ qem angumakze. Ahakmeme mewöŋan mönö qahö dop kölja. ¹⁴ Urusilegö sihim kömbönaŋini bölöŋan guliba wahötketka mianğö sihimŋini tem köl engibepuköra mönö mi kude kezap ala mötmörim engimakŋe. Mewö qahöpmö, Kembu Jisös Kraistkö ahakmemeŋan mönö

† 12.16 Qam 3.7 †† 12.19 Dut 32.35 ‡ 12.20 Qam 25.21-22

†† 13.6 Mat 22.21; Mak 12.17; Luk 20.25 †† 13.9 Eks 20.13-15, 17; Dut 5.17-19, 21; Lew 19.18

timbi saiwanjini aiga mi maluku ewö löngöt anguba malme. Mewö.

Alaurup lölöwöröŋi i kude jim engiba malme.

14 †Kungö mötnariŋan lölöwöröŋi aiga i mönö köyan köla köl öröm wangiba malme. Yambuk eraum möta kösawöraŋ keugöra jitrakölik kude ahakŋe. ²Tosatŋan mötnariŋinangö dop nene pakpak ölop nemakzemö, tosatŋi yengö mötnariŋinan lölöwöröŋi aiga nene piakŋanök nemakze. Uruŋinan tölohobapuköra uruyahöt aka sömbup tandö lopiongö naluk alalŋi mi sisitŋi memba yöha töhönök inanŋik ohom nemakze. ³Nene pakpak nemakzeanön mönö alaurupŋini yöhayök nemakzei, mi jijiwilit kude ak engimakŋe. Anutunöŋ alaurupŋini nene pakpak nemakzei, mi mewöyök “Dop kölje,” jiba köyan köl engimakza. Miangöra yöhayök nemakzei, eŋön mönö alaurupŋini yengö keuŋini kude jim teköme.

⁴Göŋön mönö niŋia aka kungö welenqeqeŋi jim teköm wangibanak? Yaŋön mönö nanŋi toŋangö jeŋe keuŋangö likepŋi jiiga kewöta jim teköiga dop köliga kinma me lömböt qakŋe öngöiga etma. Kembunöŋ mönö köhöiba böŋ qeba kinmapköra nanŋöm wangimakŋa. Miangöra mönö ölop böŋ qeba kinma.

⁵Tosatŋan silim pakpaköra mötmöriŋetka tandökŋini öröröŋ ahözemö, tosatŋan silimŋi silimŋi kewöta silim kungö mötket öngöiga qainŋi kun aiga silim tosatŋan miangö nemböŋe akze. Inŋini mohot mohot mönö nanŋini mötmötŋini qekötahöba miangöreŋ uruyahöt körek yaköriba awösamkakak kinda malme. ⁶Tosatŋan silimŋi silimŋi kewöta öngöba eta alakzei, yengö mi mönö Kembu qetbuŋa wangimapköra aka ahakze. Tosatŋan sömbup nemakzei, yengö mönö Anutu möpöseiba Kembunöŋ mewö qetbuŋangambuk akŋapköra nemakze. Tosatŋan sömbupkö siŋgi malakzei, yengö mönö Kembunöŋ qetbuŋangambuk akŋapköra aka mi ahakze aka mewö mala Anutu möpöseimakze. ⁷Neŋgöreŋök kunŋan kun mönö nanŋangörök qahö malja aka nanŋangörök qahö kömuma.

⁸Miangö könaŋi kewö: Jebuk malbin ewö, mönö malmalnini Kembugöra köleŋda malbin. Kömumbin ewö, mönö Kembugöra kömumbin. Miangöra malbin me kömumbin ewö, mönö Kembugö buŋaya akzin.

⁹Kraistnöŋ mönö kömugeri aka jebuk maljini, körek neŋgö Kembunini aka malmapköra kömumba guliyök.

¹⁰ ††Anutunöŋ mönö körek neŋguangita nanŋi keu jakeŋe al neŋgiiga kinbin. Miangöra tosatŋi eŋön mönö niŋia aka urumelenŋ alaurupŋini jim teköm engimakze? Mewöyök alaurupni tosatŋi eŋön mönö wuanöŋgöra urumelenŋ alaurupŋini tosatŋi mi jijiwilit ak engimakze? Jujul silikŋini miangön mönö qahö dop kölja. ¹¹ †Miangö keuŋi mi Buŋa Kimbinöŋ kewö ohoget ahöza,

“Kembu nöŋön mal köhöizali, miangö dopkeu öl töhöŋŋi kewö jizal: Ambazip körek pakpak inŋini mönö nöŋgö jemesoholne simin köla jitrinjan Anutu ni möpöseim niŋgime.”

¹²Keu miangö dop nini körekŋan mönö inanŋök inanŋök ahakmemeninangö kösohotnini mi Anutugöra jim asariinga kewöt neŋgima. Mewö.

Kunöŋ tötangöba et qebapuköra mötmörime.

¹³Miangöra mönö kude toroqeba jim bölim anguba keuŋini jim teköme. Urumelenŋ alaurup yengö könanöŋ tötangöba et engubapukö yuai kun mönö kude alakŋe. Miangö keuŋi mönö kapaŋ köla jiba jöhöme.

¹⁴Nene yuai kunöŋ nanŋanök angöjörakŋambuk qahö akzapmö, ambazipnöŋ yuaigö mötketka angöjörakŋambuk akzawi, yengöröhök mi angöjörakŋambuk akza. Nöŋön Kembu Jisösbuk kinda keu mi möta miangöra uruyahöt kun qahö akzal.

¹⁵Anutunöŋ nene pakpak amöt qem teköi sarakŋi akzemö, töndup alaurup tosatŋan dönqiziniŋini aka sömbup qahö nemakze. Kraistnöŋ yengöra aka kömuiga tosatŋi eŋön mönö wuanöŋgöra sömbup nembamewö miangön yengö uruŋini mem bölimakze? Mewö nanŋini imbi-imbi aketka urumelenŋ alaurupŋinan miangöra wösöbirik ahakzei, mewö mönö urukalemgö könaŋi mi qahö toroqeba wuatangömakze.

¹⁶Mötmöt ölopŋi ahöm engizapmö, miangö qakŋe ahak-memeŋinan laŋ aketka tosatŋan miangöra sirongen keu jiba jim engimakze. Mewö asuhubapuköra galöm mem anguba malme. ¹⁷Wani neneya nembini aka wani oya nembini, miangön Anutu bemtohoŋangö aiwesökŋi qahö akza. Yuai miangön mönö eretŋi akza. Yangö bemtohoŋ uruŋe malmalgö öŋŋi mi kewö: Uŋa Töröŋan inahöm neŋgiiga ahakmeme diŋdiŋi wuatangöinga luai qem neŋgiiga söŋgaiba maljin. Miangön mönö aiwesök muŋgemŋi akza. ¹⁸Denike yengö mewö aka Kraistkö welenŋi qemakzei, yengö mönö Anutugö jeŋe dop kölgetka ambazipnöŋ keuŋini mötketka dop köl engimakza.

¹⁹Miangöra nini luai qem anguinga urumohot sehimapköra kapaŋ kölbin. Mewö miangön mönö urunini möhamgöba mem köhöim angubin. ²⁰Anutunöŋ nene pakpak amöt qem teköi sarakŋi akze, mi mötzinmö, kunöŋ sömbup me nene kun neiga alaŋangö uruŋan miangöra böliiga urukönöpŋi ahuiga siŋgisön-dokpuk akzawi, miangön mönö qahö dop kölja. Kunŋan tosatŋi yengöra qahö mötmöriba nanŋangörök möta laŋ nezawi, yaŋön mönö mewöyök siŋgisöndokpuk akŋa. Miangöra Anutunöŋ yengö uruŋine nupŋi meyöhi, tosatŋi eŋön mönö nupŋi ölopŋi mi nenegöra aka kude mem bölime.

²¹Miangöra urumelenŋ alaurupŋini yengöra aka sömbupkö siŋgi mala wain o mi kude nembamewö malme. Mewö miangön mönö mohotŋe ölöwakŋe. Mewöyök uruŋinan yuaigöra aka böliiga siŋgisöndokpuk aka löwöribawak, eŋön mi kude akŋe. Mewö mönö mohotŋe ölöwakŋe. ²²Kösawöraŋ keugö mötnariŋni mewö me mewö ahöm gihizawi, mi mönö Anutugö jemesoholŋe angön köla malman. Kunŋan keu kungöra “Dop kölja,” jiba miangöreŋ qekötahöba möt

köhöiba mianğöra nanji qahö jim teköm anğuzawi, yañon mönö simbawon akza.

²³ I me wai mötnarip qakne qahö kinda ahakzini, mi pakpak mönö siŋgisöndok akza. Mianğöra kunjan nene kungöra uruyahöt aka töndup mi neza ewö, yañon mönö mewö siŋgisöndok akna. Mötnarip qakne qahö kinda nezawangöra Anutunöñ mönö yañgö keunji jim teköi qaköba lömböt miwikñajima. Mewö.

Mönö Kraistkö mötmötñi wuatangöba malme.

15 Mötnaripninan köhöikñi akzawi, neñon mönö naninangörök lañ sönggaiba nanini imbi-imbi malbinbuk. Tosatñi yengö mötnaripñinan lölöwöröñi aiga tötöpinpinöñ köna oñgita törörök qahö wu-atangömakzei, neñon i urukalem ak engiba lömbötñi ni bisimegö bauköm engibin. ² Nini mohot mohot mönö alaurup-ninan ölöwakneangö dop mötmöröba ak engimakin. Mewö ak engiba uruñini möhamgögetka köhököhöi miwikñajime. ³ †Kraistnöñ mewöyök nanñangörök nanji imbi-imbi qahö sönggaiba ahökmö, Buña keu kianğö dop ak wangigetka malök, “Ambazip keu töhöreñ jiba gi jim gihimakzei, yengö keunjan mönö nunğuga sihimbölöñi mörakzal.” Keu mewö ahöza.

⁴ Anutunöñ neñgöra sihimñi kewö mörakza: Neñon kapañ köla köhöiba kinda Buña Kimbi oyoñninga urunini nañgöiga mewö mianğon jörömqöröm aka malbin. Mianğöra Buña keu pakpak mönöwök ohogeri, Anutunöñ mönö mianğö dop kusum neñgimangö mötza. Mianğöra mi ohoget ahöza. ⁵ Anutunöñ mönö nanñak uruñini nañgöiga ölop kapañ köla kin köhöime. Yañon mönö Uñanji engiiga inahöm engiiga sutñine uru jöhöjöhö aka Kraist Jisösgö mötmötñi wuatangöba malme.

⁶ Mewö mala ölop urumohot qakne numbuñini mindiriba Anutu, Kembunini Jisös Kraistkö Iwiñi mi möpöseiba malme. Anutunöñ enñon mewö aka malmegöra mörakza. Mewö.

Ölöwak Buñanöñ kantri tosatne anda kayök.

⁷ Kraistnöñ inñini möt anğön köla köyan köl engimazawi, mianğö dop inñini mönö mewöyök köyan köl anğuba malme. Anutugö qetbuñan sehimapköra mönö mewö aka malme. ⁸ Nöñon keu ölni ki jimam: Anutunöñ keunji keunji Juda könagesö neñgö bömönu-rupnini yengöra jiba jöhöyöhi, mianğon öñambuk akñapköra mörök. Mianğöra Kraist melaiiga Anutugö Buña keu öñan köhöimapköra aka Juda neñgö sutnine eta welen qem neñgiba malök. ⁹ ††Juda nini welen qem neñgiba malökmö, kantri tosatñi yengö mewöyök yañgö ak-kömukomuñi möta mianğöra Anutu möpöseiba malje. Mianğö keunji mi Buña Kimbinöñ kewö ohoget ahöza,

“Mianğöra nöñon kantri tosatñi yengö sutñine mala möpöseim gihiba qetbuñagan sehimapköra liñet kölakñam.”

¹⁰ †Mianğö keunji kun mi kewö jiba ohoget ahöza, “Anutunöñ Juda nini möwölöhöm neñgiiga kö-nagesöñi aka sönggaimakzin. Kantri tosatñi inñini mönö nebuk toroqeba sönggaiba köirañ ala malme.”

¹¹ ††Mianğö keunji kun mi kewö, “Kian kantrigö kambu pakpak inñini mönö Kembu möpöseiba malme. Gölme dop maljei, inñini mönö körek ‘Anutu saiwap!’ jiba liñet köla malme.”

¹² ††Kezapqetok azi Aisaia yañon mewöyök mianğö keunji kewö jii ahöza,

“Azi qetñi Jesi yañgö andöjalöñan mönö sötni jula wahöta ambazip gölme dop galöm köl engima.

Mewö ak engiiga jörömqörömñini yañgöreñ ala bauköm engimapköra mamböta malme.”

Keu walñi mianğon mönö nalö kewöñe öñambuk ahakza.

¹³ Uña Töröñangö ösumñan mönö nañgöm engiiga jöröm-qörömñinan köhöiba pöwöwöm akñapköra mötza. Mianğöra jörömqöröm Tonji Anutu yañon mönö luai qem engiba sösonggai pakpak mianğon uruñini kokolak qema. Mewö köuluköbiga ölop Anutu möt narim wangiba oyaenkyoaen akingö mamböta malme. Mewö.

Keu köhöikñi mi denöwögöra ohozal?

¹⁴ O urumelen alaurupni, nanak engöra kewö möt köhöizal: Inñini mönö tönpin qahö maljemö, Anutunöñ yuai pakpak ölopñi uruñine ali kokolak qeiga mötmöt könanji könanji miwikñajiba mianğon ölop goro qeba kusum anğubinañgö dop akze. ¹⁵ Mewö akzemö, töndup keu mi ölüm engubapüköra möta miengö könanjini mi kunbuk köl gulim engizal. Anutunöñ kalem möriam niñgiiga mianğö qakne kinjalangöra mönö awösamakak qakne keu köhöikñi tosatñi ohom engizal.

¹⁶ Mianğö könanji kewö: Anutunöñ kian kantri enñon uruñini melengetka Uña Töröñan mem sarahim engimapköra mörakza. Mutuk jöwöwöl ohogetka köwakñan öngöi Anutunöñ sönggaizapma, mianğö dop nalö kewöñe Anutunöñ ambazip gölme dop buñanji aketka engeka sönggaimangöra awöwengömakza. Mianğöra Ölöwak Buñanji kantri tosatñi yengö sutñine jim sehimangö jiba nupñi qakne aliga mianğö dop urugö nup galöm aka Kraist Jisösgö welenni qemakzal.

¹⁷ Mianğöra Kraist Jisösbuk qekötahöba kinda Anutugö nupñi membiga qetbuña niñgiiga sileni memba öngöba awösamakak kinjal. ¹⁸ Kraistnöñ kantri tosatñi yengö Anutugö jitiñ tem kölmegöra möta sölölohöba kuñgum niñgimazawi, mianğon mönö nam köl niñgiiga keuni jiba ahakmemeni ahakzal. Keu tosatñi lañ jim sehisehigö awösamakakñi mi qahö ahöm niñgiza.

¹⁹ Uña Töröñangö ösumñan mönö nam köl niñgiiga anğöletot aiwesök kukösumñinambuk asuhuget. Nöñon Jerusalem siti mosöta kantriñi kantriñi liliköba anda mala mala Yuropkö siti qetñi Ilirikum mianğöreñ anğoral. Mewö gölme dop liliköba Kraistkö Ölöwak

† 15.3 Sum 69.9 †† 15.9.2 Sml 22.50; Sum 18.49

‡ 15.10 Dut 32.43 †† 15.11 Sum 117.1 †† 15.12 Ais 11.10

Buŋa mi jim asarim engim teköyal. ²⁰ Kunön tandö kuŋguiga kunŋan kaba nanŋi miriŋi miangö qakŋe memba mönö keuŋambuk akŋa. Miangö dop kunön Kraistkö keuŋan mötnaripkö tandö lök kuŋgui kinöhi, nöŋön mönö kaba yangö tandö qakŋe töndangöba kinda uruŋini toroqeba möhamgöba mem köhöim engimamgö tököba malal. Urugö nup mutukŋi memba miangön aködamuni miwikŋaimamgö kapaŋ köla malal. Miangöra ambazip denike yeŋön Kraistkö qetŋi qahö möta tönpin malgeri, nöŋön Ölöwak Buŋa yeŋgöra jim asarimamgö awöweŋgöba malal. ²¹ †Mi-angö keuŋi Buŋa Kimbinön kewö ohoget ahöza, “Denike yeŋön keuŋi qahö jiget mötkeri, yeŋön mönö mala i ekŋe. Denike yeŋön könaŋi mutuk qahö möta tönpin malgeri, yeŋön mönö mala mi möt asarime.”

²² ††Nup mewöŋan jöhöm niŋgiyöhaŋgöra mönö nalö dop engöreŋ kamamgö osiba malal. Mewö.

Polnön Rom anmamgö arenj alök.

²³ Mewö malalmö, liliköba urukuŋgukuŋgu nup mutukŋi memba gölme pakpak möt engizini, miangöreŋ mi mem teköba malal. Urugö nup mutukŋi mema- mangö gölmeŋi mi nalö kewöŋe kunbuk qahö ahöza. Mewöyök iŋini engkeŋamgö sihimŋi möta malbiga yambu (yara) gwötpuk lök teköyök. ²⁴ Miangöra kantri qetŋi Spein anmami, miangö könaŋe mönö engöreŋ kamamgö arenj ala engkeŋamgö jörömqöröm aka kewö mötzal: Engeka embuk sösöŋgai aka borom kun köisirik tatpiga bauköm niŋgigetka ölop köna toroqeba Spein anmam.

²⁵ †Mewö mötzalmö, nalö kewöŋe Jerusalem sitigö könagesö sarakŋi naŋgöm engibingöra miangöreŋ anmam. Miangöreŋ andagun engöreŋ kamam. ²⁶ Masedonia aka Akaia prowins yahöt mietkö urumelen kö- nagesö kambuŋi kambuŋi yeŋön mönö Jerusalem sitigö ambazip sarakŋi bauköm engibingö keu jöhöget. Anutugö ambazip sarakŋi wanapŋi maljei, mönö yeŋgöra keu jöhöba naluk gwötpuk ketanŋi ala mindirigetka mi membagan anda engimam.

²⁷ ††Mewö akingö uru sösöŋgai möta keu jöhöba mindimindiri naluk ketanŋi mi alget. Mewö almegö tosa ahöm engiiga algetka ölja dop kölja. Anutunön Juda könagesö kötuetaköm nengimamgö keuŋi jii ahöiga kö- tumötuet miangön kian kantriŋi kantriŋi dop köla qakŋine öŋgöi malje. Miangöra kian kantri yeŋgöreŋ tosa ahöiga likepŋi melenŋa kalemŋinan Juda kö- nagesögö wanapŋi bauköm engigetka dop kölja.

²⁸ Nöŋön kalem mi memba anda böröŋine albi nupni miangön teköiga miangö andöŋe engömosöta kusukŋanök engöreŋ kaba engekagun toroqeba Spein anmam. ²⁹ Engöreŋ kamami, nalö miangöreŋ mönö Kraistkö kötumötuetŋi mi körek memba kaba engi- mam. Mewö möt yaközal.

³⁰ O urumelen alaurupni, nöŋön Kembu Jisös Kraist- puk qekötahöba kinda kewö uru kuŋgum engizal: Uŋa Töröŋan jöpaköba naŋgöm engimakzawangö dop

mönö nöŋgöra Anutu köuluköba malme. Aum-möri- makzali, miangöreŋ mönö uruka-lemŋinan bauköm niŋgiba malme.

³¹ Judia prowinsnön anda ambazip Kraistköra yangiseŋ ahakzei, yeŋgö böröŋine gebilenbuköra mönö Anutugö köulukögetka sel jöhöm niŋgibawak. Mewöyök naluk kalem ketanŋi memba Jerusalem anda ambazip sarakŋi yeŋgö böröŋine albiga dop köli si- himŋi mötmegöra mönö köuluköba malme. ³² Mewö köulukö- getka Anutunön sihimŋi mötza ewö, nöŋön mönö sösöŋgai qakŋe engöreŋ kaba embuk köisirik tata körö-ölöwak qem niŋgigetka malmam. ³³ Luai Tonŋ Anutu yaŋön mönö körek embuk kinma. Keu mi ölja.

Yaizözkök keu teteköŋi

16 Alanini Fibi (Foibe) yaŋön Senkria urumelen kö- nagesögö nup meme ambia akza. Yaŋön Rom engöreŋ kamawi, i köyan kölmegöra mönö qesim engiba böröŋine aljal. ² Yaŋön ambazip gwötpuk aka ni mewöyök bauköm nengiba malök. Miangöra Anutugö ambazip sarakŋan alaurupni köl öröm engimakzini, miangö dop Fibiŋ kaiga i mönö Kembugö qetŋe köuluköba köl öröm wangime. Engöreŋ kaba yuai kungöra osibawak, miangöreŋ mönö bauköm wangime.

³ ††Awanömyahöt Prisila aka Aqila Kraist Jisösbuk kin- jahori, neŋakyahötni yetköra mönö nöŋgöreŋ yaizözkökni jigetka mötmahot. ⁴ Yetkö mönö nöŋgöra aka malmalŋiri kölenŋa kömumbitkö ahot. Nöŋönök qahö möpöseim etkizalmö, kantri tosatŋe urumelen könagesö kambuŋi kambuŋi yeŋön mönö mewöyök yetköra saiwap jimakze.

⁵ Urumelen könagesö miriŋire tokomakzei, yeŋgöra mewöyök mönö nöŋgö yaizözkökni jigetka mötme. Eisia prowinsnön nup membiga öljni mutukŋan asuhuiga Epainetus yaŋön uruŋi melenŋa Kraistkö buŋa ahöhi, wölböt alani yangöra mönö nöŋgöreŋ yaizözkökni jigetka mötma. ⁶ Marianön yeŋgöra aka nup ketanŋi memba malöhi, yangöra mönö nöŋgöreŋ yaizözkökni jigetka mötma. ⁷ Andronikus aka Junias tinitosolomyahötni yetkö mutuk Kraistköreŋ qekö- tahöyohotka nöŋön yetkö andöŋire uruni melenbiga miangö andöŋe nömbuk kösö mire malin. Aposol yeŋön yetköra mötketka sutŋine öŋgöŋgöŋi akzahot. Yetköra mönö nöŋgöreŋ yaizözkökni jigetka mötma- hot.

⁸ Wölböt alani Ampliatu Kembubuk kinjawi, yangöra mönö nöŋgöreŋ yaizözkökni jigetka mötma.

⁹ Neŋaknini Urbanus Kraistpuk kinjawi aka wölböt alani Stakis yetköra mönö nöŋgöreŋ yaizözkökni jigetka mötmahot. ¹⁰ Apeles Anutunön esapesap wangiiiga dop köli Kraistpuk qekötahöba kinjawi, yangöra mönö nöŋgö yaizözkökni jigetka mötma. Aristobulusbuk miri mohot maljei, yeŋgöra mönö nöŋgöreŋ yaizözkökni jigetka mötme. ¹¹ Tinitosolomni Herodion yangöra mönö nöŋgöreŋ yaizözkökni jigetka mötma. Narsisus-

† 15.21 Ais 52.15 †† 15.22 Rom 1.13 ‡ 15.25 1 Kor 16.1-4
‡† 15.27 1 Kor 9.11

‡‡ 16.3 Apo 18.2

buk Kembu qekõtahöba miri mohot maljei, yengöra mönö nongörej yaizözköknj jigetka mötme.

¹² Trifina aka Trifosa ambi yahöt mietkõn nup ketanji memba Kembubuk kinjahori, yetkõra mönö nongörej yaizözköknj jigetka mötmahot. Wölböt ambi alani Persis yanõn Kembugöra nup keta bölõknj memba maljawi, yanõra mönö nongörej yaizözköknj jigetka mötma. ¹³ †Rufus yanõn Kembugö nupnj ölop kötõknj memakzawi aka yanõ namnji nalõ dop ni tok nahõnnj ewõ köyan kõl niñgiba malõhi, yetkõra mönö nongörej yaizözköknj jigetka mötmahot.

¹⁴ Asinkritus, Flegon, Hermes, Patrobas, Hermas aka urumelenj alaurup tosatnji yembuk maljei, yengöra mönö nongö yaizözköknj jigetka mötme. ¹⁵ Filologus, Julia, Nereus nenñambuk aka Olimp as aka ambazip saraknji tosatnji pakpak yembuk maljei, yengöra mönö nongörej yaizözköknj jigetka mötme.

¹⁶ Urumelenj alaurup sutnjine mönõ anjgum anjguba nembõnjini suhuba jölõnjini jiba malme. Kraistkõ urumelenj kõnagesõ pakpak yanõn mönõ yaizözköknj-ni algetka engörej kaza. Mewõ.

Qambañ keu tetekõnji

¹⁷ O urumelenj alaurupni, nõnjõn urunini kewõ kunguba jizal: Ambazip tosatñan uru mendenmenden asuhumapkõ nam kõlakzei, yengöra mönõ je galõm mem anjguba malme. Urumohotkõ silik ölopñj kusum engigetka mötzmõ, keu mi qetala kõsawõrañ keu tosatnji miangõn urunini kungugetka bölõi qakõba erakze. Ambazip mewõnj mi mönõ engõmosõta tikep malme. ¹⁸ Ambazip mewõnan mönõ nanini Kembunini Kraistkõ nupnj qahõ memakzemõ, nanjini sihimñj-nangõ dop asuhumapkõra tuakõpek jiba nanjini welen qem anjgumakze. Kelõk keu ölopñj ölopñj nahõmñambuk jiba ambazip geñmoñjini qahõ yanõ urunini kunguba tilipkõm engimakze.

¹⁹ Injini Ölöwak Buña tem kõla wuatangõmakzei, keu mi kõrek nenjõ kezapnine geiga mötzin. Miangõra nõnjõn engöra aka önõnj qahõ sõngaimakzal. Mewõ akzalmõ, injini kewõ aka malmegõra mötza: Mönõ bölõnj akingõ mötkutukutuñjini mosõtketka etma. Ölopñj akingõ mötkutukutuñjini mi mönõ põndanj kõl guliba mem qarime. ²⁰ Luai Tonj Anutu yanõn mönõ

Satan õsumok tõjõjahõi engõ bapñjine eri kõirañ kõla sõngaiba malme.

Kembunini Jisõsgõ kalem möriamñan mönõ embuk ahõma.

²¹ ††Nõngõ nenakni Timoti yanõn mönõ yaizözköknj ali engörej kaza. Nõngõ tinitosolomurupni Lusius, Jeison aka Sosipater yanõn mewõyõk yaizözköknj-ni algetka engörej kaza.

²² Tertius nõnjõn Polgõ keunji möta kimbi ki ohozali, nõnjõn mewõyõk Kembubuk kinda yaizözköknj albiga engörej kaza.

²³ †Gaiusnõnj mirinji jim tekõi malbiga urumelenj kõnagesõ pakpak yanõn mewõyõk ki kaba tokogetka nene kõisirik al nenjimakzawi, yanõn mönõ yaizözköknj aliga engörej kaza. Erastus yanõn siti pomñangõ ofis urunje takis moneñ galõm kõlakzawi aka urumelenj alanini Qartus yetkõn mönõ yaizözköknj-ni alohotka engörej kaza. ²⁴ Kembunini Jisõs Kraistkõ kalem möriamñan mönõ embuk ahõma. Keu mi õlña.

Kembu möpõseiba kewõ kõlulukõmakzal:

²⁵ Ölöwak Buña keu õlñj mi möpñangõ möpñeyõk mala kotketka miangõrej tõlapñe ahõyõk. Mewõ ahõiga Jisõsnõnj eta indela jim asariiga möta jim sehimakzal. Buña keu miangõ dop Anutunõnj mönõ kõhöiba mötnaripñjini mem kõhöiiga ölop zej kin kõhöime. Miangõra nenõn mönõ Anutugõ qetbuñanji möpõseininga sehimakña.

²⁶ Mutuk Buña keu õlñan asa-asambõtñe ahõba kõrõkmõ, nalõ kewõñe kezapqetok ambazip kulem ohõget ahõzawangõ dop mönõ aukñe asuhuyõk. Anutunõnj nalõ dop mala kota tetekõnj qahõ mal õngõmawi, yanõn ambazip kambunji kambunji nenõn urunini melenja Buña keu möt nariba tem kõla malbingõra mötza. Miangõra nup kewõ membingõ jim kutum nenjyõk, "Injini mönõ anda gölme dop lilikõba Buña keu jim asariba malme." Keu miangõ dop nenõn Buña keu mi ambazip kambu pakpak mötmegõra jim asariba malin.

²⁷ Anutu nanjõk mötkutukutu Tonj akzawi, nenõn mönõ Jisõs Kraistkõ qetñe yanõ qetbuñanji möpõseininga nalõ tetekõnj qahõ akõdamunñambuk ahõm õngõba ahõma. Keu mi õlña.

† 16.13 Mak 15.21

†† 16.21 Apo 16.1 ‡ 16.23 Apo 19.29; 1 Kor 1.14; 2 Tim 4.20

1 Korint

Jim-asa-asari

Polnön misin nup memba liliköiga indimnji yahöt ahöi Grik siti Korint miangöreñ anök. Korint mi Akaia prowinsgö siti bohonji. Miangö kösohotnji mi (Apo 18.1-6) eka oyoñme. Nalö miangöreñ Korint mi siti keta bölökñi. Bisnisñini könañi könañi gwötpuk ala meget. Korint yeñön tandö lopioñ aka bem könañi könañi waikñini memba möpöseiba malget. Mönahotñini könañi könañi ala söñgaiget. Gwötpukñan serowilin aka malget.

Kimbi ki kewögöra ohoyök: Polnön misin nup memba liliköiga indimnji karöbut ahöi Efesus sitinön maliga tosatñan Korintnöhök kaba sutñine lömböt asuhuyöhi, miangö buzupñi jigetka mörök. Lömböt tosatñi kewö: Urumeleñ kambu yeñön deñda simbisebel malget (1.10-4.21), serowilin lañ aket (5.1-13), awanöm malmalgö könañan sohöyök (Boñ 7), tandö lopioñgö bau nenegö goranora aket (Boñ 8), semön töröñi nenegö enjololoñ aket (11.17-34), zioz malmalgö areñ qahö wuatangöba ilingösöñ malget, kantri tosatñangö keunji keunji aongit aka jiget (12-14). Tosatñan keu kewö jiget: "Kömugeri, yeñön kunbuk qahö wahötme." (15.12-33) Korint yeñön kimbi kun mewöyök ohogetka Polgöreñ kayöhi, miangöreñ qeqesi tosatñi al wangiget, (mi 7.1; 8.1; 12.1; 16.1 miangöreñ oyoñman).

Polnön qeqesinini mi melenja lömbötñinangö qambarañ keu enggiba kimbi ki ohoyök. Urukalemgo keu (Boñ 13 mi qetpuk sorokñi. Könañgep nanñak Korint anda engekmanngö keunji jiba ohoyök (16.5-7).

Buk kiangö bahöñi bohonji 8 mi kewö:

Jim-asa-asari keu

Deñda kambuñi kambuñi malget

Serowilin aka awanöm malmal

Urumeleñgö aka urumeleñgö kopa malmal

Urumeleñ malmal aka möpömöpösei areñ

Kraist aka körek neñön kömupnöhök wahötpin

Judia urumeleñ kambu yeñgöra naluk alget

Polgö areñi aka yaizökzök keunji teteköñi

¹ Kraist Jisösnön Pol ni noholiga Anutugö jitñangö dop melaimelai azi aposol akzal. Nöñön urumeleñ alani Sostenes yambuk tatzit.

² Anutugöreñ könañesö Korint sitinön maljei, nöñön embuk Buña keu eraum mötpingöra kazal. Kraist Jisösnön inini enggoholiga yambuk qekötahögetka tök kutum enggiiga sarakñi akze. Mewöyök ambazip denike yeñön gölme dop Kembunini Jisös Kraistkö qetñi qeta köulukögetka i aka nini mohok kembu ak neñgimakzawi, mönö körek enggöra Buña Kimbi ki ohozit.

³ Anutu Iwinini aka Kembu Jisös Kraist yetkөн mönö kalem möriam enggiyohotka luainön malme. Mewö.

Polnön Korint yeñgöra Anutu kewö möpöseiza:

⁴ Inini Kraist Jisösbuk qekötahöba kingetka Anutunön kalem möriamñi enggiyöhi, miangöra mönö nalö dop enggöra Anutuni saiwap jiba möpöseimakzal. ⁵ Inini Kraistpuk qekötahöba kingetka nup memegö mötmöt kalemñi kelenmaleleñ enggiiga mötmöt könañi kö-

† 1.2 Apo 18.1

nañi buña qem anguba ölop Buña keugö könañi pakpak jimakze.

⁶ Nini Kraistkö könañi nañgöba jiinga keu miangö ölnan ahuba köhöii kinjeangö dop mötmöt kalem pakpak mi enggiyök. Miangöra Anutu möpöseimakzal. ⁷ Miangöra nup memegö mötmöt kalem kungöra qahö osiba kinda Kembunini Jisös Kraistnön kunbuk asuhumapköra mambörakze.

⁸ Kembunini Jisös Kraistnön mem köhöim enggiiga nalö teteköñe aukñe asuhumawi, nalö miangöreñ inini solanji aka keunji qahö kinda i ekñe. ⁹ Anutunön keunji törörök wuatangöba baukөm enggimakña. Yanön inini nanñi Nahönñi Jisös Kraist Kembuninambuk toroqeba malmegöra enggohölok. Mewö.

Könagesöñinan deñda kambuñi kambuñi ala kinje.

¹⁰ O urumeleñ alaurupni, nöñön Kembunini Jisös Kraistkö qetñe kewö uru kungum enggizal: Inini mönö körekñanök urumohot aka sutñine jujul kude aka malmemö, uruñini mindirigetka mohot aiga mötmöt

mohot wuatangöba malme. ¹¹ O urumelenj alaurupni, injini sutnjine angururuk gwötpuk aka maljei, mianjö buzup keunji ambi Kloegö saiwaurup tosatjan mönö jigetka möral.

¹² †Kewögöra mi jizal: Engöreñök tosatjan kewö jimakze, "Neñön Polgö keunji wuatangömakzin." Tosatjan "Neñön Apolosgö keunji wuatangömakzin," jimakze. Toroqeba tosatjan kewö jimakze, "Neñön Pitögö keunji wuatangömakzin." Dumñe kunbuk tosatjan kewö jimakze, "Neñön mönö Kraistkö keunji wuatangömakzin." ¹³ Kraistnön jula gwötpuk ahök me? Pol nöñön mönö engöra aka maripomnöñ kömuyal me? Pol nöñgö qetne o melun mem engiget me? Mewö möt sohobepuk?

¹⁴ ††Nöñön engöreñök Gaius aka Krispus o melun mem etkialmö, tosatji mi qahö mem engialangöra "Anutu saiwap!" jizal. ¹⁵ Mianjöra "Polgö qetne o melun mem engiget," kunñan keu omanji mewö jibapuk.

¹⁶ †O ölña, Stefanas aka yangö saiwaurupni mi mewöyök o melun mem engialmö, yengö andöñjine kun o melun mem wangial me qahöpto, mi törörök qahö mötzal. ¹⁷ Kraistnön ni ambazip o melun mem engimangöra aka qahö melaim niñgiyökmö, Ölöwak Buña jim sehimangöra jiiga anda kamakzal. Kraistnön nengöra aka maripomnöñ kömuyöhi, nup mianjö ösumñan eta omanji akapuk. Mianjöra Buña keu mi gölme azigö mötkutukutu qakñe lañ qahö jimakzal. Mewö.

Kraistnön Anutugö kukösumñi aka mötmöt arenji indelök.

¹⁸ Ambazip könöp siagö buñaya akñei, yeñön maripomñangö Buña keunji möta mianjöra mötket uruqahö keuya akza. Mewö akzapmö, Suepkö buñaya akzini, nengöra keu mianjöñ mönö Anutugö kukösumñi indeli mörakzin. ¹⁹ ††Mianjö keunji Buña Kimbinön kewö ohoget ahöza,

"Nöñön mötmöt ambazip mötkutukutuñini köndenbiga sohoma.

'Möt asarim yakömakzin,' jimakzei, yengö mötmötñini mönö mem sohobiga söörauba omanji akña."

²⁰ ††Mötkutukutu ambazip ölñi mi denike malje? Buk oyonña mötmötkö könañi miwikñaigeri, mi denike? Gölmenön jitrakölikö böhi aka keu melenqelenña jimakzei, mi mönö ölña qetpuk akze me? Gölmenön mötkutukutu ketañi ahözawi, Anutunön mönö mi mem kaheiiga (sahahiiga) uruqahö mötmöra akza. Keu mi ölña.

²¹ Anutunön nanñi mötkutukutuñangö dop gölmenön malmalgö arenji alökmö, ambazipnön nanñini mötkutukutuñine nangöba mewö mianjöñ Anutugö könañi möt kutubingö osiba tönpin malget. Osiba mala Kraistnön maripomnöñ kömuyöhi, mianjöra "Uruqahö keuya!" jiba mötketmö, Anutunön Buña keu

mi neñön jim sehibingöra jiyök. Mi jim asariinga denike yeñön uruñini melenña möt narizei, mi domamöt qem engimangö möri dop kölok. ²² Juda yeñön aiwesök angöletot asuhumegöra kapañ kölakzemö, Grik kantri yeñön mötkutukutuñinan sehimapköra jarumakze.

²³ Mi jarumakzemö, neñön Kraist maripomnöñ qeget kömuyöhangö Buña keunji jim sehimakzin. Juda yeñön keu mi mötketka uruñini böliiga mianjöreñ qaköba uruñini qahö melenmakze. Kian kantri yeñön mianjöra mötketka uruqahö keuya akza.

²⁴ Gwötpukñan mewö mötzemö, Anutunön nengoholi urunini melenñini, nengöra Kraistnön mönö Anutugö mötkutukutuñi indela Anutugö kukösumñi nengimakza. Juda me kantri tosatji akzini, mi töndup Kraistpuk qekötahöba kinda mohot akzin.

²⁵ Ambazip nengö mötkutukutunini aka ösumnini mi eretñi. Anutunön uruqahö akawak, mianjöñ mönö töndup ambazip mötkutukutunini ongita öngöñgöñi ketañi akawak. Anutunön lölöwöröñi akawak, mianjöñ mönö töndup ambazip ösumnini ongita köhöikñi kötökñi akawak.

²⁶ Urumelenj alaurupni, nanñini könañini denöwö ahöiga Anutunön engoholöhi, mi mötmöriget? Injini gwötpukñan gölmegö mötkutukutu ketañi qahö memba malget. Gwötpukñan kukösum qakñe sukinapñi-nambuk qahö malget. Iwiurupñini gwötpukñan qetbuñanambuk qahö malget. ²⁷ Mewö qahöpmö, gölme ambazipnön engöra mötketka uruqahö ambazip omanji akzei, Anutunön mönö injini mewöñi möwölöhöm engiyök. Gölmegö mötmöt ambazip ipñi mi gamu qem engiyök. Gölmegö kukösum ambazip ipñi mi gamu qem engiyök.

²⁸ Gölmegö ambazipnön jijiwilit ak engiba könañi-nangöra mötketka etqeqeñi akzei, Anutunön mönö injini mewöñi möwölöhöm engiyök. Gölmenön yuai akzei, yengö qetbuñanini mem solanii qahöwakñapköra yuai kun qahö akzei, mönö mi möwölöhöm engiyök.

²⁹ Kunön Anutugö jemesoholñe silenji memba öngöbapüköra mönö mewö meköba möwölöhöm engiyök. ³⁰ Anutunön nam köl engiba enguangiriga Kraist Jisösbuk qekötahöba mal köhöimakze. Yangöñ Anutugö mötkutukutuñi qainñi kun indeli mörakzin. Kraistnön sohopeni memba keunini jim teköi solaniba maljin aka tök kutum nenggiiga sarakñi akzin. ³¹ ††Buña Kimbinön keu kewö ohoget ahöza, "Kunñan silenji memba öngömawi, yangöñ mönö Kembu möt wangiza-wangöra aka silenji mem öngöma." Keu mianjö dop aHINGA dop köлма. Mewö.

Kraist maripomnöñ kömuyöhangö keunji jial.

2 Urumelenj alaurupni, nöñön engöreñ kaba Anutugö könañi nangöba jim asarim engiali, mi keuni nahöm sorokñambuk akñapköra qahö jiba malal me

† 1.12 Apo 18.24 †† 1.14 Apo 18.8; 19.29; Rom 16.23 ‡
1.16 1 Kor 16.15 †† 1.19 Ais 29.14 †† 1.20 Job 12.17; Ais 19.12;
33.18; 44.25

††† 1.31 Jer 9.24

gölmegö mötkutukutu öngöngöñi kondela mianön sileni qahö memba öngöba malal. ² Nöñön engö sutñine mötmöt murutñi pakpak görañe ala Jisös Kraistkö keunji aka maripomnöñ kömuyöhañgö könañi miyök möt kutuba mi jim sehimamgö keu jöhöyal.

³ †Keu mewö jöhöba engöreñ kayali, nalö miangöreñ azi lölöwöröñi aka jönömni gwötpuk undui kenngöt qakñe malal. ⁴ Nöñön Buña keu jim asarim enggiali, mi mötkutukutu ketañangö kelök keunji qahö jiba malal. Mi qahöpmö, Uña Töröñan sölölohöm engii ösum-mu-muñan uruñine inahömapköra kapañ köla jiba malal. ⁵ Gölmegö ambazipkö mötkutukutuñinan qahöpmö, Anutugö kukösumñan nam köl enggiiga möt narimegöra kapañ köla malal. Mewö.

Uña Töröñangö mötkutukutu mi qainji kun.

⁶ Nöñön töndup urumelenj alaurup aködamunñinambuk maljei, yengö sutñine tatpiga Anutugö mötkutukutuñi gegenji mi ölop eraum mörakzin. Gölmegö mötkutukutuñi mi qahö eraum mörakzin. Gölmegenji galöm köl enggiba malgetka kukösumñinan qahöwakñawi, yengö mötkutukutuñini mi mewöyök qahö eraum mörakzin.

⁷ Mi qahöpmö, Anutugö mötkutukutu tölapñi mönö mi eraum mörakzin. Anutunöñ Suep gölme qahö miwikñaim etkiiga miangöreñ mönöwök qeljine lök arenji kewö ala jöhöyök, “Ambazipnöñ bian ahuba aködamun miwikñaiiba oyaenköyaen akñegöra mönö mötkutukutuñi qainji kun mi enggimam.” Mewö jiba tölapñe ali ahöyök. ⁸ Gölmegö azi kembunji kembunji mala kotkeri, yengöreñök kunñan mönö mötkutukutu mi qahö möt kutuyök. Mi möt kutubeak ewö, Kembunini asakmararañambuk i mönö maripomnöñ qahö qegetka kömumbawak. ⁹ ††Mötkutukutu qainji kun miangöra keu kewö ohoget ahöza,

“Kunñan yuai mi je kezapñan qahö eka mörök. Miangö mötmötñan kungö uruñe qahö asuhui mörökmö, ambazip Anutu uruñinan jöpaköm wangim�akzei, yengöra mi mönö mözözömgöiga jöjöröba ahöza.”

¹⁰ Gölmegö ambazip yuai mi qahö möta jipjap malgetmö, Anutunöñ mi mönö Uñañi melaiiga neñgöra indeli mörin. Yañön keu pakpakö könañi jaruba miwikñaimakza. Anutugö mötmöt gegenji mewöyök möt teközawañön mönö mi sölölohöm neñgiiga mörin.

¹¹ Kungö uruñi kunöñ qahö mötza. Uruñangö uñañi yañönök mönö mi möt yaköza. Mewöñanök Anutugö uruñi mi kunñan qahö mötzapmö, Anutu nanñi Uñañi Töröñi yañönök mi möt yaköza. ¹² Neñön gölmegö ahakmeme bölöñangö ömenji kun qahö buña qem anguinmö, Anutunöñ yuai kalem neñgiyöhi, miangö könañi mötpingöra mönö nanñi Uñañi melaii urunine geiga maljin.

¹³ Miangö könañi gegenji tokoba eraum mörakzin. Gölmegö ambazipnöñ mötkutukutuñinanangö qakñe keu kusum neñgigetka miangö dop mi qahö eraum mörakzin. Mewö qahöpmö, Uña Töröñan keu kusum neñgiyöhi, miangö dop mönö urugö keu ölnji

kewöringa sölölohöm neñgii jim asarimakzin. ¹⁴ Uña Töröñan sölölohöm neñgiiga keu mi mewö kewöztin ewö, könañi mönö miwikñaiiba möt asaribinanangö dop akza. Miangöra Uña Töröñan denike yengö uruñine qahö mali öne lañ maljei, yañön Anutu Uñañangö buñañi mi möt angön kölbangö osimakze. Yañön Buña miangöra mötketka uruqahö keu tandök aiga könañi möt asaribingö osize.

¹⁵ Yañön osizemö, Uña Töröñan sölölohöm neñgiza ewö, mönö keu pakpakö könañi kewöta jim teköbinañgö dop akzin. Mewö akzinmö, urumelenj ambazip kungö könañamñi mi gölme ambazip köreñan törörök jim teköbingö osimakze. ¹⁶ †Miangö könañi mi Buña Kimbinöñ kewö ohoget ahöza,

“Kembugö urumötmötñi mi azi kunñan kun qahö mörök.

Miangöra kunñan i goro qambañ wangimawañgö dop qahö.”

Kunñan mi qahö mörökmö, neñön Kraistkö urumötmötñi memba maljin. Mewö.

Anutugö nup meme ambazip

3 O urumelenj alaurupni, iñini namande ewö Kraistpuk qekötahöba kinget. Miangöra nöñön iñini gölmegö ahakmeme mötöteimakzeangö tandök malgetka Buña keu mi jim asarim enggiba sutñine malal. Uña Töröñan sölölohöm engii maljeangö tandök ewö engöra jimamgö osiba malal. ² †Nöñön keu möt asarimeangö dop juzu onji ewö gumohom enggiba malal. Nene ölnji nemingö dop qahö akerangöra keu gegenji mi qahö enggial. Nalö miangöreñ nene ölnji nemingö osiget aka nalö kewöñe mewöyök mi ölop qahö nemakze.

³ Iñini toroqeba gölmegö ahakmeme bölöñi mötöteiba malje. Iñini urunöñ mututqutut möta angururuk aka keu jijinöñ nongitnöñ gongitpi ahakze. Mewö aketka uru silegö sihim kömbönañini bölöñan galöm köl enggiiga urumelenjgö kopa ambazip omanji yengö tandök ahakze. ⁴ ††Tosatñi iñini kewö jimakze, “Nini Polgö keunji wuatangömakzin.” Tosatñan kewö jimakze, “Nini Apolosgö keunji wuatangömakzin.” Mewö mewö jiba mönö gölme ambazip omanjan ahakzeangö tandök aka malje.

⁵ Apolosnöñ niñia akza aka Pol nöñön niñia akzal? Niri mönö Anutugö nuwa memba maljit. Kembunöñ nanñik nanñik netköra nup netkiyöhi, miangö dop bauköm enggiziga uruñini melenja Kembu möt nariba malje.

⁶ ††Nöñön kötnji kömötpiga Apolosnöñ o memba kaba miangöreñ mokoyökmö, Anutunöñ mönö meiga töhötmöriam asuhuyök. ⁷ Miangöra kömöröhi, yañön qetñambuk qahö akza. O mokoyöhi, yañön mewöyök qetñambuk qahö akzapmö, Anutunöñ kötuetsköiga töhötmöriamñi kota qarimakzei, yañönök mönö qetbunañambuk akza. ⁸ Mewö akzapmö, kömörakzali aka o mokomakzawi, netkön mönö dop mohot akzit. Mo-

† 2.3 Apo 18.9 †† 2.9 Ais 64.4

‡ 2.16 Ais 40.13 †† 3.2 Hib 5.12-13 †† 3.4 1 Kor 1.12 ††† 3.6 Apo 18.4-11.24-28

hot akzitmö, mi töndup töwaniri mi mönö nupniri memakzirangö dop nanjök nanjök membit.

⁹ Netkön Anutugö nup nejakyahötñi aka yambuk nup memakzit. Engö uruñini mi Anutugö arö ewö aiga kölkömöt nupñi miangöreñ memakza. Anutunöñ miri ewö uruñini inahöba mindirim enjiiga köhöiba wahörakze. ¹⁰ Anutunöñ kalem möriam niñgiyöhi, nöñön miangö dop miri memegö mötmöt azi ewö aka Anutugö tandö kömbönañi uruñine kuñguba kömötpiga kunöñ miangö qakñe miri memakza. Ölop memakzapmö, mohot mohot neñön mirigö nupñi ölopñanök membinañgö dop akzin. Ek kutuba membinañgöra mönö je galöm mem angubin. ¹¹ Urugö tandöñ mi Jisös Kraist. Nöñön mi lök uruñine kömötpiga kunñan mötnaripkö tandö kun miwikñaimangö osima.

¹² Tandö mohot akzapmö, miangö qakñe tosatñan miriñini goul silwönöñ me köt ölninambuk tosatñi miangöñ memakze. Tosatñan miriñini ip kösönöñ, tömbö bohom sinñan me señgwenöñ memakze. Siliknini mewö me mewö memakzin ewö, ¹³ urugö nupninañgö ölnan mönö inanjök inanjök aukñe asuhuma. Kembunöñ nalöñan kam kuñguiga miangöreñ mönö mirigö esuñi luluñma. Miri esuninan mönö Anutugö köñöp bölamñan asuhuiiga jeba eriga ölnan aukñe ekingö dop akña. Köñöp miangöñ mönö mohot mohot neñgö mirininañgö tandökñi ölni mi esapesapnöñ ala kewötma.

¹⁴ Köñöpnöñ jeba miri pakpak kewöt enjiiga megetka ölninan köhöiba kinme ewö, yeñön mönö nupñinañgö töwañi buña qem angume. ¹⁵ Tosatñan miriñini megetka ölninan jeba etme ewö, yeñön mönö töwa qahöpmö, geñmororöñ miwikñaima. Mi miwikñaimemö, nanñinak töndup Suepkö buñaya malme. Köñöp bölamnöñ jem engohoiiga miangö tandök ongitpingö jaram tiba kök alal ewö aketka Anutunöñ meköm enjiiga Suepnöñ öngöme.

¹⁶ †Nanñinak Anutugö Buña jike (tempöl) aketka Anutugö Uñañan uruñine maljawi, mi mötze me qahö?

¹⁷ Anutugö Buña jikerñi mi kömbukñi akzawi, miangö dop enñön sarakñi akze. Miangöra kunñan Anutugö jike mem böliza ewö, Anutunöñ mönö i nanñi mem bölim wangima.

¹⁸ Kunñan nanñi gölmegö mötmötñi wuatangöba tilipköm angubapuk. Engö sutñine kunñan nanñangöra möri “Gölmegö mötkutukutu öngöñgöñi memba maljal,” jiza ewö, yañön mönö mutuk uruqahö aka mewö miangöñ mötkutukutu ölni miwikñaiabawak.

¹⁹ ††Anutunöñ gölmegö mötkutukutu öngöñgöñi miangöra möri uruqahö keuya akza. Miangö keuñi Buña Kimbinöñ kewö ohoget ahöza, “Anutunöñ mötkutukutu öngöñgöñi memba maljei, mi gwaröhöm enjiiga nanñini mötmöt imbi-imbinöñ supapköba qaköme.”

²⁰ †Miangö keuñi kun kewö ahöza, “Kembunöñ mötkutukutu ambazip yeñgö mötmöt areñinañgöra möri omanñi akza.” ²¹ Miangöra engöreñök kunñan mönö

ambazip neñgöra aka silenñi memba wahötpapuk. Körek neñön mönö engö buñaya akzin.

²² Pol, Apolos, Pitö †† neñön mönö engö buñaya akzin. Ambazip gölme dop maljini, neñön mönö körek engö buñaya akzin. Miangöra ölop keu mi me mi kewöta memba mewö miangöñ malmalñini malme aka kömupñini kömume. Nalö kewöñe maljini, körek neñön mönö engö buñaya akzin aka könañgep nup meme ambazip malmei, yeñön mönö mewöyök engö buñaya akñe. ²³ Mewö ak engizimö, enñön Kraistkö buñaya aketka Kraistnöñ Anutugö buñanñi akza. Mewö.

Nini Kraistkö aposolurupñi akzin.

4 Miangöra ambazip körekñan mönö neñgöra kewö mötketka dop kölma: Kraistnöñ jim kutum neñgiiga nupñi memakzin. Anutunöñ keuñi tölapñi neñgiiga buñanini aiga galöm kölakzin. Neñön miri galömñangö tandök ewö akzin. ² Galöm yeñgö tonjan miri yuaiñi galöm kölmegöra böronñine aljawi, yañön mönö keu bohonñi kewö kapañ köla jim kutum engimakza, “Nupñini mönö misila pöndañ memba malme. Memburik-qemburik kude akñe. Mewö miwikñaim enjiiga dop kölma.” ³ Korint enñön me gölmegö keu jake kungö galömñan ni kewöta jim teköm niñgibeak ewö, nöñön mönö keu miangöra mötpi eretñi kötökñi akza. Nanak mewöyök nani keuni qahö jim teközal. ⁴ Uruni kewöta keu kun qahö mötpiga mem lömbörim niñgizapmö, miangöra töndup solanñi qahö akzal. Ambazipnöñ qahöpmö, Kembunöñ mönö nöñgö keuni kewöta jim teköm niñgimakza.

⁵ Miangöra iñini mönö nalö kewöñe kungö keuñi kun mi kude jim teköme. Kembunöñ nalöñi ali kam kuñgumapaköra mönö mambötme. Mamböta malgetka miangöreñ kaba keu yuai ömukñe asambötket ahözawi, mi mönö asakñan indeliga aukñe asuhuma. Yañön kaba ambazip urunini mem asariiga könañamnini ölnan aukñe ekñamgö dop akña. Könañamnini ölni eka mohot mohot kewöt neñgiiga Anutunöñ mönö miangö dop nalö miangöreñ möpöseim neñgibawak.

⁶ O urumelen alaurupni, iñini jula jakbak-öranbörañ aka lañ likeplikep arönda kinda qetal angumakze. Mewö malbepüköra mönö Apolos niri mötmörim netkiba nanñini imbi-imbi mosöta keu kiangö könañi mötme, “Buña keu ohoget ahözawi, mi mönö kude ongitme.” Keu mi mötket uruñine ahöi tem kölgetka ölöwakñegöra mönö kösohotniri mewö ohozal. Mi nani aka Apolos netkö könañamniri kewöta mötmöriba möt asarimegöra ohozal. Jujulñinan mewö teköma.

⁷ Gölmegö kunñan mönö qahö mem letot gihiiiga tosatñi engongita qainñi kun akanak me qahö? Mi qahö. Yuai pakpak ahöm gihizawi, mi mönö Anutunöñ kalem gihiiiga buña qem angunöñ me qahö? Mi kalem buña qem angunöñ ewö, mönö wuanöñgöra kalem qahöpkö tandök ewö silegi memba öngömakzan? Mi qahö dop kölja.

† 3.16 1 Kor 6.19; 2 Kor 6.16 †† 3.19 Job 5.13 † 3.20 Sum 94.11

†† Pitö qetñi alañi Sifas

⁸ Yuai pakpak memba malbingö sihimnji mötzei, mi mönö lök ahöm engjim teköza. Anutunöj Suep köwenjeyök kalemnji kalemnji mokom engjiiga lök sim-bawonj akze. Neñon qahö bauköm engjiinga nanñinak töndup mötnaripkö azi kembu tandök akze. Nanñinañgöra mewö mötmörim anguze. O enñon ölna kiñ aketka dop kölbawak. Mewö aketka neñon mönö mewöyök azi kembu-urupñini aka engö qöhöröñine ölop silenini memba öngöba aiweliköm angubinak. Nöñon mewö akingö sihimnji mötzal.

⁹ Nöñon mewö mötzalmö, nanini könañamnini eki tandök kewö akza: Anutunöj aposol nini al neñjiiga ambazip jeñine etqeqenji töhön aka maljin. Ambazip enguget kömumegö jim tekögerangö tandök aukñe anda kainga lañ qeta gamu qem neñgimakze. Yuai ehekñi qainñi kun ahinga gölme dop miengö tonji aka Suep jakenji jakenji miengö pom garatanji miengö mönö jeñinan neñgek kutuba neñgehimakze.

¹⁰ Kraistköra aka uruni sohoi maljali, nöñgöra mewö jimakzemö, enñon Kraistpuk kinda mötmöt ambazip aködamunñinambuk akzeangö tandök akze. Nöñon lölöwöröñi akzalmö, enñon "Ambazip köhöikñi akzin," jize. Ambazipnöñ inñini göda qem engjimakzemö, nöñgöra mötket eriga jijiwilit ak neñgimakze. ¹¹ Nalö dölkewöñe mewöyök nenegö kömumba ogöra ak neñjiiga opo walñi jujuratñi löñgöta malinga bimnöñ lañ neñgugetka dum mirinini qahö mala toroqeba anda kamakzin.

¹² †Nanini böröñinan sileqeqe tandök nup memakzin. Ambazipnöñ lañ qesuahöm neñgimakzemö, neñon mönö kötuetköm engiba yengöra köulukömakzin. Sesewerowero ak neñgimakzemö, neñon mönö mi möta mökösoñda kapan köla maljin. ¹³ Uruqeqe keu töhörenj jim neñgimakzemö, neñon mönö gunñböñjönjön qakñe ösoñnöñ melenmakzin. Neñon gölmegö nesak lömñangö tandök ewö ahinga gölmenji gölmenji yengöñ sisitnini memba andö qem neñgimakze. Mewö mala kota nalö dölkewöñe mewö toroqeba maljin.

¹⁴ Gamu qem engjimangöra keu ki qahö ohozalmö, wölböt nahön böraturupni ewö mönö goro qambañ engjimangö mötzal. ¹⁵ Mötnaripkö böhi 10.000 yengö Kraistpuk qekötahöba köyan köla kusum engibeak ewö, mi töndup nöñon mönö Kraist Jisösbuk qekötahöba Ölöwak Buña jim asariba iwiñini akiga uruñini melenget. Miangöra iwiurupñini gwötpuk qahö malje.

¹⁶ ††Miangöra uruñini kewö kuñgum engizal: Nöñon silik ahakzali, miangö dop enñon mönö nöñgö silikni mi watangöba malme. ¹⁷ Nöñon silikni Kraist Jisösbuk qekötahöba aka memba gölmenji gölmenji liliköba urumelenj köñagesö dop kusum engimakzali, miangöra mönö ölum engubapuk. Nöñon miangöra aka wölböt nahöni Timoti melaibiga engörenj kama. Yanñon nömbuk pöndañ mala Kembubuk qekötahöba kinda kaba könañamni jiba köl gulim engima.

¹⁸ Engörenjök tosatñan nöñon engörenj qahö kabilenjak ewö möta silenini möpöseiba jakbak-öranñörañ aka lañ malje. ¹⁹ Mewö maljemö, Kem-

bunöñ sihimñan ni kamamgö mötma ewö, mönö ösumök engörenj kamam. Kamami, nalö miangörenj jakbak-öranñörañ ambazip yengö kukösumñinañgöra qesim engibiga jim miwikñaigetka mötmam. Silenini memba wahöta keu ketanji ketanji lañ jimakzei, miangöñ nöñgörenj eretñi akza. ²⁰ Anutugö bemtohoñ mi keuyök jijigö yuaia qahöpmö, ölni mi Anutugö kukösum. Miangöñ mönö nam köl neñgiza.

²¹ Miangöra uruñini qahö melenja lañ malme ewö, nöñon mönö kömbin memba kaba keunöñ engohotirimam. Uruñini melenje ewö, mönö urubönjönj qakñe urukalem ak engjimangöra kamam? Keu yahöt mi kewöta nöñgöra sihimñini denöwö mötzei, mi möt kewöta jime. Mewö.

Kunöñ serowilin ahöhi, i mönö sutñineyök közölme.

5 †Keu kun kewö jigetka nöñgö kezapne geyök: Tosatñan urumelenj köñagesö sutñine serowilin ahakze. Kunñan iwiñangö anömñi memba malja. Serowilin mewöñi mi urumelenj kopa ambazip yengö sutñine mewöyök kun qahö ahöza. ² Kunñan mewö aiga inñini töndup silenini memba öngöba lañ jakbak-öranñörañ ahakze. Mi qahö dop köljapmö, silikñangö wösöbiriknöñ mönö mem kömum engjiiga dop kölbawak. Mewö aka ölop azi siñgisöndok mewö ahöhi, i mönö sutñineyök közölgetka yaigep etma. I denöwö aka qahö közöljeje?

³ Nöñon ölna engörenjök körowen malbi sileni qahö nehakzemö, töndup uñanan mönö embuk maljal. Kunñan ahakmeme kanjamñambuk ahöhi, nöñon lök yangö keunji kewöta sutñine maljalangö tandök möta jim teköba kewö jizal: ⁴ Inñini mönö Kembunini Jisösgö qetñe totoko algetka nöñgö uñanan embuk toroqeiga Kembunini Jisösgö kukösumñan nam köl engjiiga öröröñ kinda keunji jiba mönö kewö jöhöme: ⁵ Satanöñ silenangö sihim kömböñanji bölöñi qei etmapköra mönö andö qem wangiba yangö böröñe algetka mindingöm wangima. Mindingöm wangjiiga löwöriba uruñi melenñi Anutunöñ amöt qem wangiba Kembugö nalöñe uñanji meköiga Suepkö buñaya akawak.

⁶ ††Silenini memba öngömakzei, mi ölopñi qahö. Inñini keu yahöt ki möt yaköze, "Yist kitipñi moröñi obuk mindiriba pluanöñ alinga mem qariiga dis kokolak qemakza. Mewöyök bau wösö kömbukñan tiñgirakzawi, miangöñ mönö busu pakpak mem bölimakza."

⁷ ††Keu miangö dop inñini lök plua dis sarakñi ewö aketmö, siñgisöndokö yistñi kun mi ket ewö sutñine kangota engöhömakza. Körek bölibepuköra mönö yistñini walñi mi kewöt uteköme. Azi mi wösö kömbuk ewö közöla mönö dumñe kunbuk yambu jeñiqeqe dölokñangö plua dis sarakñi ewö aka malme. Ak-kömukömu kendon nalöñe lama jöwöwöl ohoba beret yistñi qahö nemakzei, miangö dop Kraistnöñ nanine ak-kömukömu lamanini aiga lök qeget kömuyök. Miangöra inñini ölop plua dis sarakñi yistñi qahö ewö akñe aka kunbuk oyaenjoyaen uruñe kangota malme.

† 4.12 Apo 18.3 †† 4.16 1 Kor 11.1; Fil 3.17

‡ 5.1 Dut 22.30 †† 5.6 Gal 5.9 †† 5.7 Eks 12.5

⁸ †Kraist kömuyöhangöra mönö sösöngai kendon aka malbin. Yist me wösö kömbukñi mi ahakmeme bölöñi ingonmanjonambuk. Mianjö qakñe mönö sösöngai kendon kude akin. Mianjöra mönö geñmon mosöta keu ölni wuatangöba beret yistñi qahö ewö aka mianjö qakñe sösöngai kendon aka malbin.

⁹ Nöñön Buña Kimbi ohom engiba kewö jial: Injini serowilin ahakzei, yembuk mönö kude köisirik tata eraum mötme. ¹⁰ Gölmenöñ uruñini qahö melenja ahakmeme bölöñi ahakzei, yengöra keu mi qahö ohoyal. Yeñön serowilin aka yuaigö nepaqepalok membagan membingö köpösöngömakze. Yuai kalöpköba yongorö memakze aka tandö lopion waikñini memba möpöseim engimakze. Yengöra aka mewö ohom engibileñjak ewö, injini mönö gölmenöñ malbingö osibeak.

¹¹ Yengöra aka qahöpmö, könañi kewögöra keu mi ohom engial: Kunñan nanñi qetñi urumelenj ala jiba töndup serowilin akza me yuaigö nepaqepalok membagan memangö kösösöngömakza me tandö lopion waikñi memba möpöseimazawi, yambuk mönö kude köisirik tata eraum mötme. Mötnarip kambu engö sutñine kunñan mepaqepaik ahakza me o köhöikñi memba enjololon ahakza me yuai kalöpköba yongorö memakza ewö, yambuk tata nene kun kude neme.

¹² Yaigep maljei, nöñön yengö keuñini qahö jim tekömakzal. Mi nöñgöreñ nuwa qahö. Injini mewöyök könagesö pakpakö keuñini qahöpmö, uruñini melenja sel uruñe maljei, mönö yengö keuñini miyök kewöta jim tekömakze. ¹³ ††Yaigep lañ maljei, Anutunöñ mönö yengö keuñini kewöta jim teköma. Mianjöra mönö Buña keu kianjö dop akñe, “Azi bölöñi mi mönö sutñineyök közölme.” Mewö.

Urumelenj alanjini mi yaigep yengö keu jakeñe kude alme.

6 Urumelenj ambazip sutñine kunñan alanj keu jakeñe almangö mötza ewö, yañön Anutugö ambazip sarakñi engongita ambazip gongonj yengö jeñine aniga qahö dop kölja. Qahö! Urumelenjö kopa ambazip bauköm wangimegöra qesim engiiga gamuñambuk akza. ² Anutugö ambazip sarakñi neñön kantriñi kantriñi yengö keuñini kewöta jim teköbini, mi lök mötze. Injini gölme pakpak yengö keuñini jim teköbingö dop akze ewö, mönö denöwö aka keu morömorö kewöta jim tekömeangö dop qahö akze? Injini mönö ölna mianjö dop akze. ³ Urumelenj ambazip neñön Sup garataurup yengö keuñini kewöta jim teköbini, mi lök mötze. Mianjö dop akzin ewö, gölmenöñ malmalgö keuñi mi mönö amqeba kewöta ölop jim tekömakin.

⁴ Mianjöra gölmenöñ malmalgö keuñi sutñine asuhumakzawi, keuñini mi mönö wuanöngöra silene yengö keu jakeñe öngöba jim tekömegö qesim engimakze? Urumelenjö kopa ambazip sutñine jijiwilit ak engimakzei, yengöra töndup keu nalöñe mötketka öngömakza. Mi qahö dop kölja.

⁵ Keu mi gamu qem engimangöra jizal. Mötnarip ambazip engö sutñine keu ahözawi, engöreñök kungö mötkutukutuñi dop kölga keu mi ölop jim tekö-mawangö dop akza me qahö? Mönö ölop sutñineyök azi mewöñi miwikñime. ⁶ Qahö tandök aiga urumelenj ala kunöñ alanj silene yengö keu jakeñe alakza. Mewö ala ambazip Anutu qahö möt narizei, mönö yengö jeñine anda keu nupköra qesim engimakza. Mi qahö dop kölja.

⁷ Sutñine keu jakeñe al angumakzei, mewö mianjöñ mönö nanñini eta enguiga Kraistkö qetbuñanjan lök eretñi aiga malje. Ambazipnöñ ak bölim engigetka uruñini mianjöra wahöri keunöñ al engigetka Anutugö jeñe qahö dop kölja. Tilipqilip aka yuaiñini öroba megetka injini likepñi qahö melenj engigetka mewö mianjöñ Kraistkö könañan mönö aködamunñambuk akña.

⁸ Injini Kraistkö qetñi kewö mem bölimakze: Mönö nanñinak tilipqilip aka ambazip ak bölim engiba yuaiñini öroba memakze. Urumelenj alaurupñini yengöra mewöyök mewö ak engimakze.

⁹ Irimqirim ambazip yeñön mönö Anutu bemtohoñangö uruñe öngöba dum qahö meme. Mi mötze. Ahakmemeñinan mönö tilipköm anguba janñun akepuk. Tosatñan serowilin aka tandö lopion waikñini memba möpöseimakze. Tosatñan awanöm malmal ongita qesabulum ahakze. Tosatñan moneñgöra lañ amimba malje aka azi nanñirök ambi nanñirök amimba malje. Mewöñi mienjöñ mönö Anutu bemtohoñangö buñanj qahö akñe.

¹⁰ Tosatñan yongorö memba yuaigö nepaqepalok membagan membingö köpösöngömakze. Tosatñan o köhöikñi memba enjololon aka lañ mepaqepaik ahakze. Tosatñan yuai kalöpköba yongorö memakze. Ambazip mewöñan mönö Anutugö bemtohoñi buña qahö qem angume. ¹¹ Engöreñök tosatan mutuk mewö aka malgetmö, könañep Kembunini Jisös Kraist buña qem angugetka sepñan sañgonja tök kutum engiba yanjö qetñe sarakñi aket. Mem solanim engiiga Anutunianjö Uñañan mönö inahöm engiiga diñgiba malje. Mewö.

Silenjan Anutugö jike kömbukñi akza.

¹² †Nöñön yuai pakpak ölop memamangö dop akzalmö, yuai pakpaknöñ mönö qahö mem ölowak niñgiza. Yuai pakpak ölop memamangö dop akzalmö, yuai kunöñ kembu ak niñgibapuköra mönö galöm mem angumakzal. ¹³ “Nene mi neneyök. Mi kömongokninangöra aka ahöza. Kömongoknini mi nene nein gemapköra aka ahöza.” Kunöñ mewö jibawakmö, Anutunöñ mönö nene aka kömongok mi mohotñe jim teköi qahöwakñahot. Silenini mi serowilin akingöra qahöpmö, Kembangö nupñi membingöra aka ahöza. Mewö ahöiga nanñak silenini ölowakñapköra nene yuai nengimakza. ¹⁴ Anutunöñ nanñi kukösumñan Kembu mem gulii kömupnöhök wahöröhi, yañön mönö nini mewöyök mem gulim nengii wahötpin.

† 5.8 Eks 13.7; Dut 16.3 †† 5.13 Dut 13.5; 17.7

‡ 6.12 1 Kor 10.23

¹⁵ Engö silenjan Kraistpuk toroqeba silenjangö kitipnji akzei, mi mötze me qahö? Mianğöra nõnõn Kraist silenjangö kitipnji kun memba kõna ketanji ambibuk qekõtahömam me qahö? Mi qahöpmahöp! Mönö yapmake! ¹⁶ †Anutunõn keunji kewö jii ahöza, “Yetkõn mönõ sile mohot akñahot.” Mianğöra kunñan kõna ketanji ambibuk qekõtahözawi, yanğõn mönõ yambuk sile mohot akñahot. Mi mötze me qahö? ¹⁷ Mohot akñahotmõ, kunñan Kembubuk qekõtahözawi, yanğõ unjanan mönõ Kembugõ Unjanambuk mindiriiga mohok aka malmahot.

¹⁸ Serowilin mi mönõ misiğöba mosõtme. Siğisõndok tosatnji mi me mi ahakzini, mi pakpak mönõ silenianğõ yaigepeje asuhumakza. Kunñan serowilin ahakzawi, yanğõn mönõ nanñi silenji mem böliba siğisõndok ahakza. ¹⁹ ††Silenjanan mönõ Unja Törõnangõ Buña jikenji (tempöl) akza. Anutunõn Unjan enjiiga buña qem angugetka urunjiine malja. Mianğöra nanñini buñaya qahö akzei, mi mötze me qahö?

²⁰ Nanñini buñaya qahöpmõ, Kraistnõn sõngörõrõnini ketanjan bohonñini meiga yanğõ buñaya akze. Mianğöra silenjan mönõ ahakmeme saraknji aketka Anutugõ qetbuñanjan sehimakña. Mewö.

Awanöm aka gwabõ seram malmal tatat

7 Injini keu tosatnji ohoba qesigeri, mi jim asarimam. Azinõn ambi qahö memba gwaböya maljawi, mi ölop. ² Mi ölopnji akzapmõ, silegõ sihimñan sero yongorõ akepekõra injini mohot mohot mönõ nanñik nanñik awanöm amemba malme. ³ Azinõn mönõ anõmñangõ sihimñangõ dop awanöm malmalgõ arenji wuatangõma. Anõmñan mewöyök mönõ apñangõ sihimñi wuatangõba malma.

⁴ Anõmñangõ silenjan mönõ nanñi buñanji qahö aiga nanñök mi qahö galöm kölakzapmõ, apñan mi galöm kölakza. Apñangõ silenjan mewöyök nanñi buñaya qahö aiga nanñanök qahö galöm kölakzapmõ, anõmñan mi galöm kölakza. ⁵ Mianğöra nanñiri mönõ kude angõn köl anguba malmahot. Nanñirök urumohot aka põndanj köuluk nup membitkõra ölop nanñök nanñök malmahotmõ, nalõ tosatnji mewö malagun mönõ kunbuk mindiriiba mohotje malmahot. Urunjiri ölop qahö galöm kölohotka Satanõn esapkõm etkiiga siğisõndoknõn etpahotpekõra mönõ mewö aka malmahot.

⁶ Mewö akñahotkõra ölop jizalmõ, jöjõpañ keu mewõnji mi qahö al enğizal. ⁷ Nõnõn ambazip körek pakpak ni ewö gwabulum malmegõra mötzalmõ, injini tosatnji Anutugõ nup memegõra mötmõt kalem mewõnji mi qahö memba malje. Anutunõn mötmõt kalemñi mendenjiga mohot mohot neñõn mi me mi nanñök nanñök buña qem anguba maljin.

⁸ Awanöm qahö aka malõ maljei, enğöra kewö jizal: Enğõn ni ewö toroqeba awanöm qahöpmõ, solanñi malmei, mi mönõ ölopnji akza. ⁹ Ölopnji akzapmõ, awanöm akingõ urunjiini könöp jeiga malbepukõra mönõ ölop awanöm aketka amqema. Mianğöra yenğõn

† 6.16 Jen 2.24 †† 6.19 1 Kor 3.16; 2 Kor 6.16

urunjini galöm kölbingõ osize ewö, mönõ ölop awanöm akrje.

¹⁰ †Awanöm maljei, enğöra kewö jim kutuzal, nõnõnök qahöpmõ, Kembunõn nanñak mönõ keu ki jiza: Anõmñan apñi kude mosõtma. ¹¹ Mewö jizapmõ, tõndup apñi mosõtma ewö, mönõ azi kun kude memba öne malma me apñambuk kunbuk eraum möta urumohot aka malmahot. Mewöyök apñan anõmñi kude mosõtma.

¹² Mi Kembugõ keuyapmõ, awanöm tosatnji enğõ goronjini mi Kembunõn qahö jizapmõ, nanak mi kewö jizal: Urumelenj azi kungõ anõmñan urunji qahö melenj da tõndup yambuk malmamgõ mötzawi, yanğõn mönõ anõmñi mi kude mosõtma. ¹³ Mewõnanök urumelenj ambi kungõ apñan urunji qahö melenj da tõndup yambuk malmamgõ mötzawi, yanğõn mönõ apñi mi kude mosõtma. ¹⁴ Mianğõ kõnanji kewö: Kungõ apñan urumelenjgõ kopa azia aiga Anutunõn i tõndup urumelenj anõmñi qekõtahözawangõra aka tøk kutum wanjiiga saraknji akza. Mewõnanök kungõ anõmñan mötnaripnji qahöpmõ, urumelenj apñi qekõtahözawangõra aka Anutunõn i tøk kutum wanjiiga saraknji akza. Kunõn saraknji qahö akawak ewö, nahõnbõratñiran mönõ Anutugõ sel yaigepeje malbeak. Mewö malbeakmõ, Anutunõn mohotje tøk kutum enğiyõhangõra mönõ saraknji akze.

¹⁵ Saraknji akzemõ, kunñan qahö möt nariba apñi me anõmñi mosõtmanğõ mötza ewö, mönõ ölop mosõtma. Mewö asuhuiga nõngõ keunan urumelenj alanini mi qahö jöhõma. Anutunõn injini luainõn malmegõra enğoholök. ¹⁶ Ambi, gi apki uru kungum wanjinõnğga urunji melenjma me qahõwi, mi mönõ denõwõ mötpanak? Me azi, gi anõmgi uru kungum wanjinõnğga urunji melenjma me qahõwi, mi mönõ denõwõ mötpanak? Mianğöra mönõ luainõn malme. Mewö.

Anutunõn enğoholõhangõ dop mönõ toroqeba malme.

¹⁷ Kembunõn mohot mohot enğõ malmalñini arenj aliga awanöm me solanñi malgetka Anutunõn enğoholõhi, mianğõ dop mönõ toroqeba mala malmalñinangõ kõnanji kude utekõme. Urumelenj könagesõnji könagesõnji lilikõba miri dop mewö jim kutum enğimakzal.

¹⁸ Anutugõ aiwesõkñi azi kungõ silenje yanğiget maliga mewö oholök ewö, mi mönõ kutumamgõ kude kapanj kölma. Anutugõ aiwesõkñi kungõ silenje qahö yanğiget maliga mewö oholök ewö, mönõ mi yandimegõ kude kapanj kölma. ¹⁹ Anutugõ aiwesõkñi silenine yandiget ahöza me qahõwi, mianğõn Anutugõ jeje yuai omanji akzapmõ, jöjõpañ keunji tem kõla wuatangõinga ölnji akza.

²⁰ Anutunõn enğoholiga nalõ mianğõrenj awanöm me solanñi malgeri, injini mohot mohot mönõ mianğõ dop toroqeba malme. ²¹ Kungõ welenqeqe omanji aknõnğga Anutunõn goholök ewö, mianğöra mönõ waimanjat kude aka malman. Urugi melenj da ölop

‡ 7.10 Mat 5.32; 19.9; Mak 10.11-12; Luk 16.18

solanji aka nup kun miwikñaibanak ewö, mi mönö ölop miwikñaiman me urugi amqeiga ölop toroqeba welenqege omanj malman. †

²² Mi kewögöra: Kunönj welenqege omanj aiga Kembunönj mewö oholi urunji melenqiga singgisöndokñangö kösönji pösariga solanji aka malja. Mewöñanök kunñan solanji aiga Kembunönj mewö oholi urunji melenqiga nanñi imbi-imbi qahöpmö, Kraistkö jitñi tem kölmapkö kösönönj kinda welenqige qeba malja. ²³ Kraistnönj bohonñi ketanjan söngörönjini meiga maljeangöra mönö gölme ambazip yengö keu kenqöt bapñe anda welenqegeñini omanji aka malbepuk. ²⁴ Mianğöra urumelenj alaurupni, Anutunönj enğoholiga nalö mianğoreñ solanji kösönjini qahö me welenqege tonjanğö kösö gwarönönj malgeri, inñini mohot mohot mönö mianğö dop Anutugö jeñe toroqeba malme. Mewö.

Gwabö seram aka malö yengö goro keunji

²⁵ Ambi seram jömuqñi †† enğö goroya mi Kembunönj qahö jim kutui mötzal. Mianğöra Kembunönj ak kömum niñgiiga keuni lañ qahöpmö, möt nariget dop köljawanğö dop jimakzali, mönö mianğö dop kewöta nani mötmötnan kewö jimam:

²⁶ Kahasililiñ nalönji dopdowizawanğöra gwabö seram maljei, körek enön mönö mianğö dop toroqeba malgetka ölöwakza. Mewö mötmörizal. ²⁷ Ambi memba maljan ewö, anömggi mosötmangö kude akñan. Anömggi qahö solanji maljan ewö, mönö ambigöra kude jaruman. ²⁸ Töndup ambi memani, mianğön mönö singgisöndokñi qahö akña. Mewöñanök ambi seramönj azi memawi, yanğön singgisöndok qahö akña. Singgisöndok qahöpmö, mewö akñei, yanğön mönö silenjanan kahasililiñ gwötpuk miwikñaiba mötme. Enön mi mötpepuköra mönö anğön köl enğimamğö mötzal.

²⁹ Mewö möta goro enğizalmö, urumelenj alaurupni, keu kun kewö jimam: Kembu kamawanğö nalöñan törizawanğöra aka ambi memba maljei, enön mönö mewöyök nalö kianğoreñök könahiba anömñini qahö tandök ewö aka malme. ³⁰ Wösöbirik aka sahötzei, enön mönö qahö sahötmeanğö tandök ewö aka malme. Uruñini ölöwahiga sönggaizei, enön mönö qahö sönggaimeanğö tandök ewö aka malme. Yuai bohonñi mezei, enön mönö mi qahö buña qem anğumeanğö tandök ewö aka malme.

³¹ Gölmenönj nalö kewöñe areñ wuatangömakzei, mianğön mönö ayapkömawanğö dop akza. Mianğöra gölmegö öroyuaiñi kölköl-örörö aka nupköra alakzei, enön mönö mianğön urunji jöhömakzawanğö tandök ewö kude aka malme.

³² Inñini gölmegö lömbötköra waimanjat qahö malmegö sihimni mötzal. Awanöm qahö solanji maljanğön mönö Kembugö öroyuaigöra waimanjat mörakza. Mi möta “Denöwö akiga Kembugö urunjan

† Keu mianğö könani kun kewö: Urugi melenqda ölop solanji aka nup kun miwikñaizan ewö, gi ölop toroqeba welenqege omanji malman. †† qesabulum qahö qeçenji

ölöwahi dop kölbawak,” nanñanğöra mewö jimakza. ³³ Mewö jimakzampö, ambi memba maljanğön mönö gölmegö öroyuaigöra waimanjat mörakza. Mi möta “Denöwö akiga anömnanğö urunjan ölöwahi dop kölbawak,” nanñanğöra mewö jimakza.

³⁴ Kembunönj likep anömñan likep mötmötñi öroyohotka urudenñen aka malja. Mewöñanök ambi anñi qahö aka ambi seram solanji maljanğorañ mönö Kembugö öroyuaigöra waimanjat mörakzahot. Mi möta “Denöwö akiga unani aka sileni sarakñi aiga Kembugöra dop kölbawak,” nanñanğöra mewö jimakzahot. Mewö jimakzahotmö, azi memba maljanğön mönö gölmegö öroyuaigöra waimanjat mörakza. Mi möta “Denöwö akiga anñanğö urunjan ölöwahi dop kölbawak,” nanñanğöra mewö jimakza.

³⁵ Nanñini bauköm enğimamğö möta goro mi enğizal. Mi tosatñi kösö ewö jöhöm enğibi lömböt miwikñaimegöra qahöpmö, könani kewögöra mi enğizal: Nönön inñi ahakmeme diñdiñi wuatangöba urudenñen qahöpmö, pöndañ Kembubuk qekötahöba kin köhöimegöra mötzal. Mianğöra goroñini mi jizal. Mewö.

³⁶ Azi kunñan ambi serambuk buña qeba malagun anğömosötpitkö mötmörizahori, yetkö goroñi kewö jimam: Azi mianğön kewö mötmörriba jiza, “Ambi mi memba mewö törörök qahö ak wangibileñak.” Mewö jiiga ambi memawanğö sihimñi möt köhöiiga ambigö yambuñi azi memegö dop akza ewö, yanğön mönö ölop sihimñanğö dop aiga ameyohotka dop kölma. Mewö mianğön singgisöndokñi qahö akña. ³⁷ Qahö akñapmö, azinön ambi mi qahö memapkö keunji nanñi urunjan jöhöba möt köhöizawi, mianğöra kewö jimam: Kunñan azi mi kungui qahö qaközapmö, ölop nanñi sihimñanğö dop wuatangöba keunönj qahö jöhöi ahakza ewö, yanğön mönö ölop sihimñanğö dop aka ambi mi qahö mema.

³⁸ Mewö aiga ambi seram mezawanğön mönö dopñe akzampö, i qahö mezawanğön mönö köna ölop sorokñi wuatangöba törörök akza. Mewö. ‡ (v 37b) Qahö akñapmö, iwiñan böratñi azi qahö wangimapkö keunji nanñi urunjan jöhöba möt köhöizawi, mianğöra kewö jimam: Kunñan iwi mi qahö kungui qaközapmö, ölop nanñi sihimñanğö dop wuatangöba keunönj qahö jöhöi ahakza ewö, yanğön mönö ölop sihimñanğö dop aka böratñi anğön kölma. (v 38b) Mewö aiga börat seramñi azi wangizawanğön mönö dopñe akzampö, i qahö wangizawanğön mönö köna ölop sorokñi wuatangöiga törörök akza. Mewö.

³⁹ Ambinönj anñan jebuk malmawanğö dop amöamögö keunjan jöhöi maljapmö, anñan kömuma ewö, keu mianğön mewöñanök kömuiga ölop azi sihimñan jimawanğö dop mema. Urumelenğö kopa asia

‡ 36b Azi kunönj böratñi azi wangimamğö uruyahöt mötzawi, yanğö goroñi kewö jimam: Iwiñan kewö mötmörriba jiza, “Böratñi wangiba mewö törörök qahö ak wangibileñak.” Mewö jiiga böratñanğö yambuñi azi memegö dop aiga azi wangimamğö sihimñi möt köhöiza ewö, yanğön mönö ölop sihimñanğö dop aka mosöriiga azi meiga dop kölma. Iwiñan mewö mianğön singgisöndok qahö akña.

qahöpmö, azi Kembubuk qekötahözawi, miyök mema.
⁴⁰ Ölöp azi memba sösöngai qorembenji miwikñaimap-
 mö, toroqeba solanji malma ewö, mönö urusösöngai
 ölnji miwikñaiaba söngaimakña. Nöñön keu mi kewöta
 mewö jizal. Anutugö Uñanjan nöñgö urune mewöyök
 maljawi, miañgöra mönö mewö mötmöriba jizal.
 Mewö.

Nene tandö lopiongö naluk alalji mi nembin me qahö?

8 Injini nene tandö lopiongö naluk alalji miañgöra ohogetka goro kewö jimam: Urukalemnöñ mönö bauköm enggima. Goranora jigetka tosatñan kewö jimakze, “Körek neñön tandö lopiongö könani möt yaköinga omani akza.” Keu mi ölbölna akza, mi mötzin. Injini mötmöt mewöñi jiba malgetka uruñinan wahöri-ga koñaen ewö terereñgöba aiwelikömakze. Mewö aka denja siksauk malje. Köna bohonji mi urukalem. Köna mewö miañön mönö nanini urunini möhamgöba mem köhöim angubin. ² Kunöñ “Keu kungö könani möt yaközal,” mi jitröñ jizawi, yanngö mötkutukutunji ölnjan mönö qahö asuhuiga toroqeba tönpin malja. ³ Mi keunöhök jizapmö, kunjan Anutu uruñan jöpakö-makzawi, Anutunöñ mönö yanngöra möri ölnji akza.

⁴ Nene tandö lopiongö yanngöra naluk algeri, mi nembin me qahöpto? Keu kewö jimakze, “Tandö lopiongö mi bem ölnji qahö maljeanngö kaisöpsöpñini akze,” aka keu kun kewö, “Anutu mohotnöñ malja. Alanji kun qahö.” Keu yahöt mi ölnja akzahot, mi mötzin. ⁵ Keu miañgö könani kewö, “Öme bemñi bemñi,” qetñini mewö qerakzei, mi gwötpuk malje. Suepnöñ me gölmenöñ maljei, mi ölöp qahö mötzin. Ölnja ömewöröme, bem aka azi kembu mi gwötpuk malje.

⁶ Mi maljemö, mi töndup Anutu mohot yanñök nanini bemnini aka Iwinini akza. Yanñon yuai pakpak miwikñaii asuhuyök. Malmalnini yanngöra malbingöra aka al neñgii maljin. Mewöyök Kembu mohot Jisös Kraist malja. Yanñon Anutu bauköiga yuai pakpak miwikñaiyohot. Nini mewöyök bauköm neñgiiiga mal köhöimaznin.

⁷ Mewö möt narizinmö, ambazip körekñan mönö mötkutukutu mewöñi mi qahö memba malje. Mi qahöpmö, tosatñan mutuk tandö lopiongö waikñini memba möt köhöigeranngöra aka dölkewöñe mewöyök toroqeba nene tandö lopiongö naluk alalji mi nembin mewö miañön amqeba bemurup mi mötmöriba malje. Uruñinan lölöwöröñi aiga uruyahöt aka negetka uruñinan miañgöra tölöhomakza. ⁸ Tölöhömakzapmö, nenenöñ neñguangita Anutu kösutñe qahö al neñgimakza. Nene siñgi malbini, mewö geñmororon qahö miwikñaiabin. Nene memba malbini, qetbuñaninan mewö qahö qarima.

⁹ Mi töndup nene pakpak nembangö amqezei, enñon mönö jaubatbat lañ malbepuköra galöm mem anguba malme. Mewö malgetka tosatñan engeka uruñinan lölöwörö aka bölii et engubapuk. ¹⁰ Miañgö könani kewö: Göñön mötkutukutu ölnji memba mala amqeba tandö lopiongö jikenje anda tata nene nenöñga alagi

kunjan gehi kewö lömbörima: Uruñan lölöwöröñi aiga uruyahöt akzawi, yanñon mewö geke uruñan wahöri amqeba nene tandö lopiongö naluk alalji mi nembin et qebawak.

¹¹ Göhö mötkutukutugi ölnji miañön mönö nangi urumelen alagi kuñguiga uruyahöt qakñe lölöwöröñi akzawanngöra mönö amqeba memba et qebawak. Kraistnöñ yanngöra aka kömuyökmö, nene mi memba mewö et qeba ayuhuiga qahö dop kölma.

¹² Ayuhumapmö, urumelen alaurupñini mewö mem bölim enggiba uruñini lölöwöröñi mi qeba köndenja siñgisöndok ahakzei, mewö miañön mönö Kraist nanji qetala siñgisöndok ahakze. ¹³ Miañgöra nöñön nene kun nembiga miañön urumelen alani kölgorom wanngi-iga et qeba siñgisöndok akza ewö, nöñön mönö nalö kunöñ nene mi qahö toroqeba nemam. Nöñön alani jölöñgöba kölgorom wanngibilenbuköra kapan köla kinjal. Mewö.

Aposol denöwö akiga dop kölbawak?

9 Wani kösönöñ jöhöm niñgiiga solanji qahö akilenjak? Enñon kewöt niñgigetka aposol akzal me qahö? Kembunini Jisösñöñ asuhum niñgiiga ehal me qahö? Nöñön Kembugöreñ nanngöba nup membiga injini nup miañgö ölnji akze. ² Kembunöñ nanjak aposol nup niñgii yambuk kinda membiga injini uruñini melenja nöñgö mungem supapni akze. Miañgöra tosatñan kewöt niñgigetka aposol qahö akilenjak ewö, enñon mönö könanamni mewö möt yaköze. Mi mönö amqeba nanngöba jigetka dop kölma.

³ Ambazip tosatñan nöñgöra “Aposola qahö akza,” jiba tokoba andönöñ qeqe ak niñgimazkemö, nöñön mönö engöreñ kösohot jiba miañön nani könanamni nanngöba jimakzal. ⁴ Miañgöra könöp numbu nene neñgigetka neñakurupni yembuk memba memba malbinak, miañön mönö dopñe akawak. ⁵ Pitö, aposol tosatñi aka Kembu Jisösgö munurupñi yanñon anömurupñini mötnariñinambuha enñguangita mohotñe anda kamakze. Nöñön mewöyök miañgö dop akilenjak ewö, silik miañön mönö köna walöñda qötöñgat-pilenjak me qahö? Mi qahöpmahöp.

⁶ Silegö malmalñe injini ambazip ipñi nanngöm enñimazkemö, ni aka Barnabas qahö. Niri töwa qahö netkigetka öne malakzit. Mi mötketka dop kölja me qahö? Tosatñan urugö nup megetka töwa enñigetka silenjanngö nup qahö memazkemö, netköröhök mönö nanngönanngöniri nanirak miwikñaiabikö dop jize me? ⁷ Gawmangö yarö nup memakzei, yanngöreñök kunjan nanji malmalñi nanngöm anguba memakza me qahö? Wain nup kömörakzei, yanñon körek miañgö ölnji memba memakze me qahö? Mewöñanök bulmakau galöm kölakzei, yanñon körek miañgö juzu onji memakze me qahö?

⁸ Keu mi gölme ambazip nanine mötmötnöhök mötöteiba qahö jizal. Anutunöñ mewöyök mönö keu miyök Mosesgö Köna keunöñ jiza. ⁹ †Mosesgö Köna keunöñ Juda yanngö nup meme silikñini mi jim asariba

† 9.9 Dut 25.4; 1 Tim 5.18

kewö ohoget ahöza, “Wit padigö kötji aka kamböji kewötpingöra bulmakau aziñi wañgitketka padi kam-bu qakñe tiba tözözamgömakzawi, yañgö numbuñi mönö kude mözöpköme. Mewö gumohom wañgigetka ölop nene kitipñi neiga dop kölma.” Miangö dop ki-amnönjöröjañ memba sömbup meköi qeba nene kitipñi wañgiget neiga dop kölma. Anutunönj kiam bulmakau mienögöra waimañjat qahö möta mewö jiza. Mi qahö.

¹⁰ Sömbupköra qahöpmö, keu mi mönö neñgöra jii ahöza. Keu mi neñön kewö akingöra aka ohoget ahöza: Kionoñönj nup barözawañön mönö ölnji asuhumapkö jörömqöröm qakñe nupñi memakña. Mewöyök padi dudutnönj qeba ölnji aka kamböji kewötzawañön mönö bahöñi memba nemapkö al mamböta nupñi memakña. ¹¹ †Neñön urugö keu kötñi sutñine qesinj gila malinga eñön malmalgö nañgö-nañgö yuai qahö neñgigetka gamuñambuk akza. Nöñön mem ölöwak engibiga eñön miangö likepñi melenja miangö nañgigetka dopña akña.

¹² Tosatñan sutñine urugö nup megetka nañgöm engigetka dopña akza ewö, ni mönö dop mi ongita nañgöm niñgigetka dop kölma. Likepñi eñgiinga miangö likepñi neñgigetka dop kölbowakmö, nöñön miangö dop akñegöra qahö qesim engial. Kraistkö Ölöwak Buña keu sehimapkö könañi jöhöbinbuköra mönö yuai neñgimegöra qahö qesim eñgiin. Qahöpmö, naninahök mönö kapañ köla köhöiba lömböt pakpak bisiba malin.

¹³ ††Keu ki mönö mötmörime: Jöwöwöl jikenönj nup memakzei, yeñön mönö jike miangöreñök numbu neneñini memba nemakze. Jöwöwöl ohoba altagö könöpñi galöm kölmegöra kuñgum eñgigetka kinjei, yeñön ambazip nene nalukñini altagöreñ algetka nene miangö kitipñi tosatñi mi miangöreñök buña qem angumakze. ¹⁴ †Keu miangö dop Kembunönj mewöyök jim kutuba keu kewö jiyök, “Ölöwak Buña jim sehigetka ambazipnönj mötmei, yeñön mönö Ölöwak Buñañgö likepñi kötön naluk algetka malmalñinañgö nañgö-nañgöñini miwikñaiba malme.”

¹⁵ Nöñön ölop keu miangö dop mötmöriba urugö nup memba töwa niñgimegöra qesim engibileñakmö, kötön naluk almeañgö keu pakpak mi mönö mosöral. Moneñ almeañgö keu ohozali, mi eñön mewö ak niñgimegöra aka qahö ohozal. Töwa memamgö mötmöribi lömböriiga kömukömugö mötpiga amqeza. Nanañgöra mi keu omanñi qahöpmö, töwa qahö niñgimegö keunji mi mönö sileni möpöseiba jizal. Nöñgöreñ keu mi kunönj kun qeapkömamgö osiiga malmam.

¹⁶ Ölöwak Buña jim sehimakzali, miangöra sileni möpöseimamgö dop qahö akzal. Nöñön Anutugö jimkutukutu bapña mala mi jim sehimamgö dop akzal. Nup mi mönö mosötmamgö osizal. Ölöwak Buña qahö jim sehibileñak ewö, miangöra lömbötnönj qakne öngöiga neka pölkiz jimeañgö dop akileñak.

¹⁷ Nani sihimnañgö dop nup mi möwölöhöba mem-bileñak ewö, mönö ölop töwa niñgimegöra mamböt-pileñak. Mimö, Anutunönj kuñgum niñgiiga nani sihimni qahö mötöteiba Buñañi galöm kölakzal ewö, mi mönö Anutunönj möt narim niñgiba nupñi niñgii maljalañgö dop memakzal. ¹⁸ Mewö aiga wanatnönj mönö töwa ak niñgimakza? Ölöwak Buña jim sehiba mi söngörönj qahö ahakzali, mianñön mönö töwa ak niñgimakza. Anutunönj nupñañgö likepñi niñgimegöra jim kutui Buña Kimbinönj ahözawi, keu miangö dop töwagöra qahö kapañ kölakzal.

¹⁹ Ambazip kuññan kun qahö jöhöm niñgiiga ölop nani imbi-imbi malbileñakmö, mi töndup mönö nani memba et al anguba maljal. Ambazip köreñan uruñini melenjegöra kapañ kölakzal. Mewö akñegöra ambazip köre welenñini qeba maljalmö, sehisehiñi yeñön töndup Kraistkö buñaya qahö akñeañgö dop akze. ²⁰ Juda yeñön uruñini melenjegö bauköm eñgiba sutñine Juda tandök aka malal. Mosesgö Köna keu bapña maljeañön uruñini melenjegö bauköm eñgiba nanak Köna keu miangö bapña qahö mala töndup keu miangö gwaröñe maljal tandök aka sutñine malal.

²¹ Mosesgö Köna keu qahö möta maljeañön uruñini melenjegö bauköm eñgiba sutñine Köna keu qahö möta maljalañgö tandök aka malal. Nanak Anutugö Köna keugöra tönpin qahö maljalmö, Kraistkö Köna keu bapña anda mi tem kölakzal. Mi töndup yeñgö sutñine Anutugö Köna keu qahö mötmöt tandök aka malal. Ambazip sehisehiñan uruñini melenjegöra mewö aka malal.

²² Mötnaripnönj lölöwörönj maljeañön uruñini melenja köhöimegö bauköm eñgiba sutñine lölöwörönj tandök aka malal. Ambazip tosatñi wani awamñan köna inönj me wainönj uruñini melenjegö meköm eñgiba ambazip könañi könañi yeñgö sutñine tandök könañi könañi aka malal.

²³ Tandök pakpak mi Ölöwak Buñañönj sehimapköra aka ahakzal. Sehiiga kötumötuetañan nani qakne öngöi nanak mewöyök oyaenköyaen akñamgöra aka mewö ahakzal. ²⁴ Keu ki mönö mötmörime: Ösumtiti nalöñe körek yeñön luhut almegöra ösumñini qezaköba anakzemö, mohot kuññan mönö luhut ala töwa mema. Inñini mönö mohot miangö dop ösumñinan anda töwa memingöra kapañ köla malme. Mönö miangö dop mötnarip köl guliba malme.

²⁵ Ambazip mönahotnönj luhut albingö anakzei, yeñön mönö köreñan nanñini törörök galöm köl angubingö köl gulimakze. Yeñön kösatorom julkula gororöngömawi, miyök memingö kapañ kölakzemö, neñön ila jalö qahö ayapkömawi, mönö töwa mi memingö kapañ kölakzin. ²⁶ Miangöra nöñön ösumnan laññan an köl kam köl qahö anakzal. Böröni misiba bim laññan qahö qemakzalmö, aongit alaurupni luhut al engimamgöra mönö diññanök törörök qemakzal.

²⁷ Nöñön ambazip tosatñi Buña keunönj uruñini kuñguba malbi teköiga Anutunönj mönö andö nuñgui nanak ila jalönj qahö membileñbuk. Miangöra mönö

† 9.11 Rom 15.27 †† 9.13 Dut 18.1 ‡ 9.14 Mat 10.10; Luk 10.7

nani sileni mindingöba törörök köl guliba galöm kölakzal. Mewö.

Israel mutuk malgeri, yengören galöm meme keu

10 †O urumelen alaurupni, Israel nengö ambösakoninan Mosesgö andöñe kaba wuatangögetka yuai asuhuyöhi, mianggöra mönö gukmaulem malbepuk. Mianggöra Israel nengö konanini kewö suariba ohozal: Yeñön mönö körek kousu bapñe kaba mala Köwet Pisikñi kutugetka yengörenök kunñan kun qahö ayuhuyök. ² Anutunöñ o melunñi kousunöñ aka köwetnöñ aliga mi kutuba kaba körekñan urunini melenñda Mosesgö könagesöñi aket. ³ ††Mewö aka körek yeñön urugö nene miyöhök miwikñaiba nempa malget.

⁴ †Mewöyök körek yeñön urugö onji miyöhök miwikñaiba nempa malget. Urugö onji mi köt ketanji kunöñ enguatangöba konañine kayöhi, mönö miangörenök miwikñaiget. Köt ketanji mi Kraistkö söpsöpñi. ⁵ †Mewö malgetmö, mi töndup Anutunöñ könagesö ölnji mienggöra urusösöñgai qahö möta maliga gölme qararangkölkölñe ayuhugetka qamötñinan qeqlañlanñ ahöba gisahöget.

⁶ †Mewö asuhuyöhi, mi nanini kezapqetoknina akza. Anutunöñ mönö söpsöp mi nengöra aka aliga galöm meme keunina kewö akza: Yeñön urunini qahö galöm köla bölöñanggöra köpösöñgögeri, neñön mönö mianggö dop aka ayuhubinbuk. ⁷ ††Mewöyök Israel yengörenök tosatñan tandö lopionñ waikñini memba möpöseiba malgeri, eñön mönö mianggö dop aka malbepuk. Yengöra Buña Kimbinöñ keu kewö ohoget ahöza, "Könagesö yeñön nem söpsöñgai ala tokoba tatketka uruninan wahöriga mianggören melenñda kezapjupjup kewö ahök: Yeñön liñet gwawet unduba o köhöikñi nempa serowilin lanñ aket." Keu mewö ahöza.

⁸ ††Yengörenök tosatñan serowilin aketka Anutugö irimsesewölñanggöra aka ambazip 23.000 mianggö dop silim mohotkö urunje kömumba etket. Neñön mönö tosatñi mienggö dop serowilin akinbuk. ⁹ †Mewöyök Israel yengörenök tosatñan Kembu esapköm wangigetka mokolenñöñ engöhögetka kömuget. Neñön mönö tosatñi mienggö dop Kembu esapköm wangibinbuk. ¹⁰ ††Yengörenök tosatñan galömurupñini irikuruk jimonggot aka andö enguba malgetka mem ayuayuhu garatanöñ mönö engui kömuget. Neñön mönö tosatñi mienggö dop irikuruk jimonggot lanñ aka malbinbuk.

¹¹ Mewö asuhum engiyöhi, söpsöp keu mi mönö nanini kezapqetoknina akza. Gölmenöñ malmalgö nalö teteköñan kam kuñgum nengii maljini, kösohot mi mönö nengöra aka ohogetka galöm meme keunina akza. ¹² Mianggöra kin köhöimangö jizani, mönö et guhubapuköra galöm mem angguba malman.

¹³ Esapesap qakñine öngömakzei, mi gölme ambazip körek nengö qakñine öngömakze. Esapesap qainñi

† 10.1 Eks 13.21-22; 14.22-29 †† 10.3 Eks 16.35 † 10.4 Eks 17.6; Jan 20.11 †† 10.5 Jan 14.29-30 †† 10.6 Jan 11.4 ††† 10.7 Eks 32.6 ††† 10.8 Jan 25.1-18 § 10.9 Jan 21.5-6 †† 10.10 Jan 16.41-49

kun miwikñaibeak, mianggören ösumñinan qahö dop köljawanggöra etpeakmö, Anutunöñ keunji jöhöyöhanggö dop mi pöndañ wuatangöba ahakza. Yeñön esapesap Tonji anggören köliga esapesap ösumñini qahö dop kölmawanggö dop mi al engjimamgö osimakza. Mewögöra esapesap mötketka Anutunöñ ösumñi engiba mewö mianggören ölnöñ kölbanggö köna mewöyök mesat engii asuhumakza. Mianggöra eñön gölmegö esapesapñi mi ölöp kin köhöiba luhut almeanggö dop akze. Mewö.

Tandö lopiongö lömbuan aka Kembugö semön kömbukñi

¹⁴ Mianggöra wölböt alaurupni, tosatñan tandö lopionñ waikñini memba möpöseim engjimakzemö, eñön mi kök ala mosötme. ¹⁵ Nöñön mötmöt ambazip aködamunñinambuk akzeanggö dopkeu jimami, mi mönö nanñinak kewöta mianggö ölnji miwikñaime.

¹⁶ ††"Kembugö semön nene nembin," jiba kötumötuetkö qambigöra Anutu saiwap jiba köuluköba qambi mianggörenök nemakzinanggören mönö Kraistköreñ toroqeba sepñi nemakzin. Beret mindipköba mianggörenök nemakzinanggören mönö Kraistköreñ toroqeba busunji nemakzin. Mianggöra ölum engubapuk. ¹⁷ Körek neñön beret mohot mianggörenök nemakzin. Beret mi mohot akzawanggöra aka gwötpuk neñön mönö Kraistkö ölnji mohot akzin.

¹⁸ ††Injini mönö Israel könagesögö malmalñi mötmörime. Ambazip jöwöwöl ohomegöra nene algetka tosatñan mianggö kitipñi nemakzei, yeñön mönö altagören toroqeba nupñi Anutugöra memakze. ¹⁹ Keu mianggö konañi ölnji mi mönö denöwö jibileñak? Tandö lopionñ enggöra bau qegetka sepñi eri jöwöwöl ohomakzei, mianggören ölnjambuk akzawanggöra jiza me qahö? Tandö lopionñ mi ölnji akzeanggöra jiza me qahö? Keu mianggö konañi denöwö?

²⁰ ††Tandö lopionñ mi ölnji qahöpmö, urumelenngö kopa yeñön töndup jöwöwölñini ömewöröme yengöra ala ohomakze. Mi Anutugöra qahö. Nöñön injini ömewöröme yembuk toroqeba malbepuköra waimanjat mötzal. ²¹ Injini Kembugö qambinöhök aka ömewöröme yengö qambinöhök öröröñ nembangö osime. Mewöyök Kembugö nene dum aka ömewöröme yengören nene dum mi öröröñ toroqebingö osime. ²² ††Ahakmeme mewöñan mönö Kembugö urunji qei bölliiga irimñi seholimapköra mötzin me? Kukösumñinan mönö Kembu ongita öngöba maljin me?

Nanine imbi-imbi mosöta Kembu möpöseibin.

²³ ††Tosatñan kewö jimakze, "Nini ölöp nanine imbi-imbi yuai pakpak ahakzin." Keu mi ölnjapmö, ahakmeme pakpak mianggören mönö qahö bauköm neñgimakza. "Nini ölöp nanine imbi-imbi yuai pakpak ahakzin," mewö jimakzemö, ahakmeme pakpaknöñ mönö urunini qahö nanggöba mem köhöim nengji-

†† 10.16 Mat 26.26-28; Mak 14.22-24; Luk 22.19-20 †† 10.18 Lew 7.6 ††† 10.20 Dut 32.17 †† 10.22 Dut 32.21 †† 10.23 1 Kor 6.12

makza. ²⁴ Kunñan kun nanñanğörök mötmörība ölöwakñamğöra kapañ kölbapukmö, alaurupñan ölöwakñegöra kapañ köli dop kölma.

²⁵ Sömbup i me wai maketnön aka qeköm nene mire bohonñi memegöra alakzei, mi mönö uruyahöt mosöta nemakñe. Sömbupköra uruñinan tölöhobapukö qesiqesinji kun mönö kude akñe. Qahö! ²⁶ †Keu mianggö könañi mi Buña Kimbinön kewö ohoget ahöza, “Gölme aka yuai pakpak mianggören ahözawi, mi Kembugö buñaya akza.”

²⁷ Kun Kraist qahö möt narizawañön enggoholiga yañgören anbingö möta anda tatketka nene i me wai jeñine al engimej, mi mönö uruyahöt mosöta neme. Nenegöra uruñinan tölöhobapukö qesiqesinji mi mönö kude akñe. Qahö! ²⁸ Nanñinanğöra qahöpmö, “Nene ki mönö tandö lopioñ yañgö naluk alalñi akza,” kunön mewö jii mötme ewö, mi jiyöhi, yañgöra aka uruñan bölilapuköra mönö galöm mem anguba kude neme.

²⁹ Nangi urugan tölöhobapuköra qahö jizalmö, alagahö uruñan bölilapuköra mi jizal. Nönön nani imbi-imi yuai akiga alanañgö uruñan böliliga kewöt niñgiba Anutunön keuni jim teköba likepñi meleni niñgibapuk. Öne mewö menden anguinga jabö ahuiga qahö dop kölja. ³⁰ Nönön ambazip yembuk toroqeba tata nenenjanğöra “Anutu pipsaiwap!” jiba sömbup nemi, tosatñan mewö neka mianggöra andö nuñgugetka qahö dop kölma. Sömbupköra Anutu möpöseizali, mianggöra mönö keu töhören jim niñgigetka qahö dop kölja.

³¹ Mianggöra o me nene nemei aka i me wai akñei, mi pakpak mönö Anutugö qetbuñanñan sehimapköra aka ahakñe. ³² Yuai kun kude aketka kungö uruñan mianggöra böliliga mötnaripñan söroraua etpapuk. Juda me kantri tosatñanğö ambazip me Anutugö könagesö miengö sutñine kungö uruñan mönö engöra aka bölilapuk. ³³ Nönön mewöyök yuai pakpak ahakzali, mianggören mönö ambazip körek pakpak uruñinan ölöwakñapköra kapañ köla maljal. Nanök ölöwakñamğöra qahö kinjalmö, ambazip sehisehiñan ölöwakñegöra jaram tibiga kunbuk letota Suepkö buñaya akñegöra kapañ kölakzal. Mewö.

11 †Nönön Kraistkö silik ewö ahakzali, mianggö dop enjön mönö nonggö silikni wuatangöba malme. Mewö.

Ambi enjön mönö nöröpñini esuhuba Kembu möpöseime.

² Nönön yuai pakpak ahakzali, inñini mianggören mötmörim niñgimakzeañgöra saiwap jim engizal. Inñini kusum engialañgö dopkeuni tem köla wuatangömakzei, mianggöra mönö möpöseim engizal. ³ Nönön inñini keu ki möt kutumegöra mötzal: Kraistnön azi körek neñgö bohonini akza. Azinön ambigö bohonñi akza aiga Anutunön Kraistkö bohonñi akza. ⁴ Mianggöra azi inñini mönö duhuñini qeköba köuluköba Anutugö keu jigetka dop kölja. Azi körekñan nöröpñini turuba köuluközei me Anutugö kezapqetok keu jim asarizej,

† 10.26 Sum 24.1†† 11.1 1 Kor 4.16; Fil 3.17

Anutunön mönö yañgö mötmötñinanğöra möri gamuñambuk aiga nanñini memba et al angumakze.

⁵ Mewömö, ambi kunñan nöröpñi qahö esuhuba qenjarök totokonön köuluközawi me Anutugö kezapqetok keu jim asarizawi, yañön mönö apñi nöröpñi akzawi, mi gamu qeba nanñi memba et alja. Mewö aka nöröp jupñi körek mitigetka aukñe öne maljawañgö dop akza. ⁶ Ambinön nöröpñi qahö esuhuza ewö, yañön mönö nöröp jupñi mewöyök jiiga mitigetka dop kölja. Mi dop köljapmö, ambinön nöröp jupñi jiiga mitigetka gamuñambuk akapuk. Mianggöra mönö nöröpñi esuhuba mali dop kölja. ⁷ †Ambinön apñanğö aködamunñi akzäpmö, azinön Anutugö imutñi aka aködamunñi akza. Mianggöra azinön mönö nöröpñi kude esuhui dop kölma.

⁸ †Mi kewögöra: Mutuhök azinön ambinöhök qahö asuhuyökmö, ambinön azigörenğök asuhuyök. ⁹ Anutunön azi mi ambigöra qahöpmö, ambi mi azigöra miwikñaiiga malje. ¹⁰ Könañi mianggöra aka ambinön mönö kukösum bapñe malmalgö aiwesökñi mi nöröpñi esuhuba maliga dop kölja. Mewö aiga Suep garata yañön gödaqeqegö silik ölopñi ehakze.

¹¹ Mewö dop köljapmö, Kembubuk qekötahöba malinga ambinön mönö azigö keunji qahö onğita nanñi imbi-imi lañ kude malma. Azinön mewöyök ambigö keunji qahö onğita nanñi imbi-imi lañ kude malma. ¹² Ambinön azigö sihitñeyök asuhuiga mianggö dop azinön mewöyök ambigö körö uruñeyök asuhuba maljinmö, öröyuai pakpak könañi mi Anutu.

¹³ Mianggöra ambinön nöröpñi qahö esuhuba Anutu köuluköiga dop kölja me qahö? Keu mi mönö nanñinak kewöta jöhöme. ¹⁴ Anutunön ambazip miwikñaim neñgiba gölmenön mohotñe malmal arengöyöhi, areñ mi eka kewöta silik kewönji mönö möt asarizin me qahö? Azinön nöröp jupñi qahö mitiiga köriza ewö, miangön mönö gamu qem wañgiza.

¹⁵ Anutunön ambigö nöröp jupñi köröpñi mi esuñi akñapköra wañgii malja. Mianggöra ambinön nöröp jupñi qahö mitiiga köriza ewö, miangön mönö aködamunñi ak wañgiza. ¹⁶ Kunön keu mianggöra goranora akñamgö mötza ewö, nönön mianggöra keu mohokkun kewö jimam: Anutugö könagesönji könagesönji Anutu möpöseibingö tokomakzei, yañön mönö nembuk urumohot aka silik miyöhök wuatangöba silik tosatñi tökömakze. Mewö.

Kembugö semön törönji nemegö silikñi

Mat 26.26-29; Mak 14.22-25; Luk 22.14-20

¹⁷ Inñini urumelen totokonön tokoba mianggören qahö ölöwahakzemö, mönö toroqeba bölilölimakze. Mianggöra qahö möpöseim engizalmö, areñ ala jim kutum engizal. ¹⁸ Keu mutukñi kun kezapne gei kewö möral, “Inñini urumelen könagesögö totokonön tokomakzei, mianggören mönö sutñine angururuk ahakze.” Keu mi jiget möta bahöñanök ölñi akzawi, mewö möt narizal.

‡ 11.7 Jen 1.26-27†† 11.8 Jen 2.18-23

¹⁹ Sutņine denđa kambu morömorö aketka Anutunöŋ engehiga denike enön mötnaripkö esapesapnön kin köhöize aka denike enön qahö dop köljei, keu mianjön mönö aukņe asuhumakza. Mianğöra uruyahöt qahö mötzal. ²⁰ Urumelenj totokonönj tokomakzei, mianğörej mönö Kembugö semön törönj nemingö silikņi qahö wuatangömakze.

²¹ Mi kewögöra jizal: Semön törönj nemakzei, mianğörej örörönj qahöpmö, nanņök nanņök nenenjini memba könahiba laņ neget teköiga tosatņan toroqeba wösönjini aliga tosatņan o köhöikņi gwötpuk namba enjololoņ akze. ²² Ahöahö mirinjini ahöm engiza me qahö? Mianğörej ölop nene aka o neme. Anutugö urumelenj könagesö jijiwilit ak engibingö mötze me ambazip wanapņi nenenjini qahö mi memba et al engibingö mötze me? Mianğöra nönjön iņini möpöseim engimamgöra mötze me? Mewö qahöpmahöpmö, denöwö jim engibileņak?

²³ Kembunöŋ keu niņgiyöhi, nönjön mönö enjön mewöyök mi mötmegöra kewö jimam: Kembu Jisös mamalolo mem wangigetka sunğem mianğörej beret meyök. ²⁴ Mi memba kötuetaköba saiwap jiba mindipköba kewö jiyök, "Ki nani busuna. Mi engöra aka tököm engizal. Mi namba mönö ni mötmörim niņgiba malme." ²⁵ †Mewö jiiga neget teköiga mewöņanök qambi memba kewö jiyök, "Qambi ki mönö jöhöjöhö dölöknj akza. Nönğö sepni kianjön mönö Anutugö jöhöjöhönjini mem köhöii ahöma. Mi nemakņeangö dop mönö ni mötmörim niņgiba malme."

²⁶ Beret aka qambi mianğörejök nemakņei, mianğörej mönö nalö dop Kembunöŋ kömuyöhi, mianğö buņanjini mem asariba mal öngögetka liliņgöba kaiga teköma. ²⁷ Mianğöra kunņan beret me Kembugö qambi mianğörejök iwilele qakņe nezawi, yaņjön mönö Kembugö busunjini aka sepņi memba et ala siņgisöndokņambuk akza. ²⁸ Mianğöra ambazip neņjön nanini uruninangö könanjini kewötagun mönö beret aka qambi mianğörejök neinga dop kölma.

²⁹ Kunņan Kembugö busunjini aka sepņi qahö göda qeba nene töhön ewö laņ nezawi, Kembunöŋ mönö yangö keuņi jim teköiga lömböt qakņe öngöma. ³⁰ Laņ namba malgerangöra aka ambazip sehisehiņan mönö sutņine löwöriba kawöl miwikņaigetka gwötpukņan lök nönj qeba kömuget.

³¹ Kömugetmö, nanini urunini kewötpinak ewö, Anutunöŋ mönö keunini kewöta jim teköiga lömböt qahö miwikņabin. ³² Mi qahö miwikņabinmö, Kembunöŋ keunini kewöta jim teköba mewö mönö nalö kewöņe mindiņgöm neņgimakza. Könanğep jim teköm neņgiiga ambazip urunjini qahö melenğeri, yembuk örörönj könöp sianöŋ gebinbuköra mönö mindiņgöm neņgimakza.

³³ Mianğöra urumelenj alaurupni, nene nemegöra tokomakņei, mianğörej mönö nanņinangöra mamböt anguba örörönj nemakņe. ³⁴ Kunöŋ wösönjini alja ewö, yaņjön mönö nanņe mire nenenjini nema. Tokoba laņ negetka Anutunöŋ engeka keuņini jim teköi lömböt

† 11.25 Eks 24.6-8; Jer 31.31-34

miwikņabepuköra mi jizal. Keu tosatņi engörej kamami, nalö mianğörej jim kutum engimam. Mewö.

Nup memegö mötmöt kalem mianğö könanjini

12 O urumelenj alaurupni, nönjön Uņa Törönğö mötmöt kalemņi kalemņi mianğö keugöra gukmaulem malbepuköra mötzal. ² Urumelenğö kopa malğeri, nalö mianğörej inöŋ me wainöŋ enguangiri-ga tandö lopioņ omanjini waikņini memba möpöseiba malget. Mewö me mewö jaņjuņ anda laņ malğeri, mi ölop mötze.

³ Mianğöra iņini keu ki mötmegöra jizal: Anutugö Uņanjan kun sölölohöiga "Jisös qesuahözal," keu mi qahö jiza. Mewöyök Uņa Törönjan azi me ambi kun qahö sölölohöm wangiza ewö, yaņjön mönö "Jisösnöŋ Kembu ak niņgiza," keu mi jimamgö osiza.

⁴ ††Nup memegö mötmöt kalemņi mi könanjini könanjini akzemö, Uņa Törönjan mönö mohot akza. ⁵ Urumelenj könagesö welen qem engibingöra nup könanjini könanjini memakzinmö, Kembunöŋ mönö mohot akza. ⁶ Welen qem engibingöra Anutunöŋ kukösümņi körek neņğöra mendenjini neņgiiga amqeba köhöiba nup meinga ölnjini könanjini könanjini asuhumakza. Ölnjini pakpak mi Anutugörejök kamakzapmö, Anutunöŋ mönö mohot akza.

⁷ Uņa Törönjan könagesö urunini naņğöi köhöibingöra möta nup memegö mötmöt kalemņi indeliga ölnjan mönö mohot mohot neņğörej kewö me kewö asuhumakza: ⁸ Uņa Törönjan kungö uruņe geba Anutu nam köliga mötkutukutu keu jijigö kalemņi wangiza. Uņa mohot mianjönök mönö kun sölölohöiga mötmöt qainņi kun möt yaközawaņğö kalemņi buņa qem anguza.

⁹ Kunöŋ Uņa mohot mi qekötahöba mötnaripkö kalemņi buņa qem anguza. Toroqeba kunöŋ Uņa Törönjini miyöhök qekötahöba mem ölö-ölowakö kalemņi kalemņi buņa qem anguza.

¹⁰ Kungöra angöletot memegö ösumņi wangiza. Kungöra Anutugö kezapqetok keu jijigö kalemņi wangiza. Kungöra uņa aka öme mendenjini kalemņi wangiiiga uņa ölopņan me ömewörome kunöŋ sölölohöiga maljawi, mi ölop kewörakza. Kungöra keuņi keuņi qainņi kun jijigö kalemņi wangiza. Toroqeba kunöŋ keu qainņi kun jiiga kungöra mi melenğmapkö kalemņi wangiza. ¹¹ Nup memegö mötmöt kalem pakpak mi Uņa Törönjini mohot mianjönök mönö sölölohöba möri dop köljawaņğö dop mendenjini körek neņjön nanņök nanņök buņa qem anguba maljin. Mewö.

Kraistkö ölnjini mohotmö, kitipurupņi gwötpuk.

¹² ‡Silenini mohot akzapmö, töndup mianğö uruņe sililegö kitipurupņi mi gwötpuk akze. Kitipņi pakpak mi gwötpuk akzemö, töndup mi mindiriba sile mohot akze. Kraistkö ölnjan mewöyök mönö mianğö dop akza. ¹³ Mianğö könanjini kewö: Uņa mohotnönj mönö

†† 12.4 Rom 12.6-8 ‡ 12.12 Rom 12.4-5

körek nini sölölohöba melun mem nenngiiga Kraistkö ölni mohot akzin. Nini Juda me kantri tosatnangö toni maljini, nanini nupnini memakzini me tonini öne welen qem engimazini, mi töndup körek nini mönö Uña miyök buña qem anginga urunine geiga möt wan-gizin.

¹⁴ Sileninan mönö sile kitipni mohotkö dop qahö akzapmö, miangö uruñe kitipurupni mi gwötpuk akze.

¹⁵ Könaninan kewö jibawak, "Ni böröya qahö. Mi-anğöra sile qahö toroqeba maljal." Mewö jibawak ewö, miangöra mönö töndup sile mosöta nanjök qahö malbawak. ¹⁶ Kezapninan kewö jibawak, "Ni jeya qahö. Miangöra sile qahö toroqeba maljal." Mewö jibawak ewö, miangöra mönö töndup sile mosöta nanjök qahö malbawak.

¹⁷ Sileninan jömuk je akawak ewö, keu mötmötkö kezapninan mönö denike tatpawak? Mewöyök jö-muknanök kezap akawak, mewö wöron mötmötkö söngörönanan mönö denike tatpawak?

¹⁸ Nanjök nanjök qahöpmö, Anutunöñ sile kitip mohot mohot mi arengöba möri dop köljawangö dop mindirim engiiga sile mohot akze. ¹⁹ Sile kitip pakpak mi kitip mohot akeak ewö, mönö denöwö sile mohot akawak? ²⁰ Mewö qahöpmö, sile kitipnini mi gwötpukmö, silenön mönö mohok akza.

²¹ Miangöra jenön börögöra kewö jimamgö osiza, "Ni göhöra qahö osizal." Mewöyök nöroñnön könagöra "Ni göhöra qahö osizal," mewö jimamgö osiza. ²² Sim-bisembel qahöpmö, sile kitipnini möringa lölöwörönj akzei, mieñön qahöwaketka jebuk malbingö osibin. ²³ Sile kitipnini möringa qetbuñanini eretñi akzei, mi mönö esuhuinga qetbuñaninambuk akze. Sile kitipnini möringa gamuñinambuk akzei, mi mönö törörök esuhuinga ambazip jeñine dop kölja.

²⁴ Sile kitipnini aukñe kondelbingö gamu qahö mötzi-ni, mi mönö qahö esuhuinga dop kölja. Mewö ahakzin-mö, Anutunöñ sile kitipni kitipni mindiriba jöhöm engi-ba kitipni omani mi qetbuña ketani wanngiiga örörönj akze. ²⁵ Sile kitip yeñön sutñine jula anğururuk akepuk-mö, tandök mohot köyan kölj anğumegöra mönö arengöiga örörönj akze. ²⁶ Sile kitip kunñan sihimbölo mötzawi, tosatñi pakpak mönö yambuk sihimbölo mörakze. Sile kitip kunön qetbuña miwikñazawi, tosatñi pakpak mönö yambuk söngaimakze.

²⁷ Eñön Kraistkö ölni akze aka mohot mohot eñön mönö yangö ölnangö sile kitipni akze. ²⁸ †Miangö dop Anutunöñ al engiiga urumelen könagesögö nup kewö memakze: Mutuk tosatñi kuñgum engiiga melaimelai azi aposol akze. Miangö andöñe kambu yahötñi kuñgum engiiga kezapqetok ambazip akze. Kambu karöbutñi yeñön böhi qaqazu akze. Miangö andöñe tosatñan anğöletot meme ambazip akze. Tosatñi yeñgöra mötmöt kalem engiiga kawölñi kawölñi mem ölöwahakze. Tosatñan amqeba köhöiba tosatñi al-abauk ak engimakze. Tosatñi yeñgöra kalem engiiga galömkölköl nup memakze. Tosatñan keu qainñi kun jimakze.

† 12.28 Ef 4.11

²⁹ Körek eñön mönö melaimelai azi aposol qahö akze. Saumbañ! Körek eñön mönö kezapqetok ambazip qahö akze. Körek eñön böhi qaqazu akze me qahö? Körek eñön anğöletot meme ambazip akze me qahö?

³⁰ Kawöl mem ölöwakingö mötmöt kalemni kalemni mi körek engöreñ ahöza me qahö? Körek eñön mönö keu qainñi kun qahö jimakze. Qahö. Keuñi keuñi qainñi kun jigetka eñön mönö körek mi melenbingö amqeze me qahö? ³¹ Eñön mönö nup memegö mötmöt kalemni kalemni ölop sorokñi mi buña qem anğubingöra awöweñgömakñe. Mewö awöweñgögetka nöñön köna qetpuk sorokñi kondela miangö mötmöt kalemni mi kewö jim asarimam:

Jöpaköm anğuangugö kalemni

13 Nöñön ambazip aka Suep garata yeñgö keuñi keuñi qainñi kun miangö keu jiba malbilenjak-mö, urukalemnan qahö asuhuza, mönö töndup kewö akilenjak: Gon qegetka gonqon qeri anğötömualñi mörakzini me göjön (biret) uturukögetka kinqororon qerakzawi, mönö miangö dop akilenjak.

² ††Kezapqetok keu jijigö mötmöt kalemni ahöm niñgiiga keu asa-asambötñi pakpak mötpilenjak aka keu pakpakö könanj möt yaköbilenjak, miangö mönö dopñe akza me qahö? Mi töndup urukalemnanğö ölnan qahö asuhuiga mewö mönö yuai omananök aka öne töhön malbilenjak. Mötnarip köhöikñi kötökñi miwikñai ba miangö qakñe kundunangö Tonji jim kutubi-ga ölop tem köla kundun qeköba kungen albawakmö, urukalemni qahö asuhuza, mewö töndup mönö yuai omananök aka öne töhön malbilenjak.

³ Sukinapni pakpak ambazip wanapñi yeñgöra menden engibilenjak aka sileni tosatñan ohoget jemapköra tököm engibilenjakmö, urukalemnanğö ölnan qahö asuhuza ewö, miangö mönö qahö kötökñi bauköm niñgima.

⁴ Kunñan alanj uruñan jöpaközawi, yanön mönö urukönöñj qahöpmö, urubönjñ qakñe ala ak wanngimakza. Körogisigisi qahö möta yuainangöra qahö köpösöngömakza. Silenji qahö mem wahöta jakbak-öranböran qahö malja. ⁵ Ahakmemenjan alanangö uruñi qahö mem bölimakza. Nanñi ölöwakñamgörök qahö kapan kölakza. Uruqe qe ak wanngigetka urukönöp zilañ qahö ahakza. Mem bölim wanngigetka sihimbölo mörohi, mi qahö mötmöriba mosörakza.

⁶ Tosatñan bölöñi akzei, miangöra qahö söngaizap-mö, keu ölni wuatangömakzei, mönö yembuk mohotñe söngaimakza. ⁷ Nalö dop alanj sel jöhöba qöhörönje kin köhöiba möt narim wanngimakza. Mewö me mewö asuhuiga Anutugö jörömqöröm aka al mamböta awösamkakak kind a sihimbölo pakpak möta mökösoñgömakza.

⁸ Urukalem ahakmeme mi nalö teteköñi qahö ahöm öngöma. Kezapqetok keu jiba keuñi keuñi qainñi kun jimakzei, miangö qahöwakña aka mötmöt qainñi kun miangö mönö mewöyök omani ak teköma. ⁹ Mötmöt

†† 13.2 Mat 17.20; 21.21; Mak 11.23

qainji kun mi bahösapsap möt yakömakzin aka kezapqetok keu mi bahösapsap jimakzin. ¹⁰ Bahösapsap ahakzinmö, Anutugö kalemji kalemji aködamunji-nambuk asuhumei, nalö miangöreñ bahösapsap malmalninan mönö qahöwahiga oyaenkyoaen siyonsay-onji qahö malbin.

¹¹ Nöñön namande malali, nalö miangöreñ namande keu jiba malal. Urumötmötnan namande aiga miangö dopkeu kewöta mötmöriba malal. Azi ketanji aka miangöreñ namandegöreñ ahakmeme mi mosöta andö qeal. ¹² Miangö dop nalö kewöñe Anutugö aködamunji mi ölop qahö ehakzin. Mi piliknön uba ehekö tandök ek bibihiba tandökñi törörök qahö möta öne mötmörimakzin. Mewö mötmörimakzinmö, könangep Anutubuk mesohol köl anguba ek soroköbin. Nalö kewöñe mötmöt qainji kun mi bahösapsap möt yaközalmö, nalö miangöreñ mi mönö körek möt yaköwam tekömam. Anutunön ni möt kömum niñgizawi, nöñön miangö dop yanggö könangamji möt kömum tekömam.

¹³ Keu ki jim köhöizin: Kalem karöbut mötnarip, jörömqröm aka urukalem mi köhöiba ahöm öñgömemö, urukalem ahakmeme miangön mönö sutjine öñgöñgöñi akza. Mewö.

Kezapqetok keu aka keu qainji kun jijigö kalemji

14 Urukalemgö könani mönö wuatangöba malme aka nup memegö mötmöt kalem könani könani mi mönö buña qem angubingö kapañ köla malme. Miangön ölopö, kezapqetok keu jijigö kalemji memb-ingöra mönö köhöiba kapañ köla malme. ² Kunön keu qainji kun jizawañön mönö ambazip neñgöra qahöpmö, mönö Anutugörök mi jimakza. Uña Töröñan sölölohöiga keu asa-asambötñi asuhui jimakzawangöra tosatñi neñön keu mi qahö möt asarim wangimakin. Mönö nanñanök bauköm angumakza.

³ Tönpin maljinmö, kezapqetok keu jimakzawañön mönö ambazip urunini mem köhöiba nangöba urukölalep ak neñgimangöra aka keu jimakza.

⁴ Kunñan keu qainji kun jiba miangön mönö nanñi urunji möhamgöba köhököhöi miwikñaimakzapmö, kezapqetok keu jimakzawañön mönö urumelenj könagesö pakpak urunini möhamgöba mem köhöim neñgimakza.

⁵ Injini körekñan keu qainji kun jimegöra mötzalmö, kezapqetok keu jimegöra mönö kapañ köla gwötpuk mötzal. Kezapqetok keu jimakzawañön mönö keu qainji kun jimakzawi, mi ongitza. Keu qainji kun jiba mi miangöreñök nanine keunön melenjawu, mewö mönö örörön akzahot. Mewö aiga keunñan mönö urumelenj könagesö urunini möhamgöba mem köhöim neñgiiga dop kölja.

⁶ O urumelenj alaurupni, nöñön engöreñ kaba keunji keunji qainji kun jibilenjak, mewö mönö denöwö mem ölöwak engjibilenjak? Mewö qahöpmö, Anutugöreñ keu indelmam me mötmöt qainji kun engimam me kezapqetok keu jimam me goro kusum engimam ewö, miangön mönö mem ölöwak engimam.

⁷ Awölop me gita kulele me yuai kunön liñetkö imbiñi miwikñaimakzini, miengön mönö malmalñini qahöpmö, könani mönö mewöñanök kewö ahöza: Kunñan awölop lañ uba me gita kulele lañ qeiga miangön qetjni ni nanñök nanñök qahö miwikñaimakza ewö, liñetkö imbiñi mönö denöwö möt asaribinak? ⁸ Mewöyök tömun um böligetka qetñi törörök qahö möt asarizin ewö, dañön mönö bim qeqegöra jöjöröbawak?

⁹ Engö könaniñan mewöñanök ahöza: Nesilamñinan ambazip qahö möt asarimeangö dopkeu lañ jize ewö, kunñan keu mewöñi mönö denöwö möt asaribawak? Keu mewö jizei, miangön mönö öne lañ luhutnön anakza. ¹⁰ Gölmenji gölmenji miangöreñ keu murutñi murutñi dawik jimakzini, mi dañön mötpawakmö, töndup körek miengön mönö keugö könani möt asarib-ingöra aka ahöze.

¹¹ Könani miangöra aka jimakzinmö, kunön keu jiiga keunangö könani qahö mötzal ewö, nöñön yanggö keunangö kiani akza. ¹² Engö könaniñan mewöñanök ahöza: Injini nup memegö mötmöt kalemji kalemji buña qem angubingö awöweñgögetka dop kölja. Miangöreñ mönö kalem kewöñi mendingöra kapañ köla malme: Mötmöt kalem urumelenj könagesö urunini möhamgöba mem köhöimakzei, mönö mi buña qem anguba nupnön algetka qetpuk akña.

¹³ Miangöra keu qainji kun jimakzawañön mönö kewö köuluköiga dop kölma, "O Anutu, keu jizali, mi melenjamgö mötmöt kalemji niñgiman." ¹⁴ Miangö könani kewö: Nöñön keu qainji kun jiba köuluközal ewö, nöñgö uñanan keuyök jiba köuluközapmö, urumötmötnan mönö ölnji kun qahö miwikñaija.

¹⁵ Miangöra mönö denöwö akiga dop kölma? Nöñön mönö uñananöhök qahöpmö, urumötmötni mewöyök miangöreñ ala köulukömakñam. Liñet köla möpöseimakzali, mi uñananöhök qahöpmö, urumötmötni mönö mewöyök miangöreñ ala kölakñam. ¹⁶ Gi Anutu uñagan möpöseim wangizan ewö, ambazip omani kunñan totokonine kaba tata möpöseizanañgö könani qahö möt kutumawi, yañön mönö "Keu mi ölnja," mi denöwö jibawak? Wania jizani, yañön mi qahö möt asariba öne tönpin tatza. ¹⁷ Gi ölop Anutu möpöseizanamö, keugan tosatñi yengö urunini qahö möhamgöba mem köhöim enggiza.

¹⁸ Nöñön körek injini engonggita keunji keunji qainji kun mi gwötpuk jimakzali, miangöra Anutu möpöseizal. ¹⁹ Anutu möpöseizalmö, urumelenj könagesö uruñe ambazip kusum engimangöra kapañ köla möt asarimegöra keu jitñi 5 jimangö mötppi ölnji akza. Keunji keunji qainji kunön keu jitñi 10.000 nanangörök jimangö mötppi eretñi akza.

²⁰ Urumelenj alaurupni, injini keu kewöta mötmörimakzei, miangöreñ mönö namande tandök mosöta ambazip ketanji yengö dop mötmöriba malme. Bölonji akin jigetka miangöreñ mönö morösepsap ewö aka osimemö, mötkutukutunjan mönö ambazip ketanji

aka malme. ²¹ †Mosesgö Köna keunöŋ keu kun kewö ohoget ahöza,

“Nöŋön kian ambazip kuŋgum eŋgibiga könagesö kieŋgöreŋ kaba jitŋinan keu tandökŋi kun jigetka laŋ welipkömakŋemö, mi töndup nöŋgö keuni qahö mötme. Kembu nöŋön mewö jizal.”

²² Keu miangö dopkeu qainŋi kun jiinga uruŋini qahö melenget yeŋön mötketka Anutugö aiwesökŋi ak eŋgizapmö, mötnarip ambazip neŋgöra mianŋön mönö aiwesökŋi kun qahö akza. Mi qahöpmö, kezapqetok keu jiinga mianŋön mötnarip ambazip neŋgöra Anutugö aiwesökŋi akza. Urumelenŋö kopa yeŋön mi mötketka Anutugö aiwesökŋi kun qahö ak eŋgiza.

²³ Urumelenŋö könagesö eŋön tokoba körek eŋön keuŋi keuŋi qainŋi kun miangöreŋ jigetka tosatŋan Buŋa keu qahö kusum eŋgigetka uruŋini qahö melenŋö ōne miangöreŋ öŋgömei, yeŋön mönö auruba kewö jibeak me qahö, “Nöröŋŋinan mönö sohoi kahalalom akze.”

²⁴ Mewö jibeakmö, körek eŋön kezapqetok keuŋi keuŋi jigetka kunŋan Buŋa keu qahö kusum waŋgigetka mötnaripŋi qahö ōne totokoŋine öŋgöma ewö, körek eŋön mönö siŋgisöndokŋi indela uruŋi qahö melenŋöhaŋgö keuŋi jim tekögetka könaŋamŋi möt kutuiga aukŋe asuhuma. ²⁵ Uruŋaŋgö keu tölapŋi tölapŋi aukŋe asuhuiga yaŋön mönö dapköba eta Anutu waikŋi memba möpöseiba kewö jim miwikŋaiba qetma, “Anutunöŋ ölna eŋgö sutŋine malja.” Mewö.

Urumelenŋö totokogö areŋi kewö:

²⁶ O urumelenŋö alaurupni, mewögöra nini mönö denöwö jiinga dop kölma? Iŋini Buŋa keugö tokomakŋei, miangöreŋ mohot mohot eŋön mönö körek areŋini kun me kun mi kewö ahakŋe: Kunöŋ Buŋa liŋetkö areŋi aliga kunöŋ Buŋa keu kusum eŋgiiga kunöŋ Anutugö goro dölökŋi indeliga kunöŋ keu qainŋi kun jiiga kunöŋ mi melenŋma. Areŋi pakpak mi mönö urumelenŋö könagesö urunini kuŋguget köhöib- iŋgöra aka ahakŋe.

²⁷ Tosatŋan keu qainŋi kun jime ewö, ambazip 4 qahöpmö, yahöt me karöbut yeŋönök mönö totoko mohotkö uruŋe mewö jime. Yeŋönök mönö areŋinaŋgö dop awataŋ jigetka kunŋan mi melenŋma.

²⁸ Kunŋan keu melenŋmamgö dop qahö akza ewö, yeŋön mönö urumelenŋö könagesögö totokonöŋ keu bök tata nanŋinaŋgörök keuŋini qainŋi kun jigetka Anutunöŋ mötma. ²⁹ Kezapqetok ambazip yeŋgöreŋök yahöt me karöbut yeŋgörök mönö areŋi eŋgigetka keu jigetka tosatŋan mönö keuŋini kewötme.

³⁰ Mewö akŋemö, kunŋan totokonöŋ tariga Anutunöŋ goro keu uruŋe indeli mötza ewö, yaŋön mönö mi jiiga kezapqetok keu mutuk jizawaŋön keuŋi mosöta bök tatma. ³¹ Ambazip körekŋan Anutugö goronŋi mötketka uruŋini naŋgöi ölöwakŋegöra iŋini mönö körek pakpak ölop nalöŋini memba areŋinaŋgö dop kezapqetok keu jime. ³² Kezapqetok ambazip yeŋön

mönö ölop uruŋini galöm kölgetka uruŋinan keu bapŋe anjeaŋgö dop akze.

³³ Anutunöŋ kizik-kazuk Tonŋi qahöpmö, luai Tonŋi akza. Miangöra totokoŋini mönö areŋnöŋ uatanaŋgöba ahakŋe. Ambazip sarakŋi yeŋgö sutŋine könagesö dop ahakŋei, iŋini mewöyök mönö miangö dop kewö ahakŋe: ³⁴ Ambi eŋön mönö urumelenŋö könagesögö totokoŋine keu bök tatme. Yeŋön keu jimeaŋgö dop qahö akzemö, Köna keu ahözawaŋgö dop mönö keu bapŋe anda malme.

³⁵ Ambinöŋ urumelenŋö könagesögö keu jim kutuba kusum eŋgiiga qahö dop kölja. Miangöra keu kungö könaŋi mötŋingö mötze ewö, yeŋön mönö miriŋine anda tata nanŋini apurupŋini qesim eŋgime.

³⁶ Anutugöreŋ Buŋa keu mianŋön mönö eŋgö sutŋineyök ahuyök me qahö? Keu mianŋön ahuba sehiba mala eŋgöreŋ kaba eŋgö buŋayök akza me qahö?

³⁷ Kunöŋ kewö jibawak, “Nöŋön kezapqetok keu jibiga Uŋa Töröŋan sölölohöm niŋgiiga keu miambuk urumohot qahö akzal.” Mewö jizawaŋön mönö keu ki möt yaköma: Nöŋön ambigöra keu ohom eŋgizali, mianŋön mönö Kembugö jöjöpäŋ keu akza. ³⁸ Kunŋan keu miangö kezap qahö ala silebile malja ewö, iŋini mönö azi yangö keugö kude kezap al waŋgiba malme.

³⁹ Miangöra urumelenŋö alaurupni, iŋini mönö kezapqetok keu jibingöra awöweŋgöba malme aka keu qainŋi kun jimegö soŋonŋi mi kude alme. ⁴⁰ Mi kude almemo, yuai pakpak mönö törörök areŋi ala wuataŋgöba ahakŋe. Mewö.

Kraistnöŋ kömupnöhök wahörök.

15 O urumelenŋö alaurupni, nöŋön Ölöwak Buŋa jim asarim eŋgiali, mi ölum eŋgubapuköra mönö köl gulim eŋgimam. Iŋini mi buŋa qem aŋguba mötnaripŋini miangöreŋ ala töndangöba kinje. ² Nöŋön Ölöwak Buŋa jim asarim eŋgiali, iŋini mi miangö dop töp memba aŋgön kölme ewö, mianŋön mönö mem letot eŋgiiga Suepkö buŋaya akŋe. Mewö qahö akŋe ewö, uruŋini mönö ōne töhön melenŋda malje.

³ †Nöŋön keu tosatŋi pakpak göraŋe ala nanak Buŋa keu möt aŋgön kölali, mi mötŋi öŋgöiga miangö keu köŋŋi mötmegöra mi kewö eŋgial: Kraistnöŋ mönö Buŋa Kimbi ahözawaŋgö dop neŋgö siŋgisöndokni- naŋgöra aka kömuyök. ⁴ †Kömuiga Buŋa Kimbi ahözawaŋgö dop löm kölgetka sömaŋi karöbut aiga kömupnöhök wahörök. ⁵ †Kömupnöhök wahöta Pitögöreŋ asuhuyök aka miangö andöŋe gwarekurupŋi 12 yeŋgöreŋ asuhuyök.

⁶ Miangö andöŋe nalö mohot miangöreŋök urumelenŋö alaurupnini qötöŋini 500 oŋgiröhi, mönö yeŋgöreŋ asuhuyök. Yeŋgöreŋök ambazip ölni yeŋön toroqeba nalö kewöŋe mewöyök maljemö, tosatŋan lök kömuget. ⁷ Miangö andöŋe munŋi Jeimsgöreŋ asuhuyök aka miangö andöŋe aposol pakpak yeŋgöreŋ asuhuyök.

†† 15.3 Ais 53.5-12 † 15.4 Sum 16.8-10; Mat 12.40; Apo 2.24-32 †† 15.5 Mat 28.16-17; Mak 16.14; Luk 24.34, 36; Jon 20.19

⁸ †Mienjören körek asuhubagun qöndökni mönö nönjören mewöyök asuhuyök. Nönjön aposol mi asai ewö öröpköba alunji asuhuyal. ⁹ ††Miangö könanji kewö: Nönjön aposol yengö sutjine mötpti eriga dagibezupjini akzal. Anutugö urumelenj könagesö sesewerowero ak enggiba malali, miangöra nönjö qetni aposol qetketka mötpti gamuñambuk akza.

¹⁰ Gamuñambuk akzapmö, nalö kewöje yuai akzali, mi mönö Anutugö kalem möriamñan mem letota nam köl niñgiiga maljal. Yañon kalem möriamñi niñgiiga liklak qahö akiga eta qeba omanji qahö ahökmö, nönjön mönö aposol körek luhut al enggiba köhöiba nup memba malal. Mi nanak qahöpmö, Anutugö kalem möriamñan mönö inahöm niñgiiga nupnañgö ölnji mewö asuhuba sehiyök.

¹¹ Nönjön meali me yengön megetka ölnji asuhuyöhi, mi muat. Neñon mönö Ölöwak Buña keu mewö jim asarimakzin aka injini miangö dop uruñini melenja Kraist möt nariba malje. Mewö.

Nini kömupnöhök denöwö guliba wahötpin?

¹² Mötket! Kraistnönj guliba kömupnöhök wahöröhi, yangö könanji mewö jim asarimakzin ewö, engjörenök tosatñan mönö denöwö aka kewö jimakze, “Kömukömunji yengön qahö guliba wahötme.” ¹³ Mewö jimakzemö, kömukömunji yengön qahö guliba wahötpeak ewö, Kraistnönj mönö mewöyök qahö guliba mal köhöibawak. ¹⁴ Anutunönj Kraist qahö mem gulii kömupnöhök wahötpawak ewö, nini Buña keunji mi jim asarimakzini mi omanji akawak. Mi möt narigetka miangön mewöyök pömsöm qeba omanji akawak.

¹⁵ Anutunönj ölnja kömukömunji qahö mem gulim engii wahötpeak ewö, Kraistnönj mönö mewöyök qahö mem gulii wahötpawak. Nini mi töndup Anutugö könanji kewö nañgöba jimakzin, “Anutunönj mönö Kraist mem gulii kömupnöhök wahörök.” Keu mi ölnji qahö akawak, ambazipnönj mönö miangöra aka könanjamni miwikñaigetka munenji aiga ölop nönjöra kewö jibeak, “Anutugö könanji mönö nañgöba jim sohomakza.” Keu miangön mönö gamuñamñuk akawak. ¹⁶ Anutunönj kömukömunji qahö mem gulim engii wahötme ewö, Kraistnönj mönö mewöñanök qahö guliba wahötpawak.

¹⁷ Anutunönj Kraist qahö mem gulii wahötpawak ewö, injini mönö öne töhöntöhön möt narim wañgiba toroqeba singgisöndokñinañgö kösögwarönönj malbeak.

¹⁸ Mewö aiga alaurupninan Kraistpuk qekötahöba kömugeri, yengön mönö mewöyök sohoba könöp siagö buñaya akeak. ¹⁹ Nini Kraist jörömqöröm ak wañgiba gölmenönj malbinañgö dop galöm köl neñgii miangörenj tekömapköra mambötzin ewö, nini mönö ambazip tosatñi pakpak engonggita bapñine geba öngöpñi dabönji malinga körekñan wösö mötmöt ak neñgim�akzeangö dop akinak.

²⁰ Mewö akinakmö, Kraistnönj mönö ölnja guliba kömukömunji yengö jittje memenini aka kömupnöhök wahörök. ²¹ Miangö könanji kewö: Azinönj kömup kon-

doriga asuhui könahiba kömumba mala korin. Kömumba maljinañgöra aka azi kunñan kömumba guliba malmal köhöikñi kondoriga asuhuyök. Miangöra nini körekñan mönö mewöyök guliba kömupnöhök wahötpin. ²² Körek neñon Adam ewö aka kömumbini, mewöñanök Kraistpuk qekötahözini, Anutunönj nini körek mal köhöibingöra mem gulim neñgima.

²³ Mem gulim neñgimapmö, körek neñon mönö Anutunönj nalö alöhañgö dop guliba wahötpin. Kraistnönj jittjememenini aka guliiga miangö andöje yangö buñanji akzini, neñon lilingöba kaiga nalö miangörenj guliba wahötpin. ²⁴ Kraistnönj mönö lilingöba kaba ömewöröme pakpak gölme dop ösum-mumu qakñe galöm kölakzei, miangö kukñini memba et ala ösumñini körek köndenja. Mi köndenja bemtohoñi Anutu Iwigö böröñe aliga gölmenönj malmal miangörenj teköma.

²⁵ †Kraistnönj galöm köla mal öngöiga Anutunönj Buña keu ahözawañgö dop “mönö kerökurupñi körek luhut ala nanñi köna bapñe al enggima.” Kraistkö galömkölköl nupñan mönö miangörenj teköma.

²⁶ Kerökurupñi luhut al enggiiga miangörenj kömup Tonjan mönö qöndökñi aiga memba et al wañgima.

²⁷ ††Miangö könanji mi Buña Kimbinönj kewö ahöza, “Anutunönj mönö yuai pakpak yangö köna bapñe ali ahöza.” Keu mewö ahözapmö, “Yuai pakpak ali ahöza,” keu mewö jiiga könanji mönö aukñe kewö ahöza: Anutunönj yuai pakpak Kraistkö bapñe ali ahöiga nanñi mönö qahö memba eta Kraistkö bapñe al anguyök.

²⁸ Mewö qahöpmö, Anutunönj yuai pakpak Nahönnañgö bapñe aliga galöm köla kerökurupñi pakpak nanñi kukösumnañgö bapñe al enggima. Mi teköiga miangörenj Anutunönj mönö Nahönñi mewöyök nanñi kukösumnañgö bapñe ala galöm köl wañgima. Mewö aka Anutunönj yuai pakpakö Kembunji ak teköba mal öngöma.

²⁹ Keu kun kewö: Ambazip tosatñan uruñini qahö melenja öne kömugerañgöra tosatñan kömukömunji mi bauköm engimegöra jiba salupñini aketka dumñe kunbuk o melun mem engimakze. Kömukömunji yengön qahö guliba wahötpeak ewö, yengö nup ölnjan mönö denöwö asuhubawak? Anutunönj kömugeri, mi qahöpmahöp mem gulim engii wahötpeak ewö, ambazip mewöñan mönö denöwögöra aka jigetka yengö salupñine o melun mem engimakze? Nupñini mi mönö öne membepuk.

³⁰ Kömumba qahö wahötpinak ewö, neñon mewöyök mönö urunini Anutugö nupnönj qahö ala jöhöbinak. Anutugö nupköra aka kömumbinbukö lömböt bapñe sundan qahö anda malbinak. Qahö.

³¹ Kömupnönj mönö nalö dop gwahöt ninggimamgö dop akza. Keu mi ölnja. O urumelenj alaurupni, nönjön Kraist Jisös Kembunini yambuk kinda engöra aka sileni memba öngömakzali, miangö dopkeu ölnji mi aukñe jibi mötmegöra mötzal.

³² ††Nani imbi-imbi wuatangöba nup ki memamgö mötmörize ewö, yuai kianñon mönö denöwö bauköm

ningima? Mewö qesim engbiga mi mönö mötmöriba melenje: Nöñön Efesus siti kiangöreñ ambazip ubibi kanjamñinambuk ewö miwikñaiba kômumbilenbuköra yembuk auba malal. Mönö tötböröm aka auba malal. Kômumbagun qahö guliba wahötpini, mewö mönö qahö aubilenjak. Qahö! Mewö aiga ölop tosatñi yembuk kewö jibilenjak, "Uran kômumbinangöra mönö ölop nene sösongai ala o köhöikñi nempa malbin."

³³ Janjuñ kude akña. "Ambazip bölöñi yembuk köisirik tatketka ahakmeme ölopñan bölöma." Keu kun mewö ahöza. ³⁴ Engö sutñine tosatñan Anutu qahö möt wañgizei, miangöra gamuñini mötmegöra mi jizal. Miangöra mönö gukmaulemñini mosötme. Imbiñinan letoriga törörök möta siñgisöndok kude toroqeba ahakña. Mewö.

Sileninan guliba wahöta tandökñi kun akña.

³⁵ Kunöñ kewö qesibawak, "Anutunöñ kömukömuñi mi denöwö mem gulim engii wahötme? Sileninan mönö tandök denöwö melenjiga asuhume?" ³⁶ Mewö qesibawak, mönö uruqahö keuya jibawak. Injini sehoñ kötni qahö kömuiga öne qesin gilme ewö, miangön mönö qahö jula wahötma. ³⁷ Kötnangö ipñi wahötmaw, mi qahö kömöztanmö, kötnanök qesin giljan. Wit me sehoñ kötni me kötni tosatñi gilakzan.

³⁸ Miyök gilakzanmö, Anutunöñ mönö sihimñangö dop ipñi wañgima. Kötni tandökñi nanñök nanñök mi nanñini ipñi engimakza.

³⁹ Yuai busuñini mi tandökñini mohot qahö. Ambazip busuñini nanñök, sömbup busuñini nanñök, nei busuñini nanñök aka söra busuñini mi nanñök.

⁴⁰ Miangö dop Suepnöñ malmalgö sile mi nanñök akza aka gölmenöñ malmalgö sile mi nanñök akza. Nanñök nanñök akzahötmö, Suep silegö aködamunñi mi gölme silegö aködamunñi oñgita qainñi kun akza.

⁴¹ Wehöngö asakmararañi mi nanñök, köiñgö asakmararañi nanñök aka señgelau miengö asakmararañi mi nanñök. Señgelau asarigetka tosatñi miengö asakmararañini mi señgelau tosatñi miengö asakmararañini oñgirakza.

⁴² Guliba kömupnöñök wahötpini, miangö könañan mönö miangö dop ahöza. Sile löm kölbini, miangön gisahöba qahöwakñapmö, Anutunöñ mi mem gulii wahötmaw, miangön mönö qahö kömuma. ⁴³ Sile löm kölbini, miangön lölöwöröñi aködamunñi qahö akzapmö, Anutunöñ mi mem gulii wahöta miangöreñ mönö köhöikñi aka asakmararañambuk akña.

⁴⁴ Sile löm kölbini, miangön gölmenöñ malmalgö sileya akzapmö, Anutunöñ mi mem gulii wahöta miangöreñ mönö uña mire malmalgö sileya akña. Gölmegö sile ahöza ewö, miangö dop uñagö silenji mi mewöyök ahöza. ⁴⁵ †Miangö keuñi mi Buña Kimbinöñ mewöyök kewö ohoget ahöza, "Azi mutukñi Adam yañön letota uñañi miwikñaiba söñgöörö ösumñi öroba malmalñambuk ahök." Keu mi möringa likepñi kewö asuhuyök: Adam qöndökñan mönö memguliguligö uñañi ahök. ⁴⁶ Uñagö yuainji mi mutuk qahö asuhuyök-

mö, gölmegö yuainji miangön mönö mutukñi akza.

Uñagö yuainjan mönö miangö andöñe asuhuyök.

⁴⁷ Anutunöñ azi mutukñi sömsömnöhök miwikñaiga gölme azia asuhuyök. Azi könañepñi yañön mönö Suepnöhök eta sutnine asuhuyök. ⁴⁸ Gölmegö ambazipnöñ azi gölmenöhök asuhuyöhi, mönö yangö dop akze. Suepkö buña akzinañön azi Suepnöhök eta asuhuyöhi, mönö yangö dop akzin. ⁴⁹ Nini gölme azi mutukñangö kaisoñgolomñi memba maljini, miangö dop Suep azigö kaisoñgolomñi mi mewöyök memba malbin. Mewö.

⁵⁰ O urumelen alaurupni, nöñön keu kewö jibi mötme: Sep busuninan mönö Anutugö bemtohoñ uruñe añgota dum memegö dop qahö. Mi osimahot. Sile kiangön gisahöba qahöwakñawi, miangön mönö oy-aenköyaen qahö akña. Suepkö dum qahö ayapkö-maw, sile kiangön mönö mi memamgö osima.

⁵¹ ††Mötket! Nöñön keu tölapñi kun kewö indelmam: Körek neñön mönö qahö nöñ qeba kömumbin. Qahöpmö, kömukömuñi yañön letotketka tosatñi neñön mönö sileninambuk letotpin. ⁵² Anutunöñ kömukömuñi mem gulim engiiga tömun qainñi kun qöndökñan qeriga miangöreñ wahötketka neñön bilik-sik aliga wölañök letotpin. Mutuk kömugeri, yañön mönö kunbuk qahö kömume.

⁵³ Sep busu ki gisahöba qahöwakñawi, miangön mönö letota qahö ayapkömawañgö dop akña. Sile ki kömumaw, Anutunöñ mi mönö opo ewö qeköba miangö salupñe sile qahö kömumaw, mi nengii memba maluku ewö löngötpin.

⁵⁴ †Mewö akzapmö, letotletot mi ak teköiga silenini qainñi kun meinga qahö kömumba gisahömwaw, nalö miangöreñ mönö söñgaibin. Buña Kimbinöñ keu ohoget ahözaw, miangön mönö ölhambuk aiga miangö dop kewö jime, "Yañön mönö kömup Torji köndengda luhut aliga köirañ aljin."

⁵⁵ †Keu miangö alañi kun kewö, "O kömup Torji, göñön mönö luhut almanangö dop qahö. O kömup Torji, göhöreñ lingip jitñi miangön mönö nengöhö-mamgö osima."

⁵⁶ Keu mewö ahözapmö, kömupkö lingip jitñi mi siñgisöndok ahakmeme. Jöjöpañ keuñan mönö siñgisöndok akinbukö soñgo aliga töndup ahinga kukñambuk ahakza. ⁵⁷ Kukñambuk ahakzapmö, Kembunini Jisös Kraistnöñ mönö Anutugöreñ bohon köliga alabauknini aiga yangöra aka luhut ala malbin. Miangöra "Anutu saiwap!" jizal.

⁵⁸ O wölböt alaurupni, luhut albinangöra enñön mönö kin köhöiba anañbanañ mosöta uruñini kude öngöba eta ahakña. Kembangöreñ qekötahöba nupñi megetka ölhän mönö eta omanji qahö akña. Mi möt yaköba Kembangö nupñi mi mönö urukönöp †† qakña böñ qeba pöndañ memba malme. Mewö.

†† 15.51 1 Tes 4.15-17 † 15.54 Ais 25.8 †† 15.55 Hos 13.14
 †† Urukönöp mi Kembangöreñ ölopñangöra jiza. Urukönöp bölöñi mi qahö.

Jerusalem alabauk engimegö jimkutukutunji

16 †Judia könagesö sarakñi yeḡgöra alabauk mon-eḡ tokomegöra qesim niḡgigeri, miangöra kewö jim kutum engizal: Nöñön Galesia prowinsgö urumelenḡ könagesöñi könagesöñi jim kutum engiali, eḡñön tok mönö miangö dop kewö ahakñe:

² Sonda dop wehön mutukñi miangörej inini körek nanñök nanñök mönö naluk alakñe. Töhötmöräm memakzeangö dop moneḡini bahöñi mi köweḡini göranje ala galöm köla malme. Mewö aketka nalö engörej kabiga miangörej naluk sangabaḡa almeangö dop qahö akñemö, mi ölop köweḡineyök memba altanöḡ alme.

³ Mewö aketka engörej kamami, nöñön nalö miangörej ölop jim-asa-asari kimbi ohoba azi nup miangö mötket dop köljawi, mönö yeḡgö böröḡine ala melaim engibiga mindimindiri kalemñini mi memba Jerusalem anme. ⁴ Nöñön yembuk mohotñe anmamgö anmam ewö, yeḡñön mönö ölop nömbuk toroqeba mohotñe köwet kutuba anbin. Mewö.

Polgö nupḡangö aka köna anangö arenji

⁵ †Nöñön Masedonia prowins oḡgita anmam. Miangöra Masedonia mosötagun mönö engörej kamamgö mötzal. ⁶ Engörej kaba nalö tosatñi embuk tatpileḡak me kömunjaḡ kie nalöñi (winter) mi mewöyök engö sutñine toroqeba mal teköbilenḡak. Mewö malbi ölop bauköm niḡgigetka denike denike anbilēḡak, miangörej mönö amqeba köna toroqeba anmam. ⁷ Nalö kewöñe engörej kaba kusukñanök engēka engoḡgita anmamgö qahö mötzalmö, Kembunöḡ oḡ jima ewö, mönö nalö tosatñi embuk tammamgö jöjörözal.

⁸ †Mewö jöjörözalmö, mutuk Efesus siti kiangörej toroqeba malbi yambu jeḡiqeḡe dölokñi (pentekost) miangön kam kuḡguma. ⁹ Anutunöḡ nöḡgöra nupkö naḡḡuñi ketañi öroi ölop nup ketañi membi ölnji asuhum sehimakzapmö, gwötpukñan tuarenjoḡ ak niḡgimakze. Miangöra kiangörej toroqeba malmamgö mötzal.

¹⁰ †Timotinöḡ ni ewö Kembugö azi ipñi aka nupñi memba malja. Miangöra yaḡñön engörej kama ewö, inini mönö köyan köl waḡgigetka keḡgöt mötmötñi qahö engö sutñine malma. ¹¹ Kunñan kun kude ek sirik kölmapmö, embuk mal teköba nöḡgörej kamamgö jimawı, miangörej mönö bauköm waḡgigetka luainöḡ engömosöta lilingöba kama. Nöñön urumelenḡ alaurup yembuk i ekingö mambötzin.

† 16.1 Rom 15.25-26 †† 16.5 Apo 19.21 † 16.8 Lew 23.15-21; Dut 16.9-11 †† 16.8 Apo 19.8-10 †† 16.10 1 Kor 4.17

¹² Urumelenḡ alanini Apolos yaḡgö keuñi kewö jimam: Yaḡñön urumelenḡ alaurup yembuk engörej kamegöra jiba köhöikñanök uru kuḡgum waḡgial. Mi waḡgialmö, nalö kewöñe engörej kamamgö tököm köhöiza. Könaḡḡep nalöñi ölop ahöm waḡgimawı, mönö miangörej kama. Mewö.

Yaizözkök keu teteköñi

¹³ Inini mönö uruguliguli mala mötnariḡñini köl guliba kin köhöiba malme. Azi köhöikñangö dop mönö urugö naḡḡonaḡgö ambazip aka Kembugö kukösumḡambuk kinme. ¹⁴ Yuai pakpak aka memei, mi mönö urukalemnöḡ aketka asuhuma.

¹⁵ †Stefanas yaḡgö mire maljei, inini mi möt engize. Akaia prowinsnöḡ nup meinga uruñini melerḡgetka nupniangö ölnji mutukñi mewö asuhuyöhi, mötze. Yeḡñön ambazip sarakñi mi pöndaḡ welen qem engiba uruñini miangörej jöhöba ala maljei, mi mötze. O urumelenḡ alaurupni, nöñön uruñini kewö kuḡgum engizal: ¹⁶ Inini tok ambazip mewöñi aka yembuk toroqeba nup mohotñe memba Anutu welenñi qemakzei, mönö körek yeḡgö keuñini bapñe anda malme.

¹⁷ Nöñön Stefanus Fortunatus aka Akaikus ki kangergöra söḡgaimakzal. Inini nömbuk Efesus ki qahö malgetka yeḡñön mönö engö salupñini aka köisirik ak niḡgigetka dop kölja. ¹⁸ Yeḡñön engö uḡañini köro-ölöwak qeba maljei, miangö dop mönö nöḡgö uḡani mewöyök köro-ölöwak qem niḡgiba malget. Miangöra inini mönö azi mewöñi yeḡgöra mötket öḡgöiga mi aukñeyök jiba keuñinaḡgöra törorök kezap ala malme.

¹⁹ †Urumelenḡ könagesöñi könagesöñi Eisia prowins kiangörej maljei, yeḡñön mönö yaizözkökñini algetka engörej kaza. Aqila Prisila aka urumelenḡ könagesö yetkö mire tokomakzei, yeḡñön mönö Kembugö qetñe yaizözkökñini gwötpuk algetka engörej kaza.

²⁰ Urumelenḡ alaurup pakpak Efesus ki maljei, yeḡñön mönö yaizözkökñini algetka engörej kaza. Inini mönö urumelenḡ alaurupñini yembuk jölöñini jiba aḡguma numbuñini yöhötim namba malme.

²¹ Nani yaizözkökni engörej ala qetni nani börönan kewö ohozal: Pol.

²² Kunñan Kembu qahö jöpaköba urukalem qahö aka malja ewö, Kembunöḡ mönö qesuakñi yaḡgö qakñe ali öḡgöma. Kembunini, gi mönö kanöḡ!

²³ Kembu Jisösgö kalem möriamñan mönö embuk ahöma.

²⁴ Kraist Jisösbuk qekötahöba kinjei, nöḡgö urujöpaknan mönö körek embuk ahöba kötuatköm engii malme. Keu mi ölnja. Mewö.

‡† 16.15 1 Kor 1.16 ‡† 16.19 Apo 18.2

2 Korint

Jim-asa-asari

Pol aka Korint urumelen könagesö yeñon urumohot ölopñi qahö aketka nalö miangören Polnön Masedonia mala kimbiñi ki ohoyök. Tosatñan Pol tuarenjoñ köhöikñi ak wañgigetmö, Polnön tondup anjururuk memba et ala yembuk urumohot akingö kapan kölok. Anjururukñini tekömapkö urusösöngaini kondel engiyök.

Kimbi bahöñi mutukñi (Boñ 1-7) miangören Polnön Korint urumelen könagesö yembuk jöhöjöhö ahöhañgö keunji jiza. Könañi denöwögöra urumelen könagesö mi köhöikñanök jim engiyök? Mewö aiga uruñini melenña urumohot akeri, miangö sösöngaini kondela jim asariza.

Kimbi bahöñi 2 (Boñ 8-9) miangören Judia urumelen könagesö bauköm engiba naluk engimegöra kuñgum engiza.

Kimbi bahöñi 3 (Boñ 10-13) miangö keunji kewö: Böhi takapulakanñi tosatan nanñini qetñini 'Aposol ölnj' jiba Polgöra aposol munenji jigetka Polnön keu miangö likepñi melen engiyök.

Buk kiangö bahöñi bohonji 5 mi kewö:

Jim-asa-asari keu

Pol aka Korint urumelen könagesö

Judia urumelen kambu yengöra naluk alme

Polnön aposol ölnj akzawañgö kukösumñi

Keu teteköñi

¹ †Anutunön sihimñangö dop Pol ni kuñgum niñgi-iga Kraist Jisösgö melaimelai azi aposol akzal. Nöñon urumelen alanini Timotibuk tatzit. Korint sit-inön Anutugö urumelen könagesö maljei aka ambazip sarakñi pakpak Akaia prowinsñini dop köla maljei, netkön embuk Buña keu eraum mötpingöra kaba kimbi ki ohozit.

² Anutu Iwinini aka Kembu Jisös Kraist yetkön mönö kalem möriam engiyohotka luainön malme.

Polnön Anutu urukölalepñangöra möpöseiza.

³ Nini Kembunini Jisös Kraistkö Anutu Iwinji möpöseimakzin. Yañon mönö ak-kömukömu Tonji aka urukölalep pakpak nengimazawañgö Anutunji akza.

⁴ Nini kahasililij könañi könañi miwikñaimakzini, nalö miangören Anutunön uruqesawölim nengimakza. Uruqesawölim nengii möta miangö qakñe kininga tosatan kahasililij könañi könañi miwikñaimakzei, mi mönö ölop amqeba uruqesawölim engimakin. ⁵ Miangö könañi kewö: Kraistpuk qekötahöinga yañgö sihimbölnan qaknine öngöi kelenmaleleñ mörakzinmö, miangö dop uruqesawölim mewöñanök nengii Kraist qekötahöinga urukölalepñan urunine geiga kelenmaleleñ mörakzin.

⁶ Neñon köñjilij uruñe maljin ewö, Anutunön mönö inñini uru qesawölim engii uruñini kunbuk melenña oy-

aenköyaen akñegöra mötza. Anutunön uru qesawölim nengiiiga enñon mi eka nanñinak uru qesawölim miwikñaima. Uru qesawölim nengimazawañgö ölnan mönö uruñine kewö asuhumakza: Nini sihimbölo möringa enñon tok sihimbölo miyöhök miwikñaima ewö, mi mönö ölop möta mökösoñda kin köhöiba malme. ⁷ Sihimbölnön qakñine öngöi mörakzei, uru kölalepnön mönö mewöñanök qakñine öngöi malje, mötzin. Mi möta miangöra enñon kin köhöimegöra mamböta jörömqöröm köhöikñi ahakzin.

⁸ ††O urumelen alaurupni, nini Eisia prowins uruñe nup memba mala nupkö sihimbölo möta kahasililij miwikñaima mörini, inñini miangöra gukmalem malbepuköra mötzin. Nupkö lömbötñan ösumnini ongita öngöngöñi aka mulumgöm nengiiiga kin köhöibingö osiinnmö, tondup kapan kölinga mem et al nengiiiga malin. Mewö asuhuiga toroqeba malbin me qahöwi, miangöra mewöyök tötböröm aka malin.

⁹ Mewö mala uruninan kewö mötmöriin: Kunön kömumbingö keunji lök jim teköi keu miangön qaknine öngöi ayuhubingö mambörin. Nanini ösumnön nariba malbinbukmö, Anutu kukösum qakñe nariba malbingöra aka mewö asuhuyök. Anutunön kömukömuñi mem gulim engii wahötmei, yañon mönö amqeba nini mewöyök bauköm nengimakña.

† 1.1 Apo 18.1

†† 1.8 1 Kor 15.32

¹⁰ Kômumbinbukö kenjëgöt mötmöt öngöngöñi ahinmö, Anutunöñ mönö miangöreñök meköm nenjiyök. Meköm nenjiyök aka toroqeba meköm nenjimakña. Nini jörömqörömnini Anutugöreñ ala mewö möt narim wañgiba kinjin. ¹¹ Inini mewöyök bauköm nenji-ba nenjöra aka köulukögetka meköm nenjimakña. Gwötpukñan nenjöra aka köulukögetka Anutunöñ möta miangö likepñi melenñi kalem möriamñan dop köl nenji nenjehorimakña. Mewö meköm nenjiiga alaurup gwötpukñan mi möta nenjöra aka mindiriba möpöseigetka köirañ köulukñinan öngöba Anutugö kezapñe gemakña. Miangöra mönö toroqeba nönjöra aka Anutu köulukömakña. Mewö qesizal.

Polnöñ köna anangö areñi uteköyök.

¹² Tosatñi inini nönjö könañamnanjöra uruyahöt akzei, miangöra keu kewö jimam: Anutunöñ solañi malbingö mörakzawi, nenñon miangö dop gölmeñi gölmeñi liliköba miangöreñ ahakmeme sarakñi mi pöndañ wuatangöba malin. Engö sutñine mi mönö kapañ köla törörök wuatangöba malin. Mi gölme ambazip mötkutukutuninangö dop qahöpmö, Anutugö kalem möriamñan inahöm nenjiyöhangö dop mi aka memba malin. Anutunöñ ahakmemeni mi eka nangöba "Dop kölja," jiiga urukezapnan keu mi mörakzal aiga miangöra silenini memba öngömazin.

¹³ Kulem ohomakzali, miangö keuñi pakpak mönö ölop oyonja möt asarimeangö dop akza. Keuni mi geñmoñi qahö. Keu könañi asa-asambötñi kun qahö ohomakzal. Mi aukñeyök ahöza. Miangöra nönjö kö-nani mi körek möt asarim tekömegöra möta jörömqöröm akzal. ¹⁴ Nönjö könañi mi lök bahösap-sap kewö möt asarize: Kembunini Jisösnöñ kunbuk kamawi, nönñon mönö nalö miangöreñ engöra aka sileni memba öngömam. Miangö dop inini mewöyök ölop nönjöra aka silenini möpöseigetka dop kölma. Inini nönjö könañi mewö möt asarim tekömegöra mötzal.

¹⁵ Nönñon keu miangö qakñe awösamkakak kinanangöra aka mutuk engöreñ kaba engekñamgö areñi alal. Indimñi yahöt engekiga kötumötuet mötmegöra aka köna anmamgö areñi kewö albi ahöyök: ¹⁶ †Masedonia prowinsnöñ anmamgö könanöñ mutuk inini engeka toroqeba Masedonia anda lilingöba kunbuk engöreñ kamamgö jial. Kaba malbi yuai tosatñi bauköm niñgiba melaim niñgigetka engömosöta Judia prowinsnöñ anmamgö möral.

¹⁷ Areñni mewö albi ahöyökmö, mi uteköyal. Mewö aka an köl kam köl qakñe möndöba lañ qahö ahal. Nani areñni mi gölme ambazipkö dop nanangöra lañ mötmöriba qahö ahal. Mewö kude mötmörime. Numbu ösum mohot miangönök "On, ölop kamam!" aka "Qahö kamam!" keu yahöt mi mindiriba qahö jial. Mönö ahakmeme sarakñi wuatangömakzal.

¹⁸ Anutunöñ keu jiba miangö dop pöndañ ahakzawi, nenñon mönö yangö jeñe kewö jim köhöizin: Nenñon nalö kunöñ "On, mi ölop akin," jim jöhöba miangö

andöñe "Mi qahö akin," pötagororöñ keu mewö melenqelen qahö jiba malin.

¹⁹ ††Anutu Nahönñangö könañi kewö: Nönñon Sailas aka Timoti yetpuk engö sutñine Kraist Jisösgö könañi jim asariba malinga yanñon "Anutugö jitñi tem kölmam!" aka "Qahö tem kölmam!" keu jöl yahötyahötkö qakñe melenqelenja qahö kaba malökmö, Anutugöra keu jiba jöhöyöhi, miangöra mönö "On!" jiba miangö dop aka memba malök.

²⁰ Anutunöñ jöhöjöhö keu (promis) sehisehiñi dawik nenjiyöhi, qötöñini qahö mötzinmö, Kraistnöñ keu körek miangöra "On!" jiba mem köhöiiga pöwöwöm ahöza. Miangöra Kraistnöñ mewöyök nam köl nenji keu miangö ölninan asuhui möta "Keu mi ölna," jibin. Mewö ahinga Anutugö qetbuñanñan sehimakña.

²¹ Anutu nanjak mönö nini aka inini mohot mem köhöim nenjiiga Kraistpuk qekötahöba kin köhöibin. Yanñon mönö Buña keu jim sehibingöra aka bedu mem nenji maljin. ²² Anutunöñ urunine Uña Töröñi mekö-tahöiga yanñon oyaenköyaen malbingö keuñi nangöba jim köhöimakza. Anutunöñ mewö aka buñanñi akzinangö muñgem supañi mi mekötahöm nenjiyök.

²³ Nönñon tembula lömböt engibilenbuköra möta zilañ Korint engöreñ qahö lilingöba kayal. Mewö jiba Anutugö qetñi qetpi ölop keuni mi nangöba jima. ²⁴ Silik denöwö aka Anutu möt narimakzei, miangöreñ kembu ak engimamgö qahö mötzal. Mötnariñinan lök töndangöm engiiga kin köhöimakze. Miangöra sösongai qakñe malmegöra bauköm engimamgö möta embuk mohotñe urugö nup memakin. Mewö.

2 Mutuk engöreñ kaba siksauk akerangöra jim engibiga gamuñini möta wösöbirik aket. Miangöra engöreñ kabiga kunbuk mewö akepuköra möta urunan keu jöhöba köna anangö areñni uteköyal. ² Miangö könañi kewö: Gamu qem engibi wösöbirik akeak ewö, dañon ölop uruni qesawölim niñgiiga kunbuk sösongai miwikñaibilenjak? Janjuninangöra aka jim engibi wösöbirik akeak ewö, tosatñan sösongai ak niñgibingö osigetka nanak mewöyök wösöbirik aka malbilenbuk. Miangöra zilañ kaba gamu qem engimamgö töközal.

³ Kimbi köhöikñi mi könañi kewögöra ohoba alal: Nönñon söngaibiga körek enñon mönö nömbuk söngaime. Nönñon inini körek mewö uruyahötñi qahö möt narim engizal. Nönñon tosatñi engöra sösongai miwikñaimamgö mötzalmö, kabiga könañamñini sohoi lañ malgetka engeka wösöbirik akilenbuk. ⁴ Wösöbirik akñegöra kimbi mi qahö ohoyalmö, önöñi qahö uru jöpaköm engimamkzali, inini miangö könañi möt yakömegöra mönö keu köhöikñi mi kimbinöñ ohoyal. Urunan engöra aka waimanjat ketanñi möta köñjilij qakñe tata imbilnan eriga ohoyal. Mewö.

Kunñan köna ongiröhi, yangö siñgisöndokñi mönö mosötme.

⁵ Kunöñ siñgisöndok aiga gamu aka wösöbirik asuhuyöhi, miangön mönö nönjö qakñeyök qahöpmö,

† 1.16 Apo 19.21

†† 1.19 Apo 18.5

körek engö qakñine mewöyök öngöyök. Keu mi jim qaribi sohobapuköra mönö kewöyök jimam: Gamu mi-anjön mönö körek dop köl engii mianğöra gwötpuk me borom kun wösöbirik aket. ⁶ Könagesö öljan keuñangö likepñi melen wangigeri, mianjön mönö dop köl wangii uruñi kunbuk melenök.

⁷ Nalö kewöñe gamu aka wösöbirik keta bölökñi möriga mianjön jem keleleñgöbapuköra mönö lömböt kude toroqem wangime. Lömböt qahöpmö, mönö kapañ köla siñgisöndokñi mosöta urukölalep ak wangime. ⁸ Mianğöra kewö uru kuñgum engizal: Injini mönö keu jöhöba urukalemñini kunbuk toroqeba köhöiba kondel wangiba malme. ⁹ Nöñön kimhini mi kewögöra ohoyal: Injini nöñgö keuni pakpak tem köla esapesapnöñ kin köhöime me qahö tem köla töteköba etme, mianğö könañi kewöta mötmamğöra möta mi ohoyal.

¹⁰ Injini kungö siñgisöndokñi mosötze ewö, nöñön mi mewöyök mosöt wangizal. Bölöñi ak niñgiyöhi, mi-anğöra qahö mötpi öngözapmö, enjön kunbuk ölöwaka mindirim anğumegöra mötzal. Mianğöra bölöñamñi mi lök Kraistkö jeñe ölña mosöt wangibiga teköyök. ¹¹ Satanön areñi ala silenön alal könañi könañi ahakzawi, mianğöra tönpin qahö maljal. Mi-anğöra Satanön luhut al neñgibapuköra aka azi mi-anğö siñgisöndokñi mönö mosöt teköme. Mewö.

Polnön Troas mala Taitusğöra waimanjat mörök.

¹² †Nöñön Kraistkö Ölöwak Buñañi jim sehimamğöra aka Troas taonön anbiga Kembunön nanğu öröm niñgiiga nupñi mianğöreñ memamğö amqeyök.

¹³ Mewö amqeyökmö, urumelen alani Taitus qahö mi-wikñabi keuñini qahö jii möralanğöra aka waimanjat möta luainön urune qahö ahöyök. Mianğöra yaizközökñini jiba engömosöta Taitus jarumamğöra Masedonia prowinsnön anal. Mewö.

Kraistnön ösum neñgiiga luhut alakzin.

¹⁴ Neñön Anutu kewögöra möpöseimakin: Kraistkö buña aka welenñi qeinga Anutunön nalö dop suahö galöm ewö aka neñgungiriga anda köirañ kölakzin. Luhutnön plaua jurañangö wörönñi ölöpñi memba kaiga mörakzin. Mianğö dop Anutunön nam köl neñgiiga denike denike liliköba Kraistkö könañi jim asariinga aukñe asuhum sehiba aniga gölme dop mörakze. Mianğöra Anutu möpöseimakzin.

¹⁵ Mianğö könañi kewö: Neñön ambazip Suep mire öngömei aka könöp sianön gemei, yeñgö sutñine anda kainga wörönini sarakñi mörakze. Kraistkö könañi jim sehiinga Anutunön nupninangö wörönñi möt ölöwahakza.

¹⁶ Könöp sianön gemei, yeñön Buña keunini mötketka mianjön keuñini jim teköiga kömum köhöimegö möta mönö qamötkö mumu wörönñi ewö akza. Suep mire öngömei, yeñön Buña keunini mötketka oy-aerñkoyaer engimapakö möta mönö malmal kömbö-

† 2.12 Apo 20.1

nañangö wörönñi umköhöwakñambuk ewö akza. Dañön nup mewöñi memawanğö dop akza? ¹⁷ Ambazip tosatñi gwötpukñan mönö ni ewö qahö akze. Yeñön malmalñini nañgöbingöra möta Anutugöreñ keu mi kölköl-örörö ewö lañ memba ala jimakze. Nöñön yeñgö dop qahö ahakzalmö, Kraist qekötahöba köñbiñ mosöta uruni sarakñi aiga kinjal. Anutunön melaim niñgiyöhi, mi möta yanğö jemesoholñe kinda Buña keuñi törörök jim sehimakzal. Mewö.

Jöhöjöhö areñ dölökñangö nup meme ambazip akzin.

3 Nanak könañamni kunbuk könahiba jim ölöwakñamanğöra mötmörize me? Mi qahö. Nup meme ambazip tosatñan Korint enjön yeñgö könañini mötmegöra möta jim ölöwak kimbi ohobingö kapan kölakze. Tosatñan Korint enjön yeñgö könañini nañgöba jiba jim ölöwak kimbiñi kimbiñi ohomegöra injini kuñgum engimakze. Nöñön nupni diñdiñanök mealanğöra jim ölöwak kimbi mewöñanğöra qahö osizal. ² Anutunön Korint injini böröne al engii letota wölböt köñi aka nanñinak nöñgö jim ölöwak kimhini ewö akze. Anutunön nöñgö jim ölöwak kimhini mewö ohoiga ambazip körekñan silik tandökñini dölökñi mi eka oyoñmakze.

³ ††Injini Kraistkö papia kimbi ewö akzei, mianjön aukñe ahöza. Mosesnön Köna keuñi nañim onj inğ mi-anjön köt tafenön ohoyöhi, injini mianğö dop qahö akzemö, Kraistnön kimbiñi engö uruñinanğö tafene kewö ohoi kinje: Neñön nup meinga ölñi asuhui Kraistnön Anutu malmal köhöikñi Toñangö Uñañi uruñine ali letotket. Ambazipnön nupninangö ölñi mi eketka mianjön bauköm engiiga nupninangö könañi möt asarimakze.

⁴ Kraistpuk qekötahöinga Anutunön nupninangö tandökñi mötza. Mianğöra nup meinga injini Kraistkö buñañi akeri, mi ölöp Anutugö jeñe awösamkakak kindajizin. ⁵ Nanini köhököhöi qakñe nup ölöpñi ki Anutugö jeñe membinangö dop akzini, mewö ölöp qahö jibin. Nanini yuai kunön qahö lapingömakzinmö, Anutunön nanñök inahöba mötmöt neñgiiga nup ki memakzin.

⁶ †Anutunön inahöba mötmöt neñgiiga jöhöjöhö areñ dölökñangö nup meme ambazip akzin. Mosesgö Köna keuñangö kulemñi mohot mohotköra urukönöp akinak ewö, keu mianjön mönö keunini jim teköiga kömum köhöibinak. Uña Töröñangö nup areñi jim asariinga yanjön mem gulim neñgiiga mal köhöibin. Mianğöra Köna keugö areñi miyök wuatangömegöra qahö kapan kölakzinmö, Uña Töröñi möt anğön kölmegöra uru kuñgum engimakzin. Mewö.

Jöhöjöhö areñ dölökñangö nupñi mi aködamunñambuk.

⁷ ††Anutunön Köna keuñi jiba kulemñi kötnön möndömgöba ohoyökmö, ambazipnön mi qahö tem

†† 3.3 Eks 24.12; Jer 31.33; Eze 11.19; 36.26 † 3.6 Jer 31.31
†† 3.7 Eks 34.29

kölgetka Anutunöŋ keu miangö dop kewöta likepŋi melenj enŋiiga kömumba köhömuŋi mala kotket. Anutunöŋ mutuk Köna keuŋi neŋgiiga nalö miangörenj asakmararaŋan Mosesgö jemesoholŋi qei asariyök. Asakmararaŋ mianjön waziba ayapkömawaŋgö dop ahökmö, mi töndup Israel ambazipnönj jemesoholŋi törörök uba ekingö dop qahö aket. Gwötpuk asariyöhaŋgöra mi osiget. Köna keugö Buŋa areŋ walŋan lök mewö asakmararaŋambuk asuhuyök.

⁸ Mewö asuhuyökmö, Uŋa Töröŋan Buŋa areŋ döläkŋi neŋgii miangö asakmararaŋan asuhumawi, mianjön mönö jöhöjöhö areŋ walŋaŋgö asakmararaŋi oŋgita önöŋi qahö asariba jenini gamugamu ahakŋa. ⁹ Mutuk Mosesgö Köna keu asuhuba kewöt neŋgiiga miangö dop könöp siagö buŋaya akzin. Buŋa keu mi lök aködamunŋambuk asuhuyök. Miangöra Anutunöŋ keunini kewöta jim teköi solanibini, Buŋa keu miangö aködamunŋan mönö keta böläkŋi akza. Mianjön jöhöjöhö areŋ walŋaŋgö aködamunŋi mi gwötpuk oŋgita qetbuŋaŋambuk akza.

¹⁰ Buŋa nup walŋan mutuk aködamunŋambuk ahökmö, mi Buŋa nup areŋ döläkŋambuk mindiriba kewöriŋa walŋi mianjön mönö qetbuŋaŋi qahö akza. Uŋa Töröŋaŋgö nup areŋ miangö aködamunŋan öŋgöŋgöŋi akzawaŋgöra nup areŋ walŋan mönö yuai omanj ewö akza.

¹¹ Anutu amötqeqeŋaŋgö köna walŋan lök waziba ayapkömawaŋgö dop ahök. Mianjön lök asakmararaŋambuk asuhuyök. Miangöra köna döläkŋi teteköŋi qahö ahöm öŋgömawi, miangö asakmararaŋan mönö köna mutukŋaŋgö asakmararaŋi mi önöŋi qahö oŋgita jenini gamugamu ahakza.

¹² Jöhöjöhö döläkŋan teteköŋi qahö bauköm neŋgiiga asakmararaŋan asuhumawi, mewö Anutu jörömqöröm al waŋgimakzin. Miangöra keŋgötnini qahöpmahöp möta awösamakakak kinda keu mi kusum enŋimakzin. ¹³ †Mosesnönj Israel ambazip asakmararaŋ waziba ayapköyöhi, mi ehibepüköra manjat möta jemesoholŋi opo jahönŋan esuhuyök. Neŋön mianjögö dop qahö ahakzinmö, Buŋanini aukŋeyök jimakzin.

¹⁴ Buŋa walŋaŋgö asakmararaŋi eketmö, uruŋinan töndup gwözöŋni laŋ mala kotket. Nalö kewöŋe mewöyök yuai kunŋan mönö opo johan miangö dop Juda ambazip gwötpuk yengö uruŋini gwözöŋni malje. Miangöra Jöhöjöhö Walŋaŋgö Buŋa keuŋi keuŋi oyoŋjei, miengö könaŋini mi törörök qahö möt asarimakze. Uruŋini melenja Kraistpuk toroqeqetka mewö mianjönök mönö opo johannini mi qeköi möt asarime. ¹⁵ Nalö kewöŋe mewöyök Mosesgö Köna keuŋi oyoŋgetka yuai kunŋan mönö opo johan ewö uruŋini gwözöŋni mötmötŋinan lömbörii malje.

¹⁶ ††Mewö maljemö, Buŋa Kimbigö keu kun kewö ahöza, “Mosesnönj ‘Kembubuk eraum mötpit,’ jiba opo johannj mesoholŋeyök qeközapma.” Keu mewö ahöiga yengörenjök kunŋan uruŋi melenja Kembubuk toroqezawi, nalö miangörenjök mönö yuai opo johannaŋgö

dop mi qeköi Anutugö amötqeqeŋaŋgö könaŋi möt asarima. ¹⁷ Keu mianjön “Kembugöra” jiba mi mönö Kembugö Uŋaŋaŋgöra jiza. Kembugö Uŋa Töröŋan denike yengö uruŋine maljawi, yaŋön mönö singisöndokŋinaŋgö kösöŋi pösariga solanŋi (fri) malje. (Mewö mala solanŋi diŋdiŋi akingöra Köna keu wuataŋgöbingö qahö kapaŋ kölakze.)

¹⁸ Miangö dop urunini melenjninga Kembugö asakmararaŋan körek neŋgö je mesoholnine kuŋguiga bilikbilik aliga jenini qahö esuhuinga ambazipnönj neŋgeka Anutugö aködamunŋi qetpuk mi piliknönj uba ehökö tandök ehakze. Nini mi qarim sehiba ehakŋeŋgö dop letorakin. Mewö letota aködamunŋi qetpuk mi qariba asariba Kembugö tandöktandök ahakin. Kembunöŋ Uŋaya akzawi, yaŋgö asakmararaŋan mönö mewö mem letot neŋgimakza. Mewö.

Nini kouraŋen ewö ahiŋga Uŋa Töröŋan öŋi akza.

4 Anutunöŋ ak kömum neŋgiyöhaŋgö dop nup ki qaknine ali memakzini, miangöra mönö böŋ kininga uruninan qahö etma. Qahö! ² Neŋön nup memegö köna tölapŋi gamuŋinambuk mi körek andö qein. Tilipqilip qahö aka Anutugö keuŋi qahö möwöramgömakzinmö, keu öŋi mi aukŋeyök alakzin. Mewö Anutugö jemesoholŋe ambazip uruölöwak möt neŋgimegöra kininga jim ölöwak keuninan asuhui körekŋan keunöŋ törörök jim neŋgibingö osimakze.

³ Mewö ahakzinmö, iŋini tosataŋan kewö jimakze, “Polnönj Ölöwak Buŋaŋi mi esuŋambuk jimakza.” Mewö jibileŋak ewö, esu mianjön könöp sianöŋ gemei, mönö yengö uruŋine ahöba miangöra gwözöŋniga qakömakze.

⁴ Kraistnönj Anutugö imutŋi akza. Kraistkö aködamunŋi mi nanŋi Ölöwak Buŋaŋan indela asakŋi ewö asarimakzapmö, yengö jeŋinan ömuŋ köli jipjap ahakza. Nalö kewöŋe bölöŋaŋgö Kembuŋi gölme dop galöm köŋ enŋimakzawi, yaŋön urumelenjögö kopa ambazip yengö mötmöt jeŋini mem gömöliiga laŋ malje. Miangöra Ölöwak Buŋagö asakŋi ek asaribingö osimakze.

⁵ Nani qetbuŋanan qarimapkö Buŋa keuŋi qahö jim asarimakzalmö, eŋön Kembu Jisös Kraistkö könaŋi möta jitŋi tem kölmegöra uru kuŋgum enŋimakzal. Neŋön Kembugö jitŋi wuataŋgöba iŋini welen qem enŋimakzin. ⁶ *Könaŋi kewögöra welen qem enŋimakzin: Anutunöŋ mutuk kewö jim kutuyök, “Asaknan mönö söŋaup qeiga asarima.” Mewö jiyöhaŋön mönö Buŋaŋaŋgö asakŋi ali urunini qeiga asariyök. Kraistnönj ahakmemenŋi aka meiga Anutugö asakmararaŋan jemesoholŋe asarii ekeri, Anutunöŋ nini miangö könaŋi möt kutubingöra kapaŋ kölakza. Asakŋaŋgö könaŋi jim sehibingöra aka asakŋi mi neŋgiyök.

⁷ Asakŋan urunini qei asariinga mötkutukutu miangö bohönŋi mi milyön kina oŋgita öŋgöŋgöŋi akzapmö, silenini mi kouraŋen ewö amqeba julakza. Anutu asakŋan mönö sile mewöŋaŋgö uruŋe ahöza. Am-

† 3.13 Eks 34.33 †† 3.16 Eks 34.34

‡ 4.6 Jen 1.3

bazipnön miangö könanji ekjegöra Anutunön arenji al nenngiyök. Dopkeu miangö könanji kewö: Kukösum önönji qahö al nenngimakzawi, mi nenngörenök öne asuhumakzawangö dop qahöpmö, Anutunön mönö miangö Tonji akza.

⁸ Eu emu likep likep miangörenök lömböt könanji könanji qaknine öngöba qölölömbörim nenngigetka wahö-jaliñ mörakzin. Mi mörakzinmö, töndup miengön qahö qözöjahöm nenngigetka erakzin. Nalö tosatnje jun ewö wangömnye qaköba köna qahö miwiknjaimakzinmö, töndup tötböröm qahö ahakzin.

⁹ Ambazipnön sesewerowero ak nenngimakzemö, Anutunön andö qahö nenngumakza. Ambazipnön mulumgöm nenngimakzemö, töndup qahö ayuhumakzin.

¹⁰ Jisös qem kömugeri, miangö dop nini mewöñanök buñanji jim sehimakzinangöra aka nennguget kömumbinbukö möta anda kaba maljin. Jisösbuk mal köhöininga inahöm nenngimakzawi, ambazipnön miangö könanji möt kutumegöra aka mewö malbingö urumohot akzin.

¹¹ Gölmenön jebuk mala Jisösgö nupnji memakzinangöra aka nalö dop kömumbingö dop akzin. Sileninan kömumawangö dop akzapmö, Jisösnön urunine mal köhöiba silenini mem gulimakzawi, ambazipnön miangö ölnji ek asarimegöra aka kinjin. ¹² Nini nalö dop sihimbölö möta kömumbingö dop ahakzinmö, nöñön engö sutnjine nup memba malali, enñon miangöra aka guliba malmal köhöiknje angota mal öngöme.

¹³ †Sumbara (Sam) kunön keu kewö ohoget ahöza, “Anutu möt nariba kömupnöhök meköm niñgimapkö köuluköba malal.” Nenñon keu miangö dop kömupnöhök meköm nenngimapkö möt narizin. Mötnaripkö Uña Törönji miyök buña qem anguzinangöra nenñon mönö mewöyök keunini jiba köulukömakzin. ¹⁴ Anutunön Kembu Jisös mem gulii kömupnöhök wahöröhi, yanñon mönö nini mewöyök mem gulim nenngii wahöta Jisösbuk öngöinga jemesoholnje al nenngii embuk mohotnje mal öngöbin. Mi mötzinangöra aka keunini jiba köulukömakzin.

¹⁵ Keunini jiba köuluköinga Anutugö kalem möriamñan toroqeba ambazip sehisehiñji dop köl engima. Mewö aiga yenñon amqeba Anutu kelenmaleleñ möpöseigetka qetbuñanjan sehimakza. Enñon mewöyök Anutu möpöseim sehimegöra mötzal. Miangöra lömböt könanji könanji bisiba aum-möriba maljin.

Mötnarip malmalñangö tandök mi kewö:

¹⁶ Nini mem gulim nenngimapkö möta mönö böñ qeba kininga uruninan qahö etma. Ölnja silenini ewö waziba soholimakzinmö, mi töndup urunini ewö nalö dop kölönjaimakzin. ¹⁷ Mi kewögöra: Gölmenön kahasililiñ nalö töröptökñji möta malbinmö, miangö andöñe asakmararañ önönji qahö miwikñaiba tetekönji qahö oyaenjkoyaen malbin. Asakmararañ aka kahasililiñ yahöt mi kewöt etkiinga asakmararañ miangön mönö öngöñgönji aiga gölmegö kahasililiñ könanji könanji mi möringa awamñji aka eretñji akza.

† 4.13 Sum 116.10

¹⁸ Ambazip aka öroyuai jenön ehekñji mi nalöñini teköi ayapkömemö, Suep mirigö öroyuaiñji nalö kewöñe qahö ehakzini, miengön mönö nalö tetekönji qahö ahöm öngöme. Miangöra nenñon jeninan ehekñji mia qahöpmö, qahö ehekñji mönö miengörenen göröken uba engehakzin. Mewö.

Polnön Suepkö oyaenjkoyaen koumnön anmamgö mörök.

⁵ Nenñon keu ki mötzin: Gölme silegö opo seri koumñe malinga kömupnön mi köndenñiga etmawi, Anutunön nalö miangörenen silegö miri dölokñji nanñak meiga Suepnön ahömawi, mi buña qem nenngiiga miangörenen malbin. Silegö miri qainñji kun mi tetekönji qahö köhöikñji ahöm öngöma.

² Keu mi möta nalö sutnje kiangörenen letotpingö osonggom köla Suep malmal mirinine öngöbingö möta awöwengömakzin. ³ Suepnön öngöinga sile qainñji kunön löngöt nenngii tatpini, nalö miangörenen mönö uña sile meinga kunñan aukñe qahö miwikñaim nenngima.

⁴ Gölme sile ki qekömegöra qahö mötzinmö, Suep malmal mirinine öngöba silenini dölokñji memingö awöwengömakzin. Sile ki kömumawi, mi malmal köhöikñan gwahöri qahöwahiga Anutunön salupñe oyaenjkoyaen sileya nenngimapkö mötzin. Miangöra nalö kewöñe seri koum kiangö uruñe mala urulömböt-nini bisiba letotpingö osonggom ahakzin. ⁵ Anutu nanñak Suep sile memingöra möta miwikñaim nenngiba Uña Törönji urunine aliga oyaenjkoyaen akingö danggununji akza.

⁶ Miangöra nenñon mönö nalö dop ewebibininambuk saitingit mal köhöiba kewö mörakzin: Sileninañgö malmal koumnine ki malbini, nalö miangö dop eu Suep malmal mirinine Kembu Jisösbuk qahö malbin. ⁷ Nalö kewöñe Suep mirigö öroyuaiñji qahö uba engehakzinmö, töndup mi möt nariba miangö dop aka memba malinga nam köl nenngimakze. ⁸ Miangöra ewebibininambuk köhöiba sileninañgö malmal koumñji ki mosöttingö kapañ köla mirinini ölnji eu öngöba Kem-bubuk malbingö mötzin.

⁹ Miangöra mirinine ki me eu malbini, nenñon mönö urunini Kembu Jisös uruölöwak ak wangibingöra jöhöba miangöra köhöiba kapañ kölakzin. ¹⁰ ††Miangö könanji kewö: Körek nenñon mönö Kraistkö keu jakeñe asuhubin. Gölmenön silebuk mala Kembugö jitsihitñji dopñe tem kölini me qötömötötañ ahini me önewat lañ malini, nanñak mönö keunini mi kewöta miangö dop töwanini nanñök nanñök nenngii buña qem angubin. Mewö.

Ambazip Anutubuk urumohot akñegö nupñji memakzin.

¹¹ Kraistkö keu jakeñe kinbini, nenñon mi möta Kembugö mötmötñji onggitpinbuköra kenngötnini mörakzin. Mi mötzinangöra ambazip könanini sarakñji möt-

†† 5.10 Rom 14.10

megöra kapaŋ köla uru kuŋgum engimakzin. Kōnani-
nan mōnō Anutugō jeŋe aukŋe ahōza. Nōŋōn tilipqilip
azia qahō, eŋōn mewōyōk mi uruŋinan mōt
yakōmegöra mōta jōrōmqōrōm akzal.

¹² Mewō jiba nanini jim ölöwak keunini mötmegöra
kunbuk qahō kapaŋ kölakzalmō, kōnanini miyōk jim
asarim engimamgō mötzal. Inini mi mōta ölop neŋgō
silenini mi böhi takapulakaŋi yeŋgō jeŋine möpō-
seigetka dop kölma. Yeŋōn yuai engō uruŋine ahōza-
wi, miangōra qahōpmō, sileninaŋgō yuaiŋi jeŋōŋ e-
kiŋgō dop akzawi, mōnō miangōra aiwelikōba nanŋini
silenini memba öŋgōba keu laŋ jimakze. Miangōra ke-
uni ki jizal. Eŋōn yeŋgō keuŋini gilipitŋi (ambetakŋi)
mōtzeangōra mōnō neŋgō kōnanini jim asariba
tōrōrōk melen engime.

¹³ Eŋōn nōŋgōra “Urusohop tandök ewō akza,” jiget
ewō, nōŋōn mōnō Anutu nupŋangōra aka urukōnōp
aka malal. Tosatŋan nōŋgōra kewō jize, “Urukōnōpŋi
qahōpmō, keuŋi ösōŋōk jimakza,” Mewō jize ewō, mi
mōnō inini baukōm engibingōra aka ahal. Miangōra
ölum engubapuk.

¹⁴ Miangō kōnaŋi kewō: Kraistnōŋ jōpakōm neŋgi-
makzawi, miangōn mōnō kondota kuŋgum neŋgiiga
nupŋi memakzin. Azi mohotnōŋ körek neŋgō salup-
nine neŋgō kömupnina kömuyōk. Miangōra siŋgisōn-
dokninaŋgō likepŋi qahō melen neŋgiyōkmō, körek
neŋgō siŋgisōndoknini mosōri toroqeba köhōmuŋi
qahō akzin. Keu mi mōt asariba mōt yakōzini, Kraistkō
urukalemŋan mōnō körek nini jölōŋgōba nupŋi mem-
bingōra kuŋgum neŋgimakza.

¹⁵ Yaŋōn mōnō kewōgōra körek neŋgō salupnine kö-
muyōk: Gölmenōŋ jebuk maljini, neŋōn mōnō malmal-
nini toroqeba naninaŋgōrōk malbinbuk. Mewō qahōp-
mō, kun neŋgōra aka kömumba wahōrōhi, malmalnini
mōnō yaŋgōra tököba ala malbingōra kömuyōk.

¹⁶ Miangōra urunini melenŋini, nalō miangōreŋōk
kōnahiba ambazip silesile qahō kewōt engizin. Am-
bazip kun gölmenōŋ silikŋangō dowōk qahō mōt ku-
tum waŋgizin. Mutuk Kraist kewōta mōringa gölme azi
tōhōn ahōkmō, nalō kewōŋe mōt kutum waŋgiinga
Suepkō Amōtqeŋe Tonina akza. ¹⁷ Miangōra kunŋan
Kraistpuk qekōtahōza ewō, yaŋōn mōnō ahuahu
dölōkŋi ahuba döŋŋi dölōkŋi akza. Malmal walŋan
ayapkōiga malmal dölōkŋan mōnō salupŋe asuhum
waŋgiza.

¹⁸ Mewō maljapmō, yuai pakpak miangō kondotkon-
dot Toŋi mi Anutu. Yaŋōn Kraist melaiiga tōwanini qe-
ba neŋgōmeiga Anutu nanjambuk urumohot akingō
kōnaŋi mōwōlōhöyōk. Kōna mewō asuhuiga Anutunōŋ
nup neŋgiiga neŋōn ambazip Anutugō alaurupŋi
akŋegōra jölōŋgōba kuŋgum engimakzin.

¹⁹ Anutubuk urumohot akingō kōnaŋi kewō: Kraist-
nōŋ eta gölmeŋi gölmeŋi neŋgō tōwanini qeiga dop
köli Anutunōŋ neŋgōmeiga alaurupŋi ahin. Kōna ōŋgi-
ta mala korini, siŋgisōndok miengō keuŋini qahō oy-
oŋda mötmōriba likepŋi qahō melen neŋgiyōk. Anu-
tugō alaurupŋi ahinga mōt narim neŋgiba Kraistkō

tōwagōra aka Anutubuk urumohot akingō Buŋa keuŋi
mi bōrōnine alök.

²⁰ Mi aliga Kraistkō jitŋememeurupŋi akzin. Anu-
tunōŋ keu saŋep al neŋgii miangō dop ambazip uruŋi-
ni kuŋgum engimakzin. Kraistkō jitŋi memba kapaŋ
köla kewō qesim engimakzin: Mōnō Kraistkō tōwaŋi
buŋa qem aŋguba Anutugō alaurupŋi akŋe. ²¹ Anu-
tunōŋ körek neŋgō siŋgisōndokninaŋgō keuŋi jim
tekōba likepŋi melenŋa Kraist siŋgisōndok kun qahō
ahōhaŋgō qakŋe ali öŋgōiga salupnine sihimbölō
mōrōk. Kraistkō sihimbölōŋi miangōra aka yaŋgōreŋ
qekōtahōinga Anutunōŋ ölop keunini jim tekōi
solanibin. Mewō.

6 Nini Anutu nanŋangō nup meme alaurupŋi akzi-
naŋgōra aka uruŋini kewō kuŋguzin: Anutugō
kalem mōriamŋan omaŋi akapukōra mi mōnō buŋa
qem aŋguba malme. ² †Anutunōŋ keu kun kewō jii
Buŋa Kimbinōŋ ahōza,

“Gehorimamgō nalōnan kam kuŋguiga nōŋōn köulu-
ki mōral.

Amōtqeŋe nalōnan kam kuŋguiga miangōreŋ
baukōm gihial.”

Keu mewō ahōiga mötket! Nalō dōlkiaŋōn mōnō Anu-
tugō amōtqeŋe nalōŋi akza. Anutunōŋ engehori-
mamgō mōri nalōŋan kam kuŋguiga ak-kōmukōmuŋi
mi mōnō dōlki buŋa qem aŋgume. Mewō.

Polnōŋ kahasililiŋ kōnaŋi kōnaŋi miwikŋaiyōk.

³ Neŋōn mōnō kungō uruŋan neŋgōra aka bölii et-
papukōra galōmnini mem aŋgumakzin. Jim neŋgiget-
ka nupninan keuŋambuk aka etpapukōra mewō
ahakzin. ⁴ Anutugō nup meme ambazip ölop sorokŋi
akzini, ahakmeme pakpakninan mōnō mi kondelakza.
Kahasililiŋ aka jaŋgauranga kōnaŋi kōnaŋi ak
neŋgigetka wahōjalih uruŋe maljinmō, miangōreŋ
mōnō mökōsōŋda kapaŋ köla kin köhöimakzin.

⁵ ††Ihilek wahinambuknōŋ neŋguba kösō miriŋi mir-
iŋi miangōreŋ al neŋgigetka malin. Karimŋi karimŋi
asuhuetka miangō uruŋe kömumbinbukō kengōtŋini
mōta malin. Gaun guli aka nenegōra wōsōnini aliga
malinmō, tōndup silenini qeba nup memba malin.

⁶ Ahakmeme sarakŋi wuatangōba Anutugō sihimŋi
mōt asariba lömböt mōta mökōsōŋda ambazip ala ak
engimakzin. Uŋa Tōrōŋan urunini kokolak qeiga
sutŋine geŋmoŋi qahō jōpakōm engiba maljin. ⁷ Keu
ōlŋanök jiinga Anutugō kukōsumŋan bohon köl neŋgi-
iga ahakmeme solanŋangō timbi saiwaŋi meinga bōrō
ōlnine aka qaninine ahōiga kinjin. Mewō kinda likep
Buŋa keu jim sehiba likep keu munenŋi silenine algetka
miangō likepŋi jim mindiŋgōba malin.

⁸ Qetbuŋa neŋgigetka silenini qahō möpōseimakzin.
Yom jiba gamu qem neŋgigetka uruninan qahō er-
akza. Neŋgōra kösohot ölopŋi kösohot bölōŋi mi laŋ ji-
makze. Munenŋi jiji ambazip ewō ak neŋgimakzemō,
tōndup keu ölŋanök pakpak jimakzin.

⁹ Ambazipnōŋ kōnanini ölop mōt kutumakzemō,
tōndup tosatŋan nōnōŋan aka nesampurek ak neŋgi-

makze. Nalö tosatje kömumbingö aka malinmö, töndup toroqeba jebuk maljin. Kegwek-kahasililiñ ewö neñguba malgetmö, töndup qahö kömuin.

¹⁰ Wösöbiriknön neñguiga töndup nalö dop söñgaiba maljin. Wanapñi mala töndup ambazip gwötpuk bauköm enñiinga uruñinan pomñi ahakze. Gölmegö sukinapnini qahöpmö, töndup oyaenñkoyaenñ pakpak buña qem añguba pipsimbawonñ maljin.

¹¹ O Korint ambazip, neñön mönö uruninañgö nañgunji enñgöra öröba keu kun qahö kölin geiga könanini aukñeyök jibiga mötze. ¹² Enñön neñgö urumötmötnini mötpepuköra mi qahö añgön kölakzinmö, neñön enñgö uruñini mötpinbuköra mönö nanñinanök añgön köla añgumakze.

¹³ Nöñön urumötmötni enñgibiga enñön mönö mianggö likepñi mewöyök törörök niñgime. Nöñön nahönböraturupni ewö tandök keu enñgöra kewö jiba ohozal: Inñini mewöyök mönö nanñini uruñinañgö nañgunji öröba urukalemñini mi sehiba kondel neñgime. Mewö.

Mötnaripñini qahö yembuk kude qekötahöme.

¹⁴ Ambazip uruñini qahö melenñeri, yembuk mönö uruñini kude jöhöba † örörön kude malme. Malmal solanñi aka malmal goñgoñi mi nanñök nanñök akzahot. Mi mindirim etkibingö osibin. Söñaup aka asakñi mi mohotñe qahö akzahot. Qahö! ¹⁵ Kraist aka Katakömulat (Satan) yetkön mönö urumohot aka mohotñe malbitkö osimahot. Mianggöra urumelenñ ambazip kunñan ahakmemenñi urumelenñgö kopa ambazip kun yambuk mohotñe mindiriba akitkö osimakñahot.

¹⁶ ††Anutu nanñak keuñi kun kewö jii ahöza,

“Nöñön könagesöni yengö uruñine mala sutñine anda kaba Kembunñini ak enñgibiga yenñön nöñgö weleni qeba möpöseim niñgiba malme.”

Keu mianggö dop Anutugö Uñañan uruñine maliga sileninan Anutu malmal köhöikñi Toñañgö jikenñi akza. Anutunönñ nanñi jöwöwöl jikenñe tandö lopionñ möpöseibingö songo ali ahöi osimakzin. Anutugö jikenñi aka asa jikenñi mi inanñök inanñök. Mianggö dop neñön urumelenñgö kopa ambazip yembuk qekötahöbingö songo ali ahöi osimakzin.

¹⁷ Mianggöra inñini mönö Kembunñonñ keu kewö jiyöhanñgö dop akñe,

“I mönö enñgömosöta yaigep kaba kambu nanñi kun malme.

Añgöjörakñinambuk ahakzei, mi mönö kude enñgo-seigetka nöñön möt añgön köla köyan köla enñgiba malmam.

¹⁸ Nöñön mönö Iwiñini akiga inñini nöñgö nahönböraturupni aka malme.

Kembu kukösum pakpakö Toñan mewö jiza.” Mewö.

7 O wölböt alaurupni, Anutunönñ mönö köyan köla neñgimamgö keuñi mewö jöhöm neñgii ahöza.

† Könjön me mötöp (yoke) mi hos me bulkamau yahötkö imbiñire alget geiga kare me kinonñ yuai örömakzahot. Mewö nanñiri imbi-imbi akitkö osimakzahot. Mewö janñunñ anbanbuk. †† 6.16 Lew 26.12; Eze 37.27; 1 Kor 3.16; 6.19; Ais 52.11; 2 Sml 7.14; 1 Hist 17.13; Ais 43.6; Jer 31.9

Mianggöra yuai sile uñanini mem tölöhozawi, neñön mönö mi körek qeköbingöra Kraist köuluköinga amöt qem neñgima. Anutugö jitñi onñgitpinbuköra mönö keñgötnini möta kapañ kölinga mem solanim neñgiiga sarakñi ak teköbin. Mewö.

Uruñini melenñeranggöra Polnön uruölöwak mörök.

² Neñön kun qahö mem bölim wañgiinga ayuhuyök. Kun qahö geñmororonñ ak wañgiin. Mianggöra enñön mönö uruñinañgö nañgunji öröba nini urunönñ jöhöm neñgiba malme. ³ Tosatñan sutñine nup memba silenönñ alal keu mewö jiba jim neñgigetmö, nöñön keu mi enñgö keuñini jim teköba likepñi melenñ enñgimamgöra aka qahö jizal. Nöñön lök keu kewö jibi mötket: Neñön uruninañgö nañgunji öröba inñini uruninanñ jöhöm enñgimakzin. Mewö aka ölop embuk örörönñ jöhöba kömumbin aka örörönñ mal köhöibin.

⁴ Enñgö uruyahöt qahö mötnaripni ketanñi enñgiba maljal. Enñgö silenñini mönö gwötpuk möpöseimakzal. Enñgöra aka urukölalepni ketanñi miwikñazalañgöra kahasililiñ könanñi könanñi möta mianggörenñ mönö töndup önönñi qahö söñgaizal.

Masedonia prowinsnönñ anda Taitusbuk aitongöit.

⁵ †Taitus jaruba malalañgöra †† jiali, keu mi toroqeba jimam. Masedonia prowinsnönñ kanggota mianggörenñ mönö mewöyök uruluai miwikñaimamgö osial. Denike denike anali, mianggörenñ mönö köñjiliñ könanñi könanñi miwikñai. Anutugö bim qeba tosatñi yembuk añgururuk aka enñgöra waimanñat möta malal. ⁶ Mewö malalmö, Anutunönñ urueret ambazip nañgöm neñgimakzawi, yañön mönö Taitus kayöhi, mianggörenñ urukölalep ak niñgiyök.

⁷ Taitusnönñ kayöhi, mianggörenñ qahöpmö, Korint enñön urukölalep ak wañgigetka yañön jii mötpiga Anutunönñ mianggörenñ mewöyök urukölalep ak niñgiyök. Enñgö kösohotñini kewö jiyök, “Enñön ni nekingö köpösöñgöba kinje. Wösöñini ölna möt niñgiba lömböt niñgigeranggö keuñi jiba nöñgö likepne nañgöba jibingö jöjörömakze.” Kösohot mi jii möta urusösöñgai keta bölöknñi möral.

⁸ Nöñön uruñini Buña keunönñ kunguba kimbi mi ohobi oyonñda nanñini möt bölim añgugeri, mianggöra qahö möt bölim añguzal. Mutuk möt bölim añguyali, mi töndup nalö kewöñe kewögöra kunbuk söñgaizal: Kimbi keunan uruñini mem bölii wösöbirik aketmö, wösöbirik mianggörenñ mönö melenñda nalö töröptökñanök ahöba teköyök. Könanñini mewö ehal.

⁹ Nalö kewöñe inñini möt bölim añgugerañgöra aka qahö söñgaizalmö, kewögöra söñgaizal: Inñini ahakmemenñinañgöra aka möt bölim añgugetka gamu wösöbirikñinan bauköm enñgiiga uruñini kunbuk melenñda dingiget. Mi Anutugö jitñanggö dop asuhuiga uruñinan mönö neñgöra aka qahö böliyökmö, ölna bauköm enñgial.

‡ 7.5 2 Kor 2.13 †† 2 Kor 2.13 mianggörenñ Taitusgöra jiyök.

¹⁰ Siŋgisöndökninaŋgöra aka möt bölim aŋguzin ewö, gamu wösöbirik mianön mönö bauköm neŋgiiga urunini kunbuk melenḡa diŋgibin. Diŋgibinaŋgöreŋ Anutunöŋ mönö neŋguaŋgiri Suepnöŋ öŋgöbin. Mi-aŋgöra kunḡan uruŋi melenḡa mianḡöra qahö möt bölim aŋguma. Gölmē ambazip tosatḡan siŋgisöndökninaŋgö wösöbirik mörazzemö, Anutunöŋ mi mosötmapkö qahö qesime ewö, yaŋön mönö likepŋi melenḡ neŋgiiga kömum köhöime.

¹¹ Eŋön Anutugö sihimḡaŋgö dop wösöbirik aketka gamu mianḡö ölnan uruŋine ahui letotkeri, mi kewöta ek welipköba kewö jime, “Nini gönmönahotnini mosöta urunini tokoba urukönöp qakŋe wahöta könanini sohosohöŋi kewöta mindiŋgöin. Ambazip siŋgisöndök akeri, mieŋgöra uruninan wahöri sisit memba jim eŋgiin. Anutugö jitŋi oŋgitpinbuköra auruba keŋgötnini möta Polnöŋ kaba uru melenḡinaŋgö ölni ekŋapkö köpösöŋgöba malin. Urunini ahakmeme diŋdiŋi akingöra alin aka kunöŋ köna qiwitipköyöhi, mi mindiŋgöm waŋgibingö jöjöröba malin.” Mewö jigetka dop kölmā. Nalö kewöŋe köna diŋdiŋi wuatangözei, mi kondel niŋgigetka ehal.

¹² Mianḡöra kunḡan sutŋine böliyöhi, iyök mindiŋgöm waŋgimegöra aka kimbini qahö ohoyal me kun i mem bölim waŋgiyöhi, iyök bauköm eŋgimegöra kimbi mi qahö ohoba alal. Mi kewögöra ohoyal: Inḡini Anutugö jemesoholŋe nömbuk urumohot akingö kapaŋ kölakzei, silik mianön mönö aukŋe asuhumapköra kimbi mi ohoyal.

¹³ Nani urukölalepni miyök qahö mötzalmö, Taitusgö uruŋan sutŋine ölöwahi ehinga mianön mewöyök uruni naŋgöi önöŋi qahö söŋgaimakzal. Eŋön köreknaŋök Taitus köro-ölowak qem waŋgigerangöra söŋgaimakzawi, sösoŋgai mianön mönö mewöyök naŋgöm köl niŋgii mianḡöra önöŋi qahö söŋgaizal.

¹⁴ Nöŋön silikḡinaŋgöra silenḡini Taitusgö jeŋe möpöseiba malali, eŋön mianḡöra gamu qahö niŋgiget. Nöŋön eŋgö sutŋine mala keu pakpak jibi mötkeri, mi ölnaŋök jial. Mianḡö dop eŋgö keuŋini Taitusgö jeŋe jim möpöseiba malali, keu mianön mönö mewöŋaŋök könaŋini mindiŋgögetka ölni ahök.

¹⁵ Inḡini körek pakpak mönö nöŋgö keuni tem köla Taitusnöŋ kaiga sömbuŋinambuk möta jönömḡini undui köl öröm waŋgiget. Taitusnöŋ silikḡini mi mötmöri-ba keu jiiga uru ölowakḡan eŋgöra aka qariiga köhöiba möpöseim eŋgimakza. ¹⁶ Nöŋön ahakmemeŋini pakpak mötmöri-ba mianḡöreŋ mönö ölop eŋgöra aka ewebibinambuk möt köhöiba saitingit malmam. Mianḡöra söŋgaimakzal. Mewö.

Urumelenḡ alaurup naŋgöm eŋgibingö keuŋi

8 †O urumelenḡ alaurupni, Anutunöŋ kalem möriamḡi urumelenḡ könaŋesöŋi könaŋesöŋi mianḡöreŋ neŋgii ölnan mönö Masedonia prowins uruŋe ölopnaŋök asuhuyök. Nöŋön inḡini mianḡöra gukmaulem malbepüköra möta kösohotŋi kewö jimam: ² Yeŋön kahasililiŋ miwiknaiba mötketka lömbötḡam-

buk esapköm eŋgiiga wanapŋi kötökŋi maljemö, mi töndup önöŋi qahö söŋgaigerangöra aka urumelenḡ alaurup naŋgöm eŋgibingöra moneŋ naluk keta bölöknj alget.

³ Yeŋgö könaŋini kewö naŋgöba jimam: Kunḡan qahö kuŋgum eŋgii nanḡini sihimḡinan töndup ahuiga amqeba ösumḡinaŋgö dop nalukḡini alget aka mi tok oŋgita eŋgiget. ⁴ Yeŋön mönö kapaŋ köla gwötputk kuŋgum neŋgiba kewö uleta jiget, “Nini tok Judia prowinsgö ambazip sarakŋi bauköm eŋgibingö mötzin. Mianḡöra Pol, gi ölop Oŋ! jinöŋga mönö sim-bawoŋ möta nup mianḡö bahöŋi amqeba membin.”

⁵ Mewö jiget jibiga naluk almeḡö mambörali, mianḡö dowök qahöpmö, mi oŋgita kewö aket: Yeŋön mutuk naŋgönaŋgö Kembugö jeŋe dop köljawi, mi akingöra uruŋini jöhöget aka mianḡö andöŋe Anutugö jitŋi tem kölböŋgö möta nanḡini malmalḡini mi mewöyök neŋgö böronine alget. ⁶ Mianḡöra Taitus kewö jim kutum waŋgial, “Gi mönö naŋgönaŋgö nup mi lök könahiba menöŋ. Mianḡöra mi mönö toroqeba Korint könaŋesö bauköm eŋginöŋga urukalemḡini kondela moneŋ naluk ketaŋi mi kunbuk toroqeba algetka sutŋine teköma.”

⁷ Urugö yuai könaŋi könaŋi mi kelenmaleleŋ buŋa qem aŋguba kewö aka malje: Ölopnaŋök Kraist möt nariba Buŋa keu ölni jim soroköba Anutugö sihimḡi möt kutuba tosatŋi naŋgöm eŋgibingö pöndaŋ köpösöŋgömakze. Eŋön mönö tosatŋi eŋgongita ölopnaŋök jöpaköm neŋgiba qetput akze. Mianḡö dop naŋgönaŋgö nup ki mewöyök mönö ölop mem soroköba tosatŋi eŋgongitketka qetput akŋa.

⁸ Mewö jiba moneŋ almeḡöra qahö jim kutum eŋgizal. Mi qahöpmö, urukalemḡini geŋmoŋambuk akza me qahöwi, mönö mi esapesapnöŋ ala könaŋini mötmamḡö mötzal. Könaŋesö tosatḡan gönmönahot mosöta naŋgönaŋgö nupḡini ö! töhöŋga memba zeŋ kinjei, keu mi jiba mianön inḡini esapköm eŋgizal.

⁹ Naluk dawik almeḡöra kewötmei, mianḡöreŋ mönö Kembunini Jisös Kraistkö könaŋaŋgö tandökŋi mötmörime. Inḡini yaŋgö kalem möriamḡi ketaŋi mi kewö mötze: Yaŋön Suepkö öroyuai pakpakö Toŋi öŋgöŋgöŋi ahökmö, töndup inḡini oyaenḡoyaenḡö pomḡi akŋegöra aka gölmenöŋ eta etqeqeŋi aka malmalḡi tököba mosörök.

¹⁰ Moneŋ almeḡöra qahö jim kutum eŋgizalmö, Jisös-nöŋ söpsöp alöhi, mianḡö dop qambaŋni miyök eŋgizal. Eŋön yambu emune lök naŋgönaŋgögö mutukŋi aka mianḡö nupŋi kapaŋ köla meget aka mi toroqeba membingö sihimḡi köhöikŋi mötket. ¹¹ Nalö kewöŋe nupḡini mi mönö mem teköme. Mutuk naŋgönaŋgö nup membingö kapaŋ köla awöweŋgögeri, mianḡö dop mi mönö toroqeba mem teköme. Yuai ahöm eŋgizawaŋgö dop mönö nalukḡini gwötputk alme. ¹² Mianḡö könaŋi kewö: Naluk albingö sihimḡinan ahuba ahöza ewö, mönö yuai ahöm eŋgizawaŋgö dop algetka Anutunöŋ möt aŋgön köli dop kölja. Yuai qahö ahöm eŋgizawaŋgö dop mönö qahö kewöta jim eŋgimakza.

† 8.1 Rom 15.26; Eks 16.18

¹³ Naluk ketanji algetka alaurup yengö malmalñinan amqeiga nanñini qakñine lömböt öngömapköra qahö mötzinmö, alaurup osiba mözöröngözei, yembuk mendenđa öröröñ malbingöra mötzin.

¹⁴ Mianğöra nalö kewöñe yuai kelenmaleleñ ahöm enğiiga tosatñan malmalñinağgö yuaigöra osizei, iñini mönö mi bauköm enğigetka dopñe akña. Mewö aka nanñini könagep yuaigö osigetka yengö öroyuainñinan kelenmaleleñ ahömawi, nalö mianğoreñ mönö i kun bauköm enğime. Mewö ak anğugetka alabauk silikñinan öröröñ akña. ¹⁵ Mi Buña keu ki ohoget ahöza-wağgö dop akña, "Gwötpuk mem tokoba malgerañön nanñini dop negetka numbu surukñini qahö ahöiga boromborom mem tokoba malgerañön nene yuaigöra qahö osiget." Mewö.

Nejakurup karöbut melaim enğiinga kaba bauköm enğime.

¹⁶ Anutunöñ Taitusgö uruji sölölohöiga enğöra ni ewö waimanjat möta bauköm enğimamgö kapañ köla malja. Mianğöra "Anutu saiwap!" jizal. ¹⁷ Nöñön Taitus enğoreñ kamapkö qesiba uruji kungubiga imbiñi melenök. Miyök qahöpmö, nanñak iñini bauköm enğimamgö möta köpösöngöba nanñi sihimñağgö dop nengömosöta Korint enğoreñ kamamgö jiyök. ¹⁸ Neñön urumelen alanini kun melaininga yambuk kamahot. Kiağoreñ Ölöwak Buña jim sehimakza-wağgöra i mönö urumelen könagesö dop möpöseim wağgimakze.

¹⁹ Yangö keunji toroqeba kewö jimam: Masedonia urumelen könagesö yeñön mönö i möwölöhögetka nağgönağgö nalukñi mi memba nembuk mohotñe köna anbin. Neñön Kembu nanñağgö qetbuñañan sehmapköra möta naluk ketanji mi ölop galöm köla Judia prowinsnöñ anda enğibin. Alabauk enğibingö urukalemnini mewö aukñe kondeljin.

²⁰ Mewö aka nağgönağgö naluk ketanji mi tilipqilip asuhui sohobapüköra ölop galöm köl soroköbin. Kunñan silikñini mianğöra jim nengibapükö möta kapañ köla kinjin. ²¹ †Keu mianğö könaji kewö: Neñön silik Kembugö jeñe diñdini akzawi, mi qötöngatpinbukö galöm mem anğumakzin. Miyök qahöpmö, silik ambazip jeñine dop köljaw, mi mewöyök akingö möta kapañ köljin.

²² Yetpuk urumelen alanini kun mi mewöyök melaininga kama. I nalö gwötpuk esapköm wağgiba tandökñi kewö ehin: Yañön mönö nalöñi nalöñi Kembugö nupñi memamgö könöpkönöp ahakza. Nalö kewöñe iñini tosatñi alabauk enğibingö mötzei, mewö möt narim enğizawağgöra mönö enğoreñ kaba bauköm enğimamgö möta urukönöp ketanji ahakza.

²³ Nöñön Taitus kewögöra möwölöhöyal: Yañön nöñgö alabaukni aka nup meme neñakni akza. Urumelen könagesöñi könagesöñi yeñön alayahötnini yahöt mi möwölöhöm etkigetka jitñememeni akzahot. Kraistkö qetbuñañan mönö yetköra aka qari-makza. ²⁴ Mianğöra azi karöbut mi kamei, i mönö

urukalem ak enğiba könajini mewö kondelgetka ekñe. Mewö akñe ewö, neñön silikñinağgöra sileñini möpöseini, keu mianğö ölnan mönö aukñe asuhuiga eketka urumelen könagesö gwötpuk yeñön mötme. Mewö.

Mönö urumelen alaurupñini bauköm enğime.

⁹ Anutugö ambazip sarakñi alabauk monen enğimegöra ohomamgö mötzalmö, iñini keu mi lök möta mianğöra qahö osize. ² Iñini alabauk akingö sihimñinan ahui mötze. Nöñön mi möta enğö sileñini mi mianğöra Masedonia urumelen ambazip yengö jeñine möpöseiba kewö jial, "Korint aka Akai urumelen alaurup tosatñan mönö yambu emuneyök könahiba Judia alabauk ak enğibingö jöjöröba malje." Mewö jibiga enğö urukönöñinağgöra mötketka keu mianñön mönö kungum enğiyök. Mianğöra könagesö ölni yengö uruñinan mönö amqeba alabauk akingö urukönöp aket.

³ Enğö sihimñinan ahui mötze, töndup neñakurupni karöbut ki melaim enğizal. "Korint yeñön mönö monen tokobingöra jöjöröba malje," mewö jial aka keu mianğöra enğö sileñini möpöseial. Keu mianñön omani aiga gwötpukñan ekepukmö, keunñağgö dop monen ölna algetka kahaimök tari körekñan mewö enğekñegöra mötzal.

⁴ Keu mianñön omani aiga monenñinan qahö kahaimök tari öne malgetka Masedonia neñakurup tosatñan nömbuk kaba mewö miwikñaim enğibeak ewö, nöñön mönö enğöra aka gamu mi-wikñabilenbuk. Tem kölmegö möt narim enğiba malbiga ölni qahö asuhubawak ewö, iñini mönö mewöñanök keunñi omaniğgöra aka gamu mi-wikñaikebup.

⁵ Mianğöra urumelen alaurupnini karöbut mi uru kungum enğimamgö mötpi dop köli kewö jial, "Iñini mönö qeljine Korint yengöreñ anda nağgönağgö naluk ketanji almegö keu jöhögeri, areñ mi wuatangöba al tekömegöra mönö kungum enğime. Mewö aketka alabauk nalukñini mi kik-kukñambuk ekbonep qakñe qahöpmö, mönö sakalakñi aka amqeba gwötpuk alme. Mi mindirigetka zioz köwenöñ kahaimök tari kabiga ölop membin." Mewö jial.

Kötñi mönö amqeba gwötpuk qesinđa gilme.

⁶ Keu ki mönö mötmöriba malme: Nene kötñi awamñanök qesinđa giljawañön mönö ölni mewöyök awamñanök mema. Nene kötñi gwötpuk qesinđa giljawañön mönö ölni mewöyök gwötpuk mema. Mianğöra gwötpuk algetka Anutunöñ salupñe gwötpuk enğima. ⁷ Iñini nanñök nanñök nalukñini mönö uruñinan jöhögerañgö dop alakñe. Sösöñgainöñ amqeba mözöközöröñ ambazip kalem enğizei, Anutunöñ mönö i jöpaköm enğimakza. Mianğöra nalukñini kunñan kungum enğizawağgöra aka urayahöt qakñe kude alme. Mi kik-kukñinambuk kude alme.

† 8.21 Qam 3.4

⁸ Uruawam qakne kötönjini gwötpuk algetka Anutunöj mönö köhöiba kalem möriamni pakpak mem sehim engimaknya. Mewö engiiga malmal pakpak miangörej yuaigöra osimei, mi pakpak mönö nalö dop buña qem angugetka dop köl engimaknya. Mewö aiga nup ölöpnj könanj könanj mi ölöp megetka ölnj kelenmaleleñ asuhuma. ⁹ †Ekbonep mosöta naluk ketanj ketanj alakzei, mi Buña Kimbi keu ki ohoget ahözawañgö dop akze,

“Yañön amqeba kalemni kalemni mendenja ambazip wanapni engimakza.

Ahakmemeni diñdini kik-kukni qahö mianjön mönö nalö teteköñj qahö Anutugö jeñe ahöm öngöma.”

¹⁰ ††Anutunöñ qesin gilgil azigöra nene kötnj wanjiiga nene asuhui nemakzini, yañön mönö nenegö mözöközöröñ ahakñei, mi mewöyök engimaknya. Mi engii urunjan lolohoiga ölöp amqeba keu kötnj qesin sehiba gilgetka ahakmeme solanñangö ölnj asuhui Anutunöñ mi mem qarai sehimaknya. ¹¹ Mewö aketka Anutunöñ mönö malmal pakpak miangörej sehiba kötuëtköm engiiga ölöwahakñe. Mewö ölöp amqeba ambazip nalö dop geñmonj qahö kalem gwötpuk engimaknya. Mewö aketka mi memba (Jerusalem anda) engiinga ambazip gwötpukñan kötönñangöra aka Anutu möpöseigetka ölnj engörej asuhumaknya.

¹² Nanjönangö nup ki memakñei, mianjön mönö Anutugö ambazip sarakñan yuaigöra mözöközöröñ aketka bauköm engimaknya. Miyök qahöpmö, miangöra “Anutu saiwap!” keu mi gwötpuk jimegöra aka ölnj engörej asuhumaknya.

¹³ Mianjögö könanj kewö: Nanjönangö nup ki memba mewö mianjön mötnaripñangö könanj kondelgetka ambazip gwötpukñan mi eka Anutu tem kölmeangöra möpöseim wanjiba kewö jime, “Korint yeñön mönö Kraistkö Ölöwak Buñanj keunöhök qahö jim miwikñazemö, Polgö keunj geñmonj qahö tem köla amqeba sakalakñi aka nengöra aka tosatñi pakpak yeñgöra kalem jesöngö engimakze.”

¹⁴ Mewö jiba engöra köuluköba miangörej waikñini gwötpuk mem engiba kewö jime, “Ia! Anutunöñ mönö kalem möriamni kelenmaleleñ Korint engiiga urukalemñangö ölnj gwötpuk nengiget.” Mewö jigetka Anutugö kalemñan aukñe asuhuma. ¹⁵ O nini Anutu kalemñangöra aka möpöseimakin. Yangö kalemñi Jisös Kraistnöñ mönö qetpuk sorok akza. Nanjönangö almeangö keunj mi mewö kaba teköza.

Polgö nupköra keu jigetka likepni melenök.

10 Tosatñan engö sutñine nöngöra kewö jimakze: Mesohol köl anguba köhöikñi tandök qahö akzapmö, kungen anda miangörej mönö keu köhöikñanök jim nengimakza. Mewö jimakzemö, Kraistnöñ ak kömumba guñböñjñöñ niñgimakzawi, nöñön mönö mianjögö qakñe nanak urunini kewögöra kungumam:

² Tosatñi mienjön nengöra kewö tandök mötmöriba jimakze, “Pol aka yangö neñakurupni yeñön gölmegö

ahakmeme tandök wuatangöba nanñangöra mötmöriba ahakze.” Nöñön engörej kaba keu mewö jimakzei, i mönö tembul engiba awösamkakak kinda jim engimangö mötzalmö, töndup urunini köhöikñi kötökñi kunguba jim engimangö töközal. Mianjögöra inini ambazip nöngöra keu mewö jimakzei, i mönö zilañ andö engume. Keunini mewö mindiñgögetka engeki urunan mönö luai qei sutñine kaba böñjñöñ malmam.

³ Ölnja, ahakmemeni gölmenöñ ahakzalmö, mi töndup nanangöra aka gölmegö ahakmeme bölöñangö dop bim qahö qemakzal. Mewö qahöpmö, Anutugö suahö galöm aka kerökurupni kiripo kungum engiba miangörej areñ sarakñi wuatangöba bim qemakzal. ⁴ Gölmegö ambazip urunini walñangö dop bimgö yuainj pakpak miambuk bim qemakzal. Yarö azi yeñön jakömbuak ain selñi selñi eriba köndengetka erakzemö, Anutunöñ timbi saiwanj kukñinambuk nengii inahöm nengigetka mianjön mönö kerök yeñgö keu areñini pöwöwöm köhöikñi kunguba qeapköinga erakze.

⁵ Urumelenjögö kopa yeñön Anutugö könanj möt kutubepköra aka nanñini silenini memba öngöba mötmötni közamböta liklak ahakzemö, neñön yeñgö kiripo areñini gongonj pakpak mi qeapköba köndenñinga erakze. Ambazipnöñ keu mötmötni bölöñ meraköba jöhömegöra köna kondel engiinga ölöp keunini pakpak Kraist tem köl wanjimingö dop mötmörimakñe.

⁶ Mewö mötmöriba Korint inini mutuk Kraistkö keu pakpak tem köla aposol nupni nanjögömegöra mambötzin. Inini urunini mewö kunbuk melengetkun nini mönö qeçetal ambazip yeñgö keunini pakpak kewöta jim teköba likepni melenj engibingö jöjöröba maljin. Mewö.

⁷ Inini yuai pakpak mönö silegörök kude eka kewötme. Sutñine ahakmeme sohomakzawi, mianjögö könanj ölnj mönö mötmörime. Tosatñan sutñine ni memba et ala nanñini Kraistkö jitñememurupni akzeangöra uruyahöt qahö aka möt köhöize ewö, yeñön mönö toroqeba nöngöra mewöyök kewö mötmörime: Yeñön Kraistkö buñanj akzei, nöñön mönö mewöyök Kraistkö buñaya akzal.

⁸ Kembunöñ kewögöra kukösum niñgiyök: Inini mem et al engimangöra qahöpmö, mönö urunini möhamgöbi köhöimegöra aka maljal. Mianjögöra kukösum mianjögöra aiweliköba koñaer ewö sileni memba öngöba tererebilenak ewö, mi töndup mönö gamu kun qahö miwikñabilenak. ⁹ Kimbinj kimbinj ohoba albi oyonda kukösumni mötketka keñgöt mötmöt mem engibilenbuk. Mianjögöra keu mi nalö kewöñe qahö toroqeba jimam. Mewö.

¹⁰ Tosatñan keu kewö jimakze: Polnöñ kimbinj miangörej mönö keu lömbötñambuk ohoba urunini ölnja kungumakzapmö, sutñine kini ehinga azi löwötñi akza aka keunj jii möringa qetpuk qahö akza. ¹¹ Nöñön keu mianjögö likepni kewö jimam: Keunini omanj mönö mosöta nöngö könanangöra kewö mötmörime: Ni

kungen anda kimbinöŋ keuni köhöikŋi ohomakzali, miangö dop mönö sutŋine mala mewöyök köhöikŋanök mindiŋgöm engimam.

¹² Timbiqimibilim mienöŋ nanŋini jim ölöwak ak aŋgumakzemö, ölna ni noŋgita aposol qetpuk akeak ewö, nöŋön mönö gamuni mötpileŋak. Mewö aiga nani aka engö silikŋini likeplikep ala kewötmamgö qötötaŋgöba kölköldömdöm akileŋakmö, yeŋön mönö mötmöŋini töröpŋi wuatangöba nanŋini imbiŋinanŋö dop uruŋini dop ala kewörakze. Ahakmemeni mewö laŋ kewöta "Pol oŋgitzin," jiba uruölöwak mörakze. Keu omani mewö jiba uruqahö akze. Anutugö dopnöŋ kewöt niŋgigetka ölop engogŋita maljal.

¹³ Anutunöŋ nup memegö jaböŋi al niŋgiyöhi, mi qahö oŋgita sileni gwötpuk möpöseimamgöra qahö mötzal. Anutunöŋ nup meme areŋni al niŋgii memakzali, miangö dop mönö engö sutŋine mewöyök nup memakzal aka miangö ölnangörök mönö sileni möpöseimakzal.

¹⁴ Tosatŋan keu kewö jim sohomakze, "Polnöŋ Korint sutŋine nup meyöhaŋgöra sileni möpöseiiiga qahö dop kölja. Anutunöŋ gölme mesiŋda nup memapkö jabö al waŋgiyöhi, Polnöŋ mi oŋgita laŋlaŋ walöŋmakza." Yeŋön mutuhök nup sutŋine qahö megetmö, töndup ni mem et al niŋgiba nanŋini sileni keunöhök jiba möpöseimakze. Nöŋön Kraistkö Ölöwak Buŋa jim sehiba anda mala mutuk Korint engöreŋ kaba urugö nup meal. Mutuk qahö kabileŋak ewö, timbiqimibilim böhi mienöŋ nöŋgö keuni mewö jigetka dop köli nöŋön nani könanangö könaŋi jiba jim sohobileŋak.

¹⁵ Anutunöŋ gölme mesiŋda nup memegö jabö al engiyöhi, yeŋön selŋini mi walöŋda engö sutŋine kaba urugö nup memakze. Nanak selni qahö walöŋda tosati yeŋgö sutŋine nup mealangöra sileni qahö möpöseimakzal. Böhi tosati urugö nup memba malgeri, miangöra mewöyök sileni qahö möpöseimakzal. Engö sutŋine mutuk nup mealangöra mewö akiga ölop dop kölja. Anutugö areŋi wuatangöba sutŋine nup memba malinga mötnariŋinan toroqeba qariiga naŋgöm neŋgimegöra mamböta jöromqöröm akzal.

¹⁶ Naŋgöm neŋgigetka ölop gölmeni gölmeni Korint likeŋine Not göröken ahözei, mönö enduyangöreŋ mewöyök anda Ölöwak Buŋa jim asaribin. Nupninan mewö qariiga andöqeŋe keuŋinan teköma. Anutunöŋ tosati yeŋgö nup meme jaböŋini al engii megetka ölni lök asuhuyöhi, miangöra nani sileni möpöseimamgöra qahö mötzal.

¹⁷ †Mewö qahöpmö, Buŋa keu kiangö dop akŋamgö mötzal, "Kunŋan sileni möpöseimamgö mötzawi, yeŋön mönö Kembangö nupkö ölnangöra aka sileni möpöseii dop kölma." ¹⁸ Keu miangö könaŋi kewö: Nanŋini jim ölöwak ak aŋgumakzeanöŋ mönö Anutugö jeŋe qahö dop köljemö, Kembunöŋ niŋia jim ölöwak ak waŋgimawi, yeŋön mönö esapesapnöŋ köhöiba kinma. Mewö.

Aposol takapulakanj yeŋön tilipköm engibepuk.

11 Nöŋön borom kun uruqahö keu qakŋe silememe aki miangöra mönö kude möt lömbörime. Mi töndup ni kude andö nuŋguze, mötzal. ² Nöŋön iŋini azi mohot Kraist yeŋgö buŋaŋi aketka ambi seram jömukŋi sarakŋi ewö engibiga yeŋönök engömemapkö keuŋi jiba jöhöyal. Miangöra Anutunöŋ uruŋan engöra aka mututqutut mörakzawi, nöŋön mönö miangö dop tosati kelök keunöŋ jiba engömeget bölibepuköra waimanjat mörakzal.

³ ††Kewögöra waimanjat mörakzal: Mokoleŋnöŋ isimkakalek aiga Iwnöŋ (Ewanöŋ) böliyöhi, miangö dop timbiqimibilim yeŋön mewö me mewö jiba tilipköba engömegetka uruŋinan tölöhoiga janjun akepuk.

⁴ Miangö könaŋi kewö: Tosati kaba Jisös jim asariini, mi qahöpmö, Jisös murutŋi kungö könaŋi jim sehiba malgetka yeŋgöra qahö mötket lömböriza. Uŋa Töröŋi buŋa qem aŋgugeri, mi qahöpmö, öme kunöŋ tosati engö uruŋine gei lolonqalon mala miangöra töndup könjiliŋ qahö mötze. Ölöwak Buŋa möt aŋgön kölgeri, mi qahöpmö, keu tandökŋi kun qetŋanök Ölöwak Buŋa qeta laŋ jigetka tosati mi awamŋanök möt aŋgön kölakze. Mewö asuhumakzawangöra mönö töndup waimanjat kun qahö akze.

⁵ Miangöra waimanjat mörakzalmö, ahakmemeni mewö me mewö kewötketka etqeŋeŋi qahö akzal. Tosati aposol qet memba timbiqimibilim laŋ ahakzei, nöŋön mönö yeŋgö nembö bapŋine qahöpmahöp maljal. ⁶ Keu niŋgizei, miangö likeŋi kewö jizal: Keu ölop sorokŋi jigiŋ tandökŋi mi ölop qahö mötzalmö, Buŋa keugö könaŋi mönö möt soroközal. Mi mönö nalö dop pöndaŋ aukŋe indelbiga möt yaköze.

⁷ Iŋini mem wahöt engimamgö möta nani mem et al aŋguba malmalni naŋgömamgöra nup memba malal. Miangöra Anutugö Ölöwak Buŋa mi engöra söŋgöröŋi qahö jim asarim engiba malal. Mewö aka malalangöra tosati nöŋgöra uruqahö keu kewö jimakze, "Polnöŋ mönö köna oŋgita siŋgisöndok ahakza." ⁸ Urumeleŋ könagesö tosati nup qahö membiga töndup nalukŋini öne niŋgigetka membi naŋgöm niŋgiiga iŋini welen qem engiba malal. Tosati miangöra kewö jimakze, "Polnöŋ yeŋgorö nene silik tandök ak engiba malja. Miangöra aposol qahö akzapmö, nanŋi nupŋa memakza." Nöŋgöra mewö jiba jim sohomakze.

⁹ †Embuk mala yuaigöra osiba mözöröŋgöba miangöreŋ mönö engöreŋök kun qahö kuŋguba mem lömböriba nene yuaiŋi qahö memba malal. Mewö qahöpmö, urumeleŋ alaurup Masedonia prowin-söhök kaba yuaigöra osiali, mi ek asariba moneŋ niŋgigetka dop kölök. Ahakmemeni pakpak miangöreŋ mem lömbörim engibileŋbuköra möta galöm mem aŋguba malal aka mewö toroqeba malmam.

¹⁰ Mem lömbörim engibileŋbukö keuni miangöra mönö nani sileni memba öŋgöba maljal. Kunŋan keuni mi Akaia prowinŋinanöŋ gölmeni gölmeni pakpak mi-

† 10.17 Jer 9.24

†† 11.3 Jen 3.1-5, 13 ‡ 11.9 Fil 4.15-18

angöreñ qeapkömamgö osima. Kraistkö keu öljan mönö nam köl niñgiiga keu mewö jöhöba jiba kinjal. ¹¹ Mi wuanöngöra? Mi injini qahö jöpaköm enggibileñjak, miañgöra me? Mönö ölja jöpaköm enggimakzali, mi Anutunöñ mötza.

¹² Aposol sesekñai ewö ahakzei, yeñön nembuk “Öröröñ akingö nup tandök miyöhök memakzin,” mewö jibingö mötze. Miañgöra kewö kuñgum enggimakze, “Polgö tandök ewö nup memakzinañgöra mönö Pol ewö nañgöm neñgime.” Nupñinañgöra silenini möpöseibingö möta miañgö könañi jarumakzemö, mi ölop qahö miwikñaima. Nöñön i ewö qahö akzal. Miañgöra mem lömbörim enggibileñbuköra mönö nani galöm mem añguba maljal aka toroqeba mewö malmam.

¹³ Yeñön aposol ölñi qahöpmö, mönö aposol takapulakañi aka nup meme ambazip isimkakalekñinambuk akze. Kraistkö aposol neñgö tandök kondel añguba nup lañ memakze. ¹⁴ Satanöñ nanñak asakñangö gara-ta tandök ewö kondel añguba nup lañ memakza. Miañgöra timbiqimibilim mienñön mewö akerañgöra qahö welipkömakin.

¹⁵ Miañgöra Satangö welenqege ambazipurup mienñön ambazip welenñini qebingö tandöktandök aka Köna keu wuatangöba mewö miañön solanñi akñegöra jim sohoba kondel añgumakze. Mewö nup lañ memakzeañgöra mönö qahö auruba welipkömakin. Silememe mewö ahakzemö, nalö teteköñe Anutunöñ mönö likepñi ahakmemeninañgö dop melenñ enggima. Mewö.

Polnöñ aposol nup memba sihimbölo gwötpuk mörök.

¹⁶ Keuni kunbuk kewö jimam: Engöreñök tosatñan nöñön uruqahö maljal, mewö mötmöribeak. Mewö mötmöribeak ewö, ni mönö uruqahö azigö tandök köl öröm niñgime. Mewö aketka ölop i ewö nani sileni memba öngöba sutñine malmam. ¹⁷ Awösamkakak ketanji möta sileni memba öngöba keuni jizali, mi Kembugö mötmöt sihimñangö dop qahöpmö, mi uruqahö azigö tandök ewö jizal.

¹⁸ Ambazip gwötpukñan sutñine gölmegö ahakmeme bölonji wuatangöba silenini memba öngömakzei, miañgöra nöñön mönö mewöñanök aka keuni miañgö dop jizal. ¹⁹ Nanñinak “Mötmöt ambazip öngöñgöñi akzin,” jizeañgöra mönö uruqahö ambazip yeñgöra mötketka qahö lömbörimakza.

²⁰ Injini öl közömña kewö akze: Ambazip kewöñi yeñgöra mötketka uruñinan qahö lömbörimakza: Kunñan engömembra jöhöiga welenqegeurupñi etqeqeñi akze. Kunñan tutuhum enggiba nenenini nem tekömakza. Kunñan jim kelök ak enggiiga buñanji akze. Kunñan nanñi silenini memba öngöba keu töhöreñ jiba nuñgulumñini qekötahömakza.

²¹ I ewö öröm ureim ak enggimamgöra mönö lölöwöröñi aka malal. Ösöñ ak enggialañgöra “Kengöt moröya akza,” jiba nöñgöra mewö mötmörize me qahö? Keu mewö jiba miañön ölop gamu qem niñgimeañgö dop akzal me? Keu jimami, mi mönö

uruqahö azigö dop jimam. Timbiqimibilim yeñön nup memakzeañgöra silenini memba öngömegöra gamuñini qahö mötze ewö, nöñön mönö mewöyök nupnañgöra aka sileni memba öngömamgö möt köhöimakzal.

²² Yeñön keu kewö jiba silenini memba öngömakze, “Nini Juda ambazip aka Hibru keu jimakzin.” Mewö jimakzemö, nia kun mewöyök akzal. “Israel ambazip akzin,” jimakzemö, nia kun mewöyök akzal. “Abrahamgö isi amböurupñi akzin,” jimakzemö, nia kun mewöyök akzal.

²³ †Keu kun mi uruqahö azigö keu tandök ewö jimam, “Yeñön Kraistkö nupñi memakzin,” jimakzemö, nöñön mi mönö i luhut ala enggongita memakzal. Nöñön mönö ambazip mi enggongita nup köhöiba memba malal. Kraistkö nupköra aka kösö mire al niñgigetka miañgöreñ i enggongita nalö gwötpuk taral. Ihilek wahiñambuknöñ mönö köñöpuk köñöpuk nuñguba malget. Nalöñi nalöñi lömböt miwikñai ba kömumamgö dop aka malal.

²⁴ †Juda jike galöm tosatñan jigetka arawambu kömbinöñ nuñgugetka arenji 39 aiga sihimbölonji möta malal. Mewö ak niñgigetka indimñi 5 ahök. ²⁵ †Rom gawman yeñön jigetka ihilek wözlizknöñ nuñgugetka indimñi karöbut ahök. Sömanji mohot kötnöñ nuñgugetka kömumamgöra ahal. Wanje ketanje malbiga köwet töromnöñ kuñguba qaköba jömgöiga indimñi karöbut ahök. Nalö kunöñ wanje jömgöiga köwetnöñ geba silimñi mohot aka suñgemñi kun köwet qakñe lañ malal.

²⁶ †Nalöñi nalöñi köna anda kaba malal. O töwatñi töwatñi (göwöñi göwöñi) kutuba miañgöreñ lömböt miwikñai ba ayuhumamgö dop aka malal. Kegwek-kahasilin ambazip yeñgöra aka kömumamgö keñgötni möta malal. Juda köñagesöurupni yeñgöra aka lömböt miwikñai ba ayuhumamgö dop aka malal. Kian kantri yeñgöra aka lömböt miwikñai ba ayuhumamgö dop aka malal. Taonji taonji miañgöreñ lömböt miwikñai ba ayuhumamgö dop aka malal. Arökñangö mirinji mirinji miañgöreñ lömböt miwikñai ba ayuhumamgö dop aka malal. Köwet kutuba anda miañgöreñ lömböt miwikñai ba ayuhumamgö dop aka malal. Alaurup takapulakañi yeñön nuñguget kömumbilenñbuköra wösöni kot gwözöñniga malal.

²⁷ Malmalni nañgömamgöra nup köhöiba memba malal. Gaun guli gwötpuk malal. Nup gwötpuk mealañgöra nenegö nalöni qahö ahöiga nenegö kömumba ogö kömumba malal. Nene qahöwahiga nalö gwötpuk bödi aka malal. Opo malukugöra osiba sañgenñi möta malal. ²⁸ Miyök pakpak qahöpmö, toroqeba kewö möta malal: Urumelenñ köñagesöñi köñagesöñi pakpak yeñön waimanjatñini jigetka urunan mönö nalö dop möt lömböriba malal.

²⁹ Mötnarip alaurup denike yeñön sörauba löwörize ewö, nöñön mönö mewöñanök i uru al enggizal. Kunñan kölgrom aliga urumelenñ alanan siñgisöndok

† 11.23 Apo 16.23 †† 11.24 Dut 25.3 † 11.25 Apo 16.22; 14.19 †† 11.26 Apo 9.23; 14.15

akzawi, siŋgisöndok miangö könöpŋan mönö nöŋgö uruni mewöyök nohoiga tembulakzal.

³⁰ Silememe keuyök mönö mötŋingö ak engiza. Miangöra sileni memba öngömamaŋgö dop akilenjak ewö, ni memba et al niŋgigetka ösumeret tandök akzali mönö miangöra aka sileni memba öngömakzal.

³¹ Kembu Jisösgö Iwi Anutuŋi nalö dop möpöseininga teteköŋi qahö aködamunŋambuk mal öngömawi, yaŋön mönö nöŋgö könaŋamni möri muneŋ keu qahöpmö, keu öŋi mi jizal.

³² †Damaskus sitinöŋ malbiga kiŋ Aretasgö kiapŋan mönö buldömin aziurupŋan nömimba jöhöm niŋgimegö jim kutum engiiga Damaskus ambazip yengö siti sel naŋgunje mönimba ölöŋ köla an-bilenjaköra galöm memba kinget. ³³ Mewö kingetmö, alaurupnan nömembra sakapnöŋ al niŋgiba kösönöŋ jöhöba siti sel jengenareyök ösöŋösöŋ algetka gölmenöŋ eta köla böröŋeyök ölöŋ köla kayal. Mewö.

Polnöŋ jemelen imut eka indelindel keu mörök.

12 Engö silememe alaurupŋinan jemelenjö keuŋi keuŋi jimakzei, miangöra nöŋön mewöyök sileni möpöseiba jemelenjö keuni jimam. Keu mi ölöŋ qahö bauköm engimappmö, töndup keu toroqeba jemelen imutŋi imutŋi eki Kembunöŋ keuŋini indeli mörali, miangö kösohotŋi jimam. ² Azi kun möt waŋgibi Kraist-puk qekötahöba malja. Uŋa Töröŋan i waŋgiriga gölmegö kousu luhut jaböŋi öŋgita öngöba seŋgelau jaböŋi öŋgita öngöba Anutu nanŋaŋgö Suep miri uruŋe eu öngöyök. Nalö miangöreŋök yambu 14 lök teköi maljin. Silebuk me sileni qahö uŋaŋanök öngöyöhi, mi qahö mötzal. Anutunöŋ mi mötza.

³ Uŋa Töröŋan azi mi waŋgiri Anutugö oyaenkyoaen miriŋe öngöi keu qainŋi kun jigetka mörök. Gölmee azi nöŋön keu mi jimamgö soŋgo ahöza aka keu mi gölmee ambazip nengö keuninan jibinaŋgö dop qahö. Silebuk me sileni qahö öngöyöhi, mi Anutunöŋ mötza. Nöŋön mi qahö mötzalmö, yaŋgö kösohotŋi mötzal.

⁵ Nöŋön azi yaŋgöreŋ yaui asuhuyöhi, miangöra sileni memba öngömamaŋgö dop akzal. Nanangöra mi asuhuyökmö, töndup miangöra aka nani sileni qahö möpöseimakzal. Miangöra qahöpmö, ösumeret akzalaŋgörök mönö mewö ahakzal.

⁶ Nanangöra sileni mewöyök memba öngömamgö mötpilenjak ewö, keuni mönö keu öŋaŋgö dop jibilenjak. Mewö keu omaŋi jiji azia qahö akilenjakmö, mi kewögöra köyatim aŋgumakzal: Körek enön jemelen mi ehalangöra keu diŋdiŋi öŋgita nöŋgöra mötket öngöŋgöŋi akilenjak. Ahakmemeni aki eketka keu jibi mötkeri, mönö miangö dowök kewöt niŋgimegöra mötzal.

⁷ Indelindel keu öngöŋgöŋi mötŋi keu tosatŋi öŋgirakzawi, miangöra aiweliköm aŋgubilenjaköra Anutunöŋ yaui jitŋambuk nöŋgö silene aliga kondi söt-mangö dop nuŋgumakza. Satangö garatanöŋ sihim-bölä mi niŋgiiga mörakzal. ⁸ Miangöra Kembunöŋ mi

sileneyök mem gilmapköra köuluköbiga indimŋi karöbut ahök.

⁹ Mewö köuluköyalmö, keu kewö jii möral, “Qahö. Ösumeret aknöŋga nöŋgö kukösumnan mönö amqeba urugi kokolak qeiga aködamungabuk ahakŋan. Miangöra nöŋgö kalem möriamni mönö buŋa qem aŋgunöŋga dop kölma.” Keu mi jii möta Kraistkö kukösumŋan qakne öngömapköra mörakzal. Miangöra ösumeret ahakzalaŋgöra sileni möpöseimakzal. Lömböt mi qahöwakŋapköra qahö toroqeba köulukömakzal.

¹⁰ Kraistnöŋ ni ösumeret ahakzali, nalö miangöreŋ ösum niŋgiiga köhöiba kinakzal. Miangöra ösumeret akzalaŋgöra töndup mötŋi dop köli siksuk qahö akzal. Tosatŋan uruqeqe keu töhöreŋ jim niŋgigetka mötŋi dop köl niŋgiza. Kraistköra aka kahasililiŋ sesewerowo ak niŋgigetka wahöjalini möta miangöreŋ töndup urubönjöŋ miwikŋaimakzal. Mewö.

Polnöŋ Korint yengöra waimanjat mörök?

¹¹ Sileni memba öngöba mönö uruqahö tandök akzal. Diŋgimegöra aka köna murutŋi kun qahö miwikŋaiba nöŋgöra mötket öngömapköra mi jizal. Öŋa, Anutunöŋ qahö bauköm niŋgibawak ewö, nanak mönö yaui kun qahö aki andöqeqe keuŋinan öŋi akawak. Öŋi akawakmö, ahakmemeni mewö me mewö kewöztali, mönö etqeqeŋi qahö akzal. Tosatŋan aposol qetpukö qet memba timbiqimibilim laŋ maljei, nöŋön mönö yengö nembö bapŋine qahöpmahöp maljal.

¹² Engö sutŋine nup memba lömböt gwötpuk möta mökösoŋda malali, miangöreŋ Anutugö kukösumŋan sölölohöm niŋgiiga aŋgöletot aiwesök könaŋi könaŋi asuhuget. Ahakmemeni miangön mönö aposol akzalaŋgö könaŋi kondel engiiga eket.

¹³ Inini bauköm engial aka urumelen könagesö tosatŋi mi embuk öröröŋ ak engial. Tosatŋi engömembi wahötketka inini mönö denöwö engömosötŋi öne malbeak? Öŋa, naŋgöm niŋgimegö lömbötŋi mi engö qakŋine qahö alal. Aposol takapulakanŋi yeŋön lömböt mi engö qakŋine alakzemö, nöŋön mi tosatŋi yengö qakŋine albi bisimakze. Naŋgöm niŋgimegöra qahö kuŋgum engiba mewö köpösihit ak engial me? Miangöra “Polnöŋ köpösihit azia akza,” jibeak, mönö pinjitni mi mosötmegöra qesim engizal.

¹⁴ Mötket, nalö kewöŋe kunbuk engöreŋ kamamgö jöjöröbiga indimŋi karöbut akŋa. Kaba nupni naŋgömegö lömbötŋi mi dumŋe kunbuk engö qakŋine qahö almam. Mi qahö. Nanŋini sukinapŋinaŋgöra qahö köpösöŋgömakzalmö, nanŋinak mönö nöŋgöra ak engimapköra mötzal. Nahönbörat yeŋön iwinamurupŋini naŋgöba inap tokoba engimeangö dop qahö akzemö, iwinam yeŋön mönö mi nahönböratuŋurupŋini yeŋgöra tokogetka dop kölja. Miangö dop urugö nupnöŋ göröken nöŋön iwiŋini akzal. Miangöra urunöŋ göröken bauköm engimamgö mötzal.

¹⁵ Miangöra enön ölöwakŋegöra yauiŋi pakpak mi sösoŋgai qakŋe tököm engibi engö buŋa akŋapköra

† 11.32 Apo 9.23-25

mötzal. Nani malmalni mewöjanök ölöwaknegöra mosötmamgö mötzal. Mewö önöñji qahö jöpaköm engibi urukalemnan qarimakzadmö, engö urukalemñinan mönö töndup wuanöñgöra wazimakza?

¹⁶ Ölna, nanngöm niñgimegö lömbötñji mi engö qakñine qahö alal. Nöñgö tuarenjoñurupnan keu miangöra urumohot akzemö, tosatñan kewö jibeak, "Pol mi mötmöt azia aka tilipqilipñambuk uruñini mezanña köpeim engiba monenñini mewö me mewö örömakza." Keu miangön ölnji qahö. ¹⁷ Mi denöwögöra jize? Neñakurupni melaim engibiga engören kageri, yengörenök kunñan Pol inap wanngimegöra kuñgum engiyök me qahö? Qahö. ¹⁸ Taitus engören kamapkö kuñgum wanngiba urumelen ala kun yambuk melaibi kayohot. Taitusnöñ ni inap niñgimegö kuñgum engiyök me qahö? Qahö. Uña mohot miangön mönö sölölohöm netkiiga nup nanngönanngögö köna mohot anda kaba malit. Mewö.

Polnöñ mönö Anutugö kukösum qakñe kama.

¹⁹ Kimbi ki oyonda miangören nöñgöra kewö mötmöríbepuk, "Keu jim engiinga miangö likepña kapan köla jiba mewö ohoza." O wölböt alaurupni, miangöra kewö jimam: Mönö Kraistpuk qekötahöba keuni Anutugö jemesoholñe jiba ohozal. Nupnini pakpak mi enñon uruñini möhamgöba köhököhöi miwikñamegöra memakzin.

²⁰ Engören kaba eki ahakmemenñini tökömakzali, mi wuatangöba malbepuk. Mewö miwikñaim engibilenbuköra waimanjat mötzal. Ahakmemenñinangö likepñi melen engibi qakñine öngömawi, enñon mönö tandök akñami, mi tökömegöra mötzal. Sutñine ahakmeme kewö akepuköra goro mötzal: Urunöñ mututqutut aka angururuk akepuk. Urusingok aka yom jibepuk. Silenöñ alal ak anguba denña nanñini kambugörök mötmöriba malbepuk. Andöqeke keu töhören jiba miangön mem bölim angubepuk. Tosatñi yengö keuñini tölapñe jigetka diwonñawon anbabuk. Jakbak-öranñöran aka arenji törörök qahö wuatangöba nanñini imbi-imbi lañ malbepuk.

²¹ Mewö aka malme ewö, nöñon mönö kewö asuhumapköra waimanjat möta kamam: Ambazip gwötpukñan mutuk siñgisöndok aka malgeri, yengöra mönö urukömbuk aka sahötpilenbuk. Ahakmeme töwötñambuk lañ wuatangöba sihimñini kömbönanji miwikñamegöra serowilin akerangöra gamu qahö möta qahö möt bölim anguget. Sutñine kabiga uruñini kunbuk qahö melenget engekiga Anutunöñ mönö uruni kuñgui kunbuk urueret akilenbuk. Mewö.

Galöm meme keu qöndökñi

13 †Nalö kewöñe engören kabiga indimñi karöbut akña. "Keugö jakenñe alalgö keuñi pakpak mi mönö ambazip yahöt me karöbutñan nanngöba jigetka köhöimakza." ² Nöñon Buña keu miangö dop akzal.

† 13.1 Dut 17.6; 19.15

Engö sutñine malbi indimñi yahöt aiga miangören lök galöm meme keu engial. Keu mi nalö kewöñe kunbuk köl guliba qeljiñeyök jizali, miangön teköza. Miangöra kunbuk kamami, nalö miangören ambazip siñgisöndok mutuk akeri me akzei, mi mönö qahö engehori-mam. Bölöñamñinambuk iñini mönö körek mindiñgöm engimam.

³ Kraistnöñ mönö ösumeret qakñe qahö ak engimakzadmö, kukösumñi sutñine kondelakza. Kraist miangönök mönö sölölohöm niñgiiga aposol aka keu jimakzali, iñini miangö könanangöra uruyahöt aka kapan köla qesim angumakze. Miangöra silikñinangö dop mönö keu engiba mindiñgöm engimam.

⁴ Kraist maripomnöñ qegetka kömuyöhi, nalö miangören mönö ösumeret tandök malökmö, töndup Anutugö kukösumñan nam köl wanngiiga mal köhöiza. Nöñon mewöjanök yambuk qekötahöba nani ösumeret aka maljalmö, Anutugö kukösumñan mönö nam köl niñgiiga Kraistkö jitñi memba mindiñgöm engimamgö mal köhöizal.

Möno nanñini kewöt anguba uruñini melenñe.

⁵ Möno nanñini törörök kewöt angume. Uruñini melenña ölna Kraist möt narize me qahö, miangöra mönö esapesapnöñ ala kewöt angume. Kraist Jisösgö Uñan uruñine mal köhöizawi, mi möt kutuze me qahö? Uruñine qahö malja ewö, iñini mönö esapesap miangören et enguiga Kraistkö buñaya qahö akze. ⁶ Nöñon engören aposol ölnji akzal me qahö, iñini mewö kewöt niñgigetka esapesap miangören kude eta nuñguma, mewö mötzal. Iñini nöñgö könanani mewö aukñe eka möt kutumegöra jörömqöröm aka maljal. Miangöra mindiñgöm engibi ölna dop köлма.

⁷ Keu pakpak ohoba kotzali, mi ak sohobepuköra Anutu köuluközin. Keu kun jim sohoba malgetka kaba mindiñgöm engibiga tuarenjoñurupnan mönö aposol kukösumni ölna eka ek asarime. Mewö asuhumapköra qahö köuluközal. Iñini qahö mindiñgöm engimangö dop nekepuköra qahö köuluközalmö, enñon urumelen diñdiñi aknegöra köuluközal. Uruñini ölna melenñe ewö, nöñon mönö qahö mindiñgöm engibi tuarenjoñurupnan nöñgöra toroqeba azi lölöwöröñi tandök ewö mötpeakmö, mi muat.

⁸ Nini keu ölnji qetala kun uteköbingö osibinmö, keu ölnan sehimapköra ölop kinbin. ⁹ Nöñon kukösumni qahö kondela ösumeret tandök malbiga enñon köhöiba kinmei, nalö mewöñe mönö sösoñgai ahakin. Urumelenñgö aködamunñini körek miwikñaiiba köhöiba kinmegöra neñon Anutu köulukömakzin. ¹⁰ Kembunöñ iñini memba et al engimamgöra qahöpmö, uruñini möhamgöbi köhöimegöra möta kukösumñi mi al niñgiyök. Kukösum miangö qakñe kinda engören kamami, nalö miangören könöbuk ak engibilenbuköra mönö keu ki körowen mala engöra kimbi ohozal. Nanñinak mindiñgöm angume ewö, mönö ösoñ ak engimam. Mewö.

Yaizözkök keu tetekönji

¹¹ O urumelenj alaurupni, keuni jim teköba qambañ kewö engizal: Mönö söñgaiba malme. Könañamñini sohyöhi, mi mönö körek mindingöm teköme. Urukunḡukunḡu keu engizali, mi mönö buña qem aḡguba tem kölme. Keu jiali, mi aḡgörenj mönö urumohot aka luainönj malme. Mewö aketka Anutu jöpaköm aḡgumegöra inahöm neḡgiba luai qem neḡgimawi, yañön mönö embuk malma.

¹² Injini urumelenj alaurupñini yembuk jölönjini jiba mönö köna sarakñi wuatangöba jölönjini jiba aḡgum aḡguba numbuñini yöhötüm namba malme. Anutugö ambazip sarakñi pakpak ki maljei, yeñön yaizözkökñini algetka eḡgörenj kaza.

¹³ Kembu Jisös Kraistnönj mönö kalem möriamñi eḡgiiga Anutugö urujöpakñan nam köl eḡgiiga Uña Törönjan körek inahöm eḡgiiga urumohot aka köisirik malme. Mewö.

Galesia

Jim-asa-asari

Polnön Buña Kimbi ki Galesia prowinsgö urumelen könagesö yengöra ohoyök. Galesia prowins mi Eisia Mainö (Töki) uruñe Rom yengö bapñine malget.

Aposol yenön Anutugö Buña keu jim sehigetka mutuk Juda tosatñi aka könagep kian kantri tosatñan mewöyök uruñini melenget. Nalö miangörej Juda yenön kapan köla keu yahöt kewö jigetka lömböriyök:

1) "Kian kantri yenön Mosesgörej Köna keugö dop Anutugö aiwesökñi silenine qahö yandime ewö, yenön mönö urumelen könagesö ölni qahö akñe." Anutunön ambazip nanñangöra möwölöhöm enñiyöhi, yengö aiwesökñi mi sile yandiyandi. Jen 17.10–12. Polnön mi möta "Keu mi ölni qahö!" jiba kewö jim kutum enñiyök, "Kian kantri yenön Jisös möt narigetka Anutunön mötnaripñini miangöra aka keuñini jim teköi solaniba urumelen kambu ölni akñe."

2) Böhi takapulakanj yenön Polnön Uña Töröñangö ösumnön nup meyöhi, mi memba et ala kewö jiget, "Pol mi aposol ölni qahö akzawangöra keunji kude mötme." Mewö jigetmö, Polnön köhöiba jiyök, "Nönön Jisösgö Ölöwak Buña jiji azia aka Anutunön meköba kuñgum niñgiiga aposol ölna maljal." Mewö jiba Galesia yengö urumelen kambunji kambunji ahakmemegö qambar keu ohoyök. Urunini melenbin ewö, mönö amqeba Kraist jöpaköba nupñi meinga ölni asuhuma.

Buk kiangö bahöñi bohonñi 5 mi kewö:

Keu mutukñi

Pol ni aposol ölni akzal

Anutu kalem möriamñangö Buña keu

Nanini imbi-imbi akinbukö songo

Kimbigö keu kötni bohonñi

1 Pol nönön keu eraum mötpingöra Galesia urumelen könagesö engöra kimbi ki ohozal.

Melaimelai azi akzalangö könani kewö: Ambazipnön aposol nupköra qahö kuñgum niñgigetka memba maljal. Gölmelme azi kuññan qahö melaim niñgiyökmö, Jisös Kraist aka Iwi Anutu i kömupnöhök mem guliyöhi, yetkön mönö arengöba aposol nup al niñgiyohotka kinjal. ² Neñakurup pakpak nömbuk kinjei, yenön ni kötöngöm niñgigetka kimbi ki albi Galesia prowinsnön anda urumelen könagesö kambunji kambunji engörej kaza.

³ Anutu Iwinini aka Kembu Jisös Kraist yetkön mönö kalem möriam enñiyohotka luainön malme.

⁴ Jisösnön nanine Anutu aka Iwi yangö numbu jitñi wuatangöba neñgö siñgisöndokninangöra aka malmalñi köleñniga qeget. Nalö kewöñe gölmegö nalö bölöñe malakzini, yanön mönö kiangörejök amöt qeba meköm neñgimapköra aka kömuyök. ⁵ Miangöra Anutugö qetbuñanj nalöñi nalöñi möpöseininga teteköñi qahö aködamunñambuk ahöba ahöm öñgöma! Keu mi ölna.

Ölöwak Buña mi kude jim sohoba mondokqon-doköme.

⁶ Nönön engö könaniñangöra aka aurubiga je kötni jölja. Anutunön Kraistkö kalem möriamñi buña qem angumegöra engoholiga yambuk malgetmö, nönön engömosötpiga tosatñan kaba Ölöwak Buña murutñi jigetka nalö qahö köriiga eleñda keu goñgoñi miangörej qekötahöba enjololon malje. Miangöra mönö ölna auruzal. ⁷ Keuñini mi Ölöwak Buña ölni qahöpmahöp akzapmö, ambazip tosatñan Kraistkö Ölöwak Buñanj mi enjololon memba melenqelen aketka möwököwöramgöiga goñgiza. Mewö aiga lañ liliköba ambazip kuñgum enñigetka uruñinan siksauk aiga malje.

⁸ Ambazip mewöñi mi yapmakek! Neñön Ölöwak Buña lök jim asarim engiba malini, kuññan mi qeapköba buña keu murutñi jim asaribawak ewö, yanön mönö Anutugö jeñe könöp siagö buñaya akza. Mi neñgörejök kuññan me Suepkö garata kuññan eta jibawak, mi töndup keu mewöñi mönö qahöpmahöp tem kölmelme. Keu goñgoñi mi muat. ⁹ Keu mutuhök jiba malini, miyöhök mönö dölkni kunbuk jizal: Enön Ölöwak

Buŋa lök möt aŋgön kölgeri, kunöŋ mi qeapköba buŋa keu murutŋi jim asaribawak ewö, Anutunöŋ mönö i jörahöm waŋgiiga könöp sianöŋ gema.

¹⁰ Keu mewö jizali, mi ambazipnöŋ nek soriget nanak jeŋine dop kölmamgöra aka qahö jizalmö, Anutunöŋ nehi yaŋgö jeŋe dop kölmamgöra aka mi jizal. Nöŋön gölme ambazip uru ölöwak möt niŋgimegöra qahöpmahöp kapaŋ kölakzal. Toroqeba ambazip kelök ak eŋgiba sipköbilenjak ewö, nöŋön mönö Kraistköreŋ nup memamgö osibilenjak. Mewö.

Kraistnöŋ mem letot niŋgiiga aposol ahal.

¹¹ O alaurupni, Ölöwak Buŋagö könaŋi mi kewö möt yaköme: Buŋa keu jim asarimakzali, mi gölme azi kunŋan qahö jimbureŋ jiyöha ahöza. ¹² Kunŋan kun mi qahö kusum niŋgiyök. Mi gölme azi kungöreŋök qahö möt aŋgön kölalmö, Jisös Kraistnöŋ nanjak asuhum niŋgiba Ölöwak Buŋaŋi indeliga möt asaribiga nöŋgö buŋaya ahök.

¹³ †Eŋön nöŋgö könaŋamni ölop mötze. Juda ambazipnöŋ Anutugö Köna keugöra urukönöp ahakzei, nöŋön mutuhök yengö mötmötŋini wuatangöba yengö dop aka memba malal. Mewö mala Anutugöreŋ urumeleŋ könagesö mi eŋgum ureiba jaŋgauranga mem eŋgiba malal. Könöpŋambuk sesewerowero ak eŋgiba mem ayuhum eŋgimamgö esapköba malal.

¹⁴ ††Juda ambazip gwabö alaurupni qötönini mohot kota malini, nöŋön yengöreŋök sehisehiŋi mi luhut al eŋgiba Köna keugöra urukönöp aka malal. Mewö mala Juda ahakmemegö könaŋi törörök wuatangöba ambösakoninangö jimkutukutu keu etpapuköra mönö önöŋi qahö kapaŋ köla malal.

¹⁵ †Mewö aka malalmö, Anutunöŋ mutuhök nam körö uruŋeyök neka nanŋangöra möwölöhöba al niŋgiyök aka könaŋep kalem möriamŋangöra aka noholök. Noholöhi, yaŋön mönö nöŋgöra areŋ kewö möri dop kölök: ¹⁶ Yaŋön Nahönŋangö könaŋi nöŋgöra indeli mötmamgö möta Jisösgö Ölöwak Buŋaŋi memba kian kantri tosatŋe anda yengö sutŋine jim asariba malmamgö jiyök. Yaŋön mewö jiyöhaŋgöra aka nöŋön wahöta könakönahineyök könahiba gölme ambazip yengö goro keuŋinaŋgöra mönö qahöpmahöp jaruba qesim eŋgiba mala koral.

¹⁷ Mewöŋanök Jerusalem sitinöŋ qahö öngöba melaimelai azi aposol mutuk mala kotkeri, yengöreŋ qahö anda asuhuyal. Mewö qahöpmö, miangöreŋök Arebia gölmenöŋ anda mala kunbuk Damaskus sitinöŋ lilingöyal. ¹⁸ ††Damaskus lilingöbiga yambu (yara) karöbut teköiga “Pitö eka möt kutumam,” jiba Jerusalem sitinöŋ öngöba yambuk sömaŋi 15 miangö dop malal. ¹⁹ Miangöreŋ malalmö, melaimelai azi aposol tosatŋi i qahö eŋgehal. Kembugö munŋi Jeims iyök ehal.

²⁰ Miangöra mötket, keu ohom eŋgizali, mi keu ölni akza. Munenji kun qahö. Keu mi Anutugö jemesoholŋe jizal.

²¹ Jerusalem mosöta Siria aka Silisia gölmenöŋ anda miri tosatŋi liliköba malal. ²² Mewö anda malalmö, Judia prowinsgö urumeleŋ könagesö kambuŋi kambuŋi Kraistpuk qekötahöba kinjei, yeŋön qahö nekerangöra nalö miangöreŋ ni qahö möt kutum niŋgiba malget.

²³ Nöŋgöreŋ buzup keu kewöyöktöp yengö kezapŋine geiga mötket, “Mutuk sesewerowero ak neŋgiba malöhi, yaŋön mönö letota malja. Mötnariŋ keu ayapkömapköra jaŋgauranga mem neŋgiyöhi, yaŋön nalö dölkewöŋe nanjak keu miyöhök jim asarimakza.”

²⁴ Mewö möta nöŋgöra aka Anutu möpöseim waŋgiba malget. Mewö.

Aposol yeŋön Pol örögetka sutŋine kayök.

² †Miangö andöŋe yambu (yara) 14 teköiga miangöreŋ “Barnabasbuk Jerusalem sitinöŋ kunbuk öngömam,” jiba Taitus mewöyök waŋgitpiga mohotŋe öngöin.

² Anutunöŋ mutuk nöŋgöra asuhuba anmamgö keu indelöhaŋgöra aka yetpuk anda Jerusalem aŋgota nupnangö könaŋi jim asarim eŋgial. Nup pöndaŋ memba kota maljali, mianöŋ aposol yengöra qahö dop köliga nupnangö ölnan eta qeiga pöröpökobapuk. Mewö mötmöriba kösohotni ambazip omaŋi yengöra laŋ qahö jialmö, jitŋememeurupnini göda qem eŋgimakzini, iyök öröm eŋgibiga tokoget. Tokogetka miangöreŋ Ölöwak Buŋa kian kantri sutŋine liliköba jim sehimakzali, mi aukŋe al eŋgibiga mötket. ³ Yeŋön mi möta “Ölop!” jiget. Mewö jiba neŋakni Taitus Grik azi yaŋön nömbuk malökmö, töndup ketanaŋninan Anutugö aiwesökŋi sileŋe yandimegö qahö jim kutum waŋgiget. Juda neŋgöreŋ Köna keu mi qahö al köhöim waŋgiget.

⁴ Juda ketanji yeŋön qahöpmö, tosatŋan silenji yandibingö möta sutŋe sutŋe kunguba jigeri, böhi takapulakanji miengö könaŋini kewö: Yeŋön “Urunini melenjin,” jiba mewö möndöba neŋgö könanini ek kutumegöra ölöŋ jaŋjaŋ kaba ala tandök sutnine kaŋgota malget. Nini Kraist Jisösbuk qekötahöingma malmal walŋangö kösönöhök pösat neŋgiiga solanŋi maljini, miangö silikŋi ek kutumegöra kinget. Yeŋön neŋgöra kewö möta köpösöŋgöget: Ölop malgetka eŋgömeingana nine sel uruŋe kagetka Mosesgö Köna keu bapŋe al eŋgiingana nine welenqeŋeurupnini akŋe.

⁵ Mewö köpösöŋgöba metal neŋgigetmö, neŋön mönö Ölöwak Buŋagö keu ölnan lolonqaloŋ akapuköra kinjin. Mi eŋgö sutŋine kahaimök ahöm köhöimapköra kinjin. Miangöra nalö kunöŋ qahö löwöriba keuŋinaŋgö bapŋe anbingö qahöpmahöp imbi köl waŋgiin.

⁶ ††Totokonöŋ nöŋgö Buŋa keuni jim asaribiga jitŋememe yeŋön “Ölop!” jiba nöŋön keu kun toroqeba jimamgö qahö jiget. Azi mi ipŋina aketka göda qem eŋgimakze. Qetbuŋaŋini mewö me mewö akzawi, nöŋön miangö mötŋi dop mohot akza. Anutunöŋ ambazip tosatŋi qahö neŋgek soriba tosatŋi qahö qepureim eŋgimakza. Dop mohotnöŋ kewöt neŋgimakza. ⁷ Buŋa keuni qahöpmahöp utekögetmö, Anu-

† 1.13 Apo 8.3; 22.4-5; 26.9-11 †† 1.14 Apo 22.3 † 1.15 Apo 9.3-6; 22.6-10; 26.13-18 †† 1.18 Apo 9.26-30

‡ 2.1 Apo 11.30; 15.2 †† 2.6 Dut 10.17

tugö nup arenji miangöra mönö "Aha!" jiba kewö ek asariget: Anutunöj möt narim nenjiba Ölöwak Buja jim asaribingö nupnji mi kewö mendenök: Nönön mi kian kantri sutnjine jim sehibiga Pitönöj Buja keu miyök Juda könagesö yengöra jim asariba urunini kungum engimakza.

⁸ Nupnji mewö mendenja aposol Pitö inahöm wangjiga Juda azi silenini yandigeri, yengö sutnjine urukungukungu nup memakza aka ni mewöjanök inahöm ninggiiga melaimelai azia aka kian kantri sutnjine liliköba nup miyöhök memakzal. ⁹ Miangöra Jeims, Pitö aka Jon, azi ipnji qetbujañinambuk yengön Kembunöj kalem möriam mewöni ninggi malali, keu mi möt kuntugetka urumohot ahin. Nup mewö mendenja miangö kaisöpsöpnja Barnabas niri böröniri qegetka kewö jim köhöinin, "Niri kian kantri yengörej anda nup meziga nanjini Juda könagesö yengö sutnjine toroqeba nup memakne." ¹⁰ Mohot-kungöra qesim netkiba kewö toroqeba jiget, "Ambazip wanapnji bauköm engibitköra mönö toroqeba mötmöriba malmahot." Mewö jigetka mönö mewöyök ak engimamgö kapanj köla maljal. Mewö.

Polnönj Pitö qetala jim wangiyök.

¹¹ Mewö jim köhöininmö, Pitönöj Antiokia sitinöj kaba möñaqönai aiga ambazip uruninan gwötpuk böliyök. Miangöra Pitönöj kaiga ehali, nalö miangörej mönö jeje kunguba kewögöra tuarenjor ak wangial: ¹² Pitönöj mutuk kian kantri yembuk mala nene mohokne namba malgetmö, azi tosatjan Jeims mosöta Jerusalemök kagetka miangö andöne ambazip mi engkek siriköba tikeptikep kinök. Anutugö aiwesökni silenine yandiget yengöra kenjötjni möta zirinjirin aka Juda kambu yembuk qekötahöba malök.

¹³ Mewö kian kantri ambazip mi ölan enguba kongwarak aiga Juda urumelenj ambazip tosatjan mewöyök Pitöbuk qekötahöba silesile silik aket. Silesile silik aka Barnabas mewöyök örögetka yembuk janjunj ahök. ¹⁴ Mewö aka ahakmemenjan Buja keu ölni diñdjanök qahö wuatangögeri, nönön mi eka ambazip körek yengö jemesoholjine kinda kewö jial, "Pitö, gi Juda aziapmö, töndup kian kantri yengö ahakmemenini wuatangöba maljan. Nangak Juda nanine ahakmeme qahö wuatangöba töndup kian kantri ambazip mi wuatangöba kinmegöra kungum engiba urukönöp ahakzan? Mi qahö dop kölja." Mewö.

Juda aka kian kantri nenjön Anutugö jeje örörönj akzin.

¹⁵ Juda asuhuba urunini melejnini, nenjön mönö kian kantri ambazip singgisöndokñinambuk qahö aka maljin. ¹⁶ †Mewö maljinmö, amötqeqegö könañi mi kewö ahöi möt yaközin: Jisös Kraist möt nariinga keunini jim teköi solanizin. Kunjan Köna keu wuatangöba mewö miangön solanji qahö akña. Miangöra nenjön tok solanji akingö möta Kraist Jisös möt narim wangji-

inga keunini jim teköi solaniin. Mi Köna keu tem kölbinahangöra aka qahö.

¹⁷ Mewö Kraist qekötahöba Anutugö jeje solanibingö kapanj kölinga Anutunöj töndup miwikñaim nenjiiga naninak kantri tosatnji tandök singgisöndokni-nambuk maljin ewö, Kraistnönj mönö singgisöndok akingö nam köl nenjiza me qahö? Qahöpmahöp! Keu mi yapmakek! ¹⁸ Köna keu wuatangöba solanji akingö keunji lök köndenja qeapköyal. Qeapköyalmö, mi kunbuk esapköba jim kungubilenjak ewö, mönö Köna keu miyök qetala singgisöndok azia aka könañamni kunbuk mewö miwikñabilenjak. ¹⁹ Mutuk könañamni mewö miwikñai Köna keugöra aka kömukömuñi tandök ewö ahal. Mewö akiga Köna keunöj mönö qahö toroqeba galöm köl ninggiiga solanji maljal. Nönön malmalni Anutugörej albaga Kraistpuk maripomnöj nunjuget ewö kömumba kinda yambuk köhöiba maljal.

²⁰ Miangöra nanak qahö toroqeba maljalmö, Kraistkö Uñañan mönö nönjögö urune köhöiba malja. Kraistnönj uru jöpaköm ninggiba malmalji nönjögöra kölenja sohopni meyök. Miangöra toroqeba silebuk malmal malmami, mi mönö Anutugö Nahönñi möt narim wangjiba malmam. ²¹ Köna keu wuatangöba mewö miangön solanji akinak ewö, Kraistnönj mönö öne töhön kömumbawak. Kömuyöhi, mi möt nariba Anutugö kalem möriamni mewö qahö qeapkömakzal. Miangön mönö nam köl nenjiiga solanimakzin. Mewö.

Köna keugörök kinme me Jisös möt narime?

3 O Galesia kahapmahap ambazip, urunini qahö! Nönön Jisös Kraist maripomnöj qegerangö könanji mi jenine ala jim kondel engialmö, kunjan nönjögö andöne kaba kahalalom mem engiiga janjunj akze. Mi qahö dop kölja. ² Yuai mohot-töp qesim enggibiga jiget mötmamgö mötzal: Enjön Uña Törönji mi mönö denöwö aka buja qem anguguet? I Köna keu wuatangögerangöra aka qahöpmö, Ölöwak Buja möta Jisös möt narigetka Uña mi urunine ali buja qem anguguet. Nönön keu mia ölum engubapüköra kinda urunini kunguzal. ³ Mia ölum enguyök tandöktandök melejnda mötmötñini mosöta kahalalom akze. Mutuk Uña Törönjan urunine geba inahöm engiiga könañi könahiba angetmö, kunbuk Mosesgö Köna keugö könañe geba anakze. Nalö kewöne nanjini ösum qakne solanji akingö esapkömakze me? Ösumñini miangön mönö qahö dop kölja.

⁴ Kraistköra aka sihimbölö gwötpuk ak engigetka qakñine öngöyöhi, mi mönö öne töhön möta bisiba malget me? Ölni qahö aiga mi mönö ölna öne töhön bisiget. Miangöra injini mönö uruqahö ambaziwa malje. ⁵ Miangöra Anutunöj Uña Törönji enggiba sutnjine angöletot ösum-mumuñambuk memakzawi, mi enjön Buja keunji möta Jisös möt narimakzeangöra aka memakza. Köna keu wuatangömakzeangöra aka mi qahö memakza. Qahö. Keu mi kude ölum enguma. Mewö.

† 2.16 Sum 143.2; Rom 3.20, 22

Abrahamgö köna wuatangöinga dop kölma.

⁶†Keu miangö dop Anutunöŋ Abraham ak waŋgiiga mi Buŋa keunöŋ kewö ohoget ahöza, “Abrahamnöŋ Anutu möt narim waŋgiiga eka keuŋi jim teköiga solaniyök.” ⁷Miangöra Abrahamgö könaŋi mötmöriba kewö mötme: Denike yeŋön Anutu möt narimakzei, yeŋön mönö Abrahamgö undumurupŋi aka malje. ⁸††Anutunöŋ qeljiŋe areŋi kewö alök, “Ambazip Juda qahö yeŋön ni möt narim ningigetka keunini jim teköbi solanime.” Areŋi mewö ala miangö dop Abrahamgöra Ölöwak Buŋa keu qeljiŋe kewö jii mörök, “Göhöra aka nöŋgö kötuetnan mönö gölmegö ambazip kambu pakpak yeŋgö qakŋine öŋgöma.” Tosatŋan keu mi qeljiŋe ek asariba Buŋa keunöŋ ohoget. ⁹Abrahamnöŋ Anutu möt narim waŋgiiga kötuetköm waŋgiiga mötnaripkö bömönjalöŋi ahök. Miangö dop denike yeŋön Abrahamgö dop möt narizei, Anutunöŋ i mewöyök kötuetköm engiiga Abrahamgö undumurupŋi akŋe.

Jisösnöŋ salupnine qesuahöp buŋa qem anguyök.

¹⁰†Mewö akŋemö, körek yeŋön Köna keu wuatangöba miangö qakŋe nariba maljei, Anutunöŋ mönö jörahöm engiiga malme. Keu mi Buŋa keunöŋ kewö ohoget ahöza, “Köna keu Kimbinöŋ keu pakpak ohoget ahözawi, kunŋan kun mi körek qahö tem köla wuatangömakzawi, Anutunöŋ mönö i qesuahöm waŋgiiga malma.” ¹¹†Buŋa keu kun kewö ohoget ahöza, “Ambazip solanŋi kungö mötnaripŋan mönö nam köl waŋgiiga köhöiba malma.” Miangöra kunŋan Köna keu wuatangöba miangön solanŋi akŋamgö mötzawi, yeŋön mönö Anutugö jeŋe qahö solanima. Qahö. Keu mi lök aukŋe kondel engibiga teköza. ¹²††Mötnaripnöŋ Mosesgö Köna keu qahö nam kölja. Keu miangön jöjöpäŋ keu pakpak tem köl teköbingöra urunini kuŋgumakza. Köna yahöt mi nanŋök nanŋök. Köna keugö könaŋi mi kewö jii ohoget ahöza, “Köna keu pakpak tem köla wuatangömakzawaŋön mönö köhöiba malma.”

¹³††Köna keu qahö walöŋbinak, mewö malmal köhöikŋi miwikŋaibinak. Mewömö, Anutunöŋ nini nanŋi Köna keuŋangö dop qesuahömamgö tököba Kraist melaiiga alabauknini aka sohpnini meyök. Buŋa Kimbinöŋ keu kun kewö ohoget ahöza, “Ambazip ip kemaŋe möndöm engizei, Anutunöŋ mi körek qesuahöm engiiga malje.” Miangö dop Kraist ipnöŋ möndögetka nanini salupnini aiga Anutunöŋ qesuahöm waŋgiiga mewö miangön sohpnini meyök. Jöramörahöp neŋgö qaknine öŋgöyöhi, mi qeköyök.

¹⁴Bömönini Abrahamnöŋ Anutu möt nariiga kötuetköm waŋgiyöhi, miangö dop kötümötuet miangön kian kantri pakpak dop köla yeŋgö buŋanina akŋapkö mörök. Mewö möta körek neŋgö sohpnini meyök. Sohpnini meiga Kraist möt nariinga köna

† 3.6 Jen 15.6; Rom 4.3, 7; Rom 4.16 †† 3.8 Jen 12.3 † 3.10 Dut 27.26 †† 3.11 Hab 2.4 †† 3.12 Lew 18.5 ††† 3.13 Dut 21.23

kewö ahuma: Anutunöŋ Uŋaŋi neŋgimamgö keuŋi jöhöyöhi, nini urunini melenŋa Uŋa mi ölop buŋa qem angubin. Mewö.

Köna keu aka oyaenŋkoyaen akingö jöhöjöhö keu

¹⁵O urumelenŋ alaurupni, nöŋön gölmenöŋ malmal-gö söpsöp keuŋi kun kewö jimam: Kunöŋ börösamotŋi tosatŋi yeŋgö buŋanina akŋapkö keuŋi kambunöŋ ji-iga jöhögetka ahözawi, mi kunŋan kun qeapköba könaŋgep keu kun qakŋe toroqemamgö osima.

¹⁶††Mötket, Anutunöŋ jöhöjöhögö keuŋi mi Abraham aka yeŋgö gwölönarökŋi yetköra jiba jöhöi ahöza. Buŋa keu miangön “gwölönarökurupki” neŋgöra gwöt-puk tandök ewö qahö jizapmö, azi mohotkö tandököra kewö jiza, “Mi göhö gwölönaröki waŋgimam.” Azi mohot mi Kraist.

¹⁷†Keu miangö könaŋangöra kewö jizal: Jöhöjöhögö keu miangö ölnan mönö etmapkö osima. Anutunöŋ mi mutuhök jiba jöhöba yambu (yara) 430 teköiga miangöreŋ Köna keuŋi miwikŋaiba Moses waŋgiyök. Köna keu miangön mönö jöhöjöhö keuŋi mutuk jiyöhi, mi qeapkömamgö osima. ¹⁸††Oyaenŋkoyaen akingö kötümötuetŋi mi Köna keu wuatangöba miwikŋaibinak ewö, Anutugö jöhöjöhö keugöra qahö toroqeba osiinga öne töhöŋ ahöbapuk. Buŋa keuŋi Abraham waŋgiyöhi, mi öne töhöŋ qahö ahöyökmö, Anutunöŋ keuŋi miangö dop Abraham kötuetköm waŋgiiga oyaenŋkoyaen ahök.

¹⁹Abraham öne kötuetköm waŋgiba Köna keu mi mönö denöwögöra ali ahöza? Miangö könaŋi kewö: Ambazipnöŋ köna onŋita janjuŋ aka malgerangöra Anutunöŋ Köna keu mi könaŋgep toroqeba jim miwikŋaiyök. Jim miwikŋaiiga Suet garata yeŋön mi memba eta alabauk azi (namel man, mediator) Mosesgöra indela böröŋe algetka Anutugö jiteŋe memba ambazip sutnine kinda jim kutuyök. Köna keu miangön nalö dop ahöm öŋgöba galöm köl neŋgimapköra aka qahöpmö, könaŋgep Köna keugö ösumŋan etmapköra mi neŋgiyök. Abrahamgö gwölönarök kungö jöhöjöhö keuŋi neŋgiiga azi miangön asuhuyöhi, nalö miangöreŋ Köna keugö ösumŋan eri teköyök.

²⁰Alabauk azi yeŋön Anutu aka ambazip sutnine kinda keu nup memakza. Anutunöŋ jöhöjöhö keuŋi mi alabaukŋi qahöpmö, mönö nanŋak Abraham waŋgiyök. Miangöra oyaenŋkoyaen akingö jöhöjöhö keuŋi mi öŋgöŋgöŋi aiga Köna keuŋi miangön nemböŋi akza. Mewö.

Köna keugö nupŋi ölni mi denöwö?

²¹Mewö aiga Köna keu aka oyaenŋkoyaen akingö jöhöjöhö keu mi auzahot me qahö? Saumbaŋ! Anutunöŋ mal köhöibingö Köna keuŋi neŋgibawak ewö, mönö ölna Köna keu wuatangöba Anutugö jeŋe solanŋi akinak. Miangöra keu yahöt mi qahö auzahot. ²²Qahöpmö, keu yahöt mi nanŋök nanŋök. Anutunöŋ jöhöjöhö keuŋi mi mötnarip ambazip oyaenŋkoyaen ak

††† 3.16 Jen 12.7§ 3.17 Eks 12.40 †† 3.18 Rom 4.14

neŋgimamgöra aka ali ahöza. Jöhöjöhö keu mianjön Jisös Kraist möt narizini, mönö neŋgöreŋ ölnambuk akŋapköra möta kewö areŋgöba jiyök, "Siŋgisöndok ambazipnön urujini qahö melenje ewö, mönö öne töhön Anutugö jeje qahö solanime." Mianjögö könaŋi mi Buŋa keunöŋ kewö jii ahöza, "Siŋgisöndoknön mönö gölme dop ambazip pakpak gwaröhöm neŋgiga maljin."

²³ Mutuk urunini qahö melenjina mötnaripninan qahö asuhuiga Köna keunöŋ jöhöba galöm köl neŋgiba gwarö uruŋe misim neŋgiyök. Könaŋep Anutunöŋ mötnaripkö könaŋi indeli asuhuyöhi, nalö mianjögöreŋ kösö gwarö malmalninan teköyök.

²⁴ Mewö taringa Köna keunöŋ mönö böhinina aka Kraistkö könaŋi mötpingöra kusum neŋgimakza. Böhi leuam kusum engigeri, mianjögö dop keu mianjön mönö neŋgungita solanŋi akingö mindiŋgöba galöm köl neŋgimakza. Mewö aka Kraistkö könaŋi möt asariba möt narim waŋgiinga keunini jim teköi solanibingöra kuŋgum neŋgimakza. Urunini melenjina böhiŋö nupŋan mönö nalö mianjögöreŋ teköza. ²⁵ Urunini melenjina mötnaripninan asuhuiga Köna keu bapŋe qahö malinga mianjön böhi ewö qahö toroqeba galöm köl neŋgimakza. Mewö.

Anutugö nahönböratuŋi aka maljin.

²⁶ Körek eŋön mönö Jisös möt narim waŋgigetka ahuhu dölökŋi engiiga Anutugö nahönböratuŋi aka Kraistpuk qekötahöba kinje. ²⁷ Kraistpuk kinmegöra o melun mem engigeri, körek eŋön mönö Kraist möt aŋgön köla mianjön maluku tuatŋi ewö esuhum aŋguba yambuk qekötahöba kinje. ²⁸ Injini körek pakpak Kraist Jisösbuk qekötahöba kingetka mindirim engiiga mohot aka malje. Mianjögöra Juda aka kantri tosatŋi eŋön Anutugö jeje kambu yahöt mi kunbuk qahö akze. Nanŋini nupŋini memakzei aka welenqeŋe omanŋi akzei, Anutunöŋ eŋgehiga kambu yahöt qahö toroqeba akze. Azi ambi eŋön Anutugö jeje kambu yahöt qahö toroqeba akze.

²⁹ Injini Kraistkö buŋaya akze ewö, mönö Abrahamgö gwölönarökŋi yangöreŋök ahuba tinibaniurupŋi malje. Mewö ahuba jöhöjöhö keuŋaŋgö ölni oyaenköyaen mi buŋa qem aŋgumeaŋgö dop akze. Mewö.

Neŋön Kraistköra aka Anutugö nahönböratŋi ahin.

4 Keu mi toroqeba könaŋi kewö jimam: Nahönonöŋ iwiŋaŋgö börösamotŋi buŋa qem aŋgumawaŋgö dop akzapmö, morö gwabö mala nalö mianjögöreŋ welenqeŋe omanŋi yembuk örörön tandök akza. Iwiŋaŋgö börösamot yuai pakpakö tonŋi akŋapmö, töndup welenqeŋe yeŋgö qöhöröŋine alaŋina aka nup töwaŋi qahö memakza.

² Mewö morö mala galömŋi yeŋgö nembö bapŋine kiniga yeŋön malmalŋi pakpak areŋgöba galöm köla jim kutum waŋgimakze. Iwiŋan nalö al waŋgii kam kuŋgumawi, mianjögöreŋök könahiba nanŋak

† 3.29 Rom 4.13

börösamot tonŋi aka malma. ³ Nanini mewöŋanök mutuk urugö likepŋe morö gwabö ewö malin. Nalö mianjögöreŋ bem suahö galöm Suep gölme sutŋire yuai pakpak galöm köl neŋgimakzei, mienjön mönö nini mewöyök galöm köl neŋgigetka öne yeŋgö welenjini qeba nemböŋini bapŋe malin.

⁴ Mewö malinmö, Anutugö nalöŋan kam kuŋguiga Nahönni melaiiga ambigöreŋök asuhuyök. Juda neŋgö Köna keu bapŋe malmamgöra asuhuyök. ⁵ †Köna keu bapŋeyök pösat neŋgiba sohpnini memamgöra asuhuyök. Mewö Anutugö nahönböratuŋi aka buŋaŋi möt aŋgön köl teköba maljin.

⁶ Mewö Anutugö nahönböratŋi akzeŋgöra aka Anutunöŋ Nahönniŋaŋgö Uŋaŋi melaiiga urunine geba kewö qerakza, "O Aba Iwini!" ⁷ Mewö qerakzawaŋgöra aka qahö toroqeba welenqeŋe omanŋi akzanmö, Anutugö nahönböratŋi aka maljan. Mewö maljanaŋgöra aka Anutunöŋ oyaenköyaen Buŋaŋi gihiiga buŋa qem aŋguba galöm köla malman. Mewö.

Polnöŋ Galesia yeŋgöra waimanjat mörök.

⁸ Injini mutuk Anutu qahö möt kutuba malget. Nalö mianjögöreŋ tandö lopionŋi aka bem suahö galöm bem ölnaŋgö malmalŋi qahö memba maljei, mi töwaŋini qahö welen qem eŋgiba etqeŋeŋi malget. ⁹ Mewö malgetmö, urujini melenja nalö kewöŋe Anutugö könaŋi möt kutuba malgetka Anutunöŋ möt kutum engiiga malje. Anutunöŋ möt engizawi, keu mianjön bohonŋi ak eŋgiza. Mewö maljemö, wuanöŋgöra dumŋe kunbuk bem suahö galöm yuai pakpak galöm kölakzei, mönö yeŋgöreŋ melenja mesohol köl eŋgiba malje? Bem suahö galöm mi ösumŋini eretŋi akzemö, eŋön mönö töndup mi welen qem eŋgiba etqeŋeŋi akingö sihimŋi mötze. Mi qahö dop kölja.

¹⁰ Mi welen qem eŋgiba kendon tatat nalö könaŋi könaŋi mi mötket öŋgöiga törörök wuatangömakze. Sabat kendon tarakze. Köiŋ dölökŋi koriga bemŋini mötmöröba köiŋ dop söŋgaimakze. Yambu jeŋiqeŋe sösoŋgai aka sösoŋgai tosatŋi mi yambu (yara) dop törörök wuatangömakze. ¹¹ Nöŋön eŋgöra aka keŋgötöni kewögöra mötza: Nöŋön eŋgö sutŋine nup membiŋga ölni qahö ahuiŋa öne töhön sileqeŋe akilenbuk.

Galesia yeŋön Pol andö qebingö aket.

¹² O urumelenŋ alaurupni, nöŋön kewö kuŋguba qesim eŋgizal: Nöŋön injini ewö aka malalaŋgöra eŋön mönö nöŋgö dop akŋe. Yuai bölöŋi kun kude ak niŋgiget. ¹³ Nöŋön mutuk eŋgöreŋ kaba kawöl nöhöi sileni eri malali, könaŋi mewögöra tata Ölöwak Buŋa jim asaribiga mötket. Eŋön mi möt kömuze. ¹⁴ Nöŋön sile-eret malbiga andö nuŋgubingö esapesapŋi miwikŋaiget, mi mötzalmö, töndup qahö jijiwilil aka qepureim niŋgiget. Mewö qahöpmö, ni neketka Anutugö garata ewö akiga nömeget. Opoponŋ, nöŋgöra Kraist Jisös nanŋaŋgö tandök mötmöröba öröm niŋgiba "Owe owe!" jiget.

†† 4.5 Rom 8.15-17 † Aba mi Arameik keunöŋ Iwi.

¹⁵ "Owe owe!" jiba silene põlpöl qeba je kötņini uzula ningibingö mötketmō, mi qahō dop kölīga mosōtket. Engō kōnaņamņini mōta mi ölņa mewō naņgōba jizal. Yei! Nalō miangōreņ jim sōsōņgai önōņi qahō akeri, mi mōnō denōwōgōra nalō kewōņe qahōwahi öne malje? Mi qahō dop kölja. ¹⁶ Engōra Buņa keu ölņi jimakzalaņgōra mōnō kerōk ak niņgize me?

¹⁷ Ambazip tosatņi mieņōn engōra aka urukōnōp ahakzemō, mi urukōnōp ölōpņi qahō. Mi ölōpņi qahōpmō, yeņōn iņini neņgōreņōk eņguaņgita sutnine jabō ala tōkōm niņgimegōra mōtze. Mewō mendeņ neņgigetka urukōnōp qakņe nanņini naņgōm eņgimegōra kapaņ kölakze. ¹⁸ Iņini ahakmeme ölōpņi akņegōra urukōnōp ahakzei, mi mōnō qetpuk. Nōņōn engō sutņine malbiga nalō miangōreņōk qahōpmō, mōnō nalō dop mewō aketka dop kölma.

¹⁹ O gōmokurupņi, ni ahuahu dōlōkņi ahumegōra masō tandōk nuņguiga sihimbōlō mōrali, miyōhōk mōnō dumņe kunbuk mōtzal. Kraistkō ahakmemeņan engōreņ ahum kutumapkōra sihimbōlō mi mōta maljal. ²⁰ Nōņgō urunan mōnō engōra aka lalalulu siksauk akza. Miangōra nōņōn nalō kewōņe engō sutņine malmamgō mötkurumkurum akzal. Embuk mala keu imbi ni memba eta ala keu ösōņ jimamgō ak niņgiza. Mewō.

Hagar aka Sara yetkō söpsōp keuņiri

²¹ Tosatņi eņōn Juda neņgō Kōna keu Kimbi wuataņgōbingō mötze, keu miangō kōnaņi mi ölņa möt kutuze me qahō? Kōnaņi mi möt asarimegōra qesiba kuņgum eņgizal. ²² †Buņa keu kun kewō ohoget ahōza: Abrahamgō nahōnyahōtņi yahōt ahuyohot: Kun welenqe qe ambi etqe qeņan (sleiw) meyōk aka kun mi nanņi soņgojariņ anōmņi solanņi (fri) malmalņan meyōk. ²³ Welenqe qe ambinōņ nahōņņi meyōhi, miangōn morō ahuahugō kōnanōņ ahuyōkmō, kun ambi solanņi (fri) malmalņan meyōhi, yaņōn Anutunōņ morō nahōn ahumapkō keu jōhōyōhi, mōnō keu miangō ölņan asuhumapkōra ahuyōk.

²⁴ Keu miangō kōnaņi mi tōlapņi. Ambi yahōt mi Anutunōņ ambazip nembuk jōhōjōhō areņ yahōt alōhi, mōnō mietkō söpsōpņira. Jōhōjōhō areņ kun mi Sainai (Sinai) kundunje alōhi, miangō söpsōpņi mi ambi qetņi Hagar. Ambazip jōhōjōhō areņ mi wuatāņgōmakzei, yeņōn mōnō Kōna keugō jimkutukutu bapņe malje aiga gwōlōnarōkurupņinan keu miangō welenņi qemakņegōra ahumakze.

²⁵ Hagar mi Sainai kundunji, Arebia gōlmenōņ kinjawāņgō söpsōpņi akza. Sainai miangō alanji mi Juda gōlmegō siti qetņi Jerusalem. Siti miangō kōnagesōgō ketanji morōņi yeņōn nalō kewōņe Kōna keu bapņe malgetka jōhōm eņgii solanņi (fri) qahō akze. Miangōra dopņiri mohok akzahot. ²⁶ Solanņi (fri) qahō akzemō, Jerusalem siti kun euyaņgōreņ maljei, yeņōn mōnō kōsō gwarōņini qahō solanņi malje. Neņgō namnini Sara yaņōn mōnō siti miangō söpsōpņi akza. ²⁷ ††Miangō kezapqetok keuņi mi kewō ohoget ahōza,

† 4.22 Jen 16.15; 21.2 †† 4.27 Ais 54.1

"Ambi azinōņ ölan qeyōhi, yaņōn mōnō nahōnbōrat eņgōmiiga sehigetka mewō ambi apņambuk mi luhut alma.

Miangōra ambi köpin morō qahō menōņi, gi mōnō tōndup sōņgaiba malman.

Masō qahō guhui malnōņi, gi mōnō tōndup qet gigi-lahōba morō ahumapkōra kōiraņ ala malman."

²⁸ O urumeleņ alaurupņi, iņini mōnō Aisakō dowa Anutugō jōhōjōhō keuņan nam köl eņgiiga ahuahu dōlōkņi ahuba malje. ²⁹ †Nalō miangōreņ morō ahuahugō kōnanōņ ahuyōhi, yaņōn munņi Uņa Tōrōņan nam köl waņgiiga ahuyōhi, mi sesewerowero ak waņgiba malōk. Nalō kewōņe mewōņanōk sesewerowero mewōņi mi ahōza.

³⁰ ††Mewō ahōzapmō, Buņa keu kun mi toroqeba kewō jigetka ahōza, "Welenqe qe ambigō nahōņņan mōnō Iwiņāņgōreņ bōrōsamotņi qahō mema. Ambi solanņi malmalņi yaņgō nahōņņambuk mi mohotņe qahō mendeņda aņgōn kölmahot. Miangōra welenqe qe ambi etqe qeņi mi mōnō kōzōlnōņga nahōņņambuk anmahot." ³¹ O urumeleņ alaurupņi, söpsōp keu mewōņāņgō dop neņōn mōnō welenqe qe ambigō undumurupņi gwarōninambuk qahō akzinmō, ambi solanņi malmalņāņgō undumurupņi akzin. Miangōra lolōņqalōņ ahakmeme mi kōzōlme. Mewō.

Lolongōba Kraistpuk kinkin solanņe kinme.

5 Kraistnōņ Kōna keu bapņeyōk pōsat neņgiiga solanņi maljin. Mewō mala tosatņan iņini kunbuk örōba Kōna keugō mötōpnōņ †† jōhōm eņgibepukōra mōnō galōm mem aņguba malme. Welenqe qe omanji ewō akepukōra mōnō kōhōiba bōņ qeba kinme.

² Mötket! Pol nōņōn kewō jibi mötket: Tosatņan Anutugō aiwesōkņi silenine yandimegō mötketka imbi kölme ewō, Kraistnōņ mōnō baukōm eņgimamgō osima. ³ Keu mi toroqeba kewō naņgōba jimam: Azi pakpak silenine aiwesōk yandimegō mötketka imbi kölmei, yeņōn mōnō Kōna keu pakpak tem kōla wuatāņgōme. Mi qahō wuatāņgōgetka qahō dop kölma. ⁴ Kōna keu tem kōla wuatāņgōba mewō miangōn solanņi akingō mötzei, eņōn mōnō Kraistkō selņi qōsōkōba yambuk qahō toroqeba kinje. Eņōn mōnō Anutugō kalem mōriamņi mosōta yaigep eta laņ malje.

⁵ Laņ maljemō, neņōn mōnō Anutugō jeņe diņdiņi akingō jōrōmqōrōmņi aka awōweņgōmakzin. Mewō ahinga Uņa Tōrōņan inahōm neņgiiga Anutu möt narim waņgiinga keunini jim tekōi solanibingōra mam-bōrakzin. ⁶ Kraist Jisōsbuk kininga urugō ölņi mötnariņ mi mohotņan mōnō baukōm neņgimakza. Anutu möt nariinga inahōm neņgiiga amqeba urukalem ak aņguinga dop köljapmō, mötnariņ ölņi qahō mi qahō baukōm neņgimakza. Mewōyōk Anutugō aiwesōkņi silenine yandiget ahōza me qahō, mi mōnō dop mohot

‡ 4.29 Jen 21.9 †† 4.30 Jen 21.10 †† Ip kembarņi (yoke) mi bulmakau yahōtkō jōlņire ala jōhōgetka mindirim etkiiga miangōn mohotņe kare me gōlme qe qegō kinoņ örōmakzahot. Miangō dop Kōna keu gwarōnōņ maljan ewō, nupņi mōnō tōp meman.

akza. Silegö kun me kun mi Anutugö jeje qahö bauköm nenngima.

⁷ Mutuk uru melemenengö aongitnön mönahot ewö ösumñinan anget. Ölöpnanök angetmö, böhi takapulañi kunön kaba siksauk mem engiba kemañe kuntuiga keu ölni qahö toroqeba tem kölakze. ⁸ Kun danön engoholakzawi, yanön mönö kemañe kutumegöra qahö tutuhuba kuñgum engimakza. Mi qahö. ⁹ †Yist boromdökñi kimbutnön ala plauabuk melemninga körek pakpak meiga qariba wahörakza. Miangö dop siksauk moröñan mönö dop köl engiiga körekmakörek janjuñ akepuk.

¹⁰ Böhi takapulakanñi yanön siksauk mem engiiga janjuñ ahakzei, Anutunön mönö yangö ahakmemeñangö likepñi melem wañgiiga sihimbölönji möta malma. Nöñön Kembubuk kinda möt narim engiba engöra kewö möta awösamkakak akzal: Injini Kraistkö Buña keu törörök wuatañgöba mötmöt murutñi pakpak yaköribingö möt köhöiba malme.

¹¹ O urumelen alaurupni, injini mewö malmemö, nöñön Kraist maripomnöñ kömuyöhangö könanñi jim sehibiga Juda yengö uruñinan miangöra bölimakza. Maripomgö keuñi mosötpilenjak ewö, mönö sesewerowero qahö ak niñgibeak. Anutugö aiwesök azi silenjine yandiyandimegö Buña keuñi toroqeba jiba uru kuñgum engibileñjak ewö, mönö kahasililiñ qahö ak niñgibeak. ¹² Tosatñan kuñgum engiba siksauk memakzei, yanön mönö yandiyandigö keuñini wuatañgöm teköba nanñini sile kitipñini körek yandim angugetka mötpi dop kölbawak.

¹³ O urumelen alaurupni, Anutunön injini köna walñangö keunöhök lolohoba gwaröñini qahö malmegöra engoholökmö, kewögöra mönö galöm mem anguba malme, “Mönö lolohoba solanñi maljin,” mewö jiba möndöba uruñinan wahöri silegö sihim kömbönanñini bölöñan mönö galöm köl engibapuk. Nanñini imbi-imbi qahöpmö, mönö urukalem qakñe kinda welen qem anguba malme. ¹⁴ †Köna keu bohonñi mohot wuatañgögetka Anutugöreñ keu pakpak mönö mewöyök ölninambuk akñe. Keu bohonñi mohok mi kewö, “Nangi jöpaköm angumakzani, miangö dop mönö ambazip pakpak urugan jöpaköm engimakan.” ¹⁵ Mewö jizapmö, bau kiam ewö angöñöm söksök aka aumakze ewö, mönö nanñini ayuhum angubepuköra töhöñini pöndañ möta malme. Mewö.

Uña Töröñan galöm köl engiiga malme.

¹⁶ Nöñön kewö jimam: Uña Töröñan mönö ahakmemeñini galöm köliga malme. Mewö malgetka urusilegö sihim kömbönanñini bölöñi qei eri kude tem köla wuatañgömakñe. ¹⁷ †Miangö könanñi kewö: Urusilegö sihim kömbönanñi bölöñan mönö Uña Töröñi qetala lan köpösöñgöiga Uña Töröñan uru walñangö kukñi qemamgö möriga sutñire jujul ahöi aumakzahot. Mewö aumakzahorañgöra enön yuai ölöpnñi aka memingö möta mi osimakze. ¹⁸ Mi osimakzemö, Uña Töröñan

enguanjiriga anda malje ewö, mönö Köna keu bapñe qahö malje.

¹⁹ Urusilegö ahakmeme walñangö nup ölni mi aukñe ahöi mötzin. Mi kewö: Kaisero namböñnamböñ lan aketka uruñinan tölöhoiga serowilin ahakze. ²⁰ Tandö lopioñ waikñini memba bemñini möpöseim engigetka uruñini sölölohöm engii suna jinañ ahakze. Kerök asuhui angururuk aka aumakze. Kungöreñ yuaigöra uruñi mututqutut möta eröm ota yom jiba urusigok ahakze. Nanñinañgörök mötmöriiba yuai öröba girinjabak memakze. Jula mendeñ anguba kambuñi kambuñi ala jijiwilit ak angumakze.

²¹ Tosatñi yengö yuaigöra eksihim möta körogisigisi aka közölömbuan pati ala bau numbu nempa o köhöikñangöra enololoñ ahakze. Mi aka silik tosatñi mewöñi ahakzei, yengöra mutuk jial aka miangö dop galöm meme keu mi qeljine dumñe kunbuk kewö jizal: Ambazip silik mewöñi ahakzei, yanön mönö Anutugö bemtohoñ uruñe qahö öngöme.

²² Yanön qahöpmö, Uña Töröñan nup memakzawangö ölni mi urukalem, sösongai, luai aka ahakmeme ölöpnñi kewö: Lömböt pakpak möta mökösongda tosatñi ala ak engiba ahakmeme sakalakñi ahakze. Keuñi misila pöndañ wuatañgömakze. ²³ Gunböñjönjön qakñe tosatñi ak engiba nanñini törörök galöm köl angumakze. Ambazip silik mewö ahakzei, yanön Köna keu qahö qetalakze. ²⁴ Ambazip Kraist Jisösgö buñaya aka maljei, yanön uru sileninañgö sihim kömbönanñini bölöñi aka bölöñangö urukönöpnñini mi körek Jisösbuk maripomnöñ algetka mem kömuyöhawa malje.

²⁵ Uña Töröñan urunine geiga maljin ewö, ahakmemeñini mönö mewöyök Uña mianön galöm köl nenngii aka memba malbin. ²⁶ Mewö mala qetbuña omanñi nenngimegö kude kapañ köla öne töhön kude aiweliköm angumakñe. Urubölö ak angubepuköra mönö uruköñgan kude aka uruöngöp qakñe kude ak angumakñe. Mewöyök körogisigisi kude ahakñe. Mewö.

Lömbötñini mönö bisiba bauköm angumakñe.

6 O urumelen alaurupni, kunñan köna ongita singisöndok aiga miwikñaize ewö, urumelen alaurup enön mönö mökököli qakñe ala ewö mindingöm wañgigetka kunbuk köna miwikñaima. Mewö aka nanggak mewöyök esapesapnöñ et guhubapuköra mönö galöm mem anguba malman. ² Lömbötñini mönö bauköm anguba bisimakñe. Mewö mianön Kraistkö Köna keuñi wuatañgögetka ölnambuk ahakña. ³ Kunñan eretñi mala töndup nanñangö möri öngöñgöñi akzawi, yanön mönö nanñi tilipköm angumakza.

⁴ Mewö kude akñemö, mohot mohot enön mönö nanñini ahakmemeñini kewöta esapakögetka dop kölma. Mewö aka alanñini ongita qetbuñanambuk akzeangöra kude aiwelikömemö, mönö nanñini könaninañgörök silenini möpöseigetka dop kölma. ⁵ Anutunön lömbötñini murutñi murutñi mendeñ nenngiiga nanñök nanñök bisimakzin. Miangöra nanini

tosatnji yembuk likeplikep ala kewöt anğubingö osimakzin.

⁶ Böhi qağazunöŋ kungöra Buña keu kusum waŋgi-makzawi, yaŋön mönö miaŋgö töwaŋi melenđa yuainji ölöŋŋi pakpak mendenđa bahöŋi waŋgimakŋa.

⁷ Nanŋini mönö kude tilipkôm anğumakŋe. Kunöŋ nene warökŋi kömöriga öŋŋi miaŋgö dop ahui mi-wikŋajima. Keu miaŋgö dop Anutunöŋ bölönamnini eka likepŋi miaŋgö dop neŋgima. Miaŋgöra Anutu mi azi omaŋi ewö mepaqepaik ak waŋgibingö osimakzin.

⁸ Urusilegö sihim kömbönaŋi bölönan kun nam köl waŋgiiga miaŋgö warökŋi laŋ kömörakzawi, yaŋön mönö miaŋgö köndenmönedenji miwikŋaiba bölimakŋa. Yaŋön bölimakŋapmö, Uŋa Törönan kun sölölohöm waŋgiiga miaŋgö warökŋi kömörakzawi, yaŋön mönö öŋŋi miaŋgö dop miwikŋaiba malmal köhöikŋaŋgö buŋaya aka malma.

⁹ Nini jegep kinda nup ölöŋŋi ölöŋŋi memba mala miaŋgöŋeŋ mönö löwöriba zölokzölok kude akŋe. Taŋqaŋ aka nup qahö mosötŋin ewö, öŋŋi meme nalönan kam kuŋguiga nupninaŋgö töwaŋi mönö mi-wikŋaibin. ¹⁰ Miaŋgöra gölmenöŋ malbinaŋgö dop neŋön mönö ambazip ölöŋŋi ak enğibingö jegep kinda malbin. Urumelen könagesö uruŋe maljei, i mutuk al-abauk ak enğimakin aka yeŋgö andöŋjine ambazip tosatnji pakpak köna asuhuiga mem ölöwak enğimakin.

Galöm meme aka yaizözkök keu teteköŋi

¹¹ Pol nöŋön kirifi memba nani börönan kulem je ketanji ki enğöra ohozali, mi ekŋe. ¹² Ambazip Anutugö ai-wesökŋi silenine yandimegöra kuŋgum enğimakzei, yeŋön mönö körek sile megetka gölme ambazipnöŋ yeŋgöra mötket öŋgömapköra kapan kölakze. Kraist-

nöŋ maripomnöŋ kömuyöhi, keu miaŋgöra sesewerowo ak enğibepuköra mönö mewö kuŋgum enğimakze. Miaŋgö könaŋi murutnji kun qahö. ¹³ Anutugö aiwesökŋinambuk mienön mönö nanŋinak mewöyök Köna keu qahö wuatangöm teköba malje. Mewö qahöpmö, enğö silenini yandimegö mötzeanön mönö enğö sile kitipŋinaŋgöra aka nanŋini silenini mem öŋgöba qetbuŋaŋinambuk akingö mörakze.

¹⁴ Mewö mörakzemö, nöŋön Kembunini Jisös Kraist maripomnöŋ kömuyöhi, mönö Buña miaŋgöra aka sileni möpöseimakzal. Qetbuña murutnji kun qahö jarumakzal. Mi yapmakek! Kraistnöŋ maripomnöŋ kömuiga yambuk toroqebiga mötmöt arenan uteköiga silik bölönangö sisitnji memakzal. Gölme ambazipnöŋ silegö ahakmeme bölönji membingö mötmöriba keu jimakzei, nöŋön mönö miaŋgöŋeŋ göröken köhömuŋi tandök akzal. Möpöseim niŋgimei me silene keu almei, miaŋgö likepŋi mi qahö melenmam. Gölmenöŋ keu kewöta tosatnji mötket öŋgöŋi tosatnji mötket eretnji akzawi, mi mönö nöŋgö mötmöt arenbuk dop mohot qahö akzahot.

¹⁵ Silenine aiwesök yandiget me qahöwi, miaŋön mönö dop mohot akza. Miaŋön gorosonŋi akzapmö, ahuaŋu dölöŋkŋaŋgö dömŋi akzini, miaŋön mönö ölö töhöŋŋi akza. ¹⁶ Ambazip ahuaŋu dölöŋkŋaŋgö jimkutukutu keu wuatangöba maljei, Anutunöŋ Juda körek mi aka Anutugö urumelen könagesö pakpak inini mönö ak kömum enğiiga luainöŋ malme.

¹⁷ Keu teteköŋi kewö jizal: Nöŋön Jisös qegeraŋgö löpötŋi mi nani silene ahöiga bisimakzalaŋgöra kunöŋ mönö urulömböt kude toroqem niŋgima.

¹⁸ O urumelen alaurupni, Kembunini Jisös Kraistkö kalem möriamŋan mönö embuk ahöba uŋaŋini kötuatkömakŋa. Keu mi öŋŋa.

Efesus

Jim-asa-asari keu

Polnön Rom sitigö kösö mire tata Efesus urumelen kambu yengöra Kimbi ki ohoyök. Efesus mi Eisia prowingsö siti bohonji. Siti miangö uruñe kölköl-örörö gwötpuk ahömalget. Polnön misin nup memba liliköi indimñi karöbut ahiga Efesus kaba yambu karöbut miangöreñ Buña keu jiba malök. Efesus sitinön Juda ambazip tosatñi miri tonji yengö sutñine malgerangöra Polnön kimbi ki ohoba kewö kusum engiyök, "Kraistnön lök kambu yahöt toroqeiga urumelen kambu mohok-kun akzahot." (2.15-16),(3.6) Anutunön jitsihitñi aka kalem möriamñi urumelen kambu nengöra denöwö ali ahözawi, mi gwötpuk jim asariza. (3.10) Miangö dopkeu karöbut kewö jiyök:

1. Urumelen könagesö enön sile sep busu mohot aketka Kraistnön nanñak nöropñini akza. (1.23; 4.15-16)
2. Urumelen könagesö enön miri mohot tandök aketka Kraistnön engö tandönini kömbönanji akza. (2.21-22)
3. Urumelen könagesö enön ambi buña ewö aketka Kraistnön apñangö tandök akza. (5.25-27) Mewöyök Kraistnön Efesus engö kambu yahöt toroqem etkiiga miangöra sile sep busu mohot akze. Asakñangö ambazip akerangöra malmalñinangö goro keunji keunji ohoyök. Mewö.

Buk kiangö bahöñi bohonji 4 mi kewö:

Keu mutukñi keu
Kraist aka urumelen könagesö
Kraistpuk malmal dölokñi
Kimbigö keu kötnji bohonji

¹ Anutunön Pol ni jitsihitñangö dop melaim ningi-iga Kraist Jisösgö aposol akzal. Mötnarip alaurup sarakñi Kraist Jisösbuk qekötahöba Efesus sitinön maljei, nöñön embuk keu eraum mötpringöra kimbi ki ohozal.

² Anutu Iwinini aka Kembu Jisös Kraist yetkön mönö kalem möriam engiyohotka luainön malme.

Kraistnön Anutugö kötümötuetñi nengimakza.

³ Neñön Kembunini Jisös Kraistkö Iwi Anutunji möpö-seimakin. Yanñön nini Kraistpuk qekötahöinga uruninan ölöwakñapköra Suep mirigö kötümötuetñi aka kalemñi könanji könanji mi urunine alöha kayambu asuhui mala kotket. ⁴ Anutunön nini mutuk möpñangö möpñeyök kewö akingöra möwölöhöm nengiyök: Kraistnön nam köl nengiiiga neñön yangö buñanji sarakñi aka Anutugö jemesoholñe keunini qahö kinbin. Mewö möwölöhöm nengiba miangö andöñe Suep gölme miwikñaiba al etkiyök. Nalö miangöreñök könahiba ambazip jöpaköm nengiba mala korök.

⁵ Jöpaköm nengiba urusihimñangö dop qeljine keu jit areñi ala keunini kewö jim teköyök: Jisös Kraistnön nam köl nengiiiga Anutunön nengömeiga nanñi nahönböraturupñi akin. ⁶ Wölböt Nahönñi nengöra melaiiga eta Anutugö kalem möriamñangö kukösomñi

† 1.1 Apo 18.19-21; 19.1

buñabuñangambuk kölenja söngörönji qahö öne nengiyök. Nini mönö kalem möriamñi miangöra Anutu möpöseim wangimakin. ⁷ Anutugö kalem möriamñangö köwenji mi keta bölokñi. Miangö dop Jisösnön sepñi mokoba miangön sohopenini meyök. Mi meyöhangöra Anutunön ölop siñgisöndoknini mosöta sangon nengimakza.

⁸ Yanñön kalem möriamñi mi köwenyök kelenmalelenj mokoiga qaknine öngöyök. Mötkutukutunji öngöngönji pakpak miangö dop kewö möt asarim nengiyök: ⁹ Anutunön mutuk nanñi uruñe keu areñ jöhöba möri ölöwahiga tölapñe ahöi öne mala kotketmö, Kraistnön Anutugö keu jitñangö dop wuatangöba eta nengöreñ indeliga eka mörin. ¹⁰ Anutunön mutuhök kalem möriam areñangö könanji kewö mötmöriyök, "Anutu nöñön areñ mi wuatangöba mala malbiga nalönji törörök kam kuñguiga miangöreñ öñambuk aiga kewö asuhuma: Körek Suep mirigö jakenji jakenji miangöreñ me gölmenön ahuba maljei, nöñön mönö mi pakpak mindiriba jöhöm engimam aka Kraist kuñgum wangibiga körek yengö bohonñini mohot aka malma."

¹¹ Anutunön mutuhök nanñi uruñangö dop keu jöhöi ahözawi, mönö areñ miangö dop kuñgukunju keunji jiiga yuai pakpak asuhumakza. Nanñi areñi miangö

†† 1.7 Kol 1.14

dop qeljine Juda könagesö nini nanji buñani aka malbingöra jim teköba al nenngiyök. Miangö dop nini tosatñan Kraistpuk qekötahöinga meköm nenngiiga buñani börösamot ewö angön köla memba maljin. ¹²Juda könagesö nenñon Kraistnön galöm köl nenngimapkö mamböta qeljine jörömqöröm ak wanjiba mala korini, yañon nini Anutugö kukösumñi buñabuñanambuk möpöseiba malbingöra aka möwölöhöm nenngiyök.

¹³Kian kantri engörenök tosatñan mewöyök Kraistpuk toroqeba qekötahöget. Amötqeqegö Ölöwak Buñani jigetka keu ölni mi möta urunini melenget. Uña Töröñi yañon Anutu buñanangö muñgem aiwesökni akza. Uña mi melaii etmapkö keu jöhöyöhi, yañon mönö mi urunine ali geyök. Kraist möt narim wanngigetka Anutunön aiwesökni kömbönañi mi mekötahöm enngiiga malje. ¹⁴Anutunön könagesöurupñi Suep Buña nenngimangö keu jöhöyöhi, mi membängö aiwesökni Uña Töröñi mi mutuk al nenngiyök. Uña Töröñi urunine ali maljanangöra mönö kewö möt köhöizin: Anutunön lök sohpnini memba buñaurupñi ahinga bian gölmenöhök nennguanngiriga Suepnön öngöba oyaenkyoaen akin. Miangöra mönö Anutugö kukösumñi buñabuñanambuk möpöseimakin. Mewö.

Polnön Anutu möpöseiba kewö köuluköyök:

¹⁵Mewö oyaenkyoaen akingöra aka nöñon Efesus engöra köulukömakzal. Enñon Kembu Jisös pöndañ möt nariba ambazip sarakñi pakpak uruninan jöpaköm engimakzei, tosatñan miangö buzup keunji jigetka möral. ¹⁶Miangöra buzup keu mi mörali, nöñon mewöyök engöra aka Anutu möpöseiba mala qahö mosöral. Qahö. Nöñon köuluköba miangören mötmörim engimakzal.

¹⁷Mötmörim engiba Kembunini Jisös Kraistkö Anutunji mi kewö köuluköm wanngimakzal, "O Iwi kukösum Tonji, gi mönö Uñagi Töröñi Efesus alaurup engiman. Uña mi urunine alnönga mötkutukutunini qainñi kun asuhuiga Anutugö könañi ölöpnanök indeliga möt yaköme. ¹⁸Anutu, gi mönö uru jenini mem asarinönga nangi Buñagahö könañi möt yaköme." Anutunön nanji ambazip sarakñi nenngöra Suep Buña kukösumñi buñabuñanambuk mi nenngimangö keu jöhöiga inini yuai mi asuhumapkö al mamböta jörömqöröm akñegöra engoholök. Jörömqöröm aketka Jisösnön kunbuk asuhuiga aködamunñinambuk akñei, inini oyaenkyoaen miangö könañi möt sölöngömegöra köulukömakzal.

¹⁹Möt narim wanngiinga Anutugö kukösum köhöikñan urunine sehiba nup memakzawi, miangön mönö keta bölöknji tetekönji qahö akza. Inini miangö könañi möt kutumegöra köulukömakzal. Ösum-munji wewelipñambuk miangön silenini kutuba inahöm nenngimakzawi, Anutunön miangö kukñi kewö kondel nenngiyök:

²⁰Anutunön kukösumñi nupnön ala Kraist mem gulim wanngii kömupnöhök wahörök aka wanngiriga

Suep mire öngöba selñi selñi liliköba jakenji jakenji engongiriga Anutunön böröñi ölnje dum tatat mutukñe ali tatza. ²¹Ali jakömbuak dumñe tata öroyuai pakpakö bohonina kinja. Bem suahö galöm aka yengö nemböñine jembon pom aka gawman kiap öngöngönji eretñi kukösumñinambuk kembu ak nenngimakzei, Kraistnön mönö mi körek pakpak galöm köl engimakza. Suep mire, gölmenön aka mietkö sutñire galöm qet pakpak qet engigetka bisizei, Kraistnön mi körek engongita öngöza. Gölmegö nalö kewöneyök qahöpmö, könanğep nalö qainñi kun asuhuiga mal öngöbini, miangören mewöyök öroyuai pakpak galöm köla mal öngöma.

²²†† Anutunön uña, ömewöröme, ambazip aka öroyuai pakpak mi memba eta Kraistkö bapñe al nenngii malinga Kembunini öngöngönji akza. Anutunön Kraist mi urumelen könagesö nenngiba bohonini kinmapköra kungum wanngiiga malja. ²³Yañon kötal nenngiba bohonini aiga nenñon yanğö ölnangö köna böro su-urupñi akzin. Kraistnön nörowök aiga qahö dop kölbawakmö, nenñon yanğö törömunñi aka toroqeinga ölnan asuhum tingiriga dop kölja. Kraistnön mewöñanök öroyuai pakpakö törömunñina kun aka toroqeiga körek pakpak mienñon mönö Anutugö aködamunñinambuk asuhuba dop köla anakze. Mewö.

Köhömuneyök guliba Kraistpuk köhöiba maljin.

2 †Mutuhök köna onğita singisöndokñi singisöndokñi akerangöra malmal köhömunji mala kotket. ²Inini nalö miangören gölmegö ahakmeme bölöñi wuatangöget. Ömewöröme yengö Kembuninan nalö kewöñe Suep gölme sutñire mala qeqetal ambazip urunini sölölohöba galöm köl engimakzawi, mönö yanğören qekötahöba tem köl wanngiba malget.

³Nenñon körek mewöñanök mutuk yengö sutñine silebile aka lañ malin. Uru silegö sihim kömbönañnini bölöñi wuatangöba nanine imbi-imbi malin. Mewö lañ malinga Anutunön nenngihi qahö dop köliga irimsesewölñi qaknine ali malin. Qeqetal ambazip tosatñi yengö dowök Anutugö irimsesewölñangö buñaya aka malin.

⁴Mewö malinmö, nalö kewöñe mewö qahö. Anutunön ak-kömukömunji tetekönji qahö miangön mönö jöpaköm nenngiyök. ⁵Köna onğita Anutu qetala miangöra köhömunji aka malinmö, Anutunön Kraist mem guliyöhi, nini mewöyök mönö mewöñanök mem gulim nenngiiga köhöiba maljin. Yanğö kalem möriamñan mönö amöt qem enngiiga kunbuk letotket.

⁶Kraistnön wahöröhi, nini mewöyök mönö mewöñanök nenngömindiga köhömuneyök wahörin. Anutunön Kraist Jisös wanngiriga Suep mire öngöyöhi, nini mewöyök mönö mewöñanök Suep malmalgö jake ahözei, mönö miangören al nenngiiga yambuk tosatñi galöm köl engiba maljin.

⁷Anutunön kewögöra mewö al nenngiyök: Anutunön kalem möriamñangö köwenji tetekönji qahö miangön aukñe asuhui möt asaribingöra mörök. Möt asariba

† 1.20 Sum 110.1

†† 1.22 Sum 8.6 † 1.22 Kol 1.18 †† 2.1 Kol 2.13

könangep nalöni nalöni qainji kun asuhugetka teteköni qahö mal öngöbini, nalö miangöreñ mi neñgim qarimapköra mörök. Anutunöñ Kraist Jisös melaiiga kaba urukalemñi mewö kondel neñgiyök. ⁸ Anutu möt narim wangigetka kalem möriamñan mönö amöt qem engiiga kunbuk letotket. Nanñini nam köl anguba mewö mianjön qahö letotketmö, Anutunöñ mi kalemña ak engiyök. ⁹ Nanñinak yuai kun ak sorokögerangöra aka qahö letotket. Kunöñ kun nanñi silenji memba öngöbapüköra mönö kalem möriamñangörök aka mewö ak engiyök.

¹⁰ Nini Anutugö börösöwöya maljin. Kraist Jisösbuk qekötahöinga Anutunöñ uru dölökñi miwikñaiba al neñgiyök. Anutunöñ qeljine nup ölöpnji ölöpnji möwölöhöba mözözmögöyöhi, neñön mi memba malbingöra mewö miwikñaim neñgiiga maljin. Mewö.

Kraistpuk qekötahöba ölnji mohot akzin.

¹¹ Miangöra aka Efesus injini mutuk Juda ambazip qahö ahuba Anutugö könagesö qahö malgeri, mönö mi mötmöriba malme. Tosatñan engöra kewö jiba jim engimalget, "Nini Anutugö aiwesökninambuk maljinmö, kantri tosatñi injini ambazip omañi aiwesökñini qahö!" Qet mi azi börönöñ aiwesök silenine yandimakzei, mönö mi mötmöriba jimalget. ¹² Injini nalö miangöreñ uruñini Kraistpuk qahö jöhöba öne yaigep malget. Kian kantri injini Juda könagesö neñgö kau likepurupnina malget. Anutunöñ ambazip nanjangöra möwölöhöm neñgii maljini, injini neñgö sutnine qetñini qahö malget. Anutunöñ Buñanji alaurupñi engimamgö jiba keu jöhöyöhi, injini mi qahöpmahöp möt kutuba tönpin malget. Oyaenköyaen akingö jörömqrömñini qahö. Anutunöñ qahö tandök gölmenöñ önewat lan malget. Mönö mia mötmöriba malme.

¹³ Injini mutuk tikep malgetmö, Kraist Jisösbuk qekötahögetka sepñan sanjon engiiga nalö kewöñe amqeba Anutugö kösutñe kaba malje. ¹⁴ Kraistnöñ nanñak luai Tonini akza. Yanjön Juda könagesö aka kian kantri ambazip kambu yahöt nini mindirim neñgiiga kutulangömakzin. Sutnine kerök ahöba sel paset köhöikñi ewö menden neñgiyöhi, yanjön mönö sonjo mi tumbaköba lulunñiga urumelen könagesö mohot akzin. ¹⁵ †Jisösnöñ nanñi gölme silenjan kömuiga mewö mianjön Juda neñgöreñ Köna keu aka miangö jöjopañ keunji aka jimkutukutu tosatñi mi köndenök. Sile kambu yahöt mindirim neñgiba könagesö dölökñi mohot akingöra mi köndenök. Miangöra uru dölökñi miwikñaiba al neñgiiga Kraistpuk qekötahöinga sutnine luai qei asuhum neñgiyök.

¹⁶ ††Kraistnöñ kömumba keröknini maripomnöñ qem kömui erök. Silenji mohot miangö sepñan mönö ambazip kambu yahöt neñguangiriga ölop lilingöba Anutugö kösutñe kabin. Mewö mindirim neñgiiga ölop böröqe qe akin. Mi ak teköba Kraistkö ölnji mohot aka maljin. ¹⁷ †Kraistnöñ kaba luai asuhumapkö Buñanji mi kian kantri ambazip Anutu andö qeba tikep malgeri, engöra jim asarim engiyök aka Juda ambazip Anutugö

kösutñe malini, mönö neñgöra mohot jim asarim neñgiba malök. ¹⁸ Kraistnöñ Juda aka kian kantri ambazip nini körek nam köl neñgiiga Uña Törönji mohotñan köna kondel neñgiiga ölop amqeba Iwigö jemesoholñe angotpin.

¹⁹ Miangöra injini Juda ambazip qahöpmö, töndup kian ambazip qandakñi mi qahö toroqeba malje. Anutugö miri gölme toni sarakñi aketka nembuk mohotñe Anutugö urumelen könagesö akzin.

²⁰ Kezapqetok ambazip yanjön mutuhök Anutugö keunöñ tandö esim kuñgugetka Kraist Jisösnöñ nanñak kaba tandö kömbönañnini aka aposol melaim neñgiba bohonini kiniga Anutugö urumelen jikeya akzin. Injini mewöyök tandö miangöreñ angota nanjönangö ak anguba köhököhöi miwikñaimakze. ²¹ Yanjön mönö miri mi jömuñanök mindirim jöhöiga kinakza. Nini Kembubuk qekötahöba kinda kutulangöinga mötnaripninan köhöim qariiga Anutugö urumelen jike kömbukñi akzin. aka ²² Injini mewöyök Kembangöreñ qekötahöba urumelen alaurup tosatñi yembuk kutulangöba mohotñe kinda uruñini nanjöm anguba köhököhöi miwikñaimakze. Mewö kinda Anutugö urumelen jike aketka Uña Törönji uruñine ala mianjön nanñak jikenji miangö uruñe malja. Mewö.

Polnöñ kian kantri yengöreñ anda Buña nup meyök.

3 Könanji miangöra aka Pol nöñön kian kantri ambazip injini bauköm engimamgöra nup memba maljal. Mewö malbiga Kraist Jisösgö nupñi mealangöra kösö mire al ningigetka tata simin köla köulukömakzal. ² Anutunöñ kalem möriamñi kantri tosatñi engöra menden engiiga ölöwaknegö nup ningiyöhi, injini mi ölna möt teköze. ³ Anutunöñ keu areñi tölapñi indela jiiga möt yaközali, keu miangö könanji lök töröpnanök ohom engial. ⁴ †Ohom engiali, injini kulem mi oyonda ölop nöngö könanji kewö möt asarime: Nöñön Kraistkö könanji tölapñi mi ölöpnanök möt kutuzal.

⁵ Möpñangö möpñeyök ambazipnöñ könahiba mala kota malgeri, yanjön nalö miangöreñ Buña tölapñi miangöra tönpin malget. Mewö mala kotketmö, nalö kewöñe Uña Törönjan mi Anutugö aposol aka kezapqetok ambazip tök-kutukutunji neñgöra jim indeli mötzin. ⁶ Buña tölapñi mi kewö: Kraist Jisösnöñ Buña neñgimapkö jiba keu jöhöyöhi, injini mi Juda nembuk örörön angön köla memba malje. Ölöwak Buñanöñ miangö könanji mi kian kantri ambazip engöra mewöyök kondel engimakza. Injini uruñini melenja ölop nembuk mohotñe kötumötuetñangö Buñanji dop mohot memba malje. Uruñini Anutubuk jöhöba mohotñe Kraistkö ölnji aka nembuk kambu mohot kinjin.

⁷ Yanjögö kukösumñan mönö nöngö uruni sölölohöiga uruni melenbiga Anutunöñ kalem möriamñi söngörönji qahö ningiyök. Mi ningiiga köna asuhuiga Ölöwak Buñagö nup meme asia ahal. ⁸ Nöñön Anutugö könagesö sarakñi pakpak engö nembö bapñine eretñi kötökñi maljal. Mewö maljalmö, Anutunöñ

† 2.15 Kol 2.14 †† 2.16 Kol 1.20 ‡ 2.17 Ais 57.19

‡† 3.4 Kol 1.26-27

töndup kalemñi öngöngöñi kewöñi niñgiyök: Nöñön Kraistkö oyaenköyaen Buñani mi kian kantri ambazip engöra jim asarimamgö simbawon mötzal. Oyaenköyaen miangö könañi mi körek esiba möt kutum teköbinañgö dop qahö.

⁹ Anutunöñ möpñangö möpñe yuai pakpak mi-wikñaiba Buñani tölapñi közamböriga ambazipnön mala kota malgetka nalö miangören tönpin malget. Miangöra nöñön Anutugö Buñareñ tölapñi mi galöm köla malbiga öljambuk ahakza. Nöñön miangö könañi aukñe jibiga ambazip körekñan möt sölöngömegöra simbawon mötzal.

¹⁰ Anutunöñ mötkutukutuñi qainñi kun könañi könañi indel neñgiiga nalö kewöñe urumelen zioz kambu sutnine eraum möringa aukñe ahum sehimakza. Anutunöñ urusihimñan kewö mörakza: Bem suahö galöm aka pom garata öngöngöñi eretñi Suep gölme sutñire öroyuai pakpak galöm kölakzei, yeñön mewöyök Anutugö mötkutukutuñi mi kezap ala mötmegöra mörakza. ¹¹ Yeñön mi mötmegöra Anutunöñ Buñareñi mi möpñangö möpñeyök nalö qahöpñe uruñan jim köhöiba ali ahöyök. Miangö dop Kembunini Kraist Jisös melaiiga ölni miwikñaiiga könagesöurupñi aka mindiriba kinjin.

¹² Kraistpuk qekötahöba kinda möt narim wañgiinga Anutugö nanñuan mewö taliga ölop yanğö jemesoholñe anğotpingöra awösamkakak kinjin. ¹³ Miangöra kewö ulet engizal: Nöñön kösö mire tata enñön ölöwakñegöra aka köñjilij möta malakzali, miangöra uruñinan mönö kude etma. Injini nöñgö sihimbölöni miangöra aka ölop aködamunñinambuk akñe. Mewö.

Polnöñ Efesus yanğöra kewö köuluköyök:

¹⁴ Könañi miangöra nöñön Iwinini simin köl wañgiba köulukömakzal. ¹⁵ Yanğönök mönö iwinini mutukñi akza. Yanğö dop Suep aka gölmegö könagesö pakpak neñön iwi qet memba qerakzin. ¹⁶ Kewö köulukömakzal, “Anutu, gi mönö Uñagi Töröñi al enginöñga uruñinan köhöimakña. Göhö Buñagi kukösumñi buñabuñanambuk mi teteköñi qahö köwege ahözawi, gi mönö kukösumgi miangö dop mem köhöim engimakñan. ¹⁷ Mem köhöim enginöñga ölop Kraist möt narim wañgigetka uruñine dumñi memba malma. Mewö maliga kesötñini Kraistkö urukalemñöñ möndömgöba mendawölget geiga töndangöba kinme.

¹⁸ Urukalemñan nam köl engiiga könagesö sarakñi pakpak yembuk ölop Kraistkö urukalemñangö könañi möt kutume. Jöpaköm neñgimakzawi, urukalem miangö dopñi kewö: Görañi likepliket teteköñi qahö an bibihiza. Köröpñi enduyanğö enduñe angaiza. Köröpñi euyanğö euñe öngöza. Mewöyök dutñe emuyanğö emuñe geba ahöza. ¹⁹ Kraistkö urukalemñan mönö gölmegö mötmötninañgö dopñi onğitza. Mi möt kömumegöra kewö köulukömakzal: Anutu, gi mönö aködamunñi pakpakö dop mötmöt Buñagan uruñini kokolak qeba musulungöm engiman.”

²⁰ Anutu mewö köuluköba kewögöra möpö-seimakzal: Nini mötmötnini onğita yuaigöra köuluköba qesibinak me jemelen imut ala mötmöribinak ewö, yanğön mönö yuai mi ölop köhöiba neñgima. Anutu kukösumñan urunine nup memakzawi, yanğön mönö miangö dop köuluk aka mötmöt dopnini onğit teköba amqeba yuai pakpak ölop ak neñgimakña. Miangöra möpöseim wañgimakin. ²¹ Urumelen könagesö neñön tokoba Kraist Jisösgöra aka Anutugö qetbuñani möpöseininga aködamunñambuk aka ahöma. Mi gwöt isik ahöm köhöiba teteköñi qahö ahöba öngömei, nalö mi-anğören mönö mewöñanök aködamunñambuk aka ahöma. Keu mi ölna.

Kraistnöñ mindirim neñgiiga ölni mohot akzin.

4 Nöñön Kembubuk qekötahöba kinda nupñi mealanğöra kösö miri azia akzal. Keu mi jim teköba uruñini keu kewö jiba kuñguzal: Anutunöñ ahakmeme aködamunñambuk aka memba malmegöra engoholöhi, miangö dop injini mönö malmal qainñi kun malme. ² †Mönö uruñini memba et ala keu bapñe anda guñböñjönjön qakñe ambazip ak engiba malme. Lömböt mökösoñda malme. Mönö lolongöba bölöñangö kitipñi kude mememö, qaqaengiba jöpaköm anğuba malme. ³ Uña Töröñan uruñini qezaköba luaigö kösönöñ jöhöba mindirim engimakzawi, injini mönö uru jöhöjöhö mi sutñine ahömapköra kapañ köla kinme.

⁴ Anutunöñ engoholöhi, miangören mönö örörön oyaenköyaen akingö jörömqörömñini mohot miyök al engiiga al mamböta malje. Miangö dop injini mewöñanök Kraistkö öl kembangan mohot aketka Uña Töröñi mohotnöñ mönö inahöm engiiga malme.

⁵ Kembunini mohotnöñ galöm köl engiiga örörön möt narim wañgigetka o melun mohot miyöhök mem engigetka mohot aka malje. ⁶ Anutunini mohotnöñ körek iwi ak neñgimakza. Yanğön yuai pakpak körek neñgongita Kemu öngöngöñi ak neñgimakza. Mewö aka jitñi tem kölbingöra körek kuñguba inahöm neñgiba urunini dop malmal tatat ak neñgimakza.

⁷ Miangö dop örörön Kraistkö ölni mohot maljinmö, Kraistnöñ kalem möriamñi mokoba sihimñangö dop neñgiyök. Nup memegö mötmöt kalem könañi könañi mi mohot mohot neñgöra dopnine mender neñgiiga maljin. ⁸ †Miangö keuñi mi kewö jigetka Buñ Kimbinöñ ahöza,

“Yanğön euyanğören öngöba kinda kösö ambazip gwötpuk engömeiga buñaurupñi aketka kalemñi kalemñi mi ambazip neñgöra neñgiyök.”

⁹ “Euyanğören öngöyök,” Anutunöñ keu mi mönö denöwögöra jiyök? Miangö könañi kewö: Kraistnöñ mutuk Suepnöhök erök. Mönö gölme dutñe emuyanğören geyök. ¹⁰ Eröhi, yanğön mönö mewöyök lilingöba eu öngöyök. Öngöba Suep mirigö jakeni pakpak engongita qakñe euyanğören öngöba malja. Mi-anğören mala Suep gölmegö öroyuainjiri pakpak mi ösumñan kokolak qeba jömuk dop köl teköba malja.

¹¹ Kraistnön ambazip neŋgöra mötmöt kalemŋi kōnaŋi kōnaŋi kewō mendeŋ neŋgiyök: Nupŋi mendeŋ neŋgi-iga tosatŋan melaimelai ambazip bohonŋi (aposol) aket. Tosatŋan kezapqetok ambazip (profet) aket. Tosatŋan urukunŋgukunŋu ambazip (ewanjelis) aket. Tosatŋan lama galöm (pasto) aka kusum neŋginenŋi böhi qaazau aket.

¹² Kraistkō ölni mi urumelenŋ ambazip. Neŋön yeŋgö uruŋini naŋgöingä köhököhöi miwikŋaibingöra nupŋi mewō mendeŋda kunŋum neŋgiyök. Könagesō sarakŋi neŋön körek urugō nupŋi mēbingō jōjöröm tekōba malbingōra aka mewō inahöm neŋgiyök.

¹³ Mewōŋa mewō nup murutŋi murutŋi memba mala Anutu möt nariba kōnaŋgep Nahōnŋi möt yakōm sorokōba mianggōreŋ qezakōm aŋguba mohot aka kinbin. Anutugō mötmötŋi aka akōdamun yuaini pakpak mi mönō köreŋanök Kraistköreŋ ahōza. Neŋön Kraistkō köweŋeyök mötmöt ösumŋi öroingä musulumgōm neŋgiiga qarim sehiba köhöiba malinga akōdamunŋi köl neŋgii körek asuhui malbin.

¹⁴ Toroqeba namande tandök malbinbukōra Kraistnön urunini kunŋuba nanŋi ewō akōdamuninambuk akingōra inahöm neŋgimakza. Namande tandök malinga qewōloŋ ambazipnön areŋ i me wai ala möndōba tutuhum neŋgigetka tala et neŋguyōhi, inini mönō mianggō dop aka laŋ malbepuk. Luhutnön lilikqilik qeiga köwetnön kunduriga sirinön gödōwōröt laŋ waŋgiriga an qem kam qem aka simbiŋsambaŋ ahakza. Mianggō dop gölme ambazipnön silenön alal aka unŋi memba tilipmöt möt miwikŋaiba ambazip laŋ kusum neŋgigetka janjuŋ ahakze.

¹⁵ Mianggō dop laŋ kude malmemō, keu ölnanök töp jiba jōpakōm aŋguba malme. Mewō mala Kraistnön nöröpnini akzawī, kesötŋini mönō yaŋgōreŋ möndōmgōget geiga tōndangōba yuai pakpak mianggōreŋ qarim köhöiba akōdamuninambuk aka malme. ¹⁶ †Kraistnön nöröpnini aka ölni jōmuhök galöm köl neŋgiiga ginimuramŋi köreŋan mönō ölnaŋgō kōna bōrōnŋi mindiriba jōhōm neŋgigetka kutaŋgōmakzin. Ösum mohot mohot ahōm neŋgizawaŋgō dop mönō nupnini memba kötōngōba jōpakōm aŋguingä ölni mianggōn köhöiba qarimakza. Mewō.

Asakŋaŋgō ahakmeme dōlökŋi aka memba malme.

¹⁷ Mewō akzinaŋgōra nōŋön Kembugō jitŋe memba galöm meme keu kewō jibi möt yakōme: Urumelenŋgō kopa ambazip uru mötmötŋini sohoiga nesak ewō aka öne omanŋi laŋ malakzei, inini yeŋgō tandök bölōnŋi kude toroqeba aka memba malme. ¹⁸ Urumelenŋgō kopa ambazip yeŋgō urumöt mötŋinan sōŋauiga Anutubuk malmalgōra siksauk aka sohoze. Mötmöt bölōnan uruŋini gwōzōŋda duhuyōhaŋgōra aka gukmaulem aka tōnŋin malje. Mianggōra Anutugōreŋ malmal köhöikŋe qahō qekōtahōmakzemō, nanŋinök laŋ tōhōn malje. ¹⁹ Galōmŋini qahō mem aŋgugetka uruŋini gwōzōŋ tekōiga gamu taŋgeŋ malje. Uruŋini

kaiserōnōŋ jōhöba qewōloŋ yuaigōra laŋ sōŋgaiba tōlōhomakze. Yuai membagan mēbingō nepaqepalok köpōsōŋgōmakze.

²⁰ Yeŋön mewō ahakzemō, inini Kraistpuk malmalgō kōnaŋi mi mewō qahō kusum neŋgiget mötket. ²¹ Inini keu ölnaŋgō Tonŋi Jisōsbuk qekōtahōgetka mianggō dop kōnaŋi kusum neŋgigetka ölni kewō möt yakōget:

²² ††Mutuk ahakmemeŋini walŋi wuatāŋgōgetka sihim kömbōnaŋini bölōnan isimkakalek ak neŋgiiga ayuhum aŋgubingō aket. Kōna kusum neŋgiget mötkeri, mianggō dop mönō uruŋini walŋi metekōm gila andō qeme.

²³ Urumöt mötŋini mem guliget kölōnaiba malmegōra kōna kusum neŋgiget. ²⁴ †Anutunōŋ nini nanŋi kaisōŋgolomŋaŋgō dop sarakŋi aka mal köhöibingōra miwikŋaim neŋgiyök. Uru dōlökŋaŋgō malmal solanŋi wuatāŋgōbingōra mönō al neŋgiyök. Mianggōra uru dōlökŋi miyōhök mönō bök kölget geiga malme. Kōna mi mönō mewō kusum neŋgigetka möt yakōget.

²⁵ †Kōna mewō ahōiga nini Kraistkō ölni mohot mianggō uruŋe darumun ewō mindiriba ala-ala aka maljin. Mianggōra muneŋ mi mönō metekōm gilget geiga sutŋine keu ölnanök pakpak eraum möta malme. ²⁶ ††Tembula kukpiriŋnōŋ akŋe ewō, mönō tōndup siŋgisōndok kude akŋe. Irimŋini seholimawi, keuŋini mi mönō zilaŋ wehōn jeŋan qahō tekōba geiga jim tekōgetka solanima. ²⁷ Mewō Bölōnaŋgō Tonŋan sutŋine kaŋgotpapukōra qeapköba nalō kun kude waŋgiba zilaŋ yakōrime.

²⁸ Kunŋan yōŋgorō meme malōhi, yaŋön mewō kunbuk kude akŋa. Mewō qahōpmō, mönō nanŋi bōrōnan nup kaparŋ köla memba malma. Nup memba nanŋi nene inapŋi miwikŋaiba ölop amqeba ambazip wanapŋi naŋgōm neŋgimakŋa.

²⁹ Keu lösō kun jitŋineyök kude etmapmō, keu ambazip uruŋini naŋgōba mem köhöimawi, mönō miyōhök jiba malme. Ambazip keuŋini möta uruŋini ahōzawaŋgō dop qambaŋgōra osizei, mönō mianggō dop goro neŋgigetka keu nahōmŋi möta ölöwakeak. ³⁰ Anutunōŋ buŋaurupŋi sohōpnini meiga Suepnōŋ öŋgōbini, nalō mianggōra aiwesökŋi kömbōnaŋi mekötahōm neŋgiiga uruŋine geba Anutugō muŋgemŋi akza. Mianggōra Anutugō muŋgemŋi Uŋa Tōrōnŋi mi mönō wōsōbirik kude qem waŋgime.

³¹ Inini mönō urukōmbuk, urukondum aka uruŋigok pakpak mi qekōba gilget körōwen tatma. Urukōnōpnōŋ kude jula engōhoiga uruŋinan auba yom qeta jim aŋgubepuk. Mewōyök andōqeŋe keu tōhöreŋ mi kude jime. Aŋgōjōrak kōnaŋi kōnaŋi uruŋini tōlōhobapukōra mi mönō körek andō qegetka tikep ahōma.

³² †††Tikep ahōmapmō, ala-ala ak aŋguba mökōliba guŋbōnŋjōnŋjōŋ qakŋe ak aŋguba malme. Kraistpuk qekōtahōgetka Anutunōŋ siŋgisōndokŋini mosōta saŋgoŋ neŋgiyōhi, inini mönō mianggō dop toroqeba köpōsihitŋini mosōt aŋguba malme. Mewō.

† 4.16 Kol 2.19

†† 4.22 Kol 3.9 † 4.24 Jen 1.26; Kol 3.10 †† 4.25 Zek 8.16
††† 4.26 Sum 4.4 ††† 4.32 Kol 3.13

Anutugö asakŋe malmal mi kewö:

5 Anutugö wölböt nahönböraturupŋi akzeangöra silikŋini mönö kapaŋ köla Anutunöŋ ahakza-waŋgö dop aka wuatangöba malme. ² †Kraistnöŋ jö-paköm neŋgiba malmalŋi neŋgöra aka köleŋda mosörök. Jöwöwöl ohogetka köwakŋan öŋgözapma, Anutunöŋ miangö dop Kraist malmalŋangö kalemŋi mi möt angön köli wörönŋi umköhöwakŋambuk ewö aka yaŋgö jeŋe pukpuköiga söŋgaiyök. Inini mönö mewöyök urukalemnöŋ kinda Kraistkö dop jöpaköm anguba aka memba malme.

³ Serowilin, qewöloŋ angöjörakŋambuk könaŋi könaŋi me yuai membagan membingö nepaqepalok (gridi) silikŋi mi Anutugö jeŋe qahö dop kölja. Miangöra Anutugö ambazip sarakŋi akzeangö dop yuai mewöŋangö keuŋi kun mi sutŋine kude misiriba jigetka mötme. Saumbaŋ!

⁴ Angögönahitnöŋ lösö keu imbilonŋambuk aka uruqahö keu sinŋi sinŋi mi kude jime. Miangön uruŋini tölöhoiga qahö dop kölja. Miangöra mi mönö mosöt teköba möpömöpösei keu jim sehiba malme.

⁵ Keu kötŋi ki mönö möt kömume: Kunŋan serowilin me qewöloŋ angöjörakŋambuk me membagan membingö nepaqepalok köpösöŋgömakzawi, yaŋön mönö Anutugö bemtohoŋi buŋa qem angumangö osima. Ahakmeme miangön bem muneŋi me tandö lopion möpöseim engimakzeangö tandökŋi akza. Mewö akza-waŋön mönö Kraist aka Anutu yetkö bemtohoŋ uruŋe angotpingö osima.

⁶ Anutunöŋ siŋgisöndok mewöŋangöra aka tembula irimesewölŋi qeqetal ambazip yeŋgö qakŋine ali öŋgömakza. Miangöra kunŋan keu omaŋi mewöŋi jiba kelök ala tutuhuba tilipköm engibapuk. ⁷ Miangöra ambazip mewöŋi mönö andö enguba yembuk köisirik kude malme. ⁸ Mutuk söŋaupuk malgetmö, nalö kewöŋe Kembubuk qekötahöba kinda yaŋgö asakŋambuk malje. Ahakmemeŋini mönö asakŋangö buŋaya akzeangö dop aka memba malme.

⁹ Asakŋangö buŋa akzeangö töhötmöriam öljŋi mi kewö: Inini ahakmeme ölöŋŋi wuatangögetka Anutunöŋ keuŋini jim teköi solanime aka keu ölö töhöŋŋanök jiba malme. ¹⁰ Wani yuai Kembugö jeŋe dop kölmawi, miangö könaŋi mönö jaruba kewöta möt asarime.

¹¹ Söŋaupkö ahakmeme gilipitŋi (ambetakŋi) aka memakzei, yembuk mönö köisirik kude toroqeba malme. Yeŋgö bölöŋamŋini mi mönö indela asakŋe ala jim engime. ¹² Tosatŋan siŋgisöndok tölapŋe ahakzei, mi mönö aukŋe jibingö gamuŋambuk akapuk. ¹³ Anutugö asakŋan siŋgisöndokŋini pakpak mem asariiga könaŋamŋini öljŋan mönö aukŋeyök asuhuma. ¹⁴ Asakŋangö Toŋan mönö tölapŋangö yuaiŋi pakpak indeliga asakŋe aukŋeyök ahöma. Miangöra keu kun kewö jigetka ahöza,

“Gaun ahözani, gi mönö imbigi mötnöŋ.

Mönö köhömuŋeyök guliba wahötnöŋga Kraistnöŋ mem asarim gihima.”

¹⁵ Keu miangö dop ahakmemeŋini mönö mötkutuku-tu qakŋe aka memba malme. Morop aka tönpin mal-bepuköra mönö ölöŋŋanök galöm mem anguba malme. ¹⁶ ††Kewöŋe nalö bölizawangöra aka urugö nup membingö köna kun ahumawi, nalö mi mönö kude mösöhöba ayuhumemö, ambazip qöhöröŋine anda ösöŋ qambaŋ köleŋgime. ¹⁷ Miangöra uruqahö ewö laŋ kude malmemö, Kembugö jitsihitŋi mi ölöŋŋanök möt asariba kinme.

¹⁸ Wain o köhöikŋi nempa enjololoŋ akepek. Nanŋini imbi-imbi malgetka mötmötŋini bölöŋan asuhugetka söŋaup malmalnöŋ titeköba geba ayuhubepuk. Miangöra enjololoŋ akepekmo, Uŋan Töröŋan mönö uruŋini kokolak qemapköra kapaŋ köla kinme.

¹⁹ †Mönö Buŋa keu eraum möta Sumbara (sam), möpömöpösei liŋet (omsa) aka urugö liŋet tosatŋi mi urukönöŋŋinan köla Kembu möpöseimakŋe. ²⁰ Mewö me mewö asuhuiga miangöra mönö Kibunini Jisös Kraistkö qetŋi qeta Iwi Anutu sundan saiwap jim waŋgiba malme. Mewö.

Awanöm yeŋgö goro qambaŋ keu

²¹ Kraistkö jitŋi ongitpepuköra keŋgötŋini möta mönö sutŋine keu bapŋe anan ak anguba malme.

²² ††Kraistkö öljŋi mi urumeleŋ könagesö. Yaŋön miangö nööröŋŋi aka Amötqeqe Toŋi akza. Miangö dop azinöŋ mewöyök anömŋangö nööröŋŋi akza. Miangöra ambi inini mönö Kembugö keu bapŋe anangö dop nanŋini apurupŋini göda qem engiba keuŋini bapŋe anda malme. ²⁴ Urumeleŋ könagesö neŋön Kraistkö keu bapŋe kinjini, miangö dop ambi enŋön mewöyök mönö apurupŋinangö keu pakpak wuatangöba malme.

²⁵ ††Kraistnöŋ nanŋi könagesöŋi jöpaköm neŋgiba neŋgöra aka malmalŋi tököba köleŋŋöhi, miangö tandök azi enŋön mönö mewöyök anömurupŋini jö-paköba urukalem ak engiba malme. ²⁶ Kraistnöŋ kö-nagesöŋi Buŋa keuŋan tök kutuba ambi buŋaŋi sarakŋi akingöra o ewö miangön saŋgoŋda mösoloŋan-im neŋgiyök. ²⁷ Yaŋön nini öllulup sorok akingöra möta uru sönuetnini mösoloŋaniba töwöt boromŋi kun qahö akingöra kapaŋ kölakza. Könagesö sarakŋi köpösihitkö keunini qahö akingöra mörakza. Kraistnöŋ kaba neŋguangiriga asakmararaŋe eu angoringa jihilalomŋan neŋguiga ambi buŋaŋi ewö nini nanŋi jemesoholŋe al neŋgiiga aködamuninambuk kinbin.

²⁸ Azi inini mewöyök mönö Kraistkö tandökŋi mewöŋi wuatangöba anömurupŋini jöpaköm engiba malme. Anömŋi jöpakömakzawaŋön mönö nanŋi köyan köle angumakza. Miangöra nanŋini silenini köyan köle angumakzeangö tandök mönö anömurupŋini köyan köle engigetka dop köлма. ²⁹ Kunŋan kun nanŋi sileni nalö kunöŋ kazik qahö ak waŋgiyökmö, körek neŋön silenini gumohoba köyan kölakzin. Kraistnöŋ mewöyök kö-

† 5.2 Eks 29.18; Sum 40.6

†† 5.16 Kol 4.5 † 5.19 Kol 3.16-17 †† 5.22-23 Kol 3.18; 1 Pitö 3.1 †† 5.25 Kol 3.19; 1 Pitö 3.7

nagesourupni nini silenji ewö keujan gumohoba köyan köl nenngimakza.

³⁰ Urumelej könagesö neñon Kraistkö ölnji akzin. Neñon Kraist ölnangö törömunni aka maljin. Miangöra gumohom nenngimakza. ³¹ †Buña keu kun kewö ahöza, “Miangöra azinöñ mönö iwinamni etkömosöta anömñambuk qekötahöba yahöt yetkön silemohot aka malmahot.” ³² Keu mi söpsöp keu tölapni. Mi Kraist aka urumelej könagesö neñgö uru jöhöjöhöni-nangöra jiba ohozal. Keu areñ miangö könanji mi tölapni aka dutni gegeni. ³³ Mewö akzapmö, engöra keu mi kewö jizal: Injini mohot mohotñan mönö mewöyök anömurupni nannini köyan köl angumakzeangö dop jöpaköm engiba malme. Anöm enñon mönö mewöyök apurupni göda qem engiba malme. Mewö.

Nahönbörat aka iwinam yeñgö uru jöhöjöhö

6 ††Nahönbörat engöreñ ahakmeme diñdini mi kewö: Injini mönö Kembubuk qekötahöba iwinamyahötñini yetkö jitñiri tem köla wuatangöba malme. ² †Anutunöñ jöjöpañ keu 1-2-3 miengö teteköñe töwa likepni nenngimangö qahö jii ahözapmö, jöjöpañ keu jañgö 4 mi törömunñambuk. Mutuk kewö jiza, “Iwinamyahötki mönö göda qem etkiba malman.” Keu mi tem kölinga Anutunöñ töwa likepni nenngimangö keunji kewö jöhöi ohoget ahöza, ³ “Göda qem etkinöñga Anutunöñ töhötmöriam gihiiga toroqeba gölmenöñ nalö köröñni malman.”

⁴ Nahönbörat urupni irimesesewöl akepuköra iwi enñon mönö urukanjam kude ak engiba malme. Mewö qahöpmö, Kembugö Köna keu tem kölmegöra kusum engiba miangö dop mindingöm engigetka qarime. Mewö.

Welenqege aka galöm yeñgö qambañ keunji

⁵ †Welenqege injini mönö gölme qakñe galömurupni-ni yeñgö keunji Kraistkö keu ewö tem köla jörantauat kude ahakñe. Keunji ongitpepuköra sömbunini möta jöñömñinambuk undui malme. Urugenmoñ kude aka böñ kinda aka memba malme. ⁶ Köñdöwoñ aketka ambazipnöñ enggek sorimegöra qahöpmö, urupni nupnöñ ala memba Anutugö jitsihitni wuatangöba Kraistkö welenqege tandök ahakñe. ⁷ Gölme ambazip welen qem engiba mewö miangöñ Kembugö welenñi qemakzin. Mewö möta nupni mönö Kembugö jeñe dop kölmawangö dop uruölöwakpuk memba malme.

⁸ Keu ki mönö mötme: Engö sutñine tosatñan nup tonji malje aka tosatñan tonjini töwa qahö öne welen qem engiba etqegeñi malje. Mi töndup denike yeñon nup ölöpni mi me mi memakzei, Anutunöñ mönö miangö töwanji al engiiga buña qem angume. Keu mia mönö mötmöriba malme.

⁹ †Tourup aka welenqege engö Kembunini mohot yanñon Suet mire malja. Yanñon ambazip tosatñi qahö

enggek soriba tosatñi qahö qepureim engimakzapmö, dop mohotnöñ kewöta keunini jim teköm nenngima. Galöm injini mi möt kutuzeangöra mönö welenqege alaurupni simin titit ölöpni dop mohot ak engiba öröm könöpkönöp memtöröp qemtöröp mosöta malme. Mewö.

Anutugö jurujamba jömuk memba malme.

¹⁰ Kimbini tekömangö aiga keu kewö ohozal: Injini Kembubuk qekötahöba kingetka kukösumni ketanjan mönö inahöba töngum engiiga köhöimakñe.

¹¹ Bölöñangö Tonjan silenöñ alalgö mötmöt areñ könanji könanji alakzawi, injini mi mesohol köla kin köhöimegöra mönö Anutugö wahijamba pakpak memba kölget gem angum teköiga malme.

¹² Nini gölme ambazip sep busunñambuk yembuk bim qahö aumakzinmö, bem suahö galöm aka iwiluhut bölöñi bölöñi tuarenjoñ ak engibingöra kinjin. Bem suahö galöm bölöñi Suet gölme sutñire jakömbuak dumñine kinda kembu ahakzei, mönö mi qetal engimakin. Mewöyök pom böhi öngöñgöñi eretñi sutnine panamangö öme tohongö azi ipni mala öroyuai pakpak galöm kölakzei, neñon mönö yembuk yarö gilakzin. ¹³ Miangöra tuarenjoñ ak engibingöra mönö Anutugö jurujamba lökñanök memba kölget gem anguiga kinme. Mewö kingetka kerökñinan nalö bölöñe engubingö gangömakñei, nalö miangöreñ mönö ölöp amqeba yarö gila tötal engime aka yarö mi teköiga ölöp miri gölmeñine kanjam köla kinme.

¹⁴ ††Wahijambañini mönö kewö löngöt angume: Keu ölnanök jijigö irimunganji mönö anjöñine jöhöba kinme. Ahakmeme solan sorokñi mi töptöñine göwangöwan (kapa maluku) ewö köla sel jöhöm anguba kinme. ¹⁵ ††Köna esu böñtöñök löngöta ölöp töndangöba tiba anakzin. Miangö dop injini mönö luaigö Buñanji jim sehibingö jöjörögetka miangöñ bohon köl engima. ¹⁶ Jurujamba miembuk toroqeba saiwa bohonñi qetñi mötnarip mi mönö buña qem anguba sundan teñgöba kinakñe. Bölöñangö Tonjan nengeriba qönsihim nenngimangöra möta timbi liñgipni mulahakzawi, miangö esapesap könöñni pakpak mönö suman miangöñ qeapköba angön köl angumakñe.

¹⁷ †Anutugö Amötqege Tonji i mönö buña qem angume. Buña qem anguba kunbuk letotmei, domamöt miangöñ mönö nöroñni ain irikmarik ewö turuba angön köl engimakñe. Uña Töröñan bimgö sou ketanji nenngizawi, mi Anutugöreñ Buña keu. Mi mewöyök mönö buña qem anguba urukönöñine ala bimñini miangöñ qemakñe. ¹⁸ Wahöjambañini pakpak mi löngöt anguba mönö nalö dop Anutu köuluköba qesiba malme. Uña Töröñan enguasöta inahöm engimakzawangö dop mönö uletnöñ sahöt wangimakñe. Mönö pöndañ uruguliguli mala sundan Anutugö ambazip sarakñi pakpak yeñgöra aka kapañ köla köulukömakñe.

¹⁹ Nöñgöra mewöyök kewö köulukömakñe, “Anutu, gi mönö keu köñni diñdini Pol wanginöñga göhö

† 5.31 Jen 2.24 †† 6.1 Kol 3.20 † 6.2 Eks 20.12; Dut 5.16; Kol 3.21 †† 6.5 Kol 3.22-25 †† 6.9 Dut 10.17; Kol 3.25; 4.1

†† 6.14 Ais 11.5; 59.17 ††† 6.15 Ais 52.7 § 6.17 Ais 59.17

Ölöwak Buṇagi tölapṇi mi keu jitṇan jimawaṅgö dop jim asariba awösamkakahök kinda uru kuṅgum eṅgi-makṇa.”²⁰ Nöṅön Ölöwak Buṇa miaṅgöra aka Anutugö jitṇememe azi bohonṇi akzalmö, nupṇi memakzalaṅgöra aka nalö kewöṇe kösö mire tatzal. Miaṅgöra Buṇa keu mi Anutugö jeṇe dop kölmawaṅgö dop awösamkakahök jiba malmamgöra mönö köuluköba malme. Mewö.

Yaizözkök keu teteköṇi

²¹ Wölböt alani Tikikus yaṅön nöṅgö kösohotni alma. Yaṅön Kembubuk qekötahöba nupṇi memburik-qem-

burikṇi qahö memakza. Kiaṅgöreṇ denöwö aka memba tarakzali, mi pakpak jiiga iṇini mewöyök mi mötme.²² Neṅön denöwö maljin tatzin, iṇini kösohot mi mötmeṅgöra Tikikus melaim waṅgibiga Efesus eṅgöreṇ kama. Yaṅön kaba urukölalep eṅgiiga ölop böṅjöṇ malme.

²³ Iwi Anutu aka Kembu Jisös Kraist yetköṇ mönö urumeleṇ alaurup eṅgöreṇ luai qeba urukalem ak eṅgiba mötnaripṇini mem köhöimakṇa.²⁴ Ambazip Kembunini Jisös Kraist nalö teteköṇi qahö jöpaköba malmei, Anutugö kalem möriamṇan mönö körek embuk ahöba ahöm öṅgöma. Mewö.

Filipai

Jim-asa-asari

Polnön misin nup liliköba meiga indimnji yahöt aiga Eisia Mainö (Töki) mosöta Yuröp gölmenön anök. Anda Rom prowins qetnji Masedonia miangörej urunini kungui melengetka Kraistkö könagesö mutuknji mi Filipai sitinön asuhuyök. Könangep aposol Pol mi Rom sitigö kösö mire alget sihimbölö qaknje tariga nup meme ambazip tosatñan tuarenjon ak wangiget. Mi ak wangigetka tosatñan Filipai uruñe mewöñanök keu gonjonji kusum enggigerangöra waimanjat mörök. Nalö miangörej Buña Kimbiñi ki Filipai mötnarip könagesö yengöra ohoyök. Waimanjat mörökmö, töndup urukölalep keu aka urunangöñangö keu ki sösöngai qaknje ohoba alök. Polnön kösö mire tariga Filipai mötnarip könagesö yeñon bauköm wangibingöra kalem alget kayöhi, yanön miangö saiwap jim engmamgöra Kimbi ki ohoyök. Mi ohoba toroqeba urunangöñangö keunji gwötpuk mohotñe alök. Nanñak köñjilin könanji könanji möriga Filipai yeñon Polgö keunji mi mötketka töndup köhöiba awösamkakak kinmegöra uru nangöm engiyök. Goro keu tosatñi kewö: Nanñini sileñini memba öngöba aiweliköbepuköra mönö galöm memba malme. Dogo jimamonñ möta toroqeba nepaqepalok köpösöngöbepukmö, Jisös ewö urunini mem et al anguba malme. Keu ki ölum engubapuk: Kraistpuk qekötahöba kinjei, mi Anutugö kalemñi akza. Juda yeñon Mosesgörej Köna keu areñi tem köla wuatangöba Anutugöra silik yuai ahakzemö, urumelen alaurup erñon mewö qahö. Erñon mönö Anutu möt narim wangigetka kalem möriamñi söngörönji qahö engiiga buña qem anguba mewö miangön malmal dölökñi miwikñaiba malje. Denike yeñon Kraistpuk qekötahöba maljei, Anutunön mönö i luai qem engiiga sönggaiba malme. Kraist möt nariinga Anutunön urusösöngai nenggiiga ölop awösamkakak qaknje mal köhöibin aka urumelen alaurup yembuk mohotñe kapañ köla köhöiba kinbin. Polnön miangö keunji mi gwötpuk ohoyök. Polnön Filipai könagesö yengö waikñini köhöikñi membingö möta malöhi, miangö keunji mi mewöyök auknje ohoyök.

Buk kiangö bahönji bohonñi 7 mi kewö:

Keu mutukñi
 Polnön denöwö aka malök
 Kraistpuk malmalgö könanji
 Timoti Epafroditus yetkö nup areñi
 Tuarenjon yeñon tilipköm engigetka etpepuk
 Polgö alaurup Filipai malgeri, yengö keunji
 Kimbigö keu kötni bohonñi

1 [†]Pol Timoti netkön Kraist Jisös welenñi qeba maljit.

Urumelen könagesö sarakñi pakpak Kraist Jisösbuk qekötahöba kinda Filipai sitinön maljei, niri embuk aka engö bohonñini (bisop, pasto) aka Buña nup meme ambazip tosatñi (dikon) embuk keu eraum mötpingöra möta kimbi ki ohozal.

² Anutu Iwinini aka Kembu Jisös Kraist yetkön kalem möriam engiyohotka luainön malmegöra mötzal.

Polnön Anutu möpöseiba köuluköza.

³ Nönjön mötmörim engimakzalanğö dop Anutu möpöseimakzal. ⁴ Nalö dop körek pakpak engöra Anutu köulukömakzali, mi mönö sösöngai qaknje köulukömakzal. ⁵ Nönjön Anutu kewögöra möpöseimakzal: Inji-

ni Ölöwak Buñanön qekötahögeri, nalö mutukñi miangörejök könahiba nömbuk bim qeba kötöngöm ningiba mala kota malje. ⁶ Anutunön urunine nup ölopñi könahiba memba maljawi, mi mönö toroqeba meiga Kraist Jisösnön kunbuk asuhumapkö nalöñe teköma. Mewö möt narim köhöiba Anutu möpöseimakzal.

⁷ O sepñini nembu, wölböt alaurupni akzeangöra körek inñini mewö mötmörim engibiga ölopñanök dop kölja. Anutunön nup ninggiiga kösö mire tarakzal me awörök nöñon Ölöwak Buñagöra bim qeba eqololon keu qeapköba keu ölñan jalöñi memba köhöimapköra lilikömakzal. Mewö me mewö ahakzali, körek erñon mönö nömbuk kingetka kalem möriam miyöknön dop köl engiiga nupni nangögetka mohotñe simbawon akzin. ⁸ Kraist Jisösnön inñini jöpaköba inahöm engimakzali, nöñon mi möta miangö qaknje kinda körek

† 1.1 Apo 16.12

engöra ak ninggiiga engekjamgö kapañ köla maljal. Mewö jibiga keu ölni jizali, mi Anutu nanjak ölop nangöm ninggiba jima.

⁹ Nöñön engöra kewö köulukömakzal: Anutu, gi mönö Filipai alaurup inahöm enginönga toroqeba köhöiba jöpaköm angugetka urukalemñinan qarim se-hima. Mewö aiga ölop köna ölni ek kutuba enjololoñ keu mosöta malme. ¹⁰ Mewö mala ölop keu kewöta köna ölop sorokñi möwölöhöba sarakñi aka köpösihitkö keunini qahö mal öngöme. Kraistnöñ lilingöba kamawi, nalö miañgöreñ lömbötninan teköma. ¹¹ Jisös Kraistnöñ ahakmeme solanñi nam köliga miañgö ölni asuhumakña. Ölni miañön uruñini kokolak qeiga ambazipnöñ mewö engeka Anutu möpöseigetka qet-buñanjan sehimapköra köulukömakzal. Keu mi ölna.

Pol kösö mire algetka Buña keunöñ köhöiyök.

¹² O urumelen alaurupni, enñön nöngö könani möt kutumegöra kewö möta ohozal: Yuai bölöñi nöngöreñ asuhuyöhi, miañgö buzupñan sehiiga Ölöwak Buñaninan ambazip dop köl enggiiga nupninan töhötmöri-amñambuk akza. ¹³ †Ni Kraistköra aka kösönöñ gwaröhöm ningigetka Rom kiañgöreñ tatzali, keu mi yarö azi pakpak sisa-kiñgö jakömbuak miri galöm memakzei, yeñön mötze aka mewöyök ambazip tosatñi gwötpuk yeñgö kezapñine geiga möt teköze.

¹⁴ Toroqeba ölni kewö asuhuyök: Urumelen alaurupninan kösö mire tatpi Kembunöñ bauköm ningim�akzawañgö keunji mötket. Mi möta sehisehiñan Kembubuk qekötahöba kinda köhöiba kapañ köla awösamkakak aket. Mewö aka Anutugöreñ keu kenñgötñi qahö jim sehigetka toroqeba anakza.

¹⁵ Tosatñan nöngöra mötket öngöiga urusihim sarakñe kinda Kraistkö könañi jim asarimakzemö, tosatñan nöngöra aka uruñinan mututqutut möta andö nuñguba angururuk akingö mötze. ¹⁶ Alaurupni ölni yeñön nöngö könani kewö mötze: Anutunöñ kuñgum ninggiiga awörök nöñön Ölöwak Buñagöra bim qeba enjololoñ keu qeapkömakzal. Mewö möta jöpaköm ninggiba nangöm ningimakze. ¹⁷ Andöqeqe ambazip yeñön nanñinanñgörök mötmöriba töwagöra möndögetka uruñinan tölöhoiga Kraistkö könañi mewö jim asarimakze. Mewö aka kösö mire tatzali, nalö kewöñe angösirip toroqeba ak ninggibingö mötze.

¹⁸ Mewö mötzemö, mi muat. Kraistkö könañi mi yuaigöra möndöba silebile aka me Anutu törörök tem köla jim asarigetka mötpi dop kölja. Mewö me mewö ahakzei, urunan mönö miañgöra ölöwahiga ölna söñgaizala söñgaimakñam. ¹⁹ Söñgaibiga nöngöra köulukögetka Jisös Kraistkö Uña Töröñan nangöm ninggiiga ölop pösat ningigetka etmamgö tandök mötzal. Mewö asuhumapköra möta miañgöra mewöyök söñgaimakzal. ²⁰ Yuai kun aka gamu miwikñaibilenbuköra mönö jörömqöröm aka maljal. Gamu qahöpmö, nalö dop Kraist möpöseiba malali, miañgö dop nalö kewöñe mewöyök asuhumapköra mötzal. Silenan kömuma me malmawi, mi töndup mönö awösamkakak

pakpak qakñe Kraist möpöseibiga qetbuñanjan qarimakña.

²¹ Malmam ewö, malmalni mönö Kraistkö qet-buñanjan qarimapköra aka malmam. Nunguget kömumbilenjak ewö, miañön mönö mem ölöwak ninggiiga oyaenkyoayen akñam. ²² Mewö akilenjakmö, gölmenöñ silebuk malmam ewö, mönö urugö nup membiga toroqeba ölnambuk ahakña. Mi mötmöriba nanangöra malmal me kömuwa möwölöhöbilenjak, mi ölop qahö mötzal. ²³ Malmal aka kömup sutñire pañpañgöba maljal. Kraistpuk eu malbilenjak, miañön mönö yuai pakpak onñgita möriam ketanji ak ninggibawak. Miañgöra gölme mosötmamgö sihimñi möta maljal.

²⁴ Mewö maljalmö, silebuk qeköriba malmam ewö, miañön mönö inñi bauköm enggibiga ölni enggöreñ asuhuma. Kömumbilenjak, miañön mönö inñi qahö bauköm enggibawak. ²⁵ Mewö möt narim köhöiba miañgöra nehorigetka toroqeba mala körek inñi bauköm enggiba malmamgö mötzal. Bauköm enggibiga mötnaripñinanñgö ölnan mönö qarim köhöiiga ölop önöñi qahö söñgaiba malme. ²⁶ Mewöyök Kraistnöñ nehoriiga kunbuk enggöreñ kabiga inñi ölop nöngöra aka Kraist Jisös önöñi qahö möpöseim wañgiba malme. Mewö.

Mötnaripñinan köhöimapköra bim qeba malme.

²⁷ Ahakmemenñi mi mönö Kraistkö Ölöwak Buñanjan aködamunñambuk akñawañgö dop aka memba malme. Mewö malgetka enggöreñ kaba engekñami me qahö kaba sikep mala keu buzupñini mötpi könañini kewö ahöi dop köлма: Inñi mindimindiri areñ mohotkö keu jöhöba urumohot aka kinme. Mewö kinda Ölöwak Buñagö keu ölnan sömböleibapuköra öröröñ jöhöba bim qeba malme. ²⁸ Mewöyök tosatñan tuarenjoñ ak enggimakñei, enñön mönö keu jitñini könañi könañi miañgöra kude töwöratigetka uruñinan kude etma. Könañamñini mewö mötpi dop köлма. Anutunöñ kukösum enggiiga tuarenjoñ ambazip yeñön könañamñini eka kewö möt asarime: Nanñini et enguiga ayuhugetka Anutunöñ meköm nenñiiga oyaenkyoayen aka malbin.

²⁹ Anutunöñ areñi al enggiyöhi, mi kewö: Inñi Kraist möt narim wañgiba likepñi söñgaiba likepñi yañgöra aka sihimbölä möta malme. ³⁰ †Nöñön mötnaripkö bim mutuk embuk mala qeali, neket aka nalö kewöñe toroqeba qemakzalañgö keu buzupñi ki mötzei, inñi mönö bim miyöhök nömbuk tönguba qeba malje, mi mötzal. Mewö.

Kraistkö dop nanñini mem et al anguba malme.

2 Inñi Kraistpuk qekötahöba kinjeañgöra mönö uruñini nangöm angubingö qambañ miwikñaime. Urukalemñini miañön mönö urukölalep ak angumakñe. Uña Töröñambuk ösupköba kinda waikñini memba ak kömum angumakñe. ² Mewö akzeañgöra mönö mötmöt mohot wuatañgöba öröröñ jöpaköm

† 1.13 Apo 28.30

†† 1.30 Apo 16.19-40

anğuba luainönj malme. Urusihimñini mönö mötmöt areñ mohot akingöra jöhöme. Keu mewö jöhöba uru-mohot aketka ölnj asuhui möta nöñön engöra önönj qahö söñgaiba malmam.

³ Öroyuai nanñinañgörök öröbingö sihimñan mönö kude nam köl engima. Nanñini qetbuñanjan qarimapköra mönö silenini kude memba öngömömö, uruñini memba et ala tosatñi yengöra mötketka öngö-makña. ⁴ Injini mohot mohot mönö nanñini uruñi-nanök ölöwakñapköra kude mötmörimemö, tosatñi yengö uruñinan ölöwakñapköra mewöyök kapañ köla mötmörim yaköme. ⁵ Kraist Jisösnönj gölmenönj maliga imbi mötmöt ahöm wañgiyöhi, miyöhök mönö engöreñ ahöi mi wuatangöba malme.

⁶ Anutugö kaisoñgolom tandökñi ahöm wañgii malökmö, töndup Anutugö dop malöhañgöreñ qahö möndöba aiweliköba malök.

⁷ Mewö qahöpmö, nanñak amqeba Anutugö asak-mararanj mosöta eta melenja azi tandök asuhuba welenqeqegö kaisoñgolomñi memba malök.

Mönö gölme azi nanini tandök aka malök.

⁸ Mewö mala uruñi memba et al anğuba Iwiñangö keu jitñi nalö dop tem köla malök. Mewö maliga gamu qem wañgiba "Maripomnöñ qebin," jigetmö, nalö mi-anğöreñ mewöyök tem köl teköyök.

⁹ Mewö tem köla malöhañgöra aka Anutunönj wañ-giriga euyangöreñ öngöba tariga qetbuña wañgiyöhi, mianñön qet tosatñi pakpak engoñgita aködamurañambuk akza.

¹⁰ †Anutunönj qetbuña öngöñgönj mi kewögöra wañgiyök:

Ambazip körek pakpak neñön mönö qet miangöra aka nalö kunönj simin köla möpöseim wañgibin. Tosatñan Sup mire euyangöreñ malje. Tosatñan gölmenönj ki maljin. Tosatñan kömumba uñem mire me senjom mire malje. Neñön mönö körekmakörek mindiriba sipköba simin köl wañgibin.

¹¹ Körek nini simin köl wañgiba numbu nesilam dop Iwi Anutu aukñe göda qebingöra qetñi jim miwikñaiba kewö jibin,

"Jisös Kraistnönj mönö Kembu ak nengiza." Mewö.

Jisösgö asakñi mi ambazip sutñine kondela malme.

¹² Miangöra wölböt alaurupni, injini mönö Kraistkö söpsöpñi wuatangöba miangöreñ kude sörauba etme. Nalö dop Anutugö keu tem köla letota malgeri, mi-anğö dop silik urumelen ambazip engöreñ dop köl-jawi, mi mönö kapañ köla wuatangöba urugö nup memba malme. Nöñön embuk malali, nalö miangöreñ Buña keu ölöñanök köl guliba zeñ kinda malget. Engömosöta sikep maljalangöreñ mönö mewöñanök Anutugö jeñe sömbuñinambuk möta jönömñini unduiga pöndañ nup mi mem soroköba malme.

¹³ Anutunönj nanñak mönö injini sundan sölölohöba nam köl engiba nanñi areñangö dop uruñini kuñgumakza. Mewö urusihimñini Anutu dop köl wañgi-

mawangö dop ahuiga inahöm engiiga nupñi megetka ölnj asuhumakña.

¹⁴ Galömurupñini yembuk keu mekömpötak kude aka malme. Jimoñgot aka urunönj ihururuk lañ kude ahakñemö, areñini pakpak mönö uruyahöt ziakpiak mosöta töp memba malme. ¹⁵ ††Ahakmemenjan mönö köpösihitkö keuñi qahö sarakñi aka memba malme. Ambazip gongonj misimkaulup merak gölmenönj maljei, injini mönö yengö sutñine Anutugö nahönbörat solan sorokñi malme. Senggelau suepnönj eu asarizei, injini mönö mewöñanök gölmenönj silik ölöñj aka mianñön ambazip asarim engiba malme.

¹⁶ Mewö mala malmal köhöikñangö Buña keuñi töp memba ambazip engibingö jöjöröba malme. Mewö malgetka Kraistnönj lilingöba kamawi, nalö miangöreñ nöñgö könañamnan aukñe kewö asuhuma, "Mönahot azinönj aongitnönj luhut almangöra ösumñi qezaköba anakzawi, nöñön miangö dop urugö nupköra sile qeba mem köhöiba malal. Mi öne töhöntöhön qahö memba malalmö, ölnj asuhuyök." Könañamni mewö asuhuiga ölöp nani sileni engöra aka möpöseimam.

¹⁷ Nöñön malmalni kölenja tököba engiba Anutugö nupñi tem köla memba malal. Mewö malbi injini uruñini melenja Anutu möt narigetka miangö ölnj asuhumakza. Miangöra Rom gawman yeñön keuni jim teköba sömbup ewö nuñguba jöwöwöl ohoho ewö ak niñgibeak. Silenangö sepi mewö mokobilenjak ewö, mi mönö o ewö öne töhöñ qahö gebawak. Engö möt-narip nupñinañgö ölnangöra aka mi mönö aködamurañambuk ahiga dop kölbawak. Miangöra nuñguget kömumbilenjakmö, urunan mönö töndup söngaimakzal aka körek embuk mohotñe söngaimakin. ¹⁸ Mewöñanök injini tok mönö söngaima aka nömbuk köirañ ala söñgaiba malbin. Mewö.

Timoti melaibiga Filipai engöreñ kama.

¹⁹ Kembu Jisösnönj nöñgöra möri dop kölma ewö, mönö zilañ Timoti melaimangö möta jörömqöröm akzal. Engöreñ kaba denöwö maljei, mi möta lilingöba kaba jii möta nöñgö imbinan mewöyök ölöwak soroköbawak. ²⁰ Mötnaripñine köhöize me löwörizei, yañön nanñök engöra waimañat mewö möta nöñgö qöhöröñne kinja. Tosatñan ki maljei, yeñön mönö "Nanñini manjatñina," jiba qahöpmahöp kötöngöm engibingö mörakze. ²¹ Yeñön körek nanñinañgö yuaigöra möta mi köl öröba mem qaribingöra jaram timakzemö, Kraist Jisösgö nupñan ölnambuk ahakñapköra qahö kapañ kölakze. Mönö qemasolokep lañ malje.

²² Lañ maljemö, Timotinönj könañi ölöñj kondelöhi, mi nanñinak möt yaköze. Nahöñön nanñi iwiñi welen qem wañgimakzawi, yañön mönö miangö dop ni Ölöwak Buña nupkö bauköm niñgiba malök. ²³ Miangöra Rom gawman yeñön nöñgö keu denöwö ak niñgibingö jöhömei, mi mötagun mönö ölöp Timoti melaibiga zilañ engöreñ kamapkö jörömqöröm akzal.

²⁴ Nanak mewöñanök Kembubuk kinda nalö kude köri-

† 2.10 Ais 45.23

†† 2.15 Dut 32.5

iga engören kamamgö awösamkakak mewö möt narizal.

Epafroditus melaibiga Filipai engören kama.

²⁵ Nönön yuai jaruba osiba malbiga enön nejakni Epafroditus melaigetka kaba nanngöba bauköm ningiyök. Yanön nongö qöhöröne nup memba bim qeba malökmö, toroqeba jöhöm wangbilenak, mi-anön qahö dop kölbawak. Mewö mötmöriba urumelen alani i nalö kewöneyök melaibiga engören lilingöba kama. ²⁶ Yanön körek injini engeknamgö kapan köla malja. Kawöl yöhöi ahöyöhi, injini keu mi mötket engören lömböriiga möta miangöra urueret malja. ²⁷ Yanön ölña kawölbuk ahöba kömupkö jitne ahöyökmö, Anutunön ak kömum wanggiiga ölöwahök. Anutunön Epafroditus iyök qahö ak kömum wangiyökmö, ni mewöyök nehoriba mem amqem ningiyök. Yanön kömumbawak ewö, nongö wösöbiriknan mönö sehii qaknön qaknön öngöi malbilenak.

²⁸ Injini Epafroditus eka kunbuk söngagetka nongö wösöbiriknan mewöyök amqemapköra mötzal. Miangöra nalö kewöneyök zilar melaibiga engören kama. ²⁹ Injini Kembangö ambazipköra önöni qahö söngaimakzei, sösongai miangö qakne mönö yanön kaiga köl öröm wangime aka nup meme ambazip mewöni mi mönö göda qem engiba malme. ³⁰ Yanön Kraistkö nupköra aka kömupkö jitneyök öngöba kömum taköyök. Injini ni nanngöba bauköm ningibingö mötketmö, mi osigerangöra yanön engö salupjine mewö ak ningimangöra kaba malmalni mosöta ayuhum taköyök. Mewö.

Solanji akingö köna ölñi mi kewö:

3 O urumelen alaurupni, keu kötni kewö toroqeba jimam: Mönö Kembangö qekötahöba söngaiiba malme. Keu mi dumje kunbuk ohom engimangöra qahö ölan nöhöza. Ambazip tosatjan tilipköm engibepüköra mi ohom engibiga ölöp dop kölja. ² Zioz nup meme ambazip bölöni yengöra mönö galömnini memba malme. Yenön urumelenkö kopa ambazip sutjine liliköba urujini kunguba kewö jimakze, "Anutugö buñani akjegöra mönö aiwesökni silenine yandime." Mewö kapan köla keuyök jiba kiam ewö kohop köla "Könagesö walñi akzin," jiba öne töhön jimakze.

³ Yenön Anutugö jeñe qahö dingize. Silenine aiwesök miyök yandim engigetmö, ölñan mönö nengören kewö asuhuyök: Anutugö Buña keñan urunini mesinöhöi, neñon mönö yangö urumelen könagesö ölbölñi aka maljin. Anutugö qetne silenine aiwesök al nengigeri, neñon miangö qakne qahö kinda tönguba möt narimakzinmö, Kraist Jisösnön amöt qem nengiyöhi, miangöra mönö silenini mem öngömakzin. Anutugö Uña Töröñan inahöm neñiiga amqeba Anutugö waikni memba möpöseimakzin.

⁴ Tosatjan sileninangö yuainön tönguba Anutugö buñani akingö möt narizei, nönön mönö i engongitzal.

Miangöra ölöpñanök korua ewö tererengöba gingini memba wahöta aiweliköbilenak. ⁵ †Nongö aködamuni kewö: Nönön Israel ambazip kambu uruje jitnememe kun akzal. Isik bömöni qetni Benjamin. Iwinamni Hibru ambaziwa. Nönön yetkörenök ahuba Hibru azi ölñi akzal. Asuhaba ahöbiga wehön 8 aiga miangören silenine yandiget. Farisi aka malalangöra Mosesgören Köna keu mi törörök wuatangömamgö kapan köla malal. ⁶ Farisi mala urunan uturungöba könöwiiga urumelen könagesö mi ölña sesewerowo ak engiba malal. Mosesgören Köna keu tem köla wuatangöba diñdini akinak ewö, nönön mönö miangö dop köpösihitkö keñi qahö solanji malal.

⁷ Yuai mi mötpi öngöiga miangören tönguba möt nariba malalmö, uruni melenja mi pakpak mosöta zuen jizal. Nalö kewöne Kraistnön amöt qem ningii letorali, miangöra mönö mötpi öngömakza. ⁸ Kembangö Kraist Jisös möt kutuba oyaenkoyaen akñami, mi möt kewötpiga bohonji öngöngöni ewö akka. Miangöra malmalni walñangö aködamun yuaini pakpak mi Kraist toroqeba miangören mosöta zuen jizal. Kraist miwikñaiba nongören yuai pakpak mi mötpiga nesak irip töhön ewö aiga qepureiba andöne gilal.

⁹ Tosatjan "Mosesgören Köna keu tem köl teköba mewö miangönaninakin diñdini akin," jizemö, nönön dop miangören solanji kunbuk qahö maljal. Nalö kewöne Kraist möt naribiga Anutunön mewö miangönaninakin jim teköi solaniba maljal. Mötnarip qakne malbiga Anutunön ak kömum ningiba jim kutuiga singisöndoknangö keñan kömuiga maljal. Kraistpuk qekötahöba kinda malbiga Anutunön nongö könanamni mewö miwikñaimapköra kapan kölakzal.

¹⁰ Nönön Kraist kewö möt kutumangöra kapan kölakzal: Sihimbölö möröhangören yambuk toroqemamgö jöjörözal. Sihimbölö möta kömuyöhi, nönön tandök miyöhök kömumba mewö miangönaninakin yangö tandök ewö akñamgö jöjörözal. Kömumba wahöröhi, yangö ösumni miangönaninakin mönö tilimgöm ningiiga köhöimamgö mötzal. ¹¹ Kömumbiga Anutunön mem gulim ningii kömupnöhök wahötmamgö jörömqöröm akzal. Mewö.

Mönö aongitnön kapan köla tohotnön anme.

¹² Nanangöra kewö qahö jizal, "Anutunön tohot alöhi, miangören lök kangota urumelenkö aködamunni pakpak miwikñaiba maljal." Mewö qahö aka maljalmö, Kraist Jisösnön luhut ala nömeyöhangöra mönö oyaenkoyaeni buña qem angumangöra kapan kölakzal.

¹³ O urumelen alaurupni, Anutugö tohot miangören qahö angot teközali, mi mötzal. Mohot kewöya möta ahakzal: Yuai köteköba andö qeali, mi ölum nunguiga Anutunön yuai mesoholne ali ahözawi, mönö miangören göröken ösumnan anmamgö awöwengömakzal. ¹⁴ Anutunön euyangören öngömakzin möhola tohotni mewö al ningiyök. Miangöra Kraist Jisösnön amöt qem ningiyöhangöra nönön esapesapnön köhöiba luhut ala Anutugö tohotnön angotpiga yanön ila

† 3.5 Apo 23.6; 26.5; Rom 11.1, 6; Apo 8.3; 22.4; 26.9-11

jalö nöröpne köl ninggima. Mi memamgöra awöwenjö-
ba tohot miangörej göröken diñdınanök uraköba
ösumni qezaköba kiñkiñgömakzal.

¹⁵ Miangöra urugö aködamininambuk akzini, Anu-
tunöñ nini körek mötmöt mohotkö qakñe Kraist möt
kutuba malbingö mötza. Keu kungöra mötmöt imbi
murutñi kun ahöm engibawak ewö, Anutunöñ mönö
keu miangöra denöwö mötketka dop köljawı, mi
mewöyök jim indel engima. ¹⁶ Mewö qahöpmö,
engörej waimanjat bohonñi mi kewö aiga dop kölma:
Nini nalö köröpñi me töröpñi urunini melenđa Anu-
tugö könanöñ mala korini, mönö ahakmemegö köna
mohot miyök toroqeba aninga dop kölma.

¹⁷ †O urumelenj alaurupni, nöñön ahakmemeni
ahakzali, injini mönö ni neka nöñgö silikni mi wu-
atangöba malme. Neñön silik ölöpnjı kondel engiinga
tosatñan miangö dop tiba öröm engimakzei, injini
mönö yengörej uba engek kutuba malme. ¹⁸ Ambazip
kelenmalelen yepñön ahakmemenjan Kraist kerök ak
wanğiba nanñini imbi-imbi lañ malje. Maripomnöñ kö-
muyöhi, miangö könanñi tim koyonanıba malje. Keu mi
nalö gwötpuk janjuñ akepeköra jibi mötketmö, nalö
kewöñe mi sahöta imbilni eriga jizal.

¹⁹ Silenjanğö sihim kömbönanñini bölöñan bemñini
akza. Yuai gamunambuk ahakzei, miangöra mötket
öñgöiga aködamininana aiga söñgöröqök akze.
Urumötmötñini gölmeğö yuainöñ jöhögetka
gwaröhöm engii lañ mala teteköñe könöp sianöñ
geme. ²⁰ Yepñön emu gememö, tosatñi neñgö mindi-
mindiri tohonñini mi Suepnöñ eu ahöza. Gölmenöñ
kianñi aka kusukñanök mala Kembu Jisös Kraist
Amötqeçe Toninan kunbuk asuhuba neñguangitmap-
köra mambörakzin. ²¹ Yanğön neñgörej gölme silenini
etqeçerñi ki melenñiga nanñi Suep sile asak-
mararajambukö tandök akña. Kukösum mewöñi mi
Kraist ahöm wanğiza. Yanğön kukösum mewöñi miangön
ambazip aka gölme Suepkö öröyuai pakpak mi ölop
köhöiba memba et al neñgiiga yanğö nembö bapñe
aninga galöm köl neñgiiga malbin. Mewö.

Qambañ keu tosatñi

4 O wölböt alaurupni, mewö asuhumapköra Kem-
bunöñ mönö bauköm engiiga böñ qeba köhöiba
kinme. Nöñön engöra ak niñgiiga engekñamgöra ka-
pañ kölakzal. Injini sösongai ak niñgiget. Sutñine nup
mealangö ölnjı asuhui kondelgetka Anutunöñ miangö
töwa neñgimawi, miangöra mönö söñgöröqök aka
söñgaimakzal.

² Jitñememe ambi yahöt Yuodia Sintike, etkön jula
angururuk aka maljahot, mewö möral. Miangöra
nöñön uruñiri kewö kuñguzal: Injiri Kembubuk mohot
kinjahot, miangöra mönö urumohot aka malmahot.
³ O neñakni ölnjı, nupkö köñjñi mohotñe bisiba maliri,
gi mewöyök kewö qesim gihizal: Ambi yahöt mietkön
urumohot akñahotköra mönö bauköm etkiman.
Yetkön nömbuk Ölöwak Buña köhöiba sehimapköra
bim qeba malohot. Yetkön Klemen aka neñakurupni

† 3.17 1 Kor 4.16; 11.1

tosatñi yengö qöhöröñine mohotñe bim qeba malo-
hot. Tosatñi yengö qetñini mi malmal köhöikñangö
buk papianöñ eu ahöza.

⁴ Nalö dop mönö Kembubuk kinda söngaiaba malme.
Söñgaimel! keu mi dumñe kunbuk jizal.

⁵ Injini mönö guñböñjñjñj qakñe ambazip ak
engigetka körekñan tandökñini mi mötme. Kembunöñ
lökö kamangö dopdowiza. ⁶ Yuai kungöra mönö köñjil-
iñ kude möta malmemö, yuai pakpak miangörej qe-
qesiñini mönö Anutugöra jigetka mötma. Mewö me
mewö asuhumawi, mönö Anutu köuluköba uleta sai-
wap jiba malme. ⁷ Anutunöñ uruluai engizawi, nini mi-
angö könanñi möt kutubingö osimakzin. Mi mötkutuku-
tunini pakpak ongita qainñi kun akza. Kraist Jisösbuk
kingetka Anutunöñ mönö uruñini aka keu mötmötñini
sel jöhöba kölközizip mem engiiga malme.

⁸ O urumelenj alaurupni, keuni jim tekömangö aka
qambañ keu kewö jizal: Angjöjörak keu kude möt-
mörimemö, yuai pakpak göda qeinga aködamininam-
buk akzawi, uruñini mönö miangörej jöhöba malme.
Keu ölnjı, keu diñdını aka sarakñi mia mönö mötmöri-
ba malme. Keu ehöehölöñi sihimninan mörakzini, mi-
angön mönö uruñini kokolak qeiga kinme. Keu ewe-
bibinambuk möpömöpösei ahumawanğö dop akzawi,
uruñini mönö miangörej qekötahöba malme. ⁹ Nöñgö
ahakmemeni eka Buña keuni möta uru könömñine ala
buña qem angugeri, injini mönö mi köl guliba aka
memba malme. Mewö malgetka luai Tonñi Anutu yanğön
embuk kinma. Mewö.

Polnöñ Filipai yengö kalemñinanğöra saiwap jiza.

¹⁰ Nöñön Kembubuk qekötahöba kinda engöra
uruölöwak ketanñi mötza. Injini mutuhök ni köyan köla
monerñ niñgibingö sihim möta malgetmö, denöwö ak-
ingö köna jaruba osiget. Nalö köröpñi osiba malgetka
Kembunöñ nalö kewöñe uruñini mem guliiga amqeba
kunbuk bauköm niñgiget. ¹¹ Silenangö lömbötnöñ tata
osibileñak, miangöra keu ki qahö jizal. Nöñgörej yuai
ahözawi, nöñön mönö miambuk uruluainöñ böñjñj
malmangö mötza. ¹² Ni jaram tiba luainöñ malal aka
malmal pomñi siyonsayonñi qahö mala luainöñ malal.
Miri dop nalö dop uruni böñjñj köli malmangö
mötza. Nem timbireñ akileñak me bödi (buörö) tat-
pileñak, miangöra mönö uruni qahö memba et al
angumakzal. Yuaini kelenmalelen me boromñi ahöm
niñgibawak, mi muat. Mönö ölop böñjñj malmam. ¹³ I
me wai kun asuhubawak, Kraistnöñ mem köhöim
niñgiiga yuai kunñan kun mönö qahö memba et al
niñgiiga ölop malmam.

¹⁴ Töndup köñjiliñni miangö uruñeyök alabauk aka
mem amqem niñgigetka dop kölökö. ¹⁵ ††Filipai injini
mewöyök nöñgö könani möt kömuze. Nöñön könahi-
ba liliköba Ölöwak Buña nup memba embuk Masedo-
nia prowinsnöñ mala engömosörali, nalö mi-
angörejñök könahiba mötnariñ könagesö tosatñan ni
silegö yuainñan qahö nanğöm niñgiget. Nöñön urugö
Buña engibiga buña qem angugetmö, silegö likepñi

†† 4.15 2 Kor 11.9, 16; Apo 17.1

kun qahö melenj ningiget. Filipai urumelenj könagesö injini mohotnjan mönö nömbuk jöhöjöhö aka malmalni nanngögetka naluk monejini buña qem anğuba malal.

¹⁶ Nöñön yuaigöra osiba malali, injini mi nöngöra algetka Tesalonaika sitinöñ kayök. Indim mohot qahöpmö, indim yahöt silenangö yuaigöra osiali, mi algetka nöngöreñ kayök. ¹⁷ Engö inap kalemñinangöra köpösöñgöbilenjak, miangöra keu ki qahö ohozal. Anutunöñ engö alabaukñinangö likepñi melenj engimakñawi, nöñön mönö ölñi mi engöreñ sehimapköra mötzal. ¹⁸ †Engön nalö kewöñe yuai algeri, mi buña qem anğuba nöngöreñ yuai pakpak miangön mönö dopni onğita gwötpuk ahöm ningiza. Epafroditus yanñon engö alabauk kalemñini memba kaba ningiiga möriamnambuk aka maljal. Injini naluk kötinñini algetka yanñon memba kayöhi, Anutunöñ miangö sihimñi möri ölöp dop kölja. Anutunöñ engö nalukñini möt anğön köli wörönñi ölöpñi umköhökñambuk aka yanğö jeñe pukpuköiga söñgaimakza.

† 4.18 Eks 29.18

¹⁹ Nöngö Anutunan töhötmöriam pakpakö Tonji akza. Yanğö köweñe yuai pakpak mi teteköñi qahö ahöza. Miangöra injini Kraist Jisösbuk qekötahöba kinda yuaigöra osizei, mi pakpak mönö ahöm wangizawangö dop engimakña. ²⁰ Miangöra Anutu Iwinini mönö nalö dop möpöseimakin. Mewö ahinga Anutugö qetbuñanjan nalö teteköñi qahö sehimakña. Keu mi ölña.

Yaizökzök teteköñi

²¹ Nöñön yaizökzökni alaurup sarakñi Kraist Jisösbuk mohot kinjei, körek engöra albi kaza. Neñakurup nömbuk ki maljei, yeñön yaizökzökñini algetka engöreñ kaza. ²² Anutugöreñ ambazip sarakñi tosatñi pakpak ki maljei, yeñön yaizökzökñini algetka engöreñ kaza. Yengöreñök tosatñan sisa kingö jakömbuak mire nup memakzei, yeñön mönö mewö möta kapan kölja jize.

²³ Kembu Jisös Kraistkö kalem möriamñan mönö embuk ahöm öñgöba uñanñini kötuetkömakña.

Kolosi

Jim-asa-asari

Kolosi mi Eisia prowinsgö taon kun. Mi Efesus siti miangöreñök wehön kotkotje göröken ahöyök. Polnön Kolosi nalö kungen qahö anökmö, Eisiagö siti ketanji Efesus miangöreñ yambu karöbut Buña nup memba Kolosi yengöra mewöñanök waimanjatni möta malök. Könangep Kolosi tosatñan uruñini melenget (1.7; Apo 19.10). Polnön Rom sitigö kösö mire tariga neñakñi Epafrañ yanön Kolosi urumelen kambugö buzup keunji memba yangöreñ kayök. (1.7-8) Kösohotñini tosatñi mi ölopñi aketmö, Kolosi miangöreñ böhi takapulakanji tok malget.

Böhi mieñön ambazip kewö kusum sohom engimalget: "Urumelen könagesö eñön Anutu waikñi membingö köna keu könanji könanji mi ölop wuatangöme. Eñön ölop uruñini memba et ala silenji qeba sihimbölo mötme." (2.16, 20-21, 23) Toroqeba kewö jim kutum engiget, "Mötnarip eñön mönö simin köla garata waikñini memba malme." (2.18) Jisös mewöyök mem et al wangiba kewö jiget, "I Anutugö Nahönñi qahöpmö, garata bohönñi kun." Mewö jiba kewö toroqet, "Nengö keunini wuatangömei, yengön mönö mötmöt tölapñi qainñi kun miwikñame."

Miangöra Polnön Kimbi ki ohoba Kolosi urumelen kambu kewö kusum engiyök, "Yuai pakpak mönö Jisösgö bapñe ahöiga yanön Anutu öl töhönñi aka (1.15-17) urumelen kambu nengö Bohonina malja." (1.18) Toroqeba keu kewö kondel engiyök, "Kraist Jisös möt narigetka yanön Anutugö mötmöt aka mötkutukutu tölapñi ölop kondel engima. Anutugö mötmötñi mi mötmöt tosatñi pakpak oñgita qainñi kun akza." (2.2-3, 9-10) Polnön mewöyök urumelen ambazip malmalñinangö jimkutukutu keu tosatñi ohoba al engiyök. (3.1-4.1)

Buk kiangö bahönji bohönñi 4 mi kewö:

- Keu mutukñi
- Kraistkö malmalñi aka nupñi
- Kraistpuk malmal dölokñi
- Kimbigö keu kötnji bohönñi

¹ Anutunön Pol ni melaim ningiiga jitñangö dop Kraist Jisösgö aposol akzal. Urumelen alanini Timoti yanön nömbuk tatza.

² O urumelen alaurupnini sarakñi Kolosi taonön mala Kraistpuk qekötahögetka mötnaripñinan qahö sörauiga zeñ kinjei, nöñön embuk keu eraum möt-pingöra kimbi ki ohozal. Anutu Iwininan mönö kalem möriam engiiga luainön malme.

Engöra Anutu möpöseiba köulukömakzin.

³ Injini Kraist Jisös pöndañ möt nariba ambazip sarakñi pakpak uru könömñinan jöpaköm engimakzei, miangö keu buzupñi jiget mörin. Miangöra engöra köulukömakzini, miangöreñ mönö nalö dop Anutu, Kembunini Jisös Kraistkö Iwinji möpöseimakzin.

⁵ Ölöwak Buñagö keu ölnan mutuk engöreñ kaiga jigetka jörömqörömninangö könanji lök möta möt asariget. Möt asariba Anutunön engöra yuai ali Suep mire kahaimök ahözawi, injini mi buña qem angubingö al mamböta jörömqöröm akze. Jörömqöröm miangön nam köl engiiga amqeba Anutu möt nariba uru jö-

paköm anguba maljei, mönö miangöra möpöseim wangimakzin.

⁶ Ölöwak Buña keu miangön sehiba gölmenji gölmenji dop köla ölnambuk aka qarimakza. Miangö dop engöreñ kaiga injini Anutugö kalem möriamñangö könanji ölnji möta möt asariget. Mi mutuhök möt asarigeri, wehön miangöreñök könahiba engö sutñine mewöñanök ölnambuk aka kötuatköm engimakza.

⁷ Wölböt neñakñini Epafrañ yanön Kolosi engöra Ölöwak Buña mi kusum engiiga mötket. Epafrañ yanön nengö salupnine kinda Kraistkö nupñi pöndañ kapañ köla memakza. ⁸ Uña Töröñan sölölohöm engiiga jöpaköm angumakzei, Epafraññi engö könañamñini mewö eka nini jii mörin.

⁹ Miangöra buzup keu mi mörini, neñön mewöyök nalö miangöreñök könahiba engöra Anutu köuluköba mala kotzin. Eñön Anutugö jitsihitñi möt yakögetka mötmöt miangön uruñini kokolak qemapköra ulet wangimakzin. Miangön kokolak qem engiiga Uña Töröñan mönö sölölohöba mötmöt engimakña. Mewö

† 1.7 Kol 4.12; Flm 23

mianjôn mönô ölop Anutugö sihimnji pakpak diñdiñanök möt kutuba malme.

¹⁰ Enggöra kewö köulukömaksin: Mötkutukutu mi-anjôn nam köl enggiiga mewö ölop malmalnini Kembugö jeje dop kölmawanğö dop malme. Jitsihitnji ahözawanğö dop ahakmemeñini pakpak aka memba malme. Mewö ölop nup ölöpnji könanji könanji pöndañ megetka mianğö ölnji asuhumakña. Mötkutukutuñini mewö köl guligetka ölop köhöimakña aka Anutugö könanji toroqeba möt yaköm soroköba malme.

¹¹ Anutugö kukösurnji mi aködamunñambuk. Mi-anğö dop nanñi ösum-mumunji pakpak al enggiiga engualöñda mem köhöim engimakñapaköra köulukömaksin. Anutunöñ mewö mem köhöim enggiiga ölop köhöiba nalö dop kapañ köla uruböñjönñöñ kinda lömböt möta mökösoñda söñgaiba malme. ¹² Söñgäiba mala Iwigö saiwap jiba malmegöra köulukömakzal. Iwininan alaurupñi sarakñi nenggöra buña yuainji arengöba ali asakmararañğö uruñe ahöza. Yanjôn inñi mewöyök letotqetot mem enggiiga buñanji mi buña qem angumeañğö dop akze.

¹³ Pandamanöñ galöm köl nenggiyöhi, Iwinöñ mi-anğörenök meköba nenguanğita kaba wölböt Nahönñanğö bemtohoñ uruñe al nenggiyök.

¹⁴ †Nahönñi yanjôn sohopnini memba siñgisöndoknini sanğonđa mosötmapkö mörakza. Mianğöra mönô saiwap jim wanğimaksin. Keu mi ölnja.

Kraistnöñ yuai pakpakö könanji aka bohonñi akza.

¹⁵ Kraistnöñ Anutu qahö ehekñi yanğö imutñi akza. Möpñanğö möpñe malmal pakpak qahö asuhuiga Kraistnöñ mönô mutuhök Iwinambuk azi bohonña malök. Mewö Iwi Anutu bauköm wanğiiga öröyuai pakpak miwikñaim engiyotka ahuget.

¹⁶ Nahönñan Anutu bauköm wanğiiga öröyuai pakpak miwikñaim engiyohot. Yuai tosatñi Suep mirigö jakenji jakenji mianğoreñ ahögetka qahö engehakzini aka yuai tosatñi gölmenöñ ahögetka engehakzini, mi Kraistnöñ jiiga letotket. Yuai pakpak mi galöm köl engimegöra uña suahö galömñi galömñi miwikñaim engiiga Suep gölme sutñire jakömbuakñine kinda jimkutukutuñini alakze. Yengö nemböñine pom jembonñini öngöngöñi eretñi mi al engiiga jakenjine kukösurnñinambuk kinda tosatñi kembu ak engimakze. Nahönñan yuai pakpak asuhumapkö bömön jalöñi aiga Anutunöñ miwikñaim engiyöhi, mi mönô Kraist aködamun miwikñaim wanğimegöra al engii ahöze.

¹⁷ Kraistnöñ mutuhök maligun öröyuai pakpak mi-anğö andöñe asuhuget. Yanjôn mönô yuai pakpak mindiriba nam köl enggiiga kutulanğöba yanğoreñ töndangöba kinje. ¹⁸ †Kraistnöñ bömön jalönini akza. Öroyuai pakpak nengö öröm nenginenñi bohonina aka malmapköra kömupnöhök wahörök. Kömuger, yengö sutñineyök jitñememeñina aka guliba wahörök. Mewö mutukñamnini aiga nini könagesö walñanğö zioz dölok-kunñi asuhuba kinjin. Mianğöra urugö, si-

legö, yuai pakpakö nörop bohonini aiga urumelenj könagesö neñön yanğö öl kemberji akzin.

¹⁹ Anutunöñ Nahönñi nanñanğö dop köröndöñ aka malmapkö möt teköi dop kölok. Mianğöra nanñi mötmötñi aka aködamun yuainji pakpak mi körek pakpak Kraistpuk qekötahöba kinjawanğöra körö-ölöwak möta malja. ²⁰ †Öroyuai pakpak gölmenöñ aka Suepnöñ Anutubuk kazik ahakzei, Anutunöñ mi pakpak töwanñi ala enğuanğiriga nanñambuk qekötahöba urumohot akñegöra möta kewö jim teköi dop kölok, "Mönö nani Nahöni melaibi geba maripomnöñ kömumba sepnji mokoba luaigö nam köli asuhuma."

²¹ Inñi mewöyök mutuk ahakmemeñini bölöñi ahöyöhanğöra aka uruñinan Anutubuk urumohot qahö aka kerök möt wanğiba tikep malget. ²² Mutuk mewö malgetmö, nalö kewöñe Anutunöñ nanñambuk urumohot aka kinmegöra Nahönñi melaiga gölme silebuk kömumba köl könjörat mem engiyök. Mewö kingetka qewölonjini sanğonđa mala enğuanğita nanñi jeje sarakñi köpösihitkö keunñi qahö al engii angotmegöra al mamböta jörömqöröm ahakze.

²³ Jörömqöröm ahakzemö, mala anjanñanjan köla et engubapuköra mönô Kraist pöndañ möt nariba kinme. Anutunöñ Ölöwak Buñanñan tandö kuñguyöhi, inñi mi-anğö keunji mötket. Uruñinan mianğoreñ nanğöba töndangöba kin köhöiba malme ewö, mönô oyaenkyo-aen akñe. Nini Ölöwak Buñanji mi jim sehimaksin. Anutunöñ ambazip miwikñaim engiiga Suep bapñe mal anjei, yengö sutñine mi liliköba jim asariba maljin. Pol nöñön mewöyök Ölöwak Buñagö nupñi mi memba maljal. Mewö.

Polnöñ zioz kambugö nup denöwö memba malök?

²⁴ Kraistkö ölnji mi urumelenj könagesö neñön akzin. Kraistnöñ nenggöra aka könjilinj möriga kitipñi ahöba urumelenj könagesö qaknine öngömakzawi, mia Kraistkö ölnji bauköm engimamgöra aka silenan meköba möta malakzal. Mewö aiga engöra aka sihibölö möta malali, mianğöra nalö kewöñe söñgaimakzal.

²⁵ Anutunöñ kuñgum niñgiiga urumelenj könagesöñi könagesöñi welenñini qeba nup memba maljal. Anutunöñ kalem möriamñi ambazip mender nengimamgö areñ alöhi, mianğö dop Buña keunji körek jim sehim tekömamgöra jiyök. Enñön ölöwaka köhöimegöra nup al niñgiyök. ²⁶ Anutunöñ Buña keu mi möpñanğö möpñeyök asamböriaga ambazip julkösöñ aka kömugetka gwölönarökñi wahöta kömugetka mewö mewö aka mala kota tönpin malget. Malgetka nalöñi nalöñi tölapñe ahöyökmö, nalö kewöñe könagesöñi könagesöñi sarakñi nenggöra indel nenggiiga mötzin.

²⁷ Anutunöñ kalem möriamñanğö areñi kewö jiba ali ahöza, "Nöñön keuni tölapñi mi nani könagesöurupni enggöra indelbi mötmegöra mötzal. Yenñön mi möt yaköba anda jim sehigetka Buñani tölapñanğö aködamunñan mönô kian kantrñi kantrñi yengö sutñine qariba qetbuñanambuk akña." Keu kötnji tölapñi mi

† 1.14 Ef 1.7†† 1.18 Ef 1.22-23

‡ 1.20 Ef 2.16

kewö: Kraistnön engö urujine malja ewö, mönö asakmararaje angotpingö jörömqörömñi al engimakña.

²⁸ Neñon Anutugö areñ miangö dop Kraistkö könani ambazip pakpak engöra jim asariba maljin. Yeñon körek Kraistpuk qekötahöba kin köhöiba aködamunñi-nambuk akñegöra kusum engimakzin. Mewö enguan-giringa Anutugö jemesoholñe angotmegöra mötzin. Miangöra mötkutukutunini pakpak qezaköba qambañ keunji keunji engimakzin. ²⁹ Nöñon miangöra aum-mörimakzal. Kraistnön kukösumñangö qakñe sölölohöba inahöm niñgimazawi, nöñon mönö miangö dop bim qeba malakzal. Mewö.

Polnön Kolosi yengöra waimanjat mörök.

2 Nöñon Kolosi engöra aka bim qeba maljal. Mewöyök Laodisia sitinön maljei aka urumelen alaurup tosatñan silenangö jemesoholni qahö nekeri, mönö körek yengöra köuluköba gwötpuk aum-mörimakzal. Nöñon injini miangö könani mötmegöra mötzal.

² Kewö köulukömakzal: Anutu, gi mönö urujini nangöm enjinönga örörön jöhöba jöpaköm anguba mohotñe urugö aködamunñini pakpak miwikñaime. Mi miwikñaiba ölop köhöiba yuai pakpak möt kutum teköme. Mewö aka ölop Anutugö Buña tölapñi, Kraistkö könani mi körek möt asarim teköme. ³ Anutunön mötmötñi aka mötkutukutuñi mi körek Kraistköreñ ala asamböriga ahöza. Anutu mötkutukutuñangö köweni mi guli dötnam ewö köwe tölapñe ahöiga Kraistnön miangö kinji moröñi akza. Kraist tem köla mewö miangön ölop mötkutukutuñi miwikñaibin.

⁴ Kunñan mondoqondoroñ ala kelök keu jiba urujini kunguba tilipköm engibapuköra Kraistköra keu mi jizal. ⁵ Silenan engö kösutñine qahö maljalmö, urumöt-mötnan mönö embuk kinja. Injini köhöiba Kraist möt nariba tem köla sutñine areñinangö dop böñjön maljei, engöra mewö möta mötmöriba söngaimakzal. Mewö.

Gölmegö mötmötñan jöhöm engibapukö galöm meme keu

⁶ Miangöra injini Kraist Jisös möt angön kölgetka Kembunñini aka kinjawi, mönö yambuk qekötahömakzeangö dop ahakmemenñini aka memba malme.

⁷ Keu kusum engigeri, miangö dop mönö kesötñini Kraistköreñ möndömgöba mendawöla yambuk qekötahöba kinda urujini nangöm anguba mötnaripkö köhököhöñi toroqeba miwikñaiba malme. Saiwapñini mönö o saksaköba erakzawangö dop jiba möpöseiba malme.

⁸ Ambösakon yeñon gölmegö mötkutukutu kusum engigetka köna walñi miwikñaiba tosatñan mi wu-atangömakze. Mewöyök bem suahö galöm Suep gölme sutñire mala mietkö öroyuaiñiri pakpak galöm köl engimakzei, tosatñan Kraist ongita yengöreñ qekötahöba keu kusum engimakze. Mewö ahakzei, yengöreñök kunñan engömembra tilipqilip omanji mi-

angö kösöñan jöhöm engiiga eta böhi miengö bunaya akepek.

⁹ Anutugö mötmötñi aka aködamun yuaiñi pakpak mi körekmakörek Kraistköreñ ahöiga gölme sile memba asuhuyök. Miangöra böhi takapulakanji mewöñi yengöra mönö galömñini mem anguba malme.

¹⁰ Kraistnön uña suahö galöm aka pom jembon pakpak miengö nörop bohonñini akza. Kraistpuk qekötahögetka yeñon Anutugö mötmötñi aka aködamun yuaiñi pakpak mi ölop dopñine engiiga malje.

¹¹ Mewö mala Kraistpuk qekötahögetka yeñon aiwesökñi ölni mi engöreñ mewöyök yandim engiiga malje. Aiwesök mi böronön silenine yandimakzeangö dop qahöpmö, Kraistnön sile yandiyandi qainñi kun ak engiyök. Mi kewö: Yeñon silegö ahakmeme walñan galöm köl engibapuköra mönö sihim kömbönañini bölöñi jöhöiga malje. ¹² *Kraistkö qamötñi lömnön algeri, engö uru walñan mönö mewö tandöktandök kömumba o melun miangöreñ kömup lömnön geyök. Mewö geyökmö, Anutunön Kraist mem guliiga kömup-nöhök wahöröhi, yangö kukösumñan mönö injini mewöñanök inahöba o melun miangöreñ nam köl engiiga guliget. Injini Anutugö kukösumñi mi möt angön köla möt narim wanjigerangöra aka Kraistkö qöhöröñe guliba köhöiba malje.

¹³ ††Mutuk kunön engö sihim kömbönañini bölöñi mi qahö jöhöiga uru walñan galöm köl engiiga malget. Singisöndok akerangöra aka uru köhömunji malgetmö, Kraistpuk qekötahögetka Anutunön yangö qöhöröñe mem gulim engiyök. Singisöndoknini mönö körek sañgoñ teköiga köhöiba maljin. ¹⁴ *Bölönamnini aka miengö likepñangö jimkutukutuñi mi Suep mire löpöt kimbinön ohogetka ahöyök. Kraistnön löpöt mi körek pakpak kutuba qeapköyök. Löpöt miangön Anutubuk kinda andönine qeba tuarenjoñ ak nengiba ahöyöhi, yeñon mi köteköba maripomnön kösököi teköyök.

¹⁵ Maripomnön kömumba bem suahö galöm aka uña pom Suep gölme sutñire öroyuai pakpak galöm kölakzei, Kraistnön miengö kukösumñini luak jaugem jitñi ewö qeapköba tölököba tözangöm teköyök. Mewö kazikurupñi kösö gwarö memba gamu qem engiyök. Mewö aka enguan-gita köirañ ala renduñ köliga qenjarökñe kagetka luhut al engiyöhöngö könani mi aukñe asuhuiga eket.

¹⁶ ††Kraistnön luhut al engiyöhi, miangöra injini mönö Kraistpuk kinda ewebibiñinambuk saitingit malme. Mewö malgetka engö sutñine kunñan wani onji aka ölni ohoba nemakzei, miangöra öne dönqizinin ala jim kutum engibapuk. Yambu (yara) dop kendon kömbukñi kun aka köiñ dop köiñ dölöknji kotzawangö söngaiñi mi alakze me qahö, miangöra öne jim bölim engibepuk. Sabat kendon mi Sondagienön me silim kunön tarakzei, miangöra öne mesoholñine qeba jim engibepuköra mönö galömñini mem anguba malme.

¹⁷ Songgo mewöñi miengöra mönö kezap kude alme. Mi söpsöp yuaiyök akze. Ölnan dopdowiba imutñi gilakza-

† 2.12 Rom 6.4 †† 2.13 Ef 2.1-5 † 2.14 Ef 2.15 †† 2.16 Rom 14.1-6

wi, miangö dop ölni mi Kraist. Nenegö me kendon tatatkö keunji mi Kraistkö söpsöpni aka eretnji akza. Kraistnönj lök kaiga mala öne köna söpsöpni walje qekötahöbepuk.

¹⁸ Tosatnji yengö sihimnjini mi nanjnini urunini memba et ala Suep garata waikjnini memba bem ewö möpöseim engibingöra ahöza. Mewöyök jenini melenji imutimutjnini eka mienjgöra söngöröqök ahakze. Mewö nanjine gölmegö mötmötñan kuñgum engiiga silenjnini öne töhön memba öngöba tiwokmawok ahakze. Yengörenjök kunñan tilipköm engiba Kraistkörenjök utum engibapuk. Mewö mötnaripkö aongitnönj luhut qahö ala töwanjini qahö membepuk. Miangöra mönö galömnjnini mem anguba malme. ¹⁹ †Yenñon Kraist nöropnini akzawi, yambuk qekötahöba kinkinjnini mosöta lañ malje. Kraistnönj nöropnini aka nanjni ölni körek nini galöm köl nenjiiga ölop mösölatim anguba maljin. Sihit toroqeqenji aka ginimuramñi mienjñon mönö ölnangö köna börourupñi mindiriba jöhöm nenjigetka kutulangöba mohot akzin. Mewö aka Anutunönj nam köl nenjimakzawangö dop qarim köhöimaksin.

Kraistpuk kingetka gölmegö mötmötñan galöm ak engibapuk.

²⁰ Injini Kraistkörenj qekötahögetka uru walñinan kömuiga bem suahö galöm yengö kösö gwarönöhök lök lolohoget. Mienjñon Suep gölme sutñire mala yuainjiri pakpak galöm köl engimakzemö, injini qahö galöm köl engigetka malje. Miangöra böhi takapulakanji mewöñan jimkutukutu lañ al engimakzei, mi mönö wuanöngöra öne wuatangömakze? Suepkö buñaya akzemö, töndup gölmegö keuya wuatangögetka sik-sauk ahakza.

²¹ Songonjini kewö alakze, “Mi kude göjupköba me-man. Kun mi kude yöhösöröman. Yuai mi kude misiri-man.” ²² Gölme ambazipnönj nanjnini nöropñinan mewö jim kutuba tosatnji kusum engimakzemö, Anutunönj mewö qahö. Yanñon yuai pakpak mi lökñanök aka membingöra jiiga nupñini engigetka qahöwakñegöra ali ahöze.

²³ Mi töndup tosatñan bem suahö galöm aka garata waikjnini memba bem ewö möpöseim engimegöra kapañ kölakze. Mi kapañ köla “Nanini urunini memba eta aljin,” jiba miangörenj möndöba silegö sihim kömbönanjnini bölöñan galöm köl engibapuköra songonji songonji ala silenjnini qeba qölsihim angumakze. Mewö aka jimkutukutunjnini alakzei, mi mönö mötkutukutu qakñe alalñangö tandök aiga gwötpukñan mi möta mötket öngömakza. Öngömakzampö, mi töndup mewö silegö sihim kömbönanjnini bölöñi angön kölbingö osiba mi lañ wuatangömakze. Miangöra jimkutukutunjnini mienjñon mönö yuai omanji kötökñi akze. Mewö.

Kraistnönj malmal dölökñe malbingö ösumñi nenji-makza.

3 †Kraistnönj euyangörenj öngöba Anutugö böröñi ölnangö jakömbuak jakenji memba qetbuñangambuk tatza. Anutunönj Kraist mem gulim wangiyöhi, miangö tandök injini mewöyök mem gulim engiiga köhömuneyök wahöta malje. Miangöra injini Suep mire eu öroyuai ahözawi, urunjnini mönö miangörenj jöhöba malme.

² Gölmegö öroyuaigörenj qahöpmö, euyangörenj öroyuai ahözawi, urunjnini mönö miangörenj jöhöm köhöiba malme. ³ Engö urunjnini walñan mönö kömuiga Anutugörenj tönguba malje. Mewö Anutugö aumñe anda malmal köhöikñangö könanji miwikñaiget. Kraistnönj Suep malmal tölapñe maljawi, engö urumalmalñinan mönö miangö dop asa-asambötñe ahöza. Miangöra urunjnini mönö Kraistpuk jöhöba malme. ⁴ Kraist malmal köhöikñangö Toninan kunbuk kaiga asakmararañan asuhumawi, nalö miangörenj injini mönö mewöyök asuhugetka enguangiriga yambuk Anutugö asakmararañe angotme.

Uru walñi aka uru dölökñi awöranjözahot.

⁵ Gölmegö sihim kömbönanjnini bölöñi könanji könanji mi urunjne kinda yayasenñe mem engimakzei, mienjñö nöropñini mönö körek tözamgöm teköme. Bau kiam tandök serowilin aka qewölonj angjöörakñambuk mi mönö andö qeme. Urusilegö sihim kömbönanji bölöñi mi mosöta urukönöp bölöñi mi mönö qömbökögetka bököma. Yuai membangun membingö nepaqepalok köpösöngömakzei, mianjñon tandö lopionj waikjnini memba möpöseim engizeangö tandökñi akza. ⁶ Mi akerangöra aka Anutugö irimñan seheliiga urukazikñi qakñine ali öngömakza.

⁷ Sihim kömbönanjnini bölöñi mewöñan mönö mutuk nanjnini malmalñini mewöyök galöm köliga köna bölöñi mi tiba wuatangöba maljema.

⁸ Mewö malgetmö, nalö kewöñe injini mewöyök yuai kewöñi pakpak mi mönö gilget anma: Urusingok möta urukönöpnönj jula engohoiga urunñinan auba urubölö mötzemö, mi uzeta gilget anma. Mewöyök uruqeqe keu töhörenj aka keu angjöörakñambuk jiba urunjnini tölöhozei, mi mönö körek andö qeba mosötme. ⁹ †Injini uru walñi aka miangö ahakmeme angjöörakñambuk mi köteköba mem kömumba malje ewö, keu munenji mönö kude eraum mötme.

¹⁰ †Injini uru walñi köteköba kunbuk letota uru dölökñi löngöta malje. Miwimiwikñai Toninan nanjni könanji möt teköm wangibingöra söpsöp alöhi, yanñon mönö miangö dop uru dölökñi mi letot wangiiiga toroqeba kölöñaimakza. ¹¹ Miangöra nini Juda me kantri tosatñangö ambazip maljnini, mi mönö dop mohot akza. Anutugö aiwesökñi silenine yandiget me qahö, mi töndup Anutugö jeñe dop mohot akzin. Taon ambazip mötmötninambuk me qandam (bus kanaka)

† 2.19 Ef 4.16

†† 3.1 Sum 110.1 ‡ 3.9 Ef 4.22 †† 3.10 Jen 1.26; Ef 4.24

mala nanjini keunjine irohowaroho jiba gukmaulem maljei, mi töndup Kraistnönj urunine kiniga mohot akzin. Nanini nupnini memakzin me toninaŋgö welenjini töwanj qahö qemakzini, mianjön yuai korembenji akzapmö, ölbölj mi Kraist. Yanjön kutulaŋgöba körek neŋgoŋgita öŋgöba Kiŋ Kembunini bohonji mohot akza.

¹² †Anutunönj möwölöhöm enjiiga uru dölökni wuataŋgöba Anutugö wölböt alaurupji sarakni akze. Mianjögöra injini mönö sutnjine ak kömumba ala ak anjuba malme. Urujini memba et ala tosatni guŋbönjönjönj qakne ak enjiba lömböt möta mökösoŋda malme. Silik mianjön mönö malukuŋini aiga kölget geiga mi töp memba malme.

¹³ ††Mönö lolongöba bölöŋaŋgö kitipni kude mememö, mönö qaqaenjim anjuba malme. Köyan köl anjugeŋka sutnjine keu köpösihit ahuiga kunjan alaŋi jim wanjimamgö mötzawi, mi mönö mosöt anjume. Kembunönj siŋgisöndokni saŋgoŋda mosöröhi, injini mönö sutnjine mewöŋanök ak anjumaŋne. ¹⁴ Mewö aka urukalemgö malukuŋini mi kölget geiga mianjögö qakne mönö urukalem aka jöpaköm anjugeŋka qetpuk akna. Urukalem mianjön mönö aködamun tosatni pakpaköra jizali, mi köyamgöba mindiriba bohonjina kinja.

¹⁵ Kraistnönj injini luainönj silemohot malmegöra enjogholök. Mianjögöra yanjögö luainjan mönö urujine ahöba ölöpnjögö injup lökuatni ak enjiiga urubönjönjönj jim möpöseip aka malme.

¹⁶ †Kraistköreŋ Buja keu mianjön mönö urujine kindasutnjine gwötpuk asuhum sehima. Mönö mötkutukutu keu pakpak jiba kusum anjuba qambaranj qem anjumaŋne. Uŋa Töröŋan sölölohöm enjimakzawanjögö dop mönö Buja Liŋet Sumbara (Sam), möpömpöseip liŋet (omsa) aka urugö liŋet tosatni mi urukönömŋinan Anutu möpöseiba kölakne. ¹⁷ Ahakmeme mi me mi jitrönj me siliknönj aka memei, mi pakpak mönö Kambu Jisösgö qetne ahakne. Mewö aketka Kraistnönj nam köl enjiiga İwi Anutu pipsimbanj jim wanjiba malme. Mewö.

Awanöm, iwinam aka welenqeŋge enjögörenj qambaranj keu

¹⁸ ††Ambi injini mönö apurupjini yanjögö keu bapne anda malme. Kembugö bujaya akzeanjögöra mönö mewö aketka dop kölma.

¹⁹ ††Azi injini mönö anömurupjini urukalemnönj jöpaköm enjiba urupik wösökömbuk qakne kude ak enjiba malme.

²⁰ ††Nahönbörat injini Kembubuk qekötahöba kindaiwinamyahötjini yetkö jitrjiri wuataŋgögetka Kembunönj engehiga dop kölma. Mianjögöra injini mönö keunjini jimeanjögö dop pakpak tem köl enjiba malme.

²¹ †††Iwiurup enjögö nahönböratuŋurupjini awösamkakaknjini mosötpepuköra mönö kude enjume ureim ak enjiba malme.

²² †Welenqeŋge injini mönö gölme qakne galömurupjini yanjögö keunjini pakpak tem kölme ahakne. Köndöwönj aketka ambazipnönj enjgek sorimegöra qahöpmö, enjmonj mosöta Kembugö jitrjini enjgitpinbukö sömbunjini möta urujini nupnönj ala memba malme. ²³ Yuai aka memakne, urujini mönö mianjögörenj jöhöba kewö mötmörime: Gölme ambaziwök qahöpmö, Kambu nanji mönö welen qeba malje.

²⁴ Kambu Kraist welenji qeba malgetka yanjön töwanjini Suep mire ali ahözawi, mi mönö enjiiga bujanjini akna. Mönö mewö mötmöriba malme.

²⁵ ††Kunjan nupni mem sohomawi, Anutunönj mewöŋanök mem sohosohonjögö likeŋni melen wanjima. Anutunönj tosatni qahö enjgek soriba tosatni qahö qepureim enjimakzapmö, körek nini dop mohotnönj kewöt neŋgiba keunini jim teköma.

4 ††Galömurup enjögörenj Kambu ketanji mi Suep mire malja, mi möt kutuzeanjögöra mönö welenqeŋgeurupjini titit diŋdiŋi aka dop mohot ak enjiba malme. Mewö.

Goro qambaranj keu tosatni

² Köuluk nup mönö kapanj kölme memba malme. Mianjögörenj mönö uruguliguli mala jim möpöseip aka malme. ³ Möpöseip akne, mianjögörenj mönö neŋgö mohotne kewö köuluköba malme, "Anutu, gi mönö Pol neŋakurupjini köna mem enjinöŋga ölöpnj Kraistkö Buja keu tölapni mi jim asarigetka sehima." Nönjön mönö Buja nup mianjögöra aka kösö gwarönönj tatzal. ⁴ Nönjön Buja keu Anutugö sihimjanjögö dop jibi asarimegöra mönö köulukŋinan töngum niŋgiba malme.

⁵ ††Ambazip urumelenj qahö aka yaigep maljei, i mönö mötkutukutu qakne ak enjiba malme. Urugö nup membingö köna kun ahumawi, nalö mi mönö kude mösöhöba ayuhumemö, ambazip qöhörönjine anda ösönj qambaranj köl enjime. ⁶ Keu eraum mötmei, mi mönö nalö dop howenambuk mindiriba jigetka nahömŋambuk ahakna. Jigetka mohot mohot nahömŋini ahuiga körek yanjögöra keu denöwö melen enjime, mi mönö ölöpnj möt yaköba mianjögö dop jimakne. Mewö.

Polnönj Tikikus Onesimus melaim etkiiga kamahot.

⁷ †††Wölböt alani Tikikus yanjön Kembubuk qekötahöba kinda nömbuk nupni törörök memba neŋakni akza. Yanjön enjögörenj kaba denöwö aka malakzali, mianjögö kösohotni körek jii mötme. ⁸ Denöwö aka memba tata maljini, injini mönö kösohot mi mötmegöra melaim wanjibiga enjögörenj kama. Yanjön kaba ölöpnj urukölalep ak enjime. ⁹ ††Mewöyök wölböt alanini Onesimus Kolosi enjögörenjögö kaba Kembugö keunji pöndanj wu-

† 3.12 Ef 4.2 †† 3.13 Ef 4.32 † 3.16 Ef 5.19-20 †† 3.18 Ef 5.22; 1 Pitö 3.1 †† 3.19 Ef 5.25; 1 Pitö 3.7 ††† 3.20 Ef 6.1

††† 3.21 Ef 6.4 § 3.22 Ef 6.5-8 †† 3.25 Dut 10.17; Ef 6.9 ††† 4.1 Ef 6.9 †† 4.5 Ef 5.16 ††† 4.7 Apo 20.4; 2 Tim 4.12; Ef 6.21-22 †† 4.9 Flm 10-12

ataŋgöba mem yakömakzawi, nöñön i melaibiga lil-
ingöba kama. Azi yahöt mietkön kaba kiangöreñ yuai
pakpak denöwö asuhui maljini, miangö kösohotñi ölöp
jim teköyohotka mötme. Mewö.

Yaizözkök keu tetekönji

¹⁰ †Aristarkus nömbuk kösö mire tatzawi aka Barn-
abasgö numbutñi Mak yetkön yaizözkökñiri jiba alo-
hotka engöreñ kaza. Maköra lök keuni kewö jim ku-
tubiga mötket: Engöreñ kaba kaŋgotma ewö, mönö
ölöp köl öröba ala ak waŋgime. ¹¹ Josua qetñi kun Jas-
tus qetzei, yañön mewöyök yaizözkökñi jiba ali
engöreñ kaza. Neñakurupnan nömbuk Anutugö bem-
tohoŋaŋgö nup memba maljei, yeŋgö sutñine azi
karöbut mierjönök Juda azia malje. Yeñön mönö
urukölalep ak niŋgimalget.

¹² ††Nanñine azi Epafra Kraist Jisös welenñi qemakza-
wi, yañön mönö yaizözkökñi jiba aliga engöreñ kaza.
Yañön nalö dop engöra aka köulukömakza. Keu pak-
pak Anutugö jitŋaŋgö dop akzawi, iñini miangöreñ
töndangöba kin köhöiba aködamunñinambuk aka
malmegöra aum-mörimakza. ¹³ Nöñön yaŋgö könani

† 4.10 Apo 19.29; 27.2; Flm 24; Apo 12.12, 25; 13.13; 15.37-39
†† 4.12 Kol 1.7; Flm 23

möta kewö naŋgöba jizal: Yañön iñini bauköm engi-
mamgöra nup gwötpuk memakza. Mewöyök Laodisia
aka Hierapolis taon yahöt miangöreñ möt nariba mal-
jei, yeŋgöra aka wani awamñi nup memba aum-möri-
makza. ¹⁴ †Wölböt doktanini Luk aka Demas yetkön
mewöyök yaizözkökñini jiba alohotka engöreñ kaza.

¹⁵ Nöñön yaizözkökñini jiba ohozali, mi mönö
urumelen alaurup Laodisia taonöñ maljei, yeŋgöra
jiget mötme. Mewöyök Nimfa aka yaŋgö mire kö-
nagesö tokomakzei, mönö yeŋgöra jiget mötme.

¹⁶ Kimbi ki oyoŋ engigetka mötket teköiga miangö
andöñe mi mönö algetka Laodisia urumelen könagesö
yeŋgöreñ aniga oyoŋme. Laodisia yeŋgöra kimbi kun
ohobiga anöhi, mi alget engöreñ kaiga iñini mi
mewöyök oyoŋme. ¹⁷ Arkipus azi mi mönö kewö jiget-
ka mötma, “Kembunöñ Buña nup memangö jim kutu-
ba köiputki tariga maljani, göñön mönö mi mötmöriba
körek mem teköman.”

¹⁸ Pol nöñön yaizözkökñi jiba nane börönan qetni
kewö ohozal: Pol. Iñini mönö kösö gwarö azi ni möt-
mörim niŋgiba malme. Kalem möriamnöñ mönö em-
buk ahöma. Mewö.

‡ 4.14 2 Tim 4.10, 11; Flm 24; Flm 2

1 Tesalonaika

Jim-asa-asari

Rom mindimindiri kantrigö prowins qetnji Masedonia miangö siti bohonji mi Tesalonaika. Polnön misin nup memba liliköba Filipai siti mosöta Tesalonaika kaba nup meiga tosatjan urunini melengetka kusum engii urumelenj kambu alget. Mi algetmö, tuarenjon mi miangörenjök asuhuyök. Polnön Kraistkörenj Buña keu jim asariba urunini kunguiga miangörenj Grik ambazip Juda akeri, yengörenjök gwötpukñan urunini melengetka kambu miangön sehiyök. Miangöra Juda ambazip urunini qahö melenja uruninan bölliiga Pol andö qem wangiget. Andö qem wangigerangöra lömböriiga köna jaruba engömosöta Berea taonön anök. Könangep Korint sitinön maliga nenjaknji Timotinön alabaukñi aka Tesalonaika sitiyök kaba denöwö möt narigeri, miangö kösohotnji ali mörök.

Polnön Kimbiñi mutukñi Tesalonaika alöhi, mi Kraistkö alaurupñi yengö urunini nangöba mötnaripñini mem köhöimapköra ohoyök. Kembu möt nariba urukalem ak angumakzei, miangö buzupñi mötagun yengöra Anutu möpöseiza. Nanjak malmal yembuk denöwö aka malöhi, mia ölum engubapuköra mi papianön ohoza. Tesalonaika urumelenj kambu sutñine keu tosatñi asuhui jigeri, Polnön mi melenja jim asariba ohoza. Keu tosatñi mi kewö: Kraistnön lilingöba kaiga Suetp malmalnön angotpini, miangörenj tosatjan urunini melenja kömupnön ahözei, yengöra mönö denöwö asuhuma? Kraistnön wani nalönön lilingöba kama? Keu mi melenja kewö jim kutum engiyök, "Injini Kraist kunbuk kamapkö jörömqöröm aka al mamböta mala miangörenj mönö nup ölöpnji ölöpnji mi jegep kinda pöndañ memba malme."

Buk kiangö bahönji bohonji 6 mi kewö:

Keu mutukñi
Saiwap jiba sönggaiba möpöseiza
Ahakmeme diñdiñi akñegö kungum engiza
Kraistnön kamapkö keunji kusum engiza
Qambarañ keu tetekñi tosatñi
Kimbigo keu kötni bohonji

¹ Pol, Sailas, Timoti neñön Tesalonaika urumelenj könagesö embuk keu eraum mötpingöra kimbi ki ohozin.

Injini Iwi Anutu aka Kembu Jisös Kraist yetpuk qekö-tahöba kingetka yetkön mönö kalem möriam engiyohotka luainön malme.

Mötnarip köl gulizeangöra sönggaizin.

² Neñön qösösök mötmörim enggiba körek engöra "Anutu pipsaiwap!" jiba möpöseimaksin aka köuluk nup memba miangörenj nalö dop qetjni qeraksin.

³ Injini Jisös Kraist jöpaköba möt narigetka urukalemñan nam köl engiiga nupñi köhöiba memakze aka Kembuninan lilingöba kamapkö jörömqöröm aka kapañ köla mambörakze. Neñön mi pakpak Anutu Iwininangö jemesoholñe ölop mötmörimaksin.

⁴ Urumelenj alaurupnini, Anutunön jöpaköm enggiba injini nanjangöra kewö möwölöhöm engiyöhi, mi

† 1.1 Apo 17.1

mötzin. ⁵ Neñön Jisösgö Ölöwak Buñanji memba engörenj kaba sutñine denöwö aka malini, injini mi mötze. Neñön Buña mi keu töhönök qahö jiin mötketmö, Uña Töröñan mönö sölölohöm nengii awösamkakak kinda ösum-mumunambuk urunini kunguba malin. ⁶ ††Mewö malinga injini könjiliñ ketanangö uruñe mala Buña keu möt angön kölget. Mi angö kölgetka Uña Töröñan sösonggai engiiga Kembu aka nengö siliknini wuatangöba malje. Mi denöwö asuhuyöhi, neñön mi ölop mötzin. ⁷ Mewö andönine kaba mala Masedonia Akaia prowins yahöt miangörenj Jisös möt narizei, körek pakpak yengöra silik ölöpnji kondel engimakze.

⁸ Mi kewö: Injini Kembangörenj keu möta angön köla jiba malgetka tosatjan mi angötömual ewö toroqeba jim sehigetka anök. Anda mala Masedonia aka Akaia prowins yahöt mi dop köl teköyök. Mi dop köl teköyök-mö, miyök qahö. Injini Anutu möt nariba nupñi megeri, miangö ölñan mönö gölme dop anda kaba sehiiga

†† 1.6 Apo 17.5-9

gwötpukñan uruñini melenget. Mi kilik-kalukñi qahö. Miangöra nini miangö keuñi kun qahö toroqeba jibin.

⁹Nini engören kainga denöwö asuhuyöhi, miangö kösohotñi mi miri tosatñi yeñon jigetka angötömual ewö mörakzin. Inini tandö lopian aka bem muneñi andö enguba Anutu ölbölñi aka malmal Tonji yangören melenða nupñi memba malje. ¹⁰Anutunöñ Nahönñi mem gulii kömupnöhök wahöröhi, inini yañon Suep mireyök eta asuhumapköra mambörakze. Anutugö ir-imsesewölñan könangep aukñe asuhuiga Jisösnöñ mönö eta jeñbereren kanjamñambuk miangörenök meköm neñgima. Mewö.

Polnöñ Tesalonaika uruñe nup denöwö meyök?

2 O urumelen alaurupnini, nini engören kaba nup meini, miangön mönö qahö pömsöm qeyökmö, ölni ölop asuhuyök. Nanñinak mi mewöyök ölop mötze. ²†Qahö pömsöm qeyökmö, mutuk Filipai sitinöñ nup meinga öröm ureim ak neñgigetka sihimbölö mörini, mi mötze. Sihimbölö mi mötagun engören kainga tosatñan tuarenjoñ köhöikñi ak neñgigetmö, mi töndup Anutunöñ awösamkakak neñgii kinda Ölöwak Buñani jim asarim engiba malin.

³Neñgö könanini kewö: Urukunğukunğukun keunini mi isimkakalek qakñe qahö jimakzin. Naninak janjun ahinga uruninan tölöhöbawak, mewö mi qahö jimakzin. ⁴Mewö qahöpmö, Anutunöñ Ölöwak Buñan jim sehingöra neñgeka urunini kewöri dop köliga möt narim neñgiba Buñani neñgiyöhi, miangö dop mönö keuñi memba jim asarimakzin. Anutunöñ urunini esapköba kewörakza. Miangöra neñon yuai pakpak Anutugö jeñe dop kölbangöra ahakzin. Mi ambazip sihimñini wuatangöbingöra aka qahö. ⁵Neñon nalö kungen ambazip kelewele keu kelök ak engibingöra qahö anda kaini, mi mötze. Nini nepaqepalok dogonini esuha moneñ yuai neñgimegö möndömöndö keu siñginñi qahö jiiin. Anutunöñ könañamnini mi ölop jim nañgöma. ⁶Eñon me ambazip tosatñan qetbuñan neñgimegöra qahö kapan köla malin.

⁷Kraistkö aposolurupñi akzinangöra ölop uruñini kewö kunğubinak, "Inini mönö nañgöm neñgigetka sutñine urugö nup membin." Mewö jiinga dop kölbawakmö, neñon engö sutñine mököqököli aka malin. Nahönbörat namñinan juzu engiba köyan köl engimakzawi, miangö dop mönö nanini memba et al anguba ösöñ ak engiba malin. ⁸Neñon iwinam ewö mökökölim ak engiba malinangöra Anutugören Ölöwak Buñan engiin aka toroqeba nanine malmalnini mewöyök kölen engibingö jöjöröba malin. Inini ölna wölböt nahönbörat urupnini aket.

⁹O urumelen alaurupnini, neñon engöra aka nup memba silenini qeba malini, mönö mi mötmörime. Nañgöm neñgimegö lömbötñan engörenök kungö qakñe öngöbapüköra sunğem asak nanine böroninan nup memba Anutugö Ölöwak Buñani jim asarim engiba malin. Mi mönö ölum engubapak.

† 2.2 Apo 16.19-24; 17.1-9, 14; Apo 17.5

¹⁰Jisös möt narizei, neñon engö keuñini pakpak diñdiñanök kewöta sarakñi köpösihitkö keunini qahö malin. Inini mi eka möta nañgöba jim nañgömeangö dop akze. Anutunöñ mewöyök mi jim nañgöba dangunu ewö kinja. ¹¹Iwinöñ nanñi nahönbörat urupñi ösöñ ak engimakzawi, miangö dop neñon inini mohot mohot ak engiba malin. Mi mewöñanök ölop mötze. ¹²Neñon urugö nañgönañgö keu jiba urukölalep ak engiba malin. Anutunöñ inini nanñe bemtohoñon angota asakmararane asarimegöra engoholök. Miangöra neñon uruñini kunğuba keu kewö jim tuariba malin, "Ahakmemenini mönö Anutugö jeñe dop kölmawangö dop sarak sorokñi aka memba malme."

¹³Miangöra neñon mewöyök sundan Anutu kewögöra möpöseimakzin: Anutugö Buñan keu engiini, mi gölme ambazipkö keu ewö qahö buñan qem angugemö, ölna Anutugö keu jitek dowa möta mi angön kölget. Mi möt narigetka miangön mönö kölöñaim engiiga letorakze. ¹⁴Juda ambazip Judia prowinsnöñ uruñini melengetka Juda tosatñan angösirip ak engigetka sihimbölö mötket. Yeñon mi möta töndup Kraist Jisösbuk qekötahöba kinda Anutugö urumelen könañesöñi aket. Urumelen alaurupnini, engö sutñine mönö mewöñanök asuhuyök: Nanñini Grik ambazipnöñ Juda yeñgö tandök ewö ak engigetka inini sihimbölö örörön möta Anutugö könañesöñi aket.

¹⁵†Juda yeñon kezapqetok ambazip engugem kömugetka Kembu Jisös mewöyök qegetka kömui nini sesewerowero ak neñgiba malget. Yeñon Anutugö jeñe qahö dop köla ambazip pakpak kerök ak neñgimakze. ¹⁶Neñon kian kantri erñon uruñini melenða letotmegöra Buñan jibinbukö angön köl neñgimakze. Mewö siñgisöndok sundan aka qerakögetka qakñine öngömakza. Siñgisöndokñini qerakögetka dopñi Anutugö jeñe kokolak qeiga irimsesewölñi toroqeba angön kölmangö osiba nalö kewöñe kondeli qakñine lök öngöza. Mewö.

Polnöñ Tesalonaika kunbuk anmamgö mörök.

¹⁷O urumelen alaurupnini, neñon nalö kewöñe nalö töröpñi deñda maljin. Sileninan deñda maljinmö, uruninan jöhöba mohotñe maljin. Miangöra engö jesöngöröñini ekingöra mönö kapan köla awöwengöba maljin. ¹⁸Miangöra engören kabingö möta malin. Pol nöñon sömañ mohot-töp qahöpmö, indimñi yahöt kamangö esapköyalmö, Satanöñ jöhöm neñgiiga osiin. ¹⁹Inini nanine ila jalö soroknini ewö kinje. Kembuni Jisösnöñ lilingöba kaiga yangö jemesoholñe angota kinbini, miangören engeka "Urugö nup önewat qahö memba malin," mewö jibingö mötzin. Neñon keu mi inini aka tosatñi yeñgöra aka awamñanök jibingö jörömqöröm akzin. Miangöra engöra öñöñi qahö söñgaiba silenini memba öngömakzin. ²⁰Neñon engöra aka qetbuñan miwikñaininga sösoñgai ak neñgimakze. Mewö.

†† 2.15 Apo 9.23, 29; 13.45, 50; 14.2, 5, 19; 17.5, 13; 18.12

Timoti melaiyohotka Tesalonaika anök.

3 †Inini denöwö aka maljei, mi mötpingö mötkurum ketanji ak bibihiba toroqeba öne malbingö osiin. Miangöra nanirök Atens sitinöñ malbitkö keu jöhöba ² alaniri Timoti melaiziga engöreñ kayök. Yañön Anutugö nup memba netpuk Kraistkö Ölöwak Buña jim sehimakza. Yañön uru nanğönanğö keu engiba mötnaripñini mem köhöimapköra kayök. ³ Anutunöñ areñini jim teköiga tosatñan angösirip ak engimakze, mi nanñinak ölop mötze. Engöreñök kunñan köñjilij uruñe kongwarak aka löwöribapuköra jiinga kayök.

⁴ Neñön Tesalonaika embuk mala nalö miangöreñ engöra qeljine keu kewö jiin, “Kembugö jitsihitñi tem kölinga ambazipnöñ sesewerowero ak nengigetka wahöjalij miwikñaibin.” Mewö jiinga miangö dop ölña asuhuyöhi, mi ölop mötze. ⁵ Mewö asuhuiga esapesap Toñan esapköm engii löwöriba etiketka nupninanğö ölñan eta pömsöm qebapuk. Miangöra denöwö möt nariba maljei, mi mötpingö mötkurumkurum ketanji ahin lömbörii kunbuk öne malmamgö osiba Timoti melaibiga qesiba mötmamgöra kayök. Mewö.

Timotinöñ kösohotñini ali möt ölöwahin.

⁶ †Mötkurumkurum aka malinmö, Timotinöñ anda engömosöta lilingöba kaba buñanini ölopñi memba kaba kewö jiyök: Inini Kembu ölop möt nariba urukalem ak angumakze aka nalö dop neñgöra mötmöriba ölöwahakze. Neñön engekingö sihimñi möringa enñon mewöyök nini neñgekingö kapan kölakze.

⁷ O urumelenj alaurupnini, neñön sesewerowero köñjilij könanji könanji möringa nalö miangöreñ kaba möt narizeanğö kösohotñi ölopñi jii mötziga keu mi-anñon mönö ölña urukölalep ak neñgiyök. Miangöra nalö kewöñe engöra aka amqeba luainöñ ölöwaka maljin. ⁸ Inini Kembubuk qekötahöba böñ qeba kin-meangöra neñön mönö ölña köhöiba maljin. ⁹ Engöra aka Anutugö jemesoholñe önöñi qahö söngaimakzini, sösongai pakpak miangöra mönö denöwö Anutu möpöseiba saiwap jiinga dopñe akawak?

¹⁰ Neñön sunğem asak urunini qezaköba kapan köla kewö köulukömakzin, ‘Anutu, mönö bauköm neñginöñga Tesalonaika anda jesöñgööröñini eka mutulanğöba mötnaripñinanğö yuaigöra osizei, mönö mi engibin. Keu mi ölña.’

¹¹ Mewö köuluköingä Anutu Iwinini nanñi aka Kembunini Jisös yetkön mönö köna mesat neñgiyohotka ölop engöreñ kabin. ¹² Toroqeba kewö köulukömakzin, ‘Nini urukalem önöñi qahö ak engimakzini, Kembu göñön mönö urukalemgi toroqeba kondel enginöñga sutñine sehiiga kondel angumakñe aka ambazip pakpak kondel engimakñe. ¹³ Kembu, göñön mönö urunini mem köhöimakñan. Kembunini Jisös göñön könanğep könagesögi sarakñi pakpak yembuk kunbuk

kamani, nalö miangöreñ Tesalonaika yeñön sarakñi köpösihitkö keuñi qahö Iwinini Anutugö jeñe kinme.’ Mewö köulukömakzin.

Ahakmeme solanñi urukalemñambuk mi dop kölma.

4 Urumelenj alaurupnini, keu kun kewö: Ahakmemeñini Anutugö jeñe aket dop kölmawanğö könanji kusum engiinga mi lök köl guliba wuatangö-makzemö, mi toroqeba gwötpuk ahakñegöra urunini kunğuzin. Neñön qambañ keu mi Kembu Jisösgö qetñe engizinin. ² Neñön Kembu Jisösgö kukösüm qakñe kindä jöjöpñan keuñi jim kutum engiini, inini keu mohot mohot mi lök möt teköze.

³ Anutunöñ engöra jitsihitñi kewö mötza: Inini mönö sero yonğorö andö qeba sarakñi aka tök-kutukutunji aka malme. ⁴ Anutugöreñ köna diñdiñi mi mönö kewö möt kutume: Uru sileninanğö sihim kömbönanñini galöm köla sarakñi (mala nanñini anömñini nanñik nanñik memba) malgetka aködammunñambuk akña. ⁵ Urumelenğö kopa yeñön Anutugö könanji qahö möt kutuba urunini köñöp jeiga ambi lañ memakze. Miangö dop kude aka malme.

⁶ Mewö qahöpmö, ambi apñan kungen aniga kunöñ ölöñ kaba ambi kude saitköma. Kunöñ bölöñi mewöñi ahiga uruniran kömbuhibapuk. Mutuk qambañ keu mi jiba galöm mem engiini, miangö dop kunöñ ambi mem böliiga Kembunöñ siñgisöndokñi pakpakö likepñi melenj wangima. ⁷ Anutunöñ nini qewöloñ malbingöra qahöpmö, malmal sarakñi malbingöra neñgohölok. ⁸ Miangöra jöjöpñan keu mi mosötmawanñon mönö gölme ambaziwa qahöpmö, Anutu nanña andö qema. Anutu Uñanji Töröñi engimakzawi, ia mönö andö qebepuk.

⁹ Sutñine jöpaköm angumakzei, miangö könanji Anutunöñ kusum engii nanñinak lök möta malje. Miangöra neñön urukalem ak angubingö keuñi kunbuk ohom engibingö qahö osizin. ¹⁰ Masedonia prowins uruñe urumelenj alaurup pakpak uruninan jöpaköm engiba maljemö, urumelenj alaurupni, mi mönö toroqeba gwötpuk ahakñegöra urunini kunğuzin. ¹¹ Mönö ösöñ mala nanñini malmal nanğönanğöñini galöm köla börorñinan nup memba malme. Mewö aka aködammunñambuk akingö kapan köla kinme. Mutuk mewö jim kutum engiinga miangö dop mönö aka memba malme.

¹² Mewö aketka urunini qahö melenjda yaigep kinjei, yeñön ahakmemeñini solanñi ek yaköba göda qem engiba malme. Injarere lañ mala nene yuaigö uleta kungö qakñe kude malme. Mewö.

Kembugö kaka nalöñe kewö asuhuma:

¹³ Urumelenj alaurupnini! “Tosatñan urunini melenjda kömumba ahözei, yeñgöra denöwö asuhubawak?” Inini keu mewö jiba miangöra gukmaulem malbepuk. Ambazip urunini qahö melenjda jörömqöröm qahö maljei, yeñön kömukömunji yeñgöra aka wösöbirik maljemö, enñon i ewö wösöbirik malbepuköra keu

kewö jibin: ¹⁴Jisösnöj kömumba wahöröhi, nini keu mi möt nariba kewö jizin: Anutunöj Jisös mem guliyök. Miangöra ambazip yambuk kömumba nöj qegeri, Anutunöj mönö i mewöyök mem guliba Jisösbuk mohotje enguangiri aukje asuhume. Keu likepñji möt narizin ewö, likepñji kun mi mewöyök möt nariinga dop kölma.

¹⁵†Kembunöj keu kusum nenggiiga neñön yangö jitñji mi engöra kewö jibin: Tosatñji neñön qahö kömumba toroqeba silebuk malinga Kembunöj lilingöba kamawi, nini nalö miangöreñ mutuk qahö öngöbin. Nini ambazip kömukömuñji qahö engonggitpin. Qahö. ¹⁶Miangö areñji kewö: Anutunöj tömunñji qainñji kun uiga ötöñji asuhuiga Suep garata bohonñan jimkutukutuñji qeriga ambazipnöj kourukñiri mötketka Kembunöj nanñak Suepnöhök etma. Kraistnöj eriga i möt narim wangiba kömuger, yeñön mönö mutuk kömupnöhök wahötme.

¹⁷Yeñön mutuk wahötketkun nini qahö kömumba jebuk malbini, Anutunöj mönö nenguangiri könakemba öngöbin. Wahötkeri yembuk öröröñ kousunöj öngöba Kembubuk aitongöba yambuk Suep mire sundan dop malbin. ¹⁸Miangöra keu mewöñji jiba mianjön mönö uruñini nanğöm anguba malme. Mewö.

Kembunöj kamapköra mönö jöjöröba malme.

5 O urumelen alaurupnini, Kraistnöj lilingöba kamapmö, wani yambunöj aka wani nalönöñ asuhumawi, nini mianğö keuñji ohom engibingöra qahö osizin. ²†Iñini nanñinak keu mi ölöpñanök kewö möt kömuze: Yongorö memenöñ sungem ölöñ kangorakzawi, Kembugö kaka nalönñan mönö mianğö dop wölañ kam kunguma.

³Ambazipnöj kewö jime, “Merak luai qem nenggi siy-onşayonji qahö maljin.” Mewö jigetka mianğöreñök köndenmönöñ asuhuba qakñine öngöma. Ambinöj morö memamgö masöñji qei mörakzawi, mönö mianğö dop asuhuiga misingöba anbingö osime. ⁴Yeñön osimemö, urumelen alaurupnini, eñön pandaman uruñe jipjap qahö maljeangöra nalö mianjön mönö sanğabanğa yongorö meme ewö engö qakñine öngömapkö osima. ⁵Körek eñön mönö asakñangö ambaziwa akze aka yuai pakpak aukñe akingö ak engimaksa. Nini söñaupkö ambaziwa qahö akzin aka ömukñangö yuaiñji tököba sisit memakzin.

⁶Miangöra tosatñji i ewö uruninan gaun ahöbapuk. Mewö qahöpmö, nanini galöm köl anguba uruguliguli malbin. ⁷Gaun ahözei, yeñön sungem gaun ahömakze. Ambazip o köhöikñji nembra eñololon ahakzei, yeñön mönö söñaupnöj mewö aka malje.

⁸†Söñaup uruñe mewö ahakzemö, asakñangö ambazip neñön mönö nanini galöm köl angumakin. Wahöjambanini mönö opo maluku ewö kewö löngöta kinbin: Neñön mötnarip aka urukalem köl guliba mewö mianjön töptöpnine göwangöwanğepölaköba (suman ewö köl) sel jöhöm anguba kinbin aka Suep

† 4.15 1 Kor 15.51-52 †† 5.2 Mat 24.43; Luk 12.39; 2 Pitö 3.10
‡ 5.8 Ais 59.17; Ef 6.13-17

mire öngöbingö mamböta jörömqöröm aka mewö mianjön nöroñpini ain irikmarik ewö esuhuba turubin. ††

⁹Anutunöj nini et nengui irimesewölñji mötpingöra qahö jim teköyökmö, Kembunini Jisös Kraistnöj mem letot nengii oyaenğoyaen buña qem angubingöra jim teköiga maljin. ¹⁰Jisösnöj nengöra aka kömuyöhangöra malmalnini gölmenöñ malbini me kömumba nöj qeba ahöbini, mi mönö Jisösbuk köhöiba malbin. ¹¹Miangöra uru nanğönangö aka möhamgöm anguba köhököhöi miwikñai ba mutulanğömakzei, mi mönö toroqeba memba malme. Mewö.

Qamaban aka goro keu qöndökñji

¹²Urumelen alaurupnini, neñön kewö jim kutum engizin: Galömñinan Kembubuk qekötahöba kinda sutñine nup memba qamaban engimaksa, i mönö göda qem engiba malme. ¹³Göda qem engiba nupñini memakzeangöra mönö ölna jöpaköm engiba yeñgöra mötket öngöma. Könagesö sutñine mönö luai qem anguba malme.

¹⁴Urumelen alaurup, neñön urukungkungu keu tosatñji kewö engizin: Tosatñan nanñini imbi-imbi wu-atangöba injarere lañ maljei, mi mönö jim engiba galöm meme keu engime. Zirinziñ mianğö yeñgöra mönö uru nanğönangö keu jigetka köhöiba awösamkakak akñe. Ambazip uruñini löwöriiga maljei, i mönö köyan köl engime. Urukönöp kude akñemö, ambazip pakpak mönö urubönjñ qakñe ak engime. ¹⁵Jinöñ jibi, nungunöñ guhubi me akñöñ aki mi kunñan kude akñe. Songgo mi walöñbepüköra mönö galöm mem anguba malme. Nalö dop yuai ölöpñji ölöpñji mi kapan köl ak angumakñe aka ambazip tosatñji pakpak ak engiba malme.

¹⁶Mönö nalö dop sösongai aka malme. ¹⁷Sundan dop Anutu köuluköba malme. ¹⁸Mewö me mewö asuhumawi, mianğöreñ mönö Anutu möpöseiba malme. Kraist Jisösbuk qekötahöba kinjei, Anutunöj engöra jitsihitñji mewö mörakza.

¹⁹Uña Töröñangö bölamñji mönö kude qömbököme. ²⁰Anutugöreñ kezapqetok keu jimaksa, mianğö jiji-wilitñji mönö kude akñe. ²¹Keu pakpak mönö kewöta esapköme. Esapkögetka keu ölöpñji asuhumawi, mi mönö angön köl malme. ²²Keu aka ahakmeme bölöñji könanji könanji mi mönö andö qeba malme.

²³Nöñön engöra kewö köulukömakzal, ‘Luiğö be-mñji Anutu, gi nangak mönö lökñanök tök kutum enginöñga sarakñji aka malme. Göñön mönö uruñini, uñañini aka silenini mi lökñanök sel jöhöm enginöñga köpösihitkö keuñji qahö aka malme. Mewö nalö dop malgetka Kembunini Jisös Kraistnöj lilingöba kaba mewö miwikñaim engima. Keu mi ölna.’ ²⁴Engohol-

†† Ömewöröme yeñön sölölohöm nengimegöra yuai bölöñji bölöñji mi lingip kesarek ewö gila nengöra mulahakzemö, mianğö jitñji mi ölöp Jisös möt nariba urukalem kondela kinda likeplikap suman ewö közamböt anguba közangömakin. Mötmötninan siksauk aiga janjuñ anbinpüköra ölöp Anutubuk ösupköinga kalem möri-amñan nöroñpini irikmarik ewö sel jöhöm nenggiiga amöriiga Suepkö könanji wuatangömakin.

jawi, yañon keuji pöndañ wuatangömakza. Miañgöra mönö köuluk miañgö dop ak engim teköma.

²⁵ Urumeleñ alaurupnini, eñon mönö neñgöra aka Anutu köuluköba malme.

²⁶ Urumeleñ alaurup pakpak sutñine mönö añgum añguba numbuñini yöhötüm namba malme.

²⁷ Nöñon Kembangö qetñe jim kutum engiba jöjöpañ keunöñ jöhöba kewö ohozal: Kimbi ki mönö urumeleñ alaurup pakpak yeñgöra algetka oyoñ engigetka mötme.

²⁸ Kembunini Jisös Kraistkö kalem möriamñan mönö embuk ahöma. Mewö.

2 Tesalonaika

Jim-asa-asari

Tesalonaika urumelen kambu uruñe Kraist kamapköra mambötketka tosatñan "Löök kayök," jigetka tosatñan "Keu mi muneña," mewö lanlan jiba siksauk aka malget. Tosatñan "Kembugö kaka nalöñan löök kam kuñguyök," jiba möt nariget. Miangöra "Polnön Kimbi Tesalonaika aliga 2 ahök," buk mi ohoba keu mi jim tuariyök. Polnön keu muneñi mi mindingöba könañi kewö indelök: Kraistkö kaka nalöñan dopdowimawi, nalö miangören ambazip ahakmemeninan gonggiba bölima. Mewö böliiga azi tandökñi kun qetñi Iwilele Tonji yanön asuhuba mutuk tölapñe mala könañep Kraist aukñe tuarenjoñ ak wanggiba ambazip kantri dop galöm köl enggima. Tosatñan Tesalonaika urumelen kambu kahasililij mem enggigetka sihimbölö möta malget. Miangöra aposol Polnön keu bohonñi tosatñi kewö jim tuarim enggiyök, "Inini mönö kapan köla köhöiba Kembubuk qekötahöba kinda möt nariba malme." Keu kötni kun kewö jim tuariyök, "Nönön neñakurupni yembuk malmalnini nangöm anggubingöra nup memba malini, inini mönö miangö dop injarerere malmal mosöta nanñini nene yaka miwikñai-ba mi memba malme aka nup ölöñji ölöñji kapan köla jegep kinda memba malme."

Buk kiangö bahönji bohonñi 5 mi kewö:

Keu mutukñi
 Uruölöwak ak enggiba söñgaiba möpöseiza
 Kraistnön kamapkö keunji kusum enggiza
 Ahakmeme diñdiñi akñegöra kuñgum enggiza
 Kimbigö keu kötni bohonñi

¹ Pol, Sailas aka Timoti neñon Tesalonaika urumelen könañesö embuk keu eraum möt-pingöra kimbi ohozin. Eñon Iwinini Anutu aka Kembu Jisös Kraist yetpuk qekötahöba kinje.

² Iwi Anutu aka Kembu Jisös Kraist yetkön mönö kalem möriam enggiyohotka luainön malme. Mewö.

Sihimbölö mötagun mönö oyaerñkoyaerñ aka malbin.

³ Urumelen alaurupnini, engö mötnaripñinan gwöt-puk köhöiiga körek pakpak urukalem ak angumakzei, silik mianön mohot mohot engö uruñine sehimakza. Miangöra neñon engöra nalö dop "Anutu saiwap!" jiba möpöseim wangimakzini, mi ölöññanök dop kölja. Buña keu köl guligerangöra saiwap jimakzini, mi mönö nupnina. ⁴ Sesewerowero angösirip könañi könañi ak enggigetka mörakzei, mi pakpak kapan köla mökösoñ-da böñ qeba kingetka mötnaripñinan qahö sörauba löwöriza. Naninak mewöyök miangö kösohotñi mi Anutugö könañesönji könañesönji yengö jenjine jiba engöra aka silenini möpöseimaznin.

⁵ Anutunön keu diñdiñanök kewöta jim tekömakzawi, angösirip mötmötñinan mönö miangö aiwesökñi akza. Anutugö bemtohoñ uruñe kanjuta maljeangöra sihimbölö mötketka enggehiga Sup mire öngömeangö dop sarak sorokñi akñegöra kapan kölakza. Miangöra

könjilij qahö angön köliga nalö kewöñe qakñine öngömakza. ⁶ Anutunön diñdiñi akzawangöra kinda kahasililij ak enggimakzei, i mönö kahasililij miyöhök melenñiga qakñine öngöma.

⁷ Qakñine öngömapmö, kahasililij möta maljei, eñon mönö oyaerñkoyaerñ akñe. Kembu Jisösnön garatarupñi kukösumñinambuk enguanggita yembuk Sup-nöhök eta asuhumei, nalö miangören mönö nembuk mohotñe luhut meme. ⁸ Jisösnön köñöp bölam uruñe etma. Mewö eta ambazip Anutu qahö möt wanggiba Kembunini Jisösgö Ölöwak Buñaji qahö tem kölakzei, i mönö likepñi melen enggiiga sihimbölö kewö möta malme: ⁹ ††Kembunön mönö "Yapmakek!" jiba jemeso-holñeyök közöl enggiiga Anutugö kukösumñi asak-mararañambukñon qahö öngömemö, yaigepñe mala köñöp siagö sihimbölönji tetekönji qahö möta malme.

¹⁰ Kembunön lilingöba kamawi, nalö miangören kambu-urupñi sarakñi neñon mönö yangö asak-mararañi eka miangö dop letota "Owe, Jisös Kembunini owe!" jibin. Möt narim wanggiini, körek neñon mewö welipköinga ambazip omanan neñgeka Ye! jiba auruba kinme. Neñon Jisösgö könañi nangöba jiinga eñon mewöyök mi möt nariba uruñini melengerangöra mönö letota jihilalomñinambuk asariba nembuk mohotñe kinme.

† 1.1 Apo 17.1

†† 1.9 Ais 2.10

¹¹ Mewö asuhumapköra neñön nalö dop engöra kewö köulukömakzin, "Anutunini, nangak engohola miangö dop mönö nam köl enginönga sarak sorokñi aka malme. Mönö kukösumgi ala inahöm enginönga yuai ölöpnji pakpak aka memingö sihimñini körek asuhum teköma. Mewö mötnaripkö nupñini megetka ölnji körek asuhuma." ¹² Mewö köuluköingä Kembunini Jisös möpöseigetka qetñan engöra aka sutñine akö-damunñambuk akña. Nanine Anutu aka Kembu Jisös Kraist yetkön kalem möriam engiyohot maljeangö dop mönö nanñinak mewöyök aködamunñinambuk akñe. Mewö.

Kembunöñ kamangö aiga Iwilele Toñan asuhuma.

2 [†]Urumelen alaurupnini, Kembunini Jisös Kraist-nöñ lilingöba kaba nenguanñiriga yangöreñ eu tokobini, inñini keu mi mötzemö, neñön kewö qesiba qambañ engizini:

² Kembugö kaka nalöñan lök kam kuñguzawangö tandök tötbörömñinan mönö miangöreñök kaiga sik-sauk möta tatpepuk. Keu mi denöwö asuhuyök? Uña kunöñ azi kun alburup qeiga imutimut eka kezapqetok keu jim siñgiyök me kunöñ "Uruñini kuñgumam," jiba keu jim siñgiiga asuhuyök? Tosatñan kewö jibepuk, "Pol alaurup yeñön keu mi kimbinöñ ohoba alget kayök." Keu omañi miangöra mönö öne töhön töwöratiba jönömñini undui malbepuk.

³ Kunñan kun mewö me mewö tilipköm engibapuköra mönö galömñini mem anguba malme. Mi kewögöra: Mutuk aiwesök yahöt kewö asuhuyohotka Kembunöñ miangö andöñe kama: Ambazip kelenmalelen yeñön Kembu iwilele aka andö qeme aka Iwilele Toñan nanñak mewöyök aukñe asuhuma. Anutunöñ i jim teköiga könöp sianöñ gema. Aiwesök yahöt mi mutuk asuhuyohotka miangö andöñe nalö ketanñan kama. ^{4 ††}Tuarenjoñ Toñi yanöñ jakbak-örañbörañ aka nanñi silenji mem öñgöm teköma. Ambazipnöñ yuaigö waikñi memba möpöseimakzei me qetñi bem qetzei, yanöñ mönö mi pakpak engongita silenji memba öñgöba malma. Mewö mala Anutugö jöwöwöl jikenöñ öñgöba jakömbuak dumñi ala "Anutu akzal," jiba kantri pakpak galöm köl nenggiba malma.

⁵ Nöñön Tesalonaika embuk malali, nalö miangöreñ keu mi lök jibi mötket. Inñini mi ölum engubapuk.

⁶ Iwilele Toñan zilañzilañ asuhumapkö osima. Wani yuainöñ könanji angön kölakzawi, eñön mi nalö kewöñe mötze. Nalöñi törörök kam kuñgumawi, miangöreñök mönö asuhuma.

⁷ Nalö kewöñe Iwilele Toñangö ösumñi tölapñan lök asuhuba ambazip sölölohöm engimakza. Aukñe asuhubapukö könanji angön köljawanöñ mi mosöri köna ahumapköra mamböta malja. ⁸ Mamböri könanji asuhuiiga miangöreñök mönö amqeba asuhuma. Sattanöñ Iwilele Toñi sölölohöba nam köl wangii angöletot munenji aka aiwesök kimbi könanji könanji meiga eka malme. Mi eka malmemö, Kembu Jisösnöñ asak-

† 2.1 1 Tes 4.15-17 †† 2.4 Dan 11.36; Eze 28.2, 8; Ais 11.4, 9; Mat 24.24

mararañambuk asuhuba auyohotka i numbu ösumñan qeba yayiapalelen mem wanggima.

¹⁰ Ambazip Anutunöñ amöt qem engimapköra tököba keu ölnji buña qem angubingö qahö ak engiiga lan mala könöp sianöñ gemei, yeñön Iwilele Toñangö angöletotñi eketka kölgorom könanji könanji engiiga janjuñ ahakñe. ¹¹ Miangöra Anutunöñ mötmöt janjuñ kawikñambuk ali asuhuiiga ambazipnöñ mi kukösumñinambuk jim sehigetka sesegilgil yeñön keu kelökñi gwahöta munenji möt narime. ¹² Könañamñinan aukñe asuhumapköra Anutunöñ janjuñ al engii qaköme. Ambazip keu ölnji qahö möt nariba urusi-himñini ahakmeme gonñonje ala qakögeri, Anutunöñ mönö körek yeñgö keunñini jim teköiga könöp sianöñ geme. Mewö.

Keu ölnji tem köla kapan köla köhöiba kinme.

¹³ Yeñgöreñ mewö asuhumapmö, Kembugö wölböt alaurup, engöra mönö nalö dop "Anutu saiwap!" jiba möpöseininga dop kölja. Mi nupnina. Anutunöñ inñini könakönahineyök Suepkö buñaya aka letotmegöra möwölöhöm engiyök. Miangö dop keu ölnji möt narigetka Uña Töröñan mem sarahim engiiga malje. ¹⁴ Mewö malmegöra Ölöwak Buña al nengii jim asariinga miangöñ inñini engoholök. Mewö toroqeba mala Kembunini Jisös Kraistkö asakmararañnöñ öñgöba aködamunñinambuk akñe.

¹⁵ Miangöra urumelen alaurup, kongwarak mönö kude aka malme. Neñön keu kusum engiba jitninan jin me kimbinöñ ohoina mötkeri, keu kötnji mi mönö qekötahöba wuatangöba malme. Mewö.

¹⁶ Kembunini Jisös Kraist nanñak aka Anutu Iwinini yetkön jöpaköm nenggiba kalem möriam qakñe oy-aenköyaen akingö jörömqörömñi nengiyohotka miangöra mamböta urukölalep teteköñi qahö möta maljin. ¹⁷ Yetkön mönö uruñini nanñgöba nup ölöpnji pakpak memba keu ölöpnji pakpak jiba malmei, miangöreñ mönö mem köhöim engiiga malme. Mewö.

Ölöp nengöra köuluköba malme.

3 Keu teteköñi kun ki: Kembugö keunñan sehiba engö sutñine aködamunñambuk ahöhi, miangö dop mönö zilañ miri tosatñe mewöñanök anda jim sehiinga ölnambuk ahuba anma. Miangöra urumelen alaurup, eñön mönö nengöra aka Anutu köuluköba malme. ² Ambazip sesegilgilñan Anutu qahö möt nari-makze. Miangöra misimkaulup ambazip gonñonji aka bölöñi meme yeñön kahasililij ak nenggibepuköra mönö Anutugö köuluköba malgetka sel jöhöm nenggima.

³ Sesegilgil yeñön bölizemö, Kembu keunji pöndañ wuatangömakzawanöñ mönö mem köhöim engiba bölöñeyök sel jöhöm engima. ⁴ Keu jim kutum engiini, eñön mi nalö kewöñe aka könangep tem köla malmei, mi möta uruyahötñi qahö akzin. Neñön Kembubuk qekötahöba kinda mewö mötzin.

⁵ Kembunöŋ mönö uruŋini möŋaiba Anutubuk jöhöiga urukalemŋi möt yaköba Kraist ewö kapaŋ köla mökösoŋda malme. Mewö.

Injarere malbinbukö galöm meme keu

⁶ Urumelenŋ alaurup, iŋini nanŋini imbi-imbi wu-atangöba laŋlaŋ malbepuköra kusum engiinmö, tosatŋan keu bapŋe qahö anda önewat laŋ malje. Miangöra nini Kembu Jisös Kraistkö qetŋe kewö jim kutum engizin: Injini mönö urumelenŋ alaurup mewöŋi pakpak mi engömosöta misiŋgöba tikep malme.

⁷ Neŋön engö sutŋine nanini imbi-imbi laŋ qahöpmö, keu bapŋe malin. Miangöra neŋgö köna lasupnini wu-atangömegö könaŋi mi nanŋinak ölop mötze. ⁸ Nini injarere qahö malin aka engöreŋök kungö nene yuai mi öne qahö nempa malin. Qahö! Nanŋöm neŋgimegö lömbötŋan engöreŋök kungö qakŋe öngöbapuköra mönö suŋgem asak nup sundansundan memba sileni ni qeba malin.

⁹ Anutunöŋ nupŋi membingö kukösumŋi neŋgii maljinangöra ölop nanŋöm neŋgimegö keunöŋ uruŋini kungum engibinakmö, neŋgö köna lasupnini wu-atangömegö silik ölopŋi kondel engibingö mötzin.

¹⁰ Embuk malini, nalö miangöreŋ lök kewö jim kutum engiin: Nup memangö töközawaŋön mönö nene mewöyök kude nema.

¹¹ Engö sutŋine tosatŋan keu bapŋe qahö anda nanŋini imbi-imbi wu-atangöba laŋ malje. Yeŋön nup

ölŋi qahö memakzemö, nup meme tandöktandök öne laŋ memba inöŋ wainöŋ möndöba tosatŋi yeŋgöreŋ yuai mem sohoba qewöloŋ silekmalek laŋ malakze. Engöreŋ keu kun mi mewö kaiga mörin. ¹² Neŋön ambazip mewöŋi mi Kembu Jisös Kraistkö qetŋe jim kutuba uruŋini kewö kungum engizin: Injini mönö an qekötahöm kam qekötahöm mosöta zeŋ mala nup megetka ölpŋi asuhuiga nanŋini nene yakaŋini nempa malme.

¹³ O urumelenŋ alaurupnini, eŋön nup ölopŋi ölopŋi memba miangöreŋ mönö taŋqaŋ kude akŋe. ¹⁴ Neŋön kimbi ki ohoba jim kutum engizini, kunŋan mi qahö tem kölma ewö, iŋini mönö uruŋi meleŋmapköra gamu qem waŋgiba ehöröŋ köla yambuk keukeu jiba köisirik kude tata malme. ¹⁵ Mewö mala kerök qahöpmö, ala ewö ak waŋgiba qambaŋ köl waŋgiba malme. Mewö.

Köuluk aka yaizözkök keu teteköŋi

¹⁶ Kembu luai Toŋan nanŋak mönö nalö dop ahakmeme pakpak miangöreŋ luai qem engiiga bönjöŋ malme. Kembunöŋ mönö körek embuk malma.

¹⁷ Pol nanak yaizözkökni nani böröŋan ohozal. Kimbi pakpak ohomakzali, miangöreŋ nani yaizözkök qet kimbi ki nanak alakzal. Qetni kewö ohozal: Pol †

¹⁸ Kembunini Jisös Kraistkö kalem möriamŋan mönö körek embuk ahöma. Mewö.

† *Mutuk kunöŋ tilipköba Polgö qetŋe kimbi kun aliga uru sik-sauk asuhuyök. Miangöra nanŋe böröŋan qetŋi ohoyök.*

1 Timoti

Jim-asa-asari

Timoti sepguli azi yanggö namnji Juda ambi aka iwinji Grik azi. Yanön Eisia prowinsnön mala urunji melenja Kraistkö alaşi aka malök. Mewö mala Polgö neşaknji aka bauköm waŋgiiga mohotŋe liliköba misin nup memba malohot. Polnön lömbötnön memba et al waŋgibapuköra waimanjat keu bohonji karöbut mötmöriba Buşa Kimbi ki ohoyök.

Waimanjat bohonji ketanji mi böhi takapulakanji. Tosatŋan zioz uruŋe kinda keu goŋgonji kusum sohom enggiba malgeri, Polnön yengöra aka galöm meme keu köhöiknji ohoyök. Böhi mienön Juda yengören mötmöt aka gölmegö mötmöt tosatnji mindirigetka könaŋamŋini lolonqalon aiga kewö möt nariba jiba ambazip kusum enggiba malget: "Gölme aka yuai pakpak ehakzini, mi bölöŋi akza. Miangöra tosatŋan Suepkö buşa akingö kapar köla mötmöt asa-asambötŋi qainŋi kun qahö buşa qem aŋguba nenegö dönqizizin aka soŋgo tosatnji walöŋda awanöm akze ewö, Anutunön mönö keu miangören qaköba amöt qem enggimangö osima."

Waimanjat keu bohonji kun mi: Denöwö urumelen könaŋesö galöm köl engiinga törörök Anutugö waiknji memba möpöseibeak. Polnön miangö qambar keunji papianön ohoyök. Mewöŋanök zioz galöm, babafi aka nup meme ambazip tosatŋan denöwö aka malgetka dop köljawi, miangö keu arenji mi jim asariba ohoyök. Teteköŋe keu bohonji karöbutnji miangören Timotigöra goro keu tosatnji ohoyök. Undumŋi yanön mönö denöwö Jisös Kraistkö welenqeŋe ölöŋji aka mötnarip ambazip kambunji kambunji enggöbisiba bauköm enggiiga dop kölmawi, miangö goronji ohom waŋgiyök.

Buk kiangö bahönji bohonji 3 mi kewö:

Keu mutuknji

Ziozgö nup meme yengören jimkutukutu

Timotinön nupnji memapkö jimkutukutunji

¹ Anutu, Amötqeŋe Tonini aka Kraist Jisösnön galöm köl nenggimapkö jörömqöröm al mamböt ak waŋgizini, yetköŋ Pol nönögöra jim kutuba kunguba melaim ningiyohotka aposol maljal. Kraist Jisösgö jitŋememe mewönji aka göbuk keu eraum mötpitköra kimbi ki ohozal.

² †O Timoti! Gi urugi melenja Jisös möt nariba mötnaripkö nahön sorokni aka maljan. Iwi Anutu aka Kembunini Kraist Jisös, yetköŋ mönö ak kömumba kalem möriam gihiyohotka luainön malman.

Enjololon kusum enggibepukö galöm meme keu

³ Masedonia prowinsnön anmamgö ahali, nalö miangören kewö jim kutum gihial, 'Gi mönö Efesus sitinön toroqeba mala urumelen kambu bauköm enggimakŋan. Tosatŋan mötnaripkö keu kembangji tosatnji kusum sohomakzei, mi toroqeba akepuköra galöm mem aŋguba malme.' Mewö jim kutum enggiba malmangöra jial. ⁴ Tosatŋan bem sambannji sambannji aka ambösakon yengö qet arenji arenji mi tetekönji qahö eraum mötketka supapköiga aŋgururuk aka keu qeqesi omanji asuhui mötmörimakze. Yanön urunjin mi-

angören ala sohobepuk. Keu sinŋi sinŋi jiji mewönji mi qahöpmahöp bauköm enggimapkö, Anutugö malmal arenji mi kewö ahöza, 'Kunŋan Jisös möt nariba urunji melenjiga yanön mönö i amöt qem waŋgiiga letotma.' Merak mewö ak enggimangöra kunbuk uruwahöt keu jim gihizal.

⁵ Jim kutum gihizali, miangö tohotnji mi urujöpak. Nönön urukalem ahumapköra bim qeba kewö jim tarim enggiba malmangö kungum gihizal: Yanön urunjan saraknji ahömapköra galöm köl aŋgugetka mötmöt bölöŋan mi qahö gwözöŋma. Qahö gwözöŋniga Anutunön saŋep alakzawi, mi urukezapŋinan ölöŋ möta malme. Mewö mala Kraist törörök möt narigetka Anutunön mönö urukalemŋi urunjine ali ölöŋ ahumakŋa. Urujöpak miangön sutŋine ahumapkö kapar kölakzal.

⁶ Tosatŋan Anutugö malmal arenji mi ŋingiba janjuŋ aka oyondewedewet keu omanji omanji laŋ jimakze.

⁷ Yanön Anutugö Köna keugö böhi malbingö mötsemö, nanŋinak keugö könaŋi qahö möt asariba mesohol kölayök jimakze. Öne ambazip ŋejine awösamakak kinda keu laŋlaŋ köhöiba jiba bim qemakze.

† 1.2 Apo 16.1

⁸ Anutugö Köna keu mianjön mönö ölop soroknji akza. Mi könananjögö dop törörök kusum anjuba wu-atangöinga ölop möhamgöm nengimakza, mi mötzin.

⁹ Anutu Köna keunanjögö könanji mönö kewö möt yaköme: Mi ambazip solanji diñdiji yengöra aka qahöpmö, Anutunöñ mi ambazip gonjonji mindingöm engimapköra aka ali ahöza. Tosatjan gonjiba kewö ahakze: Iwilele jaubatbat aka keu qeba yanjisen qakne aum jesöksök ahakze. Anjögörak aka singisöndokjinambuk mala töndup Anutu nesampurek ak wangigetka urujini tölöhoba nöñongan malje. Iwinamnjini aka tosatnji enguget kömumakze.

¹⁰ Serowilin ahakze. Sodom taonöñ akeri, mianjögö dop köna onjita azi nanjirök aka ambi nanjirök amimakze. Ambazip mem bölim engimegöra qeraköba jöhömakze. Keu munen jimakze. Keu jiba jöjopañ keunöñ jöhöba töndup tilipkömakze. Anutunöñ ahakme diñdiji akingöra Ölöwak Buña nengiyöhi, mi inji wainji aka memba mianjön qetalakze. Anutugö Köna keu mianjön ambazip mötnaripkö köna diñdiji singimakzei, mönö i mindingöm engimapköra aka ahöza.

¹¹ Anutu, oyaenkoyaen Tonji yanjön mötnaripkö köna diñdiji mi Buña keunöñ ali ahöza. Nöñön Ölöwak Buñaji aködamunñambuk jim sehimangö möt narim ningiba Buña keunji mi al ningiyök. Mewö.

Polnöñ Kembu kalem möriamñanjögöra möpöseiza.

¹² Kraist Jisösnöñ uruni keworiga nupnji pöndañ memamangö dop nehi dop köliga nupnji ningiiga memakzal. Nup memamangöra kukösum ningiba mala kotzawi, mianjögöra Kembunini möpöseiba maljal.

¹³ †Nöñön mutuk Jisös mepaiköba alaurupnji ilita sesewerowero könöpuk ak engiba malal. Mewö malalmö, yuai mi Jisös qahö möt nariba silebile tönpin mala lañ aka memba malal. Singisöndok mewö aka malalanjögöra mönö ak kömum ningiiga kölonjaiba letoral.

¹⁴ Kembuninan kalem möriamñaji ningiba kelenmalelenj mokoiga nöngö qakne öngöyök. Mewö öngöiga mötnaripnan asuhuiga urujöpakö kondotkondot Tonji Kraist Jisös miwikñajal. Yambuk qekötahöba kinda urukalemñaji buña qem anjuba ambazip tosatnji urunan jöpaköm engimakzal.

¹⁵ Nöñön ambazip tosatnji pakpak engongita singisöndokö ambazip yengö sutjine ketanjanjini aka malal. Mewö malalmö, Kraist Jisösnöñ singisöndok ambazip amöt qem nengimangöra aka gölmenöñ erök. Keu kötnji mi nöngören öljambuk ahök. Mianjögöra keu kötnji mianjön mönö pöwöwöm köhöiknji akza. Mi ambazip körekmakörek möt nariba anjön kölbinanjögö dop akza.

¹⁶ Singisöndokö ambazip yengö ketanjanjini aka malalmö, Kraist Jisösnöñ ni kewögöra ak kömum ningiyök: Yanjön nömbuk uruluai qakne amöt qem ningiba Anutugö uru tandökñaji aukne asuhumapkö möt köhöiyök. Nöngö könanane ambazip tosatjan Jisös möt narimei, tandökñaji mi yengöra kondel engimangö

mörök. Mi kondel engiiga ölop amqeba urujini melenjda malmal köhöikñanjögö buñaya akne. ¹⁷ Ak kömum ningiyöhanjögöra aka Anutu möpöseimakzal. Yanjön Kiñ Kembu teteköñji qahö aka malma. Anutu mohotjan qahö göröñ qeiga kaisongolomñaji qahö ehakzin. Nöñön yanjögö qetbuñaji nalö dop möpöseibiga teteköñji qahö aködamunñambuk aka ahöma. Keu mi ölnja.

¹⁸ O mötnaripkö nahöni Timoti! Mutuk kezapqetok keu tosatnji göhöra jigeri, keu mianjön kötöngöm gihiiga ölop aködamungabuk aka malman. Keu mianjögö dop kewö jim kutum gihizal: Göñön mönö malmal sarakñaji malmangöra bim köhöikñaji qeba malman.

¹⁹ Bim qeba mianjögören mötnaripki söörauba sohobapuköra mönö töp meman. Urugi köyan köl anjünöñga mötmöt bölonjan qahö gwözöñniga Anutunöñ urukezapnöñ sanjep alakzawi, mi ölop möta malman. Ambazip tosatjan uru köyankölkölnjini mosöta lañ malgetka mötnaripñinan löwöriba köhömunji aka pömsöm qeyök. Wanjenöñ köwet töromnöñ kunjuba jömgözawi, mönö mianjögö dop kumkanjanjaji aka böliget. ²⁰ Mötnaripñinan pömsöm qeyöhi, yengö sutjine azi yahöt qetjiri Himeneus aka Aleksander maljahot. Nanak mindingöm etkimangö osiba urujini melenjmahotköra i Satangö böröñje al etkial. Al etkibiga Satangö kukösumñaji ahakmemenjanjögö dop möta urujiran sihimbölogöra löwöriiga melenjda mepaqepaik kunbuk qahö akahorak. Mewö.

Buña nupkö köuluk aren

2 Yuai bohonji mi köuluk nup. Nöñön mianjögö uruwahöt keunji jiba urujini kewö kunjuzal: Injini mönö ambazip körek pakpak engöra köuluköba kapan köla uleta Anutu qesim wangiba saiwap jiba malme.

² Kiñ azi kembu aka gawmangö galöm ambazip könanji könanji yengöra aka köuluköba malme. Mewö kötöngöm engigetka diñdijanök galöm köl nengigetka luai qakne gunböñjönjön malbin. Mewö mala Anutugö jitñi wuatangöba ahakmeme diñdiji aka memba malinga aködamunñambuk ahakña. ³ Köuluk nup mewöñji mianjön ölop soroknji akza. Mi Anutu, Amötqeqe Toninanjögö jemesoholje ölop dop kölja. ⁴ Yanjön ambazip körekñan Buña keu ölnji möt kutuba urujini melenjgetka amöt qem engii letotmegöra jitsihitñaji mörakza.

⁵ Anutu mohok-kun ahöza aka ambazip Anutubuk mindirim nengimapköra azi mohok-kun mewöyök ahöza. Azi mohot Jisös Kraist yanjön mönö mi köhöiiga tosatjan mi osimakze. ⁶ Yanjön singisöndok ambazip pakpak nengö sohpnini memapköra malmalñaji kölenjda mosörök. Buña keu mi Anutunöñ nalö ali tosatjan nalö törörök mianjögören könahiba nanjögöba jim asarigetka nengören kayök. ⁷ ††Mianjögöra aka Anutunöñ aposol akñamgö kunjuba melaim ningiiga kantri dop lilikömakzal. Ambazip Jisös möt narimegöra Buña keu ölbölnji jim asariba kusum engiba urujini

† 1.13 Apo 8.3; 9.4-5

†† 2.7.2 Tim 1.11

kunġum enġimakzal. Kōnani mewō jiba munen kun qahōpmō, keu ōlġa mewō jizal. Mewō.

Azi aka ambi yeŋgō malmal arenġini

⁸ Mianġōra jitsihitnan kewō jizal: Azi enġōn mōnō pōndaŋ miri dop tokoba kōuluk nup tōp memba malme. Yom kazik aka aŋgururuk mosōtketka uruġinan sarahiiga ōlōp bōrōġini mem wahōta Anutu kōulukōmakġe. ⁹ †Ambi enġō qambaŋ keuġini kewō jizal: Enġōn mōnō kinisōrōġini lōŋgōta silenġini tōrōrōk turuba malme. Opo sōrō sorokġi akōdamunġambuk mi mosōtme. Nōrōp ġupġini qeba gawasu kōnaġi kōnaġi kude ala minġiŋda ōġbōġ meme. Kōsatorom me goul mianġōn kude meŋlōm aŋgume aka lōŋgōlōŋgōt sōŋgōrōġi ketanġi mianġōn memba aiwelikqaiwelik kude akġe.

¹⁰ Akōdamunġini ōlġi mi ahakmeme ōlōpġi. Ambi Anutugō ġitġi oŋġitpinbukō keŋgōtġini mōta qetġi ġim aumakzei, enġōn mōnō nup ōlōpġi ōlōpġi jeġep kinda memakġe. ¹¹ Azinōġ kusum enġigetka ambi enġōn mōnō uruġini memba et al aŋguba Buġa keu ōsōġ mōta nesilam qakġe takpararak aka ġitnōġ sōhōp kude melenġmemō, mi urukōnōmġine ala malme.

¹² Ambi enġōn azi galōm kōla kusum enġimeġōra nōġōn 'Oŋ!' qahō jizalmō, tokoġetka ōsōġ keu bōk tatme. ¹³ ††Anutunōġ mutuk Adam miwikġaiba yaŋgō andōġe Iw (Ewa) miwikġaiyōk. ¹⁴ †Mokoleġnōġ Adam qahō tilipkōyōkmō, ambi mi tilipkōm waŋġiiga keu oŋġita šiŋġisōndok ahōk. ¹⁵ Tōndup ambi yeŋōn nup arenġini wuatāŋgōba morō memba Kraist mōt nariba ahakmeme sarakġi wuatāŋgōba urumelenġ alaurupġini urunōġ ġōpakōm enġiba ōsōġ malme ewō, Anutunōġ mōnō ōlōp amōt qem enġiiga letota Suepnōġ ōġġōme. Mewō.

Ziozġō nup galōm yeŋgō keu arenġ

3 Kunġan urumelenġ kōnagesōġō uru galōm pasto akġamġō ak waŋġizawi, yaŋōn mōnō nup sorokġi akōdamunġambuk miwikġaiba. Keu mi ōl tōhōnġa. ² †Mianġōra urumelenġ kōnagesōġō uru galōm nup-kōra mōnō azi kewōġi mōwōlōhōba kuŋġuġetka dop kōlma: Kungō silenġō kōpōsihitkō keuġi qahō, ambi mohot-kungō apġi, kekpurikġi qahō, ahakmemenġi tōrōrōk galōm kōl aŋġuiga ġōda qem waŋġimakze. Yaŋġōrenġ kamei, i ōlōp kōl ōrōba kōyan kōl enġiba mōtmōt tōrōrōk kusum enġimakza.

³ Kunōġ o kōhōikġi nembra bim laŋ qeba aŋgururuk aka moneġ membaġun memamġō kōpōsōŋġōmakzawi, i qahōpmō, kunġan ōlōp ambazip mutulaŋgōba mōkōlim enġiba ġuŋbōnġōnġōn ak enġimakzawi, mōnō azi mi kuŋġume. ⁴ Kunōġ nanġi anōm-morōurupġi ōlōp galōm kōla goro enġiiga nahōnbōraturupġan ġōda qem waŋġiba keuġi pakpak tem kōla malġei, mōnō ia kuŋġuġetka kinma. ⁵ Galōm azi kunġan nanġi saiwaurupġi galōm kōl enġimamġō qōtōtāŋgōza ewō,

† 2.9 1 Pitō 3.3 †† 2.13 Jen 2.7, 21-22 ‡ 2.14 Jen 3.1-6 †† 3.2 Tai 1.6-9

yaŋōn Anutugō urumelenġ kōnagesōurupġi mōnō denōwō kōyan kōl enġibawak? Mi mōnō osibawak.

⁶ Azi kunġan nalō kōrōpġi uruġi melenġda zeŋ kinġawi, yaŋōn ōlōp kutukutulaŋ galōm nup memenġina aka malma. Kunġan nalō tōrōpġi uruġi melenġda an kōl kam kōl aka tiwokmawok aka tōptōpġe qeba silenġi memba ōŋġōbapuk. Bōlōnāŋgō Toġan kezapġupġup aiga Anutunōġ keuġi ġim tekōba kōzōl waŋġii erōk. Mianġō dop enġō galōmġinan silenġi memba ōŋġōiga Anutunōġ i Satan ewō ġim tekōiga etpapuk. ⁷ Galōm kunġan urumelenġgō kopa yeŋgō sutġine qetbuġa ōlōpġi qahō bisibawak ewō, ambazipnōġ i laŋ ġim bōliġetka Bōlōnāŋgō Toġan mōtōp simbanġi ali mianġōn tōtekōi qeiga etpapuk. Mewō.

Ewanġelis aka Buġa nup ambazip yeŋgō keu

⁸ Buġa nup ambazip †† yeŋōn mewōyōk ambazipnōġ ġōda qem enġimeanġō dop taŋōrakġini qahō aka malme. Tosatġan keu ġōl yahōtyahōt jiba wain o ġwōt-puk nembra mōndōmōndō qakġe inġarere mala moneġ yuaigōra kaparġ kōlakzei, i mōnō kude kuŋġum enġigetka kinme.

⁹ I qahōpmō, ambazipnōġ mōtnaripkō keu ōlġi asa-asambōtġi Anutunōġ indelōhi, mi nōm tik memba mianġōrenġ qekōtahōba uruġinan tōlōhobapukōra galōm mem aŋguba sarakġi malġei, mōnō ia kuŋġum enġime. ¹⁰ I mewōyōk mōnō mutuk kewōt enġigetka keu jizalaŋgō dop kōhōiba kinġetka dop kōlma ewō, mōnō ōlōp kuŋġum enġigetka kinda Buġa nupkō ambazipġini aka malme. ¹¹ Yeŋgō ambiurupġinan ††† mewōyōk ambazipnōġ ġōda qem enġimeanġō dop taŋōrakġini qahō aka andōqeqe keu ġitnōġ yōhōsaŋ qahō jiba malmemō, kekpurikġini qahō mala yuai pakpak memburik-qemburikġini qahō memba malme.

¹² Buġa nup azinōġ mōnō ambi mohot-kungō apġi aka nanġi anōm-morō aka welenqeqeurupġi ōlōp galōm kōl enġimakġa. ¹³ Buġa nup ambazip nupġini ōlōpġanōk memakzei, ambazipnōġ i ġōda qem enġigetka qetbuġa ōlōpġi miwikġaime. Mi miwikġaiba ōlōp awōsamkakak kinda ambazip uruġini kuŋġuba ġisōs Kraist mōt naribingō keu mi kōhōiba ġimakġe. Mewō.

Anutunōġ Buġaġi asa-asambōtġi indelōk.

¹⁴ O Timoti, nōġōn zilaŋ ġōhōrenġ kaba ġekġamġō ġōrōmqōrōm al mambōt akzalmō, tōndup kimbi ki ġōhōra ohozal. ¹⁵ Nalōni qekōriiga kabilenġbukōra mutuk kimbi ki kewōġōra ohobi kaza: ġi Anutugō urumelenġ kōnagesōurupġi denōwō galōm kōl enġinōŋġa ahakmemenġinan diŋġiba ōlōwakġawi, mōnō qambaŋ keu mi oyoŋda mōtman. Anutugō kō-

†† Dikon mi azi aka dikones mi ambi, yeŋōn pasto qōhōrōġine baukōba nup memba urumelenġ kambu kōyan kōl enġiba Buġa keunōġ ġumohoba sileġō nup tosatġi memba mianġōn nanġōm enġimakze. Ewanġelis me urukunġukunġu ambazip yeŋōn sel yaieġepġe kinġei, yeŋōn uruġini melenġmēġōra Buġa keu kusuba mianġōn uruġini kuŋġuba goro enġimakze. ††† Buġa nup ambi aka Buġa nup azigō anōmġi yeŋgō ġimkutukutunġini ġiza.

nagesourupñi neñon Anutugö mindimindiri zioz selñi akzin. Malmal Tonji yanğoreñ qekötahöinga mindirim neñgiiga miri dop tokoba keu ölnji jim sehimakzin. Keu ölnjan böliba ösumñi etpapuköra miangö wötñi aka tandönji akzin. ¹⁶ Anutunön amötqeqegö könañi asa-asambötñi indelöhi, neñon Buña keu mi möt asariba kewö jim miwikñaimakzin:

Buña Tonji yanñon nanñak gölme azia aka sutnine asuhuyök.

Asuhuiga keu jakeñe albingö keuñi lañ jarum bibi-higetka Uña Törönjan könañi solanñi aukñe kondelök. Mi kondela meiga Kembu aka wahöta Suep garata galöm kölnjeñgiiga aködämunñi uba eket.

Mi eketka Anutunön wañgiri Suepnön öñgöba Anutubuk tata galöm kölnjeñgimakza. Galöm kölnjeñgiiga Buña keuñi mi kantriñi kantriñi liliköba jim asarigetka gwötñuk yeñon gölme dop möt narim wañgimakze.

Mewö jim miwikñaininga ölnja aködämunñambuk akza. Mewö.

Keu munenji kusum engigetka eñololon akza.

4 Anutugö Uñañan keu kewö jim asariiga törörök möt yaközin: Gölmegö nalöñan tekömamgö akñawi, nalö miangöreñ ambazip kelenmaleleñ yeñon mötnarip mosöta Kembu andö qeba ömewöröme yeñgö böröñine geme. Mewö gegetka ömenön sölölohöba kusum engim�akzei, mönö yeñgöreñ mötmöt wuatangöba eñololon aka siksauk malme.

² Siksauk mi kewö asuhuma: Tosatñan urumelenj sile-sile aketka Satanön aiwesökñi uruñine ain könöpñambuknön qekötahöba urukezapñini gwözöñniga köhömunji aiga keu munenji lañ jim sohomakze. ³ Yeñon ambazip kewö kusum sohom engim�akze, 'Urumelenj ambazip eñon mönö awanöm angömeme kude akñe aka nene tosatñi kude memba malme.' Mewö kusum sohom engim�akzemö, Anutunön nene pakpak mi nembangöra miwikñaiyök. Mi ambazip Anutu möt nariba keu ölnji möt yaközini, yanñon mi kötuatköiga ölop saiwap jiba nembangöra al neñgiyök.

⁴ Anutunön yuai pakpak miwikñaiyöhi, mienön mönö ölopñi akze. Mi andö qebinangö dop qahöpmö, yuai al neñgimawi, mi ölop saiwap jiba buña qem angubin.

⁵ Yuai ambazip jeñine dönqizinñambuk akawak ewö, mi mönö ölop Anutugö keu jiba köuluköinga ösumñan walöñda dom-amöt qeiga sawölñi akña. Mewö.

Kraist Jisösgö welenqeqe ölopñi mi kewö:

⁶ Göñon urumelenj ambazip mewö kusum engiba mala Kraist Jisösgöreñ Buña nup meme azi ölopñi aka malman. Göñon Buña keu wuatangöba mala kotzani, mi tosatñi kusum engiba nangak mewöñanök keu ölopñi mi aka mötnaripkö qambañ keu pakpak oyonñda mötmöriba miangön urugi gumohom anguba malman.

⁷ Gölmegö ambazipnön bem samban keuñi oyondewedewet jigetka Anutugö Buña keunön böbölohot akñamgö akzawi, mi mönö yaköriba andö qeman.

Mi andö qeba Kraist ewö aka malmangöra urugö kölguliguli aka malman.

⁸ Anutunön malmal nalö kewöñe gölmenön maljini, mi kötuatköm neñgiiga könañep oyaenñkoyaen malbingö jöhöjöhö alök. Mönahot angolat mi boromdökñanök sile guliguligöra bauköm neñgiba eretñi akzapmö, urugö kölguliguliñi mi tandönini bohonñi akza. Miangöra urugö likepñi pöndañ kölnjeñgiiga malnönñga miangön mönö yuai pakpak miangöreñ bohon köla nañgöm gihimakña. ⁹ Keu jizali, mi ambazip körekñanök möt angön kölnbinangö dop pöwöwöm köhöikñi akza. Keu pöwöwöm köhöikñi kun mi kewö,

¹⁰ "Anutu malmal Tonji yanñon ambazip körek pakpak amöt qem neñgimamgö mötza. Urunini melenñda möt narim wañgimakin ewö, mönö ölnja amöt qem neñgimakña. Mewö möt narizin. Nini tosatñan mewö asuhumapköra jörömqöröm mewöñi Anutu al wañgiba kindä nupñi memba silenini qeba aum-mörim�akzin."

¹¹ Ambazip keu miangö dop aka memegöra jim kutuba kusum engiba malman. ¹² O Timoti, kunön sepgwölö maljanangöra memba et al gihibapuköra mönö mötnarip ambazip sutñine silik ölopñi kewö kondel engiba malman: Keu ölopñanök jiba ahakmeme diñdiñi wuatangöba ambazip törörök jöpaköm engiba malman. Mötnaripkö kölguliguli pöndañ memba Anutugö nupñi mem sorokönöñga miangöra möt narim gihiba malme. Mewö sarakñanök aka menöñga ambazipnön ölop göda qem gihigetka malman.

¹³ Mönö pöndañ Urumelenjgö Buña Kimbi mi jegep oyonñda kapañ köla jim asariba könagesö uruñini miangön kuñguba kusum engiba malman. Nalö sutñi kiangöreñ mewö aka malnönñga nöñon kabiga dop kölnma. ¹⁴ Jitnememe yeñon böröñini göhö qake ala köulukögetka Anutugö kezapqetok keu göhöra asuhuiga Anutunön nup memegö mötmöt kalem gihiiga uruge ahözawi, mi kude köyatimanmö, miangö qakñe nup memba malman. ¹⁵ Kude köyatimanmö, Buña Kimbi oyonñda jim asariba kusum engiba malman. Yuai karöbut mi mönö kapañ köla jegep kölnjeñgiiga malman. Tañqañ qahö akñan ewö, urugahö töhötmöriamñan mönö qariiga köhöiba awösamkakak akñani, mi körekñan ek kutume.

¹⁶ O Timoti, mönö nangi uru silegi galöm kölnjeñguba urumelenj nup törörök kusum engimangöra galöm mem anguba malman. Mewö aka malman ewö, mönö nangi oyaenñkoyaen ak anguman aka keugi mörakzei, mi mohotñe oyaenñkoyaen ak enginöñga Suepnön öñgöme. Mewö.

Malö aka ambazip namñi mi kewö galöm kölnjeñgime:

5 Azi namñi mi köhöikñanök kude mindingöba jim wañgimanmö, iwiñi ewö qambañ keu ösön jinöñga mötma. Azi sepgwölö mi darumungi ewö ak engiba malman. ² Ambi namñi mi namurupki ewö qambañ engiman. Ambi seram mi nenurupki ewö ahakmeme sarakñi wuatangöba göda qem engiba malman.

³ Malö tinitosolomñini qahö mi mönö gödaqege qakñe ak engiba malman. ⁴ Malö kungö isimoröurupñi malje ewö, yeñön mönö mutukñi aka bohon köla i galöm köl wangime. Anutunöñ jim kutum nenngiyöhi, yeñön mönö miangö dop nanñini saiwaurupñini köyan köl engibingö könañi mötme. Iwinamurupñinan mutuk nalö köröpñi köyan köl engiba malgetka yeñön miangö kitipñi melenđa tosañini meköm engigetka Anutugö jeñe dop kölma.

⁵ Malö ambi ölnji, tinitosolomñi qahö nanñök maljawi, yañön mönö jörömqörömñi Anutu al wangiba i sundan dop sungem asak qesiba köuluköm wangimaksa. ⁶ Yañön mewö maljapmö, ambi malö tosatñan uruñinan könöwiiga sihim kömbönañinañgö dop yuai lañlañgöra böröjañ suhumakzei, yeñön gölmenöñ silebuk maljemö, töndup köhömuñi akze. ⁷ Miangöra malö yeñön sileñine köpösihitkö keuñi qahö ahöi malmegöra mönö mewöyök jim tuarim engiba malman.

⁸ Kunñan nanñi tinitosolomurupñi qahö köyan köla engömosöri garömisinñ maljei, yangö ahakmemenjan mönö bölim teköza. Yañön Kembu möt narizawañgö keuñi mi silikñan qañ köla urumelenğö kopa tandök onğita böliqöliba malja.

⁹ Urumelenğ könağesö enñön malö tosatñi kutukutulan aka köyan köl engimakzei, malö kunñan yengö areñöñ kañgotmapköra qequesi alma ewö, ambi mi mönö kewötme. Kewötketka kewö asuhuiga iyök mönö qet areñ miangöreñ toroqeba ohoba alme: Kunöñ yambuñi (yarañi) 60 onğita azi mohotkö anömña malök. ¹⁰ Mewö maliga tosatñan könañangöra kewö nañgöba jimakze: Yañön nup ölöpnji ölöpnji memba mala morö galöm köla goro enğiiga qariget. Ambazip kianñi miriñe köl öröba köyan köl enğiiga Kraistkö alaurupñi sarakñan kagetka uziñini sañgonđa esuhuba yaka tawenğ engiba malök. Wahöjalinğ uruñe malgeri, mi mem ölöwaka nup ölöpnji pakpak memamğöra uruñi pöndañ jöhöba jegep kinda malök. Malö mewöñi mönö areñ papianöñ ohoba köyan köla malme.

¹¹ Malö ambi namñi qahö, yengö qetñini mönö qet areñ papia miangöreñ kude alman. Mi albanak ewö, yengö sihim kömbönañinan könöp jeiga azi kunbuk mbingö mötmöñini ahum köhöiiga Kraist silek-malek ak wangiba zioz nup mosötpepuk. ¹² Mi mosöta mutuk Kraist tem kölbingöra jöjöpañ keuñini aukñe jim jöhögeri, mi qegetka pömsöm qeiga Kraistnöñ keuñini jim teköba gamu qem enğiiga önewat lañ malbepuk.

¹³ Önewat lañ mala toroqeba kewö bölibepuk: Miriñi miriñi lañ liliköba nalö ayuhumegö könañi möt angön kölbepuk. Toroqeba böliba luasö keu lañ jiba keu bapñe qahö anda nanñini imbi-imbi wuatangöba nup meme tandöktandök lilikqilik akepuk. Inöñ wainöñ lañ möndöba nup ölnji qahö memba tosatñi yengöreñ yuai mem sohobepuk. Keu tosatñi yengöreñ yuaia qahöp-mö, töndup mi öne lañ jim sehibepuk.

¹⁴ Mewö akepuköra sihimni kewö möta jizal: Malö ambi namñi qahö yeñön mönö azi memba morö memba nup miriñini galöm köla malgetka dop kölma. Mewö aketka tuarenjoñninan jim bölim nenngimamğö könañi jaruba mi qahö miwikñaima.

¹⁵ Malö tosatñan galöm qahö mem anguba lök Kraist andö qeba eta Satangö könañe wuatangöba malje.

¹⁶ Urumelenğ könağesö neñön mönö malö ambi ölnji, tinitosolomñini qahö maljei, mi köyan köl engibingöra ahakzin. Miangöra mötnarip ambi kungö tinitosolomurupñan malöya akzei, yañön mönö mi köyan köl engiba malma. Miangö lömbötñan mönö zioz kambu enğö qakñine kude onğöma. Mewö.

Ziozğö jitñememe mi kewö köyan köl engibin:

¹⁷ Jitñememurup urumelenğ könağesö ölop galöm köl engimakzei, enñön mönö miangö likepnji melenđa gödaqege onğöngöñi kondel engiba malme. Yengöreñök tosatñan Buña keu jim asariba kusum enğimakzei, miangöra mönö kötönñini toroqet onğöi engiba malme. ¹⁸ †Buña Kimbigö keu kunñan miangö könañi kewö jiza,

“Wit padigö kötnji aka kamböñi mendenğbingöra bulmakau aziñi wangitketka padi kambu qakñe tiba tözözamğömakzawi, yangö numbuñi mönö kude muzupköme. Mewö gumohom wangigetka ölop nene kitipñi neiga dop kölma.”

(Miangö dop kiamnöñ böröjañ memba sömbup meköi qegetka kitipñi wangiget neiga dop kölma.) Keu kun kewö ahöza,

“Kunöñ nup meiga tosatñan töwañi wangigetka dop kölma.”

¹⁹ ††Jitñememe kungö sileñe keu lañ ala jim wangigetka yahöt me karöbutñan mi qahö nañgöbeak ewö, i mönö keu jakeñe kude alman. ²⁰ Denike yeñön siñgisöndok ahakzei, gönön mönö i aukñe tembula jim enğinöñga körek pakpak keugi mi möta siñgisöndok akinbukö kengötnjini möta galömñini mem angumakñe.

²¹ O Timoti, keu ohoba jim kutum gihizali, mi mönö tem köla wuatangöba malman. Azi me ambi kun kude ek soriba tosatñi kude qepureim enğiman. Miangöra kungö keuñi mi qeljine lañ kude jöhöman. Ambazip körek pakpak mönö öröröñ kewöta ak enğiman. Mewö akñangö keuñi mi mönö Anutu, Kraist Jisös aka Suet garataurup sarakñi yengö jemesoholñine jiba mi jöjöpañ keunöñ jöhönöñga mötpi dop kölma.

²² Tosatñi yengö siñgisöndokñinan göhö qake onğögetka gamu miwikñaiabanbuk. Miangöra kunñan “Kembugö nup memam,” me “Urumelenğ kambu toroqemam,” jizawi, yangö könañamñi mutuk qahö kewöta börögi zilañzilañ yangö qakñe kude ala kötuatköm wangiman. Nangak sarakñi malmangöra mönö galöm köl anguba malman.

²³ O Timoti, gi nalö tosatñi kawöl ahum gihiiga “Yaiñ-main!” qeta ahakzan. Miangöra mönö oyök kude ne-

manmö, wain o tosatnji mewöyök nenönga kömöngoki bauköiga amqema.

²⁴ Keu kun kewö: Ambazip tosatnjan siŋgisöndok aketka zilaŋ aukne asuhugetka ambazipnönj eka qeljine jim tekögetka nalö kewöŋe gamuŋinambuk kinje. Mewö kinjemö, tosatnjan siŋgisöndok aka tölapköba mala könaŋgep Anutugö jeŋe aŋgotketka aukne asuhui jim teköm engima. ²⁵ Ambazip nup ölöŋŋi aködamunŋambuk memakzei, nup miaŋön mewöyök nalö kewöŋe aukneyök ahöza. Nup ölöŋŋi tosatnji aukne qahö ahöbeak ewö, mi mönö mewöyök tölapŋe ahöbingö osiba könaŋgep asuhugetka ekin. Mewö.

Welenqeŋe yengöŋeŋ qambaŋ aren

6 Welenqeŋeurupŋini pakpak tonjanŋgö mötöp bisiba nup töwaŋini qahö memakzei, eŋön mönö tourupŋini iwilele laŋ kude ak engimemö, gödaŋeŋe pakpak kondel eŋgibingö dop engeka malme. Eŋön mönö tosatnjan Anutugö qetŋi mepaiköba jibepuköra kapari köla kinme. Anutugö Buŋa keuŋi ambazip kusum engiinga mi engö ahakmemenjanŋgöra aka andö qegetka bölibapuk. ² Tourupŋini tosatnjan urumelen alaurupŋini akzei, miaŋgöra mönö gödaŋeŋeŋini mötket eretŋi akapuk. Mewö qahöpmö, tourupŋini welen qem engigetka nupŋini ölöwahakzawi, yeŋön Kraist möt narigetka wölböt ala ak engigetka miaŋgöra mönö kapari köla tourupŋinanŋgö keu bapŋe anda uruŋini nupnönj ala ölöŋŋanök memba malme. Mönö mewö jim kutuba kusum engiba malman. Mewö.

Buŋa keu jim sohogetka urukönöp akepuk.

³ Kembunini Jisös Kraistnönj urugö kölguliguli ak-ingöra Buŋa keuŋi neŋgiyöhi, neŋön mönö miaŋgö dop ambazip ölöwakŋegöra kusum engimakzin. Kunŋan Buŋa keu ölnji qiwitipköba keu kambaŋi murutŋi ambazip kusum engimakzawi, yaŋön mönö kopa akza.

⁴ Yaŋön silenji mem öngömakzapmö, keugö könaŋi qahö möt kutuza. Qahö möt kutuba mötnaripkö keu kambaŋi kambaŋi jim melenqelenŋa jitnakölik ahumapkö köpösöŋgömakza. Mewö möta tosatnji yembuk möndömkösök aketka ölnji kewö asuhuma: Likeplikep urunönj mututqutut aŋgururuk ak aŋguba uruqeŋe keu töhöŋeŋ jiba mem bölim aŋgubepukö sömbu mötmöt akze. ⁵ Mewö aka mötmötŋini sohoi kahapmahap aka malmal ölnjanŋgö könaŋi siŋgiba kewö mötmörimakze, 'Urunönj kölguliguli ahiŋa miaŋön döpnini aiga miaŋgöŋeŋ tiba moneŋ inap miwikŋaibin.' Mewö mötmöriba tokoba sundan dop jitnakölik eraumakze.

⁶ Mewö ahakzemö, neŋön Anutu Buŋanjanŋgö kölguliguli aka moneŋ inap ahöm neŋgizawi, miaŋön uru luai qem aŋgumakzin. Uŋa Töröŋan döpnini aka mem bönjönj ak neŋgimakzawaŋgöra mönö ölnja oyaenŋkoyaeŋ ketanji miwikŋaiba simbawoŋ maljin. ⁷ Miaŋgö könaŋi kewö: Nini mutuk böroninan yuai kun qahö mem-

ba öne töhöŋ gölmenönj asuhuin. Könaŋgep mewöyök börotak kömumba gölme ki mosöta anbin. ⁸ Mewö anbinmö, nalö kewöŋe nene aka opo maluku ahöm neŋgiiga miambuk mönö mem bönjönj aka luai qem aŋgumakin.

⁹ Mewö akinmö, ambazip moneŋ inap ketanji miwikŋaibingö mötzei, yeŋön mönö esapesapnönj simba ewö tötekögetka eta engumakza. Eta enguiga sihim kömbönaŋini bölöŋi bölöŋi mi gwötpuk ahuba uru eŋololoŋ mem engigetka kezapjupjup ahakŋe. Sihim kömbönaŋini goŋgoŋi mienön mönö öröm jöhöm engigetka ulupköba köndenmönden miwikŋaiba ayuhume. ¹⁰ Moneŋ inapkö sihim kömbönaŋi miaŋön mönö yuai bölöŋi pakpakö jalönj akza. Gwötpuk yeŋön moneŋ inapkö urukönöp möta lilikqilik aka janjuŋ aketka mötnaripŋinan pömsöm qeiga laŋ malje. Urukönöp möt bibihigetka miaŋön mönö wösöŋini qösöŋniga sihimbölä gwötpuk möta malje. Mewö.

Polnönj Timoti nupköra jim kutum waŋgiyök.

¹¹ Gwötpukŋan mewö maljemö, Anutugöŋeŋ azi gi mönö yuai mewöŋi mi qizingöba andö qeba malmal kewöŋi malmangöra kapari köla malman: Ahakmeme diŋdiŋi wuatangöba Anutugö malmal köhöikŋi kölguliba malman. Mötnaripkö kölguliguli pöndaŋ memba ambazip ölnja jöpaköm engiba malman. Mönö kapari köla köhöiba kinda ambazip guŋböŋjönjönj qakŋe ek engiba malman.

¹² Mönahot aŋgolat azinönj aongit miaŋgöŋeŋ luhut almapköra ösumŋi pakpak qezaköba anjawi, gi mönö miaŋgö dop mötnarip kölguliba aongit aködamunŋambuk miaŋgöŋeŋ köhöiba pöndaŋ bim qeba malman. Anutunönj malmal köhöikŋe aŋgotmangöra goholöhi, gi mönö malmal mi buŋa qem aŋguba qekötahöba malman. Malmal köhöikŋanŋgö buŋaya akzani, göŋön keu mi ölöŋŋanök jim miwikŋainöŋga gwötpukŋan mi möta ölöŋ nanŋgöba jimakze. ¹³ †Anutu yuai pakpak mem gulimakzawi, gi mönö yanŋö jeŋe könaŋamgi jim miwikŋainönj aka Kraist Jisösgö jeŋe mi mewöyök jim miwikŋainöŋga mörök. Jisösnönj premiö Pontius Pailötkö jemesoholŋe könaŋamŋi jiba keu ölöŋŋi jim miwikŋaiyöhi, mönö Kraist yanŋö jeŋe kewö jim kutum gihizal:

¹⁴ Gi mönö Buŋa keu kölguliba pöndaŋ tem köla wuatangöba malman. Mewö malnöŋga kunŋan siŋgiba bölimanjanŋgöra aka keu jim gihimamgö osima. Kembunini Jisös Kraistnönj kunbuk asuhumawi, nalö sutŋi kiaŋgöŋeŋ mönö urugö nup mewö memba malman.

¹⁵ Anutunönj oyaenŋkoyaeŋ Tonji aka nalönj ali kam kuŋguiga miaŋgöŋeŋ Jisös Kraist melaiiga aukŋe asuhuiga ekin. Anutunönj nanŋök Öŋgöŋgöŋamŋini aiga köreŋan yanŋö nembö bapŋe kinjin. Yaŋön kin kumbu yanŋö Kembunini aka pom jembon yanŋö bohönjini akza. ¹⁶ Anutu, oyaenŋkoyaeŋ Tonji yaŋön mohot nalö kunönj qahö kömuma. Yaŋön asakmararaŋ mire euyangöŋeŋ maliga körek neŋön naninak miaŋgöŋeŋ öŋgöbingö qaközin. Gölmegö kunŋan i jeŋan

† 6.13 Jon 18.37

qahö uba ehök aka ekñamgö osiza. Yanğö qetbuñanji möpöseininga kukösum Tonji aködamunñambuk aka nalö teteköñji qahö yuai pakpak galöm köla malma. Keu mi ölnja.

¹⁷ Ambazip pomñi nalö kewöñje gölmenöñ öñgöñgöñji maljei, göñön mönö i kewö jim kutum engiba malman: Sukinapnöñ nalö kungen qahöwak teköma. Mianğöra yeñön mönö uruñini mianğöreñ kude ala malme. Sukinap qakñe kinda aiweliköba söñgöröqök akze ewö, jörömçörömñinan mönö pöm-söm qema. Uruñini gölmegö ainemalukunöñ kude almemö, Anutunöñ yuai pakpak mianğöreñ köyan köl engimapköra al mambötketka dop kölma. Anutubuk qekötahöba kingetka ölop yuai könañi könañi malmal söñgaibingöra kelenmaleleñ neñgimakza.

¹⁸ Kewö jim kutum engiba malman: Yeñön mönö nup ölopñi ölopñi jegep kinda memba mewö mianğön aködamunñinambuk akñe. Anutugö jeñe aködamunñinambuk aka amqeba jöjöröba tosatñi bauköm engiba

kalem sehiba mendenđa malme. ¹⁹ Mewö Anutugö jeñe qetbuñaninambuk aka malmalgö guli dötnam ölnji miwikñaiba mem sehimakñe. Guli dötnam mewöñji mi malmalgö tandö wötñi köhöikñi akza. Mi mem sehiba galöm köla ölop könañep tandö wötñi mianğöreñ nanğöba kinda malmal ölbölnji buña qem anğuba malme.

²⁰ O Timoti, Anutunöñ möt narim gihiba nup memegö mötmöt kalem uruge alöhi, mi mönö nup-nöñ ala sohobapuköra galöm memba malman. Gölmegö keu oyoñdewedewet omanji aka anğururuk supapköba jigetka sohomakzawi, mi mönö mosöta andö qeba malman. Tosatñan "Mötkutukutu eraum mötpin," jiba keu sinñi sinñi jim sehiyetka anakza. Mötkutukutu ölnji mi mewö jim sohomakze.

²¹ Tosatñan mötmöt sohosohoñji buña qem anğuba jim miwikñaiba janjuñ aketka mötnaripñinan söroräuba löwöriba sohyök.

Anutugö kalem möriamñan mönö embuk ahöma.

2 Timoti

Jim-asa-asari

Polnön undumnji aka gwabö alabaukñi Timotigöra “Andö qambañi qöndökñi wañgimam,” jiba Buña Kimbi ki ohoyök. Keu arenji bohonji mi kapañkölköl. Polnön mi jim asariba urunji nañgöba qambañi kewö wañgiba ohoyök: Timoti göñön mönö pöndañ kinda Jisös Kraistkö könañi nañgöba jiba malman. Ölöwak Buña aka Jöhöjöhö Areñ Walñi mötzani, mönö miangöreñ qekötahöba miangö keunji ölbölñi mi ambazip kusum engiba urukunjugukunju nup memakñan. Tuarenjon ak gihigetka sihimbölö könañi könañi miwikñaiba mötpanak ewö, mönö töndup Anutunön nup gihiyöhangö dop mi kapañ köla memakñan.

Polnön galöm meme keu köhöikñi Timoti kewö wañgiyök: Tosatñan “gukmaulem qakñe aņgururuk omañi aka kezapjupjup ahakzei,” göñön mönö miangö keunön aņgota nalögi mösöhöba ayuhubanbuk. Aņgururuk keu mewönji mienön ambazip qahöpmahöp bauköm engimakzemö, ambazip kezap ala mörakzei, mönö i mem bölim engiiga ayuhume.

Polnön qambañ keunji pakpak nañgömamgöra nanñi malmalñangö kösohotñi ohoyök. Wuanöngöra aka denöwö nup arenji ala bim qeba malöhi, Timotinön miangö keunji ölum qebapuköra mi kewö jim asariyök, “Nöñön Jisös möt nariba lömböt möta mökösonda urukalem aka malal. Sesewerowero ak niñgigetka sihimbölö möta kapañ köla köhöiba kinal.”

Buk kiangö bahönji bohonji 5 mi kewö:

Keu mutukñi

Anutu möpöseiba Timoti qambañ wañgiyök

Goro aka galöm meme keu tosatñi

Pol öröm ureim ak wañgigetka malök

Kimbigö keu kötnji bohonji

1 Anutunön jitsihitñi jim kutuba Pol ni kunjum niñgiiga Kraist Jisösgö aposol akzal. Kraist Jisös-buk qekötahöba kininga malmal köhöikñi nenggimapkö keu jöhöyöhi, miangö Buña keunji jim asarimamgöra melaim niñgiiga maljal.

²†Timoti göñön mötnaripkö wölböt nahöni akzan. Nöñön göbuk keu eraum mötpitköra kimbi ki ohozal.

Iwi Anutu aka Kembunini Kraist Jisös, yetkö mönö ak kömumba kalem möriam gihiyohotka luainön malman.

Polnön Timoti urunji nañgöba keu jiyök.

³ Nöñgö ambösakonon Anutu welenni qeba malgetka nöñön toroqeba nupñi membige Anutunön “Dop kölja,” jiiga urukezapnan mewö mörakzal. Uruni sarakñi aiga Anutu möpöseimakzal. Möpöseiba sunjem asak köuluköba gi qösösök mötmörim gihimakzal. ⁴ Gömosötpiga sahötnöñga imbilgi eröhi, nöñön mi mötmöriba gekñamgö awöweñgöba kapañ kölakzal. Geka köisirik tatziga sösonñainön uruni kokolak qemapköra mötzal.

⁵ ††Göñön geñmon qahö ölña Jisös möt nariba maljani, keu mi urukönömne ahöiga mötmörimakzal. Mutuk abugi Lois aka namgi Yunis yetkö urunji meleñnohotka mötnaripñiran ahuyök. Yetkö andöñjire göñön mewöyök aka maljani, mewö möt narim köhöizal.

⁶ Miangöra ikmaok malbanbuköra keu kewö köl gulim gihizal: Nöñön mutuk böroni nöropke ala köuluköbiga Anutunön nup memegö mötmöt kalem gihiga uruge ahözawi, mi mönö mem gulinöñga könöp bölam ewö köhöiba jeba qahö ilij alma. ⁷ Keu ki mötmörinön anök: Anutunön Uña Törönji mi ziriñziriñ aka qarösömbu mötpingöra qahöpmö, nanñi kukösungö Uñani niñgiiga ölop uruninan jöpaköm aņguba ahakmemenini törörök galöm köl aņguba kinbin.

⁸ Miangöra Kembuninañgö keunji nañgöba jim sehimamgö tañqañ kude akñan. Mewö qahöpmö, mönö ni ewö aka malman. Nöñön Kembugö nupñi memba malbiga miangöra kösö mire al niñgigetka tatzalmö, töndup nöñgöra aka gamu kude möta malman. Mönö köhöiba ni ewö awösamkakak kinda urugö nup memba malman. Ölöwak Buñaqöra aka aņgösirip ak gi-

† 1.2 Apo 16.1

†† 1.5 Apo 16.1, 11; 1 Tim 2.7

hibeak ewö, mönö miangö sihimbölöni möta mökösoñda bisiba malman. Anutunöñ kukösum gihi-makzawangö dop mi ölop nömbuk mohotje kapañ köla bisiba malbit.

⁹ Anutunöñ möpñangö möpñe Suep gölme qahö mi-wikñaim etkiba nalö miangöreñ neñgöra mötmöriba areñ kewö alök: Anutunöñ Kraist Jisösgöra aka kalem möriam neñgima. Areñ mi ali ahöiga mala kota mal-getka nini ahuin. Ahuinga Anutunöñ nini yangö buñaji aka sarakñi malbingöra neñgohola amöt qem neñgiyök. Naninak yuai ölopñi ahinangöra aka qahö möwölöhöm neñgiba neñgoholökmö, nanñi areñ walñi mi wuatangöba kinda neñgoholök. ¹⁰ Areñ walñi miangö ölni mi nalö kewöñe aukñe asuhuyök. Amötqeqe Toninan asuhuba Anutugö kalem möriamñi mokom neñgiyök. Kraist Jisösnöñ asuhuba kömupkö ösumñi qeba tulumgöi eriga Ölöwak Buñaji indeliga asariyök. Buñe keu mi möt nariba ölop malmal kömbönañi miwikñai ba teteköñi qahö köhöiba mala nalö kunöñ qahö kömum köhöibin.

¹¹ Anutunöñ ni Ölöwak Buñe jim asariba ambazip kusum enjgimangöra kunjgum niñgiiga melaimelai azi aposol akzal. ¹² Aposol akzalanğöra aka nupñi köhöiba membiba angösiripñi bisiba sihimbölö mörakzal. Suep Azi möt narim wangim�kzali, nöñön yangö könañi ölop möt yaközal. Miangöra awösamkakak kinda gamuni qahö mörakzal. Qahö! Anutunöñ möt narim niñgiba Buñe nupñi al niñgiyöhangö dop ni galöm kölni niñgimapakö köhöiba malma. Mewö maliga nupñan qahö sohoba eriga mal öngöba nalö ketane angotpin. Mewö möt narim köhöizal. ¹³ Mötnaripkö keu urunini möhamgömapkö köhöizawi, nöñön keu ölni mi kusum gihibe silik ölopñi kondel gihibe malal. Mi mönö uru könomge ala wuatangöba malman. Nini Kraist Jisösbuk mohot kininga jöpaköm neñgim�kzawi, göñön mönö urukalem miangö uruñe malman.

¹⁴ Anutunöñ geke möt narim gihibe yuai ölopñi pakpak gihiiga buñagi akzawi, miangön lolonqalonğ aka sohobapuköra mönö mi galöm memba malman. Uña Töröñan urunine kinda maljawi, mönö yangö kukösum qakñe yuai ölni mi galöm kölnöñga kahaimök ahöma.

¹⁵ Eisia prowinsgö neñakurupni yeñön körek nömosöta andö nunjuget, mi mötzan. Azi qetñiri Figelus aka Hermogenes yetköñ yeñgö sutñine maljahot.

¹⁶ Tosatñan nömosötketmö, Onesiforus yangön qahö. Miangöra Kembu, gi mönö Onesiforusgö saiwaurupñi ak kömum enjinöñga malme. Azi miangön mönö nöngö tapepñangöra (mungamungga) sisit gamu qahö ak niñgim�kzapmö, nalö gwötpuk miangöreñ köro-ölöwak qem niñgiiga imbini böñjön kölökö. ¹⁷ Onesiforusnöñ Rom sitinöñ ki kangota nalö miangöreñök nöngöra kapañ köla jaruba mala miwikñaim niñgiyök. ¹⁸ Yangön mutuk Efesus sitinöñ denöwö baukbauk ketanñi ketanñi aka mem amqem niñgiba malöhi, mi nangak ölop möt kömuzan. Miangöra nalö ketane Kembugö qöhöröñe angoringa Onesiforusnöñ ak-kömükö-mugö töwanñi miwikñaimapaköra köuluközal. Mewö.

Kraist Jisösgöra mönö bim qeba malman.

² O mötnarip nahöni Timoti, gi mönö Kraist Jisösbuk qekötahöba kalem möriam uruñe böñ qeba köhöiba kinman. ² Nöñön Buñe keu kusum gihibiba gwötpukñan neka nangöba jiget mötnöñi, mi ambazip möt narim enjgengigö dop akzei, mönö yeñgö buñaya ahömapköra al enjgiman. Mewö al enjinöñga ahöi ölop ambazip tosatñi toroqeba kusum enjgimeangö dop akñe.

³ O Timoti, gi mönö Kraist Jisösbuk kinda yarö azinñi aködamunñambuk aka kapañ köla köhöikñanök bim qeba malman. Angösirip ak gihimei, miangö sihimbölöni mönö möta mökösoñda bisiba malman. ⁴ Yarö azigö tandökñi kewö: Suahö galöm bohonñinan azi enjgömeiga yarö kambugö areñnöñ angota anda kaba nup töp memba maljei, yeñön mönö körek galömñinan jim kutumakzawangö dop tem köla akingö jöjöröba kinje. Mewö kinda nanñini malmalgö nangö-nangögöra yuai kun qahö memba malje. Uru deñqen qahö malje.

⁵ Miangö dopkeuñi kun kewö: Mönahot angolat azinöñ aongitnöñ angota jimkutukutu galömgö keuñi ongita ösumñan lanğ anjawi, yangön mönö aködamunñambuk qahö akñe. Yangö nöropñe luhut alalgö ila kun qahö kölngetka gema. Miangöra gi mönö diñdiñanök anman. ⁶ Mewöñanök kölkömöt azinöñ nup lömbötñi meiga ölni asuhuiga mutuk anda jeñi qeba neiga dop kölnma. Tosatñan löwörigeri, yeñön yangö andöñe kame. Gi mönö miangö dop köhöiba nup memba malman. ⁷ Keu ohozali, mi oyöñnöñ lömböriiga Kembunöñ mönö mötkutukutu gihiiga mi pakpak ölop möt asariman. Miangöra mi mönö uru könomge ala mötmöriba malman.

⁸ Mönö Jisösbuk Kraist mötmöriba malman. Nöñön Ölöwak Buñe jim asarim�kzali, Jisösnöñ keu miangö dop kiñ Deiwidkö gwölöñarökñe ahuha Amötqeqe Toñi aiga Anutunöñ mem gulii kömupnöñök wahörök.

⁹ Nöñön Ölöwak Buñe keu kapañ köla jim asariba angösiripkö sihimbölöni mötpiga kegwek-kahasililiñ azi ewö kösö gwarö mem niñgigetka tatzal. Mewö tatzalmö, Anutugö Buñe keuñi mi mönö qahö jöhöba gwaröhöget. ¹⁰ Könañi miangöra aka nöñön sihimbölö pakpak möta mökösoñda köhöiba kinjal. Anutunöñ ambazip nanñangöra möwölöhöm enjgiyöhi, nöñön mönö yeñgöra aka kapañ köla bim qeba maljal. Kraist Jisösnöñ amöt qem enjii yeñön mewöyök letota oy-aenqoyaenğ akñegöra mötjal. Uruñini melenğda malme ewö, mönö Suepkö asakmararañnöñ öngöba teteköñi qahö köhöiba mala mal öngöme. ¹¹ Keu ki mönö pöwöwöm köhöikñi akza,

“Nini urunini walñan yambuk mohotñe kömui maljin ewö, mönö mewöñanök yambuk köhöiba malbin.

¹² †Yambuk mohotñe sihimbölö möta mökösoñda maljin ewö, mönö mewöñanök yangö bemtohoñ uruñe yambuk galömkölköl akin.

† 2.12 Mat 10.33; Luk 12.9

Nini i qañ köljini ewö, yañön mönö mewöñanök qañ köl neñgiba neñgehöröñ köлма.

¹³ Nini andö qem wañgiinga likepñi melen neñgimapkö keu jöhöi ahözawi, yañön mi qeapkö-mamgö osima.

Mindingindin aka nanñi könañi utekömamgö qötö-tañgömakza.

Miangöra peksek aka keunini pöndañ qahö wu-atangöbin ewö, yañön mönö töndup (misila) keunji pöndañ wuatangöba miangö dop ak neñgima." Mewö.

Anutugö Buña nup azi kewö aka malman:

¹⁴ O Timoti, keu ki ölüm engubapuköra mi mönö jim gulim engiba Anutugö jemesoholñe kewö jim kutum engiba malman: Mötnaripkö keu imbiñi imbiñi mi mönö melenqelenđa möndömkösök kude akñe. Jit-nakölik mönö qahöpmañöp bauköm neñgimazapmö, tosatñan goranora keu mewöñi möta eñololon aketka mötnaripñinan sohoi ayuhubepuk. ¹⁵ Göñön mönö Buña nupkö esapesap könañi könañi mi luhut alnöñga Anutunöñ geke "Dop köljani," jimapköra kapañ köla kinman. Gi Kraistkö nupköra gamu kude möta malmanmö, Buña keu öñi mönö törörök mendenđa uruñini kuñgum engiba malman.

¹⁶ Gölmegö keu oyoñdewedewet omani omani mi mönö yaköriba andö qeman. Tosatñan mi sehiba jiba mala mewö miangöñ gölmegö angöjörakñe qekötahöba Anutu toroqeba nöñöñgan aka kahapmahap ahakze. ¹⁷ Uzi köhöikñi (qetñi kensö) miangöñ busu siribuk qem qariba yöhöba anakzawi, yeñön miangö dop keu omani jiba miangöñ ambazip mem bölim engimake. Yengö kambunöñ azi yahöt qetñiri Himeneus aka Filetus maljahot. ¹⁸ Yetköñ keu öñangö könañi mosöta janjuñ aka keu sinñi kewö jimakzahot, "Urumelen ambazip neñön lök guliba wahöta maljin. Miangöra könañgep kömupnöñök kunbuk qahö guliba wahötpin." Mewö jiba tosatñi eñololon mem engiyohotka mötnaripñinan bölimakza.

¹⁹ †Mewö bölimakzappmö, Anutunöñ tandö pöwöwöm köhöikñi kuñguyöhi, miangöñ mönö töndup qahö uruba kinja. Miangö muñgemñi mi kewö ohoget ahöza, "Kembunöñ nanñi buñañi akzei, mi ölop möt kutum engiza." Muñgemñi kun kewö, "Ambazip Kembangö qetñi memba qetzei, yeñön körek mönö ahakmeme bölöñi qem yaköriba malme."

²⁰ Miri ketanji miangöreñ jout, kimbut, alnene, umnene könañi könañi ahöza. Tosatñan ipnöñ aka gwaköm gölmenöñ memeni, mi nalö dop memba nupnöñ alakzin. Tosatñan goul aka silwönöñ memeni. Aködamunñambuk mewöñi mi sösongai nalöñeyök nupnöñ alakzin. ²¹ Miangö dop kunñan keu omani mosöta nanñi köñ köñjörat mem anguzawi, yañön mönö kimbut goulnöñ memeni kun ewö akña. Toñan i memba nup aködamunñambuknöñ ali memakña. Mi meiga töhötmöriamñambuk aiga Ketañamñan yañgöra söñgaimakña. Anutunöñ mem sarahim

† 2.19 Jan 16.5

wañgiiga titingitñi kinda nup ölopñi pakpak memamgö jöjöröba kinma.

²² Sepguli malmalgö sihim kömbönañi bölöñan galöm ak ghibapuköra mönö galöm mem anguba malman. (Nupkahö öñan etpapuköra mi jizal.) Esapesapnöñ öröm gihimakzei, mi mönö qizingöba andö qeba malmal kewöñi malmangöra kapañ köla malman: Ambazip uru sarakñangö qakñe Kembu bauköm engimapköra qerakzei, yembuk mönö ahakmeme dinñinji wuatangöba Anutu törörök möt nariba öñga jöpaköm anguba luainöñ malme.

²³ Tosatñan kezapjupjup keu jiba oyoñdewedewet ala jitnakölik aketka goranora angururuk asuhumakza, mi öñga mötzan. Miangöra mi mönö yaköriba andö qeba malman.

²⁴ Kembangö nup meme azi akzawañön mönö angururuk akñawangö dop qahöpmö, ambazip körek guñböñjönjön qakñe ak engiba amqeba kusum engiba malma. Angösirip ak wañgigetka mi köhöiba mökösonga malma. ²⁵ Tosatñan tuarenjön ak wañgigetka i ölop uruluai qakñe mutulangöba mindingöñ engimakña. Mewö ak engiiga Anutunöñ uru mölöwörim engiiga ölop Buña keu möt kutuba uruñini melenbeak. ²⁶ Tuarenjön ambazip yeñön Bölöñi Toñangö mötöp simbanöñ tötekögetka gwaröhöm engii jitiñi tem köla ahakze. Mewö aka imbiñini möta urumötmöñini ahuiga yañgö kösönöhök lolohoba etpeak. Mewö.

Nalö teteköñe malmal böliba angöjörakñambuk akña.

3 Keu kötni ki mönö möt kutuba malman: Jisös kaka nalöñan töriiga ambazip könañamñinan böliiga teteköñe malmal kanjamñambuk kewö asuhuma: ² Ambazipnöñ nanñinangörök mötmöriba monerñ yuai girinjabak membagan membingö nepaqepalok (gridi) köpösöñgömakñe. Silenñini möpöseiba korua ewö ginginñini tööreiba söngöröqök mala uruqeqe keu töhöreñ lañ jimakñe. Iwinamñini yengö jitiñini qahö tem köla yuai ölopñangöra saiwap qahö jiba nemsep-pamsep (nem-hölölök) ahakñe. Anutugö nesampurek nöñöñgan ahakñe.

³ "Nanñi lömböra," jiba wösö mötmöt qahö ahakñe. Tosatñi yengö siñgisöndokñini qahö mosöta miangö urubölöñi bisimakñe. Andöqeqe keu yöhösañ jiba nanñini qahö galöm köñ anguba ambazip lapköba öröm ureim ak engimakñe. Ahakmeme ölopñi tököba miangö ölan engöhömakña.

⁴ Mamalolo aka nanñini imbi-imbi wuatangöba jaubatbat ahakñe. Söngöröqök mala jakbä-öräñbörañnöñ uruñini uwutapköiga urukönöp ahakñe. Silegö sihim sösongainañangöra gwötpuk ak engiiga Anutugöra mötket eretñi aiga göragöra ahakñe. ⁵ Anutugö Buña nup bahösapsap bisiba silebile memba Sonda areñ lañ wuatangöba möndö-makzemö, ahakmemeniñan Anutugö kukösumñi mi je köndat qeba qañ kölakze. Ambazip mewöñi mi mönö jabö ala qizingöba andö enguba malman.

⁶ Yengöreñök tosatñan lañ liliköba ambazip mirinje

öngöba kelök keunöj uruqeqe mem enggiba kezapñini kumbaumakze. Kumbaumakze ambi tosatñan löwöriba yengörej qekötahömakze. Ambi singisöndokñinañgö gamugöra et enguiga sihim kömbönañini könañi könañi mienjön yeyasenñeñ mem enggigetka siksauk akzei, yeñön i bawian mönera aka köpeim enggigetka keu mötöñjine et engumakza.

⁷ Ambi mewöñi mienjön möt lömböriba sundan keu kusum enggimegö möndöba mörakzemö, Buña keu ölnañgö könañi mi nalö dop möt kutubingö osimakze.

⁸ †Ijpt kantrigö tirip qözölqözöl azi qetñiri Janes aka Jambres yetkön Moses tuarenjor ak wañgiyohot. Takapulaka ambazip yeñön mietkö dop Buña ölnañgö tuarenjor ahakze. Ambazip mewöñi yengö mötmötñinan sohoiga kahapmahap akzei, mienjön Anutunöñ mötnariñjini esapköi et enguiga Kembubuk kinkinñinan sööreima.

⁹ Nalö töröñji silenini memba öngömemö, nupñinañgö ölni mi nalö qahö köriiga pömsöm qema. Ijpt azi yetkö könañamñiran aukñe asuhuyöhi, yengö uruqahöñinañgö könañan mönö miangö dop aukñe asuhui ambazip körekñan ek asarime. Mewö.

Polgörej jimkutukutu keu teteköñi

¹⁰ Yengörej mewö asuhumapmö, nöñön malmalnanñgö tohotñi murutñi kuñguba areñ alal. Ambazip Buña keu kusum enggiba ahakmemeni aka memba malali, göñön mi lök eka möt kömuzan. Malmalnanñgö tohotñi wuatangöba mötnariñkö kölguliguli pöndañ memba sihimbölö mökösoñda malali, miangö kösohotñi jiba jigetka möt sölöngözan. Urumeleñ alaurup urunan jöpaköm enggiba malal. Tuarenjor angösirip ak ninggigetka miangörej kapañ köla köhöiba kinda malal. ¹¹ ††Sesewerowo kahasililiñ könañi könañi ak ninggiba malgeri, mi mötzan. Antiokia, Aikoniam aka Listra taon karöbut miangörej sihimbölö nöñgö qakne öngöiga wahöjalij mörali, mi yuai kanjamñambuk ahök. Iwinangö jitñi! Angösirip mökösoñda bisiba malalmö, Kembunöñ mi pakpak miangörejök meköm ninggiyök.

¹² Keu ki mötnöñ: Ambazip Kraist Jisösbuk mohot kinda malmal köhöikñi mala miangö kölguliguliñ akingö mötzei, yeñön körek sesewerowo miwikñaima. Ni angösirip ak ninggiget ewö, tosatñi iñini mewöyök ak enggime. ¹³ Tirip qözölqözöl ambazip bölöñi Buña nup silesile memba öñömböböp akzei, yeñön toroqeba bölimqölimakñe. Yeñön ambazip tosatñi tilipköm enggiba nanñini mewöyök tilipköm anguba malme.

¹⁴ Yeñön mewö malmemö, Timoti gi Buña keu ölni möta uru könömge ala möt narim köhöizani, mönö miangörej toroqeba böñ qeba kin köhöiba malman. Denike yeñön kusum gihigeri, göñön yengö könañamñini möt kutuzan. I möt narim enggizanañgöra mönö Buña keu töp memba kude sööröba mosötman. ¹⁵ Urumeleñgö Buña Kimbi Töröñi mi morökötkeyök möt sölöngöba mala kotzan. Göñön mönö mi oyonñda mötmöriñgö mötkutukutugi asari-

iga miangö qakñe kinda Amötqeqe Tonangö könañi möt asariman. Mi möt asariba Kraist Jisös möt narim wañginöñga amöt qem gihiiga toroqeba letota malman.

¹⁶ Anutunöñ Buña Kimbigö keunji pakpak mi ambazip tosatñi sölölohöm enggii ohogetka kewö mem ölöwak nenggimapköra aka ahöza: Mi oyonñga Anutunöñ urunine sölölohöba köna ölni kusum nenggiba bölöñamñinañgöra tembula jim nenggiba mindiñgöm nenggimakza aka malmal solanñi malbingöra goro nenggiba köl gulim nenggimakza. ¹⁷ Anutugö ambazip neñön mi oyonñda köl guliba Anutu jitñangö dop köhöiba aködamuninambuk aka nup ölöñji pakpak membiringö jöjöröba malbin. Mewö.

Polnöñ nupñi undumñi Timotigö qakñe alök.

4 Kiñ Kembunini Kraist Jisösnöñ asuhuba jebuk malbini me kömumba ahöbini, nengö keunini kewöta jim teköba tosatñi nini bemtohoñe ala galöm köl nenggima. Nöñön Jisös mi aka Anutu yetkö jemesoholñire kinda gi urugö nup memangöra jim kutum gihizal. Mi wuatangömangö jiba keu mi jöjöpañ keunöñ jöhönöñga mötpi dop kölma.

² Kewö jim kutum gihizal: Göñön Buña keu jiba ambazip uru kuñgum enggiba malman. Mötmegö nalöñini dop köl enggiza me qahö dop köl enggiza, mönö töndup kapañ köla wahöta keu jim asariba malman. Ambazip bölöñamñinañgöra jim enggiba mindiñqindiñ aka galöm meme keu jiba uruwahöt keu enggiba malman. Keu mötme me qahö mötmea kun, mi töndup mönö mökösoñda kinda köna ölni nalö dop kusum enggiba malman.

³ Neñön mötnariñkö keu nalö kewöñe ambazip ölöwakñegöra kusum enggimakzinmö, nalö murutñi kun kam kuñguiga miangörej mötnariñkö keu kemañi kun mötpepuköra tököba kezapñini gwözöñ akñe. Keu murutñi murutñi mötpingö kezapñini köröñji köröñji aka aziña azi sesegilgil öröm enggigetka kaba ambazip keu i me wai mötpingö sihimñi mötzei, miangö dop kusum enggigetka malme.

⁴ Mewö mala Buña keu ölni mötpinbuköra nöñöñgan aka kezapñini gwözöñda bem sambannji sambannji lañ jiji jimakzeangörej göröken melenñda mi kezap ala möta malme. ⁵ Malmal mewö me mewö uteköba asuhumawi, Timoti gi mönö töndup böñ qeba zeñ kinda ahakmemegi törörök galöm köl anguba malman. Angösirip ak gihimei, miangö sihimbölöñi mönö mökösoñda bisiba malman. Urukungukungu (ewanjelis) azigö nup areñ mi körek dop köla mem teköman.

⁶ Nalö köröñji bauköm gihimangö osimamañgöra mewö jizal. Tandö lopioñ möpöseibingöra sömbup qeba jakenöñ ala ohogetka köwakñöñ öngözapma. Miangö dop nöñön malmalni Anutugöra ala kölenñda nupñi memba malalañgöra gawman yeñön keuni jöhöba nuñgugetka nani sepi mokomamgö dopdowizal. Gölme ki mosötmami, miangö nalöñan lök kam kuñgumamgö dopdowiiga mötza.

⁷ Mönahot anjolat azinön ösumtiti aongit nalöne luhut almamgöra ösumnji pakpak qezaköba tiba anjawi, nöñon miangö dop mötnarip köl guliba aongit aködamunñambuk ak teközal. Kraist möt narimamgö keu jim jöhöyali, mi qahö köyatiba qañ kölmalmö, miangö bimñi mönö pöndañ köhöiba qeba malal.

⁸ Kembunön jimtekötekö Tonji diñdiñi aka malmalni kewöta solanñi aka malali, miangö ila soromñi mi jim teköm niñgiiga nöñgö mamböt ahöza. Kembunön lil-ingöba kamawi, nalö miangöreñ mi niñgiba imbine köli geiga qetbuñanambuk akñam. Mi nöñgörök qahö niñgimapmö, ambazip jöpaköm wañgiba kunbuk asuhumapkö al mambörakzei, mi yeñgö imbiñine mewöyök köli gem eñgima. Mewö.

Neñakurupnan nömosöta qeñgalanğa kölget.

⁹ †Nalö kewöne gölmegö ahakmeme aka memakzei, neñakni Demas yañön urunji miangöreñ jöhöba nömosöta Tesalonaika sitinön anök. Neñakni Kresens yañön Galesia prowinsnön anök. Taitusnön Dalmesia gölmenön anök. Miangöra gi mönö zilañ nöñgöreñ kamamgö kapañ kölman. ¹¹ ††Luk yañön nanñök nömbuk maljit. Maknön welen qem niñgimapköra gwötpuk möta yañgöra osizal. Miangöra Mak wañgita mohotñe kamahot. ¹² †Neñakni Tikikus melaim wañgibiga Efesus sitinön anök. ¹³ Troas taonön mala malukuni azi qetñi Karpus yañgö mire mosörali, mönö mi memba kaman. Mewöyök kulem lama silenñe ohoba lipiñgeri, nöñgöreñ lama sile mi mönö kapañ köla meman aka miangö andöñe buk tosatñi mi mohotñe memba kaman.

¹⁴ ††Aleksander, silwö kopö ohom qeköqekötahö azi mötzani, yañön bölöñi könañi könañi gwötpuk ak niñgiba malök. Kembunön ahakmemenji kewöta miangö dop likepñi melen wañgiiga qakñe öñgöi sihim-

† 4.9-10 Kol 4.14; Flm 24; 2 Kor 8.23; Gal 2.3; Tai 1.4 †† 4.11 Kol 4.14; Flm 24; Apo 12.12, 25; 13.13; 15.37-39; Kol 4.10 ‡ 4.12 Apo 20.4; Ef 6.21-22; Kol 4.7-8; Apo 20.6 †† 4.14 1 Tim 1.20; Sum 62.12; Rom 2.6

bölö mötmawi, mi mötzal. ¹⁵ Yañön keuninañgöra gwötpuk tuarenjor ak neñgiba malök. Miangöra gi mewöyök mönö yañgöra galöm mem anjuba malman.

¹⁶ Indim mutukñi kutukutulan keu jake bohonñe al niñgigetka keuni likepñi jibiga kunñan kun qahö kaba ni nañgöm niñgiba jiyökmö, alaurup pakpak yeñön buratiba nömosötkeñ. Anutunön siñgisöndokñini miangö likepñi qakñine alpapuköra köuluközal.

¹⁷ Yeñön nömosötkeñmö, Kembunön bauköm niñgiyök. Nöñön Buña keu jiba ambazip uru kuñgum eñgiba nup mi körek mem tekömamgöra aka mem köhöim niñgiyök. Kantri pakpak yeñön Buña mi mötmegöra möta bauköm niñgiba laion sömbup kalñi yeñgö numbuñine gil niñgibepukö anjön köla jitñineyök meköm niñgiiga eral.

¹⁸ Kembunön bölöñi könañi könañi mem niñgibepuköra meköm niñgiiga ölop Suep bemtohoñanğö uruñe eu öñgömam. Kembugö qetñi mönö sundan möpöseininga nalö teteköñi qahö aködamunñambuk aka ahöba öñgöma. Keu mi öñña.

Yaizözkök keu teteköñi

¹⁹ ††Gi mönö nöñgö yaizözkökni Prisila aka apñi Aqila yetköra aka Onesiforusgö saiwaurupñi yeñgöra jinön mötme. ²⁰ †††Neñakni Erastus mosötpiga Korint sitinön malja. Trofimus i Miletus sitinön mosötpiga kawöl yöhöi ahöza. ²¹ Miangöra kömunjañ kie uru nalö qahö kaiga mönö bapñe kiangöreñ nöñgöreñ kamamgö kapañ kölman. Azi qetñini Yubulus, Pudens, Linus, Klodia aka urumelen alaurup pakpak yeñön yaizözkökñini jiba algetka göhöreñ kaza.

²² O Timoti, Kembunön unjagi kötuetaköba göbuk kinma.

Anutugö kalem möriamñan mönö embuk ahöma. Mewö.

†† 4.19 Apo 18.2; 2 Tim 1.16-17 ††† 4.20 Apo 19.22; Rom 16.23; Apo 20.4; 21.29

Taitus

Jim-asa-asari

Azi gwabö qetnji Taitus yanjon urunji melenjda Polbuk örörön jöhöba bauköba misin nup meyohot. Mema köwet sutnje gölme jölanji qetnji Krit (Arete) miangörej malohotka Polnön kemañe kutuba alabaukñi mosöri-ga zioz nup arengöba ek kewöta galöm kölok. Polnön mosöta anda yangöra köuluköba mala Buña Kimbi ki ohoyök.

Krit mi keu Grik miambuk mindiribanbuk. Krit mi köwet sutnje gölme jölanji kun aka Grik (Greece) mi kantri kun.

Polnön Taitusgöra waimanjat karöbut möta qambañ keu kewö ohom wañgiyök: Krit yengö könañini mi gonjim teköi baunam jegömöl aka malget. Tosatñan urunji melenjetka malmalñinan diñgiyöhi, yanjon kunbuk bölibepuk. Miangöra yengö jitñememeninan silik ölop kötokñi kondela köuluk aka Baiböl stadi nup qahö mosöta kambunji mindingöba malmegöra jiza. Uru melenjet yengö sutñine kambu morömorö mi denöwö mindingöba kusum enggiba malme? Azi namñi, ambi namñi, ambi seram, azi gwabö aka welenqeqe yengö goro keunji mi nanñök nanñök kewö jim asariza, "Urunji melenjda Buña keu wuatangöba luainön mala ketanji yengö keu bapñe anda jegep uruk nup ölopñanök memba kinda julbepuköra kazik angururuk mosöta malme."

Buk kiangö bahöñi bohonji 5 mi kewö:

Polnön aposol nupñangö könañi jiza
Anutugö jitñememe yengö goro keunji
Ambazip kambu morömorö yengö goro keunji
Urukungukungu aka galöm meme keu
Yaizözkök aka keu tetekñi tosatñi

Polnön aposol nupñangö könañi jiza.

¹ Anutunön ambazip möwölöhöm engiyöhi, engö mötnaripñinan asuhaba qarimapköra aka Jisös Kraistnön Pol ni melaim niñgiiga yangö aposolñi akzal.

Nöñon Anutu welenji qeba keu ölnji kusum engimakzal. Keu ölnji mi möt kutuba köl gulime ewö, engö malmalñinan mönö uteköba letorakña. Miangöra kimbi ki ohozal.

² Anutunön keu munenji jimawangö dop qahö yanjon möpñangö möpñe malmal köhöikñi nengimamgö jim jöhöba miangö andöñe yuai pakpak miwikñiyök. Enjon keu ölnji möt kutuba möt narigetka miangö mönö nam köl enggiiga malmal köhöikñe angotpingöra al mamböta jörömqöröm ahakze. ³ Anutu, Amötqeqe Toninan oyaenköyaengö keunji jim jöhöba miangö nalöñi diññi ali kam kunguiga miangörej Buña keunji indela mi jim sehibingö jimkutukutunji alök. Miangö dop mi jim asarigetka Anutunön nöñon mi jim sehimamgö möt narim niñgiba kungum niñgiyök.

⁴ †O mötnarip nahön sorokni Taitus! Nöñon bauköm gihibi urugi melenjda alabaukni aka mohotñe Kembu möt nariba maljit.

† 1.4 2 Kor 8.23; Gal 2.3; 2 Tim 4.10

Iwi Anutu aka nanini Amötqeqe Tonini Jisös Kraist yetkön mönö kalem möriam gihiyohotka luainön malman.

Galöm jitñememe yengörej keu areñ

⁵ Köwet jölanji Krit (Crete) miangörej mohotñe misin nup memba kemañe gömosötamgö aka kewö jim kutum gihial, "Urunji melenjet yanjon ilingösön lañ maljei, i mönö arengöm enggiba (pasto aka) jitñe memenini miri taon dop kunguba kusum enginöñga areñinambuk zioz nup memba malme." Mewö jiba deñnit.

⁶ ††Urunji melenjeri, yengö sutñineyök azi kewöñi möwölöhöman: Kungö silenje pinjtkö keunji qahö, anömñi mohok-kun memba mali nahönböraturupñan urunji melenjda Anutu möt nariba yangisen kezapjupjup silikö keu silenje qahö ala jim engimakze.

⁷ Urumelenj könagesögö ketanjamñini pasto (bisop) † yanjon Anutugö könagesö galöm köl engimakñawi, miangöra mönö azi kewöñi kunguman: Kungö silenje pin-

†† 1.6 1 Tim 3.2-7 † ouwösiö, zioz paris lida, bisop, nup meme bohonji yanjon qet ketanji öne qahö bisimapmö, paris kambu-urupñi yengöra köuluköba kusum enggiba urunji kunguba nupñinangö areñini enggiba goro qambañ qakñe galöm köla mindingöm engimakña.

jitkō keunji qahō, jakbak-orañbörañ qahō aka urupik qahō. O köhöikñi qahō nemba bim lañ qahō qeba möndömöndö qakñe injarere mala moneñ yuaigōra qahō kapañ kölakza. ⁸ Yangōreñ kamei, i ölop köl öröba köyan köl engiba keu ahakmeme ölopñangō sihimñi möta uruñi miangōreñ ala malma. Kilik-kaluk kekpurikñi qahō, keu pakpak diñdiñanök kewōta sarakñi töröñi qainñi kun aka nanñi ahakmemeñi törörök galöm köl aṅgumakña.

⁹ Buña keu kusum neṅgigetka tandö söran ewö mal-mal töngumamgōra ahözawi, pastonöñ mi mönō töp memba miangōreñ qekötahöba kinma. Mewö kinda ölop Buña Kimbigö dop mötnaripkō keu kemañi kemañi ambazip kusum engiba miangōn uruñi kuṅgumakña aka tosatñan Buña keu möwōramgōba qetalakñei, yeṅgö keunji goṅgoñi ölop qeapköba mindiṅgōmakña. Mewö.

Böhi takapulakanji mönō qetal engime.

¹⁰ Ambazip gwötpukñan keu qetala kezapjupjup aka sesekñai ewö keu sinñi sinñi jiba ambazip tilipköm engimakze. Anutugö aiwesökñi silerñine yandigeri, yeṅgö kambunöhök ambazip jesöñgōñan mewö ahakze.

¹¹ Ambazip mewö miengö keunji mönō qöm-bökōme. Yeñon Buña keu kusum engibingö möndöba moneñ yuaiñi öröbingö möta kösawōrañ keu lañ jigetka gamuñambuk ahakza. Mewö aka saiwa tosatñi lök körekñanök mem sohom engigetka eṅololon aket. ¹² Krit nanñine kezapqetok azi kunñan aiakanñangōra kewö jiba ohoyök, "Krit ambazipnōñ mönō nalö dop keu moneñ jiba injarere qölzöm mala ubibi kömböt ewö lilikqilik aka bau numbu nemakze." ¹³ Yeṅgōra keu mewö naṅgōba jiyöhi, miangōn mönō ölna. Miangōra kawölñinan qahōwahi mötnaripñinan asuhuba ölnambuk akrapakōra i mönō köhöikñanök tereṅgōba jim engimakñan.

¹⁴ Mötnaripñinan ölnambuk aiga Juda neṅgö bem sambanini aka ambazip keu ölni siṅgiba jimkutukutu alakzei, keu mewö miangö kezap kude alme. ¹⁵ Urunini melerñinga Uña Töröñan köl köñjōrat ak neṅgiiga sarakñi akzini, neṅgōra nene kungö döñqizizinnji qahō ahöza. Neñon nene pakpak ölop nembinañgö dop akzapmō, qewölon ambazip keu ölnangö yangisereñ ahakzei, yeñon i me wai aketka uruñinan töndup tölohomakza. Uruñinan kölkölñinjijambuk aiga uruñinañgö kezapñan duhui mönō bau jegömöl tandök malje.

¹⁶ Yeñon "Anutugö könañi möt yaközin," jitñinan mewö jigetka aiakanñinan mi qañ köla qeapkömakze. Mewö aka Anutugö keunji qetalgetka imbilonlon möt eṅgiiga ahakmeme ölopñi kun memeañgö dop qahö akze. Mewö.

Ambazip ketañi yeṅgö qambañ keu

2 Göñon mewö qahö maljanañgōra mönō mötnaripkō keu kemañi kemañi mi Buña Kimbigö dop

kewö kusum engimakñan: ² Azi namñi yeñon mönō kilik-kalukñini qahö malgetka göda qem engibinañgö dop akñe. Nanñini ahakmemeñini törörök galöm köl aṅgugetka mötnaripñinañgö kawölñinan qahōwahi ölni urukalem asuhumakña. Ölni asuhui ambazip törörök jöpaköm engiba malme aka kapañ köla böñ qeba kinme. Mewö malmegōra kusum engimakñan.

³ Ambi namñi yeñon mewöyök Anutugōreñ ambi sarakñi yeṅgö dop ahakmemeñini aka memba malme. Andōqe qe keu yöhösañ kude ahakñe. Wain o gwötpuk nemegö mötöp simbañe kude aṅgota qakōme. Urumelerñ ahakmemegö silikñi ölopñi kondela tosatñi kusum engimakñe.

⁴ Mewö aka mala ambi nembö bapñine maljei, yeṅgōra ölop goro engiba malgetka yeñon mewöyök apmoröurupñini urukönömñinan jöpaköm engiba malme. ⁵ Jöpaköm engiba nanñini ahakmemeñini törörök galöm köl aṅguba sarakñi aka mirigö nupñini nem qerak aka nöñgöp törön qakñe memba apmoröurupñini köyan köl engiba apurupñinañgö keu bapñe anda kötöngöm engimakñe. Mewö kusum engigetka aka memba malgetka tosatñan Anutugö Buña keu mi mepaiköba ilitnōñ albingö osime. Mewö.

Azi gwabö aka welenqe qe yeṅgö qambañ keunji

⁶ Azi gwabö yeṅgö uruñini mewöyök kewö kuṅgum engimakñan: Yeñon mönō ölopñangö oyankasak mala nanñini ahakmemeñini törörök galöm köl aṅgumakñe. ⁷ Uruñini mewö kuṅgum engiba nangak ahakmeme pakpak miangōreñ silik ölopñi kondel engiba malman. Mönō geñmon qahö böñ qeba kinda tañörakñi qahö kusum engimakñan. ⁸ Keu mötsihimñambuk jiba malnōnga ambazipnōñ mepaiköba memba et al gihibingö osime. Mewö jiba malnōnga tuarenjoñurupñinan keu bölöñi jim neṅgibingö keu jaruba ölni qahö miwikñai-ba gamuñini mötme. Mewö kusum engimakñan.

⁹ Welenqe qeurup mi kewö kusum engimakñan: Yeñon ketañamñini yeṅgö keunji pakpak tem köla keu bapñe anda malme. Sösöñgai ak engibingö kapañ köla kinme. Keu jime, mi nesilam qakñan kude melerñ engimakñe. ¹⁰ Ketañamñinañgö mireyök yuai mohot-hök yahöt-hök mi ölon kude memakñemö, ketañamñinan eṅgeka möt narim engimakñapakōra mönō kapañ köla kinme. Nupñini pakpak mönō geñmonji qahö pōndañ memba malme. Mewö mala Anutu Amötqeqe Toninañgö Buña keu kusum engimakzei, mi kötön kölgetka ölni ahui nahömñambuk ahakña. Mewö.

Malmal sarakñangö nam köipitñi mi kalem möriam.

¹¹ Malmal sarakñangö nam köipitñi kewö: Anutunöñ ambazip körek amöt qem neṅgimapakōra aka kalem möriamñi indeli gölme dop asuhuyök. ¹² Kalem möriam miangōn mönō kopa aṅgöjōrak malmalgōra "Qahö," jibingö köna kondela gölmeṅ sihim kömbōnanji bölöñi qömbököbingōra köl kusuba mindiṅgöm neṅgimakza. Ahakmemeñini törörök galöm köl aṅguba keu pakpak diñdiñanök kewōta malbingōra köl

gulim nengimakza. Mewö mianjön Anutugö malmal köhöikñi mi nalö kewöñe köl guliba gölmenöñ malbin.

¹³ Mewö malinga Jisös Kraistnöñ kunbuk kamawi, nini nalö mianjören Anutu qetbuñambuk aka Amötqeqe Tonini yetkö asakmararañiri asuhuiga ekin. Nini oyañkoyaen nalöñi mi kam kuñgumapköra jörömqöröm al mamböt aka maljin.

¹⁴ Jisös Kraistnöñ mönö nengöra aka nanñi malmalñi kölenda mosörök. Nini ahakmeme bölöñi könañi könañi mianjörenök meköm nengiba sohpnini memamgö möta köl könjörat ak nengiba nanñi buñaji sarakñi akingöra aka malmalñi kölenda mosörök. Mi mosöta qewöloñnini sanjoñniga nanñi könagesöñi aka ölop nup ölopñi ölopñi memingö urukönöp aka jörömakin.

¹⁵ Mianjögö keuñi mönö kusum engiba ambazip uruñi ni nangöba köna siñgimei, mi kukösum pakpakö qakñe tembula jim engimakñan. Mewö aknöñga kunñan jijiwilit ak ghibapuköra galöm mem anguba malman. Mewö.

Urumelenj enjön mönö silik kewö aka memba malme:

3 Kusum engiba keu ki mönö köl gulim enjinöñga ölop urukönömñine ala mötmörime: Urumelenj könagesö yeñön mönö kiap gawman aka ketañamñini tosatñi yeñgö keu bapñine anda keuñini tem köla malme. Mindimindiri nup ölopñi memegöra jigetka mi pakpak mönö jöröba memakñe. ² Uruqeqe keu töhöreñ mi kungöra kude jim wañgime. Angururuk kude akñemö, ala ak anguba urumohot malmegöra kinme. Ambazip pakpak mi guñböñjönjön pakpak ak engiba uruluai qakñe mutulañgöm anguba malme. Mewö.

³ Nini mewöyök mutuk uruqahö mala qeqetal aka janjuñ malin. Sihim kömbönañnini bölöñi könañi könañi mienjög mötöp simbañe qaköinga galöm köl nengigetka silegö sihim sösoñgainji lañ jarubingöra malin. Körögisigisi qakñe kegwek-kahasililiñ aka mianjören malmalnini ayuhuba malin. Tosatñan imbilonloñ möta kazik ak nengigetka sutnine urukerök ak anguba malin.

⁴ Mewö malinmö, Anutu Amötqeqe Toninan ahakmemeñi ölopñi kölenda indeliga urukalemñan asuhum tiñgiriga kötala uruñan jöpaköm nengiyök. ⁵ Jöpaköm nengiba bohonini jöhöba amöt qem nengiyök. Naninak diñdini mala nup ölopñi ölopñi memba malbinahi, mianjöra aka qahö nengehoriyök. Mianjöra qahöpmö, nanñi ak-kömukömuñan mönö nam köl wañgiiga siñgisöndoknini sanjoñniga ahuahü dölokñi ahuinga Uñañi Töröñi urunine aliga kölöñaim nengiyök. ⁶ Anutunöñ amöt qem nengiba Amötqeqe Tonini Jisös Kraistköra jiiga Uñañi Töröñi melaiba kelenmaleñ mokoiga urunine geiga maljin.

† 2.14 Sum 130.8; Eks 19.5; Dut 4.20; 7.6; 14.2; 1 Pitö 2.9

⁷ Anutugö kalem möriamñan nam köl wañgiiga keunini jim teköi solanibingöra aka Uñañi Töröñan urunine geiga kölöñainin. Kölöñaiba kindä oyañkoyaen malmal teteköñi qahö malbingö jörömqöröm al mamböt akzini, mi ölop buñe qem angubin. Mewö.

⁸ Keu ohozali, mianjön öl töhöñga. Göñön mönö keu kewö kapañ köla jim tuarim engiba malman: Ambazip Anutu möt narizei, yeñön mönö jegep aka kindä uruñi ni pöndañ nup ölopñi ölopñi memegöra ala malme. Mewö akñei, mianjön mönö ambazip bauköm engiiga nupñinañgö ölni eka "Qetpuk!" jiba malme. ⁹ Tosatñan uruqahö keu aka ambösakon yeñgö qet areñi areñi er-aum mötketka goranora angururuk asuhumakzawi, göñön mönö mi yaköriba andö qeman. Mewöyök Mosesnöñ Köna keu nengiyöhi, tosatñan keu mohot mohot mianjöra möndömkösök aketka supapköiga sohomakza. Jitnakölik mewöñi mi yuai omani töhöñ aka qahöpmahöp bauköm engimakza. Mianjöra mi mönö andö qeba mosötman.

¹⁰ Kunñan keu mewö jim öröba mianjön urujujul mem engimakzawi, i mönö galöm meme keu jim wañginöñga qahö tem köliga kunbuk jim wañginöñga yahöt aiga töndup yangisen akñe ewö, i mönö közölnöñga urumelenj kambu mosöta yaigepñe malma.

¹¹ Yañgö könañi kewö ahöi möt yaközan: Yañön köna siñgiba öjömböböp köla lolonqalon aka siñgisöndok ahakmeme ahakza. Siñgisöndokñi mianjön mönö könañi kondeli sohom teköi Anutunöñ keuñi jim teköi köñöp siagö buñaya akñe. Mewö.

Yaizökzök keu teteköñi

¹² †† Ni kömunjañ kie uru nalö ki siti qetñi Nikopolis Grik mianjören mösöhöba malmamgö mötzal. Mianjöra Artemas me Tikikus salupke malmapköra melaibi göhöreñ kangotmawi, nalö mianjören mönö nalö kude qem körimanmö, zilañ mosöta Nikopolis kaba miwikñaim niñgiman. ¹³ † Köna keugö mötmöt azi (loya) qetñi Zenas aka Apolos yetköñ yuai kungöra osiba mözöqözörön aka Krit mianjören qaköba tatpahot-puk. Mianjöra mönö kapañ köla öroyuai tosatñan dopñire nañgöm etkinöñga ölop toroqeba anmahot.

¹⁴ Alaurupninan mönö nup ölopñi ölopñi memegö könañi möt soroköba pöndañ jegep aka zeñ kindä uruñi ni mianjören ala malme. Mewö aketka tosatñan lömböt keta bölökñi sangabañga miwikñaimi, i ölop nañgöm engimakñe. Mötnaripekö ölni mewö ahüiga malmal gilipitñi (ambetakñi) önewat qahö malme.

¹⁵ Nömbuk ki maljei, yeñön körek yaizökzökñini jigetka göhöreñ kaza. Göñön alaurupnini Krit mianjören Kembu möt nariba uruñinan jöpaköm nengimakzei, yeñgöra mönö nöñgö yaizökzökni jinöñga mötme.

Kalem möriamnöñ mönö körek embuk ahöma.

†† 3.12 Apo 20.4; Ef 6.21-22; Kol 4.7-8; 2 Tim 4.12 † 3.13 Apo 18.24; 1 Kor 16.12

Filemon

Jim-asa-asari

Azi öngöngöñji Filemon mi Kolosi sitinöñ mala uruñi melenä zioz nup memba welenqeqeñi qetñi Onesimus galöm köliga töndup unjurata Rom sitinöñ anök. Miangöreñ anda Polbuk mutulañgöba keuñi möta uruñi melenä Polbuk Buña nup meyoht. Polnöñ kösö mire tata Onesimus toñangöra Kimbi ki ohoba böröñe ala melaiiga Kolosi lilingöyök. Kimbi kiangöreñ uruñi melenhö, miangö buzupñi indela Filemon uruñi kewö kuñguyök: “Gi mönö welenqeqegahö pinjitñi mosöta yambuk urumohok aka köñ örom wañginöñga urumelen alagi ewö qöhöröñge kiniga yañgöra söñgaiba malman.”

Buk kiangö bahöñji bohonñi 4 mi kewö:

Keu mutukñi
Polnöñ Filemon möpöseiza
Onesimusgöra Filemongö uruñi kuñguyök
Kimbigo keu kötnji bohonñi

1 O wölböt alani aka neñakni Filemon!
Pol nöñön Jisös Kraistkö nupñi memakzalañgöra aka gwaröhöm ningigetka kösö mire tatzal. Urumelen alani Timoti yañön nömbuk tariga nöñön göbuk keu eraum mötpitköra kimbi ki ohozal.

² †Mewöyök ambi ketañi urumelen nenini Apia aka Arkipus urumelenö bimqeqe azinini aka urumelen könagesö göhö mire tokomakzei, nöñön kimbi ki engöra ohozal.

³ Anutu Iwinini aka Kembu Jisös Kraist yetkөн kalem möriam engiyohotka luainöñ malme.

Filemongö urukalemñangöra möpöseiza.

⁴ Nöñön nalö dop köuluköba gi mötmörim gihi-makzalañgö dop kewögöra Anutuni saiwap jim wañgi-makzal: ⁵ Gi Kembu Jisös möt nariba jöpaköm wañgiba Anutugö ambazip sarakñi pakpak jöpaköba urukalem ak engiba maljan.

⁶ Saiwap jiba kewö köulukömakzal: Mötnaripkan mönö köhöiba pöwöwöm aiga ölop qöhöröñnine kin-da nembuk mötnaripkö keuñi jim sehiba malman. Mewö Kraistpuk qekötahöba kininga kalem ölopñi ölopñi neñgimazawi, gi miangö könañi körekñanök möt sölöñgöman. ⁷ O urumelen alani, gi ambazip sarakñi körö-ölöwak qem enginöñga amgöba malje. Urukalemgi miangöra nöñön gwötpuk söñgaibiga mi-añön uruni nañgömakza.

Filemonöñ Onesimus köñ öromapköra qesiza.

⁸ Mewö malnöñga Kraistpuk qekötahöziga ölop awösamkakak aka kukösum qakñe kinda yuai

akñangö jim kutum gihibileñak. ⁹ Mi töndup Anutunöñ uruñan jöpaköm netkizawañgöra aka ölop jimkutuku-tuni mosöta ulet miyök ulet gihimam. Gi Pol nöñgö silikni mötzan. Nöñön azi namñi akzal aka Kraist Jisösgö nupköra aka nalö kewöñe kösö miri asia mewöyök akzal. ¹⁰ ††Ni kösö miri kiangöreñ alagi qetñi Onesimus aitonöba bauköm wañgibiga uruñi melenä mötnaripkö nahöni ahök. Miangöra merak yañgö numbu jit memba yañgöra aka ulet gihizal. ¹¹ Yañön mutuk welen qeba lañ möndöba injarere mala qemasolekep ak gihiba malökmö, nalö kewöñe letota gi aka ni ölopñanök bauköm netkiiga ölpñi asuhumakñawañgö dop akza.

¹² Yañön nani wölböt nahöni akza aiga nani wölbötni ewö melaim wañgibi lilingöba göhöreñ kaza. ¹³ Nöñön Ölöwak Buñagöra aka kösö mire tatzal. Miangöra Onesimus jöhöbi nömbuk mala göhö salupke bauköm ningimapkö mötzal. ¹⁴ Mewö mötzalmö, bauköm ningimapkö qahö kuñgum gihizal. Sihimgan jiiga bauköm ninginöñga dop köljapmö, göñön welenqeqe-gi ningiman me añgön kölman, miangöra Onj! qahö jinöñga nanök jöhöm wañgimamgö osizal.

¹⁵ Onesimusnöñ kewögöra aka gömosörök me? Yañön nalö töröptökñi yaigep mala kunbuk lilingöba kaba göbuk nalö teteköñi qahö malma. ¹⁶ Mutuk welenqeqe omanji aka malökmö, nalö kewöñe mi ongita azi qainñi kun akza. Uruñi melenä mönö wölböt alanina akza. Nöñön yañgöra gwötpuk ak ningiiga göñön azi mi eknöñga Kembangö buñanji aiga yañgöra mewö ni nonñgita önöñji qahö ak gihimakña.

† 1.2 Kol 4.17

†† 1.10 Kol 4.9

¹⁷ Göñön nömbuk ala-ala aka maljit mötnönga nöñön kabi köl öröm niñgibanak ewö, mönö Onesimusnöñ kaiga mewö köl öröm wañgiman. ¹⁸ Yuai kun ak bölim gihiyök me yañgöreñ tosa kun göhöreñ ahöza ewö, mia mönö nöngö tosayä jinöñ ahöma. ¹⁹ Ni Pol mönö nani börönan kewö ohozal, "Nöñön mi mekömam." Nöñön bauköm gihibi urugi meleşnöñga tosayi ketañji mi mekömangöra nangi mewöñanök nöngö buñaya jim teköm añgunöñga dop kölbawak. Miañgöra ölop kewö jibileñak: Onesimusgö tosayi mi mönö jinöñga nange tosayä ahöma. ²⁰ O urumeleñ alani, Kembugö Buña gihiali, mi mönö meleşda bauköm niñgimangö ak niñgiza. Kraist qekötahözani, miañgö dop mönö Onesimus köl örönöñga nöngö urunan amgöba ölöwakña.

²¹ Keuni tem kölmani, mi möt nariba keuni ohoba könañamgi kewö ahöi mötzal: Keu jizali, mi mönö oñgita

qetpuk ak soroköman. Mewö. ²² Keu kun ki: Eñön köulukögetka Kembunöñ ni meleş niñgii engöreñ kamangö al mamböta jörömqöröm akzal. Miañgöra mönö miri uruñji kun nöngöra mem kelötman.

Yaizökzök aka kötuemötuet keu teteköñji

²³ †Alani Epafraş yañön Jisös Kraistkö nupköra aka nömbuk kösö mire tata yaizökzökñji ali göhöreñ kaza. ²⁴ ††Neñakurupni nup mohotñe memakzini Mak, Aristarkus, Demas aka Luk yerñön mewöyök yaizökzökñjini algetka göhöreñ kaza.

²⁵ Kembu Jisös Kraistkö kalem möriamnöñ mönö uñañjini kötuatköba embuk ahöma. Mewö.

† 1.23 Kol 1.7; 4.12 †† 1.24 Apo 12.12, 25; 13.13; 15.37-39; 19.29; 27.2; Kol 4.10, 14; 2 Tim 4.10-11

Hibru

Jim-asa-asari

Jisösnöñ Suepnöñ öngöi miangö andöñe yambu 35 miangö dop teköiga azi kun qetñi qahö mötzini, yañon Kimbi ki ohoba Juda urumelen ambazip yengörenj alök. Juda yengön Hibru (kian) keu jigerangöra qetñini Hibru qetket. Tosatñan Juda urumelen ambazip mi sesewerowero gwötpuk ak engigetka Jisösgö köna diñdiñi mosöt-pingö mötmöriba Juda yengö köna walñe dumñe kunbuk angotpingö mötket. Köna walñi mi Köna keugö kapankölköl.

Kimbi kiangö keu kötni 3 mi kewö:

1. Jisös, Anutugö Nahönñi yañon sihimbölo ketani möta mewö mianjön Iwiñi tem kölmamgö könañi mörök. Mi-angöra Suep garata, Moses aka kezapqetok ambazip pakpak engonggita öngöngöñi akza.
2. Anutunöñ Jisös kuñguiga nalö teteköñi qahö jike nup galömnini bohönñi aka malma. Nanñi sepñi mokoyöhangöra jöwöwöl ohohonöñ teköiga jike nup galöm tosatñi yengöra qahö osibin.
3. Urumelen neñon Jisös möt nariinga singisöndoknini mosöta amöt qem neñgiba kömupnöñök meköm neñgi-iga keñgötnini qahö mötzin. Jike nup walñi mi imutimut ewö aiga megetka Jisösnöñ amötqeqegö könañi ölni indela nanñi jöwöwöl ohoho ewö akñegöra al anguyök.

Mötnarip ambazip ketani yengö silikñinangö kösohotñi mi teteköñe (Boñ 11) ohoba mötnaripñinan sörröraubapuköra kewö kuñgum engiza, "Sesewerowero ak engigetka miangö sihimböloni mi mönö kapan köla mökösoñ-da möta Jisösbuk luhut alme." Buk kiangö qampani aka galöm meme keuñi mi nahömñambuk.

Buk kiangö bahöñi bohönñi 10 mi kewö:

Keu mutukñi: Kraistnöñ Anutugö könañi indel teköyök
 Kraistnöñ garata pakpak engonggita
 Kraistnöñ Moses aka Josua etkonñgita
 Kraistnöñ jike nup galöm pakpak engonggita
 Kraistkö jöhöjöhö areni mi jöhöjöhö aren walñi onñgita
 Kraistkö sep busuñan jöwöwöl pakpak engonggita
 Mötnarip mi yuai mutukñi aka bohönñi
 Ahakmemenin Anutu uru ölöwak mem wanñgime
 Köuluk teteköñi
 Uruwahöt keu aka yaizözkök keu teteköñi

Anutunöñ Nahönñi melaiiga keuñi indelök.

1 Anutunöñ mönö möpñangö möpñeyök könahiba köna murutñi murutñi wuatangöba keuñi indel-mamgö mörök. Mewö möta keuñi nalö gwötpuk keza-pqetok ambazip yengö uruñine aliga aukñe jigetka amböskonurupñinan möta mala kotket. ² Mewö mala kotketmö, nalö teteköñe malinga kewöñe mönö Nahönñi melaiiga keuñi indela aukñe jiiga mörin. Nahönñi yañon Iwiñi bauköiga Suep gölme aka mietkö öroyuainjiri pakpak miwikñaiyo-hotka Nahönñan nalö teteköñe yuai pakpakö Tonji akñapakö jim teköi malja. ³ Anutugö kaisongolomñan Nahönñi ahöm wanñgiiga eta kondelök. Anutugö asakmararañan mönö i kuñguiga biliksik aliga imutimut ewö ehin. Singisöndoknini kölnönjorat teköbagun mönö Suep mire

öngöba dumñi memba Öngöngöñamninangö böroni öñe tatza. Miangörenj tata Suep gölmegö öroyuai pak-pak mi keuñi kukösumñambuknöñ bisiba galöm köla malja.

Anutugö Nahönñan Suep garata engonggita.

⁴ Anutunöñ Nahönñi qet wanñgiiga mianjön mönö Suep garata yengö qetñini onñgita aködamunñambuk akzawi, miangö dop Nahönñan Suep garata engonggita ketanjamñini aiga nembö bapñe malje. ⁵ [†]Anutunöñ nalö kunöñ Suep garataurupñi yengörenjök kungöra keu kewö qahö jiyök, "Göñon nöngö Nahöni aknöñga nöñon merak göhö Iwigi akzal."

† 1.5 Sum 2.7; 2 Sml 7.14; 1 Hist 17.13

Mewöyök keu kun kewö jii ahöza, "Nöñön yanğö Iwinji akiga yanğön nöngö Nahöni akña."

⁶ †Keu mi dumñe kunbuk Nahönñi mutukñi jim teköiga gölmenöñ etmamgö ahöhi, nalö miangöreñ mönö qeljine kewö jiyök, "O Suep garataurupni, injini mönö körek pakpak yanğö waikñi memba möpöseiba malme."

⁷ ††Suep garata yanğöra keu kewö jii ahöza, "Anutunöñ mönö garataurupñi mem letot enğiiga luhut ewö aka anda kame. Welenqequeurupñan mönö letota könöp bölam ewö aka anda kame."

⁸ *Yanğöra mewö jiyökmö, Nahönñanğöra keu kun kewö jii ahöza, "O Kembu, göñön mönö jakömbuak dum tatatke nalö teteköñi qahö tat öngöman. Öropki kukösum-ñambuk mianğön qindinaim nenğinöñga ahakmeme diñdınan mönö bemtohonğahö munğemñi aka ahöm öngöma."

⁹ Göñön ahakmeme solanğanğöra ak ghiiga ahakmeme gonğonğanğöra irimgi seholiiga kazik aka mala kotnöñ. Mianğöra göhö bemgi Anutu yanğön mönö al ghiiga alaurupki enğonğita sösöngai kelöknöñ gömiri maljan."

¹⁰ ††Nahönñanğö keuñi kun mi kewö, "O Kembu, göñön könakönahine gölmegö tandöñi kuñgunöñga Suepkö jakeñi jakeñi mienğön mönö göhö börösöwögi akze."

¹¹ Suep gölme pakpak mienğön opo maluku ewö walñi aka ayapkömemö, göñön mönö köhöiba kin öngöman."

¹² Möki köpeimakzini, göñön mönö mianğö dop suep ehkeñi mi opo söro jöhözin ewö köpeim enğinöñga letotme. Yuai pakpak utekömapmö, göñön mönö tandök mohot miyök aka yambugi (yaragi) teteköñi qahö mal öngöman."

¹³ ††Anutunöñ nalö kunöñ Suep garataurupñi yanğöreñök kungöra keu kewö qahö jiyök, "Göñön mönö kaba böröni öñe tatnöñga nöñön mönö tuarenjonurupki nalö sutñi kianğöreñ tim tötal enğibiga et enğuiga göhö könagahö döññi aketka köirañ albin."

¹⁴ Nahönñanğöra keuñi keuñi mewö jiyökmö, Suep garata i mönö ninia akze? Körek yanğön Anutugö welenqeque unğaurupñi akze. Mewö aka ambazip oy-aenğoyaen buña qem anğumei, i bauköm enğimegöra melaim enğii malje. Mewö.

Urunini qahö melenğbinbukö galöm meme keu

2 Mianğöra Buña keu mörini, mi mönö törörök möt asaribingö kapañ köla kezap alme. Gölmenöñ malmalgö inji me wainji kunñan nenğuanğiri lañ anda kaba liklak malbin ewö, mönö Jisösgö amötqeque nupñi onğita öne mala ayuhubınbuk. ² Keu mi kewö jim turarimam: Mutuk Suep garata yanğön Buña keu jigetka ambazip jöhöm enğii malget. Mewö mala denike yanğön Köna keu qahö tem köla selñi walöñgeri, Anutunöñ mönö körek yanğö keuñini diñdınanök jim teköba likepñi melenğ enğii lömböt qakñine öngöi mala kotket.

³ Yanğön lömböt miwikñagetka nenğön mewöñanök akzin ewö, lömbötköra mönö denöwö ölöñ kölbinak? Amötqeque nup ketanji mi nesampurek qakñe nöñöñgan akin ewö, mönö lömbötnöhök ölöñ kölbingö osibin. Kibunöñ könahiba amötqepegö könanji indeliga tosatñan keu mi jitñeyök möta nanğöba jim köhöigetka sehiba dop köl nenğiyök. ⁴ Mi nanğöba jim köhöigetka Anutunöñ yembuk mohotñe kinda keuñini nanğöba jiiga anğöletot aiwesök könanji könanji mi kukösumñinambuk asuhugetka Unğa Töröñi mokoba jitsihitñanğö dop mendenğniga dop köl nenğiyök. Mewö.

Jisösnöñ datnini aka Suepnöñ nenğuanğitmamgö mötza.

⁵ Suep gölme döläkñi asuhumegö keuñi jimakzini, Anutunöñ nini mianğöreñ Suep garata nembö bapñine malbingö arenji qahö ala jim kutuyök.

⁶ ††Mewö qahöpmö, keu mi kunñan nanğöba jiiga Buña Kimbigö kembanji kunöñ kewö ahöza, "Gölme azinöñ mönö ninia aiga i mötmörim wanğimakzan? Suep gölmegö azi öñan mönö ninia aiga i köyan kölakzan?"

⁷ Göñön i memba et al wanğinöñga nalö töröpñi Suep garata yanğö nembö bapñine eta eretñi aka malök. Mali wanğitnöñga asakmararañnöñ öngöiga kösasorom ila jalö wanğinöñga aködamunñambuk aka qetbuñanambuk malja. Mewö mala öroyuai pakpak galöm köla malja.

⁸ Börösöwögi pakpak mönö yanğö jimkutukutuñanğö bapñe malmegöra memba et al enğinöñga malme." Keu mianğö dop yuai pakpak mi yanğö kukösum bapñe malmegöra memba et al enğiba mianğöreñ yuai kun qahö mosöriga yanğö keuñanğö bapñe qahö ahöbawak. Arenj mewö alökmö, nalö kewöñe börösöwöñi pakpak mi yanğö kukösum bapñe memba et al enğii tem kölakzeanğö dop qahö enğehakzin.

⁹ Mewö qahö enğehakzinmö, Jisösnöñ mönö kewö letota mali ehakzin: Kömupkö sihimbölöñi möröhanğöra Anutunöñ wanğiri asakmararañnöñ öngöiga kösasorom ila jalö wanğiiiga ehinga aködamunñambuk aka qetbuñanambuk malja. Anutunöñ kalem möriamñi kondel nenğimamgö möta körek nenğöra aka kömupkö sihimbölöñi mötmapkö jim teköyök. Mianğöra memba et al wanğiiiga nalö töröpñi Suep garata yanğö nembö bapñine eta eretñi aka malök. Mewö malökmö, nalö kewöñe qetbuña öngöñgöñi memba malja. ¹⁰ Anutunöñ mönö öroyuai pakpakö könanji akza. Yanğön körek nini nanñi möpöseim wanğibingöra aka miwikñaim nenğiiga maljin. Yanğön ambazip sehisehiñi nenğuanğiri asakmararañnöñ öngöbingöra mötza. Mewö möta amötqeqeninanğö Tonji mi qahö anğön köliga sihimbölö möta mewö mianğön nupñi mi mem teköi asakmararañi pakpak miwikñaimapkö möri dop kölök.

¹¹ Kunöñ mem sarahim nenğimakzawi aka ambazip sarakñi ahakzini, körek nenğö kondotkondot Toninan mönö mohot akza. Mianğöra Jisösnöñ qetnini "Alau-

† 1.6 Dut 32.43 †† 1.7 Sum 104.4 † 1.8 Sum 45.6-7 ††
1.10 Sum 102.25-27 †† 1.13 Sum 110.1

††† 2.6 Sum 8.4-6

rupni," mewö qetmamgö gamuñi qahö mötza. ¹² †Könaninanğöra Buña keu kun kewö jii ahöza, "Nöñön mönö göhö qetki mi nani alaurupni yengöra qet asarim enggiba urumelen könagesö sutñine kinda möpöseim gihimakñam."

¹³ ††Mewöyök miangö Buña keuñi kun kewö jii ahöza, "Nöñön mönö mötnaripni Anutugöreñ ala malmam." Dumñe kunbuk miangö Buña keuñi kun mi kewö jii ahöza, "Mötnöñ, ni aka Anutunöñ nahönbörat niñgiyöhi, neñön mönö ki maljin."

¹⁴ Kunöñ mem kömum neñgimamgö kukñi memba maljawi, Jisösnöñ mönö i tulumgöi gemapköra aka kömumba miangöñ luhut alök. "Bölönangö Tonji tulumgö-mam," jiba ambazip sep busuni-nambuk maljini, miangöra yañön mönö mewöyök nembuk tandök mohot miyöhök gölme azia ahök. ¹⁵ Ambazip malmalñini gölmenöñ maljeangö dop kömumbingö keñgötñinan jöhöm enggii mala kotkeri, mi mönö körek pösat enggii solanimögöra aka gölme azia ahök. ¹⁶ Suep garata köyan köñ enggimapköra gölme azia qahö ahökmö, Abrahamgö gwölönarökurupñi nini möt angön köla bauköm neñgimapakñaköra mönö mewö ahök.

¹⁷ Könanji miangöra aka yañön öroyuai pakpak miangöreñ alaurupñi nembuk tandök mohot miyöhök ahök. Jike nup galömnini bohonñi aka nupñi nömtik memba ak kömum neñgiba malmapköra mönö nembuk tandök mohot ahök. Tandök mohot akagun mönö ölop jitñememenini aka jike galöm bohonñangö nupñi memakza. Mi memamgöra singisöndokninangö töwanji ala Anutugö jeñe mi köñ köñjörarök. ¹⁸ Göñme azia aiga esapköm wangigetka nanñak sihimbölo möta malöhi, miangöra ambazip esapköm neñgimakzei, nini mönö ölop bauköm neñgimakña. Mewö.

Jisösnöñ Moses onğita öñgöñgöñi akza.

3 Miangöra urumelen alaurupnini sarakñi, Suep Tonjan enggoholi nembuk kambu mohot maljei, enñön mönö urumötmötñini pöndañ Jisösgöreñ ala malme. Anutunöñ i melaiiga aposol aka jike nup galömnini bohonñi akzawi, yañgöra mewö jim miwikñaimakzin. ² †Mosesnöñ Anutugö könagesöñi pakpak mi memburikñi qahöpmö, pöndañ galöm köñ enggiba malök. Miangö dop Jisösnöñ mewöyök kun kuñgum wangiyöhi, yañgö keuñi (misila) törörök wuatañgöba memburikñi qahöpmö, pöndañ nömtik memba malök. ³ Miri aka azi miri meyöhi, mi kewöt etkiinga mitimqeçe azigö qetbuñañan mönö mirigö qetbuñañi gwötpuk onğitza. Miangö dop Moses aka Jisös kewöt etkiinga Jisösgö asakmararanji öñgöñgöñan mönö Moses gwötpuk onğitza. Könanji mewö eka miwikñaimakzin.

⁴ Miri pakpak mi kungö börösöwöya akzemö, yuai pakpak mi mönö Anutugö börösöwöñi akza. ⁵ Mosesnöñ Anutugö könagesöñi pakpak mi memburikñi qahöpmö, pöndañ welen qem enggiba malök. Mewö mala Anutunöñ könañgep azi kungöra jiyöhi, mönö keu miangö söpsöpñi mi qeljine indela dangununa

kinök. ⁶ Mewö kinökmö, Kraistnöñ mönö Anutugö Nahöññi aka Iwiñangö keuñi (misila) nömtik memba könagesöñi pöndañ galöm köñ neñgiba malja. Anutugö könagesöñi mi neñön akzin. Oyaenkyoaen ak- ingö jörömqöröm aka miangöreñ qekötahöba silenini memba öñgöba awösamkakak kin köhöim teköbin ewö, mönö Anutugö urumelen könagesöñi aka malbin. Mewö.

Yangisenñ aka malbinbukö galöm meme keu

⁷ ††Miangöra inñini mönö Uña Töröñan keu kewö jimakzawangö dop akñe, "Dölkewöñe Anutunöñ enggohola keuñi sañep ali mötze ewö,

⁸ uruñini mönö mötmöt bölöñan kude gwözöñme. Enggö ambösakonurupñinan gölme qararañkölkölñe kaba nalö kunöñ Anutu qetala esapköm wangiba karim akeri, inñini mönö miangö dop Anutu qetala akepuk.

⁹ Yeñön gölme qararañkölkölñe kaba Anutu ni esapköm niñgiba malget. Angöletot aka memba malali, inñini mi yambu (yara) 40 miangö dop eka mala mi töndup ni qahö möt narim niñgigetka urunan böliiga malal.

¹⁰ Miangöra ambazip kambu nalö miangöreñ gölmenöñ malgeri, yengöra aka irimni seholiiga kewö jial, 'Yeñön mönö sundan uruñinan kahapmahap aka janjuñ anakze. Malmalgö köna kusum enggiba malalmö, mi qahö möt kutuget. Qahö!'

¹¹ Mewö jiba irimesesewöl qakñe keuni jim kutuba jöjöpañ keunan mi jöhöba kewö jial, 'Luhut memba malmegö areñ al enggialmö, yeñön mönö oyaenkyoaen miangöreñ qahö angotme.'"

¹² O urumelen alaurupni, inñini mönö kewögöra galöm mem anguba malme: Enggöreñök kungö uruñan gonggiiga mötnaripñan sörauba eri Anutu malmal Tonji andö qeba malbapuk. ¹³ Mewö qahöpmö, singisöndökö isimkakalekñan tilipköm enggii miangöñ enggöreñök kungö uruñi gwözöñbapuköra mönö silim dop sutñine uru kuñgum anguba malme. "Merak" keu mi jimakzini, miangö dop mönö jölöñgöm anguba malme. ¹⁴ Nini Kraist möt angön köla yambuk kambu mohot aka maljin. Mutuk urunini melenđa uruyahöt yaköriba awösamkakak miwikñaiba malini, mewö gölmenöñ malbinangö dop kapañ köla köhöiba kinbin ewö, mönö oyaenkyoaen akin.

¹⁵ ††Buña keu mi kunbuk jiba kewö ohozal, "Merak Anutunöñ enggohola keuñi sañep ali mötze ewö, uruñini mönö kude gwözöñme. Enggö ambösakonurupñinan Anutu qetala karim akeri, inñini mönö Anutu miangö dop qetala akepuk."

¹⁶ †††Ambazip denike yeñön Buña keu möta Anutu qetala karim aket? Mosesnöñ könagesö enguangiri Ijipt mosöta kageri, yeñön mönö körek mewö aket. ¹⁷ Ambazip denike yengöra aka yambu (yara) 40 miangö dop irimñi seholiiga kazik ak enggii malget? Ambazip singisöndök aketka mem kömum enggii silenjanan

† 2.12 Sum 22.22 †† 2.13 Ais 8.17, 18 † 3.2 Jan 12.7

†† 3.7 Sum 95.7-11 †† 3.15 Sum 95.7-8 ††† 3.16 Jan 14.1-35

gölme qararañkölkölñe eta kölgeri, yeñgöreñ mönö mewö asuhuyök. ¹⁸ Luainöñ luhut memba malmegö areñ ala nanñini gölmeñine kude aņgotmegö keuñi jim kutuba jöjöpäñ keuñan jöhöyöhi, keu mi mönö dagöra jiyök? Ambazip keuñi qetala yañgiseñ malgeri, mi mönö yeñgöra aka jiyök. ¹⁹ Keu miangö könañi mi kewö ek asarizin: Yeñön Anutu qahö möt nariba yañgiseñ akerañgöra aka nanñini gölmeñine aņgotpingö osiget. Mewö.

Anutunöñ könagesöñi sonda kendon neñgima.

4 Anutugöreñ aņgota luainöñ luhut memba malbingö keu jöhöyöhi, keu mianñön mönö pöwöwöm köhöikñi ahöm neñgiza. Miangöra eñgöreñök kunñan löwöriba nanñi Suep köna ananñi mi kembañe kutui mewö miwikñaim wañgibinbuk. Miangöra mönö sutnine galöm mem aņgubin. ² Gölme qararañkölkölñe kagetka Ölöwak Buña jim asarim neñgiget ewö jiget mötketmö, keu mi mönö silesile mötketka uruñine qahö geyök. Miangöra mötnaripñini qahö qiwikñaiiga töñpin öne malgetka qahö bauköm eñgiba pömsöm qeyök. ³ †Urunini melerda möt nariba maljini, neñön mönö Anutugöreñ aņgota luhut memba oyaenköyaen malbin, mi mötzin. Anutunöñ miangö Buña keuñi mi kewö jii ahöza, “Mewö jiba irimsesewöl qakñe keuni jim kutuba jöjöpäñ keunan mi jöhöba kewö jial, ‘Luhut memba malmegö areñ al eñgialmö, yeñön mönö oyaenköyaen miangöreñ qahö aņgotme.” Anutunöñ Suep gölme miwikñaim etkii nalö mi-añgöreñök könahiba oyaenköyaen miriñan lök memteköteköñi ahözapmö, töndup keu mewö jiyök. ⁴ ††Anutunöñ silim 7:ñañgö keuñi jiiga Buña Kimbigö kembañi kunöñ kewö ahöza, “Sömañi 7 aiga Anutunöñ nupñi pakpak mem teköyöhañgö luhut memba kendon tarök.” ⁵ †Anutunöñ Buña keu mi toroqeba kewö jii ahöza, “Luhut memba malmegö areñ al eñgialmö, yeñön mönö oyaenköyaen miangöreñ qahö aņgotme.”

⁶ Ambazip tosatñan Anutugö oyaenköyaen miwikñai-ba luhut memba malmei, keu mianñön mönö pöwöwöm köhöikñi ahöm neñgiza. Ölöwak Buña mutuk könagesö jim asarim eñgigeri, yeñön mönö qequetalñinañgöra aka oyaenköyaenöñ qahö aņgota luhut qahö meget. ⁷ †Luhut qahö megerañgöra aka Anutunöñ mönö kunbuk nalö kun ala qetñi Nalö dölkewöñi qerök. Nalö köröpñi teköiga nalö miangö Buña keuñi dölkü jiba ohozali, mi mönö Deiwidköreñ indeli kewö jiyök, “Dölkewöñe Anutunöñ eñgohola keuñi sañep ali mötze ewö, uruñini mönö kude gwözöñme.”

⁸ †Mewö jiiga Josuanöñ eñguañgiri oyaenköyaenöñ aņgota luhut membeak ewö, Anutunöñ mönö nalö kungö keuñi mi könañgep qahö jibawak. ⁹ Mi qahö jibawakmö, Anutunöñ mönö ölna könagesö luhut meme neñgii oyaenköyaen miwikñabin. Keu mianñön mönö pöwöwöm köhöikñi ahöm neñgiza. ¹⁰ ††Miangö

† 4.3 Sum 95.11 †† 4.4 Jen 2.2 ‡ 4.5 Sum 95.11 †† 4.7 Sum 95.7-8 ‡‡ 4.8 Dut 31.7; Jos 22.4 ††† 4.10 Jen 2.2

könañi kewö: Anutunöñ nanñi nupñi meyöhañgö luhut memba kendon taröhi, miangö dop kunöñ Anutugö oyaenköyaenöñ aņgota luhut memawi, yañön mönö nanñi nupñi meyöhañgö luhutñi mi mewöñanök memba oyaenköyaen malma. ¹¹ Miangöra nini mönö Anutugö oyaenköyaenöñ aņgota luhut memeni mi-wikñainingö kapañ kölbin. Eñgöreñök kunöñ et qeba könagesö walñi yeñgö qequetal tandökñini miyöhök wuatañgöbapuköra mönö kapañ kölbin.

¹² Anutugö keuñi mi memguliguligö könañi aka kukösum-ñambuk akza. Bimö sou ketañi mi likep likep jitñirambuk akzapmö, Anutu keuñangö jitñan mönö sou ketañi pakpak eñgongita jit kötök aiga jitñi bahöbahö mi mauñambuk akzahot. Keu mianñön mönö uru uñanini kutuba ömenöñ me Anutugö Uñañan inahöm neñgimakzawi, mi underda kungum neñgimakza. Sile kitip toroqeqenini aka sihitninañgö digonñi mi mewöyök kewöta (keunini asa-asambötñi miwikñai-ba) ölopñi aka bölöñi mender etkimakza. Urukönömnini aka mötkutukutu areñini mi kewöta keunini jim tekömakza.

¹³ Anutunöñ yuai pakpak miwikñaii ahözawi, mi-añgöreñök yuai kun mi asa-asambötñe qahö ahöiga ölopñanök ehakza. Yuai kun esuhuinga Anutunöñ esunini mi ölop luluñda ehi yañgö jemesoholñe aukñeyök ahöza. Ahakmemeninañgö kösohot pakpak mi mönö yañgöra jim asaribinañgö dop akzin. Mewö.

Jisösnöñ jike nup galömnini öñgöñgöñi akza.

¹⁴ Jisösnöñ jike nup galöm bohonñi öñgöñgöñi ak neñgiza-wañgöra aka neñön “Möt narim wañgizin,” jiba jim miwik-ñaimakzini, miangöreñ mönö köhöiba kinbin. Jisös Anutugö Nahönñan mönö Suep jakeni jakeni eñgongita öñgöba tatza. ¹⁵ Urumötmötnini tosatñan lölöwöröñi aketka jike nup galöm tosatñan miangöra wösömötmöt qahö ak neñgimakzemö, nanine jike nup galömninan mönö qainñi kun kewö akza: Yañön mönö nini ewö ahakmeme pakpak miangöreñ nembuk tandök mohot esapköm wañgiba malgetmö, mi töndup singisöndok kun qahö ahök.

¹⁶ Jike galömninan mönö eu kalem möriamgö dum tatatñe tata ak kömum neñgimamgö mörakza. Mi-añgöra mönö awösamkakak qakñe kinda yañgö kösutñe anbin. Yañgö kösutñe aninga kalem möriamgöra osizini, miangö nalö diñdiñe mönö bauköm neñgiiga mi ölop miwikñabin. Mewö.

Galöm bohonini Jisösnöñ mönö bauköm neñgimakza.

5 Gölmeñgö jike nup galöm bohonñi pakpak mi ambazip sutñineyök möwölöhöm eñgiba nup kewö memegöra kungum eñgimakzin: Yañön ambazip jitñe-memenini aka Anutubuk urumohot aka malbingö nupñi memba singisöndok ahinañgö sömbup kalemñi kalemñi mi Anutugöra ala mianñön jöwöwöl ohomakza. ² Nanñi urumöt-mötñi tosatñan mewöyök lölö-wöröñi akza. Miangöra ambazip gukmaulem qakñe janñuñ ahakzei, mi ölop wösömötmöt qakñe ak neñgimakza.

³ †Lölöwöröñji akza-wañgöra mönö nanñi siñgisöndokñi aka könagesöurupñi yeñgö siñgisöndokñini mewöyök köl könjöratmapköra sömbupnön jöwöwöl ohomakza. ⁴ ††Kunñan qetbuña mi nanñangöra qahö buña qem aņgumapmö, Anutu-nöñ Aron oholöhi, mi-añgö dop mönö i mewöyök oholja.

⁵ †Miañgö dop Kraistnön mewöyök nanñak jike nup galöm bohonñi akñapkö qetbuñani mi nanñangöra qahö buña qem aņguyökmö, Anutunöñ kewö jim kutum wañgiyök, “Göñön nöñgö Nahöni aknöñga nöñön mönö merak göhö Iwigi akzal.”

Keu miañgö dop jike nup galöm bohonini ahök.

⁶ ††Keu miyöhök jii Buña Kimbigö kembangan kunöñ kewö ahöza, “Göñön mönö Melkizedek ewö jike nup galöm aka nalö teteköñi qahö mal öñgöman.”

⁷ †Jisösnön silebuk gölmenön mala miañgöreñ mönö nalöñi nalöñi köuluköba köhöikñanök qeriga imbilñan eri Anutu kömupnöñök mekömapkö köhöiyöhi, i qesim wañgiba malök. Qesim wañgiba mala Anutu göda qeba keuñangö bapñe al aņguba malöhañgöra Anutunöñ köulukñi mörök. ⁸ Nahöññi ahökmö, Anutunöñ mi töndup sihimbölö qahö jöhöi qakñe öñgöi möta aņgöreñ temkölkölgö könañi miwikñaiba möt soroköyök. ⁹ Mi möta aködamunñi pakpak miwikñaibagan mönö oyaenköyaen teteköñi qahö malbingö kondotkondot Toñi ahök. Miañgöra ambazip yañgö jitñi tem köla maljei, mi pakpak mönö ölop kondot engiiga oyaenköyaen akñe. ¹⁰ Toñi mi aiga Anutunöñ i Melkizedek ewö jike nup galöm bohonñi akñapkö jim teköba al wañgiyök. Mewö.

Mötnaripkö ölni sohobapukö galöm meme keu

¹¹ Keu mi ölop toroqeba gwötpuk jim qaribinakmö, eñön keu möta wuatangöbingö tañqañ aka gaunjeje akze. Miañgöra mi jim asarim engibingö osikosi akzin. ¹² ††Inini nalö köröññi könagesö walñi mala ölop nalö kewöñe lök böhi qaazazu akñeangö dop akeakmö, nanñinak Anutugö keu kötni mutukñi mi kunñan dumñe kunbuk kusum engimapköra osimakze. Inini mönö qaköba Buña keu mi juzu ewö nembangö mötze. Nene köhöikñi ewö mi nembangö osimakze. ¹³ Kunñan mi juzu ewö memba maljawi, yañön mönö toroqeba morösesepew ewö akza. Anutugö jeñe solanñi akingö keu kusum engiinmö, yañön miañgö könañi qahö möt kutuba töñpin malja.

¹⁴ Morösesepew ewö maljapmö, nene köhöikñi mi ambazip mötmötninan qariyöhi, mönö yeñön nemegöra aka ahöza. Ambazip Buña keu sundan köl guliba malgetka urumötmötninan lök möñaiiga ölop amqeba silik pakpak kewöta ölopñi aka bölöñi mender etkiba ölopñi wuatangömakze. Nene köhöikñi mi yeñgöra aka ahöza.

6 Miañgöra Kraist könañangö keu kötni mutukñi lök möta miañgöreñ mönö kude qaköbin. Mewö qahöpmö, mönö toroqeba qariba aködamuninambuk

† 5.3 Lew 9.7†† 5.4 Eks 28.1‡ 5.5 Sum 2.7†† 5.6 Sum 110.4‡‡ 5.7 Mat 26.36-46; Mak 14.32-42; Luk 22.39-46 ††† 5.12 1 Kor 3.2

akingö kapañ köla malbin. Mötnaripkö tandöñi lök kuñguba mi mönö dumñe kunbuk könahiba kuñgububuk. Tandö mi uruñine kewö kuñguin: Ahakmemenini köhömuñi mosöta urunini melenñda Anutu möt narim wañgiin.

² Urunini melenñinga mötnaripkö keu kembangan kembangan kewö kusum nengigetka mörin: Siñgisöndokni köl könjöratmegöra o melun aka amötqeqe könañi könañi miengö könañini kusum nengiget. Böröñini qaknine alalgö könañi kusum nengiget. Guliba kömupnöñök wahötpingö könañi kusum nengiget. Anutunöñ keunini jim teköi teteköñi qahö köhöikñi ahömapkö könañi kusum nengiget. ³ Mötnaripkö tandöñi mewö kuñgubagan mönö toroqeba möt qaribingö mötzin. Anutunöñ ösum-mumu nengimakzawañgö dop mönö aködamunini pakpak miwikñaibingö kapañ köla kinbin.

⁴ Mewö kinbingö möta miañgöreñ qaköba etpinbuköra aka kinjin. Ambazip kewöñi mi uruñini melenñmegöra enguangitpingö osimakzin: Tosatñan uruñini nalö kunöñ asariiga Anutunöñ Suep kalemñi engii möta söñgaigetka Uña Töröñan ösupköm engii malget. ⁵ Anutu Buña keuñangö nahömñi mötketka oyaenköyaen nalö könañgepñangö kukösumñan mönö uruñine gei mötket. ⁶ Mi pakpak mötagun mönö mötnaripñini mosöta Anutu andö qeget. Ambazip mi uruñini kunbuk melenñmegöra enguangitpingö osimakzin. Yeñön Anutugö Nahöññi ilita dumñe kunbuk maripomnöñ qeqe ewö memba et ala aukñe gamu qem wañgimakze. Mewö miañön mönö nanñini geñmororöñ ak aņgumakze.

⁷ Mi söpsöp keu kiangö dop: Kienön nalö gwötpuk yöhöba gölme qakñe eta uruñe geba gölme mem kelöriaga nup toñangö welenqeqeurupñan nene kömötketka Anutunöñ gölme kötuetköiga ölni asuhui kölkömöt toñi yeñön mi memba köweñine alakze. ⁸ ††Mewö alakzemö, koururuk aka siriuret wahinambuk miañön gölmenön asuhuba wahörakzawi, gölme miañön mönö nesakñi akza. Toñi yeñön mi saiköbingö mötze aka kapañ köla mambötketka ölni qahö asuhui eka teteköñe mönö kuñgugetka jema.

⁹ O wölböt alaurupni, neñön söpsöp keu mewö jizinmö, mi töndup inini uruñini melenñda malmeañgöra mönö uruyahöt qahö akzin. Engö uruñine Buña keugö ölnan mönö asuhum qarimapköra möta awösamkakak kinjin. Anutunöñ ölni mi eka mönö meköm engii letota Suepnön öñgöme. ¹⁰ Anutunöñ mönö ekbonep qakñe gongonñi qahö akza. Inini Anutugö ambazip sarakñi bauköm engiba mala kota toroqeba bauköm engiba nup memba malakze. Mewö urukalemñini Anutu kondel wañgigetka qetbuñan qarimakzawi, yañön nupñini aka urukalemñini miañgöra mönö qahö ölum qeiga kitipñi melenñ engima.

¹¹ Nini oyaenköyaen akingö jörömqöröm aka miañgöreñ awösamkakak uruyahöt qahö kinmegö sihimnini möta kewö awöweñgömakzin: Inini nanñök nanñök Anutugö urukönöp ahakzei, miyöhök mönö

††† 6.8 Jen 3.17-18

toroqeba kondela malme. Aködamun-ninambuk akingö kapañ köla gölmenöñ mal tekömeangö dop miangören mönö kude löwörime. ¹² Qölmöm akepuköra mönö awöwengömaksin. Anutunöñ oyaenköyaen yuai neñgimangö keu jöhöyöhi, tosatñan Anutu möt nariba sihibölöñini möta mökösonda mewö miangön mi buña qem angumakze. Inini yengö silikñini wu-atangömegöra mötzin. Mewö.

Anutugö jöhöjöhö keu mi uruyahötñi qahö.

¹³ Anutunöñ Abraham jöhöjöhö keu wangiba mi nanñi qetñi qeta jöjopañ keuñan jim köhöiyök. Kunöñ Anutu ongita öngöñgöñi malbawak, ölop yangö qetñi qetpawakmö, mewöñi kun qahö maliga miangöra mönö nanñi qetñi qeta jöjopañ keuñi jiiga köhöiyök. ¹⁴ ††jöhöjöhö keuñi mi Abrahamgöra kewö jiba jiyök, “Nöñön mönö ölna kötuetköm gihimam. Mönö ölna gwölönarök gihibiga sehime.”

¹⁵ Mewö jiiga Abraham yuai wangimapkö keu jöhöi ahöyöhi, yanön mi ölnambuk akñapkö kapañ köla mamböta mala ölni buña qem anguyök. ¹⁶ Ambazipnön ketanaminangö qetñi qeta jöjopañ keu jiget mörakze. Jöjopañ keuñinan keu jizei, mi mem köhöiiga qeapköbingö osigetka keu jijiñinan teköza. ¹⁷ Miangö dop Anutunöñ keuñi Abrahamgö gwölönarökurupñi neñön mötpingöra jöhöba jiyök. Keu areñi mi kunöñ qeapköba utekömamgö osizawi, gwölönarökurupñi neñön jöhöjöhö keu miangö könañi mi törörök möt yaköbingö mörök. Miangöra jöhöjöhö keuñi jiiga mutukñi aiga keu mi kunbuk jöjopañ keuñan jim köhöiiga indimñi yahöt ahök.

¹⁸ Anutunöñ keu mi jiba miangö munen jimamgö osiyök. Yanön keu utekutekñi qahö mi jibagun jim köhöiyöhi, miangön mönö urunini nangömapköra mörök. Miangöra mi jibagun jim köhöiyök. Neñön gölmegö ahakmeme bölöneyök ölöñ köla Anutugören angota oyaenköyaen neñgimapkö jörömqöröm neñgiyöhi, mi mönö töp memba mamböta maljin. ¹⁹ ††Oyaenköyaen akingö al mamböta miangö uruyahötñi kun qahö ahakzin. Jörömqörömnini miangön uruninangö kösö mendanñi tandök ewö aka nini Jisösbuk jöhöm neñgimakza. Jörömqörömninangö kösö mendanñi köröpñi miangön mönö neñgörenök könahiba Suep jikegö uruñe öngöba jike oleni yahötkö sutñire opo sel ahözawi, mi mewöyök kutuba toroqeba Jisös jakömbuak dum kömbukñe tatzawangören anja. ²⁰ †Jisösnöñ mönö jitñememenini aka mutuk euyangören öngöba jakömbuak dumñi memba nalö teteköñi qahö tat öngöma. Mewö Melkizedek ewö jike nup galömnini bohonñi aka malja. Mewö.

Jike nup galöm Melkizedekö kösohot

7 ††Melkizedek azi mi miri qetñi Salem miangö kiñ kembuñi aka Anutu öngöñgöñangö jike nup galömnä malök. Mewö maliga Abrahamnöñ kiñ kem-

† 6.14 Jen 22.16-17 †† 6.19 Lew 16.2 ‡ 6.20 Sum 110.4
†† 7.1 Jen 14.17-20

bunji kembuñi bim qeba luhut al engiba lilingöba miriñe kayöhi, nalö miangören kaba Abraham miwikñaiaba kötuetköm wangiyök.

² Kötuetköm wangiiiga sukinapñi pakpak mendenña ten miengörenök mohot mohot (1/10) memba nalukña al wangiyök. Melkizedek qet miangö könañi mi “ahakmeme solanangö kiñ kembuñi.” Qetñangö dop mutuk “ahakmeme solanangö kiñ kembuñi” ahök aka toroqeba mewöyök “Salemgö kiñ kembuñi” malök. Salemgö kiñ kembu qet miangö könañi mi “lu-aigö kiñ kembu”. ³ Melkizedeknön iwinamñi aka saiwaurupñi qahö, ahuahu nalöñi qahö aka kömukömuñi qahö. †† Mewö jike nup galöm bohonñi aka nalö teteköñi qahö mal öngöma. Yanön Anutugö Nahönñangö tandök ewö akza.

⁴ Bömönjalöñini Abrahamgö gödaqege silikñan Melkizedekö könañi kondeli mi kewö ek asarime: Abraham nanñak sukinap yuai aködamunñambuk kalöpköba memba kayöhi, miengörenök böro yahöt (10) pakpak kewöta bahöñi mohot memba Anutugö nalukña al wangii miangöra Melkizedeknön mönö ölna öngöñgöñi ketanñi qainñi kun akza. ⁵ ††Anutunöñ Köna keuñan keu kewö jim kutum neñgii ahöza, “Liwaigö gwölönarökurup al engigetka jike nup meme azi (Liwait) aketka könagesö erñön mönö sukinapñini böro yahöt (10) pakpak kewöta miengörenök bahöñi mohot memba Anutugö naluha al engimakñe.” Yanön inini ewö Abrahamgö gwölönarökurupñi akzemö, mi töndup nanñini könagesöurupñini erñö böroñineyök nalukñini mi buña qem angumakñe.

⁶ Jimkutukutu keu mewö ahözapmö, Melkizedeknön Liwaigö gwölönarökñi kun qahö akza. Mi töndup Abrahamnöñ Anutugö jöhöjöhö keu möt angön köla mala sukinapñi kewöta tenöhök mohot memba Anutugö nalukña alöhi, mi mönö buña qem anguba kötuetköm wangiyök. ⁷ Ketanaminangö nembö bapñine maljini, yanön mönö kötuetköm neñgigetka maljin. Keu mi qarñ kölböngö osimakzin.

⁸ Könagesö neñön tenöhök mohot memba Anutugö naluha alakzini, mi gölmegö jike nup meme (Liwait) ambazipnön buña qem angumakze. Yanön gölmenöñ mala kömumakzemö, Suep mire euyangören kungöra nangöba jigetka köhöiba mal öngömawo, yanön mönö mi buña qem angumakza. ⁹ Abrahamnöñ sukinapñi kewöta böro yahöt (10) pakpak miengörenök bahöñi mohot memba Anutugö nalukña alöhi, yanön mi gwölönarökñi Liwaigöra mewöyök qeljiñe alök. Mewö jiinga ölop dop kölbawak. Nalö kewöne tenöhök mohot memba Anutugö nalukña alakzini, mi bömönini Liwaigö gwölönarökurupñan buña qem angumakze. ¹⁰ Liwaigö salupñe mewöyök naluk alöhi, miangö könañi kewö: Liwainöñ amböñangö körö uruñe tariga Melkizedeknön mönö nalö miangören kaba Abraham miwikñaiyök. Mewö.

†† Buña Keunöñ Melkizedekö iwinamñi aka saiwaurupñi, ahuahu aka kömukömu nalöñi mi qahö jim asariza. ††† 7.5 Jan 18.21

Melkizedek mi Jisösgö söpsöpni akza.

¹¹ Anutunöj Köna keujan Israel ambazip jim kutum nenjiiga miangö dop Liwai kambunöhök azi kungum enjiinga jike nup galömnina aket. Nup mi megetka mewö miangön aködamunini pakpak miwikñaibinak ewö, nini mönö jike nup galöm qainji kungöra qahö osibinak. Nup miangö ölnan qahö dop kölöhangöra aka Jisösnöj mönö Melkizedek ewö asuhuyök. Ambazipnöj i Arongö arenangö dop qahö kungugetka asuhuyök. ¹² Jike nup galöm nupnangö könanan uteközawi, nalö miangören köna keuninan mönö mewönanök uteköza. ¹³ Jike nup galöm qainji kun keu mi Kembuninangöra jizinmö, yanön Liwai kambunöhök qahöpmö, mönö kambu kunöhök asuhuyök. Kambu miangö azi kunnan mönö jöwöwöl jikegö altanöj kinda nup qahö memba malök. ¹⁴ Kembuninan Juda kambunöhök asuhuyöhi, keu mi aukne ahöza. Mosesnöj Juda kambu yejön jike nup galöm kölmegö keu kun qahö jiyök.

Jike nup galöm Melkizedek ewö kun

¹⁵ Miangöra jike nup galöm kun Melkizedekö tandök ewö asuhuzawi, miangön mönö keu jizinangö ölni mi aukneyök kondeliga dopne akza. ¹⁶ Yanön gölme ambazipnöj Köna keu wuatangöba kambunangö dop jim kutugerangöra aka jike nup galöm qahö ahökmö, malmal köhöikni qahö ayapkömawi, miangö kukösumnan mönö nam köl wanggiiga jike nup galöm ahök. ¹⁷ †Kunöj yangö könanj nangöba jiiga Buja Kimbinöj kewö ahöza, “Gönön Melkizedek ewö jike nup galöm aka nalö teteköni qahö mal öngöman.” ¹⁸ Anutunöj mewö jiba jimkutukutu mutukni mi qeapköyök. Keu miangö kukösumnan qahöwahiga bauköm nenjimapkö osimakzawi, miangöra mi qeapköyök. ¹⁹ Köna keunöj ambazip aködamunini miwikñaibingö qahö bauköm nenjiyök. Qahö. Miangöra keu arej mutukni qeköba salupne jörömqöröm qetpuk sorok nenjiza. Nini jörömqöröm miangö qakne kinda ölop Anutugö kösutne anda köulukömakin.

²⁰ Anutunöj jike nup galöm dölöknanngö keunji jiba mi jöjöpän keujan jim köhöiyök. Mewö ahökmö, jike nup galöm tosatni yengö keunini mi jöjöpän keunöj qahö jim köhöigetka töndup mewö aket. ²¹ ††Tosatnan jike nup galöm öne aketmö, Anutunöj Jisös kunguba keunji mi jöjöpän keujan jim köhöiba yangöra kewö jiyök, “Gi mönö jike nup galöm aka nalö teteköni qahö mal öngöman.” Kembunöj keunji mi jöjöpän keujan jim köhöiba urunan mi qahö uteköma.”

²² Jöjöpän keu miangöra aka Jisösnöj mönö jöhöhöhö arej dölöknanngö ölni asuhumapkö galömni akza. Mewö Anutu aka ambazip sutnine nup memba malja. Jöhöhöhö arej miangön walni ongita qetpuk sorok akza.

²³ Jike nup galöm tosatni mi mönöwök gwötpuk malget. Kömumba nupni toroqeba membingö osigeri, miangöra mi mönö gwötpuk malget. ²⁴ Yejön gwöt-

puk malgetmö, Jisösnöj nalö teteköni qahö mal öngö-mawi, miangöra jikegö galöm nup mi mönö teteköni qahö memba mal öngöma. ²⁵ Nup mi memba mal-jawangöra Jisösnöj ambazip yangören kagetka enguanjiri Anutugö kösutne anakzei, mi ölop köhöiba amöt qem enjii keujan kömumakza. Nalö dop yengöra aka Anutu köulukömak-napaköra maljawi, miangöra mönö ölop amöt qem nenjim tekömakza.

²⁶ Jike nup galöm bohonji mewönan mönö ölop dop köl nenjiza. Yanön töröni köpösihitkö keunji qahö aka sarakni akza. Anutunöj Jisös singisöndok ambazip nenjörenök tiri kutuba wangiri Suep jakenji pakpak kutuba euyangören öngöba qainji kun akza. ²⁷ †jike nup galöm tosatnan sömanji sömanji mutuk nanjini singisöndokninangöra aka miangö andöne könagesö yengö singisöndokninangöra aka sömbupnöj jöwöwöl ohoba maljema. Jisösnöj nanji silenji kölenji-ga jöwöwöl ohoho ewö ak wangigetka mewö miangön könagesö nenjögö singisöndoknini mi indim mohot miangörenök lök köljörari dop köl teköza. Miangöra Jisösnöj mi jike nup galöm tosatni ewö nalö dop ahaknapkö qahö osiza.

²⁸ Anutunöj Köna keunji Moses wanggiiga miangö dop ambazipnöj azi mi kungum engigetka jike nup galöm bohonji ahakze. Gölmö azi yejön kukösumnini qahö maljemö, Anutunöj oyaenjoyaen akingö keunji mi könanjep nenjiba mi jöjöpän keujan jim köhöiyöhi, miangö dop Nahönji kunguiga bohonini akza. Bohonini yanön mönö aködamunni körek pakpak lök miwikñaiba nalö teteköni qahö köhöikni mal öngöba malma. Mewö.

Jöhöhöhö arej dölöknanngö jike nup galöm bohonji

8 †Keu jizini, miangö keu kötni bohonji mi kewö: Nini mönö jike nup galöm bohoninambuk akzin. Bohonini yanön mönö Suep mire öngöba Öngöngönamnini yangö jakömbuak dum tatat qöhöröne böröni ölnje tatta. ² Opo seri jike ölni mi Suepnöj ahöza. Mi gölme azinöj memenji qahöpmö, Kembunöj nanjak mi meyök. Jike nup galöm bohonini yanön mönö opo seri jikegö olenji töröni kötökni miangören mala Anutu welenji qemamgö nupni memakza.

³ Gölmegö jike nup galöm bohonji pakpak mi naluk kalem Anutugöra ala sömbupnöj jöwöwöl ohoba malmegöra kungum engimakzin. Miangö dop jike nup galöm bohonini Jisösnöj mewönanök nanji Anutugö nalukna al wangiyök. ⁴ Mosesgö Köna keugö dop naluk kalem Anutugöra alakingöra azi lök kungum engigetka malje. Miangöra jike nup galöm bohonini miangön gölmenöj malbawak ewö, yanön mönö gölmegö jike nup galömni aknamgö osibawak.

⁵ ††Gölmegö jike nup galöm yejön gölmegö jöwöwöl jikenöj Anutu welenji qebingö nupni memakze. Jike miangön mönö Suep jike kömbuknanngö söpsöpni aka imutni akza. Mosesnöj jike kömbukni opo serinöj memamgö ahöhi, nalö miangören Anutunöj Suep

† 7.17 Sum 110.4 †† 7.21 Sum 110.4

‡ 7.27 Lew 9.7 †† 8.1 Sum 110.1 †† 8.5 Eks 25.40

jikeñangö areni mi indelök. Indel teköba galöm meme keunji kewö jii mörök, "Mötnön, kundunje malnönnga areñ kondel gihiali, yuai pakpak mönön miangö dop törörök wuatangöba memam." Miangö dop opo serinön jöwöwöl jike meiga mianön mönön Suep jikegö korembiñ ahök. ⁶ Anutunön oyaenköyaen akingö jöhöjöhö keu dölökñi neñgiiga mianön jöhöjöhö keu walñi ongita ölop sorokñi akza. Jöhöjöhö keu mianön areñ dölökñangö tandönji akza. Jöhöjöhö areñ dölökñi mianön mönön areñ walñi ongita qetbuñangambuk akza. Qetbuñangö miangö dop jisösnön jöhöjöhö areñ dölökñangö nupñi ölop sorokñi mi buñangem anguba Anutu aka ambazip sutnine kinda bauköm neñgimakza. Nupñi mianön mönön gölmegö jike nup memeni mi gwötpuk ongita aködamunñangambuk akza.

⁷ Jöhöjöhö areñ mutukñan keunji qahö aka dop kölbawak ewö, jöhöjöhö areñ könangepñan asuhumapköra öne qahö mamböt-pinak. ⁸ †Mewömö, ambazipnön töndup böligetka Anutunön könanjini miwikñaiba jim enggiba kewö jiyök, "Kembu nöñön kewö jizal: Mötket! Nalö kun kam kuñgumawi, miangören Israel kambu aka Juda kambu embuk jöhöjöhö areñ dölökñi akñam.

⁹ Nöñön amböskonurupñini böröñine memba Ijpt kantrinöhök enguangetpiga yaigep kagetka yembuk jöhöjöhö areñ ahalmö, yeñön nöngö jöhöjöhö areñ mi qahö qekötahöba tem kölget. Miangöra nöñön mewöñanök i andö engguyal. Kembu nöñön mewö jizal. Jöhöjöhö areñ dölökñi akñami, mi Buñangem keu walñangö dop qahö.

¹⁰ Mewö qahöpmö, nalö mianön kam kuñguiga Kembu nöñön mönön Israel könagesö yembuk jöhöjöhö areñ dölökñi kewö aka jimam: Nöñön mönön nani Köna keuni pakpak mi yeñgö mötmötñine ala uruñine kimbi ewö ohobi ahöma. Mewö aka yeñgö Anutunöni akiga yeñön mönön nöngö könagesöni aka malme.

¹¹ Nalö miangören ketanj morönji mi körekmakörek nöngö könanji möt yaköba malme. Miangöra böhi kunön Kembugö könanji mötmegöra sutñine qahö kusum enggiba malma. Datñan munñangöra kewö qahö jima, 'Gi mönön Kembu möt yaköman.'

¹² Kewögöra ni möt yaköm niñgiba malme: Nöñön ahakmemeni bölöñji mi sañgoñda mosötmam. Siñgisöndokñinangöra mönön ölum nuñgui mi qahö toroqeba mötmörimam."

¹³ Anutunön jöhöjöhögöra "Dölökñi" jiba mewö mianön jöhöjöhö areñ mutukñangöra "Mönön walñi ahök," jiiga könanji mewö asuhuyök. Keu areñ kunön nalö köröpnji ahöba walñi akzawi, mianön mönön ayapkömamgö dop akza. Mewö.

Gölmegö opo seri jikenön Anutu kewö möpöseiget:

9 Anutunön jöhöjöhö areñ mutukñi aka miangören mewöyök waikñi memba möpöseibingö areñji mi jim kutui wuatangöget. Mi wuatangöba gölmenön opo seri jike megetka ahöyök. ² ††Anutugö opo seri jike kömbukñi mi kewö meget: Jike olenji mutukñi mi-

† 8.8 Jer 31.31-34 †† 9.2 Eks 26.1-30; 25.23-40

angören lambegö dum tatatñi aka beret kömbukñi mi Anutugö jemesoholñe tebolnön buñangem alget tarök. Jike urunji miangö qetñi mi jike olenji kömbukñi. ³ †Mi-angö andönje jike uru qetñi jike olenji törönji kötökñi mi ahöyök. Jike olenji yahöt mietkö sutñire opo sel kinök.

⁴ ††Jike olenji törönji kötökñi miangören jiniñ ohohogö altanj aka jöhöjöhö arengö bokisñi mi ahöyohot. Altanj mi goulñön memeni aiga bokis silenji mi körek goulñön turuturunji ahök. Paura qetñi mana mi goul kumbutnön ala bokis miangö uruñe galöm kölget. Mewöyök Arongö öröpnji sötnji jujulñi aka Anutunön jöhöjöhö areñ kötnön ohoi ilanji mi bokis miangö uruñe galöm kölget. Bokis uruñe yuai karöbut mi mewö ahöget. ⁵ ††Bokis qakñe imut yahöt goulñön memeni mi Anutunön dowe mali asakmararangö söpsöpñi aka kinohot. Imut yahöt mi ginginñiri kötula bokis önunñi turuba kinohot. Bokis önunñi mi Anutugö köl köñjorat dumñi ahök. Keu mohot mohot mi nalö kewönje nanñök nanñök törörök eraum mötpinangö dop qahö.

⁶ ††Anutugö opo seri jike kömbukñangö yuai pakpak mi mönön mewö arengögetka ahöiga jike nup galöm yeñön nalö dop jike olenji mutukñi miangören öngöba Anutu welenñi qeba nupñini memba malget. ⁷ †††Mewö malgetmö, jike nup galöm bohonñi yañönök (yara) yambu dop indimñi mohot miangören jike olenji törönji kötökñi miangören öngöba malök. Sep memba miangören öngöba nanñangöra aka könagesö yeñön gukmaulem qakñe siñgisöndok akeri, mönön miangöra aka jöwöwöl ohoba sepñi mokoi erök.

⁸ Mewö arengöba aketka Uña Töröñan söpsöp mi kondela mianön ambazip kewö kusum neñgiba malök: Jike olenji mutukñan toroqeba kinjawi, nalö miangören Anutunön jike olenji törönji kötökñangö könanji mi aukñe qahö indeliga malget. ⁹ Keu mi nalö kewönangö söpsöpñi akza. Könanji kewö: Ambazipnön kalemñi kalemñi naluk ala jöwöwöl memba kagetka ohomakzemö, uruñinan töndup luai miwikñaibingö osimakze. Uruñinan siñgisöndok akerangöra aka tölöhoi jöwöwöl memba kaba Anutugö jike kömbukñe öngöba köulukömakzemö, mianön mönön siñgisöndokñini köl köñjoratpingö osimakze.

¹⁰ Nene kalem aka o kalem memba kaba an köl kam köl aketka o melun könanji könanji mem enggimakzemö, mewö silegö jimkutukutuñi miyök wuatangömakze. Yuai mi mutuk dop köli aka malgetmö, Anutugö areñ dölökñangö nalöñan kam kuñguiga miangörenök könahiba qahö toroqeba dop kölma. Mewö.

Kraistkö sepnangö könanji

¹¹ Kraistnön kaba oyaenköyaen neñgimakzawangö jike nup galöm bohonñi ahöhi, yañön gölmegö opo seri jike kömbukñi azinön memeni miangören qahö öngöyökmö, mönön Suepkö jike kömbukñe öngöyök. Jike kömbukñi mianön öngöngöñi akza. Akö-

‡ 9.3 Eks 26.31-33 †† 9.4 Eks 30.1-6; 25.10-16; 16.33; Jan 17.8-10; Eks 25.16; Dut 10.3-5 †† 9.5 Eks 25.18-22 ††† 9.6 Jan 18.2-6 ††† 9.7 Lew 16.2-34

damunñan mönö asakmarararambuk. ¹² Mianğörej öngöba uruñi mutukñi kutuba meme (noniñ) aka bulmakau moröñi mienğö sepnini qahö memba anökmö, nanñi sepnji mokoiga mianğön nam köl wañgiiga Suepkö jike olenji töröñi kötökñi mianğörej öngöyök. Mianğörej nalö mohotkö dop öngöiga dop köl teköza. Sohopeni mewö memba oyaenköyaen akingö kon-doriga nalö teteköñi qahö dop köla ahöm öngöma.

¹³ †Mutuk meme (noniñ) aka bulmakau azinji enguba sepnini memba kaba bulmakau ambi seramñi mianğön jöwöwöl ohoba mianğö bupgahajöñi mewöyök memba kaba ambazip kölköl-jinjinambuk mianğön qewösahöba engömirigetka dop köl engiyök. Mewö amöt qem engigetka mianğön silenji sañgoñda mem sarahim engii malget. ¹⁴ Mewö aket ewö, Kraistkö sepnjan mönö amötqeçe tandök mi gwötpuk onğita kewö ak neğgimakza: Sepñan mönö urunini tölöhoi sañgoñda kömup köhöiknañgö buña akingö ahak-memeni mi köl könjörarakza. Mewö ak neğgiiga mal-mal Toñi Anutu welenni qebingö nupñi mi amqeba memba malbin. Uña Töröñi mala kota teteköñi qahö mal öngömawi, yañön mönö Kraist bauköm wañgiiga köpösihitñi qahö malökmö, neğgöra aka nanñi kölenj anguba Anutugö jöwöwöl lamaanji ahök.

¹⁵ Könañi kewögöra Kraistnön jöhöjöhö areñ döläknañgö galöm bohonñi akza: Anutunön ambazip oyaenköyaen aka nalö teteköñi qahö mewö malbingö keu jöhöba engoholöhi, mienğön Anutugö Buñaji mi buña qem angumegöra mötza. Mianğöra Kraist aliga Anutu aka ambazip sutnine urumohot akingö nupñi memba malja. Jöhöjöhö areñ mutuknañgö nalöñe ambazipnön köna onğita siñgisöndok aketka mianğön jöhöm engii malgeri, Kraistnön i mienğöreñök pösat engimamgöra aka kömumba sohopñini meyök.

¹⁶ Kunñan öroyuainji pakpak malmalñi tekömawi, mianğörej alañgö buñaji akñapkö jim kutui keu ahözawi, alañan buña mi zilañ qahö mema. Zilañ qahöpmö, keu toñan kömui könañan aukñe asuhui eketka mianğörej mi ölop buña qema. ¹⁷ Jebuk maliga nalö mianğörej keunji mianğön ölnambuk qahö akñapmö, keu toñan kömuigun keunjan mönö kukñambuk akña. ¹⁸ Keu mianğö dop jöhöjöhö areñ mutukñi mi mewöyök sep qahö öne ölnambuk qahö ahök.

¹⁹ ††Ölnambuk kewö ahök: Mosesnön Köna keugö jöjöpñ keu pakpak mi könagesö körek yengöra oy-onğdagun mönö bulmakau moröñi aka meme (noniñ) enguiga sepninan erök. Eri mi memba obuk mindiriba lama jupñi pisikñi gugakgugak memba soñgorep suñe jöhöba sepnön kundumgöba qewösahöi Köna keu Kimbi lama silenje ohoba lipingögeri, mi miriyök. Mi miribagun könagesö pakpak sutñine liliköba sep onön kundumgöba giliga mianğön qewösahöi engömiriyök. ²⁰ Mewö engömiriba kewö jiyök, "Anutunön keunji tem kölmegöra jim kutum engiba embuk jöhöjöhö akzawi, mönö mianğö sepnja ki."

²¹ †Mewöñanök opo seri jike kömbukñi mi tok sepnön kundumgöba giliga mianğön kundumgöba miriyök.

Amötqeçe nup memegö aködamun yuainji pakpak mi mewöyök kundumgöba gili miriyök. ²² †Köna keunön jim kutuzawañgö dop i me wai pakpak mi mönö sepnön sañgoñninga sarakñi ahakza. Kunön sep qahö mokoza ewö, Anutunön mönö siñgisöndoknini qahö mosötma. Mewö.

Kraistkö sepnjan siñgisöndoknini köl könjörarakza.

²³ Suep jike kömbuknañgö söpsöp imutñi imutñi mi gölmenön jöwöwöl ohoho aka mewö mianğön amöt engugetka sarakñi aketka dop köljamö, Suepkö öroyuagöra mi qahö dop kölja. Mianğöra Kraistnön jöwöwöl ohoho qainñi kun aka mianğön Suep jikegö öroyuainji pakpak mi mönö amöt enguiga sarakñi aketka dop kölok. Jöwöwöl ohoho qainñi kun mianğön mönö gölmegö jöwöwöl ohohoñi onğita aködamunambuk akza. ²⁴ Mianğö könañi kewö: Kraistnön jöwöwöl jike olenji töröñi kötökñi azinön memenji mianğörej qahö öngöyök. Mi Anutugö jike ölnağgö söpsöpñi miyök ahök. Kraistnön mönö Suep miri ölnji mianğörej öngöba nalö kewöñe bauköm neñgi-makñapköra jitrjememeni aka Anutugö jemesoholñe asuhumakza.

²⁵ Jike nup galöm bohonñan yambu (yara) dop sömbup sepnini memba jöwöwöl jike olenji töröñi kötökñi mianğörej öngöba malök. Kraistnön mianğö dop qahö ahakza. Yañön Suep mire indimñi gwötpuk qahö öngöyök. Anutugö jöwöwöl lamaanji aiga yambu (yara) dop qemakñegöra aka eu qahö öngöyök.

²⁶ Indimñi mohotñan qahö dop kölbawak ewö, yañön mönö Anutunön Suep gölme miwikñaim etkiyöhi, nalö mianğöreñök könahiba sihimbölöñi bölöñi möri indimñi sehisehñi akawak. Mewö qahöpmö, gölmegö nalöñan tekömamgö aiga nalö kewöñe indim mohot miyök siñgisöndok köl könjöratmapköra aka asuhuyök. Asuhuba nanñi jöwöwöl ohoho ewö ak wañgimegöra al anguyök. ²⁷ Gölme ambazip neğgö areñnini kewö ahöza: Nini nalö kunön kömumbin aka mianğö andöñe Anutunön keunini kewöta jim teköm neğgima.

²⁸ †Arenj mianğö dop Kraistnön mewöñanök ambazip sehisehñi neğgö siñgisöndoknini köl könjöratmapköra indim mohotkö dop kaba nanñi jöwöwöl ohoho ewö ak wañgimegöra al anguyök. Yañön nalö kunön lilingöba kama. Siñgisöndököra aka kunbuk qahö kamapmö, ambazip asuhumapkö mambörakzini, mönö nini oyaenköyaen neğgiba neñguangitmapköra aka asuhuma. Mewö.

Indim mohot kömupnön al angui dop köl teköza.

10 Köna keu walñi mianğön oyaenköyaen akingö könañi ölnji qahö akzapmö, oyaenköyaen asuhumawañgö imutimutñi miyök ahöza. Köna keugö könañi mewö ahözawañgöra aka ambazip Anutu möpöseibingöra jike kömbukñe nalö dop öngömakzei, yañön mönö letota aködamunñinambuk akingö osi-

† 9.13 Lew 16.15-16; Jan 19.9, 17-19 †† 9.19 Eks 24.6-8

‡ 9.21 Lew 8.15 †† 9.22 Lew 17.11 †† 9.28 Ais 53.12

makze. Yeñön nalö teteköñji qahö naluk kalem wangita ala jöwöwöl ohoho miyök yambu (yara) dop toroqeba aka malgetmö, mianjön qahö dop kölöök. ² Mianjön dop kölbawak ewö, jöwöwöl ohoho mi ölop mosötpeak. Jike kömbukñe Anutu waikñji memba möpöseigeri, yeñön indim mohot amöt engugetka sarakñji ak teköbeak, mewö mönö singisön-dokñinanğö gamuñji mi qahö toroqeba mötpeakmö, mi toroqeba mötket. Mianğöra sömbup kalem mi toroqeba nalukñina al-malget.

³ Yambu (yara) dop jöwöwöl ohoba malgeri, mianjön mönö toroqeba singisöndokñinanğö gamuñji mi jim gulim engii malget. ⁴ Bulmakau azinji aka meme (non-ij) yeñğö seņñinan mönö singisöndok kölöön-jöratmapkö osiza. Mi esapkögetmö, qaköba mala kotket.

⁵ †Mianğöra Kraistnöñ gölmenöñ eta asuhuyöhi, nalö mianğöreñ kewö jiyök, "Anutu, göñön naluk kalemğöra aka jöwöwöl ohome-ğöra qahö köpösöngö-ğöba malnöñmö, gölmenöñ malmalgö silenji mi mözözömgöba ninginöñ.

⁶ Jöwöwöl ohoba singisöndokñinanğöra aka naluk kalemñji kalemñji ala malgeri, mi eka mianğöra qahö söñgaiba malnöñ.

⁷ Nalö mianğöreñ kewö jial, 'Anutu, mötnöñ, nöñön ki kazal. Nöñğö könani mi papia lipinlipinji mianğöreñ ohogetka ahöza. Mianğö dop mönö göhö sihimğahö dop aka memba malmam.'"

⁸ Mutuk kewö jiyök, "Naluk kalem ala jöwöwöl ohoba singisöndokñinan solanimapköra yuai könani könani aka malgeri, mianğöra mönö sihimgan qahö asuhui möta malnöñ. Mi eka mianğöra qahö söñgaiba malnöñ." Yuai mi Köna keu walñanğö dop toroqeba ahakzemö, mi töndup mewö jiyök. ⁹ Mianğö andöñe keu kewö jiyök, "Anutu mötnöñ, nöñön mönö ki kaba göhö jitsihitkahö dop aka memba malmam." Mewö jiba Anutu waikñji memba möpöseibingö könani mutukñji mi qeapköba köna dölökñji kuñguyök. ¹⁰ Anutugö jitsihitñan nam kölö wangiiğa silenjan jöwöwöl ohoho ewö aket teköi mianğöra mönö tök kutum neñgii sarakñji ak teközin. Indim mohotkö dop silenji köleñniga mianjön nalö dop mönö söp köla ahöm öngöma.

¹¹ ††Nalöñji nalöñji jike nup galöm pakpak mienjön kind a jike nupñini memakze. Sundan dop jöwöwöl ohoho miyöhök dumñe kunbuk ahakzemö, mienjön singisöndokñini kölöön-jöratpingö osimakze. ¹² ‡Mienjön osimakzemö, Suepkö jike nup galöm bohonñan mönö indim mohotkö dop singisöndoköra aka silenji köleñniga nalö teteköñji qahö dop köla ahöm öngöma. Jöwöwöl ohoho ewö ak wangigetka Suep jikenöñ öngöba Anutugö böröñji ölñe tatza. ¹³ Mianğöreñ tata nalö sutñji ki-angöreñ Anutunöñ tuarenjonurupñji tötali et enguiga Kraist könanañğö döpnji †† aketka köirañ kölbingö mamböta malja. ¹⁴ Indim mohotkö dop kömupnöñ al

anjui jöwöwöl ohoho ewö ak wangigetka mianjön dop kölö teköi ölop ambazip tök kutum neñgii sarakñji ak-ingö dop akzin. Mewö ölop mem letot neñgiiga akö-damunini pakpak miwikñjaiba nalö teteköñji qahö mewö mal öngöbin.

¹⁵ Uña Töröñan mewöyök keu mi nanğöba jiiga mötzin. Mutuk keu kewö jii ahöza:

¹⁶ †††Kembu nöñön kewö jizal: Nalö tosatñan tekögetka mianğöreñ mönö jöhöjöhö areñ yembuk akñami, mi kewö: Nöñön Köna keuni pakpak mi mönö uru köñömñine ala mötmötñine kimbi ewö ohomam."

¹⁷ †††Mewö jiba kewö toroqeyök, "Nöñön mönö yeñğö singisöndok-ñini aka ahakmemenini iwilelebuk akeri, mianğöra ölüm nuñgui mi qahö toroqeba mötmöriba malmam." ¹⁸ Keu mianğö dop Anutunöñ mi mosöri ke-uninan kömuyöhi, singisöndok mienğöra jöwöwöl ohobinañğö dop qahö akzin. Mewö.

Anutubuk kapañ köla malbingöra neñgohölök.

¹⁹ Mianğöra urumelen alaurupnini, Jisösgö seņñan sangon neñgiiga mönö ölop Anutugö jike olenji töröñji kötökñji mianğöreñ öngöbin. Mewö möt narim köhöiba uruyahöt qahö ahakzin. ²⁰ Jisösnöñ köna anangö köna dölökñji mesariga nanñak malmal köhöikñanğö könani ak neñgiza. Köna mi nanñi silenji köleñda mewö mianjön mesari ahöza. Köna mi tiba Anutugö jikeñanğö opo selñi kutuba jike olenji töröñji kötökñji mianğöreñ öngöbin. Jisösgö silenjan nam kölö neñgiiga opo selñi mi ölop kutubin. ²¹ Jisösnöñ jike nup galöm öngöñğöñji ak neñgimakza. Yañön Anutugö kö-nagesöñji pakpak galöm kölö neñgiba malja.

²² †††Mewö maljawanğöra neñön mönö geñmon mosöta uruyahöt körek yaköriba pöndañök mötnarip qakñe kind a Anutugö kösutñe anda köuluköba malbin. Seņñan qewösahöi neñgömiriba uru tölöhopnini sangonñiga sarakñji aka malbin. Uruninan qahö toroqeba jim neñgiiga mönö awösamakak malbin. O sarakñji ariinga mem tuarim neñgiiga mewö mönö Anutubuk qekötahöba malbin. ²³ Anutunöñ oyaenkyo-aeñ akingö keu jöhöba neñgiyöhi, yañön mönö keuñji pöndañ wuatangöba nembuk kinja. Mewö kinjawanğöra aka mewö akingö mamböta jörömçörömñji jim miwikñaimakzin. Mianğöreñ mönö kongwarak mosöta zeñ kin köhöiba malbin. ²⁴ Urukalem aka ahakmeme ölopñji akingöra mönö uru kuñgum aka nanğöm anğuba malbin. Mewö malbingöra mönö pöndañ galöm mem anğuba malbin. ²⁵ Tosatñan nanñini urumelen könagesögö totokoñini mosörakzei, neñön mönö silik mianğö dop kude aka malbin. Mewö qahöpmö, Kembu kamawanğö aiwesökñji eka nalöñan dopdowimapkö mötzini, mianğö dop mönö kapañ köla köhöiba uru kuñgum anğuba malbin.

²⁶ Buña keu ölnji mötagun nanini imbi-imbi qakñe singisöndok lañ akin ewö, singisöndoknini mianğöra mönö naluk jöwöwöl kun albingö osibin. Jöwöwöl ohoho kun mi qahö bauköm neñgima. ²⁷ ††Mi qahö bauköm

† 10.5 Sum 40.6-8 †† 10.11 Eks 29.38 ‡ 10.12 Sum 110.1 †† Kerökurupñji memba et al engiba luhut ala gamu qem engibingöra könanañan tuapköba qakñine döpn ewö tölanjiba malget. Juda yeñğöreñ köna mewö.

‡† 10.16 Jer 31.33 ††† 10.17 Jer 31.34 ††† 10.22 Lew 8.30; Eze 36.25 § 10.27 Ais 26.11

nenjimapmō, Anutunōn keunini mi jim tekōba likepni meleni qaknine ōngōmapkō mambōringa jōnōmninan undui kenjōtnini mōta malbin. Anutugō kōnōpnan tuarenjōn-urupni engehōmawi, miangō kukni miyōk asuhumapkōra mōnō mambōta malbin. ²⁸ †Kunjan Mosesgō Kōna keu andō qezawi, i mōnō keu jakeŋe algetka yahōt karōbutnan keunī nanjōba jigetka keunambuk akŋa ewō, i mōnō kude ak kōmum wanjigetka kōmupkō buŋaya akŋa.

²⁹ ††Mewō akŋapmō, ambazip kun kewōnanjō keunanjōra mōnō denōwō mōtmōrize? Kunōn Anutu Nahōnjanjō keunī kōnanjan tōkōtahōba gilakza. Jōhōjōhō areŋ dōlōknanjō sepnan lōk tōk kutum wanjii sarakni ahōkmō, sep mi yuai omanj ewō memba et alakza aka kalem mōriam Toŋi Uŋa Tōrōnī mi ilita mepaqepaik ak wanjimakza. Kunjan mewō aiga Anutunōn keunī kewōta likepni dawikō dop wanjii dop kōlbawak? Kōna keu qetala kōmupkō buŋaya akingō dop akzinmō, Anutunōn ambazip mewōnanjō likepni mi mōnō kōnōpuk ak wanjii qakŋe ōngōi sihimbōlō ōnōnī qahō mōta malma. Wani sihimbōlōnōn mōnō dop kōl wanjibawak? Yanjō kōnanjanjōra mōnō denōwō mōtmōrize?

³⁰ *Keu kun kewō ahōza, “Jinōn jibi, nuŋgunōn guhubi, aknōn aki mi nōngō nuwa. Nōnōn mōnō ambazip keunīnanjō likepni melenmam.” Toroqeba keu kun kewō jii ahōza, “Kembunōn kōnagesōurupni enjō keunini kewōta jim tekōma.” Kun danōn mewō jiyōhi, nenjōn i mōt wanjizin. ³¹ Anutu malmal Toŋanjō jeŋe kindā et nenjui bōrōnan nenjumawi, miangōn mōnō kanjanambuk kōtōkni akŋa. Mewō.

³² Lōwōribepukōra kewō jizal: Anutugō asaknan kaiga buŋa qem anjuba asarigeri, mōnō nalō mutukni mi mōtmōriba malme. Nalō miangōreŋ mōtnaripkō bim qeba sihimbōlō gwōtpuk miwikŋaiba mi tōndup aum-mōriba aonjgit aka kin kōhōiget. Mi mōnō kude ōlum enjuma. ³³ Nalō tosatŋe gamu qem enjiget kōnjilij mōtketka qenjarōknōn engehōba malget. Nalō tosatŋe alaurupni tandōk mewōyōk ak enjigetka yanjō qōhōrōŋine kinget. ³⁴ Tosatŋi kōsō mire alget tatkeri, mōnō i enjeka sihimbōlōnīni mohotŋe mōta malget. Sukinapni kiom qeba megeri, mi mōnō sōsōngai qakŋe mōt anjōn kōla malget. Suepkō aine-maluku qainni kun qahō ayapkōmawi, mi ahōm enjizawanjō mōta miangōra urukōlalep mōta malget.

³⁵ Miangōra awōsamkakakni mōnō nalō kewōre kude gila mosōtme. Mi kude mosōtketka Anutunōn mōnō miangō tōwanj ketanī enjima. ³⁶ Anutunōn yuai enjimapkō keu jōhōi ahōzawi, enjōn mi buŋa qem anjumegōra kinje. Miangōra Anutugō jitsihitni wu-atangōba lōmbōt mōta mōkōsōnjan kapan kōla malme ewō, Suepkō buŋanī miangōn mōnō enjō buŋa akŋa. ³⁷ ††Kewōgōra mōnō kin kōhōiba malme: Nalō tōrōp-tōkni miyōk mōnō toroqeba mambōringa “Kunbuk kamawanjōn mōnō kam kunjuma. Nalōnī qahō qem kōrii ōngōmapmō, nalōnanjō dop tōrōrōk kama.

³⁸ Tōrōrōk kamapmō, nōngō alanan ahakmeme diŋdij wu-atangōmakzawi, yanjō mōtnaripnan mōnō nam kōl wanjii mal kōhōim ōngōma. Kunbuk elenjan mōtnaripni mosōtma ewō, mi qahō dop kōli urunan mōnō yanjōra qahō sōngaima.”

³⁹ Keu mewō ahōzapmō, nenjōn ambazip urunini kunbuk elenjan mōtnaripni mosōta kōnōp siagō buŋaya akŋei, mōnō yanjō kambunōn qahō kinjin. Mewō qahōpmō, mōtnaripni mi mōnō galōm kōlinga Anutunōn amōt qem nenjii mala Suep mire ōngōbinanjō dop akzin. Mewō.

Ambazip mōtnaripkōra aka yuai kewō asuhuyōk:

11 Mōtnaripkō kōnanj kewō: Yuaigō jōrōmqōrōm akzini, mi asuhumapkōra mōnō kōhōiba uruyahōtŋi qahō mōt narizin. Yuai qahō ehēkni miangō dop aka memba ōlŋi ekingō mambōta awōsamkakak kinjin. ² Mōpnanjō mōpŋeyōk kōnahiba ambazip mōtnaripnan nam kōl enjiiiga urunini melengetka Anutunōn enjehi dop kōliga jim ōlōwak enjiiiga malget. ³ ††Mōtnaripnan nam kōl nenjiiiga yuai pakpakō kōnanj kewō mōt asarimakzin: Anutunōn keunī jim kutuba miangōn Suep gōlmegō ōrōyuaŋi pakpak miwikŋaiyōk. Miangōra nalō kewōre yuai ehakzini, mi yuai ehēkni miangōreŋōk qahō letota asuhuyōk.

Abel, Enok, Noa yanjō mōtnaripni

⁴ ††Kein (Kain) Abel yetkōn Anutugōra jōwōwōl ohoyohotka Abelnōn urunī melenjiga mōtnaripnan nam kōl wanjii tōrōrōk tem kōliga kōwaknan diŋdij ōngōyōk. Mewō ōngōiga Anutunōn jōwōwōlŋi ehi dop kōli jim ōlōwahōk. Jim ōlōwaka Abelnōn solanŋi ahōhi, Anutunōn keunī mi nanjōba jiiiga mōtnaripnan nam kōl wanjii mōrōk. Mewō mōta mala kōmuyōkmō, mi tōndup nalō kewōre ahakmemeŋi mōringa keu miangōn mōnō toroqeba urunini kunjuba nanjōm nenjimakza.

⁵ †††Azi qetŋi Enok yanjōn mōnōwōk urunī melenjiga Anutunōn keunī nanjōba jim ōlōwahiga mōta yanjō jeŋe dop kōla malōk. Mewō mala mali mōtnaripnan Anutu nam kōl wanjiiiga wanjiri jebuk ōngōyōk. “Anutunōn wanjiri ōngōiga toroqeba miwik-ŋaibingō osiget.” Buŋa Kimbi miangō dop Enok mōtnaripnan anjōn kōl wanjiiiga qahō kōmuyōk. ⁶ Uruni Anutugōreŋ melenjawanjōn mōnō keu kewō mōt narima: Anutunōn malja aka Anutunōn ambazip yanjō jeŋe dop kōlbingō jaruzei, mi tōwa qem enjima. Keu yahōt mi mōt nariba ōlōp Anutugō kōsutŋe kamapmō, qahō mōt narim wanjiba ōne yanjō jeŋe dop kōlbingōra mōnō osibin.

⁷ †††Anutunōn Noagōra yuai asuhumapkō galōm meme keunī indelōk. Indeli Noanōn mōt asariba sōmbunī qainni kun mōta ōlŋi qahō ehiga mōtnaripnan nam kōl wanjiiiga tem kōla wanjē meyōk. Anutunōn

† 10.28 Dut 17.6; 19.15 †† 10.29 Eks 24.8 † 10.30 Dut 32.35, 36 †† 10.37 Hab 2.3-4

‡† 11.3 Jen 1.1; Sum 33.6, 9; Jon 1.3 ††† 11.4 Jen 4.3-10 ††† 11.5 Jen 5.21-24 § 11.7 Jen 6.13-22

nanji aka saiwaurupnji angön köl engimapköra möta wanje mi meyök. Noa mötnaripñan nam köl wanjiiga wanje meyöhi, ahakmeme miangön mönö gölme ambazip könañamñini gonjonji indeli Anutunöñ keunji jim teköiga ayuhuget. Uruñini qahö melenja ayuhugetmö, Noagö mötnaripñan nam köl wanjiiga Anutugö jeje solanji akingö kalemñi mi buña qem anguyök. Ambazip Anutu möt narim wanjiinga keuni jim teköi solanimakzini, Noanöñ mönö miangö dop solanji ahök. Mewö.

Abraham Sara yetkö mötnaripñiri

⁸ †Anutunöñ Abraham gölme yanğö buña akñapkö jiyöhi, mönö miangörej anmapkö oholök. Oholi mötnaripñan nam köl wanjiiga keu mi tem kölök. Denikeangörej anda angotpawak mi qahö mörökmö, mi töndup nanji gölmenji mosöta anök.

⁹ †Anda Anutunöñ gölme yanğö buña akñapkö jim jöhöhi ahöyöhi, mönö miangörej angörök. Angota kian aka ambazip ahakmemeñini qahö mörökmö, mötnaripñan nam köl wanjiyo-hangöra mönö töndup opo koumñi kuñguba ali miangörej ahöba malget. Isimoröñi Aisak Jeikob yetkö mewöyök Anutunöñ gölme engimapkö jöhöjöhö keunji miyök buña qem anguba gölme miangörej toroqeba opo koumñini kuñguba ala ahöba malget. ¹⁰ Sueti tandöñan qahö gisahömawi, Abrahamnöñ mi ekñamgö mamböta malök. Anutunöñ siti miangö areñi ala imutñi memba miri tandöñini esiba meiga pöwöwöm köhöikñi ahöm öngömawi, mönö miangörej angotmamgö al mamböta opo koumñi malök.

¹¹ †Mewö mala lök azi namñi aiga mötnaripñan nam köl wanjiiga köhöiba iwi ahök. Abrahamgö anömñi Sara yanğön köpin malökmö, mi töndup gölöm ala morö meyök. Anutunöñ Abrahamgö könagesöñi ketanji akñapkö keu jöhöm wanjiyöhi, yanğöra aka keujan öljambuk akñapkö möt nariba malök. Mötnaripñi miangön mönö nam köl wanjiiga nahönña asuhui ehök. ¹² †Azi mohot miangö mötnaripñan nam köl wanjiiga lök kömukömugö dop ahökmö, mi töndup yanğoreñök könagesö keta bölökñi asuhuget. Sengelau suepnöñ asarigetka janğönjini oyonbingö osizini, me sak köwet jitñe ahözei, gwölönarökurupñan mönö miangö dop sehiba asuhuget.

Ambazip kewöñan Suet mirigöra awöwengöba malget:

¹³ †Ambazip kösohotñini lök jizini, mi körek uruñini melenja Anutu möt narim wanjiba mala kömuget. Anutunöñ gölme engimapkö keu jöhöm engii malgetmö, gölme miangörej qahö angotket. Mewö qahöpmö, gölmenjini mi köröwen kinda uba eka waikñi memba söñgaiget. Eka öne söñgaiba kewö jim miwikñaiba jiget, "Gölmenöñ mönö kiana aka qandak maljin." ¹⁴ Ambazip nanjine miri gölmenjine angot-

pingö jaram timakzei, yanğön mönö keu mewö jimakze. ¹⁵ Gölme mosötkeri, miangö mötmöriba keunji jibeak ewö, yanğön mönö ölop lilingöba miangörej angetka uruñinan teköbawak.

¹⁶ Mönö ölop lilingöbeakmö, yanğön miangöra qahö mötmöriba malget. Miangöra qahöpmö, kantri qainji kun Suepnöñ ahözawi, mönö miangörej angotpingö awöwengöba malget. Anutunöñ yanğöra siti kun meiga ahözawi, miangöra qetñi "Nanine Anutu!" qetketka mi möta söñgaiba yanğöra aka gamu kun qahö mörakza.

Abraham, Aisak, Jeikob, Josef yanğö mötnaripñini

¹⁷ ††Anutunöñ Abraham esapesapnöñ al wanjiiga mötnaripñan nam köl wanjiiga Aisak Anutu kalema wanjiyök. Anutunöñ Aisaköra gölme wanjimamgö jiga Abrahamnöñ jöhöjöhö keu mi buña qem anguyök-mö, töndup nahönñi mohok-kun mi mosöta miangön jöwöwöl ohomamgö ahök. ¹⁸ ††Anutunöñ Abrahamgöra keu kewö jii mörök, "Aisaknöñ mönö gwölönarökurupki nam köl engiiga asuhuba göhö qetki bisiba malme." Keu mi mörökmö, töndup nahönñi altanöñ ala mosörök. ¹⁹ Mosöta kewö kewöta mötmöriyök, "Kömumapmö, Anutunöñ ölop köhöiba mem gulii kömupnöhök wahötma." Söpsöp keu mewö jiyöhi, miangö dop nahönñan dumñe kunbuk kömupnöhök ewö wahöri wanjirök.

²⁰ †Mötnaripñan Aisak nam köl wanjiiga nahönyahötñi Jeikob aka Iso (Esau) mi kötuatköm etkiyök. Anutugö kötumötuetñi miangön mönö nalö könanğepñe mewöyök dop köl etki qakñire öngömakñapköra köuluköyök.

²¹ †Jeikobnöñ kömumamgö ahöhi, nalö miangörej mötnaripñan nam köl wanjiiga nahönñi Josefgö nahönyahötñi yahöt mi kötuatköm etkiba öröñangö kitipñe nariba Anutu waikñi memba möpöseyök.

²² ††Josefgö kömupñan dopdowiyöhi, nalö miangörej möt-naripñan nam köl wanjiiga Israel könagesö Ijpt mosöta kageri, miangö kösohotñi mi jim guliba jiyök. Mewö jiba könanğep qamötñi denike löm kölmegö keunji mi jim kutum engiyök. Mewö.

Mosesgö mötnaripñi

²³ †Mötnaripñiran Mosesgö iwinamñi nam köl etkiiga Mosesnöñ asuhuyöhi, i nalö miangörejök könahiba köiñ karöbutkö dop asambörohöt. Morö mi ekshimñambuk tandökñi kun ahöhi, mi eka kiñ kembangö jimkutukutunji ongitpitpuköra kenğötñiri qahö möta moröñiri asamböta galöm kölohot.

²⁴ ††Mosesnöñ qariiga qetñi farao kiñ boratñangö nahönñi qetketka mötnaripñan nam köl wanjiiga qet mi bisimamgö tököba farao kiñgö miriñi mosöta angaiyök. ²⁵ Ölop toroqeba Ijpt yembuk siggisöndökö sösoñgainji miwikñaiba mi nalö töröpñi lanğö gaibawakmö, malmalñi mi andö qeyök. Mi andö qeba

† 11.8 Jen 12.1-5 †† 11.9 Jen 35.27 † 11.11 Jen 18.11-14; 21.2 †† 11.12 Jen 15.5; 22.17; 32.12 †† 11.13 Jen 23.4; 1 Hist 29.15; Sum 39.12

††† 11.17 Jen 22.1-14 ††† 11.18 Jen 21.12 § 11.20 Jen 27.27-29, 39-40 §† 11.21 Jen 47.31-48.20 §†† 11.22 Jen 50.24-25; Eks 13.19 §† 11.23 Eks 2.2; 1.22 §†† 11.24 Eks 2.10-12

Anutugö urumelenj könagesö yembuk toroqei kahasililij ak engigetka mi mohotnje möta aum-möröb- ingö möri öngöngöni ahök. ²⁶ Anutunöj töwa waŋgimapköreŋ göröken uba kin köhöiyök. Mianğöra Ijijpt yeŋön guli dötnamŋinambuk aka siyoŋsayoŋi qahö malgeri, mianğö möri yuai eretŋi ahök. Mianğön yuai eretŋi aiga andö qeba Amötqeqe Toŋambuk toro- qeiga yaŋğöra aka mepaqepaik ak waŋgiba malget- mö, mi möri töndup öljä aka öngöngöni ahök.

²⁷ Mötnariŋŋan Moses nam köl waŋgiiga Ijijpt kiŋ kembuŋinaŋğö irimŋi seholibapuköra keŋğöŋi qahö möta kantriŋi mosöta kayök. Anutu ehekŋi qahö mi ehekö tandök mötmörim waŋgiba malöhi, mianğöra mönö kapaŋ köla kin köhöiyök. ²⁸ †Mötnariŋŋan nam köl waŋgiiga ak-kömükömu kendon †† ala mianğö areŋi jim kutum engiiga sönğaiba tatket. Kömupkö garatanöŋ Ijijpt uruŋe nahönŋini mutukŋi engugetka Israel yeŋğö nahönurupŋinan kömumbepuköra mönö jim kutum engiiga naŋuŋine sep miriget.

²⁹ †Mötnariŋŋinan Israel ambazip nam köl engiiga Köwet Pisikŋi mi gölme örönŋe anangö dop kutuba kaget. Ijijpt yarö azi yeŋön mi kutubingö esapkögetmö, mönö onöŋ nemulahöba ayuhuget.

Rahab aka mötnariŋŋan ambazip ipŋi tosatŋi

³⁰ ††Mötnariŋŋinan Israel könagesö nam köl engiiga Jeriko taonöŋ kaba kiripo selŋi silim 7:ğö dop liliköba mohotŋe anda kagetka kiripo selŋi selŋi köhöikŋan mönö gororönğöba etket. ³¹ ††Mötnariŋŋan köna ke- taŋi ambi Rahab nam köl waŋgiiga kewö aiga Anu- tunöj ehoriyök: Israel jitŋememe yetkön gölme ek mi- wikŋaibitköra ölöŋ kayohotka ala aka köl öröm etkiyök. Anutunöj mi eka könaŋep yaŋgiseŋ am- bazip engui ayuhugetka Rahab ehori yembuk mo- hotŋe qahö kömuyök. Mewö.

³² †††Wani keuya kunbuk toroqeba jibilenjak? Gideon, Barak, Samson, Jefta, Deiwid, Samuel aka kezapqetok ambazip tosatŋi yeŋğö kösohotŋini toroqeba jibilenjak ewö, nöŋğö nalönan mönö qahö dop kölbawak.

³³ †††Mötnariŋŋinan tosatŋi nam köl engiiga jakömbuak tohoŋi tohoŋi tulumğöba memba ambazip mindiŋğöm engigetka ahakmeme diŋdiŋi wuatangöba malget. Anutunöj yuai neŋgimapkö keu jöhöi ahöza- wi, gwötpukŋan keu mianğö dop köuluköba möt nar- igitka öljä asuhui meget. Tosatŋan laion sömbup sutŋine köuluköba möt narigetka Anutunöj laion numbuŋini jöhöyök.

³⁴ †Tosatŋan könöp bölam uruŋe köuluköba möt nar- igitka Anutunöj könöp ösumŋi qömbököiga qahö eŋ- gohoyök. Tosatŋi bimğö sou ketanŋi mianğön eŋgubingö aketka Anutunöj yeŋğö souŋini jitŋi jöhöiga kök alget. Gwötpukŋan lölöwöröŋi aka köuluköba möt narigetka

† 11.28 Eks 12.21-30 †† Anutugö garatanöŋ Israel ambazip engehoriŋa engongiröhi, mianğö kendonŋi mi nanine keunöŋ ak- kömükömu kendon jiŋga Nei keunöŋ Pasowa jize. † 11.29 Eks 14.21-31 †† 11.30 Jos 6.12-21 †† 11.31 Jos 2.1-21; 6.22-25 ††† 11.32 Kemb 6.11-8.32; 4.6-5.31; 13.2-16.31; 11.1-12.7; 1 Sml 16.1; 1 Kiŋ 2.11; 1 Sml 1.1-25.1 ††† 11.33 Dan 6.1-27 § 11.34 Dan 3.1-30

Anutunöj ösum engiiga köhöiget. Tosatŋan bim qeba köuluköba möt narigetka Anutunöj kuk engiiga suahö köhöikŋi aket. Kian yeŋğö yarö kambuŋinan kagetka tosatŋan köuluköba möt nariba mewö mönö enğuataŋğögetka unjurata anget.

³⁵ ††Ambi tosatŋan kitipŋinan kömui köuluköba möt narigetka Anutunöj mem gulim waŋgii kömupnöhök wahöriga kunbuk toroqeba aitoŋğöget. Ambazip tosatŋan kömup andöŋe oyaenköyaen öngöngöŋi mi- wikŋaibingöra möta kapaŋ köla kinget. Mewö kingetka ihileknöŋ eŋguba kahasililij könaŋi könaŋi ak eŋgiba kewö jii mötket, “Anutu qan kölnöŋga zilaŋ pösat gi- hibin.” Mewö jii mötketmö, yeŋön mi tökögetka toro- qeba jaŋğauranğa mem eŋgiba malget. ³⁶ †††Tosatŋan Anutu möt narigetka mepaqepaik aka ihilek wahinam- buknoŋ engugetka sihimbölä könaŋi könaŋi miwikŋai- ba malget. Toroqeba tosatŋi gwaröhöba kösö miriŋi miriŋi mianğöreŋ al engiget malget.

³⁷ †††Tosatŋi kötnöŋ engugetka kömuget. Tosatŋi segenöŋ mitim engigetka yahöt aket. Tosatŋi bimğö sou ketanŋi mianğön engugetka kömuget. Tosatŋan lama silenŋi aka meme (noniŋ) silenŋi mianğön opo ewö löŋğöta laŋ anda liliköget. Mewö wanapŋi töhöŋ aket- ka sesewerowero aka kahasililij laŋ mem engigetka malget. ³⁸ Suepkö aködamunŋinambuk aka gölmegö ahakmeme bölöŋaŋ-ğöra mötketka qahö dop köl engi- iga mianğöreŋ qahö toroqet. Qahö toroqeba laŋ liliköba gölme qararaŋkölkölŋe anda kaba kundunŋi kundunŋi öŋğöba eta baŋet me gölme titingit uruŋe ahöba malget. Mewö.

³⁹ Ambazip kösohotŋini jizali, körek mi mötnariŋŋi- nan nam köl engiiga uruŋini melengetka Anutunöj eŋgehi dop köliga jim ölöwak engiiga malget. Mewö malgetmö, mi töndup Anutunöj oyaenköyaen qainŋi kun neŋgimapkö keu jöhöi ahözawi, mianğöreŋ yeŋğöreŋök kunöŋ kun mönö qahö anğorök. Qahö! ⁴⁰ Anutunöj i nanŋinök qahöpmö, mönö nembuk mo- hotŋe aködamuninambuk ak teköbingöra mötza. Mewö möta mianğöra oyaenköyaen qainŋi kun neŋgii miwikŋaibingö keu areŋi ali ahöza. Mewö.

Anutunöj iwi aka mindiŋğöm neŋgimakza.

12 Ambazip kambu keta bölöknŋi mewöŋan möt- nariŋŋan könaŋi naŋğöba jiba kousu ewö lilikömu neŋgiba kinjei, mi mötzin. Mianğöra neŋön mewöŋanök mönö lömbötnini pakpak aka siŋgisön- dok awamŋanök köpeim neŋgimakzawi, mi gilin an- ma. Anutunöj nini mötnariŋŋan bimŋi qeba Satan luhut al waŋgibingö areŋi ali ahöza. Mianğöra malmal sutŋi ki malagun kömumbini, sutŋi mi mönö aongit tandök kapaŋ köla bim qeba ösumninan anbin. ² Jisös- nöŋ mötnariŋŋanini mem letori ahui mem qarii köhöiba aködamunŋambuk ahakzawi, Tonŋi mi mönö jeninan uba törörök ehakin. Yaŋön ölöp toroqeba Suep mire ne qe mala sönğaibawakmö, mi mosöta eta mianğö salupŋe

§† 11.35 1 Kiŋ 17.17-24; 2 Kiŋ 4.25-37 §†† 11.36 1 Kiŋ 22.26-27; 2 Hist 18.25-26; Jer 20.2; 37.15; 38.6 §† 11.37 2 Hist 24.21

sihimbölö mörök. Maripomnöñ kegwek-kahasiliñ ewö kömumamgö gamu möta qahö tököyökmö, mi qen-jaröknöñ möta mökösoñda kömuyök. Kömumba Anutugö jakömbuak dum tatatnöñ öñgöba böröñi ölñe tatza.

³ Siñgisöndok ambazip yeñön mewö tuarenjöñ ak wañgigetka sihimbölö möröhi, eñön mönö i mötmöri-ba malme. Sörauba löwöriba urueret aka kinda möt-naripñini aka jörömqörömñini mosötpepuköra mönö mewö ahakñe. ⁴ Siñgisöndok akinbuköra aum-möri-ba bim qeba malgetka miangöreñ siñgisöndokö Tonjan mönö sepgwörörök (gulibambam) qahö eñguyök.

⁵ Iwinöñ nahönböraturupñi yeñgöra qambañ keu eñgizawi, Anutunöñ miangö dop keu kun eñgöra kewö jiga mönö mi ölum eñgui malje, "O nahöni, Kembunöñ mindingöm gihimakzawi, miangöra mönö mötnöñga silebete kude akña. Keu jim ghiiga miangöreñ mönö urueret kude aka malman.

⁶ Kembunöñ ambazip jöpaköm eñgimakzawi, ia mindingöm eñgimakza. Ambazip morö ewö eñgömemba köyan köl eñgimakzawi, mi körek kömbinöñ eñgumakza."

⁷ Morö kun iwinan qahö mindingöi lañ malbawak, mewö mönö yangö moröñi qahö akawak. Miangöra Anutunöñ iñini nahön-böratñi ewö tandök ak eñgimakza. Miangöra lömböt eñgii mi mönö mindingöm eñgimapkö tandök mötmöri-ba möta mökösoñda diñgiba malme. ⁸ Anutunöñ nahönböraturupñi pakpak mindingöm eñgimakzawañgö dop iñini qahö mindingöm eñgibawak ewö, mönö yangö nahönböraturupñi ölñi qahö akeak. Mewö mönö iwi qahö wilin morö (bastet) akeak.

⁹ Keu mi kunbuk kewö jimam: Gölmegö iwininan mindingöm neñgigetka yeñgöra göda qem eñgiba malin. Silegö iwininan korembinji akzemö, uruninañgö Iwininan mönö ölñi aka öñgöñgöñi akza. Miangöra mönö yangö keu bapñe anda diñgiba mal köhöininga dop kölma. ¹⁰ Silegö iwininan mönö nanñini mötmötni-nañgö dop kapañ köla gölmenöñ nalö töröpñi malbingöra aka mindingöm neñgiba malakze. Yeñön mewö malakzemö, Anutunöñ mönö tök kutum neñgii yangö dop sarakñi akingöra aka mindingöm neñgimakza. Mewö aka ölña ölöwaka oyaenköyaen akingöra mötza.

¹¹ Kunöñ mindingöm neñgiiga nalö miangöreñök mönö sösoñgai tandök qahö ahakzinmö, wösöbirik sihimbölöñambuk mörakzin. Keu mi ölñapmö, miangö ölñan mönö könangep kewö asuhuma: Anutunöñ ambazip mewö miangön köl gulim eñgimakzawi, yeñgö ahakmemenjanan diñgiiga luai qem eñgii möta malme. Mewö.

Qambañ aka galöm meme keu tosatiñ

¹² ††Miangöra "awötñini teköi böröñini lömböri-ba söörauba kinjawi, mi mönö memba wahöta mindingöme. Tambuñini jula siminñini suljawi, mi mönö mem köhöime." Buña keu kun mewö ahöza.

† 12.5 Job 5.17; Qam 3.11-12 †† 12.12 Ais 35.3

¹³ †Kekporörökñambuknöñ (kerekporikñambuknöñ) töwölatiba eta qeiga könañan sula bölim teköbapuk. Keu miangö dop alañini angösirip kude ak wañgimemö, mönö ölöwakñapköra kapañ köla malme. Buña keu kun kewö ahöza, "Köna tiba anangö könañini mönö mem qölöleigetka diñdiñi akñe." Keu miangö dop mönö uru ölöwak qem anguba malme.

¹⁴ Ambazip körek yembuk luainöñ urumohot malmegöra mönö köhöiba kapañ köla malme. Kunjan malmal sarakñi qahö miwikñaimawi, mönö öne Kem-bu qahö ekña. Miangöra Anutunöñ mem sarahim eñgimapköra mönö kapañ köla kinme. ¹⁵ ††Kunöñ Anutugö kalem möriamñi öñgita qahö buña qem angubapuköra mönö galöm mem anguba malme. Nene nup-nöñ siriuret kömbukñambuk mi jalöñinambuk qözölmakzin. Miangö dop uru mötökömbukö könañi pakpak mi qeapköme. Qahö qeapkögetka miangön qariba kota eñololon mem eñgii gwötpuk eñgö urunjan tölöhobapuk.

¹⁶ ††Mewöyök kunöñ kaisero akapuk me Iso (Esau) ewö angöjörakñambuk malbapuköra mönö galöm mem anguba malme. Isonöñ morönahön mutukñi ahöhanjö börösamot tonji ahökmö, keu mi nene indim mohot nemapköra aka qeapköyök. Qeapköiga munñi Jeikobnöñ börösamotkö keuñi mi nene miangön bohonñi memba buña qem anguyök. ¹⁷ ††Könangep jöhöjöhö keunirangö dop asuhui Iwinangö kötumötuetñan mönö Jeikob qakñe öñgöyök, mi mötze. Mewö öñgöi Isonöñ kötumötuet mi buña qem angumamgö möta uleta sahöri imbilñan erök. Mewö kapañ köla ulerökmö, töndup keu munñambuk jöhöyohori, mi utekömamgö köna kun qahö miwikñaiyök. Miangöra morö mutukñangö kötumötuetñi mi buña qem angumamgö mörökmö, miangöreñ qaköba osiyök.

¹⁸ ††Mönöwök Israel könagesö yeñön Sainai (Sinai) kösutñe kaba kingetka kundunji miangön könöp bölam-nöñ jeyök. Jeba köwak-köwak eta panaman meiga raidimbom qeiga Anutunöñ miangöreñ yembuk jöhöjöhö areñ ahök. Sainai (Sinai) kundunji miangön börönöñ oseibinangö dop akzapmö, eñön kundunji mewö miangö kösutñe qahö kaba malje. ¹⁹ Anutunöñ jöhöjöhö areñi mi Sainai kundunje kewö ahök: Garataurupñan tömun qainñi kun ugetka angötö-mualñi azöñda kaiga keu köhöikñi jiyöhanjö kourukñi mötket. Mi möta keu mewöñi kunbuk kude jii mötmegöra uletket. Eñön kundunji mewö miangö kösutñe qahö kaba malje. ²⁰ †Anutunöñ keu köhöikñi jiba kewö jim kutum eñgiyök, "Kunjan kun ambazip me bau sömbup kunöñ kundunji mi oseima ewö, i mönö kötnöñ qegetka kömuma." Mewö jim kutum eñgiiga keu mi wuatangöbingö möt lömböri-ba osiget. Miangöra keu kunbuk kude jimapköra uletket. ²¹ ††Yuai kan-

‡ 12.13 Qam 4.26 †† 12.15 Dut 29.18 †† 12.16 Jen 25.29-34 ††† 12.17 Jen 27.30-40 ††† 12.18 Eks 19.16-22; 20.18-21; Dut 4.11-12; 5.22-27 § 12.20 Eks 19.12-13 †† 12.21 Dut 9.19

jamꞑambuk kötökꞑi mi uba eketka Mosesnön kewö jiyök, "Ni mönö keꞑgötni möta jönömni undui kinjal."

²² Eꞑön mewö qahöpmö, mönö uruꞑini meleꞑda Zaion kundunꞑi dopdowiba kaꞑgota malje. Anutu mal-mal Toꞑaꞑgö sitiꝼi qetꝼi Jerusalem Suepnön ahözawi, miaꝼgöreꝼ garataurupꝼi ten tausenꝼi ten tausenꝼi yeꝼön kambuꝼi kambuꝼi köla unduba sösoꝼꝼgai ahakzei, eꝼön mönö siti mi dopdowiba malje.

²³ Mutuk ahuahu döläkꝼi ahuba urumeleꝼi könagesö aketka qetꝼini malmalgö buknoꝼi ohogetka Suepnön ahözawi, eꝼön mönö yeꝼgö kambuꝼini toroqeba malje. Anutunön ambazip körek neꝼgö keunini kewöta jim tekömakzawi, eꝼön mönö bemnini yambuk toroqeba malje. Anutunön ambazip solanꝼi mem letot eꝼgiiga aködamunꝼinambuk aka kömuger, eꝼön mönö yeꝼgö uꝼaꝼaꝼinambuk toroqeba malje. ²⁴ †Eꝼön jöhöjöhö areꝼ döläkꝼaꝼgö galöꝼmꝼi Jisös yaꝼgöreꝼ kaba yambuk qekötahöba kinje. Yaꝼön seꝼꝼan qewösahöi eꝼgömirimakzawi, mönö malmal mewöꝼe kaꝼgota malje. Abelnön seꝼꝼi mokoyökmö, Jisösgö seꝼꝼan Abelgö seꝼꝼi oꝼgita keu aködamunꝼambukö müꝼgemꝼi akza.

²⁵ ††Mutuk azi kunön gölmenön mala Anutugö keu jitsihitꝼi ambazip indel eꝼgiiga gwötpukꝼan mi möt-pingö tökögetka Anutunön likeꝼꝼi meleꝼni qakꝼine öꝼgöyök. Yeꝼön miaꝼgöreꝼök kök albingö osiget ewö, neꝼön mönö denöwö kök albinak? Nalö kewöꝼe alanini kunön Anutugö keu jitsihitꝼi Suepnöhök indela jimakzawi, nini i nönoꝼgan aka mosötzin ewö, mönö lömbötnöhök kök qahöpmahöp albin. Qeꝼetalninaꝼgö likeꝼꝼi mönö ölna qakꝼine öꝼgömapkö mötzin. Miaꝼgöra kunꝼan saꝼep qei mötzei, eꝼön keu mi möt-pingö kezapölök kude akꝼe. Kezapölök malbepuköra mönö galöm mem aꝼguba malme.

²⁶ †Mönöwök keuꝼi jiiga mötketka gölme utuköba memenjalyökmö, kezapqetok keuꝼi kun jiba jöhöiga nalö kewöꝼe kewö ahöza, "Nalö kungen dumꝼe kunbuk gölme utuköba memenjalinam. Gölmeyök qahöpmö, yuai akiga suepnön mewöyök utuköma." ²⁷ Keu mewö ahözapmö, "Nalö kungen mönö dumꝼe kunbuk" jizawi, keu miaꝼgö könanꝼi kewö: Anutunön öryuai miwikꝼaiiga ahözawi, miaꝼönök mönö utuköba utekömapmö, Suep mirigö öryuai qahö utukö-mawi, miaꝼön mönö kin köhöiba ahöm öꝼgöma.

²⁸ Neꝼön bemtohoꝼ qahö utukö-mawi, mia buꝼa qem aꝼguba kinjin. Miaꝼgöra mönö "Anutu saiwap!" jiba mewö miaꝼön waikꝼi memba möpöseiba uru ölöwak mem wangimakin. Mi jitꝼi oꝼgitpinbuköra keꝼgötnini möta aka gödanꝼi qeba malbin. ²⁹ ††Nengö Anutuninan mönö könöp bölam ewö akza. Miaꝼgöra nengohoi si-himbölö mötpinbuköra mönö keꝼgöt mötmöt qakꝼe göda qem wangimakin. Mewö.

Qambar keu teteköꝼi

13 Urumeleꝼi alaurup nanꝼini mönö jöpaköm aꝼguba malme. ² ††Kian ambazip sutꝼine kamei, mi mönö köyan köl eꝼgigetka köisirik miwikꝼaimakꝼe.

† 12.24 Jen 4.10 †† 12.25 Eks 20.22 † 12.26 Hag 2.6 ††
12.29 Dut 4.24 †† 13.2 Jen 18.1-8; 19.1-3

Mewö akingö mönö kude ölum eꝼgumakꝼa. Tosatꝼan mewö akeri, miaꝼön Suep garata tosatꝼi qahö möt asariba mohot köl öröm eꝼgigetka miriꝼine malget.

³ Tosatꝼan kösö mire maljei, mi mötmörim eꝼgimakꝼe. Nanꝼinak yembuk gwaröhöm eꝼgigetka mal-beak tandök möta mönö i mötmörim e광gimak광e. Tosat광i ak bölim e광gigetka mia광gö sihimböläni mötzei, mi mönö nan광inak mewö malbeak ewö möta mötmörim e광gimak광e.

⁴ Ambazip qesabulum aka serowilin akzei, Anutunön i jim teköm e광gima. Mia광göra körek e광ön mönö awanöm malmal göda qegetka sarak광i aiga awanöm sut광ire tötekqötek töwöt광i kun qahö ahöma.

⁵ ††Anutunön nan광ak keu kun kewö jii ahöza, "Nö광ön mönö nalö kunön qahö gömosöta andö guhumam." Keu mia광göra aka ahakmemenjan membagun membingö nepaqepalok kude köpösö광gömak광emö, yuai ahöm e광gizawi, mia광göra mönö mötket dop köl e광giga söso광gaibuk malme. ⁶ †††Mewö möta öläp ewebib-ininambuk sait광it광i kinda kewö jiba malbin, "Kembunön baukbaukni aiga gölme ambazipnön ayuhum ni광gimea광gö dop qahö akze. Mia광göra ke광götni kun qahö möta maljal."

⁷ Galömurup광inan Anutugö keu jiget mötkeri, i mönö mötmörim e광giba malme. Ahakmemenini denöwö aka megetka malmal광inan teköyöhi, mönö mi mötmöriba mötnari광ina광gö silik광ini wuatangaöba malme. ⁸ Jisös Kraist utekutek광i qahö. Mutuk malöhi, miyök merak malja aka nalö tetekö광i qahö mal ö광göma. ⁹ Kalem möriam toroqeba bu광a qem a광guinga urunini mem köhöiiga ölöwahak광apmö, nene nemingö silik광i mi me mi mia광ön mönö urunini mem köhöimapkö osimakza. Tosat광an nenegö dönqizizin könan광i könan광i wuatangaögetka ahakmeme mia광ön mönö qahöpmahöp bauköm e광giiga pöröpköyök. Mia광göra tosat광an dönqizizin murut광i murut광i ambazip kusum e광gimakzei, e광ön mönö keu mi mosötme. (Silikö keunön mönö jan광ur kude ak e광gima.)

¹⁰ Jöwöwöl ohoho alta qain광i kun mi ne광göre광 ahöza. Gölmönön opo seri jikegö nup memakzei, ye광ön jöwöwöl qain광i kun mia광gö bahö광i memba nemingö osimakze. Anutunön ye광göra keu mewö qahö jim teköi ahöza. ¹¹ †Gölmegö jike nup galöm bohongan kinda ambazip si광gisöndok광ini köl könjöratmapköra aka sömbup qeba se광광i memba jike oleni töro광i kötök광i mia광göre광 ö광gömakzapmö, sömbup ölnini mi memba miri qandak maljei, mia광gö sel yaigep광e anda mia광göre광 ohogetka jeba ayapkömakze. ¹² Mia광gö dop Jisös mewöyök könagesöurup광i nan광i se광광an mem sarahim e광gimapköra aka siti selgö nangu yaigep광e qegetka sihimbölö möta kömuyök.

¹³ Mia광göra miri qandak †† maljini, ne광ön mönö mia광gö sel yaigep광e anda Jisösgöre광 toroqebin. Ya광göra aka mepaqepaik ak nengimakzei, mönö mi bisiba malbin. ¹⁴ Mi kewögöra: Siti tetekö광i qahö ahöm ö광gö-mawi, mi gölmenön qahö ahöm nengizapmö, siti kö-

††† 13.5 Dut 31.6, 8; Jos 1.5 ††† 13.6 Sum 118.6 † 13.11
Lew 16.27 †† Gölmönön kusus maljini, mia광gö qet광i qandak.

naņgep asuhum neņgimawi, mi ekingö mönö jaram ti-ba maljin. ¹⁵ Miaņgöra mönö qösösök Jisösnöņ nam köl neņgiiga Anutugöra möpömöpösei naluk ala malbin. Jisös qetņi möpöseimakzei, yeņgö numbu jitņi-naņgö ölņan mönö Anutugö nalukņi akza. ¹⁶ Yuai ahöm eņgizawi, mi mendeņ aņguba mem ölöwak aņgumakzei, miaņön mönö Anutugö nalukņi kun akza. Anutunöņ naluk mi ehi uruņan ölöwahiga dop kölakza. Miaņgöra mewö akņegöra mönö kude ölum eņgumakņa.

¹⁷ Galömurupņini mönö tem köl eņgiba kukösumņini bapņe anda malme. Nup megeraņgö kösohotņini Anutugö jeņe almei, yeņön mönö miaņgö tandök eņgeka uruņini galöm kölakze. Yeņön nupņini mi urulömböt qakņe membepuk. Miaņön iņini qahö bauköm eņgibawak. Miaņgöra mönö keuņinaņgö bapņe anda malgetka sösöņgai qakņe nupņini megetka dop kölma.

¹⁸ Mönö neņgöra aka Anutu köulukömakņe. Yuai pakpak miaņgöreņ ahakmeme qetbuņaambuk akingö sihimņi ahöm neņgiiga Anutunöņ neņgeka "Dop kölja," jiiga urukezapņinan möriņa ölöwahakza. Keu mi möt yaközin. ¹⁹ Nöņgöra köulukömakņegöra mönö kapaņ köla kewögöra kuņgum eņgizal: Iņini köulukögetka Anutunöņ nalö qahö mem köriiga ölöwaka ölöp kunbuk eņgöreņ kamam.

Kewö köulukömakzin:

²⁰ Jisösnöņ kömuyöhaņgöra aka lama galöm qetbuņaambuk aka malja. Sepņi mokoba miaņgö

muņgem silimbanņan Anutugö jöhöjöhö areņi qekö-tahöba mem köhöiiga nalö teteköņi qahö ahöm öņgöma. Anutunöņ Kembunini mi mem gulliiga kömup-nöhök wahöta köhöiba malja.

²¹ Anutu luai Toņan mönö inahöm eņgiba jitsi-hitņaņgö dop aka memba malmegö aködamunņi pakpak eņgimakņa. Mewö ölöp köhöiba nup ölöpņi könaņi könaņi memba malme. Yaņön mönö möwölöhöba kuņgum eņgiiga Jisös Kraistköreņ naņgöba malmal Anutugöreņ dop köljawi, mewö malme. Kraistkö qetbuņaņi mönö nalö dop möpöseininga nalö teteköņi qahö aködamunņambuk ahöm öņgöma. Keu mi ölņa.

Keu teteköņi

²² O urumeleņ alaurupni, nöņön kewö qesim eņgizal: Buņa Kimbi töröpņi kiyök ohom eņgizal. Miaņgöra andö qambaņ keuni ki mönö kapaņ köla buņa qem aņgume. ²³ Buzup ki mötme: Urumeleņ alanini Timoti i kösö mireyök pösatketka erök. Ösumok ki kaņgotma ewö, mönö yambuk kaba eņgekit.

²⁴ Yaizökzök keuni albiga galömurupņini pakpak aka Anutugö ambazip sarakņi körek yeņgöra jigetka mötme. Itali alaurupņinan yaizökzökņini algetka eņgöreņ kaza.

²⁵ Anutugö kalem möriamņan mönö körek embuk ahöm öņgöba ahöma.

Jeims

Jim-asa-asari

Gölmeñi gölmeñi miangöreñ ambazip könañi könañi uruñini melenđa letorakzei, yengö ahakmemenjanan sik-sauk lolonqalon aiga tönťangöba et enguiga Anutugö qetbuñanan etpapak. Miangöra Jerusalem bisop Jeims yañon goro keu murutñi murutñi qezaköba ki ohoza. Goro keuñi tosatñi kewö: Mötkutukutu ölni mi denöwö? Zioz nup ölni aka muneñi. Esapesap uruñe malmal. Tosatñi kude enggek qepureime. Numbu jit galömkölköl. Sileñini möpöseime me uruñini memba et al anğume? Anğururuk me alabauk akñe? Kapankapan aka köuluk nup meme.

Waimanjatñi bohonñi kewö: Kraistkö Buñanan qariba aködamun-ñambuk akñapakora qetñi bisiba keuñi köl guliba meinga ölni asuhuma me qahö? Numbu jitinanök möt nariinga qahö dop kölja. Zioz ölni qahö mi köhömunñi qamöt tandök ewö akza.

Kimbi kiangö bahonñi bohonñi 10 mi kewö:

Keu mutukñi
Mötnarip aka mötkutukutu
Ambazip wanapñi aka pomñi
Esapesap (manambatok) ölöpnji aka bölönji
Buña kezapnöhök mötmöt aka temkölköl
Etqeqeñi mi kude enggek qepureime
Mötnarip nupñi qahö mi omanñi akza
Numbu nesilamninan ayuhum neñgibapak
Luainön malmal me gölmegö ahakmeme
Lömböt bisiba köuluköinga ölni asuhuma

1 †Jeims nöñon Anutu aka Kembu Jisös Kraistkö nupñi memba maljal.

Israel kambu 12 neñgöreñök tosatñi inñi Israel mosöta gölmeñi gölmeñi denđa anda maljei, nöñon embuk keu eraum mötpingöra kimbi ki ohoba jölönini jizal.

Möt nariba köuluköba mötmöt ölni miwikñaibin.

² O urumelen alaurupni! Esapesap könañi könañi qakñine öñgömakzawi, miangöra uruñinan mönö kude eri simbawon miyök möta söñgaiba malme.

³ Esapesapnön qakñine öñgöiga mötnarip-ñinan miangöreñ köhöimakña ewö, mönö kapan köla kin köhöimakña. Mi mötzeangöra mönö söñgaiba malme.

⁴ Kapan köla kin köhöimakña ewö, miangön mönö toroqeba mem letot enğiiga ahakmemenjanangö ölni pakkapak mi aködamunñambuk ahumakña. Miangön ahuiga Anutunön oyaenkyoanjan uruñini kokolak qeiga urugö yuai kungöra (meme amgöba) mözöqözörön qahö aka malme.

⁵ Engöreñök kunñan "Denöwö akñam," jiba mötkutukutugöra osizawi, yañon mönö Anutu köuluköiga mi

† 1.1 Mat 13.55; Mak 6.3; Apo 15.13; Gal 1.19

wangima. Anutunön kalemñi sakalakñi amqeba körek neñgöra neñgiba sirongen qahö jim neñgimamgö mörakza. Miangöra mi ölop wangiiiga buña qem anğuma. ⁶ Köulukömawi, miangöreñ mönö niñgimapkö möt nariba uruyahöt qahöpmahöp akña. Uruyahöt akzawañon mönö köwet sirigö dop öñgöba eta ahakza. Luhutnön köwet kunduriga lanlan anda kamakza. Miangö dop akapuköra köulukñangö uruyahöt kude akña.

⁷ Uruyahöt ambazip mewönji kunön mönö Kembunön yuai wangimapkö kude mötmörima. ⁸ Yangö uruñan mönö julkuliga aiakanñi pakkapak miangöreñ kökölolon aka kongwarak qeba anqem-kamqem keu jimakza. Mewö.

Wanapñi malmal aka pomñi malmal

⁹ Urumelen alaurupni, engö sutñine tosatñan etqeqeñi malgetka Anutunön engöra möri öñgöñgönji akze. Miangöra mönö ölop nanñini möpöseim anğumakña. ¹⁰ ††Tosatñan öñgöñgönji maljemö, monen inapñinanğöra qahö mötket öñgömakzawañgöra aka etqeqeñi tandök mala mönö nanñini möpöseim anğum-

†† 1.10 Ais 40.6-7

makŋe. Yeŋgö malmalŋinan mönö buörö (roro) juranji ewö aka soholima. Etqeŋeŋi aka öŋgöŋgöŋi neŋön kö-mumba miangöreŋ öröröŋ akin. ¹¹ Wehönöŋ kota roro ohotiriiga qararaŋ köla soholiba juranjan bolonjanimakza. Juranjan eriga kembraŋaŋgö kaisoŋgolomŋi ek-sihimŋambuk mianjön piahimakza. Pomŋi yeŋön suki-napŋini mem sehibingö lilikqilik ahakzemö, mala buörögö (rorogö) dop gororongöme. Mewö.

Esapesap (manambatok) öläpŋi aka bölöŋi.

¹² Anutunöŋ keuŋi kewö jöhöi ahöza, "Ambazip uruŋinan jöpaköm niŋgimakzei, nöŋön i malmal köhöikŋi engiba nööröŋine goul ila köl engimam." Keu miangö dop bölöŋaŋgö esapesapnöŋ kungö qakŋe öŋgöiga miangöreŋ kaparaŋ köla köhöii teköiga mönö malmal köhöikŋaŋgö ila sorom buŋa qem aŋguba oy-aeŋkoyaer akŋa. Yaŋgöra "I-ia simbawoŋ!" jizin.

¹³ Bölöŋaŋgö Toŋan Anutu esapköm waŋgimawaŋgö dop qahö aiga Anutunöŋ kun siŋgisöndok akŋapakö qahö esapköm waŋgiza. Miangöra kunŋan esapesap uruŋe mala kewö kude jima, "Anutunöŋ esapköm niŋgiiga siŋgisöndok akŋamgö akzal."

¹⁴ Anutunöŋ qahöpmö, nanini sihim kömbönaŋnini bölöŋan mönö töpötŋi (nemban, pöraŋ) ewö öröm neŋgiiga mötöp bitimnöŋ qaköinga siŋgisöndokö esapesapŋi mewö mohot mohot neŋgöreŋ asuhumakze. ¹⁵ Kunŋan sihim kömbönaŋi bölöŋi qahö jöhö-ba siŋgisöndok kondotza. Kondoriga sihim kömbönaŋan gölömŋi ala siŋgisöndok mi morö ewö meiga ahumakze. Siŋgisöndoknöŋ ahuŋa qarim teköba kömup köhöikŋi ahum waŋgimakza.

¹⁶ O wölböt alaurupni, sihim kömbönaŋnini bölöŋan mönö kude tilipköm engima. ¹⁷ Kalem öläpŋi akö-damunŋinambuk pakpak mi Anutunöŋ ali Suep eu-yaŋgöreŋök asuhumakza. Köiŋ wehön jeŋiri kota kutuba geyohotka imutimutŋiran körim törim ahakzapmö, asakŋi pakpakö Toŋan mönö nanŋak qahö uteköma. Imutimut me söŋaup kun mi yaŋgöreŋ qahö ahöza.

¹⁸ Anutunöŋ yuai pakpak miwikŋaiyöhi, nini mienggö sutŋine yambu dölökŋi jeŋiqeŋe aka malbingöra mörök. Miangöra nanŋi sihimŋaŋgö dop keu öläŋaŋgö kötŋi urunine aliga mianjön ahuahu dölökŋi neŋgii ahuin. Mewö.

Buŋa keu öne mötpin me tem köla membin?

¹⁹ O wölböt alaurupni, mönö keu ki mötmöriba kude ölüm enguma: Inini mönö körek keu mötŋingö kezap körorŋi zilaŋ alme. Keu laŋ mi ösumök kude jime. Ir-imŋinan mönö zilaŋ kude seholima. ²⁰ Anutunöŋ ahak-meme diŋdiŋi akingö sihimŋi mörakzapmö, irim-sesewölnöŋ mia qahö kondorakza. Miangöra mönö ir-imsesewöl mosöta keu ösöŋ jiba malme. ²¹ Qewölonŋ könaŋi könaŋi aka ahakmeme töwötŋambuknöŋ qekö-tahözei, mia mosötme. Mönö yaŋgiseneŋini mosöta Anu-tugö keu bapŋe anda keu kötŋi uruŋine kömörakzawi, mi möt aŋgön köla malme. Mewö aketka keu mianjön öläp amöt qem engiiga letota Suepnöŋ öŋgöme.

²² Buŋa keu mi öne töhöŋ mötketka öläŋi qahö ahuŋa-puk. Mewö silebile aka tilipköm aŋgubepukmö, keu mi mönö köl guliba malme. ²³ Kunŋan keu öne töhöŋ-töhön möta mianjögö dop qahö ahakzawi, yaŋön mönö azi kiangö dop akza: Kunŋan jemesoholŋi piliknöŋ uba aŋgehakza. ²⁴ Uba aŋgeka mosöta kungen anda kaisoŋgolomŋi denöwö, mi ösumok ölüm qemakza.

²⁵ Mi öläpŋi qahöpmö, kunŋan köna keu akö-damunŋambuköra kezap ala ehiba mianjögöreŋ qekö-tahöba siŋgisöndokö kösönöhök lolohomakzawi, yaŋgö ahakmemegöra mönö "Esop simbawoŋ!" jibin. Yaŋön keu möta mi qahö ölüm qemakzapmö, mi öläŋa tem köla mianjögö dop ahakza.

²⁶ Kunŋan urumeleŋgö köl guliguli akŋamgö jiba numbu jitŋi qahö galöm köla nanŋi mewö tilipköm aŋgumakzawi, yaŋgö liŋet köulukŋan mönö yuai omaŋi, öläŋi qahö akza. ²⁷ Anutu Iwigahö jemesoholŋe Buŋa nup sarakŋi silebileŋi qahö memamgö jiba mönö kewö akŋan: Gwani morö aka malö köŋjiliŋ qakŋe mal-jei, mönö i anda eŋgeka köyan köl engiba malman aka gölmegö ahakmemeŋaŋgö qewölonŋan urugi tölöhöbapuköra galöm mem aŋguba malman. Mewö.

Etqeŋeŋi mi kude eŋgek qepureime.

2 O urumeleŋ alaurupni! Jisös Kraist Kembunini qetbuŋaŋam-buk möt naribingö jize ewö, mönö ambazip tosatŋi kude eŋgek soriba tosatŋi kude qepureim engimemö, dop mohotnöŋ ak engiba malme.

² Mianjögö dopkeuŋi kewö: Azi pomŋi kun, kesötŋi goul binenŋambuk aka opo malukuŋi ekjeritŋambuk, yaŋön kambu miriŋine öŋgöiga azi wanapŋi kun sileötäŋi jujuratŋi töwötŋambuk yaŋön mewöyök öŋgöbawak. ³ Öŋgöyohotka inini azi ipŋi ekjeritŋambuk mi köl öröm waŋgiba kewö jibeak, "Ketaŋamnini, gi öläp qaikŋe eu anda dum tatat löwötŋi mianjögöreŋ tatman." Mewö jiba azi etqeŋeŋi mi ehöröŋ köla jime, "Gi öläp göraŋe anda kinman me köna kutukutunine eta tatman." ⁴ Silik mewöŋan asuhuiga inini könaŋesö sutŋine köŋjabö ala mendeŋ aŋguba qemasolokep aka keunjanambuk akze. Mötmötŋini bölöŋi wuataŋ-gö-ba jimtekötekö ambazip gongonŋi akze.

⁵ O wölböt alaurupni, mötket! Anutunöŋ bemtohoŋi ambazip jöpaköm waŋgimakzei, yeŋgö buŋa ahömapkö keuŋi jim köhöiba jöhöyök. Keu mianjögö dop tosatŋan gölme ambazip jeŋine etqeŋeŋi akzemö, Anutunöŋ mi nanŋaŋgöra jim möwölöhöm engiiga mötnariŋinanaŋgöra aka öŋgöŋgöŋi akze. Yeŋön bem-tohoŋaŋgö uruŋe aŋgotketka galöm köl engiiga suki-napŋinambuk akŋe.

⁶ Öläŋa öŋgöŋgöŋi akzemö, inini ambazip wanapŋi eŋgehöröŋ köla eŋgek siriba malje. Ambazip pomŋi yeŋön mönö moneŋ inapŋini qahöpköra kewöta mem et al engigetka etqeŋeŋi akze. Yeŋön mönö inini örörahöm engigetka keu jakeŋi jakeŋi mianjögöreŋ aŋgorakze. ⁷ Inini Kraistkö buŋaŋi aketka qet öläp sorokŋi mi engiba mianjögö dop engoholakzemö, pomŋi yeŋön mönö qet mi luasönöŋ ala laŋ jimakze?

Gölmegö öngöngöñji yeñön mönö mi pakpak ahakze.

⁸ †Mewö ahakzemö, eñön Anutu bemtohoñangö jöjöpañ keu bohonñi tem köla wuatangögetka dop kölma. Anutugöreñ keuñi mi Buña Kimbinöñ kewö ahöza: “Nangi jöpaköm angumakzani, mianğö dop mönö ambazip tosatñi mewöñanök urugan jöpaköm engimakan.” ⁹ Mianğön dop kölmapmö, iñini ambazip tosatñi engek soriba tosatñi qepureim engiba dop mohotnön qahö ak engimakze ewö, mönö siñgisöndok ahakze. Anutugöreñ jöjöpañ keu walöngetka yañön mönö keuñini mi miwikñaiba jim teköm engima.

¹⁰ Kunñan jöjöpañ keu pakpak tem köla wuatangöba miengöreñök mohotnön eta qezawi, yañön mönö jöjöpañ keu körek pakpak walönđa keuñambuk akza.

¹¹ ††Mianğö könañi kewö: Anutu “Sero yoñgorö kude akñan,” jiyöhañön mönö mewöñanök jöjöpañ keu kewö jiyök, “Ambazip kun kude qenön kömuma.” Gi sero yoñgorö qahö akzanmö, töndup kun köhömuñi qezani, mianğön mönö jöjöpañ keu körek walön teköba maljan. ¹² Anutugöreñ köna keu mi siñgisöndokö kösönöhök lolohoba malbingöra ahöza. Anutunön köna keu mianğön kewöt nengiba keunini jim teköi solanimegöra mötmöriba keuñini mianğö dop jimakñe aka ahakmemeñini urukalem qakñe ahakñe. ¹³ Kunñan urukalem qakñe ambazip qahö ak kömum engiba maliga Anutunön keuñi kewöta jim tetekönji ak kömukömu qakñe qahö ak wañgima. Kunñan urukalem kondela malöhi, Anutunön i kewöt wañgiba ölop ak kömum wañgiiga simbawon aka silenji memba öngöma. Mewö.

Mötnarip ölnji qahö mi köhömuñi akza.

¹⁴ O urumelen alaurupni, kunñan “Jisös möt narizal,” jiba mianğö nupñi qahö meiga mötnaripñi mianğön mönö denöwö bauköm wañgibawak? Keuñanök möt nariiga Anutunön eka amöt qei letotma me qahö? Mi qahö! ¹⁵ Mianğö keuñi kun kewö: Uruñini melengeri, engö sutñine ambazip kunñan opo kerengöra osiba mözöröngöba neneñi wehön kungöra qahö malbawak. ¹⁶ Mewö maliga engöreñök kunñan yambuk aitongöba silegö nañgönañgö qahö wañgiba kewö jii mötpawak, “Gi ölop anda nene memba könöp jömöta böñjön tatman.” Keu töhön mi möriga mianğön mönö denöwö bauköm wañgibawak? Mi qahö!

¹⁷ Mewöñanök mötnarip töhönök mi köhömuñi akza. Mötnaripkö nupñi ölnji qahö mezawañgö mötnaripñan mönö qamöt ewö akza.

¹⁸ Kunñan kewö jibawak, “Göñön mötnaripuk aknönğa nönjön ahakmeme diñdiñi wuatangömakzal.” Nönjön mianğöra kewö jimam, “Göñön ‘Anutu möt narizal,’ jiba mianğö nupñi qahö memba öne mötnaripkahö ölnji mönö denöwö kondel niñgibanak? Nönjön ahakmeme aka membi eknönğa mianğön mönö ölop nani mötnaripnañgö ölnji kondel gihima.” ¹⁹ Gi “Anutu mohok akzawi, mi möt narizal,” jizani, mi ölop! Ömewöröme yeñön mewöyök mi möt narize. Mi möt

narizemö, mianğön kundut engiiga Anutugöra jönömñini undumakza.

²⁰ O uruqahö azi, gi ömewöröme yeñgö tandök möt narizan me? Mötnaripkö nupñi qahö menönğa ölnji qahö ahui keu mi öne töhöntöhön jinönğa mötnaripkan mönö yuai omani, ölnji qahö akza. Mianğö könañi söpsöp keuni mianğön kondel gihiza me qahö?

²¹ †“Qahö!” jibanbuköra söpsöp keu kun jimam. Mötnaripkö bömön jalönini Abraham yañön mönö denöwö diñdiñi ahök? Yañön Anutugö jitñi tem köla nahönñi Aisak wañgita altanön ala mianğön jöwöwöl ohomamgö ahök. Mewö aka mötnarip qakñe nup meiga Anutunön mi eka keuñi jim teköi solaniyök.

²² Söpsöp keu mianğö könañi ek asarizan me qahö? Abrahamnön möt nariba keuyök qahö jiyökmö, mötnarip qakñe kinda mianğö silikñi mewöyök ahiga nam köliga dop kölök. Ahakmeme diñdiñi aka memba maliga mötnaripñan mewö qariba aködamunñambuk ahök.

²³ †Buña Kimbinöñ keu kun kewö ahöza, “Abrahamnön Anutu möt narim wañgiiga qetñi Azi Diñdiñi jiyök.” Keu mi mönöwök ölnambuk ahuyöhañgö dop mi ohoget aka tosatñan Abrahamgö qetñi “Anutugö alañal!” mewö qeta jimalget. ²⁴ Solanñi akingöra mötnaripkö keu jitinananöhök jiinga qahö dop kölja. Silikñinan mötnaripkö ahakmeme ölnji akin ewö, Anutunön mönö keunini jim teköiga solanibin. Kösohotnan mönö mianğö könañi kondelja.

²⁵ †Söpsöp keu kun mewöyök jibiga mi kondelma: Israel yeñön gölme ek kutubingöra azi yahöt melaim etkiget anohotka köna ketanji ambi qetñi Reihab yañön etkuangita köyan köl etkiba köna kunön etkumbuliga mosöta anohot. Yañön mötnaripkö ahakmeme mewö ahiga Anutunön mi eka keuñi jim teköi solaniyök. Mewö.

²⁶ Nönjön keuni ki kewö jim tekömam: Azi uñanji qahö mi qamötñi. Mianğö dop mötnarip ahakmemeñi qahö mianğön mönö köhömuñi akza. Mewö.

Numbu nesilamninan ayuhum nengibapuk.

3 O urumelen alaurupni, engöreñök gwötpukñan uruñini wahöriga (“Tosatñi yeñgöreñ pinjit mindiñgöbin,” jiba) kusum engienji böhi akingö akepuk. Nini tosatñi kusum engiba nanini mötmötnini qahö mindiñgöbin ewö, Anutunön mi ehi qahö dop köliga keunini kewöta köhöikñanök jim teköba mianğö dop likepñi ongita ak nengima. ² Mi kewögöra jizal: Nini körekñan köna keu gwötpuk qiwitipkömakzin. Kunñan nesilamñi galöm köla keu qahö qiwitipkömakzawi, yañön mönö azi aködamunñambuk sorokñi akza. Yañön ölop köhöiba malmalñi pakpak mewöyök galöm köla malma.

³ Hosnön (beosi) sihimnini tem kölmegöra ain injup numbuñine ala kösönön öröba mianğön ölop ölnji ketanji jömuq mi mindiñqindiñ ak engiinga anakze.

⁴ Mewöyök wañge ketanji miengö silikñini mötmörima.

† 2.8 Lew 19.18 †† 2.11 Eks 20.13, 14; Dut 5.17, 18

‡ 2.21 Jen 22.1-14 †† 2.23 Jen 15.6; 2 Hist 20.7; Ais 41.8 †† 2.25 Jos 2.1-21

Mienjōn ketanji aketka luhut köhöik-ñan nanjōm engigetka köwet kutuba anakze. Keta bölökñi akzemō, mi tōndup anangō galōmñi pailōt yanjōn wanje giliñe tata sihimñi wuatangōba stia lökuatñi morōñi miyōk melenqelen aiga wanje ketanjan miangō dop melenja anakza.

⁵ Nesilamgō kōnanji mi mewōñanōk. Mi sileninanjō kitipñi morōrōkña kun akzampō, tōndup ölop keu ketanji kōnanji kōnanji mianjōn silenini memba öngōba jimakzin. Mōnō ki mötmōrinōñ anōk:

Kōnōp jit-tōkñi morōñan terenja geba ölop jölōm jitñe möndōba arōkñi keta bölökñi jem kutuiga etapawak.

⁶ Nesilamninan mewōyōk kōnōp bölam ewō akza. Mi sileni-nangō kitipñi kitipñi mienjō sutñine tata qewōlongō kondotkondot namñi akza. Mewō aiga kōnōp siagō Tojan jōnbōlanñan ohotiriba miangōren uwulamgōiga awamñanōk urukōñōpnōñ möndōba jeiga uru pakpak kutumutuba tölōhoiga malmalje ahakmemenji pakpak mi sanjōp ewō tōwima. ⁷ Anutunōñ yuai pakpak miwikñaiyōhi, mi sömbup kōnanji kōnanji, nei me yuai bapñinan kōla ölölongōmakzei me köwetnōñ maljei, mi ambazipnōñ mölöwōrim engimeangō dop akze. Mi lök köl tutuhuba mölöwōrim engigetka mire (köhōmgep) akze.

⁸ Mewō akzemō, nesilamninan mōnō sömbup kalñi tandōk akza. Mi mōrōm warabe (rōbek) mianjōn kokolak qeçenji aka anamumu ewō öñjōngōba neñgōhōba mem kōmum neñgimangō jōjōrōmakza. Ambazip körekñan mi mölöwōriba jōhōm wanji-bingō osimakze. ⁹ *Nesilamninan Kembu Iwinini möpōseim etkimakzin aka likepñe ambazip nanñi kaisongolom ewō miwik-ñaim engiyōhi, mi sait keunōñ lan qesuahōm engimakzin.

¹⁰ Numbu nesilam mohok mianjōn Anutugō qetñi möpōsei-makzin aka sait keunōñ tosatñi qesuahōm engiba jimakzin. O urumelen alaurupni, kōnanjanñan mewō ahōi qahō dop kölja. ¹¹ O sawōlñi aka kömbukñambuk mi o jeñi mohok miangōrenjōk uzumgōba korakzahot me qahō? Mewō qahō. ¹² O urumelen alaurupni, jogañ ipñeyōk danam (sam) mi ölop asuhumakze me qahō? Mewōyōk jaunōhōk mandarina ölop asuhumakze me qahō? Mianjō dop o sawōlñan köwuk kömbukñambuknōhōk uzumgō-mangō osimakza. Mōnō mi.

Mötkutukutu ölni aka munenji

¹³ Engō sutñine danjōn mötkutukutubuk aka keu mindingō-mawangō dop akza? Kunōñ "Mewō akza," jime ewō, yanjōn mōnō urunji mötkutukutunangō dop memba et ala silikñan guñbōñjōññōñ ahakmemenji kondeli aukñe asuhui ehinga dop kölma. ¹⁴ Mianjōn dop kölmapmō, urunine mututqutut ahōiga irim-sesewōl mötökōm-bukñambuk möta körōgisigisi aka nanñini yuainōñ qarimapkōra köpōsōngōba andōqeqe ahakze ewō, mötkutukutunñi mianjōra mōnō silenini öne kude memba öngōme. "Keu ölni wuatangōzin," ji-

† 3.9 Jen 1.26

ba mōnō ölni köyatibepuk. ¹⁵ Yengōrenj mötkutukutu mewōñi mi gölmegō mötkutukutuya akza. Mi Suepnōhōk qahō erakzampō, ömewōrōme yengōn ambazip sölölohōm engiget jigetka Uña Tōrōñan miangōra wösōbirik ahakza.

¹⁶ Denike yengō urunine mututqutut ahōiga irim-sesewōl möta körōgisigisi aka nanñini yuainōñ qarimapkōra köpōsōngōmakzei, yengō malmalñine siksauk ilingōsōñ ahōiga silik angōjōrakñambuk kōnanji kōnanji wuatangōmakze. ¹⁷ Mi wuatangōmakzemō, möt-kutukutu Suepnōhōk erakzawi, mianjō kōnanji mutukñi mi ahakmeme sarakñi. Mötkutukutu sarakñangō silikñi tosatñi mi kewō: Luainōñ malbingō ak engiiga guñbōñjōññōñ qakñe tosatñi ak engiba keu bapñe angetka Uña Tōrōñan urunini kokolak qeiga tosatñi baukōm engibingō sihimñi gwōtpuk mötketka urumōt-mōtñinangō ölni ölöpnji ölöpnji mi gwōtpuk asuhumakze. Geñmonj mosōta ambazip keunñi bahōsapsap qahō kewōta silesile silik qahō malje. ¹⁸ Luaiqeqe ambazipnōñ luainōñ malbingō möta mianjō kötnji kömōtketka ölni ahakmeme diñdiñi ahuiga oyaenjkoyaen malakze. Mewō.

Gölmegō mötkutukutu mosōta Anutugō ala aka malme.

4 Wani yuainōñ bim aka angururuk sutñine kondori ahumakze? Nanñini sihim kömbōnanñan mōnō wahōta silenini dop kölga ölöpnji bölōñan awōrangōyohotka bim aka angururuk ahumakze. ² Injini yuai kōnanji kōnanji membingōra sihimñi köhöikñi bökbök mōrakzemō, mi engō buñaya qahō ahakza. Yuaigō eksihim möta erōm ota urunñan kōnōp jeiga ambazip engugetka kömumak-zemō, tōndup mi qahō memakze. Mianjōra yom jiba angururuk aka bim qemakze. Injini Anutugōrenj qahō köulukōba nanñinak öne membingō mötzeangōra mi qahō buña qem angumakze.

³ Anutugōrenj köulukōmakzemō, tōndup mi kewōgōra qahō memakze: Urunñan qahō diñgiiga yuai engiiga mi mösōhōba nanñini sihim kömbōnanñini bölōñi meköba sileninanjō sösongai akingōra möta ulerakze. Mi qahō dop kölga Anutunōñ mi angōn kölakza. ⁴ O injini qesabulum ambazip ewō akze. Awanōm kōna diñdiñi mosōta serowilin ahakzei, injini mōnō mianjō dop Anutu mosōta urumelenjō kopa ambazip yembuk ala-ala aka moneñ inapnōñ görōken urunñi jōhōba malje. Tandōk mewōñi aka mianjōn mōnō Anutubuk kerōk-kerōk ahakze. Mi möt kutuze me qahō? Mianjōra kunñan gölmegō sihim kömbōnanñi bölōñi mekömamgōra urunji alakzawi, yanjōn mōnō Anutugō kerōkña ahakza.

⁵ Buña Kimbigō keu kun kewō ohoget ahōza, "Uñanji Tōrōñi urunine al neñgii maljawi, Anutunōñ i sihim kömbōnanñi mienjōn kokolak qem wanjiiga malja." †† Keu mi omanja kōnanji qahō mötmōribepuk. ⁶ *Keu mi

†† Buña Kimbigō keu mianjō kōnanji kun kewō, "Uña Tōrōñi urunine ali maljawi, yanjōn jōpakōm neñgimangō sihim kömbōnanñi möta neñgōra mututqutut mōrakza." ‡ 4.6 Qam 3.34

omaña qahöpmö, injini miangö dop sihimñini törörök Anutugöreñ alme ewö, yañön mönö kalem möriamñi önöñi qahö enggimakña. Miangöra Buña Kimbi ki jiba ohoget ahöza: “Anutunöñ söngöröqök ambazip tuarenjon ak enggimakzäpmö, uruñini memba et alakzei, ia kalem möriam enggimakza.”

⁷ Miangö dop injini mönö uruñini kewöta Anutugö keu bapñe anda malmemö, Bölöñañgö Toñi tuarenjon ak wangigetka enggömosöta söreiba misingöba anma. ⁸ Mönö Anutubuk jöhöjöhö aka kösutñe kagetka yañön embuk jöhöjöhö aka kösutñine kinma. Singisöndok megetka böröñinan töwiiga Jisösgö sepñan mi sañgonmapkö köuluköme. Uruñinan julkuliga an qem kam qem lañ aketka uruñinan tölöhoiga köñjörat engii sarakñi akñegöra köulukömakñe. ⁹ Mönö dabökörökñini möt kutuba jingñe köla wösöbirik möta silata sahötme. Gön köisirikñini mosöta melenña amburereñ akñe. Sösöngaiñini mosöta wösöbirik möt angume. ¹⁰ Mönö Kembugö jeñe memba et al angugetka yañön mem wahöt enggima. Mewö.

Urumelenñ alaurup kewöta keuñini kude jim teköme.

¹¹ Urumelenñ alaurup, andönöñ qeñe keu mönö kude jim anguba malme. Kunñan keu mewö yöhösañ jiba urumelenñ alañangö keuñi jim teközawi, yañön mönö Anutugöreñ köna keu jim teköba memba et alja. Gi Anutugöreñ köna keu jim teköba görögöra ala mewö miangön mi qahö tem kölakzanmö, mi silebile memba timbiqimibilim azia aka maljan. ¹² Anutunöñ köna keu jim kutum neñgiba miangö dop mönö keunini kewöta jim teköiga ayuhubin me ak kömum neñgiiga oy-añkoyaeñ akin. Yañönök jimtekötekö Tonini akzäpmö, gi mönö nangahöra “Niñia akzal?” jiba alagi kewöta keuñi jim tekömakzan? Mewö.

Sile memegö galöm keu

¹³ [†]Mönö kezap alget! Tosatñi injini sile memba kewö jimakze, “Nini merak me uran ki mosöta taon mi me mi miangöreñ anda kölköl-örörö aka moner ketanji öröba yambu (yara) mohok malin teköiga miangöreñ lilingöba kabin.” Nöñön miangöra kewö jibi mötme: ¹⁴ Malmalñini uran denöwö malmei, injini mi qahö möt kutuze. Engö malmalñinañgö könañi mi denöwö? Mi köwak kousugö dowa ahözawa, nalö töröptökñi asuhaba ayapköma. ¹⁵ Miangöra enñön mönö kewö jigetka dop köлма, “Kembugö jit sihitñan neñgöra mewö ahöiga jebuk malbin ewö, mönö mewö mewö aka membin.” ¹⁶ Mewö qahö jimakzemö, öne töhön jakbak-öranbörañ aka nanñini silenñini memba öngöba möpösei-makze. Ahakmeme pakpak mewöñi miangön mönö bölöñi akza.

¹⁷ Keuni jim tekömangöra kewö jizal: Kunñan silik ölöpnji aka memawañgö dop aka miangö könañi möt kutubagun mi qahö aka memawi, yañön mönö singisöndok akza. Mewö.

Ambazip sukinapñinambuk yengö galöm meme keu

⁵ O ambazip sukinapñinambuk, injini kezap ala keuni ki mötket: Kahasililij sihimbölo qakñine öngö-mawi, miangöra mönö amburereñ aka silata sahötme. ² ^{††}Moner sukinapñinan mönö gisahöba gororöñgöza. Kezaplonñon jijilukut yengön opo malukuñini yöhöqöhötiba nemakze.

³ Injini nalö teteköñi kewöñe goul, silwö aka yuai tosatñi qakñon qakñon qezaköget ahözawi, mi kahawet muetmuetnön turum teköba törom (rust) memba ahöza. Törom kahawet miangön dangunu ewö ahöba könañini nalö teteköñe kewö kondelma: Injini malmalñini moner inapñon jöhöba mösöhögetka pömsöm qeiga ayuhume. Törom kahawet miangön mönö köñöp bölam ewö sile busuñini mewöyök mem bölima. ⁴ [†]Ki mötmöriget: Nup meme ambazip nupñine barö memba siri uret qözöla malgeri, injini yengö töwañini ekbonep möta angön kölget. Injini yengöreñ sahöt irikuruñini mötze me qahö? Silatñini miangön mönö Kembu Anutu, kukösum pakpakö Toñangö kezapñe gem teköiga mötza.

⁵ Injini gölmenöñ ki yuai könañi könañi sesegilgil buña qem anguba siyonsayon qahö mala silegö sösongai algetka nahömñini dop köñ engiiga malget. Gölmegö kelök möriamñan jöhöm engiiga lañ mala nem qarip ketanji aka malje. Anutunöñ keuñini jim teköiga enguguet kömumeangö nalöñinan kam kuñgu-mawi, mönö nalö miangöra jöjöröba kelökñinambuk aka malje. ⁶ Ambazip qewölonñini qahö injini qahö tuarenjon ak engigetka töndup keuñini jim teköba lañ enguguet kömumba malget. ^{††} Mewö.

Lömböt mökösonña bisiba köuluköba malme.

⁷ O urumelenñ alaurupni, injini Kembunöñ kañgotmapköra mamböta nalö sutñe kiangöreñ mönö mökösonña lömböt bisiba kinme. Mewö kinda kölkömöt azigö tandökñi mötmörime: Yañön nene gölmenöñ kömöta kinda ölnji söngöröñi öngöngöñi asuhamapköra kapañ köla mambörakza. Kapañ köla mamböta mali maliga kie bedu nalöñan kaiga kunbuk mamböriga kömunjañ kie uru nalöñan kam kuñgu-makza. ⁸ Enñön mewöñanök mönö mökösonña lömböt bisiba kinme. Kembunöñ kunbuk kamawañgö nalöñan törizawañgöra aka mönö uruñini qezaköba böñ qeba kinme.

⁹ O urumelenñ alaurupni, Anutunöñ keuñini jim teköi lömböt miwikuñibepuköra mönö nanñini sutñine jimongot kude aka uruñinan irikuruk kude jim angumakñe. Mötket, jimtekötekö Toñan mönö dopdowiba nañgunöñ kinja. Mewö. ¹⁰ Urumelenñ alaurupni, kezapqetok ambazip yengön mönöwök Kembugö qetñe Buña keu jigetka kahasililij mem engigetka möta töndup mökösonña lömböt bisiba kapañ köla malget. Enñön mönö yengö tandökñini mötmöriba köna la-

^{††} 5.2 Mat 6.19 [†] 5.4 Dut 24.14-15 ^{††} Keu miangö könañi kun kewö: Injini azi qewölonñi qahö töndup keuñi jim teköba qegetka kömuyöhi, yañön injini kunbuk qahö qetal enggimakza.

[†] 4.13 Qam 27.1

supnjini wuatangöba malme. ¹¹ †Tosatjan kapañ köla lömböt bisiba mala luhut algeri, nini yeñgöra “I-ia sim-bawoñ!” jizin. Azi qetñi Job (Hiobe) yañön kahasililiñ möta töndup kapañ köla luhut alöhi, mi mötze. Luhut aliga teteköñe miangöreñ Kembunöñ ak kömukömu Toñi aka neñgehorimakzawi, yañön mönö oyaenköy-aenji wañgiiga malök. Mönö mi mötmörime. Mewö.

¹² ††O urumelen alaurupni! Keu kötnji mutukñi kun ki jimam. Injini keu mi me mi jimei, mi jöjopañ keunöñ kewö kude jim köhöime, “Keuni ölnji qahö akza ewö, Suep Toñan ölop lömböt ali qakne öñgöma me gölme toñan merenj mumbaköiga gölmenöñ turum niñgima.” Keu mi me jöjopañ keu tosatñi mewöñi miangöñ mönö keunjini kude jim köhöime. Mewö qahöpmö, oñ-keugöra möta “Oñ!” miyök jime aka qahöp-keugöra “Qahö!” jime. Pötagororoñ keu jigetka Anutunöñ keunjini jim teköba likepñi melenjñi qakñine öñgöma. Mewö.

Mötnarip qakñe köulukögetka ölnji asuhuma.

¹³ Mötnarip ambazip engöreñök kunñan qemjem-mamje-ñambuk malja ewö, yañön mönö Anutu köuluköma. Kunñan sösongainöñ malja ewö, yañön mönö liñet köla Anutu möpöseima. ¹⁴ †Engöreñök kunñan kawöl yöhöi malja ewö, yañön mönö mötnarip kö-nagesögö jitñememe öröm engiiga kaba Kembugö qetñe kelöknöñ silene miriba yañgöra köuluköme.

† 5.11 Job 1.21-22; 2.10; Sum 103.8 †† 5.12 Mat 5.34-37 † 5.14 Mak 6.13

¹⁵ Mötnarip qakñe köulukögetka Kembunöñ kawöl ambazip mi amöt qem wañgii ölöwaka kunbuk wahöt-ma. Singisöndok aka kawöl miwikñaiyök ewö, Anutunöñ mönö singisöndokñi mi sañgoñda mosötma.

¹⁶ Mewö aiga Anutunöñ amöt qem engii ölöwakñegöra mönö singisöndokñini jim miwikñaim añguba bauköm añguba Anutugö köulukömakñe. Ambazip solanñi kunñan uruñi qezaköba Anutu köulukö-mawi, miangö ölnjan mönö wewelipñambuk asuhuma. ¹⁷ ††Miangö söpsöpñi kun mi kezapqetok azi qetñi Elai-ja (Elia). Yañön gölme azi naninañgö dowä malök. Yañön kie qahö kamapköra uruñi qezaköba kapañ köla köuluköiga kienöñ yambu (yara) karöbut aka köiñ 6 miangö uruñe gölmenöñ qahö erök. ¹⁸ ††Nalö mi teköi-ga kunbuk köuluköiga suep injañ köla kie yöhöba bedu meiga nene kunbuk töñgöniba asuhuyök. Mewö.

Kunöñ janjuñ aniga alañan bauköiga dop kölma.

¹⁹ Urumelen alaurupni, engöreñök kunöñ keu ölnjanö könañi qiwitipköba janjuñ aniga kunñan i mi-wikñaiiba köna ölnje kunbuk wañgita alma ewö, ²⁰ ††mi-angöra mönö kewö mötmörime: Singisöndok ambazip kunñan janjuñ könañe aniga alañan i miangöreñök wañgiriga uruñi löwörii kunbuk melenjñi, yañön mönö qahö kömum köhöima. Alañan i köñöp sianöñ gebapuköra añgön köl wañgiiga Anutunöñ singisöndokñi sehisehiñi mi sañgoñda köl turuma. Mewö.

†† 5.17 1 Kiñ 17.1; 18.1 †† 5.18 1 Kiñ 18.42-45 ††† 5.20 Qam 10.12; 1 Pitö 4.8

1 Pitö

Jim-asa-asari

Pitönön Buja Kimbiñi ki ohoba Kraistkö alaurupñi Eisia prowinsgö Not likepñe denða malgeri, yengöra ali anda liliköyök. Könahiba qetñini kewö qeta ohoyök, "Anutunön ambazip nanñangöra möwölöhöm engiyöhi, miññon." Mötnarip ambazip sesewerowero miwikñaiba sihimbölö möta malgeri, yengö uruñini nanñomapköra aka Kimbi ki ohoyök. Kraistkö Ölöwak Buñagö könañi ölum engubapuköra aka Jisösgö keuñi kunbuk kewö jim asariyök, "Jisösnön kömuyökmö, kunbuk kömupnöhök guliba wahöta kunbuk lilingöba kamamgö jim jöhöba oyaenköyaen akingö jörömqörömñi nengyiiga al mambörakzin. Mianñgöra sihimbölö mörakzei, mi mönö möt anñön köla kapañ köla köhöiba kinda malme. Sihimbölö mianñon mötnaripñini kewöriga ölñambuk akña ewö, Anutunön mönö likepñi melenñ engima. Jisös Kraistnön asuhumawi, nalö mianñgöreñök mönö aködamunñinambuk akñe. Keu mi möta awösamkakak kinme." Mewö qambañ engiba ohoyök. Wahöjaliñ nalöñe uruñini nanñom engiba toroqeba köhöiba kewö uru kunñum engiyök, "Inñini Kraistkö buñaya akzeañgö dop mönö malmal sarakñi malme."

Buk kianñgö bahöñi bohonñi 6 mi kewö:

Keu mutukñi
Anutugö amötqeqe nupkö könañi
Malmal sarakñi malbingö jimkutukutu
Sihimbölö qakñe nup denöwö bisibin
Uruñini melenñda memba et ala nup meme
Buja kimbi kianñgö keu kötni bohonñi

¹ Anutunön ambazip nanñangöra möwölöhöm nengyiiga nengöreñök inñini tosatñan Israel mosöta prowins qetñini Pontus, Galesia, Kapadosia, Eisia aka Bitinia mianñgöreñ denða anda malje. Pitö nönön Jisös Kraistkö melaimelai azi aposol aka embuk keu eraum mötpingöra kimbi ki ohozal. ² Iwi Anutunön qeljine möpñangö möpñe mötmöt areñ ali ahöiga mianñgö dop Uña Töröñan inñini mem sarahim engyiiga Anutugö buñani aket. Anutunön inñini Jisös Kraistkö jitñi tem kölmegöra möwölöhöm engyiiga Kraistkö sepñan qewösañoi engömüriba sanñon engimakza.

Anutugö kalem möriamñan mönö uruñini dop sehiiga luainön malme. Mewö.

Oyaenköyaenñgö jörömqörömninangöra Anutu möpöseibin.

³ Neñon Kembunini Jisös Kraistkö Iwiñi Anutu i kewögöra möpöseimakin: Anutunön ak kömukömu ketañi nengiba nengömeiga ahuhau dölökñi ahuin. Ahuhau dölökñi ahuba Jisös Kraistnön guliba kömupnöhök wahöröhi, neñon mianñgö dop guliba wahöta oyaenköyaen akingö jörömqöröm aka maljin. ⁴ Oyaenköyaen buña qem anñubingöra jörömqöröm aka al mambörakzin. Anutunön oyaenköyaen mi urumelenñ alaurupñi nengimapköra Suep mire ali ahöza. Mi-

anñgöreñ ahöba qahö sahaha kahawet memba töwiba gisahöba ayapköma. ⁵ Mötnarip köl gulime ewö, Anutugö ösumñan sel jöhöba kölközizip engyiiga Suepkö buñaya malgetka Jisösnön ölöp enguanñgiriga Suepnön öngöba oyaenköyaen akñe. Anutunön Amötqeqe Tonñangö könañi nalö teteköñe mewö indel teköiga ambazip jim asarim engibingöra aka ahöza.

⁶ Oyaenköyaen akingöra söñgaiba maljemö, gölmenön malinga Anutunön esapesap Tonñ qahö jöhöiga lömböt anñsirip könañi könañi asuhuetka sihimbölö miwikñaiba möta malje. Nalö töröpñi mewö malmemö, mi töndup sösongai aka malje. ⁷ Anutunön esapesap qahö jöhöiga qakñine öngöba mötnaripñinangö tandökñi kewörakza. Köt ölñi köhöikñi goul mianñgö söngöröñan mönö guli dötnam onñgitzapmö, töndup nalö kunön ayapköm teköma. Nalö töröpñangöra aka ambazipnön goul mia kun köñöpñonñ delasi ohoba ölñan gizikörörök ahöbapuköra kewöta esapkömakze. Mianñgö dop inñini ölña törörök möt nariba kin köhöimakze me qahö, esapesapnön mönö mianñgö könañi kondelakze. Anutunön uruñini ölñi kewöriga goul kewögöra onñgitmapköra mötza: Mötnaripñinan pöwöwöm köhöikñi aiga söngöröñi öngöñgöñan goul silwö gwötpuk onñgita nalö teteköñi qahö bauköm engii dop kölma. Mewö enñgehi dop kölma ewö, Jisös Kraistnön kunbuk asuhumawanñgö

nalöne mönö möpöseim engiiga Anutugö jeje qet-buŋa miwikŋaiba aködämunŋinambuk akŋe.

⁸ Inini Kraist qahö eka töndup jöpaköm waŋgiba malje. Nalö kewöŋe Kraist qahö eka töndup möt narim waŋgimakze. Mewö aka söšöŋgai sorokŋi aködämunŋambuk söŋgaimakze. Söšöŋgainini miaŋön mönö jitröŋ jijiŋö dop qahö akza. ⁹ Inini Jisös möt narigetka amöt qem engiiga letotket. Mötnaripŋinaŋgö tohotŋi mi Suep mire eu ahöza. Anutunöŋ uŋaŋini engömeiga enön euyangöreŋ öŋgöba tohot mi ziläŋ misirimegö möta söšöŋgai ahakze. Mewö.

Kezapqetok ambazipnöŋ jörömqöröm aka malget.

¹⁰ Kezapqetok ambazip yeŋön amötqeqegö könaŋi jaruba Anutu köuluköba qeqesi ala möt kewöta mala kotket. Mewö mala Anutunöŋ kalem möriam engimapkö möt asariba miaŋgö kezapqetok keuŋi mi qeljine jiba mala kotket. ¹¹ Kraistkö Uŋa Töröŋan kezapqetok ambazip sölölohöm engiba asuhumapkö keuŋi indela saŋep ala kewö jii mötket, "Kraistnöŋ sihimbölö möta miaŋgö andöŋe asakmararaŋ aködämunŋambuk miwikŋaiba asariba malma." Mewö jiiga möta Amötqeqe Toŋan wani nalönöŋ aka dendenöwö asuhumawi, miaŋgö könaŋi jaruba qeqesi ala möt kewöta malget. Mewö mala söpsöp keuŋi keuŋi qeljine naŋgöba jiba mala kotket.

¹² Amötqeqe Toŋaŋgö könaŋi jaruba qeqesi ala möt kewöta malgetka Uŋa Töröŋan mötmöt kewö indel engiba jiyök, "Inini mönö nanŋini welennina kude qem aŋgumemö, ambazip könaŋep ahuba keuŋini oy-oyŋmei, mönö i bauköm engiba malme." Mewö jiba kezapqetok keu engiyöhi, nini tosatŋan mi nalö kewöŋe liliköba jim asarim engiinga mötket. Kraistnöŋ Uŋa Töröŋi Suepnöhök melaiiga eta ambazip sölölohöba inahöm engiiga Ölöwak Buŋa jiba uru kuŋgum engiba malgeri, yeŋön Buŋa keu miyöhök jiba malget. Kezapqetok keu miaŋgö ölni asuhuiga Suep garataurupninan mewöyök mi uba eka könaŋi möt asaribingö awöwengöba malje. Mewö.

Anutunöŋ sarakŋi malbingöra nengoholakza.

¹³ Buŋa keuŋi mewö ahözawaŋgöra enön mönö uruŋini Anutugö nupköra ala oponiŋi öröget yöhöiga mem kurukŋini memba kinme. Mönö böŋ qeba nanŋini ahakmemeniŋi galöm köl aŋguba malme. Jisös Kraistnöŋ kunbuk asuha miaŋgö nalöŋe kalem möriam engimawi, mönö miaŋgöra al mamböta jöröm-qörömŋini pakpak miaŋgöreŋ ala malme. ¹⁴ Anutugö nahönbörat-urupŋan keuŋi tem kölakzei, enön mönö miaŋgö dop köna sarakŋi wuatangöba malme. Mutuk gukmaulem tönpin malgetka nanŋini sihim kömbönaŋini bölöŋan yeyasensen mem engigetka laŋlaŋ malget. Mewö malgetmö, nalö kewöŋe ahakmemeniŋi mönö sihim miengö dop kude toroqeba aka memba malme. Laŋ siksauk malbepuköra mönö galömŋini mem aŋguba malme.

¹⁵ Laŋ siksauk qahöpmö, Anutu sarakŋan engoholiga enön mönö mewöyök yangö dop ahakmemeniŋi pakpak miaŋgöreŋ sarakŋi aka malme. ¹⁶ †Buŋa Kimbigö keu kun kewö ohoget ahöza, "Nönön töröŋi sarakŋi maljalaŋgöra nöŋgö buŋani enön mönö sarakŋi aka malme."

¹⁷ Anutugöra "Iwinini!" jiba ösumŋi köl örömakzini, yaŋön iwi ölöŋnaŋgö dop ambazip tosatŋi qahö neŋgek soriba tosatŋi qahö qepureim engimakza. Körek neŋgö ahakmemeniŋi mönö dop mohotnöŋ kewöta mohot mohot neŋgö keunini jim teköma. Miaŋgöra Anutu töröŋaŋgö buŋaya akze ewö, mönö gölmenöŋ kusukŋi malmeaŋgö dop sarakŋi aka malme. Jitŋinanök qahöpmö, ahakmemeniŋan mönö Anutugö jitŋi oŋgitpinuköra sömbuŋini möta malme.

¹⁸ Mewöyök Anutunöŋ sohopŋini meyöhaŋgö könaŋi mötagun mönö sarakŋi aka malme. Ambösakonurupninan tandö lopion mötmöt laŋ wuatangöba ahakmeme omaniŋi kondel neŋgigeri, Anutunöŋ inini yeŋgö dop toroqeba laŋ malbepuköra bohonŋini öŋgöŋgöŋi gila sohopŋini meyök. Bohonŋi mi silwö goul oŋgita gilöhi, mi mötze. Gölmegö moneŋ inap ayapkö-mawaŋgö dop akzawi, yuai mewöŋi miaŋön bohonŋini qahö meyök.

¹⁹ Miaŋön qahöpmö, Kraistkö sepŋi söŋgöroŋi öŋgöŋgöŋi miaŋön mönö bohonŋini meyök. Kraistnöŋ lama moröŋi solanŋi uzi poreŋi qahö tandök aiga jöwöwöl ohohogö tandök qegetka sepŋi mokoyök. Miaŋgöra mönö sarakŋi aka malme. ²⁰ Anutunöŋ mutuhök Suep gölme qahö miwikŋaim etkiba nalö miaŋgöreŋök Kraist möwölöhöba sohopnini memapkö nup areŋ mi lök qeljine ala areŋgöyök. Mi areŋgöiga ahöi mala kota malgetmö, nalö teteköŋe kiaŋgöreŋ inini ölöwakŋegöra aka indeli aukŋe asuhuyök.

²¹ Kraistnöŋ nam köl engiiga ölöp Anutu möt narim waŋgimakze. Anutunöŋ Kraist mem gulim waŋgii kömupnöhök wahöriga asakmararaŋ al waŋgii malja. Mewö maljawaŋgöra aka inini Anutu möt nariba kinda yuai pakpak jiyöhi, miaŋgö dop ahakŋapkö jörömqöröm ak waŋgimakze.

²² Jörömqöröm ak waŋgiba keu ölni tem kölgetka Kraistkö sepŋan köl könjörat mem engiiga malme. Mewö mala ölöp urumelen alaurupŋini geŋmonŋi qahö jöpaköm engiba malme. Urukönömŋini pakpak miaŋön mönö kapaŋ köla törörök urukalem ak aŋguba malme. ²³ Malmal köhöikŋaŋgö keuŋi miaŋön mönö nam köl engiiga ahuahu dölökrŋi ahuget. Gölmegö keu kusukŋi kunŋan qahö nam köl engiiga Iwi ketaŋaŋgö nahönböratuŋi aket. Anutugö keuŋan mönö qahö ayapkömapmö, teteköŋi qahö zen ahöm öŋgöma. ²⁴ ††Keu miaŋgö könaŋi mi Buŋa Kimbinöŋ kewö ohoget ahöza: "Ambazip pakpak inini mönö gwözözak luplup tandök akze. Aködämunŋini pakpak mi juranŋi asakasak-ŋinambuk tandök akza. Gwözözak luplupnön mönö soholiba gororöŋögetka juranŋan buratiba teköqeköba etme.

† 1.16 Lew 11.44-45; 19.2 †† 1.24 Ais 40.6-8

²⁵ Mewö etmemö, Kembugö Buña keu malmal köhöikni nengimakzawi, mianjôn mönö teteköni qahö ahöm köhöiba ahöm öngöma." Buña keu mianjôn Ölöwak Buñaya aiga tosatñan mi jim asarim engigetka mötze. Mewö.

Köt malmalñambuk yambuk kinda sarakni akñe.

2 Buña keu mötzeangöra mönö bölönamñini pakpak köteköba gilme. Geñmonj köñbinj pakpak mosötme. Ahakmeme silesile mi sisitñi memba tököme. Körögisigisi aka andöqeçe keu yöhösañ ahakzei, mi pakpak mönö qekögetka et teköma. ² Morösesep geñmonjini qahö yeñön juzu nemb-ingörök möta awöweñgömakze. Eñön mönö miangö dop Buña keu qahö möwöramgögeri, mi urukönömñine albingö awöweñgöba malme. Mewö mala möt-naripñini köl guligetka qarim köhöiiga letota mala oyaerñkoyaerñ akñe. ³ Buña Kimbigö keu kun kewö ahöza, "Nene kun nepöleköba nahömñi mötkeri, miangö dop Kembu ölöpnj yambuk qekötahöba nahömñi mötket." Keu miangö dop Kembugö nahömñi mötze ewö, mönö Buña keunöñ qarim köhöiba malme.

⁴ Kraistkö söpsöp keuya jimam: Kraistnöñ wahöta Anutugö tandö kömbönañi aka malmal köhöikñangö wötñi akza. Injini mönö yangöreñ kaba kunbuk letotme. Ambazipnöñ tandö kungöra "Köt omanj," jiba andö qeba mosötketmö, Anutunöñ i Amötqeçe Tonj akñapköra möwölöhöba yangöra möri bohonñi öngöngöñi ketanñi akza. ⁵ Kraistköreñ kaba guliba nanñinak mewöyök köt jamönñij malmalñinambuk ewö akñe. Mewö aka mal köhöigetka Suepkö mitimqeçe yanön engömemba uruñini möhamgöiga köhököhöi miwikñaiba urugö malmalgö jöwöwöl jike ölnj akñe. Uña Töröñan uruñine mala sölölohöba mem letot engiiga jöwöwöl jike miangö jike nup galöm sarakñi aka kinme. Uña Töröñan nam köla inahöm engiiga tem köla Anutugö waikñi memba möpöseim wañgiba malme. Mewö malgetka Anutunöñ engeka Jisös Kraistköra aka ahakmemenñini mewöñangö sihimñi möta malma. ⁶ Buña Kimbinöñ keu kun kewö ahöza: "Eket, Anutunöñ mönö köt tandö kun möwölöhöba Zaion kundurñe Israel kambu uruñine kömötpiga tandö kömbönañi guli damandañ (milyön Kina) ewö akña. Denike yeñön tandö pöwöwöm köhöikni mi möt narim wañgimakñei, yeñön mönö yangöra aka gamu qahö möta malme."

⁷ Möt narim wañgiba maljei, engö jemesoholñine mi tandö kömbönañi aködamunñambuk akzampö, tosatñan uruñini qahö melenja maljei, yeñgö jeñine mi Buña keu kiangö dop ahöza: "Miri meme yeñön 'Köt omanj,' jiba tandö kun andö qeba mosötkeri, tandö mianjôn mönö tandö kömbönañi ahök. Könañgep tandökñi ain ewö miwikñaiget. Tandö pöwöwöm köhöikni mewöñan tiñgitpawak ewö, mirinöñ mönö gororöngöba eta kölbawak."

⁸ Buña keu kun kewö ahöza, "Ambazipnöñ köt jamönñij miangöreñ tötangöba enguiga mianjôn mönö engum mizit ak engima."

Yeñön Buña keu qahö tem köla nanñini imbi wu-atañgö-makzeangöra aka tötangöba erakze. Anutunöñ mewö arengöm engiyöhanjögö dop erakze.

⁹ Yeñön mewö erakzemö, eñön ambazip kambu qainñi kun kewö akze: Anutunöñ injini nanñangöra möwölöhöm engiiga qainñi kun akze. Anutunöñ söñaupnöhök engoholiga asakñi wewelip-ñambuk miangöreñ angöta jike nup galöm kambu sarakñi akze. Angöletot aködamunñambuk memba malöhi, miangö Buña keunñi mi jim asaribingöra engoholök. Engoholiga Anutugö buña könagesöñi mala Kiñ Kembugö jem-bonurupñi aka nupñi liliköba memakze. ¹⁰ Mutuk Buña Kimbigö keu kungö dop "simbisembel lanj malgetmö," nalö kewöñe uru jöhöm angöba kutulañgöba "Anutugö urumelenj könagesö kambu" aka malje. Mutuk Anutugö ak kömökümügöra "gukmaulem malgetmö," nalö kewöñe "engehoriiga kalem möriamñi ölöp möt kutuba malje." Mewö.

Anutugö welenqeçe ambazip kewö aka malbin:

¹¹ O wölböt alaurupni, Suepkö buñaya aka gölmenöñ ki kusuk kiana maljei, nöñön engö uruñini kewö kungumam: Silegö sihim kömbönañini bölöñan galöm köl engibapüköra mönö nanñini angön köl angume. Sihim murutñi murutñi mieñön mönö uruñini mem bölimegöra bim qemakze. ¹² Uruñini qahö melenjeri, yeñgö sutñine ahakmemenñini ölöpnanök aka memba malme. Tosatñan injini bölöñi meme ambazip ewö keunöñ jim bölim engimakzei, yeñön ahakmemenñini ölöpnj eka könañamñini törörök möt asarigetka mötmötñinan uteköma. Mötmötñinan uteköiga nanñini siñgisöndokñini aka möt sohosohonñini ek kutuba uruñini melenja Kraist asuhumawangö nalöñe engöra aka Anutu möpöseim wañgime.

¹³ Anutunöñ malmal arengöiga ambazip tosatñan galöm köl nengimakze. Kembugö qetñi bisize ewö, eñön mönö körek yeñgö keu bapñe anda malme. Kiñ aka ministö yeñön bohonñini akzei, injini mönö yeñgö jitñini tem köla malme. ¹⁴ Kiap aka gawönö yeñgö jitñini mewöyök tem köla malme. Yeñön ambazip bölöñi akzei, yeñgö keunñini kewöta likepnj melenj engimakzemö, ölöpnj ahakzei, yeñgö qetñini möpöseimakze. Anutunöñ miangöra aka gawman ambazip al engiiga malje. ¹⁵ Anutugö jit sihitñan mönö kewö ahöza: Kezapjupjup ambazip gukmaulem kinda engöra uruqahö keu omanj omanj jimakzei, injini mönö ahakmeme ölöpnj aka memba mianjôn yeñgö numbuñini muhungögetka ölöñ malme.

¹⁶ Anutunöñ bölöñangö kösö gwaröñeyök pösat engiiga lolohogeri, injini mönö miangö dop ahakmeme solanñi aka memba malme. Mewö malmemö, bölöñamñini turumegöra "Kösö gwarönini qahö solanñi (fri) maljin," jiba miangöreñ möndöba nanñini

† 2.3 Sum 34.8 †† 2.6 Ais 28.16 ‡ 2.7 Sum 118.22

†† 2.8 Ais 8.14-15 ††† 2.9 Eks 19.5-6; Ais 43.20-21; Dut 4.20; 7.6; 14.2; Tai 2.1; Ais 9.2 ††† 2.10 Hos 2.23

imbiñini kude wuatangöme. Mewö qahöpmö, Anutugö jitñi tem köla welenñi qemakzei, mönö miangö dop gwarö qahö malme. ¹⁷ Ambazip körek mönö göda qem engiba malme. Urumelenj alaurupñini mi urukönömñi-nan jöpaköm engiba malme. Anutugö keunji ongitpinbuköra mönö sömbuñini möta malme. Kiñ aka min-istourupñini yengöra mönö mötket öngöiga göda qem engiba malme. Mewö.

Kraistnön sihimbölögö silik ölöpnji kondel nengiyök.

¹⁸ Welenqeurup injini mönö ketañamñinañgö keu bapñe anda göda pakpak kondel engiba malme. Urubönjönñön galöm ölöpnji ak engimakzei, yengörök qahöpmö, öröm ureim ak engimakzei, mi mewöyök törörök göda qem engiba malme. ¹⁹ Denike yeñön Anutugö jitñangö dop ambazip göda qem engiba malgetka töndup könañi qahöpmö, öne kahasililiñ ak engigetka sihimbölö möta kapañ köla mökösoñmakzei, Anutunön mi eka likepñi melenja kötuetköm engiiga simbawon akze. ²⁰ Bölöñi aketka kömbinön engugetka mi möta mökösoñda kinme ewö, nanñinañgöra mönö denöwö aka mötket öngöbawak? Dopñine engugetka qetbuñani-nambuk qahö akñe. Mewö qahöpmö, ahakmeme ölöpnji akerangöra aka sihimbölö miwikñaiba mökösoñda malme ewö, Anutunön mönö miangö likepñi melenja kötuetköm engiiga simbawon akze.

²¹ Kraistnön mewöñanök engöra aka sihimbölö möta silik ölöpnji kondel engiyök. Miangöra injini mönö yangö köna tamböñi mötöteiba sihimbölö möta mökösoñda malmegöra engoholök. Mewö mala simbawon akñe. ²² †Buña Kimbigö keu kun kewö ahöza, “Yañön siñgisöndok kun qahö ahök aka yangö numbu jitñeyök munen keu kun qahö erök.” Injini keu miangö dop aketka dop kölma. ²³ ††Ambazipnön uruqeqe keu töhörenj Kraist gwötpuk jim wangigetka kitipñi kun qahö melenjök. Sihimbölö ak wangigetka möta kitipñi mekömamgö qahö töröpköm engiyök. Mewö qahöpmö, Anutunön keu diñdiñanök jim tekömazawi, mönö i möt nariba keunji yangö böröñe ala jim tekömappkö mambörök.

²⁴ †Kraistnön nengöra kapañ köla siñgisöndok andö qeba ahakmeme solanñi wuatangöba malbingöra aka sihimbölö mörök. Mi möri Buña Kimbigö dop “silenji qegetka uzi asuhuyöhangöra aka Anutunön injini mem ölöwak engiyök.” Ölöwakñegöra mönö “nanñak siñgisöndoknini memba silenje anguba” maripomñön öngöba kömuyök. Miangöra injini mönö Kraistkö dop sihimbölö möta mökösoñgögetka ölöwakña. Siñgisöndok esapesapñön öröm nengiiga miangörenj mönö qamöt tandök aka köhömuñi malbin. ²⁵ ††Mutuk injini “lama ewö janjuñ anda kaba lanlan malget.” Mewö malgetmö, nalö kewöñe uruñinañgö galömñangörenj liliñgöba kaba malje. Yañön injini lama ewö sel jöhöba köyan köl engimakza. Mewö.

Awanöm yengörenj qambañ keu

³ †Anutu welen qebingö keunji lök jizalmö, ambi injini mönö mewöñanök apurupñini yengö keu bapñe anda malme. Mewö malgetka apurup tosatñan Buña keu qahö tem köla maljei, yeñön mönö mewöñanök anömurupñini yengö ahakmemeñini eka uruñini melenjbeak. Uruñini melenja malmalñini Kraistkö böröñe almegöra Buña keu jitñinanök qahö jimemö, Kraistkö könañi mönö silikñinan kondel engigetka ek asaribeak. ² Ahakmeme sarakñi diñdiñi aka memba Anutugö jitñi ongitpebuköra kenngötñini mötketka azinön mewö enggek yakögetka Kraistpuk qekötahöba malbingö sihimñini ahubawak. ³ ††Silegö aködamunñinanök mönö kude mem öngömakñe. Nöröp sawañini qeba gawasu könañi könañi kude ala minjiñda öñbörñ kude memba malme. Kösasorom goul yuainön sileñini kude meñölöm angume. Sileötanj qetpuk sorok aködamunñambuk mi kude mem angume.

⁴ Mewö qahöpmö, aködamunñini ölnji mi mönö töp megetka uruñine ahöma. Uñañinan luainön böñjön malgetka aködamunñini ölnji miangön tölapñe ahöba mönö nalö kunön qahö ayapköma. Urubönjön malgetka Anutunön engeka möri öngömakñe. ⁵ Mönöwök ambi sarakñi yeñön Anutubuk kinda jörömqröm ak wangiba yuai pakpaköra mamböta malgeri, yeñön mewöyök uruñinañgö aködamunñinan meñölöm anguba apurupñini yengö keu bapñe anda malget. Mönö ambi mieñgö dop aka malme. ⁶ ††Saranön apñi Abraham tem köl wangiba “Azi kembuni!” jiba ohola malök. Injini mewöyök zeñ kinda nup ölöpnji ölöpnji memba awösamakak kinda yuai kungöra jönömñini qahö undui apurupñinambuk malme ewö, mönö Saragö dop ambi aköda-munñinambuk aka malme.

⁷ †Ambi yeñön ösumñini eretñi akzemö, töndup malmalgö kalem möriamñi mi azibuk örörön buña qem anguba malje. Ösumñini eretñi akzeangöra azi mohot mohot injini mönö anömurupñini törörök köyan köla lolongöm engiba malme. Anutunön azi engö köulukñini qepureibapuköra mönö göda qem engiba malme. Mewö.

Nup ölöpnji memakzemö, sihimbölö töndup mötze.

⁸ Keuni tekömawangö qambañi kewö jizal: Injini mönö körek urumohot aka urumelenj alaurupñini urubönjönñön jöpaköm anguba malme. Gunböñjönñön mala nanñini memba et al anguba uruñinan jöhöm anguba mohotñe kinme. ⁹ Jinön jibi nuñgunön guhubi akñön aki mi kude ahakñe. Uruqeqe keu töhörenj jim engigetka kitipñi kude meköme. Mewö qahöpmö, keu bölöñangö likepñi melenja mönö kötuetköba uruölöwak engiba malme. Mewö aka malgetka Anutunön likepñi melenjiga kötümötuetñi buña qem angumegöra engoholök. Mewö aka mala Kembu asuhumawi, nalö miangörenj mönö oyaenköyaen

† 2.22 Ais 53.9 †† 2.23 Ais 53.7 † 2.24 Ais 53.5 †† 2.25 Ais 53.6

‡ 3.1 Ef 5.22; Kol 3.18 ††† 3.3 1 Tim 2.9 ††† 3.6 Jen 18.12 § 3.7 Ef 5.25; Kol 3.19

akŋe. ¹⁰ †Mewö akŋegö keunji mi Buŋa Kimbinöŋ kewö ohoget ahöza: “Kunöŋ malmal nahömŋambuk malmamgö ak waŋgiiga wehön ölöŋŋi ölöŋŋi eka malmamgö mötzawi, yaŋön mönö nesilamŋi keu bölöŋŋi jibapuköra jöhöba malma. Numbu suŋeyök geŋmoŋ keu asuhubapuköra mönö galöm mem aŋguba malma.

¹¹ Ahakmeme bölöŋŋi mönö andö qeba nup ölöŋŋi ölöŋŋi memba malma. Luainöŋ malmalgö jaruba mi buŋa qem aŋgumamgö kapaŋ köla kinma.

¹² Mi kewögöra: Kembugö jeŋan ambazip solanŋi eŋgek galöm aka köulukŋinanŋgöra kezap alakzapmö, goŋgoŋŋi mi qahö mesohol köla eŋgehakza.” Keu mewö ahöza.

¹³ Inŋini nup ölöŋŋi memingö urukönöp aka malme ewö, ambazip sehisehiŋan mönö nupŋini geŋmororon memba mem bölim eŋgibingö qahö mötme. ¹⁴ ††Mi qahö mötmemö, töndup ahakmeme solanŋi akeraŋgöra aka sihimbölo mötpeak ewö, inŋini mönö töndup Anutunöŋ kötuetaköm eŋgiiga oyaenŋoyaen akŋe. Kahasililiŋ mem eŋgebepuköra mönö öne töwöratiba keŋgöŋŋini möta uruŋini eri möt bölobölöŋŋinan eŋgubapuk. ¹⁵ Uruŋinan kude etmapmö, uruŋini mönö Kembu Kraistköreŋ jöhöba könaŋŋi sarakŋi pöndaŋ mötmörigetka öŋgöi malme. Nalö dop jöjöröba Kraistkö könaŋŋi ambazip jim asarim eŋgiba malme. Oyaenŋoyaen akingö jörömŋöröm akzei, ambazipnöŋ miangö könaŋŋigöra qesim eŋgigetka mönö körek yeŋgöra keu melen eŋgiba malme. Mönö guŋböŋjönjön qakŋe ambazip göda qem eŋgiba uru kuŋgum eŋgiba malme.

¹⁶ Keuŋini mewö galöm kölgetka Anutunöŋ eŋgeka “Dop kölja,” jiiga urukezapŋinan mewö mötmegöra kinme. Kraistpuk qekötahöba kinda ahakmeme ölöŋŋi aketka uruqeŋe keu töhöreŋ laŋ jim eŋgimakzei, yeŋön mönö nanŋini keu bölöŋŋigöra aka gamu miwikŋaime. ¹⁷ Nup ölöŋŋi ölöŋŋi memba malgetka ambazip tosatŋan töndup kahasililiŋ ak eŋgigetka Anutugöra sihimbölo mötketka dop kölja. Yuai bölöŋŋi aka memba miangöŋ sihimbölo miwikŋaigetka gamuŋambuk akza. ¹⁸ Kraistnöŋ mewöyök nalö kunöŋ siŋgisöndoköra aka kömuyök. Nini goŋgoŋŋi ahinga Diŋdiŋŋi yaŋön neŋguaŋgiriga Anutugöreŋ aŋgotpingöra aka sihimbölo mörök. Gölime azia aiga silenŋi mem kömugetmö, Uŋa Töröŋan mem gulim waŋgiiga wahöta malja. ¹⁹ Uŋa Töröŋan waŋgiriga neŋgömosöta kömupkö senjom mire geba uŋa kösö gwarönöŋ malgeri, mönö yeŋgöra Buŋa keunji jim asarim eŋgiyök.

²⁰ †Mönöwök Noagö nalönöŋ waŋge ketanŋi megetka Anutunöŋ uruŋini melenmegöra kapaŋ köla mökösoŋda mambörökmö, ambazipnöŋ keu qahö tem köla ayuhuba kömupkö kösö gwarönöŋ geget. Ambazip saiwa morörökŋi 8 mewöŋan Anutugö jitŋi tem kölgetka o aliga gölime turuba waŋge siriiga göulunöhök gouŋŋini köla bohonŋini jöhöyök. ²¹ Yuai mewö asuhuyöhi, mi o melungö söpsöpŋi akza. Jisös Kraist-

nöŋ kömupnöhök wahöta maljawangöra aka nalö kewöŋe o neŋgömirigetka Kraistkö ösumŋan neŋgualöŋda bohonini jöhömakza. O mi silegö töwöŋŋi saŋgoŋmapköra aka qahö al neŋgizemö, o melungö öŋŋi mi kewö: Nini Anutubuk malbingö jöhöjöhö aka jöjopaŋ keunöŋ jöhöba kewö köulukökömakzin, “Anutu, gi mönö qewölonŋi saŋgoŋnöŋga uruŋan sarakŋi aiga göhö jege dop kölma.”

²² Jisös Kraistnöŋ Suep mire eu öŋgöba Anutugö böroŋŋi öŋŋe buŋabuŋaŋambuk tatza. Anutunöŋ kukösum waŋgiiga tata Suep garata aka Suepkö bem suahö könaŋŋi könaŋŋi ösum-mumuŋinan neŋgek galöm aka kuŋgum neŋgimakzei, mi tok galöm köl eŋgiiga keunji bapŋe malje. Mewö.

Mönö letota malmal qainŋi kun malme.

4 Kraistnöŋ silenŋe sihimbölo mörök. Miangöra inŋini mewöyök silenŋine sihimbölo mötpingö jöjöröba malme. Yambuk mötmöt mohot kewö memba mötmörime: Kunöŋ siŋgisöndok ahakzawi, yaŋön mönö nanŋi silenŋaŋgö sihimŋaŋgöra ak waŋgimakza. Kunöŋ Kraistköra aka sihimbölo mörakzawi, yaŋgö sihim kömbönaŋŋi bölöŋŋan mönö söroäraba eri siŋgisöndok tököba qahö akŋamgö kapaŋ köla malma. Urumötmöt miangöŋ mönö wötŋini mem eŋgiiga miangöreŋ töndangöba aködamunŋinambuk aka malme.

² Urumötmöt miangöreŋ töndangöba kinda uru silegö sihim kömbönaŋŋi bölöŋŋi jöhöba galöm köla malme. Nalö kewöŋeyök könahiba gölmenöŋ toroqeba mal öŋgömei, miangöreŋ mönö Anutugö jit sihitŋi tem köla wuatangöba malme. ³ Inŋini nalö mala kotkeri, miangöreŋ aŋgöjörak ambazip uruŋini qahö melenŋa ahakmeme bölöŋŋi laŋ akingö mötzei, mönö yeŋgö dop kewö laŋ malget: Serowilin aka sihim kömbönaŋŋini bölöŋŋi laŋ wuatangöba malget. O jawat, gojak dauŋ yuai mi otoŋomboraŋ memba kanjam köla negetka nöroŋŋini sohoi eŋololonŋ malget. Közölömbuaŋ ala liŋet unduba ambi kenam mem bölim eŋgiba kezapjupjup aket. Tandö lopioŋ liliköba simin köl eŋgiba yuai kanjamŋambuk aket. Mewö aketmö, nalö kewöŋe ahakmeme mewöŋŋi mi qahö toroqeba ahakze.

⁴ Aŋgöjörak ambazipnöŋ söŋaup malmalgö sömuk piliŋ-piliŋgöba ahözawi, miangöreŋ öroba luhuba gemakze. Inŋini yembuk kude öroba gegetka eka auruba uruqeŋe keu töhöreŋ jim eŋgimakze. ⁵ Mewö ahakzemö, Anutugö jeŋe aŋgotketka qesim eŋgiiga könaŋamŋini aukŋe indela jim asarigetka möndömöndöŋŋini kesalma. Anutunöŋ ambazip maljini aka kömukömuŋi mönö körek neŋgö keunini kewöta jim tekömamgö jöjöröza. ⁶ Sileninan kömumba keuninan miangöreŋ qahö teköma. Miangöra Ölöwak Buŋa mi kömupkö senjom mire maljei, miangöŋ mewöyök mötmegöra Kembunöŋ mutuk jim asariyök. Mi kewögöra: Anutunöŋ ahakmemeŋini kewöta ambazip tosatŋi neŋgö dowä jim teköm eŋgiiga silebuk malgeraŋgö likeŋŋi miwikŋaimemö, tosatŋan uruŋini melenŋa uŋaŋinan guliba malmal köhöikŋaŋgö buŋaya aket. Anutunöŋ nanŋak mal köhöimakzawi, miangö dop

† 3.10 Sum 34.12-16 †† 3.14 Mat 5.10; Ais 8.12-13 ‡ 3.20 Jen 6.1-7.24

körekñan malmal köhöikñi mal öngömegöra möt köhöimakza. Tosatñan Buña keu mi uruñini kuñgum enggimegöra jiget. Mewö.

Nup memegö mötmöt kalemñi mönö galöm köla malme.

⁷Yuai pakpakö nalöñan mönö tekömamgö dopdowiza. Miangöra inñini köuluköbingöra mönö ikmaok kude malmemö, nanñini ahakmemenñini galöm köla anguba zeñ kinda köuluk nup memba malme. ⁸†Buña Kimbigö keu kun kewö ahöza, “Ambazip uruninan jöpaköm enggiba siñgisöndokñini sehisehiñi köläleiba gamuñini turumakzin.” Miangöra alaurup sutñine mönö törörök jöpaköm anguba malme. ⁹Inñini mönö alaurupñini köla öröba miriñine köisirik tata uruñinan jimongot ihuruñi qahö köyan köla anguba malme.

¹⁰Anutunöñ kalem möriam könañi könañi miangö Tonji akza. Yañön nup memegö mötmöt kalem murutñi murutñi mender enggii malje. Inñini mohot mohot mönö mötmöt kalemñini ölöpñanök galöm köla miangöñ könañesourupñini welen qem enggiba malme. Mi buña qem angugerañgö dop nupnöñ ala kambu sutñine bauköm anguba malme. ¹¹Nup memegö mötmöt kalem yahöt mi kewö: Denike yeñön Buña keu jim asarimakzei, yeñön mi mönö Anutunöñ sölölohöm enggimakzawangö dop jiba malme. Denike yeñön alaurup welenñini qeba nangöm enggimakzei, yeñön mönö Anutunöñ inahöba ösum enggimakzawangö dop alabauk ak enggiba malme. Jisös Kraistkö buña akzeangöra yuai pakpak miangöreñ mönö Anutu möpöseigetka qetbuñan aködammunñambuk aka ahöma. Yañön asakmararañ Tonji aka kukösum Tonji mi nalöñi nalöñi mala kota malja aka teteköñi qahö mal öngöma. Keu mi ölna.

Kraistpuk kinda sihimbölö möta malme.

¹²O wölböt alaurupni, sihimbölö qakñine öngöi mötketka köñöñan enggohotiriba esapköm enggimakzawi, miangöra mönö kude auruba malme. Yuai asuhum enggimakzawi, mi upnina, mewö mötmöribepuk. Mi gölmenöñ maljinangö dop asuhumakza. ¹³Kude aurumemö, Kraistnöñ ölöpñi aiga kahasililiñ ak wangigetka möröhi, inñini mönö sihimbölö miangö kitipñi mötzeangö dop sösongai aka malme. Yambuk mewö malgetka lilingöba kaiga asakmararañan asuhuiga nalö miangöreñ mewöyök sönggaiba oyaerñkoyaerñ akñe. ¹⁴Ambazipnöñ enggeka uruñini Kraistköreñ melengerangöra aka uruqeqe keu töhöreñ jim enggimakze ewö, yeñön mönö simbawoñ akze. Mewö jim enggimakze-angöra aka Anutugö Uña Töröñi asakmararañambuk yañön mönö qakñine köla ösumñan turum enggiba kötuatköm enggimakza.

¹⁵Enggöreñök kunñan yuai bölöñi ahöhangöra sihimbölö miwikñaiba mötpapuk. Kunöñ kegwek-kahasililiñ aka ambazip engguba yuai yongorö meyöhi me tosatiñ yenggöreñ keu jim supapköba nup meme tandök-

tandök möndöba lañ lilikqilik aka lömböt miwikñaimakzawi, yañön mönö sihimbölöñi dopñe mötza. ¹⁶Kunñan Kraistkö alañ akzawangöra angösirip miwikñaiba sihimbölö mötza ewö, yañön mönö miangö gamumamusumñi kun öne kude mötma. Gamu qahöpmö, Kraistkö qetñi bisizawangöra mönö Anutu möpöseiba malma.

¹⁷Anutunöñ ambazip keunini kewötmapkö nalöñan kam kuñguiga nanñi urumelen könañesourupñi neñgö keunini mi mutuk jim teköma. Mutuk neñgö keunini jim teköma ewö, ambazip Anutugö Ölöwök Buña qahö tem kölgetka lömböt qakñine öngöiga teteköñe mönö denöwö asuhum enggibawakto? ¹⁸†Buña Kimbinöñ keu kun kewö ahöza: “Solañi yeñön Suep mire öngöbingö kupuk-kapak akñe ewö, siñgisöndok ambazip angjöörakñinambuk yeñgö keunini mönö denöwö asuhubawakto?”

¹⁹Miangöra alaurup Anutugö jitñi tem köla angösirip miwikñaiba sihimbölö mörakzei, yeñön mönö uñañini miwimiwikñai Tonjangö böroñe alme. Tonji yañön keu jiyöhangö dop alaurupñi sel jöhöba kölközizip aka köyan köla enggimakza. Uñañini yañgö böroñe ala mönö jejep kinda nup ölöpñi ölöpñi pöndañ memba malme. Mewö.

Jitñememe enggöreñ qambañ keu

5 Nöñön urumelen könañesögö jitñememe kun aka Kraistnöñ sihimbölö möröhi, miangö keuñi nangöba jimakzal. Könañep lilingöba kaiga asakmararañan asuhuiga qetbuña niñgii miwik-ñaimamgö mötza. Enggö sutñine nöñgö jitñememe alaurupni akzei, nöñön enggö uruñini kewö kuñgum enggizal: ²†Anutunöñ möt narim enggiba lama kambuñi böroñine alöhi, yeñön mönö i köyan köla enggiba malme. Nup mi ölan qakñe qahöpmö, Anutugö jitñangö dop urusihimñini nupnöñ ala mi amqeba urukönöp qakñe zeñ memba kinme. Möndömmöndö qakñe injarere mala monerñ yuaigöra kude kapañ köla malme.

³Lama kambu bapñine kaba kinjei, i mönö azi kembu tandök kude galöm köla enggime. “Zioz galöm akzin,” jiba töptöpñine kude qeba miwidimgöm angumemö, ahakmemegö silik ölöpñi mi lama kambu kondel enggiba malme. ⁴Ahakmeme ölöpñi aka malgetka lama galöm bohonñan kunbuk asuhumawi, nalö miangöreñ mönö sorom jölñine uta ila jalö aködammunñambuk nöroñine köla enggigetka buña qem angume. Aködammun miangöñ mönö nalö kunöñ qahö tahöliba pihihima. Mewö.

Sepguli enggöreñ qambañ keu

⁵†Sepguli inñini mewöyök galömurup yeñgö keuñi bapñe anda malme. “Anutunöñ söngöröqök ambazip tuarenjoñ ak enggimak-zapmö, nanñini memba et al angumakzei, yeñgöra mönö kalem möriamñi enggimakza.” Miangöra inñini mönö körekmakörek sutñine nanñini memba et al anguba malme. Tandök miangöñ

† 4.8 Qam 10.12

†† 4.18 Qam 11.31 † 5.2 Jon 21.15-17 †† 5.5 Qam 3.34

mönö maluku ewö kölget gem enjiiga malme. ⁶ †Mi-angöra mönö nanjini memba et al anguba Anutu böröñji kukösumñambuk miangö bapñe angetka nalöñan kam kuñguiga ölop memba öñgöba al enji-ma. ⁷ Buña keu kun kewö ahöza, “Yañön injini köyan köl enjimakzawañgöra waimanjatñjini pakpak mönö yañgö böröñje ala mosötme.”

⁸ Ahakmemeñjini galöm köl anguba zeñ kinda pöndañ uru guliguli malme. Bölöñangö Toñan lañ liliköba ambazip tuarenjoñ aka jarum neñgimakza. Kunñan sipkömturuk aiga yañön mönö laion sömbup ewö gwahöt neñgimamgö jöjöröza. (Laionöñ görörök qeriga silatñji mötketka böññjini wahörakza.) ⁹ Injini sihim-bölö mörakzei, enjö urumeleñ alaurupñinan mönö mewöñanök gölme dop kahasililiñ miyöhök möta mökösoñda malje. Mi mötmöriba keñgötñjini yaköriba mötnaripnöñ töndangöba kinda laion mi köhöikñanök tuarenjoñ ak wangiba malme.

¹⁰ Injini nalö töröpñji sihimbölö möta malgetka mösöhöba nañgöm enjiba töngum enjiiga ölop kin köhöiba malme. Mewö Kraistpuk kingetkun aködamunñji tököm enjiiga asakmararañje öñgöba teteköñji qahö asariba malme. Anutu, kalem möriam pakpakö Toñji akzawañön mönö injini mewö aka malmegöra enghoholök. ¹¹ Yañön kukösum Toñji mala

† 5.6 Mat 23.12; Luk 14.11; 18.14

kota malja aka nalö teteköñji qahö mal öñgöba malma. Keu mi ölna.

Pitönöñ yaizözkök keu teteköñji jiyök.

¹² ††Anutugö kalem möriamñan mönö ak kömukömu öl töhöññji akza. Nöñön keu mi köhöiba nañgöba jiba enjön kalem möriam miangöreñ tönguba kin köhöiba malmegöra jim kutum enjizal. Miangöra kimbi töröpñji ki jibiga neñakni Sailasnöñ ohom enjijyök. Yañön nömbuk pöndañ kinda urumeleñ neñakni akza. Yañgöra mewö mötmörizal.

¹³ †Anutunöñ urumeleñ könagesö injini ewö nañangöra möwölöhöm enjiiga Babilon siti bölöñji miangöreñ †† maljei, mienjön mönö yaizözkökñjini algetka enjögöreñ kaza. Mötnaripkö nahöni Mak yañön mewöyök yaizözkökñji alja. ¹⁴ Injini sutñjine urukalem-ñi-nañgö waikñjini memba angum anguba nemböñjini susuhuba malme. ††

Alaurup Kraistpuk qekötahöba kinjei, luainöñ mönö körek embuk ahöma. Mewö.

†† 5.12 Apo 15.22, 40 † 5.13 Apo 12.12, 25; 13.13; 15.37-39; Kol 4.10; Flm 24 †† Babilon mi Rom sitigö qet tölapña. Indelindel bukñöñ mewöñanök qet mi miangö dop ohoget ahöza. †† Nalö miangöreñ jölöñjini jiba waikñjini memba numbuñjini yöhötüm namba malgeri, mönö miangöra jiza.

2 Pitö

Jim-asa-asari

Pitönön Kimbi ki Kraistkö alaurup gölme dop tat angeri, yengöra ali anda liliköyök. Tosatnan keu sohobo mi-wikñaiba ambazip kusum sohom enggigerangöra malmal sarakni mosöta sero namböñnamböñ yuai lañ aka malget. Böhi takapulakanji mi Anutugö keu bapne qahö anda (2.10) iwilele (3.17) aka silenini möpöseiba (2.18) jakbak-öranböran (2.10) aka nanñini imbi-imbi malget. Aiakaninan Jisös qañ köl wangiget. Yenñon ilit ambazip gödaqeqenini qahö mala anjanbanjan ambazip (2.3) lölöwöröñji (2.18)janjun mem enggiget. (3.3-4)

Pitönön keu aka ahakmeme miangöra waimanjat ketanji möta diñgimapköra bim qeba amötqeqegö könani jim tuariza. Uruñini kunguba jimkutukutuñji kewö ohoyök, "Anutu aka Kembu Jisös Kraist ölna möt narim etkiba yetpuk qekötahöinga lömböt mi mem et ali amqema. Mötmöt mewöñji mi jimbureñ qahöpmö, ambazip nanñini jeñinan Jisös eka ambazip kusum enggiba malöhi, mi möta jiget kaiga mörin. Miangöra mönö malmal sarakni mala kopa malmal aka uruyahöt mi andö qeme."

Tosatnan kapan köla kewö lañ jiba ambazip kusum sohom enggiba malget, "Kraistnön kunbuk qahö lilingöma." Keu mi jimbureñ keuya. Pitönön keu miangöra waimanjat ketanji möta likepñji kewö melenja jiba ohoyök, "Kraistnön nalöñji könjörari öngöiga lilingömawangö tandök akzawi, mi kewögöra: Anutunön ambazip nengörenök kunñan ayuhumapkö qahö mötzapmö, körek neñon urunini melenja siñgisöndok malmalnini mosötpingö möta kapan kölakza."

Buk kiangö bahöñji bohonji 4 mi kewö:

Keu mutukñji

Anutunön sarakni malbingöra nengoholök

Böhi takapulakanji yengö könani

Teteköñje Kraistnön lilingöba kama

1 Saimon Pitö nöñon embuk keu eraum möt-pingöra kimbi ki ohozal.

Jisös Kraistnön melaim ningiiga aposol aka welenñji qeba malakzal. Bem Anutuninan Amötqeqe Tonji Jisös Kraist melaiiga eri yangöra aka keunini jim teköi solaniinga mötnaripninan ahuyök. Injini mötnarip miyök buña qem angugetka bohonñji öngöñgöñji aiga nini ewö simbawon malje.

² Injini Anutu aka Kembunini Jisös möt kutum etkizeji, yetkön mönö kalem möriamñji kelenmalelen enggiy-ohotka luainön malme. Mewö.

Anutunön enggoholöhi, miangören köhöiba kinme.

³ Anutunön asakmararaj Tonji aködamunñambuk akza. Miangö dop nini sarakni aka malbingöra nengoholök. Mewö könani möt yaköinga kalem nengimakzawangö könani asuhuyök. Nini malmal köhöikñji mala urugö köl guliguli pitirik akingöra yuai osimakini, yangö bem ösumñan mönö mi pakpak nenggiiga buñanina ahakña.

⁴ Asakmararaj Tonji yanñon urunine nupñji nupñji wewelip-ñambuk memba kalemñji pakpak nenggi-mangö mörakza. Anutunön jöhöjöhö keunji nenggiyöhi,

miangö söngöröñan mönö öngöñgöñji akza. Injini mutuk gölmege sihim kömbönanini bölöñji lañ wuatangö-ba angjöörak uruñe malgetmö, Anutunön injini miangö-reñök meköba bohonñini jöhöyök. Mewö aiga kopa malmal sööreiba andö qemegöra amötqeqe areñji ali ahöza. Mötmöt ahakmeme aködamunñambuk Anutugören ahözawi, yanñon injini miangö dop letota kölöñaimegöra kapan kölakza. Injini jöhöjöhö keunji keta bölöñji miangören qekötahöze ewö, yanñon mönö inahöm enggiiga kunbuk letota Suepkö aködamunñji miwikñaiba buña qem angguba malme. Aködamunñji miangön ölop tönjonjongöba dop köl enggima.

⁵ Anutugören jöhöjöhö keu mewö ahözawangöra aka injini mönö mötnaripkö ölnji ahum enggiiga kondela malme. Mewö malmegöra mönö kapan köla zen kinda bim qeba malme. Ölnji ahum enggimawi, mewö ölop Anutugö könani toroqeba möt kutume. ⁶ Mötkutukutuñinan qariiga ölop ahakmemenini toroqeba galöm köl angumakñje. Galöm köl anguangunñinan qariiga ölop kin köhöiba lömböt mökösoñda bisiba malme. Kin köhököhöinñinan qariiga ölop kunbuk Anutugö jitñangö dop urugö köl guliguli aka malme.

⁷ Urugö köl guligulinñinan ahum qariiga ölop urukalemñinan sehiiga urumelen alaurup ala-ala aka

köyan köl anguba malme. Urukalemñinan sehiiga ölop ambazip pakpak jöpaköm engiba malme. ⁸ Injini Anutugö aködamun mewöñji buña qem anguba mem sehiba malme ewö, mönö gilipitñji (ambetakñji) kude malme. Mewö qahöpmö, aködamunñji mianjön mönö nam köl engiiga amqeba Kembunini Jisös Kraistkö könanji möt kutuba ölop nupñji jegep kinda megetka ölnji ahumakña. ⁹ Ölop ahumakñapmö, denike yengörej Anutugö aködamun mewöñji qahö ahöm engiza ewö, yengö mötkutukutuñinan mönö töröpñji aiga bau jegömöl ewö kiñkuñj kanñkuñj akze. Anutunöñj siñgisöndokñjini walñji sanñonñji sarakñji akeri, mi ölum engui ikmaok malje.

¹⁰ O urumelenj alaurupni, Anutunöñj möwölöhöm engiba enggholöhi, injini mianjögörej tim töndangöba kinme ewö, mönö nalö kunöñj qahö tala kaman kölme. Mianjögöra enjön mönö mianjögörej köhöikñjanök töndangöba kinbingö kapañj köla malme. ¹¹ Mewö aka malgetka Anutunöñj engehi dop köli köl öröm engiiga Suep miri nanñunjan lökñjanök taliga ölopñjanök uruñje öngöme. Kembunini Jisös Kraistnöñj Amötqeqe aka bemtohoñj Tonji akza. Yangö bemtohoñj uruñje öngögetka nalö teteköñji qahö galöm köl engiiga oyaenjkoyaen aka malme.

¹² Buña keu ölnjan köna mewö kondel engizawi, injini mi lök buña qem anguba mianjögörej böñj qeba kin köhöize. Mianjögöra keu areñj jizali, mi ölop möt asarizemö, nöñjön töndup mianjögöra nalö dop jim gulim engimamgö mötzal. ¹³ Mewö möta sile kiangö sepö koumñnöñj malmamangö dop keu areñj mi ölum engubapuköra mötmötñjini jim guliba kuñgum engimamgö mötpi dop kölja. ¹⁴ Nöñjön sileni kusukñji ki sepö koumñni ewö lulunja zilanj kömumba uñem mire öngömami, mewö möt yaközal. Kembunini Jisös Kraistnöñj mewöyök buzup keu mewöñjanök jii möral. ¹⁵ Keu areñj kusum enggiali, mianjön urukönömñjine ahöiga nöñjön nöñj qeba kömup mire anbiga mianjögö andöñje mewöyök mi ölop nalö dop mötmörriba malme. Nöñjön mianjögöra köhöiba kapañj kölakzal. Mewö.

Kraistkö asakmararañji mi jeninan eka nanjögöba jizin.

¹⁶ Kembunini Jisös Kraistnöñj qetbuñjanji öngöñgöñji memba nup kukösumñjambuk memba malöhi, neñjön mi nanine jeninan uba eka malin. Mewö mala mianjögö dop kukösumñjanjögö könanji aka lilinggöba kamawangö keunji mi jim asarim enggiba malin. Mi bem samban kösohot † ewö qahö jimbureñj ahin. Girabu mötmöt ewö mi lanj qahö wuatangöba malin. ¹⁷ ††Nöñjön Jisösgö qetbuñjanji öngöñgöñji mi naninak kewö asuhuiga ehin: Asakmararañj Tonji öngöñgöñji yanñön keu jiiga qet kewö asuhuiga mörök: "Azi ki nani wölböt nahöni aiga yanjögöra urunan ölöwahiga eknahöm ak wangizal." Yanñön mi möriga Iwi Anutunöñj asakmararañj wanggiiga aködamunñji buña qem anguba malök. ¹⁸ Neñjön yam-

† Bem samban miengö könanjini kun mi kewö: Mötmöt ambazip yengö uruñjine jimbureñj mötmöt letoriga keu könanji könanji lanj mötmörriba numbu o algetka asuhumakze. †† 1.17 Mat 17.1-5; Mak 9.2-7; Luk 9.28-35

buk kundunji töröñji mianjögörej öngöba malinga qet mianjön Suepnöhök asuhuiga mörin.

¹⁹ Kezapqetok ambazip mutuhök Buña keu jiba ohogeri, mi nalö kewöñje möt sölönggöba angön kölinga pöwöwöm köhöikñji ak nenggiza. Mianjögöra Buña Kimbi walñjanjögö keunji mi mönö törörök kezap ala buña qem anguba malme. Kiwanöñj miri söñsöñjaunje asarimakzawi, kezapqetok keu mienjön mönö mianjögö dop jim asarim enggimakze. Injini mianjögö asakñje qekötahöba kinme ewö, mönö ölop Anutugö köna ölnji eka söñjaukñö ahakmemenji yakörriba mosöta malme. Mewö mal öngöba mambötketka miri wanggarañj suruiga söñjangö undiñji asuhuiga uruñjan asarima. Kembuninan lilinggöba kamawangö undiñjan mönö mem asarim enggii eka Anutugö yuai pakpak ek asarim teköme.

²⁰ Keu nöropñji mutukñji ki mönö möt asarigetka kude ölum enguma: Gölme ambazip kunñjan Buña Kimbigö kezapqetok keunji mi nanñji mötmöt qakñje jim asarimamgö osimakña. ²¹ Mi kewögöra osimakña: Gölme ambazip kungö jit sihitñjan nalö kunöñj qahö nam köliga kezapqetok keu asuhui jiget. Mewö qahöpmö, Uña Töröñjan kezapqetok ambazip uruñjine sölölohöm engiiga Anutugö jitñeyök keu memba mönö mia jiget. Mewö.

Böhi takapulakanjan mönö mala ayuhume.

2 Kezapqetok ambazip takapulakanji mi mewöyök Israel könagesö sutñjine asuhuget. Mianjögö dop engö sutñjine böhi sohoboho mewöyök asuhume. Asuhuba kinda mötnaripñjini ayuhumapkö engololon keu kembanji kembanji mi tölapköba memba sutñjine kame. Ketañjanninan sohopñjini meyöhi, Kambu mi mewöyök qañj köl wanggiba mewö mianjön nanñjini könderj anguba wölanj ayuhume.

² Mewömmö, mi töndup ambazip sehisehiñjan mönö yengörej serowilin silikñjini wuatangöba nanñjini imbi- imbi malme. Mewö malmeangöra ambazip mötmötñjini qötömötötanj aketka urumelenjögö köna ölnjan mötmötñjine gamuñjambuk ahakña. ³ Böhi takapulakanji mienjön mönö yuai membagan membängö köpösöngöba nepaqepalok aka kösohot könanji könanji jimbureñj (zöm mindiriwa) aka lanj jim sehiba malme. Mewö malgetka enjön mi möta amqeba monen yuai tokogetka lanj örömgöjup memgöjup aka malme. Anutunöñj ambazip mewöñji yengö keunjini lök möpñjanjögö möpñje jim teköiga likepñji melenjiga qakñjine öngömapkö ahöza. Anutunöñj könderjmönderj engimamgö tanqañj ikmaok qahö akñapmö, ölö töhöñña sihimbölö möta malme.

⁴ Könderjmönderj asuhumapkö galöm meme keu tosatñji kewö: Suep garata tosatñjan Anutugö jitñji qetala siñgisöndok akeri, Anutunöñj i qahö engehoriyök-mö, aköm engiiga köñöp mire emuyangörej geget. Yakörriba panaman miri dutñje ala ain tapepñnöñj (muñgamuñga) gwaröhöm enggiyök. Gwaröhöba galöm köl engiiga keunjanjögö kitipñji jim tekömapkö mamböt tatkerata tata kotze. ⁵ †Möpñjanjögö möpñje am-

bazip aṅgöjörakñinambuk gölmenöṅ malgeri, Anutunöṅ i mewöyök qahö engehoriyökmö, göulu ketanji jiiga wahöta enḡuba turum enḡiyök. Turum enḡiyökmö, töndup azi Noa mianḡon urumelenḡö keu jiba ahakmeme diṅdiṅi akñegö uru kuṅgum enḡiba malöhi, i aka ambazip 7 mia malmalñini aṅgön köla sel jöhöm enḡiyök.

⁶ †Mewöyök Sodom Gomora taon yahöt mi ayuhum-hotkö keunini jim teköba könöpnöṅ enḡoḡoiga gapñiranök ahöyohot. Ambazip aṅgöjörakñinambuk yengöra yuai denöwö asuhumawi, mianḡö söpsöpñi ekingöra mi al enḡii akzahot. ⁷ ††Könöpnöṅ körek enḡohomamḡö ahökmö, töndup azi solanji Lot mi mutuk sutñineyök meköba aṅgön köl waṅgiyök. Iwilele ambazip sero namböṅnamböṅ aka nanñini imbi-imbi ahakmeme tosatñi laṅ aket eka yengöra möt böliba uruṅan eri malök. ⁸ Azi solanji mianḡon yengö sutñine mala ahakmeme iwilele kanjamñambuk eka möta malöhi, mianḡöra mönö wehön dop möt jinjiṅgöba malök. Uruṅi sarakñan mönö sundan böliiga malök.

⁹ Galöm meme keu jizali, mienḡon Anutugö könañi kewö kondelakze: Kembunöṅ ambazip Anutugö malmal köhöikñi kök gulimakzini, nini ölop esapesapnöhök meköba bohonini jöhömamḡö mörakza. Mi mörakzapmö, ambazip goṅgoṅi mi keuninaṅgö likepñi melenḡi qakñine öṅgöiga garatauruṅan galöm kök enḡigetka malme. Mewö mala öṅgögetka nalö ketanjan kaiga keunini jim teköiga toroqeba sihimbölö möta malme.

¹⁰ Ambazip sileninaṅgö sihim kömbönañi bölöñi wuatangöba aṅgöjörakñinambuk aka iwilelenöṅ Anutugö kukösumñi memba et alakzei, Anutunöṅ mi mönö mutuhök jim teköm enḡiyöhawa sihimbölö ketanji möta malme. Böhi takapulakanji mienḡon mönö jakbaköranböran qakñe nanñini imbi-imbi mala Suepkö bem suahö asakmararañinambuk euyangöreñ maljei, yengöra sömbu-ñini qahö mörakze. Mi qahöpmahöpmö, i mewöyök uruqeqe keu töhöreñ jim enḡimakze.

¹¹ Mewö ahakzemö, Sup garata kukö-sumñinambuk böhi sohoboho mi enḡoṅgita öṅgöṅgoṅi akzei, mi töndup Suepkö bem suahö ambazip mi Kembugö je mesoholje qetala uruqeqe keunöṅ töhöreñ qahö jim teköm enḡimakze.

¹² Garata yeṅon mewö qahö ahakzemö, ambazip mienḡon silenini memba öṅgöba Buṅa keu qahö möt kutuba mi töndup yengöra uruqeqe keu töhöreñ laṅ jimakze. Sömbup soṅ ewö mötkutukutuñini ölni qahö asuhuiga sömbup malmalgö sihim yuai korembiñi miyök mörakze. Sömbup soṅ mi asuhugera ambazipnöṅ laṅ enḡuget kömumakzei, yeṅon mönö mianḡö dop laṅlaṅ tönpin mala ayuhume. Nanñini sihim mötmöṅni goṅgoṅmanḡoṅan mönö könder enḡigetka ayuhum teköme. ¹³ Tosatñi öröm ureim ak enḡigetka kahasililiṅ mötketmö, Anutunöṅ nanñini keuninaṅgö likepñi melenḡi enḡiiga sihimbölö miyök qakñine öṅgöma. Urumelenḡi enḡon urukalem kondel aṅgubingöra tokoba lömbuan algetka takapulaka böhi mienḡon mönö mianḡoreñ mewöyök kamakze. Kaba dogoñini

aukñe kondela bau numbu nemakze. Mewö aka enḡö sile töwöṅni boromñi boromñi gamuñinambuk ewö akze. Nanñinak sileninaṅgö sihimñi meköbingöra totoke yuai asakñe ala sero aukñe aka laṅlaṅ söṅgaimakze. “Ziozgo lama galöm akzin,” jiba ala enḡöra qahö mötmöriba tilipköm enḡibingö sösoṅgai mörakze. †

¹⁴ Jenini kaisero jeje aka ambi enḡehakzei, mi serowilinök akingöra mörakze. Sero siṅgisöndok yuai akingö sihimñi mi qahöpmahöp mosötḡingö mörakze. Ambazip koṅwarak kölakzei, mi öröm enḡigetka köna jitñe gegetka örömböknöṅ jölñini mesinmakza. Membagun mienḡö nepaqepalok köpösöṅgögetka urumötmöṅni köhöikñi mianḡoreñ ahöza. Mewö ahakzeangöra Anutunöṅ saikö mienḡiiga ayuhume.

¹⁵ ††Yeṅon köna diṅdiṅi andö qeba kahalalom janjuṅ anda kezapqetok azi Balam Beorgö nahöññi yengö urukönöp köna wuatangömakze. Kerök azi kembu kunöṅ Balam Israel ambazip tilipqilip ak enḡimapköra töwa waṅgiyöhi, urusihimñan mönö moneñ mianḡöra ak waṅgiyök. ¹⁶ Ak waṅgiyökmö, doṅki kunöṅ bölöñamñangöra jim bölim waṅgiyök. Doṅki sömbup keu qahö jijiñi mianḡon mönö azi jölnöṅ keu jiba kezapqetok azi mianḡö urusohop ahakmeme mi jöhöm waṅgiiga osiyök.

¹⁷ Ambazip mienḡon mönö o jeñi jöppöpköñi ewö tandök malje. Raidimbom luhutnöṅ kousu omani töhöntöhön muwutapköm enḡimakzawi, mönö mianḡö dop öne laṅlaṅ anda kamakze. Anutunöṅ pandaman göjiwinangö uruṅe yengöra miri areṅgöm enḡiyöhi, mönö emuyangöreñ dutñe geba malme.

¹⁸ Yeṅon kezapjupjup keu omani jiba silenini memba öṅgöba laṅ tiwok-mawok aka terenḡömakze. Silegö sihim kömbönañini bölöñi wuatangöba sero namböṅnamböṅnöṅ ambazip laṅ öröm enḡimakze. Janjuṅ maljei, tosatñan yengö sutñineyök ölöṅ kölakzei, mönö mi kelök keunöṅ kuṅgum enḡigetka köna jitñe gegetka örömböknöṅ jölñini mesinmakza.

¹⁹ Yuai kunöṅ ambazip kun jöhöba galöm kök waṅgi-makzawi, mianḡö kösöṅan mönö i jöhöiga mi töwa qahö öne welen qeba malja. Mianḡö dop böhi takapulakanji mienḡon kelök keu kewö laṅ jimakze, “Iñini mönö nini toroqem nenḡigetka ölop kösöṅni qahö solanji aka nanñini imbi-imbinöṅ malme.” Keu mewö jimakzemö, mi töndup nanñinak aṅgöjörakñinaṅgö welenqeqeñi aka mianḡö kösöñöṅ malje.

²⁰ Yengö könañamñinan kewö goṅgiiga malje: Kembunini Jisös Kraist Amötqeqe Tonini i möt kutuba mewö mianḡon gölmegö ahakmeme aṅgöjörakñambuk misingöba andö qebagun mönö kunbuk mianḡö kösöñöṅ köpeim aṅguba qaköba tatze. Mianḡöra könakönahine ölopölop malgetmö, teteköñe böliqölim teköba malje. ²¹ Anutunöṅ keunini jim teköi solanibingö könañi mutuk qahö möt kutuba tönpin malbeak, mianḡon mönö eretñi ak enḡibawak. Mewö akawakmö, Buṅa mi ölna jigetka möta könañi möt kutugetka

† 2.5 Jen 6.1–7.24 † 2.6 Jen 19.24 †† 2.7 Jen 19.1–16

† Böhi mienḡon törom ewö asamböta tatzemö, waṅerñinan yengöreñ qaköba jömgöbapuk. †† 2.15 Jan 22.4–35

buñanina ahök. Uruñini melenja miangö andöñe jöjöp-pan keu töröñi andö qegeri, mianjón mönö yuai kanjamñambuk aka gamu qem enggimakza. ²² †Andö qeba köpeim anguba etkeri, mi uruqesiñ keu ölbölñi yahöt mietkö dop akza. Keu jitñi kun kewö, “Kiamnön loñöhängöreñ lilingöba kamakza.” Keu jitñi kun kewö, “Bau sanjoñninga dumge elenja sömuk pil-inpiliñnön luhuba geba lömu aumakza.” Mewö.

Kembu kamawangö jöhöjöhö keuñi

3 O wölböt alaurupni, nõñon kimbi yahötñi ki albi engöreñ kaza. Keu jizali, inini mi lök mötsemö, nõñon keugö ölni ahumapköra uruñini sarakñi kuñguba jim gulim engiba kimbi yahöt ki kewögöra ohozal: ² Kezapqetok ambazip sarakñi yeñon mönówök Buña keu jiba malgeri, miangöra mönö ölum engubapuk. Mewöyök Kembu Amötqeqe Toñan jimkutukutu nengiganañini melaimelai azi aposolurupñinan kusum engigeri, mönö mi mötmöriba köl guliba malme. Miangöra nõñon keu miyöhök ohobiga yahöt akña.

³ †Keu mutukñi kun kewö möt asarime: Kraistnön lilingömangö aiga nalö teteköñe miangöreñ mepaqepaik ambazip asuhuba ahakmemenjanan nanñini sihim kömbönañini bölöñi wuatangöba ilit keu jiba malme.

⁴ Tosatñan lilingöba kamawangö keuñi kewö jiba qeapköba malme: “Kamawangö jöhöjöhö keuñi mi mönö denikeangöreñ ahöza? Ambösakoninan mala kota kömugeri, nalö miangöreñök yuai kuññan kun qahö melenji geyök. Anutunön Suep gölme miwikñaim etkiiga öroyuai pakpak könahiba ahöyöhi, mi mönö mewöñanök ahöba kori maljin.”

⁵ †Mewö jiba keu kötni ki ölan qemakze: Anutunön möpñangö möpñeyök jim kutuba keuñangö ösumñan suep jakeni jakeni miwikñaim engiyök. Mewöyök o jim kutum engiiga denja angetka mianjón gölme miwikñaiiga onöhök asuhum tingirök. Yeñon keu kötni mi mötsemö, mi qahö mötzin tandök möndöba lañ jiba nõñongan ahakze. ⁶ †Könangep jim kutuiga o gölunön wahöta gölme turuiga ambazip nalö miangöreñ gölmenön malgeri, mi o namba kömumjaiget. ⁷ Yeñon onön kömumjaigetmö, suep gölme nalö kewöñe etkehakzini, mi könöpnön ayuhumawangö dop akza. Anutunön miangö keuñi lök böñtön jim kutuiga ahöza. Miangö ölni asuhumawangö nalöñan kam kuñguiga Anutunön ambazip angöjörakñinambuk maljei, yeñgö keuñini jim teköba könder engiiga ayuhume.

⁸ †Mewö asuhumapmö, wölböt alaurupni, naninak ehinga yambu 1000 mi nalö köröpñi akzapmö, Buña keu mohot ki mönö kude ölum enguma, “Wehön mohot mi Kembugö je mesoholñe yambu 1000:gö dop akza aiga yambu 1000 ehiga wehön mohotkö dop akza.” ⁹ Kembugö jöhöjöhö keu mianjón ölnambuk akñapmö, miangö nalöñi mi törörök qahö mötzin. Tosatñan nalö mi könjörari öngömapköra mötmöriba lañ jimakze. Nanñak nalöñi qahö könjörari öngömapmö, mökösöñda ambazip köreññan urunini

melenjbingöra mambörakza. Kuññan könöp sianön gebapüköra kapan kölakza.

¹⁰ ††Keuñangö ölni asuhumapmö, Kembugö kaka nalöñan mönö yongorö meme azigö tandök kam kuñguma. Mi ouk-tuknine tiiga osibin. Nalö miangöreñ suep gölmegö yuai ehokñi pakpak mi mönö könöwiba jeba gapñanök ahöma. Wehön köñi señgelau aka suepkö yuaiñi pakpak mi julkula ötön bölöbölöñambuk ayapköba qahöwakñe. Gölime aka ambazipnön yuai pakpak miangöreñ memba alget ahözawi, Anutunön mi körek köndermönderenja melenji gema. Geba jem teköiga yuai kun qahöpmañöhöp ahöma. Saumbañ!

¹¹ Öroyuai pakpak mi tandök mewö julkula qahöwakñeangöra enjón mönö ambazip denöwöñi aka malgetka dop kölbawak? Miangöra mönö ahakmeme sarakñi wuatangöba Kraist ewö aka malbingö köl guliba malme. ¹² Inini Anutugö nalö ketañi mi kam kuñgumapköra mamböta zilañ kamapkö nupñi kapan köla memba malje. Nalö miangöreñ gölmegö öroyuaiñi aka wehön köñi señgelau aka mewöñi mi könöwiba jeba bolbolgöma. Anutunön suepkö öroyuaiñi mi körek köndermönderenja aliga julkula jem teköma. ¹³ ††Mewö jem tekömapmö, Anutunön yuai asuhumapkö keu jöhöi ahözawi, neñon miangö dop Suep gölme dölokñi miwikñaim etkimapkö mambörakzin. Mi miwikñaim etkiiga miangöreñ anggota ahakmeme diñdini wuatangöba malbin.

¹⁴ O wölböt alaurupni, enjón nalö ketañi mi kam kuñgumapkö mamböta malje. Miangöra mönö kewö akingö kapan köla kinme: Uruñini sarakñi aiga Anutunön töwöt boromñinangö keuñi kun qahö miwikñaiiga yambuk ösupközeangöra luainön malme. ¹⁵ Mamböta Kembuninangö uru tandökñangöra kewö mötmöriba malme: Yeñon inini uruñini melenja kunbuk letotmegö nalöñi mem körim al engiba ösön mamböt engiba malja. Wölböt alanini Pol yeñon mewöyök keu miyök ohom engiyökmö, Anutunön mötkutukutu öngöngöñi wañgiiga miangö dop keuñi ohom engiyök. ¹⁶ Miangö keuñi mi kimbiñi pakpak miangöreñ jiba ohomakzapmö, Buña Kimbiñangö uruñe keuñi tosatñi mi lömbötñambuk. Miangöra tosatñan mi möt asaribingö jaram tiba lömbörimakze. Gukmaulem ambazip koñgwarak qeba tötöpinpin lañ malakzei, yeñon kimbiñi kimbiñi mi lañ möwöramgömakze. Miangö dop Polgö keuñi mewöyök melenqelen aketka supapköba sohomakza. Mewö möwöramgöba kindanañini mem bölim anguba könöp sianön geme.

¹⁷ Yeñon gememö, wölböt alaurupni, enjón mewö asuhumapkö keuñi lök qeljiñe möta malje. Miangöra mönö nanñini galöm mem anguba malme. Iwilele ambazip köna singiba qiwitipkömakzei, enjón mönö yeñgö kelök keuñinan öröm engii enguatangöba jijnjauñ anbeupuk. Malmalgö tandö powöwöm köhöikñi miangöreñök mewö tala kaman kölbepuk. ¹⁸ Kembuni-

† 2.22 Qam 26.11 †† 3.3 Jud 18 † 3.5 Jen 1.6-9 †† 3.6 Jen 7.11 †† 3.8 Sum 90.4

††† 3.10 Mat 24.43; Luk 12.39; 1 Tes 5.2; Ind 16.15 ††† 3.13 Ais 65.17; 66.22; Ind 21.1

ni Jisösgö kalem möriamne kinjei, miangöreñ mönö
kunbuk suariba köhöiba malme. Amötqeçe Tonini
Kraistkö könañi möt kutuzei, mi mönö toroqeba möt

yaköm soroköba malme. I möpöseininga qetñi nalö
kewöñe aködamun-ñambuk aka könangep teteköñi
qahö mewö ahöm öñgöma. Keu mi ölña.

1 Jon

Jim-asa-asari

Jonön jöpaköm anguanugugö keunji köhöiba jiba malök. Urumelenj ambazip neñön Anutu aka Jisös Kraist yetpuk qekötahöba kinda uru jöhöm anğuba mohok aka maljin.

Tosatñan keu muneñi ambazip kewö kusum sohom enğiba malget: "Jisösnöñ Suep aziyök akza. Gölmenöñ yuai pakpak mi bölöñi akza. Mianğöra Jisösnöñ gölme azi ölni qahö aka malök." Keu mianğöra aka tosatñan "Anutu möt narizin," jiba ahakmeme ölpöñi mosöta siksauk silekmalek mala ambazip tosatñi yom kazik ak enğiget aka qözlöm injarere malget. Keu sinñi sinñi mewöñan zioz mem bölipapuköra Jonöñ goro keunji kimbinöñ kewö ohoba ali kayök, "Jisösnöñ Suep aka gölme azia mohok akza. Gölmenöñ nup meme aka mötmöt meme mi yuai bölöñi qahö. Mianğöra 'Anutu möt narizin,' jiba Nahönñi Jisös kude mosötpin aka alaurupnini uruninan jöpaköm anğubin. Urukalem mi mönö kapañ köla ak anğumakin."

Kimbi kianğö bahöñi bohonñi 6 mi kewö:

Malmalgö könañi mi Jisös
Asak aka söñaup uruñe malmal
Anutugöreñ aka Satangöreñ nahönbörat
Uña ölpöñi aka öme mi mönö kewötme
Urukalemğö könañi aka jimkutukutuñi
Mötnarip neñön bölöñi luhut alakin

Malmal köhöikñangö keunji mi Jisös Kraist

1 †Nöñön malmal köhöikñangö keunji jimamğöra kimbi ki ohozal. Mutuhök malmalgö keu Toñan maliga mianğö könañe öroyuai pakpak asuhuyök. Yañön mala kota gölmenöñ eriga i jeninan eka böröñinan silenji misiriinga keunji jii möta malin. ² ††Oyaenkyoaen malmalgö Toñan asuhuiga neñön i eka könañi nañgöba jiba dangunu ewö kinjin. Malmal teteköñi qahö mianğö Toñan Iwibuk mala kota eta asuhum neñgiyöhi, neñön mianğö Buñañi jim asariba uruñini kuñguzin. ³ Neñön Iwi aka yañgö Nahönñi Jisös Kraist yetpuk urunini jöhöba mohot maljin. Injini mewöyök uruñini nembuk jöhöba mohot malbingöra yuai eka mörini, mi jim tuarim enğizin. ⁴ Sösöñgainöñ urunini kokolak qei malbingöra keu ki jim tuariba ohozin. Mewö.

Kembugö asakñe malmal

⁵ Buña keu yañgö Nahönñanğöreñök möta jim tuarim enğizini, mi kewö: Anutunöñ asakñangö Toñi akza aka yañgöreñ söñaup kun qahö ahöza. ⁶ "Neñön yambuk urunini jöhöba mohot maljin," mewö jitröñ jiba töndup aiakaninan jipjap aka söñaupnöñ maljin ewö, mönö keu muneñ jiba ahakmemeninan keu ölni qahö wuatangömakzin. ⁷ Anutunöñ asakñangö uruñe

maliga neñön mianğö dop aiakanini asakñangö uruñe ahakzin ewö, mönö sutnine urunini jöhöm anğuba mohok malinga Nahönñi Jisös Kraistkö sepñan mönö siñgisöndoknini pakpak sañgoñmakza.

⁸ Urunine siñgisöndok qahö ahöza, mewö jibinak ewö, mönö nanini tilipköm anğuinga keu ölnan urunine qahö kinma. Qahö! ⁹ Siñgisöndoknini jim miwikñaizin ewö, yañön mönö uruñi diñdiñangö dop jöhöjöhö keunji pöndañ wuatangöba siñgisöndoknini mosöta ahakmemenini goñgoñi pakpak sañgoñmakza. ¹⁰ "Siñgisöndok qahö ahin," mewö jibin ewö, mönö keu Toñi onğiringa Anutunöñ muneñ jiji azi tandök aiga keunjan urunine qahö kinma. Mewö.

Jisösnöñ awörök köiput Tonini akza.

2 O (koko) gömokurupni, injini siñgisöndok akepuköra keu ki ohozal. Mi ohozalmö, kunöñ töndup siñgisöndok akawak ewö, awörök köiput Toninan mönö ahöm neñgiza. Jisös Kraist yañön Iwigö kösutñe mala keu pakpak diñdiñanök kewöta ak neñgimakza. ² Awörök köiput Tonini yañön siñgisöndokninañgö töwañi ala köl köñjörat neñgiyök. Mi neñgö siñgisöndokörök qahöpmö, mönö gölmenji gölmenji neñgöreñ siñgisöndok mi mohotñe köl köñjöratmamğöra kömuyök. Mewö.

† 1.1 Jon 1.1 †† 1.2 Jon 1.14

Temkölköl mi aiaka diŋdiŋi.

³ Anutugö jöjöpaŋ keuŋi tem kölakin ewö, mewö mi-aŋön i möt waŋgizini, mi ölop uruyahötni qahö möt yaközin.

⁴ Kunŋan "Anutu möt waŋgizal," jiba jöjöpaŋ keuŋi qahö tem köla wuatangömakzawi, yaŋön mönö munen jiji ambaziwa aiga keu ölnan yaŋgö uruŋe qahö kinja. ⁵ Qahöpmö, kunöŋ Anutugö keuŋi tem köla wuatangömakzawi, Anutugö urukalemŋan mönö ölna yaŋgö uruŋi kokolak qei aködamunŋambuk malja. Mewö mi-aŋön Anutubuk qekötahöba mohok maljini, mi möt yaközin. ⁶ Kunŋan "Anutubuk qekötahöba maljal," jizawi, yaŋön mönö Jisösnöŋ ahakmemenji ahök, mönö mi-aŋgö dop aka memba malma. Mewö qahö aka maliga qahö dop kölja. Mewö.

Urukalem akingö jöjöpaŋ keu dölökŋi

⁷ †O wölböt alaurupni, nöŋön jöjöpaŋ keu dölök-kunŋi qahöpmö, jöjöpaŋ keu walŋi könakonahineyök ahöm engizawi, mönö mia ohom engizal. Jöjöpaŋ keu walŋi mi-aŋgö Buŋa keuŋi mi lök möta mala kotket. ⁸ Töndup mi-aŋgö jimkutukutuŋi dölökŋi mi engöra ohozal. Söŋaupnöŋ ayapkömamgö aiga asakŋi ölnan lök asarim qarimakzawi, mi-aŋgöra jöjöpaŋ keu mi-aŋgö ölnan mönö Anutugöreŋ aka engöreŋ ahuba ahöza.

⁹ Kunŋan jitŋan "Asakŋe maljal," jizapmö, alaŋi kazik ak waŋgizawi, yaŋön mönö toroqeba söŋaup uruŋe malja. ¹⁰ Kunŋan alaŋi jöpaköm waŋgimakzawi, yaŋön mönö asakŋangö uruŋe pöndaŋ maliga silikŋan tosatŋi siŋgisöndok akŋegöra qahö kondorakza.

¹¹ Mewömö, kunŋan alaŋi kazik ak waŋgizawi, yaŋön mönö ömuŋe jipjap mala ahakmemenji söŋaup uruŋe ahakza. Söŋaupnöŋ jeŋi mem sohoiga janjuŋ aka maljawangöra aka denike anmawi, mi nanŋak qahö möt kutumakza. Qahö.

Anutunöŋ siŋgisöndoknini kösöloŋanimakza.

¹² O nahönböratuŋurupni, Jisösnöŋ kömumba qet ketanji memba maljawangöra aka Anutunöŋ engö siŋgisöndokŋini mosöta kösöloŋanim teköyök. Mi-aŋgöra keu ki engöra ohozal. ¹³ O iwiurupni, kunöŋ könakonahineyök mala kotzawi, injini i möt waŋgiba mala kotze. Mi-aŋgöra keu ki engöra ohozal. O gwaböurupni, injini bölöŋangö Tonji luhut al waŋgiba maljei, mi-aŋgöra keu ki engöra ohozal. Nahönböratuŋurupni, injini Iwigö könanji möt kutuba maljei, mi-aŋgöra keu ki engöra ohozal.

¹⁴ Iwiurup, kunöŋ könakonahineyök mala kotzawi, injini i möt waŋgiba mala kotze. Mi-aŋgöra keu ki ohobiga engöreŋ kaza. Azi gwaböurup, injini Anutugöreŋ Buŋa keu uruŋine algetka köhöiba kiniga ösum-mumuŋinambuk aka bölöŋangö Tonji luhut al waŋgiba malje. Mi-aŋgöra keu ki ohobiga engöreŋ kaza. Mewö.

Gölmegö ahakmeme bölöŋi mi yakörime.

¹⁵ Injini gölmegö ahakmeme bölöŋi aka yuai pakpak mi-aŋgöreŋ ahözawi, mi-aŋgöra kude ak engima. Kunŋan uruŋan gölmegö ahakmemegöra ak waŋgiza ewö, Iwigö urukalemŋan mönö yaŋgö uruŋe qahö kinja.

¹⁶ Gölmegö ahakmeme mi kewö: Ambazipnöŋ silenjanangö sihim kömbönaŋini bölöŋi mörakze. Yuai jenjan eka eksihim aka köpösöŋgömakze aka gölmegö malmalŋinaŋgöra piririköba töröraiba silenjini memba öŋgömakze. Mi aka urukönöp tosatŋi mi Iwigöreŋök qahö kaza. Qahö! Mi mönö gölmegö ahakmeme bölöŋi akza. ¹⁷ Gölmegö ahakmemenöŋ göröŋ qema aka mi-aŋgö sihimŋi bölöŋi bölöŋi mi mewöyök göröŋ qememö, kunŋan Anutugö jit sihitŋi tem köla wuatangömakzawi, yaŋön mönö böŋ qeba nalö teteköŋi qahö mal köhöima. Mewö.

Kraistkö tuarenjoŋurupŋi lök asuhuze.

¹⁸ O (koko) gömokuŋurupni, Kraistkö salupŋe †† kinda tuarenjoŋ ak waŋgimawaŋön nalö teteköŋe asuhumawi, mi lök jigetka mötze. Keu mi-aŋgö dop nalö kewöŋe Kraistkö tuarenjoŋurupŋi gwötpuk lök asuhuba kinje. Keugö ölni mewö asuhuyöhaŋgöra aka nalö teteköŋangö uruŋe lök kaŋgota maljin, mi mötzin. Mi-aŋgö aiwesökŋi mewö. ¹⁹ Tuarenjoŋ ambazip mienön nanine kambunöhök mala nengömosöta anget. Uruŋini nembuk munen-munen jöhöba mötnariŋ könagesö sutnine laŋ mala buratiget. Nengöreŋ könagesö ölni akeak ewö, mönö nembuk pöndaŋ qekötahöba mohokŋe malbinak. Nengömosöta tikep kinjei, silik mi-aŋön mönö könaŋini kewö kondeliga eka mötzin: Yengöreŋök kunöŋ nembuk ölna mohot qahö aka malök.

²⁰ Yeŋön tikep kinjemö, Kraistnöŋ Uŋaŋi Töröŋi engö uruŋine mokoiga bedu memba inahöm engiiga körek eŋön keu ölni möt kutuba malje. ²¹ Injini keu ölni qahö möt kutubepuköra aka keu ki qahö ohom engizal. Mewögöra qahöpmö, injini keu ölni möt kutuze aka keu ölnan keu munenji kun kondotmamgö osimakza. Mi-aŋgöra keu ki ohom engizal.

²² Jisösnöŋ Amötqeqe Tonji Kraist akzapmö, kun daŋön keu mi qaŋ köljawi, yaŋön mönö isimkakalek ambaziwa akza. Yaŋön Kraistkö salupŋe kinda tuarenjoŋ ak waŋgiba Iwi aka yaŋgö Nahönŋi mi mohokŋe qaŋ kölakzawi, yaŋön Iwiŋi qahö öne malja. Kunŋan Nahönŋi jim miwikŋaimakzawi, yaŋön mönö Iwi mewöyök miwikŋaiba yambuk malja.

²⁴ Injini Buŋa keu könakonahineyök möta kotkeri, mi uruŋine köhöiba kinmapköra galöŋŋini meme. Buŋa keu möta kotkeri, mi-aŋön uruŋine kinma ewö, injini mewöyök mönö böŋ qeba Iwi aka yaŋgö Nahönŋi yetpuk qekötahöba kinme. ²⁵ Kraistnöŋ jöhöjöhö keu

†† Kraistkö tuarenjoŋi mi Antikraist. Grik keu anti, mi-aŋgö könanji yahöt. Yaŋön Kraistkö salupŋe kinja aka Kraist ölni tuarenjoŋ ak waŋgimakza.

kewö nengii ahöza, “Nömbuk kinme ewö, mönö oy-aenkoyaeñ malmal enggibiga teteköñi qahö mal köhöime.”

²⁶ Tosatñan esapköba janjuñ mem enggimakzei, nõñon yengöra aka keu mi ohom enggizal. ²⁷ Tosatñan janjuñ ahakzemö, Kraistnõñ Uña Törõñi engö uruñine mokoiga bedu memba inahöm enggimakza. Uña yanñon uruñine böñ kini qahö löwörime ewö, enñon mönö böhi kungöra qahö osime. Mi kewögöra: Yanğö Uñañan mönö ahakmemegö keu pakpak kusum enggimakña. Bedu memba inahöm enggimakzawi, mianñon yuai muneñi kun qahöpmö, mötmöt ösumñi öl töhöññanök akza. Mianğöra keu öñi kusum enggiyohañğö dop mönö keunji pakpak tem köla Kraistpuk töp qekötahöba kinme.

²⁸ O (koko) gömukurupni! Injini mönö Kraistpuk töp qekötahöba kinme. Yambuk kinda malinga kunbuk asuhumawi, nalö mianğoreñ qahö közöl nenggiiga gamu qakñe qahö mömölaköba anbinmö, ölop yanğö jeñe awösamkakak qakñe tamehök kinbin. ²⁹ Kraistnõñ solanñi akzawi, injini keu mi möt kutuze ewö, mönö keu ki mewöyök ölop möt asarime: Ambazip körekñan ahakmeme solanñi ahakzei, yanñon mönö mewöyök Anutugöreñğök ahuba nahönböraturupñi akze. Mewö.

Neñon Anutugöreñğök ahuba nahönböratñi akzin.

3 †Mötket! Suep Iwininan neñğöra “Nani nahönböraturupni,” mewö nengghola mianñon urukalemñi ketanji kondel neñgimakza. Nini ölna Anutugö nahönböraturupñi akzin. Mi akzinanğöra gölme ambazipnõñ könañamnini qahö möt kutuba malje. Anutugö könañi qahö möt kutuzeanğöra nanine könañamninanğöra mewöyök tötopinpin malje. ² O wölböt alaurupni, nalö kewöñe nini Anutugö nahönböraturupñi aka maljin. Mewö mala könañgep denöwö aka malbini, mi aukñe qahö asuhuyök. Mohok kun mötzini, mi kewö: Yanñon kunbuk aukñe asuhiiga kaisongolomñi ölni jeninan ekini, nalö mianğoreñ mönö letota i ewö akin. ³ Denike yanñon Kraistköra jörömqöröm mewöñi ak wangizei, yanñon mönö i köl köñjörat mem enggiiga yanğö tandök ewö sarakñi aka malme.

⁴ Denike yanñon siñgisöndok akzei, yanñon mönö köna keu qeba walöñmakze. Siñgisöndok mi iwilele ahakmemeya. ⁵ ††Kraist nanñak siñgisöndokñi kun qahö yanñon nanine siñgisöndoknini köl köñjöratmamgöra eta asuhuyöhi, mi ölop mötze. ⁶ Denike yanñon Kraistpuk böñ qeba kinjei, yanñon siñgisöndok qahö aka malje. Kunñan siñgisöndok toroqeba ahakzawi, yanñon Jisös qahö eka könañi qahö möt kutuba malja. Mewö.

⁷ O (kokourupni) gömukurupni! Kunñan janjuñ mem enggibapaköra mönö galömqini mem anğuba malme. Kraistnõñ solanñi akzawi, yanğö dop ahakmeme solanñi törörök wuatañ-gömakzawanñon mönö solanñi akza. ⁸ Bölonanğö Toñan köna-könañeyök siñgisöndok aka kota malja. Mianğö dop denike yanñon siñgisöndok ahakzei, yanñon mönö Böloni Toñanğö

buñaya akze. Anutugö Nahöññan mönö yanğö nupñi yaiñ memamgöra eta asuhuyök.

⁹ Denike yanñon Anutugöreñğök asuhugeri, yengöreñğök kunñan malmal qainñi kun uruñe ahöza-wanğöra mönö siñgisöndok qahö toroqeba ahakza. Ahuahu döläkñi ahuba maljawanğöra aka siñgisöndok toroqeba akñamgö osimakza. ¹⁰ Denike yanñon Anutugö nahönböratñi aka denike yanñon Böloni Toñanğö nahönböratñi akzei, mi kewö kewöta möt asaribin: Kunñan ahakmeme solanñi qahö wuatañgömakzawi, yanñon mönö Anutugö buñanji qahö akza. Mewöñanök kunñan alaurupñi qahö jöpaköm enggimakzawi, yanñon Anutugö buñaya qahö akza. Mianğö aiwesökñi mewö.

Injini mönö jöpaköm anğuba malme.

¹¹ †Buña keugö kötni könakönañeyök möta kota maljini, mianğö jöjöpauñ keunji kewö: Nini mönö urunõñ jöpaköm anğuba malbin. ¹² †Kein (Kain) yanñon Böloni Toñanğö buñaya mala munñi qei kömuyök. Nini mönö i ewö aka malbinbuk. Yanñon kewögöra munñi qeyök: Nanñi ahakmemeñan böloni ahökmö, munñanğöreñan solanñi ahök. Mönö mianğöra qeyök.

¹³ O urumelen alaurupni, gölme ambazipnõñ kazik ak enggime ewö, mianğöra mönö kude welipköme.

¹⁴ †Nini urumelen alaurupnini jöpaköm enggimakzinanğöra aka keu ki möt asarizin: Nini kömup köhöiknanğö jabõñi walöñda malmal köhöikñe anğota maljin. Kunñan urukalem qahö ahakzawi, yanñon mönö toroqeba kömup köhöiknanğö uruñe kinma. ¹⁵ Ambazip alaurupñini kazik ak enggimakzei, körek yanñon mönö köhömunji enguenggu ambaziwa akze. Malmal köhöikñi mi enguenggu ambazip mewöñi kungö uruñe qahö ahöza, mi ölop möt yaköze.

¹⁶ Jisös Kraistnõñ malmalñi neñğöra aka kölenđa mosöta jöpaköm anğuanğugö könañi mewö kondel nenggiiga eka möt kutuzin. Neñon mönö mewöñanök malmalnini urumelen alaurup yanğöra aka kölenđa mosöringa dop kölma. ¹⁷ Kunñan gölmegö öröyuañi dopñe memba maliga alañan yuaigöra osiba mözöqözörõñ aiga ekzapmö, töndup ekbonep aka uruñi jöhöza ewö, Anutugö urukalemñan mönö yanğö uruñe denöwö kinbawak? ¹⁸ O (koko) gömukurupni, jöpaköm anğuanğuu mi numbu jitninan keu töhöñök timbiliba jimakinbukmö, mi mönö ahakmemeninan keu ölni wuatañğöba aka malbin.

Mönö Anutugö jemesoholñe tamehök kinbin.

¹⁹ Nini keu ölnanğö buñaya akzin me qahö? Akzin ewö, mönö ölop urunini böñjõñ köliga Anutugö jemesoholñe awösamkakak kinbin. Keu mi nanini kewöt anğuba kewö möt kutubin: ²⁰ Uruninan yuai bölonanğöra aka jim neñgiza ewö, nini keu ki ölop möt yaközin: Anutunõñ kewötkewöt Tonini aka keunini diñdiñanök kewötma. Anutugö mötmötñan mönö nanine mötmötnini onğita öñğöñğõñi aiga keu pakpak

† 3.1 Jon 1.12 †† 3.5 Jon 1.29

‡ 3.11 Jon 13.34 †† 3.12 Jen 4.8 †† 3.14 Jon 5.24

ölöp möt teköza. Miangöra ölöp urunini bönjöng köliga malbin.

²¹ O wölböt alaurupni, uruninan qahö jim nengiza ewö, nini mönö Anutugö jemesoholje awösamkakak aka tamehök kinbin. ²² Nini Anutugö jöjöpañ keunji tem köla ahakmemenini dop köl wangimawkawangö dop aka memba malakzin. Miangöra yuai kungöra köuluköba qesim wangibini, mönö mia nengii buña gem angubin.

²³ †Anutugöreñ jöjöpañ keu yahöt mi kewö: Nini mönö Nahönñi Jisös Kraistkö qetñi memba möt nariba urunini melenbin aka jöjöpañ keu jim kutum nengiyöhangö dop jöpaköm anguba malbin. Mewö qahö aka malbinak, mi Anutugö jeñe qahö dop köl-bawak. ²⁴ Denike yeñon Anutugö jöjöpañ keunji tem kölakzei, yeñon mönö Anutubuk qekötahöba malgetka Anutunöñ yembuk lapingöba kinja. Yeñon nembuk lapingöba kinjawi, mi Uñañi Töröñi nengiiiga urunine sanep ala maljawangöra möt kutuzin. Mewö.

Uñaya me ömeya mi mönö könañini kewöta mötme.

4 O wölböt alaurupni, kezapqetok ambazip takapulakanji gwötpuk mi gölme dop liliköba maljei, miangöra keu pakpak mi zilañ kude memba möt narime. Anutugö Uñañan me öme kunñan sölölohöiga asuhuzawi, mi mönö mutuk esapesapnöh ala kewötme. ² Anutugö Uñañangö könañi mi mönö kewö kewöta möt miwikñaima, “Jisös Kraistnöh eta silebuk aka malök,” denike yeñon keu mi jim miwikñaimakzei, yeñon mönö körek Anutugö buñaya akze. ³ Kunñan Jisösgö könañi mewö qahö jim miwikñaimakzawi, yeñon Anutugö buñaya qahö akza. Kraist tuarenjonañgö ömeñan mönö yangö urunji sölölohöiga keu jimakza. Kunöh asuhaba Kraistkö salupñe kinda tuarenjonañ ak wangimawi, †† keu mewö jiget mötketka yeñon lök nalö kewöñe gölmenöh asuhaba.

⁴ O (koko) gömokurupni, iñini Anutugö buñaya aketka Uña Töröñan urunine kinda gölmegö ömewörömeñi mi engongita luhut al engimakza. Miangöra kezapqetok ambazip takapulakanji mi ölöp luhut al engiba malje. ⁵ Yeñon gölmegö buñaya aketka gölmegö ömeñan sölölohöm engimakze. Miangöra gölmegö ahakmemenji wuatangöba keu jigetka urumelenjögö kopa ambazip yeñon keuninañgöra kezap ala mörakze.

⁶ Nini Anutugö buñaya ahinga Uña Töröñan sölölohöm nengimakza. Anutu möt wangizeañon mönö nengö keuninañgöra kezap ala mörakze. Anutugö buñaya qahö akzei, yeñon nengö keuninañgöra kezap qahö ala mörakze. Keu ölnangö Uñañi aka isimkakalekö ömeñi yetkö könañiri mi mönö mewö kewöta möt kutumakzin. Mewö.

Anutunöh urujöpakö könañi akza.

⁷ O wölböt alaurupni! Anutunöh jöpaköm anguangugö jalöhni akza. (Miangöra urukalem mi o jeñangö tandök ewö ahöba korakza.) Miangöra nini mönö jöpaköm anguba malbin. Mewö aka maljini, körek neñon mönö Anutu möt wangiba yangöreñök ahuahu dölokñi ahuba maljin.

⁸ Anutunöh urujöpakö Tonji akza. Mewö akzawangöra kunñan ambazip qahö jöpaköm engimakzawi, yeñon mönö Anutu qahö möt wangiba tönpin malja. ⁹ Anutunöh urukalemñi kewö kondeli sutnine asuhuyök: Yeñon Nahönñi mohok-kunñan nam köl nengii mal köhöibingöra aka melaiiga gölmenöh erök. ¹⁰ Nini Anutu jöpaköm wangiinmö, miangön urukalemgö könañi qahö. Urujöpakö könañi mi kewö: Anutunöh jöpaköm nengiba singgisöndoknini köl könjöratmamgöra Nahönñi melaiiga nengöreñ erök.

¹¹ O (koko) gömokurupni, Anutunöh mewö önöhni qahö jöpaköm nengiyöhangöra neñon mönö mewöñanök uruninan jöpaköm angumakin. Urukalem qahö ak anguinga qahö dop kölja. ¹² †Kunñan kun Anutu nalö kunöh qahö ehökmö, jöpaköm anguba maljin ewö, Anutunöh mönö urunine lapingöba kiniga urukalemñan urunini kokolak qeiga aködamuninambuk maljin.

¹³ Nini Anutubuk qekötahöba malinga yeñon urunine lapingöba kinjawi, mi Uñañi Töröñi nengiyöhangöra aka möt kutuba uruyahöt qahö ahakzin. ¹⁴ Iwinöh Nahönñi gölmeñi gölmeñi nengö Amötqeqe Tonini akñapaköra melaiiga erök. Neñon mi eka möta nangöba jimakzin. ¹⁵ Kunñan “Jisös Anutugö Nahönñi akza,” jiba jim miwikñaimakzawi, Anutunöh mönö yangö urunje lapingöba kiniga yeñon Anutubuk qekötahöba malja.

¹⁶ Anutunöh urunjan jöpaköm nengimakzawi, nini miangö könañi möta miangöreñ möt narimakzin. Anutunöh urujöpakö Tonji akza. Mewö akzawangöra kunñan ambazip jöpaköm engiba maljawi, yeñon mönö Anutubuk qekötahöba kiniga Anutunöh yangö urunje lapingöba malja. ¹⁷ Mewö malinga köngörököm nengiiiga Anutugö urukalemñan urunini kokolak qeiga aködamu-ninambuk maljin. Nini Kraistkö tandök ewö gölme kusukñi kiangöreñ maljin. Mewö maljinañgöra aka Anutugö jimtekötekö nalö ketañe Kraistkö jeñe angöta miangöreñ awösamkakak aka tamehök kinbin.

¹⁸ Anutunöh jöpaköm nengiiiga kinda öne töhön kengötnini mötpinbuk. Singgisöndok ambazip yeñon Anutunöh singgisöndok-ninañgö likepñi melen engibapuköra kengötnini mörakzemö, Anutugö urujöpakñan urunini kokolak qeiza ewö, miangön mönö kengöt mötmöt pakpak yakörim tekömakza. Miangöra kunñan kengötni mörakzawi, yeñon jöpaköm nengimakzawangö könañi mi törörök qahö möt teköza.

¹⁹ Yeñon mutuk jöpaköm nengiyöhangöra aka nini urukalem ahakzin. ²⁰ Kunñan “Anutu jöpaközal,” jizapmö, alañi kazik ak wangimakzawi, yeñon mönö munen

† 3.23 Jon 13.34; 15.12, 17 †† Kraistkö tuarenjoni mi Antikraist. Grik keu anti, miangö könañi yahöt. Yeñon Kraistkö salupñe kinja aka Kraist ölni tuarenjonañ ak wangimakza.

‡ 4.12 Jon 1.18

jiji ambaziwa akza. Mianğö könañi kewö: Alañi eka töndup qahö jöpaköm wañgiza ewö, yañön Anutu qahö eka i mönö denöwö jöpaköm wañgibawakto? ²¹ Kunñan Anutu jöpaköm wañgimakzawi, yañön mönö alaurupñi mewöyök jöpaköm engiba malma. Anutunöñ jöjopañ keuñi mewö al neñgiyök. Mewö.

Mötnarip ambazip neñön luhut alakin.

5 Denike yeñön Jisös möt nariba "Amötqeqe Tonina akza." jimakzei, körek yeñön mönö Anutugöreñök ahuahu dölökñi ahuba malje. Denike yeñön Iwi jöpakömakzei, körek yeñön mönö yañğö Nahönñi mewöyök jöpaköm wañgimakze. ² "Anutugö nahönbörat-urupñi jöpaköm engizin," jiinga keu mianğö ölni mi nanini kewögöra kewöt aᅇguba mötzin: Anutu jöpaköm wañgiba jöjopañ keuñi tem köla wuatangömakzin ewö, mönö Anutugö nahönbörat-urupñi mewöyök jöpaköm engimakin. Mianğö aiwesökñi mewö. ³ †Anutu jöpaköm wañgibingö ölni mi temkölköl. Anutugö jöjopañ keuñi wuatangöinga dop kölja. Jöjopañ keuñi tem kölinga lömbötñambuk qahö akña.

⁴ Anutugöreñök ahuahu dölökñi ahuini, körek neñön ölop yañğö jitiñi tem köla gölmegö ahakmeme bölöñi luhut alakin. Anutunöñ mötnarip neñgiiga mianğö qakñe köuluköinga lök gölmegö ahakmeme bölöñi memba et alök. Luhut albingö köna murutñi kun qahö ahöza. ⁵ Neñön luhut qahö albinak ewö, denike yeñön mönö mi akeak? Jisösnöñ Anutugö Nahönña akzawi, mi möt narizawañön mönö gölmegö ahakmeme bölöñi luhut alakza. Mewö.

Anutunöñ Nahönñañğö keu kewö nañğöba jiyök:

⁶ Jisös Kraistnöñ Anutugö Nahönña akzawi, mi denöwö mötzin? Jisösnöñ oe geiga Jonöñ o melun mem wañgiiga Anutunöñ nalö mianğöreñ keu mi jiiga mötket aka könañgep sepñi mokomamgö aiga mi-añğöreñ qet kun Suepnöhök asuhuiga mötket. Keu onöñ indim mohok asuhuyöhi, miyök qahö. Suep Toñan keu nañğöba jiyöhi, mianğö aiwesökñi mi o aka sep, yahöt mi. Toroqeba Uña Töröñan keu mi jimakza. Yañön keu ölnañğö Toñi akzawañğöra aka muneñ jimamgö osimakza.

⁷ Nañğönañğö keu karöbut mi mewö mörin ahöza. ⁸ Keu karöbut mieñğö aiwesökñini mi Uña, o aka sep. Keuñini mi öröröñ aukñe möringa dop köl teköza. ⁹ Keu jakeñe kañgota nañğönañğö ahakzei, mi ölop möt aᅇñön kölakzinmö, Anutugö nañğönañğö keuñan mönö ambazip keunini oᅇgita pöwöwöm köhöikñi akza. Anutunöñ Nahönñañğöra "Nani Nahöna!" qeta könañi mewö aukñe nañğöba jiyök. Mianğöra keu mi andö qebinbuk.

¹⁰ Kunñan Anutugö Nahönñi möt narimakzawi, nañğönañğö keu Toñan mönö nañğak yañğö uruñe maliga yañğö könañi ölop möt yaköza. Kunñan Anutu qahö möt narimakzawi, yañön mönö nañğönañğö keu

† 5.3 Jon 14.15

Toñi naññi memba et aliga muneñ jiji azia ahakza. Anutunöñ keu kötni Nahönñañğöra nañğöba jiyöhi, yañön keu mi qahö möt narizawañğöra mönö Anutu naññi andö qeba qetalakza. ¹¹ †Anutunöñ keuñi kewö nañğöba jiyök, "Nöñön malmal köhöikñi engimamgö jiali, nani Nahönan mönö malmal kömbönañi mianğö kondotkondot Toñi akza." ¹² Yañğö Nahönñañbuk maljawañön mönö malmal köhöikñi buña qem aᅇguba malja. Anutugö Nahönñañbuk qahö maljawañön mönö malmal köhöikñi mi qahö buña qem aᅇguba malja. Mewö.

Malmal köhöikñañğö könañi

¹³ Uruñini melenđa Anutu Nahönñañğö qetñi memba möt narimakzei, nöñön kimbi ki engöra ohozal. Malmal köhöikñañğö buñaya akzei, iñini mianğö könañi törörök möt kutumegöra ki ohozal. ¹⁴ Nini ölop awösamkakak aka Anutugö kösutñe anda köuluköba kinda kewö möt yaközin: Wani yuaigöra yañğö jitiñi hitñañğö dop köuluköm wañgibini, yañön mönö köuluknini mi mötma. ¹⁵ Mi me mi mianğöra köuluköinga köuluknini mötmapkö mötzin ewö, mönö keu ki mewöyök möt kutuzin: Wani yuaigöra köuluköm wañgizini, mi pakpak mönö neñğö buñanina akña.

¹⁶ Kunñan alañi ehi siñgisöndok ahiga mianğön kömup köhöikñañğö buñaya qahö akñawi, yañön mönö alañi mianğöra Anutu köuluköiga amöt qem wañgiiga malmal köhöikñe aᅇgotma. Siñgisöndok Anutunöñ mosötmawañğö dop akeri, keu ki mönö yengöra jizal. Tosatñan siñgisöndok aketka mianğön kömup köhöikñañğö buñaya akñei, yengöra köulukömegöra mi qahö jizal. Qahö. ¹⁷ Ahakmeme bölöñi pakpak mi siñgisöndok akza. Köpösihit tosatiñ ahinga mianğön kömup köhöikñañğö buñaya qahö akin. Mewö.

Mötnarip ambazip neñön Anutubuk qekötahöba kinjin.

¹⁸ Denike yeñön Anutugöreñök ahuahu dölökñi ahugeri, yengöreñök kunñan siñgisöndok qahö toroqeba ahakzawi, mi mötzin. Anutugöreñök ahuahu dölökñi ahuba maljawañön mönö naññi galöm mem aᅇguiga Bölöñañğö Toñan i qahö qeraköba mema.

¹⁹ Nini keu ki mötzin: Nini Anutugö buñaya akzinmö, gölme dop yeñön uruñini qahö melenđa Bölöñi Toñañğö kukösum bapñe malgetka galöm köl engimakza.

²⁰ Keu ki mewöyök mötzin: Kunöñ ölp töhöññi akzawi, nini i möt wañgibingöra Anutunöñ Nahönñi melaiiga eta möt-asa-asari neñgiyök. Kunöñ ölp töhöññi akzawi, nini yambuk qekötahöba mohok aka maljin. Ölp töhöññi yañön mönö Anutugö Nahönñi Jisös Kraist. Yañön Anutu ölbölñi aka malmal köhöikñañğö kondotkondot Toñi akza.

†† 5.11 Jon 3.36

²¹ O (koko) gömokurupni, tandö lopion aka bem muneji tosatnan köpeiba qeraköm engibepuköra mönö nanjini galöm mem aŋguba malme. Mewö.

2 Jon

Jim-asa-asari

Buņa Kimbi kiangö tonji yañön nanñi qetñi "Jitñememe kun," qerök. Yañön kimbi mi "Wölböt ambi aka yangö nahönböraturupñi," yengöra alök. Keu tölapñi mi urumelen könagesö kungö söpsöp keuya. Nahönbörat mi könagesö aiga wölböt ambi mi yengö galömñina. Buņa Kimbigö keu töröpñi kiangön jöpaköm aņgubingöra uru kuņgum neņgimakza aka böhi takapulakanji yengön ambazip kusum engigetka keuņinan sehibapukö galöm meme keuya akza.

Buk kiangö bahönji bohonñi 4 mi kewö:

Keu mutukñi

Urukalem mi yuai bohonñi

Keu goņgoņan sehibapukö galöm meme keu

Kimbigö keu kötnji bohonñi

1 O ambi sorok!

Anutunöñ möwölöhöm gihiiga urumelen könagesöurupki galöm köl engiba kinjan. Nöñön inñi keu ölnaņgö dop uru könömnan jöpaköm engimakzal. Nanök qahöpmö, ambazip keu ölnji möt kutuzei, körek yengön mönö mewöyök inñi jöpaköm engiba malje. Nöñön jitñememeya akzal aka göbuk keu eraum mötpitköra kaba kimbi ohozal. ² Keu ölnan urunine kinja aka nembuk tetekönji qahö ahöm öngöma. Nöñön Buņa keu miangöra aka jöpaköm engizal.

³ Nini keu ölnji wuatangöba urunöñ jöpaköm aņguba maljin ewö, Iwi Anutu aka Iwigö Nahönñi Jisös Kraist yetkön mönö ak kömumba kalem möriam neņgiyohotka luainöñ malbin.

Urukalem aka keu ölnji mi mohotnje wuatangöme.

⁴ Iwinöñ urukalemgö jöjopaņ keuñi neņgiyöhi, miangö dowök göhö könagesöurup tosatan keu ölnaņgö dop ahakmemenini aka memba malje. Nöñön silikñini mewöñi ekiga sösongai ketanji ak niņgimakza. Mewö.

⁵ †O wölböt alani ambi ketanji, nalö kewöñe jöjopaņ keu ohom gihizali, mi keu dölokñi qahö. Keu könakö-nahineyök könahiba mörini, nöñön mönö keu mi kumbuk ohoba kewö qesim gihizal: Nini mönö uruninan jöpaköm aņguba malbin. ⁶ Jöpaköm aņguba malbingö keuñi jizali, miangö ölnji kewö: Nini mönö Anutugö jöjopaņ keuñi pakpak tem köla ahakmemenini ak memba malbin. Körek enñön jöjopaņ keu könakö-nahineyök möta malgeri, mi kewö: Inñi mönö uruninan jöpaköm aņguba malme.

† 1.5 Jon 13.34; 15.12, 17

⁷ Isimkakalek ambazipnöñ Jisös Kraistköra kewö jim miwik-ñaimakze: "Amötqeqe Tonjan gölme azi silebuk asuhumamgö osiyök." Mewö jim miwikñaiba tilipqilip aketka eņololon asuhumakza. Ambazip isimkakalek mewöñi mi Kraistkö salupnje kinda tuarenjoņ ak waņgimakze. Ambazip mewöñi gwötpukñan lök gölmenji gölmenji liliköba laņ anda kaba malje. ⁸ Neñön urugö nup meinga ölnji uruņine asuhuyöhi, miangön sohoba pömsöm qebapuköra mötzal. Miangöra isimkakalek ambazipnöñ eņololon ak engibepuköra mönö galömñini mem aņguba malme. Mewö malgetka uruņinaņgö ölnan qahö sohoiga Kembunöñ töwaņini körek engim teköma.

⁹ Kraistnöñ keu kusum neņgiyöhi, kuņñan mi qahö qekötahözapmö, mi ongita keu toroqeiga lolonqalon jimakzawi, yañön Anutuñi qahö. Denike yengön Kraistkö Buņa keuñe qekötahözei, yengön mönö Iwi aka Nahön yetpuk köhöiba malje. ¹⁰ Kunöñ Buņa keu jömuķñi mi qahö memba engöreñ kazawi, inñi mönö yangö jölöñi kude jiba miriņine kude örogetka öngöma. ¹¹ Kuņñan yangö jölöñi jimawi, yañön mönö bölöñaņaņgö lömbötñi öroi qakñe öngöiga öroröñ bisimahot. Mewö.

Keu tetekönji

¹² Nöñön engöra keu sehisehiñi ohomamgö sihimñi mötzalmö, mi papia sinñe inñnöñ ohomamgö qahö möta mosötzal. Engöreñ kusuk kaba mesohol köla keu eraum mötpingö mamböta jörömqöröm akzal. Aitonğöbini, nalö miangöreñ köisirik tata eraum möta sösongainini körek ahum teköba urunini kokolak qeiga malbingö mötzal.

¹³ Anutunöŋ ambi alagi galöm nupköra möwölöhöyöhi, ambi sorok yaŋgö könagesöurupŋan yaizözköŋjini algetka göhöreŋ kaza.

3 Jon

Jim-asa-asari

Buŋa Kimbi kiangö tonji yaŋön nanŋi qetŋi "Jitŋememe kun," qerök. Yaŋön Kimbi mi urumelenŋ kōnagesö kungö jitŋememe kun qetŋi Gaius yaŋgöra alök. Gaiusnōŋ urumelenŋ ambazip tosatŋi miri aka nene yuai baukōm engiba malök. Mianŋgöra i möpöseim waŋgiyök aka tuakōpek azi kun qetŋi Diotrefes yaŋgöra galōm meme keu jiyök.

Buk kiangö bahōŋi bohonŋi 5 mi kewö:

Keu mutukŋi
Jonōŋ Gaius möpöseiza
Diotrefesgö galōm meme keu
Demitriusgö sösōŋgai keu
Buk kiangö keu kötŋi bohonŋi

1 †O wölböt alani Gaius!
Nōŋön jitŋememe kun aka göbuk keu eraum mötpitkōra kaba kimbi ohozal. Nōŋön keu ölnangö dop urunan jōpakōm gihiba maljal.
‡O wölböt alani, göhö uŋagan Anutubuk qekōtahöba ölöwahi maljani, mi mötzal. Mewōŋanök sile unditundit mala yuai pakpak mianŋgōreŋ tōhötmōriam mi-wikŋaiba malmangöra Anutu köulukōzal. ³Urumelenŋ alaurup tosatŋan göhöreŋök kaba göhö kösohotki kewö naŋgōba jigetka mōral, "Gōŋön Anutugö keu ölni pōndaŋ wuatangöba aka memba maljan." Mewö jiget mötpiga sösōŋgai ketanŋi ak niŋgiyök. ⁴Nōŋgö (koko) gömukurupnan Anutugōreŋ keu ölni wuatangöba aka memba maljei, nōŋön keu buzup mewōŋi möta önōŋi qahö söŋgaimakzal. Buzup murutŋi kunōŋ sösōŋgai öŋgōŋgōŋi mi qahö öŋgiri mötzal. Mewö.

Jonōŋ galōm azi qetŋi Gaius möpöseiza.

⁵O wölböt alani, gi urumelenŋ alaurup welen qem engiba mianŋgōreŋ pōndaŋ kinda malakzan. Yeŋgōreŋök tosatŋan miri lilikōba engōreŋ kamakzei, mi köyan köl engimakan. Möt engizani me qahö, mi töndup ölöŋŋanök baukōm engimakan.

⁶Gi urugan jōpakōm engiba malnōŋi, yeŋgōreŋök tosatŋan ki kaba mötnariŋ kambugö jeŋine kōnaŋamgi mewö naŋgōba jiget mörin. Mianŋgöra alaurup mewōŋan engōreŋ kamei, mi mönō baukōm engiba malnōŋga ölöŋ amqeba nup memba kōnaŋini toroqeba anme. Nup mewōŋi mi Anutugö jeŋe dop köl waŋgimawangö dop toroqeba memba malman.

⁷Yeŋön Kraistkö buŋaya akzeangöra aka nanŋini miriŋini mosöta lilikōba qetbuŋanŋi jim sehimakze. Nup

mewö memba urumelenŋgö kopa ambazip yeŋgōreŋök nene yuai kun qahö memakze. ⁸Mianŋgöra Jisōsgö alaurup neŋön naninök alaurup mewōŋi köl örōba naŋgōm engiinga dop kölma. Nini nup bahōŋi mi memba mianŋön keu ölnangö Tonŋi mohotŋe welen qem waŋgiinga keuŋi ölnan sehimakŋa. Mewö.

Diotrefes ewö akanbukö galōm meme keu

⁹Nōŋön mötnariŋ kambu engöra kimbi kun ohoyal. Mi ohoyalmö, Diotrefes jitŋememe azi yaŋön sutŋine galōm bohonŋi malmangö sihimŋi mötzawi, yaŋön mönō memsepqemsep aka keunangö kezap qahö ala nesampurek ak neŋgimakza. ¹⁰Mianŋgöra nōŋön engōreŋ kabilenŋak ewö, mönō yaŋgö ahakmemeŋi bölöŋi mi aukŋe jibiga kewö mötme: Yaŋön neŋgöra luasö keu munenŋi andōnōŋ qeqe jimakza aiga keu jiyök qahö ahakza. Qahö! Urumelenŋ alaurupnini miri lilik nup memakzei, yaŋön mi qahö köl örōm engimakza aka alaurup tosatŋan köl örōm engibingö mötzei, yaŋön i angōn köl engiba mötnariŋ kambuŋineyök utal engiiga yaigep erakze.

¹¹O wölböt alani! Gi ahakmeme bölöŋi qahöpmö, ahakmeme ölöŋŋi mia mönō wuatangöba malman. Denike yeŋön ahakmeme ölöŋŋi aka memba maljei, yeŋön Anutugö nahön bōraturupŋi akze. Denike yeŋön ahakmeme bölöŋi aka memba maljei, yeŋön Anutugö kōnaŋi qahö möt kutuba sel yaigepŋe malje.

¹²Demitrius azi mianŋgö kōnaŋi mi ölöŋŋi. Alaurup körekŋan mewö jimakze. Keu ölnangö Tonŋan nanŋak mi mewōŋanök naŋgōba jimakza aka neŋön toroqeba yaŋgöra keu örōrōŋ jimakzin. Neŋön keu jimakzini, mi keu öl töhöŋŋi akza, mi mötzan. Mewö.

† 1.1 Apo 19.29; Rom 16.23; 1 Kor 1.14

Yaizözkök keu tetekönji

¹³ Nöñön göhöra keu sehisehiñi ohomamgö sihimñi mötzalmö, mi kirifi aka inknöñ ohom gihimamgö dopñi qahö möta mosötzal. ¹⁴ Nöñön ösumok göhöreñ kaba gekñamgö mamböta jörömqöröm akzal.

Aitonğöbini, nalö miangöreñ ölop mesohol köl anguba keukeu eraum mötpin.

¹⁵ Anutunöñ luai qem gihiiga malman!

Mötnarip alaurup ki maljei, yeñön yaizözkökñini algetka göhöreñ kaza. Göñön mewöñanök urumeleñ alaurup göbuk kinjei, mi nanñik nanñik yaizözkökñini jinöñga mötme!

Juda

Jim-asa-asari

Juda mi Jisös aka Jeimsgö munji. Tosatjan “Kraist möt narizin,” jiba keu gojgonji ambazip kusum sohom engiba malgeri, Judanöñ yengöra aka galöm meme keu ohoyök. Buña Kimbi ki töröptökñi. Keunji mi 2 Pitö 2 keu mi-angö dop. Judanöñ Kraistkö alaurupñi neñgö urunini kewö kuñguyök, “Anutunöñ nini nalö dop möt naribingöra mötnarip neñgiiga könagesöurupñi akzini, eñön mönö mötnaripñinan sehiba köhöimapköra toroqeba bim qeba malme.”

Buk kiangö bahöñi bohonji 4 mi kewö:

Keu mutukñi

Böhi sohobo ho yengö könaniñi aka jimteköteköñini

Toroqeba pöndañ möt naribingö jimkutukutunji

Kötumötuet keu

¹ †Juda bisop Jeimsgö munji nöñön Jisös Kraistkö welenji qeba urumelenj alaurup embuk keu er-aum mötpingöra kaba kimbi ohozal.

Anutu Iwinöñ engohola uru könömñan jöpaköm engii Jisös Kraistnöñ sel jöhöm engiiga malje.

² Anutunöñ mönö ak kömumba urukalemñi kelenj-malelenj engiiga luainöñ malme. Mewö.

Buña keu möwököwöramgö galöm meme keu.

³ O wölböt alaurupni! Anutunöñ amöt qem neñgiiga letota mohotñe Suepkö buñaya akzini, nöñön mianggö keunji jim tuariba ohom engimamgö sihimni ketanji möta malal. Mala malbi lömböriiga toroqeba mamböt-mamgö osizal. Mianggöra ohoba urunini kewö kuñgum engizal: Anutunöñ mötnaripkö keu kemañi pakpak mi ambazip sarakñi neñön memba galöm kölinga qahö utekömapköra ali buñanina akza. Mianggöra böhi takapulakanji tosatjan Buña keu lolonqalonj akepuköra mönö böñ kinda bim qeba malme.

⁴ Ambazip tosatjan möndöba urumelenj kambu sutñine ölöñ ölölöngöba kañgotketka könanjanjini gojgonji mi aukñe qahö asuhui malje. Anutunöñ ambazip mewöñi yengö keunjiñi lök mönöwök jim teköiga ohogetka sihimbölonjan qakñine öngö-mamgö akza. Anutuninan keunji ala kalem möriamñangö könaniñi öñja indelakzapmö, ambazip angöjörakñinambuk mienñön mönö nanjini sero namböñnamböñjini turumegöra aka kalem möriamgö keunji mi möwököwöramgöba möñaqöñagetka bölimakza. Mewö aka nanine Ketanjanjini mohot Jisös Kraist Kambu ak neñgi-makzawi, i qañ köla andö qemakze.

⁵ ††Injini keu pakpak mi lök nalö köröpñi möt teköba maljemö, töndup galöm meme keu ki ölum engubapuköra kunbuk kewö jim gulim engimamgö mötzal: Kembunöñ könagesöurupñi Ijijt kantrinöhök meköm engiiga kagetmö, könangep tosatjan nalö kunöñ qahö möt narim wañgigetka mi könderjmönderj ak engii ayuhuget. Galöm meme keu mi engöra aka kunbuk jizal.

⁶ Mewöyök Anutunöñ Suep garataurupñi jakömbuak tohoñini al engiiga malgetmö, yengöreñök tosatjan urukönöp aka keu bapñe qahö anda nanjini jakömbuak tohoñini galöm köñ engibingö urumohot qahö aka selñini kösököget. Qegetal akerangöra aka Anutunöñ i aköm engiiga jakömbuak mirinini mosöta etket. Etketka “Nalö ketanñe keunjiñi jim tekömam,” jiba tapepnöñ (mungamunja) gwaröhöba pandaman uruñe al engiiga tata kotkera nalö teteköñi qahö tat öngöme. Galöm meme keu mi engöra aka kunbuk jizal. ⁷ †Tandök mohot mianñön Sodom, Gomora aka miri tosatñi liliköba tatkeri, yengöreñ asuhuyök. Ambazip mienñön mewöñanök serowilin aka silegö sihim kömbönanjini möwöramgöba tandökñi kun kewö aket: Azi nanjirök ambi nanjirök amimba malget. Mewö malgetka Anutunöñ likeñjini melenj engiiga könöp jitñi teteköñi qahö engohoi sihimbölö möta mala kota malme. Mewö mala böhi takapulakanji yengö galöm mem angubingö kaisöpsöpnina ahakze.

⁸ Ambazip takapulakanji mienñön mönö nalö kewöñe tandök mohot mewöñanöhök ahakze. Jenjini melenjini imutimutñjini lañ eka mianggöreñ möndöba wuatangöba nanjini sileñjanangö malmalñjini mem böliba kölköljinjin miwikñaimakze. Mewö mianñön Anutu jiji-

† 1.1 Mat 13.55; Mak 6.3

†† 1.5 Eks 12.51; Janj 14.29-30 ‡ 1.7 Jen 19.1-24

wilit aka jimongot jim wangiba kukösumnji memba et alakze. Mewö aka Suepkö bem suahö ambazip asakmararanjambuk euyangörenj maljei, yengöra uruqe-ge keu töhörenj jim engimakze.

⁹ †Mewö ahakzemö, Suep garata bohonji qetnji Maikel yanön mewöyök mewö aknjamgö lömböriba osiyök. Maikelnön Mosesgö qamötñangöra Bölönangö Toñambuk angururuk aka möndöm-kösök ahök. Mi aka öngöba erökmö, töndup uruqege keu töhörenj mi jim teköm wangimamgöra awösamkakak qahö mi-wikñajiba osiyök. Osiba kewöyök jim wangiyök, “Kembunön mönö mindiñ-göm gihima.”

¹⁰ Maikelnön mewöyök mi osiyökmö, ambazip sohoboho mienön mönö silenini memba öngöba Buña keu qahö möt kutumakzemö, töndup miangöra uruqege keu töhörenj lan jimakze. Tönpin mala sömbup soñ ewö lanlan malje. Mötkutukutunini ölni qahö asuhuiga sömbup malmalgö sihimnjini korembinji miyökö morakze. Nannini sihim mötmötñini gononj-manonji mienön mönö könder engigetka ayuhume.

¹¹ ††Anutunön böhi takapulakanji mienjö likepnji melenj engiiga sihimbölo ketanji mötmeangöra wöziköba Yei! jizal. Ambazip sohoboho mienön azi Kein (Kain) yanjö könanji mötöteiba anakze. Könanjep kerök azi kembu kunön azi qetnji Balam töwa wangjiiga Israel ambazip tilipköm engiiga janjuñ anget. Böhi takapulakanji mienön Balamgö siliknji wuatangöba moneñ mi-wikñajibingöra urukönöp möta yuai ilinölan ak bibihiba lan sohomakze. Azi qetnji Kora yanön Moses aka Aron tuarenjon ak etkiba köndermönöder miwikñajiga ayuhuyöhi, böhi mienön mönö Kora ewö kezapjupjup aka mala ayuhume.

¹² Urumelenj enön urukalem kondel angubingöra tokoba lömbuanj algetka takapulaka böhi mienön mönö miangörenj mewöyök kamakze. Kaba dogonjini aukñe kondela nanninanöhök gumohom anguba bau numbu nemakze. Mewö aka engö sile töwötñini boromñi boromñi gamunjambuk ewö akze. “Ziozgo lama galöm akzin,” jiba ala engöra qahö mötmöriba kelök keu lan jimakze. † Kousu omanji töhöntöhön kienjini qahö mewö malgetka luhutnön muwutapköm engiiga lanlan anda kamakze. Ölni ahumapkö nalöñe ipñi ipñi araronji ölni qahö ewö kinje. Guluñ sinñi-nanök ewö aka mutuk köhömunji aka jalönjini malmal köhöikñangö könanjeyök qözöla tala kunbuk kömum köhöigetka yahöt aiga köhömunji kötökñi aka malje.

¹³ Yanön köwet siri kukñinambuk ewö lan kundutketka ahakmemerñinan gamunambuk mi qölqölsöt gödöwörötñambuk ewö aukñe asuhumakza. Sengelau tosatñan könanjini singiba lan erakzei, yanön mönö miangö dop janjuñ qemakze. Sengelau mienjö dop eta Anutunön yengöra pandaman göjiwinangö uruñe miri arengöm engiyöhi, mönö emuyangörenj dutñe ge-ba nalö tetekönji qahö tat öngöme.

¹⁴ ††Adamgö sakonñangö isinji qetnji Enok yanön mewöyök ambazip takapulakanji mienjö kezapqetok keunji qeljine kewö jii ahöza: “Mötket, Kembunönj Suep suahö ambazip törönji tausenji tausenji janjö öngöngönji ketanji mi engömembra eta asuhume.

¹⁵ Asuhugetka körek pakpak nengö keunini jim teköma. Ambazip angöjörakñinambuk yanön ahakmeme angöjörakñambuk wuatangöba singisöndokñini angöjörakñinambuk aka kotkeri, mi pakpak kewöta miangö likepnji melenj engiiga körek yanjö qakñine öngöma. Pinjit ambazip angöjörakñinambuk mienön keu jenön gege gamunambuk miangön Anutu jim qetal wangiba kotkeri, miangö likepnji pakpak melenj engiiga sihimbölnöni möta malme.” Enoknön galöm meme keu mewö jiyök.

¹⁶ Böhi sohoboho mienön jimongot aka sesekñai ewö ihururuk lan jim angumakze. Nannini sihim kömbönanjini bölnöni wuatangöba terenqerenja silenini memba öngöba jakbak-öranjöran ahakze. Ambazip tosatñi göda qeba kelök enguze ewö, mi yuai melenja nannjine engimegö sihimñi möta kelewele ahakze. Mewö malje.

Galöm meme aka qambanj keu tosatñi

¹⁷ Mewö maljemö, wölböt alaurupni, Kembunini Jisös Kraistkö aposolurupñan böhi takapulakanji yanjö keunji lök qeljine jiget ahöza. Injini yanjö keunji mi ölum engubapüköra galömnjini mem anguba malme.

¹⁸ ††Aposol yanön engöra keu kewö jiget, “Jisösgö kaka nalöñan töriiga nalö tetekönje miangörenj mepaqepaik ambazip asuhume. Yanön nannini sihim kömbönanjini bölnöni wuatangöba malmal angöjörakñambuk malme.” Mewö jiget.

¹⁹ Ambazip takapulakanji mienön mönö sutñine urujul ak engigetka simbisembel akepek. Uña Töröñan qahö sölölohöm engiiga gölmegö sihim kömbönanji bölnöñan galöm köln engiiga mi wuatangömakze. ²⁰ O wölböt alaurupni, Anutunön mötnarip qainñi kun engiyöhi, miangön mönö tandönjini bohonji öngöngönji ewö akza. Enön mönö mötnarip miangö qakñe kinda nanjöm anguba köhököhöi miwikñaimakñe. Uña Töröñan inahöm engimakzawangö dop mönö yanjö ösumnön kinda köuluköba malme. ²¹ Anutunön jöpaköm engimakzawi, injini mönö yanjö urukalemñe böñ qeba kinme. Kembunini Jisös Kraistnön ak-kömukömu engiba kunbuk asuhuba malmal köhöikñe angota oyaenköyaen malme. Injini mönö nalö mi kam kunjumapköra kapañ köla mamböta malme.

²² Ambazip urunji melenjbingö uruyahöt akzei, mi mönö ak kömumba urukalem ak engiba malme.

²³ Tosatñan köñöp bölamnön an taköbingö tandök akzei, i gebepüköra mönö wölan öröba bohonjini jöhöm engigetka letotpeak. Tosatñan sihim kömbönanjini bölnöñan galöm köln engiiga qemasolokep maljei, i mönö ak kömumba jöpaköm engiba malme. Mewö malmemö, nannini malmalñinan bölibapüköra mönö kengötñini möta malme. Qemasolokep yanön

† 1.9 Dan 10.13, 21; 12.1; Ind 12.7; Dut 34.6; Zek 3.2 †† 1.11 Jen 4.3-8; Jan 22.1-35; 16.1-35 † Böhi mienön törom ewö asamböta tatzemö, wangñinan yanjörenj qaköba jömgöbapuk.

†† 1.14 Jen 5.18, 21-24 †† 1.18 2 Pitö 3.3

siŋgisöndokŋi siŋgisöndokŋi aketka mianjön uruŋini silenini kokolak qeiga aukŋe töwiba maljei, yengöra mönö galömŋini mem aŋguba malme. Kölköljinjin akepuköra mönö opo söröŋini töwötŋinambuk mi tok sisitŋini memba kude misirime. Mewö.

Möpömöpösei keu

²⁴ Mönö Anutu möpöseimakin. Yaŋön iŋini tala et eŋguba-puköra sel jöhöm eŋgimamgö köhöiza. Yaŋön ölöp eŋguangita nanŋi je mesoholŋe al eŋgii aŋgota

solanŋi keuŋini qahö kinda asakmararaŋi eka söŋgai-ba köiraŋ köla malme. ²⁵ Anutu mohotŋan Amötqeqe Tonini akza. Kembunini Jisös Kraistnöŋ nam köl nenŋi-iga Anutu möpöseim waŋgiinga qetŋi aködamunŋambuk aka ahöma. Yaŋön möpŋaŋgö möpŋeyök könahiba kota Öŋgöŋgö-ŋamnini kukösumŋambuk akza aiga nalö kewöŋe toroqeba yuai pakpak ösum-mumuŋan galöm köla nalö teteköŋi qahö Kembu ak nenŋiba malma. Keu mi ölŋa.

Indelindel

Jim-asa-asari

Jisösnön gölme mosöta Suep mire öngöiga yambu 65 miangö dop teköiga aposol Jonön Kimbi ki ohoyök. Nalö miangörej urumelen könagesö Jisös möt narigeri, i sesewerowo ketanji ak engiget. Jon mi gölme jölanji qetnji Patmos miangörej al wanjigetka kösö mire ewö tarök. Patmos maliga Anutunön jeni meletniga yuai könanjep asuhumapkö imutnji ehök.

Keu bohonji kewö: Jisösnön Satan aka kerökurupnji pakpak luhut ala memba et al engim teköma. Mewö aka mötnarip ambazip kötuatköm nenjiiga Suep dölökni aka gölme dölökni miangörej angota teteköni qahö oy-aenkoyaen malbin. Sesewerowo uruje malgeri, yenön lömböt möta mökösönda Jisös möt nariba pöndan bönj qeba kinmegöra kunjum engimakza. Jisösnön keunji keunji mewöni jim kutuba indeliga Jonön möta Kimbi ki ohoyök. Mi urumelen ambazip urunini nanjömamgöra aka ohoyök. Söpsöp keu aka keu tölapnji mi gwötpuk. Keu tosatnji möt kutubingö möt bibihizin.

Buk kiangö bahöni bohonji 11 mi kewö:

Keu mutuknji

Zioz kambu 7 yengö kimbiñini

Kimbi köpöp supap 7:ñan jöjöhöni

Tömun qainnji kun 7 uget

Sekak namnji aka jemnemba yahöt

Jemelen imutimut könanji könanji

Anutugörej irimsesewöl qambi 7 mokoget

Babilon siti, jemnemba, kezapqetok takapulakanji aka Satan yengö ayuayuhu

Jimtekötekögö nalö ketanji

Suep gölme dölökni aka Jerusalem dölökni

Keu kötnji teteköni

¹ Anutunön yuai könanjep zilan asuhumawi, miangö könanji nup memeurupnji nenjögöra kondel nenjimapkö möta Jisös Kraistköra kondela kezapqetok keu jiba indelök. Indeliga Suep garata kun melai-iga welenqeqenji Jon nöngörej kaba jiiga möral.

² Jisös Kraistnön Anutugörej Buña keu nanjögöba jim asariba kondel nenjiiga Jon nöñön yuai mi jeni meletniga uba ehali, mi pakpak miangö dop toroqeba nanjögöba jim asariba ohozal. ³ Kunñan kezapqetok keu ki oyonmawi, yanön mönö simbawon akza. Jisösgö kaka nalöñan töriza. Miangöra kimbi kiangörej keu ohoi ahözawi, ambazip mi kezap ala mötmei aka mi möt sölöngöba anjön kölmei, yenön mewöyök simbawon akze. Mewö.

Jonön Eisia prowinsgö zioz kambu 7 yengö jölönjini alök.

⁴ †Jon nöñön Eisia prowinsgö zioz kambu 7 engöra kewö ohozal:

Kunön mal köhöizawi, möpnanjögö möpneyök mala koröhi, aka kunbuk lilingömawi, yanön mönö kalem möriam engiiga luainön malme. Mewöñanök Anutugö uña bohonji 7 yanjögö jakömbuak dum wösöñe kinjei, yenön mönö kalem möriam engigetka luainön malme.

⁵ ††Jisös Kraistnön Anutugö könanji pöndan nanjögöba jim asariba mala mutukña kömupnöhök wahörök. Yanön gölmegö kiñ kembu yengö Kembunji akza. Yanön mönö sepnan sanjonnda singisöndoknineyök pösat nenjiba jöpaköm nenjimakza. ⁶ †Yanön nini nanji bemtohoñe ala mem letot nenjiiga kiñ ewö akzin. Buña nup galömurupnji (prist) aka nanji Iwi Anutunanjögö welenji qemakzin. Nenön yanjögö qet-bunanji aka kukösumnji möpöseininga nalö teteköni qahö aködamunñambuk ahöm öngöma. Keu mi ölna.

⁷ ††Eket, Kraistnön mönö kousu uruje eta kama! Kamawi, nalö miangörej nini körekmakörek i jeninan uba ekin. Börö marömñi qetohogeri, yanön mönö mewöyök i ekñe. Ambazip kambunji kambunji gölme

† 1.4 Eks 3.14; Ind 4.5

†† 1.5 Ais 55.4; Sum 89.27† 1.6 Eks 19.6; Ind 5.10 †† 1.7 Dan 7.13; Mat 24.30; Mak 13.26; Luk 21.27; 1 Tes 4.17; Zek 12.10; Jon 19.34, 37

dop tat anjini, neñon mönō i eka körekmakörek yangōra aka jingēñ köla amburereñ akin. Keu mi ölbölna, uruyahōtñi kun qahō.

⁸ †Kembu Anutu mal köhöizawañon kewō jiza, “Nōñon mutuhök mala (yuai pakpak miwikñaiba könañgep jiba qahōwahiga) qōndökña mal öñgōmam. Mianğō dop nōñon kulem namñi mutukñi A aka kulem namñi qōndökñi Z akzal.” Nōñon kukōsum pakpakō Tonji möpñañğō möpñeyök mala kota maljal aka kunbuk lilingōmam. Mewō.

Suep gölmegō azi ölnañğō tandökñi kewō ehal:

⁹ Jon nōñon engō urumelenē neñakñini akzal. Kraist-puk qekōtahōbiga nanñi bemtohorē al niñgiiga ambazipnōñ sihimbölō ak niñgigetka wahōjalij mörakzal. Mi embuk möta mökösōñda kapanē köla köhöiba kinjal. Anutugōreñ Buña keu jim sehiba jisōsgō könañi nañğōba jim asariba malalañğōra nōmemba köwet jōlanñi qetñi Patmos †† mianğōreñ al niñgiget malal. ¹⁰ Kembugō sonda kendon tatat nalō kunōñ Uña Tōrōñan nōmeiga alburup umumñan qakne öñgōiga andōneyök qet ketañi kun möral. Qet kourukñi mi tōmun qainñi kun (biugel) qetzawi, mianğō tandök-tandök ahōyök.

¹¹ Qet mianñon kewō jiyök, “Öroyuai uba ekñani, mianğō keuñi mönō kimbi köpepnōñ ohoman. Ohoba alnōnga zioz kambu 7 yengōreñ anma. Siti 7 mienğō qetñini kewō: Efesus, Smōrna, Pergamum, Taiataira, Sardis, Filadelfia aka Laodisia.”

¹² Keu mewō jiiga ötōñi mörali, “Mi dañon?” jiba eka mötmamgōra lilingōyal. Lilingōba kinda lambegō dum tatat goulñōñ memēñi 7 kingetka ehal. ¹³ ‡Lambegō dum tatat mienğō sutñine azi kun ekiga kaisōñgolomñan gölme azigō tandök ahök. Malukunji körōpñi köla örōiga köna susuñe eta turuyök. Opo jōhan mañgihilakñi goulñambuk mi örigit ewō tōp-tōpñe embahōm añğuba kinök.

¹⁴ Nöröp jupñan tuat lalamñi kousu köpköp (snow) ewō ahök. Lama jupñi sañğōñgetka tuarizawi, mönō mianğō dop ehal. Jekōtñan könöp bölam ewō jem asariiga kinök. ¹⁵ Köna susuñan sōsōnihiba gohotñi ahök. Ain bras könōpnōñ ala delasi ohogetka jeiga gögōriñ tohomakzawi, mönō mianğō dop kölköl-bilik-bilikñambuk ahōyök. Keu jii mörali, mi o ketañan sianōñ giliga ötōñi ketañi mörakzini, mönō mianğō dop ahōyök. ¹⁶ Börōñi ölnañ señgelau 7 memba kinök. Numbuneyök bimğō sou ketañi (bainat) jityahōtñi like-like zuluk alañan erök. Jemesoholñan wehōn jenji körek asarim tekōmakzawañğō dop asariiga ehal.

† 1.8 Ind 22.13; Eks 3.14 †† Patmos mi köwet jōlanñi morōñi (Yurop aka Afrika) Sutñire Köwet mianğōreñ ahōza. Efesus mosōta Saut görōken 80 kilomita anman. Rom gawman yēñon kegwek-kahasililij ambazip keuñini jim tekōba közōla enğuañgiketka mianğō kösō mirinōñ malget. Ölöñ kölbingō osiget. Gölme mi qararankölkölña, kötñi seheseñi. Jonōñ yengō sutñine maliga sisan-kiñ Nerwagō nalōñe (yara 96-98) pōsatketka erök. ‡ 1.13 Dan 7.13; 10.5, 14-15; Dan 7.9; 10.6, 15; Eze 1.24; 43.2, 17; Ais 44.6; 48.12; Ind 2.8; 22.13

¹⁷ Nōñon i eka uruni duhui yangō könañe tala eta kömup tandök ahōyal. Mewō ahōbiga börōñi ölnañ nōñğō nörōpne ala kewō jiyök, “Mönō keñğōtki kude mötnōñ! Nōñon mutuhök mala (yuai pakpak miwikñai-ba könañgep jiba qahōwahiga) qōndökña mala öñgōmam.

¹⁸ “Nōñon malmal Tonji akzal. Kömumba malalmō, mötnōñ, nōñon mönō guliba wahōta malmal köhöikñi tetekōñi qahō mal öñgōmam. Nōñon kömupkö kon-dotkondot Tonji galōm köla kömupkö uñem miri Tonji ongita kiñi morōñi memba maljal. ¹⁹ Mianğōra yuai nalō kewōñe asuhuzawi aka könañgepñe asuhumawi, nōñon mianğō könañi kondelbi ekñan. Yuai ekñani, mi mönō papianōñ ohonōñga ahōma. ²⁰ Señgelau 7 börōni ölnañ ahōzei aka lambegō dum tatat goulñōñ memēñi 7 ekzani, mienğō könañini tōlapñi kewō: Señgelau 7 mi zioz kambu 7 mienğō garata galōmñi-nañğō söpsöp akze. Lambegō dum tatat goulñōñ memēñi 7 mienñon mönō zioz kambu 7 mienğō söpsöp akze.” Mewō.

Efesus urumelenē könagesō yengō qambañ keu

2 Jisōsnōñ toroqeba jiyök, “Jon göñon mönō Efesus sitigō zioz kambu yengō pom garatañinañğōra kimbi kewō ohoman,

“Kunōñ börōñi ölnañ señgelau 7 memba lambegō dum tatat goulñōñ memēñi 7 mienğō sutñine anda kaba kinakzawi, yañon keu kewō jiza: ² Nōñon göhō ahakmemegahō könañi möt kutubi kewō ahōza: Göñon nōñğōp ariba nupni köhöikñanök memba malakzan. Añğōsirip kapanē köla möta mökösōñda malakzan. Ambazip gōñğōñi yembuk ala qahōpmahöp aka ölnañ qepureiba közöl enğimakzan, mi mötzal. Tosatñan melaimelai azi aposol qahō aka tōndup qetñini mewō qerakzei, göñon i esapesapnōñ ala kewōt enğinōñga munēñ jijiñinañğō könañinan aukñe asuhuyök.

³ “Tosatñan nōñğō qetnañğōra aka kahasililij ak gi-higetka sihimbölō kapanē köla möta mökösōñda malnōñ. Ösumeret ölan qahō aka malnōñmō, yuai pakpak möt kösōñda kinda malnōñ, mi mötzal. ⁴ Mewō malnōñmō, urugahō keu kun kewō mötpi qahō dop kölja: Mutuhök urugi melenñda önōñi qahō jōpakōm niñgiba malnōñmō, urugan mönō sōrauiga nalō kewōñe amōriba maljan.

⁵ “Mutuhök urusōsōñgai ketañi möta malnōñmō, mianğōreñök löwōriba eta eta amōriba et qeba maljan. Gi mönō nangi könagi mi mötmōriba möt kutuman. Mianğōra mönō urugi melenñman. Mutuhök urumelenğō yuaiñi akñōñi, mönō mianğō dop kunbuk suariba akñan. Urugi siñğisōndok mianğōreñök qahō melenñman ewō, nōñon mönō göhōreñ kaba lambegō dum tatatki qekōbiga urumelenē könagesō Efesus mianğōreñ kunbuk qahō ahōma. ⁶ Et guhuyōkmō, göhōra kewō mötpi ölöwakza: Göñon Nikolait yengōreñ ahakmemēñini tökōba uru önōñ ahakzan. Nōñon mewōñanök mi tökōba mianğōra uru önōñ ahakzal.

7[†]Engörenök kunñan kezapñambuknön malja ewö, Uña Töröñan zioz kambuñi kambuñi nengöra keu jimakzawi, yañön mönö mi kezap ala möt kutuma.

“Kunñan esapesap bölöñi pakpak ongita luhut almawí, nõñön mönö i wangitpiga Anutugö oyaenköy-aen nupnön (paradais) euyangören öngöba malmal köhöikñangö ip aumñe tata köñji nembra malma.” Mewö.

Smörna urumelen könagesö yengören qambañ keu

8^{††}Smörna sitigö zioz kambu yengö pom garatanñangöra mönö kimbi kewö ohoman,

“Kömumba guliba mal köhöizawañön mutuhök mala (yuai pakpak miwikñai ba könangep jii qahöwahiga) qöndökña mal öngömawí, yañön keu kewö jiza:

9 Göñön wahöjalij möta etqeqenji akzani, mi mötzalmö, Anutugö jeñe qetbuñagan öngöñgönji aiga simbawon akzan. Tosatñan Juda ambazip qahö aka töndup qetñini mewö qerakzei, yañön mepaqepaik aka andö qem gihigetka angösirip mörakzani, mi mötzal. Yeñön ‘Köuluk miri ölnj akzin,’ jiba aiakanñan Satan möpöseimakze.

10 “Sihimbölö möta malmanmö, miangöra keñgötki kude mötman. Mötnön, Bölöñangö Tonñan esapesapnön al engimamgöra ambazip kungum engiiga engörenök tosatñi engömembra kösö mire al engime. Angösirip ak engimei, injini mi silim 10 möta malme. Malbeak me kömumbeak, mönö nõmbuk pöndañ kingetka nõñön malmal köhöikñangö ila jalöñji engimam.

11[†]Engörenök kunñan kezapñambuknön malja ewö, Uña Töröñan zioz kambuñi kambuñi nengöra keu jimakzawi, yañön mönö mi kezap ala möt kutuma.

“Kunñan esapesap bölöñi pakpak ongita luhut almawí, yañgö silenñan kömuiga mohot akñapmö, kömup yahötñi qahö kömumba geñmororon qahö miwikñaima.” Mewö.

Pergamum urumelen könagesö yengö qambañ keu

12 “Pergamum sitigö zioz kambu yengö pom garatanñangöra mönö kimbi kewö ohoman,

“Kunön bimgö sou ketanji (bainat) jityahötñi likelike zuluk alalñi memba maljawí, yañön keu kewö jiza:

13 Göñön malmal tatatki denike ala maljani, mi mötzal. Satanön nanñak jakömbuak dum tatatñi ali ahözawí, gi mönö miangö kösutñe malakzan. Töndup nõngö qetni memba nõmbuk toroqeba qekötahöba kinakzan. Satangö malmal tatatñi Pergamum siti miangören ahöiga Antipas yañön nõngö könangamni nañgöba jiba jembon onji nene (qariwe ilikñi nene) ewö kinökmö, i engö sutñine miangören qeget kömuyök. Göñön ni möt narim niñgimakzani, keu mi nalö miangören mewöyök qahö köyatiba qañ kölnön.

14^{††}“Mewömö, urugahö keu morönji kun kewö mötñi qahö dop kölja: Göhö könagesö sutñine tosatñan

† 2.7 Jen 2.9; Ind 22.2; Eze 28.13; 31.8 †† 2.8 Ais 44.6; 48.12; Ind 1.17; 22.13 ‡ 2.11 Ind 20.14; 21.8 †† 2.14 Jan 22.5, 7; 31.16; Dut 23.4; Jan 25.1-3

kezapqetok azi takapulakanji qetñi Balam yañgö janjuñbuk mala wuatangömakze. Kantri tosatñi yeñön nene memba tandö lopion yengö naluk kötin buña qeba könangine algetka ösumñinan walöññöhi, Israel ambazipnön mi qahö nezema. Mutuk qahö negetmö, Balamnön azi qetñi Balak kewö kusum wangiyök, ‘Gi mönö Israel ambazip mi nemegöra tutuhum engiman.’ Mewö kusuba kungum engiba simba ewö utuba alöhi, yeñön mönö miangören qaköba amqeba neget aka serowilin lañ aket. Engörenök tosatñan Balamgö mötmöt mi wuatangömakze.

15 “Mewöñanök göhö könagesö sutñine tosatñan Nikolait yengören mötmöt muneñi memba wuatangömakze. 16 Miangöra gi mönö urugi melenman. Mewö qahö akñan ewö, nõñön mönö zilañ göhören kaba könagesöurupki mewöñi mi qetal engimam. Numbune bimgö sou ketanji (bainat) ahözawí, miangören mönö yarö gil engimam.

17^{††}Engörenök kunñan kezapñambuknön malja ewö, Uña Töröñan zioz kambuñi kambuñi nengöra keu jimakzawi, yañön mönö mi kezap ala möt kutuma.

“Kunñan esapesap bölöñi pakpak ongita luhut almawí, nõñön mönö nene tölapñi qetñi mana aka köt tuatñi wangimam. Yahöt mi wangibiga köt tuatñi miangören qetñi dölöknji ohogetka ahömawí, mi nanñök oyonda mötma. Tosatñan mi qahö mötme.” Mewö.

Taiataira urumelen könagesö yengö qambañ keu

18 “Taiataira sitigö zioz kambu yengö pom garatanñangöra mönö kimbi kewö ohoman:

“Anutugö Nahönñangö jekötñan könöp bölam ewö jem asariiga köna susuñan sösonihiba ain bras ewö kölköl-bilikbilikñambuk akzawí, yañön keu kewö jiza:

19 Nõñön göhö ahakmemegahö könangji möt kutubi kewö ahöza: Göñön Anutu jöpaköba möt narim wangiba nupñi memakzan aka angösirip kapañ köla möta mökösonñda malakzan. Könakönahine yuai aka menöñi, mi mönö nalö kewöñe mem sehiba aka memakzan.

20^{†††}“Mewö memakzanmö, urugahö keu kun kewö mötñi qahö dop kölja: Göñön ambi qetñi Jezebel yambuk urumohot aka i qahöpmañöp qepureim wangimakzan. Yañön kezapqetok ambia qahö akzapmö, töndup nanñi qetñi mewö qerakza. Yañön ambazip tutuhuba kewö kusum engimakza: Tandö lopiongö naluk kötin neneya buña qeba könangine algetka ösumñinan walöññöhi, mi mönö ölop nembra malme. Mewö kusum engiba nup meme alaurupni kungum engiiga löwöriba janjuñ anda mi nemakze aka serowilin lañ ahakze. 21 Nõñön Jezebel urunji melenmapköra nalö wangialmö, serowilinñi mosöta urunji melenmapkö qahö möta töndup malja.

22 “Miangöra nõñön ambi mi qeiga kawöl yöhöiga salöknön ahöba sihimbölö mötma. Mewöyök yambuk sero yongorö ahakzei, yeñön ahakmemenñi bölöñi mi qahö mosöta urunji melenme ewö, nõñön mönö i

‡ 2.17 Eks 16.14-15; 16.33-34; Jon 6.48-50; Ais 62.2; 65.15 ††† 2.20 1 Kir 16.31; 2 Kir 9.22, 30

mohot enggubiga sihimbölö kanjamnambuk mötme.

²³ †Yangö nahönböraturupnji i mönö engum könjöratpi kömume. Mewö akiga zioz könagesö körek enjön engeka nöngö könani kewö möt yaköme: Nöñön ambazip urumötmötjni kewöta jit aka urusihimjni körek möt kömumba ahakmemenjanngö dop likepni melennda körek mohot mohot engö qakñine öngöma. Nöñönök mönö mianngö Tonji akzal.

²⁴ †“Yengöra mewö asuhumapmö, Taiataira engöreñök tosatjan Jezebelgö mötmöt arenji mi qahö wuatangömakze. Mewö qahö aketka engöra mepaqepaik kewö aka jim engimakze, ‘Injini mötmöt öngöngöñangö könani qahö möt kutuba yaigep malje.’ Mepaqepaik mewö jiba ak engimakzemö, Satangö buña mötmötköra qet mewö qerakze. Nöñön zioz kambu körek engöra kewö jibi mötme: Nöñön lömböt kun qahö suariba albi engö qakñine öngöma. ²⁵ Injini Buña keu memba maljei, mönö mianngöreñ qekötahöba malme. Nöñön kunbuk lilingömamanngö dop mönö mia wuatangöba malme.

²⁶ ††“Kunñan esapesap bölöñi pakpak ongita luhut ala kömumawangö dop mönö tündup jitni tem köla ahakñawi, nöñön i kukösum wangibiga kian kantriji kantriji galöm köl engiba malma. ²⁷ Iwinan kukösum ninggiiga mi buña qem anguba Kembu maljal. Mewöñanök engöreñök kunñan luhut almawi, nöñön i jakömbuak nupkö ilañi aka ain öröpñi wangimam. Mi wangibiga mianñön gölmerñi gölmerñi ambazip galöm köl engiba köhöikñanök mindingöm engiba malma. Gwaköm kimbut öröpnöñ qeba qesinjei, yanñön mönö mianngö dop qegetal ambazip öröp pöwöwöm köhöikñi mianñön enguba könderñda menderñ engiiga qeqlañlan malme. ²⁸ Mewöyök söñangö undi senjelau wangimam.

²⁹ †“Engöreñök kunñan kezapñambuknöñ malja ewö, Uña Töröñan zioz kambuñi kambuñi nengöra keu jimakzawi, yanñön mönö mi kezap ala möt kutuma.” Mewö.

Sardis urumelenj könagesö yengö qambañ keu

3 †Jisösnöñ toroqeba kewö jiyök, “Sardis sitigö zioz kambu yengö pom garatanjanngöra mönö kimbi kewö ohoman,

“Kunöñ Anutugö uña bohonñi 7 aka senjelau 7 mi böröñe ahöi memba maljawi, yanñön keu kewö jiza: Nöñön göhö ahakmemegahö könani möt kutubi kewö ahöza: Göñön ambazip jeñine guliba maljanangö qetñi bisimakzanmö, Anutugö jeñe köhömunji akzan. ² Mianngöra mönö imbigi möta wahötman. Göhö ahakmemegan nöngö Anutunangö jeñe aködamunñambuk qahö akza. Göhö könangamgi kewöta mewö miwikñai. Göhö könagesö uruñe urumelenj ambazip tosatñi kunbuk maljemö, yanñön mewöyök kömum taköbingö akze. Mianngöra göñön mönö mem köhöim engiba malman.

³ ††Anutugö yuai gihigetka buña qem anguba mötñöñi, mi mönö urukönömge jöhöba mötmöriman.

† 2.23 Sum 7.9; Jer 17.10; Sum 62.12 †† 2.26 Sum 2.8-9

Buña mi mönö tem köla urugi melenman. Guliguli qahö malman ewö, nöñön mönö yongorö meme ewö ölöñ kaba asuhumam. Kamamanngö aua nalöñi qahö mötnöngga keunan mönö zilañ qake öngöiga lömböt miwikñaiman. ⁴ Mewömö, Sardis zioz kambu engö sutñine ambazip awamdökñi enjön opo söronjini ölöpñanök galöm kölgetka töwötñambuk qahö akze. Mianngöra yanñön ölöp maluku tuatñan silenjine löngöta nömbuk anda kaba malme. Yanñön mönö mewö aka malmeanngö dop akze.

⁵ †“Kunñan esapesap bölöñi pakpak ongita luhut almawi, yanngöra mönö maluku tuat lalamñi wangigetka köla malma. Yanngö qetñi malmal köhöikñangö buk papiantöñ ohoget ahözawi, nöñön mi qahö kutumam. Iwinangö jemesoholñe angoriga Suet garaturupñan eketka qetñi ölöp aukñe jim miwikñaim engimam.

⁶ †“Engöreñök kunñan kezapñambuknöñ malja ewö, Uña Töröñan zioz kambuñi kambuñi nengöra keu jimakzawi, yanñön mönö mi kezap ala möt kutuma.” Mewö.

Filadelfia urumelenj könagesö yengö qambañ keu

⁷ ††“Filadelfia sitigö zioz kambu yengö pom garatanjanngöra mönö kimbi kewö ohoman,

“Kunöñ Azi Töröñi aka Ölbölñi aka kin Deiwidkö ki moröñi memba galöm köla maljawi, yanñön keu kewö jiza: Yanñön nanggu metaliga kunñan mi köla kinji memamgö osima. Yanñön mi köla jöhöiga kunñan mi musulmamgö osima. ⁸ Nöñön göhö ahakmemegahö könani ölöp möt kutuzal. Alani mötnöñ, göhö ösumgan eretñi akzawi, mi mötzal. Eretñi akzapmö, göñön mönö nöngö Buña keuni tem köla könani wuatangöba qetni qahö qañ köla malnöñ. Mianngöra nöñön nanggu kun wösöge metalbiga kunñan mi kölmamgö osima.

⁹ ††“Mötnöñ, kambu kun yanñön ‘Köuluk mirininambuk akzin,’ jiba aiakanjan Satan möpöseimakze. Juda ambazip qahö aka tündup qetñini mewö qeta munenji jimakze. Nöñön ambazip mi kunñamgi engibiga göhö könangamgi möt asarime. Mi möt asariba kaba göhö könage sipköba eta jöpaköm gihimakzali, mi aukñe jim miwikñaim. ¹⁰ Nöñön kapan köla lömböt möta mökösonñda kin köhöimangö jiali, göñön nöngö jimkututuni mi angön köla wuatangöba malnöñ. Mianngöra nöñön mewöyök gi kewö angön köl gihimam: Wahöjalij nalö tandökñi kun kaba kantriji kantriji dop köla gölmenöñ mal anjei, mi esapesapnöñ al engima. Nalö mianñön kam kunñuiga nöñön gi wahöjalij mianngöreñök meköba bohongi jöhömam.

¹¹ †“Nöñön mönö zilañ lilingöba kamam. Kunñan utum gihiba ila jalö memenje luhut al gihibapüköra mönö urugö inap ahöm gihizawi, mi mönö töp memba malnöngga qahö sohoba kahaimök ahöma.

¹² ††Kunñan esapesap bölöñi pakpak ongita luhut almawi, nöñön mönö i wangita nöngö Anutunangö möpömöpösei jike (tempöl) uruñe kunñubiga tandöñi

‡ 3.3 Mat 24.43-44; Luk 12.39-40; Ind 16.15; Eks 32.32-33; Sum 69.28; Ind 20.12; Mat 10.32; Luk 12.8 †† 3.7 Ais 22.22; Job 12.14 †† 3.9 Ais 49.23; 60.14; 43.4 ††† 3.12 Ind 21.2; Ais 62.2; 65.15

akña aka nalö kunön mi kunbuk qahö mosötma. Mi-angörej maliga silenje nani Anutunangö qetnji, Anutugö sitiñangö qetnji aka nani qetni dölokñi qet karöbut mi ohomam. Anutunan Jerusalem sitiñi dölokñi mi nanji mire euyangörej ali ahözawi, mi-anön Suepnöhök eta gölmenön asuhuma.

¹³ “Engörejök kunñan kezapñambukñön malja ewö, Uña Törönjan zioz kambuñi kambuñi nengöra keu jimakzawi, yanön mönö mi kezap ala möt kutuma.” Mewö.

Laodisia urumelenj könagesö yengö qambañ keu

¹⁴ “Laodisia sitigö zioz kambu yengö pom garatanjanangöra mönö kimbi kewö ohoman,

“Kun qetnji Amen. Yanön Anutugö keunji pöndañ nanngöba Dangunu ölbölñi akza. Anutu bauköiga yuai pakpak miwikñaiyohotka galöm kölakzawi, yanön keu kewö jiza: ¹⁵ Nönön göhö ahakmemegahö könani möt kutubi kewö akza: Urugi qahö amöriza aka nöngö könöp bölamnan uruge qahö jemakza. O urugan amöribawak me könöwibawak, mi-anön mötpi dop kölbawakmö, jöñañe malnönga qahö dop kölja.

¹⁶ “Kun me kun dop kölbawakmö, urugan borom kun könöpkönöp aiga könöpkan qahö jezawi me uruamöt qahö akzani, mi qahö dop kölja. Könöp aka amöt sutñire uruyahötnön lañ maljanangöra mönö numbuneyök söwötköm gihibi geman. ¹⁷ Nangi silegi mem öngöba kewö jimakzan: Nönön azi kindinbirik qetbuñanambuk akzal. Sukinap mem sehiba dopne miwikñazal. Siyonsayonji qahö mala yuai kungöra qahö osizal. Mewö jimakzanmö, könanamgi ölnji qahö möt kutuzani, mi kewö: Göñön mönö kumkanjam aka tapötkokorok (dabökokorok) malnönga tosatñan wösömötmöt ak gihimakze. Wanapñi mala jegi gömöliiga tiktauk sile aukñe malakzan.

¹⁸ “Miangöra qambañ keu kewö gihizal: Göñön nöngörejök yuai karöbut ki söngörönji meman: Azi kindinbirik qetbuñagabuk akñangöra mönö goul könöpnön delasi ohoba gödöwörötñi menderget sösonihiba eta qahöwahöhi, mi mönö bohönji meman. Sile aukñe malakzani, miangö gamuñi közamböt-mangöra mönö maluku tuatñi bohönji memba löngötman. Jegi gömölizawi, miangöra mönö jepisik kelök mi bohönji memba jegi törörök umangöra miriman. ¹⁹ ††Nönön wölböt alaurupni jöpaköm engimakzali, mi körek bölöñamñinanangöra tembula jim engiba mindinñindin ak engimakzal. Ölöwakñegöra mewö ahakzal. Miangöra gi mönö jaulalañ mosöta urugi melenja sinjisöndoki andö qeba malman.

²⁰ “Mötnön, nöñön nangunön qeba kinjal. Kunñan nöngö keu imbini möta uru nangunji musulmawi, nöñön mönö yangö miri uruñe öngöba yambuk tatpi yanön nömbuk köisirik tata mohotñe nene nembit.

²¹ “Nönön esapesap bölöñi pakpak ongita luhut ala Iwinan noañgiri yangö jakömbuak dumñe eta göhörerñe tatzal. Miangö dop kunñan esapesap bölöñi

pakpak ongita luhut almawi, nöñön mönö i wanñitpi-ga nöngö jakömbuak dumne eta göhörerñe tatma.

²² “Engörejök kunñan kezapñambukñön malja ewö, Uña Törönjan zioz kambuñi kambuñi nengöra keu jimakzawi, yanön mönö mi kezap ala möt kutuma.” Mewö.

Jeni melenjiga kunön Suep jakenön tariga ehal.

4 Miangö andöñe jemelenj kunbuk asuhuiga Suep miri nangunji kun añañiiga ehal. Ekiga imbi mutuk tömun qainji kun (biugel) ewö keu jiiga mörali, yanön mönö suariba kewö jiyök, “Gi mönö kewö kotnönga andöñe yuai asuhumawi, mi kondel gihimam.”

² †Mewö jiiga miangörejök Uña Törönjan nömeiga alburupñan qakne öngöiga yuai kewö ehal: Suep miri uruñe jakömbuak dum ahöiga kunñan miangörej tarök. ³ Taröhi, yangö jemesoholñangö asakñan mönö eröknam me jamönñij qetnji jaspö aka wale bönbönñi me köt qetnji karnilian miangö dop gilikbilikñambuk asariba ahöyök. Kiam nesilam kun kulem mundañi mumunene kambönji me jamönñij qetnji emerald ewö miangö jakömbuak dum mi lökñanök liliköba töngönñi göröhibi ahöyök.

Dum bohönji liliköba dum 24:ñan tatze.

⁴ Jakömbuak dum tosatñi 24 mienön dum bohönji mi liliköba tatketka miengö qakñine Anutugö jite-memeurup 24 tatket. Yanön malukunñi tuat lalamñanök öluñ geiga nöropñine goul ila jalö kunduta tatket. ⁵ ††Dum bohönji miangörejök wöl bilikbilik jesöngö asariiga ginjururuñ asuhuiga imbi wölpöndañgö ötön kourukñi ewö möral. Dum bohönñangö wösöñe tos kiwa asakñi 7 jeba asariba kinget. Kiwa 7 mi Anutugörej uña bohönji 7 akze. ⁶ ††Mewöñanök jakömbuak jake wösöñe yuai gilikbilikñambuk köwet ewö ehal. Mi kirin jöhanñi jöhanñi kölköl-bilikbilikñi-nambuk melenja asarimakzei, mönö miangö dop asariyök. Jake bibiñe dum liliköba bem jembon 4 kinget. Andönñi aka wösöñini mi jeñinanök dop köliga kinget.

⁷ Bem jembon mutukñan laion sömbup ewö ahök. Alañan bulmakau aziñi ewö ahök. Alañiri kungö kaisongolomñi mi azi jesöngörönñangö tandök ahök. Alañini 4:ñan tukapkap bölbölgömakzawangö tandökña ahök. ⁸ Bem jembon 4 mohot mohot yengö ginginñini 6 pakpak ahöm engiyök. Silenñini lökñanök aka ginginñini bapñe mewöyök jekötñinanök dop köleñgiiga kinget. Kinda sungem silim linjet kewö qörörök kölakze,

“Kembu Anutu kukösum pakpakö Tonji göñön mönö törönji aka törönji aka törönjanök akzan.

Malmal Tonji göñön mönö möpñangö möpñeyök mala kota maljan aka kunbuk lilingöba asuhuba mal öngöman.”

‡ 4.2 Eze 1.26-28; 10.1 †† 4.5 Eks 19.16; Ind 8.5; 11.19; 16.18; Eze 1.13; Ind 1.4; Zek 4.2 †† 4.6 Eze 1.5-10, 22; 10.14; Eze 1.18; 10.12; Ais 6.2-3

⁹ Bem jembon 4 mienjōn mōnō mewō möpōmöpōsei liñet kölakze. Kunōñ jakōmbuak dumnōñ kinda nalō tetekōñi qahō mal öngōba malmawi, i akōdamun qetbuñja al wañgiba saiwap jimakze. ¹⁰ Mewō ahakzeañgō dop Anutugō jitñememe 24 mienjōn eta kun jakōmbuak dumnōñ tatzawi, yañgō jeñe simin kōla sipkōmakze. Kunōñ nalō tetekōñi qahō mal öngōba malmawi, yañgō waikñi memba möpōseim wañgimakze. Möpōseim wañgiba ila jalōñjini qekōba jakōmbuak dum wōsōñe ala kewō jimakze,

¹¹ "O Kembu Anutunini, gōñōn örōyuai pakpak miwikñaim enñinōñ. Gōhō jitsihitkan nam köl enñiiga letota malmal miwikñaiaba malje. Miangōra akōdamun qetbuñja mi al gihiba saiwap jim gihimakzin. Gōñōn mohotñan mōnō möpōqöpōsei pakpak añgōn kölmanañgō dop akzan." Mewō.

Lamanōñ Anutugō börōñeyök kimbi köpöp meyök.

5 [†]Miangō andōñe kimbi köpöp kun ekiga jakōmbuak dumnōñ tatzawañgō börōñi ölñe ahöyök. Kimbi miangō sinñi mi likeplikēp lökñanök kulemöhök ohoba köpeiba sapōnōñ ala muñgem supap (sil) ^{††} 7:nōñ kōla mekōtahōgetka ahöyök. ² Mewōyök Suep garata ösum-mumuñambuk kun ekiga köhöikñanök qeta buzup keu kewō qesiba jiyök, "Dañōn sarak sorokñi aka ölöp kimbi köpöp kiangō muñgem supapñi (sil) munjurata kötulmawañgō dop akza?"

³ Mewō jiyökmō, Suepnōñ, gölmenōñ aka kömupkö uñem miri miangōreñ körekmakörek engegetka kunñan kun mi mutula kulemñi ekñawañgō dop qahō ahök. ⁴ Kunñan kun sarak sorokñi aka kimbi mi mutula kulemñi ekñawañgō dop qahō miwikñaiageri, miangōra nōñōn gwōtpuk sahöt böliäl. ⁵ *Sahöt bölibiga Anutugō jitñememe yengōreñök kunñan nōñgōra keu kewō jiyök, "Mōnō kude sahōtnōñ. Mötnōñ, Juda kambunöhök Deiwidkö gwölōnarökñi kun ahuba laion sömbup ewō aka Bölöñañgō Tonji luhut ala malja. Yañōn mōnō ölöp köhöiba kimbi köpöp kiangō muñgem supapñi (sil) 7 mi munjurata kötulma."

⁶ ^{††}Mewō jiiga Lama morōñi ekiga jakōmbuak dum bibiñe bem jembon 4 miengō sutñine kiniga Anutugō jitñememe yeñōn lilikōm wañgiget. Lama morōñi mi-añōn mōnō qeget kömuyōhañgō tandökña kinök. Ilikñi 7 aka jekötñi 7. Anutunōñ uñaurupñi bohōñi 7 melaim enñiiga gölmegō ambazip pakpak yengōreñ anda maljei, jekötñi 7 mi mōnō yengō söpsöpñina akze. ⁷ Lama morōñi mi ekiga kaba kimbi köpöp supapñambuk mi jakōmbuak dumnōñ tatzawañgō börōñi ölñeyök meyök. ⁸ ^{†††}Mi meiga bem jembon 4 aka Anutugō jitñememe 24 mienjōn mōnō miangōreñök Lama morōñañgō wōsōñe sipkōba eta simin kölget. Yeñōn mohot mohot kulele aka goul qambi memba kinget.

[†] 5.1 Eze 2.9-10; Ais 29.11 ^{††} Kantri tosatñe kimbi ohoba esunōñ ala sapō memba kunñan mi kötulbapukōra aka muñgem supapñōñ kölakze. Kunñan muñgem supap (sil) mi lañ munjurata kulemñi yonggorō oyoñbawak, mi mōnō miwikñaigetka keubuk akña. Kimbi tonñanök mi galōm kölakza. Miri mi ki namñi ala misiin gemakzapmō, kimbi mi muñgem supapñōñ jöhōmakze. [‡] 5.5 Jen 49.9; Ais 11.1, 10 ^{††} 5.6 Ais 53.7; Zek 4.10 ^{††} 5.8 Sum 141.2

Ambazip sarakñan köulukōgetka Anutugōreñ öngōmakzawi, mi-añōn mōnō jiniñ ohohogō dop aiga wōrōñi umköhōwakñambukñōñ öngōba pukpukōmakza. Wōrōn mewōñan mōnō goul qambiñini kōlak qeiga kinget. ⁹ ^{†††}Simin kōla liñet dölökñi kewō kōla jiget,

"Gōñōn qainñi kun akzan. Gi guhugetka kömumba sepki mokoba mi-añōn ambazip bohōñi memba enñōmenōñ.

Ambazip mi bem isikñinañgō dop, keu jöl jijiñinañgō dop, kambuñinañgō dop aka kantriñinañgō dop. Gōñōn mōnō miengōreñök tosatñi enñōmenōñga Anutugō buñaya akze.

Miangōra gōñōn mōnō sarak sorokñi aka kimbi köpöp supapñambuk memba muñgem supapñi (sil) mutulmanañgō dop akzan.

¹⁰ ^{††}Yeñōn Anutugō buñaya aketka kusum enñiba kunñum enñinōñga bemtohoñgahō kiñ kembu kambu aka jike nup galōmurupñi akze. Yeñōn Anutuninañgō nupñi memba mala gölme dop ambazip galōm köl enñiba mal öngōme."

¹¹ [§]Liñet mewō kōla jigetka möta toroqeba uba Suep garata jañgōñini tausēñi tausēñi aka milyōññi milyōññi mi enñeka liñet kourukñini möral. Yeñōn jakōmbuak dum kösutñe kinda bem jembon 4 aka Anutugō jitñememe 24 mi lilikōm enñiba liñet kölget. ¹² Liñet köhöikñanök qeta kewō kölget,

"O Lama morōñi qeget kömuyōhi, yañōn mōnō sarak sorokñi aiga Anutunōñ ösum-mumu aka töhötmōriam wañgiiga dopñe akza.

Mötkutukutu öngōñgōñi aka kukōsum pakpak buñja qeiga dopñe akza. Sarak sorokñi aiga ölöp qetbuñja pakpak wañgiinga asakmararañ buñja qeiga möpōseim wañgizin."

¹³ Mewō kōla möpōseigetka liñet kambu kun kewō möral: Anutunōñ malmalbuk miwikñaim enñiyōhi, mienjōn mōnō körekmakörek liñet kölgetka möral. Suepnōñ maljei, gölmenōñ maljei, kömupkö uñem mire aka köwet qakñe maljei, mienjōn mōnō körek numbuñini mindiriba liñet kewō kölget,

"Jakōmbuak dumñe tatzawi aka Lama morōñi neñōn iñiri möpōseim etkizin.

Kötuet Tonji etkö qetbuñañiri jim qarimakzin. Nalō dop asakmararañ etkiinga kukōsum Tonji mi tetekōñi qahō mal öngōmahot."

¹⁴ Mewō kölgetka bem jembon 4 mienjōn "Keu mi ölña," jiget. Jigetka Anutugō jitñememe yeñōn eta dapköba simin kōla Anutu waikñi memba möpōseim wañgiget. Mewō.

Lama morōñan muñgem supap mohot mohot munjurata.

6 Mewō möta yuai kewō asuhui ehal: Lama morōñan kimbi köpöp supapñambukō muñgem supapñi (sil) 7 miengōreñök mutukñi munjurata kötölök. Kötuliga bem jembon 4 yengōreñök kunñan keu

^{†††} 5.9 Sum 33.3; 98.1; Ais 42.10 ^{†††} 5.10 Eks 19.6; Ind 1.6 [§] 5.11 Dan 7.10

kewö jiyök, "Mönö asuhaba kanöñ!" Keunji mi wölpöndañ tandök ewö köhöikñanök qeri möral. ² †Mewö jiiga möta miangörenök hos tuatñi kun asuhuiga ehal. Hos miangö qakñe azi kun timbiñambuk tari tosatñan ila jalö wangigetka nöropñe kölok. Mi köla yarönöñ luhut ala malöhanöñ mönö kunbuk hos qakñe yarönöñ luhut almamgöra anök. Mewö.

³ Lama moröñan muñgem supap (sil) yahötñi munjurata kötuliga bem jembon yengörenök yahötñi yañön keu kewö jii möral, "Mönö asuhaba kanöñ!" ⁴ ††Mewö jiiga miangörenök hos kun silenji pisikñi somaböambuk asuhuiga ehal. Azi kun hos miangö qakñe taröhi, Anutunöñ mönö i yom karim gili luai qahöwakñapkö kukösumñi wangiyök. Mi wangiiiga gölmenöñ aum angöhöba kömumegöra kuñguiga ambazip uru mem wahöt engimawangö kukösumñi miwikñaiyök. Mi miwikñaiiga bimgö sou keta bölokñi wangigetka memba anök. Mewö.

⁵ †Lama moröñan muñgem supap (sil) karöbutñi munjurata kötuliga bem jembon yengörenök karöbutñi yañön keu kewö jii möral, "Mönö asuhaba kanöñ!" Mewö jiiga miangörenök hos injañi kun asuhuiga ehal. Azi kun hos miangö qakñe taröhi, yañön inapkö lömbötñi kewöttingö dop ipñi (skeil) mi böronñan memba tarök. ⁶ Mewö tariga bem jembon 4 yengö sutñineyök kunöñ keu jiiga kourukñi tandök ewö kewö möral, "Silim mohotkö töwanji (Kina 5) mi-anöñ ölop 1 kilogram wit flaua me 3 kilogram bali flaua mi bohonñi meman. Töndup nenegö oil ip aka wain kösö nup mi mönö kude mem bölime." Mewö.

⁷ Lama moröñan muñgem supap (sil) 4:ñi munjurata kötuliga bem jembon 4:ñan keu jiiga kourukñi kewö möral, "Mönö asuhaba kanöñ." ⁸ ††Mewö jiiga miangörenök hos kun silenji gohotgohot aka kaukauñambuha asuhuiga ehal. Hos miangö qakñe taröhanöñ qetñi mi kömupkö kondotkondot Tonji. Yangö kösutñe kömupkö uñem miri Tonjan mewöñanök i wuatangöba kayök. Gölime mendengetka bahöñi 4 ahöiga miengörenök kungö ambazipñi mi galöm köl engibitkö kukösumñi mi Anutunöñ etkiyök. Kukösum mi etkiiga ösumñiran gölmegö ambazip bahöñi mi kewö mem kömum engiyohot: Tosatñan sou ketañan (bainat) auba kömuget. Tosatñan bödinöñ kömuget. Kawöl kanjamñambukñöñ tosatñi engömeiga kömuget aka tosatñi mi gölmegö sömbup kalñi miengöñ engöhögetka kömuget. Mewö.

⁹ Lama moröñan muñgem supap (sil) 5:ñi munjurata kötuliga miangörenök Anutugö ambazip tosatñi engugetka kömugeri, yengö uñanñi engehal. Yeñön Anutugö Buña keunji angö köla nangöba jim sehiba malgerangöra engugetka kömumba alta bapñe ahöget. ¹⁰ Euyangören ahöba köhöikñanök kewö qetket, "O Kembu kukösum Tonji, göñön diñdiñi aka ölbölñi akzan. Miangöra mönö nalö dawik mambörin teköiga miangören gölmegö ambazipñi kewöt engiba keunji jii teköman? Neñön gi welen qem gihiinga

† 6.2 Zek 1.8; 6.3, 6 †† 6.4 Zek 1.8; 6.2 ‡ 6.5 Zek 6.2, 6 †† 6.8 Eze 14.21

neñgugetka sepninangö kitipñi mi mönö wani nalönöñ melenñongga qakñine öngöma?"

¹¹ Mewö jigetmö, maluku tuatñi köropñi mi mohot mohot yengöra köl engiget geiga Anutugö jimkutukutu kewö engigetka mötket, "Inini mönö toroqeba nalö töroptökñi mamböta malme. Mötnarip alaurupñinan toroqeba urugö nup memba malgetka inini ewö mewöñanök engugetka kömume. Yeñön kömugetka jangö alali, miangöñ dopñe aiga nalö miangörenök mönö engugeri, yengö keunji jii tekömam." Mewö.

¹² ††Lama moröñan muñgem supap (sil) 6:ñi munjurata kötulöhi, mi uba ehal. Mi munjurata kötulöhi, nalö miangören kenöñ tandökñi sohosohoñi gilök. Wehön jeñan böuktutuk ala injañ köla wösöbirikö malukuñi sanjöp ewö (meme jupñan memeñangö tandök) aiga söñauyök. Köñ jeñan melenñda lökñanök pisihiba sep ewö ahök. ¹³ †††Mewö aiga señgelau suepnöñ ahözei, miengöñ mönö gölmenöñ etket. Newañ köñi gohoriba tatketka luhut köhöikñan qeba utuköba mumburatiiga erakzei, mönö miangö dop buratiba gölmenöñ tata pilpil etket.

¹⁴ †††Mewö etketka suap ehakzini, miangöñ mönö ayapköyök. Kimbi köpöp köpeigetka öröba anakawangö dop mönö wölakzak öröba anda ayapköyök. Mi ayapköiga kundunji pakpak aka köwetkö gölme jölanñi jölanñi mi mönö körek ahöahöñineyök zilañ kök ala sömuniget.

¹⁵ †Mewö asuhuiga gölmegö kiñ kembunji kembunji, azi jembonñi jembonñi aka suahö galömñi galömñi miengöñ mönö ölöñ köla asambötket. Ambazip kindiñbirik qetbuñanñambuk, ambazip kukösumñi-nambuk mi mönö körek kök ala asambötket. Nanñini nupñini memakzei aka toñinangö welenñini öne qemakzei, mi mönö körek pakpak bañet, köt kinimñi aka kundunjangö sem siañi jaruba miangören asambötketka engehal. ¹⁶ ††Miangören asamböta kundunji Tonji aka sem sia Tonji engohola kewö uletket, "Inini mönö kundunji jim tekögetka buaköba kaba turum neñgiget. Jakömbuak dumñe tatzawanöñ jemesohol köl neñgibapuköra aka Lama moröñangö irimsesewölñan neñgubapuköra mönö jim tekögetka közamböt neñgiget." Mewö uletket. ¹⁷ †††Yetköñ irimsesewölñiri aukñe kondeljahori, miangö nalöñi ketañan mönö kam kuñguba ahöza. Mi kunñan kun mesohol köla kinmawangö dop qahö. Mewö.

Israel ambazip 144.000 mi Anutunöñ asö köl engima.

7 ††Miangö andöñe Suep garata 4 engekiga gölmegö wangömmñi 4 miangören kinget. Yeñön gölmegö luhut Tonji bohonñi 4 mi jöhöm engiba angön kölget. Luhutñöñ gölme qakñe me köwet qakñe lañ gilbapuköra me ip kunñan qebapuköra mönö Tonji 4 mi böronñan memba jöhöba kinget. ² Anutunöñ Suep garata 4 mi gölme aka köwet könden engibingö kukö-

‡† 6.12 Ind 11.13; 16.18; Ais 13.10; Joel 2.10, 31; 3.15; Mat 24.29; Mak 13.24-25; Luk 21.25 ††† 6.13 Ais 34.4 ††† 6.14 Ind 16.20 § 6.15 Ais 2.19, 21 †† 6.16 Hos 10.8; Luk 23.30 ††† 6.17 Joel 2.11; Mal 3.2 †† 7.1 Jer 49.36; Dan 7.2; Zek 6.5; Eze 9.4, 6

sumñi enñiiga gölme wañgömñine kinget. Mewö kingetka engehiga Suep garata kunöñ wehön kotkotñeyök asuhaba wahöri ehal. Yañön malmalgö Toñi Anutugö muñgem asö öröpñi galöm köla kaba Suep garata 4 yeñgöra köhöikñanök qerök.

³ Qeta keu kewö jiyök, "Inini mönö gölme me köwet mi zilañzilañ kude köndenñ etkime aka ip mi kude ayuhum enñgime. Mi qahöpmö, mönö mambötketka mutuk zilañök Anutuninañgö muñgem asöñi mi nupñi memakzei, yeñgö mesoholñine mekötahöm enñgibin. Mi mutuk kösöba mekötahöm enñgiingun andöñe mi ölop köndenñda ayuhume." ⁴ Mewö jiiga Anutugö muñgem asöñi mi Israel ambazip tosatñi yeñgö mesoholñine kösöm enñgiget. Kunöñ yeñgö jañgöñini jiiga kewö möral: Israel ambazip kambu 12 pakpak miengöreñök mindiriba ambazip 144.000 mi kösöm enñgiget.

⁵ Israel kambu mohot mohot miengöreñök 12.000 mewö mewö kösöm enñgiget. Juda kambugö 12.000, Ruben kambugö 12.000, Gad kambugö 12.000, ⁶ Aser kambugö 12.000, Naftali kambugö 12.000, Manase kambugö 12.000, ⁷ Simeon kambugö 12.000, Liwai kambugö 12.000, Isakar kambugö 12.000, ⁸ Zebulun kambugö 12.000, Josef kambugö 12.000 aka Benjamin kambugö 12.000. Mewö mewö asö köla mekötahöm enñgigetka mindiriba 144.000 ahök. Mewö.

Oyaenñkoyaen malmeañgö kambu ketañi ehal.

⁹ Miangö andöñe kambu jitñi buburatinñi jañgöñini kude oyoñoyöñgö dop mi ehal. Ambazip mi kambuñinañgö dop, bem isikñinañgö dop, kantrininañgö dop aka keu jöl jijiñinañgö dop tokoba jakömbuak dum aka Lama moröñi yetkö wösöñire kinget. Miangöreñ kinda maluku kööröpñi tuatñi köteköm anñguget geiga böröñinan nip sinñanñgö böröñi memba kinget. ¹⁰ Mi memba kinda köhöikñanök qeta kewö jiget, "Anutuninan jakömbuak dumñe tatzawi aka Lama moröñi yetköñ mönö mem letot neñgiyohotka oyaenñkoyaen akzin."

¹¹ Mewö qeta jigetka Suep garata pakpak yeñön jakömbuak dum kösutñe areñnöñ kinda Anutugö jitñememe aka bem jembon 4 mi liliköm enñgiget. Mewö kinda jakömbuak dum wösöñe bamgöba eta simin köla Anutu waikñi memba möpöseim wañgiget. ¹² Anutu möpöseim wañgiba kewö jiget, "Keu mi ölna! Anutu gi mönö kötueta, asakmararañ aka mötkutukutu öñgöñgöñanñgö Toñi akzan. Neñön gi möpöseim gihibba qetbuñagi jim qarimakzin. Anutunini, göñön ösummumu aka kukösum Toñi akzan. Neñön nalö dop mewö jim köhöinañga Toñi mi teteköñi qahö mal öñgöba malman. Keu mi ölna!"

¹³ Mewö möpöseiba jigetka Anutugö jitñememe yeñgöreñök kunñan kewö jiba qesim niñgiyök, "Ambazip maluku kööröpñi tuatñi löñgöta kinjei, mi danñön? Mi mönö denikeyök kaba mewö tokoba kinje?"

¹⁴ "Qesim niñgiiga kewö melenñ wañgial, "O ketañamani, mi nöñön qahö mötpiga nangok mötzan." Mewö melenñ wañgibiga jitñememe yañön kewö jii möral,

† 7.14 Dan 12.1; Mat 24.21; Mak 13.19

"Kahasiliñ keta bölökñanñgö sutñeyök kotkeri, yeñön mönö mia akze. Lama moröñanñgö sepañan mönö opo malukuñini sañgoñni tuariiga malget. ¹⁵ Mewö malgerañgöra aka Anutugö jakömbuak dumñi mesohol köla sunñgem silim möpömöpösei jikenñe (tempöl) mala Anutugö nupñi memba malme. Mewö malgetka jakömbuak dumñe tatzawañön mönö opo koumñi möröreñgöba köñ turum enñgiiga malme.

¹⁶ †† "Mewö malgetka nalö kunöñ nenegö me ogö qahö kömume. Wehönöñ me yuai köñöpñambuk kunöñ mönö qahö enñgohotirima. ¹⁷ †Kewögöra oyaenñkoyaen malme: Lama moröñan jakömbuak jake bibiñe tata galöm köñ enñgiba enñguañgiriga malmal köhöikñanñgö o töwatñanñgö jene anakñe. Anutu nanñak jeñineyök imbilñini pakpak kutuiga teköma." Mewö.

Lama moröñan muñgem supap 7:ñi munjuratza.

8 Lama moröñan muñgem supap (sil) 7:ñi munjurata mutuliga Suep miri miangöreñ kouruk pakpak göröñ ala 30 minitkö dop nöñ qeba ahöyök.

² Mewö asuhuiga Suep garata 7 Anutugö wösöñe kinjei, mi enñgekiga kunöñ tömun qainñi kun (biugel) 7 mi böröñine ala enñgiyök.

³ †† "Mi enñgekiga Suep garata kun asuhaba jiniñ ohoñgö goul qambiñi memba kaba alta kösutñe kinök. Ambazip sarakñi pakpak Anutugö köulukögetka yañön jiniñ altanöñ ohoiga wörönñi umköhöwakñambuk mi köulukñinambuk toroqeba pukpuköba mohotñe öñgöba Anutugöreñ anakza. Goul alta mi jakömbuak dum wösöñe kinjawi, yañön mönö miangö kösutñe kiniga tosatñan jiniñ mi gwötpuk ohomapköra wañgiget.

⁴ Yañön jiniñ mi ohoiga miangö köwakñan mönö Anutugö ambazip sarakñi yeñgö köulukñinambuk toroqeba Suep garata yañgö böröñeyök wahöta Anutugö jemesoholñe öñgöget. ⁵ †† Suep garata mianñön jiniñ qambi mi memba altanöhök köñöp jitñi mei jeiga qambi miangöreñ uiga kokolak qeiga gölmenöñ gili geyök. Gili geiga miangöreñök wölpöndañgö göjuñi göjuñi asuhaba giñgurururñ qerök. Wölbilik ösumñinambuk asuhugetka kenöñi kenöñi nalöñi nalöñi meyök. Mewö.

Garata yeñön tömun qainñi kun uget.

⁶ Suep garata 7 tömunñini qainñi kun (biugel) megeri, yeñön mi ubingö jöjöröget.

⁷ †† "Garata mutukñan wahöta tömunñi qainñi kun uyök. Mi uiga ais köñi aka köñöp bölamñi mi kie ewö asuhaba sepuk toroqeggetka kunöñ mi mokoiga mohotñe gölmenöñ erök. Mianñön köñöpñambuk eta gölme qeiga gölmegö bahöñi karöbutñan jem teköyök. Arökñanñgö ipñi mienñgö bahöñi karöbutñan jem teköget aka gwözözak sinñi görökñi mi körek jeba jem teköyök.

†† 7.16 Ais 49.10 † 7.17 Sum 23.1; Eze 34.23; Sum 23.2; Ais 49.10; 25.8 †† 8.3 Amos 9.1; Eks 30.1, 3 †† 8.5 Lew 16.12; Eze 10.2; Eks 19.16; Ind 11.19; 16.18 ††† 8.7 Eks 9.23-25; Eze 38.22

⁸ Garata yahötñi yañon wahöta tömunñi qainñi kun uyök. Mi uiga kunöñ kundunñi ketanñi könöp jeññi tandök ewö (wolkeno) yuai mi giliga köwetnönñi geyök. Geba köwet meiga köwetkö bahönñi karöbut miengörenöñ kunñan melenña sep ahök.

⁹ Mewöñanök Anutunöñ köwetkö yuaiñi pakpak mi-wikñaiiga maljei, miangö bahönñi karöbut miengörenöñ kun mi kömuget aka wänge pakpak miengö bahönñi karöbut miengö likepñini kun mi jömgöba ayuhuget.

¹⁰ †Garata karöbutñan wahöta tömunñi qainñi kun (biugel) uyök. Mi uiga señgelau ketanñi kiwa bölamñi ewö tandök jeba suepnöhök teköba erök. Eta köla gölmegö o töwatñi enguba miengö bahönñi karöbut miengörenöñ kun aka o jeññi pakpak mi dop köl engiyök. ¹¹ ††Señgelau miangö qetñi mi röbek kömbukñambuk. Röbek miangön eriga onñi onñi miengö bahönñi karöbutñi mi melenña kömbukñinambuk aket. Kömbukñinambuk akerangöra aka ambazip gwöt-pukñan mi nempa kömuget.

¹² †Garata 4:ñi yañon wahöta tömunñi qainñi kun uyök. Mi uiga kunöñ wehön jeññi aka köññi jeññi miengkö asakñirangö bahönñiri karöbutñi mi etkuiga bahösap-sap ömuñ köla söñauyohot. Mewöñanök señgelau bahönñini karöbutñi enguiga melenña söñauget. Mi-angöra silim nalönangö bahönñi karöbutñan söñauba pandaman ahök. Mewöñanök sunngemgö asakñan töriga bahönñi karöbutñan söñauyök.

¹³ Mewö aiga eu uba tukapkap kun eka mötpiga könakembañe eu bölbölgöba suep bibiñe kutuba kaba köhöikñanök qeta kewö jiyök, “O ambazip gölmenöñ maljei, Suep garata karöbut yeñon mönö toroqeba tömunñini qainñi kun ubingö dop akze. Tömun karöbut miengö kourukñini mötketka lömböt kanjamñambuk karöbut asuhumei, miangöra mönö wöziköba yei! yei! yei! jiba sahötzal.” Mewö.

Suep garata 5:ñan tömunñi qainñi kun uyök.

⁹ Suep garata 5:ñi yañon tömunñi qainñi kun (biugel) uiga ekiga suepnöhök señgelau kun teköba gölmenöñ erök. Eriga kunöñ ömewöröme yengö löm dutñi qahö miangö ki morönñi mi señgelau Tonji mi wangiyök. ² ††Mi wangiiiga öme löm dutñi qahö miangö önunñi musuliga miangörenöñ köwak ketanñi söngok imarurubuk jeba köwak wahörakzawi, mönö miangö dop kundumgöba wahöta wehön jeññi esuhuba luhut köwaknöhök dop köl teköyök. ³ ††Köwak miangö uruñeyök gawötñi gawötñi mosöta gölmenöñ kañgotketka Anutunöñ kukösum engiyök. Kukösum mi skorpion (omeqaqa) yengören kukösum tandök ewö ahök.

⁴ †††Mi engiiga Anutunöñ kewö jim kutum engiyök, “Inñini mönö gölmegö yuai görökñi gwözözak me ip mewönñi mi kude ayuhum engimemö, ambazip mesoholñine Anutugö munngem asönñini qahö miyök mönö

† 8.10 Ais 14.12 †† 8.11 Jer 9.15 † 8.12 Ais 13.10; Eze 32.7; Joel 2.10, 31; 3.15 †† 9.2 Jen 19.28 †† 9.3 Eks 10.12-15 ††† 9.4 Eze 9.4

mem bölim engime.” Mewö jim kutum engiyök. ⁵ Anutunöñ gawöt mi kukösum engiiga ambazip engöhögetka köññ 5:gö dop sihimbölö önönñi qahö mötket. Sihimbölö mi skorpion (omeqaqa) azi yöhöiga sihimñi mötzawi, mönö miangö dop. Sihimbölö mewö mötketmö, Anutunöñ angön köl engiiga mem kömum engimeangö kukösumñi mi gawöt yeñon qahö memba öne engöhöget. ⁶ †††Ambazip engöhögeri, yeñon nalö miangören kömumbingö jarumemö, kömup mi qahö miwikñaiba kömumbingö osime. Kömumbingö möta qemjeñ qememö, kömupkö kondotkondot Tonja mönö kungen anma.

⁷ †Gawöt engekiga miengön hos yarögöra akö-damunñinambuk jöjörömakzei, mönö miengö dop aket. Nöröpñine yuai mundañi goul ewö kölgeri, mi ila jalö tandöktandök ahök. Jemesoholñinan ambazip jemesohol tandök ewö aket. ⁸ ††Gawöt miengö nöröp jupñini mi gwala ambi yengö nöröp jup ewö aket. Gawöt jitñinan laion sömbupkö jitñi ewö aket.

⁹ †††Göwangöwanñini (töptöp maluku) mi ain suman ewö tandök aket. Ginginñini qegetka ötön asuhui mörali, mi kewö: Hos sehisehñi yeñon yarögö karenñi karenñi öröba luhuba bimmönñi angetka giñgururuñ asuhumakzawi, mönö miangö dop.

¹⁰ Dagiñini mi skorpion (omeqaqa, añamumu) ewö jitñinambuk aket. Miengön ambazip köññ 5:gö dop sihimbölö mötmegöra engöhögeri, miangö kukösumñan mönö gawöt dagiñine ahöm engiyök.

¹¹ Gawöt miengö kiñ kembuñini mi ömewöröme yengö löm dutñi qahö miangö garatanñi qetñi Ayuayuhu Tonji. Mi Hibru keunöñ Abadon aka Grik keunöñ Apolion.

¹² Yei wözik mutukñi kanjamñambuk mi mewö teköyök. Mötket, miangö andöñe yei wözik yahöt kanjamñirambuk mi mönö toroqeba könangep asuhumahot. Mewö.

Suep garata 6:ñan tömunñi qainñi kun uyök.

¹³ ††Suep garata 6:ñi yañon tömunñi qainñi kun (biugel) uyök. Mi uiga Anutugö wösöñe goul alta ahözawi, miangö ilikñi 4 miengörenöñ kouruk kun kaiga möral. ¹⁴ Kouruk miangön Suep garata 6:ñi tömunñinambuk yangöra kewö jiyök, “Anutunöñ garata 4 jöhöba gwaröhöm enggiba o töwatñi ketanñi qetñi Yufreitis miangö qöhöröñe al engiyöhi, mi mönö pösat enggiman.”

¹⁵ Anutunöñ garata 4 mi jöhöm enggiba gwarönöñ tatmegö (yara) yambuñini, köññini, silimñini aka auañini mi törörök arengöm engiiga tatket. Yeñon nalönñini mi kam kuñguiga miangörenöñ ambazip kantrñi kantrñi miengö bahönñi karöbutñi mi engubingö jöjöröba tata nalönñinañgöra mambötket. Miangöra Suep garata 6:ñan altanöhök kouruk möta miangörenöñ anda garata 4 mi pösat engiyök. ¹⁶ Pösat engiiga yarö kambu keta bölöknñi mi hosñinambuk asuhuba kaget. Nönñon jañgöñini mötpiga 200 milyön ahök.

††† 9.6 Job 3.21; Jer 8.3 § 9.7 Joel 2.4 †† 9.8 Joel 1.6 ††† 9.9 Joel 2.5 †† 9.13 Eks 30.1-3

¹⁷Jemelen miangöoren azi hos qakne tata kageri, miengö kaisongolomñini ekiga kewö tandök aket: Göwanğöwanjini (töptöpkö ain sumannjini) mi könöp jit pisikni, asonji injanğölkölnambuk aka gohotni salfa könöp köt ewö. Hos miengö kaisongolomñini engekiga nöropñini laion sömbupkö nörop ewö aketka numbuñineyök könöp, köwak aka köt könöpñambuk qetni salfa mi eta kayök. ¹⁸Hos yeğö numbuñineyök könöp, köwak aka könöp köt qetni salfa eröhi, mianğon mönö ambazipni ambazipni enguyök. Hos miengö kukösumñini mi numbuñine aka dagineñine ahöyök. Dagineñini mi mokolen ewö aketka dagineñangö kitipni mi jitñinambuk. Kitipni jitñinambuk miengön mönö ambazip ihilek ewö engohotirimakze. Lömböt kanjamñinambuk karöbut mi mönö gölmegö ambazip pakpak yeğö bahöñini karöbutni mi enguiga kömuget.

²⁰†Lömböt kanjamñinambuk miengön ambazip tosatni qahö enguget kömumba toroqeba malgeri, yeğö mönö töndup uruñini qahö melenget. Nanñini böröñinan yuai memba waikñini memba möpöseigeri, miangöra qahö möt bölim anguget. Ömewöröme aka tandö lopioñ waikñini memba möpöseim engienji mi qahö mosötket. Tandö lopioñ tosatni mi goul, silwö me brons ainöñ memenja. Tosatni mi köt urasiba me ip söhöba memenja. Miangöra tandö lopioñ miengön yuai eka mötpingö me anda kabingö osimakze. Töndup ambazipnöh mi qahö mosötket.

²¹Mewöyök ambazip enguget kömukömu me sait qarösongo amötqeqe mi qahö mosötket. Mi toroqeba aka memba serowilin aket aka yuai lañ yongoro memba malget. Miangöra uruñini qahö melenget. Mewö.

Suep garata aka kimbi köpöp moröñi

10 Miangö andöñe Suep garata kukösumñi ongotongotni kun ekiga Suepnöhök kousunöñ esuhum wangiiga erök. Nöropñi kiam nesilamñan kutuba liliköba ahöyök. Jemesoholñi wehön jenji ewö aiga könanji yahöt mi tandö könöp bölamñirambuk yahöt ewö jeba kinök. ²Böröñan kimbi köpöp moröñi meiga kötukötulñi ahök. Könanji ölni köwetnöh ala qaniñi mi gölmenöh ala kinök. ³Mewö kinda laion sömbupnöh görörökömakzawi, qetni mönö miangö dop köhöikñanök qerök. Qeriga wölpöndañgö giñgururuñ 7 miengön mönö melenđa görörököba keuñini qetketka möral.

⁴Wölpöndañgö giñgururuñ 7 miengön qeta keuñini jigetka mörali, nöñön mi mönö miangöorenök papi-anöh ohomangö ahal. Kimbi ohomangö ahalmö, kouruk kun Suepnöhök mötpiga keu kewö jiyök, “Wölpöndañgö giñgururuñ 7 keu jizei, mi mönö nangohok ölnöh mötnöh ahöma. Mi kude ohoman.”

⁵†Suep garata könanji köwet aka gölme qakñire tiba kini ehali, yanğon böröñi ölni memba wahöta Suepnöh göröken alök. ⁶Jöjöpañ keu jimamğöra böröñi mewö ala mi jim köhöiba alök. Kunöh Suep, gölme, köwet aka yuai pakpak miengöoren ahözawi, mi miwikñaiba

† 9.20 Sum 115.4-7; 135.15-17; Dan 5.23 †† 10.5 Eks 20.11; Dut 32.40; Dan 12.7; Amos 3.7-10; Eze 2.8-3.3

kinda nalö dop teteköñi qahö köhöiba mal öngömawi, mönö yanğö qetne jöjöpañ keu kewö jiyök, “Anutunöh mönö nalö kunbuk qahö qekörri öngöma. ⁷Mewö qahöpmö, Suep garata 7:ñan tömunñi qainñi kun (biugel) uiga kourukni mötmei, nalö miangöorenök Anutugö keu areñ asa-asambötñan mönö ölnambuk akña. Kezapqetok ambazip Anutugö nupñi memba mala kotketka yeğöra Buña keuñi ölöñni jim indel engiiga möta kota malgeri, Buña keu miangö dop mi mönö zilañ ölnambuk akña.”

⁸Miangö andöñe kouruk kun mutuk Suepnöhök mötpiga keu jiyöhi, mianğon mönö dumne kunbuk keu jiiga kewö möral, “Suep garatanöh köwet aka gölme qakñire tiba kinda kimbi köpöp meiga böröñe kötukötulñi ahözawi, mi mönö anda meman.”

⁹Mewö möta Suep garatagören anda kimbi köpöp moröñi mi niñgimapkö qesial. Qesibiga nöñgöra kewö jiyök, “Mi mönö memba nenöh! Nenöñga gölömge geba melenñiga kömbuk usukömapmö, numbuge mi mönö moroñ onğögö nahömñi ewö asuhuma.”

¹⁰Mewö jiiga kimbi köpöp moröñi mi yanğö böröñeyök memba Neal. Nembiga numbune moroñ onğögö nahömñi ewö ahökmö, gwahötpi gölömne geiga melenñiga kömbuk usuköyök. ¹¹Mewö aiga nöñön keu kewö möral, “Gi mönö dumne kunbuk Anutugö kezapqetok keuñi keuñi jim sehiba malman. Kantriñi kantriñi aka bem isikni isikni keu tandök jijiñi-ñangö dop maljei, mönö yeğö aka yeğö kiñ kembuñini miengö kezapqetok keuñini mi qeljiñe jiba malman.” Mewö.

Anutugö jitnememe yahötñan keuñi nanğöba jiyohot.

11 †Mewö jii möta kinbiga Suep garata mianğon dop alalgö öropñi jehot ewö mi niñgiba kewö jim kutum niñgiyök, “Gi mönö wahöta anda Anutugö jöwöwöl jike aka miangö jöwöwöl altanji mi dop örop (rula mesa) mianğon dopni ala oyoñman. Mewöyök miangöoren öngöba Anutu möpöseiba köulukñini alakzei, mönö mi kewöta jañgöñini oyoñman. ²Jöwöwöl jike dopni ala miangöoren sombem yaigepñi mi mönö onğita mosötman. Mi kian kantri yeğöra al engigetka ahöiga yeğon siti töröñi mi köiñ 42 miangö dop tiba anda kamakne. Miangöra sombem yaigepñangö dopni mi kude oyoñman. ³Nöñön jitnememe yahötñi melaim etkiba keuni nanğöba jimahotkö kukösumñi al etkibiga asuhumahot. Asuhuba wösöbirikö maluku sanjöp ewö mem anguba liliköba (gölme gwakötak ari-ba) silim 1260 nalö miangö dop kezapqetok keu nup memba malmahot.”

⁴Oil ip yahöt aka lambe dum tatatni yahöt gölmegö Kembugö wösöñe kinjahori, mi mönö melenđa eta asuhuba dangunu ewö kinda nöñgö könanji nanğöba jiba malmahot. ⁵Kunöh me kunñan etkum mizit ak etkimamgö mötza ewö, könöp bölamnöh mönö numbuñireyök eta kerökurupñi engohoiga ayuhumakne.

‡ 11.1 Eze 40.3; Zek 2.1-2; Luk 21.24; Zek 4.3, 11-14; 1 Kiñ 17.1; Eks 7.17-19; 1 Sml 4.8; Dan 7.7, 21; Ind 13.5-7; 17.8; Ais 1.9-10; Eze 37.10; 2 Kiñ 2.11; Ind 6.12; 16.18

Kunöŋ me kunŋan etkumamgö mötza ewö, i mönö köna mewöŋanök mianŋön qeyohot kömuma.

⁶ Suepkö kousuŋi jöhöbitkö kukösumŋi mi yetkörenŋ ahöiga kezapqetok keu jim sehimahori, nalö mianŋö dop kie qahö yöhöma. Kukösumŋiran o jeŋi pakpak mewöŋanök dop köliga mianŋön ölöp o pakpak melenŋ enŋigetka sep akŋe. Mewöŋanök kukösumŋiran öŋgöŋgöŋi ahözawaŋgöra aka sihimŋiran jimawaŋgö dop ölöp jigetka lömböt kanjamŋinambuk könaŋi könaŋi asuhuba gölme mem böliba ambazip enŋumakŋe.

⁷ Anutugö keuŋi naŋgöba jim teköyohotka ömewöröme yeŋgö löm dutŋi qahö mianŋöŋrenŋök jememba kunöŋ wahöta bim qem etkiba luhut ala etkuiga kömumahot. ⁸ Kömuyohotka qamöŋŋiri siti qetbuŋaŋambukö köna namŋe etkömosötketka laŋ ahömahot. Siti mianŋö qetŋi tölapŋi mi Sodom aka Ijpt qerakze. Kambuŋiri Jisös i mönö mewöyök mianŋöŋrenŋ maripomnöŋ qegetka kömuyök. ⁹ Qamöŋŋiran laŋ ahöyohotka ambazip pakpak mi etkehakŋe. Gölmenöŋ löm köl etkibingö jiba jöhöme. Mewö öne laŋ ahöyohotka ambazip kantriŋi kantriŋi, kambuŋi kambuŋi, bem isikŋi isikŋi keu tandökŋini nanŋik nanŋik jimakzei, yeŋön mönö qamöŋŋiri mi silim karöbut aka bahöŋi kun mianŋö dop uba etkehiget.

¹⁰ Kezapqetok azi yahöt yetköŋ ambazip gölme qakŋe maljei, mi uru kuŋgum enŋiyohotka mianŋöra sihimbölä önöŋi qahö miwikŋaiba malget. Mianŋöra kömuyohotka qamöŋŋiri etkekŋei, mianŋöŋrenŋ mönö köiraŋ ala saurenŋ unduba nem söŋgaip pati ala nanŋini kalem könaŋi könaŋi aŋgubingö alget anda kama. ¹¹ Silimŋi karöbut aka bahöŋi kun mi teköiga Anutunöŋ söŋgörö ösum söŋgöröŋire ui geiga guliba wahöta köŋgep kinohot. Wahöta kinohotka ambazipnöŋ etkeka töwöratiba jönömŋini unduiga sömbuŋini mötket. ¹² Köŋgep kinohotka Suepnöhök qet köhöikŋi kun kewö qeta jii mörohot, "Iŋiri mönö kewö korohot." Mewö jii möta kousu uruŋe wahöta Suepnöŋ öŋgöyohotka kerökurupŋiran öne etkeka nemböŋini teköiga kinget.

¹³ Könaŋiran gölme mosöta öŋgöyohotka nalö mianŋöŋrenŋök kenöŋ tandökŋi sohosohöŋi gila siti bahöŋi 10% (bahöŋi tenöhök mohot) mianŋö dop kusuba könderŋmönderŋök. Könderŋmönderŋa ambazip 7.000 mianŋö dop enŋui kömuget. Ambazip qahö kömuger, mienŋön mi eka töwöratiba sömbuŋini möta Suepkö bemŋi Anutu i ösumŋaŋgö möpöseim waŋgigetka qetbuŋaŋambuk ahök.

¹⁴ Wölkiz yei qet kanjamŋambuk yahötŋan mewö teköyökmö, mötket, wölkiz yei qet karöbutŋaŋgö ölaŋ mönö zilaŋ asuhuba qakŋine öŋgöma. Mewö.

Suep garata 7:ŋan tömunŋi qainŋi kun uyök.

¹⁵ †Suep garata 7:ŋi yaŋön tömunŋi qainŋi kun (biugel) uyök. Mi uiga Suepnöŋ keu köhöikŋanök eraum mötketka kourukŋini mötpi kewö jiget, "Ayop, nanine

† 11.15 Eks 15.18; Dan 2.44; 7.14, 27; Sum 2.5; 110.5; 115.13; Ind 8.5; 16.18, 21

Kembunini aka yaŋgö Amötqeŋe Toŋi Kraist yetköŋ mönö gölme pakpak galöm köl enŋibitkö kukösumŋi mi lökŋanök buŋa qem aŋgum teközahot. Yaŋön mönö nalöŋi nalöŋi galöm köl enŋiba malma, ee-aa-ee. Galömkölkölaŋ mönö nalö kunöŋ qahö teköma, ee-aa-ee." ¹⁶ Mewö jiget mötpiga Anutugö jitŋememe 24 Anutugö jemesoholŋe jakömbuak dumŋine tatzei, yeŋön mönö eta bamgöba sipköba Anutugö waikŋi memba möpöseim waŋgiget. ¹⁷ Möpöseim waŋgiba kewö jiget,

"O Kembu Anutu kukösum pakpakö Toŋi, göŋön mönö mala kotnöŋ aka mal köhöizan.

Göŋön kukösumgi öŋgöŋgöŋi memba könahiba gölme pakpak galöm köl enŋiba kiŋ kambuŋina aka malman.

Mianŋöra neŋön mönö möpöseiba saiwap jim gihizin.

¹⁸ Kian kantriŋi kantriŋi yeŋön irimŋini seholliga kazik ak gihiba malgetmö, göhö kazik nalöŋan mönö dölkewöŋe kam kuŋguba ahöza.

Göŋön nalö kewöŋe kömukömuŋi yeŋgö keuŋini kewöta jim teköm enŋiman aka nangi ambazipurupki töwaŋini enŋiman.

Kezapqetok ambazip aka ambazip sarakŋi tosatŋi göhö nupki memba malgeri aka öŋgöŋgöŋi eretŋi göhö qetki ayuhubapukö keŋgöŋŋini möta malgeri, i mönö töwaŋini enŋiman.

Mewöyök tosatŋan ambazip enŋguba kantri könderŋa malgeri, mi mönö könder enŋiman." Mewö möpöseiba jiget.

¹⁹ Mianŋö andöŋe Suepnöŋ aŋaŋiiga Anutugö möpömmöpösei jikegö (tempöl) naŋguŋan tali ekiga jike uruŋe Anutugöŋrenŋ jöhöjöhö areŋ bokis aködamunŋambuk mianŋön ehökŋi ahöyök. †† Suepnöŋ aŋaŋiiga nalö mianŋöŋrenŋök wölbilik aliga wölpöndaŋ aka giŋgururuŋ qeriga möral. Kourukŋi kourukŋi mi mötpiga kenöŋ memba kie römbum giliga ais köŋŋi ketanŋi ketanŋi etket. Mewö.

Ambi aka sekak namŋi ilikŋambuk

12 Suepnöŋ aiwesök ketanŋi wewelipŋambuk kun kewö asuhuiga ehal: Ambi kun wehön jeŋan malukuŋi aiga köiŋnöŋ köna tamböŋi bapŋe asariiga senŋelau 12 mi ila jalö ewö nöŋöŋe kölgetka gömgöm-bilikbilikŋinambuk tatket. ² Köŋöŋambuk (gölöŋambuk) mala morö memenaŋgö nalöŋan dopdowiiga lömböriiga masö qeiga sihimbölä möta qet gigilahöyök.

³ †Mianŋö andöŋe aiwesök kun Suepnöŋ kewö asuhuiga ehal: Sekak namŋi ilikŋambuk (dragon), mundaŋi pisikŋi pötpöt, nöŋöŋi 7 aka ilikŋi 10. Nöŋöŋi 7 mianŋöŋrenŋ ila jalö 7 kölgetka tarök. ⁴ ††Sekak namŋi mianŋön dagaŋan suep qeapköba senŋelau mienŋöŋrenŋök bahöŋi karöbutŋi öŋöba gili gölmenöŋ etket. Etketka ambi nanŋi morö memamgö ahöhi,

†† Anutugöŋrenŋ jöjöpäŋ keu 10 aka jimkutukutu tosatŋi mi köt ilaŋan ohoba bokis mianŋö uruŋe alget tari galöm kölakze. † 12.3 Dan 7.7 †† 12.4 Dan 8.10

yangö wösöñe kinök. Mewö kinda morönji memawi, mi mönö mianğorenğök gwahötmamğöra mörök.

⁵†Ambi mianğön morö nahön azia meyök. Yanğon kantriñi kantriñi pakpak ain öröpnöñ galöm köl engiba malma. Ambinöñ morö meyöhi, garatanöñ mi mönö mianğorenğök zilañ memba anda Anutugö jakömbuak dum qöhöröñe alök. ⁶Mianğorenğ aliga ambinöñ nanğök mosöta kök ala anök. Anutunöñ ambi mi silim 1260 mianğö dop gölme qararañkölkülñe köyan köl wañgiget malmapaköra miri gölme kun möhamğöiga mianğorenğ kök ala anök.

⁷†Suep uruñe yarö juliga kewö auget: Suep garata bohonñi Maikel aka yangö garataurupñi yeñon sekak namñi tuarenjoñ aka i aka yangö garataurupñi yembuk auget. ⁸Auba sekak namñi aka yangö garataurupñi yeñö osumñini qahö dop köluga luhut qahö al engiba miriñini mosöta Suep uruñe toroqeba malbingö osiget. ⁹†Osigetka sekak namñi ilikğambuk mi mönö közöla Suepnöhök wuatangöget. Sekak namñi mianğön möpñangö möpñeyök mokoleñ aka Iw (Ewa) isim wañgiyök. Qetñi alañi Bölönangö Tonji aka Satan. Yanğon kantriñi kantriñi pakpak kuñgum engiiga janjuñ anda malgeri, mi aka yangö garataurupñi mi mönö yambuk Suepnöhök közöla aköm engigetka gölmenöñ etket.

¹⁰††Etketka Suepnöñ qet ketanji kunöñ kewö jii möral, “Keu silenöñ alal Tonjan suñgem asak Anutuninangö wösöñe kinda urumelenğ alaurupnini jim engiba malöhi, mi mönö yaköriba aköm wañgigetka yaigep eriga köirañ köljin. Nanine Anutuninan mönö nalö kewöñe ambazip amöt qem engiba kukösumñi qakñe galöm köl engiiga bemtohoñangö ölñan lök asuhuza. Amötqeqe Tonjangö ösum-mumuñan lök asuhum teköza. ¹¹Yanğon mötnarip alaurupnini keunöñ al engiba malökmö, Tonji mi mönö kewö luhut al wañgiget: Lama moröñangö sepñan i amöt qem engiiga köhöiba Buña keu ölbölñi nañgöba jim sehiba malget. Mewö mala jöjöröba silenini tököba böñ kinda bim qeba luhut alget.

¹²“Mianğöra Suep mire maljei, eñon mönö körek pakpak söñgaiba köirañ ala malme. Mewö malmemö, gölmenöñ aka köwetnöñ maljei, iñini mönö lömböt kanjamğambuk bisimei, mianğöra mönö Ye! jiba sahötzal. Bölönangö Tonjan luhuba eta tiba engören kaba nup meme nalöñi töröptökñi ahöi mötzawangöra mönö kazik ketanji ahakza.”

¹³Sekak namñi ilikğambuk yaköriba aköm wañgigetka gölmenöñ eröhi, mi ek asariba ambi morö nahön meyöhi, mi kazik ak wañgiba wuatangöyök. ¹⁴††Wuatangöyökmö, ambinöñ kök aliga Anutunöñ tukapkap ketanğangö ginginñi yahöt wañgiiga mianğön bölbölgöba ösumñan anök. Anutunöñ gölme qararañkölkülñe yangöra miri gölme kun möhamğöyöhi, mönö mianğorenğ anök. Mianğorenğ anda asamböta maliga (yara) yambu 3 aka bahöñi kun mi köyan köl wañgiget-

ka mokoleñnöñ i qahö miwikñaiba qelanjima. ¹⁵Ambinöñ bölbölgöba aniga mokoleñgö irimñi teköiga numbuñeyök ambigö andöñe o gwaulu suaiiga o töwatñi ahök. O mianğön ambi mi yöhösañda memba jöhöm wañgimapaköra möta mewö söwötköba loñnok.

¹⁶Mewö loñnokmö, gölmenöñ ambi mi bauköm wañgiba tiñgiriga löm ahök. Sekak namñan numbuñeyök o suaiiga o töwatñi ahöhi, mianğön mönö löm mianğorenğ geba jöpköba qahöwahök. ¹⁷Mewö asuhuiga sekak namñangö irimñi mönö ambi mianğöra aka seholiiga mosöta ambi mianğö gwölönarökurupñi tosatñi qetala yarö gil engimamğöra anök. Gwölönarökurupñi mienöñ Anutugö jöjopañ keu tem köla Jisösgö Buña keu töp nañgöba jim sehimakzei, mönö yembuk karim aubingö anök. ¹⁸Aubingö anda köwet sakñe angöta kinök. Mewö.

Jemnemba köwetnöhök korök.

13 ††Mianğö andöñe jemnemba kun ilikñi 10 aka nöropñi 7 mi köwetnöhök koriga ehal. Ilikñi 10 mianğorenğ ila jalö 10 kölgetka tatket aiga nöropñi mohot mohot mianğorenğ qet mepaqepaikñinambuk ohogetka ahöyök.

²Jemnemba mi ekiga kewö ahök: Kaisoñgolomñi mi lepad taigögö tandök ewö ahök. Köna böröñangö sölöpñi mi beö sömbupkö sölöp ewö ahök. Numbuñi mi laion sömbupkö numbuñi ewö tandök. Sekak namñan mönö ösumñi, jakömbuak dumñi aka ambazip galöm köl engimapakö kukösumñi öngöñgöñi mi jemnemba wañgiyök. ³Wañgiiga nöropñi kun mi uzi köhöikñi kunöñ mei kömumawangö dop ahökmö, uzinñan misiriiga löpötñanök tarök. Gölmegö ambazip körek pakpak yeñon auruba jemnemba mi andöñe wuatangöba anget. ⁴Wuatangöba anda sekak namñangö waikñi memba möpöseiba malget. Kukösum mewöñi mi jemnemba wañgiyöhangöra i aka jemnembagö waikñi mewöñanök memba möpöseiba kewö jiget, “Dañon jemnembagö dop akawak? Dañon i tuarenjoñ ak wañgiba yambuk aumangö köhöibawak?”

⁵††Mewö jigetka Satanöñ jemnembagö numbuñi sölölöhöiga köhöiba jakbak-örañbörañ qakñe mepaqepaik keuñi lanlan jiba malök. Anutunöñ Satan qahö angön köluga ilitmamgö kukösumñi mi köiñ 42 mianğö dop ahöm wañgimapaköra jim teköyök. ⁶Mi jim teköiga numbuñan añañjiiga Anutu ilita malök. Anutugö qetñi, Suep miriñi aka Suep uruñe maljei, mi pakpak mönö mepaqepaik ak engiba malök. ⁷†Mewö maliga Satanöñ ambazip sarakñi tuarenjoñ ak engimamgö kukösumñi wañgiiga yembuk bim auba luhut al engiyök. Luhut al engiiga Satanöñ ambazip isikñini pakpak kambuñinangö dop, keu tandökñinangö dop aka kantriñinangö dop mi mönö jemnembagö böröñe al engiyök.

⁸††Ambazip körekmakörek gölmenöñ maljei, yeñon mönö jemnembagö waikñi memba möpöseiba

† 12.5 Ais 66.7; Sum 2.9 †† 12.7 Dan 10.13, 21; 12.1; Jud 9

‡ 12.9 Jen 3.1; Luk 10.18 †† 12.10 Job 1.9-11; Zek 3.1 ††

12.14 Dan 7.25; 12.7

††† 13.1 Dan 7.3; Ind 17.3, 7-12; Dan 7.4-6 ††† 13.5 Dan 7.8, 25; 11.36 § 13.7 Dan 7.21 §† 13.8 Sum 69.28

malme. Anutugö ambazip solanji qetjini Suep mire papianöy ohoget ahözawi, yeñönök mönö jemnemba mi qahö möpöseime. Möpñangö möpñe Anutunöy Suep gölme miwikñaim etkiyöhi, nalö mianggöreñök könahiba qetjini mi malmal köhöikñangö papia mianggöreñ ohoba mala kotket. Malmal papia mi Lama moröñi qeget kömuyöhi, mönö yangö buñanji ahöiga galöm kölakza.

⁹“Kunñan kezapñambuknön malja ewö, yeñön mönö keu ki kezap ala möt kutuma! ¹⁰†Kun kösö mire anmawangö dop akzawi, yeñön mönö mianggöreñ anma. Kun bimögö sou ketañan ugetka kömumawangö dop akzawi, yeñön mönö mewö kömuma. ¹¹‡Mianggöra ambazip sarakñi, eñön mönö kapañ köla lömböt memba mökösoñda pöndañ möt nariba malme.” Mewö.

Jemnemba kun gölme uruñeyök korök.

¹¹ Kunbuk ekiga jemnemba kun gölme uruñeyök korök. Mi ilikñi yahöt Lama moröñangö ilikñi ewöya aka keunji mi sekak namñi ilikñambuknön jiyöhi, mönö mewöñanök jiba malök. ¹² Yeñön kota alañi mutukñangö jitñememeni aka kukösumñi pakpak memba miangñon yuai pakpak alañangö jeñe ahök. Mewö aka gölme ambazip kuñguba sölölohöm enjiiga auruba alañi mutukñangö waikñi memba möpöseiget. Jemnemba mutukñi mi uzi köhöikñan mei kömumamgö ahökmö, misiriiga löpötñanök tarök.

¹³ Jemnemba yahötñi yeñön angöletot ketañi tandökñi könañi könañi meyök. Kun meyöhi, mi könöp bölamnön suepnöhök eta gölmenöy kaba jeiga ambazipnön mi jeñinan eket. ¹⁴ Anutunöy Satan qahö angön köliga kukösum wanggiiga jemnemba mutukñangö jitñememeni aka yangö jeñe angöletot könañi könañi memba malök. Miangñon mönö gölmegegö ambazip tilipköm enjiiga janjuñ aka sohoget. Sohogetka kewö kuñguba jim kutum enjiyök, “Inini mönö jemnemba mutukñangö imutñi söhöba kuñguget kiniga göda qem wanggiba malme. Jemnemba mutukñi mi bimögö sou ketañan (bainat) qegetka uzi mei kömumamgö dop ahökmö, töndup guliba maljawi, mönö yangö imutñi kuñgume.”

¹⁵ Mewö aketka Satanöy kukösum jemnemba könañgepñi wanggiiga tandö lopionñi mi mem gulim wanggiiga könahiba söngörö-ösüm alök. Mewöyök jemnemba mutukñangö imutñi mem letoriga azi keu jiba ambazip kuñgum enjiiga kewö asuhuyök: Denike yeñön tandö lopionñi mianggö waikñi qahö memba möpöseigeri, i mönö körek enjugetka kömuget. ¹⁶ Jemnemba könañgepñan ambazip körek pakpak kewö kuñgum enjiiga jiyök, “Inini mönö jemnemba mutukñangö muñgem supapñi mi jemesoholñine me böröñini öñe mekötahöme.” Mewö jiiga nanñini nupñini memakzei aka tonñangö welenñini öne qemakzei, ambazip pomñi aka wanapñi, ketañi aka

moröñi yeñön mönö körekmakörek muñgem supapñi mi memba silenine mekötahöba kösoget.

¹⁷ Denike yeñön jemnembagö qetñi me qetñangö jañgöñi silenine qahö memba malgeri, yeñön mönö nene yuai stuanöy me maketnön söngöröñi memb-ingö aka albingö osiget.

¹⁸ Keu ki möt asaribingö mötkutukutuñi kewö: Kunñan mötkutukutuñambuk maljawi, yeñön mönö jemnembagö jañgöñi oyonma. Jañgöñi mi gölme azigö jañgöñi akza. Supap jañgöñi mi 666. Mewö.

Lama moröñi aka könagesöurupñi 144.000.

14 ¹‡Mianggö andöñe uba Lama moröñan Zaiion kundunje kini ehal. Yambuk könagesöurupñi jañgöñini 144.000 mi mohotñe kingetka Lama moröñangö qetñi aka yangö iwiñangö qetñi mi körek yengö mesoholñine ohohonja ahöi engehal. ² Mianggöreñök mötpiga Suepnöhök kouruk kun o ketañangö sia qetñi ewö asuhuyök. Mi wölpöndañ giñgurururñ ketañanök qetzawangö kourukñi mianggö tandök ewö ahök. Kourukñi mi gita kulele gwötpuk qegetka kourukñi asuhumakzawangö dop möral.

³ Anutunöy ambazip 144.000 mi gölmenöhök söngöröñini memba enjömeyöhi, yeñön mönö Anutugö jakömbuak dum wösöñe kañgota bem jembon 4 aka jitñe meme bohonñi 24 mienggö jemesoholñine kinda liñet dölokñi kölget. Körek yeñön nanñini liñetñini mi kölgetka yaigep yeñön mi kusum angguba mötpingö osiget. ⁴ Yeñön ambazip qainñi kun aka mala kotket. Qahö tölohoba sarakñi malbingöra nanñini galöm köl angguba ambi yembuk töwöt qahö miwikñai-ba malget. Lama moröñan denike denike anakzawi, yeñön mönö i wuatangöba mianggöreñ anakze. Anutunöy i ambazip sutñineyök bohonñini memba meköba enjömeiga Anutu aka Lama moröñi yetkö yambunñi dölokñi akze. ⁵ †Yengö jitñineyök munen keu kun qahö miwikñaigetka keunñini qahö sarakñi mala kotket. Mewö.

Suep garata karöbut yeñön keunñini jiba bölbölgöget.

⁶ Mianggö andöñe Suep garata kun ekiga suep kutuba könakemba bölbölgöyök. Yeñön Ölöwak Buña koñkoñ [†] memba kaba gölme ambazip yenggöra jim asari-mangöra kayök. Ambazip mi kambunñangö dop, bem isikñinangö dop, keu tandökñi jijiñinangö dop aka kantriñinangö dop gölme dop köla tat anjei, mönö körek yenggöra jim sehimangöra kayök. ⁷ Kaba köhöikñanök silata kewö qerök, “Anutunöy ambazip kewöta jim teköm enjimawangö nalöñan mönö töriba dopdowiza. Mianggöra inini mönö Anutugö jitñi ongit-pinbuköra kenñötñini möta möpöseiba qetbuñanji mem sehim! Kunöy suep, gölme, köwet aka o jeñi miwikñaim enjiyöhi, mönö yangö waikñi memba möpöseiba malme.”

† 13.10 Jer 15.2; 43.11 †† Tosatñan keu mi kewö melenje: Kunöy bimögö sou ketañi (bainat) miangñon tosatñi enjiiga kömumei, tosatñan mönö nanñi mi sou mewöñan ugetka kömuma.

‡ 14.1 Eze 9.4; Ind 7.3 †† 14.5 Sef 3.13 †† Kembu bem koñkoñ Tonanggöreñ Buña keu tömbunñi mi koñkoñ. Mi möpñangö möpñeyök könahiba teteköñi qahö ahöm önggöma.

⁸ †Mewö qeriga yangö könaje Suep garata alanji kun mutuknji wuatangöba kaba kewö qerök, “Babilon siti ketanji mi melenji geiga ahöza. Babilon ambi qet-bunjanambuk mianjon mönö serowilin aka mianjon kantri pakpak mem tölohom engiiga dop köl engiyök. Yanjon wain o ewö nemegöra engiiga urunji sohoiga kahalamom aka malget. Mewö aka malöhangöra Anutugö irimnji sehologiiga kazik aka jiiga siti qetbunjanambuk mi mönö köndengetka melenji gei ahöza.” Mewö.

⁹ Mewö qeriga yangö könaje Suep garata karöbutnji kun etkuatangöba bölbölgöba kaba köhöiknanök silata kewö qerök, “Kunjan jemnemba aka yangö imutnangö waiknji memba möpöseiba munjem supapnji angön köla mesoholje me böröje mekötahöba kösöza ewö, ¹⁰ ††yanjon mönö mewönanök Anutugö irimsesewölñi mi wain o köhöiknji ewö memba mötma. Anutunöñ wain o mi o töhöñnambuk qahö mindiriba wain köhöiknji töhöñök irimsesewölñangö qambinöñ mokoi tatzawi, yanjon mönö mi nema. Mi memba Suep garata töröñji aka Lama moröñji yengö wösöñjine kiniga salfa kötkö köñöp bölamnan koasikpuk ohoiga sihim-bölö önöñji qahö möta malma.

¹¹ †“Mianjon engohoiga sihimbölö önöñji qahö möta malmei, miangö köwaknan mönö nalö dop teteköñji qahö wahöta öngömakña. Ambazip jemnemba aka yangö imutnangö waiknji memba möpöseimakzei, yengön mönö sunjem asak senjom möta malme. Kunjan munjem supapnji angön köla sileje kösözawi, yanjon mönö sileñan unduiga qemjenj qeba luhut memangö osiba malma.”

¹² Miangöra ambazip saraknji Anutugö jöjöpanj keunji tem köla wuatangömakzei, enjon mönö kapanj köla lömböt memba mökösoñda jisös pöndañ möt nariba malme.

¹³ Miangö andöñe Suepnöhök keu kun mötpiga kewö jiyök, “Gi mönö kimbi kewö ohoman: Ambazip Kem-bubuk qekötahöba kinda nalö kewöñeyök könahiba kömumei, yengön mönö oyaenkyoaen akñe. Uña Töröñan keu kitipnji mi meköba ‘Keu mi ölna,’ jiza. Yengön nup köhöiknji memba qemjem-mamjenj möta kaba malget teköiga nupñinangö ölni asuhuiga Suep Tonjan kösohotñini möri dop köli miangöra sösoñgai engii tata luhut memba öñsöñ malme.” Mewö.

Gölmegö nene möriam ölni memegö nalöñi

¹⁴ ††Mewö jiiga uba kousu tuatnji ekiga miangö qakñe kun kaisongolomnji gölme azigö tandök ewö mianjon tarök. Ila jalö goulñöñ memenji mi nöropñe tariga böröñan sou kapenkapenngöñi jitñambuk mi memba tarök. ¹⁵ ††Mi ekiga Suep garata kunjan möpömöpösei jikenöhök (tempöl) aukñe kanjuta kousu qakñe tatzawi, yangöra keu kewö jiba köhöiknanök qerök, “Gölménöñ möriam ölni lök öliiga ölni memegö nalöñan mönö akza. Miangöra göñön mönö sougi kapenkapenngöñi memba nupnönñ anda mianjon

† 14.8 Ais 21.9; Jer 51.8; Ind 18.2 †† 14.10 Ais 51.17; Jen 19.24; Eze 38.22 † 14.11 Ais 34.10 †† 14.14 Dan 7.13 †† 14.15 Joel 3.13

gölmegö möriam ölni mi kutum tokoman.” ¹⁶ Kousu qakñe tatzawi, yangöra mewö qeriga souñi kapenkapenngöñan gölménöñ gila nupkö möriam ölni kutum tokoyök.

¹⁷ Mi tokoiga Suep garata kunjan Suepkö möpömöpösei jikenöhök (tempöl) aukñe kanjorök. Yanjon mewöyök sou kapenkapenngöñi jitñambuk kun memba kanjorök.

¹⁸ Kanjoriga Suep garata karöbutnji kun Suepkö alt-agö köñöp galömñi aka alta mi mosöta kanjorök. Kanjuta köhöiknanök qeta Suep garata sou kapenkapenngöñi jitñambuk memba kinöhi, yangöra kewö jiyök, “Göñön sougi kapenkapenngöñi jitñambuk mi mönö memba nupnönñ anda mianjon gölmegö wain kanjenj kanjenji mi yandiman. Kanjenj mienngö kötnji lök ölim yaköba tatze!”

¹⁹ Mewö jiiga souñi kapenkapenngöñi gölménöñ gila gölmegö wain kösö ölni mi köteköm tokoba Anutugö wain jout ketanji miangöñeñ tözöhölmegöra gilök. Wain jout mi Anutugö irimsesewölñangö kaisöpsöñji akza. ††20 ††Wain bagem ölni mi siti yaigepñe könanönñ tiba tözöhölgetka sepan wain jout ketanjangö num-bunje kota qöl tandök ewö lanlan wahöta kota o töwatñi ahök. Sep miangö diginñi mi wan mita aka bahöñi kun ahök. Hosnönñ miangöñeñ tiba aniga num-bunje koriga hos injutnangö kösoñan samuruyök. Diginñi mewö aiga köropñi 300 kilomita miangö dop ahök. Mewö.

Suep garata 7 aka lömböt kanjamñinambuk 7.

15 Miangö andöñe suep uruñe uba angöletot ketanji kun asuhuiga eka kewö welipköyal: Suep garata 7 mi lömböt kanjamñinambuk (plague) 7 memba kinget. Ambazip singisöndokñinangöra Anutugö irimnji sehologiiga jim teköba likepñi melenji lömböt kanjamñinambuk qakñine öngöi mötketka urujan amöri-iga keunjan kömuma. Miangöra qetñini lömböt kanjamñinambuk qöndökñi 7 qetket.

² Mi eka yuai gilikbilikñambuk köwet ewö ekiga köñöp bölamñambuk lolonqalöñ ahöyök. Miangö qöhöröñe Anutugö ambazip kingetka engehal. Yengön luhut ala jemnembagö keunji qahö tem köla imutnangö waiknji qahö memba qetnangö janngöñi sileñine qahö angön köla malget. Anutunöñ i mohot mohot kulele engiiga memba kinget. ³ †Miangöñeñ kin-da Anutugö nup meme azi Mosesgö liñetñi aka Lama moröñangö saurenj liñetñi mi kewö kölget, “O Kambu Anutu kukösum pakpakö Tonji, göñön angöletot ketanji ketanji welipñinambuk ahakzan.

Göñön kantrinji kantrinji mi kiñ kambu ak enjinöñga ahakmemegahö könanji mi diñdini aka öi töhöññi akza. Miangöra Anutu qainñi kun aka maljan.

⁴ O Kambu, göhöñeñ ahakmemegi diñdini mi mönö aukñe asuhuiga mötzin.

††† Anutugö irimsesewölñi mi wain jout ketanje tözöhölgetka urujan amöriiba teköma. Indelindel 19.15 mi ekñan. ††† 14.20 Ais 63.3; Seru 1.15; Ind 19.15 § 15.3 Eks 15.1; Jer 10.7; Sum 86.9

Miangöra kantri pakpak yeñon kaba göhö waiki memba möpöseim gihimakze.

Göñon nangok töröñi akzan. Miangöra aka dañon mönö göhöra kengetñi qahö mötpawak? Körek neñon göhö qetbuñagi mem sehiba möpöseimakzin."

⁵ †Miangö andöñe uba yuai kewö ehal: Suepkö möpömöpösei jikegö (tempöl) nangunan taliga miangö uruñe Anutu dangunungangö opo seri jikeñan kinie ehal. ⁶ Möpömöpösei jike miangörenök Suep garata 7 lömböt kanjamñinambuk 7 memba kingeri, yeñon mönö eta aukñe kaget. Malukunini tuat lalamñi bilikbi-likñinambuk löngötketka opo jöhan mangihilakñi goulñambuk mi örigit ewö töptöpñe embahöm anguba kinget.

⁷ Yeñon kagetka bem jembon 4 miengörenök kunñan goul qambi 7 enjiiga Anutugö irim-sesewölñan qambi mi numbuñe kotket. Anutu irimñi seholizawi, yañon mala kota malja aka teteköñi qahö mal öngöma. ⁸ ††Qambi mi enjiiga Anutunöñ asakmarañi aka kukösumñi kondeliga miangöra köwak pukuköba möpömöpösei jike (tempöl) kokolak qeiga kunñan kun Suep jike mi öngö-öngögö dop qahö ahök. Suep garata 7 yeñon mutuk qambiñi mokogetka lömböt kanjamñinambuk 7 asuhuba öñinambuk akñei, miangö andöñe ölop kunbuk öngöme. Mewö.

Qambi 7 mokogetka Anutugö irim-sesewölñan asuhuyök.

16 Möpömöpösei jike (tempöl) uruñeyök qet ketani kun asuhuiga Suep garata 7 miengöra keu kewö jim kutuiga möral, "Iñini anda Anutugö irim-sesewölñan qambi 7 numbuñe kota ahözawi, miengö öñi mönö gölmenöñ mokome."

² †Suep garata mutukñan mosöta anda qambiñangö öñi mi gölmenöñ mokoyök. Mokoiga uzi im-bilonloñambuk sihimbölöñi tandökñi sohosohöñi mi qegetal ambazip yengö silenine asuhuget. Ambazip jemnembagö mungem supañi silenine memba imutñangö waikñi memba möpöseigeri, mönö yengö silenine asuhuget.

³ Yahötñi yañon mosöta anda qambiñangö öñi mi köwetnöñ mokoyök. Mokoiga köwetnöñ melenja sep ahök. Mönö azi qeçenangö sepiñ ewö ahök. Mewö aiga köwet uruñe yuai pakpak malmalñinambuk maljei, mi mönö lökñanök kömum teköget.

⁴ ††Suep garata karöbutñan qambiñangö öñi mi o töwatñi aka o jeñi miangören mokoyöga melenja sep aka dop kölok. ⁵ Mewö aiga Suep garata o galöm kölakzawañon keu kewö jiiga möral, "O Anutu töröñi, göñon keu kewöta kewö jim tekönöñga lömböt ki asuhuzawañöra diñdini akzan. Mönö solanñi mala kota maljan. ⁶ Yeñon göhöreñ ambazip sarakñi aka kezapqetok ambazip enguba malgetka sepiñan mokoyök. Göñon i engugerangö likepiñi melenja sep enginöñga negeri, mi mönö dopñe alnöñga qakñine

† 15.5 Eks 38.21 †† 15.8 Eks 40.34; 1 Kiñ 8.10-11; 2 Hist 5.13-14; Ais 6.4 ‡ 16.2 Eks 9.10 †† 16.4 Eks 7.17-21; Sum 78.44; Eks 10.21

öngöyök. Miangöra Anutu göñon mönö diñdianök akzan."

⁷ O galöm kölakzawañon mewö jiiga keu kun altanöhök kewö kaiga möral, "Keu mi öñja! O Kembu Anutu kukösum pakpakö Tonji, göñon mönö ambazip keuñi kewöta diñdianök jim teköm engimakan."

⁸ Suep garata 4:ñan qambiñangö öñi mi wehön jeñe mokoiga miangöñ wehön ösum wañgiiga könöpñi kötokñi aka ambazip könöp ewö engohoyök. ⁹ Wehön jeñi könöpñambuk miangöñ engohoiga silenine dölatiyök. Anutunöñ lömböt kanjamñinambuk miengö Tonji aka ali qakñine öngöyöhi, ambazipnöñ mi möta miangöra Anutugö qetñi jim qesuahöm wañgiba malget. Mewö malgetmö, Anutu möpöseiba qetbuñaji mem sehimegöra mönö uruñi qahö melengetmö, toroqeba yañgisen aka malget.

¹⁰ Suep garata 5:ñan qambiñangö öñi mi jemnembagö jakömbuak dumnöñ mokoyök. Miangören mokoyöga söñaup ketanjan jemnembagö ömetohöñi (kingdom) mi dop köla pandaman meyök. Pandaman meiga ambazip irimñi seholiiga nesilamñi jitñinan yöhötigetka tingirök. ¹¹ Ambazipnöñ sihimbölö aka uzi nömböñinangö sihimbölöñi ketani möta miangöra Suepkö Anutunji mi jim qesuahöm wañgiba malget. Mewö malgetmö, ahakmemerñi bölöñi aka memba malgeri, mi qahö kewöta mosöta uruñi qahö melenget.

¹² †Suep garata 6:ñan qambiñangö öñi mi o töwatñi ketani qetñi Yufreitis miangören mokoyöga jöpköyök. Wehön kotkotñeyök kiñ kembuñi kembuñi kabingö möta jöjöröba malgeri, yeñon o jöpköyöga kunbuk qahö pañpañgögetmö, kutuba kamegö könanji mönö asuhuyök. ¹³ Miangörenök uba öme bölöñi karöbut tandökñi kanj ewö mi engekiga sekak namñi ilikñambuk, jemnemba aka kezapqetok azi takapulakanji yengö numbuñineyök kota etket. ¹⁴ Ömewöröme miengöñ eta anda angöletotñi könanji könanji ahakze. Mewö aka gölmeñi gölmeñi pakpak liliköba kiñ kembuñi engeka Anutu tuarenjor akñegöra uruñi kunguba kewö jiget, "Mönö mindirim anguba Anutu kukösum pakpakö Tonjangö nalö ketanje mohotñe bim aubin."

¹⁵ ††Jisösnöñ jiza, "Kezap alget! Nöñon mönö yongorö meme ewö ölöñ kamam! Kunñan uruguliguli malmawi, yañon mönö simbawon akza. Sile aukñe lañ anda kaiga gamuñi ekepuköra sile esuñi galöm kölakzawañon mönö oyaenköyaen akña."

¹⁶ ††Öme welenqeçe yeñon kiñ kembuñi kembuñi mi kunguba enguangita gölme köroñi qetñi Hibru keunöñ Armagedon jizei, miangören qezaköba al engigetka engehal. Mewö.

¹⁷ Suep garata 7:ñan qambiñangö öñi mi könakemba mokoyök. Mokoiga möpömöpösei jike (tempöl) uruñangö jakömbuak dumñeyök qet ketani kun asuhuba keu kewö kaiga jiyök, "Mi lök mokogetka asuhum teköza." ¹⁸ †Mewö jiiga miangörenök wölbilik

‡† 16.12 Ais 11.15 ††† 16.15 Mat 24.43-44; Luk 12.39-40; Ind 3.3 ††† 16.16 2 Kiñ 23.29; Zek 12.11 § 16.18 Ind 8.5; 11.13, 19

aiga wölpöndaŋ giliga giŋgururuŋ qeta ahöiga kenöŋ jitŋi buburatiŋi kun meyök. Iw (Ewa) Adam yetkö nalönöhök könahiba gölmenöŋ mala korini, nalö mi-anŋöreŋ kenöŋ mewöŋi kun qahö gilgilŋa. Mianŋö dop tandökŋi sohosohöŋi giliga bölöŋi kötökŋi ahök.

¹⁹ †Mewö asuhuiga siti ketaŋi Babilon mianŋön jula bahöŋi karöbut aket aiga kantriŋi kantriŋi pakpak miengö sitiŋini mi mewöŋanök ayuhuba melenŋi geget. Anutunöŋ siti qetbuŋaŋambuk Babilon miengö bölöŋamŋini qahö ölum qeiga likeŋamŋini melenŋi enŋiyök. Anutunöŋ urukönöp aka irimsesewölŋan qambi kokolak qeba taröhi, mi mönö mokom enŋiiga qakŋine öŋgöiga wain o ewö neget. ²⁰ Köwetnöŋ gölme jölanŋi pakpak ahögeri, mi mönö kök ala sömuniget aiga kundunŋi kundunŋi kingeri, mi mönö mewöŋanök ayapköba qahöwaket.

²¹ ††Mewö asuhuiga ais köŋi ketaŋi lömbötŋini 45 kilogram miengön suepnöhök ambazip qakŋine erök. Lömböt kanŋamŋambuk mi tandökŋi sohosohöŋi ahök. Kie köŋi tandökŋi mewö mianŋön eta enŋuiga ambazipnöŋ mianŋöra Anutu jim qesuahöm wangiget. Mewö.

Ambi kunöŋ jemnembagö qakŋe tari ehal.

17 †Suep garata 7 qambi 7 mi memba kingeri, yengöreŋök kunŋan kaba nöŋgöra keu kewö jiyök, “Gi mönö kanöŋga köna ketaŋaŋgö ambi qetbuŋaŋambuk o gwötpuk miengö qakŋine tatzawi, mi kondel gihimam. Anutunöŋ keuŋi kewöta likeŋi melenŋi qakŋe öŋgöi malja. ² ††Gölmegö kiŋ kembuŋi kembuŋi yeŋön yambuk serowilin aka malget. Könagesöŋinan gölmenöŋ maljei, yeŋön mönö mewöyök ambi mianŋö serowilinŋaŋgöra aka uruŋini wahöta sohoiga kahalalom aket. Wain o nempa eŋololon ahakzei, mönö mianŋö dop könahiba sero yonŋorö aka mala kahapmahap aket.”

³ Mewö jiiga Uŋa Töröŋan nömeiga alburupŋan qakne öŋgöiga Suep garata mianŋön noanŋiriga gölme qararaŋkölkölŋe angoral. Mianŋöreŋ anŋota ambi kun jemnemba pisikŋi pötpöt yanŋö qakŋe tariga ehal. Jemnembagö silenŋe mepaqepaik qetŋi qetŋi ohogetka kokolak qeiga nöropŋi 7 aka ilikŋi 10 mewö kinök.

⁴ ††Ambi mianŋön opo söro pisikŋi gugakgugak aka pisikŋi pötpöt mi löngöta tarök. Aködammunŋi goul, jamönŋiŋ ölninambuk aka kösatorom tosatŋi mianŋön meŋölöm anŋuiga tandökŋan kölköl-bilikbilikŋambuk ahök. Böröŋe goul qambi memba taröhi, mi serowilin aka malöhaŋgö anŋöjörakŋi imbilonŋonambuknöŋ kokolak qeŋeŋa. ⁵ ††Ambi mianŋö mesoholŋe qetŋi tölapŋi mi kewö ohogetka ahöyök, “Babilon qetbuŋaŋambuk, gölmegö köna ketaŋi ambazip aka anŋöjörak imbilonŋonambukö namŋini.” ⁶ Qetŋi mewö ahöiga Anutugö ambazip sarakŋan Jisösgö könaŋi nanŋöba böŋ qeba kinda jiba malgeri, mi enŋuba

seŋŋini nempa mianŋöra kahalalom ahöi ehal. Mi eka aurum tililingöyal.

⁷ Aurum tililingöbiga Suep garatanöŋ nöŋgöra keu kewö jii möral, “Gi mönö denöwögöra aurum tililingözan? Nöŋön ölop ambi kianŋö könaŋi tölapŋi indel gihimam aka jemnemba nöropŋi 7 aka ilikŋi 10 ambi mi bisimakzawi, yanŋö könaŋi tölapŋi mi mewöyök indela jim miwikŋaim gihimam. ⁸ ††Jegi melenŋiga jemnemba ekzani, yanŋön mutuk malökmö, nalö kewöŋe jebuk qahö malja. Yanŋön ömewöröme yanŋö löm dutŋi qahö mianŋöreŋök guliba wahötmapmö, Kraistnöŋ kaköm wanŋiiga könöp sianöŋ gema. Anutunöŋ Suep gölme miwikŋaim etkiyöhi, nalö mianŋöreŋök könaŋi gölmenöŋ mala kotketka qetŋini malmal köhöikŋanŋö papianöŋ qahö ohoget ahözawi, ambazip miengön mönö jemnemba eka aurume. Jebuk malökmö, nalö kewöŋe jebuk qahö malja aka könanŋep kunbuk guliba asuhumawi, mianŋöra mönö aurume.

⁹ “Nini keu ki möt asaribingöra möringa mötkutukutanŋan kewö ahöza: Nöropŋi 7 mi ambinöŋ kundunŋi 7:gö qakŋine tatzawi, mönö kundunŋi miengö söpsöpŋi akze. ¹⁰ Nöropŋi 7 mi mewöyök kiŋ kembu 7 miengö kaisöpsöpŋi akze. Yanŋöreŋök 5 lök kömumba etketka 6:ŋi yanŋön mala ambazip galöm köl enŋimakza. Qöndökŋan bianŋ asuhumawanŋö dop akza. Yanŋön asuhumawi, mianŋöreŋ mönö nalö töröpŋi kukösum qakŋe kinmawanŋö dop akŋa. ¹¹ Jemnembambuk malökmö, nalö kewöŋe qahö toroqeba maljawawi, yanŋön 7 yanŋöreŋök kun akza. Yanŋön kunbuk guliba nanŋak kiŋ kembu janŋöŋi 8 akŋa. Mewö akŋapmö, Kraistnöŋ könderŋ wanŋiiga ayuhuba könöp sianöŋ gema.

¹² †††Ilikŋi 10 enŋekzani, mi mönö kiŋ kembu 10 miengö kaisöpsöpŋini akze. Yanŋön qahö könahiba ambazip galöm köl enŋimakzemö, Anutunöŋ könanŋep kukösum enŋiiga kiŋ kembu ewö akŋe. Mewö aka jemnembabuk aua mohotkö dop ambazip galöm köl enŋiba malme. ¹³ Kiŋ kembu 10 miengön mötmöt areŋ mohot miyök wuatangöba jemnemba nanŋöba kukösumŋini i wangigetka malma. ¹⁴ Ösumŋini mewö mindiriba Lama moröŋi tuarenŋonŋi aka bim aumemö, Lama moröŋan mönö luhut al enŋiiga etme. Yanŋön kiŋ yanŋö Kiŋini aka azi kembu yanŋö Kembuŋini akza. Yanŋön nenŋohola möwölöhöm nenŋiiga yambuk pöndaŋ kinda malbini, nenŋön mönö mohotŋe luhut al enŋiba köiraŋ kölbini.”

¹⁵ Suep garatanöŋ keuŋi mewö jiba toroqeba kewö jii möral, “Köna ketaŋaŋgö ambi ketaŋan o gwötpuk miengö qakŋine tariga enŋek teközani, o mi ambazip kantriŋi kantriŋi miengö kaisöpsöpŋini akze. Yanŋön kambuŋini aka bem isikŋinanŋö dop likepliket tat angetka silenŋini könaŋi könaŋi aiga keuŋini tandökŋi murutŋi murutŋi jimakze. ¹⁶ Jegi melenŋiga ilikŋi 10 enŋekzani, yanŋön mönö ösumŋini jemnembabuk mindiriba köna ketaŋaŋgö ambi mi kazik ak wangigetka kewö asuhuma: Yanŋön öroyuainŋi pakpak kiom qegetka piromŋi aiga opo söronŋi köteköm tekögetka

† 16.19 Ais 51.17; Ind 6.14 †† 16.21 Eks 9.23; Ind 11.19 †
17.1 Jer 51.13 †† 17.2 Ais 23.17; Jer 51.7; Ind 13.1 †† 17.4 Jer 51.7

††† 17.8 Dan 7.7; Ind 11.7; Sum 69.28 ††† 17.12 Dan 7.24

sile aukneyök aiga busunji nempa sihitnji könöpnönj ohogetka jem teköma.

¹⁷“Mewö asuhumawi, mi Anutunönj kiñ kembu miengö urunji kuñguba sölölohöm engiiga urumohot aka mindiriba akñe. Anutugö mötmöt areñi mönö mewö wuatangöme. Miangö dop kukösumñini jem-nemba wangigetka ambazip galöm köñ engiba malma. Mewö maliga Anutugö keujan öñjambuk akñawi, nalö miangörenj teköma. ¹⁸ Ambi tari ekzani, mi siti qet-buñangambuk toñan gölmegö kiñ kembunji kembunji galöm köñ engimakzawi, mönö kiñ miangö söpsöpñi akza.” Mewö.

Babilon siti köndengetka gororongöma.

18 Miangö andöñe Suep garata kun kukösumñi öngöngöñi ekiga Suepnöhök asuhuba eriga asakmararañan gölme mem asariyök.

² †Eta köhöikñanök silata kewö qerök, “Babilon siti ketanji mi köndenget. Mi öñja köndengetka gororongoyök. Ambazip qahöwaketka öme wöröme könanji könanji yeñönök mönö tokoba mirinji miangörenj megetka yeñgö gölmenji bohonji ahök. Neiñi neiñi dönqizinñinambuk aka imbilonñinambuk miengönök mönö miangörenj tokoba aipñini lañ ala öñsönj malje.

³ ††Anutunönj mi kewögöra jiiga köndenget: Kantri pakpak yeñön ambi miangö serowilinñangöra aka urunji wahöriga eñololonj aketka Anutugö irimñi sehohiyök. Irimsesewölñi mi qakñine öngöiga wain o nemakzeangö tandök mötket. Gölmegö kiñ kembunji kembunji yeñön ambi miambuk sero namböñnamböñ aka malget. Kölköl-örörö ambazipnönj gölme dop miangörenjök kaba sukinap aködamunñinambuk bohonji memapköra algetka önöñi qahö öröba siyonsayonji qahö malök. Yangö örömgöjup memgöjupñangöra aka yeñön pomñi kindirbirik aka öngöngöñi aket.”

⁴ †Miangö andöñe Suepnöhök kunönj keu jiiga kewö möral,

“Nöñgö könagesöurupni, inñini mönö siti mi mosöta yaigep etiket.

Ambi miangön siñgisöndök ahakzawi, miangön mönö engualöñni yambuk kinda urunji tölohobepuk.

Anutunönj likepñi melenj engiiga lömböt kanjamñinambuk qakñine öngömei, lömböt mewöñi kunönj mönö nanñini qakñine öngöiga mewöyök sihimbölö mötpepuk. Miangöra yembuk mönö kude mindiriba malme.

⁵ ††Ambi miangön siñgisöndökñi aka qaknönj qaknönj aliga öngöba lök suep misirim teköza.

Kegwek-kahasililij aka malgeri, Anutunönj mi mönö nanñi mötmötnönj ala miangöra qahö ölum qema.

⁶ ††Ahakmeme gonjonji tosatñi ak engiba malgeri, inñini mönö miangö dop melenj ak engime. Bölonji aka memba malgeri, inñini mönö miangö likepñi sömanji yahötkö dop melenj engigetka qakñine öngöma.

Siñgisöndökö qambiñi nemegöra mokoba malgeri, nanñini qambi miangörenjök mönö sömanj yahötkö dop uba melenjda wain o kömbukñi kötköñi mi engöra mokoget neme.

⁷ ††Ambi miangön sukinap aködamunñinambuk önöñi qahö öröba qetbuñja öngöngöñi miwikñaiba siyonsayonji qahö malök. Miangö likepñi mönö nanñi ihileknönj ohotiriba ip özöpañnönj sihimbölö önöñi qahö ak wangigetka jingenj köla wösöbirik malma. Nanñi uruñe kewö mötmöröba lañ jimakza, ‘Nöñön qin ambi kembugö jakömbuak dum tatatñe tatza. Malö qahö akzal aka nalö kunönj jingenj qahö kölmam.’

⁸ Mewö lañ jimakzawangöra aka Anutunönj likepñi melenj wangiiiga nalö mohotkö uruñe yangö qakñe öngöma.

Kembu Anutunönj keunji kewöta jim teköm wangiyöhi, yangö kukñan mönö öngöngöñi akza.

Miangöra lömböt kanjamñinambuk könanji könanji miengön mönö zilañ kewö asuhum wangime:

Tinitosolomñan kömugetka jingenj köla bödi tariga nanñi könöpnönj ohogetka jema.”

⁹ ††Könöpnönj ohogetka jeiga köwak wahötmawi, kantriñi kantriñi pakpak miengö kiñ kembunjan mi eka mönö amburereñ aka sahötme. Kiñ kembu miengön yambuk serowilin aka malget. Sukinapñi aködamunñinambuk önöñi qahö miangö nem söñgaipñi yambuk ala söñgaiba malgeri, yeñön mönö yangöra aka jingenj kölme. ¹⁰ Jingenj köla ihileknönj ohotirigetka ip özöpañnönj sihimbölö önöñi qahö mötzawi, miangöra mönö töwöratiba tikep kinda kewö sahöta jime, “O Babilon siti qetbuñangambuk, lömböt qakñine öngöyöhangöra mönö Ye! Ye! jiba sahötzin. O siti kukösumñini ketanji, Suep Toñan likepñi melenj engiiga ösumok aua mohotkö uruñe qakñine öngöiga sihimbölö ketanji mötze. Ye! Ye! jiba sahötzin!”

¹¹ †Kantriñi kantriñi miengö kölköl-örörö ambazip yeñön mewöyök amburereñ akñe. Kunñan toroqeba yeñgö inapñini bohonji qahö memakñawangöra mönö jingenj köla sahötme. ¹² ††Aködamunñini goul, silwö, jamönñij öñinambuk aka sorom köñji mi Babilon yeñön me tosatñan qahö bohonji meme. Oponñini tuat lalamñi, pisikñi gugakgugak, pisikñi pötpöt aka opo qetñi silk mi qahö bohonji meme. Ip qetpuk könanji könanji miengö kemañini aka börösöwöñini könanji könanji mi qahö toroqeba bohonji meme. Aködamunñini elefant sihitñan memeni, mi öne ahöme. Dum tebol yuaini ip söñgööröñini ketanji in, qönqön, mihinik, nañim aka yuari miangön memeni, mi öne ahöme. Börösöwö ain gohotñi brons aka ain injañan memeni aka kötketñi mabol miangön memeni mi mönö öne ahöme.

¹³ Babilon yeñön kömusönönik (sinamon) aka gipñi tosatñi mi qahö bohonji meme. Silegö sanda qetñi mör, jiniñ samburup aka sile ömön tosatñi mi qahö bohonji meme. Wanafu, berat, wölömjikjik aka

† 18.2 Ais 13.21; 21.9; Jer 50.39; 51.8; Ind 14.8 †† 18.3 Ais 23.17; Jer 51.7 † 18.4 Ais 48.20; Jer 50.8; 51.6, 45 †† 18.5 Jen 18.20-21; Jer 51.9 †† 18.6 Sum 137.8; Jer 50.29

††† 18.7 Ais 47.7-9 ††† 18.9 Eze 26.16-17 † 18.11 Eze 27.31, 36 †† 18.12 Eze 27.12, 13, 22

wörönji asuhumapkö yuai tosatji mi qahö bohonji meme. Mewöyök wain o, oil ipkö oilji, wit kötni aka flaua nenenji mi qahö bohonji meme. Bulmakau, lama, hos aka hos kare mi qahö bohonji meme. Mutuk welenqege ambazip bohonjini memba nupnöh al engigetka sile me urumötmötñinan böliba ayuhuyök. Mewö qahö toroqeba ahakñe.

¹⁴ Kölköl-örörö ambazip yeñon Babilon ambi mi-angöra kewö jime, “Ip ölni nemamgö sihimñi möta eröm ota malnöh, mi mönö qahöwaketka öne maljan. Töhötmöríamgi aka sukinapki aködammunñinambuk mi mönö körek pakpak gömosöta ayapkögetka tömtömimba maljan. Mi mönö nalö kungen kunbuk miwikñaimanangö dop qahö.” ¹⁵ †Kölköl-örörö ambazip sukinapñini mewö mewö bohonji memegöra ala siti miangörenök monen goul (guli dötnam) öröba qet-bunjanambuk aket. Yeñon tikep kingetka tosatñan ihileknöh ohotirigetka ip özöpañnöh sihimbölö öñöhji qahö möröhi, miangöra mönö auruba sahöta jinjen kölme.

¹⁶ Jinjen köla kewö jime, “O siti ketanji, lömböt qakñine öngöyöhangöra mönö yei! yei! qeta jinjen köljín. Yeñon oponini tuat lalamñi, pisikñi gugakgugak aka pisikñi pötpöt mi löngötket. Aködammunñini goul, jamönñij ölninambuk aka kösasorom tosatñan menjölöm angugetka tandökñinan kölköbilikñinambuk aket. ¹⁷ ††Mewö aketmö, sukinapñini mewöni önöhji qahö mi mönö ösumok aua mohotkö uruñe ayuhuba ayapköba qahöwaket.” Mewö jiget.

Wañge pailot pakpak aka ambazip wañgenöh anda kamakzei, yeñon mewöñanök körek Babilon siti ohoget jeiga köwakñi mi tikep kinda ekñe. Mewöyök wañge ambazip opo seri mörörengögetka luhutnöh nanñi anakzei aka köwetnöh nup tosatñi memba malmalñini nanñömakzei, mienñon mönö körek pakpak mi tikep kinda ekñe. ¹⁸ †Ambi ketanji qetbunjanambuk ohoget jeiga könöp bölamñangö köwakñi wahötmawi, mi tikep kinda eka amburereñ aka kewö jime, “Siti qet-bunjanambuk kiangö alanji mönö nalö kunöh qahö ahöyök.”

¹⁹ ††Mewö jiba sömsöm urata kau ariba qeta jinjen köla unduba sahöta kewö jiget, “O siti ketanji, aua mohotkö uruñe yuaiñi pakpak mönö ayuhuba ayapköba qahöwahök. Ambazip wañgeninambuk pakpak köwetnöh anda kaba sukinapñini bohonji memegöra ala miangörenök monen goul (guli dötnam) sehisehinji örogetka siti mianñon qetbunjanambuk ahök. Lömböt qakñine öngözawañgöra mönö yei! yei! jiba sahötzin.” Mewö jiget.

²⁰ ††Yeñon ahakmeme gonñonji tosatñi ak engiba malgeri, Anutunöh mönö miangö keunji jim teköba likepñi melenñiga qakñine öngöiga sihimbölö ketanji mörakze. Miangöra Suep mire maljei, injini mönö yangöra aka köirañ kölme. Anutugö ambazip sarakñi,

apcsolurupñi aka kezapqetok ambazip injini mönö söngaiba saurenj qeba malme.

²¹ ††Miangö andöñe Suep garata ösumñi öngöñgöñi kunöh kaba köt keta bölokñi memba wahöta köwetnöh gili geiga kewö jiyök, “Anutunöh siti ketanji qet-bunjanambuk mi mönö kiangö dop könöpuk köndenja melenñi qeba qahöwak teköma. Qahöwak teköiga könanñep nalö kunöh qahö miwikñaimanangö dop akña. ²² †††Inñi siti miangörenj kömam köla gita kulele qeba awölop tömun uba linjet köla undumalgeri, miangö kourukñi mönö nalö kunöh kunbuk qahö mötme. Babilon engörenj ambazip mötmöt nupñini könanñi könanñi memba malgeri, mi mönö teköyök. Dokta didiman, qaqazu klak aka mewöñi mi miangörenj kunbuk qahöpmañöh miwikñaim engime. Wit padi kötni jamönñij yahötkö sutñire möjöhögetka (mill) kourukñi asuhuyöhi, miangö isikusukñan mönö qahöwahiga sitinöh mönö göröh qeba ahöma.

²³ “Mutuk sitiñinangö mirinji pakpak mi kiwanjinambuk asarigetmö, asakñi mianñon mönö bököiga pandaman ahöma. Azigö andöurupñinan ambigö mam bohonji bau anguba börum megetka ambigö sepkitipurupñan köirañ ala nem jöwösök aka sösongai almalgeri, ököirañ mewöñangö kourukñi mi mönö kunbuk mötmanangö dop qahö. Babilon engö kölköl-örörö ambazip mi kantrinji kantrinji miangörenj möt engigetka qetbunjanambuk aka malget. Yengörenj qarösongo amötqege ambazip mi gölme dop ambazip urunñini mem sohogetka janñun aka malget.” Suep garatanöh mewö jiyök.

²⁴ ††Babilon mi kewögöra ayuhuyök: Kezapqetok ambazip aka Anutugö ambazip sarakñi mi mönö yengö sutñine töndup taköwölan aka enguget kömugetka sepñinan erök. Yengörenj sep aka gölmenöh ambazip tosatñi engugetka kömumalgeri, körek yengö sepñinangö kitipñan mönö yengö qakñine öngöi malget. Könanñinñini mewö miwikñaigetka ahöyök. Mewö

Suep yeñon Babilon geyöhangöra Anutu möpöseiget.

19 Miangö andöñe Suepnöhök keu kun mötpiga kambu ketanji yeñon köhöikñanök saurenj linjet köla qetzei, mönö miangö tandöktandök asuhui kewö jiget, “Anutu möpöseizin aleluya! Anutunöh amöt nenguba nengömeiga yangö buñanji akzin. Anutuninan kukösum Tonji aiga möpöseim wañgiinga qet-bunjanambuk akza. ² †††Anutunöh mönö keu ölnangö dop ambazip keunñini kewöta diñdiñanök jim teköm nengimakza. Köna ketanji ambi serowilin aka mewö mianñon ambazip gölme dop mem bölim engiba malöhi, Anutunöh mönö yangö keunji kewöta jim teköyök. Ambi mianñon Anutugö nup meme ambazip enguiga sepñinan eröhi, miangö likepñi mönö melen wañgiiga qakñe öngöiga sihimbölö möta malja. Miangöra Anutu möpöseim wañgizin.”

† 18.15 Eze 27.31, 36 †† 18.17 Ais 23.14; Eze 27.26-30 †
18.18 Eze 27.32 †† 18.19 Eze 27.30-34 †† 18.20 Dut 32.43; Jer
51.48

††† 18.21 Jer 51.63-64; Eze 26.21 ††† 18.22 Eze 26.13; Ais
24.8 § 18.22 Jer 7.34; 25.10 §† 18.24 Jer 51.49 §†† 19.2 Dut
32.43; 2 Kij 9.7

³ †Mewö jiba kunbuk qeta kewö jiget, “Ambi mi ohoget jeiga köwakñan mönö nalö dop tetekönji qahö wahöta öngömakña. Mianğöra Anutu möpöseim wangimaksin, aleluya!” ⁴ Mewö qeta jigetka Anutugö jitñememe bohonji 24 aka bem jembon 4 mienñon mönö bamğöba simin köla Anutu, jakömbuak dumñe tatzawañgö waikñi memba möpöseiba kewö qetket, “Keu mi ölña, aleluya!”

Lama moröñangö maren lömbuan

⁵ ††Mewö qetketka jakömbuak dumnöhök keu kun kewö asuhuyök, “Anutugö nup meme ambazip ketanji moröñi jitñi ongitpinbuköra keñgötñini mörakzei, iñini mönö körek pakpak Anutunini möpöseiba malme.”

⁶ †Keu mi asuhuiga keu kun mörali, mi kiangö tandöktandök: Kambu ketanji yeñon liñet köla qet qerakzei aka o sianön tonğala kiniga ötönji asuhumakzawi aka wölpöndandan ketanjan qeiga giñgururuñ asuhumakzawi, keu mi mönö mianğö tandöktandök ewö asuhuiga kewö jiget, “Kembu Anutunini, kukösum pakpakö Tonjan mönö könahiba gölme dop galöm köl engiba kiñ Kembuñina aka malma. Mianğöra Anutu möpöseizin, aleluya!” ⁷ Lama moröñangö ambi buñanjan mönö marengö möta nanñi mözözömgöba jöjöröm anğuiğa amqeiga ambi memegö nalöñan mönö kam kuñguiga maljin. Mianğöra neñon mönö köirañ köla söñgaiba Anutu möpöseim wangiiinga qetbuñanjan sehimakña. ⁸ Anutunön maluku tuat lalamñi asakmararañambuk mi engiiğa löngötket.” (Maluku tuat lalamñi mi ambazip sarakñi yeñgö ahakmeme solanñangö kaisöpsöpñi, mönö mianğöreñ löngöt anğugot.)

⁹ †Kambu ketanjanğö tandöktandök mewö qeta jigetka Suet garata qambinambuk mianñon mönö toroqeba kewö jii möral, “Keu ki mönö ohoman: Anutunön ambazip engoholiga Lama moröñangö maren (ambi memegö) lömbuanñon keñgotmei, yeñon mönö simbawon akze.” Mewö jiba dumñe kunbuk nöñgöra kewö jiyök, “Keu mi mönö Anutugö keu öl töhöñji akza.”

¹⁰ Suet garatanön mewö jiiğa nöñon mianğöreñök yanğö waikñi memba möpöseim wangimamgö möta yanğö könañe simin köla sipköyalmö, nöñgöra kewö jiyök, “Aek! Mewö kude akñan. Gi aka göhö urumelen alaurupkan Jisösgö könañi nanğöba jiba malgetka welen qem engimaksin, nöñon mönö yeñgöreñök kun akzal. Jisösnön Buña keu ölñi indelöhi, mianğö ösumñan mönö kezapqetok ambazip inahöm engiiğa Uña Töröñangö keunji möta jim sehiget. Mianğöra mönö Anutugöra sipköba waikñi memba möpöseiba malman.” Mewö.

Kraistnön yeñgö kambunji yembuk bim aubingö anget.

¹¹ †Nöñon Suet anañjiğa hos tuatñi kun ekiga kayök. Qakñe tariga kayöhanğö qetñi mi Pöndan Kinkin (Jembon onji nene) aka Azi Ölbölñi. Qetñi mewö qerakzei,

† 19.3 Ais 34.10 †† 19.5 Sum 115.13 † 19.6 Eze 1.24; Sum 93.1; 97.1; 99.1 †† 19.9 Mat 22.2-3 †† 19.11 Eze 1.1; Sum 96.13; Ais 11.4

yanñon keu diñdiñi wuatangöba keu kewöta jim teköba mianğö dop bim qemakza. ¹² ††Jeñan könöp bölam tandök jeiga nöñopñe ila jalö gwötpuk kölgetka qetñi aukñe ohohonja kayök. Qetñi nanñök mötzapmö, kunön kun mi qahö mötza. ¹³ Malukuñi sepnön kusakusaholñi mi löngöta kayök. Qetñi qerakzei, mi Anutugöreñ keu.

¹⁴ I wuatangöba kageri, mi Suet mirigö yeñgö azi kambunji kambunji. Yeñon hosñini tuatñi engömembra qakñine tata malukuñini tuat lalamñi sarakñi löngöta kaget. ¹⁵ ††Suahönjananğö numbuñeyök bimgö sou ketanji (bainat) jitñi zuluk alalñambuk kunön kayök. Mi kantriñi kantriñi enguba luhut al engimapköra aka kayök. Yanñon galömkölkölgö ain öröñan kantri dop qindiñaiba galöm köl engiba malma. Yanñon Anutu kukösum pakpakö Tonjanğö wain joutñi ketanji tözöhölma. Wain jout mi Anutugö irimesesewölñi urupikñambukö kaisöpsöpñi akza. ¹⁶ Malukuñe qetñi kun ohogetka marömñe kewö kinök, “Kiñ yeñgö Kiñini aka azi kembu yeñgö Kembuñini.” Mewö.

¹⁷ ††Mianğö andöñe Suet garata kun ekiga wehön jeñe kinök. Euyangöreñ kindä köhöikñanök qeta neiñi neiñi suet bibiñi kutuba könakemba bölbölgöba anakzei, mönö körek mi engohola kewö jiyök, “Iñini mönö kame-e! Anutunön közölömbuan ketanji mözözömgöyöhi, mönö mianğöreñ tokome. ¹⁸ Kaba tokoba kiñ kembu, suahö galöm aka yeñgö azi yeñgö busuñini neme. Hos aka hos qakñine tarakzei, mönö yeñgö busuñini neme. Ambazip körek yeñgö busuñini mönö kaba neme. Ambazip öngöñgöñi eretñi, nanñini nupñini memakzei aka tonjananğö welenñini öne qemakzei, mönö körek mienğö busuñini neme.”

¹⁹ Mianğö andöñe jemnemba aka gölmenji gölmenji yeñgö kiñ kembuñini mienñon mönö yeñgö kambuñini enguanğita kaba tokogetka engahal. Kunön hos qakñe tata yeñgö kambunji yembuk kinöhi, mönö i tuarenjon ak engiba bim aubingöra tokogetka engahal.

²⁰ ††Augetka jemnemba memba jöhöget. Kezapqetok azi takapulakanji jemnembağö jitñememba anğöletot aka malöhi, i mewöyök jemnembabuk memba jöhöget. Kezapqetok azi takapulakanjan anğöletot aka mianñon ambazip tosatñi kewöñi mi tilipköm engiiğa janjuñ aka malget: Ambazip jemnembağö supañi memba anğön kölgeri aka tosatñan imutñanğö waikñi memba möpöseiba malgeri, mi mönö tilipköm engiba malök. Etkömembra jöhöba gwölögwölö aköm etkigetka löm salfa kötkö könöp bölamñan koasikpuk jemmakzawi, mönö mianğö sianön geyohot. ²¹ Geyohotka

††† 19.12 Dan 10.6 ††† 19.15 Sum 2.9; Ais 63.3; Joel 3.13; Ind 14.20 § Jisösnön Anutugö irimesesewölñi aka urupikñi tözöhölmawi, keu mianğö könañi kewö: Nini siñgisöndok ahinga Anutugö irimñi seholiiga irimesesewölñan qaknine öngöba ahöma. Toroqeba siñgisöndok aka urunini qahö meletñinga Anutugö irimñan toroqeba seholiiga urupikñambuk akña. Wain kösögö ölñi pisikñi (greip) mianğö kanjenji mi jout ketanjan ala tözöhölgetka qösököiga onjan dutñanğö kinimñe lalanön geiga bakat algetka mianğö uruñe gemakza. Anutugö irimesesewölñi aka urupikñi mianğö söpsöpñi mi wain kösögö ölñi. Jisösnön mianğö sihimbölöñi möta tözöhölö geiga Anutugö uruñan amöriba teköiga luai asuhuma. †† 19.17 Eze 39.17-20 ††† 19.20 Ind 13.1-18

hos qakne taröhanjö numbuñeyök bimgö sou ketanji (bainat) kayöhi, mianjön mönö kin kembu aka yarö azi pakpak mi enguiga kömuget. Kömugetka nei pakpak yeñön kanğota busunini uba nembra nem timbireñ aket. Mewö.

Satan jöhögetka yara 1.000:gö dop kösö mire tarök.

20 Miangö andöñe Suep garata kun ekiga Suep-nöhök erök. Yanjön ömewöröme yeñgö löm dutnji qahö miangö ki moröñi aka tapep (munğamunğa) ketanji kun mi böröñan memba erök. ²†Garata mianjön eta sekak namñi ilikñambuk (dragon) mi memba (yara) yambu 1.000 tatmawangöra jöhöyök. Sekak namñi mi möpñangö möpñeyök mokoleñ aka mala korök. Qetñi alañi mi Bölöñangö Tonji aka Satan. ³Yambu 1.000:gö uruñe toroqeba ambazip kantri dop kunguba gölme dop janjuñ akñegöra tilipköm enğibapuköra jöhöyök. Jöhöba gili ömewöröme yeñgö löm dutnji qahö miangöreñ geiga önunñi köla sapö ala munğem supapñöñ (sil) qekötahöba ki namñi misii geiga uruñe tarök. Mewö tari Suep garatanöñ kewö jiyök, “Yambu 1.000 teköiga miangö andöñe Anutunöñ jii kunbuk pösatketka nalö töröpñi nupñi memba malma.” Mewö jiyök.

⁴††Miangö andöñe jakömbuak dumñi dumñi ehal. Anutunöñ tosatñi kukösum enğiiga ambazip keunjni jim tekömei, yeñön mönö dumñi dumñi miangöreñ eta tatket. Mewöyök ambazip Jisösgö könañi nangöba jigerangöra aka Anutugö Buña keugöra aka jölñini yandigetka kömugeri, mönö yeñgö uñanini enğehal. Mewöyök ambazip jemnemba aka yangö imutñangö waikñi qahö memba möpöseigeri aka yangö supapñi mi mesoholñine me böröñine qahö memba angön kölgeri, mönö yeñgö uñanini enğehal. Uñanini mi enğeki-ga mönö guliba wahötket. Wahöta Kraistpuk (yara) yambu 1.000:gö dop yuai pakpak galöm köla malget.

⁵Kömugeri, yeñgöreñök tosatñan kömupnöhök wahötwahöt mutukñi miangö nalöñe qahö guliget. Qahöpmö, (yara) yambu 1.000 mi mambötket teköiga miangö andöñe mönö guliba wahötme. ⁶Denike yeñön kömupnöhök wahötwahöt mutukñangö nalöñe gulimei, yeñön mönö oyaenköyaen aka töröñi sarakñi akze. Nalö miangöreñ gulibagun mönö indimñi yahöt qahö kömume. Kömup yahötñangö kukösümñan mönö yeñgö qakñine qahö öngöi kömumbingö osime. Yeñön mönö Anutu aka Kraist yetkö jike nup galömurupñiri akñe. Mi aka Kraistpuk (yara) yambu 1.000 mi yuai pakpak galöm köla mal öngöme. Mewö.

Anutunöñ Satangö keunji jim teköiga etma.

⁷(Yara) yambu 1.000 mi teköiga Satan kösö mireyök (kopurumñeyök) pösatketka etma. ⁸†Eta anda ambazip kantri dop tilipköm enğimangöra gölme dop liliköma. Gölme görañi likeplikep eu emu anda kaba (uruñini moñgosohowa) siksauk ak enğiba kantri qetñiri Gog

† 20.2 Jen 3.1 †† 20.4 Dan 7.9, 22 ‡ 20.8 Eze 7.2; 38.2, 9, 15

aka Magog mi tok dop köla anma. Anutu tuarenjon aka bim qemegöra kungum enğiiga tokogetka janğöñinan köwetkö sak kösakö dop akña. ⁹Tokoba kaba kutuba Israel gölme dop köl teköba anda Anutugö könagesö yeñgö selñini aka Anutugö wölböt sitiñi (Jerusalem) mi liliköba tatme. Mewö tatmemö, Anutunöñ könöp bölam aliga suepnöhök eta jem kutum enğim teköma.

¹⁰Jem kutum enğim teköiga Bölöñangö Tonji tilipköm enğiiga janjuñ akeri, garata yeñön i aköm wangigetka löm salfa kötkö könöp bölamñan koasikpuk jemakzawi, mönö miangö sianöñ geyök. Mutuk jemnemba aka kezapqetok azi takapulakanji mewöyök aköm etkigetka miangöreñ geba maljahot. Miangöreñ sunğem asak ihileknöñ ohotirim enğigetka teteköñi qahö sihimbölä önöñi qahö möta mal öngöme. Mewö.

Anutunöñ ambazip kömugeri, yeñgö keunjni jim teköma.

¹¹†Miangö andöñe jakömbuak dum ketanji tuatñi aka miangöreñ tatzawi, i ehal. Ekiga suep gölme mi yangö jemesoholñeyök qahöwaka angaiyohot. Angai-ba kunbuk etkekinangö dop qahö ahot. ¹²Angaiyohot-ka ambazip kömukömuñi öngöñgöñi eretñi enğekiga jakömbuak dum wösöñe kingetka Anutunöñ buk papi-ani papianji kötulök. Papia alañi kun qetñi malmal köhöikñangö qet areñ papia mi mewöyök kötulök. Kö-tula ambazip kömukömuñi yeñgö keunjni keworiga ahakmemenjanğö kösohotñi buk papianöñ ohogetka ahöyöhi, yanjön mönö miangö dop oyonđa ambazip jim teköm enğiyök.

¹³Köwetnöñ kömumba geba malgeri, mi köwet Tonjan melen enğiiga Anutugö jeñe kanğotket. Kömup-kö kondotkondot Tonjangö böröñe malgeri, mi Tonji mianjön kölenđa al enğiyök. Kömumba kömupkö uñem mire geba malgeri, mi miangö Tonjan melen enğiiga Anutugö jeñe kanğotket. Mewö kanğota asuhugetka Anutunöñ keunjni mohot mohot kewöta ahakmemenjanğö dop jim teköm enğiyök. ¹⁴Jim teköm enğiiga kömupkö kondotkondot Tonji aka kömupkö uñem miri Tonji mi aköm etkigetka löm könöp koasikpuk jemakzawi, mönö miangö sianöñ geyohot. Könöp sia miangöreñ gegeri, mianjön mönö kömup indimñi yahöt akza.

¹⁵Anutunöñ kungö qetñi malmal köhöikñangö qet papianöñ qahö ohogetka ahöi miwikñaiyöhi, i mönö aköm wangii löm könöp koasikpuk jemakzawi, miangö sianöñ geyök. Mewö.

Suep dölökñi aka gölme dölökñi etkehal.

21 ††Suep gölme mutukñi yetköñ mewö qahöwaka ayapköyohotka köwetnöñ mewöyök qahö toroqeba ahöyök. Miangö andöñe Suep gölme dölökñi etkehal.

²†††Jerusalem dölökñi, siti töröñi mi Suepnöhök Anutugö mireyök eriga ehal. Siti mi möhamğöm tekögetka

†† 20.11 Dan 7.9-10 †† 21.1 Ais 65.17; 66.22; 2 Pitö 3.13

eksihimnambuk kewö ahök: Ambi maren wanğigetka maluku eksihimnambuk löngöta azi buñanambuk aitonğomapkora meñölöm anğuba jöjöröba akö-damunñambuk kinjawi, siti mianñon mönö mianğö dop aiga ehal. ³†Mi eka kinda jakömbuak dumnöhök keu kun asuhui mötpiga köhöikñanök qeta kewö jiyök, “Eknöh, Anutugö mirinöh mönö ambazip sutñine eta ahöza. Anutunöh sutñine maliga yambuk malgetka nanñak bem Anutunini aka yembuk mal öngöma. ⁴††Yembuk mala je imbilñini mi lökñanök kutum teköma. Yuai pakpak mutuk ahöyöhi, mianñon mönö qahöwak teköyök. Mianğöra kunbuk qahö kömugetka jinğenkölköl qahö akñe aka toroqeba sihimbölö kun qahö mötme. Yuai kungöra qahö osiba sahötme.”

⁵Jakömbuak dumñe tatzawanñon kewö jiyök, “Möt-nöh, nöñon jibiga öröyuaı pakpak mönö kölöñaıba dölökñi akña.” ⁶†Toroqeba kewö jii möral, “Mi mönöh jibiga asuhum teköza. Nöñon mutuhök mala (yuai pakpak miwikñaıba könañgep jibi qahöwahıga) qöndökña mal öngöba malmam. Mianğö dop nöñon kulem namñi mutukñi A aka kulem namñi teteköñi Z akzal. Kunñan ogöra mötzawi, nöñon mönöh malmal köhöikñanğö o jeñeyök o mi kalema wanğıbiga mianğöreñök söñğöreñi qahö um nembra malma. ⁷†Kunñan lömböt pakpak onğita luhut almawi, nöñon mönöh yanğö Anutunı aka yuai pakpak mi wanğıbiga buñanı aiga nöñğö nahönböratni aka qetni bisiba malma.

⁸“Mewö malmampö, tosatñan ambazip jeñine zir-inzirin aka böñ qahö kinda mötnaripñini mosötketka urunñan tölohozawi, yanğö mirinñan mönöh löm salfa kötkö könöp [†]bölamñan koasikpuk jemakzawi, mianğöreñ ahöma. Yanğöreñ toroqeba ambazip kewönı yanğön mewöyök mianğöreñ geba malme: Ambazip enğuguet kömugetka kaisero qarösonğo amötqeqe aka tandö lopion waikñini memba möpöseıba munen keu jimakzeı, nöñon mönöh i aköm enğıbiga sia mianğöreñ geba malme. Mi kömup indimñi yahöt akña.” Jakömbuak dumñeyök keu mewö kaıga möral. Mewö.

Jerusalem siti dölökñi mi qainñi kun.

⁹Lömböt kanjamñinambuk qöndökñi 7 mianñon qambi 7 kokolak qegetka Suet garata 7 mienñon mi memba kingeri, yanğöreñök kunñan kaba nöñğöra kewö jiyök, “Mönöh kanöñga Lama moröñanğö ambi buñanı anömñi akñamğö akzawi, mi kondel gihimam.”

¹⁰††Mewö jiıga Uña Törönñan nömeıga alburupñan qakne öngöıga Suet garata mianñon noanğirıga kundunı köröpñi qetbuñanambuk kunöh öngöit. Mianğöreñ öngöba siti törönı Jerusalem Suetnöñök Anutugö mireyök eröhi, mi kondel niñgiıga kewö ehal:

†† 21.2 Ais 52.1; 61.10; Ind 3.12 † 21.3 Eze 37.27; Lew 26.11, 12 †† 21.4 Ais 25.8; 35.10; 65.19 † 21.6 Ais 55.1 †† 21.7 2 Sml 7.14; Sum 89.26-27 †† Salfa kötkö könöpñi mi közupkö kötnan jeba göğöriñ qeba jemakzawanğö dop akza. ††† 21.10 Eze 40.2

¹¹Anutugö asakmararañan mianğöreñ asariıga kölköl-bilikbilikñan goul aka jamönñin ölninambuk söñğöreñini öngöñğöñi mienğö tandök ahök. Jamönñin ölnambuk qetñi jaspö mi kirin jöhanñi jöhanñi kölköl-bilikbilikñinambuk melenđa asarımakzeı, mönöh mianğö dop tuatñi ahöyök. ¹²†††Kiriponı öngöñğöñi mi aködamunñambuk. Kiriponanğö nanğunı 12 kingetka kösutñine Suet garata 12 dop köla kinget. Israel kö-nagesögö kambunı 12 mienğö qetñini mi nanğunı mienğö silenñine ohogetka kinök. ¹³Nanğunı 12 mi likeplikep eu emu kewö kinget: Wehön kotkotñe karöbut, gegenje karöbut, Not likepñe karöbut aka Saut likepñe karöbut. ¹⁴Siti kiripo mi jamönñin tandö welipñinambuk 12 mienğö qakñine megetka kinök. Lama moröñanğö aposolurupñi 12 yanğö qetñini 12 mi tandö 12 mianğöreñ ohogetka kinök.

¹⁵††Suet garata nömbuk keu jiyöhi, yanñon siti, mianğö kiriponı aka nanğunı 12 mienğö dopñini dop ala mötmamğöra jöjöröba dop alalgö goul öröpñi (rula mesa) memba kinök. ¹⁶Siti mi areñğöba megetka wanğömñi 4 ahök. Likeplikep eu emu köröpñi mi öröröh. Köröpñi mohot mohot mi goul öröpñi mianñon dop ala 2400 kilomita mianğö dop ahöı miwikñaiyök. †† Andipñi mi mewöyök öröröh ahöyök. ¹⁷Suet garatanöh mewöyök siti kiriponı mi gölme azıgö dop-nöh dop ala 60 mita ahöı miwikñaiyök.

¹⁸†††Siti kiriponı mi jamönñin ölnambuk qetñi jaspö mianñon memenja. Siti nanñak mi goul töhöñöhök megetka asakmararañan mönöh kirin tuatñanğö dop asakasakñambuk asariyök. ¹⁹Siti kiriponanğö tandönı mi jamönñin söñğöreñini öngöñğöñi könanı könanı mianñon meñölöm enğigetka aködamunñinambuk kewö aketka enğehal: Tandö mutukñi mi jamönñin ölnambuk qetñi jaspö mundanı injanı tandöktandök. Tandö yahötñi mi jamönñin asonı qetñi safaiö, karöbutñi mi jamönñin töñğöntöñğön qetñi ageit. Tandö 4:ñi mi jamönñin görökñi qetñi emerald.

²⁰Tandö 5:ñi mi jamönñin pisikpisik qetñi sardoniks. Tandö 6:ñi mi jamönñin pisikñi qetñi karnilian, 7:ñi mi jamönñin qetñi krisolait (qortz), mundanı goul kirin ewö. Tandönı 8:ñi mi jamönñin asonason qetñi beril, 9:ñi mi jamönñin gohotñi qetñi topaz. Tandö 10:ñi mi jamönñin qetñi kalsedoni (krisopreis) mundanı kaukau, 11:ñi mi jamönñin gohotgohot qetñi jeısint (turqois). Tandö 12:ñi mi jamönñin pisikñi gugakgugak qetñi ametist. ²¹Siti kiripo nanğunı 12 mi sorom kötnı welipñinambuk 12 mianñon memenja. Nanğunı mohot mohot mi sorom kötnı mohot mohot mianñon urasiba memenja. Sitenöh köna ahözawi, mi goul töhöñöhök megetka kirin tuatñi ewö asariyök.

²²Siti pakpak yanğön Kembu Anutu kukösum pakpakö Tonı aka Lama morönı törörök etkeka urunñini lök melenđa waikñiri memba möpöseımakze. Mianğöra jöwöwöl jike (tempöl) kungöra qahö osımakze. Mi qahö ehal.

††† 21.12 Eze 48.30-35 § 21.15 Eze 40.3 †† Kambu 12 mohot mohot mienğöra 200 kilomita. ††† 21.18 Ais 54.11-12

²³ †Anutugö asakmararanan siti mem asarim engiiga Lama moröñan kiwanjini akza. Miangöra wehön köinj asarimahotköra qahö osimakze. ²⁴ ††Yañön kiwanjini aiga kantriñi kantriñi yeñön mönö yangö asakñe anda kaba malme. Gölmegö kiñ kembuñi kembuñi yeñön buñanini aködamunñinambuk mi enguangita siti miangöreñ alme. ²⁵ †Siti söñaupñi qahö, miangöra kiripo nanñuñi mi nalö kunöñ qahö kölmemö, sundan dop tala kinme.

²⁶ Kantriñi kantriñi yeñön uruñini melenña aködamunñinangö buñaninangöra aiweliköba qetbuñaninambuk aka malgeri, mi mönö enguangita siti miangöreñ alme. ²⁷ ††Ambazip qetñini malmal köhöikñangö qet areñ papianöñ ohogetka ahözawi, yeñönök mönö siti miangöreñ öñgöme. Lama moröñan qet areñ papia mi galöm kölakza. Kunñan uruñi tölohozawi me angjöörak imbilonñambuk aka munenñ keu jimakzawi, yañön mönö miangöreñ öñgömamgö osima. Mewö.

Malmal köhöikñangö o töwatñi ehal.

22 ††Miangö andöñe Suep garata mianñön malmal köhöikñangö o jeñi kondel niñgiiga Anutu aka Lama moröñi yetkö jakömbuak dumnöhök uzumgöba kaba o töwatñi ahök. Miangö onji mi kirin jöhanñi jöhanñi kölköl-bilikbilikñinambuk melenña asarimakzei, mönö miangö dop tuat lalamñi ahök. ² ††O töwatñi mianñön sitigö köna namñi bohonñe eta bibiñi mötöteiba kutuba kayök. O töwatñangö görañe like-like miangöreñ malmal köhöikñangö ipñi mi kinök. Ip miangö ölnan mönö (yara) yambu dop sömañi 12, mi köinj mohot mohotkö dop söhöba asuhumakze. Ip miangö sinñan mönö ambazip kantri dop ölöwakñegöra aka kinje.

³ †††Kunñan kun qahö toroqeba alanji saitköba qe-suahöma. Anutu aka Lama moröñi yetkö jakömbuak dumñiran mönö siti miangöreñ ahöiga Lama moröñangö nup meme ambazipurupñan welen qem wangim�akze. ⁴ Welen qem wangiba jemesoholñi eka Anutugö qetñi mesoholñine kösöba mekötahögetka ahöma.

⁵ †Miri qahö toroqeba söñauma. Kembu Anutunöñ mem asarim engim�akzawangöra kiwa asakñangöra me wehön asakñangöra qahö osime. Mewö oyaenñkoy-aenñ mala nalö dop teteköñi qahö kiñ kembu ewö galömkölköl nup memba mal öñgöme.

⁶ Mi ekiga Suep garatanöñ nöñgöra kewö jiyök, “Buña keu mötzani, mianñön mönö öl töhöññi uruyahötñi qahö akza. Kembu Anutunöñ kezapqetok ambazip sölölohöm engim�akzawi, yañön mönö Suep garatanji ni melaim niñgiiga asuhum gihiba malal. Yuai pakpak zilañ asuhumeangö dop akzawi, mötnariñ ambazipurupñan mi mötmegöra mi asuhuba kondel gihial.” Mewö.

† 21.23 Ais 60.19-20 †† 21.24 Ais 60.3 † 21.25 Ais 60.11
 †† 21.27 Ais 52.1; Eze 44.9 †† 22.1 Eze 47.1; Zek 14.8 †††
 22.2 Jen 2.9; Eze 47.12 ††† 22.3 Zek 14.11 § 22.5 Ais 60.19; Dan 7.18

Jisösnöñ kunbuk lilingöba kama.

⁷ Jisösnöñ jiza, “Mötket, nöñön mönö zilañ lilingöba kamam. Tosatñan buk kiangö kezapqetok keuñi buña qeba qekötahömakzei, yeñön mönö simbawonñ akze.”

⁸ Jon nöñön Buña keu ki möta jeni melenñiga imutñi ehal. Mi möta ek teköba Suep garatanöñ imut ki kondel niñgiyöhi, nöñön yangö waikñi memba möpöseimamgö möta gölmenöñ eta könañe simin kölal. ⁹ Simin kölalmö, nöñgöra kewö jiyök, “Aek! Mewö kude aknöñ. Nöñön gi aka kezapqetok alaurupki aka ambazip buk kiangö Buña keuñi buña qeba qekötahömakzei, mönö körek engö qöhöröñine kinda mohotñe Anutu welen qem wangim�akzin. Nia qahöpmö, mönö Anutu waikñi memba möpöseimakñan.”

¹⁰ Mewö jiba nöñgöra kewö jiyök, “Nalö töriza. Miangöra buk kiangö kezapqetok keuñan tölapñe ahöba-püköra mi papianöñ ohomanmö, mi mönö muñgem supapnöñ (sil) kude qekötahöman. ¹¹ ††Bölöñi memakzawañön mönö toroqeba mewö memba böliqölima. Tölohoba maljawañön mönö toroqeba tölohoba angjöörakñambuk aka malma. Ahakmeme diñdiñi ahakzawañön mönö toroqeba diñdiñanök aka memba malma. Sarakñi ahakzawañön mönö toroqeba sarakñi kötökñi aka malma.” Suep garatanöñ mewö jiyök.

¹² †††Jisösnöñ jiza, “Mötket, nöñön mönö zilañ lilingöba kamam. Kamami, miangöreñ mönö töwanjini memba kamam. Ahakmemenñini aka memba malgeri, mönö mi kewöta miangö dop töwanjini mohot mohot al engimam.

¹³ †††Nöñön könakönahine mutukñi mala (yuai pakpak miwikñaiba könañgep jibi qahöwahiga) teteköñe qöndökña mal öñgöba malmam. Miangö dop nöñön A aka Z, kulem namñi mutukñi aka teteköñi akzal.

¹⁴ †††Nöñön ambazip malukuñini galöm kölakzei, yeñgöra kiripo nanñuñi öröbiga ölopñi uruñe öñgögetka qahö angön kölni engibiga malmal köhöikñangö ip ölni neme. Miangöra opo malukuñini galöm köla sanñonmakzei, ambazip mienñön mönö simbawonñ aka oyaenñkoy-aenñ akze.

¹⁵ “Yeñön oyaenñkoy-aenñ akñemö, tosatanji yeñgöra nanñu kölni jöhöbiga yaigep malmei, mi ambazip kewöñi: Kiam ewö kaisero aka qarösongo amötqeqe ahakze. Serowilin aka ambazip enguget kömumakze. Tandö lopionñ waikñini memba möpöseimakze aka isimkakalekö sihimñi möta mi ahakze. Ambazip mewöñi pakpak mi mönö kiripo yaigepñe (luhutñe) malme.

¹⁶ †††Jisös nöñön garatani melaibiga liliköba urumelenñ könañesö engöra kezapqetok keu ki nanñgöba jiiga mötme. Nöñön kiñ Deiwidkö bömönjalöñi aka undumñi akzal. Nöñön söñangö undiñi asakmararanñambuk aka asarimakzal.” Jisösnöñ mewö jiyök.

§† 22.11 Dan 12.10 §†† 22.12 Ais 40.10; 62.11; Sum 28.4; Jer 17.10 §† 22.13 Ind 1.8, 17; 2.8; Ais 44.6; 48.12 §†† 22.14 Jen 2.9; 3.22 §† 22.16 Ais 11.1, 10

¹⁷ †Uña Töröñi aka ambi buña yetkôn kewö jimakz-hot, “Jisös, gi mönö kanöñ.” Mewö jiyohotka mötmei, iñini mönö mewöñanök kewö jime, “Jisös, gi mönö kanöñ.”

Kunñan ogöra mötzawi, yañön mönö kama. Kunñan malmal köhöikñangö ogöra sihimñi mötzawi, yañön mönö kaba mi kalema möt añgön kölma. Mewö.

Galöm meme aka jöjöpäñ keu teteköñi

¹⁸ ††Nöñön buk kiangö kezapqetok keuñi mötmei, körek engöra galöm meme keu kewö jizal: Kunñan kezapqetok keu kiambuk keu kun toroqeba jimawi, lömböt kanjamñinambuk asuhumapkö keuñi buk ki-

† 22.17 Ais 55.1 †† 22.18 Dut 4.2; 12.32

añgöreñ ohoyali, Anutunöñ mi mönö yañgö qakñe ali öñgöme. ¹⁹ Kunñan buk kiangö kezapqetok keuñi mi-añgöreñök keu kun qekömawi, Anutunöñ mönö i añgön kölga malmal köhöikñangö ip öñi qahö namba siti töröñe qahö öñgöma. Miangö keuñi Anutunöñ jöhöiga buk kiangöreñ ohoyalmö, keu mianñön mönö yañgöreñ öñjambuk qahö akña.

²⁰ Buña keu ki nañgöba jizawañön kewö jiza, “Keu mi öñña. Nöñön mönö zilañ lilingöba kamam.”

Mewö jiiga nöñön kewö jizal, “Keu mi öñña. O Kambu Jisös, gi mönö kanöñ.”

²¹ Kambu Jisösgö kalem möriamñan mönö körek embuk ahöma. Keu mi öñña.